





北京大學《儒藏》編纂中心

#### 圖書在版編目(CIP)數據

儒藏. 精華編. 一百九十九/北京大學《儒藏》編纂中心編. 一北京:北京大學出版 社,2009.6

ISBN 978-7-301-11917-4

I. 儒… Ⅱ. 北… Ⅲ. 儒家 N. B222

中國版本圖書館 CIP 數據核字(2007)第 024129 號

書 名: 儒藏(精華編一百九十九)

著作責任者:北京大學《儒藏》編纂中心

責任編輯: 肖瀟雨

標準書號: ISBN 978-7-301-11917-4/B • 0603

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163. com

電 話: 郵購部 62752015 發行部 62750672 編輯部 62765691

出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 65.5 印張 635 千字 2009 年 6 月第 1 版 2009 年 6 月第 1 次印刷

定 價: 500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

教育部哲學社會科學研究重大課題攻關項目

北京 大學「九八五工程」重點項目國家 社會科學基金重大項目 一十一五」國家重點圖書出版規劃項目・重大工程出版規劃

# 《儒藏》精華編第一九九册

首席總編纂 季美林

項目首席專家 湯一介

湯一介 龐 樸

總

編

纂

本

册

主

編

鄧球柏

孫欽善 安平秋

(按年齡排序)

## 《儒藏》精華編凡例

一、中國傳統文化以儒家思想爲中心。《儒藏》

則的典籍的叢編。收書時限自先秦至清代結束。

爲儒

家經典和

反映儒家思想、體現儒家經世做人原

二、《儒藏》精華編爲《儒藏》的一部分,選收《儒

藏

》中的

精要書籍

寫者一 互見。 漢文寫作的儒學著作,編爲海外文獻部類 已收入入選的個人叢書或全集者,僅存目録,並注 分類法分類,大類、小類基本參照《中國叢書綜録 土文獻。 中國古籍善本書目》,於個別處略作調整。 三、《儒藏》精華編所收書籍,包括傳世文獻 律收其釋文文本。 出土文獻單列爲一 傳世文獻按《四庫全書總目》經史子集四部 韓國、日本、越南儒學者用 個部類,原件以古文字書 凡單書 和 》和 明 出

編,不改編,保持原書的完整性和獨立性。四、所收書籍的篇目卷次,一仍底本原貌,不選

勘價值的版本爲校本。出校堅持少而精,以校正誤確定内容完足、精確率高的版本爲底本,精選有校五、對人選書籍進行簡要校勘。以對校爲主,

爲主,酌校異同。校記力求規範、精煉。

例,進行規範化標點。 專名號除書名號用角號(《

六、根據現行標點符號用法,結合古籍

標

點

通

外,其他一律省略。

落。正文原已分段者,不作改動。千字以内的短文七、對較長的篇章,根據文字内容,適當劃分段

一般不分段。

出現順序前詳後略。 及其他有關情況。重複出現的作者,其生平事蹟按及整理時所確定的底本、校本(舉全稱後括注簡稱)及整理時所確定的底本、校本(舉全稱後括注簡稱)以整理時所確定的底本、校本(舉全稱後括注簡稱)

九、本書用繁體漢字豎排,小注一律排爲單行。

鳴

謝

本焕法師

《儒藏》精華編惠蒙善助,共襄斯文; 謹列如左,用伸謝忱。

壹佰萬元

北京大學《儒藏》編纂中心

本册責任編委本 册 審 稿 人

李暢然

陳新

何英芳

## 《儒藏》精華編第一九九册

子 部 雜學類

雜考之屬

十駕齋養新録〔清〕錢大昕

455 1

## 困學紀聞

〔南宋〕王應麟 撰

目録	樂 一四〇	大戴禮記 一三七		儀禮 一一五	图學紀聞卷之五 一一五	周禮 九三 一	图學紀聞卷之四 九三	詩 六四	困學紀聞卷之三 六四		困學紀聞卷之二 二八	易	困學紀聞卷之一	題辭	校點説明		<b>録</b>	
	諸子 二四六	地理 二三九	困學紀聞卷之十 ······· 二三九	曆數 二三二	天道 二二五	<b>困學紀聞卷之九</b> 二二五	經説 二一九	小學 二一一	孟子 二〇二	图學紀聞卷之八 二〇二		論語 一八七	穀梁 一八五	公羊 一八二	困學紀聞卷之七 一八二	左氏 一 五八	春秋 一 一 四 六	<b>困學紀聞卷之六 一四六</b>

兩漢崇儒攷 三七三	歷代漕運攷一"六七	歷代田制攷 三六二	漢河渠攷 三五六	攷史 三五六	<b>困學紀聞卷之十六</b> 三五六	攷史 三四二	困學紀聞卷之十五 二四二	攷史 三二七	困學紀聞卷之十四 三二七	攷史 三一○	困學紀聞卷之十三 ⋯⋯⋯⋯⋯⋯⋯ 三一○	攷史 二九六	困學紀聞卷之十二 二九六	史記正誤 二七七	攷史 二七三	困學紀聞卷之十一 二七三	莊子逸篇 二五八	困學紀聞
										雜識 四二二	<b>困學紀聞卷之二十 四</b> 二二	評文 四一〇	困學紀聞卷之十九 四一○	評詩 三八八	困學紀聞卷之十八 ······ 三八八		困學紀聞卷之十七 三七七	

#### 明

學紀聞》尤爲突出。 就,名重於後 、容齋隨筆》、王應麟《困學紀聞》,各以其卓越 宋代三大筆記 世。 然就其學術成果而言,王氏《困 書,即沈括《夢溪筆 談》、洪 成 邁

作佐郎、禮 中博學宏詞科。 淳祐元年(一二四一)進士,寶祐四年(一二五六) 齊,一號深寧居士。慶元鄞縣(今浙江寧波)人。 書兼給事中。 王應麟(一二二三—一二九六),字伯厚,號厚 部郎官、中書舍人等朝官,累遷至禮部 在理宗、度宗、恭宗三朝、曾任著

珍貴的案頭資料。

直聲之美名。 懷對故朝故國的誠愛、對理想政治的憧憬、融化於 鄉,潛心於學術。 王應麟居官期間,敢於針砭時弊,建言直諫,有 後見權臣阻斥,無可建樹,遂醉官 入元後,足不出户,幾三十年,把滿 回

校

點

説

明

尚

卷。 序),凡屬學人當知當明的方方面面,均有所發明, 二卷,考史六卷,評詩文三卷,雜識一卷,共二十 《深寧集》、《通鑑地理考》、《小學紺珠》、《玉海》、《周 真知洞見,成爲研討文史者必讀之書,是學子極 有所創见。其文醉簡約而道理融 名物之原委,以至宗工巨儒之詩文議論」(牟應 考辨、鑑定與評介。凡説經八卷,天文、地理、諸子 獻典籍、學術淵源、文化現象諸方面,進行了整理、 易鄭康成注》、《尚書鄭注》、《古文論語》等二十多種。 是在這個 傳統學術的考證與評論中。《困學紀聞》等著作,就 内容廣博、「九經旨趣、歷代史傳之事要、制度 困學紀聞》採用筆記形式,分類編排,針對文 時 期完成的。 王應麟的著述很多,還有 通,探奥窮源 爲 而

時所讀之書,今多有失傳者, 其著述有較高的理論價值。 其事覈,於两宋取其理勝,採衆家之長成一家之言, 今無其他文字留存,故頗具文獻史料價值。 王應麟治學不主一説,不名一家。於漢、唐 又因其博學治 當 時 所稱述之人, 聞。當 取

化,也是一部當知當讀的書。 行研究與考據工作。 家學者,每每利用 治 學 者 特特 别 是 清 該 末 書的原始資料與考證成果, 民 當然,對於今人研究傳統 初 以 來 從 事古籍 整理 的 文 進 專

注》。 稱二箋本, 者有: 五 再加上萬希槐,共有七家箋釋,世稱七箋本。 大昕四家及三箋本原採 听手評校本内容,並援經傳著明其義,編爲《集證合 視,多有箋注,屢有刊印,流布甚廣。 刻,如正統間刊本、萬曆三十一年(一六〇三)刊本 序本,以及傅增湘所藏無序跋元刻本。 治二年(一三二二)序本、袁桷泰定二年(一三二五) 二年(一八〇七)萬希槐既鈔撮三箋本,復輯入錢 二氏的注評,重加考訂箋釋,世稱三箋本。 年(一八二五),翁元圻採輯以上諸家之說,復爲詳 到了清代,由於樸學中與,諸儒對該書十分重 因《集證合注》包括了閻若璩、何焯、全祖望、錢 困學紀聞》在元代當有刻本,現知有牟應龍至 間若璩箋本; 乾隆七年(一七四二)全祖望對閻、何 何焯增補閣注並加評語,世 録 的程瑶 田、屠繼緒二家, 其中影響較大 明代亦有刊 嘉慶十 道光 大

析案斷,使王氏著作的校釋整理更加詳備。

\_

本《田學紀聞》爲底本,該本係上海涵芬樓影印傳氏本《田學紀聞》爲底本,該本係上海涵芬樓影印傳氏本《田學紀聞》爲底本,該本係上海涵芬樓影印傳氏本《田學紀聞》爲底本,該本係上海涵芬樓影印傳氏本《田學紀聞》爲

引號 習慣上略稱某書的,加書名號, 和 等方式形成的 即雖均屬引録文字,凡綴以「曰」、「云」的,一律加 其 「傳」、「疏」等,往往難以判定,則 的語勢和作用,决定加否。其二,對於以箋釋 前人的習慣予以处 一,引號的 本書在具體校點工作中,有二點需加 對於不加「日」、「云」的,則視其 使用,根據原作行文特色予以 加工整理著作、當略稱 理,即 當作 名詞 反之,則不加。 根 據 使用,且 稱引的 時,如「注」、 在行 以説明。 處 文 前 詞 注 理, 中

校點者 孫通海

得,述爲《紀聞》。深寧叟識。● 不分。困而學之,庶自別于下民。開卷有

幼承義方,晚遇艱屯。炳燭之明,用志

此載原目録之首,今移録於此。

### 困學紀聞卷之一

王應麟 伯厚甫

浚儀

易

憂患而求安平者,其惟危懼乎! 故乾以惕 危者使平,易者使傾,《易》之道也。 處

无咎,震以恐致福

誠 則爲巧言。《易》以辭爲重。《上繫》終於默 而成之,養其誠也。 不誠也。 修辭立其誠」,修其内則爲誠,修其外 辭非止言語,今之「文」古所謂 《下繋》終於六辭,驗其

履霜」戒於未然,「月幾望」戒於將然。

《易》貴未然之防,至於幾則危矣。

也。 全身以待時,杜襲 潛龍」以不見成德,管寧所以箴邴原 所 以 戒 繁 欽也。

《易》曰: 「括囊,无咎无譽。」

也不固,則春夏之長草木也不茂。」見《韓非 貞者元之本。周公曰: 「冬日之閉凍

解老》。可以發明「貞固」之説

之戒。 義。 坤初六,姤也,「履霜堅冰至」,即女壯 乾初九,復也,「潛龍勿用」,即閉關之

夕 因夜以息,唯有道者能行之。」以陰陽言日 動也。『夕惕若厲』,以陰息也。因日以動, 乾乾,夕惕若厲,无咎」。 「終日乾乾」,以陽 勿用』者,言時之不可以行也,故『君子終日 《易》説所未及。 《淮南·人間訓》云: 「《易》曰『潛龍

蔡澤謂: 「《易》曰『亢龍有悔』,此言

龍乎! 出 不能反,故《易》曰『有悔』。 印,非苟知之。賈誼《書》云: 也。」亦善言《易》矣。 上 m ,故《易》曰「勿用」。 不能下,信 而 不能 記論,往 澤相 龍之神也,其惟 潛龍人 秦數月而 而 「亢龍 不能自反者 而 不 往 歸 畫 能 而 相

語本此。《越絶》引《易》進退存亡之言曰:「進之義,存有亡之幾,得有喪之理。」陸宣有退之義,存有亡之幾,得有喪之理。」陸宣

海。」愚謂此説爲長。 一方之,是不言之説曰:「柔居尊位,若成、四人。」 一次。一方之説曰:「柔居尊位,若成、明之主,周、霍之臣也。百官總己,專斷萬昭之主,周、霍之臣也。百官總己,專斷萬明之,,是之說曰:「柔居尊位,若成、明之於五,程子以爲羿、莽、媧、武,非

古者君臣之際,分嚴而情通。上天下也, 疋夫亡秦,五胡覆晋,郡縣之失也。地並立。 一旅復夏,共和存周,封建之效

天下無邦。 不嚴則爲未濟之三陽失位,不通則爲否之澤履,其分嚴也。山上有澤咸,其情通也。

于金柅」,一柔方進而止之也。「繋于苞桑」,三柔在下而戒之也。「繋

比之剛中,五也,占而從之曰「原筮」。蒙之剛中,二也,占而求之曰「初筮」。

信君子者,治之原,《隨》之九五曰:童觀」遠於五之剛則吝,見之小也。

童蒙」應於二之剛則吉,養之早也。

乾、坤之次屯曰:

「建侯。」封建與天

五曰:「孚于剥,有厲。」「孚于嘉,吉。」信小人者,亂之機,《兑》之九

三子亦姑謀樂」,鳴豫者歟?也。「未知獲戾于上下」,鳴謙者歟?「二也。「未知獲戾于上下」,鳴謙者歟?「二

而屢失,故頻巽。故頻復。巽之九三,剛而不中,勉爲初之柔復之六三,柔而不中,勉爲初之剛而屢失,復之六三,柔而不中,勉爲初之剛而屢失,

戒其將盈,陰盈則陽消矣。四,月幾望則无咎,陰從陽也。曰「幾」者,姓,五,月幾望則吉,陰應陽也。中孚六妹,五,月幾望則吉,陰應陽也。中孚六妹,五,月幾望則凶,陰亢陽也。歸

攸利」。

[1]。謹於出門之初,則不苟同,不詭隨。《同人》之初曰「出門」,《隨》之初曰「出

冥於升而勉其不息,回進善之機也。 冥於豫而勉其有渝,開遷善之門

也。

群」,退小人之僞朋也。泰言朋,否言群。「大蹇朋來」,進君子之真朋也。「涣其

子之志行而小人之心服,故《豫》「勿疑朋盍衆賢盛而君子安,故《解》「朋至斯孚」。君君子進而衆賢聚,故《復》「朋來无咎」。

吉」。「盜言孔甘,亂是用餤」,故「甘臨,无「謹乃儉德,●惟懷永圖」,故「甘節,「已亢」者,陰之極爲陽也。畜極則通,過極則亢。於「既雨」者,陽之極爲陰也;《小過》終於於「既雨」者,陽之極爲陰也;《小過》終於

而受之,萬鍾於我何加焉」,故曰:「自求「舍車而徒,義弗乘也。」「萬鍾則不辨禮義「不義而富且貴,於我如浮雲」,故曰:

❶ 「謹」,避宋孝宗諱,《尚書・大禹謨》原文作「慎」。

實 觀其自養也。」

《剥》之終日: 秦而賤也。 剥。 也。 召 平、董公、四皓、魯兩生之流,士不以 萬 石君之家,俗不以 伏生、浮丘伯之徒,經不以 「碩果不食。」陽非陰之所 秦 而 壞 秦 也。 而

柄臣揃 其國。」狄患攘而民怨結,宗藩弱 而魏蹙,大峴度而燕危,故曰: 思患而豫防之。」 下陽舉而號亡,虎牢城而鄭懼,西 而官寺恣,寇叛平而方鎮彊,故曰: 「設險以守 而戚黨顓 河失

朋 亡」,所以保泰。 復》曰「朋來」,所以致泰, ^ 泰 Ś 日

晦 後而言晦朔,終而 陽大陰小而言陰陽,闔而闢也, 始 也 朔先

萬物之象無非《易》也。 爾雅》「小罍謂之坎」、「大琴謂之離」,

《易》之終始皆陽也,始于乾之初九,終

處,扶 虚 然則無與於人事歟? 于未濟之上九。 《易》於蠱,終則有始, 於復,反復其道: 陽抑陰,盡人事 以回 日 皆 「聖人以 日「天 天運,而 於 剥 行

天自

也

天

在

消

息

盈

有恒。」 《家人》之《象》曰: 言行可以欺於人,而不可以欺於家,故 「君子以言有物,而行

我矣。」

也; 復之所謂仁也。 復之初,即乾之元,碩果不食則生矣, 在冬爲幹,歸根也,終而復始。 乾爲木果,在春爲

利貞,不言利不貞, 謀。」朱子謂: 張子曰: 言利禦寇,不言利爲寇也。 聖人作《易》示人以吉凶,言 「《易》爲君子謀,不爲小人 言貞吉, 不言不貞

即 具 行之謹,閑 此 聞 理。 之前修曰: 乾九二言龍德 邪 存 其誠。坤六二言敬以 「中庸 正 誠 中,庸言之信, 敬,自有乾坤

心。有不善未嘗不知,自知之明也。「復以自知」,必自知,然後見天地之

直内。」

俟命,命可制而法不可變。●致命遂志,命可致而志不可奪。行法

天之衢,亨。」
「下學而上達」,故《大畜》上九:「何

止奄寺之惡,不知「昏椓靡共」之戒也。經匡衡以《詩》相漢,能陳《關雎》之義,而不能能防戚官之萌,不知「繫于金柅」之戒也。魏相以《易》相漢,能上陰陽之奏,而不

質桓公七年始霸,十四年陳完奔齊,亡齊者 五陽之盛而一陰生,是以聖人謹於微。 術

雖

明,奚益焉?

有戰。」 位,而武氏已生於前二年。 勿用之時,必知有亢, 張芸叟曰: 二年,女真來貢,而宣和之禍乃作於女真。 政君已在太子宫。 已至矣。漢宣帝甘露三年,匈 「《易》者極深而研幾。 唐太宗以 當履霜之時,必知 我 奴 武 藝祖受命之 來 德 朝, 當潛 丙 戌 而 而 王

讓」曰家,家可以不正乎?《易》言「積善」曰家,《大學》言「興仁興

爰,雉離于羅。」《易》曰:「田獲三狐,得黄矢。」世之亂也,也之亂也,世之亂也,世之亂也,世之亂也,

火爲鼎,上止下動爲頤,頤中有物爲噬嗑,《易》者,象也。木上有水爲井,以木巽

●「制」,嘉慶本、道光本作「俟」。

嗣忘象之説,蒙莊緒餘爾。 小過有飛鳥之象焉。餘卦可以類求。王輔

《左傳》疏引《易》云:「伏羲作十言之教,曰:『乾、坤、震、巽、坎、離、艮、兑、消、息。』」朱子發以爲鄭康成之語。愚謂「正其本而萬物理,失之毫氂,差以千里」見於《易本而萬物理,失之毫氂,差以千里」見於《易

《晋》「錫馬蕃庶」,讀爲「藩遮」,謂蕃遮,禽 也; 如「包蒙」,謂「包」當作「彪」,文也, 困》「劓刖」,當爲「倪伔」; 枯楊生荑」,謂「枯」音「姑」,无姑,山榆, 豶豕之牙」,謂「牙」讀爲「互」, 包荒」,謂「荒」讀爲「康」,虚也 、康成《詩》箋多改字,其注《易》亦 解》「百果草木皆甲宅」,「皆」讀 謂 「坼」,呼皮曰 甲,根曰 《萃》「一握爲 , 《大畜 《大過》 宅, 泰》 然。 如

傳、釋文》及正義間見之。

博、「韓」當爲「幹」。其説多鑿。鄭學今亡

之至賾」、「賾」當爲「動」,《説卦》「爲乾
辭》「道濟天下」、「道」當作「導」,「言天下
辭」、「握」讀爲「夫三爲屋」之「屋」,《繫

日: 《周禮》八議之刑。索,空也,空設之。 此足以證孔、馬之説 巽爲股,離爲目,兑爲口,坎爲耳,艮爲手。」 以應八卦 融以爲八卦,杜預但云「古書名」,蓋孔 義也。」而賈逵以爲八王之法,張平子 書 序》猶未行也。愚按: 「平八索以成人。」韋昭注: 《書序》:「八卦之説,謂之八索,求 也。 謂 乾爲首,坤爲 《國 腹,震 語》 「謂八體 爲足, 史伯 唯馬 安國 以 其

公所作之辭,繫于卦爻之下者。《上繫》、孔子作十翼。」朱子謂:《繫辭》本文王、周、易》正義云:「伏犧制卦,文王繫辭,

帝乙歸妹、高宗伐鬼方、箕子之明夷、商事也。」朱子發云:「革存乎湯、武,明夷也。密雲不雨、自我西郊、王用亨于岐山,也。密雲不雨、自我西郊、王用亨于岐山,不其人」。」朱文公謂: 疑皆帝乙、高宗、箕子之明夷,商事中文王、箕子,復存乎顏氏之子,故曰『存乎文王、箕子,復存乎顏氏之子,故曰『存乎文王、箕子,復存乎顏氏之子,皆舉商、周。

易》、《洪範》道統在焉,用晦所以明道也。《明夷》之《彖》曰「文王」、「箕子」者,

象數相爲經緯,皆演於商之季世。

詳所據。 藏》四千三百言。」《夏易》詳而《殷易》簡,未桓譚《新論》云:「《連山》八萬言,《歸

乎?」《呂氏春秋》: 貴色不純也。曰:「夫白而白,黑而黑,夫賁又何好曰:「夫賁亦好矣,何謂不吉乎?」孔子曰:「夫賁亦好矣,孔子曰:「不吉。」子貢

求求之; 道消,嘉祐是也; 所謂異乎人之求也。君子之於君也,以不 有憂,則將圖之,無不至矣。」愚謂: 志同,如泰之時,然後小人之道 人,不曰小人道消,而曰道憂。蓋上下交而 五君子臨一小人,徒能使之憂而已。 苕谿劉氏云: 井之九三,荆公解云: 其於民也,以不 小人道憂,元祐是也。 「夬以五君子決 取取之; 「求王明,孔子 不行。 一小 其

之。 天也,以 意精妙,諸儒所不及。 井之道無求也,以不求求之而已。」文 不禱 禱 之 其 於命也 以 不 知 知

非。 復 端,所以見天地之心。」與「寂然至无」之説 六四是也。」 復,初九是也; 異矣。「冬至陰之復」,蓋如周 冬至陰之復,夏至陽之復。」蘇子美辨其 」,就歸處言之。 愚謂: 先儒云: 王輔嗣以「寂然至无」爲「復」。 陰以退爲復,六二、六三、 荆公曰: 「至静之中,有動 子「利貞誠之 陽 以 又云: 進爲 之

前卦 濟》之『七日得』,皆舉初爻。」 薛氏 而 굸 티 : 也。  $\sim$ 復》之『七日來復』, 《易》以 初爻爲 七日 《震 者,  $\approx$ 舉

故别 用。 用之者何,體 而 葉少藴謂: 論之曰: 凡《易》見於有 「《易》無體。」晁景迂曰: 也,而《易》不以 爲者、皆言 體 對用

於外。

申屠蟠以之。

儉德辟難,朱子謂

收歛其德,不形

體用本乎釋氏。

性其情之語,本此 其情,何能久行其正?」程子《顔子好學》論 利 貞者,性情 也。 王輔 嗣 注

「不性

道消」,非消小人也,化小人爲君子也。」 而不仁者遠。 君子道盛,小人自化,故舜、湯舉皋、伊 玉泉喻氏云: 「《泰》『小人

以有爲; 吉。」亦以「彙」字絶句。 坤 卦放此。」 愚按: 彙,類也,以類相從。 征吉者,征,行也。 義 ※云: 前 《泰》初九「拔茅茹以其彙,征吉」,《本 順,下應於乾,已去則 「郭璞《洞林》讀至『彙』字絶句,下 否之貞吉,絜其身以有待。 E 義 泰之征吉, 曰: 納,故 「以其彙者, 征 引 行 其 則 類

《泰》之三「无往不復」,陽之極也,而否

八

將萌。《否》之四「有命无咎」,陽之復也,而

泰將至。

之人,可不戒哉!是居言路,元祐爲紹聖矣。羸豕之孚,左腹畏居言路,元祐爲紹聖矣。羸豕之孚,左腹一許敬宗在文館,唐爲武氏矣。一楊

善俗,可不謹哉! 题張浚而褒秦檜者。觀民風設教,居賢德廢,風俗壞,則有毀宗澤而譽張邦昌者,有辭,風俗也。清議新以維持風俗也。清議新平以爲恥。清議所以維持風俗也。清議

而异、鎛用,潞定而歸真惑。 齊德衰於召陵,晋志怠於蕭魚, 淮平

闕其摶,不如開明于西。」 《易》曰:「日中則昃。」《玄》曰:「月

「禁於未發之謂豫。」
教小子。《易》曰:「童牛之牿。」《記》曰:
制官刑,則具訓蒙士; 無彝酒,則誥

蘭薰而摧,玉剛而折,是以危行言孫。此白驢靈而焦,雉文而翳,是以衣錦尚絅。

之心,仁之端也」,故觀心於復。 「知止而后有定」,故觀身於艮。「惻隱實素履,所以无咎。

不積。 謂 曰 : 《乾·文言》曰:「寬以居之。」朱子 「止則 心廣而道積。 充拓收飲,當 聚 矣。」吕成 兩 程子《易 進其功 公謂: · 小 心散則道 `畜》傳

言》發之。孟子以「集義」爲本,程子以「居丹書「敬義」之訓,夫子於坤六二《文

成」也。 敬」爲先、張宣公謂「工夫並進、相須而相

人。」郭沖晦云。 限之内也,不可出。人欲,限之外也,不可限之内也,不可出。人欲,限之外也,不可,

止之至也。皆見於《彖》,明一卦之義也。「同人于野」,公之大也,「艮其背」,

已。故《隨》之六二曰:「弗兼與也。」

里克之中立,鄧析之兩可,終於邪

而

衰之兆。故賁受之以剥。 虚美熏心,秦亂之萌, 浮文妨要,晋

廉恥,國之脈也,廉恥泯則國從之。是

《屯》曰: 羽。 以楚 之始,所以正人心,塞亂原也。在《益》之 衰; 利之覆邦可 瓦好 秦賂讒牧,遷爲虜; 「莫益之,或擊之。」 賄,郢 畏哉! 城危; 《大學》之末,七篇 晋盈 漢金間增,垓敗 一求貨, 霸

琯以之。 「翰音登于天」,無實之名也,殷浩、房

方。《太玄》紀日於牛宿,紀氣於中首,而以黄鍾爲律本。北方終陰而始陽,故謂之朔風始於不周,卦氣始於中孚。冬至爲歷元,《連山》首艮,艮萬物之所終始也。八

<sup>●「</sup>下」,原作「上」,據《周易・小畜》卦體改。

《百刻圖》,一歲陰陽升降會於立春,一日陰 北、於《太玄》配罔與冥,所以八純卦中獨冠 坎,重險也。」於物爲龜、爲蛇,於方爲朔、爲 陽昏曉會於艮時。」此説與《易》合。又云: 癸之間。」沙隨 罔冥爲元, 「北方之氣,至陰 萬物成 始 乾 艮之終始萬物也。 甲 程 ,成終坤 而陽生焉。《彖》曰: 氏云: 癸。 「醫家《難 艮東 虞仲翔云: 北 經》爲 是 習 甲、

始 言日,陰生矣則言月,與《易·臨》『至于八 氣之先至者 陽也,秀葽言月,何也? 月 曰「一之日」、「二之日」,何也? 陽生矣 介甫《詩説》云: 於四月,生於五月, 有凶」、《復》『七日來復』同意。 日月爲易,一 也。」李子思云 奇一耦,陰陽之象也。 「彼曰『七月』、『九月』,此 而於四 以言陰生也。 月言陰 復剛長 四月,正 生者, 則 陰 王

少陰生於八,陰之義配月, 陰極於六而少幸其消之遲。」沙隨程氏云:「陽極於九而日云者,幸其至之速, 臨陽消,以月云者,

陽復於七,陽之義配日。」

《履》曰「夬履」、《離》曰「履錯然」、《歸妹》曰 《乾》九四「乾道乃革」者、乾之小畜也。《 有六。 也; 十。朱子發謂: 畜》之中又有離、兑,故曰「革」,是謂天下之 百有六十。 八十有四。 十有四。一爻變與五爻變者,其别各三 至變。張真父謂: 跛 困蒙」、《小畜》曰「復自道」,又曰「牽復」, 能履 《蒙》六五 六爻不變與六爻皆變者,其 卦變六十四,六十 」、《泰》曰「帝乙歸妹」、《臨》曰 三爻變者,其别一千二百 二爻變與 順 《需》「利用恒」者,需之恒 《易》無所不變、《蒙》曰 以巽」者,蒙之觀 四爻變者,其 . 四 [卦變 四 别 别 千 也; 有 各 各 九 小 咸

之象。 臨 履」, 象也,咸之用在兑之説 之變者也。 于剥」、《未濟》曰「震用伐鬼方」,皆有卦 用 文饒謂: .損》曰「弗損益之」,又曰「或益之」,《夬》 壯 噬 黄牛之革」、《鼎》曰「鼎耳革」、《兑》曰「孚 于 有夬象也、夬與履、乾、兑相易之卦 前 咸 小畜以一陽爲復,兑以 趾, 日 《臨》之初二,皆曰「咸 頤 六十有四,相錯而 中 執 又曰 其 有物」、《睽》曰「厥宗 隨 「壯于頄」、《遯》曰「執之 也。 艮  $\Rightarrow$ 履之九 日 不 陰 不相 臨」,有 拯 爲剥 五 亂。 噬 其 日 膚 隨 也。 二夬 變 咸 變 Ē 張

謂 七 至 申 日 日 七日 酉 爲 七分之後爲復; 爲 否 臨所謂 ,其説有三: 謂自五月姤 一云自子 八月,其 本 -義》兼 一謂過 至 説 取遯、觀二 有三: 一陰生,至十一月一 未 謂卦氣 爲 坤 遯 ; 六 一云自丑 起中孚, 位,至復爲 説。 一云自 復所 寅 至

陽生。《本義》取自姤至復之説。

同。 四 故十月薺麥生。 生。」《漢・和帝紀》「有司 陰起,靡草死, 而 月 靡草死; 張文饒 靡草死。」《參同契》: 易》正義云: 曰:「陽雖生於子, 十月 可以决小事」,與《月令》不 陰雖生於午,實兆於已,故 純 陰, 四 二月榆死,八月麥生 月純陽,陰在其中, 陽 奏以 在 其 爲 中, 實兆於亥, 夏 至 而 一則微 薺 麥

程氏、朱文公皆從之。郭京本無「初六」字。帝紀》注,太史丞許芝引《易》傳之言。沙隨不知六履霜,陰始凝也。」見於《魏・文

大人 則 爲 訓 亦不足以爲大人矣。 處 ,若使大人處否而 龜 否而亨之道。」朱 Ш E. 「子見南子,包承者也。 包承 文公謂: 小人以得亨利 非 所 此

競,修己莫若自保。 頤 初 九,  $\pm$ 輔 嗣 守道則 注云 福至,求禄 安 身 莫 則 若 戽

來。」至哉斯言! 可書諸紳。

也。《頤》「慎言語,節飲食」,正義用其語。「病從口入,禍從口出」,傅玄《口銘》

當可云。《艮》六四「艮其身」、《象》以「躬」解之。 能 猶 蒙』則無不善亦未有所失也。」周南仲云 復』者,去其 時 不行 行時止 趾 聖人教人,用『蒙』而不用『復』。 所以 也 9 ,動静不失其時,其道光明。 行,輔所以言。「艮其 「艮其輔」,雖言猶 不善 而 復 於善之謂 不 言 趾,雖 也; 也。 傴 故 行 若 蓋 馮 背

必 陽,女之順夫,本天地之義 乘 京房載湯嫁妹之辭曰: 以禮義。」荀爽《對策》引「帝乙歸妹」,言湯 諸 侯,無以天子之富 「帝乙歸妹」、《子夏傳》謂湯之歸妹 而驕諸 無以天子之尊而 也。 侯。陰之從 往 事 爾夫, 也

所不見。」止於至善也爲躬,見背而不見面。

朱文公詩云:

「反躬艮其背,

止

於

元子也。」虞翻亦云:「紂父。」二説不同,傳》筮遇《泰》之《需》曰:「微子啓,帝乙之銘》亦云:「帝唐降女,天乙歸妹。」若《左以娶禮歸其妹於諸侯也。張説《鄎國公主

正義皆略之。

諸侯 柔。 坤 柔,水得地而流,故 爲土、坎爲 是水土和合,故象先王 釋文》引《子夏傳》云: 水。 水得土 曰『比』。」《周 而 流, 一地 建 周禮》疏 土 萬 得 得 國 水 水 謂 而 親 面

釋文》引鄭注異字,然《内則》注《明

夷》「睇于左股」,猶有所遺。

簪名。」
「明盍簪」,簪,疾也。至侯果始有「冠

家,小足以守其身,謙之謂也。」孔 曰: 前 化。」」今《易》無末一句。然泄 以 「《易》曰: 終,故益。』」今《易》無此言。又泄 「《易》曰: ,而引《易大傳》之言,始非 動天地,可不 『有一道,大足以守天下,中足以 説苑》: 『夫君子居其室云云,君子之所 「不損而益之,故損, 周公戒伯禽曰: 《 慎乎? 天地 也 冶在 動 丽 夫子之 子 萬 冶 自 物 守國 日 損 日 易 變 : 而

後 能 盛 位 人于地。」《説文》引《易》曰: 以善終身、未之有 一、雖高 鹽 鐵論》文學引《易》曰: 必崩。 不盈其道,不恒 也。 是以 初 「小人 地地 登 其德,而 于天, 可觀 處

及《易緯》。者,莫可觀於木。」今《易》無之,疑《易者,莫可觀於木。」今《易》無之,疑《易

日: 《易》曰: 又云: 云:「《易》十一月,『君子以議獄緩死。』」 煦嘘萬物,養其根荄,而猶 滅其頂,凶。」漢儒説《易》,可 甘雨滿我之缶,誠來有我而吉已。」趙温 命令,止四方行者,所以 『后以施令、誥四方。』言君以夏至之日,施 言五月微陰始起,至十一月堅冰至也。]又 堅冰、陰始凝 水冰,陽氣否隔,閉 言十一月、十二月陽氣潛藏,未得 「於《易》,一爲過,再爲涉,三而 後漢魯恭引《易》曰: 「案《易》五月,《姤》用 「『有孚盈缶 也 加 馴致其道,至堅冰 成冬。 終 助微 來有它,吉。」言 盛陰在 「潛 以 故曰: 『履 陰也。」又引 參攷 事,經日 龍 上,地 用 勿 弗改, 事 也。」 用 凍 雖

王肅注《易》十卷,今不傳。其注「噬乾

傳

之反得金矢。君子於味必思其毒,於利必骨在乾肉,脯之象。金矢所以獲野禽,故食胏,得金矢」,曰:「四體離陰卦,骨之象。

備其

、難。」見《太平御覽

古注: 淪一。 同 沚之毛,蘋蘩之菜,可羞於鬼神。] 亦與顔注 鄭康成謂: 漢 「瀹,煮新菜以祭。」蓋以「禴」 王輔嗣 • 郊祀志》引「西隣之禴祭」,顔 굸 禴,夏祭之名。 「禴、祭之薄者 也。 爲 沼 師

寓焉。」云:「《易》於剥、坎、取象簠簋,以精意云:「《易》於剥、坎、取象簠簋,以精意云:「《京氏易》「剥牀以簠」,謂祭器。澹庵

象,爰制禮樂」。 本於《漢書》「上天下澤,春雷奮作。先王觀出地奮,豫」,此《易》之言樂。吕成公之説,出地奮,豫」,此《易》之言禮。「雷

有所不及。《本義》取之,謂程傳欲涣以一天下者也。《本義》取之,謂程傳言,與其群」,蘇明允云:「群者,聖人所

言》歟?
《坊記》曰:「括囊无咎无譽,腐儒之謂也。」《左氏傳》穆姜以「元、亨、利、貞」爲隨也。」《左氏傳》穆姜以「元、亨、利、貞」爲隨也。《方記》曰:「括囊无咎无譽,腐儒之謂

亦天下名言也。《易緯坤鑿度》注云:「虞世南曰:《易緯坤鑿度》注云:「虞世南曰:

六居下卦之下也,「坎坎」六三居重險之「乾乾」、「夬夬」皆九三重剛也,「謙謙」

間也,「蹇蹇」六二陰居陰也。

初

雲、曰泉、曰雨,離曰明、曰電。 八卦之象,又有六焉: 巽曰木,坎曰

火、爲 外 外 髀》云: 則含景。」其説本於《易》之坎、離。 景。」薛士龍詩云: 明。 陰,故爲水、爲月; 曾子《天圓 日。 員 「日猶火,月猶水。 [方遞含施,二景參黃庭。] 愚謂《周 篇》 「嘗聞曾子書,金火 「火日外景,金水 離内陰 火則 外陽,故 外光,水 坎内 中 爲 陽 内

攷 弼 承王 王弼 繁辭 終於魏正始十年。 弼之旨,故引 》正義云: 弼云 「韓氏親受業 以證 韓康伯, 成其 東晋簡 義 於 愚 王

> 之親受業,誤矣。 文帝引爲談客。二人不同時,相去甚遠,謂

善。 之説 明象 舉其 云: 程、邵之説 李泰發亦謂: 證 朱子以爲先見象數,方説 則 「馬、陸得其象數,取之於物, 故李鼎祚 隱。 而不通其理,蓋自輔嗣之學行,而象數 正宗,得之於心。」其説 程子言《易》,謂得其義則象數在 虚 理易差。 然 義理、象數 獨宗康成之學,朱子發 一行明數而不知其義,管輅 愚嘗觀 得 以貫之,乃 顔 理 以荀、王 ,不然事 延之《庭 一爲長。 荀、王 其 兼 爲 無實 中。 取

《易》,故時有不合。 又謂 王 與 人事 氏 之説 馮當可謂: 疏,伊川 近有伊 爲 山 ĬΙ, 專於治亂 廢。 王 然後《易》與世 又不會通 輔 然伊 嗣 而《易》與天道 蔽 ĴΠ 於 往 一卦之體,以 虚 往 無 故通,而 捨 愐 求

六

「判渾全之體,使後學無以致其思,非傳遠五六。晁子止爲《易廣傳》,當可答書曰:觀其全,每求之爻辭離散之間,故其誤十猶

之道。」

惑乎氣,故謂卦氣起中孚。」數,故謂坎、離先天地, 得於六爻之後而數,故謂坎、離先天地, 得於六爻之後而

火、雷、澤」字。 使》以八卦之畫爲古文「天、地、風、山、坎、 大處。」誠齋云:「卦者其名,畫者非卦也。 此伏犧氏初製之字也。」愚按:《易緯乾鑿 此伏犧氏初製之字也。」愚按:《易緯乾鑿 此代犧之《易》,當以圖觀,文王以後始有

至中孚八十八陰、九十二陽。咸至姤凡六氣圖》自復至咸八十八陽、九十二陰,自姤《下繫》十一爻起於《咸》「憧憧往來」。《卦《上繫》七爻起於《中孚》「鳴鶴在陰」,

日七分,中孚至復亦六日七分,陰陽自然之

數也。

解七爻、《下繫》解十一爻、大略類《文言》。《易》之門。《文言》於乾,四致意焉,坤則一後,是解《易》之法。」沙隨曰:「乾、坤,龜山曰:「乾、坤兩卦,聖人釋其義於

學者可以三隅反。」

周與守邦。」 義》作「人」,云:「吕氏從古,蓋所謂非衆明僧紹作『仁』。」今本乃從桓玄,誤矣。《本明僧紹作『仁』。」今本乃從桓玄,誤矣。《本

今則用錢,以三少爲重錢,九也, 三多爲示主人。」對者,主畫地識爻。六爻備,乃以方版寫之。以木。」《特牲》云:「卒筮寫卦,筮者執以用木畫地。《少牢》云:「卦者在左坐,卦用木畫地。《少牢》云:「卦者在左坐,卦

少一多爲坼錢,八也。見《儀禮疏》。 交錢,六也; 兩多一少爲單錢,七也; 兩

《易》者,數之原也。《屯》「十年乃字」,

年。 《需》「三人」、《訟》「三百户」、「三褫」、《師 望」、「巳日乃孚」,皆陰陽氣數之變。 歲」、《旅》「一矢」、《巽》「先庚、後庚三日」、 就」、《震》「七日」,《漸》「二歲」,《豐》「三 歲」、《晋》「三接」、《明夷》「三日不食」、《睽》 日」、「十年」、《頤》「十年」、《坎》「簋貳」、「三 「三錫」、《比》「三驅」、《同人》「三歲」、《蠱》 「三品」、《既濟》「七日」、「三年」、《未濟》「三 「五剛」、《萃》「一握」、《困》「三歲」、《革》「三 ·三人」、「一人」,「十朋」,《益》「十朋」,《夬》 「二女」、「一車」、《解》「三狐」、《損》「二簋」、 「先甲、後甲三日」,《臨》「八月」,《復》「七 其數例總釋于《乾鑿度》。 如一 月幾

妄、革也。唯乾不言所利。

君,蒙以養正作之師。 乾、坤既位,人居其中。 屯以建侯作之

不足以明理。而已。不以篤實爲本,則學不足以成德,文爲學,文明以止而後可以爲文。止者,篤實大畜爲學,實爲文。能止健而後可以

位言。中,用也。朱子謂: 行以造化言,立以卦中,用也。朱子謂: 行以造化言,立以卦《易》立乎其中,體也,《易》行乎其

「城復于隍,其命亂也」,湯伯紀云:薄」,注云:「斯,賤也。」不必改「燍」字。在「燍」。愚按:《後漢・左雄傳》「職斯禄云、「爲斯賤之役。」唐郭京謂:「斯」合云、「爲斯賤之役。」唐郭京謂:「斯」合

卦具四德者七:

乾、坤、屯、隨、臨、无

宗 爲 亂 極 周、召, 熾 如 而 疾 豐,泰之 以安禄山、哥舒翰爲方、虎,非 病 則 亂之『亂 極 也。 以李 愚 林 ·甫、楊 謂 或 唐 命 忠 玄

亂

而

何?

此篇歟? 命篇》「誣鬼神者罪及二世」,《易大傳》豈 誣 神者殃及三世。」愚 漢 • 郊 祀 志 **>** 劉 向引《易大 按 《大戴 傳》 禮 日 • 本 即

故

大明終始」,皆諸儒所未發。

陰 解 翟子玄爲《易》義,注内 集,稱荀爽者,以爲主故也。」其序有荀 文序録》 卦 不詳何人。 京房、馬 》,頗 陽 逸象三十有 説卦釋文》 生異 化 融 列 之義,以 鄭 九家名氏,云: 説 荀悦《漢紀》云: 玄、 0 爽著《易傳》,據爻象承 引荀爽《九家集解》,得 十篇之文解説經 宋衷、虞翻 隋、 唐《志》十 又有張氏、朱 不不 、陸績、姚 「馬 知 卷,唯《 融著《易 意。 何 氏,並 信、 爽 所 釋 由 八

是兖、 而 降於乾曰 於李鼎祚《集解》。 終於坎 豫言《易》者, 雨 離坎 施; 者,乾坤之家而 乾起坎 若 咸 傳 乾升於坤 荷 而 氏 終於 學。」今其 離 日 陰陽之府 [雲行 ,坤起離 説 坤 見

必訟 然則《序卦》亦 物之本,必藏 卦》上經不言乾、坤,下經不言咸者,天地人 篇之策、從韓 王、晁之論 文,謂後人妄有上下經之辯。 凡十四字,晁以 易纂》引孟喜《序卦》 麗 必有所 而成之。 王昭 素謂: 感 沙 ,故受之以 雜以 諸 康 君臣養 隨 道《古易》取此三句 用 伯 《序卦》云「離者,麗 程 經 也 本。」張 氏 師 萬 日 按《 之言歟 民, 朱 : 咸。 文 繋 新 亦訟 饒 咸 陰 仲 辭 吴仁 謂 者 云 陽 丽 日 養 成之。 傑 增 感 萬  $\overline{\ }$ 亦從 也 也 人 物, 行 序 IE.

|夢得《辯易九六論》曰:「董生言本

劉

公曰 詆夢得膚末於學,誤矣。」 畢 中 和 中 畢 和 氏 本 揲 其 法, 師 視 師 疏 之 義 學 爲 本 詳 行。」 柳 子 朱 厚 文

弧 仁傑二家。 IE 傳》爲正,以 王氏、東萊吕氏、 易》, 作 也 經説多依託、《易》爲甚。《子夏傳》, 古易》 戴師 《關子 諸 而 五家: 愈 作 書附 洪 明傳》,阮逸作也, 九江 也 興 著其下,爲《考異釋疑 祖 吕 以 周 微 一行 燔。 仲、 所纂《古子 又 晁 有 以 程 道、 ^ 迥、 麻 睢 夏 衣 張 旲 陽

坤 陰,陰生陽。」愚謂 之義、闔 越絶外傳》范子 而 闢 静 而 動 先陰後陽 日 也 「道 即《 生 氣, 歸 藏》先 氣 生

按 所 下生,何時人?」答云: 會 處 鄭 康 也, 志》 成 有《易贊》,所 齊人號之棘 張 逸問 下  $\sim$ 謂《 生, 齊 贊》云, 無 田 贊》云者,《 氏 常 我 時 人 先 善學者 也 師 愚 棘

體

用三:

^

伏

羲》先天,

體

也

連

「談説之士,會於稷門下。」質》也。 棘下,即稷下也。 劉向《别録

情狀, 日 端,灾祥進退,莫不因兹 星宿, 微,《 有四 地、 文饒言「四易」, 爲 之數,定人倫之理,驗日月之行,尋 通,上下囊括。 卦 鬼易。」此占候之學,決非孔子之言也。 人易,五世、六世 因 日月、星 (易)道 易 一伏犧, 京氏 《易》含萬象。」又引孔子云: 局 運 於六 氣、生死、休咎,不 易》「積算 難 暨 一辰、山 世、二 十四四 于神 究。 推爻考象,配卦世 又 農 異於 所, 川 迄乎 一世爲 爲天易。 法」引 重乎 草 二 十 ,西伯 是 地易、三世、 木、 面 夫子 四 可 兆 蟲 父子, 游魂、 《易》有 矣。 氣。 執 純 魚、 日 應, 故考 五 研 隅。 鳥 分 聖 歸 「《易》 四 魂 四 爠 行 天 加 理 理 天 爲 世 故 之 地 平 窮 玄

山》天易、《歸藏》地易、《周易》人易,用也。

交互,各成一卦,先儒謂之互體。」象。《儀禮》疏云:「二至四、三至五,兩體京氏謂:二至四爲互體,三至五爲約

乾息從子至巳,故逆。」蓋用納甲卦氣之説。會於壬,故不相射。坤消從午至亥,故順。同聲相應,故相薄。坎戊離己,月三十日一故定位。艮、兑同氣相求,故通氣。震、巽故定位。艮、党同氣相求,故通氣。震、巽

其義不同。

震始。」
『祝九、潛龍」、辭也。「勿用」、占也。「初九、潛龍」、辭也。「勿用」、占也。「勿用」、占也。「初九、潛龍」、辭也。「勿用」、占也。

過」、「小過」,取陰陽爲義。 陽爲大,陰爲小,「大畜」、「小畜」、「大

六爻有得有失,唯謙三吉三利,家人一爻

悔亡,五爻皆吉。

注以「浟浟」爲欲利,輔嗣以「逐逐」爲尚實,今《易》作「逐逐」、《子夏傳》作「攸攸」。顔音滌。注: 頤六四爻辭。浟浟,欲利之貌。

北 南矣。」張文饒謂 丽 南 邵子《觀物外篇》曰: 則 治 南而 北  $\wedge$ 則亂, 先 天圖》自 亂 「天地之氣運, **久則復** 泰 歷 北而 而

《 聞 裂 聞 至否 地 有萌 杜 氣 見 鵑 自 録 自 北 ,則以人事知之。 發也。❶ 》載 否 而 歷 邵子之言,曰: 南 隨 陳 而 至 忠 將亂,自 泰, 肅 謂 即 南 南 北 重 「天下將治 圃 之運 南 北。」蓋 輕 北,分 數也 爲

雲皆明《易》。 葉爲名將。 後,天下之萬事無 种明逸以《易》學名,而其後世 天下之人心無 「迂齋講《易》,謂伏犧未作《易》之前 郭逵以 蓋《易》之爲書,兵法盡備,其 非《易》。 非《易》。 將帥顯,而 伏犧既 又《策問》謂: 其 衡 後 至師道,累 作《易》之 兼 山、白

理一也。」愚聞之先君云。

知識欲高明,故效天。操履貴篤實,故

法地。

所以『既濟』也。」養生之說,陰升陽降。者,智水不可不崇,而禮火則卑之。 此卦之 晁景迂述郭敏修之言曰:「所以生生

宗伐 伐荆 年》: 戎。」然則鬼方即鬼 今《易·未濟》曰:「小狐汔濟,濡其尾。」 武 狐涉水,濡其尾。」此言始之易,終之難也。 丁征  $\sim$ 楚」,朱子《集傳》云: 鬼方,三年克之。』蓋謂此。」愚 高 史記》春 「武丁三十五年,周王季伐西落 宗伐鬼 西羌鬼 申 方」,《 -君説 方, 戎 三年乃 與? 秦 後 昭 漢 王,引《易》 「《易》曰 詩 克。」《竹書 • 西 殷武 羌 傳》: E : 一高 紀 鬼

■「發」,嘉慶本、道光本作「聲」。

楚其後也」。可以證《集傳》之説。《楚世家》「陸終生子六人,六曰季連,芈姓,《大戴禮·帝繫篇》「陸終氏娶于鬼方氏」,

雜書。《未濟》「三陽失位」,程子得之成都隱

希聲未知「比之匪人」之訓,踐履與《易》相違。人而捨象數作傳。然翻未知「言有序」之戒,人而捨象數作傳。然翻未知「言有序」之戒,

子和從之。坎在上爲雲,故雲雷屯。坎在下爲雨,故上坎爲雲,下坎爲雨,虞翻之説也,郭

氏之説也,朱文公從之。 雷雨作解。「女子貞不字」,謂許嫁笄而字,耿

『雲漢」之喜,●其説深矣。
動和」,其感至矣。文王「靈臺」之樂,宣王説以誠也。堯之「於變時雍」,孔子之「綏來説以誠也。兑之説无言,

場雄《覈靈賦》曰: 「《大易》之始,河 、一高撰。今按: 楊楫序云: 「元嵩,益州 、一高撰。今按: 楊楫序云: 「元嵩,益州

❶「喜」"嘉慶本、道光本作「憂」。

序龍 馬 ,雅貢龜書。」劉牧謂 河 圖 <u>~</u> 洛

書》,同出于伏犧之世 曾子固爲《徐復傳》云: 「康定中,仁

《易》者,不占。」 之辭,緣飾 宗命講《易》乾、 遇辟卦, 書,未可謂 今攷侍講林瑀上《會元紀》,推帝王即位 不宜備顧問,遂絀之。 仁宗嘉其言。 7今歲直何卦? 「歲直小過而 而真 以陰陽。 知《易》 太一守中宫,兵宜内不宜外。』 宗乃 與林瑀同脩《周易會元紀》。」 西兵欲出如何?」復 坤、既濟、未濟。 也。 得卿 賈昌朝奏瑀所學不經, 《荀子》 復與 卦。 瑀 每 同脩 開 日 説皆諂 又問: 不經之 善爲 對 必 諛

謂

「介于石」,古文作「砎」,晋孔坦書曰 :

砎

石之易悟。」

於未亂,爲之於未有,在周子謂之「幾」,在 坤》曰「早辯」、《解》曰「夙吉」。 治之

張子謂之「豫」。

柳芳《唐曆》本皆不同,由芳書未成 後傳》亦曰: 程子《易》傳,晚始授門人。 「此身後之書。」 劉 止 道 齊《 而 原 傳之 春 謂

秋

六節摇通。 之岡。 六子。 《易緯辨終備》曰: 合凝之類,坤 日營始東,震 萬物孳 甲,日營始東。」六節,蓋 · 握 也。 其 「煌煌 方。 之燿,乾爲 雄 雌 呿吟,

故也。

言也。 也。」杜 之事爲近正。」知莊子曰: 東坡曰: 預 注 法 行 「左氏論《易》,唯 則 人 從法, 「師出 法 敗 則 以律, 法 從 南 有 蒯、 律 以 穆姜 亦 如 格 己

天地未嘗 日無陽,亦未嘗一日無 君

<sup>0</sup> 岡 敗」,道光本作「微」。 嘉 慶 本、道光本作「網」。

月一陽始成。」
之一陽,是坤卦積來。 一日生一分,至十一子,故十月爲陽,純坤稱龍。 朱子曰: 「復

意也。 《坎》之六四曰:「樽酒,簋貳,用缶。」 《朱濟》上九「有孚于飲酒」,卦皆有食」、《未濟》上九「有孚于飲酒」,卦皆有食」、《未濟》上九「有孚于飲酒」,卦皆有。 文王、周公以《酒誥》戒,其象見於《易》,其言詳於《書》。 它爻之言酒者三:

丸,山羊也。陸,其所行之路也,猶『鴻漸于「蒐陸夬夬」,項氏《玩辭》曰:「莧,音

草》注:「莧羊,似麢羊,角有文,俗作羱。」聲,讀若丸。『寬』字從此。」徐鍇按:《本按《説文》:「莧,山羊細角也。從兔足,苜陸』之陸。兑爲羊,在上卦有山羊之象。」愚

尾」,在《書》謂之「朽索深淵」。

聖人不以位爲樂也,在《易》謂之「虎

「先甲、先庚」,吴祕注

《法言》云:

金主義,示其嚴令也。」
取甲、庚者,以甲木主仁,示其寬令也, 庚三日」、『先庚三日』,皆爲申命令之義。獨三日』、『先庚三日』,皆爲申命令之義。獨三日,以《易》稱『先甲三代問禮》治象,挾日而飲之。鄭司農云:

以剛健而居人之首,則物之所不與也。以下卦之上,故免龍戰之灾。」上九曰:「夫以處下卦之上,故免亢龍之悔。坤三以處注,學者不可忽也。於乾九三曰:「乾三注,學者不可忽也。於乾九三曰:「乾三

性其 疑 則 大有六五日 至 小 又 柔 不已,畜極則 霜』以明其始。 之爲道,本 不及義。」又 在 進物之速者 ",是以 淫 於 于上九 畜上九曰: 者 剛 无 順 物 柔 也,故以『出 情,何能 首 加 仲尼 志 物 爲 四 而 窮 不 道 坤 五 旅 又 亦 於卑弱 則 正 乃 利 可 通 曰 圓,求安難 久行其正?」於坤 ,義不若利; 誠 人,則國可知矣。] 又曰 凶 「不私 大 . 陽之爲物,非基於始以至 焉。」 以 「大畜者,畜之極 則 處」明之,則以 在 是以 進,而 行。 豫 而 佞 「文王 永貞。」於《文言》曰 後 於 邪 何 於物,物亦公焉, 其畜之盛在於四 小 豫 積 矣。」 之 可 上九説征之輻 畜 (著者-道 鳴?」 初 明夷,則主 積 存物之終者, 六 也 初 極 日 也,故 初 日 於觀 而 也。 : 「方而 故 爲潛。」於 日 後 : 取 乾 F 樂 可 心於 乃 畜 五 吉 不 九 過 於 陰 利 能 履 知 不 而

陰 也。 威。 在始。 日 丘 通 者,則患在寡恩; 其瀆,寧過乎嚴。]上九曰: 矣。」九三日 若不競,脩己莫若自保。 默,默非對語者也。」於頤 儉 民 日 則辱來。」於家人初九曰 見豕負塗,甚 泰而 陽 園乃落。 所 也 : 先張之弧,將 故家人之道,尚威 也。 觀 家瀆而 往 凡動息則静,静非 者 觀 能 不 也 我 陰 約,故必 失 賁于丘園,帛乃戔戔。 生 陽 後嚴之,志變而後治之, 時, 於 既 可 「行與其慢,寧過 自 賁 和 穢 睽 攻 觀 吝焉 群 以愛爲 六 也。 害 疑 其 嚴 五 也。 道 亡 疑 ,乃得終吉也。」於 對 見 也。」於睽 初九曰: 曰: 守道 也。 者 Ľ 「凡教 凡 動者也。 鬼 本者,則患在 後 也 也。」於 盈 説 貴 則 子恭。 物以 車, 吁 賁 之 於 觀 在 福 上 弧, 于 遇 「安身莫 初, 至 其 用莫 蹇 九 猛 語 束 生 雨 則 初 睽 可 爲 家 求 息 曰 而 與 復 渦 六 怪 本 悔 法 則 和

曰:「處難之始,居止之初,獨見前識。覩曰:「處難之始,居止之初,獨見前識。覩 一般而止,以待其時,知矣哉!」於萃之象曰: 「聚而無防,則衆生心。」於漸上九曰:「進 處高絜,不累於位,无物可以屈其心而亂其 。峨峨清遠,儀可貴也。」於中孚上九曰:「 飛音者,音飛而實不從之謂也。」於小過六 不上交,亦不雨也。」

蒙之養正察乎微,頤之養正先乎近。

正難。二《南》之詩,以化行閨門爲極致。上《家人》卦辭曰:「利女貞。」男正易,女

《蒙》之初曰「發」、《家人》之初曰「閑」,九之《象》曰:「反身之謂也。」身正則家正矣。

困學紀開卷之一

《顔氏家訓》謂:

教兒嬰孩,教婦初來。

## 困學紀聞卷之二

浚

日

「予辯下土,使民平平,使民

無

傲。」

儀 王應麟 伯厚甫

《殷傳》有《帝告篇》,引《書》曰:

「施

章乃

受于師尚父也。少皞氏之紀官,夫子所以 帝、顓頊之道在丹書,武王所以端 皋、夔、稷、契有何書可讀? 見郯子而學焉也。孰謂無書可讀哉? 秋傳》所謂《三墳》、《五典》是也。 《周官 · 外史》「掌三皇五帝之書」、《春 理實未然。 前賢 絻 東 謂 面 黄 而

《賈誼書·脩政語》引黄帝曰: 惡 道不可過也,至義不可易 之水,其出無已,其行無止。」顓 而爲善, 軍莫大於去善而 漢初去聖未遠,帝王遺書猶有存者。 也。 爲惡。 功莫美 「道若川谷 頊 日 故非吾 於去 至

上古之書猶 存 前 聖

傳道之淵原猶可攷也 於秦八年,歲在涒灘。

《書大傳·虞傳》有《九共篇》,引《書》

二八

0

之所以誨顓頊矣:

爰有大園在上,大矩在

吕氏春秋·序意》曰:

「嘗得學黄帝

下,汝能法之,爲民父母。」不韋《十二紀》成

《書》逸篇,仲尼之時已無矣。

恐未然

殘缺者。唐有三卷,徐邈注。鄭漁仲謂

志》有逸篇二卷,出齊、梁之間,似孔壁中書

傳》之序有《嘉禾》、《揜誥》,今本闕焉。

《隋

服,明上下。」豈伏生亦見古文逸篇邪?《大

於士 姓之罹 堯曰: 得 以 盡 莫高 故 惡 日 也 大於信,治莫大於仁。 者之事 民 吾 之以 節節 緣惡 使吾下,故見謂 |吾敬以接吾敵,故見謂信 此 無 盡 日 我 於博愛人,而政莫高於博利人,故政 而 食 吾敬 之器 諸 而 也。 罪,憂衆生之不遂也。 敬 飢之也; 己 也 「吾存心於先古, 民 學 侯以 諸 也 也。」大 有 加 吾日 則 以 爲巧,行仁者之操而與爲仁也。 罪,日 大夫 以 善 我 寡 脩 事吾上,故見謂忠焉; 緣 弗 慎 人 其 仁焉。 禹 一民或寒, 以 善 能 爲 此 財 諸 寡 日。 我 也 驕 ●而身專其美矣。 使 侯 人爲汰乎?」 吾慎此 3 也 乎 陷之也。」帝舜 吾取 加志 ? 會 一帝嚳 焉; 非 功 於 惡 之以敬也, 故 朔 則 E 成 丽 曰: 惡 日 窮民,痛 問 一民或飢, 此我寒 已矣。」帝 而 吾盡吾 朝 而 於諸 又 不 已也 利 日 則 日 之 侯 敬 於 間 德 吾 吾 萬 莫 巧

> 聖之道 旦、師 引 藥言 與。」 知 譬其 而 其若下淵乎 山 而 民 日 周 我 : 道者以忠,積 以 平 就 得賢而 火之光 文王、武 心,取道 獻 又 -如 尚父。 弗 於貴, 戰 日 而 日 得不肖而 能 戦 : 静 勸 ! 舉之,❷得賢 慄慄,日 於 居 **%** 不以手 静 王、 然後 也 藥 室 獨 道者 是以 思 \_0 食嘗 成 也 思,譬其 南 而 湯 聞 舉之,得 可可 E 明君慎 以 而 於卑。 獨 日 慎 . 於卑,然 問 信 以 居 人 \_\_ 以 粥子 博樹 耳。 丽 間 若去日之明 日 小 譬其若火。 不肖 以其舉,一 與 學聖王之道者, 0 求 見 訓 道者以 武 之, 致道者以 道 後 MI 人莫蹪於  $\Rightarrow$ 圃 引《 者 譬其  $\pm$ 至 不 而君子 與之, 人。」 問 不 於 미 堯 若 以 貴 以 於 舍學 Ŧ 言 Щ 又 子 目 慎 庭 登 大

0

<sup>「</sup>財」,道光本按"「財」,今本《賈誼書》作「躬」。

<sup>「</sup>舉」,原作「學」,據嘉慶本、道光本改。

三〇

在,知者鮮焉,好古之士盍玩繹於斯。書,則倚相所讀者必不墜矣。幸而緒言尚帝能除挾書之律,蕭相國能收秦博士官之而躓於垤。」此帝王大訓之存于漢者。若高

謂此類也。
 墨子南使衛,載書甚多,弦唐子見而怪也?」今本闕。《墨子》七十一篇,今止十三篇。外史見七十二士,相天下猶如此,吾安敢廢此見七十二士,相天下猶如此,吾安敢廢此是一十二士,相天下猶如此,吾安敢廢此是一十二十二十,相天下猶如此,吾安敢廢此是一十二十二十,相天下猶如此,吾安敢廢此。

文尚書釋文》,讀之大喜,書訊刺字皆用古文。」然則今所傳《古文尚書》,未必皆孔安穿鑿之徒,務欲立異,依傍字部,改變經齊舊本,及徐、李等音所有古字,蓋亦無幾。齊舊本,及徐、李等音所有古字,蓋亦無幾。齊舊本,及徐、李等音所有古字,蓋亦無幾。

《釋文》並行。今亦不傳。然漢至唐 歟? 《古文尚書》,吕微仲得本於宋次道、王仲至 本未嘗復舊也 平二年,孫奭請摹印《古文音義》,與新定 家。郭忠恕定《古文尚書》并《釋文》,今本豈忠恕所定 文者,孔安國以隸存古,非科斗書也 其舊本。 文。」按《國 宣和六年,詔《洪範》復從舊文,以「陂」爲「頗」,然監 開寶五年,别定《今文音義》。 史藝文志》唐孝 明 寫 以 今字 所 今有 謂 咸

晁景迂云。 時成歲」,古文「定」作「正」,開元誤 同。」才老所述者,今不復著。 「以閏月定 而無益於經,有文異而音同,有文異 傳與經傳所引,有文異而有益於經,有 吴才老《書裨傳·考異》云: 「舜讓于德,弗嗣」,班固《典引》作 伏 作 :「定」。 圃 文異 氏 義 四 П

38

<sup>●「</sup>弦」,原作「强」,據嘉慶本、道光本改。

觀。 作「晏晏」。 作出往也。」《君奭》「天難谌」、《王莽傳》 家》「狂」作「往」,注引鄭康成曰: 甲元年十有二月乙丑 文王,克明俊德。」今無「俊」字。 夫。」蓋本於此。又《康誥》曰: 「惟乃丕顯 滑」,《漢書》作「七始詠」。「忽」又或作 治忽」,今文作「采政忽」、《史記》作「來 「不台」。《史記・自序》: 元祀十有二月乙丑」、《漢・曆志》作「惟太 「予若觀火」、《周禮》注謂今燕俗,名湯熱爲 天應棐谌 漢 ·民儀有十夫。」王莽作《大語》曰: 高宗亮陰」、《禮記》作「諒闇」,注讀爲「梁鶴」。 · 五行志》作「涼陰」,《大傳》作「梁闇 《微子》「我 鄭康成曰: 鄭氏注 「欽明文思安安」、《考靈 其發出狂」、《史記 「笏也。」《大傳・大誥》曰 寬 容覆載謂之晏。 唐堯遜位,虞舜不台。 朔」。 是朔旦冬至之歲。 《伊訓》「 「民 馮 ・宋 獻儀九萬 我其起 行《 「在 顯 耀 世 考 始 惟 志

**無** 《漢・刑法志》作「悊民」。 賦》: 經》 重。 鰥哲獄」。《大傳》: 詳刑。」「哀矜折獄」、《漢・于定國傳》作「哀 「度作刑以詰四方」、《周禮》注云: 作「粜誓」、《史記》作「肹」、《大傳》作「鮮」。 曰 句》,即《歐陽尚書》。 一日」,楊賜封事作「假我一日」。 Ĕ. 逸》「肆高宗之享國五十有九年」,《石 「思唐虞之晏晏。」第五倫上疏。 「高宗享百年之壽。」「費誓」、《説文》 《説文》「顧畏于民嵒」: 「肆高宗之饗國百年。」漢杜 劉愷引「上刑 哀矜哲獄。 「天齊于民,俾 「折 挾輕,下刑 「體晏晏之姿。」 「多言也。」尼 賜通《桓君 民 「度作 惟刑」, 欽亦 挾 我

取費、秦之《誓》,猶《詩》之有《魯頌》。《書》始二《典》,猶《詩》之首二《南》;

輒切。

▶ 「説文」至「尼輒切」,與上文意不接,疑有錯簡或訛脱。

《大傳》説《堯典》謂之《唐傳》,則伏生

不以是爲《虞書》。

別、《月令》兩言日夜分,無春秋之異。 事當以《書》爲法。《堯典》以日中、宵中爲春秋之文志》詳矣,而《舜典》璣衡以一言盡之。 叙文志》詳矣,而《舜典》璣衡以一言盡之。 叙典》命羲和以數十言盡之,《天官書》、《天

陶謨》,則曰公、侯、伯、子、男五等之禮。於《舜典》,以爲吉、凶、賓、軍、嘉, 於《皋辰」,謂日、月、星爲三辰。 五禮一也,孔注方中星, 辰,日月所會。《益稷》「日月星人,也,我注謂: 星,四《堯典》「日月星辰」,孔注謂: 星,四

作「南譌」。 《史記》索隱云:「春言東作,夏言南《史記》索隱云:「春言東作,夏言南

《周禮》注引《書》曰:「分命和仲,度

『昧』。」裴松之謂翻言爲然。讀當爲『柳』,古『柳』、『卯』同字,而以爲古篆『卯』字,反以爲『昧』。古大篆『卯』字,西曰柳穀。」虞翻云:「鄭玄所注《尚書》,

「今登州之地。」「今登州之地。」「今登州之地。」「「夷」字。薛氏曰:「『東」の、中間、「『神夷既略」、索隱云:「《今文尚書》及《帝紀》「居郁夷」、正義「郁」音「隅」。《夏本紀》紀》「居郁夷」、『義詩』。」 今按《史記・堯本紀》「名嵎夷」、《釋文》云:「《尚書考靈

《周語》之説。 堯讓許由, 杜氏注謂大岳,神農之後,堯四岳 姜,氏曰有吕。」《左傳》「許,大岳之胤 之從孫四岳,佐禹胙國,命爲侯伯, 掌四岳之諸侯。」按《周語》太子晋曰: 四岳,孔注云: 亦其一 也。」 迂齋云: 「申、吕、齊、許皆四岳之後。 「即上羲和 也 四子,分 賜 當從 也, 姓曰 共

《孟子》得之。
「五典克從」,孔安國傳本於《左氏》,程子《解》本於《孟子》。《左氏》言五教,不及子《解》本於《孟子》。《左氏》言五教,不及子《解》本於《孟子》,程

程子之説。韓非謂堯誅共、縣,非也。 傳天下於舜,縣諫,共工又諫曰:『孰以天傳天下於舜,縣諫,共工又諫曰:『孰以天事、於舜,縣諫,共工又諫曰:『孰以天本,故其惡顯而舜誅之。韓非曰:「堯欲以,與居其上,此凶亂之人所不能

判、宫、大辟爲賊刑之科目。 也。」《皇王大紀》之説本諸此,而以墨、劓、舜制五流,以宥三苗之劓、刵、剕、宫、大辟毋,宜也,教也,贖也,贼也。流宥五刑者,也,官也,教也,贖也,贼也。流宥五刑者,

云"「一讀至『方』字絶句。」《商頌》「禹敷《書序》「帝釐下土方,設居方」、《釋文》

用此語。然《書序》已有此讀矣。 絶句,云《楚辭·天問》「禹降省下土方」,蓋下土方,外大國是疆」,朱文公亦以「方」字

照寒水」,於此見之。 照寒水」,於此見之。 「無寒水」,於此見之。 「無寒水」,於此見之。 「無寒水」,於此見之。 「無寒水」,於此見之。 「無寒水」,於此見之。 「無寒水」,於此見之。 「無寒水」,於此見之。 「無寒水」,於此見之。 「無寒水」,於此見之。

在春秋時謂之善人,在西漢時謂之長者。留:「庶常吉士。」召公曰:「吉士吉人。」即:「庶常吉士。」召公曰:「吉士吉人。」即:「庶常吉士。」召公曰:「吉士吉人。」即:「庶常吉士。」召公曰:「吉世吉人。」即:「熊常吉士。」召公曰:「吉世吉人。」即:「熊宗有常,吉哉!」周公

❶ 「共」,道光本作「恭」。

者也。惟吉則仁,所謂元者善之長,爲天地立心

有罪 楚,魏武得荆州,唐莊宗取汴,皆以滿失之。 召公之訓 引慝之心而遂格焉。 以逆命。 苗也,自省未嘗有過 云: 興,倚伏果可畏哉 『無虞』豈可不儆戒?」愚謂匈奴衰而女戎 后 危 心豈可以 生 亂之萌已兆。 禹之告舜曰「安汝止」,盡天理而無 而不見父之爲頑,所以底豫。及其征 成帝,新都 九德,知 做戒無虞」,絜齋 「舜耕歷山之時,祇見厥父,惟知己之 至班師之後,誕敷文德,無異負罪 武 自滿 王,戒其 人之法; 篡漢 哉?」愚謂 漢宣 1 Щ 滿 滿損謙益,捷於影響, 已兆 帝 又解「七旬 解云: 惟見苗民之作慝,所 而 三俊,用 渭 自 於 上 仲虺之誥成 · 矜也。 極 之朝,是年元 「治安之時 人之法。 盛之日矣。 有苗 齊桓服 格 湯, 人

> 欲 止」,去人欲而 得 至 善 丽 止 復天理,求至善而 也 ; 尹 之告 太 甲 止 也 日 欽 厥

之日,王被衮以象天」,謂有日月星辰之章, 旌 章,鄭康成注《周禮》,謂周 周、魯之禮其有異乎? 此魯禮也。 旗,而冕服 《虞書》「作服」,天子自日月而下十二 二禮之説自相背馳,魯秉 九章。 注《禮記 以 日 . 郊特牲》「祭 月星 辰 周禮 畫於

乎? 《考工記 陸 冕,謂粉默 之狀,而以火旁飾之,火因 艾軒曰: 當爲『玉璪』之『璪』。 德明『希』與『黹』同 《古文尚書》及《説文》璪火黺渊 鄭司農謂 影謂 黼 粉業 火 黻 以 爲圜形似火,此爲近之。 皆從『粥』, 黼 圜,得非 黻, 璪, 圜物也, 意其爲璪 當各 有由 同謂之『希冕』。 指 爲 物 來 璪 而後見 也 火爲 物。 黼 耳。 璪』 黻 物 希

「鳥獸蹌蹌」,馬融以爲筍虡,《七經小

傳》用其説。《書裨傳》以「鳳凰來儀」爲簫

聲之和,艾軒亦曰「制器尚象」。

「《韶箾》,舜樂名也。」諸儒誤以簫管解之。古文「箾磬」,今文作「簫」、《左氏》曰:

「畏」字作「威」,蓋衛包所改,當從古。
 古文「天明畏,自我民明畏」,今文下水行舟」之語,則「奡盪舟」者,恐即謂丹朱。朱奡」、《論語》「奡盪舟」。按:《書》有「罔朱奡」、《説文》:「奡,嫚也」,引《虞書》「若丹

之學之粹也 子夏亦云: 之。」又曰: 道之正傳,亦曰: 焉。舜以天下遜禹,禹獨推皋陶。 「若稽古」,稱堯、舜、禹三聖而 「舜舉皋陶,觀於謨 舜以 「若禹、皋陶、 不得禹、皋陶 爲 而 則 皋陶 見 見 孟 己 皋陶 子 憂。」 而 論 知 與

夷交侵」,征伐制之而不足。虞、周之德天「蠻夷猾夏」,明刑治之而有餘,「四

淵矣。

可乎? 皋陶之面如削瓜。」然《荀子・非相》之言, 猶變一足之説也。 亦未必然。 《淮南子》曰: 司馬公詩云: 皋陶 皋陶瘖而爲大理。」此 「法官 陳 謨 由 賡 歌 來 ,謂之瘖 少和泰,

者也。」黄度文叔《書説》「益」即「隤散」,本於此 伊氏,諱益,字隤敳,帝高陽之第二子伯 師 見也。」則「伯翳」非「伯益」矣。《水經注》偃 封爲秦。 「伯益」。」而《陳 鳥獸,是爲柏 九山有《百蟲將軍顯靈碑》云:  $\wedge$ 史記 垂、益 秦本紀》: 翳。」索隱云: 、夔、 杞世家》謂: 龍,其後 「大費 不 「《尚書》謂之 「伯翳之後 知 佐 舜,調 所 將 、封,不 軍 益 姓 馴

伯夷能禮於神 族。《大戴禮 鄭 語》史 伯 以 誻 日: 佐 志篇》虞 堯 者 姜,伯夷之後 也。」注 史伯 謂 夷 四岳之 日 也。

爲「百草奮興,秭規先獋」。 小異,「虞夏之曆」爲「昔在古曆」,「百草權與,瑞 明 孟 也 幽 幼 也。」《史記 ·曆書》引之而其 雉 無釋 文

黎之後,「重黎舉變」見於此 爲樂正。」《吕刑》乃命重黎,即羲和也。《楚語》堯育 下,乃令重黎舉夔於草莽之中而進之,舜以 吕氏春秋》云: 「舜欲以樂傳教於天 重

清緝 憚 矣。 則無君之惡肆矣。 張,有議欲拜之伏稱萬歲者,微韓棱正色, 此堯禪舜之文,非三公故事,班固筆之於史 夫。 也。 熙。」其諛甚於董賢之册。 而固 漢董賢册文,言「允執其中」,蕭咸謂 倪 紀寶憲之功曰: 正父駁「昆 此固所以文姦言而 命元龜」之制, 「納于大麓,惟 當憲氣燄 有 無忌 以 方

生數爲次。 五 行、《大禹謨》以 五德,鄒 衍 以 相克 相勝 爲次、《 爲 義 劉 洪 範 向 》以 以

也

相生爲義

直爲諂。「柔嘉維則」,失其 「柔而 立,無 立 爲 儒。 、則非嘉 「柔惠 也 且直」,不

此逸《書》也 亶亶,其去身不遠。 《賈誼書 君道篇》引《書》曰:「大道 人皆有之,舜獨以 之。

文略》: 《周公城名録》有此三句。 公城名録》。 字相似,恐傳寫之誤。 録》,冶城宜是金陵本里。」《抱朴子• 帝受命,風后受圖 志》無此書、《太平 《禹貢釋文》: 《周公城名録》一卷。「城」、「 御覽》引《太 《周公職録》云: 割 《世説》注云: 地 布 夾漈《通志 内篇• 九州。」隋、 一式 登涉》引《周 「推《周 占》, • 藝 職 公城 唐 黄

大傳》曰: 歌大化、大訓、六府、九

0 規」、嘉慶本、道光本作「規」。

「九叙惟歌」、「九德之歌」,於此猶可攷。原而夏道興。」注謂四章皆歌禹之功。所謂

稱旻天。」蓋《虞書》説也。《説文》引《虞書》曰:「仁閔覆下,●則

記·夏本紀》作「播」,音「波」。 「豫州,榮波既豬」,古文云:「榮幡既不過」」賈公彦疏云:「《禹貢》曰:『榮播既不過」,賈公彦疏云:「《禹貢》曰:『榮播既不過」,賈公彦疏云:「《禹貢》曰:『榮播既

「男」、「任」二字蓋通用。女皆爲任。注:任,充也,男服之義,男亦任也。邦」,孔注:男,任也,任王者事。音壬。王莽封王氏邦」,孔注:男、任也,任王者事。音壬。王莽封王氏《史記》引《禹貢》二百里任國,《書》「男

淮之道,禹時則無之。」愚按: 吴之通水有傳》云:「吴王夫差闕溝通水,而江始有入「揚州,沿于江海,達于淮泗」,東坡《書

道也。 《吴語》「夫差起師北征,闕 「陳留封丘縣南,有黄亭,近濟水。」此自淮入汴之 黄池」、《左氏傳》哀十三年「會黄池」,注云: 之間,北屬之沂,西屬之濟,以會晋公午於 淮」,注云: 二 焉: 《左氏傳》哀九年「吴城邗 「今廣陵韓江。」此 自 爲深溝於商、 江 入淮之道也。 溝 通 魯 江

巴陵,蓋是東陵。曾説本此。極。弱與柔異,柔如漢文帝,弱如元帝。極。弱與柔異,柔如漢文帝,弱如元帝。 東 百川東注,弱水獨西,故《洪範》弱爲六

史記》注本如此。❷「朔南暨」爲句,下云「聲教訖于四海」。

<sup>)「</sup>閔覆」,今本《说文》同,嘉慶本、道光本互乙。

❷ 「史記注本如此」,此條小注道光本爲正文。

秋》曰: 者,夏后啓也,誤 使 不 淺, 吾民 六 其 云 服。」《莊子》謂 陳 不善也。』於是乎處不重席,食不貳味,琴瑟 厥父是臧。 夏書》之闕 書》異。 能 ·張,鐘鼓不脩,子女不 (命何從?」古事茫昧 卿請復之,夏后相 而 期年 不 「有扈牧豎,云何 説 服。 苑 不寡,戰而 《楚辭 「夏后相與有扈戰於甘澤而不勝, 而 胡終斃于有扈,牧夫牛羊?」又 禹 子 有 貢 一禹 於是脩教一年, 扈氏服。」愚謂 天問》云: 日 攻有 以 不勝,是吾德薄 爲 日 :扈,國 相。 不可攷矣。 ൬ ·飭,親親 禹 逢? 『不可。吾地 與 然其 爲 有 「該 丽 撃牀 虚 扈 長長,尊賢 事可 伐扈戰 有扈氏 厲」,皆· 《吕氏 秉 氏 耐 先 季 戰 以 不 出 · 教 補 甘 不 春 與  $\equiv$ 

子,《王莽傳》作「奴」,顏注謂戮之以爲奴《甘誓》「予則孥戮汝」,孔傳謂辱及汝

也。《泰誓》云: 「囚奴正士。」豈及子之

蔡邕《銘論》:「殷湯有《甘誓》之勒謂乎?

然「予臨兆民」之語,恐非五子自稱。自「予視天下」以後,謂「予」,五子自稱也。《五子之歌》其二章皆述禹之訓。蔡氏

用韋説 賦》「關 均, 均,王 關 通 也。」時未見古文,故云逸《書》。 也。」孔安國謂 門關之征 則 ^ 周語》單穆公引《夏書》 府則有。」韋昭注云:「逸《 王之府 石 李 之 善 所 也。 引 藏 和 金鐵日 賈 鈞 常 石,今之斛 (達《 分財 有 也。 國 賦之所底 石 一、未詳 [語》注 也。 日 日 左思《魏 日 慎」, 言征賦 書》也 關 齃 石龢 都 調 衡

日 東 郡 ^ 左氏 有畔 堯有丹朱,舜有商均,啓有 觀縣。」今開 傳 夏 德府觀城。 有 觀、 扈。 ^ 楚 五 語 觀 漢 湯湯 亹

均、管、蔡之比? 韋氏説非也。 馬之戒作歌,仁義之人,其言藹如也,豈朱、 原失國,昆弟五人,須于洛汭。」《水經注》亦 康失國,昆弟五人,須于洛汭。」《水經注》亦 康失國,昆弟五人,須于洛汭。」《水經注》亦 原大國,昆弟五人,須于洛汭。」《水經注》亦 原大國,民弟五人,須于洛內。」《水經注》亦 原之戒作歌,仁義之人,其言藹如也,豈朱、

故作《帝皓》。」《帝誥》。」索隱云:「一作皓。從先王居,《帝誥》。」索隱云:「一作皓。從先王居,作《史記》:「湯始居亳,從先王居,作

乃進。 勉哉 史公亦見之乎! 之,無有攸赦!』作《湯征》。」豈孔壁逸篇太 民知治不。」伊 伐之。湯曰:『予有言: 人視水見形,視 !』湯曰: 『汝不能敬命,予大罰 《史記》: 君國子民,爲善者皆在王官。 尹曰: 『明哉! 「湯征諸侯,葛伯不祀,湯始 後有補《湯征》者,蓋 言能聽,道 勉哉, 未 殛

之攷。

戌,征羲和,五年丙寅。」與《曆》不同。房二度。」按《皇極經世》:「仲康元年壬曆》仲康五年癸巳歲,九月庚戌朔,日蝕在「辰弗集于房」,《大衍曆議》云:「《新

《湯誓》:「予則孥戮汝,罔有攸赦。」終於「汝鳩、汝方」、《商書》終於《微子》。君子之去留,國之存亡繫焉,故《夏書》

里人者。 《湯誓》 一予則等勠效 医有攸赦。 "别要國以爲「擇罪重者而殺之」。吕居仁殺」,安國以爲「擇罪重者而殺之」。吕居仁殺」,安國以爲古之用刑,父子兄弟罪不相及,

云:「移河爲界,在齊呂,填闕八流以自書。」愚按:《書》正義引《春秋緯寶乾圖》之,同爲一。」《詩》正義云:「不知所出何之,同爲一。」《詩》正義云:「齊桓公塞鄭康成注《禹貢》九河云:「齊桓公塞

四〇

齊之所禁,塞河非桓公所爲也。」廣。」鄭蓋據此文。九峰蔡氏曰:「曲防,

《吕氏春秋》引《夏書》曰:「天子之德二章、州十二師,孔注皆所不及。

爲取師 又曰: 莫如己者亡。』」又曰: 廣 冰。」其舛異如 不孝。」《周書》曰: 「五世之廟可以 運,乃聖乃 者王,能自爲取 「仲虺有言曰: 神,乃 此 觀怪,萬夫之長可以生謀。」 武乃文。」《商 「若臨深淵、若履 友者存。 「刑三百,罪莫重 『諸侯之德,能 其所 書》 擇 曰: 薄 於 自 而

作, 也。 始 之始也、《太甲》言誠之始也、《説命》言學之 也。 温 亦見於《商頌》,孔子之傳有自來矣。 仲虺之誥》言仁之始也、《湯誥》言性 恭朝夕, 皆見於《商 執 :書》。 事 有恪」,先聖王之傳 「自古在昔,先民 恭 有

> 「仲虺居薛,爲湯左相。」是則 祖己皆其胄裔也。 亦湯賢臣,一曰仲虺是也。」《 唐宰相世 孟子云: 系表》: 一伊 未詳所據 尹、萊: 仲虺爲 朱。」注 湯 春秋 伊 左相, 尹 爲 傳》曰: 臣扈、 萊朱, 右 相。

謂: 武王因之。 革夏正」,林少頴謂: 已言三正,則子丑寅迭以爲正者,尚矣。」「爰 孔安國 自古改正 謂 朔。 革正之事,古未嘗有,蓋始於湯,而 湯 葉 始 少 改 藴 正 云 朔。 ~ 鄭 甘誓 康 成

明。 『乃明言烈祖之成德』。」 王,誕資 朱文公曰:  $\wedge$ 漢 律 有 牧 歷 方 志》 明」。 「「方」當作「乃」,即 引《伊訓 説 者 謂  $\approx$ 祀 伊 先 尹 王 祀 于方 所 于先 謂

土地 之臣,乃謀徙居湯舊都。 迫近,山川 鄭康 成云 嘗圮焉。 「祖乙 居耿 至陽 上篇是盤 後, 甲 奢侈 立 · 盤 庚 踰 八爲臣 庚 爲

據而言。」爲謬妄,《書裨傳》云:「鄭,大儒,必有所爲謬妄,《書裨傳》云:「鄭,大儒,必有所時事,中篇、下篇是盤庚爲君時事。」正義以

乙曾孫。 辛、沃甲、祖丁、南庚、陽甲,而後盤 《經世紀年》攷之,祖乙以乙未踐位,後有 傳》云: 邢 那。 圮,不應如是之久也。 「圮于耿」爲「圮於相」, 恐未通。 圮 百二十五年。 」,蓋從《史記 於相、遷於耿。」《殷本紀》謂 《皇極經世》「祖乙踐位,圮于耿,徙居 書序》「祖 盤庚之立,以己亥,自祖乙踐位 「祖乙圮于耿、盤庚不得不遷。」以 \* 若謂 乙圮于 以《書序》攷之,孔氏 民蕩析 當闕 耿, 所疑。 離 孔 居,因 祖 氏 蘇氏 庚立。 Z 注 遷于 云: 耿 至 《書 之 此 以 祖 祖

朱朴 新邑。」消 議 遷 庚之遷也,日: 都 息 以 盈 觀 虚 天 之運,哲 地 興衰爲 「天其永 王 其 言 知之 我 命于 矣。 弱 纮 唐 中

> 謂 文物 爲 以 也,豈亦有聞於氣運之説乎? 襄、 進 取之機。 錢塘 鄧 奢侈皆極 爲 Ш 建 都 川之氣,發泄無餘 其言 焉 極 選。 己 [與朴 盛 陳同父上書孝 而 略同 衰 難 而 可 朴 以 興 不 荆、 潮,亦 矣, 足 襄 而

言卑應言」,皆古文所無。《大傳》引《盤庚》「若德明哉」、「湯任父

唯《墨子》引《湯誓》,其辭與此正同。」誓》無此文,而《湯誥》有之,又與此小異。《湯誓》,其辭若此。」疏云:「《尚書‧湯于皇皇后帝」,孔安國注云:「《墨子》引于皇皇后帝」,孔安國注云:「《墨子》引

爲之,勿以善小而不爲。」 罔大,墜厥宗。」漢 爾惟 德 罔 小,萬 昭 烈 邦 日 蓋得此意 惟 慶 勿 以 爾 惡 惟 小 不 德 而

「穀生湯之廷,三日而大拱,湯問伊尹」,桑穀之祥,大戊問伊陟、《韓詩外傳》以

爲

四二

高宗 誤 己。」劉向蓋襲《大傳》之誤。 道 又誤也。《書大傳》謂: 也 刑罰 承 敝而 漢 犯,桑穀俱生于朝,武丁問 起,怠於政事,故桑穀之異見」, 五 行 志》劉 向 「武丁之時,先王 以 爲 「殷 道 一既衰, 諸祖

平陸縣北 集 傅説舉於版築之間。」當從古注。傅屬在陝州 傳》以 説築傅巖之野」,吴氏《裨傳》、蔡氏 築 爲 居。 愚按: 念孟 子》 日:

高 也 [宗報上甲微。]蓋逸《書》也。 一,商人報焉。」《孔叢子》引《書》 魯 語》展 禽曰: 「上甲微 能帥 日 契者 「維

也; 學立志 遜志,柔也。 而後成,遜志而後得。 立志,剛

德之純,心與貌異乎? 紂,内秉王心。」豈知文王之心哉? 西伯戡黎」,孔注 三: 「文王貌 文王之 雖事

> 之亡,猶商之亡也。 丘》之詩作。脣亡齒寒,衛終爲狄所滅。 侯,衛爲方伯連率,不能救,而《式微》、《旄 津,莫之或禦。 境,密邇王畿,黎亡則商震矣。故武王 在 唐平澤、潞而三鎮服,形勢其可忽哉! 上黨壺關,乃河 西 伯 既 戡 周以· 黎, 朔 祖 商墟 秦拔 險要之地,朝歌之 伊恐」, 封衛,狄人迫逐 上黨 商 而 都 韓、趙 朝 渡 危, 衛 西 黎 孟 黎

哉!」或説謂新經以「泰」爲「否泰」之「泰」,紂時上下不 也。《大誓》與《大誥》同。 交,天下無邦,武王大會諸侯往伐,以傾紂之否。 文,始作「泰」。 會以誓衆。」晁氏 《泰誓》,古文作《大誓》,孔氏注: 日 或以 「開 交泰爲説,真 音「泰」者,非 元間 衛包 非 燕 定今 「大 經意 書

之仁人」,與注《尚書》異。《書》傳云: 語》,言「雖有管、蔡 雖有周親,不如仁人」,孔安國 爲周親,不如箕子、微子 「 約 注《 至親

雖多,不如周家之少仁人。」朱文公《集注》從《書》傳。

謂 叔 孫 」字,舊説 穆子亦曰: 子無臣母之理,婦 釋文》: 不必改。 武 「予有亂十人。」《左傳 王 有亂十人。」劉 蓋 邑姜。 然本 原 父 無

也 天問》云: 此武所以未 左氏傳》云: 叔 盡 日 「太伯 善 不嘉。」與 不 從。」《 齊之 楚 心 辭

至 趾 也 事 顧 也。』視其爲人,嚴乎將有急色。 至,殷民曰: 其 而 後。 懼 當敵將衆,威怒自倍; 武 日 成》「式商容間」,正義引《帝 故 「商容及殷民觀周軍之人,見 見 君子 太公至,民 非 『是吾 是 也。」視其爲 吾 臨 衆,果於進 新 I新君· 君 也。 曰 也。」容曰: : 人,虎 見利即前, 容 退 \_ . 是 故君 日 吾 見 據 新 子 周 畢 而 王 非 臨 非 公 不 鷹 君 公 世

伐紂而 天子 處 鄭 記》「釋箕子之囚,使之行商容而 時,商容不達,身祗 遠矣。』《史記 殷,立爲 傳》云: 喜,顏色相 見武王至, 也。」 可謂内省 『吾嘗馮於馬 三公。」固 不争而隱, 然。」聖人 注乃謂 ,皆令反其居。 ,則周之 視其爲 不 天子,欲以 能。 「商容嘗執羽籥,馮於馬 辭不受命。 而 爲 副,是以知之。」愚按: 無 民 人,忻 不 勇 使箕子視 海 日 徒,欲以伐紂而 相 》燕 遂去,伏於太行。 誣能矣。 也。 内 國 蓋 討惡,見惡不怒,見 『是吾新君也。』容曰 王 忻 也 愚 且 康 爲 辱焉,以 遺 休 君子聞之日 成 三公。 商禮樂之官,賢 樂間 休, 故 君子哉! 不 無 聖 志 見古文《武 勇,不足 書曰 冀 人 不能 在 商 其 臨 除 及武 復其 容 變。」 徒, 衆 賊 去 以 愚 辭 韓 知 紂 者所 素 欲 善 位 王 是 成 商 備 也 詩 曰 樂 不 餐 容 尅 外 非 乎

間。」皆與《書》合。 商容間。」《史記•周紀》云:「表商容之故以容爲禮樂。張良云:「武王入殷,表

虞翻謂「分北三苗」、「北」古「別」字。 《費誓序》東郊不開, 故孔氏釋云『東郊不開』,不得徑讀『闢』 案《説文》及《古今字詁》嗣,古『闢』字,闢訓案《説文》及《古今字詁》嗣,古『闢』字,闢訓察《説文》及《古今字詁》嗣,古『闢』字,闢訓察《説文》及《古今字詁》嗣,古『闢』字,闢訓察《説文》及《古今字詁》嗣,不得徑讀『闢』字。《武成序》注

家》亦云:「毋侮鰥寡。」于咎,毋侮矜寡,而畏高明。」《史記•宋世《大傳•洪範》曰:「不叶于極,不麗

箋 日圛,日蟊,日 周禮 《洪範 古 文 尚 稽 大ト》注引《 書》 疑》論 剋」。《詩》「齊子 以「弟」爲「 卜兆有五,『日圛』注 洪範 》 日 圛 豊 雨,日 Œ 弟 義

書》「曰渙,曰圛」,與《周禮》注同。無」,今按「圛」即《洪範》「曰驛」,其下乃注文。《古文尚鄭依賈氏所奏。」《説文》引《書》「圛圛升雲,半有半文作「圛」。 賈逵以今文校之,定以爲「圛」。

《洪範》之學。《洪範》之學。 《詩》「或聖或否,或哲或謀,或肅或《詩》「或聖或否,或哲或謀,或肅或

矣。」二程子以前,告君未有及此者。 他,學焉 至於從心不 之,至於不可知之神。 者,在得之於心而已。 下,而要其所以爲始者,致其知也。 也。《大學》所以誠意正心脩身治其國家天 人之際,使之無間,而 曾子固奏疏 而已矣。古之人自可欲之善而 踰 矩, 豈: 日 他道哉? 自十五之學而積之, 得之於心者,其術 要其 「《洪範》所 (所以 爲始者, 由 以 是而 正其 和 同 充 思 天

毋或作利,從王之指。無或作惡,從王之韓非謂先王之法曰:「臣毋或作威,

「天命有德,天討有罪」,故無作好惡。路。」蓋述《洪範》之言而失之也。

之德,行天之權,故「惟辟作福威」。「惟天聰明,惟聖時憲」,故無作聰明。以天「惟天聰明,惟聖時憲」,故無作與惡。

司馬彪注《莊子》云:「箕子名胥餘。」

《史記》正義:《尸子》云。

矣。 乎? 矣,然無所據 南 IE ·巢,巢人納之。 意者終商之世,義不 義 商亡而 謂「南巢」,李杞解曰: 巢伯 誠 如是,亦足以見巢之忠,商之 來朝」,注云: 周 興,於是巢始來朝。」其説美 南方之遠 成 湯 放 盛 朝 國。 桀 商 于 德

굸: 偃,大木盡拔。 金縢之書,其異 「周公卒後,秋 周 國大恐,成王與大夫朝服 未 説 穫。 有二 焉 暴風 雷雨 ^ 魯世 禾盡 家

> 楚。 《尚書大傳》之説,蓋伏生不見古文故 曰: 其爪,以沈於河,乃書而藏之記府。及王 侯禮葬周公,而皇天動威,雷風著災。」此 以 曰 : **燔書,時人欲言金縢之事,失其本末。**」南軒 治國,有賊臣言周公欲爲亂,周公走而 則不無妄傳者。」 王有疾爲成 蒙恬傳》云: 魯世家》亦與《恬傳》同。 開 金 成王觀於記 『孰謂周公旦欲爲亂 「至誠! 縢書。」《 王。 山 以回造化,若金縢策祝之辭 梅福傳》云: 「成王有病,甚殆,公旦自 索隱 府,得周公沈書,乃流 曰: 譙 乎?二此 「不知出 周 「昔成王 <del>-</del> -又以 何 「秦既 一以諸 .書。 也。 皆 武 於 揃 涕

以「辟」爲「避」。
「我之弗辟」,朱文公謂:當從鄭氏,

紀》引《尚書大傳》「文王受命一年,斷虞芮《武成》「惟九年大統未集」,《通鑑外

六

元年; 文傳》: 「文王受命九年,時惟莫春,在鎬 之質」。 召太子發。」按《史記》秦惠王十四年,更爲 年,歲在鶉火,更爲受命之元年。』《周 元稱一年,或有因於古也。 《汲冢紀年》魏惠成王三十六年,改 《帝王 世 紀》: 「文王 即 位四 + 書 

共以禮而不以功,故曰「崇德報功」。 文公賞雍季以義而不以謀,襄子賞高

王之侍子」,指武王也。 「若爾三王,是有負子之責於天」,●《史書》以「丕」爲「負」,索隱引鄭玄曰:「『丕』記》以「丕」爲「負」,索隱引鄭玄曰:「『丕』記》以「丕」爲「負」,索隱引鄭玄曰:「『丕』記》以「丕」爲「負」,索隱引鄭玄曰:「『丕」記》以「丕」爲「負」,

字通用,見《論語》。
土,作《魄禾》。《史記》以「歸」爲「魄」。二一善,,作《魄禾》。《史記》以「歸」爲「魄」。二

成云: 蘇氏從 甫説。 封武 志》: 叔,鄭義爲長。」 轅,西降谷也。」皇甫謐以蒙爲北 邑: 以監殷民。 南亳、偃師爲西亳。林氏從鄭説、吕氏從皇 氏謂亳人之歸文王者三所,爲之立監。康 庚; 其長居險,故言阪尹,蓋 《詩譜》以三叔爲三監。 孔説,林氏、蔡氏 殷畿内 監 「湯舊都之民,服文王者分爲三 孔 鄘,管叔尹之, 唯鄭康成以三監爲管、蔡、霍。 氏 爲三國,邶、鄘、衛是也 謂 管、 蔡、 從鄭説。 孫毓云: 商。 衛,蔡叔尹之, 東  $\wedge$ 亳,穀 成皋,南 三監 漢 三亳,孔 當有 熟爲 地 轘 理

不獨魯兩生也。上帝命」,周公以賢人卜天意。史失其名,上帝命」,周公以賢人卜天意。史失其名,

❶ 「負」,嘉慶本、道光本作「丕」。

宫毛 征。 俾 鄘 邶、鄘。』《詩譜 東土。」中旄父其邶、鄘之一歟?《顧命》有 殷爲邶、 中 ,東謂之衛。 邶、鄘、衛皆東 旄父宇于東。」 周 鄘,非 書 作 》自紂城 是。 康 雒 叔宇于 **>** 也。《康誥》曰: 殷 日 注云 地在周之東,故 . 而北謂之邶,南謂之 ,殷,即 俾 康 東謂 衛 叔宇于殷, 也。 衛、 「在兹 日 注 殷、 東 以 南

《大傳》引《酒誥》曰: 按: 陽、大小夏侯三家經文,《酒誥》脱簡 圭璧。」今無此句,豈即脱簡歟? 《藝文志》云: 法言》謂 酒誥》古今文皆有之, 豈揚子未之見  $\stackrel{\neg}{\sim}$ 酒誥》之篇俄空焉。」 王曰: 劉 向以 中古文 封, 唯日 0 校 若 歐 愚 而

公以爲夐出諸儒之表。《洛誥》「復子明定辟」,荆公以「違」、「保」、「辟」絶句,朱文「矧惟若疇圻父薄違,農父若保,宏父

云:「荆公六藝學,妙處端不朽。」信夫!漢儒「居攝還政」之説,於是一洗矣。 山谷辟」,荆公謂: 周公得卜,復命於成王也。

之意。 日 以歸 殺 之詞云爾。 之詞,奈 于罪,是亦我殺之也。周公戒康叔,皆止殺 乎? 于周,予其殺。」無隱張氏以爲 「是商之諸臣 厥或告曰: 亦姑惟教之而已。 何 勸汝執而盡殺之也,汝當思之, 以 爲勸哉!」愚謂 『群飲。」汝勿佚、盡執 ,化紂爲淫 若不 湎者,而 此 教 説 得 此告者 而 忠 使 可遽 拘 陷 厚

本 社 唐之封 劉》之《雅》所謂「君之宗之」。 家。」周封建諸 也。 稷之鎮,「九 《梓材》 有九宗、五正焉,皆所以 魯之封有六族焉,衛之封有七族焉, 曰: 「以 侯 兩」所謂「宗以族得民」、《公 與大家 厥庶民暨厥 巨 室 共 此封建之根 守 係 之, 臣, 人心, 以 達 爲 大

學,内有師保氏之教,外有外庶子之訓。 子之賢者,命之導訓 大門宗子是賴。 用末被先王之靈光。」然則王室之不壞,緊 先人神祇 獻言助王恭明祀,敷 王家,乃方求論擇 國 無根,其亡也忽焉。 . 勢 維其 不 報 特 有 諸 職用休,俾嗣 大門宗子,茂揚 侯 爲 自封建之法廢,國 :元聖。 然, 諸侯,若魯孝公是也。 明 然古者,世臣必 周 刑,用能承 武夫羞于王所,咸 在 公作《皇門》之 Ŧ 肅 家, 真萬子 德 天嘏 一勤王 如木 有 命。 家 ż 書 國 孫 國

皆商之忠臣義士也。至《畢命》始謂之「頑《召誥》謂之「讎民」,不敢有忿疾之心焉,蓋商不衰。攷之《周書》,《梓材》謂之「迷民」,商之澤深矣,周既翦商,歷三紀而民思

兢 民」, 風》,繋商於《頌》。 不 然猶 敢 忽 曰 也。 : 孔子删 邦之安 吁,商之澤深矣。 《詩 危, ×, 惟 存 兹 殷 邶 士 鄘 兢 於

四

八

下,辟就百姓 也。」《説苑》南宫邊 余一人,有善易得 周,其辭曰: 亡。」《吕氏春秋》南宫括曰: 爲 曰 : 卜居成周 以《書》正義攷之,「采」字疑當作「令」。 日粤朏。」《漢 此天下中,有德 婁敬曰: 召誥》正義引《周書・月令》云: 三日日 也 ,其 敢 『惟余一人,營居 · 律 「成 朏。」顏注謂説月之光采。 命 無 而見也,有 龜 曆志》引古文《月采 中 則 王即位,周公營成周 子曰 曰 : 土乎 易以 王,無 『予一人兼 「昔周 不善易 使予有罪 「成王定 于 德 成 成 則 得 周 易 E 有 面 以以 篇》 之 天 誅 成 惟 以 愚 則

使惇惠者教之,文敏者道之,果敢者諗之,鎮

靖者脩之,若晋公族大夫是也。教行而俗

美,然後托以安危存亡之寄,而國有與立矣。

0

<sup>「</sup>王」,嘉慶本、道光本作「厥」。

之辭

其

義尤切。

四 方伐之,無難 得也。」」三説大意 略 同

以

在位言。

《吕刑》穆

王享

或

百

年,以

無逸》中宗、高宗、

祖

甲、文王之享國

言。

《禮記・文王世子》注謂大司成、司徒之屬 之職。《師氏、保氏》注亦引《書叙》云: 官》之篇,以師、保爲《周禮》師氏、保氏大夫 師氏也。兩注自不同 周公爲師,召公爲保。 鄭康成不見《周 「聖賢兼此官。」

也。

馬

融、鄭玄云:

「武丁子帝

甲

也。」

祖

甲,

孔安國、王肅云:

「湯

孫

太

甲

氏。 爲氏。 表》: 宜生,名。」愚按: 「有若散宜生」、《孔氏》傳云: 「女皇堯妃,散宜氏女。」當以「散宜」 《漢 書 古今人 「 散,

維 十一而税,而頌聲作矣。故《書》曰: 桀小桀,少于十税一謂之大貊· 傳》云: 「古者十税一,多于十税一謂之大 有胥賦小大多政。」」古今文之異如此。 多方》「越惟有胥伯小大多正」、《大 逸》、《大傳》作「毋逸」。 小貊。 毋者,禁止 王者 越

説是。 《書》正義以鄭爲妄。《史記》正義按帝王年 此心也。 敢」。 甲。 代曆,帝甲十六年,太甲三十三年,明王、孔 七年,祖甲三十三年,世 德,後有過。」蔡氏《書傳》從鄭説,謂 合,亦不以太甲爲祖甲。 按邵子《經世書》高宗五十九 天命自度」,天與我 堯、舜之兢業,曾子之戰兢,皆所以存 無逸》多言「不敢」、《孝經》亦多言「不 王肅云: 「先中宗,後祖 次曆年皆與《書 -; 「自作元 甲, 年,祖庚 先 非

太

盛

五〇

明命。」 碞。」天之監 民 之 疾 苦 臨常在目,故 常 在 目, 故 日 日 顧 顧 諟 畏 天之 于民

也。 謂 公曰: 知弘、石之姦; 也,而不能知令狐綯之佞,明於小而 故堯、舜之知,不徧物而急先務。 「文王罔攸 漢宣帝綜覈名實,非不明也,而不能 「人君急於 兼 唐宣宗抉擿 于庶言庶獄 知人,緩 細 於 庶慎」,司 微,非 知事。」 闇於大 不 察 愚 馬

殊,而 方且封 難 王之對,知漢所以亡。 ,抑損諸 觀蔡仲之命,知周 國之興亡決焉。 建親 侯,以成外 戚,以蕃 戚之篡。 屏周; 周公弔二叔之不咸 所以興; 漢懲七國之 心有公私之 觀中山 靖

祭」,豈君陳其一人歟? 凡伯、祭公謀父,注,它無所攷。《傳》有「凡、蔣、邢、茅、胙、君陳,蓋周公之子,伯禽弟,見《坊記》

之近郊五十里,今河南、洛陽相去則然。」鄭「命君陳分正東郊、成周」,鄭注:「周皆周公之裔,世有人焉,家學之傳遠矣。

以目驗知之。《儀禮》疏。

以夫。 矣。 歸主,李斯所以亡秦也,曾是以爲 是告其臣。 我后之德。』」先儒謂: 成王失言。蓋將 闇愎之君,誦斯言則歸過,求名之疑不 其美,善則稱 承弼昭事,稱文、武而不及成王,其有 爾乃 順之于外,日: 「順」之一字,其弊爲諛。 君,固事君之法,然君 「斯謀斯猷, 良 不可 顯 可 乎? 有 解 善 以 順 惟

曰:「有容,德乃大。」用賢以及民,則田單之善,亦王之善。故用賢以及民,則田單之善,亦王之善。故推誠以待士,則樂氏之勇,亦子之勇,

晏子之論齊,子思之論衛,一也。西漢之史伯論周之敝曰:「去和而取同。」與

口,亦以群臣同聲,故曰:「庶言同則繹。」

害,第 矣。 號 不用文公之説 大事,當嚴其禮也。」蔡氏《書傳》取蘇 述先帝之命,以告嗣君。 十二月朔,奉嗣王祗見厥祖,固不可 故孟子有『吾未之學』之語。 文公謂: 之獻,諸儒以爲禮之變,蘇氏以爲失禮。朱 唐 唐憲宗上順宗册,在德宗服中,謂 有欲俟欽宗 自 漢、唐即 康王釋喪服而被衮冕,且受黄朱圭 武 備 德 樂 以 「天子諸侯之禮與 而 來,皆用易月之制,既葬之後 位 不 行 服除奉册者,林 愚觀孝宗初上太 作 册禮,君臣 미 也。 蓋易世傳授,國之 劉 如《伊 亦皆吉服 士庶人不 韶 美 黄 F 訓光 議 行 中 用凶 帝 議 禮 氏 日 后 同, 無 追 祀 . 而 服 幣 尊

> 謂 公《語録》所 與 本 之無服 朝 事 體 群臣 大 云「漢、唐册禮」,乃一時答問, 八相遠 上尊號, 也。 觀韶美之言,則文 亦 多 在 即 位 一之年。

里,成周郊」、《書序》缺「公」字。《史記‧周紀》「康王命作策畢公,分居

未爲定説

也

言哉 曆促, 恥尚 生焉。」蓋國之存亡在風俗,四 則小人之道長, 小人之道長,則 土,以安史之亂爲鑒,謂:「先王之道消 樊之民不肯從晋。及其末也,周民東 其效見於東遷之後,盟向之民不肯歸鄭, 不肯事秦,王化之人人深矣。 《畢命》一篇,以 失所 而 晋 風 祚 俗爲本。 覆。 唐賈 至 維 殷民既 其 不 亂 至議 知 張 臣 本之 賊子 Ľ 而 而 取

足; 周之興 周之衰也,衛 也, 商 民 風 後革,百 先 變, 年 日 化 移 之 而 而 不

有 餘

之説 説 也。 也。 雖 繩 政放心, 閉之惟艱」, 孟子求放心之 愆糾謬,格其非心」,孟子格君心

焉; 焉。 故曰: 衛石 晋趙衰以遜化一 碏以義厲一國,而甯、蘧之類萃 樹之風聲。」 或, 丽 知、范之賢 繼

惟義,時乃大訓。」 人之守禮,周、孔之澤深矣。 齊大史之守官,尚父之德遠矣; 故曰: 惟 魯宗 德

引《甫刑》曰: 然岐以「帝」爲「天」,則 皇帝,始見于《吕刑》。 「帝清問下 非。 民。」無「皇」字。 趙岐注《孟子》

兵以恭行天罰,謂之天吏。 刑以具嚴

天威,謂之天牧。 至乎?」阮逸注云: 中説》薛收 E **元**元 古人作元 命包 一》,《易書》

命,

其

能

有《元包》。 也。」愚按 薛收蓋謂  $\wedge$ 春秋緯》有《元 「自作元命」,其言見 命 包》,《易 書

於《吕刑》,阮注誤矣。

《王風·揚之水》,亦然。 夫椒之事,亦致意焉。 有感於靖康之變乎? 侯之命》,其言峻厲激發,讀之使人憤慨 張子韶《書説》於《君牙》、《冏 胡文定《春秋 朱子《詩傳 命》、《文  $\sim$ 傳》於 其 其 説

家》: 夷奄 夷、徐戎並興,於是伯禽率師伐之於肹,作 來自奄」,孔注云: 復者,皆以伯禽藉 征之,急王事 也。」」鄭注云: 聞諸老聃曰 又叛。 子夏問金革之事無辟,孔 伯 禽 . 魯征 也。 即位之後, 『昔者,魯公伯禽 「有徐戎作難,喪,卒哭,而 淮 征之作《粊誓》。」後世 夷,作《費誓》。」《魯世 「周公歸政之明年,淮 嘗攷《書・多方》「王 有管、蔡等反,淮 子 有爲 日 爲之 起 吾

《禮》之言,●恐非謂《費誓》也。 公時,非居喪即戎也。《左傳》「殺之役,晋之時,非居喪即戎也。《左傳》「殺之役,晋之時,非居喪即戎也。《左傳》「殺之役,晋之時,非居喪即戎也。

伯禽之化,歷戰國、秦、楚,猶一日也。講誦習《禮》、《樂》,弦歌之音不絕。周公、酒、味、色、臺池爲戒。漢高帝圍魯,諸儒尚酒、味、色、臺池爲戒。漢高帝圍魯,諸儒尚

顔師古注引《秦誓》「雖則員然」。古文作「員」。 「員」之省文? 愚按。《漢書》韋孟諫詩,來」,非讀《秦誓》正義,安知今之「云」字乃來」,非讀《秦誓》正義,安知今之「云」字乃

觀美。」見《大傳》。《孔叢子》云:《帝典》觀美、《大可以觀事、《皋陶謨》可以觀治、《堯典》可以配言:「《六誓》可以觀誠、《洪範》可以觀度、《禹貢》曰:「《六誓》可以觀義、《五誥》可以觀仁,曰:「《書》摽七觀。」孔子

禹謨》、《禹貢》觀事,《皋陶謨》、《益稷》觀政,《泰哲》觀義。

此其略略異者。

春秋時,郤缺之言「九功《九歌》」,穆美之言「元亨利貞」,子服惠伯之言「黄裳元吉」,叔向之言「《昊天有成命》」,單穆公之言「《旱鹿》」,叔孫穆子之言「《鹿鳴》之言「商成鱄之言「《皇矣》之《雅》」,閔馬父之言「商成鱄之言「重、黎」,白公子張之言「商。》之、言「重、黎」,白公子張之言「商。」,其有功於經學,在漢儒訓故之先。蓋會遲任、史佚以來,統緒相承,氣脉未嘗會遲任、史佚以來,統緒相承,氣脉未嘗絕也。

曰:「世稱伊、雒以東,淮、漢以北,康成一人而已。 咸言書》事」,今僅見於唐元行沖《釋疑》。 王粲《顔氏家訓》云「《王粲集》中難鄭玄《尚

■ 「記禮」,道光本互乙。

五四

目》: 粲集八卷,詩賦論議垂六十篇。退思其意,意皆盡矣,所疑猶未論焉,凡有二篇。」《館閣書先儒多闕,鄭氏道備,粲竊嗟怪,因求所學,得《尚書》注。

愚謂《漢》注得之,周官皆有師。 賈誼傳》「官師小吏」,注云:「一官之長。」單靖公」,注:「天子官師,非卿也。」《漢・『官師相規」,注謂官衆。《左傳》「官師從

游廬山序所歷,曰:「當用《禹貢》。」安國欲記《考古圖》,曰:「宜用《顧命》。」王景文謂:「文章根本在《六經》。」張

子》云:「壽若召公。」

「論衡》云:「召公百八十。」故趙岐注《孟有餘歲。」應劭云:「周公年九十九。」王充冢紀年》之妄説也。皇甫謐云:「伊尹百冢紀年》之妄説也。皇甫謐云:「伊尹百子賦序》「伊生抱明,允以嬰戮」,蓋惑於《汲世)

《吕氏春秋·孝行覽》云:「《商書》

可見。 『刑三百, 罪莫重於不孝。』」注: 商

事。二《禮》疏引《書傳略説》,皆《書大傳》也。乃鼓ظ譟。」疏謂:《書》傳説武王伐紂時《周禮・大司馬》注引《書》曰:「前師

氏」,傳習之差如此,近於郢書燕説矣。是來備。」荀爽謂之「五韙」,李雲謂之「五建」,李雲謂之「五《洪範》「五者來備」,《史記》云:「五

謂: 好 以潤之」,則 克土,土爲妃,故好風。畢屬西方金,克木, 木爲妃,故好雨。」 雨 「土氣爲風,水氣爲雨。 《易》以坎爲水、北方之卦。 雨屬水。《漢志》: 此 鄭 康 成説也。 箕屬東方木, 又曰二 吴仁傑 星 亦 雨

篇。 《尚書》百二十篇之時《太誓》也。」又「帝 帝寵 子諸所言舜事,皆《堯典》及逸《書》所 其子九男二女」,注云: 辭。又引《書》: 又「不及貢,以 二女」,不見九男,孟子時《尚書》凡百二十 逸《書》有《舜典》之叙,亡失其文。 之」斷句。 趙 岐 注《孟子》,不見古文,以「其 禹拜讜言。 又「我武惟揚」,注云: 政接于有庫」,謂皆逸篇之 「《堯典》曰『釐 載。」 助 古古 孟 降 使 E

好處。」

子世六。《易 王,未詳。 乙,湯玄孫之孫也。 書》之帝乙六世王,名同不害以明 《易乾鑿度》曰: 唐陳正 》謂十二君 節 日 : 按《史記》湯至帝乙二十九王,謂 ,亦未 「殷自成湯至帝乙十二君,其父 詳 「《易》之帝乙爲湯, (功。) 帝 六世

> 簡,林氏傷於繁,王氏傷於鑿,呂氏傷於巧,然其間儘 書説》自《 林 :少穎《 浴語 書説 而 》至《洛誥》 始。 朱文公曰: 圃 終,吕 蘇 氏 成 傷 公 於 有

首」。不于其未,而于其極,則無及矣。則「城復于隍」,《既濟》之極,則「濡其制治于未亂,保邦于未危。《泰》之極,

法。 愊 利口。」《冏 夫」,所以監秦之失也。 所以反商之敝也。張釋之諫文帝「 亂,則人必尚言。」周公訓 日 口 告其民。 無 華。 將相 伊尹以辯言亂政 「天下將治, 此漢之家法 功臣,少文多質, 命》曰: 商 俗 利 則 無 口,其敝 人 戒 《周官》曰 以巧言。」此周之家 必 其君,盤 成王「勿以 尚 行; 安静之吏,悃 久矣。 . 庚以 超遷 天 憸 下將 邵子 度 無 嗇 乃 以

「恭在貌,敬在心」、《書》正義之説也。

五六

【说也。「中心爲忠,如心爲恕」,《詩》、《春秋》正義

門,高第皆爲一科。故曰: 「無求備于堯、舜之世,名臣止任一事, 仲尼之

阻

飢。

一夫。」

已復禮,天下歸仁」也。忍言事,容言德。習忍則己復禮,天下歸仁」也。忍言事,容言德。習忍則不行焉」也。 一視同仁,容也, 顏子之「克不行焉」也。 一視同仁,容也, 顏憲之「克伐怨欲

成法。聖賢傳心之學,唯一「則」字。禮義、威儀之則,皆天理之自然,有一定之式和民則,順帝之則,有物有則,動作、

勤則不匱。「先知稼穡之艱難,乃逸」,故君「若農服田力穡,乃亦有秋」,故民生在

子能勞則有繼。

人於夷狄禽獸,雖有土不得而居,雖有穀不「乃命三后」,先儒曰:「人心不正,則

廢,其禍烈於洚水。四維不張,其害憯於子「去食」、孟子「正人心」之意。《小雅》盡得而食,故先伯夷而後及禹、稷。」此説得孔

《周禮》爲中典,《甫刑》爲重典,非也。王雖多五百章,而輕刑增,重刑減。班固以《周禮‧司刑》五刑之屬二千五百,穆

後乎! 篦於寢宫。 籠、麻蠅拂於陰室,唐太宗留柞木梳、 禹有 是以知嗣德之難也。宋武 湯以 典 義禮 作法於儉,其敝猶侈,況以 則 貽 垂裕後 厥子 孫, 足,而 而 有 有 盤 帝 顛 留 遊 覆 黑 葛 典 無 角 燈 刑 度

之攝, 愛; 多儀 慝, 豈《經》之過哉 湯、武。 錮 丕之奪漢,託之舜、禹; 君 而崇飾符 子, 而立享上之説。 因 違衆妄動,日 臨湖之變,託之周公。 岱 邵 謂之朋 陵 丽 海 瑞 封 西之廢,託之伊 因 比。 禪 [惟克] 建 因 慘 塞忠 極 時 果斷。 礉 而 廵 少恩, 衍之篡齊,託 諫,謂之浮 雜 侮聖言以文姦 丽 糅 逸 其甚 尹 正邪 遊 日 威 一焉者, 因《 克 言 新 因 都 之 厥 享 洛

遺風也。 牛角馬,不今不古者歟。 蘇威五教,綽之牛角馬,不今不古者歟。 蘇威五教,綽之

過。 秦繆 思不 殺。 君子 用蹇叔、百里傒之謀、令後世以 三十六年,自茅津渡河,乃誓於軍 公之與 《史記 聞 秦紀》: 人 之,皆爲 周 也, 卒 垂 繆公三十三年, 得孟 涕, 曰 : 明之慶。」《 嗟 記余 乎 敗 書 申 於 -

《册太子文》云: 之長,蓋方伯也。《大傳》説非 於迎郊。」愚謂: 四方諸侯來朝,迎於郊者,問其所不 《大傳》: 「太子年十八日 孟 「盡謙 侯」見《康誥》, 恭於齒 三孟 胃 不審 侯』, 知。 二 謂 方俗 諸 於 侯 唐

簡 篇之餘。」隋、唐《志》繫之汲冢,然汲 書》「大翰若暈雉」,又引「豲 太史公引「克殷度 劉向云: 書在晋咸寧五 書》北、 《周  $\sim$ 漢 藝文志》:《周書》七十一篇 ζ書・王會≫備焉。」注《儀禮 「周時 唐以 間。」許叔 年,而 : 誥誓號令,蓋 邑」。 兩 重《説 漢已有《周 鄭 康 有 成注《 孔子所 爪 文》引《逸 而不敢 冢 書》矣, 周 得竹 論 禮 周 以 百

《周 據,則 漢世。 云: 康元年。 卷不可名題。」其目録亦無《周書》。然則繫 不言《周書》。 傳》太康二年,汲郡得竹書七十五篇。 撅 「千里百縣」、「轡之柔矣」,皆以《周書》爲 書》於汲冢,其誤明矣。 馬 「竹書七十五卷,六十八卷有名題,七 此書非始出於汲冢也。 杜 當攷。 融 元 注 凱解《左傳》時,汲冢書未出也,  $\wedge$ 論 紀云: 咸寧五年、《左傳後序》云: 左傳》 語》引《周 Œ 義 書 引 . 按《晋 王 月令》,皆 東 其 太 在 目 晳

《王會》載八方會同,各以其職來獻。 贄物二十; 也。 自 慎以下,其贄物二十一, 自義渠以下,其 定、濟中、孟諸、隆谷、大都之貢物,此禹 權扶以下,其贄物九。 《周書》載伊尹爲 《書大傳》載四海、河江、五湖、鉅野、鉅 自 高夷 以 四方獻令,此湯時也。 下,其贄 此成王時 物 也。 + 自 四 愚 ; 稷 時

用」,珍異之貢,恐非三代之制。謂:《旅獒》之訓曰「畢獻方物,惟服食器

五八

《樂記》所謂杞宋也。然則《郊特牲》云:《樂記》所謂杞宋也。然則《郊特牲》云:《樂記》所謂祝陳也。殷公、夏公,意公,之大, 良公、夏公,八人, 真公,以上, 是公,以上, 是公,以上, 是公,,是公,

《周書‧史記篇》穆王召左史戎夫,取遂事之要戒,言皮氏、華氏、夏后、殷商、有虞氏、世集、有巢、有鄶、共工、上衡氏、南氏、有氏、曲集、有巢、有鄶、共工、上衡氏、南氏、有民、曲集、有巢、有鄶、共工、上衡氏、南氏、有虞。 過名多傳記所未見。

陰,不召而民自來」,亦見《文子》。張文潛《周書・大聚篇》「若冬日之陽,夏日之

<sup>● 「</sup>過」,道光本作「及」。

《祭司馬公文》「冬暘夏冰,赴者争先」,蓋本

於此。

里以文名,

東京以東名,閔天以尊顯。閔天諡當改。

《周書·諡法》「惟三月既生魄,周公旦、 太師望相嗣王發既賦憲,受臚于牧之野。終 葬,乃制益。」與《六家諡法》所載不同。蓋今本 葬,乃制謚。」與《六家諡法》所載不同。蓋今本 如三、太公望開嗣王業,建功于牧之野。終 大師望相嗣王發既賦憲,受臚于牧之野。將 太師望相嗣王發既賦憲,受臚于牧之野。將

《吕氏春秋・名類篇》。《三氏春秋・名類篇》。《夏篇》見《周書・文傳篇》、《商箴》見解、文心雕龍》「夏、商二《箴》,餘句頗

夏以 以紀終。」「九 考,順道九紀: 三日以紀德,四 紀長,七 周書 小武開篇》周 紀 秋 一辰 月以紀 以紀殺,八冬以紀藏,九歲 與《 洪 以 刑,五 範》「五 紀 公曰: 日,二宿以紀月, 春以紀生,六 紀 相表裏。 「在我文

> 止。」注 謂九星。」九星即九紀也。 光。」周公曰: 文選》任 引《周 彦升 書》王 日 「星、辰、日、月、四 . 日 示不 改 多辰, 余不 知 時、歲,是 圃 九 九 星之 星 仰

輔之; 老子爲柱下史,故見此書。 之言,范蠡、張良之謀,皆出於此。朱子云: 此豈蘇秦所讀《周書·陰符》者歟! 何引《周書》 任 章引《周 將欲取之,必姑與之。」《戰國策》。 i E 書》曰: 「天予不取,反受其 將 欲 敗 Ź, 必 老氏 咎。」 姑 蕭

「虚戲作造六崟以迎陰陽,❷作九九之數以合天道,而天下峜以迎陰陽」者,不復見。《管子·輕重戊》篇:●浙云「周天曆度」、《周髀》。《管子》所云「造六所云「周天曆度」、《周髀》。《管子》所云「造六

❶ 「篇」,原作「日」,據嘉慶本、道光本改。

<sup>「</sup>作」,嘉慶本、道光本無此字。

化之。」「周 人之王,循六卷,行 述神農之教,列子稱 陰陽。」「峜」字、未 詳。 黄 許

黄,而 帝之書。 之西京。 行爲神農之言,鼂錯 連山》、《歸 古也。」《列子》引黄帝書,即《老子》谷神不死章。 大 或云: 道 陰陽五 隱矣。 藏》、《坤乾》。 行,兵法醫方,皆託之農、 「張天覺得之比陽民家, 今有山 元豐中,毛漸 氣形之書,謂 之 得

也; 用 而 剛。 也 遜言,則爲梁丘據之苟同 有言遜于 而善惡異。 「惟學遜志」、《謙》之卑以自牧也。 君不遜志,則 汝志」、《艮》之不拯其 君 體 爲唐德宗之彊明, 剛 而用柔,臣 體 柔 隨 臣 而 遜

非

哀悼 覆。 華 六之 覈 能官 臣 「畏隣戒」, 周 以 臣 人乘黎,祖伊恐」,商受能 不勝忡悵之情,謹 草芥,竊懷 門上表曰: 則无咎矣。 不 「成 寧。 都不守,社稷傾 蜀漢之亡也,吴 拜 陛 表 下至仁,必垂 以 如《震 聞。」吁, Ě

> 華 覈 亦 吴之祖 伊 歟

《禮》折民,漢儒以《春秋》決獄。 古。 先王之道,可謂智乎?」 李斯之言猶行 甚高論,宣帝謂俗 俗變相類,議 云 「學而後人政,未聞以政學者 法後王之説,李斯師之,謂諸 太史公亦惑於流俗之見、《六國 學古 「傳日『法後 入官然後能議 卑 也。 m 儒 《孟子》曰: 易行也。」文帝謂卑之毋 王』何也? 好是古非今,秦既亡 事 生不 也。」 以 以 制,伯 「爲 其 子産 師 荀 近 政 今而 卿 夷 不 己 始 日 表 學 以 因 而 而 爲

政者,事爲而已。 舜之克艱,文王之無逸,心也。後之勤

作、《師》之上六、《既濟》之九三、皆 「小人勿用。」 勿以憸人,立政之戒 也。 爻辭 周 日 公所

忘商也,故謂之《商書》。 陶淵明於義熙後,但高明柔克。」《洪範》言「惟十有三祀」,箕子不《左氏傳》引《商書》曰: 「沈漸剛克,●

心,復漢在於一言。延攬英雄,務悦民賢人,興漢在於一言。延攬英雄,務悦民既獲仁人,武所以克商也。養民以致

書甲子,亦箕子之志也。

陳咸用漢臘亦然。

張文饒曰:「堯之曆象,蓋天法也。

舜之璣衡,渾天法也。」

公、召公、畢公六人耳。」代之書,其稱相者,獨伊尹、伊陟、傅説、周代之書,其稱相者,獨伊尹、伊陟、傅説、周本仁父《宰相年表序》曰:「孔子序三

車轘」,此春秋時嘗有之。至秦用之,豈成刑止於五,而《秋官・條狼氏》「誓馭曰

周之法哉!

省爲戒。多事非也,不事事亦非也。戒。器久不用則盡,政不常脩則壞,故以屢烹魚煩則碎,治民煩則亂,故以叢脞爲

刑。」「又」與「宥」同。 有 教」,皋陶所執之法也; 以意言之。攷之《書》,明于「五刑 失不經」,舜所操之權也。 而舜以其權濟于上,劉頌所謂君臣之分,各 所 司。 「皋陶曰殺之三,堯曰宥之三。」蘇 《王制 **>** 則蘇氏之言亦有所本。 티: 「王三又,然後 「與其殺 皋陶執法于下, 不辜, 以弼 氏 制 寧 Ŧi. 雖

而極其至。事君如事天。「格于皇天」,「格其非心」,皆誠意感通

通犀帶賦》曰:「美服珍玩,近於禍機。「玩物喪志」,志爲物所役也。李文饒

^

● 「漸」、《書·洪範》作「潛」、嘉慶本、道光本同。

去,●宣子辭環以歸。」此可爲玩物之戒。 虞公滅 以 聞 圃 義 則服, 垂 棘 返, 壯武 防患則 殘 微。 而 龍 經 劍 侯委 飛 珮 先哲 而

聖,勇而好問者勝。」《中庸》曰: 「舜好問。」博學之,必審問之, 學以聚之,必問以辨之, 敏而好學,必不恥下問。《老子》亦云: 「知而好問考別報」,謂聞見廣而德有餘也。

於「遠佞人」,一也。官,終於「堲讒説」, 孔子答爲邦之問,終官,終於「堲讒説」, 孔子答爲邦之問,終九 舜咨十二牧,終於「難任人」, 命九

政事,則并其道德而傳之。」朱文公《詩・破也。」後山《黄樓銘序》云:「昔之詩人,歌其之士哉,蓋執簡操筆而隨者,亦皆聖人之徒之士哉,蓋執簡操筆而隨者,亦皆聖人之徒之士哉,蓋執簡操筆而隨者,亦皆聖人之徒本, 所記豈獨其迹邪? 并與其深微之意而者,所記豈獨其迹邪? 并與其深微之意而者,所記豈獨其迹邪? 所以其深微之意而

計,蓋亦莫非聖人之徒也。」皆用南豐文法。皆能以周公之心爲心,而不自爲一身一家之斧》傳云:「當是之時,雖披堅執鋭之人,亦

之《抑》戒也。故曰:「《詩》可以興。」之《抑》戒也。故曰:「《詩》可以興。」之權與也。《洪範》「無偏無陂」,至「歸其有是其性情,與《周禮·大師》教以六詩,同一種」,蔡氏謂: 此章蓋《詩》之體,使人吟咏而極」,蔡氏謂: 此章蓋《詩》之體,使人吟咏而之《抑》戒也。故曰:「《詩》可以興。」

民。」武之《誓》曰:「惟人萬物之靈。」劉子鳥集學宫,阜擊磬而舞」,況舜樂所感乎!鳥集學宫,阜擊磬而舞」,況舜樂所感乎!脱簡重出。《東觀漢記》「王阜爲重泉令,鸞脱簡重出。《東觀漢記》「王阜爲重泉令,鸞

❶ 「經」,嘉慶本、道光本作「昭」。

益子斤胃「生蜂」,謂原遠長。 所謂「天地之中」,子思所謂「天命之謂性」,

孟子所謂「性善」,淵源遠矣。

香,而不能雪君父之讎恥,豈知禮之本乎?待諸侯之禮如此。平王能存西周禮文之《觀禮》所謂「伯父無事,歸寧乃邦」。古者《覲禮》所謂「伯父無事,歸寧乃邦」。古者

「洪舒于民」,古文作「洪荼」,薛氏曰:

「大爲民荼毒也。」

口水溢涌,實石負圖,即其地也。《周禮》注:度西曰「柳穀」。魏明帝時,張掖柳谷。宅西曰「昧谷」,虞翻謂當爲「柳谷」。

霸。三公行二伯之職,以統諸侯,則霸者安之任。周之衰也,外諸侯爲伯,爲齊、晋之之任。周之盛也,内諸侯爲伯,爲周、召、畢公

命」,一爲獨夫之言,一爲聖人之言。真文「我生不有命在天」,「得之不得曰有

得而竊王命?

者也, 安焉而弗求,樂乎天者也。」此聖、忠公曰: 「命,一也,恃焉而弗脩,賊乎天

狂所以異。

謂天不足畏,民不足畏,爲桀、紂、秦、隋。聖王畏天畏民。人有畏心,然後敬心生。

矣。」自成公已有此說。 能知此,則知觀《書》之要,而無穿鑿之患之謂性,率性之謂道,脩道之謂教』也。人民。若有恒性,克綏厥猷惟后」,此即『天命民。若有恒性,克綏厥猷惟后」,此即『天命民。若有恒性,克綏厥猷惟后」,此即『天命

經注》,以爲吕梁、狐岐。州甚遠,壺口、大原不相涉。晁以道用《水州甚遠,壺口、大原不相涉。晁以道用《水川法文》,治梁及岐」,若從古注,則雍州山距冀

困學紀聞卷之二

六

## 困學紀聞卷之三

浚

儀 王應麟 伯厚甫

聖賢之意。」 名。 時 書》作「萇」,此小毛公也。 名,唯見于此。 卿授魯國毛亨,作《詁訓傳》以授趙國毛萇。 訓 人謂亨爲大毛公,長爲小毛公。」大毛公之 傳》,一云魯人。失其名。《初學記》: 《後漢書》「趙人毛萇」、《序録》亦云「名長」、今《後漢 經典序録》: 正義云: 「《儒林傳》毛公,趙人。」不言其 河 程子曰: 間 人大毛公爲《詩故 「毛萇最得 「荀

徐整云: 「子夏授高行子。」即《詩序》

> 王之聲,亦高子也。 義矣。趙岐云: 靈星之尸,以《小弁》爲小人之詩, 及《孟子》所謂 高 「高子,齊人。」謂禹之聲尚文 子 也。 以《 絲衣》繹 則已失其 賓 户 爲

讀詩記》引陸璣《草木疏》,以曾申爲申公, 《序録》: 「子夏傳曾申,申傳李

以克爲尅、皆誤。

《詩》六義,三經三緯。

鄭氏注《周

禮

詩

是否也。 年》、《戴芟》、《良耜》等篇爲「豳頌」,亦未知 篇爲「豳雅」、《思文》、《臣工》、《噫嘻》、《 風非無雅,雅非無頌。蓋因《鄭》箋「豳雅」、 有兼備者,有偏得一二者。 從之。而程子謂: 六詩」及孔氏正義,其説尚矣,朱子《集傳》 豳頌」之説。 吕成公云: 然朱子疑《楚茨》至《大田》 豳雅、颂恐逸 《詩》之六體隨篇求之, 《讀詩記》謂: 豐 四

逸《詩》篇名, 若《 貍首》、《射 義》。  $\sim$ 驑

《沔水》也; 之柔矣》、《左傳》、《周 駒 揚沙矣』是也。 薺》、《周禮》。 駒》、《大戴 然則非删 句,不應此章獨 兮」,朱文公謂: 是也。」愚攷之《周 句者,"月離于畢,俾滂沱矣。 删《詩》,有全篇删 小宛》也。 月 、離於箕,風 《論語》「唐棣之華」之類。 鳩飛》、《國 禮 句也。 》、《漢 周子醇《樂府拾遺》 《河水》、 《新宫》、《斯干》也, 揚沙」,非詩也。 有 多一句,蓋 書》注。 語 《碩人》詩 者 删一句者,『素以爲絢兮』 ×, 若全篇之删,亦不 禮 書 《驪  $\approx$ × 無 《新宫》、《茅鴟》、《左  $\wedge$ 疏 祈招》、《左傳 辭。 皆 引《 駒》是也。 不 有 四章,而章皆七 春 或 叮 月離 其辭,唯 Ĕ 謂 「素以 秋 知 其  $\wedge$ 緯》云: 于箕,風 0 % 有删 「孔子 鳩 河 止《驪 何 爲 水 飛 ^ 詩 采 絢 × 轡 兩

得之張超,或謂得之蔡邕。未詳所出。近世説《詩》者,以《關雎》爲畢公作,謂

興; 也。 林之言,本於此 物 賦 心 義愈精矣。」李仲蒙曰: 也 賦不稱焉,蓋謂 發人之善心。 合於興者四十八條, 六篇,首繫之興:《風》七十、《小雅》四十, 大雅》四、《頌》二。 雕龍》曰:「毛公述 一而兼 情物盡 也 朱氏 鶴林吴氏《論 《頻弁》一詩,而 觸 於比, 物 又於其 也。 以 毛氏 起 賦 索物 間 傳,獨標興體 情  $\wedge$ 詩》日 緑 直 自《關 謂 增補 注曰: 且日 興、比、賦 衣 圃 之興,物動 以 ×, : 興 託 + 「叙物以言情謂之 : 雎》而 比 微 九 情謂之比, 以以 ||《關 比比 興之體 詩 篇 興也。」而 比 兼之。」 也 顯 下 情 而 顯 雎 而 興隱。」 鶴 也。」《文 而 摘 總 足以  $\forall$ 而 百 情 則 兼 興 其 興 比 + 附 析 於 不 隱 感

太史公云: 「周道缺而《關雎》作。」艾

「物盡」,道光本互乙。

0

失也。 之《詩》 《古文尚書》與子長並出,今所引 牡》、《皇皇者華》之類,皆爲康王詩,《王風》爲魯詩。」辞 軒 不出於《韓詩》。 士龍曰: 祖飢 卷耳》、《鵲巢》、《采繁》、《采蘋》、《騶虞》、《鹿鳴》、《四 」、「惟刑之謐」,當 》,字與義 晁景迂日 「《關雎》作刺之説,是賦其詩者。」 家 説《 多不同。 太史公所引,乃一家之説。 詩 齊、魯、韓三家,以《關雎》、《葛覃》、 各 有來 有 毛公爲趙 師 處,非 承 非古文,如 人,未 今 齊、 傳之 必 韓

也。解》,屈原爲之唱。」是文章鼓吹,多出於楚辭》,屈原爲之唱。」是文章鼓吹,多出於楚故云:「江、漢之域,《詩》一變而爲《楚故云,艾軒謂:《詩》之萌芽,自楚人發之,

此周之所以爲至德。如燬」,當文王與紂之事,於君臣之分嚴矣。如煨」,當文王與紂之事,於君臣之分嚴矣。

朱子《詩傳》云:「舊説扶風雍縣南有

亭的 志》,召亭在岐 召 亭。 在 何縣 今雍 縣 Ш 愚 析 縣 按 爲 西 岐 南。 山  $\wedge$ 史記》正 天 興 兩 義 縣 引《括 未 知 地 召

篇,使學者朝 子《儀禮 聲寓之塤籥,因 肅所傳,云即 横渠《策問》云: 通 解 開元遺聲也。 夕詠歌。 》有《風 擇取 雅 二《南》、《小 十二詩 今其聲 湖 州學 譜 無傳焉。」 興,竊 雅》 乃 趙 數 意 朱 遺

篇, 采蘋》而後《草蟲》。 草蟲》之前。」曹氏《詩 越《草 《詩》正 -蟲》而: 義 曰: 取《 采蘋》, 「《儀禮》 説 》謂: 蓋 歌《  $\Rightarrow$ 采  $\sim$ 蘋》舊 召 齊 詩》 南

乎?」曰: 本商之畿内,故在《王· 爲三國,邶、 邶 馬 鄘 永 卿問 》、《衛》之後,且天子可 鄘 一非 劉元 諸 衛 侯 是 城 也。 也。 日 黍離》上。」 . 周 序《詩》者 既滅商,分畿 Ŧ 在 黍 諸 以 離 其 侯 地 内 後 在 《韓詩》之説歟? 伯封事,唯見于此。《新序》云:「衛宣公子壽,閔其兄伋之見害,作憂思之詩,《黍離》,《王風》之话,恐不可以爲《衛詩》也。《韓詩》云:首,恐不可以爲《衛詩》也。《韓詩》云:「《黍離》,伯封作。」陳思王植《令禽惡鳥論》曰:●「昔尹吉甫信後妻之讒而殺孝子伯曰:●「昔尹吉甫信後妻之讒而殺孝子伯曰;學「昔尹吉甫信後妻之讒而殺孝子伯曰;學「昔尹吉甫信後妻之讒而殺孝子伯曰;學「昔尹古甫信後妻之讒而殺孝子伯曰;學「昔尹古甫信後妻之讒而殺孝子伯曰;學「古漢」,《韓詩》之説歟? 伯封事,唯見于此。

尤乖異。《式微》一篇,又謂二人之作。《柏舟》、《大車》之類,與今序《詩》者之説, 南豐謂:《列女傳》稱《詩》《芣苢》、

賢士大夫從而執經、考疑者繼于門。」《唐語 毛、鄭《詩》,通《春秋左氏傳》,善講説,朝之 詩》,日: 韓文公爲《施士丐銘》曰: 劉 甘 禹 棠》「勿拜」,如人身之拜, 錫 與 韓、 柳 詣 士 「先生 丐 聽 説 明

人思不可及。」《讀詩記》董氏引士丐説。小低屈也。勿拜則不止勿翦,言召伯漸遠,

周有《房中》之樂、《燕禮》注謂: 弦歌《周南》、《召南》之詩。漢《安世》歌「神來燕山夫人所作。魏繆襲謂《安世》歌「神來燕享,永受厥福」,無有二《南》后妃風化天下之言。謂《房中》為爲后妃之歌,恐失其意。

之詩也。」亦齊、魯、韓之説歟。而無禮。人而無禮,胡不遄死?』此妻諫夫夫婦榮恥共之。《詩》云:『相鼠有體,人夫婦榮恥共之。《詩》云:『妻得諫夫者,《白虎通・諫諍篇》:「妻得諫夫者,

娶者,非己所自親也,衛女何以得編於《詩》《韓詩外傳》高子問於孟子曰:「夫嫁

● 「令禽」,原作「貪」,據嘉慶本、道光本改。

也

之志 可,無伊尹之志則篡。」 ? 則怠。 孟 子 若伊 尹於太甲,有伊尹之志 有 衛 女之志 則 可 , 無 衛 則 女

王 「《小雅》雖言政,猶有風之體。《大雅》之正,幾於頌矣。」 成則近於雅矣。文、武之雅終於《魚 云 〈序》以爲可告神明則近於頌矣。」潏水李氏 可 `以告神明」,雅其爲頌歟!』《解頤 道 晁景迁《詩序論》云: 「文王之風終於《騶虞》、《序》以爲王道 成也」,風 其 爲雅歟 1 「序 序《  $\stackrel{\cdot}{\wedge}$ 魚 騶 新 麗》: 虞》: 麗》, 語 日

黄鍾 行。」大夫九能,見《毛 五行,或調 建邦能命龜 ,或調六律,或調五音,或 止於陳靈,在桓、文之後。 歐陽公曰: 八能之士,見《易緯通卦 律 ,田能施命,作器能銘,使能造 曆,或調 「霸者興,變風息焉。」然 詩 陰陽, 定 驗 之方中》 或 調 **\***: 五 調 聲, 正 德 傳 或 或 所 調 調

> 誄,祭祀 命 升 可以爲大夫。」 高 能 能 賦 語。 師 君子 旅 能 能 誓,山 此 九者, Щ 能 説 可 謂 喪 有 紀 能

《群輔録》云: 宫 人?」答曰:「仲梁子,先師魯人,當六國 陽,爲移風易俗之儒。」史失其名 時,在毛公前。」正義: 也。」《鄭志》張 《韓非子》八儒,有仲良氏之儒。 《定之方中》傳引仲梁子曰: 「仲梁氏傳樂爲道,以 逸 春秋時 問: ,魯有仲梁懷,故言魯 仲 梁 子 陶 初 和 何 淵 V. 陰 時 明 楚

官。 以 性情也。「緑衣」,以爲緣, 獻 鄭學長於《禮》,以《禮》訓《詩》,是案 之怪。李邦直亦謂毛之説 爲 王 所 此類不可悉舉。 人 劉孝孫爲《毛詩正 宗 以 高 廟 其 學 「庭燎」,以爲不設雞 也。 鄭之 論》,演毛之簡,破鄭 釋 簡 示不 繁 圃 深,此 塞 諫 而 亦 迹 多 人之 人\_, 河 而 間

射義》天子以《騶虞》爲節,樂官備也

傅至樂 雅 詩 艾軒云: 讀《詩》至《鴛鴦》之二章,因悟比 不 解 鶴 「讀《風》詩不 鳴  $\approx$ 此 爲 無 得 解《芣苢 於《 詩 》者。 》,讀 興

《詩· 騶虞》歟?

皆得以風刺。清議在下,而世道益降矣。父、孟子之類是也。《風》之變也,匹夫匹婦公之類是也。《小雅》之變,作於群臣,家公之類是也。《小雅》之變,作於大臣,召穆公、衛武

《賈誼書》同,不必以「騶牙」爲證。《解頤新語》既以「虞」爲「虞人」,又謂異。《解頤新語》既以「虞」爲「虞人」,又謂異。《解頤新語》既以「虞」爲「虞人」,又謂異。《解頤新語》既以「虞」爲「虞人」,又謂

也 鄭 「成王因先王之樂,命曰《騶吾》。」豈 引《琴操》曰: 子掌鳥獸官。 古者役不踰時,不失嘉 康 成 周 尺禮》疏 注 궁: 其説與《射義》合。《文選》注 引《韓 「《鄒虞》,邵國之女所 一于 》、《魯》 嗟 乎 會。」《墨子》 騶 説 虞 ! 騶虞,天 作 日 也。 即 人

可歌也, 三篇閒歌。」《上林賦》「揜群雅」,虞》, 八篇廢,不可歌, 七篇《商》、《齊》巢》、《采蘩》、《采蘋》、《伐檀》、《白駒》、《騶篇,其八篇可歌,歌《鹿鳴》、《貍首》、《鵠

餘皆 《大雅》之材三十一人。」愚謂: 者,唯《鹿鳴》、《白駒》在《小雅》,《貍首》今 張揖注云: 「《詩·小雅》之材七十四人, 鄭氏 風 也 以 而 爲《射義》所 亦謂之雅 豊 引曾孫 風 亦有雅歟? 侯氏之詩, 八篇可歌

非矣。張揖言「二雅之材」,未知所出。文似之。」此有《貍首》,又有《鵲巢》,則或説劉氏《小傳》或曰:「《貍首》,《鵲巢》也,篆

三大夫之命,出爾反爾也。 命,晋大夫襲僖之迹也。有曲沃之命,則有曲沃伯爲晋侯,而篡臣無所忌。威烈王之曲沃伯爲晋侯,而篡臣無所忌。威烈王之

《春秋》之所始也。 同。 從斯言。 之情性,人之情性不應亡。使孟子復出,必 不作歟。 艾軒曰: 於禮義,天下無復公好惡,《春秋》所以 秋》作於隱公,適當《雅》亡之後。《孟子集注》 黍 吕成公謂蓋指筆削《春秋》之時,非謂 離》降爲《國風》,天下不復有《雅 「《詩》亡然後《春秋》作」,胡文定謂自 《詩》既亡,則 「《文中子》以爲詩者 人人情 《春 不 不 民 得 止

《泉水》云:「出宿于干,飲餞于言。」

注 故城在兖州泗水縣東南。 形志》魯郡汶陽縣有新 甫之柏」,傳注不言山之所在 柏人,邢州堯山縣。 有干言山。 説《詩》者未詳其 「《詩》記 兖州博城 山川谿谷、禽獸草木。」則山 李公緒《記》云: 《魯頌 縣有徂來山。 地。 太史公聞之董生 》「徂來之松」、《後 ^ 甫 隋 Щ 志 柏人縣有干 影那 ,唯《後魏 **《通** 一名尤來。 典》 州 内 川 Щ 丘 漢汶 不可 言 **E** • 地 「新 山

《檜》有疾恣之詩、《周語》富辰曰:

不致也。

「鄶之亡,由叔妘。」

蠶事之畢也。農桑一歲之大務,故皆以歲之畢也。《祭義》於三月,云「歲既單矣」,言《豳風》於十月,云「曰爲改歲」,言農事

云:「寒鄉率早寒,北方是也。熱鄉乃晚《七月》箋、傳言豳土晚寒者三。孫毓

言之。

多,雖晚猶寒,非謂寒來晚也。寒,南方是也。」《毛》傳言晚寒者,豳土寒

《詩 《吴志》亦無此語。 《鄭志》爲《吴志》。康成不與吴孫皓同時, 孫皓乃康成弟子,後人因 星别。今按: 中而言,非心星也。」是鄭以日永星火,與心 令》季夏火星中? 七月》正義: 鄭 志》十一卷,魏侍中鄭小同 康 成答問,蓋《鄭志》所 答曰: 《吴志》孫皓問: 孫皓名氏,遂改 「日永星 一火,舉 載, <sup>《</sup>月 撰。

「倉庚于飛,熠燿其羽。」其義一也。引《詩》「熠燿宵行」,熠,盛光也。末章云:蠶夜行,有光如螢。」其説本董氏。《説文》子謂:「熠燿,明不定貌。宵行,蟲名,如子謂、「熠燿宵行」,傳云:「熠燿,燐也。」朱

孟子以農桑言王道,周公之心也。《七月》,見王業之難,亦見王道之易。

周、召之臣,則變者可以復于正。《風》終于周公,《雅》終于《召旻》。

有

《鹿鳴》,而兄弟同食: 悟; 李伯仲也。此可爲學《詩》之法。 學,《衡門》識處世。」和伯弟樗迂仲,吕成公所 柟和伯亦自言: 「吾於《詩・ 王哀讀《蓼莪 子擊好《晨 周磐誦《汝墳》卒章, 》,而三復流 風》、《黍 可謂興於詩矣。 離》, 涕; 而 爲 甫田》悟進 而慈 裴 親 從仕 安 祖 父感 謂 李 講

雅樂四曲: 食舉十三曲: 道衰,大臣知賢者幽隱,彈絃 邕《琴操》: 日 《伐檀》,四 太史公謂仁義陵遲、鹿鳴》刺焉。 「《鹿鳴》,周 日 一日《鹿鳴》。 《文王》,皆古聲辭。 日《 鹿鳴》, 大臣 風 曰《騶 《杜夔傳》 諫。」 所 作 《琴操 漢太樂 也。 舊

●「擊」,原作「繋」,據嘉慶本、道光本改。

首。 檀》、 説,猶《關雎》刺 궁: 日 馬、蔡以  $\overline{\wedge}$ 騶虞》、《鵲巢》、《白駒》。」蔡邕《琴賦 古 鹿鳴》三章。」《鹿鳴》在《宵雅》之 琴 有 爲 詩 時作 風 歌 刺,蓋 諷 五 也。 曲 齊、魯、韓三家之 吕元鈞謂: 日  $\sim$ 鹿 鳴  $\approx$ 陳古以  $\sim$ 伐

門人記録之失。《讀詩記》取鄭、董二子,以 宵」爲「小」,則夜誦之説非矣。 宵雅肄三」、《麗澤論説》以爲夜誦 此

非謂三詩作於衰周。

題之下,必有 節,而亡之。」《儀禮》疏曰: 非亡失之亡,乃無也。」朱子謂 無詩,故云笙,不云歌。『有其義亡其 即亡。」 劉原父曰: 譜 焉。 「《南陔》以下六篇,有聲 如《投壺》魯、薛 「堂上歌者不亡、堂下笙 古古 鼓 經 一解, 之 篇

豐水有芑」,草也; 詩》岂有三: 「維糜維芑」,白粱粟 薄言采芑」,菜 也

> 檵也。 也; 也。 「集于苞杞」、「言采其杞」、「隰 枸 也 「有女如荼」,茅秀也; 檵 《禮記》引「豐水 也。」杞有三: 「南山有杞」、「在彼杞棘」, 茶有三: 「誰謂茶苦」,苦菜 有芑, 「無折 「以薅荼蓼」, 鄭 我樹杞」, 氏 有 注 杞 梓 桋 杞 陸 也 柳 也; 世, 屬 枸

籍談曰 及,拜戎不暇。 克。」蓋自穆王遷戎于太原,而太原爲戎 傳》: 其端自穆王遷戎始。 太原,而 之居,宣王僅能驅之出竟 而 衰弱,荒服 戎 至于俞泉。 薄伐玁狁,至于太原」、《後漢• 「穆王西征 戎 「晋居深山 不 患益深。 太原,晋地。 朝。 , 戎狄之與鄰, 而遠於王室。 犬戎,遷戎于太原。 乃命號公率六師伐 宣王遺兵伐太原 酈山之禍,已兆 西周之亡,猶西晋 書此以補《詩説》之 而 릲 其 後 戎,不 於此, 太原, 王 夷王 料 西 靈不 也。 狄 羌

公,夷 書。 堅詩作,注: 頃公當夷王,故先言此也。」愚謂 云懿王。 然則《采薇》爲懿王之詩矣。《史記·匈奴傳》不 獫允之故。 王室遂衰,戎狄交侵,暴虐中國,中國 變風之作,齊、衛爲先,齊哀公當懿王,衛 雅,當從毛氏,若變風則始於懿王 小雅・采薇》之詩也。」《古今人表》懿王 ,詩人作刺。」《漢 詩人始作,疾而歌之曰: 史記 王失禮之後, 邶不尊賢。」 《詩譜 • 周 豈不日戒,獫允孔棘。』」注云: 「政道既衰,怨刺之詩始作。」 序》 紀》: · 「懿王始受譖烹齊哀 . 匈 一懿 奴傳》: 王之時,王室遂 『靡室靡家, 正 《采薇》 懿王 義

同,皆未詳

鄭 至於衛 ,戎狄逐襄 史記 • 匈 暴 王,「於是戎狄或居于陸渾 虐 奴傳》: 中 國 ,中國疾之。 周襄  $\pm$ 與戎狄 故詩 : , 東 伐

正

歌之曰 詩,以《出車》爲宣王詩,而《史》、《漢》又不 傳》則曰: 詩是也。以《魯頌》、《六月》、《出車》爲 『出車彭彭,城彼朔方。』」以《六月》爲 人美大其功曰: 『薄伐獫允,至于太原 太原」、『出輿彭彭,城彼朔方。』、《漢 宣王 戎狄是膺」、●「薄 一興師 命將,以征伐之。 伐 獫 狁, 宣 匈 至 Ŧ  $\pm$ 於 奴

被

其

之後爲 也。 弗克 後爲尹氏太師,蹶父之後爲蹶維趣 世。凡周之士,不顯亦世。」此 宣王之後爲幽王,《斯干》之祥,《 太師皇父之後爲皇父卿上,尹 《文王》之詩曰: 紹 申 周 · 侯 焉得不替乎? 則 與犬戎滅宗周矣。 「文王孫子,本 周 黍 所 以 離》之萌 馬,申伯 君臣 吉甫之 興也 支百

謂

原 作 應 」,據《詩 闕宫》及嘉慶本、道光本改。

七三

七四

未

作 刺詩以名著者也。 誦 ,以究王訩」,「寺人孟子,作爲此詩」**,** 甫 作 誦 美詩 爲吉甫易,爲家父、孟子 以 名 著 者 也 0 家 父

武詔:「上書者不得言聖。」大哉言乎!君臣俱自謂聖也。自聖者,亂亡之原。光目皇父孔聖」,自謂聖也。「具曰予聖」,

敬畏 謂: 爲惡, 不畏于天?」荆公謂 相戒。 凡百君子,各敬爾 自敬故 詩》云「周 聖賢心學,守而勿失。 也,畏人故也,畏天故 宗 既 世雖昏亂,君子 滅」,哀痛深 身。 胡 不 矣, 中 木 也。 相畏? 夏 猶 可 雖 以 愚 以

> 嘗壞。君子脩身以俟命而已。 亡,而義理未嘗亡, 世道雖壞。而本心

之,介爾景福」。
「亦云可使,怨及朋友」。畏天則「神之聽不相畏? 不畏于天?」畏天也。不畏人則不相畏? 不畏于我?」,畏人也。「胡

《詩》曰: 弭」、《詩》曰: 患」,「季梁忠 「正先諫 章華罹 鄭 用三 誅 僇陳業隳」,「 「曾是莫聽,大命以傾。」 嬴 謀 良 運 「無競 未 彊 促」,「李雲忠 敵 可 間」,「 畏」,「 維人,四 昭 圖 嬰 衛 汲 禍 隕 直守節 多 一方其 君子 唐 漢 宗 訓 鼎 移」, 覆」, 未 之。 亂 萌 有

曠是也。《詩》云: 「君子是則是傚。」●是也。小人在下位,猶足以壞風俗,晋之放君子在下位,猶足以美風俗,漢之清議

也。 天人一也,不愧則不畏。 「不愧于人,不畏于天」,無羞惡之心 巧言如 簧」,顔之厚矣,羞惡之心 未 Ė

澤,《 封弟 云: 有甫 時非鄭地、《小雅》安得繫於鄭乎?《爾雅 鄭 有圃田」,蓋指東遷後之鄭言之。 左氏》謂之原 「《詩》不以 友于鄭,在畿内 田。」謂 車攻》「東有 圃 田,鄭藪也。 圃田繋鄭。」愚謂 圃 甫草」,鄭《箋》云: 咸 林。 在今開封之中牟。 今華州鄭 止齋《周禮説 縣。 宣王 宣 圃 E 鄭 田

也。 暑」,言暑之極其至,皆夏正也,而 純 食,而唐曆則 月之交》爲周正可乎? 漢曆 七月》陳王業、《六月》北伐、《十月之交》刺 陰 |愚按: 用 詩小傳》云: 事 而 日 IE 有 食。 義謂 之。 「四月 校之無術 識 「《詩》有夏正,無周正 者疑 維 其 幽 夏」,「六月徂 而《大衍 傅 王 會 無 獨謂《十 加 八月 爲 曆 此 朔

秋分, 돐 曰: 箋謂周之十月,夏之八月,故曆家因之。 正 以術推之,亦已疎矣。沈存中云: 「日 於夏之「辰弗集房」,周之《十月之交》,皆欲 在 嘗攷《通鑑》、《皇極經世》,秦始皇八年, 也」? 蘇子由、陳少南皆以十月爲陽月,朱 莘老解《春秋》用鄭説,謂八月秋之分,日 年。」虞劆造《梁大同曆》,非 日 在壬戌。《吕氏春秋》云:「維 推日蝕法,但有考課疏密 文公從之。《宋書・禮志》載魏史官之言 陽之月,先儒 活灘。」申。曆有二年之差,後之算曆者 蝕 陽謂十月。」子由《詩説》與存中 黄初已来,治曆者始課日蝕疏密,及張子信而 「黄帝、顓頊、夏、殷、周、魯六曆,皆無 議》云: 而詩 人醜之,安得曰「分至 虞 止 廣」 謂 以 四月,非 曆 加 推 始於 已。」《大衍曆議 之, 也。 秦 在 唐 八年,歲 不爲 Œ 幽 也。 謂 王 益 孫 **%** 食 詳 歲 鄭 四

月

多「雨 亦云: 此 굸: 者之傅會。」 曰『正大夫刺幽王者』,非是。』《解頤新 第 詩正大夫離 一、二章皆十句,增之則長 元 無其極,傷我稼穡」八 =城 雨  $\overline{\wedge}$ 謂 韓 無 極 詩》世罕有其書,或出於 居之後,暬御之臣  $\approx$ 韓 正 大 詩 夫 **>** 有 刺 ^ 字。」朱子曰 妣 雨 短 王 無 所 不 也 極 作。 齊。 篇 篇 好  $\approx$ 語 事 其 首 又 序

篇刺 云: 天? 而 惟憂用老。』」 父虐之,故作《 が君。 」親親 《小弁》,趙岐謂伯奇之詩。 伯 奇放 而悲怨之辭 蓋 漢儒 流 小弁》之詩 言詩多異説 首髮早白。 也。 又謂 日 :  $\sim$  $\wedge$ 伯奇仁人 詩》云: 鴟鴞》之 論 何 衡》亦 辜 于

> 雅 義未聞。」豈未見《韓詩》故邪? • 《大東》「維北有斗」,或以爲 釋詁》: 韓 詩  $\forall$ \_\_ 箌 箌, 彼 大也。」郭璞 甫 田 箌 注云: 疏引《韓 卓 南 斗, 也 詩》。 或 箌 爾

咸丘蒙同一説,而託之於舜。 《吕氏春秋》謂舜自爲詩曰:「普天之爲北斗。朱子《集傳》兼取二説。

 $\wedge$ 職 皆非刺  $\pm$ 魚藻》也。 賜 ,勞來諸侯也。 諸 朱子《 侯 詩。」愚按: 命 詩 《黍苗》,宣王時 服之 傳 \* 樂 韋 昭 也 《 國  $\leq$ 已有是説 采 語》注: 菽 黍苗》, 美召穆公之詩, ×, 天子 道  $\wedge$ 采菽 所 召 伯 以答 述

注《禮記》與注《易》異,如「東鄰西鄰」是也。 革其猶」、「汭贶之即」、「至于湯 姜之詩。「生甫及申」,爲仲山甫、申伯。 不濡其翼」、「惟 詩》異。 鄭 康 成 如「先君之思,以 先通《韓詩》,故 禹敶之」、「上天之載」、「匪 畜寡人」,●爲 注二《禮》, 齊」是也。 與 又 定 箋

矣。 適歸 異」,荆舒之謂 一 亂 出 乎其 而 亂 乎上,而受患常在下。 兆 離瘼矣,爰其適歸」、《 所 亂 者 出 也。 誰 矣。」噫,宣、靖之際,其言驗 歟 ? 「言與行 及其 新 違, 經 極也,乃 義 心 <u>\*</u> 與 迹

樂之有焉?」誦「險哀」二字,此《文中子》所 亡, 藪澤肆既, 君子 得以易樂干禄 有「帝省其 單 賢者 穆公曰:「 而 不 山」之歎 焉 樂 其 將 若 旱鹿之榛楛 生乎! 院殿哀 夫 也。天地 Ш 之不 林 賈 天 - 暇,而 殖 地 變化,草木 竭 閉 林 故 君 何 鹿 易 散 子

> 隱 況草木 而 得 遂 其 性 乎

按: 境 山 沱 與漢廣相  $\wedge$ 《漢 旱麓》,毛 水所 地地 出 近 理志 東北 ,故取以 氏 云 **\sqrt{:** 人漢。二旱 「旱" 興焉 『漢中 Ш Щ 南 名 在 鄭 也。 梁 縣 曹氏 州 有

早

取之,鑿矣。 「鼉鳴如鼓」、《新經》之説 也。 解 頤

新

語

説。 訓 ; 之。」此言左右日以善趨 『芃芃棫樸,薪之槱之。 來。」古之人,其謹 重襲,小人無由 爰延 《賈誼書·容經篇 惡人從游 維 申 亦云: 及 甫 ", 則 人。 維 「善善 於所 周 日生 之翰。」申、甫之地,爲 正人十倍, ℽ 人 邪 也。」此即選左 近 濟 情 同 乎 濟 一諺 處, 辟 曰 王 則  $\Rightarrow$ 邪 . : 詩 左 左 辟 日 聞 右 無 君 右 日 趨 由 子

0 道光本作「勗

理志》: 日國。 爲上 《左氏》注 形 縣 始 田 吕。」《左氏 田 形勢可見。 徐廣云: 也,是以 口《甫刑》。 「宛西吕城,四嶽受封。」然則申、吕,漢之宛 括地志》云: 温,兹 也。 ,申公巫 沿回國 控 襄、鄧 今按新蔡之地,屬蔡,未當屬楚。 扼 高帝人 在宛明矣。 爲 所以爲周室之屏翰歟? 南陽宛縣,申伯國。 之 不言吕國 賦,以 臣 傳》 「吕在宛 要。 次之。」《興地 史伯曰: 李忠定曰: 曰 關,光武 「故呂城在鄧州南陽縣 御北方。」蓋 甫 楚子重請 不可。 縣。」《水經 所 即 「當成周者, 在 起兵,皆先取宛,其 廣記》云: 「天下 吕 ^ 此 史記》正 申、吕 一楚得 《詩》、《書》及 申、 也 子重不當請 - 形勢。 注 蔡州  $\stackrel{\sim}{\sim}$ 吕所 《漢 **>** 申、 吕 南有 以 亦 新 刑 爲 西。」 關 謂 義 吕 蔡,古 • 以 『爲賞 申、  $\Rightarrow$ 地 引 賞 而 中 邑

《禮記•孔子閒居》: 「《詩》曰:『惟

《祈父》傳謂:

「宣王之末,司馬

職

甫 爲周之幹臣。」正義云: 將興,五嶽爲之生賢輔 嶽 采于樊。 也。《權德與集》云: 世説《詩》者,乃取此 父、皇父、程伯 「父」同。若以仲山甫爲「甫」,則尹吉甫 得毛傳。」愚謂 也。 降 神 《周語》云「樊 生 甫 及 休 申。」」 仲 父, 魯獻公仲子曰山甫,入輔於周,食 山甫 亦可 而 鄭 「案《鄭志》注《禮》在 仲 猶《 佐。 舍箋、傳,愛奇之過 康 Ш 以言「甫」矣。 成 父」, 儀禮 仲山 注 》所 甫 蓋 及 一甫」 一言 謂 和伯, 伯 上先,未 周 與 近 蹶 某 道

有撥亂之志。」非立志何以成中興之功?宣王有志而後效官。」《雲漢》之序曰:「内宣王有忠而後效官。」《雲漢》之序曰:「内

則《沔水》之規,讒言其興可見矣。始勤終怠可見矣。殺其臣杜伯而非其罪,始勤終怠可見矣。殺其臣杜伯而非其罪,宣王晏起,姜后請愆,則《庭燎》之箴,

之,轉予于恤。蓋 戎,王師敗績。三十九年,戰 伐太原戎,不克。三十八年,王伐條 羌戎爲敗。」按《通 敗績于姜氏之戎。 謂此四役也 鑑 四十一年,王 外紀》: 于千畝,王 三十三年,王 征 申 戎, 戍、 破 奔 師

民,猶有五侯擅漢、三馬食曹之禍。也。《詩》之所刺,《春秋》之所譏,以此坊景王之後,書尹氏立王子朝,見權臣之危國平王之末,書尹氏卒,見權臣之繼世也。於尹氏不平,此幽王所以亡。《春秋》於

世臣之謂乎?

之播棄黎老,與亂同事也。昧」,「近頑童窮固」矣。商之咈其耇長,吴事,罔或耆壽,俊在厥服」矣。「好讒慝暗「召彼故老,訊之占夢,」於是「即我御

崩,而陵谷易處,有將亡之形矣。「匪降自周,有寖微之象矣。幽二年,三川竭,岐山宣三十年,有兔舞于鎬京,而赫赫宗

室。 與國 天,職競由 平王之遷,猶在也。 魏之荀、何,江左之淵、儉,唐季之崔、柳,豈 四氏,與封建之法相維持。 家父仍叔,二《雅》舊人,歷汾王之亂 升降者也。 《裳裳者華》,興賢者功臣之子孫,世 人」,致此 王朝則周、召二公夾輔 侯國則翼之九宗,遂之 者人也, 豈天所爲 彼漢之彧、群, 哉? 臣 E

君且休矣,吾將思之」,漢所以微也。雖不能用,吾慭寘之於耳」,楚所以亂也。「執我仇仇,亦不我力」,周所以替也。

邪之宗。 「擇三有事, 亶侯多藏」, 貪墨之臣爲蟊 那之宗。

「神之聽之,終和且平」,朋友之信,可

質於神明。「神之聽之,式穀以女」,正直之質於神明。「神之聽之,式穀以女」,正直之

道,無愧於幽隱。

**碁。** 之,周公内之。」疏云:「未知此傳在何之,周公内之。」疏云:「未知此傳在何《詩譜》引傳曰:「文王基之,武王鑿

「徹田爲糧」,徹法始於此。《周禮》有自來法始於此,「其軍三單」,軍制始於此,也。以《公劉》之詩攷之:「君之宗之」,宗也。以《公劉》之詩攷之:「君之宗之」,宗也。

保其安存矣。
「咨女殷商」,猶賈山之借秦爲諭也。「咨女殷商」,猶賈山之借秦爲諭也。

載尸」,裴度之晚節也。「靡哲不愚」,司空圖之耐辱也。「善人

「老成人重於典刑」,簡而當矣。《緍蠻》曰:「於止知其所止,可以人而不如鳥乎?」此説《詩》之法。韓子於「菁菁者如鳥乎?」此説《詩》之法。韓子於「菁菁者」,所以人而不以人而不以人而不以人而不以之。

《詩》云: 侯城。見《水 「燕安」, 溥彼 「奄受北 ·韓城,燕師所完」,鄭箋 王肅 經注》。 云 國。」肅 燕,北 「今涿郡 説爲長 燕 國。 方城 以 愚 縣 謂 有 韓

韓

侯

出

祖,

出

宿

于

屠」,毛氏

티 : 八〇

爲 忠,石晋亡於馮玉 於王莽、何進,晋亡於賈謐,唐幾亡於楊 自宣王褒申伯,而申侯終以召戎禍,猶可 申伯之意。」後之寵外戚者,率以是藉 萬 世法乎? 漢 恩澤侯 外戚 表》曰: 秉政,未或不亡。 「帝舅緣《大 漢亡 口。 雅 國 以

盗。」 日 : 賊 「天下之禍,不由於外,皆興於内。」 也。 盜言孔甘,寇攘式内」,皆孟 内有 欲平賊,當 有民 衣冠之盗,而後外有干戈之 賊, 則賊 先清 民 朝廷。」真 興。 漢傅 子 文 唐 燮 所 忠公 裴 謂 E 度 : 民

以爲大衆。朱子《集傳》從王説。「大師維垣」,鄭《箋》以爲三公,王介甫

子》注: 子曰: 曾申,申傳魏人李克,克傳魯人孟仲子。」《孟 穆不似。」」仲子,子思之弟子。《閟宫》傳引 之同歟? 「子思論《詩》『於穆不已』,孟仲子曰: 天命之無極,而美周之禮也。」《詩譜》云: 維天之命」傳引孟 「孟仲子,孟子之從昆弟,學於孟子者。」豈名氏 「是禖宫也。」《序録》云: 仲子 日 . 「子夏傳 大哉! 『於 孟 仲

《後漢 武也。 《朱浮傳》作『彼岨者岐,有夷之行』。」今按 上疏 『二后受之,成王不敢康』,所謂二后者,文、 也。」蓋誤以「朱輔」爲「朱浮」,亦無 行。一注  $\wedge$ 日 歐 朱浮傳》無此語。《西南夷傳》朱 筆 則成王者,成王 陽公《時世論》曰:「《昊天有成命》 引《 談》云: 「《詩》云: 韓 詩 薛 「彼徂矣岐,有夷之行, 君傳 也。 彼 徂者岐,有夷之 **>** 當是康王已後 日 「岨」字。 「徂,往 輔

《正書》曰 成王、 之詩 成 聲寢。」言自成、康之後,不復有見於頌也。」 孫之善繼也。 揚雄所謂『康王之時,頌聲作於下』。『自彼 命以有天下,而 朱子《集傳》與歐、范之説合。 嘻》曰『噫嘻成王』者,亦成王也。」 范蜀 康,奄有四 康王 競 也。  $\overline{\wedge}$ 方」,祀武 班 不 昊天有 成王不敢以 當是昭王已後之詩。 孟堅曰: 顯 成、 王而述成、康,見子 成命》言文、武受天 康」 『成、康没 逸豫爲也。 所 謂 成、 康 《噫 而 者, 公 此 頌

引叔 德也。 未就 武 祀成王之詩無疑。」愚觀《賈誼書・禮容語》 康」,朱子引《國語》叔向曰:「是道成王之 之子,文王之孫 《昊天有成命》「二后受之,成王不 ,武王有大功而治未成,及成王承 向 成王 日 「二后,文王、武王。 能 明文昭,定武 也。 文王有 烈者 大德 也。 成王 其 而功 嗣, 者, 爲 敢

L以臨民,故稱昊天焉。」其義尤明。

按: 説參致,當從古注。 麥俱來。《廣 未可以爲非。 鍪」,薛君 也,始自天降。 所據,乃臆 之説。『來牟爲麥』,始出於毛、鄭, 爲麥」者,更無他書所見,直用二《頌》毛、 歐 劉向《封 陽公《詩 《雅》: 日 度僞《大誓》不 毛氏傳: 事》引「飴我釐麰」,釐麰,●麥 《文選》注引《韓詩》「貽我 始以爲來,小麥。 論》 「鍪,大麥也。」毛、鄭之説 牟,麥也。 「古今諸 可知之言。」愚 牟,大麥。 鄭箋: 儒 謂 赤烏以 而二家 來 以 劉 牟 鄭 向

亦在所去乎? 陳少南不取《魯頌》,然「思無邪」一言,

利。」《魯頌》「三壽作朋」,蓋古語也。 先儒《晋姜鼎銘》曰:「保其孫子,三壽是

❶ 「釐辨」,原脱,據嘉慶本、道光本補。

以爲「三卿」,恐非。

諛,又下矣。 者,非商、周之體也。後世作頌,傚魯而近至《魯頌》始爲溢美之言,所謂善頌、善禱至《魯頌》始爲溢美之言,所謂善頌、善禱曰:「成王作《頌》,推己懲艾,悲彼家難。」

興,作《商頌》。」注云: 正考甫美之,故追道契、湯、高宗,殷所以 詩,故云然。 子》,謂正考甫作《商頌》,奚斯作《閟宫》之 公子奚斯常晞正考甫矣。」司馬公注《揚 襄公之時,脩仁行義,欲與盟主。 法言》曰: 記 愚 按: 元 正 温 良 《史記 考甫常晞 [《韓詩章 而 能 斷 宋 尹 者,宜 一句》美 世家 吉甫 其大夫 矣, 襄 歌

> 行也。 《世本》: 引薛夫子《韓詩章句》,即漢也。 矣。」然揚子之言,皆本《韓詩》,時《毛詩 漢世文人班固、王延壽謂《魯頌》奚斯 十二篇。」《詩》正義云: 奕,奚斯所作。」《薛君傳》云: 「是詩,公子 斯頌魯,考甫詠殷」,注引《韓詩》「新廟 督殺之而 奚斯所作。 詩》説也。 頌》於襄公之時乎? 商》。」鄭 薛漢世習《韓詩》,父子以章句著名。 絕其世。」皆在襄公之前,安得作 康 「正考甫生孔父嘉,爲宋司馬,華 攷之《左傳》,正考甫佐戴武、宣。 正考甫、孔子之先也,作《商頌》 成 注 《後漢·曹褒傳》「奚 謂 商 「奚斯作新 宋 詩。」蓋 《馮衍傳》注 血用《韓 作,謬 廟,而 奕

祭同名。《春秋纂例》趙子已辯其失矣。王而小於袷。」鄭康成以祭天爲禘,與宗廟大《雝》「禘大祖」,箋云:「大祭也,大於四時《監發》「大禘」,箋云:「郊,祭天也。」

以 則 肅 合食於太祖。 太祖 祖 以 配 褅 之。 東 祫 、繒,毁 爲 今混締於給,宗廟 禘則祖之所自出 廟及群廟之主, 祭 亦 非 也 褅 有 者 袷 昭 與 東總 無 南 袷 禘 穆 異, 北 惟 祫

得 年,季札觀樂於魯,已爲之歌《王》矣。 至哀十一年,始自衛反魯,樂正,《雅》、《 政化不足以被群后也。」然《左傳》襄二十九 國風》,齊王德於邦君,明其不能復《 雅》、《頌》,因魯史脩《春秋》,列《黍離》於 ·所,則降《王》於《國風》,非孔子也 范 甯《 穀 梁 序》 孔 子就 太 師 孔子 雅 頌》 正

學《韓詩》者也

長 大無情慾。」胡邦 隰有萇楚》箋云: 衡解《學記》取之。 「人少而端慇,則

矸 鼠 桓 ,白石爛」者,是也 》,不知何所據 公而悲,擊牛角疾歌。」高誘注以 吕氏 春秋》: 甯 齊記》載甯戚歌, 戚飯牛,居車 爲 所 調 歌 卞 南 碩 望 Щ

> 引劉向説,以 刀 月 秀葽」,諸儒 爲苦葽。 曹氏 不 詳 其名 以《爾雅》、《本 唯《説 文》

志》: 攷侯 草》證之,知其爲遠志 日誦於其側。 包之説,見於《詩》正 董氏舉侯 「《韓詩翼要》十卷,侯苞撰。」然 朱子謂不知此 包言衛武 公作《抑》詩, 義。 出 在  $\wedge$ 何 隋 處 經

使

人

爲屋。 皆板 裂。」自此 天水隴西民以板爲屋。」以南嶽觀之,非 屋 秦詩》「在其板屋」,西戎地寒,故 張宣公《南嶽 ,問老宿,云: 如 高臺上封皆然。」《漢 唱酬 『用 序》云: 瓦 獨西陲 輒 爲 方 地 冰 理 廣 以 志 凍 板

「黍 蓋古「車」本音「居」。 「且」字。 稷方 唐棣之華」、「維常之華」協 華」協「塗」字; 曹氏謂: 華」當作「琴」,音「敷 《易》曰: 隰 有 「車」字; 荷 睽孤,見 華」協

則

包

籍

愚

此。朱文公《集傳》並著二音,而以音「敷」云「古讀『華』爲『敷』」,與『居』爲韻。後倣而轉其聲。愚按:《何彼穠矣》,《釋文》或其音皆然。至《説文》有尺遮之音,乃自漢豕負塗,載鬼一車。」「來徐徐,困于金車。」

兖反。訓云: 露貌。音與『婉』類。」 氏《正俗》云:「按吕氏《字林》作『霉』,上 揚婉兮」,漙,音「團」、《集傳》叶上兖反。顔 『野有蔓草,零露漙兮。有美一人,清

徐氏音「横」,失之矣。」「《禮》今也衡縫。衡,即『横』也,不勞借音。「蓺麻如之何? 衡從其畝」,顔氏云:

其心,不于其禮。 飽,猶《醴酒》之「不設」也。君子之去就,于衣》之「改爲」也。《權輿》四簋,至於每食不衣》之「改爲」也。《權輿》四簋,至於每食不

刺焉。宣王親親,平王忘讎也。營謝、戍申,其篤於母家一也,一美焉,

《孝經》言卿大夫之孝曰:「非先王之法服不敢服,非先王之法言不敢道,非先王之法言不敢道,非先王之法而,行必不篤敬。《中庸》脩身,亦先以齊明服,前堯之言,行堯之行。」聖賢之訓,皆以服,誦堯之言,行堯之行。」 聖賢之訓,皆以服,誦堯之言,行堯之行。」 聖賢之訓,皆以服,誦堯之言,行堯之行。」 聖賢之訓,皆以商服,《都人士》之「狐裘黄黄」,所以「出言意服、《都人士》之「狐裘黄黄」,所以「出言者」,「行歸于周」也。

曹,群忘漢,朱文公悕焉。也。逵有充,超叛鑒,蘇文忠慨焉。彧附也。逵有充,超叛鑒,蘇文忠慨焉。彧附

進曰:『敬戒無怠。』」群臣進戒始以敬,三中卿進曰:『先事慮事,先患慮患。』下卿「天子即位,上卿進曰:『能除患則爲福。』「敬之,群臣進戒嗣王」,《荀子》云:

王 甲 卿 敬 日 授 之哉 策 終 !」皆以此 祇 以 厥身。」召、畢告 敬 此 心學之 爲告君第一 原 康 也 王曰: 伊 尹 訓 太

蟲

魚

也

《隋志》:

梁有《毛

詩古賢

聖

一圖》二

妄》。 者。 義」,古人旨意精粹,何嘗如此 子,近小人。』蓋《詩序》至此始行。」 魏黄初四年詔云: 朱子《詩 葉氏云: **艾軒謂歐陽公《詩本義》不當謂** 序辯 「漢世文章,未有引《詩 説 多多 『《曹詩》刺 取 鄭漁 費 辭 仲《 之「本 詩 遠 序》 君 辯

名,任 遠 録》: 之像,不得其真,召 卷。 朝,衛協 無不 學士楊嗣復、張次宗上之。」按《名賢 開成中,文宗命集賢院脩撰,并 《唐志》: 意採 詳, 「太和中,文宗好古 畫《毛詩 掇 幽無不顯。」然則所圖非止草木 由 《毛詩草木蟲 圖》,草木鳥 是冠冕之製,生植之姿, 程脩己圖之。 重道 潤、 古 賢 魚 以 皆據 圖 晋 君 繪 經 明 + 定 帝 物 臣 畫

周 也; 「鶴 也; 也 匪 之德也。 「蒹葭露 梁」,得所 如 摰 而「羔裘」怠 有喬木」,貞女之操也, 「倉庚」, 「鳶飛戾天,魚 有 鳲 虎」,慨 原 鳴于 「爰有樹檀 二仁 鳩」,言均壹也; 别 格物之學,莫近於《詩》。 「蘩蘋、行葦」,見忠信也。「葛屨 膴膴,堇荼如飴」,惡 也 正 九皋,聲 霜」,變也; 陽之候 勞役 止 如 也; 也; 騶虞」,不嗜殺 鱣 躍于淵」,道無不 呦呦」之鹿,食相 也。 ,其下維穀」,美必 匪 也 聞 「桑 鮪」, 蟋蟋 「蓼 于 「德如羔羊」,取 扈 蟀」儉,而 桃 「鳴鵙」, 野」,誠 我、 避 啄 危 隰有荷華」,君子 蟲 可爲 粟」,失其性 常 難 也。 開 拚飛」,化也。 棣」, 不 也 陰之兆 美也。「黍 在 呼 「鴛 「蜉 可 3 有惡 關之 也。 「: 也。 揜 知 蝣 孝 匪 純 也; 「南 也; 也。 也。 友 在

苓」,傷讒也 也。 象也; 芳馨之辱也; 於 白駒」,賢人隱也。「贈以勺藥,貽我 以爲稷」,心眩於視也; 識之益也。 思之深也。「柞棫斯拔,侯薪侯蒸」,盛 、聽也。 「相鼠、碩鼠」,疾惡也,「采葛、采 「鳳皇于飛,雉離于羅」,治亂之符 绿绿 竹猗 引而伸之,觸類而長之,有多 「焉得諼草,言采其蝱」,憂 猗」,文章著 蠅 以 爲雞」,心惑 也 握 衰之 皎皎 椒

要。學《詩》必自孟子始。
「誦《詩》三百,不能專對」、「不足以一「論《詩》必言而意说《詩》之。如《靈臺》、《皇二:《鴟鴞》、《烝民》是也。如《靈臺》、《皇人》、《北山》、《雲漢》、《小弁》、《凱風》,深得矣》、《北山》、《雲漢》、《小弁》、《凱風》,深得矣》、《北山》、《雲漢》、《小弁》、《凱風》,深得矣》、《北山》、《雲漢》、《小字》、《凱風》,深得之。

申、毛之《詩》,皆出於荀卿子,而《韓詩

元

《風》、《雅》之旨。而引逸《詩》尤多,其孔筆「鸤鳩在桑」、「不敢暴虎,不敢馮河」,得外傳》多述《荀書》。今攷其言「采采卷耳」,

所删歟?

《草木鳥獸蟲魚疏》,陸璣字元恪所撰,亦其次也。彼語《詩》解頤者,能無愧乎?無愧於言《詩》矣。王式以《三百五篇》諫,無愧於言《詩》曰:「守儒,轅固、申公。」二子

整,字文操,吴太常卿。 即 今書録》云: 文序録》。 注者爲太叔求,而不攷《序録》。 徐整,誤 鄭氏《詩譜》,徐整暢,太叔裘隱。見《釋 《隋志》: 以「整」爲「正」、「暢」爲「陽 徐 「太叔求及劉 E 陽注。」《館 徐 閣 炫注。」《古 書目》謂 正陽,疑 也。

皇,下序四始,羅列五際。」又曰:「《詩》《詩緯含神霧》曰:「集微揆著,上統

八七

非陸機也。

地之心 ,君德之祖,百福之宗,萬物之

萬

八八

者,天 卵 節 户 西之際爲改 也。」《推度災》曰: 通 歷樞 Ē 曰: 辰在天門,出 一建 「午亥之際 四始 五 入候 爲 際,而八 革命 聽

也。 也。 卯、《天保》也。 四 牡》在寅,木始也。 亥、《大明》也。《大明》在亥、水始也。 《鴻 雁》在 酉、《祈父》也。午、《采芑》 申,金始也。」翼奉學《 《嘉魚》在巳,火 齊 始

説,而失之也。 齊詩》,四始與《毛詩序》異。蓋習聞 四始之缺,五際之厄。」五際 本 其 於

聞五

際之要、《十月之交篇》。

郎

顗

始,天元册文曰: 罟之章,葛天之八闋,康衢之民謡。」愚按: 自生民以來則然: 《素問 • 天元紀大論》鬼臾區 氏《論詩》云: 『太虚寥廓,肇基化元。 太始天皇之策,包羲罔 「詩之作本於人情, 日 「積考太

> 元。 《素問》出於戰國之末。 曰剛。 物 成章 物 資 九星懸 幽顯既 始, 蓋古詩之體 五 朗,七曜周旋。 運終天。 位,寒暑弛張。 始於此, 布 氣 日 真 陰 生生化化,品 靈 日 然 陽,日 伊 總 Ш 統 柔 謂 坤

矣。 《六經》,自孔氏至考亂,凡八十九章。 容娘》,以比《國 又取《巴俞歌》、❷《白頭吟》、《折楊柳》至《談 子》之類,●凡一 中歌》至《後庭鬬百草》、《臨春樂》、《小年 史、詔書及群臣奏議以擬《尚書》。又取《房 言,言《詩》者尚之。」今攷迅作《六説 朱子謂: 《文粹》李行脩云: 風》之流。然文中子嘗續 高、文、武、宣之制,豈有精 百四十二篇,以 「劉迅《説詩》三千 擬《雅 取 以 漢 經 繼

<sup>「</sup>小」,道光本作「少」。

<sup>「</sup>俞」,嘉慶本、道光本作「渝」。

一執中之傳? 曹、劉、顔、謝之詩,豈有物

則秉彝之訓? 況迅乎!

音律,猶《易》之象數。」《頌》,猶《魯頌》也。」薛士龍曰:「《詩》之《頌》之流也。《貍首》,風也。豳之《雅》、艾軒曰:「《九德》、《九夏》,《雅》、

書》: 案《 傅 詔 詩》,陋矣。 會 謂 博 之言。 説《詩》者謂,宋襄公作《輕鐘》之樂。 古圖》 應天得六鐘,篆其 獲英莖之器於受命之邦。」此 宋公成 有 宋 公成經 亦 非襄公, 帶 鐘 ロ『莖 用 以 大 鐘 晟 兹 説 諛 樂

用經之法。」

德』,始學成德之序也。『不大聲以色』至《詩》,朱子謂:「『衣錦尚絅』至『不顯維其味深長,最宜潛玩。」《中庸》末章凡八引家」引《詩》者三。朱子謂:「咏歎淫液,《大學》「止於至善」引《詩》者五,「齊

無 經》即聖人之心,隨其所用,皆切事理。 合,非聖人合《六經》也。或引 直取聖人之意而用之。是《六經》與聖 張子韶云: 自然,非先致《詩》、《書》而後立 至深切矣。 聲無臭」, 《孝經》引《詩》十, 費不 「多與《詩》、《書》意不相 顯之德 也。 引《 反 意也。 或 復示 否, 卷 《六 人

爲節。」 農注: 《詩序》義協。」愚按: 《燕禮》賓醉 『陔之言戒也,以《陔》爲節,明 子相 陔,隴也。」《群經音辯》云: 戒,以養。」『陔』當訓『戒』。 束皙《補亡詩》「循彼南陔」,釋 「今時行禮於大學,罷出,以鼓《陔 而 出,奏《陔夏》。 《春 官 序 無失禮。』與 樂師 鄭氏 日 鄉 飲 鄭 注

荀子曰:「善爲《詩》者不説。」程子之

游 玩 味 吟 哦 上 下 也。 董子 日 . <u>~</u> 詩 害

優

達 計。 」 孟子之「不以文害辭,不 以 辭

之。 胡 顔 曹子. 之譏 何顔 建《表》: 。」《詩》 而不 速死 無 此 「忍垢! 也。」今《相鼠》注無 句。 荷全, 李善引《毛詩 則 犯詩 人

鱦 頤」,皆《韓詩》之説也 古文也。」以今《詩》攷之,其文多異。 説文叙》云: 爲「蟾蠩」; 「其稱《詩毛氏》者, 「碩大且娢」,爲「重 得 此 皆

刺 既 寢 也 《伐木》有鳥鳴之刺。」是以《正 蔡邕《正交論》云: 周 徳始 衰, 雅 頌 》爲 聲

學 ,它無聞焉。 校者,唯 春 秋 時,諸侯 魯僖公能 鄭有《子衿》城闕之刺,子産 急 攻 脩泮宫 戰 而 ,衛文公敬 緩教化, 其 教 留 勸 意

> 僅 能 不 毁鄉 校 而

文》異。乃知德明之學,當時亦未 反。『伐鼓淵淵』爲『鼘』。 中,脩《五經文字》,『我心慘慘』爲『懆』,七到 舊 有九家, 唐陸德 吴才老《詩叶韻補音序》曰: 明 定爲一家之學。 於巾反。 必盡用。」 皆與《釋 「《詩》 開 元

「取蕭祭脂」,曰「其香始升」,

「爲

酒

用。」 義 佟之議鬱鬯蕭光,所以達神。 禮並無其 韋彤《五禮精 爲醴」,曰「有飶其香」。 一也。」致之殊無依據, 文。《隋志》曰: 義》云: 祭祀 古所謂香者如此 開 元、開 一梁天 用香,今古之 與其 、監初、 用 寶 香,其 禮

不

所以成畝也。其 之必 「子能使子之野,盡爲泠風乎? 好,似 誕后稷之穡,有相之道」,疏云: 有 神助。」《吕氏 博八寸,所以 春 秋 成甽也。 》后 六尺之耜, 稷 曰 : 耨 種

何

柄尺,此其度也。其耨六寸,所以間稼也。」

漢趙過曰:「后稷始甽田。」

而一雨,雨必以夜。」鐵論》云:「周公太平之時,雨不破塊,旬「興雨祁祁」,雨欲徐,徐則入土。《鹽

非云:「文王克莒。」「以按徂旅」、《孟子》作「以遏徂莒」,韓

廡。 呵 始 依》説宫室之美云: 意勤勤。」正義王肅云: 靈光殿賦》注引《七依》作「蘧蘧」。 見若覆夏屋者矣」,注: 屋 如漢之門廡。」鄭康成於《詩》、《禮》注異如 其形旁廣 四阿。 夏屋渠渠」,箋云: 夏家之屋,唯兩下而已, 加 卑。」正義: 「夏屋渠渠。」《文選・ 「大屋。」崔駰《七 「設禮食大具,其 「夏屋,今之門 「殷人以來, 《檀弓》 無 此 四

雎》、《雅》始于《大明》,而《思齊》又《關雎》之文王之治,由身及家。《風》始于《關

亦臨」,謹獨者,齊家之本。故《家人》之吉,在於反身。始也。《家人》之九五曰:「王假有家。」「不

犯。 儀,無不柔嘉。」古之君子,剛 又剛以嚴。 女,何德之光!! 「仲山甫之德,柔嘉維則」, 衛武公自警曰: 韓文公爲王仲舒銘曰: 哲人之常,與其友處。 「慎 爾出 隨會「柔 中 話, 氣 而 鋭 順若婦 敬 柔 而堅, 而不 外: 爾 威

莫於晋爲都,晋之亂所以萌。不務德而勤遠略,齊之霸所以衰。狄之廣性。」務廣地而不務廣德者,人君之深戒也。「爾土宇昄章」,必曰:「俾爾彌爾

之分爲三、秦之二世而亡、風俗使然也。西之勇猛矣。晋、秦以是彊於諸侯、然晋驖》、《小戎》之詩、文、武好善之民變爲山詩、堯之遺風變爲北方之彊矣。觀《駟詩、堯之遺風變爲北方之彊矣。觀《駟

是 其舊俗焉。 商之季也,有故家遺俗 以 先王之爲治 威 彊 焉。 不 足 周 而 之衰 德 義 也 有 一,懷 餘

以 而史克何美焉? 周之東遷,始僭禮矣。 爲常,禮樂安得不自大夫出乎? 皇皇后帝,皇祖 齊百庭燎, 晋請 后稷」,魯以 夫子以爲周 王章,習 公之衰 稷 配 天,

是也。 篇 者,如『巧笑倩兮,美目盼兮,素以爲絢兮』 不爾思? 百九十四篇,如《貍首》、《曾孫》之類是也。 政,卒勞百姓』是也。」 中删章者,如『唐棣之華,偏其反 朱子發曰: 句中删字者,如『誰能 室是遠而」之類是也。 「《詩》全篇削去者二千六 秉國成,不自 章中删 前。 豈 旬

困 學紀 聞卷之三

無周公,誰能正之? 紀,●及其厭 曹、鄶然,君子以爲是二《南》之可復。 亂 思 治 ,追懷先王先公之世,有 是故以豳終。」 世

如

侵」,嘉慶本、道光本作「浸」。

之終始。

蓋邶、

鄘

自别於衛

而諸

侯侵

無

統

邶、鄘、

曹、

鄶

,特微

國

世

一一一

或

風

以

止齋曰:

「《國風》作而二《南》之正

變

## 困學紀聞卷之四

浚儀 王應麟 伯厚甫

周禮

之,經之蠹也。 己。 知此經者,王、程二子而已。 趾》之意,然後可以行《周官》之法度。」儒者 執此以往。」程伯子曰: 之道,不可得也。」人君知此經者,太宗 聖作,曰: **瀆亂不驗之書。唯唐太宗夜讀之,以** 劉歆始用之,蘇綽再用之,王安石三用 漢河間獻王得《周官》,而武帝謂末世 「不井田,不封建,而欲行 唯文中子曰: 「必有《關雎 「如有用我, - 》、《 麟 周 爲 公 而 真

《天官》六十三、《地官》七十八、《春官》七 《周禮》闕《冬官》,未嘗闕也,乃《冬官》事屬 《隋志》自馬融注已下,始曰《周官禮》。《隋 失次,取羨數。凡百工之事,歸之《冬官》,其 志》: 者、《周禮》之名昉此乎? 數乃周。」俞庭椿爲《復古編》,亦云: 十、《夏官》六十九、《秋官》六十六、蓋斷簡 之《地官》。」程泰之云:「五官各有羨數, 鄭玄,玄作《周官》注。」猶未以《周禮》名也。 空》之篇,雜出於五官之屬。」九峰蔡氏云: 教,敷五典。 周公方條治事之官,而未及師保之職。 鄭衆傳《周官經》,後馬融作《周官》傳,授 劉歆始建立《周官經 「《三禮目録》一卷,鄭玄撰。」今見于《釋文》。 五峰胡氏云:「《周官》: 司徒掌邦 漢 志》謂 司空掌邦土,居四 之《周官經》,《序録》云: 》,以爲 然《後漢書》云: 《周禮》。」意 民。 ||《司 世 傳

冬官》亦闕,首末

未

備

,周公未成之書

也

學 紀

尺。 言旂 也。 氏 時 楚王冢,獲竹簡書,青絲編簡,廣數分,長二 篇,取《考工記》補之。」《六藝論》云「壁中 屋 궁: 義 室重屋之制 六篇」,誤矣。 是科斗書《考工記》,《周官》所闕文 丟 科斗書已廢, 壁。」《漢書》 篇, 云 《序録》云:「李氏上五篇,失事 旗旗 有得十餘 「孝武 有梓匠之制 考工記》,或 乃使博  $\sim$ 孝文時,求 旐,非大司 考工 開 齊文惠太子鎮雍州,有盜 謂 獻 士作《考工記》補之。」馬 簡 言溝 記 則《記》非博 書之路 河間 以 以 **>** 非周 ·得《周官》,不見《冬官》 示 爲 洫 馬、 言 獻 澮 先秦書,而 王 《周· 周 王 111 司 書 僧 得之,非 人明堂,而 常、 也。 士所 虔。 非 官》 遂人之制 巾 言 僧虔 作 出 《禮記》正 車之制 周 也。 也 孝 於 〕。」漢 官 文 有 Ш 曰 上 世 易 發 得 時 融 巌

> 眡 周 典大不 類 0

瓚注云: 「《周 禮》三百六十官。《漢志》「《禮經》三百」,臣 典在其中而非專爲禮設 朱子從瓚説,謂《周禮》乃設官分職之書, 經》謂冠昏吉凶。」蓋以《儀禮》爲《禮經》也 禮器》「《經禮》三百」,鄭 禮》三百,是官名也。 也 氏 注 謂 即 周

聖人之書者,以説之者之過也 賦 謂 宰 以 禮》,其誤一 之,而聖人之微指晦焉。 田 注誤有三: 比周官。 ,以莽制 如 以末世弊法,釋三代令典,如 制,其誤二; 今御史 鄭 康 成 擬 中 , 小宰 釋經,以 《王制》,漢儒之書,今以 或 丞,如 令司 服 乃漢 漢官 馬 此之類,其誤 止 緯 御史大夫之職,謂 制皆襲秦,今引 法》,兵制也,今以 一齋謂 書亂 徐氏《微言》 以《周 之,以 以 漢算 禮》爲 臆 釋《 鶴 漢 謂 説 Ш 小 證 周 鄭 汨

玷《論語 文其姦,猶以《詩》、《禮》發冢 歆之王田,安石之泉府,直竊其一二以自蓋爾。」 張 禹 以《論語 而以歆訾《周官》可乎? 》文其諛, 劉 也。 歆 禹 以《周官 西 不 山 足以 日

於 左 成 巫 共,婦寺 正,吕伋爲 用、貨賄、皆領於冢宰。 、嬖寵 史、卜筮、瞽侑,皆領於宗伯。 右携僕,庶 王,格心輔德之法。 嬪御、奄寺、飲食、酒漿、衣服、次舍、器 階 瑣 亂。 虎賁氏。侍御僕從,罔匪正人。 瑣 常 姻亞,私人之子,竊位於王 膳夫内史,趣 吉 ± 周之興也,滕侯 冕弁、車旗、宗祝、 及 其 衰 馬 師氏, 也,香 此周 椓 公相 締 爲卜 靡 交

> 思也 事? 者。 朝。 峰 爲 朝得以詘外朝矣,至唐 責宦者罷其役: 之立,奏以臣流不可; 薰籠之造,亦制以有司之法; 申屠嘉; 用矣,由周公之典 乃謂 一體,如諸 至秦 唐太宗責房玄齡以北門營繕, **豊善** 周 公不當治成王燕私之事,殆未之 而 讀《周禮》者哉 奏劾常侍,如 大臣 葛武侯: 八廢也 不得議 庶幾 而 古大臣之風矣。 趙鼎於内苑移 楊 近 間 北 可謂 秉 有詰 臣矣,至 司是信 我朝趙 知 李沆於後宫 責幸臣, 宰 宫中 南 普於 相 漢 何 之 府 預 司 而 五 君 職 中 無 中 如

世皇后詹事,以二千石爲之,猶有成周遺意。每宮卿二人,皆分命賢臣,以參檢内事。」漢李泰伯曰:「内宰用大夫、士、世婦,

法」,顔師古注:「《周官》太府、玉府、内《漢・食貨志》:「太公爲周立九府圜

財幣之官,故曰 府、外府、泉府 天府、 九府。」愚按: 職 内、 職 金 **爾** 職 雅 幣皆掌 無

幽 山之金石,霍山之珠玉,崑崙之璆琳琅玕, 間之珣玗 都之筋角,斥山之文皮,岱岳之五 琪,會稽之竹箭,梁 山之犀象,華 穀 魚

與《爾雅》同,而繼之曰: 鹽 重 一,是謂 以銖, 九府。五峰胡氏《皇王大紀》所述 通九 府之貨。」又按: 「尚父立園法,輕 《史記・ 列

傳 》「吾讀管氏《輕重》、《九府》」,劉向 ~ 别

録》曰: 鑄 「《九府》書,民間無有。」索隱 錢之輕 重」。 ^ 鹽 鐵 論》 文學 日 其

公立九府之貨。」然則九府,太公立之,管仲 管仲設九府,徼 Щ 海。」《通典》亦云:「太

異矣。

設之,其名列于《爾 大紀》之説得之,顔注恐 雅》。 非。 蓋 <sup>≪</sup>曲 即管氏書也。 禮》天子之六

九嬪」注引孔子曰: 「日者天之明, ,亦與《大禹謨》之六府異

月者 티 : 漢儒以緯書孔子所 秋》,行在《孝經》。」《孝經鉤 公羊傳序》 「吾志在《春秋》,行在《孝經》。」 地之理。」《孝 引 孔 經援神契》之言 子有云: 作。 康成注《中庸》,亦引孔子 命決》之言也。 一吾 志 也 在《春 何 休

宿衛 之子郢客是也。其制猶古。 ,齊王之弟章是也。 「宮伯掌王宮之士庶子」,漢諸侯 人京師受業,楚王 子人

于六省 侍省不立三品官,不任 奄止於上士,抑其權 ,開奄尹與政之階,與周 以 也。 事。 唐太宗 典統 然 内 於冢 侍 詔 並 室 列 内

謂

《大傳》「百志成、故禮俗 禮俗不可分爲 而安之謂之俗。 民可參之以俗,士 八則,禮俗 兩 以 若禮· 事。 以 馭 其民。 上專用 自禮,俗自俗,不可 制 而 刑」,吕成公謂 用之謂之禮, 禮 吕 微 此 仲 説非也。 謂 庶

之禮俗。

於是憂財用,畏夷狄矣。兵之本也。《周官》之法不行,無善教善政,無遂九畿,兵財在其中。井田封建,足食足,如遂九畿,兵財在其中。井田封建,足食足,以,司徒掌教不言財,司馬掌政不言兵。

制。疏云:鄭注互見其義。鄉有軍制,無田制。遂有田制,無軍

《詩• 按: 使 建 知東西。南視定,北準極,以 室夕,東方之聲薄,西方之聲揚。」公召大 師 國, 開 大司徒建邦國,以 《晏子春秋》: 定之方中》傳云: 晝 鼓琴。 參 諸 師 日 開 中之 左 「景公新 撫宫, 土圭土其地。 景,夜考之 「度日出 右彈 成柏寢之室, 正南北。」愚 Ħ 商,曰: 極 入,以 匠

> 公曰: 劉居豳 之夕者,周之建國,國之西方,以尊 南斗,北戴樞星,彼安有朝夕哉! 爲之。」明日,晏子朝。 宫矩爲之。」於是召司空曰: 斤 立宫,何爲夕?』對曰 日 : 「既景迺岡」,然則尚矣。 「古之臣乎。」」樞 「室何爲 夕?』大匠 0 公曰: 星 「古之立國, 日 即 「立宮以 『先君 . 極 星 立 周 也 丽 太 也 室 以 南 城 公 今 公 望 矩 以

學。 師 他書言國子者,唯《周 有學」,蓋謂此。 居西門、北門也。」朱子《大學章句序》「王宮 藝,守王闈。 南門稱門, 爲國子,人稱其孝。 師氏教以三德,守王門。 蔡邕《明堂論》曰 西門稱 然則師氏 魯孝公之爲公子,當人京 閳 語》焉。 ,故《周 : 宣王命之導訓諸侯。 居東門、南門、保 「王居明堂之禮 官》有 保氏 門闡 教 以 氏 之

師氏三德」,朱子曰:「至德以爲道

公以之。 本 徒以之。」 ,明道 先生以之。 孝德以知逆惡,趙無愧 敏德 以 爲 行 本, 、徐仲車之 司 馬 温

協

謂諸 日: 之、《葛覃》云: 氏」,以刺 子》「大司 侯師 牧誓》、《顧 「年穀不登,則 匪其· 氏,言賢者以身教 成」,注 「言告師氏。 命》皆言師氏、《雲漢》之傳 一以爲 九兩 師氏 師 師師 弛其兵。」《文王 氏。 也。 以 賢 而「楀 得 后 妃 民 維 亦 世 有 注 砈

農云: 《九章算經序》云: 云 九九之術,以合六爻之變。 差、夕桀、句股。」《釋文》: 「夕桀」二字,後人附益,非鄭注信矣。 一字非鄭注。」 愚按: 《保氏》「九數」,鄭司農云: 「今有夕桀,各爲二篇 「今有重差、句 包犧 股。」馬融、干寶等 《少儀》正義引鄭 氏 黄帝建《曆紀 未 「夕, 音的。 始 知 所 畫 「今有 出。 卦 劉 徽 重 則 更 司 此

> 異,而所論多近語 皆善算,因舊文删 九數之流 律 吕。 ,則《九章》是矣。 隷 首 作 數 補,故校其目。 周 公 漢張蒼 制 有 耿 與古 九 昌

《都鄉正街彈碑》,在昆陽城中。 彈一 耦, 者, 皆以「街」爲「衛」,又誤矣。 鄰長坐於左塾,畢出,然後 古制云: 「春將出民,里胥平旦坐於右塾, 於攷《禮》注,而酈氏注《水經》、洪氏《隷 里胥之塾,其即《里宰》所謂 使相 里宰治處 里之民。《金 「里宰以歲時合耦 佐 助。」疏 也, 若今街彈之室。於此 謂: 石録》有中平二年正 于耡」,注云: 漢時 《漢 歸。 「耡」者歟? 在街置室, • 食貨志》言 夕亦如 趙 明 誠 失 月 檢 耡

韻》: 胥,息徐反。 庖人》注: 蝑 劉音「素」。 蟹 醢, 四 「青州之蟹胥。」《釋 《字林》先於反,蟹醬 夜 切。」當從《集韻》。 文》 籩 集

《吴地記 治生魚,鹽 想」。 鯆 漬 者, 圃 闔 析乾之,出 日乾之,故名爲鯗。」讀 閶 思海 魚,而 東海。」陸 難 於生致。 廣 微 如

十物。 圖 物 五地之物生; 物,種十二物。下土曰五猶,次曰五吐,次 物。 唯五粟,次曰五沃,次曰五位,次曰五蘟 三十六。」按: 下土三十物,種十二物。 》謂 一而 五  $\overline{H}$ 五殖,次曰五觳,次曰 中土日 剽,次曰五沙,次曰五塥,凡中土三十 壤,次曰五浮,凡上土三十物,種十二 知 管子·地員篇》: 東 每土有常,而物有次。 南 其 神 種 五述,次曰五纑,次曰五壏,次 州 《大司徒》「以土會之法,辨 日 以土宜之法,辨十二壤之 此篇 晨 土,正 亦古制 五凫,次曰五桀,凡 凡土 九 南 之存者。 州之土,爲 邛 物 群土之長,是 州 九十,其 日 深土, 次 河 種 九

> 州 土,東北咸州 西 日 南 白土 戎州 日 西北柱 滔 日 土,正 隱土,正東揚州曰信 州 日 西 「弇州 肥土,北方玄州 开 士, 土 E E 中 成 冀

即鬱也。衰,謂草上下相重次也。 莧,莧下於蒲,蒲下於葦,葦下於雚,雚下於 萑,萑下於茅,凡彼草物有十二衰。」注: 蔞,蔞下於荓,荓下於蕭,蕭下 或高或下,各有草 草人》,此豈其遺制 地員 篇 土。 凡草土之道,各有穀 敷 葉下於營,營下於 按 於薜,薜下 《周官》有 於

信都 唐《志》宋元嘉十九年,測於交州,何承天謂 千里之景 分,地差百里。王畿千里,以寸爲法,五等 六百里差 諸侯之地,以分爲法。 芳謂 土圭度地之法,景一寸,地差千里。 也。 寸。 二百五 天地相 十里差 後 魏永平元年,測於洛陽 去三萬里。 尺有五 寸。 寸者,一 然宋之於陽 嘗攷隋、 萬

氏云: 高,東南下。 邑,漢在潁川陽 道,每歲有差。 北弦居地之中。司馬公《日景圖》云: 王朴曰: 七十步差二寸餘,遂以舊説千里一寸爲妄。 十二年,植表浚儀,大率五百二十六里二百 城 魏之於 「周於陽城測景,說者謂地 「陽城乃在洛之東偏,開元得浚儀之岳臺,應南 極星在北,斗亦在 地中當隨而 皆 城,唐在汴州 隃 度 未 轉移。 可 據 浚 (儀。) 潏 北。 也 一日 故周 極星 形西北 唐 水 在 行 開 乃 李 洛 黄 元

公,至周仍守百里國,以 爵,惟守 庸而言。《職方 子》亦曰:「魯方 子》之言不合。子産曰: 「魯方七百里。」或謂《周官》、《明堂位》兼附 「諸公之地,方五百里」,與《武成》、《孟 百里 地。 氏》疏云: 謂若虞公、虢公,舊是 百 里。」《明堂 無功故也。」愚按 「列國 無 功,縱 一位》乃 同。」《孟 是公 云 殷之

天之中也,天之中則地之中。」

叔,王季之穆也。」皆周所封,謂舊是殷之公,《左氏傳》:「虞仲,大王之昭也。虢仲、虢

00

誤矣。

按 簿。」 國時,已有上計,非始于漢。 稽,拜爲河東守,三歲不上計。」然則春 子•外儲説》: 上計,君收其璽。」《新序》: 上計,錢布 而數之; 疏云: 「歲 《説苑》: 終正治 明年上計,景公迎而賀之。』《韓 十倍。」《史記》: 「晏子治東阿三年,景公召 漢 加 「西門豹爲鄴令、居期年, 時考吏,謂之計 致 事」, 「魏文侯東陽 注 「秦昭 上其 吏。」今 王 秋 召 計 王

千駟 按 其 所 通 每 ,革車千乘,帶甲十萬」,曹公注: 論車乘人數,諸儒皆所未 論 朱文公曰: 孫子 此 事,以 · 作 「讀曹公、杜牧《孫子》,見 / 考《周 戰 篇 凡 禮》軍制皆合。」 用兵之法,馳 言。 唯 愚

人。 衆皆 굸: 車 H 戰,兵車在 邲」,丙辰,楚重 之衆,革車 十五人,故二 養五人,樵汲五人。 七十二人,炊家子十人,固守衣裝五人, 裝。《司馬 車 也。 車 乃至,後一日,故 輕 其七十五人,戰 戰 可知也。」《左氏傳》「乙卯,楚 「儒者謂 車 革 也。」杜 前 車 法》曰: 千乘,校其費用支計,則 輜 乘兼一百人爲一隊。舉十 輜車,重 甸 牧 至 重 出七十五人,不知實出 注 常 於邲,吕成公謂 輕車七十五人,重 「一車甲士三人,步卒 車也。其二十五人,重 無鈔擊之患。」唐説 在 車 兵車之後。 也 輕 車 載 器 戰 械 車 師 楚 百 財 也 重 軍 萬 車 貨 百 齋 次 凡 於 之 萬 廐 衣 古

十五 畝 畝。 古者步 一百六 竇 儼 + 百 爲畝。 日 步。 古之一井,爲今三百七 「小畝步百,周之制也。 古之百畝,爲今四 +

> 典》謂 中 齊之制 百四十步爲畝。二説 哀憐百姓,制田二百四十步而一畝。」《 論》御史曰: 畝二百四 也。 商鞅佐 一十,漢 今所 「古者制田、百步爲 秦,以爲地 之制 用 者,漢 不同 也。 之中 利 大畝 不 ·畝。」《 盡 三百 畝。 ,更以二 六十, 先 鹽 通 帝 鐵

《孟子》、《王制》爲五等, 六鄉之制也。 都鄙之制 三等,諸侯之制 萊者,六遂之制也。《大司馬》上、中、下地 解者謂:《大司徒》不易、一易、再易三等, 禹 貢》之田 也。 《遂人》上、中、下地三等,有  $\wedge$ 也。 小司徒》上、中、下 九等,蔿掩 而《周官》 別楚 地 地三等, 止三等。 亦 九

之助 畿内用夏之貢 人》溝洫,乃采地之制。 法,制 遂 人》治野,乃 公田不税夫。」朱文 (法,税· 夫 鄉 無 鄭 遂公邑之制。 公田 康成云: 公亦 邦 國 云 用 周 《 匠 殷 制

注分爲二,是也。」愚按: 不可合,而 數 永嘉諸 井 田 以 儒 九 欲混 李泰伯《平土書》 爲 數。 爲 井 田 康 成 溝 在《 易》之《 師

洫

決

溝

洫

以

+

爲

궁: 禮》、《考工》各爲一書。 制 義》以《匠人》溝洫,求合乎《遂人》治野之 與康成異矣,非始於永嘉諸 ,謂《遂人》言積數、《匠人》言方法,然《周 周畿内及諸侯一用貢 易氏謂《匠人》前代 儒也。 法。」蓋泰伯 劉氏《中 已

古 西之流 齊盡東其畝 怨,子産作封 自鄉遂之法弛,子 豐,稻人掌之。 人》五溝五涂之制,因于古也。 制 蕩 禹 然矣。 至 盡 力乎溝 商 而 鞅 洫 以 古者内 戎 決 而 洫 裂 車 駟 水佐守者固 伍 「濬畎 阡 是 田 爲 . 為田 利。 陌 疇 田 以 洫 吕政 澮,距川 廬,外 爲 甚 而 以水佐耕者 而 誇。 喪 決 司險掌之。 兩 田 爲 通 者以 晋欲 周 溝 川 争東 <u></u> 防 洫 遂 使 爲

> 入無人之境。 日之積。先儒 非一人之力。 下《坎》上《坤》之象。 溝洫之壞,自周衰 \*; 悲夫 謂 井 寓 田 兵 溝洫之成,自 壞 於 圃 農 戎 馬 伏 險 入中國,如 至秦,非 於 禹 至周, 順 取

公曰: 疏謂: 牛,示農耕早晚。 冉耕,亦字伯牛。 作牛耕。 民牛耕。」今攷《山 犂,費省而 人耦、牛耦,鄭氏注: 「周時未有 『百姓飽牛而 周益公云:「孔子有犂牛之言。 功倍爾 **《**賈 何待趙過? 海經》后 牛耦 誼 畊。』《月令》季冬出 書》、《新序》載鄒 耕, 稷之孫 「合耦並言之。」 至漢趙 過特教人耦 叔均,始 過始教 穆

書》青州之貢、《職方》幽州之利,齊之渠展, 澤」、《穆天子傳》「至于盬」,晋郇 而 猗頓用是起 鹽,引池 者也。 而化、《山 散 鹽 一, 煑 海 經 水 瑕氏之地, 加 鹽 成、《夏 販 之

燕之遼 也。 戎以 出 井六百有九,法益詳而利無遺矣。 者十二路,爲池二,爲監七,爲場二十二,爲 十有五,唐有鹽之縣一百五。本朝鹽 齊,至漢二十倍於古。攷之《漢志》,鹽官三 與民共之。 之, ●周公閲所云「鹽虎形 取之,伊尹 後周四鹽之政倣此。古者川澤之饒, 東,而 自海王之篇,祈望之守,作俑于 宿 、所云「和之美」者,大夏之鹽 沙初作者也。 也。 形鹽,物 飴 鹽,於 一所出 地 以

逸》曰:「惟正之供。」餘財,以共玩好之用,恐非周公之典。《無餘財,以共玩好之用,恐非周公之典。《無「玩物喪志」,召公以爲戒。凡式貢之

然則二品之來,古而然矣。公云:『古者有母平子、●子權母而行。』」公云:『古者有母平子、●子權母而行。』」「單穆大泉而有二品。」章昭注《周語》曰:「單穆

古者以射御爲藝。孔子曰:「執射

乎? 射者多矣。造父之師泰豆氏,尹需之習秋 恭,射者使人端。 駕,皆學御者也。 也。「不失其馳,舍矢如破」,射之善也。 良 御 忌。」「四黄既 執 御乎?」《詩》 亦正心脩身之法。 《説苑》謂: 駕,兩 日 驂不猗」, 「叔善射忌, 御 者使人 御之善 又

<sup>「</sup>物」,嘉慶本、道光本作「掘」。

❷ 「平」,當作「權」

日: 「舜爲天子,黄龍負璽。」《世本》曰: 「魯昭公始作曰:

歸于正也。注讀爲「征」,非是。《司門》「正其貨賄」,正者,禁其淫侈而

等。· P 哀十四年傳》迹人來告曰:「逢澤有介麋 《迹人》,春秋末,宋猶有是官。《左氏·

夏子。· 禮》司禄之官無其職。是諸侯皆去之,故不害已也,而皆去其籍。」趙氏注:「今《周害已也,而皆去其籍。」趙氏注:「今《周

《莊子 始有是名。《燕禮》注: 之殿。」後漢《蔡邕集》所載「百官會府公殿 下」者也。古天子之堂,未名曰 《槁人》注: 「魏文侯御廩災,素服 説劍》云: 「今司徒府中 「人殿門不趨。」蓋 「當東霤者,人君爲 辟 正殿 有百官朝會 殿。 五 《説 戰 日。 國

> 殿屋 必宫中也。」 以況周。 丞相所坐屋。 也。 然《漢 疏謂: 古者屋之高嚴,通呼爲殿,不 . 黄霸傳》「先上殿」,注 漢 時 殿 屋 四 向 流 水, 舉漢

《星備》云: 八歲 動 王則光芒, 上,則日月五星皆乘黄道。」《保章氏》疏: 天。』《馮相 二十八歲而周天。太白日行八分度之一, 三歲而周天。 而周天。熒惑日行三十三分度之一,三十 起牽牛,歲星一日行十二分度之一,十二歲 摇 《大宗伯》疏: ௱ 周天。 廢 則少光。 相則 氏》疏 「五星更王相休廢,其色不同。 鎮星日行二十八分度之一, 辰 内實 星 《星備》云: 色順 《星備》云: 日行一度,一 休則光 四 時。 ·芒無· 其 「五星 歲而 明 國皆當 角,不  $\pm$ 在 周 初

<sup>● 「</sup>麋」,嘉慶本、道光本作「麇」。

也。」《星備》之書,僅見於此,隋、唐《志》皆

一家之學。」
 始以當時所行,傅於《周官》五禮之名,各立一百五十有二。《唐志》云:「自梁以來,一百五禮之别,三十有六。唐五禮之儀,

父云: 野 苑》: 謂: 公作《徵招》、《角招》,蓋舜樂之存者。 作。』孔子至彼,聞韶,三月不知肉味。」齊景 孔子謂御曰 祈、徴、角之謂 九辯》、《九歌》以下 壺,相與俱行。 「九磬之舞」,注云:「當爲大磬。」愚 帝 「九磬」之名尚矣,不 「孔子至齊郭門之外,遇一 「《九招》者,九名。  $\pm$ 世 紀》: 也。《山海經 趣驅之,趣驅之! 其視精,其心正,其行 ,始歌《九招》於大穆之 啓升后 必 予識其三焉 十年,舞《 改 夏后 嬰兒, 〈字。《 韶樂 開 劉 九 得 原 方 説

> 之。 德。」然則《九招》作於帝嚳之時,舜修而 爲舞聲,歌《九招》、《六列》、《六英》。 招》之樂。《吕氏春秋》: 乃 韶》。」《竹書》曰: 令質脩《九招》、《六列》、《六英》,以 韶》九成。」艾軒謂 )興《 秦唯《韶》、《武》二樂存。 九招》之樂」, 夏 「勸之以《九歌》」,即《九 后 索 開 隱 儛《九招》。」《史記》「禹 日: 「帝嚳命咸黑作 即舜 樂《簫 明 帝 舜 用 帝

次而 六十日之律以 而 生,吕爲上生。 張文饒《翼元》 左皆上生,子午以右皆下生。」以鄭 以蕤賓三律爲上生。 班固夾鍾中吕,過於無調 無降陽。」陳用之《禮書》謂 生 班固《律曆 日 律 當用 候 E. 鄭康 志》述劉歆之言,以律爲下 日。 蕤 成以黄鍾三律爲下生, 梁武 「十二月之律 月律 賓 重 (帝《鐘: 當 上 鄭 生。 一下一上,依 康 「自子午以 律 成有 :緯》謂 以 説 司 馬 候 爲 升 月, 陽

劉

歆之法

月

律

也

吕

不

韋

淮

南、京

房

之

0

法,日律也。

《晋志》取司

馬而

非

淮

南、梁武

是

京房而非

班固,皆非

通

論

《唐六典》「辨龜九類五 龜人》六龜,《易》「十朋之龜」。 色, 依 四 時 爾 雅 用

十龜。

西山曰: 言夢,孔子亦言夢。 作「蘁」。  $\sim$ 列子》夢有六候,與《占夢》同。 「正夢不緣感而得,餘皆感也。」 東坡 E : 「高宗言夢,文王、 其情性治,其夢不亂。」 田田 武王 굸

東。

九鼎既

成,遷于三國。」 懿氏

占

日

鑄

鼎

繇曰:

「逢逢白雲,一南一北,一西一

《大卜》三兆,其頌皆千有二百。

夏后

日: 「共,猶授也。王祭食,宰夫授祭。《孝經説》 「共綏執授。」」疏云:「《孝經説》**、**《孝 《大祝》九祭,九 曰「共 祭」。 注

漢•禮儀志》注《孝經援神契》曰: 祭以授尸。」愚謂: 經緯》文。共綏執授,謂將綏祭之時,共此綏 疏謂 綏 祭,非 「尊三 也。  $\sim$ 後

級授之。」永平二年《養老韶》,亦有「安車 授。」宋均 者,父象也。 日 謁者 供 奉 綏,三老就 几,安車 輭 車,天子 公輪,供 親 綏 輭 執 執

世 有覆射之法

〇六

方兆,占四方之事也,漢武帝發《易》占,知 日 子 馬 魚 從 1 西北 1 「忠信之事則可。」弓兆,有射意,後 師 戰令龜。 巡 來。 兆,鄭 功兆,占立功之事 義兆,占行義之事 氏 鍔 以理推之,謂: 也,楚司 也,惠

伯

馬

神

庚

庚,余爲天王,夏啓以光。」皆龜

繇

也

尾,衡流

而

方羊裔焉。」漢文兆曰:「大横

蕕,十年尚

猶有臭。」衛

侯繇

曰 :

「如魚

窺

姬

繇

日

「專之渝,攘公之羭

一薫

姜。」成季卜曰:

「間于兩社,爲公室

輔。」

鳳皇于飛,

和鳴

鏘鏘。

有媯之後,將

育于

輪,供綏執授」之語,蓋取《孝經緯》。

則》尚 過 此 不可 禮,何以男子跪而婦人不跪? 膝 伏,誤矣。 腰 撎是也。」項氏云:「古之拜,如今之揖,折 詩「長跪問故夫」,婦人亦跪也。 拜,則雖虜俗,婦人 。」 普問所出,對曰: 作跪 IE 如 而 此。 今時 折腰 己。 鄭 右手者,言斂手右 也。 司 婦婦 也。 農 或謂 介胄之士不拜,故以 周 注 男之尚左亦然。」今致太祖問 人 天元令婦 其儀特斂手向身,微作曲勢。 揖 自 「肅操」 唐 「唐張建章《渤海記》備言之。」 禮也。 漢時婦人之拜,不 亦不作男子拜也。《内 武 氏 普問王胎孫, 唐武后時,婦人始拜 人拜天臺,作男子 始尊婦 向,非若今用手按 一但 俯下手,今 肅 人,不令拜 爲禮 對日: 趙普拜 「古 而不 時 其

二夢之法,其經運十,其别九十」,謂占夢之一鄭解,其同者六,其異者四。《大卜》「掌一、既祲》「掌十煇之法」,占日旁之氣也。

夢之變通,其占不同,不當改「運」爲「煇」。 注 正 法 以「經運」爲「十煇」,先儒 有十 也 運 而 九 變,十 謂 運 日 而 之煇 九 +

正,而 티 : 歲, 則謂之歲,用建子則謂之年。《洪範》 之一,朔數三百五十四日。 「從冬至及明年冬至,爲一歲。」 朔數曰年。 《大史》「正 四時之事,有用夏正建寅者。 「閏所以 Ī 中數 歲年以 中 朔 三百六十五 也。」或謂 序事」,注: 《漢 周 日 以 建子爲 曆志 四 中數 用 Œ 建寅 分日 曰

月之行,分同道也,至相過 角,而月弦於牽牛、東井。」《左氏 寸。此長短之極。 在 角,望在婁。 春分朔則日在婁,望則月在 牽牛,景丈三尺。 《馮相氏》「致日致月」,注:「冬 婁、角天之中道,故晝 春分日在婁,秋分 夏至日 在東 也。」正義 角。 傳》 (井,景 秋 分朔在 夜等。 全 日 尺 日 在 五 日

井,望在斗。 曆法歲差也 冬至古日在牽牛,今在斗。鄭注與孔疏異, 朔 則 日 在 斗、井南北,故晝夜 斗, 望 則 月 在 井。 長 夏 短 至 極。」 朔 在

所在。 次云: 故 殃。事驗時有相應。] 賈公彦謂: 守心,宋景穰其咎; 木乎?」尾箕艮維燕,可以言東北 南,齊、魯在東,今歲星或北或西,不依 秦宿,而周分隷豫州,理實難詳。 主,或亘萬里,跨數州,或於寰内不布一郡。 在周邦。天度均 國語》歲在鶉火,有周之分野。 今豐 也。 《保章氏》「星土」,按「乙巳占」論十二 「北方之宿,主吴、越, 火午之辰, 或云: 此受封之日,歲星所 「十二次可言者一,其惟析 列,而分野殊别。一次所 實沈 爲祟,晋侯受其 在之辰,國 吴、越在 至如 屬 國 一部當 熒 焉 地 惑

「十有二歲」,注:「歲星爲陽,右行於

限。 同。」《 則寅 曰 : 分,積百 超 微差,及哀、平間餘勢乃盡,更八十四年 書》曰: 潏 則寅而在卯,午而在亥, 餘年而超一次。戰國後,其行寖急,至漢 來,常先一百二十餘日。」愚致《大衍曆議 多差,近年尤甚。歲星常先月餘,近年以 天 陰在單閼,歲星在玄枵。』自嘉祐丁酉,驗之 水云 、太歲 一次。」三山 而 「歲星自商、周迄春秋之季,率百二十 汲冢 在丑,辰而在亥。 『歲陰在攝提格,歲星在星紀。歲 爲 四四 十四四 師春》謂: 「歲 陰, 陳氏 左 星在天,歲陰 年而滿 行 於地, 謂 本 「如《左氏》之説 歲星 十 二 數,則爲超 以次推之,皆不 如《史記》之説, 在 每 歲 地。 歲 而 而 《天官 小 辰之 成 周 而

名,今曰字。」字者,滋也。《聘禮》記云:「百名以上《外史》「達書名」,鄭康成謂:「古曰

歲 《廣韻》聲也,以子該母。 義,諧 爲字。 偶 者,文與字 事,文也, 文。字者,始於一而 書於策,不及百名書於方。」王文公云: 隷 居其一。 子,故謂之字。」夾漈謂: 書,耳學。」《中庸 剛 書爲法,而 一諭焉。 柔,雜 聲尚聲。 主類爲母,從類爲子。 外史達書名於四方,大行人又九 比 也。 其制 會意、諧聲、轉注,字也; 周制 以 《説文》形也,以母 相承,如天地之文,故謂 諧聲與 或問》曰 度之詳如此。秦以小篆、 始改。」 生於無窮,如母之字 五書 . 「獨 字書,眼學; 「司徒教民,書 同出,五 六書象形、指 體爲文,合體 「文者, 、統子; 假借 書 尚 之 韻

今作「蠻芋」。「兩」。《職方氏》注引《國語》「閩芋蠻矣」,傳》作「掫」。《環人》注引「御下掚馬」,今作傳》作「掫」。《環人》注引「御下掚馬」,今《左《鎛師》注引《春秋傳》「賓將趨」,今《左

官》四 漢 聖人作法,豈徒然也。 季夏取桑柘,秋取柞楢,冬取槐檀。 至,鑽燧改火。」改水,唯見于此 江者,代代事之,相續不滅,火色變青。」《東 融引《周書•月令》同。 • 禮儀志》: . 時變火以救時疾,火不數變,疾必興。 司 爟》,鄭 司 「日夏至,浚井改水。 農引《鄹子》,與《論 晋時有以洛陽火度 春取榆柳之火,夏取棗杏 王劭曰: 語 日 》馬

妙也。 七,出 幽都 萬物也。」《管子》: 之川,西方金而蜀隴 而丹章有金銅之山,南方火而交趾 皆爲之厲禁。 天下水泉三億三萬三千五百五 有積沙之地。 水有疏導,火有出納,山林金錫之地 鐵之山三千六百 《鹽鐵論》大夫曰: 時而用之,先王財 一出 此天地所以均有無, 有名材之林,北 九。」《唐 銅之山四百六十 「五行,東方 十有九。」 成 六典》: 有大 輔 方水 相之 海 木 通 而

縣。」《説文》: 海,徐州浸。《夏書》: 雍」,字誤也。」 顏 兖州 其 浸 「濰水出 師古 盧 維 曰: 琅 潍、淄其道。」鄭 注 邪箕屋山,東 「盧 云 水在濟 當 爲 北 盧 雷

非

也。

外,朝士掌之。內朝二,外朝一。《唐六典》: 大僕掌之。三曰外朝,在皋門之内,庫門之 宰 「承天門,古之外朝。 兩儀殿,古之内朝。」 夫、司士掌之。 王有三朝: 二日 日 治 太極殿,古之中朝 燕 朝 朝,在路門之外, 在 路 之内,

特性》「王被衮以象天」,注: 法天數, 豈同服 衮冕而上之章,日月星辰也。 王與公同服 司服》云: 鄭康成因《左氏》「三辰旂旗」之文,謂 「公自衮冕而下如王之服。」則 九章之衮。 九章無 君臣 攷之經,無 之别哉 冕十二旒 「謂 有 日 所 月 《 郊 見。

굸: 與 云 明 夜晚早,若今甲、乙至戊。 疏云: 五更」。 早時,戌、亥則晚時。」愚按: 氏之説與古法合。《司寤氏》「掌夜時」,注謂 八刻。辰、戌、丑、未四時,各九刻。」愚謂 時,每時八刻二十分,每刻六十分。」王昭 「中黄門持五夜,甲、乙、丙、丁、戊夜,今謂之 三刻,皆屬 岳 爲 蔡邕以 臺不同,則易箭之日,亦皆少差。 限,鄭 「寅、申、巳、亥、子、午、卯、酉八時,各 「晝夜長短,以 疏以「戊」爲「戌」,誤矣。 刻之法 康 書。 星見爲夜、日入後三刻,日 成成 畫 以 鄭 一夜百 日出入爲限,有五 與 岳 刻 蔡校一刻。 臺爲定。 易氏 衛宏《漢舊儀 云 「甲、乙則 九服之地 馬融 王伯照 十 刻 出 以 之 昏 前 易 禹

方 與《周官》無異。」 氏」。 職方氏」,漢樊毅《修西嶽廟記》作「識 《史通》云: <周 書 職方》之言

0

服 記》、《尚書·皋陶 辰之章。 十二章者乎? 此 魯禮 也。」豈有 篇》乘輿服,從歐陽氏説, 漢 明 帝采《周 周 服 九 章 官》、《禮 而 魯 殑

備

十二章,得古制

矣。

大統十三年三月,除宫刑。」非隋也。 「隋開皇之初,始除宫刑。」按《通鑑》:「西魏律序》:「文帝除肉刑而宫不易。」《書》正義: 五刑之法,疏謂宫刑至隋乃赦。崔浩《漢

《周禮義》云: 本以鼻聽。 耳』,荆公言取其 之説,蓋荆公聞而改之。 孫君孚《談 有 「牛耳,尸盟 人引一 順聽,不知牛有耳而 圃》謂: 牛與 荆 者 周官》『贊 公辯。」今按 所執。」無 無 牛 順

旨 導民以飲 漢武紀》,其流 酒、《易·未濟》之終,以濡首爲戒 萍氏》「幾酒」,猶妹土之誥 而 罔其 害萬世,甚於魯之初稅 (利哉 初権 酒酤」,書於 也。 易嘗 畝 禹 悪

行人》,朱子《儀禮經傳》以爲朝事義。《大戴記・朝事篇》取《周官・典命、大

水,則傷本性。」《考工記》「貉踰汶則死」,先儒以汶爲魯之汶水。《列子釋文》云:「案《史記》魯之汶水。《列子釋文》云:「案《史記》

周陶正猶以虞閼父爲之。「有虞氏上陶」,舜陶河濱,器不苦窳。

至秦然後車以六尺爲度。相距之間,廣狹如一,無有遠邇,莫不齊同。之轍迹,輿之廣六尺六寸。其轍迹在地者,之、與之廣六尺六寸。其轍迹在地者,

賦》「紛溶萷蔘」。『掣」。」疏云:「今檢未得。」愚謂即《上林《輪人》注:「掣,讀爲『紛容揱參』之

《冶氏》注:「鋌,讀如『麥秀鋌』之

者農書 移』。」六字未 鋌 所載歟? 表 記 知 注 出 移,昌氏反 何書, 移, 讀 疏 如 不 禾 釋其義。 氾 移 之 或

出 古銅敦,乃周成王 積千寸,此乃《九章》米粟法。 師 復扈邦 潏 水云 賜 有 「『奥氏爲量」, 功 一時物。甘人侵扈,命正 師 氏,而數亦皆備 鄭玄 某家 以 舊 有 方 人 尺

之妙。 器。 豈 見者驚猶鬼神。」以 飛 物 動之狀。 物刻雕之哉 《莊子》 嘉量》之銘、《祭侯》之辭、皆極文 而《梓人》筍虡之制,文法奇古,有 蓋 謂: 精於道者,兼 「梓 天合天,道與藝俱化, 慶 削 木爲 物物物 鐻,鐻 Ш 後能 成 章 制

曾 爲 而 略 孫 爾 異。 侯氏 不朝于王所。故亢 大戴記 百 **模弘設射不來,不來者諸侯之不來朝者也。** 福。」此 投壺篇》云: 祭侯之辭 而射,女强食。 也,與《梓 「嗟爾不 寧侯 人》同

> 人》注 時拜 日 之國,君名之,非禮 聘問之辭,亦未得其實。」愚按《説苑》: 勞。」 疏云: 日 日: 太子擊封中山 悠遠,客甚勞。」 勞介則 使臣于庭,二三子皆在。」勞客曰: 客」,注云: 侯 倉唐見之,曰: 唯唯。」如是者三,乃曰: 「君出太子 者 亦云: 、送書於庭。」鄭氏所述,蓋古禮也。 『使臣 「子之君 司儀 射 [二三子不恙乎?] 對 垛 也 》「問 問不恙。」 之來,寡 「問 「未知所出何文,或云是孔子 因 無 遺 祭寓 君」,「 恙 君 擊 倉 E 乎?」倉唐曰: 也。」文侯怵然變容, 君 唐 意 無 君問 命 使 以 恙乎?」倉 『君不恙乎?』 曰: 臣 於文侯。 爲 日 于庭。』問 諸 大夫」,「 侯之戒 二三子 『寡 『道 文侯 唐 《大行 臣 而 君 大 君 來 召 其 路 封 魏 命 夫 勞

《周禮》,劉向未校之前,有古文,校後

之陳,其陳法不可見矣。」類,各有書。屬民讀法,其法不可知,如戰劃。朱子曰:「八法、八則、三易、三兆之爲今文。古今不同。鄭據今文注,故云「故爲今文。古今不同。鄭據今文注,故云「故

非也。《春秋》之學」,疏謂若《晏子》、《吕氏》之類,《春秋》之『冥』。」按《儒林傳》「冥都傳顔氏《冥氏》注: 鄭司農云:「讀爲『冥氏

論也。」

堂。皆有功於禮學,先儒韙之。《聖證 神也,玄以 魄寶也。 上帝」,此天也,玄以爲天皇大帝者,北 今不傳,正義僅見一二。《唐·禮志 丘及郊。 無二,郊、丘 讖緯亂經,鄭玄主其説。  $\pm$ |肅《聖證論》譏短鄭康成,謂: 兆 祖功宗德,是不毁之名,非配 爲靈威 爲 五 一,禘是五年大祭先祖 帝 仰、赤熛怒、含樞紐、白招 於 四郊」,此 『以禋祀祀昊天 五行精 氣 辰耀 非圜 天體 食明 日 論 之 :

> 祭感帝靈威仰,配以后稷,因 慶二年,禮官議六天出 太微五帝。 也,玄以爲二。 拒、汁光紀者五 啓蟄而 郊及明堂祭天,而玄以 天 也。 郊,郊而後耕,而 緯 由 書。 是有 而祈穀。 南郊 六天之説, 、圓丘 玄謂 爲 皆 繆 祭 周 顯

之削爲良。 古未有筆,以書》之國,故《考工記》以魯

九畿之地。」
「《禹貢》冀州之也,不可畫可畫五服之地。《周官》雍州之西,不可畫

服其 頡 服守王之門外」、《司隷》「帥 率之變,幾至危殆。 利 ,其酋長帶刀宿衛,亦古制也。 邦服,執其邦兵,守王宫」。 唐太宗 師氏》「使其屬 蓋先王德化之盛,非太 帥 四 夷之隷,各以 四 翟之隷,使皆 然結 其兵 擒

宗所 孟 子》曰: 能 及 慕 「以力服 冠 帶 百 人者,非心 蠻 之 名 而 服也 不 虞 後 患

式 曰: 者傳》 本黄 其 畫 六壬也。 遁甲者,推六甲之陰 者,準也。 天,棗心爲地。」六壬之説,許叔 師 書》「故 戰國策》、《新序》作「歷室」,蓋古字通用 爲 ,則大史主抱式,以 孤 《遂師》 帝、 《大史》「大師抱天時」,注云: 「大出 虚 虚 一畫 實 鼎 風后之術。 「雷公、太一、六壬。其局 「旋式正 户也。」 而 反 》「抱磨」,音「歷」。《史記・樂毅 生數一,成數五,以水數 乎磨室」,徐廣注 向 爲 背之。」《吴越春秋》計 實。 棋。」《唐六典》太卜 以六十甲 孤 知天 虚 者, 時。」《史記 子 重 圃 定 畫 以 磨, 日 硯 隱 四 爲 日 配 : 楓 方,占 遁 歷 孤 之爲 木爲 「水 令三 . 也。 也 孤 H

鄭 剛 忠《解 義》, 如「 冕服 九 章」、「 授 田

天門

地

遂,師 辯明 疑」、「九畿之國,有朝貢之惑」、「豆區 有多少之差」、「世室重屋、非明堂之制」, 等」、「治兵大閲 使有條理。 都之異名」、「陰陽之祀,有 旗 物 之 互 建 用 六 鍾 牲 鄉

士也; 種漆 己。 户 至漢 士,侯國之士也; 民 隠田 有羨卒,不盡 舜 成 漆林之征二十而 取 而 古者,國有 林,重其征,所以抑 造 ,於是財 覈墾田 士之制,其 大司樂教國子,國之貴游子弟 漆器,群臣 一至隋 殫 其 閒 涂有三: 力 財 田, 鄉大夫興賢能,王 盡、民 而 力 咸 田有餘夫,夫有  $\overline{H}_{\circ}$ 関丁口 也 諫 末而返樸 無樂生之心矣。 防奢靡之原 至 漆 諸侯三年 至唐 秦 以 圃 飾 自 器 而 閒 實 也。 畿之 用 一貢 也 田 民 而 逃

困 學 紀 闡 卷 之 四

## 困學紀聞卷之五

禮》之闕。

又《遷廟》、《釁

廟》,見《大戴記

》,可

補《

經

釋文》引鄭

氏

實《

曲 禮

》之正

篇

浚 儀 王 一應麟 伯厚甫

《弟子 中霤》在《月令》注 謂《儀禮》乃《經禮》也。《曲禮》皆微文小 亡。」《禮器》注: 指《儀禮 》。」晋荀崧亦云。 三,凶 如 職 今《曲禮 禮義宗》云: 》,所 禮 四,賓禮 謂 》、《少儀》、《内 而《儀禮》疏云: 威 朱文公從《漢書》臣瓚注, 「《曲禮》謂今《禮》也。」 一疏。 儀三千」也。 三,嘉 「《儀禮》十七篇,吉 《奔喪》、《投壺》, 禮 則》、《玉 七,軍 「亦名《曲 禮 藻》、 禮

禮

即

禮

儀

禮

節

愚謂 學禮,見于《賈誼書》。古大明堂之禮,見于 某者,即十七篇古文也。《論衡》以爲宣帝時,河内女子壞 之名。張淳云: 必於是稽焉。文公大儒,猶以 居明堂禮、烝嘗禮、朝事儀,見于三《禮》注 老屋,得佚《禮》,恐非。 毋怪乎冠禮之行,不非鄭 三十九篇,康成不注,遂無傳焉。 有『儀』有『禮』,遂合而名之。」孔壁古文多 《藝文志》謂之《禮》,古經未有《儀 韓文公讀《儀禮》,謂攷于今 天秩有禮,小大由之。 「疑後漢學者見十七篇中 天子巡狩禮 分尹,而: 快 爲 朝 冠 注謂古文作 孫 無 昏 無 貢禮、王 子 所用, 喪 所 也。 禮》 用。

五

寶

也。

蔡邕《論》。

雖寂寥片言,如斷主碎璧,猶可

》五傳弟子,謂 高 堂生之學

孟 卿、后蒼、戴德、戴聖也

内反。《續漢·輿 頍,象之所生。 幗」,無「蔮」字。 《士冠禮》注: 今之未冠笄者,著卷幘 疏云: 服志》: 滕、薛名「蔮」爲「頍」。 卷幘之類。 **薗簪珥。《集韻》有「簂」、** 《隷釋·武榮 蔮, 古

闕 幘。」

文》之忍反,亦誤。 之服,皆以袀玄。」蓋「袀」字誤爲「袗」。《釋 服振振』。」按《後漢 『袗』爲『均』。」疏云:「當讀如《左傳 「兄弟畢袗玄」,注:「袗,同也。古文 輿 服 志》: 秦 》『均 郊祀

士喪禮》云「商祝」、「夏祝」,則禮之兼 士冠禮》有「醮 用酒」,注以 爲 用 舊 夏、 俗。

呼之」,此《儀禮》賈疏 「二十爲字,未呼 也。 伯仲,至五 「二十已有伯某 十乃 加 而

此

蘇子美亦云:

三商而眠,高春而起

公曰:「疑孔疏是。」石林 甫 以字爲重。 去某甫,言伯仲而 五十直呼伯仲」,此《禮記》孔 南季之類。 仲 叔 季, 然仲山 雖 云 伯 冠以 甫、尹吉甫皆卿士,亦 仲 , 氏 皆 如 如 謂五十爲大夫, 配 某 南仲、 疏 甫 也。 而 榮叔、 言,

言。 良」,相錯成文。 《論語》「迅雷風烈」、《九歌》「吉日兮辰 冠辭「令月吉日」、「吉月令辰」,互見其

云: 云 半也。」《詩》正義云: 夕」,蓋取 商。」夏文莊《 五刻。』今云三商者,據整數而言,其實二刻 靈曜》亦日人三刻爲昏,不盡爲明。 案馬 《士昏禮》、《目録》「日人三商爲昏」,疏 『日未出,日没後,皆二刻半。 「商,謂商量,是漏刻之名。故《三光 《蓮華 漏銘》「五夜持宵、三商 「《尚書緯》謂 前 刻 後 共 氏

者異 也 ; 賓  $\sim$ 秩 鄉 介 黨 飲 尚 於 IE 酒 年 先 飲 生 酒 也 疏 ş 尚 尚 日 大 娲 德 夫爲 也 也 鄉 \_\_\_ ; 大 僎, 公 旅 夫 是 坐 酬 飲 劉 于 以 酒 氏 賓 盎 尚 日 東, , 老 德

尚

也

豐 戮 崔 侯 上駅 於 形 形 世, 似 .∭ 酒 豆 乃 射 圖 箴 丽 象其 國 形 卑。 名 戒 「設豐」,《 形。 也 後。」李尤《豐侯 豐 0 侯沉酒 坐 禮 酒 圖 燕禮》「有豐」,注 亡國,戴 荷荷 云 甖 負 盂 罰 缶。 戒 酒 豐 作 自

制自卿大夫以下,其室爲夏屋。」 記》之四阿、《上 東榮」,《 燕 禮 檀弓》之夏屋 疏 林 四 賦》之四 向 流 水 也 日 注 ^ 東霤」, 士 也。 冠 禮 兩 注 ^ 下 考 屋 工 周

蕭 望之 夏 以 侯 禮 勝 服 善 授 説 皇 禮 太 服 子 謂 則 禮 漢 世 之 不 喪 以 服 喪 也 服

> 去《 如父在爲母、 爲 五代史·馬縞傳》。 禮》意者。 諱 國 也 卹 Ś 唐 篇 Ŧi. 之 叔、嫂之類,率意輕 服 姦 而 制 臣 M 度 以 禮 附于令, 凶 居 事 Ŧi. 非 禮 自後 臣 之 改,皆不 末 子 唐 所 始。 Ŧi. 宜 服 達

之。 門 儉《 簡 説 朱 五 曰 儉 有 《家禮 名 文公 + 别 : 八 牒 禮 鄭 鈔《條 百卷 唐 家 卷,隋《江 雖 宋・ 、王、徐、賀之答,崔、譙、何、 ~ 論 時 有 謂 間 盈 明  $\approx$ 不承 此 猶 青 何承 喪 目》 堂 則 學。 有 禮 **▼** 天 謂 華 六 都 爲 此 新 删 往 天 曲 朝 集 蓋 朝 十三卷,梁孔 意 義 減 傳 於 臺 廷 人 禮 鮮。」杜之松借 并合爲 無 處 》之記, 有 多  $\sim$ 潘 功 士 精 亦撮《 禮 徽《 條 程 於《 事 答之。 江 融 南 先 禮 禮 白 用 子 都 宫、 處 是《 卷。」 論 袪 此 集禮 庾之論 東觀 | | | | | | 曾 王 等 當 續 又 禮 借 無 時 又 見 序 之。 論 之 百 此 功 專 王 Ŧ

存 本 0 觀 其 今諸儒所著,皆不傳,蓋禮學之廢久 制 作 動 多 自 我 周 孔 規 模, 十不

《禮》特牲,不言牢。《楚語》「天子舉以大牢」、注:「牛、羊、豕。」《漢・昭紀》「祠以中牢」,注:「牛、豕。」《漢・昭紀》「祠以中牢」,注:「牛、豕。」《漢・昭紀》「祠以中牢」,注:「牛、豕。」《漢・昭紀》「祠以中牢」,

圖》云:

「皮樹,人面獸形。」它書未見。

也。《儀禮》不詳,而朱文公譏之。禮學不可不講而《濮議》爲言者所詆。高抑崇於「鄉飲」,攷」、歐陽公自云:「平生何嘗讀《儀禮》?」

爲一成,而兩縷共一齒。」正合康成之説。衰簆,以成之多少,爲布之精粗。大率四十齒「登」,登,成也。吴仁傑曰:「今織具曰「布八十縷爲一升」,鄭謂「升」當作

三升,其粗者。緇布冠三十升,其細者。

齊語》。今按: 此晏子之言,見《韓詩外《聘禮》注: 君行一,臣行二。疏謂出

子曰: 『子不後寡君一等。』」傳》: 「衛孫文子聘魯,公登亦登。

「皮樹」,注云: 「獸名。」張鎰子曰: 『子不後寡君一等。』」

禮

《行葦》可以見《大射儀》,《楚茨》可以見《行葦》可以見《大射儀》,《楚茨》可以見

《少牢饋食禮》。

于使臣,臣敢辭?」《春秋》辭命之美,有自來矣。●請。」對曰:「寡君,君之私也。君無所辱賜酒,以請吾子之與寡君須臾焉。使某也以不,以請吾子之與客燕,曰:「寡君有不腆之

叔孫

<sup>● 「</sup>春秋鮮命之美有自來矣」,此條小注嘉慶本、道光本

其 此 湖 異 百 ? 與 上 步 蘇 始 四 覲 傳 綽 陳 禮 》曰「不 興王 門 宣 之「六官」、 帝 壇 協 叔 + 大建十 而 陵 諸 盟 爲 侯 尋, 蘇 王官 覲 無 车, 深 故 威 于 面 四尺, 之 天 伯 立 盟 子 方 百 五 臨 官,不 明 加 爲 教 盟 壇 方 宫 百 幾 何 於 明 方 於 官。 以 婁 于 戲

仕 不 非 見。」 士 其 相 師 見 不 義 學,  $\sim$ 非 日 其 : 人 不友, 古 者, 非 非 其 其 大 君 夫 不

謂 古 左 師 之 者仕焉 父 鄉 先生, 師 而 少 已者 謂 師 父 , 師 歸  $\sim$ 白 少少 教 虎 於 師 通 閶  $\Rightarrow$ 里,《 教 謂 于 之 書 間 右 大 塾 傳》 師 也

堂 故 淺 無 庠爲 室 無 有 鄉 室 學,有 則 室 全 則 得 四 堂 其 分 有 四 其 室 分以爲 堂 去 序 堂 爲 以 州 學,有 爲 深 室,

禮記

沖傳》: 言 爲 第。 之。 注 掇 可 疏 請 記 其 倫 罷 將 》二十卷。』《舊史》謂 書,録 用《類禮》列于經,命行 恐 諸 更 五十篇,合二十卷。」《傳》以 《諫 并更注  $\wedge$ 作《 不 立之學,乃采獲 魏 儒 「戴聖 魏 可 録 徵 「開元中,魏光 寘 共 類禮》二十 孫 用。」帝然之, 傳 内府。」《藝 非 炎始因 所 載 解,文 之。 詔 録 日 日 向 至 舊書,擿 義 8 -篇,數 已千 徴 刊 粲 採先 以 文 書 綴 更 乘 然。」《 以 ^ 志 載 沖 爲 留 年 加 小 類 集 類 儒 \* -與 中 五 而 戴 整 賢 與 卷 相 相 訓 諸 不 + 注 成 爲篇。 會 禮 次, 經 從 比 注 儒集 記 出 篇 要》云: **>** 並 乃 綜 有 别 擇 ~ 太宗 完元 立,不 次 彙 爲 如 張 義 爲 善 魏 哲。 行 鈔 作 從 美 沖 訓 説 不

信 於仍故」, 之過 文公惜徵書之不 采衆説之精簡,刊正芟礱。」《集賢注記》張説 向 不與吾同世者」。 孫炎始改舊本以類相比。 **踰百** 矣。《隋志》: 釋 也。 疑 篇 條 曰 行沖謂「章句 例支分,箴石間 「比及百年,當有明哲君子,恨 葉遵 《禮記》三十卷,魏孫炎注 鄭 復見,此張説文人不通 觀文公之書,則行沖之論 删 學 徵因炎舊書,整比爲注。」朱 修,僅全十二。」「魏氏 有 之士,疑 孫 炎, 起。 雖 於 馬 扶 知新 伷 鄭 增革, 義,乃 果 日 經

篇 敬 夫』二字,失於删 非一 撙 乃《大戴記・曾子事父母》篇之辭、『 節 道德仁義,非禮不 劉 退讓 書也 原 父 以 謂 明 去。」然則《曲禮》之所 禮 『若 見賈 成。至是以君子 夫 誼 坐 《 新 如 尸 書 , 立 • 采 若 如 恭 禮

流

歡,而問

恒言不稱老」,漢胡廣年已八十,繼母

在 堂,言不 稱老

賜 人主前者,瓜 奇果,舉手捧之以 賜果 於君前」、《説苑》晏子 桃 不 削 拜。 橘 柚 不剖。」 漢 日 : 桓

「賜

裘 於其倫。 子擊中山,倉唐奉 下。」今《 孰 大,孰與寡人?」 「子之君長,孰與是?」倉 存; 則能勝之;  $\wedge$ 「儗人必於其倫」、《説 列女傳》孟 曲禮》闕 將上堂,聲必 諸侯 無齒決。」亦本於《曲禮》。 無 母曰: 倉唐 二句。 賜之斥帶,則不更其造。」 偶,無所 使。 日 揚; 《孟子》 文 : 「《禮》,將入門,問 唐 侯 擬之。」 苑 「君賜之外府之 顧 日 \* 將入户,視 指 日 日 魏文 左 擬 右 放 侯 日 必 飯 必 封

珠玉? 井授,豈有獻 古者, 記《禮》者,周之末造也 王 司 田 敬 宅? 民, 豈 無 總 有 于貨 獻 民 寶, 虜? 豈 有受 田 以

薄其心。」 「張 拱」,出《曲 禮》注。「室中不翔」,注:「兩手拱而進」。又《家語》「師襄子避席葉拱而對」,注:「兩手「行而張拱,曰翔。」「葉 拱」,出《曲 禮》注。「室中不翔」,注:

益進,問以辯之而理益明。蓋因以規諷云。斁之心,下無顧望之意。是故學以聚之而德經理,討古今,有夜分日昃而不倦者。上無厭君以自彊不息爲剛,臣以陳善閉邪爲敬。講君以自彊不息爲剛,臣以陳善閉邪爲敬。講

傳》「齊、魯相遇,以鞌爲几」,已有騎之漸。氏傳》「左師展將以昭公乘馬而歸」,《公羊《六韜》言「騎戰」,其書當出於周末。然《左兵蓋始於戰國之初。《曲禮》「前有車騎」,古以車戰。春秋時,鄭、晋有徒兵,而騎

氏撰。」又《音義隱》七卷。 云:「按《隋志》:《禮記音義隱》一卷,射云:「按《隋志》:《禮記音義隱》一卷,射

記之誤也。 「伯氏不出,奈吾君何?」胡氏蓋未攷此,非 突杜門 嘗去,此云不出,記《禮》者誤。 出 語》,申生敗翟 而圖吾君。」澹 《檀弓》載申生辭於狐突 不出, 申 於稷桑 生 庵胡 一使 而 氏 猛 反,讒言 謂 足言於 日 狐 「伯氏 狐 益 突 愚 突日 起。 事晋 攷《晋 未 不 狐

語》。子思、檀弓皆纂修《論語》之人也。」号,曾子門人。其文與《中庸》之文有似《論僧》作屠蒯。二事見之。致堂胡氏曰:「檀檀弓筆力,左氏不逮也,於申生、杜蕡

菱,吾將安放?」《檀弓》無「吾將安杖」四將安仰? 梁木其壞,吾將安杖? 哲人其《家語•終記》云:「泰山其頹,則吾

漢專用十寸爲尺。」 《夏小正》曰: 「正月啓蟄。」《月令》:

《左傳》「啓蟄而郊」,建寅之月。正 「漢始以驚蟄爲正月中,雨水爲二月節。」 「孟春、蟄蟲始振す 仲春,始雨水。」注云: 義云:

「太初以後,更改氣名,以雨水爲正月中,驚 蟄爲二月節,迄今不改。」改「啓」爲「驚」,蓋避景

魚。 帝韓。《周書·時訓》: 驚蟄之日,桃始華。」《易通 「雨水之日,獺祭 卦驗》:

「先雨水,次驚蟄。」此漢《太 初後 曆》也。

《月令》正義云。「劉歆作《三統曆》改之。」

又按《三統曆》:「穀雨三月節,清明中。」

而《時訓》、《通卦驗》,清明在穀雨之前,與

訓》非周公書明矣。是以朱子集《儀禮》,取 今曆同。 然則二書皆作於劉歆之後、時 《家語》同。 字。 木其壞」之下,有「則吾將安杖」五字,蓋與 或謂 廬陵劉美中家古本《禮記》「梁

《公羊》家之説。 文穎曰: 「九嶷半在蒼梧,半在零陵。」 里,名者方二十里,人氏者方十五里。」蓋 制》、《孟子》同。又云:「附庸字者方三十 之子言思,皆見《檀弓》。 《王制》注: 《春秋繁露》言爵五等,其分土與《王 九嶷山在零陵,而云「舜葬蒼梧」者。 曾子之子元、申,子張之子申祥,子游 小城 日 附庸。 庸,古墉

字。 王莽曰:「附城。」蓋以庸爲城也。1

制》 馬 「南北兩近一遥,東西兩遥一近。」是 融云 「東西爲廣,南北爲輪。」《王

范蜀公曰: 「周兼用十寸、八寸爲尺, 南

北長,東西短。

<sup>0</sup> 「王莽」至「城也」,此條小注嘉慶本、道光本入正文。

夏 周 小 書 正 • 丽 月令》有更火之文,其篇今亡。 不 取 時 訓 × 馬 融 注 論 語

= 以 訓 十 記 訓》乃五日 具 立春初候,「東風解凍」爲次候,與《周書》相校二十餘日。 古。」李業興以來,迄《麟德曆》,凡七家,皆以「雞始乳」爲 曆,乃依《易軌》所傳,不合經義。今改 有增益,然先後之次則同。 一七十二候,原于周公《時訓 行改從古義。 (十二月而 「氣候,比之《時訓》,晚者二十有 四 書詳略雖異,大要則 明天時,作《時訓》。」《唐大 當以《時訓》爲定。 氣 周 書 關 [序》: 子 爲候,三候 無中  $\wedge$ 明《 漢 氣,有候應而 「周公辯二十四 上易圖》云: 論七十二候》,皆以《 爲 同。 故揚子雲《太玄》二 氣,六十 **%** 自後  $\wedge$ 易 無  $\wedge$  $\sim$ 衍曆議 通 月令》 日 魏 夏小 挂 日 數。 氣之應, 四,早者 始 驗》 爲 載 雖 節 至 時 從 時 所 頗 于

> 《月令》注: 客,故曰賓爵。 將北反其居。」其後,傳寫者因「仲秋鴻鴈 月、《易説》在二月。 來」爲句; 蛤」、《小正》曰「九月,遰鴻鴈」、《吕氏》、《 氏春秋》、《淮 南》曰「候鴈來」,高誘、 來」。 來」字本「北」字。 候鴈來」; 孟 春,鴻鴈來」、《夏小正》曰「鴈北 「仲秋, 時 ·訓》、《月令》七十二候,鴈 今《月令》「鴻」皆爲「候」,而 「季秋,鴻鴈來賓,爵入大水 「季冬,鴈 賓爵,老爵也。 鴻 南 康成時猶未誤,故曰: 鴈 . 時 來」、《吕氏》、《淮 則訓》 北鄉」、《小正》 棲宿人堂宇之間, 許 叔 曰「候鴈 重 來, 注 「鴈自南方 不言「北」,蓋 凡 誤以「北」爲 以 鄉 四 南 有似 北 - % 吕 在 候 淮 爲 正 鴈 日

石新 冰。」陟,升也。 魚上負冰。」 論 魚上冰」、《夏小 謂  $\sim$ 小 負冰云者,言解 注 ,戴》去 鯉 魚 一「負」字,於文爲闕。 應 Ē 陽 盤也。 而 動, E. L 負冰也 南》 魚 陟 繭 負

正義謂:

節氣有早晚

然《 時 訓  $\Rightarrow$ 與《 月 **令** ※ 同,  $\sim$ 吕 氏 春 秋 **>** 亦 無

以節氣有早晚也。 日,雉雊雞乳。」《通卦驗》云: 寒季冬,鵲始巢。」《詩推度災》云:「復之 「仲冬,虎始交」、《易通卦驗》云:「小 「立春。」皆

云 論》。」《晋•天文志》云: 其名。」按《天文録》云: 則非昺也。 論》。」聳、昺,皆虞翻 《月令》正義: 「穹天,虞氏所説,不 「族祖河間立《穹天》。」聳爲河間 子也。 「虞昺作《穹天 「虞聳立《穹天 虞喜《安天論》 相,然 知

月所歷。」 宿離不貸」,蔡邕曰: 「宿日所在,離

冒橛, 「《氾勝之書》也。」 唐中和節進農書,按《會 陳 地氣上騰」,注: 根 可 拔, 耕 者 急 「農書曰:『土上 發。二正 義 굸

> 進表云: 要》,乃武后所撰《兆人本業記》三卷。 「書凡十二篇。」《館閣書目》云: 吕温

載農俗四時種蒔之法,凡八十事。」

訓》: 井。」《唐月令》冬祀井,而不祀行。 " 「冬祀井。」《太玄數》云"  $\wedge$ 鷹化爲鳩,陰爲陽所化; 月令》: · 「冬祀行。」《淮南 堇荼如飴,惡變而 美 爵化爲蛤 • 「冬爲 時 則

爲茅,美變而惡。 陽爲陰所化。 荃蕙

一句。 曰 明築」一句,立八疑十二證,以  $\wedge$ 曲禮》,隋王劭勘晋、宋古本,皆無 爲 無 此 稷

公孫弘云:

「好問近乎知。」今《中庸

作 「好學」。❶

王制》 「太史典禮,執簡記,奉諱

史之任也。 王之諱與大國之忌,不知風 惡。」《保傅》傳謂 所惡聞者,危亡之事。 愚謂: 不 人君所諱言者,災異之 知 日月之時節,不知 雨雷電之告,太 太史奉書以告 先

天地萬物之理。 曾子問》於變禮無不講,《天圓篇》言 曾子之學,博而約者也。

君,召穆公所謂「史獻書」也。

此合。

子語。 但《記》中分裂太甚,幾以帝王爲有二道,則 能。三王之事,大賢可爲。 文公謂: 舜、禹、湯爲『小康』,是老聃、墨氏之論。」朱 成公謂: 禮運》,致堂胡氏云: 不獨『親其親』、『子其子』,而以 「蜡賓之歎,前輩疑之,以爲非孔 「程子論堯、舜事業,非聖人不 恐亦微有此意。 「子游作。」 堯、 吕

易 象》、《魯 夏時》、《 春 坤 秋 乾》,何以 何 以 見周 見 禮? 夏、 殷之禮? 此三代

> 損 益大綱領也,學者 宜切磋

性 情,所以扶成五性也」,今《禮 合白 仁、義、禮、智、信。」《韓子·原 虎虎 通》云: 「《禮運》記 運》無 日 此 語。

Ŧi.

與

不仁,則天地之心不立矣。 人者,天地之心也。仁,人心也。人而 爲天地立心,

仁也。

世 餘二分矢,懸諸社稷門之左。」《内則》,國君 餘二分矢,懸諸 分矢,東、南、中央、 桑,西方之弧以棘,北方之弧以棗。 東方之弧以梧,南方之弧以柳,中央之弧 方。」賈誼《新書·胎教篇》: 子之禮, 《内則》: 上帝降衷于民,后王命冢宰降德于民。 《新 國 「桑弧、蓬矢六,射天地四 書》,王太子之禮 四通門之左。 西、北皆三射。 懸 中 也 弧之禮 央之弧 其 五 四 弧 以 五 弧

《南》之化以身教,《内則》之篇以言教。曰:「周公師保萬民。」此君相之職也。二而作之師, 冢宰建六典,而教典屬焉。故降德,所以全所降之衷也。元后作民父母,

同。 出。 之樂正子曰: 晚也?」此即《大傳》所謂春子,但其名不 義,爲之有道乎?」春子曰: 「昔者,衛聞 太室,群臣莫敢諫。 吕氏春秋》春居問於齊宣王曰: 書大傳》則春子之對宣王。記《禮》者兼取 《大傳》名衛、《吕氏春秋》名居。 宣王問於春子曰: 「寡人欲行孝弟之 王曰: 養老,在《家語》則孔子之對哀公,在 「爲無。」春居曰:「臣請辟矣。」趨 「春子,春子,反,何諫寡 「文王之治岐也。」」云云。 敢問王爲有臣乎?」王 今王 人人之 而 爲

食能言而教之,自天子至庶人,一也。《慎「蒙以養正」,罔不在厥初生。古者能

《成王 帝云: 《通鑑》裴子野論「古者人君養子,能言而 南》云: 子》曰: 五篇,其三十七篇亡,此在亡篇。 授之辭,能行而傅相之禮」,亦本於此。 無失言失禮也。」《淮南·主術訓》、魏文帝 足能行而相者導進,口能言而 「相者導儀。」袁宏云: 論》、袁宏《 「心知規而師傅論導,耳能聽而執正進諫。」魏文 「昔者、天 後 子手能 漢 「身能衣。」今《慎子》存者 紀 論 衣 行人 而 皆 宰 用其 稱 夫 辭,故 設 《淮 師

與此不同。 「六年,教數與方名」,數者,一至十也。 「六年,教數與方名」,數者,一至十也。 「六年,教數與方名」,數者,一至十也。

古之人自其始仕,去就已輕。「色斯舉矣」,「四十始仕,道合則服從,不可則去」,

曰。「以道事君,不可則止。」去之速也。「翔而後集」,就之遲也。故

則》之訓飲 不識廳屏,而言笑不聞于鄰者。其習聞《 養舅姑,縫衣裳而已。」程子之母 孟 「女人不夜出,夜出 母曰:「婦人之禮,精五 秉明燭。」唐 飯, 誦 時 羃 古 内 有 詩 酒

則》注「柤棃之不臧者」,謂之未辯可乎?張彦遠云:「鄭玄未辯樝棃。」按《内

注 繞髻也。」 조 積,如今作幧 「向 栩著絳綃頭」,注: 玉 如今著慘頭,自項 少年見羅敷,脱巾著幧 藻》注: 頭爲之也。 士以 「字當作『幧』,古詩 下皆禪,不合 中而 幧,七消反。 前交額 頭。」《儀禮》 《後漢》 上,却 而 繂

侯 服 紫,間 色也, 玉 **※**云: 孔子 ·惡其空 玄冠 、奪朱。 紫矮, 周 自 衰,諸 魯 桓

明,乃祀天大裘而冕,專誠絜也。」弁視朝,明目達聰。若黈纊塞耳,前旒蔽「皮弁以日視朝」,沙隨程氏云:「皮

石 秋·仲春紀》。公是始發此論,博而 公止之,其後在魯,實始爲墨翟之學。 宰讓請郊廟之禮於天子,天子使史角往 樂,殆周之末王賜之,非成王也。 之禮樂」、《春秋意林》曰:「魯之有天子 也,殆由平王以下乎?」惠公事,見《吕氏春 王之世魯已郊矣,則惠公奚請? 林、止齋皆因之。 明堂位》「成  $\pm$ 命魯公祀周 公以 惠公之請 魯惠公使 使成 天 禮 子 惠

「魯公之廟,文世室也。武公之廟,武

文、武二祧之禮。《春秋》之所譏,而《記》以公非始封之君,毁已久而復立,蓋僭用天子世室也。」按《春秋》成公六年,立武宫。 武

爲禮乎?

戾也。」 《魯世家》「伯禽之孫灒, 弑幽公而自立」, 周昭王之十四年也。諸侯篡弑之禍自立」, 周昭王之十四年也。諸侯篡弑之禍自

若以王,禮爲當用,則如泮宫、閟宫、《春秋》著以王,禮爲當用,則如泮宫、閟宫、《春秋》南門」、「新作雉門」及「兩觀」,皆僭王制也。南門」、「新作雉門」及「兩觀」,皆僭王制也。周公本,非禮也。周公不專矣。

遊曰歸」,樂不可極也。《少儀》「朝廷曰退」,進不可貪也。「燕

《學記》以「發慮憲」爲第一義,謂所發

日 儒,此學之本也。 嚮也。慮之所發必謹,志之所趨必 之志慮,合於法式 善不爲利,爲己不爲人,爲君子儒不爲小人 一年者,學之始, 「士先志。」 能辨志,然後能繼志,故 也。 辨 云者,分别其 「一年 視 離 經 辨。 心所 辨 志 趨 爲

義,里居有父師、少師之教。 焉。天子諸侯有君師之職,公卿有師保之諸侯之國半之。」王無咎之言也,陸務觀取

所難。」
《列子》云:「告書三、良弓之子,必是為實,良冶之子,必先爲裘。」張湛注先爲箕,良冶之子,必先爲裘。」張湛注

也。智與物接,而好憎生焉。好憎成形,而感物而動,性之害也。物至而應,智之動感、文子》曰。「人生而静,天之性也。

記》,子貢作。」記》相出入,古之遺言歟。致堂云:「《樂智怵於外,不能反己,而天理滅矣。」與《樂

不與焉。」 大學之教也,時教必有正業。朱子大學之教也,時教必有正業。 朱子之教,此於《詩》、《書》,而終於《禮》、《樂》,如此於《詩》、《書》,《春秋》則掌於史官,學者必於《詩》、《書》,而終於《禮》、《樂》,如

「性善」、「養氣」,前聖所未發也。「天理」二字,始見于《樂記》,如孟子

之調,皆生於二變也。」

肅,在元魏者,字恭懿,不以經學名。《魏志》有傳。《集説》以肅爲元魏人,誤也。有兩王説,《通典》引《大傳》亦取肅注。肅字子雍,說、《史記・樂書》引《樂記》而注兼存王肅

謙。」王肅曰:「自謙損也。」禮有報而樂有反,鄭「禮主其減」,《史記・樂書》作「禮主其

《南風》之詩出《尸子》及《家語》,鄭氏

之有少宫、少徵,則不復有樂。以繁脆噍殺也。琴之有少宫、少商,則不復有琴, 樂五弦之琴以歌《南風》,是琴之全體具五音五弦之琴以歌《南風》,是琴之全體具五音注《樂記》云:「其辭未聞。」

1110

品肉。 孔 也。」唐 頡利之子疊羅支,其母後至,不敢嘗 孰謂. 子 日 夷無人哉? 扶 餘璋之子義慈, 少連、 大 連 善善 居 號 喪。 海 東 東 曾 夷

荆詩「三命皆有極」,皆本《援神契》。得惡,曰遭命, 行惡得惡,曰隨命」,孫子定云「命有三名,行善得善,曰受命, 行善慶,有遭命以謫暴,有隨命以督行。」《孟子》經援神契》謂:「命有三科,有受命以保經援神契》謂:「司命主督察三命。」《孝

術追厥功。」「術」與「述」同。 《祭義》曰: 「術省之。」賈山《至言》:

即逐之也。」愚按《通鑑外紀目録》,是年六世酒而逐之。此云『六月』命之者,蓋命後五年冬,蒯聵得國。十六年六月,衛侯飲孔廟。」注謂以夏之孟夏禘祭。正義:「哀十廟」、注謂以夏之孟夏禘祭。正義:「哀十

曰: 「孔悝之銘,行是人非。」 月丁未朔,則無「丁亥」,當闕疑。裴松之

志》,在至《扬刀。 志》、阮孝绪《七録》用《易》居前, 王儉《七志》、阮孝绪《七録》用《易》居前, 王儉《七縣》、《藝文

之道。《論語》成於夫子之門人,則《記》所《坊記》引《論語》曰。「三年無改於父志》、《孝經》爲初。

謂「子云」者,非夫子之言也。

康成注《禮》,必有所據。不失其孺子之心。」今本云:「五十而慕。」不失其孺子之心。」今本云:「五十而慕。」

庸》之言本此。 親也,居易以俟命,不興險行以僥倖。」《中也。《大戴禮》、《家語》。曾子曰:「孝子之事國家無道,其默足以容。」蓋銅鞮伯華之行國家無道,其默足以容。」蓋銅鞮伯華之行

「仁者人也」,注:「人也,讀如「相人

未聞。 「養」。」「轐,讀如「旃僕」之「僕」。」疏皆以爲 「何。《周禮》注:「璂,讀如「薄借綦」之 「一句。《周禮》注:「璂,讀如「薄借綦」之 「人」,以人意相存問之言。」朱文公問 無聞。

者不降,上下各以其親。」制《禮》以後方如此,故《檀弓》又云:「古矣。朱文公謂古人貴貴之義,然亦是周公矣。朱文公謂古人貴貴之義,然亦是周公

《春秋》,行在《孝經》」之言,其説疏矣。也。大本,《孝經》也。」蓋泥於緯書「志在「大經」、「大本」,注:「大經,《春秋》

傳》「蒙皋比」。

蘔,讀爲『絅』,或爲「絺」。」 「衣錦尚絅」,《書大傳》作「尚蘔」,注:

教人之法,惟以尊德性、道問學兩事,爲用力朱文公《答項平父書》云: 「子思以來,

所長也。《太極》之書,豈好辯哉! 一邊。」即此書觀之,文公未嘗不取陸氏之觀,而看義理不細。而某自覺於爲己爲人,觀,而看義理不細。而某自覺於爲己爲人,。 一人,一人,一人,一人,一人,一人,一人,一人,

曰建櫜。」字或作「建皋」。 服虔引以解《左《樂記》:「倒載干戈,包之以虎皮,名

汝無以嬖御士疾大夫、卿、士,汝無以家相「汝無以嬖御固莊后,汝無以小謀敗大作,士、大夫、卿、士。」《周書•祭公篇》公曰:大作,毋以嬖御人疾莊后,毋以嬖御士疾莊人,毋以嬖御人疾莊后,毋以小謀敗《緇衣》葉公之顧命曰:「毋以小謀敗

\_\_\_\_

新工室而莫恤其外。」 葉公,當作「祭公」,疑記《禮》

之制 注 前後幅之縫。 自有如矩之象。 方領,謂之古制可 布 古制可乎? 此文公所以改司馬公之説。 而不用。 幅裁之,如 「鉤邊,若今曲裾。」文公晚 深衣方領」,朱文公謂: 愚以《漢史》攷之,朱勃之衣 左右交鉤,即爲鉤邊,非有 續衽鉤邊者,連續裳旁,無 鉤 也。 而 綴 江充之衣曲裾,謂 于裳 「衣領之交, 旁 成歲去 也。」 康 曲 之 裾 成 别

此 張,四 夫命射,射者之聲。 乃讓,乃隮其堂。 命射之辭也。 《大戴記 侯且良。 投壺篇》末云: 決拾有常,既順乃 乃節其行,既志乃張。 御車之旌,既獲卒莫。」 「弓既 讓。 乃 平 射 揖

則不對,於問儒服則不知。哀公之問,非切問也,故孔子於問舜冠

位」、「先立乎其大者」,孟子言之。「如有所立卓爾」,顔子言之。「立天下之正立獨行者一。人所以參天地者,其要在此。《儒行》言自立者二,言特立者一,言特

詩》、《讒鼎銘》以《左氏》傳、《楚狂滄浪之《湯盤銘》以《大學》傳、《虞人箴》、《祈招之「新逆」,當爲「親」也,皆傳寫之誤。

理。」其説似不同,當以《章句》爲正。定向。」《或問》云:「事事物物,皆有定定何。」《或問》云:「事事物物,皆有定」,《章句》云:「志有

歌》以孔、孟氏之書傳。

曰:「惟善以爲寳。」 季氏之璵璠,向魋之夏璜,有無窮之惡。故子罕却玉,韓起辭環,有無窮之名;

《鄉飲酒義》「立三賓以象三光」,注:

《公羊傳》大火、心。 辰。漢文帝詔: 「三光,三大辰也。」 天之政 日、月、星。 「上以累三光之明。」顏注 伐、参。 教, 北 辰 出 北極。 於大 辰 爲 焉。 大

逸篇也。 《春秋》正義引《辨名記》云:「倍人曰『茂」, 倍英曰『撰』, 6漢曰『撰』, 6漢曰『英』, 6漢曰『漢』, 6漢曰『漢』, 6漢曰『選』, 6漢曰『選』, 6漢曰『選』, 6漢曰『選』, 6 漢曰『選』, 6 漢曰『選」, 6 漢曰『選」, 6 漢曰『選』, 6 漢曰『選」, 6 漢曰『選」, 6 漢曰『選」, 6 漢曰『選」, 6 漢曰『選」, 6 漢曰『選』, 6 漢曰『選』, 6 漢曰『選』, 6 漢曰『選』, 6 漢曰『選」, 6 漢曰『漢』, 6 漢□』, 6 漢□』

上

也。

或以青爲黑,黑爲黄,民言從之。至今語猶「變白黑言素青者,秦二世時,趙高欲作亂,按《禮器》「或素或青,夏造殷因」,注云:按、禮器》「或素或青,夏造殷因」,注云:色,馬鹿易形乎?」注言馬鹿而不言玄黄。(後漢》崔琦對梁冀曰:「將使玄黄改

存也。」琦所謂「玄黄改色」,即此事也。

哉?」此即《聘義》所謂「輕財重禮」也。德,財侈則殄禮。」禮云,禮云,玉帛云乎《荀子》引《聘禮志》曰:「『幣厚則傷

對曰: 宗周,西至河上。穆王畏其方熾,乃分 諸侯、命徐偃王主之。」《檀弓》載 則駒王即偃王歟? 後漢·東夷傳》: 「昔我先君駒 濟 王 河即 西討,濟 「徐夷率 所 謂 徐 於 九夷 西 河。 容 至 居 東 以 然 方 伐 河

土,服説是也。《左傳》: 「土爲信。」朱文公謂信猶五行之庸》注: 「水神則信,土神則知。」服氏注庸》 (易乾鑿度》: 「水爲信,土爲知。」《中

人之面數,則面諛之人至,而曾子不當三數面數也。」子路喜聞過,善人能受盡言,如諱《儒行》云:「其過失可微辨,而不可

子夏 游 説之士所 矣。 以 爲誇 是 爲 大之説 剛 毅, 焉 得 剛 ? 故 程 子 謂

之曰: 官必 制 德宗也。」以是觀之,則兼職省費,豈王者之 且一官治數司 有限,其省幾何? 己,故朝列多闕。 度,於是要官多 嘗聞淳熙中,或言秦檜當國 乎? 人或兼數 特 方慤 置; 「往者權臣用 解 《王制》云: 職,未嘗 禄欲省其費,故 而 不補 收其稟,裴延齡 今獨何取此? 朝臣俸禄 而遺才乏事,上下交病 廢 事,專進私黨,廣斥 御 事,又可省縣 「爵欲 史中 時,遊於除授, 職 永 或兼掌。」愚 正其名,故 蔣 用以欺唐 繼 官 周 用 異 論

貢 謂 不 過 之有功。 士, 九命。 周官》「上公九命」,《王制》有· 適 謂之好 伏生《大傳》謂: 有功者,天子 德,再適 一賜 謂 「諸侯三年一 之賢賢, 以 車服弓矢, 加 則 三適 賜

> 罪大矣。 再 資,自王莽始。《禮緯含文嘉》有九錫之説 加九錫。」九錫始見于此。 之好德, 年,有司 侯。」此言三 亦起哀、平間。 賜 以 秬 奏議曰: 再適 鬯, 賜 謂之賢賢,三適謂之有 三 而 飾經文姦以覆邦家,漢儒 賜 己。 「古者諸侯貢士,壹適 以 虎  $\wedge$ 漢 賁 遂爲篡臣竊國之 · 武 百 人, 紀》 號 元 日 功 朔 命 迺 謂

殷 優。」 豈尚嚴哉? 書》曰: 人 《表記》「殷人先罰 執 五 「代虐 刑 以 督 以 姦, 寛。」《詩》 皆 而後賞」,漢武帝謂 言 殷 日 政 之 「敷政優 嚴 也

左爲 言周 陰,而體之所存也 流 仁右 運 道左, 用 處。 仁對 右爲陽, 道 丽 言。 丽 用 之 張 所 宣 公以 行

曰:「禮别嫌明微。大夫貴,近於君,故推國君沐粱,大夫沐稷,士沐粱。司馬公

而遠之,以防僭偪之端。士賤,遠於君,雖

與之同物,無所嫌也。」

歲首。

子, 述夫子之言也。《秋官 也。』」其言與《賈誼  $\equiv$ 冉 鞭」,恐非周公之法。 有問『不上於大夫』,孔子曰: 以 曲禮》: 禮 御 其 「刑不上大夫。」《家語》: 心,所以屬之以 書》同, . 條狼氏》「誓大夫 而加詳焉。 廉恥 「凡治君 之 誼 節 蓋

不 其 入虚如有人。 劉 愧衾。」高彦先《謹 子》。 獨也。」《劉子》曰: 《文子》曰: 其行無愧於影,其寢無愧於衾。」四 「聖人不慙於影,君子 獨銘 「獨 Ē 立不慚影, 其出 户 如 見 句並見 獨 賓, 寢 慎 其

《大學章句》「咏歎淫液」,刊本誤爲「淫

泆」。

《淮南 夏正 受朔日,秦正建亥也, 建寅 月令》言「來歲」者二: 時 則 也。 訓》與《月令》同。 《月令》作於秦,雖用夏時,猶存 漢太初 季冬待來歲之宜, 以 季秋爲來歲 前, 猶以十 秦制。 ·月爲

盡。 絶。 周 神以享,則立尸之遺法,乃本夷 間爲尸以祭。 久廢,今俗父母亡,取狀貌類者爲尸,敗 黷禮、請釐革。]又周、隋《蠻 秦則廢,後魏文成時,高允獻書云: 食,豈若用匕筯乎? 故記云: 未 秦穆公、魏顆之父陳乾昔。 改耳。 今夷狄及海南諸國、五 理道要訣》云: 『共飯不澤手。』蓋 以 今郴、道州 人 、殉葬, 三代之制祭立尸 周 至 人祭祀,迎同姓 今戎狄 周 人尚以手搏 一領外 夷傳》: 方 弊 革, 狄 人, 尚 俗俗 風 有之,中 阿撒改 猶未 皆手 『祭尸 巴、 食 梁 能 至 伴 化 未 自 摶

華久絶矣。

則 悟也。 枕轉而 少儀》「熲」,警枕 覺 司馬文正公以圓 乃 起讀 書。 也。 木爲 謂之類者, 警枕, 少 潁 睡 然

蒼 以 縣,有蒼梧山 在陳留之平丘。」今攷《九域志》,海 梧 爲卒於鳴條。 Ш 舜葬蒼梧之野」,薛氏 一,在 海 州 《吕氏春秋》: 界,近莒之紀城。 日 舜葬 「《孟 鳴 州 條 於紀。 東海 子》 亭,

章殆與荀卿相類。非孔子之言。胡氏謂游、夏門人所爲,其文非孔子之言。胡氏謂游、夏門人所爲,其文《儒行》言儒之異十有七條,程子以爲

出 右 閶 揖 塾, 遜之序。 人則里胥坐右塾,鄰 同 一巷。 古者 爲右 無 師 新 巷有門,門 穀已人,餘子皆人學。 民 庶 不 老 學 長 也。 坐 有 坐 於左塾,爲左師。 兩 左塾,察其長 二十五家 塾。 上老 爲閭 距 坐於 冬 幼

> 之先 義 議在鄉黨, 教化,父兄之教,子弟之率,餘論未泯。 膳、執燭、奉席,無 弟子之職,攝衣、沃盥、執帚、播 之吉,黨正社祭之會,讀法飲射, 九數也。 行也,其學則五禮、六樂、五射、六馭、六書、 五 井、二牧、三屋、九 居 至 則 理明焉。」吁,古道 侯、九伯也,其教則五典、十義、六德、六 四 六鄉、 儒 + 日 五 日<sub>,</sub> 少而習焉,其心安焉。 而 三采、五 廉 始 先王之時,其 出 恥興焉; 非學 夫 學。 何時 比、 也,其官則 也。 所 四間 而 謂 復乎 經學有 漢猶 人則 家 也,其 有 灑 三吏、六聯、 四民 有 無非教也。 Œ 塾 師 饌饋、 三老, 田 歲 也 也,其 則 孟 月 而 陳 聞

矩,聖人之事也。從心所欲而絜矩,學者之事也。從心所欲而

不

踰

孔子温良恭讓,其於鄉黨,似不能言,未聞「孔子射於矍相之圃」,吕與叔曰:

逆 拒 故表而出之。 而 料 人 不 知 聖 如是之甚,疑不 非 人 之意 聖人之所當言。」此言可以厲浮薄之俗 而 爲 此 出於聖人,特門人弟子 説。 將 以 推 尊聖人,

## 大戴禮記

史》也。 傅篇》則《賈誼書》之《保傅》、《傅職》、《胎 戴 在 大孝篇》與《祭義》相 明 焉。 無甚異。 堂 大戴 容經》四篇 大戴禮》《哀公問》、《投壺》二篇, 篇 《勸學》、《禮三本》見于《荀子》。  $\Rightarrow$ 《禮》 盧 鄭 《禮察篇》首與《經解》同,《 氏注云「法龜文」,未改《北 也、《漢書》謂之《保傅傳》。 辯 注, 似,而《曾子》書十 非 鄭 氏。 朱文公引 曾子 ·篇皆 與小  $\sim$ 保

《易本命篇》與《家語》同,但《家語》

謂 篇子夏所著,而大戴取以爲《記》。 聞 書》曰。」云云。 大戴以「子曰」冠 老 聃, 子夏問 亦如汝之言。」子夏曰: 於孔子,孔子曰 其首, 然。 商 聞 疑 吾昔 Ш 此

《太平御覽》諸 《崔駰傳》注引《太公金匱》,武王 日 躓 之書曰: 「安無忘危,存無忘亡。 日 傳》注引《太公陰謀》,武王衣之銘 凶。」杖之書 欲造起居之誠,隨之以身。」 几之書 蠶苦,女工難,得新 以鏡自照見形容,以 民 「毫毛茂茂,陷水可脱,陷文不活。」 踐阼篇》載武 劇 樂 則 極 敗。」 馬 曰:「輔人無苟,扶人無 則 不 書引《太公陰謀》: 悲,沈 又引《 可 '極,民 捐 王 人自 故 十七銘、《後漢 湎 金 熟惟 後必寒。」鏡銘 致 匱 不 照 非,社 可 見吉 二者,必 劇。 其 冠 日 稷 X 日 爲 銘 馬 筆 • 之書 咎。」 觴銘 後無 危。 朱穆 極 吾 日 日 順 桑

三八

《銘論》謂武王踐阼,咨于太師,作 滑,連 俾 謀》之書,則不止於十八章矣。 杖、器械之銘十有 曰 之書曰: 「石墨相著而黑,邪心讒言無得汙白。」 吉凶。」門之書 度,自致而反。」書鏡曰: 日 書曰:「闚望審,且念所得,可思所忘。」鑰 二。」户之書曰: 刀利磑磑, 書車曰: 常以服 寵 好古者有攷。 以 草則: 一行 著 忍之須臾,乃全汝軀。」書 兵, 首, 必 絶。 「自致者急,載人者緩。 無 昏謹守,深察訛。」 硯之書 而 慮 將 爲汝開。」書井曰: 行 取事 曰 正,無懷 身 道 八章。 「出畏之,人懼之。」牖之 不 德。 有常,賦 \_ Œ 敬 行 參致《金匱》、《陰 遺 僥 遇賓 「以鏡自照,則 則 体。」 爲 斂 福, 德 客,貴 有節。」蔡邕 書于篇後, 咎。」 書 「原泉滑 廢 席 刀 取 劍 則 几、楹 目 賤 書鋒 欲 書 目 覆。」 日 無 知 無 履

> 言。 弟子西面,與此異。」 此王廷之位。 皇氏曰: 武 王 東 面 若尋常師徒之教,則師 而 「王在 立 師 賓位,師尚 尚 父 西 面 父在主位, 道 丹 東 書之

學或問》因《湯盤銘》及武王之銘。
學或問》因《湯盤銘》及武王之銘。
《儀禮》經傳删「且臣聞之」至「必及其世」、《大文之方、寫《武王踐阼》一篇,以爲左右觀求程可久,寫《武王踐阼》一篇,以爲左右觀之一。 朱文公亦

子之力也。 《大戴記》之《小爾雅》,'古書之存者,三職》,'孔叢子》之《小爾雅》,古書之存者,三《大戴記》之《夏小正》,《管子》之《弟子

以 慈湖謂: 至太康失 聖人。聖人有國,則日月不食,星辰不孛。」 術 《誥志篇》孔子曰: 推者,衰世之術 邦,始日食。 「堯、舜、禹之時,歷年 也,而 曆家 「古之治天下者必 謂 亦 不 日 多無 月薄 能 食 日 食。 可

行之術精矣而有此論,則誠不可委之數。」中。 一行歸之君德,頗與孔子之言合。 一

學》死。 之速; 《勸學篇》一卷,《易》正義引之云: 子·勸學篇》略同。 足。 乘於風,草木乘於 招,臂不加長,而見者遠。 順風而呼,聲不加疾,而聞者衆, 登丘 礪所以致刃也。 五能,不成一伎術。」晋蔡謨讀《爾雅》不熟,幾爲《勸 《説苑》引子思 謂《勸學篇》也。《荀子》「梧鼠」,大戴 吾嘗跂而望,不若登高之博見。 蟹六跪二螯」,大戴云「二螯八 吾嘗幽 日 時。」與《大戴禮》、《 隋、唐《志》又有蔡邕 「學所以益才也, 處而 故魚乘於水,鳥 深思,不若學 故 荀 一 云 鼠

所聞,則廣大矣。」仲舒云:「行其所知,則而不自知也。」董仲舒之言本於此。「行其《曾子》曰:「與君子游,如長日加益

## 光大矣。」

有盛教如無。」與《史記》、《老子》之言略同。《曾子制言》曰:「良賈深藏如虚,君子

《公符篇》載孝昭冠辭,其后氏

曲臺

所

亦見《尚書大傳》。三句與《洛誥》同。 記歟?《後漢·禮儀志》注引《博物記》云。迎日辭

『剹」,『屯』具『屯』司。』『乍也。可循。』蓋古字通用。楊倞注:「『繆』當爲之能循。』《荀子》云:「繆繆肫肫,其事不之能循。』《荀子》云:「穆穆純純,其莫

賈誼「審取舍」之言,見《禮察篇》。『膠」、「肫」與「訰」同。」非也。

澤虞之屬。馬融《廣成頌》用「飛征」。
蜚征作。 嗇民執功,百草咸淳。」庶虞,蓋山虞、景帝諱也。 於時雞三號,以興庶虞,庶虞動,《四代篇》引《詩》云:「『東有開明」,避

教大夫,官之教士,技之教庶人。仲隗當攷。《虞戴德篇》: 昔商老彭及仲隗,政之

信?」劉歆書「綴學之士」,本此。《小辨篇》子曰:「綴學之徒,安知忠

陳,以族從。」鄧元事唯見於此,當致。《保傅篇》:「靈公殺洩冶,而鄧元去

此言可以儆學者。不論議,其老不教誨,亦可謂無業之人矣。」不論議,其老不教誨,亦可謂無業之人矣。」《文王官人篇》:「其少不諷誦,其壯

日數。至《時訓》乃五日爲候,三候爲氣,六 一(《夏小正》具十二月而無中氣,有候應而無九。《詩·七月》箋引《小正》者一。 朱子發曰:引《夏小正》「十一月王狩」,凡引《小正》者引《夏小正》下十一月王狩」, 東注《月令》引傳氏《夏小正序》:「鄭注《月令》引

十日爲節。豈《時訓》因《小正》而加

《小辨》《用兵》》少間》,凡七篇。《大戴禮記・千乘》《四代》《虞戴德》《誥志》子對魯哀公語也。 三朝見公,故曰三朝。」《孔子三朝》七篇,《藝文志》注:「孔

#### 樂

《樂緝動聲儀》:「顓頊之樂曰《五堂》,帝嚳之樂曰《六英》。」《南王世紀》:「高陽作《五英》,高辛作《六莖》」。《列子》注以《六瑩》爲帝嚳樂、《淮南子》注以《六瑩》爲稱領樂。《通鑑外紀》云:「《漢志》、《白虎堂》,而聲之樂曰《五英》,高辛作《六莖》」。《列子》、「為陽項樂。《通鑑外紀》云:「《漢志》、《白虎堂》爲領項樂。《通鑑外紀》云:「溪東之樂曰《五堂》,而與其之樂曰《五堂》,而以為其之樂曰《五堂》,而以為其之樂曰《五堂》,而以為其之樂曰《五堂》,而以為其之樂曰《五堂》,而以為其之樂曰《五堂》,而以為其之樂曰《五堂》,而以為其之》,而以為其之樂曰《五堂》,而以為其之》,而以為其之。

徐景安《樂章文譜》曰:

「五音合數

《通典》謂之子聲,此是古法。但後人失之, 方協七音。 於鐘磬二八之文, 二變之名,起於六十律 正宫,倍應聲同,終歸一律。」陳晋之《樂書》 文,其變宫以均字爲譜。 以變宮之律, 者,每律各添二聲而得之也。」正聲是全律之聲 祖孝孫、王朴之樂皆同。 律皆有二變,一 下,六變七變而得之者,非清聲也。 凡十二 語》注。 旋宫之言,非古制也。 黄鍾 樂未成文。 唯存黄鍾、大吕、太簇、夾鍾四律,有四清 九寸是也。 二變四清,樂之蠹也。 半聲是也。 《後漢志》乃十二律之本聲,自宮而 乃 迴演 以 案旋宫以明均律, 迭生二 子 律之内 聲是半律之聲, 變徵之聲,循環 入清宫。 變官、變徵, 朱文公曰: 通 唯清之一字,生自 其變徵 所 五. 如 聲,合爲七均。 以 四清之名,起 黄鍾四 有八十 始 正徵 以變字爲 見於《國 「半律, 一寸半 四 -是也。 變, 調 復 合。 晋、 王

聲,

而

謂

而

《樂書實録》,蓋蜀公之筆 胡、李之律生於尺,房庶之律生於量, 以制樂,其器雖無法,而其聲猶不失於古。 爲萬事根本,故尺量權 宫與羽,角與徵,相 之而得其 叙,若以尺寸求之,是律生於度, 以定是非。 生尺,蜀公謂黄帝之法也。 失之於以尺而生 常樂比唐之聲猶高五律,比今燕樂高三律, 患其聲高,特減一律,至是又減半律。 黍爲之,是律 仁宗實録 | 朴始用尺定律, 而 隋間, 及平陳得古樂,遂用之。 累 蔡季通 黍 叙皇祐新樂》云: 生於量 蜀公父名度, 爲 去獨遠,故於其間製 |律也。| 其言皆見于范蜀 尺 謂 而 皆非 聲 以 衡,皆起於黄鍾 與 故以 制 律度量衡言 也。 器皆失之。 也。 律,容受卒 度量 唐 司馬 變官、變徵 房庶言 故 爲尺 」興,因 「古者 自 公 若 爲 謂 太祖 以 蓋 皆 以 然太 其 不 黄 然《實 能 律 吹 有 難 至 鍾

録》不宜避私諱。

於此。 《淮南子‧天文訓》云:「律以當辰,一年而生五音,十二律而爲六十音。因而六之,故三百六十音,以當一歲十百。因而六之,故三百六十音,以當一歲

漢元始四年,立《樂經》。 傳》亦引《樂》曰: 書? 今攷《三禮圖》,以爲《樂經》。 朱文公問蔡季通,不知所謂「樂云」者是何 磬前長三律二尺七寸,後長二律尺八寸。」 《考工記 今其書無傳。 磬氏》疏。 「舟張辟雍,鶬鶬相從。」 ^ 續漢志》鮑 案《樂》云: <u>~</u> 書大 鄴 引

成; 籍《樂論》之語。《樂論》云: 過之者焉。 晋戴邈上表曰: 「上之所好,下必有 挾琴之容 是故 飾 雙劍之節崇,而 而 赴曲 「吳有雙劍之節,趙有 之和作。」 飛白 蓋 之俗 用 阮

挾琴之容。

周、隋以「夏」,唐以「和」,本朝以「安」。樂名,周以「夏」,宋以「永」,梁以「雅」

「繞梁」,相如『緑綺』,蔡邕『焦尾』」,《宋書・樂志》曰:「世云燋尾,伯喈琴。以傅氏言之,非伯喈也。」今按《蔡邕傳》注以傅氏言之,非伯喈也。」今按《蔡邕傳》注明《宋志》恐誤。 齊桓曰「號鐘」,楚莊曰

韓皋謂:「 日 陵》、《止息》」,李善注: 止息於 魏文武大臣 止息》,皆古曲,非叔夜始撰也。」魏揚州刺 嵇叔夜《琴賦》: 馬 此。 融譚思於《止息》。』」明古有此 『聽《廣陵》之清散。』傅玄《琴賦》 敗散於廣陵始, 嵇 今以《選》注攷之,《廣 康 爲是曲,當晋、魏之際,以 「曲引所宜,則 「應璩《與 晋 雖 暴 陵 劉孔才 興,終 散 曲。 廣 史

治壽春, 有 引》。」然則「散」猶「引」也,敗散之説非矣。 H 亦 宫散》、《 非 廣 陵。 月宫散》、《歸雲引》、《 顧 況《廣 陵 散記》云: 華嶽 曲

澡盤 諧,宫中撞鐘,故鳴。』 方朔、樊英 自鳴,張茂先曰: 銅山 事。 西崩,靈鐘東應」、《世説》注引 《樂纂》 又謂: 『此器 與洛陽鐘 「晋人 有 聲 銅 東

《鐘律書》:出風俗通》。

《舞中型引到歌之。。《近思續録》亦誤取之。。

《年型引到歌說樂處亦好。」《漢志》無劉歆說樂,此記録

《朱子語録》云:「《漢・禮樂志》劉歆

至本朝猶存。物之壽亦有數邪!周無射之鐘,至隋乃毀。唐顯慶之輅,

之律 義。 本; 爾。 漢世所謂禮樂者,叔 徐氏之禮,善盤 制氏之樂,紀鏗鎗之聲,而 禮 缺 而 樂遂亡,徐氏之容,制氏之 辟之容,而不能 孫通之儀,李 不 能言 明其 延 年 其

記》。

聲,亦不復傳矣。

韓文公《琴操》十首,琴有十二操,不取

水僊》、《壞陵》二操。

尺短,律管容黍爲不足,胡瑗是也。」 黍爲之則尺長,律管容黍爲有餘,王朴是也。 得胚然後制律,未之前聞 秬黍皆一米。」楊次公非之曰: 秬,黑黍。 范蜀公《議樂》曰: 也。」晁子止 「秬一稃二米,今 其種 異。 横黍爲之則 || || || || F 以爲必 雅》 「縦

《新唐書·樂志》多取劉貺《太樂令壁

吕才傳》云:「製尺八,凡十二枚,長

^

四四四

意同。● 樂即知其俗,見其俗即知其化。」與《樂記》《文子》曰:「聽其音則知其風,觀其

《樂毅書》所云「大吕陳於元英」者。《呂氏春秋》「齊之衰也,作爲大吕」,即

蔡邕以爲有殺心。二事相類。琴,見螳蜋方向鳴蟬,惟恐螳蜋之失也,而而不得,而曾子以爲有貪狼之志。客有彈而不得,而曾子以爲有貪狼之志。客有彈

聶 仙人,學鼓琴。 成,王殺之。 政與? 琴操》 時,政未生。及長,人太山, 日 七年、琴成入韓。」豈韓有 五聶 政父爲韓 Ŧ 治 劍 兩 遇 不

范蜀公曰:「清聲不見於經,唯《小

也。 愈高。 胥》 籥、巢笙五器,本有清聲。 夾鐘四清聲。又樂工所陳,自磬、簫、琴、 太常鐘垂十六。 之鐘,故有正聲、子聲各十二。子聲即清聲 堯臣等言。 几用之,與鄭、 五器,本無清聲。」劉几用四清聲,未可以爲非 在一簴,謂之堵。」至唐又有十二清聲,其 注 唐制以十六爲小架,二十四爲大架, 云 國朝舊有四清聲,置而弗用。 「準正聲之半,以爲十二子聲 · 鐘 衛無異。」今攷皇祐二年, 磬者編 舊傳正聲之外,有黃鐘至 次之二八十六 塤、篪、 学、筑、 瑟 枚, 至劉 今 王 侕

和, 以其太嚴,須 朱文公謂: 須用 西山先生曰: 有禮。」 「嚴 用 有樂; 而 「禮中有樂,樂中有禮。 泰, 和 樂勝則 而 節。」 禮 流 勝 以 則 其 太

皇皇

者華》。

笙

人三終,

南

陔》、《

白

華

華

鄉飲酒》:

升歌

三終、《鹿鳴》、《四

牡

也。 杞、 此攷之未深者。 爲《樂經》。 者,指《周官》、《 相須,不可謂 然後樂正,雅、頌各得其所。」是《詩》與《樂》 殷宋之歎是也。 致 至於禮, 堂 胡 其知者曰 氏 樂無書。 夫子欲 日 戴 孔子 : 記 V 爲 日 爲《禮經》,指《樂記 ^ 禮、 樂記》則子夏所述 0 『禮、樂無全書。』 書 樂 之 而 吾自衛反 書, 不 ·果成, 其 不 魯, 夏 知

之制,陪臣僭三家之制。 豆也。 氏之爵也; 庫 有 始 隆 於惠公之請,在平王東遷之後。 而 無皋、 殺 魯雖賜 其後 也。 應也。 樂有 魯公僭天子之制,三家 以天子之禮樂,其實與天子 俎用四 夷 尊 蠻 代之俎,而豆無虞 用 而 四 無 代之尊,而 然魯有郊廟之禮 戎 狄 也 説見前。 門有 僭 爵 魯公 氏 無虞 雉 之 固

> 《崇丘 《左傳》: 樂,亦 南》: 鳴》三終、《鹿鳴》、《四牡》、《皇皇者華》。 間 三終。」其篇亡。 蘩》、《采蘋》。 歌  $\equiv$ 關 曰「房 歌《南山 終, 宋公享昭子,賦 雎》、《葛覃》、《卷 歌《魚麗 周 中之樂」。 有臺》,笙《由儀》。 南》、《 笙 詩 笙《 新 無 召 耳》。 宫》。 由 辭 《大射》: 南 庚》。 《召 × 則 則  $\sim$ 南》 合樂 歌《南 新宫》有 管 燕 詩 禮 管《 《鵲巢》、《采 有 亦 終。 謂之鄉 嘉 歌《 無 新 魚》, 』《周 宫》 鹿 笙

困學紀開卷之五

# 困學紀聞卷之六

王應麟 伯厚甫

浚儀

春

秋

《春秋》之法,韓文公「謹嚴」二字盡之。

未盛也。《無衣》之詩,待天子之命然後安, 鼓》之詩,以從孫子仲爲怨,則亂賊之黨猶 然《雅》亡而《風》未亡,清議蓋凛凛焉。 《小雅》盡廢,有宣王焉、《春秋》可以無作 也。《王風》不復《雅》,君子絶望於平王矣。 學《春秋》之法,吕成公「切近」二字盡之。 相表裏、《詩》之所刺、《春秋》之所貶也。 「《詩》亡然後《春秋》作。」《詩》、《春秋》 《撃

> 伯,未嘗無《詩》,禮義之維持人心如此。 無人矣。《春秋》所爲作與。 亡。夏南之亂,諸侯不討而楚討之,中國 有《頌》而周益衰,變風終于陳靈 則篡奪之惡猶有懼也。 更齊、宋、晋、秦之 而《詩》遂

時以立義」考之,則是夫子作《春秋》時,特 孔子作《春秋》,然後以天時加王月,以明上 位,不敢自專。」朱文公謂: 寅之月爲歲首,月下所書之事,是周正建子 之説,則周亦未嘗改月,而夫子特以 加此四字以繫年,見行夏時之意。 月,則行夏時之意亦在其中。 奉天時,下正王朔之義。而加春於建子之 凡書月皆不著時,疑古史記事例如此。至 夏時冠月,垂法後世。以周正紀事,示無其 春也,假天時以立義耳。」胡氏傳曰: 「春王正月」,程氏傳曰: 「以《書》考之, 以程子『假天 「周正月,非 如胡 夏 IE

傳》曰 史。 秋》, 制 月 以「春」字爲夫子 子修《春秋》,每孟 足取麥,穀、鄧來朝」,以爲《經》、《傳》所記, 月書王以存 有例差兩月者,是《經》用周 正也,而以夏正爲正歲。《詩·七月》言月 集傳》曰 作 事 似元有此 有自用夏正者,失于更改 不如是錯 自是之後 以夏時 周 「周官布治、言正月之吉、此 字。 IF, 亂 冠周 所 月 無 月書時, 蓋 石林 加 與 章 尊 事 也 月,則《魯史》也。 周 但《魯史》謂之《 葉氏 \_\_ 常 而 以見《魯史》每 劉 正,而《傳》取 差 罪 考《左傳》「祭 質夫 也 兩 魯也。」張 月,恐 説 陳 氏 似 聖人 《後 春 周 氏 正 夫 或 亦

> 貽禍。 」

胡文定《春秋傳》曰:「元,即仁也。

之意。」

寅月。

吕成公《講義》,於春字略焉,蓋

疑

法。」

沙

隨

程

氏

日

「周正之春,包子、丑、

皆夏時,

而

以

周

正

爲

一之日。

可見兼

存之

仁,人心也 元 初 無 此 意。 龜 東 Ш 萊《集解 謂 亦 其 説 不 似 太 支 離 恐

之禮。 淳 日 隱 + 元年 元 年 無 年 有 正,譏 有 IE. 月, 正 言 後 隱合居其 隱當 十年 皆 立 位 而 無 而 不 正 不 行 月 Œ 即 以 位 陸

戰。」非皆有辭 伐之例, 者至於二百一十三。 伐」。 《春秋》書「侵」者才五 愚 非 謂 正 而 也。 伐也。  $\wedge$ 孟 有 子 蘇 隙  $\forall$ 氏 日 十八, 謂 侵 春 = 而 秋 有 書 傳》 無 辭 「伐」

此。 位 其説見鄭氏 言『立中庭』,皆當讀爲『位』,蓋古字假借。 室 」,故書「位」作「立」, 即立。」按: 《金石録》: 愚按 注《儀  $\sim$ 周禮 古器物銘,凡言 「《鼎銘》有云: 禮 • 小宗伯》「掌建 **%** 鄭 秦泰 司 農云: Щ 即 刻 石 立 王格 或 三,或 ||之神 猶 立 讀 大 如

《公》、《穀》「鄭人來輸平」,即《左氏》「渝平」 文》「變輸盟刺」,即「渝」字,朱文公引以 也。胡文定謂以物求平,恐不然 即位』爲「公即立」。」蓋 爲 位 古者立 位 同 字。 古字通用。 古文《春秋 經 》公 詛 證 楚

辭。」今本無「子游」二字。 《史記》曰:「子游、子夏之徒,不能贊一 大》,游、夏之徒乃不能措一辭。」李善注引 大》,游、夏之徒乃不能措一辭。」李善注引 大》,游、夏之徒乃不能措一辭。」李善注引 大》,游、夏之徒乃不能措一辭。」李善注引 大》,游、夏之徒乃不能措一辭。」李善注引 大》,游、夏之徒乃不能措一辭。」李善注引 大》,游、夏之徒乃不能措一辭。」李善注引

通戎 記》,得百二十國寶書。』」今《經》止有五十餘國 制《春秋》之義,使子夏等十四人,求《周 不脩《春秋》,曰『 夷 《公羊》疏: 宿 潞 之屬, 僅有六十。 「案閔因 雨星不及地尺而 莊 叙 七 云 年《傳》云: 一昔孔 復」; 史

義》。

**『春秋』。」劉原父謂何休以不脩「春秋百二** 傳,不得深探聖人筆削之意。 君子脩 十國寳書」、「三禮春秋」。 脩《春秋》,謂『史記』也。 之, 日 星星 實 如 雨 <u>\_</u>°\_ 古者謂「史記」爲 朱文公謂二書不 何 氏 曰

《經》比他《經》尤難,蓋三《傳》不足信 能自信於心,故未嘗敢措一辭。」  $\sim$ 也。廢《春秋》,非其意。」朱文公亦 尹和静云: 春秋》義例,時 王介甫《答韓求仁問〈春秋〉》曰: 「介甫不解《春秋》,以其 亦 窺其 一二大者, 而 一此 難之 日 也。」

亂賊懼。 性 鶴山 固 不 亂賊 日 相遠 「《春秋》由懼 蓋陷溺之深者,而 也。」其説本於吕成公《講 而 作,書成 猶懼 則 而

書「齊崔氏出奔衛」,此崔杼弒其君之始也。書「尹氏卒」,此尹氏立王子朝之始也。

比 事觀之,履 其 霜堅冰之戒明矣。 微 聖人絶惡

於

未

萌

了,必謹

諸侯 乎!」愚謂: 於周之太史。 人生子,則 政焉爾。止齋《後傳》因之。朱文公以爲: 殤叔,秦史作於文公。王室之微,諸侯之力 諸侯若 南》、《雅》,烏在諸侯之有史也。 秦誓》列於《周書》,《甘棠》、《韓奕》編之 無史,天子有外史,掌四方之志,而 薛士龍《春秋旨要序》謂: 諸侯之有史,其周之衰乎! 無 史,外 閶 《酒誥》曰「矧太史友、内史友」,則諸侯有 隱之時,始更《魯曆》而 史書之。 史何所稽考而 間尚有史,況 爲史? 先王之制 晋乘始於 《費誓》、 爲《魯 或 古 職

以《周 曆 家 曆》考之,朔日失二十五、《魯曆》校之,又失十三。 推驗精 春秋》日食三十六,有甲乙者三十四, 者,不過二十六,有日朔者二十六

史矣。

十 唐一行得二十七。 Ħ. ,獨莊十八年三月,古今算不入食法。 朔差者半。 本 朝 衛 朴 得二

《春秋》隱元年至哀二十七年,凡三千一百 月,亦頻食。 襄二十一年九月、十月,二十四年七月、八 月,頻食,是頻交而 五十四月,唯三十七食,是雖交而 三。曆法,一百七十三日有餘一交會, 漢 日食五十三,後漢七十二,唐九 食也。 漢高帝三年十月、十 不食也。 然 十

之冬。郭公、仲孫忌與凡日食而不繫 二十八年書壬申而 闕其月,莊二十二年書夏五月而闕其事 日者,皆闕 月而不繫之夏,昭 無秋冬,定十四年無冬,桓十七年書夏五 西 疇 崔氏 也。」 十二年書十二月 ~ 不繫之月,桓 春秋》桓 四 十 年、七 而 年 朔 書 不 與 年

孟子題辭 》仲尼有云: 我 欲託

蓋生名之。大、名也。

若漢

樂大是

也。」愚

語耳。 語耳。 語耳。 語耳。 語言,不如載之行事之深切著明也。」」正之空言,不如見之行事之深切著明也。」」正之空言,不如見之行事之深切著明也。」」正表、平間,董生時未有之,蓋爲緯書者述此言,不如載之行事之深切著明也。《太史公言,不如載之行事之深切著明也。《太史公言,不如載之行事之深切著明也。《太史公言,不如載之行事之深切著明也。《太史公言,不如載之行事之深切著明也。《太史公言》

夏之正月。先儒以爲妄。有王者,以存二王之後。」二月,殷之正月。三月,皆有事無事,皆書王。何休謂。「二月、三月,皆者二十有三,三月書王者一十九。元年,不以者二十有三,三月書王者九十二,二月書王

「紀侯大去其國」,陳齊之謂:「聖人

按: 以「大」爲紀侯之名,本劉質夫説。 魯哀公問仲尼曰: 「《春秋》之記曰: 多十二月,實霜不殺菽。」何爲記此?」仲 尼對曰: 「此言可以殺而不殺也。夫宜殺 而不殺,桃李冬實。天失道,草木猶犯干 一方而況於人君乎!」此《韓非書》所載也。 以《魯論》「焉用殺」之言觀之,恐非夫子之 以《魯論》「焉用殺」之言觀之,恐非之。 以《魯論》「焉用殺」之言觀之,恐非夫子之 以《魯論》「焉用殺」之言觀之,恐非夫子之

可也。」 秋》所 彦猷有舊本《山海經》,説「蜚處淵則涸,行木則枯」,疑《春 隷古《春秋》作『有蟘』。《爾雅》: 負盤臭蟲。」劉歆曰 蟘。」音特。《爾雅》: 書 沙隨《春秋例目》云: 「『有蜮』,或考 即 此物。 若是「負蠜」,不當云「有」,謂之「多」 「負盤」、誤矣。 「蜚,臚肥。」郭璞注: 江休復《雜 志 『食葉, 「蟹,即 「唐

降。然《春秋》於僖公初書雨,已而書雩,已郎顗謂魯僖遭旱,修政自敕,時雨自

而書大旱,公之德衰矣。

而榮辱公,其轉移風俗之機乎!之微,不肯附名黨碑,懼其播惡也。名教立之微,不肯附名黨碑,懼其播惡也。名教立姓耻不得豫黨錮,慕其流芳也。我朝鐫工或名以懲惡,衮鉞一時,薰蕕千載。東漢豪或名以懲惡,衮鉞一時,薰蕕千載。東漢豪

如,京師不可以言如,於是朝覲之禮廢矣。「公如京師」,非禮也。晋、楚可以言

號加於荀豫章君,猶近古也。 章帝不以尊號加於賈貴人,晋明帝不以尊子貴」之説,謂之知《春秋》之義可乎? 漢不書天。正三綱也。《公羊氏》乃有「母以不書天。正三綱也。《公羊氏》乃有「母以

《春秋》善胥命。」程子、胡文定皆善之。劉「齊侯、衛侯胥命于蒲」,《荀子》曰:

推 凝冰堅,其來漸矣。 之始。其末也,齊、魏會于徐州以相王。 方伯責衛宣。 愚謂: 原父以爲自相命,非正 長 也。 於是齊僖稱 小伯,黎之臣 也。 齊、衛胥 止齋亦 命,此霸 子 以 爲 亦 者 相 以

三書「蒐」於昭公之時,兵權在大夫。建巳之雩,常事不書。

再書「蒐」於定公之時,兵權在陪臣

> 據、非《春秋》存陳之意。」
「寒、大公謂:「奪漢太速、與魏太君。
「漢、魏以來、雖於秋冬改元、史於義謂:「漢、魏以來、雖於秋冬改元、史於義謂。「漢、魏以來、雖於秋冬改元、史於義謂。「漢、魏以來、雖於秋冬改元、史於義謂。「漢、魏以來、雖於秋冬改元、史於

《春秋》三書「孛」,而昭十七年有星孛

學 紀 聞

爲變,甚於彗矣。 彗星三見。」則彗、孛一也。 齊景公睹彗星,使伯常騫禳之,晏子曰: 于大辰 「孛又將出,彗星之出,庸何懼乎?」則孛之 史記•天官書》劉更生封 申 須 日 . 齊有彗星,見於《傳》,而《經》不書。 「彗,所 事云: 以 《晏子 除舊 布 「《春秋 春秋》 新 也。」

日 : 晋三大夫之命爲侯也,九鼎震。 自是大夫 晋文之將興 無君矣。 齊桓之將興也,恒星不見,星隕 「天人相與之際,甚可畏也。」 人事之感,天地爲之變動,故董 也,沙鹿崩。 自是諸侯無王矣。 如 雨 ÷ 方,

在衛鞅人秦之前。天之示人著矣。

星孛東方,在於越人吴之後,

彗見

西

菑 所 《傳》曰 以 于邾,弗克納」,「晋士匄帥師侵齊,至穀 霸 晋自 師師 武、 五 「晋人虎狼 臣 獻以 力也。」《春秋》書 來,以詐力彊其國, 也。」「晋人無信 「晋人納捷 一一一一一 故

> 之猶可正也。 者,君子與之。義理之在人心,不可 聞 剥之上九,一陽尚存。 齊侯卒乃還 」,此《孟子》所 《春秋》之作,見人心 謂 彼 善於此 泯也。

女真。 用夾攻之策。不知《春秋》之義也 於是終焉。 者 南詔。 "晋也" 列國之變,極于吳、越。通吳 女真之將亡也,吾國 本朝以女真 唐以 通 越 以 南 滅契丹,而中原之亡以 詔 撓吴者,楚 攻 、吐蕃, 又不監宣和, 而 也 唐之亡以 以  $\wedge$ 春秋 疲 楚 而

列序。 功。 略者,功愈降也。」沙隨程氏云 安其都邑,乃城緣陵使遷。 邢,俾反其國 故但書城 淮夷病杞,方伯不能斥逐蠻夷,使 「邢有狄難、已遷於夷儀、三國之師 狄人 衛 都。 楚丘 踰 年 故 加 ·, 齊 不著其城之者。 列 侯 三國 方城 故書諸 稱 楚丘 師, 侯 以 以 著 書 而 處 杞 愈 文 不 其 城

幽。 EI: 不同。 霸 會 九 七國會于葵丘。十三年,七國會于鹹。 會 國會于檉。 二年,四 展 一」,《論 道其不以兵車 史記》「兵車之會三,乘車之會六」。 二會,而 衣裳之會爾。』《穀梁 年,王人與七國會于洮。 王 喜 四十二年,會盟 世子于首止。 二十七年,五 犒 「始于幽,終于淮,合者九。」崔氏 有兵車矣。」胡 桓之 朱文公謂: 侯 師 語》 也。 之 孔子 詞 疏 牡 云 而 稱 自 謂 爾。 丘之盟,陽穀之會,淮之 或 己。 盟 九 凡二十有一,獨稱 不 「九、《春秋傳》作 七 國 又 合 于 取 氏《通旨》曰: 盟 盟于幽。 李氏 年, 莊十六年, 幽,至 諸 傳》「衣裳之會十有 北 一于貫。 侯。 杏 五國 九年,宰周公與 韶《世紀》云: 及 會 劉 陽穀爲 盟 五年, 于淮,凡 僖元 九國 氏《意林》 于 九合, 甯 「桓公 年 「糾」, 其説 盟 日 八國 九。 母 凡 于 +

華,懼其獎臣抑君; 畿 桓公會 内, 此夫子所以有正 盟 不 子 邇 虎 三川 桓 盟 公 譎之辨。」 文公則爲 不 寧 加 不 王 得 元 鄭 咺 不 文 執 納 公 會

日: 攻媿謂真得夫子心法。 無傳而著。」又曰: 詁 春秋繁露》曰: 不由 春秋 其 道 無 而 達 勝,不 例。」 「《易》無達吉、《詩 「《春秋》甚 陸 如 農 由 師 其 稱 道 幽 之。 而 而 敗。」 明, 無

達

秋 其 平. 終 季 決獄》二百三十二事 見三事而已。 彦 軍 御 》之義,父爲子 一引夫人歸于齊。 斷 竟》載 之 董 詰 梁 仲 舒 人之獄,皆以《春秋》合於《經 徐 二事。 《春秋決 偃 御史中丞衆議薛況之罪, 則 隱。 其 論 , 隋、唐《志》: 一引《春秋》許止進 獄 正 應 通典》載 **>** 而 劭 其 心 謂 刻矣。 書 仲 今不 一事,引《 十卷。 舒作《春 · 傳 吕 《太 ジ誼 步 秋

史。 張湯 舒弄口而見戮。」 斯言足以正漢儒之失。《鹽鐵論》文學曰: 公日 師 使 治 書 請 者 是以《春秋》爲司空城旦 淮 博士弟子治《尚書》、《春秋》,補廷尉 也 南 「《春秋》立法謹 獄 窮 公孫 驗 弘以《春秋》之義繩臣 其 事 蓋蓋 嚴,而宅心忠 仲 書也。 舒 弟子 胡 不 「吕步 恕。」 文定 知 下, 其

然則 也。 忍道 張 春秋》「禘于太廟,用致夫人」,致者不宜 洞 稽 ,而二《傳》有非嫡之辭。 非之曰: 且古者不二嫡,當許其號 劉 經議 原父深於《春秋》,然議郭后袝廟,引 禮, 難矣哉 「按《左氏》,哀姜之惡,所不 而不許其禮。 敞議非是。」 致

欲横 不 公不入矣。 義 流、天 而 桓 以 以 、賂免。 許 理滅矣。 竊寶弓而盜臣肆行矣。 田 賂鄭,宣以濟西田賂齊,身爲 取 宋郜鼎,納 末流之敝,貨范 莒 ||僕 寶玉 受女樂 鞅 而 昭

> 知 而 義矣。 孔 子 公如京師者一,朝王所者二,卿大夫如 遂 《孟子》是以有「不奪不饜」之戒。 去矣。 叛 人 以 邑來 知 利 而 不

大街之长也。居中國,长人角,變華石統書。尊卑之分不明,彊弱之力是視。記総書。尊卑之分不明,彊弱之力是視。記《禮》者以魯爲有道之國,道焉在哉?

戒深矣。故於晋始立名之。 《詩》以《鶉之奔奔》在《定之方中》之前,其狄,以滅其國。東徙渡河,終不復還舊封。狄,以滅其國。東徙渡河,終不復還舊封。

如升虚邑,故言吴。 曹「狄人衛」,曹「楚子人陳」,不忍諸夏见滅于夷狄,故稱「人」焉。書「吴入郢」,楚昭出奔,猶有君也, 申包胥求救,猶有臣昭出奔,猶有君也, 申包胥求救,猶有臣如升虚邑,故言吴。

禮樂自天子出,而獻六羽焉, 非天子

記 不 賦」,取法乎《春 制 . 表》於秦書「初立 度, 而 税 畝 焉 秋 故 西 皆 畤 書 日 初租禾」、 初  $\sim$ 初 史

弟 中國,故中國不與戎 禮,不以 子之大義,不以 如齊納幣」,「大夫宗婦覿用幣」,曰 不能公復國於諸侯,則 「鄭伯乞盟」,曰: 曰 諸 公及戎盟 不 鄭世子忽復歸于鄭」、「許叔入于許」、 年來 無異 侯以 大 於匹 同 與 聘」, 國 復 彊 前《春 夷 事 于唐」, 國 弱 夫。」「宋公會 狄 爲家 於 而 鄭 共 秋 夫婦 諸 有 中 伯 事 屬 日 侯, 「去就不裁於大義 國者 加。」「鄭 ,聖人以 使 | 狄共禮文。| 「齊侯 辭 \* 而 其 則力 義不足以有國。」「公 「聖人不 <sup>一</sup>, 必 遂 弟 于盂」、「戰 廢 語 伯 不 公會 不 或 逃 足 來 能 事 與 以 盟 與 歸 夫 爲 戎 婦 戎 夷 不 君 于 于 E 之常 使其 狄 泓 則 盟 或 事。」 狄 潛 日 「 父 舉 共 争

牢」, 之功。」「城杞」、「城成周」、日 狄之兵,以見小國之無策, 丘」「衛人侵 中 發明《經》旨,簡 諸侯不自 敵之策 以見中國之無霸。」「遂城虎牢」,「戍鄭虎 義者,必 「鋭於合諸 國 日 有 盟 嫌,則 「公其險於 侯 于翟 歸其險於一 時 狄」,「衛 者, 而 而 列國之於王室何以辨? 泉, 拙。」「狄 必 當 晋 有 天下 人及 時 國,所以 而 圍 秦 ·, 所 狄盟」, 惰 衛, 人 . 要夷狄之好, 成 以 圍 「大夫之於 衛 霸 大 I 鄭 曰「避 遷 於 者 霸 于 假 服 者 日 帝 其 叛 制 大

秋 皆在孔 春秋》,韓起所見、《公羊傳》所云: 春秋》也 ]《楚 晋語》司 子前,所 語 常申 馬 叔 謂 侯曰: 《乘 時 日 × 《檮 羊舌肸習於《春 教之《春 杌》也。 1秋》。」 不 之

康節邵子學於李挺之,先視以陸淳《春

横渠張子謂 謂《春秋》乃學者最 旨,則授《易》終 秋 欲 以 表 非 儀 理 焉。  $\wedge$ 五 明 後 經 義精 此學自《春 事。 ≫ 始 。 既 此學 可 未 語 山 秋》而 至《春 學。  $\sim$ 五 1秋》而 經 朱子 始 一 也。

按 説。 子於五 作 也。」李泰伯《常 夏伯昆吾、商伯大彭、豕韋、周伯齊桓、 伯 得 孫明復《春秋總論》 通鑑》謂 五 霸,取秦穆、晋文、齊桓、楚莊 伯,見《左傳》成 專征 伯 諸 王 可 語》、司馬公《迂書》,皆用 霸 侯。 也,而非孟子則 無 孟 異道,先儒 曰 : 子 二年,杜 所 「《周禮》九 謂 沿過矣。 非之。 五 氏 注云: 霸 者 邵 晋 愚 此 伯 命

子謂天子之事,邵子謂盡性之書,胡文定謂天子之宰,貶諸侯,討大夫,此王法也。孟七年去秋冬二時,此天法也。不書即位,名出年去秋冬二時,此天法也。不書即位,名

傳心之要典也。

書仲 沮 義 而 忠 矣。 利 臣 不 子、成 辨矣,書遇于清、會于稷而 義 書及,而爲 明天理,正人倫,莫深切 者懼 風 焉。 而 義者 綱常立矣,書郜 書克段 勸 焉 六許 止 於《春秋》。 三叛 而 鼎、 孝 亂賊 人書 悌 衛 行 寶 而

名以 國。」漢之亂賊,晋之彊臣 謂 感于寳慶之臣乎? 章?」真文忠《文章正宗》以 私 而 誼,不若叔孫 逐 請隧,王弗 德。 」又 稱亂,甚於《詩》、《禮》發冢者也 宣之於仲遂,定之於意如,以 君側之惡、《穀梁》 晋陽以叛」書,聖筆嚴矣,《公羊氏》乃 曰 : 許 昭子遠矣。 日 「余敢 懔懔焉《春秋》之法 「班先王之大物,以 以 晋文公以定 亦云: ,唐之悍將,假 私 此篇爲首,其 勞 變前 私 以 勞 之大 地 襄 忘 也 此 賞

末也,淮夷列諸侯之會,天下之變極矣。爲之也。《春秋》之筆,戎爲先,狄次之。其平王之遷,戎爲之也, 襄王之出,狄

取也; 是卹 者: 彊 宗廟之禮亂 ,而福威之柄移也。 也 《春秋》以道名分,其特書皆三綱之大 曰「成宋亂」,以宋督弗討,而貨賂是 曰「宋災故」, 日 也; 「用致夫人」,以嫡妾 曰「大夫盟」,以君弱 以蔡般弗討, 吁,其嚴乎 無 而 辨 細 故 臣 而

者,天子之禮也。書魯之僭,《月令》曰:大雩,大閲,大蒐,肆大告,凡以「大」言

「言大,别山川之雩。」諸侯雩上帝,於是季氏旅泰書「大雩」二十有一,非禮也。 賈逵云:「大雩帝。」天子雩上帝,諸侯雩山川。《經》

山矣。

君臣、夷夏之分,謹其微而已。皆狄。春秋之大變也。有雞澤之盟,而後有申之會。皆狄。春秋之大變也。有雞澤之盟,而後

於道。」 則 於從霸也。 之會,魯不至,及薳啓彊之召,而後如楚焉, 會,魯不至,及幽之盟 魯不亟於從狄也。 諸侯之主盟,自齊桓始也。 夷狄之主盟,自楚靈 故曰: 而始會焉,則 北杏、鄄之 始也。 魯 不 申 哌

不平,西周所以夷於列國也。景王之尹氏, 幽王之尹氏, 不能世吉甫之賢, 而秉國

五八

於戰國 又 世 太師 也 之惡 而 私 立子 朝 , 東 周 所 以 降

夫,而竊寶弓、祀先公,僭諸侯矣。 魯,秉禮之國也。大夫不止僭諸侯,而

### 左氏

也。「《左氏》失之淺、《公羊》失之險、《穀《經》。」鄭康成之言也。「《左氏》對原父之言學、《經》。」鄭康成之言也。「《左氏》對,《安學》清而婉,其失也短,《公羊》對而裁,其失也俗。」范武子之言也。「《左氏》之義有三長,二《傳》之義有五短。」「《左氏》之義有三長,二《傳》之義有五短。」「三《傳》皆有得於《經》而有失焉。《左氏》善於禮》、《祭梁》著於田月。」劉原父之言也。「三《傳》皆有得於《經》而有失焉。《左氏》善於《經》而有失焉。《左氏》

啖趙以 《穀》經學,理精而事誤。」朱文公之言也。 梁》; 《左氏》,例莫明於《公羊》,義莫精於《 學者取其長,舍其短,庶乎得聖人之心矣! 言也。「《左氏》史學,事詳而理差, 文定之言也。「《左氏》傳事不傳義,是以 拘而失之隨。」鼂以道之言也。「事莫備於 梁》失之迂。」崔伯直之言也。 猶入室而不由户也 事,是以詳於《經》而義未必當。」葉少藴之 於史而事未必實、《公羊》、《穀梁》傳 專而縱、《公羊》之失雜而拘、《穀梁》不縱不 後,憑私臆決,甚 或失之誣,或失之亂,或失之鑿。」胡 而 閣 東三《傳》,是  $\stackrel{\sim}{\sim}$ 左氏》之失 義 《公》、 不傳 詳

●「子」上,道光本有「王」字。

吕成公謂:

《左氏》有三病:

周、

鄭

災祥 事則陋,三也。 者十一事。 一世; 介甫《左氏解》一卷。 記管、晏之事 王介甫疑《左氏》爲 則善,説聖 其序謂: 六 或 人之 爲《春 時

秋》學餘二十年。《館閣書目》以爲依託

時之好惡,末哉! 氏之爲堯後,始得立。 學官。《左氏》嘗立而 漢武帝好《公羊》,宣帝善《穀梁》,皆立 漢儒之言《經》也 復廢。 不以學之是非,而 賈逵以爲 明 以 劉

年」,皆非也。

皆 之後之言乎? 崩 氏」,其漢 其三卿分晋之後之言乎?「其 爲祥; 非《左氏》之舊 有作俑者矣。 「八世之後,莫之與京」,其 0 儒 釋氏之熾,以恒星不見爲 欲立《左氏》者 「公侯子孫,必 也 新 都之篡,以 所 附 復 處 田 者 其 益 氏 始 沙 爲 篡 乎 證 麓 ? 齊 劉

在

春秋之初

子 奏上《左氏》,始得 IE 義 云 和 帝 立學,遂行於世。 元 興十 一年,鄭 至章 興 父

蓋

也。 帝 帝時,賈逵上《春秋 序,三誤也。《釋文序録》亦云「元 和 帝 時,二誤也。 鄭興子衆終於章帝建 元興止一 年,安得 章帝之子爲 大 義 有 四 初 + 十條。」 和 八年,不 年? 帝, 興 愚 先 嘗攷 + 後 及 誤 失 和

之言也。東方曼倩、杜元凱皆用之。 王穆后始。」 愚按: 「優而柔之,使自求之」,《大戴禮》孔 老泉《謚論》云: 魯惠公聲子,已有謚 「婦人有謚,自周景

杜預 云: 人數如其佾數。 云: 衆仲對羽數,服、杜之説不同。 「天子八八,至士二八。」則每佾八人。 「天子六十四人,至士 宋太常傅隆以杜注 四四 人。」則 一爲非, 服虔

0 崩」, 原脱,據嘉慶本、道光本

原父謂: 降殺 二人,至士止 以 音 一 士: 克諧 兩 無 減 舞, 然 餘 其 後 特 四人, 豈 成 列 牲、少牢皆士禮 樂,故 爾。 復 預 必 成 以 以 樂?」劉 爲 八 人 無無 列 爲 居

列。

又減

用

樂舞之儀。」

失 傳》亦云: 子》周公曰: 羊 也 傳》公子翬 石碏曰: 穆 日 「成王之爲 滿。」皆生 : 陳 吾 桓 公方有 爲 而 叔 子 :龍於 稱謚,紀事之 父。」《穆天 口 隱 矣。」《 王。」《公 子 荀

謂 數百, 立 姬 國。」成 七十一 姓之國 和 而同姓 元 富 一周 年韶 《轉言: 辰言: 國,姬 封 四 五十五。 謂 威 十人。」《史記 武 姓獨 與此同。 白, 周 周 公封 王兄 之爵封千有八百,姬姓 同 居 姓  $\overline{\mathcal{H}}$ 《荀子》謂 × \( \times \) (弟之國十有五人, 建 五 十三人。」《漢 親 一十有 文、武、成、康所 戚,凡二十六 餘 。」後 周 表》 公 漢 封

> 人,同姓之國 率之士皆封,諸侯國四百人,兄弟之國十五 ·武王伐紂之年,夏四月乙卯,祀於周 半。 當以 成 四 鱄 十人。」 之言 爲 正 皇 甫 謐 亦 云

時。 子曰: 萬 世。 衛多君子,淵原有自來矣。 宋人請猛 蓋祁子之學識 『天下之惡一也。』 名臣之言, 獲于衛,衛 見 於不 人欲勿與,石 沐浴佩 玉 可 之 訓 祁

記》取之、《博議》貶繁,恐未爲篤 天下名 原繁日: 言,萬 世爲 一臣 臣 無二心,天之制 之大法。 ^ 西 Ш 也。」此

不利 樂亡者有矣。 焉 鄭伯 觀《魏受禪碑》、唐六 謂燭之武 日 「若鄭亡,子 臣 傳 利 亦 有 而

民, 「慈以旨甘。」聖賢言忠,不 忠 君之於民亦曰 也。」子之於 親 忠 亦 ,季梁云: 日 慈 顓 於 事 内 ·君,爲· 上 則 思利 굸 人

謀必忠,於朋 人,以 利及民, 友必忠,告事 無適非忠也 親 必 忠養。 以 善

於終,而 之後。」此可以發明《左氏》正時之義。 節之日,示斗建於月半之辰,退 素問》: 天度 畢矣」,注: 「立端於始,表正於中,推 謂 立首氣 餘閏於 相 於 餘 望 初

閏, 在 隱元年正月朔則辛巳,二年則 經傳,考日辰朔晦。 違 漢 距,近則十餘月,遠或七十餘月。」 之正皆建子,而預之正 [其月,則改易閏餘,彊 五歲再閏,又非 元以來爲《長曆》、《通鑑目録》用之。 非曆也。」《春秋 通鑑外紀目録》云: 歸餘於終。 分記》云: 前後甲子不合,則置一 獨建丑焉。日 以 「杜 求 合。 乙亥。 但據《春秋 預《長 「《長曆》於 劉義 故閨 曆 諸 叟 有 月 起 相 不 曆

種

曰 「叛」,於君  $\pm$ 貢 于號 臣之義失矣,不 」,「王叛 王 孫 蘇 可 三,曰二 以 訓 貳,  $\wedge$ 通

> 漢寇魏」,而《綱目》非之; 鑑》書「燕叛 讀史管見》非之。況天子之於臣乎 齊」,而《大事記》非之; 書「晋寇梁 書「蜀 而

也。 云 蓋亦渭首之戎。但秦之縣冀,在晋假道於虞之前,蓋其 之《東漢・西羌傳》「渭首有冀戎」、《史記 軨,伐鄍三門。」杜氏以冀亭爲冀國。 也。 入顛軨者,蓋冀戎。 晋假道於虞,曰: 「秦武公伐而縣之。」漢天水郡之冀縣 晋自有冀邑。 冀缺爲卿,復與之冀 「冀爲不道,入自顛 前此號公敗犬戎于渭 嘗攷 汭

然生矣」、《孟子》「樂則生矣」之「生」同。 「生」之一字,與《樂記》「易直子諒之心, 朱文公謂 公省試《民受天地之中以生論》,以「生」爲 活」,其説以爲民受天地之中, 子犯曰: 此 説 好 民 未知 禮,未生 則能活也。 其共。」 油

楚箴 日 民生在 勤。」生,如 「生於憂

心生。」 父文伯之母 則烏可已也; 患」之「生」, 蓋 曰 心 怠焉則放,放則死矣。 生生 「民勞則 不 窮。 勤 思,思 則 生 矣, 則善 故 公 生

古所謂不才子也。 之酆舒,晋之知伯,齊之盆成括,以才稱者, 古者以德爲才,十六才子是也。 如狄

則鯀非美也。於此見立言之難。 其凶。」而於禹曰:「世濟其美。」論其世,禹,鯀之子也。史克於鯀曰:「世濟

楚有夏州,以夏變夷。衛有戎州,以夷

道奈何?」曰:「諸侯無專立妾以爲妻,毋君臣父子,則可以加政矣。」公曰:「會之《管子・大匡篇》管仲曰:●「君會其

于此。 歲,則始可以罰矣。君乃布之於諸侯,諸 棄 專 壺餐而從。 無以貨利示下。」亦五禁之意,傳 美妾疑妻,無以聲樂妨政,無以姦情害公, 也。」《説苑》晋文公合諸侯而盟曰: 書,使後世不知桓 五命之戒,亦未免有所犯,故《左氏》隱 許諾,受而行之。」《孟子》所謂 原。《韓非子》曰:「晋文公出亡,箕 妻,毋 殺 趙衰 大臣 吕成公曰: 曲 以 , 無 隄,毋貯 迷而失道,與公相失,餓 壺 國 飱從徑,餒而 勞, 公躬言之而 粟,無 「如内政之類,桓 毋 專予 禁材。❷ 禄 弗食,故 土 「五禁」,略 記 庶 躬自 不載 行 而 無 使 此 鄭 蹈之 不 而 公於 毋 敢 處 以 挈 不 見 侯 卒 專

<sup>● 「</sup>匡」。原避宋太祖諱。作「正」。今回改。下同,不再

必全壺餐,是將 食。及文公反國,曰:『輕忍飢餒之患, 也。 不以 原叛。」乃舉以 爲 原 而

令。」此即趙衰事

文,唯稱不言而已。」飾經舞禮,不可以訓 用吉禮。」議 杜預解《傳》云: 太子服 云 「諸侯諒闇, 「高宗無 國事 服 喪 皆 之

字誤。

德義 之?」樂毅伐齊日 以善養人者哉 也。」此皆兵家權謀,惟恐人之遷善,豈所謂 恤下而撫其民,則難慮也。」羊祜伐吴曰 若更立令主,雖有百萬之衆,長江未 以以 伯宗伐潞、曰: 事神 人, 而 「後之人,或者將敬 申 「待彼悔前之非,改過 固其命,若之何待 可 窺 奉

云 月昴 奎晨見東方,杜氏謂三月奎朝見,鄭氏 朝見。《爾雅 西陸朝覿」,其説 鄭爲 近之。」《詩》「三星在天」, **\*** 「西陸、昴也。」 有三: 服氏 謂 劉 其説 謂 春 炫 分 四

> 有二: 爲心,三月見東方。 毛氏以爲參,十月始見, 朱文公從鄭 説 鄭 氏 以

游一譽,爲諸侯度。」」《孟子》注引范宣子豫焉。 「譽,游也。宣子游其樹下。夏諺曰: 季氏有嘉樹,韓宣子譽之。 服虔云: 范

死,不知命矣。愚謂: 傳之道。 謂 由其不知命 女而 宋伯姬,先儒謂 不婦 胡文定譏之,謂以 也 非 也 陸 婦 淳 人之伯夷。《左氏》 淳黨叔文而不羞 又 此 以 ト其 爲 非 貪生惜 可 総 可

生而 司 謚 奏 曰「成子」,是人臣生而 謚 衛侯賜 也 「帝制作興治,爲 北宫喜謚曰「貞子」,賜析 魏烈祖 謚 也。 魏 是 明 朱 帝 人 君 鉏 有

漢有侍御史擾龍宗,豈其苗 蔡墨日 : 國有豢龍 氏,有御龍 裔 敷? 氏。」

後

甯殖愧諸侯之策,賈充憂謚傳,其惡不

可揜也,是以知可欲之謂善。

本於此。「子以堅白鳴。」昌黎《送東野序》言「鳴」字,「子以堅白鳴。」昌黎《送東野序》言「鳴」字,

欲,而晏子弗受。庶幾乎無欲矣! 人生求富,而子文逃之, 富,人之所

秦具二。 俱昌, 斯以分過爲忠,而過益彰,故斯與俱昌, 斯以分過爲忠,而過益彰,故縣與鄭

襄九年,宋樂喜爲司城以爲政,即子罕也。 行刑罰,以威行之,朞年遂刼其君。」 愚按: 宋君見刼。」李斯 宋世家》無子罕刼君之事,非、斯乃與 左氏》載其言行 言,不亦誣乎 韓非 Ë 「宋君失刑,而子罕用之,故 、《檀弓》亦稱之賢 日 《戰國策》謂: : 司 城 子 罕相宋,身 大夫也。 忠臣令 八田常

> 空也。 《史記》鄒陽曰: 翟。」《漢書》作「子冉」,文穎注以「子冉」爲 君。此即《左氏》分謗之事。 非之。子罕釋 誹 「子罕」,皆所未詳。 在己,譽在上。 宋 無 兩 相 子罕,則非、斯之言妄矣。 「宋信子罕之計而囚 爲司空,民 宋君奪民時 非子罕 司城,宋之司 以 爲 而 臺 善其 而 墨 民

不仁。」

「文仲置關以稅行者,故爲關。」注謂:「文仲置關以稅行者,故爲臧文仲廢六關,《家語》云:「置六

弘也。 萇叔 趙氏震揆曰: 楚克有陳爲天道,是夷 我貽,故聖賢可以言天。 故君相不可以言命。 爲違天,是人臣 氣、志有交勝之理,治、亂有可易之道, 自昔聖賢,未嘗以天廢人。殷既錯天命,王子 「《左氏》之害義,未有甚於記女寬之論萇 不當 多福 狄 天 可以猾夏 扶 自 顛 者 我求,哲命自 持 理 危 m 亂華 也 己。 也。 則

臣孝子爲違天,則亂臣賊子爲順天矣,而可哉?」事。」治亂安危,天之天也, 危持顛扶,人之天也。以忠曰:『自靖自獻。』周天命不又,大夫則曰:『黽勉從曰:『自靖自獻。』周天命不又,大夫則曰:『黽勉從曰:

諸侯。《經》無長衛之文、《傳》未足信也。侯已在衛侯之上矣。五月盟于皋鼬,不序於盟。」攷之《春秋》,是年三月會于召陵,蔡蔡於衛。衛侯使祝佗私於萇弘,乃長衛侯不過文公合諸侯于召陵,及皋鼬,將長

寫之誤。

IE 按 夷庚。」注引繁欽《辨惑》: 注 輿馬,以巨海爲夷庚。 庚者,藏 「夷,常也。」《辯亡論》: 《文選·補亡詩》: 《左傳》成十八年「披其地 平. 道 也。」二字出 「蕩蕩夷庚。」李善 「吴人以 「旋皇輿於 以 於此,《 車之所。」 塞 夷 舡 庚」, 檝 選 愚 爲

注誤。

于《水經注》。 裴秀客京相璠撰《春秋土地名》,其説多見林成己《春秋論》謂孟門即孟津,誤矣。晋

作「公孫拔」。《集注》云:「公孫枝。」蓋傳咎?」吕文靖於李宸妃之喪,其意本於此。君之喪不成,不終君也。君長,誰受其君之喪不成,不終君也。君長,誰受其

州人出,顔高奪人弱弓,籍丘子鉏擊之,與 E. 年傳》: 「公侵齊,門于陽州。 刻 《史記》仲尼弟子顔高,字子驕。 俱斃。」豈即 「顔高之弓六鈞。」皆取而傳觀之。 《孔子世家》云: 斯人歟? 過 区,顔 《家 士皆坐列, 語》作 刻 爲 《定八 「顔 陽

若 怪 古 也 與 者 微 文 虎 武 之 同 宵 方 攻 冉 有 則 用 顔 矛, 高 以 樊 挽 遲 彊 爲 名, 右 無 足 有

交而 庚子,愚試冑闈,王圖南發策,亦用此二語 不 齋引 上 事,信令之要,於是乎 愚致《春秋釋 濫 ,走驛在 解 熙 攻 者,皆行人之勳 媿 刑 寧 不濫 跋 下。」見正 年 語 例》 -, 一, 則 用 日 丽 飛 兩 義。 矢 「韓、富、文三公」之對 或 在。 「使以行言,言以 在 攻媿 之情 也。 上 舉 ,行人在下」,迂 之言 是以 得 木 通。 以 本 雖 怒, 此。 兵 飛 矢 則 有 嘉 在 刑 接 不 熙

也 四 。」《隋志》有《春秋五十凡義 + ·有九。 釋 例》 蓋 終 以「母 篇 굸 弟二二凡,其 稱 凡者 疏》二卷。 五 義不 +, 異 其 故 别

事 以 羿者。」真文忠辯 滅 浞 魏 絳 而 立 日 少 康。」杜 靡 之曰: 自 氏 有 謂 鬲 氏 靡 ,收二國之 靡 忠於王室如 夏遺 燼 臣

> 忠臣 此,考其 而 肯 本 事 末, 羿 者 乃 哉 事 ? 相 張 非 宣 羿 公日 也 : 豈 若 有 夏 之 靡

六六

可

謂忠之盛者矣!」

以南。 北 風 師 律是 無射、夾鍾 曠 驟歌北風,又歌 候氣之管 以 北。 氣氣 則風 南 南 風, 風 也 一,服 姑 氏 南 注 吕

地名。 《明堂位》所云『崇鼎』是 魯 正義 無 秋》皆曰「岑鼎」二字,音相 正子春來,吾將 贗也。」魯人曰: 齊伐魯,索 據 鼎 謂二説 也 讒 禹 鼎之銘」, 鑄 明堂位》 讒 無 九 八鼎於甘 鼎, 據。 聽 魯 子 愚 服 魯有崇 真 以 改《韓 ,。』《新序 氏 讒 其 也。」齊 之地 注 也。」一云: 層往。 近。 子 鼎 故故 . 日 **\*** 疾 然 説 服 齊 日 讒 則 林》 注 吕 人 讒 之 讒 不 氏 使 曰 E 讒 鼎 爲 春 樂

「謂之鄭志」,以明兄弟之倫,「謂之

宋志」,以正君臣之分。

夏正者,有用周正者。
「宋人取長葛」、《經》以爲冬、《傳》以爲

思也。

之占」,名對也。權載之問《左氏》云「夏五之闕」、「艮八

顓頊者也,有虞氏報焉」,韋昭注云:「幕,重之以明德,寘德於遂。」《魯語》「幕,能帥史趙曰:「自幕至于瞽瞍,無違命,舜

後虞思。按《左氏》,則幕在瞽瞍之先,非虞能聽協風,以成樂物生者也」,注亦以爲舜舜之後,虞思也,爲夏諸侯。」《鄭語》「虞幕

《説文》: 禹虚。 晋以淮南當塗流民,寓居 離 以治之,唐屬宣州。漢之當塗,乃今濠州 郡當塗,應劭注: 民以辛壬癸甲嫁娶。]按《漢 也。 「穆有塗山之會」,注: 蘇鶚《演義》謂宣州當塗、誤也。 「嵞,會稽山。一日 禹所娶塗 于湖,僑立當塗 地理志》九江 九江 Щ 在壽春 了, 侯 當 國。 東北。 也。 東 有 鍾

璠 原 歷 弗與。」《吕氏春秋》云: 也。」《説文》云: 級 「季平子卒,陽虎將以璵 而上,曰: 遠而望之, 奂若也 『以寶玉收,譬之猶暴骸中 「孔子曰: 孔 近 璠 子徑庭 而視之,瑟若 斂, 『美 仲 侕 哉

也。 則 理 季孫之事歟 勝,二 璠 璵,魯之寳玉也」。 則 孚勝。」《初學 記 下與《説 引 逸

文》同。

其即

樂盈,幾危晋國,忝厥祖矣。再傳而吉 守家法,乃縱女祁之惡,信子鞅之讒, 亡,宜哉 范武子之德,本於家事治。 宣子不 錮 射 逐 能

義」,子贛之責公孫成也。 「子,周公之孫也,多饗大利,猶思不 猶秉周禮」,「齊猶有禮」,觀「猶」之一 劉歆亦少愧哉

字,

則禮廢久矣。

十月,馬 熟。 平地 氏》於隱公云「平地尺爲大雪」,不言是歲 平地一尺。是歲大熟 桓公事無所 廣一丈,以爲陽傷陰盛之證。」按《左 吕向注《雪賦》 雨雪。 建酉之月而雪,未聞其廣 據 Ĕ: 其説妄矣。 爲 豐年。 「隱公之時,大雪 桓公之時, 桓 八年冬 大

丈也

公室乃貧。」」按《左傳》成六年,此乃韓獻 柳子《晋問》: 「魏絳之言: 「近寳則

之言。

謂劉安説耳。 用羿、澆等事,正與《左氏》合。」孟 姚,與《左氏》不合。」洪慶 劉勰《辨騷》: 「班固以爲羿、澆、二 善善 日 : 堅所 離

差齵。 子,皆誤。 祁奚救叔向,以樂盈爲樂達,范宣子爲范 襄子勝翟,有憂色」,皆格言也。 時有趙文子,又謂孔子聞襄子之言,其先後 《列子》載「隨 凡諸 子紀事,若此者衆。《説 會 知 政,群盗 奔秦」、「趙 而 謂 苑 隨 ())載

《世族譜》已有此疑,則發端乃杜預也。 次差舛,發端於杜 《考古編》謂: 佑《通 「歐陽公論 典 二帝三王世 按《釋 例

能對。 經師 微。 讎 章?」見晏元獻公書。觀鎬、熙之言,則經史校 近 德裕取《西 舛,由五胡之亂,學士多南遷,中國經術 岑之敬 人集 不可。 ,不可以臆見 授,皆 今並以六朝舊本爲 雍 見《談苑》。 語。 所 熙中,校九經,史館有宋 按據杜鎬引《貞觀勅》,●以 校 有訓 域傳》山川名號字之古者,改附 錢 定左 (熙謂 定也 説,豈 」傳》, 太平興國中,校《漢書》,安 人 諸 可 日 儒 證,持以 胸 : 引以 「予於此書,特 臆塗竄,以合詞 爲 臧 詰 證 榮 維 經 緒、 維 孔 籍 不 浸 訛 維 梁

其和 見進德脩業之功 則謂「古人風俗尚厚」、《博議》非是。 吕成公《博 「宗子有君道」。 淵明者,與 前輩學識,日 議》論公孫敖 在鳳 趙宣子使 與駢送賈季帑, 新日進。 翔 時 二子,及續説 所作,議 東坡《詠三良》, 論 可以 **夏**殊。 則謂

> 也。 又不監 虢叔恃險而鄭取之,鄭不能守而韓滅之,韓 之謀,皆先攻韓。 在德不在險,佳兵者好還,信夫一 在號 齊、晋、楚之霸,皆先服 而 E 秦 制,在鄭 并之,秦之亡也,漢、楚争之。 蓋 E 虎牢之險, 虎牢,在 鄭。 韓 范睢、李斯 天下之樞 日 一成皋。

焉取 事 政,兄弟也。」然衛多君子。 戲之争,而桓、宣皆篡兄矣。 衛,觀《詩》可見已。衛不足言也。 而哀姜襲其跡矣。 何 襄仲矣。 以 斯,風 欲治國者先齊家,家之不齊莫甚於魯、 見 魯、衛之士?」政 化 家法 猶 媺 不脩,故 也。 自成 畏 風 魯無 治雖 清 日 事 議 季 自文姜之亂 濁, 友,而 者, 君子者,斯 「魯、衛 風 魯自括 亦 敬嬴 俗 曰

B交。 「貞」,原避宋仁宗諱作「正」,今回改。下同,不再一一

一七〇

衰,與漢之東都同。

石惡。 出《顔 生而 周制 訣》云: 注 天子之名, 芸 稱諱矣。《 方諱。」夷狄皆無諱。 周 氏家訓》。 人以諱事神,名終將諱之。 君臣同名、《春秋》不非。」《理道要 「生者不相辟名,衛侯名惡,大夫 「自古至商,子孫不諱祖父之名, 難 知 博議》謂名子者當爲孫 而 易 諱 也。 漢宣帝詔 其更諱 日 **《曲** 詢。」則 「古 禮 地。 有

曰:「有如白水。」水入中國,名爲河。」故晋文公投璧于河,水入中國,名爲河。」故晋文公投璧于河,《河圖》曰:「崑山出五色流水,其白

之乎境外。 此 不正。』《淮 而諸侯景從。」豈誠於爲義者? 勸 曹操迎獻帝。 狐偃 日 南》之書,謂晋文得之乎閨内, 非也。 「求諸侯莫如勤王。」荀 彧之言曰: 辰嬴之事,閨内之法安 「晋文公納周襄王。 故曰 彧以 譎 失 而

> 《唐風》不録晋文,亦以是夫。 在哉?《詩》於《衛風·木瓜》猶美齊桓,而

四皓,申屠蟠賢於郭泰。子之潛也,名不可得聞。先儒謂召平高於子之潛也,名不可得聞。先儒謂召平高於

以過。以此坊民,猶有立威於棄灰者。以過。以此坊民,猶有立威於棄灰者。以過。以此坊民,猶有立威於棄灰者。以過。以此坊民,猶有之言矣。」《尸子》稱穆公明於聽獄,斷刑之日,揖士大夫曰:「寡人不於聽獄,斷刑之日,揖士大夫曰:「寡人不於聽獄,斷刑之日,揖士大夫曰:「寡人不於聽獄,始能踐自誓之言矣。」《尸子》稱穆公明以過。以此坊民,猶有立威於棄灰者。

君者,易地則皆然。」劉賈父詩云。顧子曰:丘據不毁晏子,以景公好賢也。二臣皆從「樂王鮒毀叔向,以平公不好賢也。梁

梁丘之佞,于今不絕。」顧夷《義訓》,《唐志》在 景公也,於朝。 昔梁丘據之諫景公也,於房, 然晏 嬰之忠,著於竹素; 晏嬰之諫 儒

梁丘據豈能諫景公哉,斯言繆矣!

趙盾偽 之法。求名非謂齊豹,名章不止三叛也。 惡,而其惡益著焉。 而宋之盟,其名不列焉。 或求名而不得,如向戌欲以弭兵爲名, 出 奔,崔杼殺太史,將 推此類言之,可見謹嚴 或欲蓋而名章,如 以 蓋 弑 君 之

其臣 一不能 孫郃論春秋無賢臣,蓋諸侯不知有王 īE 君以尊王室。此 孟 子所以卑

亡也,自子楚之不習誦 周之替也,自原伯魯之不説學, 秦之

侯。」 子在晋,猶季氏在魯也。 又曰: 史墨對趙簡子曰: 「君臣 無常 位,自古以 「天生季氏 史墨之對,其何悖 以以貳 然。」簡 魯

> 哉 1 張睢 陽貴尹子奇 E E 未識人倫,焉

知天道?」

也。「雖晋之彊,能違天乎?」怠而 「今天或者大警晋也」,畏 丽 能 自 不 自 脩 者 彊

者也。

魏公之於寇萊公,曰: 叔向曰:「楚辟我衷,若何效辟?」王 「不可學他不是。」

所託 也則隱。」斯言也,蓋有聞於君子 公山不狃 曰 「君子違, 不適 讎 矣。 國。

背君父以覆宗國者,不狃之罪人 也。

國

流 有賢者无益之譏,秦昭王有儒无益之問,末 憂。」春秋之季,已輕儒矣,至戰國 極 於李斯 齊人歌 日 唯 其 儒書,以爲二 而 淳于髡

其 請 相似 秦師 申 以 包胥似張子房,天下士 一也。入郢之仇未報,則使越,爲之 却 旲 ; 韓亡矣,借漢 也。 兵 以 楚破矣, 滅秦。

七二

其亡而 王琳、 楚國 也。 既 從 謀 立 Щ 柏 鞠 伸 史公傳伍 矣,不當以功之成否論。 二,未見其 戰國策》楚莫敖子 一,踰 舉,三 矣。 口 不轉,畫吟宵哭。 躬 漢,爲之謀 以 滅吴; 盡 復 自夏靡之後,忠之盛者,二子 而 唐之 深 興 秦遂出革車千乘,卒萬人,屬之子滿 復存者,唯 力,死而 我思古人 逃賞,漢業既 戰 谿,蹠穿膝 而 員 入野。 張 人也。 而 見《吴語 韓祀 承 以 不 業,功雖 滅 後 梦冒: 傳 遂之 唯漢諸葛武 一包胥 己。 不續,天也,子房之志 華曰: 項 暴,七 包胥,非所 七日 成 韓 其志一也。若梁之 勃 四 其 丽 吁,春秋亡國五 不就 王 蘇 [氏,僅 遗遗 不 日 謝 相 「昔吴與 成之仇未 贏 得 事。 而 似 ",抑可 糧 不 侯可以繼之, 告。 薄 以 能 潛 難 也 其 秦 而 勸 行, 哉 殲 水漿 以 相 楚戦 己。 朝 忠 齊 報 ? 似 楚 上 爲 戍。 也。 太 + 次 則 峥 於 然 君 無 鶴 則

> 於葉。 同。 石, 云: 之父也。 氏》考之,即左司馬戌也。戌者,葉公諸 黑,涕液交集,●以 鶴 山 蚡冒之裔,楚之同 於濁 《左氏 時 蹠達膝曾繭重胝,七日七夜,至於秦庭。 赴深谿 》作 所謂「莫敖大心深入吴軍而 而不食,晝吟宵哭,面若死 水,大敗之。」 棼冒 中 其聞包胥之風 「蒲」。 包胥 諸 游游 梁定 與 川 贏 子 白 水 糧 姓 虎 見 公之亂 敷? 跣 犯津 秦王。」亦 而師法之歟 下 走,跋 勃 塞 蘇 《淮 關, 不 以 即 涉谷 獵 東 南 申 有 與子華之言 灰,顔色 蒙 死」,以《左 包胥 ・脩 其 與 行,上 籠 吴 功 務訓 也 蹷 而 人 梁 沙 峭 老 贵 戰

之知 裨 竈 志 言 邾文公之知命,楚昭王之知大道,惠王 鄭之將 其 所 知 火,或中 有 在 於 或否,子産謂 1 祝 史巫之外者。

<sup>● 「</sup>交」,原作「來」,據嘉慶本、道光本改

故 也 知 聖 天 人 秋 道?」梓慎言魯之將水 以人占天。 大旱,如昭子之言。 亦非 昭 子 知 日 天者 也。 早

誠 重 關 敬 之感 複壁,不亦愚乎! **鉏麂之於趙宣子,沐** 人至矣。 商君載 謙 甲 之於 操 戟,李林甫 司 馬楚之,

食

也

官。 災。 進。 畏, 뫲 或 度,三館皆知之。 周 鷀 宋襄 大史。 獻 也 史李燾, 防息 言。 蓋毎 我朝 ,驛傳宜 熒惑犯氐,祕 春秋》書災異,不 以 忽 在 有星變,館 自 舊 問 類 也 景定後 漢 制 周 次 備 則太史公掌天官, 、太史局隷 内史。 災異,古史官之職 漢 非常。」不 書丞 元 淳熙中, 熒惑 枋 吏 鼎 有雲夾日,楚 臣 以 蔣 至 · 書祥 片 欲 宣 繼 淹 祕 紙 末 周 和 旬,都 瑞, 書,凡 殺災 録 言 四 人斗, 報 + 張 所 異 故 進 天 衡 以 五. 昭 隕 文 奏 氏 事 同 訓 得 爲 以 石 院 者 脩 失 問 以 館 因 H 六 寅

> 遂不 秋》之義, 襄 之詔 陽。 復 則 知。 災 蒙 異 其 蔽 甲 其 禍 可 子, 可 天 見。 忽 彗 下 星宫 哉? 爲人臣 壬申 極矣, 中見之, ', 地 叔輒所以 生 毛, 乃下 不知《 明 哭 年 求 失 日

宋, 曰: 存亡輕重,視其 也 霸 有君子, 者,必失其侯; 秦無人。」曰: 向、女齊,晋所 而 也 (,武王有亂臣十人) 殷有三 辱 於 臧孫於魯,曰: 宋襄求諸 有趙 乾 其 有大 「必無· 谿。 能 孟 叔儀,有母 或 以 「無善 有 侯 ^ 人焉。」 乎? 人之有 淮 未可 霸 伯 而 而 南 敗於泓,楚靈 瑕 求王 媮也 子》 或 一人,則 有 有士五 襄仲於秦,曰: 無 弟鱄,衛 有人焉。」師 日 史 者,必喪其霸 而 趙 른 國從之。」 日 「侯 師 周 晋文 一卜得 獻 舜 子 曠 有 所 m 有 國 慧於 所 天 求 臣 無 有 以 之 以 下 叔 五 霸

之人 或 有人焉。」賈生言天下倒縣,則曰: 增,不能有其 有人乎?」此皆以人爲盛衰 也,始 可 有矣。 謂 之有。 魏之窺吴,則曰: 虞有 宫之奇, 也。 項 猶爲 有 彼 范

甚矣」。 君 宋昭公之大夫多不名,則説者不一矣。 無道也」、《穀梁》謂「稱國以弑其君,君惡 隱公之大夫多不氏,猶可言未命 春秋》誅亂臣賊 安定先生曰: 子、《左氏》謂「稱君, 「是啓亂臣賊子之 也。

風 我 犯葵丘之禁者多矣。漢之劉輔 朝 之鄒浩,守經據古,其有魯宗人之 宗人釁夏之守禮,聖人遺化也。後世 魏之棧潛、

言也。其爲害教大矣。」

討 之,取其 蘭汗,其言 夫差之報越, 大節 E: 而 略 其志 其 免免 成 壯矣。 不同天之責。 敗 可 也 燕 昭 慕 報 容 凡 盛 齊 在 之 似

> 旲乎 民 1 皆 得 明 目 當 世 君 子 猶 有 取 焉 況

臣

與懷璧同,其能國 古訓以華其國,以 子朝以典 然而老聃之禮,萇弘之樂,文獻猶存。 魯、《三墳》、《五典》在楚,周 周之大寶鎮河圖大訓 籍奔楚,於是觀射父、倚相 乎? 得典籍故 列焉。《易象》在 也。 不能 昭昭 有其 寶矣。 及王

神景象非昔矣。 風俗知之。 類能而使之」,此楚臣之知晋也。 「楚自克庸以來」,此晋臣之知楚也。 如 善弈觀棋,德、刑、政、事、典、禮 古之謀國者,知彼知己, 楚自邲之後,晋自蕭魚之後,精 如良醫 皆以紀綱 「晋君 不 察 脈

之空言。 請 討 也,將以見之行事。 請討陳恒之年、《春 秋》終焉。 請討不從,然後託 夫 子之

之國。國危如此,二三子何爲莫出?」此夫國。」《史記》載夫子之言曰:「夫魯,父母杜氏注云:「仲尼之徒,皆忠於魯

子之訓也。

也。 荀卿之門有三人焉,李斯、韓非不能玷其 卿子,荀卿子傳魯人大毛公,是爲《毛詩》。」 浮丘伯亦荀卿門人,申公事之受《詩》,是爲 授荀卿,卿授張蒼。」然則張 按劉向《别録》云:「虞卿作《抄撮》九卷, 唐叔有文在手,曰「友」,曰「虞」。正義云: 文容或似之。『友』及『夫人』當有似之者。」 「《石經》古文「虞」作『众』,「魯』作『农」,手 魯詩》。 左氏傳》漢初出,蒼家亦有功於斯文矣。 《藝文志》:「《春秋虞氏微傳》二篇。」 仲子有文在手,曰「爲魯夫人」。 毛詩》傳以平平爲辯治,又以五十矢爲束,皆與《荀 《經典序録》: 「根牟子傳趙人荀 蒼師荀卿者也。 成季、 學

子》同。

之侈心則一。

一次,乃謂儉非聖人之中制。公孫弘亦云:
一次,乃謂儉非聖人之中制。公孫弘亦云:
也。」古之格君心者,必以儉。董仲舒《對也。」古之格君心者,必以儉。董仲舒《對

子之所守,不以習俗移也。 在, 晋士習於曠達,而以卞望之爲鄙。君涯, 晋士習於曠達,而以汲長孺爲戇,朱游爲盡言,而不容于齊。小人衆而君子獨也。盡言,而不容于齊。小人衆而君子獨也。

遺李衡 高帝之赦季布,魏武帝之免梁鵠,吴景帝之 而 也。 楚靈赦之。 寺 ,皆有君人之量。 披 披 請 之斬袪,芋尹 見 楚靈之量,優於晋文矣。 而晋文讓之,無宇執人於 無宇之斷 旌 其 漢 宫 讎

鞅也。 父也。 人惟求舊。」 楚伍參曰: 士彌牟曰 一以喪 師 「晋之從政者新。」 「晋之從政者新。」 以失諸侯。《書 謂 ě. 謂 荀 范 林

南 日 : 戒 **遠子馮** 以近事爲鑒,則其言易入,申叔 「獨不 獨不 是也。 見 見趙高之事乎?」 人彘 乎?」 告君亦然。 爰盎 樊 噲 諫文帝 諫 豫 以 高 帝 子

藴 傅玄云: 敗 云 ,苗賁皇之爲。 劉 炫謂 《國 古有左氏、左丘氏。 語》非丘明作, 《楚語》云: 語》非丘 有一 「雍子之爲。」與《傳》不同 一明作。 事而二文不同。」葉少 太史公稱『左 《傳》言鄢陵之

> 謂 文,不及《傳》之精也。」 事爲詳。」鄭漁仲云: 六國時人。蓋左史之後,以官氏者。」朱文公 亦自不同,其非 丘 而《國語》爲左丘 左氏欲傳《春秋》,先作《國 失明,厥有《國語》。」今《春 「左氏乃左史倚相之後,故其書説 一家書明甚。 氏,則不得 「左氏世爲楚史。」司 語 爲一家。文體 秋 »° 左氏王荆公以爲 傳  $\wedge$ 》作 國 馬 左氏 語 氏 楚

説,非也。《容齋三筆•書博古圖》謂《左傳》無玉磬之《容齋三筆•書博古圖》謂《左傳》無玉磬之「臧文仲以玉磬告糴于齊」,見《魯語》。

皆以 不 于荆。」 畢陽之孫豫讓,見《戰 樂弗忌之難,諸大夫害伯宗,畢陽實 書於《傳》,故 義烈著, 晋語》「伯宗索 所謂「是以似之」者。 表 而 出之。 士 庇 州 犂, 國策》。 得 畢 太 送 陽。 史公 祖 州 孫 及

《晋語》:「知宣子將以瑶爲後,知果

談 不聽,出,更其姓爲輔氏。」《韓非子》同云「更其 入見智伯曰: 史,爲輔氏。」《通鑑》取此。 日 因 智過即智果也。 朝智伯 『不如宵也。』弗聽。 而 出,遇智 『二主殆將有變。』智過言之 二説之先後不同 過 《戰國策》: 轅門之外。 知果 别族 于太 智過 張 孟

僑」,非也。

也。 騒 舉所謂 離,而遠者距違。」注: 揚雄爲《畔牢愁》,與《楚語》注合。 楚語》伍舉 騒 離 三,屈 E 平所謂「 「德義不行,則邇 騷,愁也。離,畔也。伍 離 騒」,皆楚言 者

馬

日

今以 子鳴玉以相。」蓋楚昭王時, 鞅者武之孫也。 楚公子圍至晋,晋趙武子鞅鳴玉 楚語》: 《皇王大紀》:「景王二年,襄三十年。 王 孫 「王孫圉聘於晋,定公饗之,趙簡 圉爲公子 圍 以 鞅爲武之子, 以相。」按

古者,孫以王父字爲氏。子産、子國之

子産之子,始爲國氏。 子、《國語》謂公孫成子、《左傳》謂 致堂作《子産傳》, 公孫 日 國

誤。 華城 注 「華陽城在鄭州管城縣南。」可以證今本之 彪 : 按下文「前華後河」,❶則上文當作「華」。 《鄭語》依、輮、歷、莘、《史記 日 西。史伯曰: 『華君之土也。』章 『華,國名。 「【莘」作『華』。」《水經注》: 「華陽 秦白 在 密 起攻 縣。』《括 魏,拔華陽。」 鄭世家》 地志》: 「黄水經 司 昭

《史記》: 死,臨河而歎。」索隱云: 之不令,不哀年之不登。」味其言,見其賢矣。 人,不哀無賄; 《晋語》實犫對趙簡子曰: 「孔子將西見趙簡子,聞實鳴犢之 哀無德,不哀無 「鳴犢,犫字。」《通 「君子哀無 龍 哀名

0 華」,原作「莘」,據嘉慶本、道光本改

續」,三十年,書「實犫對簡子」,誤也。 鑑外紀》於周敬王二十八年書「簡子殺鳴

文多以《國語》爲法。書,不謂君先之也。」然子厚《非國語》,而其書,不謂君先之也。」然子厚《非國語》,而其二,一久有意爲此江端禮嘗病柳子厚作《非國語》,乃作

如五言、六言、七言詩之類,非也。秦、漢以來,乃有句稱。今以一字爲一言,九言」,《論語》「一言蔽之曰: 思無邪」。古以一句爲一言。《左氏傳》「子大叔

無道; 晋之卻 之肇造,以寬仁得民,而不在五星之聚井, 官言五 凶。」杜牧注《孫子》曰:「歲爲善星,不 史墨曰: 福太一臨吴分。 敵,以 火爲罰星,不罰 將 「越得歲 相有人,而不在歲星之 真文忠公奏: 而吴伐之,必受其 有德。」嘉定中, 福 漢 日

臨吴。」

事。』《鹽鐵論》乃云: 云: 漢禮與律令同録,其制一也。 謂之三尺。曹褒《新禮》,寫以二尺四寸簡。 今一也。」蓋律書以二尺四寸簡,舉其 法律也」。 周傳》「不循三尺法」,注謂「以三尺竹簡 至 鄧 子産鑄 析《竹刑》, 「明啓《刑書》。」其來已久。《漢 朱博亦云:  $\wedge$ 刑 則書 書》, 於 趙 鞅、荀 「二尺四寸之律,古 竹簡矣。 「奉三尺律令以 寅 鑄《刑 然《甫 (大數, • 杜 刑》

忍辱者存。」吕居仁謂「忍詬」二字,古之格乎?」《説苑・談叢》云:「能忍耻者安,能避襄子曰:「以能忍耻,庶無害趙宗

言,學者可以詳思而

致

力。

管子能言之,而不能格齊桓之心。也。管子之言,即辛伯之諗周桓公也。然之子,此家亂也, 朝有疑相之臣,此國亂之子,此家亂也, 朝有疑妻之妾,此宫亂也, 庶有疑室

爲常; 子無 幸。」亦仲任之意。 文公謂 人。」愚嘗觀察邕《 幸 子 而 君子得 日 有不幸,小人有幸而 「君子得禍爲不幸,而 **泛**左 福爲常,而 獨斷》引王仲 氏》之失, 斯言可以正《左 小人得 在 無不幸。」 任 小人 以 福爲不 成 得 敗 氏》 禍 韓 論 君

服 俎 後世謂之『孔氏 傳》不復載也。」正義謂「孔氏聘辭」,不知 虔云: 何 禮也。 所出 「宋人享趙文子,叔向爲介。 仲尼使舉是禮也,以爲多文辭。」 「以其多文辭,故 聘辭」。 以孔 特舉 氏 有其 司馬置折 而 用之。 解,故

「數集」。注:「雜,匝也。人生子,從子至亥之亂,猶憂河水之少,泣而益之也。」《文子》作「一匝。」《淮南子》:「以數雜之壽,憂天下「一匝。」《淮南子》:「以數雜之壽,憂天下「是謂一終」,一星終也。今俗語云:

爲一匝。」俗語出於此

生五 之。」服虔注: 之言,不若此之甚也。」《列子》: 堅不祀忽諸。」使皋陶猶有後於秦,則文仲 後爲秦。 益也 | 睪」與 歲 或以 「皋」同。 李邕爲《李思訓 而 臧文仲聞六蓼滅,曰: 益 贊禹」,曹大家注: 「即庭堅也。」 爲 林 皋陶之子。 少穎 碑》云: 謂 睪子 伯 列女傳 益 灣禹,甘生相 泉 即 「夷堅聞 『皋陶、 陶 伯翳,其 》「睪 之子伯 而 庭 子

讎而不知有君,與不恤緯者異矣。《韓詩外傳》云:「魯監門之女嬰。」莒婦投紡,復其夫之君」,況委質爲臣者乎?《列女傳》「魯漆室女」,「嫠不恤緯」,齊女有禮。「漆室女憂

朝而變生焉。故曰:「誰能去兵?」備,其害皆見于後。唐穆宗之銷兵,則不崇漢世祖罷郡國都尉,晋武帝去州郡武

一七九

劉

知

幾

日

能

言吾祖

,郯子見師

語》。 不 時 黄 善 識 而 論 其 下, 鄭有行人子羽, 姓 如 氏 指諸掌。」鄭 籍 者,魯有 談 取 消。」 皆能 衆 漁仲曰: 仲 鄧 探討 一,晋有胥臣,見《晋 名 世 本源,自炎、 《世本》、《公子 日 春 秋

之慮,一朝之忿,不遑恤其身。」慮者豈止一身,直慮及天下千萬世, 小人務知小者近者。」程子謂:「君子之志,所務知小者近者。」程子謂:「君子之志,所

譜》二書,皆本《左傳》。」

墮地,未能開目視者,謂之寤生。」「莊公寤生」,《風俗通》云:「俗説兒

之。」吴、晋争先,雄之謀 孫雄、太宰噽。」然則雄 故《吕氏春秋》曰:「吴王夫差 黄池之會, 王孫 雄 亦噽之流 日: 也,然不 0 耳。 能 必 救 會 染 於 吴 而 之 E 先

壞自王朝始,諸侯何誅焉?

四 臣,然後可以言王佐。」」 不縮,其能正君乎? 而 心之非。 從君之命。 姬之惑,何也? 叔 向習 叔向娶於 春秋》,爲平公之傅,而 無諸 曰: 「正己則 己 申公巫臣 先儒有言: 而 後 非 諸 一氏,違 可 『寡欲之 自 母 以 不 反 之 能 格 訓 而 君

僅及於侵小。師保固如是乎?君。」公室之卑,私言於晏嬰, 杞田之治,君。」公室之卑,私言於晏嬰, 杞田之治,季武子曰:「有叔向、女齊以師保其

晋所 唐 之所受法 在。」晋鑄 變太宗之制 以 魯 用 立 刑 威 度。」周公之典,唐 田 鼎,仲尼曰:「晋國 也 賦, 則 仲 亂。 是 尼 以 夏有 日 漢 「典則 循 高 有 叔之法 祖之法 」,商云「成憲」,周 周 將 公之 度,魯、 守 則 唐 治 典 叔

● 「雄」、嘉慶本、道光本作「錐」。

攷之《穆天子傳》,穆王有

盛

姬。

蓋

温周禮之

晋

有

四

姬,

鄭

子

産

有

男

女辨姓

之言。

言, 亦此類。 言, 亦此類。 言, 亦此類。 言, 每每引用, 而輒有更易。穆姜於隨舉文 可復禮即仁也。」胥臣曰:「出門如賓, 承 己復禮即仁也。」胥臣曰:「出門如賓, 承 己復禮即仁也。」胥臣曰:「出門如賓, 承 己復禮,古人所傳, 非出於仲尼。 司, 亦此類。

故猶稱主君。

夫稱 子家子曰: 示之謗書。 也。《史記·甘茂傳》樂羊拔中山,魏文侯 矣。」魏戊曰: 妻稱主。《左傳》醫和謂趙孟 優施謂里克妻曰: 家,君之; 主 《晋語》樂氏之臣辛俞曰: 也。 再世以下,主之。」注: 樂羊曰: 齊 「齊卑君矣。」主君,大夫之稱 「主以不賄聞於諸侯。」此大 侯使高 「主孟啗我。」注: 張來 「此非臣之功也,主 唁公,稱主君。 日 三世 「主是謂 大夫稱主。 大夫之 仕

主君之味,易牙之調也。」魏以大夫爲諸侯,臺,魯君曰:「主君之尊,儀狄之酒也;君之力也。」《戰國策》梁王魏嬰觴諸侯於范

困學紀開卷之六

困學紀聞卷之六

困學紀聞卷之七

王應麟 伯厚甫

浚儀

公

羊

之學。 破矣。 法。 正 類、七缺,皆出於何氏,其《墨守》不攻而 休、《公羊》之罪人。 王魯之説,非《公羊》之言也。 嘗攷公羊氏之《傳》,所謂讖緯之文,與黜周 誼不謀利,明道不計功二二言,得夫子心 太史公聞之董生者,又深得綱領之正。 漢武尊《公羊》家,而董仲舒爲儒者宗。 五始、三科、●九旨、七等、六輔、二 晁氏謂: 蘇氏謂: 休負《公羊》 何

> 之。 《春秋》不始於孝公、惠公者,不忍遽絶之, 云: 猶有所待焉。 東遷,孝公之三十七年也。 休《公羊音訓》,當作「平王東遷三年,惠公 於何書。』《鹽石新論》以爲啖趙所云,出 東遷三年,魯惠公即位。《纂例》隱公下, 立」,此休一時記録之誤。安定謂: 所以始于隱公也。 筆談》曰: 『惠公三年,平王東遷。』不知啖趙 歷孝踰惠,莫能中興,於是絶 |《史記 年表》: 明年,惠公立。 平王 平 得 何

世,引「大夫出疆,有可以安國家,顓之可 望之引「士匄侵 君子大其不伐喪」; 命出奔, 漢以《春秋》決事,如雋不疑引「蒯聵違 輒距 而 不納。 齊,聞齊侯卒,引師 丞相、御史議 《春秋》是之」; 封 而 馮 還。

「三」,原字漫漶爲「二」,據嘉慶本、道光本正。

引「天王出居于鄭,不能事母,故絶之」。其不失制事之宜。至於嚴助以《春秋》對,乃也」。皆本《公羊》,雖於經旨有得有失,然

謬甚矣。

啊,欲以齊桓待秦政,不亦愚乎! 「沫」即「劇」也。此游士之虚語,而燕丹之用荆 有此習也。《穀梁》柯盟曹劇,《公羊》作「曹子」。然則 曹沫列刺客之首。此戰國之風,春秋初未 曹沫列刺客之首。此戰國之風,春秋初未 曹、八東三國, 一世子」。然則 一世子, 一世之一 一世子, 一世子

讎。」吁,何止百世哉! 者,承萬世無疆之統,則亦有萬世必報之爲非。然朱子序《戊午讜議》曰:「有天下爲非,然朱子序《戊午讜議》曰:「有天下漢武用此義伐匈奴,儒者多以《公羊》之説漢武用此義可以復讎乎? 雖百世可也」,

也」、「讎者無時焉可與通」,此三言者,君臣「臣不討賊,非臣也」、「子不復讎,非子

父子、天典民彝係焉。公羊子大有功於聖

《經》。

養子? 者,董卓、司馬師、孫琳、桓温之徒也,其可《孟子》曰: 「有伊尹之志則可。」若祭仲《孟子》曰: 「有伊尹之志則可。」若祭仲以祭仲廢君爲行權,范甯已譏其失矣。

《孟子》以爲盛,有激而云。
其心盈亦甚矣。《穀梁》以爲美,非美也,則致王世子于首止,今又致宰周公于葵丘,則致王世子于首止,今又致宰周公于葵丘,

猶無二名者。 名」,新莽之制,其出于此歟? 東漢之士,「董賢可謂賢乎!」又以仲孫何忌爲「譏二以衛石惡爲惡人,劉原父非之曰:

説《經》,蓋不泥於《公羊》也。晋江虨曰:爲妻也。董仲舒謂成風,先儒取之。仲舒爲妻也,所致夫人」,《公羊》以爲姜氏,譏以妾

八四

厭屈私情,所以上嚴祖考。」曾謂:《周

「晋人執宋仲幾于京師。仲幾之罪禮》在魯,其臣無一江虨乎?

何? 受功。」「蓑」字當從《漢志》作「衰」,音初爲反。 是也。」《漢 衰,差也。 幾亡尊天子之心,而不衰城。」顔 衰城 遲速衰序,於是焉在。」又云: ,謂以差次受功賦也。」按《左氏傳》: 不養城也」,注云: 與《左氏》合。 五行志》: 「若今以 「董仲舒 「宋仲幾不 仲幾之罪 以 注 草 爲 云: 衣 宋 中 城

擊征 也。 葵、手足掔爲骹、全菹爲芋、祭 黨、往殆、于諸、累、悅、如、昉、掊、脰之類是 麴数日 來、化我、樵之、漱浣、筍將、踊爲、詐戰、往 鄭康 公羊子,齊人。其傳《春秋》多齊言 滑曰隨、相絞訐爲掉磬、無髮爲秃楬 媒、疾爲戚、麋爲獐、漚 成北 海 其注三《禮》多齊言 爲 日後、椎 墮、題 肩 爲 謂 終 登

年,而云諒闇,此服

心喪之文也。

叔

向

不譏

議太子之服,謂:「周公不言高宗服

喪三

達於庶人。」左、杜

而忘諸乎? 杜預在晋,

景王除喪,而

譏其宴樂已早,明既

葬應除

謂: 也。 糠爲 乎天子。」《孟子》曰: 悖理又甚 氏》以爲禮,以爲孝,其 變矣。」公羊子之言,天理民彝之正也。 吉者主於己,以爲有人心焉者,則宜於此 之内不圖婚娶者,大吉也,非常吉也。 言之異如此,則《書》之誥誓其可彊 相、 娶在三年之外則何譏 「文公二年,公子遂如齊納幣。 「諒闇既終,嘉好之事,通于外内。」其 殷聲如衣、祈之言是之類是 焉。 《中庸》曰: 「三年之喪,自天子 害教 乎喪娶? 「三年之喪,達 最 甚。 通哉 譏 也 杜 其爲 Æ 左 娶 方

而

違

諒

闇之節也。」司馬公以

爲

巧

飾

## 穀梁

主,《 乎?』《孝經序》襲其 (傳》 殊 經》以 穀 説,庸 梁 傳序》 必當爲 得 不棄其 理。 語 「凡《傳 夫至 所滯,擇 》以 當 無 通 善而 ^ 經 而 \* 從 爲  $\equiv$ 

鄭, 可, 州」,注:「冀 在今京兆, 也。」《淮南子》: 謂 在 桓 在冀 今河 五 年《傳》「鄭,同姓之國也,在 南,其 其 州 則非。 地 (州則近京 屬 「正中冀州 地屬豫 雍 或曰: 州。 師。」 州。 東 日中土 遷之後,徙 按鄭之始封 「冀州, 謂近京 0 乎冀 中 師 新 州 則

口:「楚之伯,秦之力也。自滅庸以後,秦梁》曰:「秦之爲狄,自殽之戰始。」止齋秦自殽之敗即楚,見呂相絶秦,故《穀

爲楚役。」

之大幾,用其言而不用其人,何哉? 遮説漢王,趙涉遮説條侯,繫天下興亡安危 伯宗攘輦者之善,穀梁子非之。董公

通》: 之氏爲所,非 氏,非但出 相如傳》。 宛,先儒謂大夫未爵命於天子,不氏。 見于史者,漢 隱九 「所姓,宋大夫華所事之後。」魯有 後漢 年「俠 於宋也。 也 有 有所忠、《食貨、郊祀志》、《石慶 :所輔。 卒。 然無駭、翬、挾、柔、溺 「俠者, 所 《獨行・ 劉茂傳》。 俠 也 70 《風 所 則俠 司 俗 所 氏 馬

月云: 服 注《 定 一月庚子,孔子生。」《穀梁傳》於二十年十 以 虔載賈逵語云 經》云: 《公羊傳》於襄二十一 孔 子爲襄二十一年生也。 「庚子,孔子生。」二十一年,賈逵 「此年仲尼生。」昭二十四年, 「仲尼時年三十五。」 年云: 《 孔 子世 + 有

學紀聞卷之七

困

家》云 經》拜之。 史記》。 年之差,以月則《公》、《穀》有一月之差。 臧榮緒以宣尼生庚子 然以 魯 襄 年則《公》、《穀》、《史記 公二十二年 生。」: 日,陳《五 杜 注 》有 從

不共貢 欲 是始終,蓋 書《春秋》,曾是以 侯國不守典禮 職 傷 而 使 周 m 石 歎 尚 河面 爲禮 魯 歸 使 也。 脈 乎 宰 ?  $\sim$ 咺  $\Rightarrow$ 穀梁》 經》書 歸 賵 謂 天 石 王 侯國 尚 以

今不可攷。

《傳》,何休引緯以汨《經》,唯甯之學最善。徵聖《經》而詰衆《傳》。」蓋杜預屈《經》以申《文中子》謂:「范甯有志於《春秋》,

厶

相合。此古禮之存者。 傳略同; 言蒐狩之禮,與《毛詩·車攻》傳《穀粱》言大侵之禮,與《毛詩·雲漢》

帝集諸學士作《白虎通義》。因《穀梁》之《左傳》正義云:「漢代古學不行,明

也。 豈亦有逸篇歟? 田 之蒐何? 爲苗除害,上以共宗廟,下以 IE 地而取之也。 春謂之田 文,爲之説 除害也。」」今《白虎通義》十 義謂明帝,亦誤 夏謂之苗何? 何? 蒐索肥者也。冬謂之狩何? 日 四 春,歲之本,舉 -然章帝會諸儒於白 時之田 王者諸侯 擇其懷任 總 名 所 爲 簡集士 卷, 本 者 以 田 名 也 田 無 何 而 獵 一衆也 虎 此 ? 言之 秋 何 觀 爲 謂 守

尸 孝公時 人,然不可攷。 校與 穀梁子,或以爲 商鞅 人。 今按: 同 ,時,故 《漢書》但云魯學。 以 名赤,或  $\wedge$ 傳》 穀梁子爲秦孝公時 載 以 尸 爲 子 名 学之 「俶,秦 語

子之言。 子爲似夫子,立而師之。 曰: 哉?」曰: 其言行氣象有似之者,如《檀弓》所記 聖人,欲以所事孔子事之。」朱子云: 『蓋 《孟子》謂:『子夏、子張、子游,以有若似 之問,乃叱避而退,則固有常師之號, 量以 也。」曰:「柳子謂孔子之没,諸弟子以有 公采雜説之謬,宋子京、蘇子由辨之矣。 稱子。其説非與?」曰:「非也。此太史 如?」曰: 謂有若之言似夫子之類是也。」豈謂貌之似 或問: 「程子謂此書成於有子、曾子之門人 而有子、曾子獨以子稱,何也?」 「宰我、子貢、有若智足以 「有子不列于四科,其人品何 「《論語》首篇之次章,即述有 其後不能對諸子 知聖 子游

> 厚和易而已也。」曰:「有子、曾子並稱,然 之矣。《荀子》云: 見於《論》、《孟》。而《論語》首篇所載,凡三 聞與?」曰:「盍徹之對,出類拔萃之語 斯道之傳,唯曾子得之。子思、孟子之學, 易,其然與?」曰: 「吴伐魯,微虎 以見其苦學。」」曰: 之言也。其論「晏子焉知禮」,則《檀弓》述 章,曰『孝弟』,曰『禮』,曰『信恭』,尤其精要 我、子貢之流亞也。」曰: 智足以知聖人,而未能力行也。 曰:「曾子守約而力行,有子知之而已。 曾子之學也,而有子之學無傳焉,何歟? 王舍,有若與焉,可謂勇於爲義矣,非但 人。此《孟子》之言也。蓋在言語之科,宰 『有子惡卧而焠掌,可 「朱子謂有子重厚 「有子之言,可得 《家語》稱 欲宵攻 和 重

有常」,嘉慶本、道光本互乙。

0

困學紀聞卷之七

若,若對 也。 其『 日 學莫先焉。 弟務本,此人道之門、積德之基,學聖人之 喪之踊 空,造一貫忠恕之域,吾見其 矣。」曰: 一彊 學曾子者,當自有子孝弟之言 「王無 【檀弓》記有子之言,皆可信乎?」 識 以 好古道」,其視以魯得之者, 爲 「學者學有子可乎?」曰:「孝 孺 未 咎嘗辨之矣。若語 可。 子 能 賴之喪,哀 服 皆非 行 斯 也。 言, 公公欲 唯《論 而 自 欲 設 子 大 語 撥 游 凌 而 始。」 欲 高 有 以 無 去 載 問 得 厲 間

不言社主,然正義必有據。
《春秋》正義必有據。
、《春秋》正義必有據。
、《春秋》正義必有,以其土所宜之木。亦等並爲廟主。」今本作「問社」、《集解》用孔等並爲廟主。」今本作「問社」、《集解》用孔。

「里,居也。居仁如里,安仁者也。」「以擇爲宅,則里猶宅也。蓋古文云然。今處仁,焉得知?」里、宅,皆居也。石林云:處仁,焉得知?」里、宅,皆居也。石林云:處仁,焉得知?」里、宅,皆居也。石林云:水寒, 是

我」,默識心通也。「理明辭達也。「回非助「商爲起予」,理明辭達也。「回非助

於民。」《集注》取之。《説苑》:「管仲築三歸之臺,以自傷

固 於直 謂 非 也。 枉之所能 王景文日 「舉直 舉直錯諸枉,舉枉 舉枉 而 服 而 加之枉之上 也。」若諸家解,何用 加之直之上,則 孔子見起證 錯諸直」,孫 則 民 而 民 服 加二「諸」字。 **在** 知其末, 不 服,直 季 固 服 和

子見進 帝道 故 日 可 人,時難人難,不其然乎?』」邵子之言,見《觀物 日 • 坐 可舉。 『苟有命世之人,雖民如夷狄,三變而 mi 證 致 『其或 而 也 惜時無 知 邵 其 繼周者, 極 氏 故故 百年之世,世無百年之 (見困 雖百世可 日 : 證 而 千 知 知 歲之日 其窮, 也。」孟 故

端也。 「屢空」,不取虚中之説,恐學者流於異「屢空」,不取虚中之説,恐學者流於異

굸 續。 爾。 之欲。」亦以「棖」爲「棠」,則申棠、申棖一人 後漢《王政碑》云: 「黨」、《家語》以「續」爲「績」,傳寫之訛 唐 申棖」,鄭 『申續,字周。』」今《史記》以「棠」爲 史記》云: 開 元 封申黨召陵伯,又封 康成云: 『申棠,字周。』《家 「有羔羊之絜,無申棠 「蓋 孔 申帳魯伯 子弟子 也。 申

黨,無申棖、申堂,今所傳《禮殿圖》有申錄、論語釋文》也。《史記》索隱謂:《文從祀。「黨」即「棠」也,一人而爲二人,失於本朝祥符封棖文登侯,又封黨淄川侯,俱列本朝祥符封棖文登侯,又封黨淄川侯,俱列

《論語》注疏無之。《逢盛碑》,以爲后橐。孟康之説未知所出,自知。」孟康注:「人,項橐也。」《隷釋》載舒《對策》:「此亡異於達巷黨人,不學而好《對策》:「此亡異於達巷黨人,不學而

適諸侯,或入河海。」《古今人表》列大師 成以爲周平王時人。 「大師摯適齊」,孔 「殷紂作淫聲,樂官師 師摯之始」,鄭康 安國 瞽抱其 成謂 班 以 固 爲魯哀公時人,康 《禮樂志》謂 「魯太師之名」。 器 面 犇 ,散,或

<sup>● 「</sup>日」下、嘉慶本、道光本有「至」字。

日 《人表》亦列此二人於師摯八人之後 也。」諸説不同,横渠從孔安國注 紀》紂世抱樂器而犇者,大師疵、少師 以下八人於紂 兩事爲一。」石林云: 師摯見之矣。」則師摯, 時。吴斗南 「司馬遷論周 云: 厲王時人 按《商 属王 公,誤合 温也 事 本

見《大戴禮・文王官人篇》。「考其所爲,觀其所由,察其所安」,亦

雖 信好之。如五千言,或古有是語 掌國之典籍、三皇五帝之書,故能述古事而 曰 : 朱文公曰: 不作,信而好古,皆可見。 列子》引黄帝書,即「谷神不死」章 知 「老氏 老彭」,鄭注云: 謂行之反 『謀用是作,兵由此起』,亦有此 以自然爲宗,謂之不作可 「以《曾子問》言禮證之,述而 以 多事,故 「老聃、彭 蓋聃,周之史官, 欲 祖 滅絶之。 而傳之。 0 也。 也。」 龜 聃 Ш

有啓發,非以爲師也。」以絶滅禮學之故,振而作之,使於問答之際意。」致堂曰:「仲尼問禮,或以證舊聞,或

代因立互鄉縣。其城猶存。」應邑屬亳州。人相傳,謂互鄉童子見孔子者,此處也。前王無咎云:「鹿邑之外有互鄉城,邑

「不舍晝夜」、《釋文》:「舍,音捨。」「無注》亦云「上聲」。而《楚辭辨證》乃朱子舍,皆此義。』《論語》不舍晝夜,謂曉夕不息告,皆此義。』《論語》不舍晝夜,謂曉夕不息時歲之書,當從之。

仇。 從衡、李斯、韓非同學刑名,始也朋 故曰: 思欲 四教以文爲先,自博而約, 龐涓、孫臏同學兵法,蘇秦、張儀 近,近則精, 「小人同而不 慮欲遠,遠則 和,比而 四 不周。」 科以文 而 周 終也 同 學

爲後,自本而末。

子則抑之,勉其學也。 互鄉童子則進之,開其善也, 闕黨童

邦」也, 夕陽亭一言而召五胡之禍,「一言草廬一言而定三分之業,「一言之興

之喪邦」也。

慈子孝」,加一「則」字,失本義矣。使臣以禮,則臣事君以忠。」東澗謂如言「父使臣以禮,則臣事君以忠。」東澗謂如言「父尹和静云:「君臣以義合者也,故君

屈」,孟子泰山巖巖之氣象也。也。「富貴不能淫,貧賤不能移,威武不能實若虚,犯而不校」,顏子和風慶雲之氣象實若處,犯而不校」,顏子和風慶雲之氣象

「麻冕,禮也; 今也純,儉」,鄭注:

《周禮》「純帛」,注: 音。 字糸旁才。 糸、オ。」《詩・行露》箋「豺帛」、《釋文》云: 本字不誤。「紂帛」之「紂」,多誤爲「純」。 『緇』以『才』爲聲。」《釋文》: 疏,古「緇」、「紂」二字並行,「緇布」之「緇」, ·士妻紂衣。<<(儀禮》「純衣」、《釋文》無音,亦非也。 純,黑繒 今讀者從上音如字,非 「純、絲也。」取《説文》。 後人以才爲屯,因作純。」又《丰》詩 也,側 基反。」而《釋文》以 「純,實「緇」字。 「純,側其反,依字從 也。 「紂,音緇。依 按《儀禮 鄭 爲 굸 古 下

雅》: 謂 緣」、「練冠、麻衣縓緣」。 爲「縓」,則「緅」不可 曰 爲緅,七人爲緇。 緅。」石林云: 《考工記》三人爲纁,五 『一人爲 君子不以 緅,絳色。 **紺緅飾」,孔氏注:** 縓』。 以 飾 緅 《禮 爲 練 在 蓋孔氏誤以「緅」 服。」亦 近 纁、緇之間。 》「練 喪 服 用孔 衣 黄 集注 裹 縓 爾 E

飾衣,似讀鄉爲縓。」當以石林之説爲正。 義曰:「一人爲緅,未知出何書。」又云:「三年練以緅

嚴。」《 《禮緯含文嘉》,有三綱之言,然緯書亦起於 西 常。」《大學衍義》謂三綱之説,始見於《白 極、天永厥 通 漢之末。 馬 太玄 愚按: 融注《論語》云: 福。」其説尚矣。《禮記》正 永》次五 《谷永 傳》云: 云 「所 「三綱 因,謂 勤  $\equiv$ 得 三綱 義 綱 于 引 之 虎 中 五

子路請禱,可以參觀。敢先,居處若齊,食飲若祭,吾卜之久矣。」」子貢出卜。孔子曰:『子待也。吾坐席不子貢出卜。孔子曰:『子待也。吾坐席不

《太極圖説》同。
「仁者静」,孔安國云:「無欲故静。」與

執。《記》曰:『秋學禮,執禮者詔之。』蓋石林解「執禮」云:「猶執射、執御之

《頌》,以《時邁》爲首,而《武》次之,《賚》爲 所陳者爲大小; 《大雅》皆正 義之遺。 者爲先後者,删詩之序也。」其説可以 者、《詩》未删之序也。論政事之廢興,而 之、、雅》以正變爲大小、《頌》以所作爲 第三,《桓》爲第六,以所作爲先後。 以此 之衰、《大雅》爲文王之德。《小雅》皆變雅 所」,云:「季札觀魯樂,以《小雅》爲周德 此禮之見於書者也。」解「《雅》、《頌》各得其 祭之日,執書以次位常。」凡射事 官•大史》: 古者謂 持禮書以治人者,皆 雅。 『大祭祀,宿之日,讀 楚莊王言武 推功德之形容,而 曰「執」。 王克 執其禮事 禮 以 商,作 補 先 可  $\sim$ 告 周 後 攷 注 以

將誅矣,告吏曰:「父竊羊而謁之,不亦信而謁之上。上執而將誅之,直躬者請代之。《吕氏春秋》: 楚有直躬者,其父竊羊

誅之, 信。」 也。 誅 乎 也。 而《吕氏春秋》以爲人姓名,妄也。」 此即葉公所 一父而載取名焉,故直躬之信,不若無 國將 父誅 孔子聞之曰: 而代之,不 有 不誅者乎?」 云 也。 亦 「異哉,直躬之 致堂日: 孝 荆 乎 王 聞之, 「直躬,猶曰 信 且 爲 乃 孝 信 不 而 Œ

衢 臣、九臣。 武嘗服九 周 生烈子云 一、較以 馳 文塗。 「舜嘗駕 此 五 上御 龍 以 也 騰 謂 唐

武

五.

己,

言參觀 矣。」可以 不博 害,非以博 而日不足。 文子曰: 弈 發明 爲賢 也。 無 「人皆 讀此 以博 所 用 章者 弈之日 以 心之戒。 無 當以 用 韋 問 害 昭之論 言無所用 道 有 聞聞 用, 陶 故 見 心之 侃 知 深 之

汝 淵 。」注 俱 不 引《論 操《祭橋玄文》曰 如 也。」 語》 按包氏 孔子謂 解 云 子 仲 貢 尼 一吾 稱 與 不 女 吾 如 俱 與 顔

逸民各論

其

(行, 而

不

及

朱張。

或

日

不 如 \_0

子。」其説本董仲舒《春秋繁露 篇》一尹氏 男,皆君子雄俊,此天所以 在虞官。」 語》「文王詢 時。 周有八士」,包氏 以仲舒「興周」之言攷之,當在文、 八士」,注云: 八虞」,賈逵云: 興 注云: 周 國。 武 同周 王賢 周 \* 書 四 謂 臣 八士,皆 乳 四 一。」《晋 産 武 生八 得 寤

問 翟,晝日諷誦習業。 氏》不精,二者皆誤。 以獻子爲穆伯之子, 始於戰國之士。其流及於漢儒,雖韓退之亦不免。 焉。」注引《論 ^ 東坡解「孟莊子之孝」爲獻子,石林 吕氏春秋·不苟 語 》「夢見周公」。 夜親見文王、周公旦 致堂取 以惠叔 論》云: 蘇説, 爲惠伯,讀《 而不辨其誤。 孔 孔、墨 丘、 並 左 謂 而 墨

其行與孔子同,故不復 論 也。」《 釋 九二 文》引王

一九四

身之文也。身將 弼 放、置也、不復言世務。」介之推 注 虞 朱 仲 夷 張 逸,隱 ,字子弓,荀卿以比 隱,焉 居放言」, 用文之。」《 日 包氏 孔子。 中

「其默足以容。」古注亦有味。

蓋如伯達、仲忽,亦名而已矣。」 彼已去國,隱 仲曰 E 陽篇》,未詳何書。 人?」彭年日: 名智,字公達,伯夷之弟。齊,亦謚也。《少 墨,名允,字公信。伯,長也。 「《春秋少陽》。」夷、齊之父,名初,字子朝。 論語》疏:「案《春秋少陽篇》伯夷姓  $\sim$ 少陽篇》以夷、齊爲 「伯夷、叔齊也。」上問: 居終身,尚誰爲 真宗問陳彭年:「墨允、墨智 夷,謚。 之節 伯、叔 「見何 惠哉? 之謚 胡 書?」 叔齊 明 何

之。斯人清風遠韻,如鸞鵠之高翔,玉雪之子之操,雖未能充其類,然唯孔、孟可以議沮溺荷蓧之行,雖未能合乎中, 陳仲

民清士,乃在譏評之列,學者其審諸!鼠糞壤也。小人無忌憚,自以爲中庸,而逸不汙,眎世俗殉利亡恥、饕榮苟得者,猶腐

《集注》引晁、劉兩説,「共」字當爲「拱執」釋之。」蓋因「子路共之」而爲此説。朱文公釋之。」蓋因「子路共之」而爲此説。朱文公

本王無咎之説。而不語力,語治而不語亂,語人而不語神。」上蔡云:「聖人語常而不語怪,語德

上、中、下三科。」五峰謂此説是。「爲力不同科」,馬融解云:「力役有

譬諸草木,區以别矣」,五峰曰:「草

凌雲 木 面 生 文公日 未嘗自外增益之也。」用《樂記》區萌字,音勾。 蔽 於 粟 日 粒之萌, 據山蟠地,從初具乎一萌之内, 「林少穎亦説與黄祖舜如 及 其 長 大, 根 莖 華實,雖 此

孔子。 《漢·藝文志》「小道可觀」、《蔡邕傳》 以能問於不能」,以曾子之言爲不子。《唐·孔《漢·藝文志》「小道可觀」、《蔡邕傳》

勇也。 伐魯,忌卞莊子,不敢過卞。」此可見其有序》。」愚按:《荀子·大略篇》:「齊人欲序》。」 愚按:《荀子·大略篇》:「齊人欲下莊子之勇,《或問》云:「事見《新

乃 日 西 注《漢書》云: 舜都也。 ,寧死唐虞揖遜 爲是。」石曼 史記》正義: 余嘗攷之《曾子書 「伯夷歌 (卿詩 品。 「首陽 曰: 謂 登彼 恥 首 Ш 陽 有 西 》,以爲夷、齊 在 生 五 山 河 湯 \_ 東蒲坂 武 當 顔 干戈 以 師 隴 古

爲得其實。澮,水名,《左氏》所謂汾澮。「二子居河、濟之間。」則曼卿謂首陽在蒲死於濟、澮之間,其仁成名於天下。又云:

於水也,亦亞於孔、孟矣。於此見格物「水至平,端不傾,心術如此象聖人。」其觀孟子觀之而明爲學之有本。荀子亦云:水一也,孔子觀之而明道體之無息,

誥》,有感悟,反己切責,若無 己省察如此 人」,遂 吕成公讀《論語》「躬自厚 終 身 無 暴怒。 絜 齋 所容。 見 象 而 Ш 薄 前輩 讀 責 於 康

「夫子之教,必始於《詩》、《書》而終於《禮》、 則始乎爲士,終乎爲聖人。」《經》,謂《詩》、《書》。 其數則始 樂》,雜説 孔庭之教曰《 乎 不 與焉。」《荀子·勸學》亦 誦《經》,終乎 詩》、《 禮 讀 × **禮** 子 思 其義 日

目。 可 眼 。」《陰符經》: 筠 不 寢 分, 《心 欲,使心不亂。」 日 蔡季通釋其義 石 四 色,均是意 以 勿 目 九 爲伏虎,視 念親者,莪蒿莫辨,心惑其 .論》: 思 皆 也 「心生於物,死 以 日 以以 \_\_ 西方論六根六識 汩 視 其 爲 動 「《老子》曰: 心 先 神者心,亂 也 見 於物,機 閔 弓 周 以 視 者 爲 心 示不 也。 虵 者 在

見

日

目

吴

見

識 夢 庶人不議。」而不 欲 及 之。 前 ,士亦有言責 毀鄉校者,有 世之衰,公卿大夫 幸 古者士傳言諫, 輔 以 太學 所 也。 謂 上 及士,其指微矣。 書 處 不言 夫子 土 其言責 求 余 横 跋 日 議 圃 語。 : 士言之,於是有 者,不知三代之 與公卿大夫等。 夢 「天下有道, 中 作 乙酉二月 此, 寤 面

裳 謂 非 朝 祭之 帷 裳, 服, 必 其 殺 之, 制 IE. 幅 鄭 如 康 帷 成 云 非 帷 裳 帷

> 者 正 謂 義。 深 《集解》不取《集注》,用 衣 削 其 幅 縫 鄭説 齊 倍 要。」 見《 春

九六

居楚。」 里, 南 有 游 孔 澹 至江」。 門 臺 弟子,唯言偃「吴人」,而 湖 \_ 《史記》 ^ 儒 林 正義 傳  $\forall$ 澹 蘇 澹 臺 州 臺 子 南 滅 羽 五 明

聞之, 邑 然亦 子 使弟子令徒役 『魯君有民,子奚爲 漿飯,要作溝者於五父之衢 魯以 孫使者至,讓曰: 也 駕 《韓 夫 加 五月起衆 使子 子 去 非 去魯之 魯 **>** 貢 心此 Ě 而 往 爲 **飡之,將奪肥之民耶?**』 雖 覆 長 「季孫 肥肥 事 與《 乃飡之?」言 其 溝 也。 ''; 子 飯 論 也起民 相 語 路 撃 攷《左氏傳》郈 魯,子 **≫**′ 以 毁其 而 而 史記 其 飡 使之, 路 未 之。 私 器, 卒, 爲 素不 秩 叔 郈 先 孔 粟 而 日 孫之 令。 生 季 爲

申 屠 嘉 不 受私 謁 則 可 以 折 幸 臣 董

无以害。 IE. 仲 霍氏 舒正身率下,則 不能誣; 故曰: 「其身正,不令而行。」苟 可以事驕 袁安、任隗以素行, 王。 魏 相 以 竇 氏 廉

IE

其身矣,於從政乎何有

?

諂石 也。 也; 以爲君子。」 [顯,禍 朱博之黨丁傅,福可求乎? 君子不因小人而 不因小人而 可避乎? 避禍, 故 求 福、孔 日: 叔向之於樂 「不知命,無 子之於彌 賈捐之之 王鮒 子

「審富貴,安貧賤」一語。 朱子以無垢爲雜學、《論語集注》獨取

道體無不在,借鳶 窮,借水以明之; 心,豈常人之所 然不動,感而 二出 人無時,莫知其鄉」,常人之心也。 陳仲猷曰: 遂通」,聖人之心也。聖人之 無哉? 「『逝者如斯夫』,道 魚以 『鳶飛戾天,魚躍 明之。」葉仲 昏與明異而已 圭 于 淵, 「寂 日 體 無

仲猷、仲圭、皆余同年。

意矣,當從舊説。 下。」愚謂以「風」爲「諷」,則與「詠而歸」一舞雩,風,歌也。」仲長統云:「諷於舞雩之舞焉,不充云:「浴乎沂,涉沂水也。風乎

《史記》趙良之言。《商君傳》。 之化民也深於命,民之效上也捷於令。」本上蔡《論語解》引元澤云: 王元澤。 「教

喜,三去相而不悔」。與令尹子文之事相《史記·循吏傳》「孫叔敖三得相而不謀,不對而出。按《左氏傳》甯殖當爲甯喜。《集注》蘧伯玉於孫林父、甯殖放弒之

以爲師。」
《墳》、《典》、《索》、《丘》,足以爲史,而不足。
「温故而不知新,雖能讀

類,恐是一事。

劉子《謹獨篇》曰:「顏回不以夜浴改

九八

容。」《 聞 子四十六歲」,非老而學者。 天下。」皆未詳 顔 氏 家 訓》 所出。 日 : 《家語》「曾參少孔 曾子七十乃學,名

享。 堂、胡氏之説當矣。《家語》不列其名氏,蓋 自《史記》失之。《家語》有縣亶,字子象, 弟子列。《禮殿圖》有之,而唐、宋皆錫封 史記》索隱以爲縣豐,唐、宋封爵,皆不及 《禮記•檀弓》有縣子,豈其人與? 公伯寮非孔子弟子,乃季氏之黨,致 蘧伯玉、《史記》謂孔子所嚴事,不當 從 在

黨狂 雜 南 郭 也。」非以狂狷爲譏 **涓**,南 惠子問 柳子厚《與太學諸生書》曰: 郭獻 於子貢 譏。」按《荀子· 日 「夫子之門,何其 法行篇》: 「仲尼吾

者,纔足謂之無不可爾。 聖人從容中道, 無 可 無 不 無 可」,致堂 所 偏 倚。 馬援以此稱高帝, 謂 世之通儻不泥 以 五字成文。

> 亦 稔於常談

己。 論學則曰正心,論政則曰正身。 夫子之割之席,曾子之簣,一於正 ௱

公所謂常人也。 斯可矣。」善人,周公所謂吉士也。 善人吾不得而 見之矣,得見有 有恒 恒者, 一,周

蓋即《莊子》所謂尾生。 微生高、《漢・古今人表》作「尾 東方朔曰: 「信若尾生。」然尾 生

高。

生

鄭校周之本,以齊古讀正,凡五 一十事。

之信,非信也。

《釋文》。

説鑿 《傳》攷之,昭公十二年,南蒯叛,孔子年方 二十有二,子路少孔子九歲,年方十三。 陳自 而不通矣。 明以「子見南 子」爲「南 蒯 其 以

必爲之事也。其傳《易》曰: 聖人毋必,而 鄉黨言「必」者十有 「積善之家, 五,記

恐誤

然之理也。 然之理也。 然之理也。」「小人勿用、必亂邦也。」著必必有餘慶, 積不善之家、必有餘殃。」「陰

E. C. ? 子貢聞「一以貫之」之傳,與曾子同。《貨殖》何足以也。又列于《貨殖傳》,以《論語》一言,而斷其終身可乎? 也,存魯,亂齊,破吳,彊晋,伯越,是以戰國説客視子貢一出,存魯,亂齊,破吳,彊晋,伯越,是以戰國説客視子貢 孔門受道,唯顏、曾、子貢。太史公稱,子貢

惡不力,則爲善不勇。施於人」,「勿欺也」。皆斷以「勿」,蓋去聽,非禮勿言,非禮勿動」,「己所不欲,勿聽,非禮勿言,非禮勿動」,「非禮勿視,非禮勿

爲邦」,成己成物,體用本末備矣。 孔門獨顏子爲好學,所問曰「爲仁」、曰

反而」即《詩·常棣篇》,孔子删而不取,「唐棣」與「常棣」不同。致堂謂「偏其

夫子與其進,是以知習之可移。 是以知心之易放。互鄉之童,難與言者也,

### 孝經

槃佑,東晋處士也。
有孔、鄭、王、劉、韋五家,而無虞翻注。有虞有孔、鄭、王、劉、韋五家,而無虞翻注。有虞

也。 於子思之手。」 當是曾子弟子所爲書。」馮氏曰: 『吾志在《春秋》,行在《孝經》』,則孔子自著 子類而成書。」晁子止 曾子問孝於仲尼,退而 中庸》,追述其祖之語,乃稱字。 今首章云『仲尼居』,則非孔子所著矣。 致堂謂: 「《孝 經》非 謂 與門弟子言之,門弟 曾子所自爲 「何休稱子曰 是書當成 「子思作 也。

學 紀 聞

魯國三老所獻。」其説不同 壁,而許沖上其父《説文》曰: 古文孝 經》,《漢志》、《書序》謂 孝昭帝時 出孔

《孟子》爲疑,非篤論也。 注》,取荆公之説。 謂介甫阿其所好。蓋子止守景迂之學,以 義則争之,非責善也。晁子止《讀書志》,乃 云 當不義,則子不可不争於父。《孟子》 「父子之間,不責善。」荆公謂 朱文公於《孟子集 當不

誤》亦無之。近世所傳《刊誤》,以五字人經文,非 通 爲經文,古今文皆無,《朱文公集》所載《刊 也。」范太史《説》誤以「言之不通也」五字 「是何言與」,司馬公解云:「言之不 也

澄 而《孝經》注云:「上帝,天之别名。」故陸 注《五經》不同。」今按: 間不與注書相類。 孝經》鄭氏 注,陸 德明云: 康成有六天之説, 「與 康成

> 稍異。 禮; 争臣二人,則宗廟不輟。父有争子,不行無 有争臣三人,則社稷不危, 國,有争臣四人,則 (荀子》述孔子之言曰: 士有争友,不爲不義。」與《孝 封疆 示削 ; 百 一昔萬 乘之國,有 千乘之國, 乘之

嚴,裒集格言爲《五致録》。 亦以五致類事,忠肅之書本於此。 彭忠肅公以致敬、致樂、致憂、致哀、致 司馬公《家範

小同。」 説,自注以奪二家。 不載。通儒皆驗其非。 注,今十八章。 二十二章,有《閨門篇》,爲世 《國史志》云: 相承言康成作、《鄭志目録》 「《孝經》孔安國 然尚 開元中,孝明纂諸 不 知鄭氏 所 疑。 [傳,古 之爲 鄭 氏

孝,故皆從孝字。」慈湖、蒙齋謂古「孝」字,只是學 王去非云: 「學者學乎孝,教者教乎

字,郭昭卿《字指》作「如》」。字。愚按:《古文韻》「學」字,古《老子》作「如》」。「教」字

「小心翼翼。」「不敢毀傷」至「不敢失於臣妾」,言「不敢以傷」至「不敢失於臣妾」,言「不敢知而」。《管子》曰:「賢者行於不敢而」。《管子》曰:「賢者行於不敢而

言也。見東漢《章彪傳》注。「求忠臣必於孝子之門」、《孝經緯》之

之萬卷,不如盛、綽之一言。學不知要,猶 以立身治國,何用多爲?」愚謂: 乎?」蘇綽戒子威云: 不學也。 曰 劉盛不好讀書,唯讀《孝經》、《論語》, 一誦 此能 行足矣,安用多 「讀《孝經》一卷,足 誦 而 梁元 不 帝 行

梅溪也。見人禮塔,呼而告之曰:『汝有在神。」真文忠公《勸孝文》曰:「侍郎王公蓋范太史《孝經説》曰:「能事親則能事

家佛,何不供養?』蓋謂人能奉親,即是

奉佛。

議,明堂以考肅宗配上帝,一時誤禮,非「祀無豐呢」之義。祖,則明堂非以考配明矣。」自唐代宗用杜鴻漸等「周公宗祀乃在成王之世。成王以文王爲「嚴父莫大於配天」。神宗聖訓云:

戰兢知免,而易簣得正,猶在其後,信乎終孝子之心,昊天罔極,未爲孝之終也。曾子「孝子之事親終矣。」此言喪祭之終,而

之之難也。

困學紀聞卷之七

# 困學紀聞卷之八

王應麟 伯厚甫

誤以韓宣子爲季札

《書碑傳·臣辯》誤以晋侯重耳爲申生。誠齋《易傳後序

解》誤以「臨深履薄」爲衛武公之詩。

無逸傳》誤以「不解于位」爲《泂酌》。

吴才老

致堂

近仁。」誤以《中

庸

》爲《論

語》。

無垢《

孝

經

浚儀

孟 子

勢,如鎔鑄而 之誤。] 吴伯豐以問朱文公,文公答曰: 其詞。」又第四章「決汝漢」,注曰: 首章「道性善」,注則 《孟子》之書,孟子自作。 書,非自著。」謂《史記》近是。 ·前説是,後兩處失之。 《孟子集註序説》引《史記·列傳》以 成,非綴緝 日 所就也 熟讀七篇,觀其筆 韓子曰: 「門人不 而《滕文公》 能盡記 「軻之 記者 爲

> 子》所謂告子歟? 爲廣,不可久也。」」勝蓋告子之名,豈即《孟 勝斐然之志。」注引《墨子》曰:「二三子復 『未必然也。告子爲仁,猶跂以爲長,偃以 於子墨子曰: 『告子勝仁。]子墨子曰 《文選》陳孔璋《爲曹洪書》云: 「有子

作「放踵」。注無「致,至也」三字。 摩頂致於踵。」趙岐曰: 《文選》注引《孟子》曰: 「致,至也。」今本 「墨子兼愛,

州臨 侯見晏子于雪宫」。」 淄縣 《元和郡縣 東 北 六里。 志》: 《晏子春秋》所謂『齊 「齊雪宫故趾,在青

趙氏《孟子章指》引《論語》曰:

「力行

得至。王無咎非之曰:「岐名通《孟子》,而未之見。」注謂殷録未盡,尚有賢臣,道未注謂譏管、晏不勉其君以王業。「文王望道

琴張,注謂子張善鼓琴,蓋未知《左傳》

説》。

而

實泪之。」

有琴張。

冬夏。」其説陋矣。傳》云:「周公兼思三王之道,以施於春秋[四事,禹、湯、文、武所行事也。」而伏生《大「四事,禹、湯、文、武所行事也。」而伏生《大「周公思兼三王,以施四事」,注云:

也。《世本》今無傳,此可備參攷。本》滕國有考公麇、元公弘,即定公、文公、旅趙氏注:《古紀世

志,若「周志」、「史佚之志」、「鄭書」、「楚禮》「小史掌邦國之志」。 愚謂: 邦國之「《志》曰:『喪祭從先祖。』」注引《周

書」、「秦記」之類。

郭處士吹竽,乃宣王時。見《韓非•内儲記》,騶忌以鼓琴見齊威王,非宣王也。唯南喜鄒忌鼓琴,安知與衆樂樂? 愚攷之《史喜鄒忌鼓琴,安知與衆樂樂? 愚攷之《史

爲正 之事也。 國相,豈不固哉? 吾聞良吏居之三月 之,覆以上衽。 人乎?」」此即《孟子》所言子産以乘輿濟 渠脩,十月而津梁成。 者,出而脛寒。 《説苑》: 叔向之時,鄭無景差,當以《孟子》 「景差相鄭,鄭人有冬涉水 叔向聞之曰: 後景差過之,下 六畜且不濡足,而 『景子 陪 乘 爲 而 而 人 況 溝 載

子夏以《詩》傳曾申,左丘明作《傳》以授曾《經典序録》: 曾申,字子西,曾參之子。曾西,注以爲曾子之孫,《集注》因之。

申 字子西,則曾西之爲曾申 曾 西之學,於此可攷。 楚鬭 無 宜申、公子申, 疑

小異。 忠、量其君之所不能爲賊。」與今《孟子》語 郅惲曰: 孟 軻 以 彊其君之所不能 爲

左塾。 不提挈。」孝悌之義,當以是觀之。 踰 皆人,父之齒隨行,兄之齒 左塾,餘子畢出,然後歸。夕亦如之。 學,傅農事。 學,十八人大學。 云: 春將 不 輕任并重任分,頒白不提 負戴 云云。 出 「歲事既畢,餘子皆入學。 謹 此之謂造士。」《漢書·食貨志》云: 民,里胥平旦 庠 於 序之教,申之以 人者必持薪樵,輕 上老平明坐於右塾,庶老坐 道路 矣。」愚按: 距冬至四十 坐 一於右 鴈行。 孝悌之義,頒白 塾,鄰長 重 挈。 五 相分,  $\sim$ 十五人小 朋友 1日,始 書大傳》 出 餘子 坐 班白 不相 於 皆 於 出

> 所 以替。 棄禮 恥之於人大矣。 捐 恥 秦所 以敗 恥 尚 失所

《孟子》二章爲 音, 放乎琅邪。 舉首嚬眉之感,景公爲之不行。」 陳蕃 諫 晏子爲陳百姓惡聞 校 一事。 獵 日 「齊景 公欲 旌 旗 觀 興馬之 於海, 此以

氏曰: 梁惠王「西喪地於秦七百里」,潏水 「初北 地郡屬魏, 後

盡

爲

秦

并

喪

李

於秦,不止七百里

也。

意而不至者有矣,未有無 《法言•脩身篇》引《孟子》曰: 意 而 至 者 也。」今 一夫 有

孟 子》無此語,其 在《外書》歟?

明,豈可破句 不 以「守氣不如守約」命題,子静 與『約』字對,兩「守」字著略點,晦 周子静端朝。 讀《孟子》? 爲學官。 小司成襲 翁注 蓋 甚 卿

《尸子》引孔子曰: 誦《詩》 讀《 書》,

知其人可乎?」斯言亦有所本。與古人期。」《孟子》:「頌其詩,讀其書,不以詩》讀《書》,與古人居, 讀《書》誦《詩》,與古人居。」《金樓子》曰:「曾生謂: 誦

委,故南軒以陶淵明委心之言爲非。 命不可委,故孟子言立命, 心不可

出於師商,考之不詳甚矣。」朱文公曰:在前,宗師大禹,而晏嬰學之。以爲楊、墨之原,君子始惡乎術矣。故學者當擇術。之原,君子始惡乎術矣。故學者當擇術。「楊朱與老聃同時,墨翟又之原,君子始惡乎術矣。故學者當擇術

之稱子方者考之,則子方之學子夏,周之學 出於師商,考之不詳甚矣。]朱文公曰 子方者,皆不可見。」愚謂: 有田子方,子方之後流 「莊周之學出於老氏。 在前、宗師大禹,而晏嬰學之。 異端之學,非孔門弟子傳流之差也 韓子始謂子夏 MI 爲 莊周。 觀此二説, 以 之 其 後 則 書

> 引。· 比予莫之執中也。 緣督以爲經。」又曰:「將處夫材與不材之 莊子曰:「爲善無近名,爲惡無近刑,

間。」此子莫之執中也。

楊之學似老,墨之學似佛。

楊朱書,唯見于

《列子》。

流爲兼愛、爲我矣。 一董仲舒云:「仁字從人,義字從我,豈造文 劉原父云:「仁字從人,義字從我,豈造文 劉原父云:「仁字從人,義字從我,豈造文 劉原父云:「仁字從人,義字從我,豈造文

者魯季氏之僭歟? 《孟子》引費惠公之言,謂小國之君也。《孟子》引費惠公之言,謂小國之君也。

心處。但禪學有體無用。 仁,人心也。求其放心,此孟子直指本

曹交,注謂曹君之弟。按《左傳》哀公

交,蓋以國爲氏者。 八年,宋滅曹。至孟子時,曹亡久矣。曹

汙下,亦非孟子之意。 爲句。趙岐謂孟子知其言大過,故貶謂之 老泉《三子知聖人汙論》,誤以「汙」字

此語。
「《孟子》稱禹生石紐,西夷人也。」今無《史記·六國表》注: 皇甫謐曰:

注: 「一作子居。居貧坎軻,故名軻,字子 居,亦稱字子輿」。疑皆傅會。《聖證論》云: 居,亦稱字子輿」。疑皆傅會。《聖證論》云: 活: 「一作子居。居貧坎軻,故名軻,字子

記其言。」與韓文公之説同。 書二卷,謂《孟子》七篇非軻自著,乃弟子共《孟子》正義云:「唐林謹思《續孟子》

《正義》,序云孫奭、《崇文總目》、《館閣

人作,不解名物制度,其書不似疏。書目》、《讀書志》皆無之。朱文公謂邵武士

郵傳命。」」此可以證《孟子》引孔子之言。太行不爲險矣。」故曰:『德之速,疾乎以服。孔子聞之曰:『通乎德之情,則孟門、服。孔氏春秋》:「舜行德三年,而三苗

喪三日。」蓋墨家託於禹也。子》: 禹治水,爲喪法曰: 「桐棺三寸,制了墨之治喪以薄」,《宋書‧禮志》引《尸

武帝好紛更,故不能用汲黯。用孟子也, 文帝好清静,故不能用賈誼;用孟子也, 文帝好清静,故不能用賈誼;好樂,好勇,好貨、色,齊宣王所以不能

争之門闢。信乎,如風之偃草也。茂,而節義之俗成, 太宗誅一德儒,而諫下上有好者,下必甚焉」,光武封一卓

仁得之矣,二世而失,猶不得也。「不仁而得天下,未之有也」,秦皇以不

「惟尹躬暨湯,咸有一德,克享天心」,

故湯曰「天吏」,尹曰「天民」。

注 1. 字 1. 字 2. F.。 孟子學伊尹者也。「當今之世,舍我其

誰也?」是亦聖之任。

螟螣。 管仲,已熟之荑稗, 楊、墨,五穀之穀, 管仲,已熟之荑稗, 楊、墨,五穀之

寶,故曰: 「諸侯之寶三。」 照乘之珠,和氏之璧,戰國之君以爲

漢、楚之興亡決焉,可謂豪傑之士。仁義之言,齊、梁以爲迂闊者,董公一言而抵伐燕」也。三軍縞素之後,則爲天吏矣。 爲天吏則可以伐燕,於漢、楚見之。董

亡夏,文王以百里亡商,陳勝以匹夫亡秦,民」,曰「畏民」。 石守道謂:「湯以七十里民」,曰「畏民」。 石守道謂:「湯以七十里

陳涉與湯、武並言,涉豈能爲湯、武哉? 蓋楚、漢間豪傑民可不畏乎? 故曰: 『民爲貴。』」太史公以

之餘論也。

地參; 獸不遠。」此言收斂之功也。 而已。 地,撫 益。」此言充拓之功也。 聞,痒痾疾痛之不 理不該,去而不能推,●則視之不見,聽之不 其放心」,此心之收斂也。 不涵養則不能推 善推其所爲」,此心之充拓也; 四 由義理而發,無 由形氣而 海,致千歲之日至,知百 廣。 發,無 知 以害之,可使 西山曰:「心 存而善推,則 以檢之,至於違禽 致堂曰: 不闔則無闢 世 「心無 之 與天 潛天 「求 損

必曰有守, 不虧其義矣,必曰不更其守。守孰爲大? 守身爲大。有猷有爲矣,

● 「去」、嘉慶本、道光本作「亡」。

遠。」以守身爲法,以入時爲戒,可謂士矣。何德將《歎習》曰:「入時愈深,則趨正愈

然取劉璋之事,可謂義乎?爲也」,諸葛武侯謂漢賊不兩立,其義正矣,

善也, 爲儒而雜於異端者,非儒也。 「夫道一而已矣」,爲善而雜於利者,非

莫大於人倫。此正人心之本原也。子,如之何其可也。孟子道性善,稱堯、舜,倫。舜察於人倫,居中國。去人倫,無君倫。舜察於人倫,居中國。去人倫,無君

《晏子春秋》曰

「有賢而不知,一不

蔽賢者當之。」蓋古有此言也。祥。」《孟子》謂:「言無實不祥,不祥之實,祥,知而不用,二不祥, 用而不任,三不

乎!」 不可以濯吾足乎! 泠泠之水清,可以濯吾纓 以家、致之《禹貢》「漢水東爲滄浪之水」,則 文》。 攷之《禹貢》「漢水東爲滄浪之水」,則

也。 孟之徒不以其不取而不學也,道在焉故 不復取士,孔、孟不以其不取而不教也,孔、 游説,豈所謂士哉? 士所以異於民 「無恒産而有恒心者,惟士爲能」,古之 也。 蘇 水心葉氏云: 秦無二 頃 田 前 「周衰 奔 走

肩吾曰: 「天下雖不治平,而吾國未嘗不「天下皆亂而己獨治,不害爲太平。」蜀士楊「不得志,脩身見於世」,上蔡謝子曰:

公是也。」《文子》亦云:「不憂天下之亂,而樂其身治治平,而吾身吾心未嘗不治且平者,舜與周家未嘗不治且平者,岐周是也。一家雖不治且平者,岐周是也。一國雖不治平,而吾治且平者,岐周是也。一國雖不治平,而吾

者,可與言道矣。」

與今本不同。 《鹽鐵論》引《孟子》曰:「居今之朝,不易其俗,而成千乘之勢,不能一朝居也。」又又:「今之士,今之大夫,皆罪人也。」又以去:「名與人同,而成千乘之勢,不能一朝居也。」

民心去漢,孔明扶之而不足。」與政云: 「民心思漢,則先主不能彊之使思。」唐忘, 民之忘漢,則先主不能彊之使思。」唐穎云: 「民之思漢,則王莽不能脅之使思。」,則五莽不能脅之使

舜、湯、文、孔子,而《荀子》亦終於《堯問》,《論語》終於《堯曰篇》,《孟子》終於堯、

其意一也。

之間」,揚、莊之言私。
三公,「不夷不惠,可否之間」,「材與不材言公,「不夷不惠,可否之間」,「材與不材天理人欲之幾,善惡正邪之分界也,孟子之

言養生,所謂「舍爾靈龜,觀我朶頤」也。 名言也。道家者流 也。」雖非本指,「廉者招 有之」,「達不離道」。 ,愚謂不如《孟子》之七字。不養其心而 「養心莫善於寡欲」,注云: 「若將終身焉」,「窮不失義」, ,謂丹經萬卷,不如 能處窮,斯能 福,濁者速 處達。 「欲, 禍」,亦 「若固 守 利

也。」《管子》引神農之數、《文子》亦引神農寒矣。」故身親耕、妻親績、所以見致民利飢矣。 女有當年而不績者、則天下或受其曰: 『士有當年而不耕者、則天下或受其

云:「疑李悝、商君所説。」藝文志》農家有《神農》二十篇,劉向《别録》之法,此即許行所爲「神農之言」歟?《漢•

晝邑。

有八蜡,孰謂古制不可行于今乎?《范蜀公集》。《孟子》有變置社稷,《禮記》山《談叢》。「岳州田鼠害稼,雍明遠曰:山《談叢》。「岳州田鼠害稼,雍明遠曰:」何容有盗,改置社稷而盗止。下邳多

以 者」,聽命於天。李成季曰: 人,曷若無欲於己? 賤自安?」吕居仁亦以見人有求爲非。 「求在我者」,盡 與其: 性 一於己; 使 「與其有 人 可 賤,不若 求在 求 於 外

「畫」,後漢耿弇進軍畫中。《史記》畫邑人王蠋、《通鑑》作畫水爲宿留水,以孟子三宿出澅。」或云當作水東,去臨淄城十八里,所謂澅中也。俗以

"「殺人之多,不必以刃。謂天下之人,「以刃與政,有以異乎」,邵子之論秦

無生路可趨也。」

日

春融冰泮,故曰:「仁者無敵。」施仁政於民,秦焉得誘之? 仁勝不仁,如而使秦民應敵於外。使梁王用孟子之言,而使秦民應敵於外。使梁王用孟子之言,

州沂水縣西北。 蓋大夫王驩,漢泰山郡蓋縣故城,在沂

罪人,謂其三代而春秋之也,齊桓其作俑趙氏《春秋論》曰: 「五伯者,三王之

宿於畫」,●《水經注》云:

「澅水出

時

❶ 「畫」,原作「畫」,今據嘉慶本、道光本改。

侯之罪人,謂其戰國而七國之也,晋之韓、國之也,晋定其作俑也。今之大夫,今之諸也。今之諸侯,五伯之罪人,謂其春秋而戰

不知 孟 顔 無常平乎?」 「斂」是也。 師 氏言『狗彘食人食 古以壽昌爲權道,豈知常平蓋古法? 發」,今文作「檢」,班氏《食貨志 止齋曰: 夫豐歲不斂,飢歲不發,豈所謂 「人多言常平出漢耿中 而 不 知檢,塗有餓莩而 》作 丞

遺。 白 不曾收, 餘 前賢之讀書如此 Ħ, 陳烈讀「求其放心」,而悟曰: 如 以 何記 收 放 書? 心。 然後讀 遂閉 門 書,遂 静 坐,不 覽 讀 我 書 無 心

設 國之民也。 教,攸介攸止,烝我髦 若民則無恒 周之盛時 産、因 以以 無 士,士 井牧授田 恒心」,孟 亦 田 以以 野之 子 言 鄉 秀 遂 戰

曰:「文、武興,而民好善。」民也。不惟士有常心,民亦有常

心

故

### 小學

趙、魏其作俑也

攸受《爾雅》。 孝廉郎終 實氏家傳》,以爲實攸,世 《爾雅》注: 軍 知之,賜絹 二説不同 漢武 帝 百 時, 祖 匹。 詔 得豹 諸侯子弟從 文選》 文 艇 注 鼠 引

狄 地。」愚按: 朱文公曰: 或 门,謂 爾 四 雅 極。 ^ 説文》引《爾雅》 扒,西極之水也。」府 邠 西 或 至於邠 近 在 秦 國 隴 謂 日 非 : 之 Щ1 絶 四 切 西 遠 極 之

均, 也 一墨 子貴 數 列 世 子 矣 貴 兼,孔子貴公,皇子貴衷,田 而已,皆弇於私 虚 料料 子貴 别 囿。 也。天、帝、后、 其學之相非 子貴

 $\wedge$ 

爾

雅》疏、

案《尸子·

廣澤篇》云:

玉燭 相 兼、公、虚、均、衷、平易、别囿 春爲發生,夏爲長嬴,秋爲方盛,冬爲安静。 高者不少,下者不多,此之謂醴泉。 光,●此之謂玉燭。 爲朱明,秋爲白藏,冬爲玄英。 贖、昄,●皆大也,十有餘名而實 四 非也。」《仁意篇》述太平之事云: ,飲於醴泉,暢於永風。春爲青陽,夏 和爲通正,此之謂永風。」 弘 廓、 閎、 其雨時降,◎萬物以 博、 介、 忳、 四氣和爲 也。 實也,則 夏、 幙` 其 燭 若使 風 蒙 īE 於 無

詔。」 《爾雅》 "文里臣舍人,漢武帝時待録》:《爾雅》有犍爲文學注二卷。」一云:録《爾雅》 " 孫引舍人云:「按《經典序》

則兄弟之子不得稱姪。 白虎通》引《 **《通** 1典》: 親 顔 屬記》,即 延之日 從母有母名, 《爾 伯 雅 叔有 則 父 釋

> 從俗稱姪,亦無害於義理 《禮》者言猶己之子。但云兄之子、弟之子。 固 生集》改「姪」爲「猶子」,朱文公謂 甥字有男,見不及從母。」劉共父刊《二程先 耳。」雷次宗曰: 姊妹之子不 不謂兄弟之子爲姪,亦無云 可言 甥。 「姪字有女, 且 也。 甥 姪 明 「猶子」者,記 唯 不及 施 於 伯 姑 叔。 然 舅

懷羊,璞亦曰未詳。爲作《蝜蝂傳》者也。《西京賦》戎葵懷羊,《爾雅》瘣爲作《蝜蝂傳》者也。《西京賦》戎葵懷羊,《爾雅》瘣「傅,負版」郭璞注: 未詳。即柳子所

居草木記》,君子所以貴乎多識也。然《爾疏》,王方慶有《園庭草木疏》,李文饒有《山陸璣爲《詩草木疏》,劉杳爲《離騷草木

<sup>●「</sup>其」,嘉慶本、道光本作「甘」。●「爲正光」,嘉慶本、道光本作「正光照」。●「博」,原作「傅」,據《爾雅》疏原文改。嘉慶本、道光本

雅》不釋蔝藪、《字書》不見栮榿,學者恥一

物之不知,其可忽諸!

也。」東坡詩:「周詩記苦茶,茗飲出近晚取者爲茗,一名荈。」《説文》:「茗,荼芽晚取者爲茗,一名荈。」《説文》:「茗,荼芽

山詩「黄昏湯」,疑即此也。《急就篇》注:「牡蒙,一名黄昏。」後

陋也。 随也。 極也。 極也。 極世之對「天雞」,劉原父之識「六駁」, 八南進士之問「天雞」,劉原父之識「六駁」, 八本進士之問「天雞」,劉原父之識「六駁」,

亡失,建武中獲九篇。章帝時王育爲作解《書》,唯《易》與史篇得全。逮王莽亂,此篇籀,始變古文,著大篆十五篇。秦焚《詩》、唐玄度《十體書》曰:「周宣王太史

伏禾中,因以制字」。 育説,如「天屈西北爲无」,「蒼頡出見秃人説,所不通者十有二三。」按《説文》多引王

《説文叙》:「尉律試八體,大篆、小篆、刻

《黄庭經》亦有此三字。「老翁復丁壯」。朱文公詩、「自慶樽前老復丁。」爲「蠲其子孫之役」,非也,即《參同契》所謂爲「蠲其子孫之役」,非也,即《參同契》所謂

法,當從《説文叙》,改六爲八。

董彦遠《除正字謝啓》,叙字學,涉獵該

鳥

九禾 羊 改金 散亡,共守鸞聲之鉞鉞。 服制 六者, 六身之爲亥。 對因去 立書肖,而 之策,執異爲宗。丁尾亂真,鉤須失實。 定文於六穗之禾,訓 漢東之國爲隋; 於夏有。 文 舄混 其 (武之爲斌; 字失部居,改白水真人之兆, 之秀,離析爲三刀之州。合樂之奏,妄 根之目; 國史傳疑,考義共惑於三豕。 略 自 口。 篆形誤僞 淆 云 乖 馬不足一者,既失其 ,魚魯雜糅。 既謬 其 棗合而棘 數。 郡 殘 知一束二縫之爲 或 誰 定經之名,誤合日月之爲 經 章 避上則罪不從辛,絕下則 名 書 立 正雲興之祁 同 不 氏 殘武殪,頌 於導, 增河 悟 一信,救 微,足省而踈姓絶。 爲卷爲端 鎖定銀鐺之名,車 於 南 郭 全; 時 È 之邑爲雒,減 分序於八 惟 祁 來,指二 亂 闕 傅會 IE 而 湯 書忘形 虎多 文 於 遂 徒 齊 隸 作 首 體 寸 於 四 乖 存 書

> 象,作品 科 遠有《古文集類叙》云: 異書,而求 間之爲航 在, 存古則可慕,爲隸則可識,非謂隸書爲隸古也 定,正義謂: 以今文,故唐人不 三十七未足語世。梁父七十二家, 斗,故漢 尉律 非 衣 安識 就古文體而從隸以定之,雖隸而 其 四十九類,書蓋已亡。誤存 人 小 不識古字。 事 兒之謡。 之所出,亦多識之一 門 五 識隸古。」今按《書序》爲隸古 日之爲閏?」學 四 「孔安國以 開元又廢 十八 安 取 漢 猶古。 隸古易 也 者 名 於 治舟二 徧 雖 桑 易 具 彦 觀 蓋

也, 爲秦惠文王二十六年。 文》,李斯篆。」愚 二闕,後世署書由 从户册。 夾漈《金 宋景文公云: 户册者,署門户之文也。」 石略》云: 按 何始。」《説 「蕭 方氏 石湖 何自 跋《 祀 文》: 亦 題蒼 巫 詛 謂 楚文》, 咸《 龍、 「扁, 大 白 當 湫 虎 惠

文王之世,後百餘年,東巡泰

山

刻

石。二

則

小

## 篆非出於李斯。

質 以 吕 田 「十有九月」,云「正月乙子」,或云「丁子」。 月數」。 與叔《考古圖》謂「嗣王踰年未改元,故 謂古字皆重出,此文作三者,特二字耳。 人淳,取 器銘云「十有三月」、「十 其 乙子 同 即甲 類,不然,殆不可考。 子,丁子即 有 丙子。 四 曾子 月一、 世

鄭 以 以爲「冏」, 以 以 叔以爲「舧」。《簠銘》「中」上一字,歐 爲 爲「弡」。 爲「百」。 日: 「張」, 毛 伯敦》「祝」下一字,劉原父以 日 日 《周姜敦》「伯」下一字, 「文、武時、毛叔鄭也。」 古文難攷,幾於郢 「穆王時,伯冏也。」而 「宣王時,張仲也。」 書燕説 而 歐 而 與 吕 陽 陽 與 爲 與 叔 公 叔 公

綽」,《 二,《伯 博古 碩 姜 圖》《晋姜鼎 父 敦 鼎 銘 銘 》「用 綰 綽 銘》 祈 眉 写百 壽 用 蘄 禄 石 眉 綽 湖 綰 云: 壽 綰 眉

世房中歌》云「克綽永福」,顔氏注: 綽,緩「似是古人祝延常語。」愚謂:《漢書・安

也。亦謂延長。

於此。 定墳,秦存展季之壠。」言孔子篆者,始見 張燕公《謝碑額表》云:「孔篆吴札

成王之末,伋已嗣太公爲齊侯 餘歲。今按《書•顧命》云『齊侯吕 年,齊太公望卒。』參考年數,蓋壽 二年,得竹策 金石録•汲縣太公碑》云: 之書。 其紀 年 日 「晋太 伋, 康 百 王 + 康 則

有祭正,亦猶祭酒也。」
非姓名,乃古之鄉官也。《説苑》載鄉官,又非姓名,乃古之鄉官也。《説苑》載鄉官,又

之欺,致武關之執,非不幸也。然人秦不楚懷王也。懷王遠屈平,邇靳尚,而受商於秦《詛楚文》作於惠文王之時,所詛者

罪。 陳、 反, 楚雖三户,亡秦必楚。」 吁,秦詛 項, 國 反 人憐之, 爾 而秦亡也 好 還, 如 天人 忽 悲 焉 親 、之理 戚。 六國之滅,楚最 積怨深怒, 也。 楚邪? 南 發 日 楚 無 于

詛

秦邪?

《系述》等篇。 吕太史謂: 刊 許氏《説文》參繹,恐猶可 行滅去數字,故尤 通 `,得於石林葉氏、蘇魏公本也 論 徐楚金《説文繫傳》有《通 》、《祛妄》、《類聚》、《錯綜》、《疑 難讀。 若得精 補也。」今浙東 「元本斷 釋》、《 小學者,以 部 爛 義 叙 × 所 每

足足也。」《宋・符瑞志》: 節節,雌曰足足。」然則爵即 説文》: 「飲器 象爵者,取其 鳳 鳳 凰 凰 敷 其 鳴 鳴 節 雄 節

朔,廿日丙寅。」朱文公《答吴斗南書》謂東字皆章草,檄云:「永初二年,六月丁未宣和中,「陝」右人發地,得木簡于罋,

以《長曆》爲正。
月乙未朔。《後漢紀》五月有丙寅,七月有戊辰,恐當也。今改《通鑑目録》,漢安帝永初二年,六也。今改《通鑑目録》,漢安帝永初二年,六漢討羌檄,日辰與《通鑑長曆》不同,蓋指此

記, 右, 夾漈《六書略》云: 佉盧,其書左行; 書凡有三人,長名曰梵,其 書,皆横行不直 顔氏注 漢 華書右旋,其勢向左。」 西域傳》「安息國 下。」《法苑珠林》云: 「今西方 少者蒼 「梵書左旋,其 胡 書 頡 或 書革,旁行 ,其書下 右 及 南 方 行。 林 次 爲 向 造 邑 書

讀書而 [進退]字,張禹不識「剛正」字,許敬宗不識 柳宗元,非不 李衡《識字説》 杜子美曰: 韓文公曰: 不識 字者。 讀書,但不識 讀書難字過。」字豈易識 Ě 「凡爲文辭,宜略 「讀 如 孔 光、 書 [須是 字。 張 禹、許敬宗 (識字,固有 孔 光不 識 字。 識

學者之戒。『忠孝』字,柳宗元不識『節義』字。」此可爲

造。 庾肩吾云: 而 作,行書狂 八分生,八分破而隸書出,隸 字皆真正,亦曰真書。《千文》云: 趙明誠謂誤以 周越《書苑》云: 尤善隸 隸書,今之正書。張懷瓘云: 而 為書。 草 書聖。」以 八分爲 「郭忠恕以 此 隸 知 ,自歐陽公始 隸 書悖 杜藁鍾 隸書者,程邈 書 爲 乃 小 而 隸。 今真 篆 行 **全**王 書 散

焉; 木水火備 交,而日月 有剛柔; 音,以正天下音及古今文。 》之書本于此。 而 康節 一唱一和 聲 生 邵子之父古,字 焉。 律有 星 馬; 辰 闢 備 闢 吕 翕,吕有唱和。 謂 而 焉; 關 應 開 翕者律天,清濁者 律 發收閉 翕, 天叟,定 而 謂天 剛 而 音 平 備 生 柔交,而 有陰陽, 上去 陰 焉。 焉 律 入 吕 律 吕 備 陽 聲 觀 感 金 地

> 聲也。 地。 聲 平、上、去、人四聲也,其體縱,故爲經。 主 夏聲,此見作韻者,亦有所至也。 閉 商、角、徵、羽、半徵、半商七音也,其體橫 出 者 也。」夾漈鄭氏 先閉: 秋 於唇齒喉舌,獨宫聲全出 横渠張子曰: 也 一、冬則 後開者春 閉 日 丽 也,純 無聲。 「商、角、黴、羽,皆有 「聲 開 東 者 爲經,音爲緯。 於口,以 爲 夏 也,先 春 銜、凡,冬 聲, 兼五 陽 開 宫、 爲 後

百八 頌 體 從見人。 長於音,所得從聞人, 在 數音。」鳩 韻,以 皆其式也。」 四 十四聲,爲二十圖。 夷者歟? 七音三十六字母,出於西域,豈所 人管弦爲善。 華 摩羅什 則一音該一字,梵則一字  $\Box$ 司馬公以三十六字母, 凡觀國王,必有贊德。 「天竺國俗,甚 華人長於文,所 夾漈謂: 重文制 《佛 經 其 或 梵 總三 謂 学 官 貫 得 X 學 商

故爲緯。」

謂周顒始有翻切,非也。此爲譬況之説,孫炎始爲反語。」《攷古編》諧聲尚聲。」《釋文序録》云:「古人音書,諧聲光聲。」《天本》,當聲光之記,孫炎始爲反語。」《文古編》。」《文字》。

聲,求其宮聲不得,乃分平聲爲二。」然後 之音,出於五 唐 平、商爲下平、角爲人、徵爲上、羽爲去,則 云 等九 韻 『真』字而來。」愚攷徐景安樂書,凡宮爲 繼以三十先、三十一仙。今平聲分上下,以 先二仙爲下平之首,不知『先』字蓋 時平聲已分上下矣。 》則本朝景德、祥符重修。今人以三書爲 或謂《廣韻》爲《唐韻》,非也。 人 隋 「《唐韻》於二十八删、二十九山之後, 陸法言爲《切韻》 增 加。 行自然之理。 唐孫 愐 有《唐韻》,今之《 米元章云: Ŧi. 卷,後有郭知 沈隱侯 鶴 只 Ш 五五 知 魏 聲 自 玄 魏 上 氏 廣 四

> 《答陸厥》曰: 《韻集》五卷,宮、商、龣、徵、羽各爲一篇。」 國 昂,非思力所學。」沈存中云: 累 則韻分爲 江式 萬。 ,其術漸密。」 日 以累萬之繁,配五聲之約,高下低 : 五,始於吕静,非自沈約 一番品 「宮商之聲有五,文字之别 静倣李 登《聲類》之法,作 「梵學人中 始 也。 約

《潛虚》以「萸」爲「天」,古文也。見《廣韻》,而《集韻》不載。《古文韻》,莫字、碧落》文。《孟子》。歸字有齊歸,見《左傳》。其遺闕多矣。《孟子》。歸字有齊歸,見《左傳》。其遺闕多矣。

目》僅存十六卷,今不傳。 爲《韻海鏡源》三百六十卷,以包荒萬彙。爲《韻海鏡源》三百六十卷,以包荒萬彙。

自環者謂之私,背私謂之公。」《説文》云:《韓非•五蠹》曰:「蒼頡之作書也,

「自營爲厶,背厶爲公。」

課識十五字。 必取聲韻音訓文字置篋中,晁以道晚年日 宋元憲寳翫《佩觿》三篇,蘇文忠每出

二百十類。母,然母能生而子不能生,誤以子爲母者,夾漈謂《説文》定五百四十類爲字之

因之,皆字書所無。《梁四公記》亦然。 吴孫休自制名字以命其子,武曌、劉龑

學》爲《三蒼》,并《訓纂》爲四篇。《三蒼》,《説文繫傳》以《蒼頡》、《爰歷》、《博學》爲《三蒼》,《說文繫傳》以《蒼頡》、《湯喜》爲

物篇》「皆娍可以休老」,亦作「揃搣」。《急就篇》「沐浴揃摵寡合同」、《莊子・外

不」字本方久反,凡書之「不」字,皆點

人聲。「其」字本音箕,夜如何其。凡書之

·其」字,皆點平聲。《攻媿集》。

世續《蒙求》者,不知此。攻媿云。

李瀚《蒙求》,以平聲與上去入相間。

近

### 經說

《禮記》、《春秋》、《孝經》、《論語》。 「六藝於治,一也。」或云「七經」。後漢趙典學孔子七 《禮》、《樂》、《詩》、《書》、《易》、《春秋》爲「六 日 經」。《釋文序録》: 經、五緯爲「十經」。 六緯爲「十二經」。《莊子・天道篇》。 經。蜀秦宓謂: 藝」,始見于太史公《滑稽列傳》。 「治《詩》、《書》、《禮》、《樂》、《易》、《春秋》六經。」以 「六經」,始見于《莊子・天運篇》。孔子 文翁遣相如東受七經。 《易》、《書》、《詩》、《周禮》、《儀禮》、 《南史·周續之》。 《唐 谷那律傳》九經 或以六經、 或云「九 或以五 孔子曰:

王伯。 《詩》、《春秋》爲「四經」,猶春夏秋冬、皇帝 庫,始 自 漢 有 武立博士始 九 經 之名。  $\sim$ 也。 樂 經 邵子定以《易》、《 既 亡 而 有「 五 書》、 經

《詩》信也。」二説不同,然「五 合白 道,不可分也 者蓋五常之道,相須而備,而《易》爲之原。」 知之術也; 也; 以 和神,仁之表也; 虎 《禮》以明體,故 漢 通》云: 《樂》仁、《書》義、《 • 藝文志》云: 《春秋》以斷事,信之符也 有 《詩》以 五 無 常 訓 「六藝之文、《樂 禮》禮,《易》智, 之 道, 經」兼五常之 《書》以 正言,義之用 故 日 廣聽 。 五 五五

攷之漢史,文帝時,申公、韓嬰皆以《詩》 士。 ,唯《詩》而已。 後 所謂《魯詩》、《韓 漢翟 日 : 景帝 詩 「文帝始置 以 轅固  $\wedge$ Ŧī. 經》 爲博士,可所謂 列 經 于 博 學官 士。 爲

> 齊 置《五 舉其 爲五也。 立《五經》博士 易》楊、《春秋》公羊而已。」立《五 詩 四,蓋《詩》已立於文帝時,今并《詩》 經》 而 博 餘 經 士 未 一、《書》唯有 ^ 立 儒 林 武 傳 帝 費》 建 歐 元 陽、《禮》后, 日 五 經》而 年 武 帝 初

東西 名儒 書。 錫《國學新修 鑱之石,張參 吉等,本朝嘉 鄲淳,晋裴頠,唐開成 後蜀石經、於高祖、太宗諱皆缺畫、唐之澤深矣。 廂 張參爲司業 石經 唐 之壁。」《序》以 . 有七,漢熹平則 儒學 等是 Ŧi. 祐 傳 中楊 經壁記》云:「初大 ,始詳 正訛 序》: 南 中 定《五 參爲文宗時,誤矣。 文。」按《文粹》劉 仲等,中 唐 「文宗定《五 蔡邕,魏 玄度,後 經》,書于論堂 興 正 高 蜀 始 曆 經 孫 則 中, 逢 邯 御

<sup>● 「</sup>固」下,嘉慶本、道光本有「生」字。

覃進石壁《九經》一百六十卷。」《會要》載 參也 年八月,「覆定石經字體官唐玄度狀,今所 云: 字樣》一卷。 文志》參有《五經文字》三卷,玄度有《九經 詳覆,多因司業張參《五經字》爲準」。 所 定乃 「開成二年十月癸卯,宰臣 書 于壁, 文宗時是正訛文,乃玄度,非 非 鑱 石 也。  $\sim$ 判 舊 祭酒 1 史紀 <u></u> 藝 是 鄭

《詩》、《禮》發冢」,莊子譏假經以文姦者爾 冢 題 皆以書葬。王至尊,不韋久貴,冢皆以黄 節令宋元上言: 卿大夫諸儒 乃欲發冢以求《詩》、《書》,漢儒之陋至此 湊, 視 歐 皇覽•冢墓記》曰: 處 未 陽 燒 地 文忠公《筆説》云: 高 《詩》、《書》。』」愚 八十餘人,論《五 燥 未 『秦昭王與吕不韋好書 壞。 臣 願 「漢明帝時, 發昭 經》誤失。 謂 「安昌侯張 王、不 儒 符 以 韋 腸

致所出。 『書必博見,然後識其真僞。』」當

者,於踐履實地用工,不但尋行數墨也。脚。」此即象山「《六經》注我」之意。蓋欲學 艾軒云:「日用是根株,文字是注

心開意朗, 自 仁。」愚謂: 以治人。不勤學無以 患志不立。」任子曰: 己,至道之人 所習彌多,日聞所不聞,日見所不知,然後 味,故學者不好也。 儆 虞溥《厲學》曰: 敬業樂群,忽然不覺大化之陶 神也。 此皆天下名言,學者 及至期 學者不患才不及,而 「聖人之道,淡 「學所以治己,教 爲智,不勤 月,所觀 教 宜 無 彌 書 而寡 以 博 爲 所 以

籍之中,有經有史、《禮》、《詩》、《易》爲經,《詩》、《春秋》三者,同出於一。陸魯望謂六《文中子》言聖人述史三焉,《書》、

百載於《書》,則《詩》與《書》一也。《文中子》之言當〉、《春秋》實史耳。舜、皋陶之《廣歌》、《五子之

真珠船。」見陸農師詩注。 王微之云:「觀書每得一義,如得

矣。

後 其 頒 在 史、《莊》、《老》、《離騷》等,六百三十四 子》所寫,反覆 篋 南 論 唐末,益 布。 唐 勤 巾 齊沈驎士年過八十,手 謂梁 或 詔 與 箱 古未 初 編 儒 中 袁 子 廣 州 有 蒲 臣 峻 初、楊子林所寫萬卷,至於白首。 諸 板 始 緝 田 後 自 義疏音釋, 有 柳 本,好學者患 有 敏 魏 寫 墨板、多術數、字學小 字。 裴 書課, 校《九 也。 漢 《金樓子》 借 ^ 日 國 經》, 令孔維、邢昺 異 寫 五 史・ 書 無 + 細 書。 鏤 書,滿 躬 藝文 謂 紙 本 自 細 桓 于 書 譚 志 録 國 讎 數 抱 卷, 本。 經、 定 + 新 朴

曜

×,<

刑德放》、《帝命驗》、《運期授》。

傅 經 王 咸《周易》、《毛詩》、《周官》、《左傳》、 羲之寫。」今按《藝 》、《論語》詩,皆四言, 春 秋 **>** 正 義 云 文 類 丽 傅 聚》、 闕 咸 其 爲 ^ 初學記 七 經 ^ **>** 載

《七經》緯三十六篇。 緯 辨 (乾鑿 樂説》、《春秋説》、《禮家説》、《孝經 河圖》九篇,《洛書》六篇,又别有三十 候也。 終 備 度》、《坤 康成注二《禮  $\wedge$ 河》、《洛》七緯,合爲 書》 靈 圖 緯: × × 《易》緯:  $\wedge$ 通 引《易説  $\wedge$ 卦驗》、《 琁 璣 八 鈐 ^ × 是 稽 + ^ 覽 書 類 説 ^ 考靈 》,皆 謀 圖 説

緯: 緯: 樂 ,經》緯 》緯 《含文嘉》、《 演孔 推度災》、《氾歷樞》、《 《動聲儀 圖 ^ 』)、《元· 援 神 契 》、《稽耀嘉》、《汁 稽 命 八》、《鉤 命 包》、《文 徴 含神 命  $\forall$ 決 ^ 耀 斗 務 鉤 威 圖 》、《運 春 徴

内學。 多引讖 潭巴》、《説題辭》。 斗樞》、《感精符》、《合誠 言,蓋起於哀、平,至光武篤信之,諸儒習爲 乾圖》、《漢含孳》、《佑 緯之文,使學者不爲怪異之言惑亂,然後 純一。其言不果行。 》在七緯之外。 隋焚其書,今唯《易》緯存焉。 緯,歐陽公欲取《九經》之疏,删 按李尋有「五經六緯」之 又有《尚書中候》、《論語 助期》、《握 圖》、《考異郵》、《保 誠 圖》、《 正義 去 經 讖 潛

詳實。 《禮記》次之、《書》、《易》爲下。愚致之 《禮記》次之、《書》、《易》爲下。愚致之 《禮記》次之,《書》、《易》爲下。愚致之

言 讀《易》未識 司 讀《禮》未 馬 文正公曰: 知 卦爻,已謂《十翼》非 篇數,已 「新 一謂《周官》爲戰 進 後 生, 孔 口 子之 傳 咸 耳

之書; 便説盡心; 習」,便説一 辭》,此皆躐等之病。」 公,已謂三《傳》可東之高閣。」 朱文公曰 毛、鄭爲章句之學; 近日學者,病在好高、《論語》未問『學 讀《詩》未 貫 《易》未看六十四卦,便讀《繫 《孟子》未言梁惠 盡 周 讀《春 南 × 1秋》未 ~ 召 南 王問利, 知 十 二 而 已 時 謂

而沈約取之,無識甚矣。《援神契》。是以聖人爲巫史也。緯書謬妄,秋》、《河》、《洛》凡八十一卷,謹已備矣。」」見辰而拜,告備于天曰:『《孝經》四卷,《春辰而拜,告備于天曰:『《孝經》四卷,《春

《六藝論》云:「自號素王。」盧欽《公羊序》之也。董仲舒《對策》云:「見素王之法。」鄭玄之也。董仲舒《對策》云:「見素王之文。」東京、空也,言無位而空王、家語》:齊太史子餘歎美孔子云:

其義 避聖祖名,改至聖。 聖素王之道。」祥符中,謚孔子爲玄聖。後 云 ,所謂郢 制素王之道。」皆因《家語》之言而 書燕説 也。 《莊子》云: 玄 失

況傳注乎?」斯言可以箴談經者之膏肓。 《繫辭》,毀《周禮》,疑《孟子》,譏《書》之《胤 者不 征》、《顧 説者徒以資口耳,聽者不復相問 間,陸農師在經筵,始進講義。自時厥後, 《三經義》行,視漢儒之學若土梗。古之講 慶曆後,諸儒發明經旨,非 上 而習愈薄矣。 經者,執卷而 不鑿。《七經小傳》出,而稍尚 而經筵,下 敢議孔安國、鄭康成,況聖人 自漢儒至於慶曆間,談經者守訓故 命》,黜《詩》之《序》,不難於議 而學校,皆爲支離 陸務觀曰: 口 説,未嘗有講 「唐及國初 前 人所及,然 義也。 新 曼衍之詞。 難,道愈散 奇矣。 乎? 元豐 學 排 至 自 而

> 云: 姦言於經 『講《易·乾》之《文言》,知進退存亡, 西 山先生《大學衍義後序》謂 幄者, 嘗以問西山之子仁 一甫,答 有 進

爲姦言以罔上。」

Ļ 養,三年而通一藝。」蓋劉歆《七略》取《 夏》,三家《雍》徹,而樂亡。 經。」《藝文志》曰:「古之學者,耕且 《法言》曰: 魯郊禘,秦僭時,而《禮》亡; 秦有《誓》而《書》亡,魯有《頌》而《詩》 「古之學者,耕且養,三年 大夫《肆 法

通

困學紀聞卷之八

言》之語

三四四

### 木 學紀聞卷之九

儀 王應 麟 伯 厚甫

浚

天

道

度》: 極於 子》以爲 分里之一,合十一 七衡六間, 七萬八千五百里。」《孝經援神契》: 嗣 令内傳》 中 九,周天八十一萬里。」《洛書 三五 「一度千九百三十二里,天地 五 衡以 一億萬 相去萬九千里八百三十三里三 曆紀》「 至 一天 里。 一外衡, 萬九 天去 地南午北子,相 ^ 春 千里。 各五萬 地 秋元 九 萬 命 九 從 包》: 里」,《 内 千 去 五 衡 相 九 甄 淮 里。 周 以 去 干 至 天 南 曜 陽

里。 各以 西 有 相 萬 從地至天億一萬六千七百八十七里半。 爱 里,東西二億三萬三千里。」《廣雅》: 天以圓覆,地 禮》疏: 日,雖在外衡,常出極下地上二萬里。」《周 寸。」《周髀》: 五度,積凡七十三萬里,天去地六萬餘 西北爲天門,東 靈憲》: 「自地至天一億萬六千二百 無下,極廣 短 五 去 里, 南北二億三萬三千五百里七十五步,東 垂天之晷,薄地之儀,皆千里 減四 九 四海爲脉。』《論 億 千 五 東 步,周六億十萬七百里二十五步。 「案《考靈 萬五千五 萬 卯 里, 長,南 西 以 一西,亦 「天離地 方 南 天 爲 載。」《河 北 衡》 耀 白 去 地 九千 **>** 二億三萬 五十里,地 地 從 户。 八萬里。 四 上 萬 「天行三百六十 十千萬 圖 臨 天門 里, 括 下 人 千 亦如之。 地 無上,地 冬至之 而 里。 四 萬 象 Ė 五 差 隅 下 天 百 + 空

也。 地 央 十五 内,并星宿内 千里,是爲四遊之極,謂之四表。 圓周 之三百四十八。 度二千九百三十二里,千四百六十一分里 十里。」《月令》正義: 萬九百一十三里,徑三十五萬六千九百 度 九百三十二里。二十八宿間 七宿八十度,北方七宿九十八度四分度之 一,四方三百六十五度四分度之一,度 在 上下正半之處,一 宿 地 於中,是地去天之數也。」安定胡 然二十八宿之外,上下東西,各有 萬七千里,此二十八宿周迴直徑 之里數 七十五度,南方七宿百一十二度, 之 「南樞人地下三十六度,●北樞出 厚 與 也。 ?總三十八萬七千里。天之中 天 高 以 周天百七萬一千里,是天 等。」《 崖 十九萬三千五百里。 三徑一言之,直 《考靈耀》云: 天 度》云: 相距,積 據 四 先生 表之 之數 徑三 地 萬 百 西 二千 東 Ē 五 七 七 方 方

> 也。 而 而天行九十餘萬里。」致堂胡 之間,凡行九十餘萬 一夜,有一萬三千六百餘息,是故 息,一息之間,天行八十餘 十 名,未易以智識窺,非地有方所可議之比 ·六度" 狀 如 倚杵, 里。 此 天 人一呼 形 里。 氏 也 謂 人之一 天 雖 畫 吸 書 謂 夜 夜 地

牛,地 子》注,謂 牛斗者,日月五星之所終始,故謂之星紀。 而 上空虚 起牽牛,地右闢 楊倞注《荀子》云: 右 河 者, 動 圖 自 起 盡皆一 括 地 於畢。」《尸子》云: 地 而 天 象》云: 上 而 則皆天矣,故俯仰喘 也。」其 起畢、昴。」《爾雅》注 「天無 「天左 説 本 於 實形,地之 動 「天左 張 起 湛《 於 列 產

❶ 「樞」,道光本作「極」。下「樞」字同。

未

始離

天

也

佛 所謂大氣舉之也。 空,虚空無 大 水 乎 問》曰: 之外,其氣剛勁者是也。」張湛 之大氣。 地 日 也。 氣 浮天 書謂 地之中,則風輪依 舉之。」道書謂 一天之形 地 而 金剛乘天者,道家謂 帝 輪 葛稚 大太 載 所依。 依 地。 虚 水 雖 日 JI[ 無 輪 包於 云 又 風 窮, 天 澤爲水輪,所 日 虚空可見矣。」 水 風 澤 天 地之外,而 輪 澤 「自 洞 在 地 依 洞 虚 地 地 之剛 地 風 有 者。 虚,金剛 外, 在 解《列 而 輪 限。」 太 上, 風 風 水 謂浮天 其 風 爲 虚 岐 在 朱 四 氣 子 輪 乘 之 風 天 文 常 干 依 • 伯 中, 天 外, 公 湯 里 謂 載 虚 行

夜 夜 方 四 了,其氣 轉 極 币 過 於 《三禮義 四 一度。 和 四 和 和 暖,謂之 注 宗》 愚 謂 日月左 按 四 和 和 一天 行 者 有四和。 於 天道 厝 謂之極。 天 髀》云: 左 而 轉, 轉 崑 子 崙 午 日 之 天 日 四 地 911

> 西 得 東 西 南 北 之中 0 義宗 》之説 本 此。

整

晷測影 千里。星十里,不百里。 三十。」晋魯勝《正天論 長曆》曰: 白 ,準度日月星。 . 虎 通》 「大星徑百里,中星 日 案 》,謂以 日 未詳其説 日 月 月 徑 裁 冬至之後,立 千里。 徑 五 十,小 白 里 徐 無無

爲 志 宿 月行十三度十九分度七。 道,南至牽牛,北至東 道星度,其遺法也。 五十五。 斗二十六,四分退二。 度列爲二十八宿,唯 十八宿之度,不載 度,不 不同 度 數,皆以 月令》正義引《前 皆有餘分。 與 賈 日 ( 達論 赤道爲法 月 行同。」 云 四分度之一。」 《晋志》斗二十六,分 唐一行謂《太初曆》今赤 《續漢志》黄道 斗有餘分。《續漢 井。 唯 漢 而 五 沈 今史官 黄 率日 律 紀 存 道 曆 論 中 度 愚謂: 日 志 謂 日 二以 有 行 月 度 不 與 + 赤 循 志 四 前 道 黄 天

是歟 者 爲起算之法。 伯 蓋 ? 静 黄 亦 道 淮 謂 南 有 曆 子 斜 《月令》正義引赤 家欲 有 天文訓》箕十 直 求日 故 度 月交會,故 數 與 四 赤 分一,與 道 道 度,其 以 不 等。 漢、 赤 以 道 晋 0

志》不同

之説 胄問 賈逵云: 及者一分差。 五 十度,至 斗十二度,每六十年餘差一度。 六十一年差十三度。」見李肇《國史補 唐 漢 太初 度八十四分,每八十五年退一度。」每年不 興元元年甲子,冬至,日在斗九度。 文帝三年甲子,冬至,日 也。 董生云: 曆》冬至日 日 慶曆甲申、《崇天曆》冬至,日 右 漢太初元年丁 「古曆冬至 見《武經總要》。 轉, 「貞觀三年己丑,冬至,日 星左 在 |牽牛 一轉,約 日 在 Ħ. 初。 建星 ,冬至,日在 在 八 歲差之説 斗二十二度; 十年 何 即 此李 承天云: 差 今斗 一度。 不 九百 在 斗 淳 · 星。 同 斗 在 裴 風

> 參以 《太初曆》 典》日短星昴,今日短 沖之云: 在 而計之,未盈百載,所差二度。」沈存中云: 二。晋姜岌以 「顓帝曆冬至,日宿斗初,今宿斗六度。 堯冬至, 牽牛初 中星,課以蝕望,冬至日在 四 日 日 分。 漢初用秦曆,冬至日在牛六度, 在 在 月蝕, 牛 須 《景初曆》在斗二十一。」祖 初、《四分法》日在斗二十 女 + 知冬至 星東壁。 度。  $\sim$ 在 太 斗 初 斗 十七。  $\dot{+}$ 曆》 冬  $\sim$ 堯 通

謂: 文; 韓 曜 鉤 顯 》謂 信都 符《渾 蓋天 黄帝爲蓋天, 芳曰: 仰 儀法要序》以 帝 觀, 堯時 渾 以《 羲 顓 天 頊 周 和 覆觀,以《靈 造 髀 爲伏羲立 立 渾 **>** 渾 儀 爲 儀 法 <u></u> 渾 春 而 . 儀。❷ 劉 秋 本 朝 爲 文

0

<sup>「</sup>等」,嘉慶本、道光本作「同」。

<sup>「</sup>本」,原作「前」,據嘉慶本、道光本改

未 所 出

圖 書,自黄帝始。」鬭 刻之長短 後 苞授規日月 漢 天 由 文志》: 日 苞,似是人名氏,當攷。 星辰之象。 出之蚤 晩。 黄帝始 景之長 故星官之 受《 短 河

由 日行之南北。 觀 賦 後 魏 張 淵 撰。 見《 後 魏 書》。

此語蓋出於方氏《禮記

解》。

初 學記》云「宋張鏡」,非 也

撰 賦之末日 臥 贊,旁覽不及《隋書》。 風 台《集解 注。 渾儀之下,其所論著,何 ,畢懷亮注 播 《大象賦》、《唐志》謂黄冠子李播撰,李 撰 恥 附 薛士龍 無 耳 疑 「有 以 播,淳風之父也。 矣 求 書其 《館閣 少微之養寂 播 達,方卷舌以 仕 後 書目》題 隋 時 **E** 君 高 止 能 「專本 祖 無無 此 致 張衡撰 今本題 時 幽 之蘭 耶? 進 棄 居 賢之 巫 官 臺 咸 李 則 愚 楊 爲 見 爲 觀 坐 淳 道 星 炯

> 著《靈・ 士。 時 憲 未 影,楊 有 炯 隋 作《渾天賦 志  $\approx$ 非 旁覽 》,後 不 人因 及 也 以 此 張 賦 衡

附之,非也

圖,言下見象。王希明纂《漢晋志》釋之。 者之流也,不知名氏,作《步天 注。《二十八舍歌》、《三 然則王希明、丹元子,蓋二人也 總爲一卷。 今本司天右拾遺内 《步天歌》,《 鄭漁仲曰 唐 供 志 奉王 **>** 謂 垣 隋 E 頌》、《五行吟 希 希 有 明 歌 丹元 明 × 丹 旬 喬令來 元 子, 中 有 隱

氏謂: 也。 隳,文欲作 秦、聚東井。 將伐殷,聚房; 沙鹿崩,晋文之祥 沈約《宋志》: 恒 而 星不見,星 周、漢 地 理 齊桓將霸,聚箕; 决,王道之革 以 「五星聚者有 Ŧ, 也。 隕 齊以 如 桓 雨 將 也 霸 興 齊 襄 而 桓 漢 之 陵 高 許 周

永建 初, 李 郃 上 書 日 趙 有 尹

.

後漢

獄。 志》注 史, 曰 : 昔之傳天數者,趙尹皋。」又謂: 見月 其後公子牙謀殺 『天下共一 李氏 生 丛 数 書》。 畢,知 畢 大 按 星 太 君,如 爲 史公《天官書 占, 何 或 史所言。」《天文 有 也?一下 兵 變。 「皋、 ·史於 趙 唐、 君

列

賢 家。」 巫 商 (咸乂》 父子並 也 巫 鄭 |咸。攷之《書》: 孔 星家有甘、 安國云 四篇。」又曰: 康成 爲大臣,必不 謂 石、 巫官。 巫 巫 咸三家,太史公謂 氏 「伊 世作 孔 在太 也 穎 陟 達云: 巫官,言 戊, 贊于巫咸,作 馬 融 巫 謂 咸 义 王 殷 巫 咸、 氏 之 殷

其占驗,僅見於

此。

《趙世家》不載

甘、石因時

務

論

其

書傳。」尹史,即

尹皋

也

禱

巫

醫。 此 又一 巫 咸 也

云: 祠 也 星 J°\_」説 哉 莊子》言傅説 傅説 古賦 爲 此天官之難 有 商良相,豈爲 一星,在 乘 尾 東 傅 明者 北 維,騎 説 後宮 後 奉 也 河 中闡 箕尾 中 女 水 之祠 蓋 祈 後 而 子 宫 比 注 女 於 而

其行; 於此 王 事 務 不可 剛其 春秋 以 「天不可 氣,爲君者務堅其政。」丁鴻《日 君不堅,則邪臣 不疆,不 繁 露》云: 以 ·彊 不 剛 則 不 宰 亂其官。 天不剛 牧縱 剛 則三光 横。」其 則 故 不 爲 列 言出 明 食 天 星 者 封 亂

E 動 陽 氣 之 也 元 朔 祐 末,日 此 皆有陰 食不 盡 **慝見于** 如 鉤 祲象,志壹之 元 符 末, 日 食

0 觀 象賦」 至「不載」, 原 闕 據黄岡萬氏刊《集證 》本 今蘇

州

常 郭

熟

縣

西

有

巫

咸、

賢 以

冢

併

之以

咸

當

以《

書》爲

Œ

《史記》正義:

巫

咸

吴

是也。」《後漢

• 天

文

念》乃

云

湯

則

巫

異

聞

璞

巫

咸 海

山 隅

賦 Ш

序 上

巫

咸 巫

鴻

術

爲 識

帝

堯

之

謂月食之既,猶儆戒如此,況日食乎! 及二十三食而復既,則是不當既而既也。」愚而復既。按元豐八年八月望,食之既,今未言:「《漢‧曆志》月食之既者,率二十三食言、「《漢‧曆志》月食之既者,率二十三食

焉。 九 端。」《北斗經》疏云:「不止於七而全於 輔 調北 云 所謂 天心、天任、天柱、天英。 中古道德稍衰,標星藏曜,故星之見者七 王 曲 冰注云:「上古世質人淳,九星垂明。 加 斗九 九星者此是也。」◎《楚辭》劉向《 九星謂天蓬、天内、天衝、天輔、天禽、 星在第六星旁,又招摇 醫書《素問》之中,亦嘗有九星之言。● 「訊九鬿音祈。與六神。」注:「九鬿 輔、弼二星故也。」與《素問 招 星 摇 也。」《補注》謂: 在上」,注: 此蓋從標而爲始 招 星在北斗杓 摇 「北斗七星, 星在 》注不同。 《九歎》 北半

> 外,恐誤。徐整《長曆》曰: 里,皆在日月下。其二陰星不見者,相去八千里。」 摇 第四權,第五衡,第六開陽,第七摇光。揺 光則招摇 杓端,主指者。]正義 「北斗七星: ,斗建也。」《楚辭 也。二《淮 第一 南 天樞 補 引《春秋 注 「北斗七星間、相去九千 以以 時 ,第二旋,第三機**,** 則訓》注 招 運斗樞》云: 摇 在 七 星之 「招

中有陽。」
「天有陰陽,地亦有陰陽」,「故陽中有陰,陰星,陽中之陰。」按《素問・天元紀大論》:是,陽中之陰。」按《素問・天元紀大論》:之陰。」朱文公云:「緯星,陰中之陽。經,陽中王介甫云:「雲,陰中之陽。風,陽中

顏之推《歸心篇》、孔毅父《星説》,皆倣

0

<sup>「</sup>素問太始天元册文有九星之言」。 「醫書素問之中亦嘗有九星之言」,嘉慶本、道光本作

猶用焉」。 「所謂九星者此是也」。嘉慶本、道光本作「遁甲式法今

天運》之簡妙。 柳子《天對》矣。傅玄《擬天問》,見《太平御覽》。 屈 子《天問》之意 巫 咸祒之言,不對之對,過 然《 天 問》 不 若《莊子

黄姑」,即「河鼓」也,吴音訛而然。 古詩「黄姑織 女時相見」之句,此所 云

戌

與旱」,此昌黎所以訟風伯也 風 周官·小祝》「寧風旱」,漢代田之法 也。 《黄帝風經》曰:「調長祥和,天之善 折揚奔厲,天之怒風 也。」見《御覽》。 二能風

增 平元年,有雲五色如錦,而徐羨之廢 魏公五色雲見之事,不見于國史,疑家傳之 飾也。 《太平御覽》以五色雲列于咎徵。 帝。 宋景 韓

參横,北 龍城録》語本此,而未嘗考參星見之時也。 》辨其誤,然古樂府《善哉行》云: 「月没 龍 城録》「月落參横」之語、《容 斗 闌 干。 親 友 在 門,忘寢 與准。」 齊 隨

> 公謂: 天經》,紹 類集古今言天者,極爲 興 十年 王 及 該備 甫 上。 朱 文

《詩·定之方中》亦以十月中於未也。 爲中。 似差及四分之一。」 旦星中於午。《月令》差於未,漢、晋以來又差。 伏,故《傳》曰:「火見於辰,火伏而蟄者畢。」諸星 至申爲流,故《詩》曰: 火」,以 以午爲中; E 於午, 星始則見於辰,終則伏於戌。自辰至 正仲夏。 以火星論之,以午爲正,故《堯典》言「日永星 中於未。 以未爲中,故《月令》言「季夏昏火中」。 《月令》舉十二時之中,以未 「七月流火。」以辰爲見,以 《堯典》舉 朱子曰: 四 時 今比堯時 「堯 之正 亦 戌爲 時

機云: 星之屬,列《天文志》; 五行説》。 《後魏·天象志》曰: 『學者所疑。』」 七曜 一也,而分爲二《志》,故陸 薄 蝕慧孛之比,人 「班史以日暈  $\dot{\overline{\pi}}$ 

0 「太平御覽」至「增飾也」,原闕,據嘉慶本、道光本補。

凡星皆出辰没戌,故五星爲五辰。十

二舍亦爲十二辰。

星。《詩》正義。 十八宿連四方爲名者,唯箕、斗、井、壁四者,由弧星近井,建星近斗。《月令》正義。二者,由弧星近井,建星近斗。《

政,其怪如此。是謂人妖,何以弭變?●王景崇被衮冕,軍府稱臣以厭之。」衰世之白,晨星聚于畢、昴,在趙、魏之分。詔鎮州台、晨星聚于畢、昴,在趙、魏之分。詔鎮州

禮》曰: 畢。 秋。 行 九 出行,於是索室驅疫以逐之。《王居 歷 門磔攘,以 昴有大陵 《月令》凡二難: 昴; 鄭康成謂:「陰氣右行,季春之中,日 『季春出疫于郊,以攘 陽氣左行,仲秋之月,宿直昴、 發陳氣,禦止 積尸之氣,氣佚則厲 一以 疾疫。」然則 季春,一以 春 氣。 鬼隨 仲秋 明 堂 仲 民 而

> 愛民之意而已。 上,賢相燮理於下,是爲天地之良醫。皇建上,賢相燮理於下,是爲天地之良醫。皇建之疾,係乎日星之行度。古者,聖君範圍於

云: 臺坊,今祥符縣 上,因以爲名。」 次道《東京記》: 《唐志》:❷「測景 「昔魏主遥 事霍 西九 「宣德門前天街 Ш 里有岳臺。」《 在 神,築此臺禱 浚儀 岳 臺。」 西第 圖 於其 按 宋

#### 唇數

《太初曆》以前,曆上元泰初四千六百

- 「唐天文志」至「何以弭變」,原闕,據嘉慶本、道光本
- ❷ 「唐志」,嘉慶本、道光本作「唐天文志」。

四

議》云: 寅 之,皆不值甲 之歲 本星度,故命 日,己巳立春,七曜 曆元起乙卯,漢《太初曆》元起丁丑,推 元 解 上元太始, (°) 其説可以補《解題》之遺 年,歲 題》 + 七 歲 孟 次 按《通 「《洪範 至 康 閼 丁丑 注 於 寅。 日 蒙 閼 鑑 元 攝提格之歲,畢 傳 當 猶 蒙 目 此 封 》 曰 : 俱 爲甲 以 七 攝提格之歲,而 考。 録》、《皇極 在營室五 日月 年, 寅之歲。 愚按: 『曆記始於顓 復得 五. 一緯,復日 度。』秦 經 閼 陬之月,朔 世》, 《大 逢 《大 得 實 攝 太 非 上元 衍 顓 事 而 提 頊 甲 上 曆 初 記 格 頊

至,殷 曆 也。」按《漢志》魯釐公五年正月辛亥朔 元 序》皆有甲寅元,其所起在《四 後百十四歲,緯所 序》云: 曆以 大 衍 爲壬子。 曆 「僖公五 議 日: ^ 載壬子冬至,則 年正 隋  $\stackrel{\neg}{\approx}$ 志 考 × 月壬子 靈 分  $\wedge$ 曜 曆 春  $\forall$ 朔 秋 其遺 ^ 旦 緯 命 日 庚 命 冬 術 申 曆

> 《春秋》用殷 交會, 也。」 成、襄、昭、定、哀之正,而後建子,間 之日食,則 閔、僖、文、宣之正,建子 曆》於孔子時效。」 至 亥者,非一代正朔自異尚 周正皆建子也,今推之曆法,積之氣候,驗 然 不 則 與 緯 春 殷 曆 與 秋 曆 殷 也 隱、桓之正,皆 曆 相 《晋志》姜岌 即《命曆 同 應。」《春 故 也,曆亂 劉 及 序》 洪 丑者 秋分記 日 所謂 日: 建 相 而  $\mathbb{H}$ 「考其 半。 亦 孔 不之正 **>** <u>~</u> 有 子 日 甲 建 寅

曆》。 小 周王朴校定大曆,削去符天之學,爲《欽 顯 天曆》,一云《合元 曆,行于民間。 慶五年庚申 曆有小曆,有大曆。 - 爲曆 萬 石 元, 分曆 『晋《調 雨 **》**,本 水 唐曹士為《七曜 元 爲 曆》用之。 歲首 天 竺曆法, 世謂 天 後 以 符

劉 貺 曰 : 曆 動 而 右移,律動 而 左

未 改之,是然後用之。」李文簡以爲至論 差 無 劉 以 洪 知 日 其失,未驗無 曆 不 差不改,不 以 知 其是。 驗 不用 失然

月表》: 堂篇》謂: 子, 蓂莢生於庭, 爲帝成歷。」而《大戴 異。」注謂一葉爲一月,有閏十三葉。 五葉,十六日一葉落,終而復始。」唐《律 「朱草合朔」。 **蓂莢謂之歷草,田** 用梧桐之葉十三。 「朱草日生一葉,至十五日 古有云: 俅子曰: 梧桐 不生, 「堯爲天 則 平園《閏 九 生十 賦 》有 明 州

甲 庚 契》借以寓 月垂天,成八卦象: 占法,見於《火珠林》者,是其 壬十 八 日兑象; 甲之法,朱文公謂: 六日 行持進退之候。 旦 一巽象; 月見丁十五 三日暮震象; 月 退辛二十三日 日 虞翻云: 「今所傳 遺説。」《 乾 象; 月出 參 京 月 艮 盈 日 同 房

> 氏云: 旦坎象 魏伯 象 下,六癸酉也。」 於坤。始於甲、乙,終於壬、癸,而天地五十 地之説者,●九天之上,六甲子也, 天。自乙至癸,其數九,故曰九地。 壬,坤納乙、癸,自甲至壬,其數九,故 五數具焉。 庚、戊、丙三者,得於乾。辛、己、丁三者,得 巽納辛,坎納戊,離納己,艮納丙,兑納 陽皆會稽人,其傳蓋 月消 「乾納甲、壬,坤納乙、癸,震納庚, 水流 丙 又有九天九地之數,乾 三十日 戊 日 中 坤象; 離象, 有所自。 火 月 就 滅 已。」 Z 漢上朱 九地之 晦 九天九 1納甲、 虞與 日 夕朔 了。 九

太陽寒水 少陰君火,太陰濕土,少陽 五運六氣,一歲五行主運各七十二日。 厥 陰 風 木。 丽 火獨有二。 相 火, 陽 明 燥 天以 金

● 「九天九地之説」,原闕,據嘉慶本、道光本補

學紀聞卷之九

之説,堯、舜時十日一雨 故 行度,莫知其始終次序。 楊退修謂五運六氣,通之者唯王冰,然遷變 六之數。《易》、《 日 六 運 爲 以 節 「天有六氣,降生五味。」即《素問》五 五歲 氣 爲 以 一周。 六 洪範》、《月令》其 期 爲 《左氏》載 程子曰:「氣運 備 ,五日一風,始 地 以 醫和 致 五 爲 之言 也。 制 用

既 牛」,丑 時 ? 十二物,未見 舛之甚者。 在 之,唯龍與牛爲合,而他皆不類。 十二辰之會,五時所食者,必家人所畜,丑 差 一西,而反居 我馬」, 朱文公嘗問 首見何書? 爲牛之證  $\wedge$ 午爲 韓 所從來。 寅 文考異》《毛穎 蔡季 也。 馬 又謂 鷄 之證 爲 通,十二相屬 愚按: 蔡邕《月令論》云: 鳥屬, 以二十八宿之象言 也。 傳 而反居西,又 「季冬出土 「吉日、 》封卯 至於虎當 起 庚午, 地 於 謂 何

> 牛、未 巳爲蛇,象形。 十二物,見《論衡 爲火,牛爲土,犬爲金,豕爲水。 象多塗,故午爲馬, 下非食也。」《月令》正 羊、 戌犬、酉 • 鶏 物勢篇》。 酉爲鷄,不 、亥豕 義云 而 릲 《説文》亦謂 可一定 鷄爲木,羊 但 其 陰 餘 也。 陽 虎 取

釋氏 乎? 氏之《皇極經世》。」 周,與《汲冢紀年》及商曆差異,況開闢之初 舜之年,衆説 譜》謂大庭 歲,分爲十紀,蓋茫誕之説。」劉道原《 矣。《廣雅》自 致堂云:「有書契以來,凡 千六百三十三年。 之《長 王質景文云: 自帝堯元 至無 含經》。 不 年 開 同。 懷氏,無 申 闢 帝堯而上,六閼逢 辰 開 至 至宋 闢 獲麟,二百七十六 渾 以 統 年 淪 後,其 德祐 曆》次夏、商、西 以 而 幾鴻荒,幾至 前,其 有總 丙子,凡三 詳 數。 見 略 疑年 於邵 見 於 德

元 子謂三命是律,五星是 在析木之津,辰在斗柄,星在天黿。」五星之 初 以十一 「武王伐殷,歲在鶉火,月在天駟,日 都利 星行曆,推人命貴賤,始於唐貞 士李彌 乾。 唇。 拿車 晁氏謂冷州 斯經》本梵書。 鳩 程

「維戊」、「庚午」,則見支干之有吉凶。利子商」,則見姓之有五音。《詩・吉日》也。「我辰安在」,論命之説也。《傳》云「不也。「我辰安在」,論命之説也。《傳》云「不

桁

",其來尚矣。

爲一 也。」今致《五代會要》: 以 天臺奏《漏刻 中星考畫夜爲一百刻,六十分刻之二十 刻 一時,每 時,時以四 《五代史·馬 時 有 時 八 有八刻三分之一。六十分爲 經》云: 刻二十分。四刻十分爲正 刻十分爲正,此自古所 重績傳》: 「晝夜一百刻,分爲 晋天福三年,司 「漏刻之法 用

> 要》之明白。 於「六十分」之上,闕「八刻」二字,不若《會 前,十分四 正。」上古以 刻 來,皆依 爲 正後,二十分 此 法。 歐 陽公作 中 心 爲 時

「四維」,東萊子所造,布十二時四維。 《御覽》引《藝經》作「悁悶」。「三不能比兩」 二時相從。徐援稱『捐悶」是奇兩之術。 二時相從。徐援稱『捐悶」是奇兩之術。」 《數術記遺》云:「世人言『三不能比兩」

是方,自是爲九,而積之爲八十一首。《金樓故九而九之爲八十一章。《太玄》以一玄爲故九而九之爲八十一章。《太玄》以一玄爲故九而九之爲八十一章。《太玄》以一玄爲九,但譚《新論》曰:「老子謂之玄,揚子

本旨。 《乾》、《坤》之元,即《春秋》之元,一心法之 妙也。」張文饒《衍義》以養氣釋元,似未 乎?」愚於《虚》亦云:「《虚》之元,即 在其中矣。邵子曰: 也。皆心之體,一心正而萬事正,謹始之義 之《乾》,太極之動也,《玄》之中,一陽之初 終而始也。《歸藏》先坤,闔而闢也。 萬事生乎心,豈惟先天哉! 學,子雲之學也。《先天圖》皆自中起,萬化 心其神乎,潛天而天,潛地而地。 虚 心 學 也, 「《玄》其見天地之心 以 元 爲 《連 首, 山》始艮, 心法 温公之 《易》 也

一月,用中榆立閏,蓋出於此。
云:「陰陽之數,日辰之名。」盤洲於閏十榆大收,十二寒至静,十二大寒之陰。」注榆大心,十二寒至静,十二十寒心聚,十二中刑,十二小榆賜予,十二中寒收聚,十二中

積算近,其驗易而差亦速。」善,積算遠,其驗難而差遲, 治曆之不善,《國史志》云:「曆爲算本。治曆之

困學紀聞卷之九

## 困 學紀聞卷之十

此。

下。

鄒

衍迂誕之説,實啓之。

異端之害

其

州

縣。」

愚

謂

秦

皇窮

兵

胡

流

毒

天

浚 儀 王應 伯 厚甫

地

理

騷》引《禹大傳》,豈即太史公所謂《禹本紀》 一禮義 宗》引《禹受地記》,王逸注《離

者歟?

瀛 運 而 鄒 欲 海 分爲九州。 ,謂中國,天下八十分之一,名赤縣神州, 衍怪説, 熒惑諸 景 鹽 其 九 鐵 外。 州, 論》大夫曰: 絶陵陸不通,乃爲一州,有大 方 所謂 瀛 海, 侯。 極,而 朝萬 鄒 秦欲達瀛海,而 國。」文學曰: 天下際焉。故 子 推終始之 失

> 利; 清,故其民閒易而好正。是以聖人之化 **鯲滯而雜,故其民** 民 杜牧亦云: 心易。」此即《漢志》所謂 也,其解在水。 愚戆而好貞,輕疾而易死, 民貪戾罔而好事; 而 輕果而賊; 垢 貪麤而好勇; 燕之水萃下而 管子》曰: 秦之水泔最 越之水濁重而洎,故其民愚疾 「山東之地,程其水土與河南 故水一則人心正,水清 楚之水淖弱 「齊之水道 諂 弱,沉 而 齊、晋之水枯旱而運, 諛 稽、淤滯 而葆詐,巧佞 繫水土之風氣也。 滯 宋之水輕 而 躁 而 雜,故 而 而 清 雜 故 復, 故故 其 而 則 勁 其 故 民 世 好 其 民 其 而 民

等,常重十三,故其人沈鷙多材力,重許可

能辛苦。」

0

勃 北 於《 所 蓋 者 河 地 東 年 海 距 謂 獨 ,乃今王 禹 理 爲 漯 一貝丘 碣 武 一志》碣 太 何 貢》 河 漯 史 河 河 石 哉 徙 ]|| 其 公、 五 者也。」 無 一莽故 東 者, 百 石 見。 郡 班 餘 在 則漢決之, 漯 瀆 乃 孟 所 鼂 里 北 禹 今 ][ 堅 更 平驪 補之《河 時 泉 而 謂 加 注 河 漢 河 李 源 也 城 人 人 塞 垂《 赤 縣 起觀 禹 勃 海 議 宣 河 而 西 釃 導 海、蓋 房 言 南 蓋 日 城 河 所 北 禹 在 渠 書 入蒲 行 出 時 漢 計 碣 以 「二渠 貝 河 勃 石。 日 引 元 渠 光 丘 海 其 人

郡 建 州 此 隴 隆 冀 渭 以 西 縣 源 唐 郡 年,秦州 之 氏《 南 堡 首 州 陽 今秦 禹 縣言,若 縣 又 貢 西 置大潭 州 日 傳 南 大 日 潭 本 今 縣 朱 渭 縣 朝 南 也。 輿 州 鳥 煕 · 地 渭 鼠 寧 地 按《 當當 源 ·, 志》在 七 縣 年,以大 九 <del>-</del> 地 西 域志 志 今熙 天 也  $\bowtie$ 水 \_\_ 在

> 今鳳 乃 今京 潭 府 潭 章 天 縣 隷 翔 邯 興 兆 \_ 岷 府 爲 縣 府 州 朱文公《詩 天 雍 興平縣。」按《 ,故雍縣 今 興 王 爲 縣 所 西 都 和 傳》曰 秦 之 州 廢 德 輿 公 當 丘 地 . 也 所 굸 廣 當當 都 秦 記 今 也。 德 西 云 公 和 興 徙 鳳 州 平, 翔 大

髮於湯谷兮,夕晞余身於九陽」。 謂 人 裸民之處,不死之鄉。」此屈子《遠 「仍羽人於丹丘  $\wedge$ 吕氏 春 秋》 一兮,留 禹 不死之舊 南至 九 陽 鄉。 之 遊 Ш 朝 所 羽

之。 縣 縣 江 江 州 爲 爲 屬 九 洞 豫章郡, 朱文公謂 非古九 庭 江 本 亭, 則 江 於 而 漢之 九  $\sim$ 莽 地 水 江 以 潯陽縣, 經 之名其 其 豫  $\forall$ 説 章 而 明 郡 胡 誤 矣。 爲 在 久矣。 晁、曾 江北, 九江 然 漢 氏 以 柴 柴 今之 九 桑 因

國語》注「姑蔑,今太湖」,當作「大

^

末」。 江 浹 出黟 縣南 甬 率 旬 蓋 Щ 傳 東,今句 ,東人海。今《漢志》云:· 寫之誤。 章 東, 唐 盧 海 潘 口 引 外 **《地** 蠻 洲 夷中。」 理 志 當 作 浙

E 與 后於城陽山 戰 國 策 ≫. 中。」非 田 單 但蜀 爲棧 有棧 道 木 閣 閣 也 迎 齊

陰 于 高 魚 魚。」 楚北 陂 非 有甘魚之口, 注云: 也 ^ 左 竟陵 氏 . 鮑 縣 氏 昭 城 + 注 西 北 年 「疑 傳 有 甘 爲 次 魚 濟

亦

主儌 莋 郡 郡 四 地 年,并 都 《後漢 既 理 外夷; ^ 縣 志》 大 而罷之。」愚按 蜀爲 事記 武 不載 . 元 帝 莋 鼎 . 西 所 六年, 都 居青 解 部, 開 夷傳 按《 題 置兩 × 以爲 衣, 輿 元  $\wedge$ 鼎 地 主 都 黄霸傳》人穀 沈黎 「武帝所 六 廣 沈黎郡、汶 漢 尉。 年, 記 人。」《· 郡。 一居旄牛, 漢 以 開 爲 武 冉 至 Ш 天 駹 沈 帝 汶 以 漢 夷 爲 黎 置 Ш

> 郡 地節三年十二月,省文山 靈 帝 0 時 至 復 地 分蜀 節  $\equiv$ 郡 年, 北 郡 省 部 并蜀 并 爲 蜀 汶 郡 Ш 郡 爲 。」《宣 北 部 帝 都 紀 尉。

章,蓋誤以 誤。 承縣。 荀 卿 誠 爲 南 蘭 齋《 巓 陵令, 陵爲楚之蘭陵 延 陵 縣在 懷古》有《蘭 漢 屬 東 也。 海 陵 郡 古靈 今沂

州

銅 地 初置 阮 川 理 氏 注: 縣。 志》定襄郡秀容 銅 文中子父曰「 111 十八年,置忻州。」 襲注是 「上黨 縣 ,今忻州 有 銅 銅 縣,開皇初 秀容是。」 川 鞮 府 縣 君 \_\_ 龔 置新 愚 氏 隆 也 攷《 爲 注 銅 隋 興 Ш **令**。 郡 隋

云 中説》同 宋武 置 州 司 府 州 君,龔 於 虎 牢,西 氏 本作「 魏 始 司 改 州 華 ۷, 州 注

詩」,原作「字」,據嘉 慶 本、 道光本改。

<sup>0</sup> 今」,原作「令」,據嘉 慶本、 道光本改

爲同。

於河汾。
子夏居西河,在汾州。文中子之教,興

之睢 陰 平氏 濟 縣,本淮陵縣 永寧元年爲淮陵國。 志》, 殖 廢省,今其 禹貢集解》云: 陰 郡 傳》,然太史公語尤奇峻 郡 陵 。」今按 淮陵郡 東南,淮水 地理志》: 漢 即 有 睢陵縣, 漢之淮 地 地當在 本淮 漢 理志》言風俗,多 漢、晋有淮 陵縣。 陵 屬 所 輿 「《禹 而 楚州界。」愚攷《宋 也 臨 淮 出 地 淮 淮 陵,晋猶 , 廣記》: 陵 《廣記》: 東 貢》 漢屬臨淮 郡、宋 郡 南 陵、 桐 可 無 至 柏 以 取 淮 睢 E 存 淮 後 漢 参觀 不 大 陵 陵 睢 太史公《 睢 陵 漢屬下 泗 復 縣 陵 陵 州 知 人 故城 蓋 縣 Ш 海。 置 招 州 郊 何 晋 ,在 宋 宋 濟 郡 代 貨 信 在

在楚州,非也。

之物, 晏子以儉鎸之,然猶幾不能勝。」齊俗之侈 造,其本皆興於齊景公喜奢 蓋 説苑 自 景 號 \* 志》謂齊 公始 爲 墨子 冠 帶 俗俗 日 衣 彌 履 侈 天下。 ,織 錦 繍 作 絺 而 冰 臨 約, 紈 忘 淄 儉。 綺 亂君之所 有 繡 服 幸有 純 官。 麗

元次 氏 春秋 山名浯溪,亦 琅 溝 邪 • 洫 郡 先 志》「史起引 靈 識 門 覽》,以 縣 有 壺 所 山,浯 本 賢 漳 ·, 非 水 令」爲「聖令」, 自 水 溉 造 所 鄴 此 出 字 出《吕 也 音 哲。

舄鹵」爲「斥

國」。

關 縣 金 無 有 州 鄖 鄖 關 洵 正義云: 史記 嗣。 陽 縣 鄖 . 長 貨 利,今商州上津 當 愚 <殖 按 爲一 地 傳 洵 理  $\forall$ 志》宛 南 漢 陽 志 洵 西 水 西 縣。 漢 通 E 通 中 武 有 武 武 郡 關 關 關 舅 長 在 利 鄖 在 而

信

縣

西

北

二十五里。」然則《禹貢

解

》以

淮

陵

淮陽軍

下

邳

縣。

^

寰宇記

**\***:

古

淮

陵

城

在

招

商洛縣。正義失之。

丹,及 暇 也。 而周不知 郡縣削弱 幽 公事 鎮亡 獯 ,封建之效 而契丹之患始熾, 鬻, 則夷狄之禍烈矣。 而 商 也。 不 與 唐 以 方鎮 晋 妣 拜 鎮 之 戎 扞 效 契 不

宗紀》: 武 臺,刻 ,爲漢武求仙之處 九域志》: · 貞觀十九年,伐高麗,「班 石紀功。」臺 「滄州 餘 有漢武臺。』《唐 基三成。 燕、 師 次 之 漢 太

開 始 嶓 通 國 通 載 人煙。」其説本 于《 也 何茫然? 李太白《蜀道 禹貢  $\leq$ 爾 庸、蜀見于《牧誓 揚雄《蜀記》。 來 難 四 萬 八千歲,不 蠶 愚謂 叢 及 非 與秦塞 魚 至秦 岷

焉 謂 水經》 郭 注 璞 引 引天下之水百三十七, 注,三卷。 枝 流 一千二 後 魏 百 酈 五 道 + 元 江 注 河 在 通 四

塗

惲

泂

南

桑

欽

君

長。

晁

氏

讀

書

志

**>** 

欽,而 歟? 壘。」 以後 名。 武 魏、晋,疑出於璞也。《新 人所撰。 都從長樂」,則晋太康五年也。 云「濟 + 水過永安」, 經》云: 荷水過 赫連果城也。」乃 舊唐志》云: 侯所居。 卷。 「又東 又云: 纂序 按《前》 又云: 水 湖 過 《隋志》云「郭璞注」,而 河河 不 也。 北 陸 壽 魏分漢 漢 詳撰 則 過 張」, 水又北 魏 一作 彘 愚按: 臨 則 儒 興安陽縣。」注謂: 郭璞 縣 者 湖 濟 後 中,立魏興郡。」又「改 林 則 名 薄 順 陵 」,則狄縣,安帝更名。 魏 傳 郭 前 撰。」愚 氏 帝更名。 縣 骨律 所 璞 漢 《經》云: 章帝 置 撰。」 唐志》始以爲桑 壽 不 《古文尚 鎮 良 知 謂 其酈氏 然則非後漢 城。」注 蓋 更名。 縣 何 不著撰 故 疑 光武 代之書 所載 知 之也。 「諸 附益 武 云 順 一沿 侯 及 帝 葛 車

皆非 景 友; 馮 陵、桂 豫章、朱崖、 益 欽 純 翊 成 之稱; 注 本文, 顔之推 《蒼 陽、諸 如《 帝 解 時 疎 頡篇》造於李斯,而 Ш 略,多迂怪。 暨之名; 趙國、常 《爾雅 海 經》禹、 意 嘗 》作於周公,而云張仲孝 者 論之矣。 山、奉高、真定、臨 欽 《本草》神農所 益 爲 今郭注不傳。 所 此 記 云 書 ^ 通 漢 有 而 典 兼天下。 長 後  $\searrow$ 述, 沙、 又謂 人 淄 零 附

今本 藜 杖,皆王嘉《 所無 圖 三輔黃圖》所載靈金内府及天禄 》蓋唐人增續成之。 拾遺 記 **>** 譎 誕 《水經注 之 説 》引《黄圖》, 程 閣 泰之 青

陽。」南陽是襄陽墟名,非南陽郡也。殷芸《小説》云:「諸葛武侯躬耕於南

涼 素 地 問》 不 滿 東 南 天 右 不 熱而 足 西 左 北,左 温 寒 脯 右

漢

袁良

碑》云:

一帝

御

九

龍殿,

引

寔曰 嘉 上 愚 飲 有 按 德殿在九龍門内,非但見於此碑也 宴。」  $\equiv$ 嘉德。」注:「九龍,本周  $\wedge$ 銅柱,柱有三龍 張平子《東京 集 古 録 跋  $\Rightarrow$ 謂 賦》曰: 九 相 龍 糺 殿 繞 名 故 時 「九龍之内, 惟 殿名。 日 見 九 於 龍。」 此。 門

遷 載 乃謂長安宫殿,誤矣。 后 也。 於上 武后在洛陽, 張柬之等舉兵,至后所寢長生 陽宫,皆在 不歸長安。」此《通 洛陽。 程 泰之《雍 一殿 鑑 又 

日 舜 即「濩」字。 舜 而 漁 後親。」未詳 馮 雷澤,堯得 舜 衍 漁 賦 獲澤。」今《 云: 所 之服澤之陽。」「 出 皋陶 (墨子 釣 水 於 經注》引《墨子 靁 尚賢篇》曰: 澤兮,賴 服」字, 疑

陵縣。 南 陵,縣 ^ 漢 宣城縣屬 名 屬 王 丹陽郡。 嘉 宣 傳 城 **\*** 南 按 爲 陵 南 屬京 陵 漢 丞 無 水兆,文 宣 顔 城 郡 注 南

年置。顏注不攷《地理志》何邪?

白。 雍 蔡 氏《集傳》從之。 州 之山。 禹 貢》「冀 晁 氏 州 謂 治 朱文公曰: 冀 梁 州之吕梁狐 及 岐」,先儒 「梁山 證 岐 據不 皆以 Ш 甚 也 爲 明

晋 限 州 晋 人于江 在 調 星 有 暉 北 商 關 奇 飯 舒 者,大 麗 諸 洛 大雷 ,有文才,能 州 ,結荷水 鮑 爲 賈 侯。 以以 超絶,翰墨 明遠《登大雷岸 望 大雷 無過 誼 戍, 江 書》日 限 抵 口 臨晋在 縣,《 宿。 雷 南諸 爲 陳 池 備 元 置 : 詩 水 旅客 侯。 和 畦 「所 Ш 大 同 步。」は 郡 逕,可 經 見 東 縣 州 雷 貧辛,波路壯 函 志 注 與 鍾 諸 朝 爲 郡。 積 妹 谷 **\*** 峰《 詩 邑,以 侯 建武 以 所 īij 在 書》云: 也。 爲 諷 庾 謂 陝 池, 闘 誦 亮 大 限東諸 밆 州 謂 武 雷 **%**0 靈 函 之雷池 報 闊 舅 明 「棧石 谷、 寳 口 大雷 三具 温 遠 在 侯 也 以 嶠 妹 商 臨 東

> 洲 撰《長 陵。 洲之名縣,始於唐武后 也。 苑」,韋昭以爲長 故枚 洲 非 茂苑 縣西南七十里,未足據 此 澤,吴王 日 《漢·郡 「乘説吴王云「長洲之苑」,服虔以 地也。」問 余 洲 仕 玉 蓋 于 「它有 鏡 濞 取 吴 國志  $\sim$ 太 諸《吴 其 郡 蓋 倉 故。 所 洲在吴東,蓋謂 **>** 也。 煬 在 據 都 帝在 此。 余日 見 「廣陵 當從《郡 乎? 時。 賦 長 × 東 、」《元和郡 江 : 洲 EI : 陽, 或 都 郡東陽縣 余 宰 志 所 吴王 日 今盱 其 縣 廣 作 志 隋 陵 圃 也 濞 》苑 爲「吴 胎 之吴 虞 扁 有 長 在長 長 綽 長 廣 洲 曰

章, 奇 《紀異録》云: 唐 天后時,襲突厥,群 章 巴州之縣 Щ 隋牛弘, 殺 胡 爲 林, 名。 林内射殺一狐,因以名之。 封 在 梁普 隋、 樂 奇章公。 胡死於此,故以名之 城 唐《 通 縣。 六 志 年 僧孺,其 唐  $\approx$ 屬 置,  $\wedge$ 趙州 通 取 典 《續 後 縣 後  $\approx$ 通 屬 東 也  $\wedge$ 真 九 八 定府 域 里

困 學 紀 聞

志》、《 典》作「奇章」。 輿地廣記》皆云「其章」,誤也。 《續通

## 諸 子

於日用躬行之實。」 也。」朱文公云: 「所記雖或甚疎,亦必切 景迂云: 傳,視漢亡八篇矣。 ^ 漢 、志》: 「世知讀《曾子》者,殆未見其 「《曾子》十八篇。」今世 十篇見於《大 戴 禮 所 人 **%** 

容髮。」 忽。」出《曾子·天圓章》。 陽,歷居陽而治陰,律歷更相治,間不容 太史公序《曆書》曰: 《曾子》云: 「律居陰而 「其間不 翲 治

有三年,子思逮事孔子,未必至是時尚存。」 王三十五年。 通 鑑》載 《大事記》云: 子思言「荷變於衛侯」, 「去孔子 没百 在 安

> 乎? 薛常州亦云: 「子思之年,毋 乃過: 於壽考

云 坐。」當以周 傳》云: 之廟,有欹器焉。《韓詩 《家語》、《荀子》謂: 觀 一周 於周廟,有欹器焉。」《晋•杜 爾爲 廟 是。 欹 器 至漢東京,猶 外傳》、《説 孔子觀 於魯 苑》 在 桓 御 預 皆

漢《七略》之書猶存。《金人銘》,蓋六篇之 也、摇摇恐夕不至朝。』故爲金人、三封其 尚 武王問尚父曰: 有《巾机》之法。」《皇覽》撰集於魏文帝時, 有《黄帝銘》六篇。蔡邕《銘論》: 口,曰古之慎言。」按《漢·藝文志》道家, 父曰: 也 《皇覽·記陰謀》黃帝《金人器銘》: 「黄帝之戒曰: 「五帝之誠,可 『吾之居民 得聞乎?」 「黄帝

胡文定銘龜山楊公曰: 「孰能識車中

二四六

車避。 敷 ? 姑布子卿曰: 出 之狀,意欲施之。」《韓詩外傳》云: 告,孔子曰: 乎?」」文定蓋用此,以比二程。 政教失,强陵弱,衆暴寡,百姓縱心,莫之綱 足辭也?』子曰: 紀。是人固以丘爲欲當之者也,丘何敢 欲施之。 衛之東門,逆姑 既斂而椁,布器而祭。顧望無人,意 有人將來,必相我者也。1孔子下步, 上無明王,下無賢方伯,王道衰, 『丘何敢乎?』子貢曰: 『羸乎若喪家之狗。』子貢以 布子卿,曰: 『汝獨不見夫喪家之狗 : 二三子引 「孔子 「何

其師説以毀聖賢。當以《韓詩》爲正。子思、孟子,蓋其門人如韓非、李斯之流,託云十子,而無子思、孟子。愚謂: 荀卿非云十子,而無子思、孟子。愚謂: 荀卿非

乎?思、孟軻皆在焉,豈有法仲尼而非三子者以爲盜名可乎?《非十二子》,史鰌與子

《楚辭·漁父》: 「吾聞之,新沐者必有語也。

借賊兵也。」獨不知李斯、韓非乎?《荀子》曰:「非其人而教之,齎盜粮、

云:「横革、直成,●未聞。」韓侍郎云:民行勞苦,得益、皋陶、横革、直成爲輔。」注《成相》曰:「禹傅土,平天下,躬親爲

❶ 「成」,原脱,據嘉慶本、道光本補

化益 交,未詳。《世本》化益作井,宋衷云: 字相類。 益 銘 成之也。」愚嘗攷《吕氏春秋》云: 此 ,即伯益也。真窺,即 乎金石,著於盤 論 一、真 益 横革,即 窺、横革、之交五人,佐禹,故 皋陶之功,横而 横 革也。 盂。」陶, 直成 皆禹輔佐之名。之 不順者革之,直者 即 伯益。 也。 皋陶 「真」與「直 「得陶 也 功績 化

》注作「皋牢」,猶牢 王霸篇》「睪牢天下而 籠 也 制之」,《馬 融

乃可與言也。」此 其邪心。]楊倞注云:「以正色攻去邪心, 人之意也消」。 孟子三見齊王不言事,曰: 莊子所謂「正 一容以 「我先 悟之,使 攻

是也。」《阿房宫賦》之語本此 《荀子》曰: 「千人萬人之情,一人之

勸 「聖心循焉」,作「備焉」, 「學篇》「青出之藍」,作「青 玉 取 之於 在 Щ

> 注文。 攷。五泰,注云: 今監本乃唐與政台州所刊。 如響矣」。《賦篇》「請占之五 木 潤」,作「草木潤」, 監本未必是,建本未必非,餘 「五泰,五帝也。」監本 熙寧舊本亦未爲善,當竢詳 君子. 如 改爲五 泰」,作「五 不勝 而

曰: 勞矣,然而不怨苦者,利歸於民也。」又 而 仁昭而義立,德博 之也。」一民有罪,則曰 『此我飢之也。』有一人寒,則曰: 『此 罪,憂衆生之不遂也。 不罰而民治。 堯存心於天下, 不利於人,則 「禹 河 江通 間獻王之言,惟見於《説 稱民 於 九 先恕而 無 派,釃 我 食, 加志於窮 而 不 則 化 能 五 後教,是堯道也。」又 我不能 :『此我陷之也。』 廣,故不賞而 勸 湖 有一 也 而 民 定 民 痛 故 使 東 飢 苑 也 海 疏 萬 河 姓 則 民 功成 我 之 以 民 日 勸 寒 墳 罹

二四八

而

獨思 譬如火焉。 矣。」 孔子曰: 也。 辱。1 夫穀者,禮義所以行,而人心所以安 稱: 惟學問可以廣明德慧也。]又曰: 其志,帝王之治復還,其必賢於文、景遠 本也。」司馬公爲獻王贊,謂: 湯稱學聖王之道, 《尚書》五福,以富爲始。子貢問爲政 ,若火之明也,可以見小,未可用大知 廪 「富之。」既富,乃教之,此治國之 夫捨學聖王之道,若捨 實, 知 譬如 禮 節; H 焉 衣食足,知榮 「用其德,施 静 「《管子》 居 日之光。 獨思

實之篇首、《詩》、《書》之《序》亦然。 《法言序》舊在卷後,司馬公《集注》始

殿。

隋無此名。

問 其 問辯之道也。揚雄之《法言》,辯乎其不足 有 也,問乎其不足疑也,求聞於後世 得, 老泉《太玄論》曰: 君子無 取 焉。」東坡 「疑而 亦謂: 問 i; 問 而 III] 不待 辯 太

乎?」玄》、《法言》,琱蟲而變其音節,謂之經可玄》、《法言》,琱蟲而變其音節,謂之經可

莽大夫之羞也。《法言》末篇稱漢公,斯言之玷,過於

通,半章也。 (五兩之編,半通之銅」,注云:「半面,與。」今按仲長統《昌言》曰:「身無半通青綸之通,與。」今按仲長統《昌言》曰:「身無半通青綸之面,半章也。

會要》武德元年五月,改隋大興殿爲太極殿,召見,因奏太平之策十有二焉。」按《唐《中説・前述》云:「隋文帝坐太極「美靈根」,「閉朋牖」、《太玄》之心學也。

「齊、韓、毛、鄭、《詩》之末也」,不當重出。「《論》失於齊、魯。」謂《論語》也。上文已言「《詩》失於齊、魯」,當從龔氏本云:

人焉」,曾謂房、魏不如懋乎!安在其爲守師説乎?「梁有許懋,而唐無房、魏學于河汾,而議封禪之禮,不以爲非,居,魏學于河汾,而議封禪之禮,不以爲非,以對禪,秦、漢之侈心」,此河汾篤論也。

注:「閉心,捐欲也。」橘頌》云:「閉心自謹,終不過失兮。」王逸心,中士閉口,下士閉門。」愚按:《楚辭・與民注《中説》,引古語云:「上士閉難氏注《中説》,引古語云:「上士閉

魏、晋而下言之也。《中説》於文取陸機,於史取陳壽,自

見,非也。 見。」玄素,蒲州人,《唐書》有傳。 注以爲未見。」玄素,蒲州人,《唐書》有傳。 注以爲未「張玄素《問禮》」,注云:「史傳未

> 按 溪。」注云: 佳兵不已,再傳而遂亂,安在其黎民懷之也? 此叔恬之言也。元魏之君,唯稱孝文,然治家 襲氏本云: 「文中子遊馬頗之谷,遂至牛首之谿」, 「戎狄之德,黎民懷之,三才其舍 《負苓者傳》: 王 「子遊黄頰之谷,遂至白牛之 績 嘗題詩黄 「文中子講道於白 頰 Ш 壁。」 愚 4

操,蓋孔氏《龜山》之流也。吾嘗親受其調,於隋末,傷世擾亂,有道無位,作《汾亭》之無功《答馮子華書》曰:「吾家三兄生

之溪。」當從襲本。

不可 溪 覺 頗 姚 義 賦 聲 謂 言 常謂 品 曲 盡 韻 相 得。 吾 趣 壯哉邈 高 近得裴生琴, 日 奇, 又 日 一薛 乎,揚、班之儔 詞 義 生此文不可 「吾往 曠遠,嵯 更習其操,洋 見 薛 峨 也。 收《 多 蕭 得,登 瑟 高 白 洋 9 人 真 4 乎

類 尾、鶴膝最忌,餘 《格》沈 腰、鶴 李百藥曰: 約 膝、大韻、小韻、旁紐 日 : 病亦 詩病 「分四聲八病。」按《詩 通 有八: 平頭、 Œ 紐。 上尾、 唯上 苑

太行,俯滄溟,高深極矣!」」可附作

説》注。

勃 有 諫 福 劉 郊 傳 議 祚 禹錫撰《王 助 少福時。」龔氏 大 生 杜 淹《 夫、給事中,終宣歙 勉 劼 福畤之子,見於《文藝傳》者,勔、 ,勉生怡 文 勸 。」太原府君召三子而教焉 質 中 子 碑》云: ,怡生潛、質,潛之季子爲 世 本載《前 家 ₩: 觀察使、《唐 述》,長子 文中子生福 二子: 爽 氏 福獎。 注 長 書 勮 祚, 굸 福

書此以補《世家》之闕。「文中子三子: 福獎、福祚、福畤。」福獎,疑即福郊

也。

收以 董恒、 注云 陽。 之道 姚 「白牛溪裏,岡 也。 爲俊穎 禮樂,生徒杞梓。 詩、依經正 兄之所止。 陽之開 儒 義、 素 本家 未 理達,方莊 同州悲永安之事,退居 王 太 南陽程元、中 人多高烈,穆公銜建元之耻 行 無 或, 「此溪之集,門人常以 原温彦博、京 而姚 。」然無 于祁,永嘉之際,扈遷 功《遊北 史。 許 終乃 継 四 義 由 周 組 慷 安康 功 避地、張超 Щ 帶 山賈 峙,信兹山之奥域,昔 Щ 慨 不 門人 似 青衿, 鏘 賦序》云: 及房、 兆杜 之受田。」 同 尼丘,泉 瓊、 多 儕 淹等 至公輔 方之仲 河 河曲 杜 成 鏘 南 百數。 市。 疑 江 儗 十 魏 薛 其 泗 儗 左 「余 餘 一,歸 收、太 前 由 淡。 察 賦 始 何 哉? 俗 則 周 河 文 階 于 地 云 中 稱 Ш 南 删 晋 洛 人 又 庭 吾 實 薛

安」。 禮於子明」。 鄭 知 書志》謂韓道 存于開皇間, 林請見,歸 年始到 人皆霑 也。 毅 一年,通 夫 用此推之,則以房、杜爲門人,抑 · 禁 ] ; 論 長安,其書 時 而 中 衡仁壽二年出 亦 年八九歲,未有門人, 有憂色,援琴鼓《蕩》之什, 説 是二者,其妄不疑。 開 》之妄, 一百二三十歲矣,而 子明 1有「内 太和 謂 史薛公見子於長 李 中見魏 襄州,通 德 林 卒 晁氏 孝文,如 而 於 1 有「問 有 又可 開 壽 「德 讀 門 四 皇

之象 象 ş 世説》其言清以浮,有天下分裂  $\wedge$ 中 説  $\forall$ 其言 閎 以 實,有天下 將 治 之

世之知 心》、《内業》諸 況」作「兄」,「釋」作「澤」,此類甚衆。 張 巨山《讀管子》曰: 令管 子 》 者 篇, 知其功業之所 殊 淺 也。 「讀《心術》、《白 書多 本,然後 古字, 召 如 忽 知

> 命」。 吾所 知章注,今本云房玄齡,非 仲 爲兄。』『澤命不渝』, 我 : 齊國之政也。」而 立,奪吾糾也,雖得天下,吾不生也,兄 甚陋不可徧舉。」 百歲之後, 吾君 注乃謂 愚 加 下 世 謂 注 也。 乃 犯 以  $\sim$ 吾 『召忽謂 管子》乃 爲『澤恩之 君 命 ൬ 尹 廢

與

日

可 行手實之法。 之實數。 宜 施 與民 七尺,施者,大尺之名。 其立后而 《地員篇》云: 争也。 手實之名 蓋 手 蘇文忠論管仲之無後,利 有 實。」 ,始見於此。 激 「管仲之正天下 云。 謂立君以主之,手 瀆田 悉徙,五 吕 惠 常 卿 種 也 握 無 因 此 其 以 地

哉? 寶,石 之言,以 所 加, 傅子謂《管子》書,過半是後之好 璧 輕重篇》尤鄙俗。 智欺 菁茅之謀。 其民, 以 使管仲 術 傾 《古史》謂多申、 鄰 信然, 國 有有 何 不 貨 造 以 事 韓 者

章。」按《説苑》,弦章在景公時,當以《管子》請立爲大理。」《吕氏春秋》云:「臣不若弦管仲曰:「決獄折中,臣不如賓胥無,

黄帝六相,一曰蚩尤,《通鑑外紀》改爲

風后。

作此以教之。」謂:「疑是作《内政》時,士之子常爲士,因謂:「疑是作《内政》時,士之子常爲士,因《弟子職》,《漢志》附于《孝經》。朱子

公謂:「不遠而復,不離於德,可以修身。」唯嗇,是謂早復。早復謂之重積德。」司馬《老子》曰:「治人事天,莫若嗇。夫

爲復。 也。」王弼注本作「早服」,而注云: 者,先已有 朱文公謂: 所 積,復 能 嗇, 養 則 以 不 遠 嗇 「早服,常也。」亦 『,是又 而 復。 加 重 積 積 之 德

「四肢與九竅。」「生之徒十有三」、《韓非・解老》云:

始。朱文公謂:名可名,有名無名皆一義。常無欲,是首章以「有」、「無」字下斷句,自王介甫

「惟無以天下爲者,可以有天下」,此即

説無欲。

●「奕」,原作「弈」,據嘉慶本、道光本改。

二五四

利 利天下也。 禹 `,然後可以得天下。 有 天 下 而 無利天下之心,而 不 與之意。 湯 武 與天下同 之征 伐

谷神」一章,養生者宗焉。

《春

秋

繁

同時。 勝,忿兵敗,貪兵死,驕兵滅」,魏相取之。 明德后取之。「用兵有五 處 圃 人,非也。其言曰「玉在山而草木潤,珠 姓辛,名研,字文子。」其書稱平王問道,老子與孔子 有言曰: 露》 意。平意以静神,静神以養 ,有忿兵,有貪兵,有驕兵。 上」,汲黯取之。「再實之木,其根必 岸不枯」,荀子取之。「譬若積 謂 :形,則氣多内充。」 董子亦有得於此 又云范蠡師之,去平王之時遠矣。序謂周平王時 文子者,老子弟子也。序曰:「亦曰計然 『將 「養生之大者,在愛氣閑欲 欲無陵,固守一德。』此言 氣。古之道 義兵 有義兵,有應 薪燎,後者 Ŧ 一應兵 傷」, 生 以 淵 平 神 士

之。 臣,折 斬 出」、王吉取之。「寸而度之、至丈必 行。」「同言而信,信在言前, 犬之噬虎,伏雞之搏貍」,何休注《公羊》取 先惡忠臣之語」、《越絶》、《劉子》取之。「乳 之將疾,必先厭 威之所制者廣」,班固《刑法志》取之。「人 深,則權之所服者大, 失」,枚乘取之。「山有猛獸,林木爲 銖 則智者制愚」,陸抗取之。「欲治之主 方」,孫思邈取之。 愈取之。「心欲小,志欲大, ·孔子無黔突,墨子無暖席」,班固、杜甫、韓 臨 而 河 又曰: 解之,至石必過。石稱丈量 園有螫蟲,葵藿爲之不採, 衝 欲 魚 千里」,鄭昌取之。 不不 「士有一定之論,女有不易之 如 魚肉之味; 歸 「德均則衆者勝寡 而 織 德之所施者博, 網 「文之所 智欲圓,行欲 國之將亡,必 董 同令而行,誠 仲 一,徑 舒 或 力力 取 有 之不 差; 加 不世 耐 則 者 瞖 寡

藏。」皆見此書。其見於《列》、《莊》、《淮 在令外。」「狡兔得而獵犬烹,高 鳥盡 而 良 弓 南

子》者,不可縷數。

言,出《曾子》。」當攷。 言,故用《文子》之語。 顔注云: 譬若積薪燎,後者處上。」 汲長孺學黄、老 《文子》曰: 「虚無因 循,常後而 「積薪之 不先,

子與孔子同時。」當從《國策》。 柔順,終以不弊。』』《漢・藝文志》: 『子不見夫齒乎? 雖堅剛,卒盡相摩, 也。」《孔叢子》云: 事君乎? 示之其齒之堅也,六十而 《戰國策》云:「不聞老萊子之教孔子 「老萊子謂 子思日 「老萊 盡 相 舌 靡

坐,必以年。」然則與子産同時 云: **壺丘子林,列子之師也。《吕氏春秋》** 「子産相鄭、往見壺丘子林、與其弟子

列子以「仕衛」爲「嫁於衛」,從一而終,

之死靡它,是之謂正。

已聞於中國矣。 《列子》言西方之聖人,西極之化人,佛

邵子《觀物外篇》謂: 志》狐父亭在宋州碭山縣東南三十里。」 「狐父之盜」、《史記》正義: 東坡欲去《莊子・盜跖》《漁父》篇。 「《盗 跖》言事之無 「《括 m 地 可

川一生不曾看《莊》、《列》。 不可推而行也。」愚謂此讀《莊子》之法。伊 句句而求,字字而論,則其中無真實妙義, 泥者,取其大略,不爲無益。 五峰云: 《莊子》之書,世人狹隘 若篤行君子,

何書也?」」與《莊子》同而小異。 而輪扁在下,作而問 《韓詩外傳》: 「楚成 王讀書於殿上, 『不審主君所讀 《漢・古今人

之不可强者,雖聖人亦不可强。」

柰何者,雖聖人亦莫如之何;

《漁父》言事

二五六

表》作「輪邊」。

喻。 所以異? 屈子所謂受,受以心也。 子《遠遊》曰: 《大宗師》曰 耳受而口傳之,離道遠矣。」 曰: 道 「莊 : 「道 可受兮不可 子所謂 可傳 目擊而 傳, 而 傳。」敢問 不可受。」屈 傳 存,不言而 以 心 也 其

瑶曰

「造物則奚。」句法本此

朱文公謂《庚桑楚》一篇,皆是禪。

逐之; 汝 御 體 弟子問曰: 孔子曰: 處於魯之時,人用意如飛鴻者,吾走 覽》引《莊子》曰。 一、散而成章,乘乎雲氣,而 張而不能 《天運篇》孔子見老聃 用意如 「吾乃今於是乎見 「夫子見老聃 嗋 ,予又何規老聃哉?」《太 井魚者,吾爲 云云。 孔 亦 子日 歸,三日不談。 養乎陰 鉤繳以投之。 龍 將何規哉?」 ,龍合 : 陽。 狗 吾 而 予 與 平. 成

> 俱鳴 於衆竅。 初 齊物論》「女以妄聽之奚」。 寮 謂 掩  $\sim$ 卷 莊 而 子 坐,猶覺翏翏之逼 》之言風 其 張文潛銘 辭若 與 耳。 風 商

爲五。」《列子釋文》:「公孫龍,字子秉。」問惠子曰:「儒、墨、楊、秉四,與夫子也。謂求高名令聞。」有進士程文用此,犯聖祖名。「飾小説以干縣令」,疏云:「縣,高

雞爲小也。未詳。「魯雞固能矣」,注云:「大雞也,今蜀雞爲小也。未詳。」

之謂也,事其心而已矣。」事其心,出《人間荆公曰: 「古之善事親者,非事其親

吕吉甫曰: 「聖人之所以駴天下,神

吾今見

能,云云。

余

П

張

不

能噏

舌出

不能

世》。

縮

,又何規哉?」與今本異。

秉,謂公孫龍也。

周,莊子與孟子俱遊於梁惠,其書之言未嘗人未嘗過而問焉」,蓋孔氏與老氏同生於衰

相及,以此而已。」

恬者,致知而本益固。 以恬養知者,主静而識益明, 以知養

《晋中興書》,而何法盛竊之。二事相類。向秀注《莊子》,而郭象竊之, 郗紹作

「支離疏鼓筴播精」、《文選》注作「播

則無以 此注。 糈」。 不 之自降,故彫落者不怨。]李太白云: 陽春之自和,故蒙澤者不謝, 鄲 日 枕枕 謝榮於春風,木不怨落於秋天。」其語本 郭 南 又曰: 當 明今之百年,非假寐之夢者也。」邯 象 柯守之説,皆原此 其 注 夢 日 時, : 世有假 「聖人之在 覩 山 念木,或志在 寐而夢經百年者, 意。 天下,媛 凄乎若秋  $\sim$ 幽 舟 求 然 楫 子 草 霜 若

於此。因舟念水,因水念魚。」東坡《夢齋銘》,意

出

「禽滑釐問墨子」。 謂 儒而入於墨,亦若吴起之言兵歟? 皆受業於子夏之倫,爲王者師。」豈滑 則滑 「田子方、段干木、吴起、禽滑釐之屬 莊子》稱「墨翟、禽滑釐聞 釐, 墨者也。  $\wedge$ (史記 其風 儒 《説苑》載 林 釐 而 傳 逃 悦

云: 詩 子《知言》云: 刃 游 語 也 間 庖丁解牛」,行其 「屠牛坦 也。」 賈 朝 誼 「一目全牛萬隙開。」横渠 解 疏 九 云 牛 所無 而 刀 解十二牛。」 事 미 也 以 0 莫鐵 管子 胡 則

言,其可廢乎?語。胡文定《春秋綱領》有取於《莊子》之語。胡文定《春秋綱領》有取於《莊子》之王坦之著《廢莊論》,而其論多用《莊》

豫且事有二:《説苑》: 吴王欲從民

者也。 平子《 於元 豫且 王二 見夢於宋元王。」《莊 魚 飲 豫且 伍 君,而不能避余且之網」者也 舉 年,江使 東京 子  $\Rightarrow$ 網 史記 射 胥 得 中目 賦》 日 而 八神龜 : . 囚之,置之籠 所 龜 ò 謂「白 策傳》褚 白 昔 使 龍 白 子》所謂 於河,至於泉陽,漁者 龍 不化,豫且不射 龍 下 先 魚 清泠之淵 中。 服,見困 生 一神 日 : 龜 夜半 能 豫 宋 化 見 龜 且 夢 來 元 爲

以 冰 炭 冰炭置我腸」,本於此 於五 郭 象 注 藏矣。」 云: 韓文公《 喜 懼 戰 聽 於 潁 胸 師琴 中, 詩 固 \* 己 無 結

誤。 則 齊 日 而 物 物 也 論 張 論 「吹萬 齊物 齊矣。 文 是 之 非 潛 不 論》 不同,而 日 毁 齊 譽 : 邵 非 也, 子 欲 ,詩謂 莊 齊物 而 付 使 周 託 其 於物, 齊 也, 患夫彼 之於 自已也。」此 物到 蓋 而 天 謂 是之 我 籟。 頭 物 無 争」,恐 論 無 與 言自 其 之難 焉 言

> 足以 以 税駕矣。」 爲 爲是 至 矣 非 而 之定哉? 周 固 自 未 雖 離 然 夫 萬 如周者,亦 之 也 略 曷

五

八

## 莊子逸篇

《危言》、《游鳬》、《子胥》之篇,凡諸巧雜,十 誕, 之才,妄竄奇説,若《閼 辭 意 二篇,即 分有二。』《漢書·藝文志》: 人增足,漸失其 去取。 趣華深,正言若反,故 或似《 陸 德 司 明《 其 Ш 馬 内 海 序 彪、 篇 經 真。 録  $\stackrel{\smile}{\sim}$ 衆 孟 **>** 家 或 日 氏 故郭子玄云: : 並 類 所 奕》、《意脩》之首, 莫能 同, 占 注 莊 夢書,故 自餘 是 暢 生 《 莊 也。 其 宏 或 私 子》五 才 言 有 注 致。 命 外 者 多 世, 曲 丽 以 詭 + 後

<sup>●「</sup>首」,原作「旨」,據嘉慶本、道光本改。

弗

如

無雜,唯子玄所注,特會莊生之旨。」北齊杜弼

注《莊子・惠施篇》,今無此篇,亦逸篇也。

元天者,其高四見列星。司馬彪曰:「元天,山土相與謀,致人於造物,共之元天之上。」 關奕之謀,與殷翼之孫、遏氏之子,三

呼噪, 振鐸以 氏 鬼 酒 茹 立巫咸,使黔首沐 ,黔首不知,以爲魅祟也 葱以 游鳬問 何也?」雄黄 動其心,勞形趨步以 通五 雄黄 藏。 日 夫擊鼓呼 日 浴 • 齊 「今逐疫出 戒 黔首多疾,黄 以 發 噪, 陰 通 陽之氣,飲 九 逐疫出魅 魅, 竅 鳴 擊 帝 鼓 鼓

而鬼畏之。是鬼智不如童子也。 插桃枝於户,連灰其下,童子入不畏,

童子夜嘯,鬼數若齒。

小巫見大巫,拔茅而弃,此其所以終身

明日往朝師,師曰: 「今將教子以秋駕。」司尹儒學御三年而無所得,夜夢受秋駕。

馬彪曰:「秋駕,法駕也。」

空閱一作門。

來風,桐乳致巢,此

以

其

能

似乳,著其葉而生。其葉似箕,鳥喜巢其中也。」苦其性者。司馬彪曰:「門户孔空,風善從之。桐

緩也。 紼謳 苦,用力 所生,必於斥苦。 也。 引 紼所以 有謳歌 司 者 馬 ,爲人用 彪 EI: 力不 「斥,

疏

故促急之也。」

庚市子肩之毁王也。●

也。吾坐席不敢先,居處若齊,食飲若祭,孔子病,子貢出卜。孔子曰:「汝待

吾卜之久矣。」

爲誰?」對曰: 「子路,勇且多力。其次,老子見孔子從弟子五人,問曰: 「前

● 「肩」,道光本作「堅」。

二丘九

俱笑。

豫樟初生,可抵而絶。

壞巢折,淩風而起。故君子之居世者,得時鵲上高城之垝,而巢於高榆之顛。城

則義行,失時則鵲起。

孔子舍於沙丘,見主人,曰:「辯士金鐵蒙以大緤,載六驥之上,則致千里。

「其口窮踦,其鼻空大,其服博,其睫流,其也。」子路曰:「夫子何以識之?」曰:

舉足也高,其踐地也深,鹿與而牛舍。」

而忘其母也。」 青鷚 愛子 忘親。 司馬彪曰:「鵽鳥專愛其子,

「我有四足,動而不善。子一足而超踊,何聲氏之牛,夜亡而遇變,止而問焉:

此。 子貢 琳琅玕爲寶。天又爲生離珠,一人三頭,遞 起以伺琅玕。❷ 鳳鳥之文,戴聖嬰仁,右智 鳳之所居也,積石千里,河水出下。鳳鳥居 武。」老子歎曰: 爲 天爲生食,其樹名瓊枝,高百仞,以 智 曾 子 爲 「吾聞-孝, 顔 南 方有鳥,名爲鳳。 口 爲 仁, 子 張 璆 爲

仲尼讀《春秋》,老聃踞竈觚而聽。觚、竈之。蒲衣八歲,而舜師之。 善卷,堯聞其得道之士,乃北面而師事

良雞也。然而數以勝人者,以狸膏塗其頭。羊溝之雞,三歲爲株。相者視之,則非

額也。

「今日自以爲見鳳凰而徒遭燕雀耳。」坐者惠子始與莊子相見,而問乎莊子,曰:

羊溝,鬬雞處。

株、魁帥也。

雞畏狸也

二六〇

<sup>● 「</sup>伺」、嘉慶本、道光本作「飼」。

以然?」夔曰:「以吾一足王於子矣。」

人有與之更者,行道未半,而以其尊顛。酒市上之人,有善戴尊者,累十尊而行。

亡羊而得牛,斷指而得頭

尊也

羌人死,燔而揚其灰。

於堂。 之禮 日: 非 色 盡 到無主。 者 龍 寫 以龍。 士也 也。 也。 子張見魯哀公不禮士也,託 豆豆 葉公見之,弃而還走,失其魂魄,五 聞 今君非不好士也,好夫似士而 ,有似葉公子高之好龍。室彫 是葉公非不好龍也,好夫似 於是天龍下之,窺頭於牖,拖 君好好 士,故不遠千里而 僕夫而 見。 龍 去, 君 非 文 而

流脈並作,則爲驚怖, 陽氣獨上,則

弩

作弓。

欲射之。

道有行者不

止,白雁群

梁

君

出

獵,見白

雁

群

集。

梁君

下車, 彀

以十鈞射者,見天而不見雲, 以七鈞

爲

癲

病

而不見雀。 射者,見鵠而不見鶬; 以五鈞射者,見鶬

函牛之鼎沸,蟻不得措一足焉。而不見雀。

喻聖主

之法明,奸至不敢蹈之。

日: 君今一 虎狼 龍,鄭龍不對,簡子怒。 子曰:「龍 愛其身以 君伐衛克曹,●退爲踐土之盟,不戮一人。 「人之田也得獸,今吾田 殺 趙簡子出 人,故將救之。」簡子愀焉 朝田,●而曰: 活人者,可無從乎?」還車輟田, 下 田,鄭 射彼,使 龍 無 爲 鄭龍 『必爲我殺人!』是 右。 鷩 吾 日 也得士。」 有一 馬 。」三命 日: 「昔吾先 野人,簡 示不 鄭

- ❶ 「克」,原作「免」,據嘉慶本、道光本改。
- 「君」,原作「吾」,據嘉慶本、道光本改。

首曰: 其君, 吾以人祠乃且 駭。 人獵皆得禽獸,吾獵獨得善言而 人郭門,呼萬 施於民 人,無異於虎狼。」梁君援其手,與上車,歸 而天大雨。 卜之,曰: 昔者齊景公之時,齊,一作「宋」。 其 梁君 心,梁君 而 也。 『吾所以 顧 1怒,欲 與 「必以人祠乃雨。」景公下堂頓 今主君以 方千里者何,爲有德於天 歲曰: 忿 他 雨,寡人將自當之。」言未 然作色而 射行者。 人 求雨者,爲民 ,何也?」公 「樂哉! 白雁之故, 怒曰 其御公孫 也。 孫 「龍 天旱三年, 今日 歸 加 龍 0 今必 欲 龍 對 獵 而 射 不與 下 日 也。 使 惠 卒 殺 車

以 而 爲 不行,命之日 傷壽,故不食之。 秋 人而不學,命之曰「視皮」, 禽之肥,易牙和 「輒囊」。輒,繋者也。 之,非不美 一作肉。 一作 也,彭 撮。 祖 學

祝牧謂其妻曰: 「天下有道,我韍子

佩, 天下無道,我負子戴。」

十有二代。其有形兆垠堮,勒石凡千八百易姓而王,封於泰山,禪於梁父者,七

餘處。

鼠耳,更旬而始規,二旬而葉成。爲爲萬,薦爲機之生也,人季春五日而兔目,十日而

盧敖見若士,深目鳶肩布穀,布穀爲鷂,此物變也。

居之丙以析勿也。 禮若亢鋸之柄。亢,舉也。

鋸之柄以斷物也。

之有羽翼也。」 學《詩》、《書》、射御,必有博 織 不好田作,必有竊盜之心 得事,皆將弃之已。」母曰: 「文相莒三年,有馬 絍,必有淫泆之行。 叔文相莒三年 歸, 千駟,今母猶績, 其 好學爲福也,猶 母 自 塞之心; 「吾聞 婦人不 [績,謂 ·好 君 文之所 母 子不 小人 飛 紡 日 鳥

禮

有所

斯割

猶

書》楚老父之言,本於此。《文子》引《老子》曰: 破。」蘇 鳴鐸以聲自毀,膏燭以明自煎。」 ,膏以明自焫,翠以 亡傳。 《太平御覽》引蘇子曰: 亦足爲篋櫝之珍,博識君子或有取焉。 聚》、《太平御覽》間見之。 漢書》、《文選》、《世説》注、《藝文類 烈》多襲其語,唐世司馬彪注猶存,《後 王》、《知道》、《孟子》之外書四篇,今皆 秦能爲此言,而不能保其身。《漢 漢《七略》所録,若《齊論》之《問 《莊子》逸篇十有九,《淮 羽殃身,蚌以 「蘭以芳自 断圭碎璧, 珠致 南 鴻

燒

而 八年,舜讓以天下, 視衣厚薄,枕之高下也。」又曰: 子,其事見此。 服 師 《尸子》曰:「孝己事親,一夜而五起, 曠。」《漢書》稱孝己,《莊子》稱蒲衣 太子晋事,見《周書》。 周王太子晋生八年, 「蒲 衣生

> 過於盜泉,渴矣而不飲,惡其名也。」 子》謂:「孔子至於勝 鄒陽曰: 「里名勝母,曾子不人。」《尸 母,暮矣而不宿;

母。《文心雕龍》: 者表虎,●故有光若日月,天下歸之若父 其利。雷澤也,旱則爲耕者鑿瀆,儉則 其田也,荷彼耒耜,耕彼南畝,與四海俱有 它有所據乎? 長耜,耕彼南畝,四海俱有。」謂之祠田,豈 《尸子》曰: : 「舜兼愛百姓,務利天下。 舜之祠田云:「荷此 爲

公謂 水心銘鞏仲至,所謂「程子」即此書也。朱文 孔子傾蓋而語者。《後序》謂鬼谷子之師。 子》。近有《子華子》之書,謂程本字子華,即 詞艱而理淺,近世巧於模擬者所爲,決非 「程子」見《家語》。「子華子」,見《莊

儉」,嘉慶本、道光本作「狩」。

二六四

古書

《左傳》哀三年, (韓子 内 周 儲 人 説》謂 殺 茛 叔向 弘 讒 叔 向之没 萇 弘。 按

之道 尼,法家侮聖言至此。 子貢以爲重,問 《韓子》曰: 也。二以 商 之仲尼。 鞅之法爲殷法,又託 「殷之法,刑弃灰於街者 仲尼曰: 于仲 知治

舉; 諸侯約從。 從、衛亡於衡也。」按《史記》、赧王倍秦, 五 衛 蠹 離 》 日 : 魏 衛爲衡之事,未詳 爲衡,半歲 「周 去秦 ൬ Ļ 爲 從, 是周 期 滅 年 與 於 而

侯、優 虎,晋有 有孤男,三苗有 皆闕。 施 説疑》曰: 優 事甚著。 《吕氏春秋》云: 施。 此六人者,亡國之臣 成駒、桀有侯侈、紂有崇 《古今人表》桀時有雅侈, 「有扈 氏有失度, 灌兜 「夏桀染於羊 也。」崇 侯 氏

> 公敦。 即號石父。《墨子》云: 桀時有干辛。 於號公長父、榮夷終,幽王染於號公鼓、祭 辛、岐踵戎,殷紂染於崇侯、惡來,周厲 此 四 王者,所染不當。」《古今人表》 榮夷終,即榮夷公。 「夏桀染於干辛、推哆。」 虢公鼓, E 染

李斯之焚之無異也 不言燔《詩》、《書》,蓋《詩》、《書》之道廢 書》而明法令。」愚按 《韓子》曰: 商君教秦孝公燔《詩 《史記 • 商 君 傳》 與與

 $\wedge$ 

官。」注 文詩: 者必 二字,前未有用者。 披 又云: 落其 謂 「何言漢樸學,正似 枝,爲政者 「非要急,若樹 「吴起教楚悼王損不急之枝 亦 損 楚枝官。」「枝官」 之枝 其 閑 也。 兀。 宋景 養樹

謂 寡。 堅白 又云: 堅白,公孫龍之言也。 厚之 「儒 詞 服 章,而 帶 劍者衆, 憲令之法 無厚,鄧析之 而 耕 息。」愚 戰 之士

言也。

畦逕,皆有自來。 劉裕之平逆亂,司馬德宗之曹操也。」筆墨 想, 慕容恪之輔少主,慕容暐之霍光也, 魏崔浩謂:「王猛之經國,苻堅之管仲 魏崔浩謂:「王猛之經國,苻堅之管仲

之木,千世無輪。」劉夢得用此語。「侍」字作之木,千世無輪。」劉夢得用此語。「恃」字作

主。」此名言也。鄭長者之書,見《漢・藝文「人主以二目視一國,一國以萬目視人

「吏者,民之本綱也。聖人治吏不治志》。

民。」斯言不可以韓非廢。

平公内之,對曰:「臣不能 衆。《説苑》: 子 隱。」又曰: 斂,治城郭。 濮之戰。」」城濮在楚成王時,以爲平王,謬 矣。甯子,甯越。 傒胥丘,負客出亡之晋,晋人用之,是爲 事在孔子後,孔鮒已辨其妄,然傳記若此者 高赫爲賞首。仲尼聞之曰: 「善賞哉,襄 士有道乎?」 甯子曰: ! 《韓子》謂: 賞一人而天下爲人臣者莫敢失禮。」」 有咎犯者,見門大夫以樂見, 「石乞侍坐於屈建,屈建曰: 又曰: 「周威公問於甯子曰 「趙襄子賞有功者五人 「晋平公好樂,多賦 『楚平王有士 爲 樂,臣善 日楚 城 取

王猷,皆不同時。 王猷,皆不同時。 王猷,皆不同時。 三二二年代,晋文公遇樂武子,葉公諸梁問樂政,是、子推、息四人事蹟,皆在前。劉子按犯、建、子推、息四人事蹟,皆在前。劉子哲犯、建、子推、息四人事蹟,皆在前。劉子哲犯、建、子推、息四人事蹟,皆在前。劉子正,是一一,但公其爲亂乎?」、又曰:「介子推行年。」

誤也。鮑氏改「王」爲「君」,亦未之攷。軍車騎先至晋陽。」《戰國策》云「延陵王」,《韓子》云:「趙襄子召延陵生,令將

「吴起治西河,欲諭其信於民,夜日置表於於是攻之,一朝而拔。」《吕氏春秋》云:攻秦,能先登者,仕之大夫,賜之上田宅。」之上田宅。人争徙之,乃下令曰:「明日己赤黍東門外,令人能徙此於西門外者,賜不壽乘東門外,令人能徙此於西門外者,賜

人曰: 夫。 南門之外表者,仕長大夫。」明日日晏矣,莫 商鞅人秦,在吴起死後二十一年,徙木予 往僨表,來謁吳起。起自見而出,仕之長大 有僨表者。民相謂曰: 南門之外,令於邑中曰 金,其祖吴起之遺智歟? 自是之後,民信吴起之賞罰。」愚 『試往僨表,不得賞則已,何傷?』 一此 明 必不信。」有 日 [有人能 按 僨

也。」
也。」
《説文》:「古者宿沙初作煮海鹽。」魯
《説文》:「古者宿沙程子,使漁于山,

《戰國策》鄭璞之説,亦見《尹文子》。生《服賦》而已。柳子之辯,其知言哉!言,《王鈇篇》用《齊語》管子之言,不但用賈言,《明冠子・博選篇》用《戰國策》郭隗之

諺云: 「不聰不明,不能 爲 王 不 瞽

不 聲,不能爲公。」見《慎子》。

武兮,涣宗覆而國舉。」桑,謂承桑氏也。 以滅其國。」柳子《佩韋賦》:「桑弘和而 本改「桑」字爲「乘」,誤 《吴子》曰: 「承桑氏之君,脩德廢 武 却

也。」杜牧注謂「韓信多多益辦」。 明。」按《孫子》: 程子曰: 韓 「治衆如治寡,分 信多多益 辨, 是 數 分 是 數

傷,則飢之本也; 農事者也 對魏文侯之言。 夫飢寒並至,而能亡爲非者,寡矣。]本李克 李克》七篇。 漢景帝後二年詔 錦繡纂組、害女紅者也。 見《説苑》。 女紅害,則寒之原 曰: 「雕 《藝文志》儒家, 文刻 鏤,傷 農事 也。

華 Щ 一之博也。」 《韓子》謂: 蔡 邕 「鐘鼎之銘,皆番吾之跡 謂: 唯 郭有道 無 愧

> 昌 .黎猶不免諛。」白樂天《立碑詩》曰: 一世

獨 ,賢者嗤,仍傳後代疑。」

也。 伊、吕聖人之耦,豈詭遇求獲者。 文王,然後合於文王。」《孫子·用閒篇》當參致。 五就湯,然後合於湯。 吕尚三人殷朝,三就 伊尹三聘而起,太公辟紂海濱,當取信於《孟子》。 《鬼谷子•午合篇》: 「伊尹五就 此戰國辯士之誣聖賢

生日 豈可 有口 言、酒食、貨財之賜。秦也,儀也,知道未足 丸》、《胠篋》三章。然秦、儀用之,裁得 往事之,受捭闔之術十有二章,復受《 行,復往見,具言: ● 『 所 受 於 師 , 行 之 , 少 更聞至要,使弟子深見其闢奥乎?』先 吻之驗耳。未有傾河填海移山之力, 尹知章序《鬼谷子》曰: 『爲子陳言至道。』齊戒擇 「蘇秦、張 日而 轉 儀 温

0 具」 原作「其」,據嘉慶本、道光本改

鬼谷,其術先揣摩,然後捭阖。捭闔既動,然後用鉤鉗。」 巧辭、《飛鉗》伏其精術。」程子曰:「秦、儀學於 見,先生 全身之道。」《文心雕龍》云: 乃 正 席 丽 坐,嚴 顔 丽 「《轉丸》騁 言, 告二子 其 以

策》亦名《長短書》。」 術,邊通學短長。《史記》索隱云: 「《戰國蒯通善爲長短説,主父偃學長短從橫

震。 震言書》引文王、武王、成王問,皆今書所之最先者,今存十四篇。《列子·天瑞篇》引「運轉無已,天地密移」,《力命篇》引「語引「運轉無已,天地密移」,《力命篇》引「語別「運轉無已,天地密移」,《力命篇》引「語別、實施、

貴後。」《荀子》曰: 齊、陽朱貴 墨 翟貴 吕氏春秋》曰: 「老耽貴柔,孔子 廉 己,孫 關 尹 貴 臏貴勢,王廖 「慎子有見於後,無見 (清,子 列子 貴 貴 (先,兒 虚 陳 貴 良 騈

秦無儒故也。《吕氏》以孔子列於老氏之後,見於多。」墨子有見於齊,兼愛也。陽朱貴見於多。」墨子有見於齊,兼愛也。陽朱貴則於多。」墨子有見於畸, 宋子有見於少,無於先, 老子有見於詘,無見於信, 墨子

二六八

哉 巧匠。 匠 善。』夫國,重物也,其不善也,豈特 也 墨 矩,爲平直必以准繩。 予其主,其主使之也。 衆能與衆賢功名大立於世,不予佐之者,而 秋》來。」愚按: 。」」柳子立意本於此 而賞匠巧也。巧匠之宫室已成,不 ? 巧匠爲宫室,爲圓 丽 迂齋云: 皆 奚故? 日 「《梓人傳》規模,從《吕 《吕氏 日 善。 。 譬之若爲宫室,必 此 『匠不巧,則宫室 功已就,不知 分職篇》云: 某君 必以規,爲 某王之宫 規 方 宫 知 必 矩 氏 「使 任 巧 繩 室 不 以 春

劉向《論起昌陵疏》:「自古及今,未

有不亡之國也。」本於《吕氏春秋》。

亡也。 『天下之國孰先亡?』對曰: 矣,非以驕亡也,屠黍不可謂知幾 春秋》「晋太史屠黍見晋公之驕」,高誘 驕,以其國法歸周。 周威公見而問焉,曰 爲晋出公,當從《吕覽》。 三年,晋果亡。」愚謂: 説 是時兩周未分,亦無周威公。《吕氏 苑》 「晋太史屠 平公後三年,晋未 然晋政在大夫久 餘 『晋先亡。』居 見晋平公之 注 以

《孔叢子》「公孫龍臧三耳」、《吕氏春

「煴」。

賈誼疏「壹動而五業附」,《新書》云「五秋》作「藏三牙」。

美附

」。見《五美篇》。

「業」字當作「美」。

非 履 子》亦 五 雖 采,必踐 《六韜》曰: 新,法踐之於地。」賈誼之言本此。《韓 굸 之於 冠 雖 「冠雖弊,禮加之於首, 地。」黄帝曰: 穿 弊,必戴於 頭 日 中 必 履

本於此 水也; 暴亂,因時 王可受而不可求也。」 張夫人諫苻堅之言,  $\sim$ 《淮南 后稷播 也。 故天下可得而不 種樹 製,因 地 「禹決 也; 可 取 江 湯、武 也,霸 河, 平 因

郊祀歌》「后土富媪,昭明三光」,「媪」當作則天清澈,地富煴,物時熟。」吴斗南謂《漢《賈誼書》云:「德渥澤洽,調和大暢,

壽 乎?』」文仲、子貢不同時,斯言誤矣。 盜 也。 而 自矜。 仲長子《昌言》曰: 鹽鐵論》文學曰: 南方暑,其人夭。此寒暑之方,驗於 約之蠶也, 子貢 日 寒而 餓之,則引日 民將 「臧文仲治 「北方寒,其人 欺 而 況 多 民 盜 勝

草木用冷生。 短,驗 韓子蒼《醫説 温 而 飽 於物 之, 》用 醫家則尚温 者 則 此意。 也。 用 日 《物理論》曰: 論 少。 ,以血脉以煗通。」 養生者, 此 寒 温 盍 「道 飢 於 家則尚冷,以 飽 此 之爲 觀之。 脩

子》。 者,非負 時 春 異 賦 也。 秋貸,衆皆怨。 此柳子《種樹傳》之意 淮南子》曰: 而緣木,縱之其所而已。」亦見《文 爲魚德者,非挈 「春貸秋賦,民皆欣 得失同,喜怒爲 而 人 淵 爲猿 八别,其 賜

又況 云 角,不以耳。」《山海 從龍從耳?」對曰: 觸木,●猘狗不自投於河,雖聾蟲 「喻無 人乎?」又 文子》「聾蟲 知。」孝皇 鼈聾無耳。」《淮南子》曰: 日 間王 經》檢此語 雖 一季海  $\overline{ }$ 愚,不害其 馬,聾蟲 Ш ,未見。 日 海經 也。」注 而 所愛」,注 聾 「狂馬不 不自陷 字 龍聽以 何以 云

「如群飲於河,各充其量。」海也,大飲則大盈,小飲則小盈。」伊川謂

七〇

録

少

之節必書焉。」 則漢《起居》似在宫中,爲女史之任。」 帝有《禁中起居注》,馬后撰《明帝起居注 卷、《漢武故事》二卷」。 記》所謂「葛洪家有《漢武帝禁中起 申鑒》曰 又按《漢禁中起 : 「先帝故事,有《起居注》, 居注》,即《西 **《通** 典》云: 居注》 「漢武 荀悦 京 動 雜 静

三絶,鐵擿三折。」今乃大悟。」《史記·世讀《易》,云:「此良書也,丘竊好之,韋編《祛惑篇》有古强者云:「孔子常勸我

傅子》曰

「人之學者,猶

渴

而

飲

河

<sup>● 「</sup>狂」,原作「任」,據嘉慶本、道光本改

家》「韋編三絶」、「鐵擿」,見於此。擿,一作

「撾」。此方士寓言也。

戰國之鄒子也。 孜脩學,不知雨之流粟。」此《鄒子》之書,非 《太平御覽》引《鄒子》曰:「朱買臣孜

不可常也,謂「禮從俗」,則非。

記》。《曲禮》曰:「禮從宜,使從俗。」言事君。國有貴賤之禮,無賢不肖之禮。」見《初學君。國有貴賤之禮,無賢不肖之禮。」見《初學

《尸子》曰:「鄭簡公謂子産曰:『飲

之言哉! 之好樂,雖抱鐘 於鄭簡公亦云。 必放鄭聲,此孔子之言也。 無盜賊,道無餓人。 之朝。」自是已來,子產治鄭,城門不閉,國 子之任也。子無入寡人之樂,寡人無入子 之不乂,朝廷之不治,與諸侯交之不得志, 酒之不樂,鐘鼓之不鳴,寡人之任也。 程子謂未有心蠹 加 朝可也。」愚謂: 孔子曰: 而能用管仲者, 豈有 『若鄭簡公 抱 爲邦 國家

食之言爲鄙,以 刺孟子,猶之可也,至詆訾孔子,以繫 母,名教之罪人也!」葛文康公亦曰: 州間所鄙,而答以瞽頑舜神,鯀惡禹聖。 又非其脱驂舊館 矜於己而厚辱其先,何異證父攘羊,學子名 通》譏之曰:「充《自紀》述其父祖不肖,爲 論衡》,蓋蔡中郎所 從佛肸、公山之召爲 ,而惜車於鯉 秘玩。 而劉 又謂道不 氏《史 濁 而不 充

以 獨 疵 行 也。 語聖人之趣哉 於 傳之,何其謬哉! 中 吕南公謂充飾小辯以驚俗,蔡邕欲 或 豈 能 行 於九 即二説觀之,此書非 夷? 若 充 者 豈 小 足

書大傳》以爲成王問周公。 《家語 》問舜冠,謂 魯哀公問孔子、《尚

此。 行 而不拾遺,餘糧宿諸畝首。」餘糧棲畝,本 子思子曰: 「東户季子之時,道上鴈 於

也。

以 道。」愚謂 【》異。 謙 爲 劉 邵《 道 人物志》曰: 《老子》以『無』爲德,以『虚』爲 咸言「虚」而不言「無」, 「《易》以 咸 與《老 爲

不常否。聖人不常出,亦不常絶。」 宋咸注《法言》云: 「天地不常泰,亦

成。」王 或問賢,曰: 一介甫 日 出 顔 乎 淵、黔婁、四 顔淵, 則聖人矣。 皓、韋玄

> 出 乎韋玄成 則 衆 人矣。」

此《韓非》語也、余襄公《謹箴》用之。

「奔車之上無仲尼,覆舟之下無伯

夷。」

杜牧注《孫子序》云:「孫武著書: 數十

「子之十三篇,吾盡觀之矣。」非筆削爲十三篇 因注解之。」攷之《史記》本 萬言,魏武削其繁剩,筆其精切,凡十三篇, 傳, 闔廬曰:

迷陽。 大如巨擘,剥而食之,其 時 曉,胡明仲云: 發穎,春夏之交,花亦繁麗。條之腴者, 《莊子》楚狂之歌,所謂「 其 膚多 刺 故曰: 荆 楚有草, 叢生脩 味甘美,野人呼爲 『無傷吾行,無傷 迷陽」,人皆不 條,四

困學紀聞卷之十

吾足。」」

## 困學紀聞卷之十一

次儀 王應麟 伯厚甫

浚儀

攷

史

日成公《麗澤集》文·取此篇。 一篇《初見秦》文與此同。」鮑氏失於攷證。一篇《初見秦》文與此同。」鮑氏失於攷證。亡,而天下得之。」姚氏云:「《韓非子》第亡,而天下得之。」姚氏云:「世有三《戰國策》張儀説秦王曰:「世有三

間 妾,妾曰: 田 政焉。 巴先生,行脩於外。王聞其賢,聘之,將 鄒忌不如徐公美,《新序》云: 『佼。』過於淄水,自照視,醜惡甚焉。 田 巴改製新衣 『佼。』將出門,問 ,拂飭冠 其從者,從者 帶,顧謂 「齊 其 有

> 臣,臣 言・戒篇》相似,蓋傳記若是者多矣。」 矣。」」與鄒忌之言略同。 觀,然後 者,從者畏臣,諛臣曰「佼」。 遂見齊王,齊王問政, 子》所書 問妾,妾愛臣,諛臣 知 齊景公問晏子,與《管子 醜 惡也。 對 今 王 日 洪景盧謂: 曰「佼」; 察之, 臣至臨 『今者大王 齊 淄 或 問 水 治 從 而 召 内

紵 齊湣 出 無使齊之大吕陳之廷,無使太公之社蓋之 國之器陳於廷,所以爲戒。 音不得至於廟,亡國之社不得見於天, 於周之屏,其干戚之音在人之遊。亡國之 屏,無使齊音充人之遊。」齊王不受。 檀衢。」按《吕氏春秋•貴直論》: 加 哭國 王曰: 後出 齊負郭之民有狐咺者正議,閔王 五日,其辭曰: 也,滿囹圄。吾今見民之洋洋然 「殷之鼎陳於周之廷,其 王必勉之。 「先出 也, 狐 一斮之 衣 社 狐 援 蓋 絺 援 其 説 亡

二七四

法。」 《漢·古今人表》作 干 平 斮之東閭。 而 東 也。」愚謂 法 ,吴有子胥,齊有 走 鯢 居,使 狐援乃言曰: 若 m 何?」吏 不 殺 人之朝 知 静臣者必亡,狐援其洩冶之類 每斮者以吾參夫二子者乎 所 處 日 0 爲草而 狐 . 「狐爰」,注: 「有人自南方 齊 援。 王 斮。 」王 或 問 已不用 「爲墟。 吏 日 日 即 來, 若言,又 殷 狐 有 鮒 哭 <u>.</u>! 比 人 行 國 咺

也! 之策,建 城 王 建將人秦, ,唯莒、即 國未嘗 建能 齊 不聽 威 聽即 王 無 墨 即墨大夫入見, 封 而 示 士 墨大夫之謀,則齊可 即 也 下。 亡。」吁, 墨 田 大夫,燕 單 何 以 即 即 畫 墨 取 墨 臨 一之多 齊 破 晋、 以 七十 燕 勝 君 武 秦 子 歸 餘 齊

孫武曰:『敵人保山據險,擅利而處,粮食《太平御覽》引《戰國策》曰:「吴子問

其情,密候其怠。 愛。」」今本無之。 何?」武 無 又 足, 所 得, 挑 日: 之 自 則 然變 「分兵守要,謹 不 出 改。 以利 乘 待 誘 間 之,禁其 離 則 其 備 侵 故, 勿 掠, 、牧採。 奪 爲 其 潛 之 所 柰

惠王遺樂毅書。「樂間人趙,燕王以書謝焉。」《新序》

爲

去臣無惡聲。」 「君子絶交無惡言

秦昭 求 孫 弘 相 王, 斷 戰 與漢 國 髮 而 有兩公孫弘,一 平津侯 爲 在中山 越王騎。」是又一人也 八爲三。 ,言司馬憙招大國之威 在齊,爲 《韓子》云: 孟 嘗君見

碣 西 如 周」、李善引[吕不 司 石 馬 在 禹貢》正 九 貞 (引馬 門。 義鄭 姚 犯謂 宏云: 康成云: 周君」、 章言周三十七王」、歐  $\sim$ 徐 戰  $\overline{\ }$ 廣引『韓兵人 國 《戦國 策 遺 策

義引『九門本有宮室而居』,今本所無。」 陽詢引『蘇秦謂元戎以鐵爲矢』、《史記》正

也,失君君臣臣之訓矣。元獻之論,有補世 謀燕國之意哉? 竭 伐戎。 夫臣節有死無貳,戎使由余觀秦,終 ,故録之。 謀慮,滅其 晏元獻論秦穆公以 舊 疆,豈鍾 秦穆之致 儀 由余爲賢,用其 操 由余而 南 音,樂毅 闢 戎 謀 土 不

之不服者三十三。」
一言。禹作祭器,墨染其外,朱畫其内,國曰:「舜作食器,流漆墨其上,國之不服者
財,與,其事見《韓子》。由余對秦穆公
上,國之不服者

乃佞臣周破胡。見《列女傳》。 之斷,而在毀譽者之刑。」今按: 毀譽者, 薛士龍曰:「齊威之霸,不在阿、即墨

《大事記》「魏以田文爲相」、《解題》

答」,與《史記》略同。」西 氏 其可也。」誤以爲 曰 田文,游俠之宗主,以主少 春 秋 「田文與孟嘗君姓名適同 \*審 分覽》 孟嘗君。 作 商 山《讀書乙記》謂 文 國疑 所 而 載『吴 自任,未知 在前 《吕 起 問

敷 ? 昭常 諫 甲 屬 景、甲三者,皆楚同宗也。」甲氏,其 猶盛也。《莊子》曰: 職,掌王族三姓,曰昭、屈、景。 屈原序其譜 屈、景於長陵,以 Ė 氏 率其賢良,以 一無行。 三間之賢者,忠于宗國,所以長久。 請守之,景 也,著封 王逸云: 秦欲與楚懷王會武 襄王自 也。 屈 鯉請 强幹弱支,則三姓至漢 厲 齊歸,齊 非 原爲三間大夫。三間之 國 西 一也。」説 「昭、景也,著戴也; 士。」漢 索救 關,昭 求 於 東 (興,徙 秦, 雎、屈 地 五 東 即 楚 百 地 平皆 屈 昭、 里, 復 Æ 初

陳軫傳》卞莊子刺虎、《戰國策》作「管

謂逆旅舍。其人字莊子。莊子」,索隱引《戰國策》作「館莊子」。館,

遠交也 之食 於齊; 交近 魏。 出 以 爲身謀,未見有益於秦。」愚 益 相 迭入無寧歲。 攻之策,取韓、魏以執天下之樞 葉,自 林少穎謂 繼 晋、楚之争 然 ,二十年 丽 韓不 其近攻 亡 近及 也。 用用 六國卒并於秦,出 不 霸 也,今年伐韓,明年伐魏, 遠。 韓玘, 韓、魏折而 秦取 加 在鄭,秦之争天 《古史》云: 兵於楚, 六國 魏 不 廢信 謂 謂 人於秦,四 四 之 + 陵, 蠶 於范 此策 年 下 食, 范 則 不 也 在 或 國 蓋 加 睢 不 睢 韓 爲 更 其 遠 自 蠶 不 所 兵

周 而 統 周 而 遂 于七國之上,乃得《春秋》存陳之義。 周 東 赧 不 周 王卒于乙巳, 君 猶 作史者 存 也。 当自 明 壬子 年 丙 丙 , 秦遷 午至 午, 秦遷 £ 東 一子,繫 周 西 君 周

> 《綱目》以七國如楚、漢並書之。 《大事記》周赧後即繁秦,朱子以爲未當。

而 愚 最 不 秦 謂 先 爲 用樂毅,太子丹乃用荆軻,其 燒 夷 取 吕 老泉謂秦之憂 七 陵 ,唯燕爲 或 取蜀則楚在掌中矣,白起所以再 也 ,齊、魏、趙、韓皆大夫篡 楚最 舊國 彊,最後取,非其憂在 在 ,召公之澤遠 六 國 一, 蜀 能 最 國乎 解, 楚 爲黄, 最 也。 戰 王

非 冉 或 封 封 策》云: 衛 陶 魯仲 也 商 連書「富 「陶 君 封 朱 衛。」今按: 公子 比乎陶、衛」, 荆。」 王 商 邵 君 延 궁: 角 封 於商, 注 戰

晋之答回紇語,李懷光、譚忠之説 復 難 有 而 爲 李文叔《 載是説 是 説 者, 書 者 必 戰 爲 國 無 不 策》曰: 能 易 載之者矣。」 得。 使 秦、 爲 是説 劉 漢 面 觀 者非 董

氣 雄 健,有 先秦風,韓、杜二公之筆力,足以

發之也。 《董晋行狀》、《燕將録

於豐沛。 五十一年,赧王卒。皇甫謐曰: 秦昭 天道之倚伏,可畏哉 王五十一年滅周,是歲 「高祖生。」 《史記 漢高祖生 影昭

諫

必

死,作《秣馬金闕歌》。」古歌尚質,必無

立,而 則滅人之國,乃所以自滅也 是歲諸侯之起者五國。三年,而秦亡。 秦莊襄王元年,滅東周。三年, 柏翳之秦亦 滅。 二世元年,廢衛 始皇 君, 然

祖曰: 帝王之言哉 曆紀,宋明帝給三百年期,其愚一也。 秦皇欲以 「日復一日,安敢遠期十歲乎?」 一至萬,新莽推三萬六 千歲 漢 真 世

歸 以 悟之,使人之意也 不私,而不敢見其邑子。 魏公子退讓,而 消。 口不忍獻五 是以 城; 君子正容 尹 翁

語 燔 書,秦 欲愚 其 民 加 不能 愚 陳

> 涉 嬰。 ; 指 鹿 束 蒲 9 高 欲 愚 其 君 而 不 能

> > 愚

子 韋昭《 洞曆記》: 「紂 無道,比干

知

極

金闕」之語,蓋依託 也

古 。」春秋時,殺,桃林,晋地,非秦有 賈生《過秦》曰 「秦孝公據殺、

也

函

之

**史記正誤**《索隱》、《正義》、《史剡》、《通鑑考異》、《古史》、

《大事記解題》所攷正者、皆不著

《書》 民 日 秋》、《國 謂 者 缺有間, 五 孔 獨稱犧、農、黄帝、堯、舜氏,蓋 「仲尼繋《易》,歷 帝本紀》 語》,發明《五 子所告 乃時見於他 宰予,儒者 列黄 叙 帝、 德》、《繫 制 器 説。」五 顓、辛、 或 致 不傳,及《春 用, 姓》章矣。 峰 堯、舜, 兼 以 是爲 胡 濟

孔聖之言; 形容之虚語 五 帝 也 而 顓 爾。」朱文公曰: 八卦,文字之祖,何故遺 辛 無 聞 焉 太 史公所 「《易大傳》, 載 而不 特

録 ?

載,乃滅有窮。」《本紀》不言羿、浞之事,是 義 康崩,子相立。 説之疎。 夏本紀》: 「太康 失邦,及少 相崩 「太康崩,弟仲康立。 ,子少康立 康 紹 。」《左傳》正 國,尚 有 百 仲

《殷本紀》:「祖乙遷於邢。」《書》正義

水所毁,於是修德以禦之,不復徙也。」」曰:「鄭玄云:『祖乙去相居耿,而國爲

二七八

《盤庚》三篇。」與《書序》違,非也。「小辛立,殷復衰,百姓思盤庚,乃作

也。謂太甲歸亳之歲,已爲即位六年,遷説妄桐宮三年,悔過反善,伊尹乃迎而授之政。」「太甲既立三年,伊尹放之於桐宮。居

九 適 名 之,自沃丁至陽甲,立弟者九世。」中丁之 了,誤也 世 而 「帝陽甲之時,殷衰,自 更立諸 亂。」《皇王大 弟子。 紀》曰: 弟子 或 争 中 以以 相 T 代 以 其 立 來 世 , 攷 比 廢

「太戊,爲太甲之孫。」《三代表》云:

《書》正義謂「《本紀》、《世表》必有一誤」。「太戊,小甲弟。」則亦是沃丁弟,太甲子。

稷 不窋之孫。」 云: 「不窋去夏 語》云: 案《公劉》之篇,公劉避亂適豳。 不務,不窋以失其 周本紀》: 「不窋自竄于戎狄之間。」韋 「不窋末年,夏氏政亂,去 而 (官而 遷於豳 奔 戎 「°」《詩》正義: 狄之間。」《 公劉者, 昭 周

知 虞仲辟季歷 文,似王季與大伯别 生季歷。」《左 其皆同 「古公有長子曰大伯,次曰虞仲。 母 也 適荆蠻,若有適庶,不須相辟。 傳》 E 義 母,遷言疏繆。 日 如《史記》之 大伯、 大姜

日 天人之助 虞、芮之訟。」歐陽公以爲妄説。 詩人道西伯,蓋受命之年 詩人言文王受命,指其 耳。」李 子 思 E 以 至 稱王, 虞、芮質 誠 五峰 動天, 胡 而 得 成 氏 斷

> 附」,以爲受命之年。 日 遷全不是,歐公全是,不若兩 推之,不知九年當從何處數起? 『惟九年大統未集』之説,若以在位五十年 之年,爲文王興王業之初則可, 國見《武成篇》,故《泰誓》傳曰「周自虞、芮質厥成,諸 是自稱王則不可。」朱文公謂: 「遷不見《古文尚書》,以文王受命七年而崩。 至九年文王卒,劉歆《三統曆》以 存 而 《武 之。 謂文 亦未見史 成》 劉 Ŧ 侯並 孔安 道 於 原

曰: 絶, 信。」程子曰: 舉之説。」 =伯夷傳》又載父死 則紂 武王祭于畢,觀兵盟津。」歐陽公曰 漢 是 儒 獨 以 夫,豈 觀 觀 政 兵 轉 容 必 不葬之説,皆不 . 爲觀 更待 無 此理。 兵,而爲 三年?」 今日 周 林 師 天 可 氏 再 爲

焦, 封黄 「武王 帝之後於 追 思 先 薊 聖, 封 乃 帝堯之後於祝, 褒 封 神農 之後 封 於 九年。」

先聖 帝 當以《記》爲正 舜 乃 之 封 之,與《樂記》『未及下車』義 於 陳  $\sim$ 禮 記  $\Rightarrow$ 正 義 日 追 反, 思

曰:「《史記》謬也。」《左傳》曰:「母弟,俱是惠后所生。」正義「襄王母早死,後母曰惠后,生叔帶。」

位而代王爲政者。 官。」推是 位,故謚共和。」《左傳》王子 曰 諸 侯 首。 周、召二相行政、號 釋位 「《古史》。案《汲冢紀年》共伯 一而 以以 言,則厲、宣之間,諸 間 《莊子》曰: 王政,宣 日 王 共 朝告諸 有 「共伯得之 和 志 侯 10月日 有 而 侯 和 成 後 去 日 干王 其 公 效

稷之號,亦起舜時,其言不可信也。」是堯之封,故箋、傳皆以爲堯。《本紀》以后曰:「稷之功成,實在堯世,其封於邰,必曰:「舜封棄於邰,號曰后稷。」《詩》正義

各有所據。」 四十矣,不知出 年。」《書》正義曰: 韜》,好事者妄矜太公,非實事也。」 韜》之書,後人所作。《史記》又採 굸: 太公强之。」《書》正義 「枯骨朽蓍,不踰人矣。」」彼言不吉者、《六 「卜戰,龜兆 穆王即位,春秋已五十矣。立五 武 王 伐 紂 , 何 焦,筮又不吉。太公曰: 書? 龜 「《孔傳》云穆王即 兆 日 不 遷若在孔後,或當 吉, 「太公《六 群公皆懼 小用《六 十五 位 過 惟

之下,而加之百姓之上。』《史記》所傳,自相 客,被褐 日 之。」范太史曰: 亡 百里奚,以爲秦穆公夫人媵 秦走宛,楚鄙人執之,穆公以 《秦本紀》: 『五羖大夫, 荆之鄙人也。 食牛。 期年,穆公知之,舉之牛 「《商鞅傳》又載趙良 「晋獻公虜虞君與其 於秦。 五. 自鬻 羖羊 百 於 之言 里 大夫 皮贖

穆姬者,乃井伯,非百里奚也。」 矛盾如此。」朱文公曰:「按《左氏》,媵秦

周, 岐。 言,文公獻岐東於周,則秦之東境,終不過 南。 周 畿,與《本紀》異。案終南之山,在岐之東 之周。」《詩》正義 是文公遂收周餘民有之地至岐,岐以 亦得岐東,非唯自岐以西也。 西都宗周畿内八百里之地,則是全得 即得之矣。《本紀》之言不可信也。」 而春秋之時,秦境東至於河 大夫之戒襄公,已引終南爲 賜襄公岐以 日 西之地,襄公生文公。 「鄭氏《詩譜》言 如《本紀》之 ,明襄公救 喻,則襄 横 東 西 獻 於 有

而紀吕,無亦獎盜乎?」《呂后本紀》,夾漈鄭氏曰:「遷遺惠

汲黯進曰。云云。丞相公孫弘曰:『黯誹謗之歌》。●後伐大宛,得千里馬,爲歌。中尉《樂書》:「得神馬渥洼水中,爲《太一

哉! 《武紀》昆邪之降 歌》。 聖制。」説 稱 有言而公孫弘又從 書》乃云得大宛馬 四年,尚六年,則汲黯之卒亦久矣。今《樂 在五年,又十歲,則元封四年也。 錢,復起爲淮陽太守,居淮陽十歲 黯坐法免官,隱田 已八年矣。《汲黯傳》: 狩二年春三月,丞相弘 首,獲汗血馬來,作《西極天馬之歌》。 紀》元鼎 疾 (歸,乃 況黯在 太初 四 召爲 四 年 齋 秋,馬 武 年春,貳師 唐 中大夫,又出 帝 氏 在 時,始 而 園者數年,至更立五 曰:「按《漢書 生 元 圃 作《天馬之歌》,汲黯 渥 狩 譖之,不亦厚誣古人 薨,則先元鼎 將軍 洼 爲 二年,而 渾邪 水 謁 中, 廣 爲 者遷滎陽令, 王降之歲 利 東海太守, 作《天 其 行 而 斬 武 五銖 卒。 大 去太 四 宛 圃 馬 銖 帝 初 錢 汲 元  $\pm$ 按

❶ 「一」,嘉慶本、道光本作「乙」。

傳》言《史記》十篇,有録無書,而 嘗 數 又 而 書》亦亡,則此非遷之作明矣。 年,則弘之死 爲 歲 召 乖 好如此,不亦繆乎?」 中 而 爲 主 尉 免官、又數歲 爵都 也。 固已久矣。《漢 尉,又公孫弘請徙爲右内史, 假 使黯之言,在 而起 爲 淮陽太守,則未 書 馬 使遷在 司馬 生渥 注言《樂 當當 洼 遷 之 時

《六國年表》:「定王元年,《左傳》盡此。」「敬王崩,子元王立。八年崩,子定王立。」孔子卒。四十三年,敬王崩。」《周本紀》:《十二諸侯年表》:「敬王四十一年,

本》:  $\wedge$ 繆,杜違《史記》,亦何怪焉?」 貞定王立。貞定王崩,子元王立。是《世 九年、《春秋經》終。 貞王介,與《世本》不 月,事多舛錯,故班固以文多抵牾。案《世 之傳終矣。」與《史記》不同。 本》與《史記》參差不同。 宋忠不能定 立。宋忠注引《太史公書》云: 十二年而 三十九年,魯哀公十四年,獲麟之歲 左傳》正 敬王 立義 曰: 敬王崩,敬 崩,貞王 也。《帝 「《杜世: 王子元王十年、春秋 Ŧ 四十四年,敬王崩,子 相應,不知誰是?』則 介立,貞王崩,元王 世 書籍久遠,事多 族譜 紀》: 《史記》世代年 元王仁 敬王三十 「敬 也 生 四

而廢之。僚者,夷昧之庶兄。夷昧卒,僚代昧及僚,夷昧生光。』服虔云:『夷昧生光之子。《左傳》正義曰:「《世本》云:『夷《吴世家》以光爲諸樊之子,僚爲夷昧

不足依馮,故杜以《史記》爲正。」」而今之《世本》與遷言不同。《世本》多誤,説也。』班固云:『遷采《世本》爲《史記》,説也。杜言「光,吴王諸樊子」,用《史記》爲立,故光曰:「我王嗣也。」是用《公羊》爲立,故光曰:「我王嗣也。」是用《公羊》爲

與焉。」《傳》言:「大伯端委,仲雍斷髮。」《史思》言:「以《春秋傳》考之,斷髮文身蓋仲雍,大伯無身斷髮,自辟害耳,遠適荆蠻,則周人不知身斷髮,自辟害耳,遠適荆蠻,則周人不知以為一一人皆文身斷髮,不不可用。」文

年也。嚭入越亦用事,安得吴亡即誅哉?季孫懼,因太宰嚭而納賂焉。」在吴亡後二曰:「《左傳》哀二十四年閏月,哀公如越,「越王滅吴,誅太宰嚭。」《通鑑外紀》

縛,左牽羊,右把茅。」《書》正義曰:「面《宋世家》:「武王克殷,微子肉袒面

曰:「此篇是致政之後,言留輔成王之意。國踐阼,●召公疑之,作《君奭》。」《書》正義《燕世家》:「成王既幼,周公攝政,當

其文甚明,遷妄爲説爾?」

《衛世家》: 「莊公娶齊女爲夫人,而無子。又娶陳女爲夫人,生子早死。陳女女娣生完,完母死,莊公命夫人齊女子之。」在。《左傳》唯言『又娶於陳』,不言『爲夫在。《左傳》唯言『又娶於陳』,不言『爲夫人』,《左傳》言莊姜以爲己子,云『完母死』,亦非也。」

在位五十五年、《國語》又稱武公年九十有「武公殺兄篡國。」吕成公曰:「武公

❶ 「國」,原作「因」,據嘉慶本、道光本改。

乎? 是時共伯已脱髦矣,《詩》安得猶謂之『髧彼 脱之。《史記》謂釐侯已葬而 之時,其齒又加長於武公,安得 + 五 未嘗有篡弑之惡也。」 兩髦』乎? 是共 ·餘矣。 猶 髦者,子事父母之飾,諸 使果弑 于 國 伯未嘗有見弑 共伯 計 其 而 初 篡立,則 即 位 共伯自殺,則 侯 其 之事,武公 既 謂 共 씷 小斂 之蚤 伯 蓋 見 已 則 死 弑 四

曰:「烝淫而謂之夫人,謬也。」「初,宣公愛夫人夷姜。」《左傳》正義

《年表》自乖異。」
《年表》自乖異。」
《朝桓公世家》云「宣王庶弟」、《年表》

『史伯爲桓公謀取十邑』之文,不知桓身未家》,則桓公皆自取十邑。馬遷見《國語》有正義曰: 「《詩譜》武公卒取十邑,如《世正義曰: 「號、鄶果獻十邑,桓公竟國之。」《詩》

日 公也。全滅號、鄶、非獻邑也。遷之言皆謬。」 虢、鄶之地,無由得獻之桓公也。」《左傳》正 男之國、虢、鄶 得 故 「案《鄭語》,桓公始謀,未取之也。 傅 會 爲 此 爲大。」則八 説 耳。 ^ 外 邑各爲 傳 <u>\*</u> 武公始國 其 (國,非

傳曰: 義曰: 前,其言當有 定其居。 之時,始遷臨淄,與《世家》異。毛公在遷之 王之時,獻公因徙薄姑,都治臨 齊世家》: 「《詩・烝民》云:『仲 『古者諸 蓋去薄姑,遷於臨淄。」」以爲 據 侯逼隘,則 「胡公始徙都 王 者 淄。」《 Ш 薄 遷 姑 甫 其 :祖齊。] (詩)》正 宣 邑 周 而 夷

傳》正 晋,欲 當。」《晋世家》: 功,頃公朝 「頃公十一年,晋初置 義 Ŀ 日 尊景公爲 晋,欲尊王晋景公,景 一此 時天子雖微,諸 「景公十二年,齊 王。景 公讓 六卿。 不敢。」《左 侯 公不 賞牽 頃 並 公如 之 敢

晋文不 許 ? 晋 傳》『將授 1,所較 授 玉, 準時 敢 不 遷之意所以 度勢,理必 玉, 多,豈爲 隧,楚莊 以爲『將授王』,遂飾 不然。 不 戰 敢 有此 而 問 勝 『齊侯朝于晉 鼎 説者,當 便 即 又 齊 成 以 讀 弱 爲 王 此 此 相 於

卒於其家也。 復 「《傳》稱 歸, 魯世家》: 卒於 國人 有 施 遷妄耳。」 Щ 罪 氏。」《 於 「哀公奔越, 有 山 左 氏,不得復歸, 傳 國人 **>** IE 義 迎 哀 日 公 丽

辭耳。」

文王 葉氏 也,其所 言兵及周之陰權,皆宗太公爲本謀。」 德 必有義, 以 爲 日 傾商政,其事多兵權與奇計 齊世家》: 忤 而 用 合 「其説蓋 致 王 君 術也,其所事聖人也,則 而 必 孫 同周 有 孟 出《六韜》。 道。 謂 西伯 之用 自 昌 墨 間 與 翟 、吕尚 夫太公賢 故 以 且 以 太 後 陰 嘗 公於 出 石 世 謀 爲 者 林 之 處 脩

> 然而 惻怛 必以 必以 者,藉此 之於書,使後 周公之言也。 變詐之謀,後世苟簡 日 政。』又曰: 西伯昌囚 齋唐氏 文、武將 而 不 己。 爲失時; 可 之心,寬厚和平之政,浹於 爲無功。二聖人信之篤,守之固, 「魯後世其北 解。 日 兵, 以 美 . 彼太史公曾不知 爲 人里,歸 此 故尚 一周 「三分有 人懷欲得之心,務速 遷不能辨其 豈矯拂 實,其害豈小哉?」 三后協心 權 公聞 與吕 面 詐 之説,殆 事 者,多 而 伯 ·齊矣 尚 僞爲? 而 而後道洽 陰謀 禽 此, 是 猶 並 報 ! 」此特 非 否,又從 事 脩德 緣自 乃 政 が斯民 文王之事、 商 亦出 日 遲 在 成之功 見。 以 在 \_ 乃 於 而 戰 傾 至 常 衆 固 筆 歎 周 自 結 誠 説 國 商 人

年,卒。子哀侯 左傳》隱五 《晋世家》: 年, 光立。 曲 鄂侯郤立六年,當魯 沃 莊 《詩》正 伯伐 翼 義 翼 日 侯 奔 隱 案 五

年,翼 鄂侯未卒、《世家》言卒,非也。」 隨 秋 王 九宗五 命 鄂,晋人 虢 公伐 正,頃父之子嘉父,逆晋侯于 曲沃, (謂之鄂侯。則哀侯之立, 丽 立 哀 侯 于 翼。 六

有五世,而誤以文侯爲重耳。」文侯命》。」夾漈鄭氏曰:「于時去文侯十文侯命》。」夾漈鄭氏曰:「于時去文侯十「天子使王子虎命晋侯爲伯,周作《晋

也。 妾。 夫 日 : 人。 适 虢射,惠公之舅; 申生母 夷吾母,重耳母女弟也。」《左傳》正 公末年,齊 案《傳》,申 ,齊桓女也,同母女弟爲秦 桓 始立,不得爲 生之母,本是武 狐偃,文公之舅,二 齊 公公之 桓 女 穆

母不得爲姊妹也。皆遷之妄。

於母,此何以夢發於父? 是遷之妄。」 夢龍據其心,燕姞之夢蘭爲己子,彼皆夢發是邑姜夢矣,安得以爲武王夢也? 薄姬之是邑姜万震而夢,明

十二年,陳侯躍卒,則厲公即是躍。 出 躍,是爲利公。」《詩》正義曰: 中曰林,少曰杵臼,與蔡人共殺厲公而立 人,不得云『爲佗殺 陳佗。莊二十二年《傳》曰: 自殺免,非蔡人爲佗殺免也。 桓 佗,是爲厲公。 女,故蔡人爲佗殺五父及桓公太子免而 也,故蔡人殺 五年,文公子佗殺太子免而 《陳世家》: 太子兔之三弟,長者名躍 五父而立之。』五父與佗 「桓公鮑卒,弟佗,其母 五父』也。 「陳厲公,蔡 六年,殺佗; 六年,蔡人殺 代之,則是佗 「案《左傳》 既爲 立

《春秋》躍卒在桓十二年,非徒五月。 妄稱 五 厲公,則 記》之謬。」《左傳》正義曰: 人以爲兩人,以無爲有」,謂此事 月而 爲 卒」,然 無復利公矣。 利 則躍 《世家》言『佗死 亦以 既誤以佗爲厲公, 桓 「束皙言『遷分 六年卒矣。 而 也 躍 皆《 立 立 史 又 而

姓嬀,妄也。」
也。至胡公,周乃賜姓爲嬀,謂胡公之前已哉曰:「《世本》: 舜姓姚氏,虞思猶姓姚善「舜居嬀汭,其後因姓嬀氏。」《左傳》正

職,故 者 以 章生重黎。高辛氏之火正,能光融天下 顓 命 ,以重、黎是顓 屬民」,則黎爲火正,高陽時 頭命 楚世家》: 二文不 祝 南正重司天以屬神,命火正黎司 融。」《詩》正 同 也。 項命之,歷及高辛,仍爲此 「高陽生稱,稱生卷章 黎實祝融,重爲南 義 曰 也。 「《楚 言高 語 ·, 帝 E 辛 地 稱 卷

> 爲黎後者,以吴回繫黎之後,復 氏有子曰黎』、《史記》以重、黎爲 本之黎也。 重黎後,復居火正,爲祝融。」《鄭語》以 家》又云: 而《楚世家 《左傳》「少皞氏有子 一帝 **>** 同 譽誅 以 重 重黎,而 黎 爲 祝 融, 以 其 謬 Ė 居 一人,又言 弟 黎 重 也。 吴 職 顓 旦 ^ 姓 頊 爲 世 故

不從《史記》。劉炫以《世家》規杜云:「蚡傳》正義曰:「杜注: 蚡冒,楚武王父。」「蚡冒卒,弟熊達立,是爲楚武王。」《左

以吳回爲重黎,皆謬。」

冒是兄,不得爲父。」

秋 好 舉,在康王時。 隱。」」愚按: 新序》云「士慶」,然則非 穏。 審應覽》云: 莊王即位三年,伍舉人諫曰: 成公賈人 莊王時,有嬖人伍 康 諫 王,莊王之孫。 「荆莊 日: 伍 王 \_ 舉 願 立三年,不 與 也 君 一多,其 日 氏 子 願 而 伍 春 進

二八八

可疑者。」
《三代世表》:「稷、契皆爲帝嚳之子,《三代世表》:「稷、契皆爲帝嚳之子,」《左傳》正義曰:「《世族堯亦帝嚳之子。」《左傳》正義曰:「《世族堯亦帝嚳之子。」《左傳》正義曰:「《世族

里。 《詩》正 後 後於宋,其實武王之時,始封 爲殷後,成王始命之。《樂記》武王投殷之 殷墟 也 《史記》以爲成王之時,始封微子於宋, 《杞世家》: ,復以叛 一義日 成 王 命 而 爲 「《書序》、《微子之命 誅之,更命微子 「其殷後,則初封武庚於 殷後,當 爵 爲公,地 於宋,未爲殷 爲 ×, 殷 方百 是宋 後。」

與《樂記》又乖。」

兄,故杜從之。」 《管蔡世家》: 「武王同母兄弟十人, 《管蔡世家》: 「武王同母兄弟十人,

取《竹 其實。 《左傳後序》曰: 之。 之世以 襄、哀之年,見於《竹書》明甚,《史記 惠成王,卒即惠王 王三十六年改元,從一年始至十六年 叔振鐸者,杜以振 ^ 或杜别有所見,不以《管蔡世家》爲説 書》。」 魏 聃季載」,杜云: 邵子《皇極》之書乃從《史記》而 爲後王年 世家》 也。 也。」朱文公曰: 「《古書紀年篇》: 鐸非周公同母,故 「三十六年, 疑《史記》誤分惠成 「毛叔聃。」又不 惠 王卒。」 不 而 魏 不 失 數 稱 惠 數

曰:「論成敗者,當以人事爲主。必推命未成。魏雖得阿衡之佐,曷益乎?」《史通》太史公曰:「天方令秦平海内,其業

而

言,則其理悖矣。」

人。」《左傳》正義曰:「案《傳》趙衰適妻、人。」《左傳》正義曰:「案《傳》趙衰適妻、是文公之女。若朔妻成公之姊,則亦文公之女,父之從母不可以爲妻。且文公之卒,之立,父之從母不可以爲妻。且文公之卒,之。」

括俱死也。 輒 武於山中,居十五 又云: 「公孫杵臼取 樂書將下軍, 厠 其 屠岸賈誅趙氏、殺趙朔、趙同、趙括。」 間 晋君 如 此 則於時朔已死矣,不得與同 明,諸 專 恣。」吕成公曰: 年。」《左傳》正 他兒代 臣强,無容有屠岸賈 武 死,程嬰匿 義 日 中

> 如此。 記》失 以二者攷之,見其誤。」 索莊 姬子於宮中」,晋宫中自有紀 於傳聞之差。 趙朔已亡,●而云與 是時 晋室 (同、括) 正 同 盛 綱,不容 , 時死。 而 云

日 不得其真者尤多。」 異,測桓、釐之災。斯以 子者、識會稽之骨、辨墳羊之怪、道楛矢之 下可也,何特世其家哉? 處之《世家》,仲 陋也!』《皇王大紀》曰: 不從而小,而遷也 尼之道不從而大; 帝王可也,何特公侯哉? 仲尼之道,世天 《孔子世家》,王文公曰: 「欲尊大聖人而反小之,其所以 置之《列傳》,仲尼之道 自 亂其例。」淇水李氏 爲聖而已矣,何其 「遷載孔子言行 「仲尼之才, 稱 夫

朔」,原作「嬰」,據嘉慶本、道光本改。

0

二九〇

即位已十一年矣,安得父死不葬之語?」 也 致 ]。]程子 堂 胡 又 氏 Ĕ. 何 日 怨 「《史記》所載諫詞,皆  $\wedge$ 傳》: 吅 馬 但 之諫, 見 伯 夷 非 孔 滿 也。 氏 身 武王 未 是 嘗 一伐商 怨 及

哉? 安能 年之中,魯、齊、晋未嘗有變,吴、越不爲是 越從吳伐齊,滅吴 卿 而 戰國之時,齊、魯交 擅 存亡,遷之言華而 破吴,强 權,晋以 存哉? 吴不備 仲尼弟子傳》: 晋,而 越 田 衰 丽 氏 弱,脩兵休卒,安能 亡,勝齊,安能 弱 霸 乃强,此安能伯哉? 少實哉 齊,一當吴兵,安能 兵 越。」《通鑑 「子貢一出,存魯,亂 者數矣,一不被伐 外 破 紀》曰 哉? 强 哉? 亂 + 四

乎? 則 E 始 嘗謀之,後 有若狀似 「此鄒、魯間 孔 弗 野 子,共立爲師。」宋景文公 克舉,安 人語耳。 觀《孟 有 撤 坐之論 子》書,

> 予何罪 田 常 田 常之亂,是必傳之者誤而 ,則誰得 常爲 宰 亂於 予 而殺之? 與 當是時,有關 齊,齊君 田 常 作 蓋 使其 亂 弗 止,字子 勝 爲 爲宰我 龜 也 齊 Ш 君 楊 宰予 我,死 也。」 而 氏 死 附 日 於 則 田

乎? 其 非 母 首 臣之義,有死 而 兵之讎,爲盟 首 親 ൬ 政 之年,遂殺身 《刺客傳》,説齋唐氏 以 乎 劫國君,賊天下之禮者,非 剚 父母全 ? 濟人秦之詐,賊天下之信者 刃 於 樊 將 王 無 會之禮,乃於登壇 而生之,子全而 以爲仲子,賊天下之仁者, 僚 隕,專諸感公子光之豢養, 軍 ,賊天下之義 以 木 窮 日 歸 燕 歸之,政纔終 丹 沫乎? 「諸 之後,奮 者,非 軻 侯 非 説 棄 諸 取 軻 君 甲 K

乎? 乎列士,乃引 以不忘舊君,殺 傳》,又 以 賊 禮 而 而 嗟 賊 身而 歎其 義 寘諸四子之間,不亦 賊 志,不 不悔,抗節 仁 賊 信之人,並 亦繆 致忠,行 哉 薫蕕 列 豫 出 於 子

之共器乎?

張歐也,安得爲不案人哉? 母 日 廷尉敺,劾奏錯之大逆無道。 而 略於大也。」 妻子同産,無少長,皆棄市。 《張叔傳》: 「景帝誅鼂錯,時 「未嘗言案人。」吕 丞相 青翟、中尉 則歐固謹 錯當要斬,父 廷尉敺,即 成公 於細

其缺如。」

十四年。相距十九年。」「秦穆納晋惠,在僖九年, 納晋文,在僖二七年,而東伐鄭,三置晋君。」吕成公曰:七年,而東伐鄭,三置晋君。」吕成公曰:

江氏 司 楶。 馬 相 如 傳 費》揚 雄 後 於遷甚久, 雄 以 爲 勸 遷 百 得 而 引 風

雄辭,何哉? 蓋後人以《漢書贊》附益

さら

《滑稽傳》,韓、魏處戰國之時,而云

其

《貨殖》爲傳,獨以子貢居先。成人之美,不學,著循吏,則不言冉、季之政事。至於曰:「太史公述《儒林》,則不取游、夏之文曰。」「太史公述《儒林》,則不取游、夏之文君陪楚莊王葬馬,《史通》謂以後爲先。

記 班 鼠 高 汲黯,廷折公孫弘,質張湯,揖衛 均茵伏。」《漢書》作「馮」。 司 固 '馬安之文惡',俱在二千石列 ,何足以辱同車,而反謂 四 《酷吏周 之陋至此。」愚按: 海,空 無 陽 人者 由 | 傳》: 也。 吕成公曰: 彼 黯 班 周 與 史 不 陽 汲黯俱 ,同車未嘗敢 實 敢均 山 青, (本於《 , 茵馮 孤 所 爲忮, 吾觀 豚 史 腐 ? 眼

議 賊、《易》謂 迹。」夾漈鄭 周 哉?」 失其道而《春秋》作,秦失其 自 序 順 氏 天應人,烏可 日: 桀、 紂 「湯、武 失 其 與陳涉 道 仗 政 而 大義 同 丽 湯 陳 日 武 平 涉 圃 作, 殘 發 並

主

**豈嘗獵其遺文哉**?」 子距楊、墨, 荀卿 王 利端,作《孟 獵 ·儒、墨之遺文,明禮義之統紀,絶惠 子荀 亦 非 卿 墨子,儒、墨固 傳 ?》。」鄭 氏 日 [異矣, 孟

孑之萬一,況能當仁義之重名乎?」 傳》。」鄭氏曰: 者 有乎,義者 「游俠之徒,未足爲 有 取 焉, 作 煦 《游 無形子 俠

所不該。 儒者,特六家之一爾。 列儒者於陰陽、墨、名、法、道家之間,是謂 ,吾道之所棄也。 太史公論六家之要指,西山 五家之所長,儒者皆有之, 談之學本於黄、老,故 而不 知儒者之道,無 真氏 其 日 短

> 其 論 如 此。」

德也。 實。 金檢 言,可以知史遷著書之謬。」 故攷《舜典》, 梁許懋曰: 太平之典方舉,而天災人禍隨至者多矣。」 侯禮也。 巡守之制; 岳,封非十有二山。 載管仲言,上古封禪之君七十有二,後 希慕之,以爲 鐫文告成,明示得意,而非 玉? 《封禪書》、《皇王大紀》曰: 泥金檢玉,遂其侈心,而非 心與天道相反,事與聖人相悖,故 結 「燧人之前,世質民淳,安得 出崇泰侈,無納言計功行賞之 可 繩 以 而 太平盛典。 知 治,安得鐫文告成? 後 入懷宴安,不 世 封 "禪之失; 然登 所 不 行 所 以 白自 徧 以 教 五 教 稽 諸 載 於 世 史 懋 泥 遷 諸 侯 四

而無揃蚤事。 「考之於《書》,啟金  $\wedge$ 魯 世家》「開 此蓋 一事,傳之者不同耳。」 縢之書,在周 金 縢 書」, 吕 公未薨前 子 進 日

氏 調 爲廷尉。 嘉又二人。凡歷十三年,景帝乃 年,釋之爲廷尉。至十年,書廷尉昌、廷尉 日 張廷尉事景帝,歲 張釋之傳》: 「《漢百官公卿表》: 則是釋之未嘗十年不調,及未嘗 「事孝文帝、十歲 餘 爲淮南王 文帝即 立,而 相 位 不 張 洪 得 敺

以

廷尉事景帝也

襄公四年,晋魏絳和戎,裁五十餘歲。之,魯文公三年,秦始霸西戎。《史記》差一年。餘年,晋悼公使魏絳和戎翟。」以《左氏》考「秦穆公得由余,西戎服於秦。後百有

乎采芑。 見。」蘇氏曰:「田常之時,安知其爲成子而稱之?」 「田常見存,而遽呼以 《周本紀》: 田 敬仲世家》: 歸 乎 1 田 「齊人歌之日 謚,此之不實,昭 成子。」《史通 而 日 ~嫗 可 西

欲出周鼎,竟不得。 年歲相去不遠。 者,秦昭襄王也。始皇乃莊襄之子也,世 彭城宋之分,九鼎何緣而至宋? 夫取 求之,弗得。」潏水李 城,齋戒禱祠,欲出 周君於甖狐。」《秦始皇本紀》: 始皇東遊過彭城、於泗水 「秦 |周鼎泗水。使千人没水 兩說抵牾如此。」 氏 (取九 EI: 鼎 「是時 寶器, 還 泗 過 遷 九鼎 水 數 彭 在

襄公之時作《頌》,何其壽耶?」朱氏曰:『百五十有一年,正考甫既佐戴公,而能至于了五十有一年,正考甫既佐戴公,而能至于《商頌》。」曹氏曰:『自戴公至襄公,凡一《亲世家》:『襄公之時,其大夫正考

二九四

考之, 次之。 軍 器 日: 比 即 日 乃 曰 太 箕子佯 以以 干 比 與 師 及武王 干也。 太師、少師謀、遂去。 見箕子 「義 殷 少 微子則先去,箕子奴次之,比 肉 奔于周。 聖人之言固有次第,且微子已行 以《書》考之,太師 狂 箕子不忍彰君之惡,乃佯狂 本 師 袒 可 爲 奔 紀》曰: 面 一伐商,微子遂 若已殺比 以去矣。』於 奴, 諫 周者,又何人也?」《 縛 不 而 武 以 聽 後 王 降 一微 太師、 乘 于周 乃 干, 此 是 子 直 持其祭器,造于 囚 即箕子也,少 比干 今 東 ,數諫 太 諫 少 箕子,則 伐。」劉 師 師 而 强 ·以《論 紂,不 勸 死 挾 (宋世家) 諫 微 干死 其 爲奴。 而 氏 微 子 所 祭 語 死 聽 遂 度。 又 子 謂 師 樂

秦廢太

后,逐

穰侯。」朱文

公

日

矣,則 去其位 微 面 子 縛之辱也? 適 武 而 周 王伐商之際,何 逃遯 乃在克 於外耳。」 蔡氏 商之後。 沉。 日 反 歸 所 「按《左傳》, 于 謂 或 去 以 者 自 「, 特 取

曰: 若伯 道甚大,安可 人計較天 『顔何爲 夷者 伯 夷 ,可謂善人非邪?」程子 /傳》: (理,非 以一人之故,妄意窺 而夭? 跖 「天道無親,常與善 知天 也 何 爲而壽?」皆指 日 測? 万天 如

堂胡 年,而孔子來。 「《經世書》只言秦奪太后權,蓋實不曾廢。」 歷 良 子使從者爲甯武子臣 定公、獻公、凡三十七年。 夫將兵侵齊,武子非 氏 孔子世家 日 「穆公末,武子之子相已與孫 使有兩武子則可 》。 「匡 於 老則卒矣。 衛,然後得去。」 人拘孔 至靈公三十八 子益 穆公卒, 急,孔 致

也?」也,其年當百有五六十矣,何子長之疎

春秋》以爲成公賈,不言伍舉。傳》,舉,其子也。《新序》以爲士慶,《吕氏一事而兩見。然莊王時嬖人伍參,見《左氏一事而兩見。然莊王時嬖人伍參,見《左氏一事而兩見。然莊王時嬖人伍參,見《左氏

困學紀開卷之十一

## 困學紀聞卷之十二

伯厚甫

浚儀 王應麟

攷 史

草》、《素問》以方技存,其天乎!」新安王晦 叔 草》,黄帝有《素問》。 云。 「三皇之書,伏犧 程子曰: 「《素問》必出於戰國之末。」 《易》以卜筮存,《本 有《易》,神農 有  $\Rightarrow$ 本

子《觀物》同。 象冬。」見于《王莽傳》,蓋古之遺言也,與邵 「三皇象春,五帝象夏,三王象秋,五伯

天子。豈有復南巡,迢迢度湘水。」張文潛 司 馬公詩曰: 「虞舜在倦勤,薦 禹 爲

> 惑。 泣路傍,洒淚留叢筠。」二詩可以祛千載之

詩

日

重 瞳

陟方時,二妃蓋

老人。

安肯

《李賀小傳》「如炊五斗黍許時」,本於此 《天官書》云: 「熟五斗米頃。」李商隱

趙葱、 法,頗、牧特戰國之將爾。《易》之《師》曰 「行險而順。」 顔聚代李牧,牧不受命。」此非爲將之 趙使樂乘代廉頗,頗怒,攻樂乘, 使

由 可 也,謂之忮可乎? 忮。」黯之正直,所謂仁者有勇,剛毅近仁 與黯並言乎? 與黯俱,是鸞梟接翼 太史公傳周陽由云: 汲、 周 陽由 鄭 也 同 傳猶 蝮鷙之靡 「與汲黯 不 可,而 爾,其 俱 以 者 爲

欲伐越,杜子諫曰: 「楚之大盜,曰莊 賈生《弔屈 原》 蹻 。」《韓非子》: 一一謂 「莊蹻爲盜於境内,而 跖、 蹻 廉 注: 楚莊王

也,以 吏不 漢 • 能禁, 其衆 西 南 Ŧ. 此 夷 滇。」此 傳 政 \* 之 亂 又 也。」 莊 莊 蹻 者 蹻 蹻 蓋 也,名氏 楚莊 在 莊 王 王 與 苗 時 盗 裔

同,

何

哉?

數 戰。 此 與 之塞,一軍處 在 而 禄 大澤。」秦擊越之事 萬,爲五軍。 禽獸 以 + 轉 始皇三十三年、《解 夜 軍結餘干之水,三年不解甲弛弩。 象齒、翡翠、珠 萬 銄, 補 攻 殺 淮南 秦 處 遺 西嘔君譯 又以卒鑿 乃發適戍以 ,莫肯爲秦虜。❶ 人,大破之,殺尉 . 淮 人間 南王諫 番禺之都,一軍 一軍塞鐔城之嶺,一軍守九嶷 吁宋,而 璣,乃使尉屠 訓 伐閩越,其言略同 渠 , 詳見于此。 ₩ E 備之。 題》不引《鴻烈書》,録 而 通 越人皆 「秦 糧 屠 置桀駿以 於是陳勝 道, 守南野之界, 睢 睢 皇 一、伏尸 人叢 《大事 以 發卒 利 與 越 爲將 薄中 流 越人 使監 起 Ė 之 記 於 血 + 犀

> 聲。大王意氣盡 正 爲五言矣。 秋》云: 義云: 太史公述《楚漢 歌 五言始於《五子之歌》、《行露》。 項羽 日 : '賤妾何聊生?」』」是時 歌,美 「漢兵已略地, 春秋》,其不 人和之。 載 四 於書者 楚 方楚 漢 Ė 春

礪,漢有宗廟,爾無絶世。」」下二句不同。賜丹書鐵券,曰:『使黄河如帶,太山如

楚漢

春秋》曰:

「高帝

初

封

一侯者,

皆

傷生 泣曰 足 張 從未央宮而見之。諸將諫不許,東陽侯 日 相 : 黔 也。 : 又曰: 如 徒 『封汝爵爲千乘,東 也 群 陛 臣 盗 竊哀之。」太后乃止。」 下見惠帝冢,悲哀 又曰: 「下 所 惠帝崩,吕太后欲爲高 邪, 而 反, - 蔡亭 南 何 盡 也 流 Ę ? 所出 公置淮 涕無已,是 東陽侯 謂 尚 墳 南 英 布 垂 未 使

❶ 「虜」,原脱,據嘉慶本、道光本補

史》、《漢》不

與 荆 吴、 焉 漢 淮南、 ^ 大啓九 漢 表》削 淮 陽, 或 淮 皆 陽 同 燕、 而 姓 代、 列長 也。 齊、 沙,當從《史 長沙 趙、 異 梁、 姓 楚、 不

指 高 物 作。 非 而 能 覩 斷 爲 此戦 歸 而 此 敢 言 行,鬼神避之。 國 秋 也 諸子之言, 霜 降者草花 而趙高 落,水 見末 而 摇 誦之爾 知 動 本, 者 萬 觀

章、《郊祀歌》十九章。」《索隱》誤。 中樂》,今致之《漢志》,《安世房中歌》十七 樂書》作十九章,索隱云: 《安世房

排 一之,非 門,翠笄窺牖。」蓋好 御覽》載淳于髠《十酒説》曰: 語 也 事 者 因《 《滑稽 1.傳》而 羅

云 鄒 越人子臧。」其事未 陽 書 **\*** 齊 用 越 詳。 人 、蒙。」《 漢 書

戰

國

時

邯 「《善文》五十卷,杜預撰。」 書曰。 李斯傳》注: 云云。 此書在《善文》中。 辯 士隱姓名, 遺秦將章

《説苑》云: 楚。」其事皆同,而四書所載異。 君鴻。」《韓詩 齊。」魯連子云: 《滑稽傳》: 外傳》云: 魏 文侯使舍人毋 「齊使淳于髡獻鵠 展 無 所爲魯君 「齊 使使 擇 使 獻 於楚。」 獻 鴻 遺 鵠 於 齊 於

年 冠 今天下事畢,其 赦令日 必夸大功業,以爲軼 而 -之祚敷 無 耳。』《法言》以爲蔡生、《漢書》以爲韓 自 漢高祖起布衣,滅秦、楚,自後世處 項羽紀》説 矜之意。 : 「兵不得休八年,萬 赦天下殊死以下。」言甚 者 此所以 日 堯、舜,駕湯、武矣。 治厥子孫,享 「人言楚人沐 民 與苦甚。 四 猴 生。 之, 其 簡 百 而

皆待 擬 穎 管,未能遠過。 蓋已見於此詔 日 人之非倫,漢儒爲尤甚。 論之日 賢 漢家 人 而 自 成 「王、霸之無辨,漢世 矣。 有制 名。」此 伊、管豈可並言哉? 劉向稱賈誼,雖古之伊、 度,本以 高帝之韶 尊王 霸、王道雜之。」 絀 也。 爲 霸,言道 尤甚。 林少 宣帝

間。 焉。 貶,萬世之榮辱,而薰蕕渾殽如 良遷、董可乎? 若儒 班固 汲黯之直,豈卜式之儔 叙 雅,則列董仲舒於公孫 武帝名臣,李延年、桑弘 哉? 此,謂之比 弘、兒寬 史筆 羊亦 之褒 之 與

義

不言功利,一董仲舒而已。」

屠

吉凶,皆袒左。」是以《士喪禮》及《大射》皆 袒左,唯 左袒。」按《儀禮 「右肉 袒 爲吕氏右 有受刑 注 云 . 祖,爲劉 袒 鄉 右。 射》疏 刑 宜施 氏 故 左 於右是也。」以 覲 袒 禮》乃云: ; 凡事 軍 中 無 問 皆

> 刑 此攷之,周勃誅吕氏之計,已定爲吕 ,故以右袒令之,非以覘人心之從違 「與父老約」爲句,下云「法三章耳」。 氏 也 者 有 唐

高祖人京師,約法十二條,蓋倣此語而失之。

諫留居秦宫,鴻門譙 能之,漢廷諸公不及也。 淮陰侯羞與樊噲 項羽 伍,然噲亦未易 ,排闥人見,一狗 輕

書曰: 讀 文有『於齊』、『於蜀」字,皆是句首,而劉誤 聞」,皆與《史記》合。 爲 誤,如《溝洫志》『於楚』字,本文屬 書『廟』「渭」之間有「於」字。 屬之上句。」 諸 侯 吴斗南爲《漢書刊誤補 「劉氏所斷句,如《項 上將 軍」、《儒 「爲原 林傳 廟渭 遺》,朱文公答 劉氏 羽傳》『由是 入不 北,見 所 下 疑 一句,下 悖 亦 有 所 始

於删 削 通鑑》不書符瑞,高帝 綱目》因之。 《文公語録 赤 帝 议 此事爲虚。 子之事 失

漢惠帝所立。」《高士傳》:「高車山上有《四皓碑》及祠,《高士傳》:「高車山上有《四皓碑》。今攷《文章緣起》有漢惠帝《四皓碑》。今攷

典•刑法雜議》。 明略同,而武帝之事史策不著,僅見於《通明帝年十二,而辨陳留吏墾田之牘。 其英明帝年十二,而辨廷尉獄防年之疑,

也1°1、(漢書》作『而肆赦所以見愛「古寫本無注。《漢書》作『而肆赦所以見愛以以致。」或云:以防姦也,内長文所以見愛也。」或云:《武帝紀》元朔三年詔曰:「夫刑罰所

始。必不得已,與夫始者。」獲寶,其美在終, 昭帝苗而未秀,其得在魏丁儀《周成漢昭論》云:「成王秀而

務盡地力。」以《藝文》攷之,《李克》七篇在之教。」《貨殖傳》云:「當魏文侯時,李克(食貨志》:「李悝爲魏文侯作盡地力

録》亦云李悝。」
非克也,《貨殖傳》誤。《史記》正義云:「劉向《别在法家。相魏文侯,富國强兵。盡地力者,悝也,儒家,子夏弟子,爲魏文侯相。《李悝》三十二篇

「徵」。見險證而去,色斯舉矣,見幾而作。「見苛細之人,險阨之證。」則「微」當作買誼賦「見細德之險微」,顏注云:

時乎? 不然,何不類之甚也。」馬嚴撰《中興紀傳》,其文曾不足觀,豈拘於書》,實命世奇作。及與陳宗、尹敏、杜撫、書、實命世奇作。及與陳宗、尹敏、杜撫、

不及。 陸澄注班史多引《史記》,此缺一言,彼 本,近,皆采摘成句,標爲異説,今其書不 之不言「生」,「有以,起自布衣」,而去「也 之不言「生」,「有以,起自布衣」,而去「也 之不言「生」,「有以,起自布衣」,而去「也 之不言「生」,「有以,起自布衣」,而去「也 之不言「生」,「有以,起自布衣」,而去「也

戚》下,在《 外 梁 戚》 書 陳、 次《帝 劉 項 之 傳》前。」《新唐書 紀》下 遴 傳 -,《諸 굸: 王 古 悉次 列 本 **彡**外 漢

蓋

放此

著《西京雜記》六十卷,然則依託爲書,不止 書淺俗,出 『此吴均 庾信作 也。 王 衡 語,恐不足用。」]今按《 詩,用《西京雜記》事。 〈傳》注: 於里巷,多妄説。」段成 「今有《西京 自追· 《南史》 雜記 式 改 》,其 蕭 云 日 賁

傳》: 謂 傳 序》 名然而實否也, 書法婉 刑 廣 法 「號 志》: 平 聲 爲 罔 爲 「獄 道 漏 不 吞 刑號 拾遺。」 舟 而直 之魚。」《 爲 平矣。」《 日 號  $\pm$ 日 温 酷 舒 吏

過 宰 相 章、平遠甚, 平當傳》云: 愚 班 周 孟 勃、 堅 「漢興 其 亞 忘諸乎? 夫 父 唯韋、平父 子 爲 相, 事 子 至

> 向《别》 也? 臣傳》當在《史記》之録,而 ^ 《七略》,劉歆 録》云: 藝文志》「于長《天 「傳天下忠臣。」 所 爲,班 下忠臣 列 固 于 因 愚 陰陽 九 謂 家 ^ 漢 何 忠 劉

功; 所能羅。古之逸民也。 義之説 董公之名不聞,魯兩生之氏 禮樂之言,如 如山 川 出雲,時 鳳 翔 千 雨 仞,非 既 降, 燕 不 而 著。 爵 不 之 有 其

之賊

臣,其抑忠臣也則宜

風俗,以是觀之。 滂、姜叙之母 陳 萬 年爲三公,而 `\_\_婦 而 勵 教 其子以義。 其 子 以 讇 二漢 范

之緒。 行 邑之王蠋 可以 梁以 田 封 建 心 可以 折 南陽之興,以東郡之翟義 七國之鋒, 支變故。 安平之功, 琅 邪 以 續 以 典 節 畫 午

辛慶忌之救朱雲,張萬福之拜陽城,服

儒衣冠者,亦可媿矣。

注 曰: 『無』爲「耗」。」《馮 或古亦通乎?」 「案《衍集》『毛』字作『无』,今俗 功臣 耗,音毛。」顏師古曰: 「靡有孑遺、耗矣。」孟 衍傳 》「飢者毛 「今俗 語 食 語 猶 猶 康

至卿 日 也 相。 衛綰 戲 一鼎躍 車 以 鼎 戲 躍 ,東方朔所謂鼎官,鄒陽所謂 一成出 車 爲 郎、 **|補史。** 鹽 累功積日, 鐵 論 **>** 賢 或 良

澤,張1 降 西河、北 表云三年。 三水,上郡治龜 ,置五屬國以 武紀》 掖治日 地 攷之《地理志》,屬 屬 國, 勒。 處之。」注不 「元狩二年秋,匈奴昆邪王 兹,天水治勇士,五 置於宣帝時,不 此武帝 初 載 置 或 也。  $\overline{I}$ 都尉,安定治 屬國之名。 ·在五 若金城 原治蒲 屬國

《張氏譜》云。仲,見《詩》。老,見《春秋》、《禮記》。 張良,張仲三十代孫,張老十七代孫。

傳,然其所叙,但記自少及長,立身行 數,大略見此。 於都内,爲禁錢。少府所領園 四十餘萬萬。 本傳,如賈誼《新書》末篇,故以爲自叙歟 持爲美談。」恐未必然。 已。」今攷之本傳,未見其爲自叙。又云: 相如自叙,記其客遊臨 萬萬,以給宮室供養諸賞賜。」漢財 桓譚《新 史通》云: 論》 吏俸用其半,餘二十 司 漢 ,馬相 邛,以《春秋 百姓賦斂,一 意者、相 如 地作 始 以 如 萬 自 務 以》所諱 集》載 歲 用 萬 叙 之 爲 爲

尋日: 才能不若節義 汲黯。」今人 何武曰: 淮南 多 也。 以 王作謀之時,其 「衛青在位,淮南寢謀。」李 淮 汲黯在朝,淮 南 寢謀 稱 南寢謀。 黯, 所 而 難 者,獨 不及青, 其語見吴

步騭 疏

名氏。 《卓茂傳》。 曹竟不仕於莽。見《龔鮑傳》。 史不能表而揚之爲「清節傳」,而僅 宣與卓茂、龔勝、鮑 百世之下,不待傳而彰。 西 然諸君子清風肅然,立懦夫之志於 漢末,郭欽、蔣詡、栗融、禽慶、蘇章、 王皓、王嘉並棄官。 宣同志, ●不仕 孔休、蔡 見《李業傳》。 莽 附見 時。 勳 劉 其 漢 見

詳其 家功德,頗 至哀平,陳平仲紀光武 不具。子長紀黄帝至孝武,揚子雲録宣 武官名曰『栘中監』,以問百官,百官奠知。」 人,孟堅頌亦亡。 又云: 論衡》: 可觀 「司馬長卿爲《封禪書》,文約 見。」今子雲書不傳,平仲 「孝明之世,讀《蘇武傳》,見 班 班 孟 堅頌孝明 未 漢 帝

上 珍 宜 荀 爽《對 略 依 策》 古禮尊卑之差,及董仲舒 日 「今臣僭君 服 , 下 制 度 食

困學紀聞卷之十二

《春秋繁露》有《度制篇》。 别,必有其書,非但 之别。」注引仲舒《對 Œ 策》。 法 度 愚 别 謂 上下 之對也 制 度之

家園 趙昱歷年潛思不 ,何休不窺園者十七年。 董仲舒三年不窺園,法真歷年不窺園, 窺園門,桓榮十五年不 窺

氏 皆爲二千石,亦號萬 萬 守,群從同時 人至大官,母號萬石嚴嫗, 千石,號萬石君; 石張家。 號萬石者五家: 唐張文瓘爲侍中,四子皆至三品, 爲二千石者五人,號萬 馮揚爲弘農太守,八子 石 君, 漢石奮及四子 秦襲爲潁 嚴延年兄 皆二 石 弟 ][ 號 太 五

漢丞相再入二人,周勃、孔光。 御史大

孔休、蔡勳、劉宣與卓茂、襲勝、鮑宣同志」,嘉慶本 光本作「卓茂與 孔休、蔡 勳、 劉 宣、典 勝、鮑宣同志」。

0

廣。司徒再入二人,魯恭、胡廣。司空三人 再 夫 三人,蕭瑀、裴度、崔胤 四人三人,韋巨源、姚元之、韋安石, 五入 忌至裴樞; 一人,牟融。唐宰相再入五十七人,長孫无 入二人,劉矩、馬 再 三人十二人,武承嗣至鄭畋, 孔 光、 何 日 武 磾; 王 崇。 三人一人, 後 漢 太 胡 尉

補

或 祀。豈三代之典不存哉,取其應時之變而 稱之數; 有共堂之制。魏祖 喪革三年之紀, 光武以 愚謂 《宋·禮志》云: 晋武以丘郊不異,二至并南 兀 事 唯喪紀廟制,先儒議 以侈惑宜 「漢文以人情季薄 中 矯,終斂 ·興崇儉、七廟 北之 去襲 其

云 揚 從《河· 孔子云: 倫,古 東賦》「羲和 善御者。」愚當攷《韓 「美哉 司 日 顔无父之御 顔倫 奉 詩 輿 也 外

> 馬 有人而敬之。」此顔倫善御之事也。書此 於顔倫,少衰矣。 知 後 有 輿 而 輕 之, 馬知後有輿而輕之,知上 知 上 有 圃 愛之。 以 至

<del>-</del>

四

秦亡於嬰,而莽立嬰以嗣平,速漢之亡《漢》注之闕。

也。

来來《答陳遵》曰:「學我者易持,效子者難將。」●陳無己爲《秦少游字序》云:「行者難工,處者易持。」吕成公《書趙忠定行者難工,處者易持。」 「學我者易持,效来張竦之意。

<sup>● 「</sup>將」、嘉慶本、道光本作「工」。

郢客,代共王子。此盈川所用也。

哉! 道。 立 以 能 已。」沙隨程氏謂: 及。 廟 爲 妻,生子女持轡。 ,若申屠嘉能使近習畏之,若嚴 嫌。 樂,有司 嚴 奏雖寢, 延年以不道劾光,夏侯勝言武 延年之奏也。 劉應起時可 延年劾奏霍 王元石曰: 朝廷 證故太子曰戾。 奏疏,謂當使近習畏輔 肅 光 惟 延年女羅紨,爲昌 自 焉。 擅 漢人風俗之厚,故 「宣帝 夷、齊之後,一人而 廢立,無人臣 延年能使輔相畏之。 吕成公曰 時,有大 皆後世 相,輔相畏 帝 禮 邑王 所 不 議 大 不 宜 臺

舉 張 無 王 人 及 賢 道 所 九 紀,唯 其 龄。 堅 良 鼂 官 錯《對策》首云: 所 方 自 舉 爵 正、太子家令臣 唐 糊 道 無 張 名易書之法密,不復見此矣。 侔 所隱,漢 九龄《對策》首 伊 吕 1科、行 制 平陽 錯。」 猶 秘 古 自言 侯 書省校 也 云 臣 所 窋 自 書 等所 嗣 後 舉 郎 之 魯 史

> 法, 道 傳,僅見《九齡 堅, 是 以 魯 能 王 舉 靈 集 九 夔之孫 **%** 龄。 愐 本 秉 傳 史筆者 稱 其 方 不 嚴 書 有 於 禮

成公。 史逸其 禄; EI: 時 爲 下之官; 哉?』成公曰: 不能折,使郎二人就受《政事》十二篇。」 自 逸民立傳,是以 皇甫 隱姓名 陛下能殺 事。 成帝時出遊問之,成公不屈節 朕 : 鑑《高· 能 陛 孟堅譏太史公之退處士, ,常誦經,不交世利,時 富 下 貴 人, 臣能 能 士傳》云: 『陛下能貴人,臣能不受陛 有目睫之論 富人,臣能不受陛 能 不犯陛下之法。」 殺 「成公者, 子 何 人號 下 逆 成 而 之 不 班 朕 帝  $\Box$ 

尊 世 帝 謚 號 反之正,平定天下 議 日 高帝紀》群臣 高 見《太平御 皇帝。」此 謚 覽》。 日: , 爲漢太祖, 功 議之始 帝 起 也 細 崔駰《 微, 最 撥 章 亂

三〇六

欲專 作 萬 心謀議,弘恭、石顯奏望之、堪、更生朋黨 世之禍,可謂一言喪邦。 俑 擅 。」愚攷漢 歐 權 勢。 日 「朋黨」二字,始見于此,遂爲 史,蕭望之、周堪、劉更 始 爲 朋 黨 之論 者 生同 甚 於

《儒林傳》「毛莫如少路」,宋景文公引父。」則巢、許爲一人,應休璉又謂之山父。《古史考》:「許由夏常居巢,故一號巢《古今人表》許繇、巢父爲二人。譙周

泂 反。 守。」案此莫如姓非毛,應作屯字,音徒 氏,太昊之良佐,漢有屯莫 復 該《音義》: 《儒林傳》「毛莫如少路」,宋景文公引 北 決於館 溝 「案《風 陶,分爲屯氏 洫 志》云: 俗 通 「自塞宣房後, ·姓氏篇》混 如,爲 河。」顔 常 (師古 Ш 本 太 沌

> 可攷。 注 以爲毛氏河,乃置 屯 之,則毛、屯之相混久矣。屯之爲氏,於此 度。」徒渾切,與蕭該音不同。 屯, 《廣韻》云: 音 大門 反。 毛州,失之甚矣。 「《後蜀録》有法部尚 而 隋 室 分 析 州 以 縣 此 誤

傳》云:「字莊。」
田何子裝、《釋文序録》作子莊。《高士云:「即續《史記》褚先生。」沛人,爲博士。
王式以《詩》授褚少孫、《褚氏家傳》

「雅杖名義」,其能免樓護之譏乎?徒而稱夷、齊也。」陳群爲曹操掾,而《傳》云謂:「居五侯之門而論名節,猶爲盜跖之謂、「屠五侯之門而論名節,猶爲盜跖之

《漢 云: 侯。」裴松之謂: . 樊噲傳》 魏志》: 楚、漢之際,權設寵榮,假其位號 「賜 「建安二 今之虚 爵 封 號 封、蓋自此 十年,始置名 賢 成 君 二,顔 始 或 注 號 按

得邑地,或空受爵。」則虚封非始於建安也。

《崇文總目》:「《史雋》十卷。」《漢雋》

之名本於此。

黨郡記》:「令狐徵君隱城東山中。」《漢紀》本脱「令狐茂」三字。《御覽》:《上師古曰:「荀悦《漢紀》云:『令狐茂。」]今師古曰:「荀悦《漢紀》云:『令狐茂。」]今師古曰:「荀悦《漢紀》云:『令狐茂。』]

之?』」其言有儒者風味。人。敞謹分斯貺于三老尊行者,曷敢獨享報書曰:『蘧伯玉受孔氏之賜,必以及鄉報書曰:『蘧伯玉受孔氏之賜,必以及鄉

禍漢,●自宣帝始也。 平恩侯亦刑餘,而魏相因以奏事。戚官之 宣帝以刑餘爲周、召,非獨弘、石也。

言 Ŧ, 《通典》 宣紀》「神爵三年,益吏百石以下奉十 倉 廪 實 引應 丽 知 禮 劭 節,衣 日 食足 張 敞、 IIII 知榮辱。 蕭 望 之

《黄霸傳》「鶡雀」,顏氏注: 當爲

「鳻」。徐楚金攷《説文》,當爲「鴘」。

矣。 爲帝。」王陵争非劉氏而王,而宫中已有非劉氏而帝者爲帝。」王陵争非劉氏而王,而宫中已有非劉氏而帝者

誼之孫。高見實類其祖。」 賈捐之上書罷朱崖,杜佑云:「捐之,

而身亦不免。小人可以戒矣。 漢之劉歆,魏之元韶,賣宗國以徼利,

於韓、彭者無幾,文帝所以裁之者,乃所以張文潜《文帝論》謂:「絳侯之迹,異

❶ 「官」,嘉慶本、道光本作「宦」。

深 報之 其節」,乃正論 也。 其 説 也。 太 過 0 賈 誼 體 貌 大 臣 而

厲

楊、墨,與《法言》背馳矣。 群公常伯、楊朱、墨 揚雄自 比 孟 一子,而 翟之徒。」學 ^ 校 獵 賦 孟 **>** 子 乃 丽 日 尊

傳 爲 於《游俠》。 長者樓護,朱家之罪人也。 樓護之執吕寬,小人之不義者也,不當 《法言》獨稱朱家之不德,以

於 歸 功於二將軍,君子以 蘭進明,君子以 讓,美德也,然當審其是非。 爲非 、爲是; 顔 真 趙 卿 充 歸 國 功 不

傳 記》以下,皆附《春秋》。 舊事入丙部。 秋 0 ×° 劉道 由是經 劉 歆 原 叙《 日 與 (史分。」 阮孝緒《七録·記傳録》記 七 略》, 歷代國史,其流 荀勗 王儉撰《七志 分四部,史記、 出於《春 》,《史 史

漢名臣奏》丞相薛宣奏: 漢 興以來,

0

「七」,原作「士」,據嘉慶本、道光本改。

斗,近臣侍側,尚不得著鉤帶入房。《太平御 儀。 深考古義 故司馬殿省門闥,至五六重 ,惟萬變之備 ,於是制 宫室 一,周 出 衛擊刁 人之

大單于。」突厥致書隋 單于。」又曰: 略可汗。」 突厥,天下賢聖天子,伊利俱盧設莫何 匈奴遺漢文帝書曰: 一天 地 文 所 帝 生 日 日 「天所立匈 月 「從天 所 置 沙 奴大 生大 匈 奴

語,無 僻處,學者多不道,一日對客 百千言。 命 端端 西山先生 遇 一字差。 竟 漢許后《上成帝書》,於班 寧前」及「設 稱天台劉 前輩讀 史精熟如此 爲 深父,每 屏 風 誦「奈何妾 張 舉 某 史 史 所 爲 傳 等 薄 數

李 ·靖日: 張良所學、《六韜》、《三略》

也。 之。」近世有《素書》一卷,六章,曰原始,曰 五 是 之。」謂晋有盜發張良冢者,於玉枕中獲此書。 道,日本德宗道,曰求人之志,曰遵義, 有《三略》三卷。《館閣書目》云: 詔 也 《初學記》又引《黄石公隂謀秘法》。 晁公武云: 報 臧宫、馬武,引《黄石公記》。 韓信所學、《穰苴》、《孫武》是也。」光 「厖亂無統,蓋采諸 「恐後人依託 《隋 亦 書 日 依 志 成 安 E 託 爲

官也 《傳》謂立學校之官,自仲舒發之。 篇 載、其著功令也、詳於取而略於教、不 明 禄利之塗而已。 丞相弘 帝紀》建元五年置五經博士,此所謂學校之 金 師 ,孰知古者爲己之學哉? ,以養天下之士,數考問以 董仲舒 元朔五年,始有禮官勸學之詔,於是 請爲博士置 在建元初對策、「願興太學、置 明 經 弟子 丽 志青紫,教子 員。 《儒林傳》 爣以 盡其材」。 攷之《武 仲 舒 而 過 爲 開 所

義,庶幾三代之風,豈止彬彬多文學之士相,使正誼明道之學行於時,則學者興於禮

乎?

官勸 愧。 排儐不容, 節,不爲州里所 [學,則日崇鄉里之化 秦、漢之後,鄉黨清議 韓信無行,不得推擇 李陵降 稱 匈奴,隴 主 父偃 猶嚴 爲 西士大夫以 學從 吏; 也。 横, 陳 是以 諸 湯 禮 爲 儒 無

困學紀聞卷之十二

三〇九

困學紀聞卷之十三

## 浚儀 王應麟

伯厚甫

攷 史

史》五十卷。 耶?」乃 愧。]今叢陋乃爾,豈 多注見。 翟公巽謂: 删 其自叙云: 取 其書未見。 精要,總 范蔚宗書,語近 合傳注,作《東漢 筆削未定,遂傳之 『比方班氏,非 河河冗, 但不 通 事

任。」按《馬后紀》,入太子宫在援卒之後,防 未然之説非也。 以其女爲太子妃,逆防未然,故不授以 致堂論馬援曰: 「光武非簡賢者,必 重

> 人之過,何其反也?」 者,本不欲其言人之過,言未脱口而已自言 可法可戒者以教之,其心固善。 不知 所教

吕成公謂:

「馬援還書,王

昶戒子,舉

信,廣開束手之路。」《公孫述傳》: 「陳言禍福,以明丹青之信。」二句見《文選》注 《東觀漢記》光武詔曰: 「明設丹青之 帝 與 述

老? 明, 心,明立政之體,君道盡矣! 黄、老,謂之學通《尚書》,可乎? 堯、舜之道也。 不以聖人之道養性,而取諸 而失黄、老養性之福。」夫禹、 明帝爲太子,諫光武曰:「有禹、湯之 何羨乎黄、 以無逸之 湯之道,

《後漢書》,見《文選》注。 武之後將相名臣策文通 省閣,唯臺郎升複 謝承父嬰爲尚書侍郎,每讀高祖及光 漢尚書作詔文。 道取急,因 訓 條在 得 開 南 覽。 宫、祕於 見《周禮 承

=

注。 尚書郎,乃今中書舍人。 見《通典》。

以六事自讓」,本於《春秋攷異郵》。」 責』,本於《荀子》。」黄瓊謂: 意 謂 コ成 湯遭 早,以六 「魯僖遇旱, 事 自

以 天。」莽猶 郅惲 上 能 書 赦之,此祖伊之得全於殷紂 王莽云: 「取之以天,還之

之世也。

不《對策》,見袁宏《紀》,而范史不

載

文苑傳》自東漢始,而文始卑矣。

歸 門下,於是三省分矣。

漢政歸

尚書,魏、晋政

歸

中書,後

魏

政

也。 爲 爲 劉 杜密之居鄉,猶 勝 之居 鄉,猶 效 效 張 陳 伯 孟 松、 公、 龍 杜 伯 季 高 良

也。 制行者宜知所擇。

者, 唯襄楷 漢 有佛 <del>-</del> -書 浮屠不三宿桑下。」 而 諸 臣 論 議 無 述 其言

> 猶黄間 風俗通》: 為 班固 也。注云: 揄文竿,出 傳》《西都 白鵬,古弓名。《文選》以「間 比目。」二句爲對 「弓弩之屬。」《御覽》引 賦》云: 招白 間,下 白 間,

雙

爲「鵬」。 非禽名也。

《文選》李善注亦引「大予」,五臣乃解爲「正 今本作「雅樂」,亦誤。 蓋五臣本改爲「雅」。

東都賦》「正予樂」,依讖文,改樂爲「大予」。

范氏施御」,注引《括 地 圖》 Ĕ. 夏

方。」按《左傳》范宣子曰: 德盛,二龍降之。 禹使范氏御之,以行程 「昔匄之祖,在 南

墨謂劉累學擾龍於豢龍氏,以事孔甲,賜

夏爲御龍氏。」《括地圖》之説本於此。

日 御龍,非禹也

「永寧詔曰: 行者。」」永寧, \_ 鐘 漢安帝年號。 鳴漏 盡,洛陽城中不得有 元 始,崔寔字

《文選·放歌行》注引崔元始《正

一論》:

也。《後漢紀》不載此詔。

俗及其治家整齊,即以嚴致平之意。 崔寔《四民月令》,朱文公謂見當時風

[兒」與「人」同,如以「可人」爲「可兒」。 赦,好兒喑啞。」」唐太宗之言,蓋出於此。 崔寔《政論》云:「諺曰:『一歲再

義之言,豈特規侯霸哉?於佞甚矣。子陵所以鴻飛冥冥也。懷仁輔順而光武以託孤期之,不唯失於知人,其惑順而光武以託孤期之,不唯失於知人,其惑

謁 魏 肖 李 昭 不 肯 膺,因爲其御。 請 曲禮》、少儀之教廢,幼 於郭泰, 事 賢。 東都 願 在 之季, 左 范滂之歸,鄉人殷 右,供給 風 化 不肯事長,不 灑 何 掃。 其 美 荀 陶、 也。 爽

黄穆侍衛於旁,應對賓客。 闕里氣象,不過

是矣。

己,歷 乎?」文辭温雅,有典誥之風,漢郡國之條 乃 勳, 孔北海《答王脩教》曰: 武諸 應 乃 難。 懿 徳,用 謀 加 鮮過,惠 升 爾 于 Ŧ 訓 庭, 「掾清 不 倦 其 身潔 可 余 辭 嘉

教如此。然「歷試諸難」,恐不可用。

「終」字。僰道有張帛。」 人。又引《益部耆舊傳》: 「符有光洛,疑即孝女叔先雄、《水經注》以爲光終,符縣

首鼠兩端』,秃翁,即天翁也。」其謬甚矣。蔑天公」,注引《前書》云:「『老秃翁何爲將終篇,故特草草耳。今觀《南匈奴論》「棄九,注最淺陋。章懷注書,分與諸臣。疑其土,注最淺陋。章懷注書,分與諸臣。疑其

神,以五月時迎伍君」,《傳》云:「迎婆娑神,以五月時迎伍君」,《傳》云:「迎婆娑《曹娥碑》云「盱能撫節按歌,婆娑樂

矣。 成漢史,豈有 云爲《郭有道 日 碑,日銘,日神誥,日哀讚 其頌胡廣、黄瓊、幾於老、韓同傳、若繼 蔡邕文,今存九十篇,而銘墓 南、董之筆? 碑》,獨 無愧辭,則其它可 其 實 也。 居其半。 自 知

國以鬼神之亡日忌,北胡、南越皆謂之請略》云: 「操舍開塞,各有龍忌。」注: 「中骸,有龍忌之禁。一月寒食。」按《淮南•要

通》云:「晋陽無竹,事不可信。」 郭伋爲弁州牧,有童兒騎竹馬。《史

謝承《書》誤也。
「況,章和元年爲司徒。」
守王況爲大司徒。」二十七年薨。《虞延傳》注守王況爲大司徒。」二十七年薨。《虞延傳》注

说? 「方今上無天子,下無方伯。」豈代言者所爲「司徒,堯也。 赤眉,桀也。」明帝詔曰:漢詔令,人主自親其文。光武詔曰:

公謂「晋史自帝魏,後賢盍更張」,然晋人已習鑿齒《漢晋春秋》以蜀漢爲正。朱文

= = =

### 有此論。

烈 以 齒。 本 吴、蜀無它」,此黄權對魏明帝之言也,若 陳 殂 魏爲正矣。月犯心大星,王者惡之,漢昭 壽。 然 而 朱子《 魏、吴無它,權將 稽於天文,則熒惑守心,魏文帝 國鼎峙,司馬公《通鑑》以魏爲 綱目》 以 蜀 何辭以對? 漢 爲 正 統 IE 本 姐 習鑿 統 可 而

容? 籌陳迹故依然,想見旌旗駐道邊。一等人間管城子,不堪 之法,孰敢不恭? 不 或 欲 明 卧 壽、譙周 隱然 持 堪 非 將 僕 忠。 尺箠,盡 軍,漢氏 邵 惟史臣壽,姦言非公。 ,皆巴郡人,今果州。 童 公濟《謁武侯 龍。 廟食故里,羞此南充。 我實鄙之,築公之宫。 之宗。 逐姦雄。 鬼蜮 俾千萬年,仰其高風。」陳 相 亂 廟 陸務觀《籌筆驛詩 挽 世,其誰 天未悔 文》云: 以 起,意 惟大夫周,誤 禍,世 置 可 「公昔· 公左 《春 氣 從? 所 豊 秋》 右, 同。 運 能 高

曳作降牋。」公濟之文,蓋果州作。

譙

譙周 諸 元僅三十六,而年過七十者,乃奉書乞降之 葛孔明 也。 君子 止 小人之夭壽, 天果厭漢 五十四,法孝直 使他我 可 以 纔 占 四 世 十五,龐 道之否 士

《易・師》之上六曰:「小人勿用。」士之相知,温不增華,寒不改葉,貫四時而士之相知,温不增華,寒不改葉,貫四時而去之相知,温不增華,寒不改葉,貫四時而

武 前 臣。 昭烈武侯之規摹遠矣。 功 軍 東 蜀漢未 在 《水經注》引武侯《與步騭書》曰 三國 十餘 五 一丈原, 魏 里,有 亡之前,庸主尸位 有 篡弒,吴有廢立,皆受制 原 高 在 武 勢,攻之不便,是 功 西 I 十 里。 而 國無 馬 内 以 冢 僕 强 在

耳。」武侯《表》云:

「臣遺虎步監孟琰據

武

之闕 功水 以 稱 瞻 僅 悟,可謂不克肖矣。 諫 事 越 水射之, ,故不詳其事,不足法也。此論甚 嗣 爲 勝於賣國者耳。 而 東,司 爵 不 見善善及子孫之義。 任 晦 ,以微見善善之長; 聽,又不 翁欲《傳》末 兼 馬 橋 將 成 懿 相,而 馳 因 能奉身而 去。」 水長 以其猶能 兵敗身死,雖能不降 不 略 此 攻 能 載 、 琰 營 , 可 退,以冀主之一 極 南軒不以爲然, 膽 以 諫 如 以 及子尚 裨《 以 臣 此,故書子 其 作竹 去 武 智 精 黄 侯 不 死 皓。 橋 傳 足 節

多 拒葛之鋒。」又云: 武侯之敵。《史通》云: 盛,終身不敢議蜀也。 |枉。|然則武侯事 昭 烈調 武侯之才,十倍曹 ,蹟湮没多矣。 蜀 司馬懿畏蜀 老猶存,知葛亮之 「陸機《晋史》虚張 不。 如虎,非 以 丕 之

八陣圖》,薛士龍 在 沔 陽之高平舊壘 日 , 「圖之可 在 新都 見者 之八

> 廣 陣 通 鄉,一 都 目 土壘今殘破不可攷。」 在 魚復永安宫南 在 魚 復, 石 磧 迄 江 今 灘 如 水 上。 蔡 季

孔明 翔如 鴻客俱隱於黄冠,●而出處異。 則皆然。 俱 鳳,非醴泉甘 君子其潛如龍,非迅雷烈風不 隱 於耕稼,而 露 不 仕 食。 止 殊 司 ٠, 馬 魏 如用之,易 德 玄成、 起 操、諸葛 徐 其

詩》云: 鄧艾取蜀,行險以徼 魚 貫 羸 師 堪 坐縛 幸。 爾爾 閻伯 時 才《陰平 可歎

無人。」

橋

地

涕 民已哭歸 不 見漢官 ,手掣庸兒是天意。 張文潛《梁父吟》曰: 師至。堂堂 鄧艾老翁誇 渭 八陣 上 一空張 至 竟 「永安受韶 計 何 爲 復漢 譙 周 旂, 鼠 長 堪 安 蜀 垂

<sup>0</sup> 鴻 原 作 洪」, 據嘉慶本、道光本改

聞

辨興 説齋云: 衰。」其言 人心去漢,孔明扶之而不 「人心思 悲壯 感 慨 漢,王 蜀 漢始終, ·足。」 郎 假 之而 盡 於 有 此

詩云: 於阮籍, 欺 爲 而 天 已。其篡漢也,哆然自以 嗣之初,大饗於憂服之中,不但以 下乎? 舜、禹有天下而 禮 「樂至憂復來。」又云: 法之亡,自魏文兄弟始 曹植拜先君墓,與友人宴於松柏之下,爲 不 「可不極娱情。」其末流至 與焉。」魏文喜躍 爲舜、禹, 位 爲 可以 於

刑 苦節之士安在哉? 東 節既極,故魏、晋之士變而爲曠蕩。 放 士,知名節而 名 都 曠之風,魏文實 之季,彧 晋傅玄曰: 魏文慕 附曹, 不知節之以禮,遂至苦節。 通達,而 《倡之。 「魏武 群忘漢,荃蕙化 傅玄之言得之。 天下賤守節。」然 好法術,而 程子謂: 爲 愚謂 天 東 茅矣, 八下貴 漢之 苦 則

律章句,馬、鄭諸儒十有餘家,魏明帝 |

闕,此《六經》之亞文也。」秋》之凡。」宋莒公曰:「應從而違,堪供而八: 以、准、皆、各、其、及、即、若。若《春詔但用鄭氏章句。范蜀公曰:「律之例有

春欲誅 書事 云: 史》黨齊,凡忠於宋者爲  $\sim$ 千 師 柄。 晋史》黨晋,凡 載 而 猶 不遂,諸葛誕又以壽春欲誅昭 然節義之臣,鑿巨姦之鋩,若 也,使忠臣義士 魏以不仁得國,而司馬氏父子世執其 「古之書事也,令亂臣 有 懿 而不克,文欽、毌丘儉以 生氣,魏 忠於 爲 羞 有臣 魏者爲 逆黨。」《史通》亦 矣。 賊 子懼 叛 鄭 臣 漁 淮 E 而 仲 南 凌 不成 今之 謂 欲 以 <u></u> 齊 誅

論》。「學如牛毛,成如麟角。」出蔣子《萬機

肸,下不如朱全昱,謂之正,可乎? 司馬孚自謂魏貞士。孚,上不如魯叔

魏文帝詔曰:「三世長者知被服,五

世長者知飲食。」言被服、飲食,難曉也。俗語有所

魏人。何以命之? 天之逸民。」得友。蘇文定贊之曰:「少非漢人,老非得友。蘇文定贊之曰:「少非漢人,老非管幼安如郭林宗,天子不得臣,諸侯不

典 言 矣,漢儒 典?」復奏曰: 日 曰 : 讓,處諸侯之位 籍 正義,不可 文王郊於酆。」權 江表傳》: 「文王未爲天子,立 周文、武 不及 也。 「《漢 ,明未郊 用。」權之識見,高於群臣 郊 群臣以孫權未 酆、 • 郊祀志》 鄗 日 也。 : 非 郊于酆, 「文王 俗儒臆説,非 必 郊祀,奏議 中 王 德 見 土 性 衡 何 謙 奏 權 巡

哉 權 稱 臣 孫 故 權 於曹 朱子 破 操, 關 日 羽, 稱 説 而 權 天 昭 亦 命,英雄之氣安在 烈復漢之志不遂。 漢賊也。

> 偉,謂 E. 況 廣韻》引何氏《姓苑》,有況姓,廬江 長寧以爲君子 諸 「往聞長寧之甄 費禕也。 葛恪 傳》 長寧,未詳其人,蓋蜀人也 臨 注: 事 文偉。」 而 虞 懼 喜《 好 亦 見《通 志林 謀 而 鑑》。 成。」又 **>** 曰 文

之薦淳于式,有晋祁奚之風。吴安得不興嚴畯之遜吕蒙,有鄭子皮之風, 陸遜

肥之圍,亦幸而免。孫堅與策,皆以輕敵隕其身。權出合

乎?

孫琳,有叔孫昭子之斷,吴之賢君也。 孫休之遣李衡,有漢高帝之度, 其討

劉 峻 也。」漢昭烈託孤於孔 之手。 孫之優劣,於此可 孫峻薦諸葛恪可付大事,而恪終 ^ 易 **>** 曰 : 見。 明,而 「比之无 權 乃託 首, 孤 无 於恪 所 死 終 於

吴築涂塘,晋兵出涂中。涂,音除,即

三八

六合 清 流 關 瓦 梁 滁 或以「涂塘」音「塗」,誤也。 州 堰 水, 即 涂 日 中 滁 河。 南 唐 於滁 <sup>②</sup>元 和 水 郡 F 立 縣

孫盛、 其 葛 曹、干兩《紀》,孫、檀二《陽秋》,皆不之取。 語 :者皆詞人,遠棄史、班,近宗徐、庾。] 晁子 中所載美事,遺略 恪東關之勝,亦以此敗,其失在於自用 林 檀道鶯《晋陽秋》。 楚莫 》、《世説》、《搜神記》、《幽明録》是也。 史通》云: 敖 狃 於蒲騷之後,將自用 「《晋史》所采多小書,若 又云: 甚多。」曹嘉之、干實《晋紀》。 「唐修《晋書》, 也。 諸

《晋紀》論以民情風教、國家安危之本。李華云:「干寶著論,近王化根源。」謂

亦

、謂《晋史》叢冗最甚。

次宗《豫章記》。 應晋室之南遷。 放 《翁《豐 城 劍賦》謂 愚謂: 所謂孔章者,即雷焕也,蓋 吴亡 城 而 氣 劍 猶 事 見,其

> 對,賈生服鳥之辭,施於寓言則 述、方志新異穿鑿者,皆不録。注 次宗之族。 取,況作史乎?《豫章記》見《藝文類聚》。 人因而信之,誤矣。 録則否。」而 此劉 唐史官之撰《晋史》者取 知 幾所云: 顔師古注《漢書》,凡 「莊子鮒 可,求諸 史猶 之, 魚 後 不 撰 實

《晋書》,非《太僕箴》也,蓋誤以二事爲 於養生,而廐馬充多 展 列其事,皆推養生而致之於馬。]今按: 事,見《晋諸 演蕃 露 **学**云: 公贊》。 「晋郭 潘 潘尼爲《乘輿箴 尼 展 爲《太僕箴 爲太僕, 》,叙 留 心

后妃傳贊》「持尺威帝」、《庾亮傳論

何?」 宗。 説 已誅。」帝知非 牙尺 語 帝問 ?」帝無言,惟張目熟視,諸庾甚懼 庾后以牙尺打帝 垂 晋成 訓 南 頓 帝 帝 黨,曰 何在? 時 深 庾 念 : 后 於 頭,云: 答曰 臨 負 「言舅 芒。 朝 : 諸 作 庾誅 「黨峻作 按 「兒何以 賊,當復云 、殷芸《 南 頓 賊 作 小 王

亭亭 勸 賤 月 何 出 進之作,焉能逭《春秋》之誅? 必 在須臾,厭厭 丹 阮 終? 嗣宗《蘇 淵 中。 其 陽 門歌 有 將 精 感 復隆 蔽 V 於 日 不見, 師 昭 富 日日 陰 之 貴 光 没 際 俯 代 不 乎 仰 間 爲 周 ? 貧 雄 西 然

関 子 已有此語 騫 反鏡索照」,出夏侯湛《抵 Z 矣。 聖 既 擬天,賢 亦希聖。」 疑 × 周 湛 費

前

乎 横 ? 秋 霜 東坡謂劉壯興曰 陳 而 忠 貫 肅 白 亦 日、《晋史》書 日 . 陶 陶 公被 折 威公忠義之節 翼 誣,以晋之刑 事,豈有是

> 翼化 政不 鶴之事 行於庾元規 ,隱與杜延業共爲之也 也。 元 規以筆札啗 Ī 隱 折折

帝,伊誰云憎?」是之謂知天。 京賦》、庾信《哀江南賦》。 視天夢夢。 吁,爲天者亦難 秦得金策,9謂之天醉。 庾翼謂「天公憒憒」,李文饒曰: 既克有定,靡人不 矣。 《詩》云: **豈天之常醉** 天醉,見張衡《西 勝。 民 今方殆, 有皇 哉? 昔

孝也。 家; 以 孝 事 何曾、荀顗之孝,論者比之曾、 顗之姦諛,禍及天下。 顗之罪,浮於曾。 君 則忠,不忠於魏,又不忠 曾之驕 奢,禍 於晋 閔。 及 非 夫

郡 适 備 山 ,其深識遠 濤欲釋 吴以 慮,非 爲外懼 清談之流 又 言 不宜 也 去 顔 州 延

周 子」,原脱,據 嘉慶本、道 光本補。

得」,原作「時」 慶本、 道 光本改。

===

之於 **碈之於玉也** 七 賢 不 取 山 王 然 戎 何 足 以 比 濤 猶

年。 妃之册以壬辰,而宋之禍亦以丙子,悲夫! 壬 腹,無木可梟元 東門嘯浪悠悠。」攷之《晋史》,賈充納女以 辰 姦臣 ,劉曜陷長安以丙子,相去纔 康節邵子《 孽女之敗國家,吁可畏哉! 海 西晋吟》: 頭。 禍 在 夕陽亭 「有刀難剖公閭 一句 四 近世 十五 ; 上

簡 秋,而郊赦始於五代。」愚謂: 赦。 文云: 宜。」則郊赦東晋有之,非始於五代也 漢、唐有大赦而無郊赦。 江默云: 中 ·興以 唐、虞、三代,有疑赦 來,郊祀往往有赦,常 故大赦始 晋王彪之答 而 於春 無 謂 大

山墅,與玄圍棋賭墅。」《綱目》删「玄不敢復玄不敢復言,乃令張玄重請,安遂命駕出遊安。安夷然答曰:『已别有旨。』既而寂然。安、安夷然答曰:『已别有旨。』既而寂然。

夏侯勝,以姓别之。兄子玄圍棋。」然二玄當如《漢書》叙臣勝、臣謝玄乎?《世説》注引《續晋陽秋》曰:「與謝玄乎。《世説》注引《續晋陽秋》曰:「與言,乃令張玄重請」二句,則圍棋爲張玄乎?

澹,持册于劉裕。此朱子所以歎嗣守之難王導之孫謐,授璽于桓玄, 謝安之孫

世乎?斯言不當汙簡牘。桓玄篡逆、卞承之謂宗廟祭不及祖、也。無悉乃祖、一陶淵明而已。

之忠義 哉 秉筆焉,是惡知蘭艾鸞梟之辨? 劉 仕 不見裴頠,辭張華之辟, ? 於 曜 劉 《晋史·忠義 唐之修《晋史》也,許敬宗、 可乎? 聰,爲之討 舍順從逆,皆失節者 王育仕於劉 羌 傳》可削者三人: 而 死,非 初 淵 節 也 亦足稱 爲 劉敏元 晋 忠義 李義 死 也 府 安 仕 韋 與 在 於 謂 忠 而

長

知

鑑 顔 木填海」之喻,至深痛切,讀者不之察 物皆非。」先儒謂:「食薇飲水」之言,「銜 命,絶景窮居。」述箕子云: 綱目》所書同一意。 延年《誄淵明》 陶 淵 明《讀 史》,述 日: 《南史》立傳,非 夷 「有晋徵士。」與《通 八齊云: 「矧伊代謝,觸 「天人革 也。

漢 蔡順傳》注 策扶老以流憇」,謂扶老藤也。 見《後

諱治字之嫌 書》有傳。 融,韶子、《後漢》有傳。 淵 明《與子儼等疏》,潁川韓元長謂韓 《集》云「范稚春」,誤。 濟北 氾稚春謂 《南史》氾幼 氾毓 春、蓋避 **《晋** 唐

公相後,每 生悲拖紳。 顔魯公一篇,令人感慨。] 今攷魯公詩云: 「張良思報韓,龔勝恥事 朱文公曰: 懷宗 嗚 呼陶 或 Ŧ, 陶陶 淵 明,奕葉爲晋臣。 公栗里,前賢題詠,獨 題詩庚子歲,自謂 新。 狙擊苦不就,舍 自以

> 雲遠,辯隨還鳥泯。」見《廬山記》,集不 皇人。手持《山海 經》,頭 戴 漉 酒 巾 興 載 與 孤

樂廣客蛇影」,與《風俗通》所載杜 宣

事同。

堅《載記》同。 蒼蠅傳赦」、《異苑》以爲晋明帝,與苻

於非辜,未嘗一日事晋也。《晋史》有傳,康 嵇康,魏 人。 司 馬 昭惡其非湯、武 而

死

之羞也。後有良史,宜列於《魏書》。 儀責在元帥之言。 司馬 師引二敗以爲己過,司馬 昭之惡,甚於師 昭 怒王

論 君當務幾諫。」大節已虧,其言之是非,不足 也。 劉殷失節於劉聰,而戒子孫曰: 「事

後之作史者不能爲此言也,可謂直矣。 干 寶論晋之創業立本,固異於先代。

焚石勒之幣,江左君臣之志壯矣。

勢、慕容超、姚泓。不可以清談議晋。號之國十六,而晋敗其一,苻堅。滅其三,李

忠 忠義動君子。」至今使人流涕 韓亡子房奮,秦帝魯連耻。 臣 一憂主 晋簡文詠 辱。」東 庾 闡 魏 詩云:「志士痛 静 帝詠 謝 本自江海人, 靈 運 詩 朝 日 危

自 知 怨叛也,晋之德澤淺矣。」姚弋仲曰: 義 歸 於晉。」王猛 ,非後世所及也 祖逖曰: 「晋室之亂,非 日 「勿以晋爲圖。」人心 上 無 道 而 哌 下

甘苦; 安; 世所宜。 IL 善,雖一 翰 南 其 其遺謝萬 豐《記王右軍墨池》云: 能不以廢。」 謂 止 其 言論風旨, 謝 浩 勸 安 北 殷 書,謂隨 虚 伐,謂力争武 浩内 談 可 廢 愚謂: 外協 著廊 務, 事 行藏,●與士 浮文妨 和 廟、江左第 ,然後 右 功,非 軍 要, 「愛人之 所長,不 或 所 非 卒 家 一流 當 同 當 可

> 也 不 慕容恪尚 可 以 藝 掩 在,憂方大耳。 其德, 謂 之 如 能 得 臣猶在, 過矣。

憂未歇也。覘國者以人爲輕重。

出《淮南子》。《宣帝紀》論竊鐘掩耳,以衆人爲不

楊盛不改義熙年號,其志如陶靖節

孰

謂

夷無人哉?

盛

,武都王。

節於桓温之九錫,恥安在哉? 袁宏以伏滔比肩爲辱,似 謝 貌 傳》 孝武 多 賜 侍 知 臣 恥 文詔, 矣, 而 失

謝 帝 爾,徐邈 「帝好爲手詔詩章,以賜侍臣。或 義有不雅者,邈 貌 重 ·, 覽,然後 通 應時 鑑》以 出 收斂,還省刊 一之。」此 爲徐邈,必有 輒 焚毁之。」《 事 削 也 皆 一。一番 通 使 鑑》云: 書》 可 文詞 以 率 爲 辭 經

<sup>●「</sup>謂」,原爲空格,據嘉慶本、道光本補

露 吴猶 計 所忌。預之言近乎實,文帝之言非其誠 求?」隋文之識,若優於預矣。以時攷之, 帝投柿於江,曰:「使彼懼而知改,吾又何 ,則明年之計,或無所及。」隋之伐陳, 晋之伐吴,杜預曰: 有死守之臣,杜預所 陳不聞力戰之將,隋文所以 「孫皓或怖 以詭 形 衡行 III 不敢 而 而 也。 生 無 文

之體盡矣。」愚謂:東晋玄虚之習,詩體一變,觀蘭亭之言而韻之,許詢、孫綽轉相祖尚,而詩騷至過江,佛理尤盛。郭璞五言,始會合道家至過江,佛理尤盛。郭璞五言,始會合道家。《文心雕龍》謂江左篇製,溺乎玄風。

氏小史》自天地未分,至唐文宗,爲百二十宋,著《科録》二百七十卷。其書亡傳。《高六百二十卷。元魏濟陰王暉業起上古終兴武帝敕群臣,自太初終齊,撰《通史》

所賦可見矣。❶

如《通鑑》者。卷。今雖存而傳者鮮。自書契以來,未有

宋周朗有「檀帶寶、笥著衣」之論,司馬文正公有「耳視目食」之説,皆足以儆世迷。 魏之篡漢,晋之篡魏,山陽、陳留猶獲致終,亂賊之心猶未肆也。宋之篡晋,踰年而弒零陵,不知天道報施,還自及也。齊、而弒零陵,不知天道報施,還自及也。齊、

終。「不祥好還」之戒昭昭矣。 宋文帝、魏太武,佳兵者也,皆不克令衛之甯喜也,文帝不失爲叔孫昭子。 徐羨之、傅亮、謝晦之死,猶晋之里克、

延之爲王球作誌,墓有銘自宋始。唐封演援墓中,王儉以爲非古。或以爲宋元嘉中,顔葉少藴云:「齊武帝欲爲裴后立石誌

▶ 「愚謂」至「可見矣」,此條小注道光本入正文。

墓銅槃。東漢誌墓,初猶用磚,久方刻石。 墓三代有之。 銘》,則墓有銘自東漢有之。」周益公謂 自晋始,亦非是。今世有崔子玉書《張 宋 得《司 馬 越女冢銘》,隋得《王戎 唐開元四年,偃師耕者得比干 墓 銘》, 衡 銘 墓 爲

可無 是千載人,不可無一。」 張融 ,不可有二。」程致道贊米元章云: 風 止詭 越,齊高 帝曰:「此人不

梁 而其文益下。」 愚謂: 自馳騁,其更改破析,刻雕藻繢之變尤多, ,而作《齊史》,虚美隱惡,其能直筆乎? 南豐序《齊書》曰: 子顯以齊宗室仕於 「蕭子顯之文,喜

梁武之父名順之,故不云「順天」,避諱 後人應天之語,蓋襲其誤。蕭道成之篡奪,順之 也。爲是言者,不知天之爲天矣。 易》之《革》曰: 梁武帝曰: 「順天應人。」未聞「應天」 「應天從人。」 致堂謂: 愚按: 也。

爲爪距,豈知祚移其子乎。

末以八十爲陌,漢隱帝時王章又減三錢,始 梁武帝 時 錢陌 減,始 有足陌之名。 唐

有省陌之名。

捫其膝曰: 捫膝 號 ,蓋本於此 日 後魏葛榮陷冀州, 一此 吾不 負 **豈易屈者哉?」以捫** 汝。」僞 賈景興稱疾 楚之僭,喻 不拜, 膝 汝 自 礪 每

周公自擬,亦一莽也。 宇文泰弑君之罪,甚於高歡之逐君,乃

以

語 斁。 然,可以立懦夫之志。作史者,以魏收之 況委質有年,安可自同於 虚 憂宗周之亡; 痛 大臣持禄 朝危,空哀主辱。 北齊魏長賢曰:「王室板蕩,彝倫 有犯無隱,未見其人。嫠不恤緯,而 而 女不懷歸,而 莫諫,小臣 匪躬之故,徒聞 兀 畏 庶?」其言 悲 罪 太子之少。 而 不 凛 其 攸

高洋之惡,浮于石虎、苻生,一楊愔安族,與之同傳,蘭艾混殽甚矣。長賢,徼之父也。

能救生民之溺乎?

袍,始于隋大業六年。 執笏,始于宇文周保定四年。紫緋緑

方」,誤削「等」字。 鑑》晋元興三年,引方等論,《綱目》但云「蕭以晋爲主,附列劉淵以下二十九國。《通以晋爲主,附列劉淵以下二十九國。《通

之立,素、勣之力也,其子欲撲其燎可乎?也。 玄感之於素,猶李敬業之於勣也。 煬、武陳以楊素,其亡亦以素。 立太子妃,易太子,亡之兆陳以楊素,其亡亦以素。 立太子妃,易太子,亡之兆

五日,子丑朔六日。
亥朔一日,申酉朔二日,午未朔三日,辰巳朔四日,寅卯朔帝事,見王符《潛夫論》。反支日,用月朔爲正。戌帝事,見王符《潛夫論》。反支日,用月朔爲正。戌祖君彦檄:「光武不隔於反支。」乃明

偶年俗忌,不許。」偶年之忌,見於此。《北史》: 「李繪六歲求入學,家人以

君之於臣,争名記誦之末。燕泥、庭草,於見忌。又問栗事,沈約以少三事而爲悦。梁武帝策錦被事,劉峻以疏十餘事而

李仲信星。爲《南北史世説》,朱文公謂隋煬何議焉?

《南北史》,凡《通鑑》所不取者皆小説也。

樂,其能久乎? 實常之先見,不逮房玄齡。之,必及其世。」使隋用寶常之言,復三代之知也。師尚父曰:「以不仁得之,以不仁守知也。師尚父曰:「以不仁得之,以不仁守不久將盡。」隋之不久,不待聽樂而底,天下不久將盡。」隋之不久,不待聽樂而

去之,豈非不學之故?」 焉。殊不知『隨』從『辵』,辵,安步也。而妄焉。殊不知『隨』從『辵』,辵,安步也。而妄為之,成『隋』字。隋,裂肉也,其不祥大

三二六

· 江左猶有人也。 陳無淮,無荆、襄,無蜀,而立國三十二

《》。 以不免。程子曰:「節或移於晚,守或失范粲可也。「天何言哉」之言一出諸口,遂 魏節閔帝陽瘖避禍,至于八年,終身爲

忌。 則 樊城之龐德。 之田崧。「寧爲國家鬼,不爲賊將」, 蹈道而死」,秦郭質之移檄也。「與其屈辱 陳魯廣達之留名也。 攸之之言也。「悲君感義死,不作負恩生」, 而生,不若守節而死」,燕賈堅之固守也。 之謡也。「寧爲王凌死,不爲賈充生」,宋沈 寧爲南鬼,不爲北臣」,則有齊新野之劉 有晋河南之辛恭靖。 「寧爲袁粲死,不作褚淵生」,宋石頭 「寧爲趙鬼,不爲賊臣」,則有趙仇 「寧爲國家鬼,不爲羌賊 「與其含恥而存,孰若 之人也,英風勁氣 則有魏 臣 池 思 城

猶犬彘也。如嚴霜烈日,千載如生。其視叛臣要利者,

秋》之誅矣。 滅迥。堅之篡也,孝寬實成之,難以逭《春堅,所以存周也。孝寬受周厚恩,乃黨堅而堅,所以存周也。孝寬受周厚恩,乃黨堅而

困學紀聞卷之十三

「忌」,原作「忠」,據嘉慶本、道光本改

0

# 困 學紀聞卷之十四

《地理志》攷之,十道共有府五百六十六,關

侯家傳》云:

「諸道共六百三十府。」今以

王 一應麟 伯厚甫

浚儀

攷

史

四。』《理 府六百三十二。」《通典》云: 之府五百九十四。」《會要》云: 五百七十四。」《舊志》、《六典》云: 「天下 所,而關中五百。」杜牧云: 志》凡六百三十三。 六百三十四,而關内二百六十一。」《 二百六十一,又置折衝府二百八十,通 唐府兵之數、《兵志》云: 道要訣》云: 陸贄云 「五百九十三。」《鄴 「折衝果 「五百七十 「府兵 闘 一十道置 内置府 毅 百官 計 八 府 舊 百 府

> 《唐志》開元八年,韶十哲爲坐像。《集古録》李 《志》、《傳》,差互不齊。神宗問:「何處言 言之詳備。」然府數與諸書亦不同 内二百七十三,餘九道二百九十三。參以 府兵最備?」王文公對曰:「《李鄴侯傳 立像,至開元中,始與十哲合爲 了齋云:「顏回配饗先聖,其初但爲 一座。」按

勸 皆異論,云當今必不可行帝道 政要》云:「太宗謂群臣 仁義既效矣。」《新史》潤色之語也。 我。 《魏徵傳》帝謂 既從其言,不過數 群臣 日 曰:『貞觀初,人 載 一此 王道 遂 得 微勸 唯 華 《貞 夏 我 安 觀

陽冰《縉雲孔子廟記》云:

「换夫子之容貌,增侍立者九

肅宗上元二年,其不用開元之詔

何也?

人。」蓋獨顏回配坐,而閔損等九人爲立像。

陽冰修廟,在

寧 我 或謂太宗以既效自滿,非也。 夏。」以《通鑑》攷之,與《政要》所載同一事。 賓傳》又云: 敵,今酋長並 · , 遠 遂至於此,皆魏徵之力。」《新史》於《罽 戎 賓 服 帶刀宿 突 惟 厥 魏徵勸 衛,部落皆襲衣 自古已來,常 我 修文德,安中 爲 冠 中國 使 勍

文章 聖 與 文。」《温泉銘》、《小山賦》之類可見 訓 其 功業 纖靡浮麗,嫣然婦人小兒嘻笑之聲,不 亦云: 鄭 殺夫謂 稱。 「唐太宗英主,乃學庾 甚矣,淫 唐太宗功業雄卓,然所 辭 之溺 人也。 神宗 信 爲 爲

太宗 以紀 之會 書 、勣賢於公謹遠矣。 1,間 臨 將 人倫之大變也,曾是以 新史》論張 湖 弑 不容穟。」鄭 之變,問 厲公, 召 公謹之抵 1士匄、 李靖、 伯克段 韓 李勣二人,皆 龜,曰: 爲投機乎? 于鄢、《春 厥 二人,皆 1秋》所 「 投 晋 機

> 史》不 日 : 「雖 粲自是宋室忠臣。」惜乎,歐陽子念不及此。 使沈約撰《宋書》,疑立《袁粲傳》。 此,是第二等文字。」通附傳在《建隆實録》。 義以厲臣節,英主之識遠矣。 不苟,人臣所以明大節。」大哉王言 表歲寒之心。」我 桀犬吠堯,乖倒戈之志 唐太宗《贈 「易姓受命,王者所以 爲韓通 立傳,劉原 堯君素 藝 祖《贈 蒲 父譏之曰: 審之於帝,帝 韓 州 徇至 歐陽公《五代 通 刺 而 中書 公, 史 疾 詔》 風 日 令制 、勁草, 齊 表 臨 曰 : 、武帝 如 忠 難 袁

成天寶之亂。 觀之治。姦臣久於位,則其欲肆,林甫以之觀之治。姦臣久於位,則其道行,房喬以之成貞

徒神其事,言天之所啓,非由人事也。愚下,已在宫中。」此必武氏僭竊之後,姦佞之其貴不可言。李淳風云:「當有女主王天其贵不可言。李淳風云:「當有女主王天

謂:《左氏》載陳敬仲、畢萬之筮,太史公

載趙簡子之夢,皆此類。

武后天授元年,改佩龜,以玄武爲龜也。佩魚始於唐永徽二年,以李爲鯉也。

鬻牒之始也。 宗時,裴冕建言度僧道士,收貲濟軍興。此宗時,裴冕建言度僧道士,收貲濟軍興。此

父。 之,惡之不可揜如是。 也 原見于此。李揆當國,以子姓事輔 辱,此何人哉? 林甫、 ,紹京何責焉? 史不載也,而 鍾紹京爲宰相 石 愐 刻傳于後世,人皆見 國忠因力士以相,其 臧堅以刑人之唁 稱 義男於楊思勗 國,不 恥 爲 之

德 有 却之不肯叙。」亦庶幾有守矣。 薰所撰《仇士良 ,其仇公乎?」其 鄭薰傳》云: 叙 神 「宦 道 甘露之事,謂 碑》云 人用 階請蔭 《文苑英 孰 一克殲 子,薰 稱 華》 巨 全

> 云 哉! 乎? 不敢 孽,乃建殊庸」,以七松處士而 之立碑,其亦畏昏椓之黨歟? 下威嘶,非前朝比。」上閉目 佳傳於《新史》,豈作史者未 「大中五年,念功録 虚美。」以元 宣宗召韋澳、問: 宣宗所褒表者若此,唐之不競,有 惡爲 「内侍權勢何如?」對 摇手曰: 忠賢,猶曰 舊,詔 「尚畏之。」在士良 之攷 秉此 詞 臣 歟 不虚 筆,乃得 日 撰述, 一唑 苡 美 碑

幸也。 草書,不足以爲謹 王莽,則不言温室樹,不足以爲謹。 史》立傳褒之、未有著其罪者、何小人之多 私,其迷國之罪大矣,安在其能 巨耶?」然豫爲黜陟使,言安禄山公直 席豫未嘗草書,曰: 席建侯,即豫也。《唐史》避代宗諱稱字。 「細猶不謹,而 席豫黨禄山 謹 哉 ? 孔光黨 則 ^ 未嘗 唐 無 況

愚按:《新史·嚴武傳》多取《雲溪友議》,《容齋續筆》辯嚴武無欲殺杜甫之説。

宜其失實也。

豈有是 焉 以 史大夫之命,驚喜泣下 妣 陋文饒,史掇取之。 閑 無此 鼓吹》,雜説 通 哉? 鑑》載 事 必矣。」愚按: 杜悰,李宗閔之黨,故 李德裕對杜悰 不足信 以文饒爲人大 也 此 致堂謂 事 稱「小子 出 張 造 固 聞 概 此 所 德 觀 撰 語 裕 御

説爲 望 年,崔圓 泌 相 爲大學士,亦引泌爲辭而 士。 奏張 肅宗 削去「大」字。」此乃泌 之固 泌 李泌傳》: 在 説 建言學士 爲相, 懇 泌前、《會要》: 辭,乃以學 解 『大』字,衆稱達禮。 加集賢大學士,因 加『大』,始中宗 「加集賢殿崇文館大學 士知 引圓 止。」愚按: 「貞元」 院 事。 爲 辭,傳誤 四 至崔 時。 循成例 年 至德二 五 崔 圓 及 矣。 月, 員 張 復

擢 ,不聞以循 濟 試理 良 人策 稱 是實不 第 \_\_\_ 副言矣。 致 堂 謂 濟 被識

> 少陵《贈章左丞詩》,即濟也。 士張果。蓋逢君之惡者,不但實不副言也。 《通鑑》開元二十二年,相州刺史韋濟薦方

數宰相李逢吉過。 求知制誥,乃誣善之辭。 友,此逢吉所深忌也, 世之淺者,以利心量君子。」 舊史·敬宗紀》: 愚謂 面 數其 李翱求知制誥, 荆公嘗辯之曰: 翱 過, 爲 可謂直矣。 韓 文公之 面

遷中 此。 上。 代宗以 宰相表》云: 在門下之上,元豐易之。」愚觀 大曆十四年,崔 書,不知何時升改。」放翁所記,蓋 老學菴筆記》云: 前, 中 書在 「中書、門 上。 祐甫與楊 下, 憲 「舊 宗 班 制 以 序 李文簡《歷代 炎皆自 兩 後 各因 門 省 [其時。 未攷 門下 下 中 書 在

今《問對》出阮逸,因杜氏所載附益之。《李靖兵法》世無全書,略見於《通典》。

諾 | 云: 改 書,得文牒辭訟,惟作大諾,則郡守刺史亦 陽宗資主畫諾。」梁江州刺史陳伯之目 諾,則諸王亦畫諾矣。《後漢書》云: 爲 曰諾,猶天子肯臣下之奏曰可也。 公爲準。 琅邪王,批鳳尾諾, 《唐 「東宫曰令,諸王曰教,其事 六典》太子令書畫諾,本朝 此東宫畫諾也。 南齊江夏王學鳳 陸 龜 蒙《説 晋 至 『南 不識 元 行 道 鳳 尾 帝 則 尾 初

其文不煩,其實甚備,可謂善於述作者。」原設官因革之詳,上及唐、虞,以至開元。施行。見《呂温集》。南豐謂:「《六典》本施行。見《呂温集》。南豐謂:「《六典》本

畫諾矣。」

盖「弘」字避諱,誤以「質」爲「賢」。「錢穀,大計也,韋賢之言不宜兼於宰相。」可兼治錢穀。」嘉祐六年《制策》:胡武平撰。《李德裕傳》:「韋弘質建言,宰相不

秩、稹可謂知所職矣,其言不可以人廢。咎詩》曰:「上羞朝廷寄,下媿間里民。」無賢才,臣之罪也。」元稹守同州、《旱災自無賢才,臣之罪也。」元稹守同州,《旱災自

頭有李肱。《傳》止云九人,蓋不數福、宗閔。宗室爲狀程、石、福、勉、夷簡、宗閔、適之、峴、知柔。程、石、福、勉、夷簡、宗閔、適之、峴、知柔。

得李垕一人。至宰相者富弼一人而已。中興復制科,止科,至宰相者七十二人。本朝制科四十人,

劉蕡一篇。不在乎科目之得失也。《顔子不貳過》。制舉之策,其書于史者,唯唐宏詞之論,其傳于今者,唯韓文公

孫不許出門,有求讀者,别院供饌。」見《鄴侯「李泌,父承休,聚書二萬餘卷。 誡子

家 傳 侯 家 多 書 有 自 來 矣

正。 蓋《泌傳 開 歲 館 升坐, 。一《李 元 四年,京兆府童子進書,召試,直弘 藝文志 詞 》所 巡 辯注射,帝異之。」年歲皆不 傳》云: 載,本《鄴侯家傳》,當以《志》爲 員 俶《太玄幽贊》十卷。 開元十 六年,員 俶 同。 文 九

左僕 豈二人同名歟? 當攷 書》韋待價,乃挺之子,武 以射,封 叙其家世云: 應物,史逸 扶陽公。」蓋據林 之其傳。 「夐之孫待價 后 沈作喆 寶《姓纂 時拜文昌右 爲《 行仕 隋 應  $\sim$ 相。 唐 爲 物

 $\equiv$ 

年

兵

權

然

用

得

其

御

得

其

於 戡 白 並 庾 樂 氏 天爲 稱 劉 ",欲其著書,編爲一家言。 無述焉,故表 闢 詩《贈 亂 于 蜀 樊著作》, 其嫂 而 出 庾 之。 與 氏 陽 棄 城、 絶 而《 元 不 唐 稹 爲 孔 史》 親

唐六典》記

南

内

龍

池,程

泰之《雍

録》

符瑞,雖賢者不免。 愚 謂 按 諂 辭 皆 《九龄集》有《龍 出 李 林 甫 而 非 池 張 聖德 九 龄 頌 所  $\leq$ 得 則 知 夸 也。

也。 也。 增 時 損其書,司馬公《書儀》本於此 家人 《柳氏家學録》謂貞 一易,收其 唐開 我藝祖之任將,以 鄭餘慶採士庶 之禮,爲《書儀 元之任將,以 吉 X 久 久 兩 書 觀 任 任 卷。 故 疏 而 而 事,邊 之式 成 兆 後 功, 亂 唐 將 其 其 劉 雜 連 權 權 岳 以 帥 當 分 顓

道,不在於數易也 忌日行香,始於唐,崔蠡奏罷之。 本朝

**懺於無罪**,則是誣 親。」其言不行。 宋景文公奏云:

求

於

非

福

則

是

諂

於程异、元稹浸 險 而 誠 未 齋《易 能 出 傳》云: 潤之内。」 惟 裴 度 可 愚 以 文宗陷 謂 出 之, 於宣 然 稹 在 度 寺 穆宗 自 之 陷

時,异在憲宗時,非文宗事也。

雪霜易其令。」斯言也,魯公亦允蹈之。之操,不以險夷概其懷, 堅明之姿,不以為魯公爲《郭汾陽家廟碑》云:「端一

秋節 綵 盛 而 弘農鄧紹 長 結 露 有篆文「五 生。 眼 囊,千秋節戚里皆進。 進鏡。潏 唐時午日, 柏 明囊,相傳赤松子以囊盛柏露,飲之 露 皆八月中事 食之。」又《荆楚風土記》: 八 月 日」字,面 揚州 水李氏 曉入華山,見童子執 江 收其 心 徑 鑄 八 《華山記》云: 寸, 鏡供進。 一,乃方鏡,背 重五 + 又千 Ŧī. 兩。 綵 五

有 舊 佛 史·德宗紀》「貞 指 傦 1.寸餘。 先 是 元 取 六 年,岐 來禁中供 州 無 養

> 塔,内有釋迦文佛指骨 貞元、元和 韓愈傳》云: 一月乙亥,詔送還本 成 通迎佛骨者三。 鳳 翔 寺。」此 法 一節。 門 迎 寺 佛 有 寺名與前 骨 護 之始 或 真 不 也 身

是於本傳,而不著《通典》之名。 《穀梁》師其簡、《公羊》得其覈、綜三《傳》之 《穀梁》師其簡、《公羊》得其覈、綜三《傳》之 《穀梁》師其簡、《公羊》得其覈、綜三《傳》之 《穀梁》師其簡、《公羊》得其覈、綜三《傳》之 《穀梁》師其簡、《公羊》得其覈、綜三《傳》之 《穀梁》師其簡、《公羊》得其覈、綜三《傳》之 《穀梁》師其簡、《公羊》得其覈、綜三《傳》之 《穀梁》師其簡、《公羊》得其覈、綜一、 《穀梁》編年、

七年。 官秩及父祖諱、主司 録》,悉能記之。按《館閣 卷,以四聲編 宋敏求續爲《後 楊文莊公徽之好言唐朝士族,閱《諱行 登科進 名氏。 録 士族系、名字、行 ž 書日》、《諱 卷 起興元元年、盡 行 録》

説文》引《虞 温 彦博 書》 傳 我 稘 見 三百有 其 不 逮 六 旬」。 再 稘 矣」, 李 出

三三四

類此 傳 敖 庾之 藏 斯 有 音賜 時 而 盡 儩」, 也。」《新史》尚 出《詩 》 王 赫 奇 斯

訖隋,假公子答問 皆虞世南《帝王 馬 總《 通 曆》所 略 載「公子曰」、「先 論 《略論》五卷,起太昊 生 日

聞

明年二月,文定始爲學 學士,誓詔封册,皆臣所草。」」李微之攷《國 歐陽公爲《范文正碑》云: 直 史》,誓韶 「元昊初臣,何以 也。」東坡爲《張文定銘》云: 明驗,質之歐公。 已。」其後老泉編《太常因革禮》,有已行 殿,上將率百官爲太后壽。 載 其 李翱爲史官,請 詞 在 慶曆 然我 公曰: 四 朝名 待之?」公曰: 年 作行狀者,指事説實, + 公秉筆,亦有誤者。 士。 月 「諫 封 公上疏,其 封 至 册 圃 册 在 乃宋景文撰。 不從,碑 神宗 日 一臣 十二月。 大 時 會 問 事 之 遂 爲 誤 前

> 其中多有不相應處。]以三事觀之, 朱文公爲《張 「向只憑欽夫寫 ,可不審哉? 忠 來 獻 事 行 實,後 狀 ×, 其 看《光 後 語 堯 罔 實 人 羅 録 굸: 舊

皇之母,開元四年升祔。 源》誤以左史爲左侍極,而近世制 唐配帝皆一后,唯睿宗二后, 龍朔改左右散騎常 侍 此失禮之始也 日 左右: 「侍極、 詞 多 昭 踵 成 其 職 明

有鴻 《舊史》爲正。」愚按: 合。 義 以 史》鴻一,蓋二名,與《中嶽 爲乙。人自楚、越,鴻常一耳。」鴻一之 ,取於此 《新史》删去「一」字,不 飛天首,積遠難 石林序盧 一鴻一《 草堂圖》云: 明,越人以爲鳧,楚人 南 齊張 劉真人碑 知 何 融 據 日 所 唐 當 以 舊

攷古編》以《通鑑》貞觀十三年,房玄

誤。

按: 龄 令斷章表。] 此斷表之始,非昉 請 解機務,詔 晋 Щ 濤 斷表,爲今斷 傳》手韶 日 來 于唐也。 章之祖 便當攝 職 愚

而其操異。管、華、嵇、阮亦然。韓、柳方駕,而其行殊,元、白齊名,

官俸。 蓋 加 能 自元 而 自給,常從外官乞貸。 猶 **顔魯公爲刑部尚書,有舉家食粥之帖。** 薄 載制禄,厚外官 魯公以 敷? 綰薦, 自湖 而薄京官。京官不 楊 州 綰 召還,意者俸 既 相,奏加 雖 京

不以天下奉一人。」《大寶箴》用之。 李康《運命論》曰:「以一人治天下,

亦云: 高,議請寳重。」蓋誤以傅隆爲沈約 七十,手寫籍書。 書。」本杜牧所作《方玄墓誌》。 理道要訣》云: 李 方玄 「沈約爲 日 「宋光禄 吏,手寫 梁尚書令沈約,位 沈 約 年 大夫傅 簿 八 書。」愚 +, 本朝 也。 隆,年過 手 建 寫 已 按 隆 詔 簿

耳,容臣博加詢訪。」 元 載。」益公奏: 静,十刻罷。 録》,雜報數事,内有宣政門宰相與 録》一書。祖宗朝此 孝宗問 周 偏檢新舊《唐史》及諸書,並 益公云 《太平御覽總 本尚存,近世偶不 「唐 孫 目》内,有《開 樵 讀 百 僚 開 傳 不 狂 元

葉相,盡繼明時出。」《唐史》云: 遘,凡八葉宰相。」此云九葉,《宰 姚崇十事 蕭遘與其子三兒生日詩 「梁貞陽侯之後,有鄴,相宣宗。」 ,見《開元升平源 日 》、《通 相 一吾家. 自 世 瑀 影不 九 系 逮

取

召 見 李白上《宣唐鴻 王 起《 鑾殿,奏 (廣 五 位圖》、《舊史》云《 (頌一 猷》 篇」者也。 一篇,即 五 本 今《集》中 運圖 ·傳 所 謂

而張權輿以讒裴度。維衣小兒之謡,《朝野僉載》謂裴炎也,

闕

之。見《白樂天集》。 蛤蚶之屬。 衮皆擢第,衮爲狀元。君子之澤遠矣。 孔 韓 戏爲 文公子 見《昌黎集》。 華州 昶 刺 雖 蓋嘗罷於元和,而復貢於 有 史,奏罷 金根車之譏,而 元 稹 爲 明州 越 州,復奏罷 歲 貢 淡 昶 子 菜

城 忠義傳》,故文公謂 文 陷 覆其 公 畢炕,天 所 家。 撰 寶末爲廣平太守,拒安禄 畢 《唐史》附于父《構 坰 誌 × 廣 然炕 平 死節,而 之 名 傳》, 不 子 蓋 Щ 不 於 取

長

慶

也

科記》: 獻 不 在 攷之, 伉是 博士,翰林待詔。」柳伉 充學士。 縣 事》載寶應已後,伉自校書郎充學士,出 之,不終朝而 程元振之用事 東坡 請 荷 四 爲伉立傳,故詳著其事 禁林,職 ·尉,改太常博士,兵部員外,諫 斬 郡 其 替,不獨陸 謂 澤 程 廣德 不 止 元 「伉,乾元元年進士。」《翰林 《新唐史 振。 元 愚 「及其有事且急也,雖代宗之庸, 時 近 年十一月,太常博士柳伉 顔平 謂 | 贅、李 爲 而 去其腹 ,柳伉之賤且踈,而一言以 於是削 親,不 學士,非 原也、《通鑑》亦 • 廣 絳 程元振傳》云: 平 也 心之疾。」 可 元 之 上疏,以《翰林故事》 謂 待詔 振官爵 節 賤 俾覽者知詞臣之 如 也。 且 此 愚 陳。《 不書其 議 放 伉 按 河 大 歸 以博 北 《唐史》 「太常 夫, H Ł 院 ^ 登 皆 故

事》、《復佛寺奏》,皆謹嚴得史法,有補治湜,如《書何易于》、《褒城驛壁》、《何將軍邊學湜不至,爲孫樵」。朱新仲曰:「樵乃過

勝 亦所 世謂 依 四 其謬。」鄭樵謂實不知自姓所由 未 聲類集,每韻之内,以大姓爲首。鄧名 林寶《元和姓纂》十卷,自皇族之外,各 暇。 稍 至鉏 能 是正數十條,而齊、秦之屬, 丘、茅夷,指爲複姓,又不 來。

華並 史》,序王珣貨殖,王廞作亂。 取 亮等。」當從《文粹 王韶直書,見讎 嫉 貴,韶之懼 權 劉知幾領史事,言五 門, 王 劭 爲 見 貴族。」「宋王韶之爲《晋 所 》爲王 讎 陷 貴 深附 族。」《文 不可,曰: 韶 珣子弘、廞子 結  $\sim$ 新 徐 粹》云 史》誤 羡之、 孫盛 傅 以

筆,其誰服之?《傳》曰:「無瑕可以戮人。」「韶」爲「劭」。韶之,弑君之賊也。身爲梟獍,而で

史

勝; 祖以 敗。 李晟每 宋殷孝祖每戰,常 兵豈有定法哉? 戰, 必 錦 裘 繡 以 鼓 帽 自 蓋 自 表, 隨 而 晟 而 以

黨之實,故其俗弊。 漢黨錮以節義,群而不黨之君子也,漢之

良也。吴張布之排韋昭、盛沖,李宗閔之排姦臣唯恐其君之好學近儒,非獨仇士

之書。杜佑《理道要訣》,朱文公謂非古是今

鄭覃、殷侑,亦士良之術。

魏鄭公曰:「重君子也,敬而遠之,

三三八

青 輕 可見矣。《中庸》之尊賢,必以脩身爲本。 小 、公孫 人 也 弘 ,明皇之於姚崇、宋璟、李 狎 而 近 之。」 武 帝 之 於 汲 林 黯 衠

之言也。《觀物外篇》取之。「善言不可離口,善藥不可離手。」孟詵

拊 久, 語 胡 司 王 之繼襲,而 李寶臣分帥 强,始於僕 之膽。 膺歎 唯程 空表聖之言觀之,則 爲 匈渠破 都統 張文 司 空圖 日 一致道  $\wedge$ ~潛云: 節 新 膽頻。」注謂 固 起 河北 | 房 度, 「吾不得天下矣!」琯 懷 著 唐書》采野 於 節 論 恩 太尉 而 ,非有功之將也 「節度之强,不 發 賀 用 度之有功。」愚 湯之。 賊 蘭 詩》 琯 禄 黨 進 史稗説, 建 Щ 日: 明讒 田 晋以 初見分鎮 此 承 議, 於 嗣 琅 物 起於 攷方 而 肅 、李懷仙 邪 口 立江 建遺 望 不 以 宗。 詔 河北 鎮 載 傾 破 左 諸 之 以 此 逆 心 之

> 貶柳州司户。 《新史》攷之,當從《唐鑑》。 府 御 史。」《唐鑑 通 鑑 **\*** 劉 蕡 不 終 得 於 宦人深嫉費,誣 仕 柳州司 於 朝 終 户。」以 於 以 使

以任天下之重 襲於李昌言,功不克就。 賊,其志壯矣。 顔真卿、 鄭畋 真卿 以 權 興復爲己任,倡 移 故才與 於 賀 蘭 (誠合, 進 明 義 斯 畋 討 口

宗始 日。 日。 如漢故事,玄宗以來,始變天子喪爲二十七 文帝權制 也 世多以 群臣 常衮與禮官 不忍既 短喪議漢文帝,而不知二十七日之制 三十六 日,我 葬 議 禮 而 除 太 爲 略 宗 君 遺 斬 盡 詔 衰 四 三年。 月。 亦三十 高 漢

歲 夫、行尚 一, 銜 韓 書 偓 書户部 二前 自 書《 翰 侍 裴 林 郎 學 郡 君祭文》,首 士 知 承 制 語。 昌 旨 銀 青 黎 縣 光 甲 開 禄 大 戌 國

我宋以康王建中興之基,琯可謂善謀矣

男,食邑三百 年,爲 乾 化 户,韓 四 年,猶 某」。 書 唐 是歲朱 故官, 氏 而 篡 不 唐 用 梁 已

年

號。

慶

曆中,詔官其四世孫奕。

母 皆知逆 僕 固 順 懷 之 恩 理 叛 唐,李日月爲朱泚將, 良心不 미 泯 也 而 其

軍旅 無禮 陟 禮 之分,光弼命召 無以 ,我不如公, 敗 爲二物也 李光 應。 ,晋文公以 弼 古者治 與 韋 不 陟 若夫 有 至,愧恨 軍,有軍 論 禮勝。 戰 軍旅,則 守日 以没,盖 禮馬 禮莫 公不 「辨朝 楚 大 以 於 如 得 禮 君 臣 我。」 廷之 與 臣 以

乎? 其 其 直 父彦謙、長賢,皆得佳傳 筆,不亦難 唐鑑》曰: 乎? 「人君觀史、宰相 房、魏爲相 況不如房、 總 監 史事, 修、欲 魏者

儒 家 流 獨 孤 ,成公至 及《 福 州 而 新學 俗 易 碑銘》云: 成公李椅 也。 閩 在 大曆 中 無 八

人設鄉校。李椅在其前。年。家有洙、泗,户有鄒、魯。」常衮,建中初爲閩

可分之愚 矣。 王福畤爲博士,執許敬宗之謚不改,無

許敬宗謚繆,而更曰恭。陳執忝河汾之學矣。

中

謚

榮

靈

而

更曰恭

二事

相

類

是獎 三綱,見於贈張 逆爲忠也。 弑君之賊 武德初,以 漢 大綱 也。 隋 衡 張 正,見於戮 高 衡 祖 死 相 非 封 其 德 丁公; 罪, 彝,宜 謚 其 唐 忠 以

有 唐 率 時,率以十户爲 奇,可準周之中次。」其説本程沙隨 人户口至盛 以十户爲五十二 朝 野 雜 記 一之時, 四十 **>** 曰 : 口 八 率 可 口有 以 西 十户爲五 準周之下農 奇。 漢 户 東 口 漢 至 + 户 盛

也, 朱子書晋處士於晋亡之後,表其節歐陽子書唐六臣於唐亡之後,貶其惡

三四〇

也。一字之懲勸深矣。

道。 詔 元 均 賦 疏》, 大均天下之田。」攷之《會要》,世宗見 在 文集而善之,寫其辭爲圖以賜。」 田 同 頒 稹《 其 史謂元 命頌 州 催 均 五代史》: 時 圖 《續通曆》云: 頌 田 法,使 所上。均 寫 傳》云: 圖 稹 爲  $\checkmark$ 圖, 圖,賜近 吏民先習知之,期以一歲, 歎 「周世 誤 田表》,因 日 「唐同 也。 「世宗 臣,遣 州 宗  $\sim$ 此 刺史元稹奏均租 稹 讀 嘗 製 致 集》有《同 夜 唐 素爲圖 使均 治之本 讀 元 書, 稹《 諸 均 道 賜 見唐 州 元 也。 賦 帝 稹 諸 奏 租 田

也。 歐陽子之論篤矣,而「不以天參人」之 歐陽子之論篤矣,而「不以天參人」之

紙錢。按紙錢,始於開元二十六年,王璵爲歐陽子謂: 五代禮壞,寒食野祭而焚

謂 禮,蔡邕議以 始 祠 公爲文頌 祭不用紙 錢之漸。 永爲常式。」寒食野祭,蓋起於此。 祭使, 漢 也。 祭河, 開 古不墓 祈 之。 錢。 唐范 禱 用 元二十年,寒食上墓,編 爲 或 寓 本 傳 祭, 禮 焚 龍 朝錢 IE 紙錢, 有 寓 漢 謂 煩 馬, 明 鄧 唯 而 帝 類 州 顔 以 不可 巫 以 魯公、 木爲之, 不燒楮雞, 覡。 後, 省 者。 張 有 非 人五 已 上 司 朱文公 自 業 是 舊 陵 五 唐 之 南 紙

爲 佐杜 訓 《兎園策府》三十卷,●唐 馮 嗣先,倣 注。 道 惲,太宗 兎園策」謂此 應 科目策, 子,故 也 自設 用 梁 間 蔣 Ŧ. 對 王 兎 惲, 袁 引 名 經 令 其 史 僚

同。

<sup>)「</sup>策」,嘉慶本、道光本作「册」。下「兎園策」之「策」字)「續通曆」至「以賜」,此條小注嘉慶本、道光本入正文。

困

學紀聞卷之十四

也。明宗以此得之,而反爾之報,在其後天子之廢置,出於士卒,自唐明宗始

驗。周顯德六年,始去符契,專以印章爲

萬世爲臣者之訓。也。我朝太宗謂范質欠世宗一死,所以立也。我朝太宗謂范質欠世宗一死,所以立歐陽子、司馬公之貶馮道,《春秋》之法

之興晋,即所以亡晋也。而興。晋之興也,乃其所以亡也。桑維翰而興。晋之興也,乃其所以亡也。桑維翰唐後主不肯和親而亡,石晋父事契丹

> 志》: 日: 北 故此名内黄。」曰: 黄爲下黄,誤也。 日 何 . 齊所廢,今在陳 謂内 「秦有外黄都尉,今在雍丘。下黄 梁太祖幸河北, 泂 陳留 黄?」珽 南 有 當從《通録》。❶ 有外黄、小黄縣。」《五代史記 外黄、小黄。」《漢 日 留。」按《五代通 「外黄、下黄何在?」珽 至 泂 内 黄,顧 南有外黄、下黄, 李珽 録》李 地 曰: 》改小 理 珽

困學紀開卷之十四

❶ 「録」。原作「鑑」,據嘉慶本、道光本改。

# 困學紀聞卷之十五

貪。

一詔令之下,而四海之内改視易聽。

運掌反手之言,於是驗矣。

收節

度之權;

選文臣爲縣令,以去鎮將之

儀 王應麟 伯厚甫

史

攷

墜塗炭。我藝祖受天明命,澡宇宙而 脅君 視吾民而咀啖之。 年陵犯之習,片言而革。 令甲,於是上下之分定,朝廷之體尊。 自唐肅宗之後,紀綱不立,叛兵逐帥,叛將 以 階一級,全歸伏事之儀。發於聖訓,著於 齊王,由反手也。」 豈儒者之空言哉 ,習以爲常。 孟子》曰: 「天下可運於掌。」又曰: 極于五季,君如逆旅,民 藝祖用儒臣爲郡守,以 至若餓狼餒虎,肉 新之, 數百 ?

> 語矣。 敕命而 此座右,永以爲訓。」大哉,王言! 聽卑,福善禍淫,莫遂爾情,罰及爾身。 外,爲吾士師者各務仁平,濟以哀 之屬也,可以一戰。 曹劌謂小大之獄,雖不能察,必以情。 高柔不以明帝喜怒而毁法,游肇不以宣武 高宗之詔曰: 曲筆,況可觀望臣 「廷尉,天下之平也。 不其然乎? 庶 而容 心者 矜。 布 幾於典 · 告 中 天高 乎? 爲 置 忠

年,南征北伐,未嘗無事,而金銀錢帛、糧草 賦 陳 較景德之圖録,雖增田三十四萬餘頃,反減 君舉 七十一萬餘斛。」會計有 崔伯易《感山賦》: 奏疏 云 「自建隆 「以皇祐之版書, 録,非 至 景 以 德 增 四 賦 十五 也。

雜 物 七 千 , 所 百 四 十 八 萬, 計 也 在 州 郡 不

富

於州

縣

以

培

護

本

根

忠信有 天下。 信 以 力勝仁,理 ,用人不以 餘 君民 文忠公言本 相孚而猜忌不作,材智不 才勝 財 不 德。 以 朝 利 治體 恩結 傷 義 乎人心,富 御 日 民 不 立 以 足而 藏 權 國 乎 易 不

合。」 同; 謂: 御 在上 威 主 私人,權在下則 下之公議。」機仲之言未盡 |勢弱,故大臣逐臺諫以蔽人主之聰 史 權 此猶婉 在 袁機仲言於孝宗曰: 則共爲蔽蒙 夾袋之欲汰,白 臺諫之議 上,則主勢强,故大 疏 굸 而言之也。 助 論,廟 以以 虜 其 搏 雖 掩 簡之所 险,以 强 開 堂 其 臣 慶 一之風 姦。 也。 而 「威權 結臺諫 初 張其 必 邊 劉 臺 收, 旨, 亡 時 一諫爲 一之勢 事孔 威, 在 率 頗 可 以 下, 多 宰 或 遏 應 明 棘, 起。 已 暗 參 權 相 天 則

所

采

摭,猶有遺

也。

暗合而 詩 見。」咸淳初,召 以以 ,其惟端 尼其來。 已哉 土 1 洪 罔 是以天子之耳目,勿用 君 上 疇 誣 長 善至此 臺 玉端,御 豈但 史自 參同 憸

謂若時雨降,民大悦者 漢高帝三章之約,我藝 也 祖陳橋之誓,所

爲 證誤》「執政不坐奏事」,以王定國《聞 未見定國書,故 士大夫所著,如曾子宣《日記》之偏 甲申録》之妄,咸有取焉。」然李微之《舊 證,與王沂公《筆録》不同。 周 益 公云: 專用《筆録》。  $\overline{\sim}$ 續 通鑑 長 修《長 編》多采 然則《長 Ŧ (編》時 見 定 近 編》 録 聞 國 世

租增 李 征 四 微之謂 ,蓋用其十矣。 唐七倍,又加夏 晁景迂謂今賦 布縷之征 役幾十倍於漢。 三,穀粟之征三,力役之 《税錢, 通計 無 慮十倍。 林勳

四四三

子皆萃於東南,殆有天意 論 文章,自 止 謂 歐 陽子; 本 朝 名 節 道 學,自周子。 三君 自 范 文 正公; 議

宗聖 佞臣執筆,諒哉 訓,蓋蒲宗孟之筆也。 兩 朝 國史》非寇準而 是丁謂,託之神 王允謂不可令

之,僅得成書。 皆無存者,至參取《玉牒》、《日曆》諸書以足 近世,莫不然。」 於傳世詒後之書,必遏絶之。 五年最爲 紹 興 重修《哲宗實録》,獨元祐八年事, 踈略 中興後事,紹興八年至二十 鶴 山謂: 「小人爲不善, 自唐許、李至

策。 不足,一小人敗之而有餘。」紹興中奏疏。 年成之而不足,一日壞之而有餘。」元祐中對 也。 劉行簡曰: 李常寧曰: 「天下之治,衆君子成之而 「天下至大,宗社至 重,百 皆至

論

+ 年一行。仁宗後,三歲一 有三年,五講 太祖 在 位 + 郊禮。真宗東封西祀,率三 七年, 四 郊爲定制 行 郊 禮 太 宗

誤以元豐後官制,爲藝祖時官制 《元城語録》藝祖造薰 吕正獻公書坐右曰:「不善加己, 籠事,周益 公謂 直

《雜録》曰: 本魏李秉《家誡》。 爲受之。」本後漢 「少年毋輕議人,毋輕説 張 霸 戒子之語。吕 居

之有補於人者,粘置 義。」朱文公亦云: 令精熟。」此二事可 功課餘暇,以片紙書古人懿行,或詩文銘 出之,以自警戒。 朝名臣行狀墓誌》,取其行事之善者, 吕氏《童蒙訓 以 亦樂 「籍溪胡 壁間,俾往來誦之,咸 爲法 取 「前輩有《編 諸 先生 人以 教 爲 諸 善 生 别 類 於 之 國

周元公生于道州,二程子生于明道元、

間 ,天所以續斯道之緒 也。

附 者甚多,群小欲擠之,借此以爲名耳。 益 者 兀 非也。 祐之黨、劉 慶元之黨,黄 元 城 謂止七十八人,後 勉齋謂 本 非 黨 來

思

缺焉。 子俞。 之。二表皆載於《文鑑》。 荆公爲《征君墓表》云: 人。」杜嬰、徐仲堅,而征君之名字、《集》亦 與字。周益公攷之《春陵志》,乃周 子,孝於其親,友於其兄弟。」而《集》缺其名 而字子餘。 歐 《東都事略》有傳,其行 三人皆居真之揚子,當求郡志 陽公爲《周君墓 未知《事略》據何書 「淮之南有善士三 表》云: 事 「篤 而 與 立 堯卿,字 墓表合, 傳 而補 行 也。 君

舞,僖祖曰《大善》,順 大順》,宣祖 中 宗廟樂有舞。 興 後, 自 曰《大慶》。 .. 僖 祖 建 基 祖 隆 命, 初, 日《 列聖皆以「大」爲 至欽宗端慶,以 竇 大 /寧》, 儼定 翼 太 祖 廟 日 四

> 原 廟殿名爲舞名,禮官之失 也

之。 燕薊易定,帥王都驅其民人契丹,因以烏灤河爲名以居 割。」按《五代史》,劉仁恭無割地 張守珪北伐,次灤河。《薛訥傳》: 陷營、平二州。」唐無灤州。《武經總要》: 四夷附録》云: 營、平、灤三州,乃劉仁 按賈耽説,西北渡灤河,至 長編》: 宣 「契丹當莊宗、 和 Ŧi. 盧龍 年,求石 一恭遺 師至灤河 鎮。 《唐 虜, 遺 晋故 明宗時,攻 虜之事 賈循 虜 石 **S疆,不** 晋 不肯 傳 割り

噩、 弼; 曆,錢明逸、彦遠; 「先帝親收十五人」,注者多誤。 陳 仁宗時 舜 景祐,蘇紳、吳育、張方平、田 俞、錢藻、蘇 制科 十五 皇祐,吴奎, 棋、轍、王 人: 天 聖 介。 何 嘉祐,夏 況; 東坡 泳 廖 富

弗念乎薄物 此 疆。」 乾道元年,《郊赦文》云: 洪 文惠 細 故 所草 也。 烝民咸乂,靡分乎爾 朱文公《與陳 「前事 俱 捐, 獻

三四五

之薄 書》 陵 幸 廟 而得之,肆然以令於天下,曰: E 物 之讎者,而 細 故,吾既捐之矣。」孰有 卑 辭 忍以薄物細故捐之哉?」 厚 禮,乞憐於仇 讎 大於祖 「凡前 之戎 狄 宗 H

也。 本皇獨運萬幾,頗以近習察大臣。《中 本皇獨運萬幾,頗以近習察大臣。《中 本皇獨運萬幾,頗以近習察大臣。《中 也。

詩 者,以苞苴入都 中風俗之弊,甚者以 位 文,則此習猶 于 朝者,以 真文忠公奏疏曰: 饋 未革 爲羞。」然朱文公封事,言浙 遺 及門 金珠 也 爲 爲脯 「乾道、淳熙間 耻 醢 ,以契券爲 受任 于 有 外

見周益公《思陵録》。其後兩朝用之。高宗高宗廟號未定,有議爲光宗、寧宗者,

陵名,曾擬永阜,其後孝宗用之。

草也。禮部太常官堂白手詔,用貞觀、天禧淳熙,皇太子參決庶務手詔,洪景盧所

事。皆非所宜。

軍節度使。」致堂《原亂賦》「建承宗之旄纛」,亦誤。《五代史》:「蜀王衍以宦者王承休爲天雄宗故事而建節旄」,「宗」字誤,當云「承休」。明文定言:「崇寧以來,奄寺用王承

不免爲具眼者勘破,學者所當戒也。」 輕 皆 既 爲 遭 胡 所 議,然辭受合尚嚴,今當嚴者反寬,是 忠 未 陳 李微之問 簡繳 曉。」勉齋答云: 叔 進行 還, 勉齋云: 詞 圃 醜詆, 不 聞 引 乃復受之而 避; 先輩非後學 南 軒 東 賜 萊 章 一服,兩 除 不 所 職 敢 以

偏,而猛厲粗略之外,却無枉尺直尋之意。」密之中,似有和光同塵之弊, 象山之學雖微之又云:「東萊之學甚正,而優柔細

御 廟 景靈宫建于祥符 ,自元豐 於慈孝寺彰德 演 露 五 **\*** 年 · 始 五 殿 年, 明 前 則 道 此 莊 以 帝 奉 獻 年 聖 不 后 奉 館 祖 人 安 景 御 其 莊 靈 寓 爲 獻 佛 原 按 神

老之祠者多矣,非止

莊

獻

也

右,次扇筤。

又以皇城親從兵二十人,從其後

州 時 海 載 歷 而《文集 德。 字子方、與蘇、黄游 事 此 教授時,選人七階未改,主簿 樓記》「考《國史傳》秦少 官也 攻媿《跋曹子方書》以爲祐陵時 靖 龜 康 Ш 無 至 爲銘,合爲 樞 語及之。」愚 筦。 愚謂 ,若論事 一人,非 謂 游 調 爲 有 乃 定海 也。 樞筦者, 网 少 初階, 曹 游 又《淮 主 輔 爲 書 蔡 非 論 其

陟

異焉, 豈遇不遇有命乎?

損。 文 天聖 刑統》參用 律 疏 中 **>** 與《 孫 奭校定《律文》及《疏》爲《 後 刑 敕 統 **>** 雖 不 引《疏》義 同 ^ 疏 頗有 依 律 增 生

> 坐。 侍墮馬,駕 羅 史 繡 . 帕 輿 王 江 服 原 休 頭 内臣 志》: 叔 復 壞,遂以 日  $\wedge$ 馬 雜 上捧之。」嘉祐六年,幸 閤門祗候、内侍各二員, 志 駕 此 ₩. 頭,七寶 华 傳 駕 四 頭 牀 世 也, 矣。」 初 睦 挾 即 覆 親 按 駕 祚 宅, 以 頭 緋 國 所 内 左

朱 其言,記姓 唐之賊臣,今録其後,不可以 梁、劉 景祐二年,郊赦 漢 名禁中。 後 〉,遂罷 不召。 梁 石介亦論 適 其言 上 爲勸 疏 赦 論 書 也, 不 朱 當 皇 全 而 求 是 忠

使、 遷 間 敢 辭 便撰。 免降詔 秩之命 孟 白 乾道中, 元 居 陽 易 元祐 右 蘇 在 直學 張 羽 軾 翰 中 林統 説、 當 林 土 撰 師 院 王之奇簽書 奉 臣 答詔 軍 周 避 宣 制,皆奏 必大奏: 一草嚴 免 言 拜 其 之禮 綬 請 樞 不 江 裁量, 可 密 陵 執 唐 院 卒 節 政 元 如 未 辭 度 和

唐末, 事,尤 免,蔡 中,譙 詔 官至而 語 不允詔者凡三。 比 所 腕可 臣 ,倪思封還 ,二人辭免不允詔 請 斷, 熙載 幼學當草 焴 無 韋 麻 不 貽 詞 除 麻 不 草答 自遥郡 以 範 用 出 不 詞 草 執 起 可 頭,亦引蘇 ·。」淳祐 詔。 政 韶,奏曰: 復, 嘉定中, 此 草。」上 觀察使除 非 書,臣未 非 命 此 盛 節 韓 中,别 禁林繳 疏 世事,故 度 師 軾 偓 論 統 「不允 敢 論 草 正 之。 軍 之 具 不 制 奏故 任 傑 前輩不 臨 草。」 當 免 明 偓 參 必 安 辭 撰 拜 事也。 日 有 日 知 府 辭 免 紹 遷 政 以 百 褒 辭 免 降 煕 秩

名節 曰: 日 蔣 非素修 亭 希 魯居姑蘇,延 沼譬 亭 沼 弗 爵 成。」 粗 位,時 適, 恨 盧 來 林 仲 則 甫 木 有之。 秉。 未就。」仲 後 林木 圃 礕 甫 希

爲

故實。

歐陽公《辨尹師魯誌》曰:「若作古文

著《館閣 達 自 甚 師 自號金斗 多, 魯 始, 書目》有《鄭 不 則 敢 先生,名其文《金斗集》。 前 斷 有 自 穆 師 脩 條 魯 鄭 始 集》一卷。 條 也 輩 。」條 及 之名 有 宋 蜀 先

四

見人論 永叔 當 然而 其敢輕剖判乎?」文公答曰: 吕成公《與 其似曾子、子夏而已。 舍、北宫黝曰:『二子之勇,未知 表 孟 如何?」先生曰: 而 祁 前 : 寬問 出之。」 施 畫 舍守約也。」所以 朱文公書》曰: 則 和静尹先生曰: 日: 「汝輩 若使 「前輩不言人短, 委 正言聖 且 孟 曲 「伊川謂 取它長 如 和 子 一門先達, 此 其 静之言, ,論 (孰賢, 者,以 處。」 孟 歐 施 每 陽

大計 日 劉 應 起 時 謀 可,淳 之 而 臧, 祐 初 則 爲 文子文孫 太學博 士,言定 宜 君

● 「宋」,原脱,據嘉慶本、道光本補

王, 謀之不臧,則生天王家以爲大感。」此

人所難言也。

多。 後,政 隆 趙 景定,更一相則 陽亭」一語,遂與西晋同 |興至淳熙,萬 鼎、張浚去 陽淑 陰凝冰堅,極於似 建炎,李 在侂胄。 消 而 綱 而 陰 日 嘉定後,政 幾 檜 去 慝長,危亡之證 更化,然姦臣 獨 相 而 運 潛善、伯彦相。 道。 檜死,其 轍,哀哉 而 大 在 邵子 臣 彌 弄 充 遠。 〈黨迭 所 謂 位 權之日 端平訖 禍 由 爲 紹 慶元 在 來 相。 常 夕 漸

苦」,其害在民。士大夫。薛極、胡榘,謂之「草頭古,天下士大夫。薛極、胡榘,謂之「草頭木脚」,其害在蘇紳、梁適,謂之「草頭木脚」,其害在

大

臣者,不知則不學,知之則

何以示

後

邦。 其 有獻納,它可知矣。 後者又甚焉。 朝野 雜記》載 當 時 開 以陰召陰,極於天下無 謂侍從之臣,無論思, 禧 貪 濁 之事 詳矣,繼

> 傳》。 「生人婦」, 以 黄 (霸、蓋 仁宗閲 皆簡上知,至 加 寬 審 湯 饒 刑 思 奏案, 字。 退 輔 高宗 對 相 有「次公」, 以 見《魏 閲 然以記問 刑 部 志 而 奏 • 杜 梁 取人, 案, 適 對 有

帝 陵 取 則許敬宗賢於寶德玄矣。 爲 王,而濟王亦降 濟水之絶乎? 濟陰王。嘉定末,濟 四瀆,濟水獨絶。朱全忠篡唐,降 又蕭 封巴陵公,非令典 衍 篡齊,降 王之封,豈 和 也。 權 帝 爲 臣 昭 爲 亦 巴 宣

宗 中宗同,而當時無言者。 後主太子同。咸淳末,命 同,而亟改之。 紹興建儲 欲 景定建儲 更名曄,周 嗣君之名,又與 更名乃 益公 調 與 與 蜀 唐 唐 漢 昭

然 相 自 監 修,欲其直筆,不 唐姦臣 范正獻公曰: 爲《 時 政記 後 亦 難乎?」其 世 圃 人 史益 君 觀史, 誣 論 近 正 世 而 尤 宰

甚。 手掩天下之目。 余嘗觀《寶慶日曆》,欺誣之言,所 葛 文 康 勝仲。 ^ 所恃人心公議不泯爾。 與 王 黼 書》曰: 「天下 謂 以

家使蜀,免焉。」大父,康節先人伯温也 學通天 E. 士,曰: 邵 公濟 人,足以 少時得大父平生之言于汝潁大夫 『世行 築室犍爲之西山、《告家 前 ·亂,蜀安,可避居焉。]大父 知 矣。 宣和 國 亂 先人 廟 文》 載

此,所以長吁也。」」按《温公集》,張夫人終 賊 聞 其 梁世榮録南軒語云。「温公作相,夫 所 終 又奏某 夜 長 吁,問之。 事。 吾爲宰相,使 曰: 天 所 下 盗 如

於元豐五年,此記録之誤也。

焉。 内踈外之心。何不因群情之所共違,而 於自恃。」又云: 之時,爲 不用之術,顧眄周行,類不 之量,而累於自喜; 一,有以見容直之盛德,而 己之獨嚮?」其言皆剴切。 好名,日是黨耳。 乾道壬 改過之日月。」又云: 辰,黄定對策謂: 「欲比迹太宗,而 於是始有棄文尚 雖有知 適 秉史筆者未 川,則 人之明, 孝皇擢 以大有 雖 日 操其 有 武,親 腐 之紀 之第 而 無 所 爲

陛下之心,其次奪士大夫之心,而其甚 周 廣 與陛下之明德爲仇。 宰姦深之狀 充,以窺見其姦而或覺之也。 防其增益之漸,使陛 徐景説霖。 E 以《書》義冠 「不與天下之公議争,而 每潛沮其發見之端, 下之明德 南宫,上書言 其 先 ,不得滋長 也,奪

奪豪傑之心。」景説由是著直聲。

有數千言者,問乎其不足疑。卷故也。慶曆後,不復寫題,寖失之繁。今卷故也。慶曆後,不復寫題,寖失之繁。今

蘇公之對,不能無所遺。之差,虚實之相養。」此唐陸贄之言也。二之差,虚實之相養。」此唐陸贄之言也。「命秩「何以爲京師?」此晋謝安之言也。「命秩《嘉祐制策》曰:「治當先內。」或曰:

紹興、隆興,主和者皆小人, 開禧,主

戰者皆小人。

稱 加 有子考,无咎。」 ,子爲 揚其父之美; 吕文靖爲相,非 權 臣 而 掩其父之美。《易》曰: 史直 無 翁爲相 一疵可議,子爲 非 無 善善 名相 可

判焉。 奏曰: 籍、祖宗圖書,天人之藴,性命之妙,治亂 治亂所以分也。 人欲横流,始也不知邪正,終也不知逆順 道,正人心,可以立懦夫之志。此義不明, 危之機,善惡邪正之迹在焉。 於延春閣,哲宗元符間,亦更以 唐内殿《無逸圖》代以 胡文定父子奏疏,以《春秋》之義,扶世 徽宗宣取祕書省圖 「《六經》載道,諸子談理,歷 仁宗寶元初,圖農家耕 山水,開元、天寶 畫 進 以此爲圖,天 覽,陳 Ш 水,勤怠 代 師 史 安 錫

瑱,聽 注 光 風 坐 正 地 目 月 宅 景,其可 在 於 四 心 之藐 以 則 此 海 德 流 必 畫 視 藐 則 能 乎 則 萬 日 而 鑒成 心 ? 明。」噫,使徽宗能 物 畫 月祥光 於此, 學設 敗、別淑 以 焉。 則 麗 此 焉。 天 爲 「黍離 慝矣。 地 畫 心 沖 日 以 氣 寘 麥秀」之 月 以 其 道 生 在 規 言 觀 目 爲 於 則

之趨 人,而 二人,而 而 而 出 八人出 于武 嚮。 紹興 五人出于宣 出 德、貞觀之時者半; 于武帝 間,李誼 于武后之時者亦半。 言 帝, 《唐 . 「《漢 ^ 循 酷 吏 吏 . 傳》十五 傳》十二 循 酷吏傳》十 吏治視上 吏傳》六 人,

賀 不 使,皆力辭 ,又有以和戎 忘修政。 富文忠公使虜還,遷翰林學士、樞 願 嘉 思 定 爲二府功,欲差次遷秩。倪 夷 初 狄 講 輕 侮 解 之耻 使 還 坐 中 薪 嘗 密 表 副

> 何 下 文 節 君 詔 公思 罪己,中 相 反 以 日 爲 書樞 慶?」乃止。 澶淵 密侍罪。 之役, 捷 今屈 而 己 班 盟 師 天子

心,崇節義,厲廉恥爲先。 延平先生論治道,必以明天理,正人

親 也。 以 宋 事 官唐 李鄴以 宗 王 族 時 琦 交 雍、徐秉哲等爲 越守降虜, 也 與 虜人者,開 而 賣 袖 封 石擊虜僞守者, 國 捉 牙 事 郎 使 臣 而 不 忍

善道。 李誠 爲之,利少而義多者爲之。」出《荀子·脩身篇 之嘗語 朱文公謂蔡季通曰: 此吾輩八字箴。」 真 希元 E. 篤信 「身勞而 好 學, 心安者 守 死

題云 餘。」擢 大,宗社至重,百年成之不足,一 元祐中,李常寧《對 「運 爲第 一心之乾,開三才之泰,可 。景定中,有擢 策》曰: 倫 魁 一天 日 者,其 壞 之 下 有 至

## 世道之消長矣。」

於耿 儒豈 策,宋與契丹 績未振,名勝 義,而天下之禍變極 采石却敵,乃眇然幅巾 骨寒膽破者,儒也。 太原之役也。 、汪、黄三姦,則中 先儒 無益於國哉? 論 本朝治體云: 八十一 相望而幹略未 非 :儒乎? 矣。 宗汝霖、李伯紀不見沮 搢紳不知兵,介胄不知 戰,其 原 緩 一个带,一 미 一勝者,張 韓 復,讎 優。」然攷之史 文治可 參贊之功。 范使 耻可 觀 西 齊 而 雪。 賊 武

陷。 之建官曰三公,公則 元符、建中,韓、曾不和,是以爲崇寧小人所 、朋矣。 紹興趙、張不和,是以爲 元祐諸賢不和,是以爲紹聖小人所乘。 無私無朋 所以 無私矣。 和也 秦氏 (所擠 孤 孤 古 則

子之名。 蔡京之惡極矣,曾布、張商英是以竊君

士,而聚之中都。 止 齋 日 國 由 是 初 家 以 科 不 尙 舉 譜 誘 牒,身不 致 偏 方之 重

鄉貫。」

未知「其危乃光」之義。「乎號有厲」,以危小人之復。元祐諸賢,似《夬》「揚于王庭」,以正小人之罪,

死權,紹興之秦、紹定之史是也。 爲己任,死而後已,元祐司馬公是也。夸者擅爲己有。」余謂宰相非久居之地也。仁以相,立定公曰:「宰相時來則爲,不可

論鹽法,以再権爲不可。 陳恕定茶法,以中等爲可行。 張方平

以 實之亂, 國守者,蓋 玉之子也。 家 **、聲,屢** Ŧ 仲 河北 Ш 塵 杲 以 綦 仕版 列郡 卿、 撫州 叔 真 厚 並 未 行 降,仲 卿 陷 聞 責詞云: 虧失。 獨常山 顔 薿 在 以 焉。 平 袁 浸 州 預使令, 昔 原 爾 降 等頃 能 唐 爲 天 禹

循 説 亦 爲 何 郡 途。 施 臨 江 JII 面 西 雖爾 目 先 惟 降 見爾先人於地下哉! 兄 無 宜 及 耻 春繼 弟 ,不媿當時之公議。 屈 力 魯、 誠 不 衛之政, 支 」秦檜 死 猶 若 顧 有

歲 襄陽之事,亦起於権場之玉帶 虞公以 玉失國,楚子常 以 佩 喪 邦。 近

山之壻

白。 起復而 年,仁伯卒,人以 逐 獻、襲基先聯章論 伯 幄,其言當帝心。 四人。 等上書 庸齋趙茂實誌之,徐景説銘之。 淳祐甲辰,宰相起復。 後奔喪。」徐仁伯 遂 日 寢 起 彌遠 爲 復 臺諫劉晋之、王瓚、胡清 仁伯,上震怒,夜 毒 之 奔喪而後 也。 命, 元杰。 而相 然其 太學諸生黄 兼 起復, 范、 説 事 出 書 竟 杜 御 不 嵩 對 明 愷 之 明 松平

其後 經筵不讀《國風》, 舒 之學行,爲之徒者,請 而《湯誓》、《 禁 讀 泰 史

> 覩 矣。 『亦 不 進 講。 人 君 不 知危亡之事,其 效 可

侯昌業 揭諦道場。 醜 黨,僞作諫 也。 諫 正,不謀而同。 疏 小人之毁君子,亦多術矣。 ,有明祈五道,暗祝冥官,於殿 F 疏,極言時 疏,有 本朝鄒 取他人之子之語。 然不可泯者,千萬世之清 浩諫立劉后,而 病,而 田令孜之黨, 唐 左 其 章 厚之 拾 誣 内 善 立 遺 僞

作

豈 設 興、雖自崇寧、 部 肉 飲食之給,因而有差。 下 復 銖 學者,納之黌舍,校其文藝,等爲三品。 教之意,專以 使者以學官成 兩間。 顧義哉?」崇寧學校之事,概見於此。 鄧志宏肅。謂: 學者不以 而學校之廢,政 禄養爲 壞爲州縣 崇 爲羞,且 旌别 輕 寧 重 以來,蔡京群天 人才,止付於魚 殿 則 逐逐然貪之。 最。 由 率 I崇寧。 教之士, 學校之 昔之所謂

議

率教者猶若此,今之所謂率教者又可見矣。

之忠、和。姦臣不學如此。大觀八行,因《周禮》之六行,附以六德

菊坡與之。莆田,陳宓。義烏,徐僑。居貧媿於義烏之安。」臨邛,魏鶴山了翁。南海,崔邃,量未若南海之寬,制行劣於莆田之懿,真文忠公《自箴》曰:「學未若臨邛之真文忠公《自箴》曰:「學未若臨邛之

聖賢氣象。」 「讀《明道行狀》,可以觀目子約曰:「讀《明道行狀》,可以觀

袁道潔溉。之學,得於富順監賣香薛翁。故 譙天授定。之學,得於蜀曩氏夷族,

曰:「學無常師。」

困學紀聞卷之十五

#### 三五六

# 困學紀聞卷之十六

隄, 在

滑

州

白

馬

縣

東

五

里。」《

郡

郡

白

馬

界。

《括

地

志》:

一名

千

里

置

縣。

地多酸

棗

,因以爲

名。

金

隄

河

隄

在

東

浚 儀 王應麟 伯厚 甫

尊爲

東郡太守,請

以身

填金隄。」程子

日

「漢火德、多水災。

唐土德,少

加

記》:

酸棗縣有金隄,漢文時河決金隄即此。

王

志》:

「在酸棗縣

南二十三里。

《奥

地

攷

史

漢 河 渠攷

美哉 禹功! 萬世永賴。云何 漢 世 河

重 決 爲 以 害? 暴 秦,水失其行,故瀆遂改。 蓋自戰 國,壅 ]1] 壑鄰,決 通 碣 隄防 石 九

案諜,用綴軼遺。

河,皆淪于海。

微禹

其

魚,遺黎之思,披

圖

孝文十二年,河決 酸棗縣 酸棗,東潰 金陽 秦拔魏

陳留郡

,今屬開封府。

泗,郁居河北。」觚,音輸、《後漢》注音俞 人 勃海,復決濮陽 患。」 孝武元光三年, 瓠子。 河 水徙從 注 頓 É, 鉅 野 東 通 南 淮 流

經》 霸、濱 兩 于河。]河之人海,舊在碣 日 縣。 諸州之地。《 東郡頓 漢勃 「碣 夾 右 石之山,繩 海 丘 碣 郡 縣。 石, 水 在 勃海之濱。 今澶州開德府 經注》: 人于河。』《 水出焉, 石,今川  $\sim$ 濮 今滄 東 禹 陽 Щ 流 流 貢》 清豐 所 注 海

導, 鉅 名 開 瀆 原 郡 元 周 縣 也。 德 封二年,自泰山 鄃 野 時 非 泂 府 班 縣 西南。」大名府夏津縣,本鄃縣。 也 `徙砱礫,❶至漢又改向頓 禹 濟 濮 固 瀆 州鉅 陽 日 通典》: 禹 也。 縣 貢 野 西,有瓠子 **\*** 商 周 縣 還至瓠 竭 定 東北 「大野 鄃故 周 E 移。」」 五 丘東南流。」 有大野 子 口。 城 既 年, ,自臨 在 豬。」清 瓠子, 瓠 德 河 程 澤, 子 氏日 徙 州 決 即 平 故 河 今 泂

子宫, 房堰。 決 北 深五丈。」《通典》: 河,在 河。」注: 其 《水經》: 《括地志》: 都 亦名宣房 鄄 決 城 縣北十 處 以 遂 大, 南,濮陽 宫 瓠 里爲瓠河口,亦謂瓠子 秦始皇二十二年,攻魏,決 「故 不 子 在 可 河 濮 龍 復 以 出 陽 補。 淵 北,廣 東 縣 官 郡 漢 北 ,俗名瓠 Ŧ 濮 百 + 横 陽 堰、宣 里。 步, 굸 縣

> 阿,今屬鄆州 瓠子口。 「《九域志》: 一名吾山。」《瓠 萬里沙 濮州雷 子 在萊州掖縣。 歌》 澤縣 Ĕ: 有瓠子 吾 濟 Щ 州 河 ¥, 東 澶 呵 鉅野 州濮陽 縣 有 溢。 縣 Щ 有

導河北行二渠,復禹舊迹。

州千乘 河,北 陽 「二渠,其一 爲 熙寧四年,省 注勃海。 也。」臣瓚曰: 九 省人大名府莘縣 河,同爲逆河,人 載之高 河渠書》: 禹時 出 1人清 不注也。」貝丘,貝州清 貝丘 海。 河 地,過降水,至于大陸, 河 人海,乃在碣 西 縣。 南,南 降 澶 州朝 水故 禹 漯 乃厮 折 于勃海。」孟 水 城 者 縣。 瀆, 石。 也。 出 二渠以 在 至千 元光二年,更 東 其 冀 郡 陽 則 乘,青 康 州 引 東 縣 潔 日 南 武 其 Ш

河

築宣防宫。

字。詳辨見胡朏明《禹貢錐指》。」道光本據此删「砱」(砱礫」,鬧潛邱校曰:「砱礫者,蔡氏所竄,繆誤甚

0

三五七

三五八

河。 柱。 自 王 宫 十三 縣 塞 春秋後 宣 東 房後, 年,晋河 南 六 河患見史傳,始於此。」 里 河 0 復北決於館 岸  $\wedge$ 大 傾 事 ,壅龍門,至于 記  $\forall$ 陶,分爲 周 威 屯 底 烈

氏

入清 屯氏河。 大河故瀆,俗曰王莽河。 陶,今屬大名府。 别 出 池 爲 縣。 地 南樂縣有大河 屯 理 氏 九域志》: 志》: 河, 《通典》: 東 故瀆 大名府 章武縣、滄州魯城 北 魏 魏 至章 郡館 州貴鄉縣有屯 館 陶 武 陶縣,河水 縣 夏 海 縣 津 氏河。 縣 周 館 有 省

屯 氏 河絶。 元 帝 永 光五年, 河 決 清 河 靈 鳴 犢 口 而

縣。 東北 清 蓨 泂 至蓨 清 音 條。 郡 河 靈 之靈 人屯 縣屬德州,後屬冀州。 縣 氏 縣 河。 鳴 河 水 犢 靈 别 河 一縣,隋 口, 出 爲 省 人 地 鳴 博 犢 理 州 博平 志 河

> 成, 原,流入濟南千乘。 以 成 五 帝 一年爲 建 始 河平元 四 年, 河 年。 決 東 三年, 郡 金 河 隄 復 決 河 平 隄

之,今因其自決,可且勿塞,以觀水勢。」 尋等言: 鴻嘉 千 乘,故城在淄 四年,勃 平原,德、棣 議 者常欲求索 海、清河、信都 州 州。 高 苑 縣 濟 九 北 南 河 泂 故 齊、 水溢 迹 淄 而 州。 穿 李

此。 蘇、六曰簡絜 日太史,三日 九河既道」。 河之經流。 亦曰枯降渠,西南自南 徒駭、《寰宇記》在滄州清池。 信都冀州,信都縣,禹導河,北 七 馬頰, 先儒不 ^ 爾 巨 雅 鉤盤,八 知河之經流,遂分簡 四 宫縣界 日 覆 人。 **顧**,五 日 許商云: 曰 鬲 徒 過降水 ^ 駭, 津 禹 日 絜 貢 胡 其 在 即

信

《通典》在德州安德。 《輿地記》在臨 以爲 安、臨津、無棣三縣。 棣州滴河北。 成平。」馬頰,《郡縣志》在德州安德。《寰宇記》在 齊之所禁,塞河非桓公所爲也。 得其一。 棣。太史。不知所在。漢世近古,止得其 典》在饒安。許商云: |鬲津、《寰宇記》在樂 州樂陵東南,從德 以爲九河之地,已淪於海,謂今滄州之 爲兩説,皆似是而非,無所依據。 三,唐人遂得其六,歐陽忞《輿地記》又 之九河當在其地。 地,北與平州接境,相去五百餘里,禹 ?齊桓塞其八流以自廣。 或新河載以舊名,或一 津。 與地記 州平昌來。 鉤 許商云: 盤 胡 陵 「在鬲縣。」《輿地記》在 《通 酈道元亦謂九河 東,西北流入饒 蘇、《寰宇記》在 即 篤馬河 **《**奥 典》、《寰宇記》在滄 「在東光。」簡 地 也。 記》在樂陵。 夫曲 安。 覆 **上滄州饒** 地 鄭氏 程氏 防, 絜 鬴 《通 互 碣

柱,破碣石。」

口,<br />
西,<br />
一石,<br />
西,<br />
一种<br />
一种<br/>
一种<br />
一种

「決河深川,無隄防壅塞」之文。 平當使領河隄,奏: 按經義治水,有

賈讓言:「禹鑿龍門,辟伊闕,析底鯀堙洪水,故無功。禹則導之而已。」程子曰:「河北見鯀隄,無禹隄。

闢,吕梁未發,❶河出孟門,大溢逆流,名曰鴻水。 龍 大禹疏通,謂之孟門。」孟門即龍門之上口也。 唐慈州吉昌。 水又南過皮氏縣河中府龍門。 門 》所 《水經》: 口。」注: 謂 龍 門 西,注: 也。 崩 大 「河水南過河東北屈縣 禹 浪萬尋,❷懸流萬丈,迄于下 導 《吕氏春秋》曰: 河 積 石, 疏決梁 西、又南 「龍門 Щ 出 河 即 未

「發」,嘉慶本、道光本作「鑿」。

0

「萬」,嘉慶本、道光本作「千」。

三五九

門山 Ш 禹 其 龍門 李氏曰: 記》去: 河中府。 聲如萬雷。」《通典》: 圃 立,大河盤東於山 東受降城之東,自北而 口。 治 穿既決,水流 (中下流。)《 還。」黄河 加 在 《慎子》曰: 洪水, 縣 一。」顔 山断 過 《輿地記》: 一, 山 北 有龍門山,即大禹 「同州韓城北有安國嶺。 河 其 氏 出 見 魚鼈上之即 破 處。 北 日 西在 水經注》: 水中,若柱然,故 一峽間。 Ш 「下龍門 去 疏 禹鑿龍門,起於唐張仁愿 以 縣二十五里,乃 南,至此 今韓 分,亦謂之三 通 至 龍 同 ,非駟馬之迅也。」❶潏 此 河, 絳 州 門 Ш 城 爲 州 開 Щ 韓 河水分流,包 Ш 龍 縣 所鑿。」《三秦 「砥柱,山 盡。 岸閣 龍 城縣, 東臨大河 不可則 北 其 門縣,今屬 兩岸石 前 ,豁然奔放 日 東 門 砥 在 <u></u> 有 龍 點 河 「壁峭 柱。 有 所 從 今 龍 門 額 築 馬 水

> 淇 口 以東。

《通典》: 淇水出共

Ш

東

至

衛

新 州 莽始建國三 衛 縣界人河, 年, 謂之淇水 河決 魏 郡 口 泛清 河 以

東數郡

魏郡,相州大名府。

清河,恩州

汴分流. 平帝時。 澤 明帝永平十三年,王景脩汴渠成 渠在河南府河陰縣漢滎陽縣,唐屬孟州。 漢書》有滎陽漕渠,如淳曰 百五十步,亦 開 詔 渠以 日 ,復其舊迹。」《郡縣志》: 今既築隄理渠,絶水立門, 通 「自汴渠決敗,六十餘歲。 淮、泗。 名 蒗 漢 蕩 「今礫溪口是也。」 命王景 渠。 、脩渠。 禹 塞 汴 河、 祭 南

- 0 迅」,嘉 慶 本、道 光本作「追
- ·今」。原作「砱」,據嘉慶本、道光本改。 一蒗」,原作「莨」,據嘉慶本、道光本改。

伊

闕、碣石,見前

水經 王景即榮水故瀆,東注浚儀,謂 之浚儀

章帝建初三年,罷虖沱、石臼河

常山 臺 安喜縣。 河在定州唐昌縣 縈委,若羊腸焉。」《水經注》: 汾陽縣 Ш 沱、石臼 南行唐縣 北 **虖沱**,出代 通 東 積 ,有石臼谷 典》: 河,從都 南 粟所 流 州繁時縣東南,流 東北。 過 在 定 方謂 慮至羊腸 嵐 州 州 之羊腸倉,石 本漢苦陘縣,今省入 人 宜 海。 一芳縣 按 倉。 郡 鄧 國志》, 即 訓 石 經 磴 漢 臼 五

張 騫 傳》: 「天子案古圖 書,名 河 所

出 Ш 崑 崙。」

出 水 出 出 其 日 其 崑 西 漢武帝 品 東南陬 北 陬 以  $\wedge$ 博 弱 于闐 河水出 雅 水 出 Щ 日 其 出 其 西 玉 東北陬 南 一, 因 崑 陬 名 、洋水 泂 泂 水 所 赤

矣。 然則 羌在 也。 有崑 注 可千 漢 自 河 西 굸 百 渠搜,西 能若是之遠。』《通 語,似得其實。《水經》言崑崙去嵩高五萬里,恐 入東 書》: 相 南數千 云 《爾 一崑崙 川 崑崙 .漢金城郡之西南,濱于賜支。』《續 連。 崙之體 「崑崙 析支在 餘里有羌, 海, 尚 色 雅 黄。 戎 書 三水人 在 聘 里 Ш 河關 尝云 即叙。』《後 百 ,故名之。」朱文公曰 山 河 吐 積 使 向 在 里 典》: 在 蕃 涉 石之西,是河之上 或 東 出 謂之賜支,蓋 縣屬金城郡,今積 肅 南 中,當亦 崑崙 中 歷 北 小 州 曲 織 西 **無** 海。」《後 流, 虚, 丁 「今吐蕃中 酒 漢 皮、崑 南 色白。 見 不言之。 泉 里 書》云: 非 則 與 縣 一謬。」《楚 曲一 崙、 積 河之所出 所 析支也。」 西 漢 石軍。 石 渠并千 南 直。一《 書 析 河 流 吐 Ш **\** 從 支、 書 明 西 注 蕃 西 下 山

三六

靈帝光和六年,金城河溢。 騷》「遭吾道夫崑崙」、《九歌》「登崑崙兮四望」。

金城郡,今蘭會西寧湟州積石軍。

### 歷代田制攷

秦廢井田,開阡陌。周顯王十九年。

辯》日 强 百給 按阡陌者,舊説以爲田間之道,蓋 百人,則五十人爲農,五十人習戰。兵 復及子孫。 而 畝給一夫。又以秦地曠 利不盡,於是改制,二百 或 稠,誘三晋人發秦地利,優其田宅, 一夫。 通典》曰: 職此之由。」朱文公《開阡 言秦廢井田 説者之意,皆以「開」爲 而使秦人應敵於外。 商鞅 「按周 佐 秦, 圃 以 而 四十步爲畝 制步百爲畝 始 人寡,晋地 一夫力餘 置 阡 陌 大率 因田 二開 也。 陌 狹 畝 地

之疆 名,疑 爲言千也,溝澮横而畛道亦横,則 爲言百也,遂洫從 爲陌。二二説不同。 陌。」又云: 物之往來,即《周禮》所謂遂上之徑,溝 之制,遂溝 之名,由此 千畝,澮間千夫,而畛道爲阡矣。 家之數考之,當以後説爲正。 上之路,周於其外。 百畝, 洫間 上之畛,洫 風 畔,制 四尺, 洫八尺, 澮二尋, 則 亦 通》云: 徑容牛馬, 畛容大車, 涂容 天 横從 而 百夫,而徑涂爲陌矣。 其 Ŀ 洫 河河 得。 廣狹,辨其横從,以 澮 之涂,澮 IIII 亦 南以 南南 至於萬夫有 而徑涂亦從,則 命之也。 皆四 今以《遂人》 與夫《匠人》井 北 東西爲阡,南 上之道也。 曰 阡,東 周, 則 然 川, 阡 遂 蓋 丈 田 陌 遂 西 通 有 阡 溝 阡之 陌 畝 而 間 田 陌 間 夫 然 111 北 日

政,但見田 於公上者; 之際,必有煩擾欺隱之姦,而阡陌之地 利之有遺; 占地太廣, 畝,則病其人力之不盡 限,而聽民兼并買賣以盡人力,墾闢 |經界,止侵争,時畜洩,備水旱,爲永 其水陸占地不 悉爲 使民 絶煩擾欺隱之姦。使地皆 一税,以 民田, 猶 田 道,二 楊 有 商君 疇,不 爲 又必 炎 覈 田 而 阡 不 疾 又當 即 陰 是 軌 以急刻之心,行苟 得 陌 浮户之弊,破租 使 據 爲 有陰據 以 得爲 路,三 所 世衰法壞之時,歸 爲 永 有 自 盡 束,而耕者限 田 業,而 私之幸。 尺寸之遺以 開 田 者 動. 自 阡 多, 者頗多,所以 則 私 但見阡 陌, 不復歸 幾二丈矣。 而 則 爲 此 悉 庸 税 病 田 除 陌之 於百 且之 其 以 盡 不 其 爲 爲 田 禁 地 地 棄 置矣。 漢董 生民 患田之不實乎?」 畫 謂 授 精 阡

切近

利

地

以

出

車,一

IE

此

之,不能 兩 授取予之煩 之姦也。 壞剗削之意,而 税平。」蔡澤 一年,使黔首自實 ·決裂云者,唐、虞、三代井田 鞅傳》皆云: 堅明,封表深固,非大用力以 税,蓋 之業,而一其俗。」所謂開者,乃 陌,乃三代井 微之意,於此 所謂 遽掃 所謂 時之害雖 賦 亦 也。」《 滅 「爲田 静生民之業者,以 税平者, E. 非 其 田。 創 迹 大事 田之舊 盡 除,而 『決裂 置 也 開阡陷封疆 矣。 使 以 建立之名。 記 并 秦 無欺 而 故《 千古 阡 解 田不 始 非 [之制] 題》 陌 皇三 隱 秦 秦 聖 廢, 決 之所 無 日 以 紀 賢 MI 所 裂 破 何 分 歸 據 静 賦 傳

仲舒請限 民名 田

田 一占田 也 各 爲 立 限,不 使富

三六四

率

市籍及家屬,皆無得名田。 民 終不能行者,以人主自爲兼并,無以 者 興於廉 過 制 貧 也。 弱 之家 可 足 胡氏 也 日 武帝 時 賈 限 人有 使 田

趙過 教民爲代田。

耕,什而藉 日 更耕之,自爰其 易中田,休二歲者爲再易下 轅,易也。《漢 注 易、 制轅田。」「轅」與「爰」同,易也。《食貨志》: 晋作爰田。」《晋語》云: 歲耕種者爲不易上田,休 墾,中田二歲一墾,下田三歲一墾。《左傳》 司空謹別田之高下善惡,分爲三品,上田一歲 代,易也。《周官·大司徒》: 易、再易之地,有三等。《公羊傳》 「古者制 \_\_\_ 田,百步 先帝哀憐百姓之愁苦。 地 處。」《鹽 理志》: 爲 畝 鐵 一歲者爲一 「作轅田。」 ,民井田 田。 論》 「秦商君 三歲 御 史 而 不

> 衣 三十而 食 不 税一。」 足, 制 田 0 百 四 + 步 而 畝

董賢二千餘 師丹建言限名田 王嘉 奏曰: 頃。 部 均 田 書罷

苑,

而

以

賜

此

隨

矣。 壞。」 憑乎簿書。 衆功,則政 立阡 建武十五年,詔州郡檢覈墾田户口。 新莽更名天下田曰 《通典》曰: 阡陌既弊,又爲隱覈。 陌,雖獲一時之利, 由 簿書既廣,必藉衆 一群吏。 「自秦孝公隳經界, 王田,不得買賣。 政由群吏,則人無 之制,從 圃 兼并踰 隱 功。 覈之法 僭 藉 興

五以上,受露田四十畝 後魏孝文太和九年,韶均田: 劉氏 恕。 曰: 婦人二十畝 後魏均 田 男夫十 制 度,

所信矣。」

矣。」 存。 閑 不 如 似 兼并。』似指 唐志》云: 息,  $\equiv$ 今 田 至唐 代 世 農民 不 佃 井 復 承 官 田 少 田 給 平日久,丁口 以 一口 也 而 9 授,故 爲 曠土多,故均田 及 井田 分世業之田 魏、 絶 齊、周 户 田 之比,失之遠 田 制 滋衆, 出 爲 租 隋 壞 空 税 之 官無 兵 而 文。 爲 制 革 非

,婦人四十畝。 北齊河清三年,令民一夫受露田八十

畝

衆,發使四出,均天下之田。其狹鄉每丁纔隋文帝開皇十二年,京輔三河地少人

至

二十畝

以 田 什之二爲 頃。 唐武德 篤 七 世業,八 疾 減 年,初定均 十之六,寡妻妾減七。 、爲口 分。 田。 丁中之民,給 皆

范氏曰:「唐初定均田,有給田

於古。 之制 然按 有三 之制 賦 法 狹 唐 徽 四 日 右,占田 法也,是以 貧 難 鄉 制 唯 + . 矣。 民 增 餘 受 百 雖 不 蓋 周制 十 蓋貞 時户 畝 復見,蓋官田 萬 裁 田 踰 由 既無振貧之術,乃許之賣田 五 啓 其 倍 家 制 有 觀之盛,户 口 步 兼并之漸。 萬。 唐之口分,人八十畝,幾 半,猶 之 於 在 而 百爲 賈敦 田 周 官 若周 不爲 之 列 口 八畝,百 而 頤 益 田 或 永徽 以 地 舉 則王畿千里, 異日 不及三百萬 少 也。 不 當 亦 没三千 矣。」林 畝 與焉。 足以 中, 成 計 僅 其 周 ,後魏以來 洛多豪 得 後 則後 之制。 容之。 餘 是以 唐 氏 給 永 勳 守 已 之 田

籍外田。開元九年,宇文融爲勸農使,括逃户及

陸贄論兼并之家、私斂重於公稅、請爲

#### 占田條限。

艾穎 元稹在同 等分行 後周 :州時所上《均田表》,因製素爲圖。」 世宗以元稹《均 諸 州, 均 定田 租。 田 圖》 《會要》云: 賜 諸道, 詔 見

業, 賦。 調 唐,風流已遠。 因 君,開井田,畫溝 餘 擅 令里正書手等傍 因 皆計 頃 到 主客,以見居爲簿, 例 皆 [農務 村 之衆寡以授 作 畝 經界既定, 今按 取 取 分抽 鄉,略 之於 稍暇 之於 元 兩 税。」蘇 **令** 税 種《同 口。 無 官。 然其授民田 元 欺 仁政 爲 百 田 洫, 謹步 額, 隱。 其 穩 姓 其 氏 州 因 後 審,並 斂 自成,下 通計七縣沃 自 曰: 奏均 田 變 除去逃荒,其 通手 人 民 畝,嚴版圖 之厚薄 無 爲 財 有 不遺官 田》 「三代之 實狀 兩 丁 有 П 及 中,以 税 租 分 以 日 隋、 户 世 吏 又 庸 制

> 之等。 平, 亂。 以實 皆爲 多。 薛 税 貧 日 錢 融 數、虚編户,以 復建手實,抉 瘠,以定賦 向 富 數 括 少 周道止是均 ; 户 國斂 爲 均 諸 僥 百 元豐 孫 道客 差。 萬, 倖 治天下不由 税 爲客,雖 富 琳 怨,所得不補所失。 之 者利 税之人。 而 始 興, 中, 貧 户,州縣觀望,虚 害, 私隱,崇告託, 百 議 者 補失陷之税。 平。 得 税 李琮追究 於 姓 急 方 何 户八 避役, 役皆 困 於 田 以 井 弊, 熙寧中, 售 地, 異 十 量 弊。 田 則 實召天 此? 步 餘 逃 終 田 以 則 萬, 絶, 畝 嘉祐 張 此三者, 昔宇文 無 吕 少 實 田 其數 張 寶之 歲 由 均 審 而 貧 惠 多 中, 子 得 虚 富 肥 税 得 卿 而

瘠

河内。

### 歷代漕運攷

漢

渭渠。

河。」《西都賦》:「通溝大漕,潰渭洞竣。」《西都賦》:「通溝大漕,潰渭洞竣,旁南山至河,中間隔灞、灌數大川,無安,旁南山至河,中間隔灞、灌數大川,無。」《西都賦》:「今渭汭至長安,陰入河。劉仲馮曰:「今渭汭至長安,以。」《西都賦》:「今渭汭至長安,以。」《西都賦》:「強溝大漕,

褒斜道,故道。

州梁泉縣。
功縣。出衙領山,北流至郿人渭。故道,今鳳領山,至南鄭人沔。斜水通渭,在京兆府武領山,至南鄭人沔。斜水通渭,在京兆府武

懷、衛二州之地。

東冶,零陵、桂陽嶠道

嶺。永州。桂陽郡,臘嶺。郴州。東冶,福州閩縣。零陵郡,南臨源

沮、下辨。

沮縣,漢屬武都,隋爲興州順政。 河水發源於此,一名沮水,今沔州。下辨其屬武都,西魏改同谷,唐爲成州下辨道屬武都,西魏改同谷,唐爲成州同谷。《續志》下辨東三十餘里,有狹,●中當水泉,生大石,障塞流水,至春夏輒溢。虞詡使人燒泉,生大石,障塞流水,至春夏輒溢。虞詡使人燒泉,生大石,障塞流水,至春夏輒溢。虞詡使人燒

斜谷。

褒,北口斜,長百七十里,其水南流。」武谷。」注: 「褒斜谷在長安西南,南口《郡國志》: 「右扶風武功縣有斜

● 「狹」,嘉慶本、道光本作「峽」。

三六七

功,今鳳翔府郿縣。

魄

陳項、壽春。

百里。 屯田 陳州宛丘縣有百尺堰。 尺二渠,上引河流,下通淮、潁。」《通典》: 百尺溝。 壽春,見前。《晋志》: 於此。」陳項,陳州宛丘、項城縣。 通典》: 郡縣志》: 「 潁 百尺堰在潁州汝陰縣 《隋志》: 州,魏汝陰郡,鄧艾 「脩廣淮陽、百 潁川郡北舞縣有 西北

晋

滍、淯水,楊口。

縣。 縣 魯 通 西北, Ш 典》: 定陵故 漢 東北至定陵入汝。 地地 南 城,在蔡州郾城縣西 「復州 人漢。 理志》: 沔陽縣,漢 雕故城,在 **滍水出魯陽** 北。 魯陽,汝 鄧 育水 雲杜 州 臨 州 湍 出 縣。 魯 縣。 酈 縣 Ш

即此也。」零廢、桂陽。餘里。內避長江之險,通零、桂之漕,杜預爲荆州刺史,開楊口,達巴陵徑千

三六八

石門。

石門謂爲滎口石門。」

水經注》

「祭瀆水受河水,有

千金堨。

運。 堨是都水使者陳協造。 開溝渠五所,謂之五龍渠。渠上立場, 揭,舊堰穀水,魏時更修。 生于金墉,決千金堨以灌之。 里,有千金堨。《洛 金渠。』」許昌,許州,今潁昌府許田鎮。 《水經注》: 永嘉元年,脩千金堨於許昌,以 河河 水歷堨東注,謂之千 陽 記 南 **>** 縣 日 積石爲堨, 城 東 劉曜攻石 千 + 金 五. 通

隋

蒲,陝,衛,汴,黎陽,汾,晋。渭水,廣

開

通渠, 陽。 陽。 至華 水,觀漕渠。 在 人河,謂之渭 萬 京兆 年縣 今潛州。 陰縣,東 蒲 在華 州 府 北 潼關 州 萬年 汾 河 五 北 了置廣 口 十里, 中 ,在華州華陰縣。 州。 -縣,隋 流 府 三十五 通 唐爲慈州。 東 汴 改爲 倉。 流 州。 里,自永豐倉 《隋紀》: 大 白 開 、興縣。 晋 四 封 州 府。 + 渭 幸霸 水, 里, 廣 黎 Ψ.

Ш 一陽瀆。

楚州 Щ 陽縣。 今淮安州

砥 柱。

禹 水 山 分流 治 ,俗名三門 泂 洪 陝 出 包山, 州 水, 其間 陝 Щ 石 有 Щ Ш 陵 縣, 見 當 在縣 似 今省 水中若柱然。 於門, 水 東北 者 人陝 破之,三 故 五 縣。 亦謂 十里。 有 穿既 底 又 門。 以 河 柱

困

學紀聞卷之十六

太宗 勒 銘。

通 唐 濟 渠, 穀、洛水,板渚,邗

溝。

水又 云 縣。 引 澗水,經苑中入于洛。 北,東入于瀍。 在 即 後屬孟州。 帝 縣 云 於王城之西,而 開 黄 開 浪宕與蒗 南二百五十步,今名通 東 導, 河 九域志》: 封 澗水西北流,注于穀水。《通典》: 洛 通 有 水 合 縣 典》: 西通 「汴州 以通 津 ~ ~ 汜 在 《蕩同。 謂之板 水, E 河、洛, 江、 周 城 有通 南 至 渠 汴渠 又 板渚、《水經》: 「汴水,古通濟渠也 語》「 之 淮 流 靈 也。」《隋 東 城 南達 南,穀 漕 合於洛 王 濟 逕 在 渚 穀、 運, 一時,穀 渠,隋煬 板 河 口 江 濟 志》 洛 兼引汴 在 城 南 淮 水。 渠 鬭 王 府 水 在 北 T 榖 在 \_ 盛 城 帝 河 隋 水 河 州 浚儀 水, Ш 注 之 開 注 河 出 陰 煬 汜 本 海 陰

三六九

渠廣四十步,自楚州寶應縣北流 廣 陽湖,西北至末口入淮,通糧道也,今 注 水。 陵 云 韓江是。」隋開邗溝,自 左 「於邗江築城穿溝,東北 傳 \* 吴 城 邗 溝 山陽至揚子人江。 通 江 通 淮 射

永濟渠。

濟渠。」今省爲鎮,人臨清縣 國史志》: 「大名府永濟縣有永

東萊海 口

至 海 五十里,東南至海二百五十里。 東萊郡萊州,西至海二十九里,北

倉,太原倉。 三門, 河陰,柏崖,集津倉,鹽倉。 含

渭。 八里,爲 三門 裴耀 Щ 陸 卿 見 運 於三門 前 以 砥 避 柱。 其 東  $\wedge$ 險, 地 西 置倉, 理志》: 卒 泝 河 開 Щ 而 + 河 人

> 置集津之運,轉關中之粟,以給大梁。」李 至陝運 縣三 倉。 險。《九域志》: 津至三門,鑿 爲含嘉倉出納使。 置柏崖縣,尋省,有柏崖倉。 三門、集津遺迹。」曾子固曰:「宋興承周 自含嘉倉轉運,以實京之太倉。 太原倉。」《六典》: 南 府 門 會昌三年屬孟州。 河 西 於陸,自陝至京運於水。」楊慎名 陰 [有鹽· 縣 開 陝州平陸縣三門、集津鎮 Щ 倉,東有集津 劉晏移書曰: 元二十二年 開 車道,以避底 河清縣,咸亨四年, 「東都曰含嘉倉。 -, 置領 倉,陝縣 陝州平陸 「陝郊見 泌 自洛 柱 自 河 之 制 集 有 陰

**強水,望春樓,廣運** 潭

東有 望春宫,臨渡 苑西引渭水,因石渠,會灞、渡 廣 地 運 理 潭。 志》: 水, 華 西岸 州 「京兆府萬年縣有 華 陰 有 北 縣 望春宫, 有 漕渠, 一,經廣 宫 南 運 自

春。」 必據 潭至 苑東南高原之上。 高明,燭幽隱 縣 自華陰永豐倉以 人渭。 天寶三 所 通 姚南仲日 河渭。 以 載, 因 韋 望 龍 堅開 春 首 樓 而 ○」≪會 王 在 建 者 望 禁

上津,扶風,洋川。

梁洋。 置館。 翔府。 運至扶風。 商州上津縣。 洋川郡洋州。 梁州,興元府。 自襄陽取上津,路抵扶風,德宗治上津 汴水堙,廢漕運 泝江、漢而上至洋 漢長利 縣。 一,自江 扶 風 jij 漢 郡 抵 鳳 陸 道

汴水,梁公堰。

年,李傑奏汴州東有梁公堰,堰破漕梗,發汴、鄭丁增築漢古堰,遏河入汴。」《會要》: 開元二里,又名梁公堰。 隋開皇七年,使梁睿里,又名梁公堰。 隋開皇七年,使梁睿

夫浚之。省功速就,刻石水濱,紀其績。

甬橋,渦口,蔡水。

河。 州鍾 合。 閔河爲惠 南爲閔河,東南爲蔡河。 歷陳潁,達壽 導閔水,自新鄭與蔡水合,貫京 州浚儀縣有蔡水。」《九域志》: 儀十里,人琵琶溝,絶蔡河,至陳 江、淮 建隆元年,浚蔡河,設斗門。二年, 李勉治蔡渠,引東南饋。《通典》: 離縣九十里。 甬橋,在宿州 漕運,自 民 河。 春,以 淮人汴, 與蔡河一 符離 杜佑以漢運 通淮右之漕。 縣。 水。 開寶六年,改 以 渦 李泌 甬 祥符縣 橋 路 師 在 以 爲 H 州 出 有蔡 南 汴 咽 西 浚 濠 而

金、商運路。

十一里。商州,去西京三百里。」《通典》: 「金州,去西京九百九

三七一

渭橋,東渭橋

注 南。」 三里。」東渭 在咸陽縣東南二十二里。」「渭水南 長三百八十步。」《郡縣志》: **渭橋、**三輔故 渭 橋、本名横橋、在咸 橋, 在萬年縣 事》 東。 秦昭 「中渭 陽 後漢 王作 縣 去縣 東

揚子院,淮陰,項城,潁,溵。

志》: 陽乾 楚州。 潁川陽城少室山,東入潁。] 高 駢 奏改揚 山,東至下蔡,入淮。 揚州揚子縣,今屬真州。 項 陳州溵水縣。 城縣 子 陳 院爲發 州。 今改商水縣。 運使。 潁水 廣明一 溵水、《 出 淮 陽 元年, 陰 水出 城 唐 縣

後周

汴水埇橋,見前。泗上。

《漢志》有兩泗水,其一自乘氏至

泗上,今招信軍相對泗口也。 睢陵入淮,又一水卞縣至方與入沛

五丈河。

之荷澤。 河,以便東北漕運。 京、索二水通城壕,人斗門,架流于汴,東匯于五 方之漕。 都城北歷曹、 京城之西,夾汴河, 五丈河, 《九域志》: 建隆二年,浚五丈河,命陳承昭 濟 開 造斗門。 以京、索河爲源、《禹 及鄆,其廣五丈,以通 寶六年改爲廣 在祥符縣、東明縣 自滎陽鑿渠百餘里,引 濟 河。 自 東

蔡水。見前

蔡曰 淮。 浚,分蔡河之水,自爲一支,由潁、壽 四 以 年,知陳 通陳、潁之漕,蓋古琵琶溝 楊侃《 汴。 蔡河貫京師, 通 皇畿 州胡宗愈,議古八丈溝 江 會 賦 海,縈畿帶甸。 兼閔水、 万天 洧 設二渠,日 也。 水、 千 元 潩 可 倉 人 開 祐 水

是興,萬庾是建。」

原武。

原武縣,屬鄭州。

兩漢崇儒攷

然後從政。」《皇覽》曰: 魯,以太牢祠焉。 書,至於漢二百餘年不 弟子内,後世因 於孔子冢。 奉祠孔子冢,而諸 室,因命曰 漢高祖十二年,過魯,以太牢祠孔子。 上,弟子及魯人往從冢 十三步,高 里,冢塋百畝,冢南 史記世家》: 孔里。 一丈二尺。 孔子冢大 廟,藏孔子衣冠琴 諸侯卿相至,常先 儒 魯世世 孔 亦 北廣十步, 絶。 頃。 冢前以 講 而 子 「孔子冢去城 家 禮 相 葬 高 傳 者 故所 鄉 魯 瓴 皇 以 百 飲 城 甓 東 帝 居堂 歲 有 北 大 爲 西 謁 调 車 射 時 餘 泗

> 祠 各持 樂,絃歌之音不絶。 閩,北門去洙水百餘步。1《孔叢》曰: 城東北十七里。闕里背洙、泗,牆南北 名其樹者。 籍,舉兵圍魯。魯中諸儒尚講誦,習禮 廟遇火燒之。 車於廟中,是顏路所請者也。 『夫子墓塋方一里。』 魯人藏孔子所乘 「《從征記》曰: 塋中樹以百數,皆異種,魯人世世無能 一百二十步,東西六十步,四門各有一 壇,方六尺,與 其 (方樹 民傳言,孔子弟子異國人, 來 《儒 種之。」《水經注》云: 『洙、泗二水,交於魯 地平。 林 傳》: 豈非聖人之道化 本無 高帝誅 祠 獻帝時 石 項

年,爲博士置弟子。

武帝建元五年,

置五經博士。

元朔五

好禮樂之國哉!

晋灼曰: 「西京無太學。」公孫弘

三七三

三七四

漢

表》:

殷

紹嘉侯

在

沛

郡

褒

晋灼以漢初言、《黄圖》記武帝時。 西北 地, 咸舉幡太學下」,則有太學矣。或曰: 東、杜門之西。」「何武 也。」《三輔黄圖》: 日 則 七里。」《 太常也。 請 因 舊 關 官 傳授之師,則五 中記》: 而 「漢太學,在長 興 歌太學下」,「王 焉。 「在安門之 其 肄 經 習 博 安 土 之

宣帝甘露三年,詔諸儒講《五經》同異

於石渠閣

關所得秦之圖籍。」 何造。其下礲石爲渠以導水。所藏人殿北,藏祕書之府。《黄圖》云:「蕭殿北,藏祕書之府。《黄圖》云:「蕭

成帝綏和元年,封孔吉爲殷紹嘉侯。 匡

衡、

梅福以爲宜封孔子世爲湯後。

劉向説上宜興

辟

平帝元始元年,封孔均爲褒成侯。廳,設庠序。 未作而罹。

世祖建武五年,初起太學,帝還視之。 信傳》: 「平帝時,封孔均,追謚孔子 爲褒成宜尼公。建武十三年,復封均 子志爲褒成侯,子損嗣。永元四年,徙 子志爲褒成侯,子損嗣。永元四年,徙

明帝永平二年,瘟辟难,亍大肘贅老十九年,又幸太學。 中元元年,起辟廱。

禮。十五年,至魯,詣孔子宅。明帝永平二年,臨辟雍,行大射養老

子六十二人。 十二弟子於闕里,作六代之樂,大會孔氏男《五經》同異。元和二年,至魯,祠孔子及七

闕里,還幸太學。

安帝延光三年,祀孔子及七十二子於

《洛陽記》:「太學在洛陽城,故里 還幸太學」

開 故魯城中 六年,並臨辟雍。 和帝永元十四年,順帝陽嘉元年、二年,靈帝熹平 月、九月於中 廣三丈。」《 三百步,車駕 一百步。」《 泗,矍相 陽 門 外, 歸 (漢官 述 去 圃之東北 德門内,闕里之中,背洙 行大射禮。」永平四年、八年, 臨 孔子宅,在兖州 征 宫 儀 八里。 辟雍、從北門人。 記 \* 也。 一辟 講 在 梅福 堂長十丈, 雍 或 曲阜縣, 去 子 學 明 日:  $\equiv$ 堂 東

也。 年,韶州縣學皆作孔子 郡縣學校行鄉飲,祀孔子,猶未 「今仲尼之廟,不出闕里。」永平二年, 二年,始 梁天監四年,初立孔子廟。唐 詔 國子學立廟。 廟 北宫白 貞 觀 立 虎 武 廟 四

十房,千八百五十室。 順 帝永建六年,脩繕太學,凡造二百 四

門,於門立觀

碑南 壞。 云 東。 永福城門,臨觀其儀。 徒十一萬二千人。 永建六年九月,詔修太學,用作 面 石經東有 『建武二十七年,造太學,年積 水經注》: 刻 頌。」靈帝初平四年,●太學行禮,幸 光和五年,幸太學。 碑, 漢 陽嘉元年,作 陽 置太學於國子 嘉 八 年 立, 畢。 毁 堂 文

刻 石立太學門外。

靈帝熹平四年,詔諸儒正《五經》文字,

面

蔡邕自書丹於碑。』《洛陽記 碑,載《五經》,立於太學講堂前 丈許,廣四尺。」 《水經注》:「光和 六 年,刻 東側。 石鏤

0 平」爲「熹平」之誤 年」事,而「光和」係靈帝年號,時序在獻帝之前,疑「初 本改「靈帝」爲「獻帝」。 「靈帝初平四年」,考「初平」係獻帝年號,嘉慶本、道光 按下文緊接上文述「光和五

謚

玄聖文宣

年,尊爲宣父。武后封 唐 魏 侯。 嗣,詔封宗愿爲 至 宋太平興國二年,孔宜襲封文宣公。 開 觀 二十七年,謚爲文宣王。宋祥符元 文帝仍舊封,煬帝改封紹聖侯。 爲恭聖侯。 珍,爲崇聖侯。 幸魯,親祠孔子廟,改封二十八世孫 乘,爲崇聖大夫。 魏 太和十六年, 謚孔子曰文聖尼父。 和二年,祖無擇言不可以祖謚加後 元二十七年,以孔子後爲文宣公。 十一年,封裔孫 貞觀二年,升孔子爲先聖。 文帝 後 晋封二十三世孫震,爲奉聖 黄 魏 初二年, 延 周武帝改封鄒國公。 興三 衍聖公,今世襲。 北齊封三十一世孫, 封 年,封二十七世 太和十九年,孝文 德倫,爲褒聖侯。 孔羨爲宗聖侯。 隆 道公。 + 唐貞 開 隋 後 元 孫 亭

王。五年,改謚至聖。年,幸曲阜,謁文宣王廟

學紀聞卷之十六

困

# 困學紀聞卷之十七

魂》「轉蕙」、「氾蘭」,是爲二草,不可合爲一。

浚 儀 王應麟 伯厚甫

評文

爲一家,而稍與經分。」
汪彦章曰:「左氏、屈原,始以文章自

敢謂之不明也。太史公《列傳》曰:「王之以堯、舜之耿介,湯、禹之祗敬,望其君,不又不寤。」以楚君之闇而猶曰哲王,蓋屈子又不寤。」以楚君之闇而猶曰哲王,蓋屈子

零陵香也。然《離騷》「滋蘭」、「樹蕙」、《招夾漈《草木略》以蘭、蕙爲一物,皆今之

不明, 豈足福哉?」此非屈子之意。

江離、《史記》索隱引《吴録》曰「臨海海水中生,正青,似亂髮」、《廣志》爲「赤葉紅華」。今芎藭苗曰江離,緑葉白華,又不同。 「藥對》以爲麋蕪,一名江離。芎藭、藁本、江離、 「藥對》以爲麋蕪,一名江離。芎藭、藁本、江離、 「藥對》以爲麋蕪,一名江離。芎藭、藁本、江離、 「藥對》以爲麋蕪,一名江離。芎藭、藁本、江離、 「藥對》以爲麋蕪。「郭璞云:「江離似水齊,今無 當之者,然非麋蕪也、《藥對》誤耳。」」、《楚辭補注》、《集注》 皆缺。《讀詩記》董氏曰:「《古今注》謂勺藥,可離。《唐 本草》可離,江離。然则勺藥,江離也。」

可爲」,偏聽之害也。德宗似之,故陸贄、陽決一石顯。「聲有隱而相感兮,物有純而不蔽之患也。元帝似之,故周堪、劉更生不能蔽之患也。元帝似之,故周堪、劉更生不能

城不能攻一延齡。

宋玉《釣賦》「宋玉與登徒子偕受釣於宋玉《釣賦》「宋玉、料問》「陽春白雪」、《集》云:「洲」。宋玉、對問》「陽春白雪」、《集》云:「險陽白雪。」見《文選・琴賦》注。

謂 用 姚,與《左氏》不合。」洪慶善曰 ,羿、澆等事,正與《左氏》合。 劉安説耳。」 劉 總《辨騷 × 班 固 以爲 孟 羿、 堅所 澆、二 離 云,

抱。 義 曹 同 賢。」荀爽《女誡》曰: 才美辭, 不 車 植 行 七歲之女,王父不持。 《矯志詩》 藝文類聚》鑒 親 此乃 程曉《女典》 非 兄弟,不與 蘭 日 形棘心,玉曜 誡 「道 類,多格言法語。 日 同 「七歲之男,王 筵。 遠 親非父母,不 知 麗 非禮 瓦 驥 色妖 質。」姚信 不 世 動 母 僞 與 高 非 不 知 如

銘: 不爲 不徒語也,必 忽 語。」徐勉《與子書》曰: 首 出 日 厚更 顔 子》曰: 之爲,險易不虧,終始如一。」諸葛武侯《誠 氣昏。」卞蘭《座右 而 安身論》曰: 時 誡 一,行詳 略 ,謹爲行基。 志 延之《庭誥》曰 子》曰 過不可還,若年大不可 不壯, 以 貧。 福先,不與禍 「仲尼 棄 論德則 乃 \_\_ 日 閉 非 貧而 動。」羊祜《誠 是遵。 情 學 「古人行善者,非名之務 經於理。不苟求 吾 非 無以 無 塞 行不高。」王 君子不妄動 徒 薄 傳 欲, 銘》 棄日 説 鄰。」司馬德操 廣才, 無 不經之談,無 性明者欲簡 老氏 日 謂 居 ,乃是棄身。」王 子》 坳 「見賢思齊, 則 非 「求高 少也。 所 一脩《誠 冥, 吾 也,必適 志 珍。」 貧 無 處 也,必造於 聽 以 獨若 反墜, 子》 《誠子 言思 周 恭 成學。」 毁 勿 嗜繁者 於道。 不 譽 以 非 爲 日 粲 宜 之 薄 務 Ä 德 乃 之

崔子玉之銘,見於史傳、《文選》者,不復紀。家之法。若馬援、王昶之誠,張茂先之詩,有欲者不能濟其欲。」凡此,皆可爲治心齊於自私,而興於有欲。自私者不能成其私,義。不虚行也,必由於正。憂患之接,必生

深」,「平子淹通,則慮周而藻密」。 趣昭而事博」,「子雲沉寂,則志隱而味生俊發,則文潔而體清」,「子政簡易,則生俊發,則文潔而體清」,「子政簡易,則

書》作「團」。

瓊,赤玉也。《雪賦》「林挺瓊樹」,注以帶。嘗觀《楊荆州誄》「謂督不忘,即《微子之命》曰:氏》「謂督不忘」,「執友之心」,不引《由氏》「謂督不忘」,「執友之心」,不引《由子、謂督亦言。」,不引《由子、謂督亦言。

韓文公《曹王皋碑》云:「王親教之摶

勾卒也。搏力,必秦法,未見所出,《新唐注云:「鉤伍相著,别爲左右屯。」此即謂法云:「鉤伍相著,别爲左右屯。」此即謂語》、《世家》皆無「摶力勾卒」之文。愚按:力勾卒嬴越之法。」《考異》謂《秦紀》、《越

文公語出於此,不必改爲「椎」。二人從軍。」索隱云:「什中推擇二人。」●之稱。按《史記•秦始皇紀》:「王翦什推之稱。按《史記•秦始皇紀》:「王翦什推

尼、顏子也。《緯文瑣語》云。也。」蓋用佛書「三聖弟子」之説,謂老子、仲也。」蓋用佛書「三聖弟子」之説,謂老子、仲也。」蓋用佛者曰:「孔子吾師之弟子

詰風伯雨師。」韓文公《訟風伯》,蓋本於此。曹子建《詰咎文》:「假天帝之命,以

● 「推」,原作「唯」,據嘉慶本、道光本改

三八〇

點爲大癡。」 士劉披賦》:「古語有之,小癡爲大黠,小士劉披賦》:「古語有之,小癡爲大黠,小

喻良 陽詹之行,獲稱於昌黎, 有薛令之、林藻。」攷之《登科記》,信 始。」史因之。 能爲文以辨。 歐陽生哀辭》: 黄璞《閩 而見毀於黄璞《太原 川名士傳》: 閩 人舉 進 伎》。 士 然。 「其 繇 黄 介 前 詹 歐

太行之陽有盤谷,在孟州濟源縣。

恐。 合; 柳 不肯爲 柳以封禪爲非,而韓以封泰山 韓、柳並 謂 師 史有 , 稱 人禍天刑,而 而道不同 韓 闢 佛, 而 鏤 韓作《師説 柳 柳 玉 謂 牒 謂 勸憲宗。 佛 刑 與 禍 聖人 非 》, 而 所

表》六首,皆崔元 亭記》,見於《獨 《爲裴令公舉裴冕表》,邵説作; 文多有非子厚之文者: 孤及集》; 翰作, 貞元五 合百 年,子 官請 ^ 馬 厚方十七 復 退 冕,大曆 尊 Ш 茅 號

> 事; 四年 軼 蝦蟇詩》,韓文公有答,今亦不傳,則遺文散 以揣其鈞 非特《外集》也,劉夢得《答子厚書》曰 類 韋籌作。」《愈膏肓疾賦》,晏公亦云「膚淺 譽》、《咸宜》三篇,晏元獻云: 後,亦他人之文; 盗 苑英華》乃林逢; 多後人妄取他人之文,冒柳州之名者。 李吉甫《郴州謝上 獲 多矣。 柳文」。 雖 薨。 新文二篇,且 除 《代裴行立 八年,子厚始生。 ,百姓之瘡 石銖黍。』」此書不見於《集》。《食 宋景文公謂《集外文》一卷,其中 戲 表》也 謝移鎮表》,行立 《第 《柳州 痍未合」,乃穆宗、敬宗 余 《請 日 : 四表》云「兩 聽 謝上表》,其一乃 《舜 『將子爲巨 政 第三表》,《文 禹之事》、《 「恐是 移 河之寇 博 鎮 衡, 然 謗 在

鄱陽志》,元藇也。艾軒《策問》以爲元次《答元饒州論春秋》,又《論政理》。按

 $\wedge$ 

山。次山不與子厚同時,亦未嘗爲饒州。

《平淮夷雅》「其佐多賢」,出《説苑》:

「涣其群元吉者,其佐多賢矣。」

《饒孝女碣》,旌其里閭,不言娥死。子厚失《饒娥碑》,按魏仲兕大曆間樂平令。作

於傳聞,而史承其誤。

《游黄溪記》,做太史公《西南夷傳》。

皇甫湜《悲汝南子桑》,倣《莊子・天運》。

皆奇作也。

「第五兄參元教之學。」 「與弟季參元,俱以詞場就貢,久而不調。」 「與弟季參元,俱以詞場就貢,久而不調。」 商隱《樊南四六》,有《代王茂元遺表》云: 廉名者皆畏忌,不敢道足下之善。」嘗攷李 樂名者皆畏忌,不敢道足下之善。」當攷李

而明,非唐人所及也。

久矣,聞之韓祭酒之言曰:『善蓻樹者,必沈亞之《送韓静略序》曰:「文之病煩

《老戒詩》:「我有白頭戒,聞於韓侍郎。」皆文公緒言也。壅以美壤,以時沃灌。」」祭酒即文公也。白樂天

驢九錫封廬山公,雞九錫封浚雞山

子。」《毛穎傳》本於此。

說引。「下記、**」**」。謂:「子長在筆,予長在論持矛舉楯,卒莫

劉夢得文不及詩、《祭韓退之文》乃

能困。」可笑不自量也。

鄭亞《會昌一品集序》云:

一周

、勃、霍

柳無稱於事業,姚、宋不見於文章。」其言簡善爲文章,而不至巖廊。」歐陽公曰:「劉、光,雖有勳伐,而不知儒術, 枚皋、嚴忌,

不掇,冠挂不 不顧,履遺 不息。」《淮南子》云: 魏鄭公《砥柱銘》: 而 顧。」 不 取。」《鹽鐵論》云: 「禹之趨 「挂冠莫顧,過 時, 冠 簪 挂 門 而

梁簡文《誡子當陽公書》曰:「立身之

道 見。」放蕩其文,豈能謹重其行乎? 蕩。」斯言非也。 ,與文章異。 立身先須謹重,文章且須放 文中子謂: 「文士之行

傳》華子魚宿人門外,皆因所宿之家生子, 之期。」按《搜神記》陳仲舉宿黄申家、《列異 久記玄録之歲; 而 夜有扣門者言所與歲數 又《大同哀辭》曰: 華歆所聞之語,已定北陵 「陳蕃所憩之家,

弱之風也。 飛,楊柳共春旗一色。」王勃傚其語,江左卑 庾 信《馬 射 賦》云: 「落霞 與 (芝蓋 齊

班 孟堅《典引》師其意,南豐説非異 岑文本《 擬 劇秦美新》,雖 不作 師 其辭。 可 也。

成 選》。」又訓其子「熟精《文選》理」,蓋選學自 謂之文選學。 一家。江南進士試《天雞弄和風詩》,以 李善精於《文選》,爲注解,因以 少 陵 有 詩云: 續兒 講授, 誦《文

> 日: 爾雅》天雞有二,問之主司。 「《文選》爛,秀才半。」熙、豐之後,士 其精如此,故

^

以穿鑿談經,而選學廢矣。

卿。」范文正《靈烏賦》曰: 元次山惡圓,曰: 「寧方爲阜,不圓爲 寧鳴而 死,不

默而生。」其言可以立懦。 李義 Ш 賦 怪物,言佞魖、讒醜、貪魃,曲

盡 樂於榮啓期,健於衛叔寶。」達人之言也。 小人之情狀,螭魅之夏鼎 白樂天云: 「壽於 顔 回, 也。 飽於伯 夷,

多言。」本《鬼谷子》: 劉夢得《口兵戒》: 「口可以食,不可以 可可 以多食,勿 以

秋、儲無以競巧。」弈秋,見《孟子》。儲字未 ^ 文選•安陸王碑》云: 「弈思之微,

<sup>「</sup>壽於顏回」上,嘉慶本、道光本有「富於黔婁」。

詳,蓋亦善弈之人,注謂「儲蓄精思」,非也

秦少游、張文潛學於東坡,東坡以爲秦

得 吾工,張得吾易

《詩》「摰仲氏任」。 州 本元次山《出規》「豈無印綬,懷之未煖 以木氏郡」。司馬公《保業》云「懷璽未煖」, 冉溪」。 .嚴」,本柳子厚《愚溪詩序》「姓是溪 荆公《潭州新學詩》「仲庶氏吴」,本 子厚之語,又出於《水經注》「豫章 吕太史《釣臺記 》「姓是 日

吕向 雖伏,豈齊仁獸?」 要非祥也; 上疏: 張文潛《送李端叔序》: 「鴟梟不鳴、未爲瑞鳥、 豺狼不噬,要非仁也。」本於唐 「梟鴟不鳴, 猛虎

顛沛?」謂《靈棋經》也。《異苑》云: 兮,棋十二而 晁無咎《求志賦 出自張文成,受法於黄石公。 屋羅; 日 由 「訊 小基大兮, 黄石以 吉 何有 **M** 

用兵,萬不失一,東方朔密以占衆事

文,字字不苟如此,讀者不知其 崔氏言笑不聞于鄰,見柳子厚文。 公主不識刺史廳屏,見杜牧之文。 識 廳屏,笑言不聞鄰里,是職然也。」唐 荆公爲《外祖母墓表》云:「女婦 用 荆 薛 巽 居不 岐 妻 陽

《老蘇集》。 甫作也,編於《朱文公集》。皆誤。 於《米元章集》。 《大樂十二均圖》,楊次公作也,編於 。《蠶對織婦文》,宋元憲作也,編 《三先生論事 録 序》,陳 司

之巧言。 上之得意異矣。 丘宗卿謂場屋之文,如校人之魚,與濠 慈湖謂文士之文,止可謂

龜》。 迹。 景德二年,命王欽若、楊億脩歷代 周益公記《文苑英華》云: 六年上之,凡千卷,詔 曰 「太平御覽」, 題 日 日《 「太宗詔 册 府 府 君臣 元

事

脩

詩

編録。 校。 龜 二年, 之未詳也。 皆太宗時。 月,宋白等進《文苑英華》,有表,有答詔,當 覽》脩於太平興國二年,《英華》脩於七 太宗脩三大書,其一乃《太平廣記》五百卷。 載于首卷。 又以前編次未允,令擇古賢文章, 日 命覆校。」皆當備 ^ 芟繁補闕,换易之,卷數如舊。 文 苑 《太宗實録》: 若《元 真宗 英 華 景 龜 ×, 德 》乃真宗時 各 四 載 一千 年 於纂脩事始之後。 八月, 「雍熙三年十二 卷。」今按《御 脩,益 詔館 祥符 公攷 重 閣 年, 加 分

有 要皆變化馳騖,不失古人之法度。」蓋 詞 興 林 夷 有 賦 都》比 隆 I 序 班 學 》得 拙,學有博 孟堅《兩都 也 有粗 此 意。 密」之意,然所取 陋,氣 賦序》,迂 按《 中 有强弱,思 興 賦 齋 序 謂 墨云 乃 唐説 律 有 齋《中 賦 用 淺 非 「道 雖

澹庵云: 「韓安國不能《几賦》,罰酒

賦,豈足以盡豪傑之士?」三升, 王子敬詩不成,亦飲三觥。

愧。 也 大勢之所趨,天地鬼神不能易, 書,而後足以當君子之論。」又 一。」此龍 天下 ][[ 不 科舉之文,列於古之作 可 以 無 此 人, 亦 不 日 而易之者 可 者 以 天 無 而 下 無 此

也。 載 列於《選》。 時  $\wedge$ 集古 時 示 録 同 今攷《文選》 跋》 ^ 文章正宗》謂 謂  $\stackrel{\cdot}{\sim}$ 樂 毅 無此二篇, 論》 與《文選 崔 **是**《 政 論 所

非禾絹 政 胡 權 公,士師: 母大張 ,奏無不可。 誠 士師也。」《 齋 非主上 秦。」 爲《章 之士 禾 時 · 燾 墓 宋 絹 人 師 語日 明帝紀 謂 銘 也 \*\frac{\times}{\times} 上 也 禾 一今日 蓋 網閉 「胡 謂 秦 母 眼 士 檜 顥 師 顓

占,《論交詩》,則指吕吉甫。此孫仲益之州長渠,則指水利,《兵間詩》,則指徐德

言也

文章之難。

文章之難。

文章之難。

文章之難。

文章之難。

文章之難。

文章之難。

文章之難。

碑》用此四字。 菌雞卜,神降福兮公壽考。」東坡《韓文公惠雞卜,神降福兮公壽考。」東坡《韓文公惠雞》曰:「犦牛牲兮

權。」元祐間已有此語矣。 皋誌》,言交子云:「紙幣之設,本與錢相通上下皆用,猶紙錢也。按范淳父爲《郭子通上下皆用,猶紙錢也。按范淳父爲《郭子

東坡得文法於《檀弓》,後山得文法於

《伯夷傳》。

楊植《許由廟碣》云:「堯而許之,日

經邦』。」晁子止云:「不知《書》有『論道『論』字。」晁子止云:「不知《書》有『論道《文心雕龍》云:「《論語》已前,經無

崔駰《西巡頌表》曰:「唐、虞之世,樵人,可以爲法。《易》曰:「白賁无咎。」鏤板行于世。識者多非之,此顔之推所謂鏤板行于世。識者多非之,此顔之推所謂

文云「壤翁轅童」,皆本於崔、班。歌,有應風雅」,柳子厚云「擊轅拊缶」,宋景歌,有應風雅」,柳子厚云「擊轅拊缶」,宋景夫牧竪,擊轅中韶,感於和也。」《班固集》:

下敵禽鍾室誅。」《儆舟》云:「越子膝行吴賜,斯既帝秦五刑具。長平威振杜郵死,垓劉夢得《歎牛》云:「員能霸吴屬鏤

三八六

李園 君 忽 《唐書·姦臣傳贊》亦然 "晋宣 養士春申易。」文法 居 魏 臣 怠。 傚 白 漢 公 書 厲 劍 蒯 子 通 西 等傳 哂

理 意 維 以 順 當 乃 文 張文 傾 即 爲 寫。 Ė, 潛《論文詩》 馬 妄 理强 説 即 意 日 虚 乃 假。 勝, 氣 文 氣 如 盛 以 決 文 意 如 爲 江 駕。 車, 河,

章病。 觀。 然 奇語,故後生立論 章 工。」此語亦是沈、 一之難 出 《文鑑》取此 群拔萃。」 山 但當以 云: 谷《與王 二書 張文 理爲 意 觀復書》 翻 謝 如 主, 潛《答李 空而 此。 輩 爲 理 日 易奇, 得 好 儒 推 作 而 林 宗主 官 奇 辭 文徵 劉勰嘗 書》 語 順,文章 自 時, 實 可 以 是 好 論 而 參 自 文 作 難 文

> 跖、 《淮 氏 飴 1南子》。 日 春秋》: 蹻得飴,以開 柳 下 可可 牡,門户籥牡。 惠 以 見 仁 黏 飴 閉 人 牡。 日 取 得  $\wedge$ 揵 飴 左氏 見 也。 可 物 以 博 以 同 養 養 議》用此。 加 疾 老。」盜 用 侍 之 老 異。 也 跖 ≈ 吕 見 出

政矣。 矣。」《文鑑》唯載《逸黨》、《許希》二詩。 愧心矣。 則禮義不壞矣。 後 車詩》,則不 司馬公序顔 觀 觀其《 其《望 忘鑒 仙 同 觀 太 州題 驛 其《 戒 初 記 矣。 ×, 名 哭 醇之文曰: 則 記》,則守 友人詩 觀其《逸 守 長 不 長 事 則 黨 知 酷 觀 厨 詩 傳 吏 其

薄, 飲 不 食、 高大爾,是亦樓 日 絜齋先生爲樓,名以「是亦」,曰: 貨 財 「直不 隷 役, 高 顯 亦 也。 爾,是 莫 以 不 至山 然。 亦 仕 石花木、 至 也。 於 凡 宦 身外 情 衣 服 直

● 「理維當即止」,嘉慶本作「理當文即止」。

古人而與俱。 並 之物,皆 廣大高 可 明,我固 以 敢也。」 寡 若徒儕於凡 求 有之,朝 丽 易足。 庸,而曰是 夕磨厲, 惟 此 身 必 與 亦人 欲 天 追 地

爾,則吾所不

乎? 亂。 崇寧間,陳了翁與蔡長沙之所争者,曰治與 不特是 如司馬温公與王荆公之所争者,曰是與非。 靖康間,李丞相與耿門下之所争者,又 鄧志宏《與胡丞公書》曰: 非、治亂、安危 而已,其存亡所 「熙、 豐間,

陽見 康居求活。」北漢鄭 子族,李德裕《紀聖功 作史者因而舛誤。 令以圖安,依康居 漢書》郅支事也。 聞 唐五代之際,以文紀事者多用故事, 録》 虜 俗 珙卒于契丹,王保衡《晋 而《舊史》云: 回鶻烏介可汗走保黑 而求活。」所謂 雖不飲酒, 碑》云: 「烏介并 如韋 康居, 「烏介依 一曜者, 用 丁 車 丽

> 人説夢 北使。 亦加灌 路 振 九國· 注。」 也。 曜不 志》云: 韋曜, 能飲酒, 即 虜人强之。」此 吴孫皓 高 祖鎮 時 河 韋 東, 昭 殆 命 也。 類 韋 癡 曜 而

困學紀聞卷之十七

道 光本作「取」。

## 困學紀聞卷之十八

浚 儀 王應麟 伯厚甫

評詩

明欲仕則仕,不以求之爲嫌, 真。 卿爲贊,羅端良爲記,皆發此意。 雞黍以迎客。 不以去之爲高。 閑情 乞食》,何傷 此中有真意,欲辯已忘言。」東坡云: 汲 陶 淵 汲 杜子 魯 明 詩 中叟, 於 美譏其《責子》,王 古今賢之,貴其真也。」葛 日 飢則 月乎? 羲農 彌 扣門 縫 去我 使 而求食,飽 其 《述酒》 久,舉世 淳。」又 欲隱 摩 蕭 一篇 詰 統 則 議 疵 則 少 日 隱, 復 之 其 其 魯 具 淵

意,惟韓子蒼知之。

傳》: 按: 佐名 輒投錢於水,其 州。 《風俗通》曰: 詠貧士》詩云: 「故南陽太守黄子廉之後。」 朝辭 清可見矣。」《吴志 吏歸, 「潁川 「昔在黄子廉, 清 貧 黄子廉, 略 難 儔 . 每 黄 飲 彈 冠 馬

中。 高」爲「桑」、「宫」爲「巷」。 陶 (古辭 淵 明《歸 ×  $\mathbb{H}$ 雞 袁 鳴 詩》二句 高 樹巔,狗 傚 此, 吠 唯 深 改 宫

志》。 州。見《章皋傳》。蓬婆山、在柘州。見《元和郡縣博雲間戍、更奪蓬婆雪外城。」的博嶺、在維博雲間戍、更奪蓬婆雪外城。」的博嶺、在維

焦遂事蹟,僅見于《甘澤謡》。《飲中八仙》,其名氏皆見于《唐史》,唯

域志》、《興地廣記》。本崤縣,唐改爲硤石,熙寧六年省爲《石壕吏》,蓋陝州陝縣石壕鎮也。見《九

山谷所謂「論詩未覺《國風》遠」。 曰:「雖則如燬,父母孔邇。」此詩近之。 《新安吏》「僕射如父兄」,《汝墳》之詩

爲之諱。公議之不可掩也如是。 一之隱, 昌黎善柳子厚,而《永貞行》一詩不之隱, 昌黎善柳子厚,而《悲陳陶》一詩不爲

園

也

鄭 宰輔事,誤矣。 屬,故云: 門省,故云黄閣。少陵爲左拾遺,亦東省之 時年三十二。」給事中屬門下省,開元曰 獨妙年。』《舊史‧嚴武傳》:「遷給事中, 稱給事中爲閤老也。 肅、韓依曰: 《贈嚴閣老詩》: 「官曹可接聯。」近世 《通鑑》: 『二閣老不用封敕。』」此唐 「扈聖登黄閤,明公 三王 涯 謂 一用此 給事 詩 中 爲 黄

王無功《三月三日賦》: 「聚三都之麗《公安送李晋肅入蜀》,蓋即李賀之父。

人。」「長安水邊多麗人」語本此。

渡。 鎮州獲鹿縣,即井 渡河,圍衛州。 地蓋在衛州汲縣,非長安曲江池之杏 「土門壁甚堅,杏園 董秦爲濮州刺史,移鎮 脛關 也。 度 亦 郭子 難。」土 儀 自 門 | 杏園 杏 口 園 在

夷、阿等之類,皆語之次第稱謂也。幼次第呼之。丈夫稱阿謩、阿段,婦人稱阿幼次第呼之。丈夫稱阿謩、阿段,婦人稱阿《示獠奴阿段》,《北史》獠無名字,以長

李尚書之芳,攷諸《唐史》,之芳,蔣王

蕃 惲 陵 詩 ,被留二歲,乃得歸。 之 有「奉使 孫 失張 廣 德 初 騫,史閣 詔 拜禮 兼 行人在」之句 御 部 史 尚 大 書。 夫, 故 使 小 吐

文章有神交有道」,而端終爲憸人,豈 雨 過 楊 綰 端 謚 》,豈 文正,比 即 斯 部郎 人歟? 中 蘇端 然 少 持異議 陵 稱 謬 其

州

曠

豫 所 客 守宗室。 湖 友 蕩,愛奇務險,然而白首短褐。 看 久。」季友,肅、代間詩 從 赴 章賓客之事 在 子王季友。 手。 一可 期 誰 洪 少陵謂 以 州 ? | 歎行||云: 致君 幕下 豫章太守高 諸 侯重才略,見子如 群書 堯舜。 也。 詩》云: 邦人思之比父母。鮑欽止云: 萬 少陵謂「王 「丈夫正色動引經,豐 季友不 卷常暗 人也。 帝孫 列 引 郡 但 誦 殷璠 皆用 錢 《孝  $\perp$ 也 爲 瓊 詩 論道 起有《贈 賓 謂 枝。」此 武 經》 而 其 客 릲 阻 敬 南 江 即 江 季 放 頗 通 城 征 太 西

星

甲

星

讀

觀察使李勉,時季友兼監察御史,爲副使。」

俎》謂 階 ; 用其 午, 知焉 出。』「華蓋」以下,卒不可悉。」愚謂 句,悉不解。 歷 夫子廟碑》云: 書 摶 日 七曜 〈語也。 , 姑闕 '張燕公、段柯古之殫見洽聞' 六 破 星之名,然 扶。」注 華蓋 出 甲,分陰 萬卷,必自有所據,或入蜀見 瞿 在南方。 燕公讀 疑 西 唐 《晋·天文志》: 不解 以 臨, 峽 訪之一公,一公言: 俟 詩 未 陽 藏 五雲之義。 博 碑,自『帝車』至『太甲』四 有 而 「帝車 有是之祥,無 五雲於太甲。」《 識 攷 配 「五雲高 證 節 南指,遁七曜 候。」太 「華 以 嘗 一行 觀 太 位 甲 蓋 北 甲 王 之 聖 酉 而 恐 此 杠 一勃《益 猶 邃 是 旁 碑 斗 陽 於 老 當 杜 建 中 月 雜

藏 丹 霄暮 贈 間 龍 丘 師 去白水 太常博 渾。」蓋稱均之文 士 均之 孫 也。

司倉。進不以道,其文不足觀也已。主所薦,起家拜太常博士。公主誅,貶循州攷之《舊史》,成都閭丘均,景龍中爲安樂公

傳也。「終始任安義」之句,蕭使君之賢可見

而仆之。「嶧山之碑野火焚」,蓋此時也。魏太武自東平趣鄒山,見始皇石刻,使人排翔寳雞縣。石鼓,在天興縣南,乃雍縣也。「陳倉石鼓又已訛」,按陳倉,在唐爲鳳

豈用《新唐史》語哉? 忠以劍南旌節導駕。二字出《周禮》,少陵 。 "遣興》云" 「門户有旌節。」注引楊國

《成都詩》:「初月出不高,衆星尚争

鑑舉要補遺序》「日轂冥濛,衆星争耀」,語光。」謂肅宗初立,盜賊未息也。胡文定《通

本於此

者不必師法其少作也。此。杜、韓二公晚節所守,如孤松勁柏,學垍也。所美非美,然昌黎之於于頔、李實類鮮于京兆,仲通也。張太常學士,●均、

清江 等,出三奇西南。《備邊録》所謂三奇營也。 其間又用方言,如「岸溉土銼」,乃黔蜀人 多,不曾盡見。 「三奇」爲是。 江縣有三奇戍。」《韋皋傳》: 一本作「三年」,趙氏本作「三城」,當從舊本 萬里橋。」按《唐 《野望詩》: 其所讀之書,則不能盡注。 潏水李氏云: 「西山白雪三奇戍,南 . 地 理 志》: 「遺大將 老杜 「彭 讀 陳洎 州 書 浦 導

●「學」,嘉慶本、道光本作「博」。

三九二

絶

語,須是博問多讀。」

細行弗飭,次也, 鄭虔大節已虧,下矣。焉: 蘇源明不汙僞爵,其最優乎; 李邕《八哀詩》,將相宗室之外,名士有三

以儉爲救時之砭劑。 儉德,盜賊本王臣。」明皇以侈致亂,故少陵 信問懸車守,何如儉德臨?」「不過行

王,終宗正卿。李義,蓋微之子也。室表、傳》,道孝王元慶次子詢之子微,嗣「道國繼德業,丈人領宗卿。」按《唐書・宗《別李義》詩:「丈人嗣王業。」又云:

況,誤。 《送顧八分文學》,趙氏《金石録》以爲 《送顧八分文學》,趙氏《金石録》以爲

成三人。」《金石録》云:「潮書唯《慧義寺《李潮八分小篆歌》:「潮也奄有二子

工,非韓、蔡比也。」 彌勒像碑》與《彭元曜誌》,其筆法亦不

遊竇主之山林。」鄭潛曜,見《孝友傳》。公子滎陽潛曜。」又云:「忝鄭莊之賓客,德儀碑》云:「有女臨晋公主,出降代國長。(鄭駙馬宅宴洞中》,今攷少陵作《皇甫

青。」《舊史》鄭顥夢爲聯句,與此同。《橋陵詩》:「石門霧露白,玉殿莓苔

不悦。 池萍。 首,爲報籠隨 俞,聖俞以詩謝  $\sim$ 得 聖俞之意,本於少陵。 乞與江湖客,從教養素翎。」宋 房公池鵝詩》: 王右軍。」宋元憲 日 「昔居鳳 「鳳 池 凰 以 上,曾 池 鵝 上 贈 得 梅 應 食 鳳 聖 回

涕。 舞干 遊》也 戚, 陶 靖 猛志故常在。」悲痛之深,可爲 精衛銜微 節之《讀 Щ 木,將以填滄海。 海 經》,猶 屈 子之 賦 刑 《遠 流

嬀、留侯等作,足以訂千古是非。」 真文忠公曰:「杜牧之、王介甫賦息

見春秋;《邪徑》童謡;近在成世。」則五言孺子《滄浪》;亦有全曲;《暇豫》優歌,遠雕龍》云: 「《召南・行露》,始肇半章;《文選》注: 「五言自李陵始。」《文心

竹》一篇,傅毅之詞。」都,非盡是乘作。《文心雕龍》云: 「《孤祖。《驅馬上東門》、《遊戲宛與洛》,辭兼東也。《話詩十九首》,或云枚乘,疑不能明

久矣。

此。 Z 皮日休云: 聯 列 句 女傳》、《式微》,二人之作,聯 共韻 柏 「柏梁七言, 梁餘製。」 聯句異焉。」《文心 句 雕 龍 始

始于田横之客。 《左傳》有虞殯,《莊子》有紼謳,挽歌

此。」 日 舊。 争王室。 夢我瀆上,立于王 韋孟 「孟既致爲 在鄒,詩曰: 其争如何? 臣 而 朝。 「我既僊逝,心存我 夢 歸,拳拳之意 E 其夢. 我 弼。 如 何 ? 吕 猶 成 公 如 夢

寄也。寄者固歸。」《古詩》「人生忽如寄」,上,寓也。」老萊子曰:「人生於天地之間,《吴語》越王告吴王曰:「民生於地

本於此。

敢傚我友自逸」,八言也。《雅》,「尚之以瓊華乎而」,七言也,「我不東方朔有八言、七言。攷之《風》、

人也。猗猗秋蘭,植彼中阿。有馥其芳,有味。」《御覽》載衡《怨詩》曰:「秋蘭,嘉美味。』《離龍》云:「張衡《怨篇》,清典可

三九三

黄其葩。雖曰幽深,厥美彌嘉。之子之遠,

我勞如何?」

韻 用 追 此 ,自元、白至皮、陸,其體乃成。」 和之類,而 韻。 陸務 後有依 觀 궁: 無 和 韻,然不以 「古詩· 韻 者。 有倡有和,有 唐 [始有] 次。 用 最 韻 後 ·雜擬、 有 謂 次 同

令文 始。」又傅咸有回文反覆詩,温嶠有回文詩 皆在竇妻前 心雕 詩苑類格》謂 龍》云: 皮日休日: 回 回文所興,則 文出於寶 「傅咸反覆興焉 滔 妻所 道 温嶠回 原爲 作。 文

垂。」詩用「星星」字,出於此。 左思《白髮賦》:「星星白髮,生於鬢 興焉。」

韓子蒼曰:「柏梁作而詩之體壞,河

梁作而詩之意乖。

詩與元氣侔,唯韓、杜足以當之。李義山謂昌黎文若元氣,荆公謂

少

陵

公云: 杜、韓變多,而柳、李變少。 變可學。」 猶類鶩也。」後山 Ш 谷云: 「李、杜、韓、柳,初亦學《選》詩, 學 謂 ,老杜 Щ 谷得法於少陵。 詩,所謂 變不可學,而 刻 鵠 不 文 成

《關 也。 句》「開弓射鴅吺」、《古文尚 尹子》「聖人 《管子》云「鴅然若謞之静」,即「驩」字。 韓文公《城南聯句》「禮 師 拱 鼠 制 禮 鼠 書 拱 》「驩兜」字 而 遠 立,出 遊

弱曰:「臣之義不參拜。」二字本此。又《雨中聯句》「高居限參拜」,《戰國策》頓

域。」其説誤矣。 《演蕃露》引《傳燈録》:「中印度,乃在西 以其寓,故號馬留人,與林邑分唐南境。」 以其寓,故號馬留人,與林邑分唐南境。」 以其寓,故號馬留人,與林邑分唐南境。」 《演蕃露》引《傳燈録》:「上日馬人來。」《唐

曾經照古人。」《把酒問月》云:「今人不見古時月,今月《把酒問月》云:「今人不見古時月,今月如古月之朗。」」李太白詩有《古朗月行》,又如古月之明。」「李太白詩有《古明月行》,又

鴈路長。」亦佳句也。學記》載胄《雨晴詩》:「風度蟬聲遠,雲開學記》載胄《雨晴詩》:「風度蟬聲遠,雲開王胄以「庭草」一句,爲隋煬所忌。《初

吕居仁《官箴》引此,誤以爲少陵。俗言「忍「忍過事堪喜」,杜牧之《遺興詩》也。

事敵灾星」,司空表聖詩也。

《梅谿》、《桃塢》、《胡盧沼》、《茶嶺》、《盤石《流杯渠》、《竹嵓》、《繡衣石榻》、《宿雲亭》、見于《唐詩紀事》。十二詩謂:《隱月岫》、韋處厚《盛山十二詩》,韓文公爲序,今

磴》、《琵琶臺》、《上士瓶泉》也。

郎。朝回花底常會客,花撲 樹歌》: 也。」「宗會法」今不傳,岑參有《韋員外家 章員外失其名,此詩見一門華鄂之盛 合族。古人有『花樹 伊川曰:「凡人家法,須月爲一 「君家兄弟不可當,列卿太史尚 韋家宗 玉 會法二, 缸 春酒 會 叫 花 以 書 取

牧詩,未必然也。 之於張麗華乎?「一舸逐鴟夷」,特見於杜《墨子》謂西施之沈其美也,豈亦如隋

白、樂天也。亦李赤之類歟。 張碧,字太碧, 黄居難,字樂地,慕太

三九五

學 紀 聞

麋 兒勇」,景文詩「合宴傳飱帳繞犀」,皆用此 株」,宋元憲詩 用《太玄》 来 觸 陸 犀。 魯 望《 語 歌 雜 又《南 鵝 「帳犀 諷》云: 慘于冰,赤舌可 森别校」、「犀 征 詩 》「繞 紅 鬘 帳 1線枯 株 生 燒 城。」 衛 犀 桑, 帳 皆 并 萬 童

黄 金 鑄子期。」本李賀、貫休詩 毛澤 民 詩 不 須 買 絲 繡 平原,不用

郎。」雖 云: 席 不問 李義山《詠賈生》云: 同 可 蒼 憐 一律,皆有新意 生 問 覺 鬼神。」馬子 登 天 夢, 不 「可憐夜半虚 夢 才《詠 商 巖 文帝 夢 櫂 前

是也

古,謂 第六、《豹鳥賦 霓 裳》 唐 舉 以 小於禮 是 詩 也 取 部者,其詩無 故 士,錢起之《鼓 詩 人多。 與 韓 爲 瑟》, 文公 比 0 錢起,名在 薦 李 肱 劉 之 述

節 ,莫向人間作大夫。」其志亦 昭 諫 《詠 松》 E 陵 遷 可 谷 悲矣。 變須 唐 高

> 見《通 六 臣 一,彼 鑑 》,其 何 人 (忠義 哉? 可見。 昭 諫 説 視 錢 奴 鏐 事朱温之杜 舉兵討

鈔》以《九歌》、《山鬼》篇增損爲之。」東 荀 鶴 《宋書 猶 糞 樂志 土 也 . 陌 上桑》曰:  $\overline{\wedge}$ 楚

因

辭

《草》是也。 歸 去来》爲詞,亦 詩一字至七字, 一字至十字,文與可《竹 此 類 張 世 南 史《花 **∀**, 》、《石 竹

牡 丹 也。「豈知兩片雲,戴却 叢深色花,十户 中人賦」,白 數 鄉 税 樂 鄭 天 謂

叟謂

珠

翠

也。

侈靡之蠹

甚

矣。

爲? 五 安陸王碑》「平塗不過七百」,而 服 ,至于五千」,本《書》 韓文公詩「離家已五千」,注 》語也。 不知 奚 引 以 沈 丽 汎 休 成 文

唐彦謙詩: 啖螯譏《爾雅》,賣餅斥

一九六

《公羊》。」事出《晋書》、《魏志》。

也。 也。」則迂叟之名,不獨司馬公叟,少迂老更迂。」則迂叟之名,不獨司馬公叟,近日蒙呼作隱人。」又云:「自哂此迂白樂天《迂叟詩》:「初時被目爲迂

裘。 絹,黄口、白頭,七札、五行,緑熊席、青 之工者,青蠅、白鶴,黄籍、白丁,青蚨、 儒、方朔,涉獵 羊公鶴、事出《世説》。如子張、卜商、 而《 寒山子詩,如 楚 辭 常》尤超 廣 博,非 施家兩兒,事出《列子》; 出 筆 但釋子語 墨畦逕,曰: 也。 如侏 鳳 黄 有 偶

兮難征。心惆悵兮狐疑,蹇獨立兮忠貞。」 人兮山陘、雲卷兮霞纓。秉芳兮欲寄,路漫

蓋 之景,如藍田日暖,良 置於眉睫之前也。」李義山「玉生煙」之句, 本於此 司空表聖云: 「戴 玉 生 容 州 煙,可望而 叔 倫。 謂 詩家 不可

「人を急で,そを急ぎ。」傳》「今兹」,注云:「此歲。」《呂氏春秋》:《古詩》「何能待来兹」,兹,年也。《左

『今兹美禾,来兹美麥。」

見於此。梁元帝《賦得蘭澤多芳草詩》。古詩爲題,

一字。」 「善爲文者,富於萬篇,貧於心雕龍》謂: 「善爲文者,富於萬篇,貧於華文公云: 「六字常語一字難。」《文

雁来翔。寥寥清景,藹藹微霜。草木摇落,《侍太子九日玄圃宴》云:「秋日在房,鴻王儉四言,頗有子建、淵明餘風。其

酒,亦飽徽猷。有來斯悦,無遠不柔。」幽蘭獨芳。眷言淄苑,尚想濠梁。既暢旨

樹陰移。」陸務觀:「夕陽頻見樹陰移。」劉苞《九日詩》:「曲終高宴罷,景落

「行行至吴會。」魏文帝《雜詩》:「適與飄風會。」又曰:魏文帝《雜詩》:「適與飄風會。」又曰:吳會,謂吴、會稽二郡也。石湖辯之其詳。

來積陽。」出《吕氏春秋》。應據《百一詩》:「室廣致凝陰,臺高

既而得沈休文所謂「前有浮聲,後須切響」,「子之詩雖工,而音韻猶啞。」虚己初未悟,李虚己初與曾致堯倡酬,致堯謂曰:

摇風」,豐清敏之志也。

鈎」,包孝肅之志也。「人心正畏暑,水面獨鈎」,包孝肅之志也。「人心正畏暑,水面獨

遂精於格律

張文饒曰:「處心不可著,著則偏;

微醉後,好花看到半開時」,則事不盡矣。暑,冬來始講寒」,則心不著矣。「美酒飲教語,天之道也。」愚謂: 邵子詩「夏去休言作事不可盡,盡則窮。先天之學,止是此二

詩: 爲。 古垂。 渠。」二賢相之清風,可以媿木妖之習。 **簞食**,寢丘無立錐。 文園四壁立,鄭公小殿移。」 杜正獻公詩: 「遺汝子孫清白 何嘗廣居室,儉爲後 文終防勢奪,景 「因念古聖賢,名爲千 在 不不 人師。 須 厦 陳正 屋 亞 威 聖樂 太 獻 耻 公 家

之義,以返諸正。愚按: 那 以 酌酒,何預主人謀」,則引鄭氏《考槃》之誤, 語,以致其譏。《日出堂上飲》之詩「爲客當 胡自深,人間 得 寓 知,讒 『其貶。 鴈湖注荆公詩,於《明妃曲》「漢恩 言人 《君難托》之詩曰: 樂在相知 耳 須臾離」,則 心」,則引范 楊元素謂 明君 「世事反覆 臣 介甫詩 元 始 長之 自 淺

其行事,已頗類之矣。言,心聲也,其可掩「今人未可輕商鞅,商鞅能令政必行」,今覩

乎?

不復有前作。 東坡文章好譏刺,文與可戒以詩云: 東坡文章好譏刺,文與可戒以詩云: 東坡文章好譏刺,文與可戒以詩云: 東坡文章好譏刺,文與可戒以詩云: 東坡文章好譏刺,文與可戒以詩云:

麓。 詩云 可以 潛則少公之客也。」魯直詩云:「晁子智 秦文倩麗 魯直、秦少游、晁无咎則長公之客也,張文 括四海,張子筆端可以回萬 黄郎蕭 後山云: 「長公波濤萬頃陂,少公巉秀千尋 舒 桃 蕭日下 李,晁 「蘇公之門有客四 鶴,陳子峭 論 峥嵘走珠 峭霜中竹。 玉。」可以 牛。」文 潛 囊 黄

見一時文獻之盛。

詩》無出晏元獻、韓持國之右。「何由更得齊民暖,恨不偏於宿麥深。」《雪「衣上六花非所好,畝間盈尺是吾心。」

失,黄人日故遲。」翟公巽云:「青女霜如人捧日故遲遲。」翟公巽云:「青女霜如來降。」宋景文云:「青帝回風還習習,黄來降。」宋景文云:「青二黄人守者,外國人

《漢·天文志》: 半寸所如連李。」又《即事》云: 布路歸。」出《左傳》: 司馬公《早朝詩》「太 「熒惑踰歲星,居其 「自朝布路 白 明 雨 如 而 李」,出 不 罷。」今 成遊 東 北

《集》中皆注云「恐誤」,蓋未攷也

明」,見東坡公之心。見司馬公之心。「浮雲世事改,孤月此心見司馬公之心。「浮雲世事改,孤月此心「更無柳絮隨風起,惟有葵花向日傾」,

字承 苑》,誤矣。 文帝覽而嘉焉。 君 方續承業、《醉鄉》我 業,録夏、殷以 東坡《次韻朱公掞初夏》詩: 注謂《南史》李承業作《諫 來 諫 欲訪 争事,名《諫 無功。」 「《諫: 隋樂運 苑》。 苑

拂 日 善知識,使我枯生荑。」此 得道資。淤泥生蓮花,糞壤出 鬱,能堅人之志 答王定國》詩: 「它山之石,可以攻玉。」 圃 熟 「謹 人之仁也。 尹 勿怨謗讒,乃 和 菌芝。 静 所謂 賴  $\sim$ 困 詩 窮 此 我

造深矣。 「浮雲世事改,孤月此心明」,坡公晚年

所

夏均父詩:

「樂城去聲色,老坡但稱

《與梅聖俞書》云: 快。 者,獨云不帶聲色,蓋 爲《歐陽公碑》云: 酷愛者,但稱快而已,亦得於公也 避路,放他 不大聲色而義理自勝。」樂城評品文章至佳 嗚呼二法門,近古絶倫輩。」 出一頭地。」東坡看人文字,於所 「公之於文,雍容俯仰, 「快哉,快哉! 得於公也。 嘗觀 歐 老夫當 陽公 樂 城

也。 音翠。 揖曰: 云: 翠,猶言鮮 色。」李善注引《子虚賦》:「翕呷翠粲。」張 以鮮明爲翠,乃古語 陸務觀記 班倢伃賦「紛綷縩兮紈素聲」,其 新衣翠粲。」李周 「翠粲、衣聲。」《漢 明 也。 東坡詩「翠欲流」,謂蜀語 愚按: 翰注 書》作「萃蔡」。 嵇 叔 夜《琴 翠粲,鲜 義 賦 萃

見黄 之弈焉,弟子高師一著,僅能及之,争先 豫 後 章,盡 Щ 云: 焚其 少 稿 好詩,老 而 學焉。 而 豫 不 章 厭。 以 謂 及 則

復美連波之悔過。」

後之。」此可爲學文之法。

林志》。注坡詩者,以爲文忠之族,非也。夫時爲石康令,出其詩稿數十幅。事見《桂梧桐,安可久留鳳?」東坡南遷至合浦,晦闢,桂州人,梅聖俞有詩送之云:「我家無闢,桂州人,梅聖俞有詩送之云:「我家無

負冰。」亦用《夏小正》。 《夏小正》:「此四来歸北,寒魚時令》,非也。司馬公《春帖子》:「候鴈来歸北,寒魚時一黃花候秋節。」遠自《夏小正》,注止引《月一黄花候秋節。」東坡詩云:

草木文章,發帝杼機,以花竹和氣,驗人草木文章,發帝杼機,以花竹和氣,驗人山谷詩,晚歲所得尤深。鶴山稱其以

字也。《武后記》云:「因述若蘭之多才,靈蘇蕙手,●只無悔過竇連波。」連波,竇滔靈蘇若蘭回文錦詩圖》云:「亦有英

嘈雜」,本於此。 秋蟬,聒耳而已。」山谷《演雅》「春蛙夏蜩更秋蟬,聒耳而已。」山谷《演雅》「春蛙夏蜩更

地。」此詩意本於此。機春,即水碓也。所制,或踰聖人。水碓之巧,勝於斷木掘不言所出,嘗觀孔融《肉刑論》云:「賢者不如機春。聖人懷餘巧,故爲萬物宗。」注《題王黄州墨跡》:「掘地與斷木,智

書》王子曰:「遠人來驩,視道如尺。」《立春詩》「看鏡道如咫」,出《汲冢周

充《論衡》云:「一角之羊也。」注誤矣。 以直,其有犯。」二字與「解豸」同。亦見王人。」按《太玄·難》上九云:「角觟鯾,終盧教未形。」注云:「觟鯾,此兩姓,今無盧教未形。」注云:「觟鯾,此兩姓,今無

● 「手」,道光本作「子」。

四〇一

Ш

遠。」「醇 彭 祖 至七百 朴乃器師」,二字出《荀子》。 百 老 彭 歲,猶曰 嗟 杖 晚」,出《 悔 不壽,恨 莊 子 杖 **>** 晚 釋 文 而 唾

有美樅。」雅》注:「《尸子》謂松柏之鼠,不知堂密之雅》注:「《尸子》謂松柏之鼠,不知堂密之《江西道院賦》「堂密有美樅」,出《爾

生成」相似。 起 廢 極吹嘘。」與老杜「桑麻深 張文潛《詠 後山《挽司馬公》云: 生成、吹嘘,字若輕 孔光》云: 「輟耕 「試問不言温 雨 呵 露,燕雀半 實重 扶日 月**,** 室

肯受讒夫。」二詩誅姦諛之蕭斧也。 看嶺南圖》云:「政恐崖州如有北,却應未木,何如休望董賢車。」仲彌性《詠韋執誼不

漢家文、景業,張侯能 成帝 直言請 時,言路 朱雲爲槐里令,上書求見, 劍斬安昌, 猶 未 勿謂 塞 以 也。 一言亡。」 朱游只素狂 張文潛 而即得對。 詩 君看 日

高》而不逮,絶唱寡和也。南豐《麻姑山詩送南城羅尉》,仿《廬

罍 觀 游 於李誠之「山 馬 T 於新仲「何以報之青玉案,我姑酌彼 新仲「無人馬爲二,對飲月成三」,本於秦 卯 下,正擬身全木鴈中」,敖器之用之。 -0 「身與杖藜爲二,影將 誰其云者兩黄鵠 橋」,務觀用之。 唐子西「佳月明作哲,好風聖之清」,本 葉少藴「逸人舊 如 仁者静,風 ,何以報之雙玉 住 程 致道「明知計 子午谷,詩 明月成三」。 似聖之清」。 客 盤 黄 出 獨 陸 朱 金 小 柏 尋 務 本

方敢言詩。」未窺六甲,先製五言者,觀此可以戒。而勿使,斯爲善。」張芸叟云:「年踰耳順,或問崔德符作詩之要,曰:「但多讀

已見 混 同 河間· 州間 曾文昭公《河 出 今有 兩襲。」謂彦 楚 間 人 風 詩》云: 和兄弟也。《童 獨 慚 太 南 守 北 非 車 何武, 書久

訓》以爲曾子宣作,恐誤。

傳。 閒。」本然居士,豈即鄭諶歟? 宦者鄭諶,與之詩。」後村謂《徐集》不載 除 士》云: 須」之篇。 書,言與中貴 朱文公《語録》云: 徐師 川以 「頗知鶴 愚 攷《集》中 諫 人唱和「魚須」之句,爲 議召,程致 脛緣詩瘦,早棄魚 有《次 一師 道在 川 韻 魚須、笏也 游廬 鄭 西 本 須 垣 山 然 伴 封 魚 我 居 遇 所 還

出 烈日,二十 當時夫死若求歸,凛然義動單于府。 此肯隨俗,顏色如花心糞土 朱新仲《詠 四四 州 顔魯公》云: 唯 一人。」又《詠 千 昭君》云 五 百 不知 年 如

年。」 詩 : 前未有 本草》: 「三徑誰 用者。 從陶 「菊, 靖 節? 名傅 延年。」朱 重陽惟 有 傅 新 延 仲

燮調終有待,百花羞澀敢言芳。」用王沂公梁文靖公克家。《梅花詩》云:「九鼎

之意,亦魁天下,位宰相。然梁公之句,失

於雕琢。

誠齋《讀貞觀政要》云:「拔士新豐逆學七字絶句於半山,最後學絶句於唐人。誠齋始學江西,既而學五字律於後山,

録》。醋設三杯羊鼻公。」羊鼻公,謂魏鄭公。見《龍醋設三杯羊鼻公。」羊鼻公,謂魏鄭公。見《龍旅中,懷賢鴨緑水波東。酒傾一斗鳶肩客

城

常開口待魚。」公者。」按《晁景迂集》:「黄河有信天緣,公者。」按《晁景迂集》:「黄河有信天緣,攻媿記張武子之語:「水禽有名信天

真 適 能 黄 相,使帥 (河清。 支天 文忠爲 後人未 蘇 八柱傾。 雲 漕挽其 等是世間 詩 卿, 可 日 廣 輕 : 蘇 來。 漢 **魏** 雌 公 人,隱 黄 少不得,問津耦耕各 高 兩兩 公孤 節 夕遁去,不知所之。 如 翁之心秋月白。」 東 忠 子 湖。 陵 如 一寸膠 孔明, 張 魏 公爲 赤 解 其 使

老,垂 云 學者以所釋《楚辭》一篇。」 于道,先生憂時之意,屢形于色。 南 一白注 「慶元乙卯,治黨人方急。 塘 ~ 挽 離 趙 騷 忠定 》。」楊楫《跋 公》云: 楚 「空令考亭 趙公謫死 一日,示 辭 集注

古黄初佐命功。」朱文公謂二絶甚佳。
弓,圓機聊救漢諸公。末流不料兒孫誤,千不煩魚鴈到桐江。」又曰:「清濁無心陳仲房,那得狂奴故意降? 努力諸公了臺閣,孫燭湖《讀通鑑詩》:「簿書流汗走君

「生白」、「殺青」、皆佳對。平園詩「生戎馬」、「死佛貍」、荆公詩

夫不有躬。」本於「玉汝」、「金吾」之對。鶴山詩:「只期玉女是用諫,肯爲金

「田園圖史分貧富,鼎鼐樓臺辨有無。」文有「銅牆鬼炊」之語,出東方朔《神異經》。林和靖詩:「怪書披月看銅牆。」放翁

洪舜俞詩,用龐潁公、寇萊公事。

見《宋景文公集》。

本朝絶句,有夾漈《詠漢高祖》五言,乃

劇,謂之不斟,或謂之何斟。 事爲始。 出。」蓋未攷《詩・葛覃》注 吉父詩》「記我今年病不斟」,蓋用此, 李者夏得休息」,見于《説苑》,乃以狄梁公 蓬」,見于《詩》,乃以 録》攷古語所 不知麥秋出《月令》,亦此 《方言》: 《演 蕃露》云: 若此者非一,是以君子無輕立 出,詳且 「斟,益 左思賦爲始, 也。」凡病少愈 摶 博 黍爲 矣。 也 類。 吕居仁《答曾 《緗 然「首 黑, 能改 素雜記 不 齋 知 如 而 而 樹 漫 桃 加 飛 何

也。吕成公銘湯烈母云:「湯世壙僚,委《韋玄成傳》「五世壙僚」,言五世無官

知者改爲「不禁」。

祉 爲 用 于後。」 「銀鈎」。 「翠管銀 而 不舉」, 婺本改爲「 此邢子才所 出老杜《 壙遼 臘 以 有 日 \_ 日日 詩 東坡《春 思誤書」之 而 注 者 帖 改

官。

語

也

鐵。 云 出 暉 詩 老 又云 杜《 變有 吕居仁 趙紫芝詩 又云: 準 (鐵堂 擬 唐 詩 春 峽 来 何 謂 日月已秋罷。」出《元帝 詩》 泰 知 若 出 弱 水 輔 游 人 胸 嗣 不 壁色 出《 易 勝 中 行 舟 漢 立 有 無漢學,玄 積 書 積 有 鐵 . 寸 此 紀 0 田 鐵 積 又 立 叔

景定間 慷。 勝 道 不 謪 手 鄉 境與 黄 道 潘 持 青山 ,黄應無雪 庭 鄉不可作, 節 | 堅《題 廣 人俱香。 東 非 有 其 嶽 詩 人, T 堂。 麓 承君 云 寺 悲 Ш 道 道 吟 不 靈 Ш 倚空寂 鄉 鄉 可 能 Ш 不 臺》 只 忘 頡 爲 如 )。」陳樞 蠻 頏 日 新 煙 臨 累 此 眺 密 姓 落 生 臺 坡 泉 字 禮 名 慨 無 仙 名

> 因 謪 籍 香。」 御 史虞 虙 劾 之, 陳 坐 謪。 其 後 陳 召 虙 鐫

詩 <u>\</u> 吴 吉 甫 真 以 水 晚 黄 科 芽 長 試 漕 香風 闈 玉 ^ 搗 杵 藥 鳴 兔 長 不 爲 生

三窟計,永伴一輪明。」省試《聖人之道猶日

中賦》,用「闕摶之月,見沫之星」。第七

聯

云:「桑榆已晚,尚期一戰之收。」

湯

伯

紀

自做》云

.

春秋

責

備賢

者

全身。」 造物計 此 校 老晚節 好 人。 庶幾 點莫 路 留 斯 餘滓, 言 也 + 分 成 就

薛士龍詩: 「左角蠻攻觸,南柯檀伐」」 山東明色 別勢與其言也

槐。」的對也。

詩: 蓀 喻 過 「子孫」 徐淵子 經出宣尼壁,書留晏子楹 庭 遺訓 也 詩 在 : 鑿 鑿 楹 楹 植 出《晏子 故 杞 書 必 存。」 植 春 梓 蓋 秋 藝 以 蘭 梓 李 仍 藝 Ш

任元受《七夕詩》:「切勿填河漢,須

留 洗 甲 兵 。」意亦新

生前 以 民。」 爲《功行碑》,謂超世之資,與 陽平人。 云 知之,日: 先生 伊 一年欲往 川 我 元豐 人嵩 先 亦 生 有 一,以 「去年已 中, 山,子 不作 丹 事 賜 君 號 而 真 信 詩,唯《寄王子 咋 有消息来矣。」 冲 已 否 熙 候 用 子真名筌,岐 陳圖 處 於松下。 時 士。 還 南 侔。 解 張芸叟 真 蓋 壽 問 詩 先 下 何 斯

命之。 不就新恩叙理官。」「飛龍在天,利見大人」, 而 猶 不屈 建隆初,韶 郭恕先詩云: 一,其志. 如 五 此 代 時 「爲 命官,投 逢末 狀 劫 歸 叙 依 理,復 佛

語》之取息夫躬 文鑑》取蔡確《送將 也 歸賦  $\forall$ 猶 楚 辭 後

帝爲太子,令曰: 蛙 給廪。」《水經注》引《晋中 浮 溪 間 「若官蝦蟆,可給廪。」」 何 事 非 戲 州 劇 記 鶴 有 惠 乘

> 晋 書 》無此語

也

柳, 其 者,盡目爲逸詩,誤矣。」見致堂《論語説 魚維 張芸叟 則所不 我 何,維 車 既 日 取者 攻, : 魴及鱮。 也 我 岐 馬 山 先儒 既 何以 石 同一, 鼓, 凡今《詩》 貫之, 是《 則 所 車 維 取 攻 所 以 也 楊 無

京。」 鳴。 樹, 折 朝 楹 奉 韋 别離 應物集》者之勝。」今按: 飛 同 遊子不 拜手欲 文雅 朱文公曰: 郡 雨 方骨驚。 齋 灑 何 ায় 待 高 無 晴。 城。 中宴集 言, 麗 零淚 林堂含餘 安得 白 況 顧況 雲 與 詩》云: 八數君 如 凌 詩有 帝 酒 風 鄉 傾。 清。 子, 翰 遠 集, 韋 皆不 肅 滄 我 列 好 集 寸 肅 心 公 座 鳥 江 有 賓 未 及 已 楓 分 依 顧 見 天 摧 葉 歸 況 兩 嘉

「乞得膠膠擾擾身,霜筠露 程 可 久 沙 隨 先 生。 ^ 自 菊 題 便 眄 相 怡 親 齋 勸君

萬里 莫厭 阜,●瀑布濺珠 萬 籟 羹 西 寒,笙竽頻 藜藿,違己由 風 拂 面 過 來。 到 藥欄。」「葵花已過菊花開 枕 問字今朝幾人至,細 来 屏 更病 間。 人。二六 夜深夢 繞 月 康 松 看 廬 風

從官,何其盛也。徐、陳、韓、呂繼之,八人,一相,三執政,三適。」適位不過常侍。本朝歐、王、蘇、黄出,適。」

屐

监

破

蒼苔。」

通青苗。」東屯,乃公孫述留屯之所,距白帝少陵詩:「東屯稻田一百頃,北有澗水明月生蚌胎。」爲富不仁者可以警。山谷詩云:「能與貧人共年穀,必有

駿,

更殊班

嗣

阻

君

山

叨官 陵别 通 下爲差,帥 五里,稻米爲蜀第 青苗。」東屯,乃公孫述留 業古東屯, 九斗,須知粒 漕月得九斗。 粒是君恩。」東屯有青苗陂 -飯 遺 郡給諸官俸廪,以 忠畎 王龜 屯之所,距 畝存。 龄詩云: 我 輩 月 少 高 帝

> 遠。」 器 爲終 F 一蔡 語 身之計,而有後 有問「心 莫爲一身之謀,而 曰: 遠」之義 「莫爲嬰兒 於 世 之態,而 胡 一之慮。 有天下之志; 文定公者,公舉 此之謂 有大人之 莫 心

攻媿先生書桃符云: 「門前莫約頻來

客,坐上同觀未見書。」

葛魯卿《借書詩》: 「大勝揚雄辭子

桃 官曆今不頒,憶 「藤州三月作 源 人,落葉爲 朱希真 避 小 地 盡,梧州三月作 秋 昔 廣中,作《 升平 花 作 春。 淚成 但恨 陣。 小 大 盡 未 我 盡 行》 能 今 云 與 何 哀哉 世 異

❶ 「康」,嘉慶本、道光本作「匡」。

四〇八

隔 公階費。 時 聞 野 喪 `性迷堯曆,松寫有道經。 亂 空 傷 神 ं 唐 李 ·益《問 故人爲柱史,爲我 路 侍 御 六 月 大

仙 中 孟 公第三子。 子》注: 有葛三來。」葛三事,出《太平廣記》。 野 Ш 處《雪詩》: 谷詩「金石在波中,仰看萬物流」, 「萬物皆流,而金石 「天上長留 1滕六住 獨 止 '', 人 出 葛

妻子 矣。」鄧志宏亦謂愛子之情則至矣,導子之 歸 知 紀 横 上宰相書》所謂 廂 侍。 九 》及《示 乃《感二鳥》。 議。 樂, 列 王 一逢原 榮,顧是 暮年意氣 顧 彼 兒詩 影 哉何足 詩 : 樂冠 也。 德 行道憂世者,已 得,金玉多自慰。 佩。 符讀書之成 「退之昔裁 道 所累。」謂《 朱子 進 喜 退 將 E: 兹 閶 詩,頗 效 焉 巷 南 好, 極 係 不復 此 内 致 ? 朝 持 買 以 居 賀 與 豪 而 所 安

志則陋也。

身歷 驖》,胡爲而收之也?」 行不至秦」,故不見録。 荆公《傷杜醇》曰: 而 致堂曰: 後 及 哉? 「韓 信斯 退之賦石鼓 言 孔 隱 也, 子 約 編《詩》,豈  $\wedge$ 車鄰》、 日孔 不 外求, 子 ^ 耕 必 西

此,今人知者鮮矣。 墮樵。」二人,四明鄉 孰能景慕前脩哉! 王致》曰: 桑有妻子。 藜杖牧雞豚,筠筒 「老妻稻下收遺秉,稚子松間 利欲 先 生也。 滔 滔,廉 釣 固窮守 魴 耻寥寥 鯉 ° \_ \_ ≪ 道 如 弔

兒。」劉季述等至思政殿,皇后趨 韓 手。」唐時 軍 建 容勿驚宅家。」 發兵圍 唐子西《内前行》云: 「宅家喜得調元 宫中,謂 十六宅,諸王 天子 爲 一呼曰: 宅家。 至拜 「宅家救 通 鑑 日

文宋瑞《指南録

爲或人賦》云:

「悠

夢 遊 褚公,至今齒冷。」謂褚淵也 江揔,冷齒人能説褚公。 悠成敗百年 回 成 何面見江東!」南齊樂豫謂徐孝嗣曰: 舊 雨,銅馳遺 中,笑 看 恨 付 柯 西 Ш 龍首黄扉真一夢, 局未 風。 黑 終。 頭 爾 金 自誇 「人笑 馬 勝

畫 服 一郎官職迺翁知。」 翁與可《上徐直翁詩》: 「六丈謀謨 同

罵鄭虔?」 詩餞之曰: 道,祭酒不悦,臺評及之。 鄭德言侃。 「諸生幸不笑韓愈,官長何 爲國子博士,和試策問 李艮翁丑父。 因 爲 師

學,胡不紹箕裘?」 君子嘗爲《投筆詩》,其末云: 讀父兄之書,而力徼狂疾之功 柳文云: 「王氏子著論,非 以 「蘭臺舊家 爲 班 超 名。」先 不 能

者忌平易,學李長吉者忌奇僻,學李太白者 鄧志宏曰:「詩有四忌: 學 白 樂天

困學紀開卷之十八

0 「德」,嘉慶本、道光本作「得」。

衡

適平。

雀

燕,

飛

而

易

處

則

雀

重

൬

燕

輕。」陸農師《謝吏部尚

書表》「六燕相亭,試

## 困學紀聞卷之十九

浚儀 王應麟 伯厚甫

評文

器莫若長 云 私 親 「建儲: 穀 所以定名分。」鄧潤甫《草東宫制》 梁·隱 子,兹本百王之謀。」蓋出於此 非以私親,蓋明萬世之統; 四 年傳 》注 云: 建 儲 非 主 以

必 諫。』《韓 衽,式贊於謙 缺衽,宫成 晏元獻《謝昇王記室表》云: 詩 外傳》周公誡 則 冲; 必缺 八隅。」 饌 去邪蒿,不忘於規 伯禽 曰 「衣存缺 「衣 成 則

《九章算術》:「五雀六燕,飛集于衡,

する「同日記念》由と寺彦、月とずまで川風宝、の周書・王會》「東越海蛤」,或誤爲「侮銓平其輕重」,蓋用此。

雨」之類乎?

宋樹伐; 龍蹲,謂孔子。《春秋演孔圖》: 如蹲龍,立如牽牛。」 駱賓王云: 質殊聲合者,魚形出 類 同 心 異者,龍 而 吴石 「孔子 蹲 鳴。」 歸 坐 而

能争食粟之雞。」對的語工。 一賓之父喜形于色,繼爲本守,則張翕之子迎者如雲。」《叙縣令》曰:「仁之所懷, 是之父喜形于色,繼爲本守,則張翕之

字。」常衮表。「五字非工。」張南史詩:蘇許公制。「右掖司言,佇光於五

字」,本於此 鍾 書令虞松作表,再呈輒不可 唯 會取 有 五字 視,爲定五字,松悦服。」西掖用 表。」《 魏 志》: 司司 意。 馬 中書 景 王 侍 命 五 郎 中

貴仁者爾。」 尤延之謂: 導之也。其視守令,能以仁政得民,民心 聽。 如聞 至今誦之,盎 之,如古循吏然者,宜 淺邪?」又《察舉守令敕》云: 「夫天下之 也。一予不以是待士大夫,何士大夫自待之 大,官吏之衆,獨不 蓋 M 舉類之來舊矣,三代之盛王,其必由之。 外臺之職、豈非闕 亦以使四方之民,知予不專寵健吏,所 外之議云: 盡 張文定慶曆中草兩制。《薦舉敕》云: 直 而婉,丁寧惻 然 如 『是且啓私 在 聞 春風 以名上,予得 敷? 循 「二韶大哉言乎 恒之意,見於言外。 良尤異者之達 中。 抑 謁 朝廷 豈特公之文 告請之弊 以 未 褒 有 慰 愛 以 予

> 其文也。」 足以導上之德意志慮,亦當時善治足以

> > 起

見太平之象。 見太平之象。 見太平之象。 東京祖、東京、大名之下難爲處。 矧兼二恩之下難爲報,大名之下難爲處。 矧兼二恩之下難爲處。 矧兼二

洪舜 用 歐陽公之除,在至和元年九月,歲皆甲午。 朝 京師 事切當如 俞 端平元年九月,真文忠公除翰林學士, 命詞 於甲午之元,拜 此 日 「迪惟仁祖,有若 内 相 於季秋之月。 臣 脩。

名。 有 而 兼爵齒以俱茂, 人臣之不名五,老與 五 並隆。」《公羊傳》注: 鄭溥之草制云: 慶元 諸父兄不名,上大夫不名,盛 初 嗣 秀王 辭 「天下之達尊三,德 中書令,賜 禮君於臣 攢 不 親 拜 名者 不 賢

用《説苑》事 不名。」咸淳初 而不名,先王之臣臣 之所不名臣者四 不 名 老 臣 不 嗣 名。 榮 Ŧ 丽 諸 ^ 易 説 父臣 不名,盛德之士臣 苑》 詔書不名,余草制 而不名,諸 伊 尹 日 兄 而 臣 君

於失刑 城,誰 言: 云: 臣無二心,天之制也,忍忘 兵於五材,誰 開禧,追貶秦檜。 遺檜間我以就和。一檜之姦狀著矣,嘉定之牽復,幾 任諸人之責?」《金虜南 「一日縱敵,遂貽數世之憂, 能 去之? 周 南仲代 首 君 弛 遷 父之讎。」 一録》載 邊 草 疆 孫大鼎 百年爲 之 制 禁; 云 又 疏

復敷文之階。」雖借 擢列侍從。」野 |布中和 韓文公《王仲舒銘》云: 方 處《 歌 盛 謝 用 德 敷文閣直學士表》云: 之事 加 切當 「敷 擢 列 文帝 侍從,遽 階

「王輔嗣吐金聲於中朝,此子復玉振於

追正 云: 觀嘗擿 之誤也。 啓,以「正始之遺音」對 者清談也。 末,復聞 江 表 始之作, 「博觀載籍之傳,幾海 其 微 正始之音。」晋人之稱 若正始之清談 誤。 言 正始,魏齊王芳年號。 之 殆玉 王季 緒 振 絶 海行《 而 而 奪 了非所 金聲。」恐 復 東 朱 續 涵 之亂 坡 以 而 衛 不 贈 稱 地負 玠,蓋 亦襲武 意 雅 坡公。 太 胡 永 師 武 陸 所 嘉 ¥. 遠 平 尚 之

云: 懼之年,深計 父曰嗟子,母曰 胡文定以 朝 則 倚 親 短 門, 嗟季,曷敢弭忘?」 辭 長 暮 成 之 都 則 日。」曾文 學 倚 事云: 閶 常常 清 恐 「矧當 求 失 歸 望

也。 用《柏梁臺詩》梁王 來。」或以「駕」爲「卦」,引沛 詞掩漢臺之駕。」上句用曹蒼 上官 儀《 册 周 王文》: 日 獻 驂 王 駕 識 占 舒 駟 表 事,下 雨 馬 魏 事 從 舟 之

婦外 之博 孫之義,女郎世子之名」,亦儷語之工 洪 景 盧 如 《周 桃桃 茂 萊 振 難 人 悟,柳 館 謝 啓》,雖不 卯 本同 若 幼 董

云 節 之王言。 稱。」蓋用劉 能,高天下以聲」、《史記》謂殷紂也,不當用 制》云: 鼎 右僕 野 「葉語音高,故以戲之。」然「矜人臣 處草《梁叔子制》云: 「學聖人之道,高天下 射官稱」之語。 禹錫《天平軍壁記》「以牙 又草《葉顒 「鼎學士之大 以聲。」 左 璋 以 或 相 玉

吏一行,便廢此事。」皆全句。初寮《啓》云:「得知千載,上賴古書; 作有濠濮間想; 清風颯至,自謂羲皇上人。」(徐淵子《上梁文》云:「林木翳然,便

「越椒熊虎之狀,弗殺必滅若敖, 伯石豺李宗道《春秋十賦》,屬對之工,如:

老之年。」「作楚宫,見襄公之欲楚, 之馬將爲櫝,衛懿之鶴有乘 犁上下; 兵。」「蛇出泉臺聲姜薨,鳥鳴亳社伯姬卒。」 象有齒,而焚其身。「虞不臘矣,吴其沼乎。」 言,知衛侯之死夷。」「雞憚犧,而 田。」「星已一終,魯君之歲, 邑,而衛人假之器; 狼之聲,非是莫喪羊舌。」「王 好魯以弓,請謹守實; 伯 輿合要,而 晋侯請隧,而襄王與之 范宣左 賜鄭以金、盟無鑄 子 軒。」「于奚 亥有二首,絳 右。」「 争 斷 囚 其 魯 效夷 而 尾 昭 州

傳》。 五頌金 文比 平中,神雀 篇,德宗考第 爵之頌,孝明稱 瓦石,唯班 晏元獻《進牡丹歌詩表》云: 玉 ,孝明覽焉。」貞元事,見《劉太 .群集,詔上《神雀頌》。 於三等。」按《論 固、賈逵、傅毅、楊終、 美者五人, 貞元重 衡》云: 百官 「永平神 九之 侯 L 小永 真 頌

四

四

荒 不 皇心事 ,未始一毫從已之欲。」天下誦之,謂 明不敏,有辜四 服 藥 赦 文》, 海望治之心; 陳 正 一父所 草 然無 也 寫 怠 出 無 雖

皆儷語之工者。 味 腹堅之時, 下。」●常衮《賀雪》云: 九 盧思道《賀 户之前 積潤潜通 甘露》云: 天酒 ,迎土膏脉起之候。」 自零,凝 「重陰 神 益 漿可挹, 照 固 「應水 三階 之 澤 流

負」,出《詩・玄鳥》箋。「折閲」,出《荀子》。 士衡詩。「分付」,出《漢 卦》、《左傳》。 多謝」,出《趙 服 生 事」,出《周 活」,出《孟 、出《蓋 俗語皆有所 寬 饒 禮 「難爲人」,出《表記》。 廣漢 子》。 傳 本,如 大司徒》。 (傳》。 「家數」,出 區 「利 處」, 原涉傳》。 「丁寧」,出《詩 市」,出《易 「伏事」,出 出《黄霸 || 墨 子》。 傳 「交 • 陸 擔 説

> 傳》。 《和 《吴語》。 《荀子》。 采薇 《陸抗傳》。「鄭重」,出《王莽傳》。「分外」, 布施優裕。 出 自 夫」,出《王 卑傳》。「卑末」,出《欒巴傳》。 介」,出《長 左傳》、 魏程 嶠傳》。 由 「手下」,出《太史慈傳》。 「主者」,出《劉陶傳》。「意智」,出《 **>** 「料理」,出《王徽之傳》。 箋。 一曉上 《越 出《五 仁者,好告示人。 「當 「比校」,出《齊 笛 肅 「消息」,出《魏 疏。 語》。 什 賦 日 日 、 傳 物 行 × × 志》。 「相 間 小 出《晋語》。「地 介無蹊。 却, 普請. 出 「布施」,出《周 於一, ^ 後 語》。 曉示」, 出 漢 少帝紀》。 出 一《宋 出 **婁羅」,出** 長 「行 「牢固」 「告示 晋 旲 紀》。 宣 出《 進」, 主, 頭」, . . 秉 后 童 吕 語 傳 功 妃 出 鮮 恢 出 出 出

<sup>■ 「</sup>三」,原作「玉」,據嘉慶本、道光本改。

誰,

,出《蜀

出《思玄賦

孫

武

傳》。

莊子》。

見

在

識世情。

爾

**出《光武** 

淄侯》。不能宣備。 開」,出《王峻傳》。 見本分。「措大」,出《五代・東漢世家》。 出《易》商兑注。 審」,出《韓詩外傳》。 「傳語」,出《後漢・清河 主人公也。 「古老」,出《 出《稿 紀》。 名 **%** 比 來」,出孔明《出 慚 數」, 愧, 「尋思」 「致意」, 出《列子》。 統 和 「不宣備」,出楊德祖《答臨 「本分」,出《荀子》。 「生人婦」,出《魏 傳》。 買」,出《左傳》正義。 「本色」,出《唐 書・ 出《 出《 「世情」,出《纏子 周 無逸》注。 齊語 「罷休」,出《史記 出《 王慶傳》。「收拾」, 出《晋·簡文紀》。 孩兒」,出《書 禮 師 「家公」,出《莊 劉 表》。 大司 矩 「安排」,出 傳》。 劉 一商 场揭 見端不 馬》 \*》。 不 杜 來」, 量」, 呵 「假 一不 注。 畿 如 漢 苞傳》。 記 誥》注。 人」,出《雜記 元 傳 曲 禮》《 膠 碎 加,

子》。

私

史・

顧

歡

傳

「合少成多」,出《中庸》注。「若干」, 禮・職内》注。「道士」,出《新序》。介子推云。 「寄居」,出《息夫躬傳》。「某甲」, 戚世家·王尊傳》。 「主人翁」,出《史記 今」,出《杕杜》箋。「居士」, 出《左傳》。「先輩」,出《詩 出《漢·霍光傳》。 年紀」,出《光武 漢·丙吉傳》。 馬廖傳》。 「老境」, 對岸」,出《樂志》。 投壺》。 事 **%** 手 「兩兩相視」,出《周嘉傳》。 至今十八九矣。「浩大」,出《 「道人」,出《漢 出《 紀》。 下, 、「不中用」,出《史記・外 • 范雎傳》。「小家子」, 「我輩人」、出《晋・石 「如于」,出《陳 曲 雜 出《吴 禮 采薇》箋。 碎」,出《 Œ 出《玉藥》。 「十八九」, 京房傳》。 吕 仲 範 牽 出《 傳 何 長 帥 可可 統 周 如

出《九辯》。

膠,音豪。

加,丘

加

四

六

反。 曹。 牢 愁」, 墨 | 尿」, 出 ^ 揚 出 雄 傳 列 子 ≫ 畔 牢 音 愁。 眉 癡。 集 韻 冗

出《中庸》。「細作」,出《左傳釋文》。「叙夏本紀》。「擘畫」,出《淮南子》。「前定」,長」,出陸士衡《文賦》。「無狀」,出《史記・

魏文帝書。「物色」,出《淮南子》。「本師」,傳》。「問息耗」,出《竇后紀》。「已分」,出致」,出《世説》。「留連」,出《後漢・劉陶

葛」,出《後漢 戚 出《史記・樂 丁姬 傳》。 毅傳》。 禮儀志》。 生熟」,出《 「祖 師, 發遣」,出《陳 莊子》。「有 出《 漢 • 外 寔 瓜

子》。 「天然」,出《賈逵傳》。 博佬」, 鈍悶」, 出《 出 淮 洞 南子》。 簫 賦》。 誇張」,出《 新鮮」,出《太 近 局」, 出 列 陶

出晋 淵 明 詩。 江 「見錢」,出《漢書・ 統 論。 提撕」, 十字 出《詩 街」, 王嘉傳》。 抑》箋。 出《 北 史 「本貫 李 庶

> 魏明帝 之國; 辯。」又云: 餘, 全用熙祖、元仲一 封。」荷戟 無 梁 字。 黄 簡 人榛,揚雄童 元 童 元豐末,《皇弟 文 仲 之 表 爲 熙 對 子 岐 袓 聯, 一鳥事。 嶷 辭 流 荷 然熙祖非 封 之資, 聰 熙祖,晋太子遹 戟 表 似 慧之稱, 人 封  $\Rightarrow$ 굸: 榛, 普寧郡王 乃 美 啓平 事 異 方 字。 也 建 子 B 原 臨 烏 蝕 元 制 之 淮

君, 香; 云 雖三已而 王元之表: 「志存許國, 日遠天高,葵藿之心未死。」劉 無 愠 [。] 斯言可 如萬折 風 摧 霜 而 敗, 必東; 以 立 芝蘭之 儒 志 忠 元 以 城 性 事 終

烏, 云 鵲不鵲」。 嘉定受寶璽, 驢非 『烹羊炰羔』 …驢,馬: 《戰國策》。 非 南 馬」,《漢 唯 塘 『帶 賀 可 表 4 以 西域傳》。 云: 佩 爲 犢 對。 函 可 傅 對。 鳥 封 景 遠 不

<sup>● 「</sup>資」、嘉慶本、道光本作「質」。

王之大寶。」宗室人翰苑者三人: 彦中、汝談、汝騰。致,不知何國之白環? 瑑刻孔章,咸曰寧

不德,未達好賢之誠? 將卿既明,自全引進退之分。」崔大雅《答周益公詔》: 「豈朕道,未昭治亂之原? 將卿保其成功,自潔王岐公《答韓魏公詔》: 「豈朕鬱于大

 退之節。」蓋倣其意。

表也,周益公用之。

之志。」語工而健。「上天同雲,平地尺雪」,范蜀公無畫卧洛陽之人, 獎勵三軍,有夜入蔡州無畫卧洛陽之人, 獎勵三軍,有夜入蔡州

如可贖兮百身,猶將宥之十世。」 耿直之守京口,復陳少陽之後曰:

「億載萬年,爲父爲母, 四海九州,悉

主悉臣。」迂齋對。

秦伯 共武之服,爾其繼英、衛之善兵。」 云: 用孟 李 與 顯 忠 人之周,庶 明之意,與馮唐 復節鉞,汪聖錫草制 幾 得 面文帝之言。」又 類、牧 而 云 能 用, 念

與固 日 **閎夭,尚助迪威。**」正父答詔云: 枯,聿迎滋至之休。」周益 若帝之初,丕講非常之禮, 「遜于殳斨、伯與,敢忘稽首, 賢,蓋視周公而不及。」 可遜、未聞虞帝之必從。 倪正父草《壽皇尊號詔》云:「率百官 公《辭免表》云: 於萬年受天之 虢 「殳斨、伯 有若虢叔、 叔 、閔夭 雖

賊 心?」又云: 之兵,諒非 得以全軀。」其言足以感動 真文忠爲《原貸盜賊 爾志, 「自有宇宙至于今日,未聞 烈崑 韶》云: 岡之火,亦 入心。 「弄潢 豈 盜 予 池

王卿月爲《澹庵制》云: 「吾寧身蹈東

四一八

相 海 如 獨 何 以 連 强趙?」 不 肯 帝 秦 至 今 名 重 泰 山 微

盧肇《海潮賦後序》: 「馬褐牛衣。」古

未有對者。

訪。 四臣 二老,設几以 尚有斯禮,勿遐爾 崔大雅草《史直翁制》云: 韓、富、文、曾 須; 熙寧之遇 心。」二老: 四 「皇祐之詔 臣, 杜 一術、任 齎 書 布。 而

其臨 之偶同,顧今昔風 啓》云: 秋浦,亦齊安解組之餘。 吕成公《代其 「爰考唐 流之非匹。」 父倉部自 朝 有 杜 牧 黄 州 把 雖後 易守 麾 先遷 之 舊 池 徙 州

憂葵, 厚德難酬,願效老人之結草。」良貴啓》。 其末聯云:「孤忠未泯,敢忘漆室之蔣右史良貴有《連良貴託先君代爲謝丞相蔣石史良貴有《連良貴託先君代爲謝丞相

張説

也。

稱賞。

侯勝謂 卿 先即舍拜命,少間可就 甚於宣帝 日 矣。」此詔有西漢風 : 真文 「漢御史大夫吉當封,病,上憂之。 必 忠 痛,果然,後遂至 之德吉也。 除 參 政 辭 卿 車。 以 其 疾。 親 相。 朕遺黄門 醫藥自厚,且 趙 朕之賢 南 塘 召 草 夏 詔

陜 秋,靡沾故相之餘潤。」公之大節 翊之死義,其 六七任,不挂 鄭威愍公隳。 處之有素矣。 權臣之横 《新 除謝 恩 上章 **※**云 崇觀二十 如 此 關 馮

未錙銖, 況井眉之居瓶,怳如夢寐。」蓋指自凋,玄都之桃何在? 彼刀頭之舐蜜,得何至樂《上周益公啓》云:「東門之柳

倚樓看鏡之懷, 窈窕崎嶇,寄尋壑經丘之或《上朱文公啓》云:「行藏勳業,銷

趣。」

宋正甫詩:「三甲未全,一丁不識。」

怯,昔固有之。今日是,前日非,吾無愧令,有不平之意。令答云:「大敵勇,小敵或試縣學見黜,後預鄉薦,以啓謝縣

十九人,脱穎願同於毛遂。」
之地二千里,序詩幸託於昌黎, 平原之客之地二千里,序詩幸託於昌黎, 平原之客

温 爲黄。」李清卿啓云: 而 雖玄而 遠求居易。」 造而暮拔石洪; 毛澤民啓云: 謂白; 九方堙機深識 「揚子雲貌寢官卑, 吾道不行,則近舍皇甫 「斯風未泯,則 妙,馬本驪 朝 取 經 而

賞梁間燕語之詩。」
唐,曾在門外鵠袍之列, 半山憲江左,亦東憲使,舜俞分教番陽,啓云:「東坡倅錢東憲使,舜俞薦于鄉,鞏嶸監試。後鞏爲江

問。」或《答洪舜 恐 潔江梅之句; 異 時 徐淵子爲越教,《答 風 舞雩之流,不無或者月離 俞》云:「魯直大名,有皎 少游下蔡,無丁東玉 項 平甫 尝云 一佩之 畢之 正

詞。

縣之官,可恣口腹之欲?」其使, 歲貢蚶蛤,孔戣猶疏于朝。況爲州投,来訴。公判云: 「詔捕鵁鶄,若水尚還真文忠爲江東轉運,有民困於買鳩之

王孫,猶有承平之故態; 舊時竹馬,得見攻媿《爲姜氏慶七十致語》云:「今日

賤

志》。 會昌之新春。」承平、王孫,見柳文《姜雩

青州 母,以辭豫州之命,情雖窘而人予其順天。」 Ē ,心雖忠而 從事,岐公稱之。 王相爚。 [倚《謝 昔温太真絕衿違 嘉熙間,以親老辭督府辟, 王岐 人議其失性; 公饋 錢酒》,用白水真 母,以 徐元· 直指 奉廣武 心 戀 之 其

鋭干將,墨含淳酖」,出《文心雕龍》。 含酖之墨。」「餘蚳」,見《詩》「貝錦」箋。「筆夏文莊表云:「詩會餘蚳之文,簡凝

放馴象賦》云 獨 而 孤《 悔 制象 作。 晏元 》,世以爲 「返諸: 獻 林邑之野,歸 謂 賦 I, 也 子雲《 獨 孤 甘 梁 綬

東都之季,清議扶之而有餘;

强

賄,寧恤乎焚軀?」 山之隅。 時在偃兵,豈嬰乎燧尾? 上惟

公。 其幸不幸若此 之。洪文敏典舉,聞之曰: 紹熙中, 賦》『洪鐘 鈞賦》第一聯,有用「洪鐘」二字者,考官 中」,非誤也。」淳熙中,省試《人主之勢 幄」,非「帳」字,不敢 韻,用「運籌 舶趠二二字而 益公曰: 紹興中,省試《高祖能用三傑賦》第 四 萬 明 一鈞」,此必該洽之士。」遂預選。 帷 試《航琛 黜 「《史記》云『運籌 帳」。 者。 取。 考官謂《漢 決得失於一夫之目, **城越水** 徹 「張平子《西京 詩》,有用 棘,以 書 帷 語 東坡 帳 周 重 益 帷 四

以安行,非行仁義。」舜由仁義行。 十二義宗。「亶聰明而有作,無作聰明,由仁義之末,壯士守之而不足。」前輩作《風俗萬世之基》

以諫賦》聯也。 作鑿而上,輪人議堂上之書。」此《工執藝事作製而上,輪人議堂上之書。」此《工執藝事

困學紀聞卷之十九

0

## 困學紀聞卷之二十

浚 儀 王應麟 伯厚甫

雜 識

輩 刻 用巧思而古意少減矣。」今於盤洲所集《隸 公濟謂: 露 Ш 》見之。 ,尚有其遺法。 人、嘉禾、連理之木,漢畫始見於今。」邵 林人物,乃 南豐《跋 「漢李翕、王稚子、高貫方墓碑, 西 狹頌》謂: 知顧愷之、陸 至吴道玄絶藝入神,然始 「所 探 畫龍、鹿、承 微、宗處 士

言也。

官綿百斤」、《古文苑》誤爲「官錦」,而注 曹操夫人《 與 楊彪夫 人 書》「送房 子

> 者曰 《晋陽秋》: 《漢・五行志》「季氏之惡已熟」,是也 帝不許。」《水經 者 至其善熟,自見受樂。」其言善惡之熟,亦名 其惡熟,自見受苦。 土 妄 可用濯 善惡以熟言,若《孟子》「仁在乎熟」, 解 《成實論》。 按 綿。 ^ 有 魏 「行惡見樂,爲惡未熟。 注》 司 都 奏 賦 行善見苦,爲善未 調 **×**: 房子、睢 「房子城西出白 綿 纊 陽綿,武 房 子。 佛 至

興 「上宰宗工,更爲辭章者,謂吕夷簡作記,章 蘇 寺爲殿而藏之,御飛白名曰「寳奎 月日,以《實録》考之,乃二年正月辛未也 命題,唐説齋中選。 庚辰宏辭,以《寶奎殿太宗皇 子美作《寶奎殿頌》,周益公題其 仁宗摹太宗御書大相國寺額於石, 但 云慶曆二載,而不紀 帝 一殿」。 御 後云 書 紹 即

記 得 象 而 題 説 額 齋 之 謂 類 ~° \_ | ≪ 實 焕 乎 録 堯章 親 命 加 夷 紀 簡 述。 撰

誤

豐 靖 康 末 鄧 元年,麻六道,權直院莫儔 制 潤 麻 甫 三道 爲 學士, 以上 雙宣學 夕鎖 麻二十二通。 獨 土 宿 一分撰。 元

制 史 彌 學 遠 翰 十十言: 苑 贈 未 中 非典故, 詔特 嘗 書令, 草追 追封 贈 制。 衛 與 王,令學 降 紹定六年 制 士院 十月 降

年十二月,始命學士院撰述。 太一宫四立月祝文,舊用定本,紹定二

管 威 蓋 所 年,皇子 内。二 領節鎮 武 草 制者失之。 軍,合舊典矣。 親 尾 王 封 也。 云 初除,有 嘉 王 前輩制集皆可攷。 一,布 開 膀某軍,仍散下。」管 布 禧元年,皇子封榮王 政 蓋 政 牓 節 膀,首云: 乃 鉞 云「嘉 初除, 以 州 淳熙十 應某 敕 管 内 書 内 示 牓 六 謂 軍

> 布政 或 諭 領之國。 如 本 牓 周 鎮 下 亦 魯,或以 咸淳 福 唐 州 朝 二年,余草 ,余引故 隃 州 領之制 如 兖、 事 牓 雍之 福 也 所 王 領 類 若 制 兩 未 ,院吏欲 封 鎮 王 嘗 有 或 所 以

引《周 人館掌制 非 儀嘉定中 同 周 一,音讓 音 殷 五射記》用「襄尺」字, 巫 ,嫌名不當避,乃賜 陳 禮 一咸。 自 慶元 • 就宏辭《 明 簭 主司 紹熙初,宏辭 人》 四 年,從臣 黜 巫 一咸,本 甘 之,而 石 巫 同進· 薦之,謂「襄」 E 薦于 注 咸三家星圖 以 人 「巫」當 士出 爲 等,同 朝。 犯 身。 濮 爲 不數年 試 筮 E 字 序 徐 者 雖 摘

堅。 此。 朝美。」湯邦彦,字朝美,本此 務外游,不 魏 唐 易・ 傅 皇甫湜,字 嘏,字 觀 如 繭 初 持正,本《詩 石 務 六注: 内 本《淮 觀 南子》「蘭 。」陸游 》「湜 處 湜 於 其 生 觀 沚 字 列 而 時 務 芳 子 而 觀, 石 黄 日 最 魯直 生 本 遠 而

四二四

朱文公門人 憂淵,憂,音湲。 晋有 憂凊。之字,本柳子《先友記》「王紓有學術魯直」。

西王母、《山海經》云:「狀如人,狗朱文公門人憂淵,憂,音緩。 晋有憂清。

尾,蓬頭,戴勝,善嘯,居洵水之涯。」《穆天尾,蓬頭,戴勝,善嘯,居洵水之涯。」《穆天

子傳》注云:「虎齒蓬髮。」

注: 「暒,精明也。」《集韻》云: 「晴字。」《漢 • 天文志》: 「天暒而見景星。」

間可倚杵於何藏?」《河圖挺佐輔》曰:《易緯是類謀》曰:「民衣霧,主吸霜,

杵。」楊文公詩有「倚杵碧天」之句。 「百世之後,地高天下, 千歲之後,天可倚

「麋」。《博古圖・雝公緘鼎銘》: 「用乞麋《士冠禮》「眉壽萬年」,古文「眉」作

壽,萬年無疆。」

義》:「倪,謂緊。倪,小兒也。」牙。」《雜記》注:「嬰,猶鷖彌也。」《孟子音《集韻》:「吴人謂赤子曰孲邪,音鴉

《周禮・輈人》注:「鰒,魚字。」以魚

《石鼓文》:「帛魚纅纅。」又云:名爲字,亦奇語也。

「有

鰾有鄔。」即白魚也。

《儀禮》以「季指」。無名指、《孟子》。小指。」將指、《儀禮・大射》、《孟子》云「巨擘」。食指、《左傳》。指、《儀禮・大射》、《孟子》云「巨擘」。食指、《左傳》。

度。以爲南唐人,誤矣。書》見秦少游《淮海後集》。少游子湛,字處處度撰。以九州蠶事,獨兖州爲最。」按《蠶處度撰。以九州蠶事,獨兖州爲最。」按《蠶

詩云:「去住由人真水母,簞瓢粗足亦山詩云:「去住由人真水母,簞瓢粗足亦山「水母目蝦」,見郭景純《江賦》。 樂城

雌。

「亦」,道光本作「似」。

兄弟,住參佐 頭,士衡住 三間。」簡齋 殷芸《小説》: 西頭。」東坡詩: 詩 解中,●三間 「士龍同 「蔡 司 徒 瓦 此屋三間。」 「自 屋, 説 在 甘茆 士 洛 龍 見 屋 住 陸 又 老 機 東

波稜,皆菜名也。張文潛謂波稜自坡陵國來。《唐·西域傳》末禄有軍達,泥婆羅獻

云:

「士衡去國三間屋。」

醫。」皆秦人。」《尸子》亦云:「醫竘者,秦之良皆秦人。」《尸子》亦云:「醫竘者,秦之良皆。醫緩、醫和,

曰僦貸季。《素問》。上古醫曰苗父。《說苑》。 巫彭作醫。《呂氏春秋》。 岐伯祖世之師

迂仲。「里居之良,若方若陸, 旁郡之士,葵之子柟、樗也。葵字囊明,子柟,字和伯, 樗,字史《祭林宗丞少穎文》,所謂「二李伯仲」,蓋之奇爲衆推服,即走其家,備禮延致。 吕太黄石圯老教授福州,聞李葵、李柟、林

若胡若劉。」方德順、陸亦顔、胡原仲、劉致中,見呂居

仁《寄和伯少穎迂仲詩》。

齊齋倪公《三戒》: 「不妄出人,不妄

語言,不妄憂慮。」

葬,皆義烈士也。李,明人,黄亦寓居焉。李猷護陳東之喪,黄子游賙歐陽徹之吕成公謂争校是非,不如斂藏持養。

志吾鄉人物者,宜特書之,以厲澆俗。

表云:「今来古往,治日少而亂日多; 主淳祐丙午,衢士柴望上《丙丁龜鑑》,其

張鷟自號浮休子,李白有《贈參寥子》聖臣賢,前車覆而後車誡。」

詩。

張芸叟、僧道潛復以自號。

文之黨「陸質」爲「陸贄」。質即陸淳,非贄也。近世記録多誤,無垢《心傳録》以王叔

● 「廨」,原脱,據嘉慶本、道光本補。

四三五

變; 謝、 牘 孰 沈 以 張 者 黨人子孫爲謬 攷 猛 不 酣 其 潤 見 ,擬程子之學於墨、釋氏,而 荆、舒爲 楊 相 入骨 聞。 論 删 耻 是熙、豐之法 磨 吁,風 尤 也。 潤 衲 髓。 力 至 師 成 集 以 是故 紹 俗 一人以 書,其 賞 鄭 蓋 更中天之禍 興 移 自 Ŧ 謂 介 間 人可 人心 紹聖 夫 公 度 章、蔡爲賢,邪説 反 邪 蘇、黄文章爲末藝。 爲 庭 ,非元祐之紛更; 畏哉 理 示 詖 以 妄 秀 詭 Œ ,蕭艾不 言, 來,姦險茂 猶肆 作 一,其 道 于 甚 陳 以《易傳》爲 害烈於洪 行,筆 紹 矣。 少 , 薅 興 陽 士 詖 壬 惡 詆 之 爲 家家 行, 趙 子 水 簡 習 甚 鼓 謂

温 也。 發 漢 惡復誅臻,天道 陵 者, 樊崇、 董 卓 昭 也 昭 矣 發 唐 陵 者

宣 加 受業,爲 Ŧ 晏 成 起 湯、 則《 周 士之職 公,皆 開 雎 》作 坐 ^ 書 以 待 日 姜后 日 請 康 夙 愆 Ŧ 夜 晚 浚 況 朝 明 朝

> 之書也 率家 不 問 子 猶 而 蚤晏,知家之興廢」,吕子之訓 頭 夜寐。」《 有 夙 已矣。 美所 待鳴雞」,陸 訊 怠。」 家 」,管幼 夜 ~ \\_ 人 謹 匪 謂 暄 同 叔 讒 孝 懈。」言士之孝, 質 安 雞 向 涼」,朱 起,不可早晏無常」,葉 經 鼎之銘》日 鳴 朴 所 所 **>** 古 以 而起,決擇於善利之間 言 以 務觀《示兒》之詩 戒 子 人風者 懼 卿 也。 之詔 也 大 夫 也。 「三晨晏起 引《詩》云: 之 童蒙 「在家常早 孝 昧 門人 也。 旦 雞鳴 引 丕 也 1 也。 咸 顯 詩 起 藴 觀 盥 朝 爲 與 雞 起 後 夙 云 之 子 起 杜 鳴 科 世 興

智 年, 醫術 醫 藏 藥, 精 究其 晋殷仲堪 祖 꾑 研 道 經 習 幼, 、精妙。 方 積 年 以 父 洞 師病 母 閑 遂 北 疾 針 善 齊李元忠母 積 **介**究 藥, 方 年, 技 母 極 衣 疾 醫 不 李 得 方 多病, 解 密母 除 帶 誡 諸 患 隋 專 躬 許 積 1

方。 疾 絮 元 謂 顔 病,與弟立言,究習方書。 日 湯 有祕術 孝 有 與崔 錮 劑,數從高醫游,遂 唐王勃謂人子不可不 乎?」文中子母 爲 疾,自料醫劑,遂 沔 ,勃從之游,盡得 人子者,當膳 同授醫蕭亮,遂窮其 銅 Ш 視藥,不 通 窮 夫人好 其要。 方 其 王燾 知 醫。 書。 術 知 藥,子 母 術。 時 李逢 杜 甄 方術 有疾 權 長 吉父 程子 安 舉 以 始 視 曹 贵 母 母 沭

言。 寺石 伯 壬辰,本 温記其異。 間 刻 伯 道 康節 ,蓋統和 朝淳化三年 温子溥 奔本 邵子之先,世家于燕。 今按: 十年,伯 自 朝, 禮 也。 部 舍世禄爲窶士, 宣和六年,乃甲辰 郎使燕 温高大父所 至宣 和 道 六年 涿州良 建。 Ė 辰, ,非壬辰 統 (郷,拜 和 乃絶 父伊 適百二十年, + 也 年, jij 口 一歲在 洪業 不 丈

日

事

親

者

一,不可

不知

醫

間

非 書 何 蘇 習? 魏 公《書帙銘》 終以不倦,聖賢可及。」蒲 日 非 學 何 傳正 立 ?

> 戒子弟》曰: 不可一日失。」 「寒可 ·無衣、 飢 可 無 至於

之矣。 非貴其 論? 蓋 里 而 王名而言求富之術, 豈以家貧無財 云 桓公以 如 世有 云,如《貨殖傳》之意歟? 三致千 也 不可求,從 「司馬遷撰。」利 太史公《素王 霸。 管子設 黄帝 能 身得志也,乃貴恩覆子 知 萬,再散與貧。」《史記》正義。《七略 范 者 設 吾 蠡 五法,布之天下,用之無 輕重九府,行伊尹之術, ,莫不尊親 所 者,夫子所罕言。又 行十術之計 妙論》曰 好。」太史公著 ,如范子 然何足以 ,二十一年 孫,澤及鄉 諸 賂, 論 稱富 可 謂 爲 以 日 有 者 激 則 妙 素 曉

開 廟 冕 元 九旅 中 先聖冕服。 尊 服 孔 九 子爲文宣 章。 祥符二年,賜 熙寧八年,國 王 内内 出 曲  $\pm$ 阜 者 了 文 衮 監 冕 宣 言 唐 Ŧ

四二八

服 衣 服 以 衣 九章。 令用 之, 九 宜 用 旒 天 子之制 崇寧二年, 禮 改 院 用冕 議 依 + -官品

旒

服

也。 主,自 縞 也。 始 自 自 桓 下 殯 也 不 公始 ·殤用 管 魯 也 也 非 婦 喪 仲 古 出 昭 玄冠紫緌, 公 邾 人之髽 自季 桓 禮記》於禮之變, 一朝 也。 也 始 公始 棺 婁 大夫 母,自子 公始也 也。《左氏 衣,自史佚始也。 之設 ,自敬姜之哭 復 ·康子 大夫之奏《肆夏》 也 彊 而 之 弔 於 而 以 思 始 自 宦 也, 也 私 君 矢, 始 魯 喪 於大夫者之 傳》 家,非 殺 也 桓 慈 自 蓋 夫人之不 之, 公始 皆 母 穆 敗 自 自 士之有誄, 於臺 伯 曰「始」。 禮 戰 義 始用 庭 也。 始 於 也, 也, 也 魯 燎之百, 一鮐始 也 升 爲之 六佾 命於天子, 昭 由 朝 由 由 陛 公始也。 服  $\equiv$ 趙 自 孔 廟有二 也 服 始 之以 文子 桓 桓 氏 由 此 也, 也。 始 始 始 晋 齊 帷 之

> 然所 作丘 文正 鑑《續 始 乎 於 皆得謹始之義 祖 不 用 史》記之日 令典,不足 變也。 勝 是 人 始 事始》。 甲, 於 髽; 始 公言唐始令妃主 載 其 劉 亳 乃 墨 敝。 孝 用 孔子惡始作 社 ; 事 孫 青苗 法。 朱繪 魏 田 物 ; 劉 絳 賦 始 房 "撰《事 之始 懋 於 ,皆重: 蘇文忠公言 魯 厚 錢 德 撰 是乎 於 自 葬; 原》,高承增益 懋 器 陛下 是 不足以 .桶 集經 其始爲 葬日,皆 始有 物 始 者 始 始, 尚 造作之始爲《 ,始之不謹 史爲 金石 用 羔。 垂 豈 民 殉 l 給 鼓 一爲《事 訓 「《春 ^ [之樂] 患 不 事 亦記 戒 惜 也。 物 始 魯 吹。 秋 京末 哉? 紀原 禮 於 司 **\*** 或 書 物 流 之 非 馬 是 始 馮

爲 外 坎化爲巽,先雨 卦 RI] 得陰 ^ 周易集 得 離 爲 不 雨,得 林 雨 後風。」 . 陽 雜 巽 不 占》 化 雨 爲 日 坎,先 : 其 爻 占 發 風 變, 天 後 雨 得坎 雨

足,而可遭乎?」 日 日? 公正色曰: 。」元城劉公歲 江 揔 晚閒居, 聊 「君子進德脩業,惟日 以 著 或 書 問 情 先生 暫 遣 何 他 以 不 遣 鄉

馮道 熱羹 傷 實 桃者或戒於李。』《 日 人問 而 陳正獻公疏曰: 吹整。」《北夢瑣言》: 日 如如 ,食桃不康,他日見李思戒。」 「寢膳之間,宜思調 楚 解・ 懲羹者必吹於齏, 惜誦》云: 唐明宗不豫, 衛。」指 「懲

以

學 未 養。」朱文公在同安,夜聞鐘鼓聲,聽其 未 之。」適聞寺鐘聲,曰:「譬如此寺鐘,方其 如 須專 此 絕,而此心已自走作,因此警懼,乃 撞 時,聲固在也。」伊 尹 心致志。 和静謂 動 静 先儒於鐘聲之人耳, 理。 川喜 伊川曰: 日 且 二試 更涵 體 知 聲 喻 爲 察

東坡《策别》「均户口」曰:「當成、康

《帝王世紀》。 三萬 + 刑 措之後,其民 萬四千九百三十三。 按《晋書 四 Ŧ 有 餘 地理志》: 極盛之時,九 夫。 地以 + 蓋 「民口千三百七 倍, 州 周 之籍 之盛也。」見 而民 不 居 過 千 其

鹽,攻玉以石」。 吴仁傑《鹽石新論》取《潛夫論》「洗金

牛經》四篇頒天下,●丁度爲序。
支色爲脛,納音色爲蹄。景祐元年,●以《土身,納音色爲腹。以立春日幹色爲角耳尾,土牛之法,以歲之幹色爲首,支色爲

上老人爲隱君子。 《黄石公記》云:「黄石,鎮星之精也。

0

<sup>●「</sup>年」,原作「牛」,據嘉慶本、道光本改。

本、道光本有「示」字。

詩曰 之諱 也。 ,皆缺畫。 成 都 石 堯、舜理 經, 范 孟 日,深泉薄冰。」猶不忘唐 魯公相本朝 蜀 所 刻 於 唐 ,其《誡 高 祖 子 太宗 姪》

盧

賢之可疑。」東坡《辯策問 亂 疑,於拾煤而知聖賢之可惑。」 掇蜂」一句云: ,於掇蜂 劉 夢 得 而知父子之可間,於拾煤 日 「於投 「於竊 釱 杼 奏 而知 丽 劄》引之, 知母子之可 心 目 而 之 而 知 聖 미 改

以 以 忠公曰: 也。 也; 利達何也?」公莫知 以三命語之。公曰: 道。」 流 何必逆計未 晁文元公平生不喜術數之説,術 樂天不憂,知命也; 日者,故知之。 「希元 有志于學, 然乎?」慈 所 夫必去是心,而 謂 「自然之分, ,先生日: 推理安常,委 顧 湖 先 未 能 生謂 忘富 「子嘗 天 者 後 真 貴 命 命 文 嘗 可

> 杞爲 張 元 文 相 潛 國 寓 陳 雜 詩 言 顔 平 原 事 誤

> > 以

無復處。」在河南福昌縣三鄉東。 谷訪長吉故居》云: 李長吉有《春歸昌谷》詩,張文 惆 悵 錦 囊 不濟《春 生 游 居

昌

文有 經 鳥 伸,延 五 唐六典》注: 搥之鍛。」《 年之術,故華佗有 後漢 崔寔《正 • 華 六禽之 論》云: 佗 傳》 云五 戲 能

也。 葑,江北有蔓菁,相似而 玉筍不可見,使我每食思故國。」 蕪菁至南皆變菘,菘美在上根不 郭璞云: 詩釋文》: 「今菘菜也。」案: 《草木 疏》云: 異。張文潛 葑, 江 詩 南 蕪 瑶 有

處 丘之容衆 也。 司空表聖《題 郭有 道之誘人」,此表聖所 東漢傳後》有取於 陳太 以

若 餘。 請 説》曰: 儉 以 而 犯義,不若儉 奢者心常貧,儉者心常富。」季元衡《儉 養 「貪饕以 福 日 . 放 招 肆 而 奢 辱,不若儉而守亷。 全 以 者 節。 逐 富 欲,不若 侵牟以 不足,儉者貧 聚仇,不 儉 丽 干 安 有

滯 見 御民之術。 馴則安。」許渾 荀悦《申鑒 孺 **>** 日 詩 子之 . 「遯跡 驅 覩孺 雞 急 驅 子之驅 雞 則 吏。」 鷩, 雞 緩 則 而 性。」皆要言也

耳。 亦此 任 云 其 氣 意 本 自 張 司 「草妨步則薙之、木 也 然 馬 不 文 相與 公時 潛《庭草 觀 此, 柰何欲自私,害彼安其 至 同生天地間 獨 則見周子窗前草不除之 · 詩 》 樂 **云**: 園 礙冠則芟之,其他 , 危 ,亦各欲遂其生 「人生群動 坐 讀 書堂, 八軀。」 中, 嘗

王 涣之曰: 乘 車 常以 顛墜處之, 乘

> 舟 常 以 覆 溺 處之,仕 宣常 以 不 遇 處 無

> > 事

矣。」此言近於達者。

姓何足與議?」董卓之遷 民不可與慮始」,商鞅之變法也。 都 也。 咈 百

百百

從己

一欲,其效可

睹矣。

斯飛。 扉。 之始也。 日 惟 垂衣 王建國 良辰是簡,枚 後魏温 八龍杳杳,九重 兒郎偉,猶言兒郎懣。 人 配 一子升 有 彼太 慶, 1 微 閶 無 四 闔 巍巍。 違。 海 大 門 攻媿當辯之。 爰 君 彫 F 歸。 有 梁 梁 居宸納祐 命, 乃 此 祝 架,綺 文 上梁 高 門 云 文 就 翼 啓

寬嚴不足 真文忠公曰: 以 盡 仁義。」 「仁義足以 包寬嚴 而

歡。」右端日 色,禍成於多言。」《冠 居其安,無忘 傅 玄《席銘》,左端曰: 寝 其危。」右 處毋 銘 忘其 後 **>** 日 日 : 患。」 「閒 左 居 居 惑 高 生 後 勿 於邪 極 其

薄於人。」 在 一被雖 無 忘 温, 敬 無 懼 忘人之寒。 則 安, 敬 則 無厚於己,無 正。」《 被 銘

即孟東野「寸草報春」之意。之德,不可方思, 涓塵之孝,河海之慈。」之德,不可方思, 涓塵之孝,河海之慈。」梁元帝《孝德傳‧天性讚》曰:「欲報

意。

文王而興者。陳同甫之言梅也亦然。蘇子由記杉謂求之於人,蓋所謂不待

三十四。兵禍之慘如此。

三十四。兵禍之慘如此。

「三十四。兵禍之慘如此。

「三十五萬九千八百四十。● 隋文開皇中,戶四十五萬九千八百四十。● 隋文開皇中,戶四十五萬九千八百四十。● 隋文開皇中,戶四十五萬九千八百四十一萬四千七百九,至肅天寶末,戶八百九十一萬四千七百九,至肅三十四。兵禍之慘如此。

其 時 耕田欲 時 在 風, 在 澤, 雨刈欲晴,去得順風來者怨」,本此 沿者之吉, 伊穜之利,乃稑之厄。」 東坡詩 泝 者 之凶 同 蓺 于

音「沉」,謂沉湎之后。誤矣。后者,後主之沈后也。《通鑑》釋文以「沈」公,卿不失爲沈后。」長城公,謂陳後主。沈公,卿不失爲、沈后。」 長城公,謂陳後主。沈

士曾肢等解。」蓋誤以「旼」爲「肢」。公皆取之。《館閣書目》:「《書講義》,博公皆取之。《館閣書目》:「《書講義》,博

爲敵,其不忠大矣。 之諭李德林也。 機、雲也。「平齊之利,唯在於爾」, 「伐吴之役,利獲二俊」,張華之 機、雲於河 德林願 以死 橋之役, 奉楊堅 周 與 高 稱 王 復 師 祖 陸

劉夢得《何

**卜賦》云:** 

「同涉于川,

其

以 以一 所以 持 國 事 必 湯名: 齊 者 節 事 ,持身必 周矣。 守 行 或 誼 何 利 焉 ? 是

《春秋 察掇蜂之讒,能知而 尹 者,亦有家法維持之也。 不 物則秉彝」之詩,吉 、吉甫蜀人,爲作清風 别,會食數千人。 録 書尹 異 傳》 氏 日 譏 世 不 甫 卿, 遭 周 能行 庶 飢 時 堂,其謬妄甚 幾 然 近 荒,羅 尹 也 世紀 知 能 氏 道者, 與 貴 輿 周 鼎 盛 地 同 作 丽 者 不能 盛 五 粥 矣。 謂謂 葉 衰

宜官書也。衛恒《四體書序》攷之,懸帳乃梁鵠書,非師《王羲之傳論》:「師宜懸帳之奇。」以

崔譔云:「鵬,音鳳。」宋玉曰:「鳥有鳳而魚有鯤。」《莊子音義》宋玉曰:「鳥有鳳而魚有鯤。」《莊子音義》

釋》以爲「王屮」。 王巾,字簡棲,作《頭陁寺碑》,《説文通

之學,勿强 封 孟獻 禪 七十二家, 子 其 友五人,孟子所忘者三。 所 不 知 管 夷 吾 所記 者 + 記 有 誦

以 鎮 祀 典 前 郢 已有之。 城 無之,吴、 集古録 ()城中 先 . 越有 李陽 有 神 爾。 祠 冰記》云: 俗號 按 城 北 隍神, 齊 城 慕 隍 則 容 神 唐 儼

韋 西河 唐子西《 渡橋南越悲。」下 採 藤 曲 **\*** 句 未見 魯 人 所 酒 出 薄 邯 鄲

亂,隱 皋 武 皋 何人也。」愚按: 既 「漢與 間 關 人 定,還宅扶樂。」歐 項  $\Rightarrow$ 且 觸 楚 居 集 得 收 河洛。 古 I 相 休息。 兵, 必引兵 距 録 滎 欲 陽 高 漢 使 南 《高祖 復 數 祖 人袁良 韓 東。 歲 走,王深壁,令滎陽 破 陽 信 項,實從其 公云: 漢常 紀》三年,漢 碑》云: 等 轅 得 生 困 輯 説 河 漢 蓋 册 願 北 當 不 君 王 王 趙 自 知爲 天下 秦 王 八成 地 之 出 成

74

者多 矣。」 連 燕 漢 力分, 齊  $\pm$ 從 君 其  $\pm$ 漢 計 乃 得 復走 休 出 息, 軍 榮陽 宛、 復 葉間 與 如 之 此 戰 此 則 即 破 楚 之 轅 所 必 生 備

也

轅」與「袁

同

靈官, 志 宫 殿 日 他 存 漢華 武帝起。」公偶未之攷耳 書 「京兆 僊 皆 Щ 不 門 華陰縣 見,惟 廟 日 碑 望 ℽ 僊 見 太 0 此 華 歐 武 碑。」按《漢 Ш 陽 帝立,宫 公云 在南 有 日 祠 集 地 集 靈 集 理 靈

倫、 義 Ш 司空文明詩,意其爲「打 詩 容 作「石郵 齋  $\overline{\mathcal{H}}$ 筆》 ,來風 石 尤風,引陳 貯 石 郵。 頭 楊文公詩亦作 逆風」 子昂、 也 戴 李 叔

論

氏

族

**×** 

日

氏

則

巫

Z

石郵風惡客心愁。

蹠 與 不 分 君 存 焉 子 古者 而 儒 服言 爲 人、 有 人 常 禽 行 E 心 别 而 小 堯、 日 焉 人 士 桀異 儒 懔乎其 無 焉, 常 善 利 心 미 仁義之心 之間 日 懼 民, 也 而 爲 舜 存 己 夫

> 儒 其 乎 尚 民 名, 工商 爾 志 否則 待 謂之士,行 可 ? 以 文 何 欺 特 王 以 其 立 丽 異 心,不 獨 己有 興 乎老、釋? 行 則 , 耻謂 謂 凡 可 之 民 以 之士 儒 爾 欺 通 其 困 鄉 無 而 天 否 其 不 地 則 實 學 何 人 則 而 謂 以 竊 下 異

楊 前 輩字,劉元 二君,李 古者,重長 翱 城 所 所 幼之序。 以 以 戒朱載 稱 馬 永 齒幼位卑 言也。 卿 也 後 而 生 名 不 稱

日月,逆儔之無天甚矣。 李希烈之黨 有 韓 霜 露 朱泚 之 黨 有 李

年, 也。 + 五 匠 亂。 陶。 四 鄮賊 年, 柳芳 乾符四 明 州,開 一按《 寶應元 明州 鍾 風 季 年 元 將 俗 文陷 ÷, 年, 栗 通》「乙」當作「卜」。 二十六 郢 鍠 袁 明 陷 殺 鼂 州 明 其 陷 年置,訖于唐 四 州 刺 明 也。 史 州 於事 盧 也。 景 雲以 也。 福 中 元 反,二 末, 貞 和 年 元 凡 元

明州將黄晟自稱刺史,五也。

《通鑑》。璩,字挺秀,見《世系表》。符四年閏二月。《紀》乃謂三年七月,當從符四年閏二月。《紀》乃謂三年七月,當從

口。」蕭望之曰:「堯、桀之分,在於義利而也。」蕭望之曰:「堯、桀之分,利與善之間

IĘ, 文。《唐書》蕪駮,因其成敗而書之,無所裁 忠乎? 文珍輩,又絶韋皋 禹錫等決事禁中。及議罷中人兵權,牾 人,坐王叔文黨,貶廢不用。《傳》稱 德之幽光, 豈有意於諸君子乎? 韓退之欲作唐一經,誅 范文正公謂 皋銜之、揣太子意、請監 劉 私請、欲斬 禹 錫、柳宗元、 姦諛於既死,發 劉闢,其意 或 吕温 m 叔 誅 文引 叔 非 俱 數

守柔。」《文子》云:「學常樅。」《淮南》誤。《説《淮南子》:「老子學商容,見舌而知

苑》亦云「常樅」。

氈壽五年,褥壽七年。」語本《考工記》。《唐•百官志》:「守宫令,席壽三年,

苗 姓。攷之《雲集》,有《與平原書》云: 崔君苗作之,聊復成前 登城門,意有懷,作《登臺賦》,極未 苗見兄文,輒欲焚其筆硯。」」君 也 《陸機傳》云: 「弟雲嘗與 意。」始知其爲 書日 苗、未 能 崔 知氏 成 君 前 君 而

煩,士龍思劣而雅好清省。」今觀士龍《與兄《文心雕龍》云:「士衡才優而綴辭尤

二曜、六五緯,皆本於此

省 省 不 取 恐 但  $\Box$ 悦 欲 清 其 澤。 無 新 妙 以 相接 往 欲 尚,意之至此 兄文 H 不 論 見。 不 章 文, 以 高 雲 此 遠 先 爲 今 絶 辭 ,乃出自 意 病 異 加 耳 視 後 然 文,乃 情 然。 若 猶 復 皆 尚 好 **令** 欲 絜 清 小 微 mi

也,房 書》 此 慘 姊 道 海 長 Ш 水 下 陸 蹙 自 之 驅 縣 物 可 中 惟 聞 職 並 既 具 車 有 切 錯 此 通 昨 永 有 示 舉 林 問 茂安《 茂 全伯始有 害 短 土 不可 縣 澤 千 不 西 安 人。 狐 地 去 里 有 外 之疾,又 -能復 稱 與 郡 之 大湖 東 甥 聞 陸 治 宜 名。 北 臨 石季 此消 食。 士 接 廣縱 將 不 巨 企 遏長 一龍 青、 有 來,是. 海 出三日,直 望 甫 息 姊 書 沙 来 見 徐 書 |I|往 千  $\Rightarrow$ 倍 鰄 日 報 使 夜 旬 以爲陂 往 頃 東 ~ 玉 益 爲 號 章 無 洞 憂慮。 篇 1: 鄮 涯 東 人, 泣 一老人 交、 北 龍 **�**, 燔 而 氾 具説 舉 有 廣, 蟲 茂 家 答 及 船 名 足 便 穴

珍玩 草 聞 至 逸。 甚 潤 意 所 至 鯸 鮪 因 既 慮 遏 山 隨時 烝 貴 品品 妙 備 高高 居 赤 海 民 畢 以 放鷹走犬,弓弩 也。 ,爲君: 尾 嚴 浦 真光赫 所 衣食常充,倉 爲 下 無 沉 前 類 石 無 隔隔 欲 田 代 首, 所不 數百 在 淪 臨 霜 及其 序。 丛 心, 涇 終 截 甚 隕 順 火 臛 之觀 比 曲 有 南 渭 簡 而 時 耕 難 蜯 舉 目 隈 官 兼 猶 飲 退 蛤 遊 鍤 可 盤 爲 水 庫 無 葭 之屬, 不 以 隨 亂 馬 燕 盡 成 獵 種 民 恒 逋 養,林 戲 미 雲, 不 言 潮 發,鳥不 昆 阳 亦 東 實。 滯 不 紀 之至樂 如 也 進 明 房 結 易。 之穀 目 海 下 煩 名 退,采 旲 置 鳥 之 榮 四 離 所 鍤 人 昔秦始皇 會 繞 ·得飛 祭 俊 季 民 希見 唇 方 宫 成 鱠 也 力 也 味,肴 岡 冬 奇 别 蜯 而 既 R 鰡 無 之月, 耳 獣 罻 麗 館 明 捕 鰒 若 密 決 鄉 既 飢 禮 羅 魚 至 乃 罔 天 隨 膳 不 乏 浸 泄 所 斷 牧 節 之 既 意 尊 不 得 彌 下 鱣 任

化 故 縱 愁。 其言能無其事耳。」 愚謂: 티. 此 行,季甫 在 滄 物志》、《二京》、《三都》殆不復 官長,鞭 歎,何足憂乎? 縣者, 海,遂 詳 放,真奇作 喜 鄮 桑弧 著之。 [慶, 歌 足下此書,足爲 縣三十 「於母 朴不 御六 蓬矢,丈夫之志,經營四 年少,受命牧民,武 無不遷變。 舞 前 餘 軍 也, 施, 相 伏 日。 南巡 送, 聲教 讀 且彼吏民,恭謹 미 以 夫以 三周,舉 典誥,雖《 一狩,登稽嶽,刻文石, 勿 尊大夫、●賢姊 補 風靡,漢、吴 爲 四 帝王之尊,不 慮 明郡乘之闕 城之 士 家大 也。」茂 龍之書,筆勢 Щ 過 篤 歌, 海 方,古人 小 也。 慎,敬 經》、《 以 安又 上下 豁 足 來, 以 憚 恐 然 遺, 答 有 異 臨 所 忘 當 愛 興 爾 身

弓》文法。

之譏 而 毁過 終日不言,是子夏氏 荀子》曰: 矣,然 因 正 其言 其衣 可 之賤 以 冠,齊 見 子 儒 其 夏門 也 顔 色, 人之 荀 卿 赚

氣象。

燕。 楚之滅秦也, 秦之破 楚 也, 王 陳 翦 涉 至 起 蘄 於 南, 蘄 大 殺 澤 其 將 中 軍 項 同

記 此 地 雖 也 東坡《觀 出出 微 與 爾 可, 反爾, 棋 天下其孰不賢之」,皆用《 詩 影誰 天道 昭 與 昭 棋者」,《 墨 君 檀 堂

吉日 春與猿  $\wedge$ 論 辰 良」。 吟兮, 語 \* 迅雷風 秋 鶴 與 烈必變」, 飛」,本於此 錯綜 ,非始於 成文。

其量矣。」後村詩 人之國,危人之天下不顧 安肯曰『吾不才』、『吾辱其位』? 徐仲車謂: 尊官重禄,人之所 未 必 也。 朱三 鄭 能 綮 甚 跋 可 者, 好 扈, 謂 也, Ì 知

- 「夫」,嘉慶本、道光本作「人」。
- ❷ 「朱」,原作「未」,據嘉慶本、道光本改。

四二七

罪也,於鄭綮何議焉?祇因鄭五欠經綸。」朱温之篡,崔、柳諸人之

山真容院太宗御書閣,已曰「寳章」矣。寧宗閣名曰「寳章」。至和二年,五臺

國。 處。 楚狂接輿並耕,沮、溺、荷蓧丈人一時在野之賢,萃於楚 城在葉縣。《郡國志》曰: 沮 耦耕之地,史謂蔡也。」 聖人晚年,眷眷於楚,有以也。」胡明仲曰: 桀溺耦耕之所。 《尸子》曰:『楚狂接輿耕於方城。』」方 《水經注》: 「方城西有黄城山,是長 「葉縣有長城曰方城,楚邑也。 有東流水,則子路 「沮、溺 問 津

詩。 善讀書者,或曰「此法當失」,或曰「一善讀書者,或曰「此法當失」,或曰「一善讀書者,或曰「此法當失」,或曰「一

「廟堂」二字,見《漢・徐樂傳》,云:

謂人君。今以爲宰相,誤矣。 「言人君爲政舉事,必告宗廟,議於明堂。」皆《九歎》云:「始結言於廟堂。」王逸注:云,「廟堂之議,非草茅所當言也」。劉向云:「廟堂之議,非草茅所當言也」。劉向

卦》。韓文公銘張徹,亦然。 葛源,亦終篇用「也」字,蓋本於《易》之《雜歐陽公記醉翁亭,用「也」字, 荆公誌

《荀子•成相》。 東坡《鍾子翼哀詞》,以四言間七言,學

也」,本於此。 曰漣。」老泉謂「風行水上涣,此天下之至文曰漣。」 卷泉謂「風行水上涣,此天下之至文

中,獨立千載後。」中,獨立千載後。」南豐詩稱昌黎之文云:「並驅《六經》

乎! 是嘗去《詩》、《書》以愚百姓者乎?周恭叔《跋秦璽文》曰: 「嗚呼,斯

者,李斯之魚 燕,更涉六朝,至于隋代者,慕容燕璽也。 (刻畫,吾忍觀之哉?」李微之曰: 璽,迄于獻 者乎? 高 恬 左 永嘉之亂,没于劉石,永和 者 以 者 蟲篆也,其 乎? 立 使其 平 聖 帝所 胡亥者乎? 璽不得傳者斯 實用者,秦 是嘗教其 也。 圍 四 太元之末,得 寸。 君 是嘗殺公子 璽也,歷 嚴 至漢 人也 「秦 督 謂 責 之 代 自 之 爾 而 而 所製。 寶。

傳國

世

一,復歸

江

西

皆

用其名。

安

恣

睢

扶

蘇

與

蒙

是

嘗

聽

趙

其

之。 帝恭 當時,皆誤以爲秦璽,而秦璽之亡則已 其 膺天命之寳,至道三年, 受寳之禮,始于元符,再行 後凡 嗣 位 則 更製。 乾興元年仁宗 真宗 于 嘉 即位 定。 久 即 製 皇

律,女真獲之以爲大寳者,石晋璽

也。

蓋

在

復爲隋有者

姚

秦

璽

也。

開運之亂

没

于

耶

陳

隋謂之神璽。劉裕北伐,得之關中,歷晋暨

位,嘉祐八年英宗即位,至神、哲、徽皆製 受命于天、既壽 進皇帝恭膺天命之寶,及元符三年 寳之禮,獻之宗廟。 明年正月朔旦,御 翟朝宗以玉檢來上,其文若合符 寶,及元符三年御府寳圖一册。 殿受寶,奉安天章閣。 嘉定十四年,京東 永昌玉璽。 元符三年玉璽、蓋徽宗即 河北 節 於是禮 制 使賈 鎮江 契。 官 御 大 奏 都 命 又 慶 之 受 得 統 是 位

太史奉諱惡,豈有是 璽也 而 更爲 寳, 哉 酛 也 而 更爲檢。 古者

必以文臣爲經略以 初,賣降恐後者,多武 祖宗之制,不以武人爲大帥 揔制之。 人也。 其後文臣 咸 淳 專制 末 德祐 亦 道, 賣

降矣。

鹵 簿篇 漢應劭 晋有《鹵 有《漢官 簿 圖 . 鹵 鹵 [簿儀] 簿 圖》,《漢官 齊有《 鹵

簿 記》十卷。 卷,王象畫《鹵 元 鹵 鹵 年書成,三十三卷,飾 儀 簿圖記》十卷。 簿 使 趙安仁作《戴斗懷柔録》,王 記》三卷。 绿》。 陳 有 景祐五 戴斗,謂北方。《爾雅》: 鹵 簿 簿 :圖》。 天聖六年,宋綬 年,緩取舊 圖》,唐有《大駕 政和七年,詔 景德二年,王欽若 以丹采,益 編 晦 改修,宣和 益 上 詳 鹵 新 叔作《戴 北戴斗極 備矣。 制,上 簿 鹵 E 簿

之器 前 爲空桐。 廣 非 後鋭,長尺三寸,其 擊 土 事、周 壤 也。 處《風土記》云: 「以木爲之, 先側 壤 於 形 地,遥 如 履。 於三十 古童兒 所戲 四

肖之辨略。」 賢不肖之辨嚴。後世有流品之分,而賢不 象山先生曰:「古者無流品之分,而

以手中壤擊之,中者爲上。」

司馬相如《諭巴蜀檄》曰: 「父兄之教

夫子雅言《詩》、《書》、執《禮》,而

性

與

也。」漢時有此議論,三代之流風遺俗猶存也。」漢時有此議論,三代之流風遺俗猶存不先,子弟之率不謹,寡廉鮮耻而俗不長厚

生焉。 焉 「寤寐無爲」、《澤陂》之詩所以 「飽食終 群居終日,言不及義」,而 故 日: 日, 民 無所用心」, 勞則 思, 思 刺 則 愐 險薄之習成 也 善 非 僻之心 心 生。

如裴度當李愬之謁,而蔡人知禮 俗厚。如釋之進王生之韈,而 「古之君子, 劉之道煇。《上李肅之納 一語 默 圃 禮義 明 拜書》 漢 施 世 設 而 日 風

日 以《孝經》、《論語》; 史, 畫子夜集。」學者當以 公史記,而約之以《資治通鑑》。」康 「二十歲之後,三十歲之前 晁景迂 目 博之以《五經》, 博之以太史公、 此 爲 法。 朝 節 而 經 先 歐 約 之 生 陽

天道高第不得聞。程子教人《大學》、《中

庸》,而無極、太極一語未嘗及。

云:「此後魏、北齊里俗僞字也。」「巧言」爲「辯」,「文子」爲「學」,宋景文

不用 苑英華》作「慢支」、《藝文類聚》作「曼友」,皆誤 以遺之。 有夙繇者,智伯欲攻之,鑄大鐘,方車二軌 宫之奇以族行。」《吕氏春秋》: 庾信《哀江 夙繇之君將迎鐘。 而 行,至衛七日,而夙繇亡。」《文 南 | 観》 「章蔓支以轂 赤章蔓枝 「中山之國 諫, 走,

宅。 起密嚴堂。」 宣德門前 東,第六春明坊,宋宣獻公宅,本王延德宅。 書志》,攷之《東京記》: 致政後闢 宋次道《春明退朝録》,晁子止《昭德 天 街東,第四 小園 ,號養素園,多閱佛書, 昭 「朱雀門外天 德坊,晁文元公 街 讀

〈吕氏春秋》: 伊尹奔夏,三年,反報

云: 于亳曰: 是琰。」注非 琬, 曰琰。斵其名於苕華之玉。 玉。」按《紀年》云: 「琬,當作婉,婉 「桀迷惑 「桀伐岷山,得二女, 於末 順 阿意之人。 嬉 分,好 彼琬 苕是琬,華 或云美 琰。」注

自 五 郊祀志》注: 又謂平王東遷洛邑,置道士七人。 人,置爲道士。《太霄經》以 本周康王大夫尹喜宅也。穆王爲召幽逸之 道人,亦謂有道之人。《元和郡縣志》樓觀 士 不居也。」蓋謂有道之士。 武帝始也。 十丈,上有九室,常置九天道士百人。」蓋 《新序》: 介子推曰: 穆王、平王事,不可攷。 漢宫閣疏云: 《漢 高謁 「神明臺,高 尹喜 而 京房 按《漢 得位 爲 尹 道

無號,至漢武帝始建元,後王因之。上皇之周甄鸞著《笑道論》曰:「古先帝王,立年道書有「赤明上皇無極永壽」之號。後

號 可 笑之深。」《隋志》 》又有「延 康龍 漢 開皇」。

之兆 宣政間 其廬拜受,獨李綱、傅崧卿、曾幾移疾 林靈素作《神霄籙》,自公卿以下,群造 道 教興行,至有號爲女真者,當時以 爲金戎猾 不行。 夏

崇《誠 云 非 不及者,自杜光庭爲之。」攷諸姚崇之言,則 言當矣。 無識者慕僧家之有利,約佛教而 老子好處,道家竊佛家不好處。」愚嘗觀 説佐其 老、莊與釋氏合也。 始於光庭也 老,以文飾之。」宋景文作《李蔚傳贊》亦 傅 子孫 華人之譎誕者,又攘莊周 奕 高。」然則釋氏 致堂謂: 排 》 日 釋氏, 謂 道士本 「經論科儀依倣佛氏 朱文公謂: 用老、莊之説也,非 中 以玄牝爲宗,而 或 幻 、列禦寇之 爲業。」 夫,模 「佛家 斯 姚 象 而 竊

北斗經》引「居其所而衆星共之」,誤以

北 辰」爲「 北 斗, 蓋 近 世 依 託 爲 之。

鶴

山云

「旁行敷落之教。」旁行,見

《漢 西域傳》。 敷落,見《度人經》。

「四河 道猷 注 請 道 所授學,如支遁本姓關,學於支謙爲支。 行,其徒猶未有 釋 皆姓釋。」 安始言佛氏釋迦,今爲佛子宜從佛氏,乃 種 一石: 本 漢 入海,無復河名。 姓 即 馮,學於帛尸 所謂 林 罽賓 葉 釋 稱僧,通 氏 傳》「塞 云 種。」按《增 梨 晋、 日道人。 四姓爲沙 種分散」, 密爲 宋 <u>阳</u> 帛是 間 其姓皆從 佛 門,皆 含經》: 顔 也 學 師 帛 古 稱 至 初

至。 汗常與共國。」 其法 《唐 日晏食,飲 回 鶻 傳》 水,茹 元 葷 和 一,屏 初, 始 湩 以 酪 摩 尼 口

召 五 説 胡之亂。 齋謂 而道 「老、莊之學,盛於 、釋之徒,皆自胡 魏、晋,以 人崇

子已 而盛。 尚 之黄、老,四變而爲巫蠱,五變而爲災祥,六 詛,再變而爲燕、秦之仙怪,三變而爲文、景 律之先驅也。」朱黼 吾民始夷乎言、祝乎首以爲好。 方異説,乘其虚而誘惑之。」 變而爲符讖。 日 遂盛 天而 憂其 誠齋謂 止 於中國。」釋氏至姚興而盛,道家至寇謙之 戎。 春秋 人心泛然,無所底止,而後西 漢之君志荒,而妖夢是踐。 「伊川之民,●被髮以祭,君 以 來,一變而爲諸侯之盟 日 「三代以上,不過 此五胡 耶

類。 李知幾謂意其説佛也。《皇天大紀論》曰: 安,實疚大事。]]注: 人」,謂周也。」愚謂西方之書,蓋《周志》之 當周 通 曆》云: 《列子 《晋語》: 昭王時,西方有傑戎,窮幻駕空説。」 · 仲尼篇》「西方之人有聖者」, 孝王元年,佛人涅槃。」《唐六 「西方之書有之曰: 「《詩》云 「西 「懷與 方之

> 年。二説不同。 典》注謂釋迦生當周莊王九年,魯莊公七

之教興廢。」則 月八日也。蓋陋儒之佞佛者,傅會爲此説 氏以《長歷》校之,知辛卯是四月五 義曰:「於時周之四月,則夏之仲春。 以是攷之,夜明星不見,乃二月 「莊公七年,夏四月,辛卯夜,恒星不見」,正 出時,佛從右脅墜地,即行七步。」按《春秋 生之日也。《瑞應經》: 昭夜景之鑒。」注云: 潏水云: 王簡棲《頭陀寺 讖書其来遠矣。 梵書有修多羅讖,言釋氏 碑》 「魯莊七年,夜明,佛 四月八日夜,明星 「周、魯二莊 Ŧi. 日,非四 日也。」 汽親

端者。或問地獄之事於真文忠公,公曰:梁觀國有《議蘇文》五卷,駁其羽翼異

■「民」,原作「戎」,據嘉慶本、道光本改。

四

無賄賂之獄 「天道至仁,必 無慘酷之刑; 神理至公,必

神之情狀,《易》盡之矣,曷爲求之它?」 李壽翁曰: 「性命之理,死生之故,鬼

即

通典》: 「唐有符袄正,謂之視 流

内。」祆,呼煙切,胡神 也。

靈。 之道,是以 始至則朝拜,遇國忌則引緇黄 皆古所無也。」 永嘉張淳忠甫曰: 雖 貧 而 不 願 「今之仕,皆非古 禄。」問 而薦在天之 其 説, 曰 :

之心若飘在水。」真文忠云: 止水,不可如槁木死灰。」 道家云: 「真人之心若珠在淵,衆人 「此心當 如 明

肓矣。 **業** 不爲君王致蜜來。」曾景建云: 東魏《檄梁》曰: 躁 誠齋詩云: 競 盈胸,謬治清净。」 「梵王豈 「毒 螫滿懷 可 是 謂 無 此 切 身已 甘 中 妄 露 其 敦 膏 戒 屬 ?

侯丞相,誰辦金錢贖帝歸?」

女冠爲女真,遂爲亂華之兆。 真、崇真之類,在祠宫者 總目》謂《太玄經》曰《太真經》。 聖祖名改玄武爲真武,玄枵爲真 玄宗也,皆因避諱而 唐有代宗,即 世宗也, 爲此 非一。 號 本 其末也, 枵。 祥符 朝 若迎真、奉 有 《崇文 真 目

事 事 載 天人,説周穆王時佛至中 ·也。」愚謂此釋氏剽襲《列子》之言,非 西極化人之事略同,不知寓言耶? 也 張文潛云:「嘗讀《宣律 國。 與《列 師 傳》,有 子》 抑 實 所

垂老抱佛脚」,孟東野《讀經》詩 也

有師傳。」出《八師 東坡《宸 奎閣 子 碑銘》: ,經》: 0 佛在舍衛國 神耀 得道,非 祇

0 八師子經」,疑爲「八師經」之誤。

樹給 名難數。 佛 所 孤 事 獨 者 園,時有梵志 吾今自 何 師 ? 然 神耀 佛 日 來 : 得 詣 道 佛所 吾 非 前 有 質 世 (疑日 師 師 也。 其 :

惟佛與佛」,出《法華經》。

足。 記》曰: 武 日 虎 泰 續 禍吾宗,釋子還家塔寺空。 百,是以有會昌之籍没。 而 Ш 一不能 禪牀 帝、唐武宗也。 成一 豹之區 乎 日不 谷 之言至 日中受供,林 放翁載長 作則不食。 屋,奪農夫十口 夫不 清 宴坐三十 「夫沙門法者,不住資生,行 化爲金碧,是以 儉 矣。 耕 守真 蘆宗 者 宗 燕 愚嘗觀山 下 年; 風。」三武,謂魏太武、 今也, 毁中 賾 賾 居 託 師 之 以 而 宿。 頌云 藥 飯 玉 浮 窮土木之妖,龍 有 Щ 食 谷《開先院修 應是昔年崇奉 屠 而 故 廣 以 ,所在常 氏 飯一僧,不 民十家之産 趙 明之除 三篾 「天生三武 州 而 能 以 繞 爲 干 湯。」 斷 乞 腹 數 取 造 周 此 蛇 薪

言,其墨名而儒行者與?

儒之教以萬法爲實,●釋之教以萬法

爲

空。

沙 門 冠簪爲 北 齊 文宣 德 一敕道 士。 其 士剃 相 反 髮爲沙門, 如 此 徽 宗令

離 唐高 元 人前,彈指云: 學佛者不繇 不足論也,太宗亦 經辨志 祖 西 後 世説》: 周武 山 廢 先 浮屠、老子 而急於大成,去洒 生《題 帝 持 廢 戒 「蘭闍,蘭闍。」此即 王 佛、道 楊 丞 而 欲 爲之何哉? 文公所書遺 法,其子太宗復之。 相 至定慧 導。 教,其子天元復之。 拜 掃 揚 ,亦猶 應 州 教 對 「蘭若 經 因 而 吾 過 儒 語 日 也 天 性 舍 胡

「法」,嘉慶本、道光本作「事」。

寓言也。

昔唐李文公問藥

Ш

禪

師

日

如

與天道之妙。』《跋普門

品》

Ě

此

佛

氏

四四元

苦海。 則 畏,如械自脱。 鬼國 笑曰 船到彼岸。 之,則知利欲熾然即是火坑,貪愛沉溺便爲 小 無忿嫉, 何 知補陀大士真實爲人,非浪語者。」 子,問此何爲?」文公怫然怒形於色。 是 : 黑風 也。」藥 一念清净,烈 『發此瞋恚心,便是黑風吹船,飄 如獸自 吹船,飄落鬼國?」師 災患纏縛,隨處而安, Щ 미 犇。 惡人侵凌,待以横逆, 謂善啓發人矣。 讀是 焰 成 池 經者,作 E 念警覺 如 以 我無怖 是 李 此 觀, 我 推 翱 落 師

詰之罪人也。」 奉 位 君 者也,而能視人之病爲己之病。 命,食君禄,乃不能以民病爲己責,是 錢文季《維摩菴記》云: 「維摩詰非 今吾 徒 有

謂 Ш 説 浮屠氏之有識者,猶不以是爲事,而學校 法 鄧 志 則 宏 徹 日 塑像, 禪教之判其來已久。 「丹霞 禦寒 則 燒 木 佛 余 德

> 乃 以土木爲先。 吾儒之道其然乎?」

牧所謂山 蓋官賜 年,薛平奏請 通鑑考異》云: 額者爲寺, 臺野邑是 賜 中條 私 也。」《杭州南亭記》: 造者爲 山 「《會要》: 蘭若額 招 提、 爲 「元和二 大和寺。J 蘭若,杜 「武宗去

山

臺野邑四

[萬所。]

困 學 紀 聞卷之二十

## 十駕齊養新録

〔清〕錢大昕 撰

目 録	易簡 ······· 六 傷於外者必反於家 ·········· 六						十四圭兩象易圖	日子河色品面口土河流		<u> </u>	易損	齋					目			
	協句即古音 一六	魏三體石經 一六	榮懷	矜 一五	泯泯棼棼 一五	苗民弗用靈 一五	耄荒 一四	穫	遵王之誼 一二	思曰容 一二	有亂十人 一二		南訛   一	筮用錢 一一	説文引易 一一	朱文公本義 一〇	兑爲妾爲養 九	八卦方位 八	河圖洛書 六	

愬風 一三 一	壼 二二二	岸 二三	有邰家室 二二	造	板	<b>腜</b> 二二	爰其適歸 二一	云何盱 二一	惛慘 二〇	譖 二〇	鶴鳴九皋 二〇	以重言釋一言 一九	脩脩 一九	曰與聿通 一九	驕 一八	陸氏釋文誶訊不辨 一七	揚之水 一七	<b>葑</b> ——————————————————————————————————	
孺子 二一	勉即俛字 三一	閷	<b> </b>	₩ ::::::::::::::::::::::::::::::::::::	媺	挈	復二九	紞	涅	朴	君之庶子	摯 二七	建栖誤作捷梱 二七	十駕齋養新録卷二 二七	詩序 二五	毛傳多轉音	降予卿士 二四	蔌	

目 録	<b>寔來 三八</b>	王者禘其祖之所自出 三八	修爵三七	貪戾三七	臂 二七	親民 三六	吴草廬中庸綱領 三六	子贛 三六	的然 三五	鬼神三五	素位三五	厭三四	斯 ······ 三四	朽與香對 ······ 三三	貸 三三	祭殤不舉 三三二	使子路問之 三二	禮地神 三二	張老善頌 三二
	大人患失	旦	高子容	向戌如陳	徒兵	褚	天属	蔽	絳縣人七十三年	吴行人儀	匱明	乘	戌戌	感即憾字	羊斟不與	不闕秦焉取之	陪	寫	曼

天即理 五	主一無適 五	程子言性中無孝弟 五三	曾 五二	斯己而已矣 五	居下訕上 五	冉伯牛 五	又盡善也 五	攻乎異端 五〇	天道 五〇	十駕齋養新録卷三 五	孔子生年月日 四八	何氏注公羊傳 四七	正義刊本妄改 四六	四方其順之 四六	<b>衡流而方羊 四</b>	<b>莒子狂</b> 四	妃墻 四	咋	
五   百畝之糞 六	四	三	二   季任 : 六	一 簿	一 齊人伐燕 六一	一 檢	一	〇   頑夫廉 六〇	〇   好名之人一節	〇 宋高宗書孟子 五九	八 孟子正義非孫宣公作 五九	七	六   論孟集注之誤 五八	六   朱子四書注避宋諱 五六	五   朱注引石經 五六	五   劉聘君 五六	五	五 忠恕 五五	

目 録	説文連上篆字爲句 七〇	説文舉一反三之例 七〇	駕齋養新録卷四 七〇	陸氏釋文多俗字 六八	石經俗體字 六八	石經避諱改字 六八	經史當得善本 六七	注疏舊本 六七	今本爾雅誤字	王女 六六	騚 六六	<b>瀘醜</b> 螸 六五	鉤股 六五	東陵阠 六四	太歲 六四	女叔 六三	將且 六三	窳 六三	<b>槓棘 六三  </b>
五	嶏	<b>僢即舛字 八</b>	客	古音不甚拘	<b>雍</b>	媡	<b>圌</b> ············ 七九	繁泉	叜	斠	奪	瘱 七七	説文校譌字 七五	宋人不講六書 七五	説文本字俗借爲它用 七	唐人引説文不皆可信 七四	説文引經異文七三	二徐私改諧聲字 七二	説文讀若之字或取轉聲 七一

蔓 八七 一	荷 八七	枇 八七	蝗	嚭 八六	票姚 八六	錯	與 八五		伐	假借 乞 八五	長深高廣 八四		更 八四	徐仙民多古音	<b>摲</b>	需有耎音	旭有好音	畜有好音 八一	
挑	兼	亢	阿	長	蜉	差	難	空	馮	條	若	乘	馨	相	員	繆	比	中	

目録	四聲圈點 一〇一	四聲始於齊梁 一〇〇	聲類韻集 一〇〇	紐弄	孫炎始爲翻語	十駕齋養新録卷五	宋時俗字	汜 九七	函 九六	斫 九六	床 九六	庵	犢鼻褌 九五	焉提	免與脱同義 九四	從横可讀去聲 九四	庫	余 九三	冒
七	十三史十史 一三三	三史 一三三	十駕齋養新録卷六 一三三	元時方音 一三二	聲相近而譌 一三一	舌音類隔之説不可信 一二四	古無輕脣音 一一二	古今音 一一一	字母諸家不同 一一一	西域四十七字 一一〇	字母 一〇九	喉舌齒脣牙聲 一〇八	雙聲疊韻 一〇七	平水韻 一〇七	唐宋韻同用獨用不同 一〇六	韻書次第不同 一〇五	沈休文不識雙聲 一〇五	一字兩讀 一〇三	翻切古今不同 一〇二

十七史 一	三四	司馬彪續漢書志附范史以傳	四二
十八史十九史 一	三四	安縣即婁縣之譌	四三
監本二十一史 一	三四	平原有西平昌縣	四三
史記舊本 一	三五	永憙年號	四四四
十二諸侯年表 一	三五	三國志注誤人正文	四四四
角里先生 一	一三五	徐詳當有傳	四五
司馬貞 一	一三六	新晉書	四五
吴楚通稱 ]	一三七	晉書敘例	一四六
漢書景祐本 一	三八	新舊晉書不同	一四六
地理志譌字 一		晉僑置州郡無南字	一四七
臣瓚晉灼集解	一三八	晉書沿襲之誤	一四七
漢書注本始于東晉 一		濟陽乃濟陰之譌	一四八
後漢書注攙入正文 一	三九	樂安國鄒縣	四九
張堪 ]	四〇	吴興郡脱一縣	一四九
章懷注多譌字 一	四〇	西郡非漢置	一四九
王充 ]	四〇	青州脱北海郡	一四九
陳蕃傳二郡字 一	四 一	濟岷郡	五〇
孔融傳誤 一	四 —	豫州之沛郡	五
許慎傳漏略	四 一 —	幽州之燕國	五一

地理志之誤	K
五代史	宗室世系表脱漏          市名地名從省          市名地名從省          市名       一五六         市       二五         市       二五         市       三五         市
断屠月禁殺日          一時書          一時書          特勤當從石刻          劉禹錫傳誤	規者

王安石狂妄 一七七	張載謚 一七六	景定建儲更名 一七六	范祖禹謚	田錫謚 一七六	年號連書從省 一七五	錢文紀年號 一七五	花石綱 一七五	以年號爲州縣名 一七四	宋世慶節 一七四	宋人避軒轅字 一七三	宋太廟 一七三	戒石銘 一七三	凌遲 一七二	折杖起於宋初 一七二	劉應龍傳脱誤 一七一	邵雍傳誤 一七一	王安石傳誤 一七〇	藝文志脱漏 一六九
J   蘇門四學士	/ 范文穆與文正不同族 ············· 一八四	<ul><li>へ 秦檜妻賜號先生 一八四</li></ul>	ハ 周孚先 一八三	ハ   沈尤同族 一八三	· · · · · · · · · · · · · · · · · · ·	4	· · · · · · · · · · · · · · · · · · ·	李彦章言史學 一八一	□ 張懷素吴儲 ·················· 一八○	禁人名寓意僭竊 一七九	政和禁聖天等字命名 一七九	僧道不稱寺觀主	一	一	宗室人翰苑 一七八	宋儒議論之偏 一七八	)	

胡土虎 二二七 一	鄧州移復 二二六	汪世顯傳不可信 二二五	五部將名互異 二二四	四怯薛	也可太傅	太宗三萬户名不同 二二二	迦堅茶寒 二二二	興德字誤 二二二	咸寧字誤 二二二	漢人八種 二二一	元史不諳地理 二一九	三公宰相表脱一年 二一八	本紀失書廷試進士兩科 二一八	延祐四年正月肆赦詔 二一七	祖孫同號 二一七	不只兒即布智兒 二一六	趙世延楊朶兒只皆色目 二一六	尋思干 二一五
世襲五經博士始于明 二三七	洪武鈔 二三七	程濟 二三六	明史 二三六	史臣分修志傳姓名可攷者 二三五	高麗王大順 二三五	王暠傳位事不足信 二三四	高麗王二名 二三四	順帝後世次 二三三	道童	僧稱吉祥	蒙古語   一二	泰定皇后	<b>宣聖配享 二三〇</b>	元初十路 二三〇	劉敏傳 二二九	雍古	月乃合 二二八	李全字誤 二二八

	E			
4	è	â	į	

二五八	銓試 二五八	左右 二五〇
二五八	春秋合題	尚左尚右侍左侍右 二四九
二五七	<b>塗改添注</b>	更部七司 二四九
二五七	題目疑難處上請	前行中行後行 頭司子司 二四八
三五七	經義破題	升朝官 京官 一一四七
二五六	狀元榜眼	唐人服色視散官 二四六
五五五	官名俗省	總督巡撫 二四六
五五五	建康府通判三人	大學士
五五五	宜差	五官 二四四
二五四	州院	大著作 二四四
五四四	直隸	大尚書 二四四
五三	十都統	負缺
五三	四總領	三公 二四三
五三	庾司	十駕齋養新録卷十 二四三
五二二二二二二二二二二二二二二二二二二二二二二二二二二二二二二二二二二二二二二	帥漕憲倉	譯音無定字 二四一
五五	選人七資四等	順義王俺答 二四一
五	正議大夫以上分左右	河套 二四〇
五〇	階官分左右	泰寧 二三九
五〇	度支支度不同	元後裔 二三八

牟婁 二六七	盱眙 二六七	薛 二六七	平州 二六六	廣韻載唐州名 二六五	水經注難盡信 二六四	分天下爲路 二六四	四川 二六三	湖北湖南 二六三	山東 二六三	兖州 二六二	三蜀 二六二	三楚 二六一	上江下江 二六一	江南 二六一	十駕齋養新録卷十一 二六一	鄉試録 二五九	文文肅殿試卷 二五九	科舉之弊 二五八
宋縣名相同 二八〇	唐縣名相同 二八〇	後漢縣名相同 二七九	漢地理志縣名相同 二七八	避諱改郡縣名 二七四	青海 二七四	秀水 二七三	平水二七三	李晏口 二七二	<b>沌口 二七一</b>	光化二七一	水洛城 二七一	蜀四帥府二七〇	虎嘯城	石城	新豐 二六九	泉州 二六九	大名府 二六八	通州 二六八

經攷 三一排字禮部韻注 三一	· 書 正 爲 · · · · · · · · · · · · · · · · · ·	周成雜字 三一四	玉篇 门一门	廣雅 三一二	國語 二一一	論語注疏正德本 三一一	儀禮疏單行本 三一一	儀禮注小字宋本 三一○	詩傳附録纂疏 三一〇	十駕齋養新録卷十三 三一〇	古人姓名割裂 三〇八	古人號相同 三〇七	宋人同姓名 三〇〇	劉眘虚 三〇〇	韋應物 二九九	王定保 二九八
衙門官制公言行録及敏行録	必事志 三三九平宋録 三二九	聖武親征録 三二八	東平王世家 三二七	孔氏祖庭廣記 三二六	東家雜記 三二六	胡五峰皇王大紀 三二五	<b>鼂公邁歷代紀年 三二五</b>	司馬温公稽古録 三二四	史通 三二三	唐律疏義 三二二	薛氏宋元通鑑 三二一	唐書直筆新例 三二一	吴越備史 三二〇	十六國春秋 三一九	竹書紀年 三一七	史記宋元本 三一七

一七	目 録
三秝撮要 三五五	揮麈録 三四四
寶祐會天歷 三五五	容齋隨筆 三四四
革象新書 三五四	顔氏家訓 三四三
測圓海鏡細草 三五四	風俗通義 三四二 一
數學九章 三五三	江西通志 三四二
丹元子步天歌 三五二	浙江通志 三四一
星經 三五二	太倉州志 三四〇
證類本艸 三五一	金陵新志 三四〇
洗冤録 三五一	琴川志 三三九
天禄識餘 三五〇	新定續志 三三九
池北偶談 三五〇	嚴州重修圖經 三三八
日知録 三四九	赤城志 三三七
湧幢小品 三四九	會稽續志 二三七
輟耕録 三四八	會稽志 三三六
夢粱録 三四八	興地紀勝 三三五
癸辛雜識 三四七	太平寰宇記 三三五
石刻鋪敘 三四六	十駕齊養新録卷十四 三三五
史繩祖學齋佔畢 三四五	永樂大典 三三二
履齋示兒編 三四五	文獻通攷 三三一

<b>崇文總目</b> 三六五		偶桓江雨軒藁 三六四	金華黄先生集 三六四	石田集 三六三	陵陽先生文集 三六三	鶴山大全集 三六二	野處類稟 三六二	潏水集 三六一	查氏注蘇詩 三六一	臨川集 三六〇	章蘇州集 三六〇	陸宣公集 三五九	宋名賢五百家播芳文粹 三五九	文選元槧本 三五八	文選注 三五八	文心雕龍 三五七	梅花喜神譜 三五七	太乙統宗寶鑑 三五六
邻陽令曹全碑 三八〇	0 0 0 0 0 0 0 0 0	禮器碑 三七九	<b>豹字牌 三七八</b>	甘露寺銅鐘 三七八	元常德路鑄造祭器題字 三七七	日字銅牌 三七七	宋金官印 三七五	南漢銅鐘題字 三七四	唐東都尚書兵部印 三七四	晉率善倓印 三七四	睢陵家丞印 三七三	商己孫敦 三七三	十駕齋養新録卷十五 三七三	元藝文志 三六八	菉竹堂書目 三六七	直齊書録解題 三六六	趙希弁讀書附志 三六六	郡齊讀書志 三六六

目 録	史氏墓三碑 三九一	永清縣宋石幢 三九一	趙崇雋壙誌 三九〇	經筵薦士章稿 三九〇	石刻詩經殘本 三八九	溪州銅柱記 三八八	吴越武肅王廟碑 三八七	慈雲嶺石刻 三八六	竹林寺石幢 三八五	湖州府天寧寺石幢 三八五	楚金禪師碑 三八四	王顏追樹十八代祖晉司空碑 三八三	諸暨令郭密之詩 三八三	雲麾將軍李秀碑 三八三	北嶽神廟碑 三八二	茹守福墓誌 三八二	馮本紀孝碑 三八一	楊紹買地券 三八〇	蜀石闕 三八〇
	頻煩	亞相	飲中八仙	少陵生卒年月	杜少陵詩用韻	詩集附它人作	聯句	陶靖節詩	古詩律詩之别	七言在五言之前	沈約韻不同于今韻	雙聲	古人聲韻之密	雙聲亦韻	詩句中有韻	十駕齋養新録卷十六	東鎮廟元碑	勢都兒大王令旨碑	朝城縣令旨碑
九	四〇二	四〇二	四〇二		四〇〇	四〇〇	四〇〇	三九九	三九九	三九八	三九八	三九六	三九六	三九五	三九五	三九五	三九四	三九三	三九二

王介甫詩 四〇八	父母官 四〇八	晚唐詩 四〇七	李義山 四〇七	胡釘鉸	金昌緒 四〇七	唐人辨聲韻四〇六	借韻 四〇六	李正封 四〇六	杜韋娘詩 四〇五	苜蓿盤四〇五	衛中立字退之 四〇五	十字 四〇四	旬四〇四	乾愁乾忙 四〇四	韋左司 四〇三	少陵用薛據詩 四〇三	分減 四〇三	友于 四〇三
上下洄 四一五	水田衣 四一五	律詩失粘 四一四	論詩絶句 四一四	6 後村詩 四一四	迎富 四一三	宋正甫 四一三	<b>養</b>		百家姓 四一二			[   一集中重複句	詩詞蹈襲	第一山詩 四一〇	□			蘇東坡詩 四○九

476

目	
録	
,	

六壬十二神 ·········· 四二七	文集須良友删削 四二二
六壬推行年 四二七	古人文字不宜學 四二一
夕桀	河閒傳 四二一
王深寧引九章有誤 四二七	<b>諱辨</b> 四二一
圓經周率 四二六	原道
十駕齋養新録卷十七 四二六	宋子京喜韓柳文 四二〇
題諱填諱 四二五	陋室銘 四一九
文人避家諱 四二五	傅奕詆浮圖法 四一九
四六 四二五	庾子山賦 四一九
開化寺碑 四二四	文筆 四一八
顧寧人 四二四	范縝神滅論 四一八
歸震川 四二四	庾闡揚都賦 四一八
父子共一碑	御覽載孔融語 四一七
東坡學韓柳 四二三	文選 四一七
喜雨亭記 四二三	查初白 四一六
東坡跋語誤 四二三	辨邵堯夫水火土石 四一六
老蘇族譜引 四二三	踳與踳異 四一六
七大家 四二二	三橋 四一六
曾王晚年異趣 四二二	<b>嗣</b> 艌 四一五

止謗 四四六	<b>電</b> 父 匹三八
儉	戒本河戉之譌
方正 四	刑德 四三七
廉恥 四	十干配合 四三六
義利 四	回回算術 四三五
謙讓 四	夜子時 四三五
言動 四	二十四時 四三四
忠恕	置閏 四三三
五倫 四	歲星超辰 四三三
道	六秝 ······ 四三'二
十駕齋養新録卷十八 四	太陰 四三〇
六壬	咸池 四三〇
九宫之神 四	霜月 四三〇
奇門 四	河圖闓苞受 四二九
反支 四三九	九鬿 四二九
歸忌 四三九	蓋天 四二九
孤虚 四三九	算盤 四二八
大將軍 四三八	天一家 四二八
雷公 四三八	太一 四二八

		目録
四六五	引書記卷數	六先生 四五五
四六四	借書	沈圭説 四五五
四六四	宋槧本 :	黨籍 四五四
四六四	十駕齋養新録卷十九	薦賢 四五四
四六三	治生	臣道 四五三
四六二	釋道俱盛于東晉	法後王
四六二	釋氏輪迴之説	知人之難 四五三
四六一	詩文盜竊	引儒人釋 四五二
四六一	文人浮薄	六經注我 四五二
四六〇	文人勿相輕	太極 四五一
四六〇	文字不苟作	道統 四五一
四六〇	清談	宋儒經學 四五〇
四五九	古語多有本	陳止齋不好辯 四五〇
四五八	通鑑多采善言	朱文公議論平實 四五〇
四五七	河防	功過相除 四四九
四五六	科場	名 四四八
四五六	居官忌二事	語録 四四七
四五六	清慎勤	重人不重位 四四七
四五五五	士大夫不説學	改過 四四六

義 四七二	五行命名 四七一	小名鐵柱 四七一	老 四七〇	婦人稱奴 四七〇	婦人稱阿 四六九	宫中稱呼 四六九	代友改字 四六九	非三公而稱公 四六八	夫差 四六八	易 四六七	閒介 四六七	翠 四六七	佚蕩 四六六	奥憹 四六六	仳脇 四六六	關穿 四六六	陳椽 四六六	下走
生日獻詩詞 四八	生日	六先生	于頔茶山詩述 四七九	袁高題名 四七八	錢珝 四七八	錢讓 四七七	嘉祥縣南武山 四七七	褒成侯未嘗徙封 四七六	契姪 四七六	孝弟 四七五	火耗 四七五	四柱四七五	浙東斗尺 四七四	錠 四七四	元寶 四七四	大斗大兩大尺	漢唐金價 四七三	雨四七二

目 録	陸暢 四九二	陸德明 四九二	沈恭子 四九一	松江 四九一	長洲 四九〇	姑蘇志 四九〇	吴地記 四八九	吴郡志沿革之誤 四八九	十駕齋養新録卷二十 四八九	籤詩 四八八	棋局 四八七	天師 四八七	道人道士之别 四八六	魁星 四八六	梓潼神 四八五	齊物 四八四	宋名刺 四八三	爵里刺 四八三	禁見任官生日受所屬禮物 四八二
二五	蔣彝墓 五〇二	富嚴墓 五〇一	惠元祐事不足信 五〇〇	范良器非翰林學士 五〇〇	韓世忠宅 五〇〇	程氏蝸廬 四九九	程公闢 四九九	賀方回家藏書 四九九	岑仲翔 四九八	豐稷 四九八	楊景略 四九八	章岵 四九七	程師孟無知蘇州事 四九六	滕甫知蘇州年月 四九六	李諒 四九五	胡惠齋 四九四	張伯顏 四九三	黄策 四九三	徐半千 四九三

譙周注論語 五一二	春秋正義宋槧本 五一二	太歲超辰立成 五一一	春秋十二公紀年 五〇九	左傳服杜之學 五〇八	蜀石經毛詩 五〇八	武王克殷之年 五〇七	像 五〇七	<b>簪</b> 當作哉 五〇七	卷上 五〇七	十駕齋養新餘録	蘇州府儒學誌 五〇六	渡僧橋石刻 五〇五	吴江學宋元碑 五〇五	同年醻唱詩 五〇四	趙崇雋墓 五〇四	楊懿孺墓 五〇三	朱耜墓 五〇三	鄭綘墓 五〇二
毛寶傳誤	晉書地理志之誤 五	史傳稱人字 五	三國志注 五	續漢書百官志注譌字 五	漢人異讀 五	蘇林音肸爲壓 五	漢書王子侯誤字 五	史記年表	太史公李延壽 五	諸史目録皆後人增加 五	史漢目録 五	卷中	古今音異 五	<b>恵</b>	昏當从唐本説文作昬 五	大題在下 五	諸經音 五	孟季子問公都子 五
五三五五	五二	五二	五 二 一	<u> </u>	五二〇	五二〇	五二〇	五九	五 九	五八	一八	九八	五五五	五五五	<u>力</u> 四	五四四	五三	五三三

二七	目 録
李伯時畫古器圖 五四一	白樂天文集 五三五
石刻詛楚文 五四一	帝王大度 五三五
群書治要 五四〇	<b>卷下</b> 五三五
翻刻古書易錯 五四〇	齊楚浙三黨 五三三
南雍經史板 五三九	東林 五三二
南監板經史 五三八	江西人 五三一
藏書之戹 五三八	耿炳文 五三一
韓奉常妻 五三八	哀宗紀 五三〇
晏元獻夫人 五三七	组 ······ 五三〇
吕東萊讀史多 五三七	南宋事略 五二九
陸象山疑有子 五三七	謝昊 五二八
何道夫語 五三七	一字三字石經 五二八
朱文公語 五三七	隋書經籍志遺漏 五二八
程伯淳語 五三六	隋五行志多讜言 五二七
章惇事邵康節胡安國稱秦檜 五三六	王劭齊隋二史 五二七
曾文肅帥青社 五三六	何法盛書 五二六
吕升卿通判海州 五三六	孟康 五二六
東坡在元祐時已有詆誣之者 五三六	劉逵 五二五
歐公誤用不識撐犂 五三五	朱序傳誤 五二五

賽仁孝 ::	滿朝歡 ::	金毛鼠 ::	笑面夜叉	章硬頸 ::	雞鴨諫議	花木瓜 ::	捕風 ::::	捉筆	脩容	郭叔誼 ::	番陽洪氏	司馬康 ::	陸羽從僧姓	京房吹律定	姓隨音變	避諱改姓	元會運世
	:	:	:		:	:	:		:	:	:	:		姓	:	:	:
														:			
				:										:	:	:	
	:	•	:	:		•		•	•	:		:	:		•		
	:	:	:	:	:	:	:	:	:	:	:	:	:	:	:	:	
			•			•									•		
		:	:			:			:		:	:	:	:	:		
	:	:	:		•			•	:	:	:		:	:		:	
		:		:	:				:		:	:				:	
•	:	:	:	:	•	:	:	•		:	:	:	:	:	:	:	:
五四六	五四六	五四六	五四五	五四五	五四五	五四五	五四五	五四四	五四四	五四四四	五四三	五四三	五四三	五四三	五四二	五四二	五四一

隱

## 校 點 説 明

治

里,引疾不仕。 後爲詹事府少詹事,先後擔任山東、湖南、浙江、河 與紀昀並稱「南錢北紀」。 南諸省鄉試主考,提督廣東學政。 文獻通考》、《續通志》、《一統志》及《天球圖》諸書。 進士、選翰林院庶吉士、散館授編修。 曆南巡,因獻賦獲賜舉人,官內閣中書。 楣,號及之、竹汀,晚年自稱潛 入直上書房,授皇十二子書。 賦聞名江南。 (今上海嘉定)人,清代史學家、漢學家。 早年以 錢大昕(一七二八─一八〇四),字曉徵、辛 田三十年,潛心著述,歷主鍾山、 乾隆十六年(一七五一),清高宗 嘉慶三年,廷臣致書勸出,皆婉 又與修《音韻述微》、《續 參與編修《熱河志》 研 老人,江蘇嘉定 四十年,居喪歸 三十四年, 十九年中 婁東、紫 弘 詩

書院。其門下弟子多至二千人。

陽

成。 音」,更是他在音韻學上的卓見。 爲同 金元四史朔閏考》是他研治天文曆算的代表作, 學外,於所涉諸學,多有創獲。 遺》、《諸史拾遺》及《潛研堂金石文跋尾》等。 證。 事求是」爲宗旨,雖主張從訓 而不知今的考據學 族表》、《補元史藝文志》、《元詩記事》、《三史拾 甚深,於元史尤爲專精。 文、曆算以及音韻等。 記》、《漢書》迄《金史》、《元史》,一一校勘,詳爲考 學置於同等重要的地位,以治經方法治史。自《史 巡寓對 一經,亦不墨守漢儒家法。 著有《廿二史考異》、《宋學士年表》、《元史氏 時 於正史、雜史之外,兼及輿地、金石、典制、 錢大昕是乾嘉學派的重要人物。其學以「實 清廷弊政的不滿,於所著《十駕齋養新録》、 學 者所 推 重。「古無輕唇音」、「古無舌上 者, 他往往以考史論學的形式 對宋、遼、金、元四史,用 他曾打算重修《元史》, 詰以求義理,但不 《三統術行》、《宋遼 他主張把史學與經 錢大昕並非知 除史 天 專

《潛研堂文集》多有反映。

爲《潛 昕 專治 博,考辨審 代儒宗也」。 E 若先生學究天人,博宗群 精 洵爲清 對 研堂全書》刊行 嘉時 經 轉 而 一生著述豐富,約 實, 變 代史學 期, 無 (《漢學 經 造 首 時 不 詣 重 學 家第 通, 精 三經學。 師承記》 術 深。 不 趨 一人矣」(《 專攻一藝 籍,自開國以來,蔚 向影響 當時 計 錢 四 大昕力倡治史, 近人陳 人江藩 百餘萬字,後 甚大。 金 而無藝 明 寅 稱「先 館 恪 他 稱 不 學 叢 世 生不 精」, 既 稿 錢 然 問 輯 大 博 淵

卷 四 論 經 以 最 論 卷 官 類從,大旨仿顧 術 制 論 四 + 録》三卷。 爲其畢生 數, 古 卷、 駕 書,十 齋 + 五 卷論 養新 八卷論 卷論 精力之薈萃。 五 其書不分門目,而編次先後, 地 炎武《日知 録》是錢 卷 小學,六卷 理,十二卷論姓名,十三卷、 儒 論 術,十 金 石, 大 + 昕 九卷、二十卷爲 録》條例。 全 至九卷論 六卷 的 書二十 隨 論 筆 詞 史學,十 卷,另 札 前三 章,十 記 雜 卷 成 則 有 卷 録 + 論 略 後 書

> 録》 論 其考鏡源流, 賢《回憶我的老師援庵先生》、《勵 考 證 爲後人稱賞,被學者視爲典範。 一應 =史 日 學 推 知録》在 大 王 錢 辨 師 大 偽 陳 昕 訛, 清 垣 的《十篇 代是第一 曾 索微燭 這 樣 癬 評 幽,皆 流的, 養 耘 價 新 書 + 録》。」( 精 屋 但 確中 問 還 駕 不 齊 単 Ē 養 記 趙 是 光 第 新

三五 家塾 九九 年 本), 印。 四十二收録了《十駕齋 本。 書 年浙江書局據潛 的 中 局 錢 編刻 排印 一年商 除此 華 七年江 道光二十年 氏 其他版本主 十駕齊養新録》於清嘉慶九年(一八 書 家 本, 局《 的《 之外。《 務印書館《 刻《嘉 蘇古 四 嘉定錢 部備 九 皇 定 籍出版社《嘉定 一要有 研 錢 七四 堂本 清 錢 師 頭 氏 要》本, 經 光 氏 年香 養新録》中與 潛 學基本 解》卷 重 據 潛 嘉慶十一年 研 刻, 潛 研堂全書》本(潛 港 堂 一九六四年臺 研堂本 崇文書 四 全 叢書》本, 光緒十年長 錢 百 書》 大 三十 經 店排 重 重 昕全集》標 至十 印, 學 刊 九 一九三六 本, 0 有 即 沙 至 灣 光 四 世 年 研 四 緒 多 界 九 間 刊 百 點 氏 堂

=

屬文字、音韻方面的條目共一百七十九條。

本。至於校本,錢師光重印本、浙江書局重刻本、本。至於校本,錢師光重印本、浙江書局重刻本、四部備要》本皆源出潛研堂本,屬於同一系統而無校勘價值,可以忽略。長沙龍氏家塾重刊本爲另行編刻,校勘精細,故列爲校本。而商務印書館界,校勘門遺吸收了江蘇古籍出版社標點本的研究成聚。校記中長沙龍氏家塾重刊本爲展、校記中長沙龍氏家塾重刊本簡稱「商務中」。書中的避諱字遵照底本,唯闕筆者補完。校點不當之處,希望得到專家和讀者的指正。

校點者 李光輝

## +録序

高 然能者尚少。 出,乃遠過乎千百 大全》易極矣。 元 而精之,可謂 論 初學者,不能學唐宋儒者之難 、易立名者爲 術 盛衰, 我 難 中葉以後,學者 當 朝開國,鴻 年以 矣,可謂盛矣。 事,其流至於明初《五 於 白 前。 年 前 乾隆中,學者 儒 後 碩 論 漸 惟 學接 升 務 以空言 於難 降 踵 經 更 而

早,人倫 尚少,惟嘉定錢 音韵,或言 言之,蓋 或言史學 或 初以 有 師 ,或言 表, 九 金 來,諸 難。 石 履 辛楣先生能 天 詩文,專精者 蹈 先 學 儒 粹 生講 ,或言地 或言道德,或言經術 然, 學 此 人 上書房,歸 兼其成。由 固 理 所 多,兼 ,或言文字 難 能 擅 也 今 者

八也。 事 先 易者弗從。」故聖賢 服膺《曾子》十篇矣,曾子曰: 難,求之百載,歸 壇站,冠冕館閣,此人所難能 編録,於官制 之本,此人所難 分合,無不考而明之,此人所難 能五也。 天算,三統上下,無不 年未正之譌,此人所難 能三也。先生於正史雜史,無不討尋, 經學,傳注 生於六書音韵,觀其會通,得古人聲音文字 必 説 生 求 深 標一 先生詩古文詞,及其早歲,久已 其 於道德性情之理,持 先生校正地志,於天下古今沿 (是,此 旨, 疏 史事 義,無 即 能 人所 於嘉 名 七也。 ', 攷核 不 爲 所 難能二 定,孰不云然 大儒 能 推 洞徹原委,此 能 ,必 尤精,此 而明之,此 先生於金石,無 四 ,恐古聖賢不 ;論必 也。 爲 也。 九也。 至 能 「難者弗辟, 執其 先 先 難。 人所 六 生 人 生 合此 人 也 中, 所 主 所 精 潛 難 訂 元 當 立 九 盟 能 不 先 革 千 難 難 寔 通

序

所自 論,即 後之史官傳大儒者略述之。 折杖一枝,非鄧林之大不能有也。 乃隨筆扎記經史諸義之書,學者必欲得 學者所讀矣。 衍》、《金石跋尾》、《潛研堂文集》,久爲海 是之易 讀之,乞刻於版。 通 鑑 .見者,於百年前後,約舉 元於先生之學,未能少 注辯 瑣言剩義,非貫通原本者不 也。 正》、《元史藝文志》、《三統 先 别有《十駕齋養新 生 所 凡此所箸,皆精確中正 著 書 若《 廿二 /測厓 九 難之義,爲 録》廿卷 史攷異 岸,僅就 能,譬之 噫嘻 難 之 内 而

阮 元謹序。 嘉慶九 年歲次甲子小雪日, 揚州後學

自

序

祖訓 厚詠 光 瓻久廢。 不加 於讀 眊 願學新心養新德,長隨新葉起新. 且示以「温故知新」之旨。 今年逾七十,學 ,猶賢 耳聾,記一忘十,問字之客不來,借 進 也。 書之堂,大昕兒時侍左右, 嘗爲誦之, 芭蕉句也。 芭蕉心盡展新枝,新卷新心暗已隨 ,追惟燕翼之言,泚然汗下。 博簺之好,題 偶有咫聞,隨筆記之,自慙螢爝之 嘉慶四年十月,書於十駕齋。 先大父嘗取 曰《養新 「養新」二字榜 録》,不 知。」張 加 敢忘 書 以 之 目 子

# 十駕齋養新録 卷

易

韻

嘉定錢大昕

字,當讀如 而 彬聲。」與《易》義相應,則許君所見《周易》 言。予案《説文》: 近,故今本作「炳」,猶彪虨字本當作「虨」, 必作「虨」,不作「炳」也。 求之,不合。顧氏炎武撰《易音》,遂諱而不 也」、「小人革面,順以從君也」三句,以今韻 大人虎變,其文炳也」、「君子豹變,其文蔚 詞賦家多用彪 易》象傳六十四 獻, 與 君 **[炳耳。虨,正字,炳,假借** 「虨,虎文彪也。 爲 韻也。 蔚从尉聲, 尉 ,卦皆有韻,唯《革傳》 「彬」、「炳」聲相 从虍,

耳。 ट又持火以申繒也。」今吴人呼聚斗爲運 則朱以「極」爲「敬」甚合古音,但不必破字 「自關而 聲相近。 亦諱而不言。予謂「極」从「亟」,「亟」、「敬」 疑「極」當爲「敬」。 知極也。」「九二貞吉,中以行正也。」朱文公 「君」協韻也。《未濟傳》: 「濡其尾,亦不 字下引《易》「君子豹變,其文斐也」,「斐」即 律》「婦告威姑」、「威姑」者,君姑也。《説 斗,是「熨」有「運」音,則「熨」亦可讀如「運」 本作「熨」、《説文》:「熨,从上案下也。从 「漀」與「君」協韻,又何疑乎?《説文》「斐」 「蔚」之異文,「斐」與「分」聲相近,故亦可與 顧氏拘於偏旁,謂一字不當有兩音,故 「莙讀若威。」「威」與「君」同音,則 西,秦、晉之間,凡相敬愛謂之亟。」 《廣韻》: 顧氏以「極」「正」非韻。 「亟,敬也。」《方言》:

## 於 此 等未能了了。

### 六 + 四 桂

乎、 變,乾、 得 義。 桂 之例本此。 爲坤,坎變爲離,震變爲巽,艮變爲兑,虞翻六十四 濟 奇耦之定位 四 (序卦》 之反對。 卦。 即 乾、坤之中爻,故 小 故 坎、 乾、坤父母 各自 過 坤、 卦 一篇列其 (説卦 離,故 與 乾 或取 皆 爲 坎、 乾、 坤、 也。 兩 傳》 對 反復、震、艮、巽、兑是也 離、 兩 居 坤、 坎離 卦,爲上下經之首; 多 列 先 八 下 相 震、 坎、 居上經之終; 於坎離、 後 桂 經 以 對 反 巽、 之終; 之次, 雷 重 復 離 爲 風 相 艮、 同 不 Щ 對 衰,故反復 爲 既 要 兑 澤 之 + 反 亦 未 頤、 是 例, 相 四 復 濟之前 以 也 對, 大 既 卦, 不 相 或 ; 過、 濟、 坎、 衰 卦 對 雖 陰 只 取 旁 乾 有 之 爲 陽 中 未 離 有 交 通 變

> 例 皆 此 取 八 與《 明 桂 反 人 説 皆以旁通 復,震、艮、 事 卦》不 也 同 爲對 巽、  $\sim$ 者 兑 説 八 也 卦 純 **>** 言 挂 其 天 餘 亦 道 取 五 反 + 彖 復 六 之 桂

#### 六 + 四 桂 旁 通

象》

履澤天 訟 水天 復 觀 乾 地風 雷地 天 明夷 大壯 謙 坤 姤 山地 風天 地 火地 天雷 屯 无 暰 泰 師 雷水 妄 天地 嗑 水地 雷天 鼎 雷火 否 同 人大 地天 升 井 風火 風地 風水 大畜 賁 蒙 水山 隨 比 火山 雷澤 地水 大有 蠱 天山 革 困 萃地澤 風山 火澤 水澤 天火 頤 剥 臨 小 需 畜 地山 天水 雷山 澤地 大過 夬 天風 晉 遯 豫 天澤 山天 地火

睽

澤火

蹇

山水

震

巽

艮

兑

漸

山風

歸

妹

澤雷

山

雷

風

坎

離

咸

山澤

損

澤山

恒

風雷

益雷風

家人風

解

水雷

風澤

水

火

地雷

豐 火雷 海 水風 旅 山火 節 澤水 中孚風 小過 山雷 濟 火水 未濟 水火

乾 坤、 坎 離 頤 大過、 中孚 小 過 爲 反 復

不 掛

泰否、 隨 既 漸 濟未濟,反復兼兩象易,兼旁通 歸 妹, 反復兼旁通

## 六十 四 桂 兩 象易

巽、兑八純 解。 今演 其 説《易》有「 桂 圖 上下 如 右 兩 兩象易」,後儒 乾、坤、 象 相 同,不 坎、離、 列 震、艮、 多不能

电雷水 畜 山地 天姤 風天 剥 解 地山 水雷 履澤天 豫 蒙 地雷 水山 夫 天澤 復 蹇 雷地 山水 泰 天地 需 隨 雷澤 天水 否 訟 歸 地天 水天 妹 澤雷 同人 蠱 師 風山 火天 水地 大有 漸 比 山風 地水 天火

小

謙

臨

澤地

地澤

觀

地風

升

風地

噬

嗑

雷火

豐

火雷

火山

旅

嗣

孔

无妄丟大壯思 咸 山澤 損 澤山 天雷 大畜 恒 風雷 天山 遯 益 雷風 山天 家人風鼎火 頤 雷山 小過 山雷 大過 晉

風澤

中孚

澤風

《大畜・彖傳》有「能 艮二 然後 嘗 畜 以 畜 睽 止 反,養也。」《大畜·象傳》「多識 本 澤火 畜其 然 訓 又 革 ^ 了, 王 畜 卦之德,非釋 可養」、《釋文》皆云「本又作 後 作 易 德」、《序卦傳》「比 爲 有 輔 蓄, 敕六 . 止 禮」、「有无妄 小 困 注 畜 水澤 漢儒 亦 節 **>** 反, 澤水 同 桂  $\sim$ 大 或 名。 積 止 井 風水 訓 畜 獨 健」之 然 也 積, **>** 蓋 涣 必 後 **卦** 聚 穎 宣 水風 或 有 可 達《 語, 也。 尼説《易》未 釋 訓 畜 所 前 畜」、「 小畜》 養,皆 著」。 二、「物 文》 此 言往行, 地火 鄭 明夷 言 許六 火地 物 唯

又云: 義云: 句 誤,遂疑畜有止義,并《孟子》「畜君何尤」 不能止,故有「密雲不雨」之象,大畜可言 及於「小畜」,不知巽主入不主止,大畜、 陽。」蓋疏家因《大畜》有「止健」之文,遂 止,小畜 在乾上能畜而止之,小畜、巽在乾上能 小畜之義,唯當畜 總不能畜止剛健。」又云: 亦訓 爲止矣。 不 若陽之上升, · 可 言 又和 止 順,不能 也。 止在下三陽。」又云: 陰 後儒 止畜 能 「不能畜止 畜 沿《正 在下之乾。 止。」又云: 義》之 畜 艮 類 諸

古音。 救切者,訓六畜。 訓 「六畜」爲敕六切,「蓄聚」爲許六切,皆 積 經 訓 典「畜」字有 聚 讀 許 此字《説文》作「嘼」。 = 六切者, 音 訓 讀 敕六 養 今人 切者, 讀 非 讀 許

> 以 平,去則皆去,豈 「徐唯此一字作官音。」是「童觀」、「 收平、去兩音,於「中正以觀天下」●云: 聲,彖傳「大觀在上,中正以觀天下」,象 後人强分。《易》「觀卦」之「觀」相傳 實動静之分,好惡異義起於葛洪《字苑 並讀去聲矣。 説本於陸氏《釋文》。 「風行地上,觀」,並同此音,其餘皆如字,其 觀我生」、「觀其生」、「觀國之光」,徐 前 無此分别也。 古人訓詁寓於聲音,字各有義,初無 六爻皆以卦名取義,平 有兩讀之理? 「觀」有平、去兩音,亦 然陸於「觀國之光」兼 而 學 闚 者 則 觀、 讀 仙 因 皆 民 傳 去 是 漢

觀

❶ 「中正」,宋刻宋元遞修本《釋文》無此二字。

音直吏反,而「先治其國」之「治」無音,則當 得我心者矣。《大學》「國治」之「治」陸 循不悟,所謂是末師而非往古者也。 脩、正心心正、誠意意誠、格物物格,皆不 讀平聲,此尤可笑。 反切之前,安知不皆爲平聲乎?」斯可謂 翁《觀亭記》云: 文、不幾於菽麥之罔辨乎? 有兩音,而獨於「治」字辨之,曾不審上下 觀」,六爻爲「觀瞻」之「觀」,竊意未有 觀卦彖、象爲『觀示』之 夫齊家家齊、脩身身 魏 德 四 聞 先 聲 T 明

衹

是,安福也,引《易》「褆既平」,今《易》亦作爲祗敬字,从氐,敬也。又别有「褆」字,从爲神祇字,从氏,地示提出萬物者也, 一《説文·示部》有「祇」「祗」二字。 一

適。 字·衣部》承《玉篇》之誤,亦收此字,訓 爲適,此六朝俗 乃《玉篇》於《衣部》添「衹」字,讀之移切,訓 音,「祇」訓適。 悔」,王肅作「禔」,九家本作「多」字音「支」。 適,且以从示爲誤,則大謬矣。 衣之「紙」,初無「紙」字也。 云: 「多」與「祇」同。 疏家謂古人「多」「祇」同 案《左氏》襄廿九年傳「祇見疏也」,服虔本 支音,與「神祇」音小異耳。 「是」通用,則「禔」「祇」 「禔」既 「祇」訓適者即與禔通之祇,非别有它字矣。 祇」作「多」, 祇 《史記·韓安 」。《京房》作「褆」,與《説文》同。 古文「氏 「褆,一作祇。」《漢書》亦作「祇」。 訓 福、 訓 《詩》「祇攪我心」、「祇自塵兮」皆訓 《論語》「多見其不知量也」, 體。 安,安與 國傳》「提取 。《説文》但有从氐訓 亦可通,但相承 適 而張參五 《復卦》「无祇 義 辱耳」,徐 亦 唐石經「无 相承, 經文 讀 則 廣 爲 短

熟也。此字不載《説文》,且經典所無,或以當祇適字,非。承張參之誤。《玉篇・禾部》有「秖」字,竹尸切,穀始祇悔」从示从氏,「祇既平」从衣从氏,此又

## 力少而任重

少任大。」今本「少」作「小」。唯北宋景祐本是「少」字。 石經同。 偏枯,當從唐石經作「力少而任重」爲正。 大,力小而任重。」三句中用兩「小」字,似覺 「力少任重」。 後漢書 ^ 繋辭傳》: · 朱馮虞鄭周傳贊》注引《易》,與 《漢書•王莽傳》: 或 志 • 王 德薄而位尊,知小而謀 脩傳》注引《 「自知德薄位尊,力 魏

# 傷於外者必反於家

《序卦傳》「傷於外者必反於家」,唐石

本義》咸淳本亦作「於」字。經及岳氏本並同,今本作「必反其家」。《周易

### 易簡

## 河圖洛書

於許堅,堅傳于李溉,溉傳于种放,放傳于圖》始首列之,謂劉牧傳于范諤昌,諤昌傳《河圖》、《洛書》兩圖,宋朱震《周易卦

望云: 牧説 焉。 希 七 即十也,故《河圖》之數四十有五,而五十之 九,奇數,二十有五, 三與八成友,四與九同道,五與五相守。」范 也。太元曰: 三八爲木,四九爲 五與五合而 爲七,三與五合而爲八,四與五合而爲九, 五 四 數具,《洛書》之數五十有五,而五十之數在 三十。故曰: 『天地之數五十有五。』數 。《洛書》一 爲 夷 丁壬六,戊癸五,而 以九 唯十即五也,故甲巳九,乙庚八,丙辛 肩 漢上朱氏始列《河圖》、《洛書》於《易圖》之首,依劉 陳 摶。 「重言五者, 爲《河 八 河 爲十, 圖》 爲足,縱 「一與六共宗,二與七共朋, 與五合而 圖》 十爲《洛 金,五十爲土,十即五五 戴九履一,左三右七,二 一六爲水,二七爲火, 十可知也。 二四六八十,偶數, 横 不數十,十盈數 爲六,二與五 + 有 至朱文公用蔡元定 五 總總 一三五七 四 合而 + 也。 有 五

> 説,以 康節 定説,謂 先生邵 劉 所傳《河圖 雍皆謂 書》之象,自漢孔安國、 》爲《洛書》、《洛書》爲《河 如 此 至劉牧始 兩易其 劉 歆,魏關子明,宋 名 圖》。 而諸 又引 元

之。

《圖》之不爲《書》,《書》之不爲《圖》」, 《河圖》之數,方者《洛書》之文。」且 範之數 九圓 子尚有疑於此 爲《書》乎? 朱子雖力攻劉 子説,辨析甚精。 「朱文公以十爲《河圖》、九爲《洛書》。」 爲《洛書》,而 一之圖,其象圓,五行生成之圖,其象 而十方也。 劉牧《易數鈎隱 誠 相 表裹」, 也。 朱文公易之。 安知邵子不以九爲《圖》十 而邵子不過曰:「 爲 圖》以九爲《河 可 疑 耳, 氏,而 魏 又 華 日 猶 戴 甫 圖》、十 方, 引邵 安 則 九 員 履 者 知

二九四,七五三,六一八。」明堂九室之制九宮之圖古矣。《大戴禮·明堂篇》。

等字, 道。 蓋 圖》,亦不聞指 已久,漢世河洛祕 合於十五。」亦 而 士又以白黑 一遁甲之術以 易》,與 準 鑿鑿言之也 乎此。 陳希 其識 八 夷輩 卦 固 碧緑 高 方 易 依《大戴》爲《圖 占吉凶休咎,遂爲儒者所 爲《洛書》,未審後儒 出 位 謂 乾 赤黄紫記其方位 相 方士一等矣,但此 緯盛行,不聞指此爲《 鑿 此 應, 度》: 圖 漢儒皆能言之。 也。 其 四 》,不 正 原 一,别爲 四 本 用 何 圖 維, 出 白 所 流 河 黑 不 太 于 見 傳 方 皆

爲 北 爲鄭氏注 朱文公以九爲《洛書》,蓋用盧辯説,而 中央。」亦與龜文之説暗合。 (肩,六八爲足,左三右七,戴九履 齊人也。 盧辯注《大戴》有「法龜文」之説。 甄鸞 注《數術 紀 遺》云: 鸞,後周 五五 三四四 人也。 誤以 辯, 居

#### 八 桂 方 位

:

之分。 知也。 下, 耳。 在 心有所不安,必改爲乾上坤下,乃順乎人情 坤父母之卦, 孔子而 言方位出於伏羲所定,萬世無可 「帝出乎震」,謂伏羲 坤、兑次于離後乾前,則坤 乾 而 北 後 西北, 曾不思 儒 八卦 臣之北面者位在 以朝廷之定分言之,則君之 伏羲始作八卦,以木德王,《傳》云 若以 上之, 缜 私造先天一 坎北 方位 天 四正、 而列 方, 地之形勢言之, 到 於四 四 艮 震 甚 圖託於伏羲,欲駕 東方, 維 東 矣。 也。 均 隅,與巽、艮 北 南。 在 推其 然 巽東南,離 見 西 平. 則《説 乾 於《説 南、兑西方 画, 意, 則 南 變易 坤 南 北 本 特以 桂 相 北 卦 高 無 面 傳》 南方, 對, 文 之 傳 IE 者 上 而 乾、 Ŧ, 與 下 所 位 南 於 口

證,而 令》以 高下 「陰陽相薄」, 以制之,故《釋天》「十月爲 陰 六有「龍戰」之象,於《傳》言「戰乎乾」,又云 月純坤之卦,又當西北 卦,聖人扶陽 此 乾位 陽 尊 往來之 乾位 中 卑 西北之義 央土列 相 西北 反, 理,驗 相薄 而 吾不 抑 ,其義尤非淺 季夏之後,此 也 陰,故有純 而 於 知 陽必勝,非純乾不能 四 極陰之鄉, 其 時, 定 陽」,而 位 播 坤 陽 人 何 於 無 所 位 在 十 二 惟 於 純 能 西 也 坤 純 陰。 識 南 之上 消 乾 之 ^ 息 月 可 + 蓋 明

翻

之旨

然。 東 離 南 離 北 東坎 納 癸 或謂合於 也; 己,戊、己非 乾納甲壬,甲 宋 固 八西,震 儒 北 所 矣 艮 稱 納 東北, 虞 先天 而 丙 翻 東西 Z Ė 納 丙 巽 非 八卦方 非 甲 非 北 西 也 ΙĒ 之義,其 西 南,艮 也 南 北 位, 也 震納 也 是 西 乾 ÷ 與 實則大 北 庚, 南 坎納 納 坤 坤 兑 甲 納 庚 戊、 北 不 東 之 Z 非

> 於 非 位 方 東,下弦當 北 其 位 朔 理矣。 方 大 爲 兩 相 正 圖 背 居 北 朱震 9 Œ 也 雖 , 望 0 與 西,今乃以 所 (先天方: 爲 若 演 正 以 納 南 月 甲 位相 行 坎、離 則 及 盈 1-天 合, 虧 壬 弦 居 驗 却 地 當 東西 非 癸 其 居 會 方 虞 正

## 兑爲妾爲養

羔云: 妾云: 堂在東謂「羔」乃「養」字之誤。 引虞仲翔注亦作「羔」,云:「『兑爲羊』已 以「羊」爲再出,若作「羔」,爲 見上文,此 釋文》: 説 桂 「三小女位賤故爲妾。」其 爲重 羔,女使,皆取 「羊,虞作羔。」今李鼎祚《 \* 出,非 兑 爲 孔子意也。」武進 剛 位賤,故爲羔。」虞 鹵 爲 小羊, 意亦不 妾, 攷虞注 爲 注 集 羊。 臧 一爲 解 爲 鏞

鄭 近之誤。 虞兩家正合,其作「羊」作「陽」,皆「養」字聲 上易傳》。 家女行賃炊爨,今時有之,賤於妾也。」見《漢 異,故知本是「養」字, (康成本作「爲陽」,注云: 然則 此字當爲「厮養」之「養」,鄭、 傳 寫 脱 「此陽謂 其 下 半 真。 無 又

## 朱文公本義

案王 也,名字未詳。 柔交錯」 衡《義海 也。』《釋文》、《正義》俱不言經有脱文,唯 當有「剛柔交錯」四字。」不云「先儒」何人。 輔 賁》彖傳本 弼注: 四 撮 字。 要》載徐氏説「天文也」上脱「剛 或云郭京《周易舉正》先有此説。 ^ 「剛柔 義 本 義》所 굸: 交錯以 「先儒説「天文」上 稱「先儒」即其 成文,天文 李 人

> ~ 舉 句爲證。 字衍」,此朱震説也。 胡瑗説 其誕妄可知。「《既濟》『亨小」當爲『小亨』」,此 正》係宋人託名。 也 皆見《義海撮要》。 「能研 自言曾見王輔嗣、 諸侯之慮」、『侯之』二 朱引王弼《略例》「能研諸 韓 康伯 手 寫真本。

字,明人撰《大全》者盡改爲「姤」, 新附 與唐 石經同 公元本矣。 卦傳》以無王注偶未及改。 輔 本相承皆用《大全》本,村夫子不 本極精審。《 嗣 始改爲「姤」。 乃 石 咸淳乙丑九江吴革 有之。 經同。 《大有》象傳「明辨哲 雜卦》「遘遇也」,不作「姤」, 古《易》卦名本作「遘」,王 案《説文》無「姤」字,徐 後儒皆遵王本,唯《 所刻《正義》 宋本猶存此 也」,亦與 復 自後 知 大字 有 文 坊 古 鉉 雜

0

以 引《易》正相似。 引《虞書》「仁閔覆下,謂之旻天」,又「怨匹 爲觀,於文木旁目爲相,相亦觀也。許 卦名義: 卦》之逸文。案《説卦》「天地定位! 日述」,皆漢儒傳授經説,非經正文,與此條 雷風相對, ,莫可觀於木。」今《易》無此語, 説 文》「 巽上 無取 相」字下引《易》: 坤下,木在地上之象,其卦 象於木者。 此殆是釋 一四章 或疑《 地 叔 可 説 觀 皆 觀 重

## 筮 用 錢

爻而記之,但古用木畫地,今則用錢。以三《士冠禮》疏。「筮法,依七八九六之

錢則 少爲 也; 不 但 先揲蓍而後以錢記之,其後術者漸趨簡易, 黄慶、隋李孟悊二家,是則 古者畫卦以木也。」攷賈公彦《疏》本於北 用錢,重、交、單、拆之名與今不異。 少牢》云: 敢分明語,暗擲金錢卜遠人」之句。 擲 六也; 重錢, 錢得數,不更揲蓍,故唐人詩有「衆中 兩 少一 重 多爲 土 錢則九也; 兩 多 者在 拆錢,拆 一少爲單錢,單錢則 左坐,卦以 齊 三多 錢 隋 則 與唐 爲交錢, 木。」故 八 也。 但古人 初皆 知 齊 案

### 南訛

訛 言東作,夏言南爲,皆是耕作營爲 隱》本作「爲」,小司馬云: 説文》 漢 書 · 王 無一 莽 訛」字。 傳》作 **《**堯 「爲依字讀。 南僞」,《 典》「平 史記 勸農之 秩 南

《史》、《漢》文異而意不異也。 之訓。《周禮》馮相氏 甚紆 而成之在人者,謂之僞。」是「僞」即「爲」字, 可事而在天者,謂之性, 可學而能、可事 之性惡,其善者僞也。」又云: 「不可學、不 附會孔《傳》,輒加言旁,非史公之意。古書 「僞」與「爲」通。《荀子・性惡篇》云:「人 ·譌」,故「僞」,孔《傳》轉作「訛」,而有訛化 「葉林宗影宋鈔本《釋文》亦作『南僞』。」 回也。」今本《史記》皆作「譌」,蓋 孔氏强讀爲「訛」字,雖則訓化, 注 「仲夏辨秩南譌。」段懋堂 古音「爲」如 解 後 釋 亦

### 于 於

南方北面」、「乃流言於國」、「公將不利於孺書》、《毛詩》例用「于」字,唯《金縢》「爲壇於「于」「於」兩字義同而音稍異。《尚

《大雅》「於萬斯年」,仍用「於」。《大雅》「不 《秦風》「於我乎夏屋渠渠」、「於我乎每食四 倬 「乘桴浮于海」、「餓于首陽之下」仍用「于」。 今字母家以「於」屬影母、「于」屬喻母,古音無影喻之别 實于亶」,宋本閒有作「於」者,誤也。《論 簋」、《曹風》「於女歸處」、「於女歸息」、「於 子」、《酒誥》「人無於水監,當於民監」、《 語》例用「於」字,唯引《詩》、《書》作「于」,而 女歸説」、《豳風》「於女信處」、「於女信宿」, 風》「俟我於城隅」、《齊風》「俟我 而」、「俟我於堂乎而」、「俟我於庭乎 於 而, 著 邶

## 有亂十人

見、《春秋傳》兩見。襄廿八年、昭廿四年。唐石「予有亂十人」、《尚書》、《論語》各一

定作耳。陸氏《釋文》亦同,云:「本或作家作耳。陸氏《釋文》亦同,云:「本或作據誤本添入「臣」字。邢昺《論語疏》亦承監本。於是劉原父有「子無臣母」之疑,蘇子本。於是劉原父有「子無臣母」之疑,蘇子本。於是劉原父有「子無臣母」之疑,蘇子本。於是劉原父有「子無臣母」之類,宋人一次。

## 思日容

從, 施 聖者設也,王者心 容,容者言無 案《春秋繁露》述《五行五事》篇云: 自鄭康成破「容」爲「睿」,晚出 設,事各得其宜 視 洪 日 範》 明, 一篇 聽 所不 日 多 聰, 寬大, 容。」 也。」《漢書・五行志》引 韻 思 語。 日 又云: 無所不容,則聖能 容」, 貌 古文因之。 五 「容作聖, 曰恭,言曰 何 「思日 皆韻。

> 董説。 有自。 説尚存,與董生相印證,可見西京諸儒傳授 能 何以觀之哉?」言上不寬大包容臣下,則不 E : 今《漢書》刊本作「睿」**,**蓋 洪 居聖位。」然則古本《洪範》皆是「容」字, 範傳》云「思 「容,寬也。 許叔重《説文》「思,容也」,亦用伏、 心之不容」,而 孔子曰: 淺 『居上不寬,吾 人所改。 又 爲 之説 幸其

## 遵王之誼

所謂義爲誼。」《周 無偏 鄭 無頗,遵王之義」,本從古文作「誼」, 司 農 굸 禮 古者 • 春官 書 肆 儀 師》注。 但 爲 義, ^ 洪 今時 範》

所不容」之「所」同無。

然。 與「頗」初無不叶也。 即使依今文作「義」,而「義」亦从「我」得聲, 開 室」,又从多聲,以「誼」韻「頗」,正合古音。 陂」,曾不知「誼」从「宜」得聲,「宜」本作 元 詔 書 以 頗 與「 蓋小學之不講唐人已 誼」不 協, 改 經 文 爲

蘉

注云: 武黨、武葬二切,即「芒」之上、去音也。 見,更無它證。予攷《釋詁》「孟,勉也」,郭 策》有「芒卯」,《淮南子》作「孟卯」,是「孟」 ·芒」同音。《莊子》「孟浪之言」,徐仙 蘉」爲「勉」,而《説文》無此字,經典 洛 「未聞。」古讀「孟」如「芒」,《 「蘉,莫剛反。」蓋馬、鄭舊音,而 語》「汝乃是不蘉」,孔、馬、 亦止 鄭皆訓 戦 同訓 民音 《釋 國

予說。
聲,隸變譌爲「蘉」耳。江處士聲、邵學士晉涵皆采疑即「寢」字,「孟」「夢」音相近,皆黽勉之轉疑即「寢」字,「孟」「夢」音相近,皆黽勉之轉

### 耄 荒

矣。 九十日耄」、《射義》「旄期 「旄荒」,依《釋文》單行本,其散人注疏者今皆作「耄 是「旄」字轉寫之譌。《周禮・大司寇》「掌 云: 薹。」此《説文》正字也。 《 群經音辨・ 禾部 亂則荒」注引《書》「王耄荒」,《釋文》皆作 建邦之六典」注引《書》「耄荒」、《樂記》「宫 康成讀。」案古書無以「秏」當「耄」字者,當 是鄭本作「旄」不作「秏」 《吕刑》「耄荒」、《釋文》:「耄 耗,老也,音耄。《書》『王秏荒』, 稱道不倦」、《釋 」矣。《禮》「八十 又作 鄭

爲「秏」,非也。

## 苗民弗用靈

《禮》解爲「政令」,似遠。

《禮》解爲「政令」,似遠。皆有善義,鄭康成注
「不」字,「靈」「練」聲相近。《緇衣》引作「匪
民否用練」。 古書「弗」與「不」同,「否」即
民否用練」。 古書「弗」與「不」同,「否」即

## 泯泯梦梦

衡•寒温篇》「蚩尤之民,湎湎紛紛」,「湎《漢書•敘傳》「風流民化,湎湎紛紛」,《論《吕刑》「泯泯棼棼」,「泯」「湎」聲相近。

十駕齋養新録卷一

湎」即「泯泯」

矜而勿喜」、《論衡》引作「憐」。作「矜」。「矜」「憐」古今字。《論語》「則哀率夷憐爾。」今《多方篇》「夷」作「肆」、「憐」率夷憐爾・雷虚篇》引《尚書》曰:「予惟

### **樂** 懷

「榮」屬喻母、「懷」屬匣母,未合於古。 陧」雙聲,皆疑母。「榮懷」亦雙聲也。今人以 矜

五

## 魏三體石經

于、艱、大、可、征、鰥、哀、寡、卬、自、于、卹、 粤、兹、载、翼、目、于、我、友、邦、君、庶、邦、 辟、粤、小、女、克、昭、前、文、歸、視、乃、一、 刑》文也; 非、死、其、差、人、兩、并、寶、在、命、天、《吕 實兼有《尚書》之文。 所刻。」見於洪景伯《隸續》者,名曰《左傳》, 不、敢、替、克、綏、《大誥》文也。 旅、荒、寧、《文侯之命》文也; 文侯之命》廿三、《大誥》卅二。 段若膺云: 文、侯、王、若、在、下、事、厥、 魏三體 如五、刑、惟、灋、罰、 石 經,洛 《吕刑》十六 陽蘇 龜、 望

## 協句即古音

協韻 簡易 也。 也。 於今韻不收者,則謂之協韻 風》「寧不我顧」、《釋文》: 礙,而不知三百篇用韻諧暢明白, 説,於沈所云協句者皆如字讀,自謂 於今韻有不合者有協句之例,協句即古音 梁末,其時去古已遠,而 于南」云: 「協句。宜乃林反。」沈重生于 野」云: 自陸德明創爲古人韻緩 使沈重音尚傳,較之吴才老叶韻 也,後放此。」陸元朗之時已有韻書,故 而 沈重《毛詩音》於《燕燕》首章「遠 可信乎? 「協句。 宜音時預反。」二章「遠送 協 句亦謂之協 韻書實始萌芽,故 徐音古,此 不煩改字之 韻。 未 通 豈 嘗 送 達 不 于 邶 緩 無

六

出 晉末,其時未有韻書,無東鍾之别,自 葑。」是「葑」「蘴」同音,本非二物。《詩》「采 唐以後之音,斯可與道古矣。 有岐,而古音遂不可復。 以「葑」屬非母、「蘴」屬敷母矣。岐之中又 葑采菲」,徐仙民音「葑」爲「豐」。 徐氏生於 而豐人東韻、葑人鍾韻矣。言字母者又 《方言》: 一 蕘, 蕪菁 有識者勿泥於隋 也。 陳 楚謂 韻 之 書

## 揚之水

經《唐風》第三章『揚』作『楊』。」予所見《隸釋》从手旁。臧鏞堂云:「洪氏《隸釋》載漢石《詩》王、鄭、唐風「揚之水」今本「揚」皆

十駕齋養新録卷

# 陸氏釋文誶訊不辨

「誶」訓告,「訊」訓問,兩字形聲俱別。

❶ 「字」下,宋刻宋元遞修本《釋文》下有「激揚也」三字。

云: 訊,音信」,其誤亦同。 其訊」, 陸云: 訊馘告」,陸云: 又作訙,又作誶,並同。」《禮記•王制》「以 此正訊問字,陸音「信」是矣,而又云: 爲「信」,豈其然乎? 卒也。陸氏狃于韻緩不改字之説,讀「誶」 明證矣。徐仙民 是「誶」字,王逸注《楚詞》引「誶予不顧 之,訊予不顧」,陸云: 字兩讀,沿譌至今。《詩・陳風》「歌以訊 徐息悴反,告也。」《小雅》「莫肯用訊」,陸 ·音粹」、郭「音碎」,當矣,而 醉」爲一字矣。《爾雅》「醉,告也」,陸引沈 卆」,遂與「卂」相似。 可 「音信,徐息悴反,告也。」案此兩詩本 通之理。 六朝人 「字又作誶。」則真 兩音息悴反,是徐本亦从 「本又作誶。」《學記》「多 《大雅》「執訊連 多習 今《毛詩正義》、石經 陸元朗不能辨正,一 「本又作 艸 又云 書, 醉,音信 以「卒」 「本作 以「訊」 連」, 「字 其 爲

皆作「訊」,又承陸氏之誤。

#### 驕

「音俱,本亦作驕。」當是後人依今本互易, 驕」,是許所見《毛詩》不作「駒」。 韻 聲相近,故《株林》以韻「株」,《皇皇者華》以 合,明非「二歲曰駒」之「駒」矣。「驕」「 箋亦云: 非陸意也。《説文》: 而於《皇皇者華》「我馬維駒」之「駒」則云: 駒字,是後人改之。』《皇皇者華》篇内同。」 「駒」作「驕」,云: 駒」代「騙」也。 「濡」、「諏」, 乘我乘駒,朝食于株。」陸氏《釋文》本 「馬六尺以下日 蓋讀 《説文》引《詩》「我 「音駒。 「驕」如 「馬高六尺爲驕。」鄭 駒。」與《説文》 沈云: 駒」非, 『或作 馬 駒

## 日與聿通

事」; 傳》並作「聿消」, 求厥寧」,今《毛詩》作「遹」。 「遹」「聿」同音 厥國」、《韓詩》「曰」作「聿」; 先後」,王逸《楚詞注》「曰」作「聿」, 「聿」通也。《説文》「欥詮詞也」,引《詩》「 曰」,即「欥」之省文。 「見睍 爲改歲」、《漢書・食貨志》「曰」作 日消」、《荀子》、《漢書 「予日有奔走」、「予日 是「日 一日 劉 欥 與 喪 有 向

誤。」

### 脩 脩

「監本、蜀本、越本皆作「脩脩」,興國本及建皆作「脩脩」,岳珂《九經三傳沿革例》云:「予尾翛翛」,唐石經及宋光堯御書本

『偽』、唯岳氏《九經三傳沿革例》所引不《傳》行,而世遂不復知有「脩脩」之本矣。《説文・羽部》無「偽」字,當以「脩」為正。《説文・羽部》無「偽」字,當以「脩」為正。「消消」作『脩脩』。今《正義》本改『脩」 為正。自朱文公閩人,所據必建寧本。自朱寧本作『翛』、」是宋刻「脩」「翛」二字各本寧本作『翛像」。」是宋刻「脩」「翛」二字各本

## 以重言釋一言

笑。」「 然。」「咥其笑矣」,傳、箋皆云: 色。」「碩人其頎」,箋云: 貌。」「有洸有潰」,傳云: 怒也。」箋云: 垂帶悸兮」,傳、箋皆云: 詩》「亦汎其流」,傳云。「汎 「洸洸然,潰潰然,無 「洸洸 「長麗 武 俊 悸 也, 好 悸 咥 温 汎 然有 咥 頎 潤 潰 然 潰 頎 之 流

駕齋養新

之風; 兮」,傳云: 發兮,匪車偈兮」,傳: 憎」,傳云: 丰兮」,箋云: 節 「零露漙兮」,傳云: 有扁斯石」,傳云: 度。」「條 偈偈疾驅,非有道之車。」「匪車嘌 洪其歉 嘌嘌無節度也。」 「噂猶 「湑湑然蕭上露貌。」「噂 矣」, 面 噂噂然,沓猶沓沓然。」 貌丰丰然。」「零露湑 「扁扁乘石貌。」「匪 「漙漙然盛多。」「子之 傳云: 「發發 「條 飄 風,非 條 然 沓背 有 歉。」 風 道

### 鶴 九 皋

《白帖》一百九十四、《文選注》十三、又廿 篇》、《風俗通・聲音篇》、《文選・東方曼倩 答客難》、《後漢書注》五十九、《初學記》一、 爲句。」案《史記 臧 在 東云: 滑稽傳》、《論衡 「今本『鶴鳴于九皋』五 藝 增增 字

> 塾云: 굸 字。 字,是北宋人尚見古本也。 四 字,今本並因之。 又四十三皆引《詩》「鶴 「鳴九皋,聲聞于天。」似亦引《詩》,而無「于」字。」東 賈昌朝《群經音辨》引《詩》亦 「《蜀志・秦宓傳》引《詩》亦無「于」字。」 瞿中溶云: 鳴 唐石經有「于」 「《説文》「鶴」字下 九 皋」, 無「于」 無「于」

#### 譖

从「僭」,與「讒譖」字異。 竟背」,兩「譖」字鄭皆訓 詩・桑柔》「朋友已譖」、《瞻卬》「譖始 爲「不信」,則字當

### 憯

『曾」、『慘』字皆訓爲『憂戚』。 臧 在東云: 「《毛 詩》凡「憯」字皆訓 如  $\wedge$ 節 南

也。 傳『慘慘,憂不樂也』,是『慘』訓『憂戚』之證 傳『慘慘,猶戚戚也』,《抑》『我心慘慘』, 兮」、《釋文》『憂也』; 是「憯」訓「曾」之證 其故」,箋云『曾不知爲政所失而致此 不畏明」,傳「憯,曾也」; 交》『胡憯莫懲』,傳『憯,曾』; 混,陸氏不能定所適從,故《雨無正》「慘」誤 勞》云「慘,不本亦作憯」,則 攷《釋文・十月之交》云「胡憯亦作慘」、《民 之」,則當作「慘」,今各本皆作「憯」,誤也。」 山》「憯莫懲嗟」,傳「憯, 「憯」、《民勞》「憯」又誤爲「慘」也。 《雨無正》「憯憯日瘁」,據箋云「憯憯憂 也。 《正月》「憂心慘慘」, 《雲漢》『憯 曾也」; 《月出》『勞 唐以前二文已  $\sim$ 民  $\sim$ 《 勞 》 『 十月之 心慘 害」, 不 知 憯

## 云 何 盱

『其』字矣。」此亦當從石刻 耳》「云何盱矣」,《都人士》「云何盱矣」,文 字,予初疑爲脱 法與此同,即三字爲句 於女亦何病乎?』既 何人斯》「云何其盱」,唐 漏,頃見臧 未始 何病 在東云: 不 連 石經 可。 文, 無「其 知中無 笺云:

## 爰其適歸

代邨學究所爲,非朱《傳》之元本也。《家語》訓「奚」爲「何」,然亦未嘗輕改經文,但於本句下注云「爰,《家語》作奚」而已。但於本句下注云「爰,《家語》作奚」而已。

腜」。 賦》「腜腜坰野」,劉淵林注引《詩》「周原腜 龜」、「止」、「時」於韻尤協也。 膴」「腜」聲雖相近,而「腜」與「飴」、「謀」、 「周原膴膴」當從《韓詩》作「腜腜」。 左思《 魏都

板

皆重屑,故訓「方」爲「版」。《釋器》: 《説文》只有「版」字,無「板」字。今《毛詩》 分爲兩義,失其舊矣。古音「方」「反」兩字 金謂之飯。」郭氏注引《周禮》「供其金飯」。 「家縮版」之「版」从片、「板板」之「板」从木, 「上帝板板」當從《爾雅》作「版版」。 「 鉼

别,故有从金从木之别。

亦是「版」字。

魏晉儒師

强立偏旁,妄生分

造

「次」義。 造」與「晦」、「介」、「嗣」韻、是也。《春秋傳》 音。《詩》「小子有造」與「士」韻、「蹻蹻王之 「使佐薳氏之簉」,❶「簉」,次室也,是「造」有 「造」「次」爲雙聲,故「造」可轉爲「次」

有 邰 家 室

《生民》「即有邰家室」,據《説文》宋槧

0 「佐」、《左傳》昭公十一年文作「助」。

攷《周禮·職金》「共其金版」,注引《爾雅》

《詩》「實穎實栗,有邰家室」,皆無「即」字。毛本添人「即」字。《吕氏春秋・辨土篇》注引本《邑部》「邰」字下引《詩》曰「有邰家室」,今

#### 岸

《小宛》「宜岸宜獄」,依此説方與下文「伐 先平訟正曲直也。」案訓「岸」爲「訟」,本於 高 釋入儒,非過論也 本,殆取佛家「彼岸」之語。 密」意相 大登成岸訟也。 位,謂「先天下升於高位也」,箋云: 詩·皇矣》「誕先登于岸」,傳以岸爲 應。 宋儒以爲先 天語文王,欲廣大德美,當 登道岸,未 惠仲儒譏其援 「誕 知 所

#### 壼

《既醉》「室家之壶」,傳訓「靈」爲「廣」。 《國語》叔向引此章而云:「靈也者,廣裕 民人之謂也。」是「靈」之爲「廣」自昔有此訓 矣。古人先齊家而後治國,父子之恩薄,兄 矣。古人先齊家而後治國,父子之恩薄,兄 矣。古人先齊家而後治國,父子之恩薄,兄

### 愬風

此詩。《桑柔》「如彼遡風」,唐石經本作「愬」,他詩。「如彼愬風」、袁宏《北征選・月賦》引《詩》「如彼愬風」、袁宏《北征選・月賦》引《詩》「如彼愬風」,唐石經本作「愬」,

三

亦云: 實」爲兩義,蓋失之。 物,故許以「葦蒲」當「鼎實」。 讚》「赫赫三事,鑒於覆蔌」,「蔌」與「餗」同 君《序》云其「偁《詩》毛氏」,此文不稱《詩》, 知出於三家本。 文・艸部》無「蔌」字,惟《弼部》「鬻」或作 | 東」字亦必爲「餗」也。 維筍及蒲」,但「葦」與「筍」字小異耳。 餗」云: 韓奕》「其蔌維 「餗,菜也。」《廣韻》分「菜茹」與「鼎 「鼎實,惟葦及蒲。」蓋即《詩》之 又以推知許所見《詩》,其 何,維筍及蒲」、《 郭景純《 鄭 注《周 Щ 海 經 許 説 圖

## 降予卿士

『予』。」蓋後來刊刻之誤,非朱子之誤也。」「天命而子之,下學見元人所刻《集傳》亦作皆是「予」字,唯朱文公《集傳》本作「于」。唐石經及岳本、南北監本、毛本、日本國本唐石經及岳本、南北監本、毛本、日本國本《商頌》「允也天子,降予卿士」,箋云:

## 毛傳多轉音

《書・顧命》「克達殷集大命」,漢石經「集」破字,而訓「集」爲「就」,即是讀如「就」音。《韓詩》「集」作「就」,於音爲協。毛公雖不《韓詩》「集」作「就」,於音爲協。毛公雖不古人音隨義轉,故字或數音。《小旻》

乎: 韻也。 隨 傳訓「鞏」爲「固」,即轉從「固」音,與下 ·且」爲「此」,即轉從「此」音,與下句「兹」爲 後」爲韻也。《載芟》「匪且有且」,傳 就」音也。 詩》有無韻之句,是不然矣。 而集。瀨下之水,回復俱留。」」是「集」有 「就」。 同 顧亭林泥 《吴越春秋》: ·病相憐,同 《瞻卬》「藐藐昊天,無不克鞏」, 於一字祇 憂相 救。 「子不聞河上之歌 有一 驚翔之鳥, 音,遂 謂 訓 旬 相

傳亦云「 以 是也。今《毛詩》作「溱」者,讀「潧」如「溱 · 潧水出鄭國」,引《詩》「潧與洧,方涣涣兮」 爾雅 詩》失韻,亦不可據《詩》以疑《説文》也。 魯頌》「烝徒增增」,傳云「增增,衆也」,本 諧 韻 溱洧》之「溱」本當作 耳,「溱」即 溱溱, 衆也」。 釋 訓》文。 「潧」之轉音。 而《 「增」「溱」聲相近,轉 小雅》「室家溱溱」, 湾 0 《説 不可 文》 謂

同。《説文》「蔆」司馬相如从「遴」。「増」爲「溱」亦以諧韻,與「潧洧」作「溱洧

### 詩序

虔《解誼》云: 굸 『《曹詩》刺遠君子近小人。』蓋 章未 當明帝時,可謂非漢世耶?」吾友惠定宇亦 廣所及」,此《漢廣》序也。 風,故曰夏聲。』又蔡邕《 侍御之臣, 戎車 逸樂」,此《魚麗》序也, 行。」近儒陳啟源始非之云: 難蜀父老》云『王事未 有引《詩序》者,魏黄 王氏《困學紀聞》引葉氏云: 「漢世文 「《左傳》襄廿九年『此之謂夏聲』,服 『秦仲始 四牡, 田 有不始於憂 獨 有車馬禮樂之好, 狩之事,與諸夏同 班固《東京 斷》 初 一當武帝時,一 「可馬 載《 小序 四 年 周 至此 勤 詔 賦》『德 、頌》卅 相 궁: 而 始 終 如

駕齋養新録

己。 《序》以言《詩》,孟 遠,欲以一人之私意窺測古人,亦見其惑 害辭,不以辭害志,詩人之志見乎《序》,舍 唯小序在孟子之前,故孟子得引之。 漢儒 謂子夏所作,殆非誣矣。説《詩》者不以文 儒以《詩序》爲衛宏作,故葉石林有是言。 異,何得云『至黄初始行于世』耶?」愚謂宋 云「勞於王事而不得養父母」,即小序説也。 於宏已無疑義。 然司馬相如、班固皆在宏之前,則《序》不出 盡録《詩序》,自《清廟》至《般》 愚又攷孟子説《北山》之詩 子所不取,後儒去古益 字不

十駕齊養新録卷 一終

# 十駕齋養新録卷二

嘉定錢大昕

## 建柶誤作捷柶

垫

字宋本《儀禮》經注俱是「建」字。

音同。」其從手者必非陸氏所釋本,今改從貝。」唐石經注總四十有四,皆從手。按《釋文》云:「贊,本又作擊,蓋張淳所改。張淳《儀禮識誤》云:「此卷「贄」字經二篇皆用「擊」字,獨《士相見》篇皆作「贄」,「擊」正字,「贄」俗字。《士冠》、《士昏》

## 君之庶子

本作「摯」,北宋刊本猶然。

子也。」則經文當有「君之」二字。《大功章》磨改去之。予案注云:「君之庶子,女子者。」唐石經初刻「爲」下有「君之」二字,後《小功章》:「大夫之妾,爲庶子適人

二八

不能一一辨仞耳。石經初刻本有勝於改本者,惜其文多曼滅,本皆無此二字,蓋從唐人磨改本。予嘗謂「大夫之妾,爲君之庶子」,正與此文同。今

朴

者。」蓋古人止用木皮撻人,以 其物即名之曰「朴」、《虞書》所謂「朴作教 刻。」案古無「扑」字。 木皮。鄭注「取朴」云"「朴,所以撻犯教 才,其有未經 『倚朴』三。● 石經初刻並從木,後磨改从 凡十五見。『取朴』一,『倚朴』一,『去朴』 六、「搢朴」六、「與朴」一、《大射》篇凡廿 見 瞿中溶云: 『取朴』一、『去朴』七、『搢朴』九、 磨 改 「《禮經》『朴』字《鄉射》篇 丽 《説文·木部》「朴」訓 作『扑』者,皆朱梁 爲教學之刑, 補

> 市》「大刑朴罰」、「朴」字尚从木旁、此元刻之僅存者、 不收此字。《木部》亦不收「朴」字,則其遺漏也。《九 刑 經字樣》乃收之,則 張參知「朴」不从手,故《五經文字 元度之手,今本皆沿其謬矣。 」是也。 後人緣「 此磨改之弊或即 朴 有 撻 意, 石經《周 遂 手部》 改 出 从 禮 於唐 手。 司

涅

乃穽」,「敜」,塞也。「涅」「敜」聲相近,故借「涅」無塞義,蓋即「敜」字。《書·費誓》「敜也。」案《説文》: 「涅,黑土在水中也。」

<sup>●《</sup>禮經》「朴」字《鄉射》篇當十八見。「香朴」一、「香朴」一、「香朴」一、「香朴」一、「香朴」一、「香朴」一、「香朴」一、「香朴」一、「香朴」一、「東朴」一、「東朴」一、「東朴」一、「東朴」一、「東朴」

紞

相近。 「紞,被識也。」《疏》謂。 「被本無首尾,生 時當頭矣。吴中方言以被識爲當頭。「紞」「當」聲 時有紞,爲記識前後。」予謂被之有紞,若今 士喪禮》「緇衾,赬裹,無紞」,注:

《説文》:

「搓,赤剛土也。」「搓」譌爲「揧」,

「挈」無義,與「騂」聲不相近,當是「逹」字。

書『騂』作『挈』,杜子春讀挈爲騂。」予謂

角禮

草人》「騂剛用牛」,注:

「故

猶「輕哭」之譌爲「爂」。

挈

媺

|南北 此字不見《説文》,非漏 「尾」通、《堯典》「孳尾」、《史記》作「字微」; 媺」从「微」,當與「娓」通。 論語》「微生畝」、《漢書》作「尾生晦」。 師氏》「掌以媺韶王」、「媺」古「美」字, 落也。古文一微」與 《詩》「誰 侜 子

地。

魏鶴

山云

魂 氣

升于天,體

魄

降

于

《儀禮》、《禮記》所以有「升

屋

而

號

復

十駕齋養新録卷二

屢魘,魘必令人升屋呼之即惺,亦是此義。

以爲文字,亦是《禮》上起義耳。 牟存友向

「皋某復」之別。而屈原《招魂》舉東西

二九

美」、《韓詩》「美」作「娓」。《説文・女部》有

「蟀」,非謂「盥」不可作「蟀」也。徐鉉以「蟀」,非謂「盥」不可作「蟀」也。徐鉉以通用字,悉蟀即悉盥。《説文》有「盥」無「娓」字,則該乎「媺」矣。「帥」與「率」亦古

11

故古文借作「礦」字。與《説文》正合。「卅」「礦」聲相近,「磺」字。與《説文》正合。「卅」「礦」聲相近,「閱禮》有《卅人》。」康成讀「卅」爲「礦」,即石部》:「磺,銅鐵樸石也,古文作『卅』,一一一一一一

「計」聲皆相近。「斧」从「計」聲,「關」又从筋鰥」,康成訓「鰥」爲魚子。「鰥」、「鯤」、「卵讀爲鯤,鯤魚子,或作攔也。」《内則》之「卵讀爲鯤,鯤魚子,或作攔也。」《内則》之

「纤」聲,「攔」則漢時俗字,與「鰥」亦同音也。

## 笴當爲笱

閷

之譌。元和江藩字鄭堂與予説同。《周禮》多古从「杀」、从「閃」,無意義,蓋即籕文「殺」字文》:「閷,本又作殺。」案「殺」《説文》正字文》,「親,本又作殺。」案「殺」《説文》正字

## 勉即侥字

字。」以訓故言之,孔穎達《左傳》「衮、冕」 中 此經又讀「勉」爲「俛」,音同義 疏,俱云「冕,俛 疏、賈公彦《儀禮・士冠禮》《周禮・弁師》 勉也。」《表記》「俛焉日有孳孳」讀如「 谷永傳》「閔免遁樂」,師古注: 注引《詩》「何有何無,僶俛求之」。《漢 白 俛」作「勉」。 **僶俛**」。 勉」與「俛」古人多通用。 溶 虎通》云「十 《矢人》「前弱則俛,後弱則 云: 「古· 陸機《文賦》「在 人訓故假借 顧寧人以石經爲誤。予 也。 一月之時, 其説蓋 有無而僶俛」, 「黽 陽 多 本《白虎 勉」漢 氣 取聲 翔」 亦同 冕仰, 関 相近之 也。 唐石 免 碑 黄泉 通》。 勉。 李善 多 猶 書 作 謂 瞿 黽 . 經

經又以 也。 也。 之下 減一筆强分爲二,轉疑《説文》漏載「免」字, ·萬物 後世言字學者不知兔有免音,遂以增 以假借言之、《白虎通》以 勉 被 當俛字,此古兔、免同音之確 施,前 冕 而 後 仰, 故謂之冕」 冕當俛字,此 是 據

### 孺子

失之甚矣。

子》。 謂周 子,而舅犯 公之喪,秦穆公使人弔,公子重耳稱爲 申生爲孺子,里克又稱奚齊爲孺 得稱孺子。《金縢》、《洛誥》「立政之孺子」, 孺子鞼之喪,哀公欲設撥,亦 成王也。《晉語》里克、先友、杜 今人以 攷諸經傳,則天子以 亦 孺子爲童穉之通 稱之,是時秦欲納之爲君也。 下 稱,蓋 嫡長爲後者乃 以 世子待之 子。 本於《孟 原 款 晉 孺 獻 稱

駕齋養

洩」。 此爲童子通稱,與《孟子》同。 「孺子長矣」,韓宣子稱鄭子齹曰「孺 稱矣。 也。 桓 見孺子慕者、《弁人》有其母死 亦貴者之稱。 哉」,皆世卿而嗣立者也。《内則》: 子,其死也謚之曰安孺子,則孺子非 孺子室於宫中,母某敢用時日,祇見孺子。」 孺子貴於庶子也。齊子尾之臣稱子良 左傳》稱孟莊子曰「孺子速」、武伯曰「孺 [子之妻曰南孺子,則又以爲婦人之稱。 莊子之子秩雖不得立,猶稱孺子,是 樂盈爲晉卿,而胥午稱爲「樂孺子」。 侯 茶已立 唯《檀弓》載有子與子游立, 爲 君, 而 陳 乞 而孺子泣者, 又《左傳》季 鮑 牧 卑 稱 子善 異 幼之 爲 爲 子 日 孺

#### 張 老 善 頌

檀弓》: 「美哉輪焉,美哉奂焉,歌於

> 斯, 哭」與「族」韻 哭於斯, 聚國 ,此句中有韻之例。 族 於 斯。」「 輪 與 故晉人 奂」 韻

### 禮 地 神

謂之善頌。

體在此,禮其神也。」《正義》云: 土之神,臨葬設酒脯祀之,蓋古禮也。 地神以安之。」今世營葬必於其側立 左,禮地神也。 反日中而虞。」注:  $\sim$ 檀弓》: 言以父母形體所 有 司以 「舍奠墓左,爲父母形 几 筵舍奠於墓 在 「置於墓 一, 故 石 題 禮 左, 后 其

## 使子路問之

及相臺岳氏本作「子貢」。 夫子式而 聽之,使子 日本山 路問之。」唐 井 鼎 亦云宋板 石經

#### 祭 殤 不 舉

徐氏翻刻宋本亦同 相臺岳氏本、衛湜《集説》皆無「肺」字。 肺 」字,蓋後人依鄭 《曾子問》「祭殤不舉」,今本「舉」下有 注 羼入也。唐石經及 嘉靖

### 貸

「二」爲正。 仲冬毋有差貸」亦云「音二,又他得反」,皆 孟 季夏無或差貸」則云「音二,又他得反」,於 春宿離不貸」則云「吐得反,徐音二」,於 《月令》「貸」字三見。陸氏《釋文》於 兩音,而 以 先 予攷之,殊未然也。《説 後微異,似「差貸」字以音

> 「貳」,故徐仙民有此音。 借用从「貝」之「貸」,仍讀如「忒」,與「疑貳」 得反。「差貸」字本當从「心」作「岱」,經典 譌到今。 之「貳」形聲俱别,六朝字體不正,或譌爲 「岱,失常也。」「忒,更也。」兩字皆他 陸氏不能辨正,沿

### 朽 與香 對

《月令》: 香,秋之臭腥,冬之臭朽。」《大學》: 「如惡 「香」與「朽」對,取其相反,猶味 也。」「臭腐」字當用此。後人溷「臭」「殠」爲 食,非五臭皆不食也。《説文》: 惡臭。」《論語》:「臭惡不食。」臭之惡者不 爲黑,饗香以爲朽,常甘以爲苦」。古人 《列子》稱逢氏子「有迷罔之疾,視白以 「春之臭羶,夏之臭焦,中央之臭 有甘苦也。 「燠,腐氣

 $\equiv$ 

十駕齋養新録卷二

肵

一字,乃以「臭」與「香」對,蓋始於《廣雅》

讀「折」如 其折折爾」,注引《詩》「好人提提」解之,蓋 如《左傳》提彌明或作「祈彌明」也 有作「肵」字者,許君不收「肵」字,疑亦以 爲『肵俎』,亦甚誣矣。」據鄭所言,知當時 爲折俎」,注:「今文字爲『折俎』, 斯俎」,注: 同,「祈」「敬」聲相近也。《少牢禮》「主人羞 折」从斤亦當有「祈」音。《檀弓》「吉事欲 肵 折俎」當「肝俎」,但意 ,音祈。」案《説文》無「肵」字,當與「祈」 郊特牲》「肵之爲言敬也」、《釋文》: 提」也。 「肝,敬也。」《士虞記》「用專膚 古音「提」與「祈」 與 鄭 義 不同 而 相近, 説 耳。 固 以

> 羊。 書祈 幾珥 「
> 成」、「
> 衼」
> 四字 Щ 周禮》「祭 高 沈辜」,注: 爲幾,杜子 而 不崩則 Ш 日 春讀幾爲祈。」又《犬人》「凡 一同音、 祈羊至矣。」祈羊謂废縣之 度 「鄭 縣」。 亦 司 同 農 然 義 則「幾」、「祈」、 讀幾爲枝。」引 也。 《管子》:

厭

安也。 慊, 案《詩》「厭厭夜飲」,毛云: 簫賦》「清静厭 厭」「安」聲相近, 厭」「瘱」雙聲,故兼有静義,所謂静 慊之言厭 大學》「此之謂自謙」,注: 也。」疏 瘱 」、《説文》: 故展轉相 以「厭」爲 「厭厭,安也。」 訓 安静之貌。 瘱 王子淵《洞 謙,讀爲 静 而 后 也。 能

周禮

• 肆師》「及其祈珥」,注:

「故

三四

記》注疏與予校正同 前後諸「素」字,鄭 素。」案注中「傃」「素」兩字當互易。 「傃」。」故此處省文,但云「素皆讀爲傃」耳。 遡」「素」同音又同 素隱行怪」云: 君子素其位 《詩》「如彼遡風」,毛傳亦訓爲「鄉」。 「素讀爲『攻其所傃』之 愐 義 皆 行, 也。 取「傃」義, 注 山 井鼎所記宋板《槽 傃 而 鄭 皆讀 訓 前 爲 注 爲

鬼 神

有宗 地 示 廟。 人鬼也。 鬼神之爲德,其盛矣乎。」鬼神謂 天 統 乎 有 地,故 神 而 後 言神可 有郊社, 以 該 有 示。 鬼 天 而 人 後 神

駕齋養新録卷二

鬼也。 焉。横渠張氏以 1 死 豈假鬼神司之? 無此義。二氣者,陰陽也。 有祭祀之禮。 之,豈轉有鬼神爲我呼吸乎? 氣爲物,生 筮所以通神明,故《易傳》多言鬼神。 爲鬼,聖人不忍忘其 聖人知鬼神之情狀 一而爲· 經言鬼神、皆主祭祀 人也; 鬼神爲二氣之良能,古人 如 人一 親, 游 呼 魂 而 事 陰 祭祀之,禮興 死 爲變,死 陽自能消長, 吸,人自爲 如 事 而言。 生,故 而 爲 精

的 然

作「的」矣。 當作「的」。《說文 聲」,引《周書》「焯見三有俊心」,今《尚書》 勺聲」,引《易》「爲旳顙」,今本《易》亦轉寫 小人之道的 又《火 然 • 部》「焯,明也,从火,卓 日 而 部》「的,明 日亡。」「的」非古字, 也,从日,

《火部》又有「炮」字,「望火只,讀若「馰顙」之 韻,是「旳」有「卓」音,「旳然」猶「焯然」也。 也,焯也,文異而音義同。 「馰」」。「馰顙」即「旳顙」之異文。 ·映矣的的」,與「逴」、「邈」、「倒」、「樂」協 覲禮》「匹馬卓上」,注「卓猶的也,以素的 焯」作「灼」。 馬爲上」,即《易》之「旳顙」也。《魯峻碑》 《説文》: 「灼,炙也。」與焯 的也,炮 見義 有 别

### 子 贛

十二年作子貢,哀十五年、十六年、廿六年、 廿七年作子贛。 餘與《論語》同。 語》作「貢」,《禮記》唯《樂記》一篇 字音同義别。 《説文》: 子貢名賜,字當从「贛」,《論 《左傳》定十五年、哀七年、 贛,賜也。」「貢,獻也。」兩 稱子贛。

## 吴草廬中庸綱領

「蚤有譽於天下者也」爲一章。 「凡事豫則立」以下爲一章,「唯天下至誠爲 盡」至「純亦不已」爲一章,「愚而好自用」至 能盡其性」兩節爲一章,「誠者自成 章、「凡爲天下國家有九經」四節爲一章, 下之達道五」至「可以治天下國家矣」爲一 「哀公問政」至「知人」、「知天」爲一章,「天 「悠久無疆」爲一章,「天地之道可一言而 三十四章,與朱文公《章句》頗有異同: 吴草廬《中庸綱 領》一篇,分《中庸》爲 也至

### 民

親

「大學之道在親民」,「民之所好好之,

薄矣。 《康誥》文。保民同于保赤,於親民意尤切。 之實也。 代,正爲不求民之安而務防民之不善,於是 字足以該之,改「親」爲「新」未免偏重教矣。 古聖人保民之道不外富、教二大端,而「 誥》「作新民」一語,而不知「如保赤子」亦 民之所惡惡之,此之謂民之父母」,此親 「新」便有以貴治賤、以賢治不 舍德而用刑,自謂革其舊染,而本原日趨 如傷者似不若此。後世治 ·親」之義大於「新」,言「親」則物我無閒,言 竊謂《大學》「親民」當仍舊文爲長。 宋儒改「親」爲「新」,特因引《 道 肖氣象,視民 所以不如三 親 於 康 民

與? 貪 儒 而

字,唐石經皆作 「人之其所親愛而辟焉」以下五句「辟」 「譬」,今注疏本作「辟」,而

> 德美與? 吾何以敖惰此 讀「辟」爲「僻」,不如舊注之精當 以心度之,日吾何 反以喻己,則身修與否可自知 以親愛此 人,非以其 人,非

也。」宋

志行

薄

以

其

有

注仍用「譬」字、云:「譬,猶喻也。

言適:

彼

### 戾

能 聚則民散」、「貨悖而人,亦悖而出」之義。 下注云: 或爲「吝」,鄭義本謂「貪戾」即「貪利」耳,故 止也。」一人貪利而一國作亂,即下章 「一人貪戾」注: • 「君若好貨 而禁民淫于財 「戾之言利也。」「戾」 利,不 一財

### 修

鄉 飲 酒 義 降 説 屨 升坐,

《禮》所云「乃羞」也,「爵無數」爲句,《禮》「修」乃「羞」之誤,聲相近也。「羞」字爲句,堂,●乃羞,無算爵。」經文本無「修」字,始悟愚案《鄉飲酒禮》云:「説屨揖讓,如初升數。」熊氏以「修爵」爲「行爵」,後儒無異説。

# 王者禘其祖之所自出

所云「無算爵」也。

若周之祖譽。 之,而立四廟。」《喪服小記》文。言始受命而 王,祭天以其祖 義: ❷「王者禘其祖之所自 其祖配之。」《喪服小記》同。 「天者,祖之所自出也。」韋元成等奏議 《大傳》: 「夏正郊天者,王者各祭所出帝于南 立親 「王者禘其祖之所自出,以 廟四、親親 配,而不爲立 也。 董仲舒有言: 出,以其 廟,親 《三禮義宗》 杰 祖 引祭 也; 配

以其祖配之」也。郊。」即《大傳》所謂「王者禘其祖之所自出,

### 寔 來

氏亦作「寔」,與《詩·正義》所引異,蓋孔氏氏。」案《玉篇》:「寔,時質切,不空也。」兩字音義俱别。《詩·告作寔。 趙魏之東,實寔同聲。」《正義》古雅》「實墉實壑,實畝實籍」,箋云:「實來」,由聲同故,❸字有變異也。」今本左。「「實來」,由聲同故,❸字有變異也。」今本左。「「實來」,由聲同故,❸字有變異也。」今本左。「實來」,由聲同故,❸字有變異也。」今本左。「實來」,由聲同故,❸字有變異也。」(實,實本),是來」,注:「寔,實

- ●「堂」、《十三經注疏》作「坐」。
- 一一出校。 一一出校。 「元」,避清聖祖玄燁諱,當作「玄」。 以下同此者,不再
- ❸ 「由」上,《十三經注疏》有「是」字。

詩》作「實」。

#### 魯

子」,公羊作「戎曼子」。《左傳》桓五年「曼伯爲右拒」,《釋讀「曼」爲輕脣,則失之遠矣。《春秋》「戎蠻朝人讀「萬」爲輕脣,故「曼」「萬」同音,今吴中方有重脣無輕脣,故「曼」「萬」同音,今吴中文》:「曼音萬。」隱元年「無使滋蔓」亦音「萬」。

#### 寫

薳氏之簉,其即寫氏之族乎? 家》作蔿氏。「蔿」「薳」古通用。 孟僖子有 屬十 一年「館于寫氏」,《 史記 · 魯世

#### 陪

是陸亦作「陪」也。 「陪,蒲回反。」則从「自」爲正。《釋文》:「陪,蒲回反。」經及岳氏本俱作「陪」,據杜注「倍,益也」,

## 不闕秦焉取之

若不闕秦,將焉取之?」唐石經本無

三九

四〇

《御書左傳》亦無之。 「若」、「將」二字,出於後人旁添。宋高宗

## 羊斟不與

名。 羊名相應,則《淮 酌」之義,當以「羊」爲其御之名,「斟不與」 鄲圍,羊羹不斟而 與」,據後文「羊斟」兩見,是「羊斟」爲 三字爲句。細玩下文「其御字叔牂」,正與 「斟」字或後人所加。 案《淮南·繆稱訓》云: 宣二年「宋華元殺羊食士,其御 南 宋國危。」則「斟」爲「斟 || 説 亦可通。《傳》文後 「魯酒 羊棋 薄而 人姓 邯

## 感即憾字

宣十二年「二憾往矣」,成二年「朝夕釋

此初刻之勝于後改者。未及耳。《説文》無「憾」字,「感」即「憾」也。昭十一年「唯蔡於感」不加心旁,蓋刊改偶憾」,唐石經初刻皆作「感」,後乃加心旁,惟

### 戌戌

明,石刻之可貴如此。似,刻本往往互溷,獨唐開成石經點畫分从「人」从「戈」,乃「戍守」之「戍」。兩字相尹戌皆从「戊」从「一」,讀如「卹」,唯公叔戍尹戌皆从「戊」从「一」,讀如「卹」,唯公叔戍

#### 乘

虔以「壽夢」爲發聲。「壽夢」一言也、《經》襄十二年「吳子乘卒」,即壽夢也。服

韻,併兩字爲一言,孫炎制反切蓋萌芽於「乘」爲雙聲,「夢」古音莫登切,與「乘」疊予謂「乘」「壽」皆齒音,「壽」當讀如「疇」,與言「乘」,《傳》言「壽夢」,欲使學者知之也。言「乘」,《傳》言「壽夢」,欲使學者知之也。

#### 匱盟

此。

之義當用此。「言不副貌爲匱。」「匱盟」其實也。」章注:「言不副貌爲匱。」「匱盟」也。《晉語》:「今陽子之貌濟,其言匱,非也。《晉語》:「盟于蜀。卿不書,匱盟

### 吴行人儀

斯釋言于齊。」即《檀弓》之行人儀也。「奚《吴語》:「吴夫差既勝齊,使行人奚

亦作公子魚,「魚」「儀」聲相近。斯」疊韻,并言之則成「儀」字。魯公子奚斯

# 絳縣人七十三年

謂古人以歲盡之日而後增年,亦無它據。 問一歲爲一年。絳縣人生正月甲子朔,以周一歲爲一年。絳縣人生正月甲子朔,以周一歲爲一年。絳縣人生正月甲子朔,以周一歲爲一年。絳縣人生正月甲子朔,以周一歲爲一年。徐縣人生正月甲子朔,然是正十四年,而賈逵注云七十三年,正以未周歲故,與絳縣人記年一年,至十三年,正以未周歲故,與絳縣人記年一年,至十三年,正以未周歲故,與絳縣人之於文公十一年,至襄公三十二人以歲盡之日而後增年,亦無它據。

蔽

侯也。 晉楚,則罷於奔命也。 能無貳乎?』」與此《傳》同義,謂諸 義》不同,恐陸氏誤也。 也。」陸氏《釋文》云: 王肅、董遇本皆作「蔽」,謂以誣人之道掩諸 侯,罪莫大焉。』、《正義》云: 一字連文,如服説當以「道弊」連文。 蔽, 踣也, 一曰罷也。」則知服 年:「范宣子曰: 「弊」「敝」古通用。 襄廿七年: 杜本作『蔽』,當如王、董爲蔽 「服虔、王肅、董遇並作弊。」與《正 「子罕曰: 案如王、董説當以「誣道 『諸侯道敝而無成, 當從服説作「弊」爲 「以誣道蔽諸 本作「弊」。 服 侯兼事 虔 襄十 掩之 티 :

天

厲

與上文「亡乎」相對,謂國既不亡則君當夭折也,今本譌爲 誤。「天」「夭」二字易於相溷。 石經證之,又與杜義相協,可正向來刻本之 然則宋本已有互異,毛氏疑 癘夭札」,則『夭』字亦不爲非。 則當作『天地』之『天』。然《傳》中有言『疫 杜氏云: 之『天」,興國及建本作『夭閼』之『夭』。 案 經正誤》云:「《注疏》及臨川本作『天地』 戒。」唐石經「夭」作「天」。 攷宋毛居正《六 襄卅一 『癘猶灾也,言水潦無時。』據此 年傳: 盗 昭元年「趙孟曰「夭乎」」 賊 公行,而夭厲不 而未決,今以唐 姑俟達者。」

四

士云: 先識覽》云: 切經音義》引《左傳》亦作「貯」。」盧抱經學 切,「褚」「畜」聲相 古「褚」「貯」兩字聲近通 褚、畜也。」大昕謂古讀「畜積」之「畜」敕六 襄三十年「取 [ 诸本或作貯,又作褚。]」 「《周禮・廛人》注『猪藏』、《釋文》 『我有衣冠而子産貯之。』《一 我衣冠 近也。 用。 歸安嚴元照云: 而褚之」,杜注: 《吕氏春秋

#### 徒 兵

記》以爲石刻之誤。梁孝廉履繩云:「杜唐石經「徒卒」作「徒兵」。顧氏《金石文字襄廿五年「賦車兵、徒卒、甲楯之數」,

十駕齋養新録卷二

對,今本作『徒卒』,非也。」 對,今本作『徒卒』,非也。」《釋文》:『卒,子 於『徒兵』下注云『步卒』、《釋文》:『卒,子 整元年『諸侯之師伐鄭,敗其徒兵于洧上』、 整元年『諸侯之師伐鄭,敗其徒兵于洧上』、 略二十年『太叔興徒兵以攻硅苻之盜』, 昭二十年『太叔興徒兵以攻硅苻之盜』, 昭二十年『太叔興徒兵以攻硅苻之盜」, 對,今本作『徒兵』者屢矣。『徒兵』與『車兵』

## 向戌如陳

此字,後磨改去之。 不當更舉宋名,石經是也。驗石刻亦先有石經無「宋」字。案上文已書「宋向戌」,此

四三

高

子

容

國。 故也。 太叔文子不書衛,高子容不書齊,已見經 諸卿,或書國,或不書國,皆有義例,如 石經本。 今本「高」上有「齊」字,非 《左氏傳》不可損益一字如此。 襄廿九年「高子容與宋司 華定書官不書族,故稱宋以别于它 經不書游吉,故子太叔 也。 《傳》於 徒見 稱 鄭 今從唐 知伯」, 以 此 列 别 文 國

日

夜,故左氏紀夢每言「旦」. 庚宗之夢則云辟左右。」」唐石經「且」作「旦」。 凡夢必在成二年. 「韓厥夢子輿謂己曰:『且

不誤。 旦召 是也。 之。旦召六卿」。 宋公「夢太子樂即位于廟,己與平公服 寧人轉以石刻爲誤,慎到甚矣。 其徒」,社宮之夢則云「旦而 石刻字畫分别, 今本亦誤爲「且」,唯石 미 證 俗本之譌。 昭廿 求之曹」 而 五 經 年 相 顧

## 大人患失

意。」此説非是。 昭十八年「大人患失而惑」,「患失」即

四四

經文字》何以不收? 後人妄增,非杜氏之舊也。 也。」《孟子》「今人乍見孺子」,趙岐訓「乍」爲 「乍」,後人加口於左旁。案杜注: ·咋字經典罕見,《左傳》果有此字,張參《五 暫」。「乍」「暫」聲相近,疑經注皆無口旁, 定八年「桓子咋謂 當從初刻。」 林楚」,唐石經本作 錢唐梁履繩云: 「咋,暫

#### 妃 墻

廧,或作墻。」案《説文》無「嬙」字,當依 嫱」作「墙」,陸氏《釋文》云: 哀元年「宿有妃嬙、嬪御焉」,唐石 漢 隸爿旁字或變从广,「廧」「墻」 「嫱,本又作 石經 經

十駕齋養新録卷二

#### 莒 子 狂

實

一字也。

《釋文》:「狂,其廷反。」蓋讀「狂」爲上聲。 「其廷反」。攷古字書無「狂」字。 合。今注疏本誤作「狂」,并《釋文》亦改爲 相臺岳氏本亦作「狂」,而圈上聲,與《釋文》 哀十四年「莒子狂卒」,唐石經旁从王,

### 衡流而方羊

爲句,劉炫謂當以「方羊」爲句,其説當矣。 義》亦出穎達之手,而《汝墳》疏引《左傳》 裔焉大國,滅之將亡。」杜氏以「裔焉」連上 而 孔穎達曲護杜義,辨之甚力。 哀十七年: 如 魚 竀 尾, 衡流 然《毛詩正 丽 方羊。

四

且 如 引鄭衆注爲證,仍 魚 赬 衡 流 而 不取杜 彷 徉 Ξ, 归説。 正 與 劉 氏 讀

### 四方其順之

無可 云 宋世家》皆作「順」。 用、《洪範》「于帝其訓, 訓 |作「順」,岳氏 文輒改之耳。 哀二十六年「四方其訓之」, 唐石 疑者。今注疏本作「訓」,蓋 「四方諸侯皆順從之。」是正文作「順」 本亦 古書「訓」與「順」多 是訓是行」、《史記 是「順」字。 念 正 後人依 義 通 經

# 正義刊本妄改

位,是歲歲在豕韋, 桓公以桓王九年即位,《春秋正義》: 隱公以平王四十九年即

歲歲在 歲歲 書,宋初本皆單行,不相殺亂。 玄枵,哀元年歲在大梁也。 重出 出「同上」兩字,謂「與陸氏《釋文》相同,不復 敬王十一 公以景王四年即位,是歲歲在大梁。 定公以 歲歲在壽星; 歲歲在大梁; 歲 是 義》於經注之本,欲省學者兩讀,但既以注 **合《正義》於經注之本,又有合《** 哀公則不載《正義》本文,但于白文「疏」字下 公以简王十四年即位,是歲歲在壽 是歲歲 歲 歲 也。 在 在 歲 降 鶉首; 在降婁, 鶉 在玄枵; 年即 婁 火, 以昭三十二年歲在星紀推之,則定元年歲在 位,脱「是歲 今刊本無此六字,當是傳刻脱去。 僖公以惠王十八年 成公以定王十七年即位,是 閔公以 文公以 宣公以匡王五年即 莊 《釋文》與《正義》各自一 公以 惠 襄 王 莊 王二十 歲 + 王 在 六年 四 (釋文) 南宋後乃有 某 六 年 即 次」句, 星, 年 即 即 位,是 位,是 位,是 即 位 位, 疏 昭

## 何氏注公羊傳

廿 歷》,●不得以左氏難之。」案魏晉以來 卯,二文當有一誤。《疏》云: 依違其詞。 子,●孔子生。」注:「時歲在乙卯。」《疏 一年皆云己酉,而何氏乃云乙卯,故 《公羊傳》襄公二十一年。「十一月庚 何氏别 有《長歷》亦無 「何氏 自 明文 「有《長 疏 推 》作己 可 家

> 「乙卯」必「乙巳」之譌也。襄廿一年距上元十四 則孔子生年必爲「乙巳」,非「乙卯」無疑矣。 歲當在子,而今人以爲丙辰,亦差四算。然 術,非别有《長歷》也。左氏襄二十八年歲 證。今以《三統》「歲術 在星紀歲,星與太歲常相應,星在星紀,則 六算,正當超四辰。故知何所據者超 距光武建武元年二百三十歲,合五 子生,距漢元年三百四十六歲。又自漢 廿九,起丙子算外,正得乙巳歲。 自襄二十一年孔 百四十四而一,得九百八十九,爲積次,滿六十去之,大餘 八十三,以百四十五乘之,得十四萬二千五百三十五,盈 萬二千六百七十九,滿歲數一千七百廿八去之,歲餘九百 二十一年歲在實沈,太歲當是乙已,則何注 超辰」之法計之, 白 七 辰 古 + 賱

- ●「十」下、《公羊傳》有「有」字。
- 一一出校。 「歷」,避清高宗弘曆諱,當作「曆」。以下同此者,不再

太歲 置此 此 廿八年太歲在壬子也。 次,不盡三十六,爲大餘,數起丙子,是爲 爲上元,今欲知 古法太歲與歲星常相應。 去之、盡。是爲此年更發初在星紀也。」案 刊本作「十一」,誤。 **積次,不盡一百二十六。** 十,以一百四十四除之,得九百九十六。 之,得積終八十二,去之,歲餘九百九十,以 云「以丙子爲上元」,孔氏未曉超辰之理,誤以爲庚 二十一年,正當 正 百四十五乘歲餘,得十四萬三千五百 年距上元積十四萬二千六百八十六歲。 義》云: 亦有超辰,乃 一歲數,以歲星歲數一千七百二十八除 廿 八 年 《三統》之歷以庚戌 除之,除積次也。 爲 太 歲 乙巳。 用後漢太史虞恭説, 歲 在 所 星 以是上推孔子生襄 在,即以 紀 爲次餘,以十二今 孔沖遠不知 《三統》本以丙子 而 淫 得八十三, 六十 爲 于 上元,當 元 古 去 枵」, 爲 積 戌 謂 法 襄 五

歲

在丙辰矣。

丙午,故《正義》云「閔元年歲在大梁」,知

因莊公廿三年太歲歲星皆

在超

辰之限,

歲

甲

寅

也

星既超實沈入鶉首,

則太歲亦超乙巳而

至

太

隱元年歲在豕韋」,則是太歲在一百七十算,太歲當在乙卯,而《一百七十算,太歲當在乙卯,而《一三統》以庚戌爲上元,失之甚矣。

正義》云

元

年,計

 $\sim$ 

矣。 同。 太史公本文。 廢,自何、邵公、鄭康 歲,又以隱公元年爲 緯書出于東漢,其時太歲超辰之法 徐廣注《史記》 後漢人引緯書,以庚申爲 以共 成諸大儒外,知之者尟 己未之歲,與今人 和元 年爲 西 狩獲麟 庚 申, 所 己 之 推

# 孔子生年月日

左氏傳》於哀十六年書「孔子卒」,而不

生」、《穀梁》云「二十年十月庚子生」、《史記 當在二月後。 五十九。 萬八千四百五十九,小餘七十七,積日滿六十去之,得大餘 法除之,得積月一萬三千四百九十三,閏餘十八。又以月法 統法去之,則入甲申統一千零九十一年也。 傳》亦合。 是歲距上元積年十四萬二千六百七十九,滿 月無庚子日。予以《三統》術推襄公廿一年 廿一年也。 生。」又昭二十四年,服虔注引賈逵説 注《左傳》,於襄二十一年云: 則云「二十二年孔子生」,而無月日。 攷賈逵 書生年。《公羊》云「襄二十一年十一月庚子 二千三百九十二乘積月,以日法八十一除之,得積日三十九 日,年從《公羊》,月從《穀梁》,與賈、服注《左 十月己卯朔,其月廿二日庚子是爲宣尼生之 ·仲尼時年三十五。」是漢儒皆以孔子生在襄 是襄廿一年周正月癸未朔也。 依術遞加,二月癸丑朔,大, 是年經書「十月庚 辰 是歲閏餘十八,閏 一此 以章月乘之,章 朔,則十 **閏二月癸未朔** 年仲尼 云

> 小, 大 大 小 七十三,則以相距之歲計之。 周歲始增年也。《史記》謂生於襄廿二年、年 實七十四算,而賈云「年七十三」者,古人以 十二月戊寅朔,小。 六月辛巳朔,小, 九月己酉朔,大, 三月壬子朔,大, 十月己卯朔,小, 七月庚戌朔,大, 四月壬午朔,小, 自襄廿一年至哀十六年 十一月戊申朔 八月庚 五月辛亥朔 辰朔

任戌。」皆文公以意增入,非《史記》本文。 巴,哀公之十一年丁巳、十四年庚申、十六年 凡之歲,昭公二十五年甲申,定公元年壬辰、 戌之歲,昭公二十五年甲申,定公元年壬辰、 戌之歲,昭公二十五年甲申,定公元年壬辰、 戌之歲,昭公二十五年甲申,定公元年壬辰、

十駕齊養新録卷二終

#### + - 駕齋養 新

# 十駕齋養新録卷三

嘉定錢 大昕

#### 天 道

遠,人道邇,竈焉 謙。』《春秋傳》:「天道多在西北。」「天道 福善而禍淫。」《易傳》: 書言天道者,皆主吉凶禍福而言。《古文尚 有賢愚吉凶。 鄭康成《論語注》:「性謂人受血 國語 人所難言。 自子貢以下,不得而聞。」注引 後漢書·桓譚傳》: 「滿招損,謙受益,時乃天道。」「天道 天道 天道,七政變動之占也。」古 賞 知天道?」「天道不 善 而罰淫。」「我非瞽 「天道 「天道性命, 虧 氣以生, 盈 謟。 圃 益

#### 攻 乎

勝於古注,且與「鳴鼓而攻之」義亦同。 之正義。」前人已有是言矣。 任昉撰《王文憲集序》云: 已,止也。謂攻其異端使正道明,則異端之 惡」之「攻」,「已」如「末之也已」之「已」。 公因之,孫奕《示兒編》謂「『攻」如『攻人之 止、韓子闢佛老則欲佛老之害止也」。 害人者自止,如孟 「攻乎異端」,何晏訓「攻」爲「治」,朱文 子 距 楊墨則欲楊墨之害 攻乎異端,歸 此説

舜井廩、文王拘幽、孔子戹困之類,故 與善人。」皆論吉凶之數,與天命之性自是 兩事。《孟子》「聖人之於天道也」,正謂虞 史,焉知天道?」《老子》: 命也」。 天 道 無 常

## 又盡善也

「矣」字、《西漢策要》與景祐本同。 書・董仲舒傳》引孔子曰「《韶》,盡美矣,又 盡善矣」,又引「《武》,盡美矣,未盡善也」, 盡善矣」,又引「《武》,盡美矣,未盡善也」, 書・董仲舒傳》引孔子曰「《韶》,盡美矣,又

#### 冉 伯 牛

十駕齋養新録卷三

## 居下訕上

### 斯己而已矣

解》:「此硜硜者徒信己而已。」皇氏《義「莫己音紀,下斯己同。」與石經正合。《集店石經「莫己」、「斯己」皆作「人己」之唐石經「莫己」、「斯己」皆作「人己」之人讀「斯已而已」兩「已」字皆如「以」。致人讀「斯已而已」」,今

五.

説矣。 誤 作「已」也。「己」與「已」絶非一字,宋 疏》 己」字皆不作「止」解,由於經文作「己」不 唯自信己而已矣。」是唐以前《論 讀「斯己」爲「以」,未免改經文以就己 申之云: 言言 孔 子 硜 硜 不 宜 隨 語》「斯 世 儒

及此。

《孟子》:《盡心》篇。「夫子之設科也,往者不追,來者不拒。苟以是心至,斯受已矣。」趙氏注:「孟子曰,夫我設教授之已矣。」趙氏注:「孟子曰,夫我設教授之心。見館人殆非爲是來,亦云不能保知,謙也。見館人殆非爲是來,亦云不能保知,謙也。見館人殆非爲是來,亦云不能保知,謙以益之而已。」「夫子」以下本《孟子》之言,以益之而已。」「夫子」以下本《孟子》之言,以益之而已。」「夫子」以下本《孟子》之言,以益之而已。」「夫子」以下本《孟子》之言,以益之而已。」「夫子」以下本《孟子》之言,以益之而已。」「夫子」以下本《孟子》之言,以益之而已。」「夫子」以下本《孟子》之言,以益之而已。」「表述》

已」語意相同,此必孟子之言,或人豈能見之而已」,與「逃楊必歸於儒,歸斯受之而

#### 曾

《正義》亦引是説,則是「曾」訓「乃」也。 「則」也。《公孫丑上》: 音則能反,它經「曾」姓皆無音,曾孫亦無音,未知孫氏何 謂泰山不如林放乎』音則登切,『曾是 並音「層」。之外,曾字並無音。 問異事耳,則此二人之問安足大乎?」又訓 於「曾由與求之問」雖無音,孔曰:「謂子 孝乎』音增。大昕案: 孫孔安國解《詩・信南山》、郭璞注《爾雅》「曾孫」之「曾. 馬 孫奕《示兒編》云: 融日 『承順父母 陸氏《釋文》惟《孝經》「曾子」 「諸 「爾何曾比予於管 顔色,乃爲孝也。」 經除 獨《論語》『曾 人姓 以 及 爲

韻》亦 仲?」 證。 若, 趙 也; 稜切, 以 及近 此 矣」,鄭曰: 皆作『層』字讀,更説 汙也」、《荀子・榮辱篇》「偷生淺知之屬,曾 師」、《孟子》「曾不知以食牛干秦穆公之爲 刀」、『曾不崇朝』、『曾是不意』、『曾莫惠 『乃』字勝。 而 爲 云『何曾猶 爲 孝乎」之『曾」。」大昕案: 世文集中有『曾不聞』、「曾不知」之類 漢周勃、張 不 又 經也」、《類篇》「曾, 檀弓》上『喪三年以爲極,亡則弗之忘 訓『則也』,并援「曾是以爲孝乎」爲 Œ 知也」,揚子《問 又咨 曰 : 嘗以類推之: 騰 『則之言曾也。』二説皆通。 讀 何乃 「曾比 切 如 相 如 也」,丁云『則也』,《禮 則 增 予於是。』「曾」音「增」。 兩人言事"曾不出 不 也, 爲 通,合盡讀 神篇》『曾范蔡之不 別音。 又 昨稜 姓。 《詩》『曾不 ^ 切,詞之 朱文公 是 廣 如 以 韻 》「昨 曾是 讀 Ξ, 始 容 如 我 而

之「曾」加圈,亦非 朱文公讀 讀 異,而於《類篇》之例卻合。《孟子》「曾比予 是 語》三「曾」字俱 孫季昭欲舉經典中「曾不」、「曾莫」之類盡 圃 於管仲」、「曾比予於是」,兩「曾」字音「增」, 如「增」,似未 以爲孝乎」皆讀 「曾不知以食牛」句無音,亦讀如「層」也。 爲長。 無音, 今邨 喻陸氏《釋文》之旨。 如 塾 層」, 則 丽 以「增」爲正音,於讀「層 并 曾 與 謂 陸 泰 氏《 山」、「曾 釋 當從

# 程子言性中無孝弟

天下 語 公知其不 而 亦 已,曷嘗 無 要 伊 性 體 川 説 미 外 會 有孝弟 之物, 得 通 性 是, 也, 中 只 若 故 豈 來」, 有 性 差 於 箇 此 外 文 了 仁、義、 集 别 即 語 中 有 不 極 成 有 有 禮、智 物 云 病。 道 名孝弟 理。 朱 四 煮 此 文

者而 彼 乎? 河、淮、濟,言木而不言梧、檟、樲、棘,非有 氣,只有水、火、木、金、土,言水而不曰江、 慈愛惻隱之心皆所包也。 物,性中只有孝弟也。 來,未有孝弟之名耳,非孝弟與仁各是一 而無此也。」 但 方 便包攝了孝弟在其中,乃未 在 性 中 則 所包攝不止孝弟,凡 但 見 仁、 猶天 義、 地一元之 禮 發出 智 四

之弊。 也。 而别於空 者,其良能 實,從兄是也。」又曰: 矣。」又曰: 《孟子》曰: 相 親 親,仁也; 表 裹。 虚處求性,故其言往往有 也 「仁之實,事 宋 儒 所不 「堯 敬 以 長,義 舜之道,孝弟 慮而知者,其 「人之所不學 孝弟爲庸 親是也; 也。」與 行 粗 過高 良 有子 圃 而 義 知 之 己 能

## 主一無適

《文子》之言,實非《文子》本旨。 「敬事而信」,曰「執事敬」,曰 也,無莫也」,鄭康 特,二爲對。 希子注: 古書「適」讀 法而治,則萬物皆歸往於君,故無不適 俗訓》亦云: 云: 「一者至貴,無適於天下。」《淮 足以「無適」二字,則《文子》兩見之,其《道 出於《古文尚書》「善無常主,協于克一」,又 德》篇云: 語》言「敬」者二十有 宋儒以「主一 「一者法也,適者往也。 「一也者,無適之道也。」又下注 如「敵」,「敵」猶 成讀「適」爲「敵」、「莫」爲「慕」。 無 「一者至貴,無 適者,無對 無 適」解「敬」字、「主一」 一,皆主行 也。 「對」也。 適於天下。」 「事 事 《論語》「無適 宋 思敬」,曰 而言, 儒 言 南・ 雖 — 也。」 君 致 默 用 齊

事 一」似當有 君 敬 事」, 别。 敬 或問: 在 事 不 敬 何以 在 心 用 也。 功? 程子 敬 į. 與

「莫如主一。」

《詩》「執事有恪」是也。 心。」《正義》云: 敬。」鄭康成 重,故主敬。」敬 《禮記 · 少儀》: 云: 雖 「賓客輕,故主恭,祭祀 「恭 在 心,仍 在 「賓客主恭,祭 貌 也,而 由 祭祀 敬 而見, 又 祀 在 主

### 天即理

之渝。」 豈 未 謂 之威。」理豈有怒與 然。「 天 禱於理乎?《詩》云: 即 宋 儒謂 理 理 獲罪 則 不 不 可 性即理,是也; 於天, 可。 言渝 也。 威乎? 無所禱 謂 「敬天之怒,畏天 -, 理出於天則可, 又云: 謂禱 謂 天 於 即 「敬天 理, 天 也, 恐

### 忠恕

如此。 《字説》,非六 大司徒》疏。 中 心 日 書本義。宋儒不讀注疏, 歐 忠、「如 陽 守道謂二語本之王 心日 恕」, 見《周 其 安 禮 石 陃

### 公孫拔

傳寫之誤。予嘗見倪士毅《四書輯釋》 本。明人修《大全》多襲用倪 本作『枝』,誤。即公叔發。」乃知今世所行 拔也。」又引吴氏程曰: 文公《論語注》:「公叔文子,衛大夫公 集注》本非考亭之舊,王厚齋 公叔文子,朱注作公孫枝,王伯 「拔,皮八 氏 所 見 輯釋》之 反。 亦是 厚 載 以 孫 俗 朱 爲

五六

之甚也。
文,獨此條轉取流俗本以改倪氏,可謂不學文,獨此條轉取流俗本以改倪氏,可謂不學

也。

瞿生中溶云:

「《五經文字・鼻部》「嗅」下云:

晁氏所稱石經,殆孟蜀刻

於左,其跡宛然。

夏」。

按唐

石經

本作「

臭,後

人

加

「口」旁

【《論語》借臭字爲之。」則此口旁爲後人所加無疑。」

### 劉聘君

稱名氏。 名也。文公早年師事致中,且係婦翁,故不 奏: 法,閩中士人無不推仰,伏望特賜 召赴行在。」故有聘君之稱。 君,謂白水劉勉之致 朱文公《集注》引劉聘君説者三。 建州 「紹興七年四月,中書舍人吕本中 進士劉勉之學有淵源,行可 中 也。 李心傳《繁年 聘君避仁宗嫌 録 用 詔 師 要 聘

### 朱注引石經

「三嗅而作」引晁氏云「石經「嗅」作

# 朱子四書注避宋諱

弗擾」章注「與陽 諸 桓、晉文之事」章注「齊威公、晉文公皆霸諸 威公之後」,又引蘇氏「三威以微」, 公室」章注「歷悼、平、威子。 三威,三家,皆 其奈我何」; 向魋也,出於威公,故又稱 女樂」章注「季 ·威公,兄也」一條,「威」字六見, 「禄之去 侯」 論語》「管仲之器小」章注「相威公霸 「天生德於予」章注「威 「管仲非仁者與」章引程子 威 子,魯大夫」; 虎共執威子」; 威氏」,又「威 <u></u> (魋,宋 「齊人歸 孟子》「 「公山 司 馬 齊 魋

管仲」; 也; 侯者」; 章、《孟子》「敢問交際」章注於「桓」字俱未 趙氏《四 於季威子是也」; 魋也」,「五霸者,三王之罪人」章注「齊 有 矣,唯《論語》「譎而不正」章、「召忽死之」 邑人祝齊威公」云云。● 此避欽宗諱 威、晉文」兩見, 回避。 未盡耳。 蓋刊《纂疏》時校書人妄改,猶幸改 或謂孔子」章注「威司馬、宋大夫向 書纂疏》。今世俗本皆改「桓」字 夫子當路於齊」章注「威公獨 以力假仁」章注「若齊威、晉 「古之君子」章注「若孔子 「爲政不難」章注「麥邱 也,見 文 是 任

於「不可不謹」之「謹」則不知改,進退皆失諱以「謹」代之,今本改「先謹」爲「先慎」,而下至此」,此三「謹」字本皆「慎」字,避孝宗上文『不可不謹』而言」,「自『先謹乎德』以上文《纂疏》本《大學章句》「『先謹乎德』 承

子」章注中「慎子」四見、《纂 注「謹不葸,謹終追遠之意」: 章注「謹言行者守之約」; 者,不敢盡其 盡其禮」; 據矣。《論語》「慎終追遠」章注「謹終者,喪 謹」字皆改爲「慎」,獨《孟子》「魯欲 君子食 所 有 餘 無 也 求 飽」章 「恭 疏》亦不 子 今注中諸 張學干 注 而 無禮」章 謹 回 使慎 於言 禄

諱,今本皆作「讓」字。者,禮之實也」,改「讓」爲「遜」,避濮安懿王者,禮之實也」,改「讓」爲「遜」,避濮安懿王者,《論語》「君子無所争」章注「揖遜而升

下」,改「匡」爲「正」,避太祖諱也。然《論《孟子》「夫子當路於齊」章注「一正天

● 「邱」,避孔丘諱,當作「丘」。 以下同此者,不再一一

蓋亦刊本輒改。

新録

子亦宋大夫之賢者也。孔子去陳,●主於司疏》亦未改,此校書者之失,非趙氏有誤也。語》注中「匡人」、《孟子》注中「匡章」,《纂語》注中「匡人」、《孟子》注中「匡章」,《纂

# 論孟集注之誤

皆作「貞」字。

城正子」,改「貞」爲「正」,避仁宗諱也,今本

史遷。 譌《説苑》爲《家語》。 而 而 則適衛 四語皆古語,「四」當作「六」。 不衣冠而處 季文子始專國政,不待武子。 非孫。 出 · 無 閻 而 滅夏后相 百詩舉《論 駶 非齊。 武丁至紂九世非七世。 寗殖。 戟有枝兵、戈平頭戟,其器 乃寒浞 子 語》《孟子》集注之誤,謂 糾 農家者流,譌 兄而 而非羿。 非 弟。 蘧伯玉不對 「或勞心」 去魯 班 曾西子 固 司 寇 爲

> 其類各别,非有大小之分。 各别,不得即以戈爲戟。麋澤獸、鹿山

五八

## 孟子章指

《孟子章指》是也。 獻通考》。 作韻 散人《正義》。 名孫奭所撰,盡删《章指》正文,仍剽掠其 人作《疏》,蓋用善經本也 岐《章指》與其注之緐重者,復爲七篇,見《文 目》載陸善經《注孟子》七卷,稱善經删 本,世遂不復見趙 語,謂之《章指》,《文選注》所 趙岐注《孟子》,每章之末括其大旨,閒 是删去《章指》始於善經。 明國子監刊《十三經》承 。南宋後僞《正義》出,託 岐元本矣。 考《崇 引趙 邵 武 文 去 用 趙 總 此 語 岐

▶ 「去」下、《孟子集注》卷五《萬章章句上》有「至」字。

# 孟子正義非孫宣公作

馬端 託,乃改竄 唯《音義》有之。 義》以趙注爲 注《孟子》者,趙氏之外有陸善經。 採唐張鎰、丁公著所撰,參附益其闕。 義正義》共十六卷,引晁氏曰「皇朝孫奭等 書未出,至陳 書志》有孫奭《音義》而無《正義》,蓋其時僞 三四四 卷首載孫奭《序》一篇,全録《音義序》,僅 如謂『子莫執中』爲『子等無執中』之類」。 今考「子等無執中」之説初不載於《正義》, [語耳。 《孟子正義》,朱文公謂邵武士人所作。 臨《經籍考》并兩書爲一條,云《孟子音 晁 其淺妄不學如此。鼂公武《讀 振 語 本,其不同者時 馬氏既不能辨《正義》之僞 以實之,不知晁《志》本無 孫《書録解題》始並載之。 時 兼 奭撰《正 取善經, 古今 添

正義》也。

## 宋高宗書孟子

事」石刻作「小民」,皆勝於今本。

書《孟子》,雖非全本,較之坊刻閒有異同,
雅》而無《孟子》。今杭州府學有宋高宗御雅》而無《孟子》。今杭州府學有宋高宗御

# 好名之人一節

子亦惡人之不好名。名,謂不朽之名也。類是也。」愚謂孔子「疾没世而名不稱」,孟豆羹變色,訟之致禍,鄭公子染指黿羹之類伯夷、季札之類是也。誠非好名者争簞食伯夷、季札之類是也。誠非好名者能讓千乘,趙氏云:「好不朽之名者能讓千乘,

五九

十駕齊養新録

況千乘乎? 不好名必專於好利, 雖簞食豆羹且不能讓

#### 頑 夫 廉

漢本是「貪」字。 廉」,此淺人妄改 暢傳》《丁鴻傳》所引皆作「貪夫廉」,然則兩 按《論衡・率性篇》《非韓篇》、《後漢書・王 夫有立志。」「廉」與「貪」對,不與「頑」對。 《孟子》:「聞伯夷之風者,頑夫廉,懦 《論衡・知實篇》引《孟子》作「頑夫

#### 袗 衣

錢塘梁侍講同書嘗告予云: 單」又訓『同」,皆無盛服之意。《三國志• 被袗衣」,朱氏《章句》訓「袗」爲「畫」, 「古書「袗」訓

### 檢

衣」當是「珍裘」也。」

空虚,不得已爲移民移粟之計,自以 農、傷末之患,於是有發斂之法: 修發斂之制,豐歲任其狼戾,一遇凶 彘食人食」,猶言樂歲粒米狼戾耳。 遇凶旱水溢民無菜色」者,用此道也。「狗 斂之於官,凶歲則糶之於民,《記》所謂「 農而外,工商賈皆不耕而食者,則必糶糴 必有一年之食,九年耕必有三年之食。自 當依《漢書・食貨志》作「斂」。 通之。而歲有豐歉,穀有貴賤,則不能 《孟子》「狗彘食人食而不知檢」,「檢」 古者三年耕 惠王不 歉 豐歲 爲 無 倉 盡 廪 傷 以 雖 則

女,若固有之」。 魏文帝紀》注有云舜『承堯禪,被珍裘,妻二 此必用《孟子》之文,『袗

### 齊人伐燕

其實。 以以 謂 不 馬 帝 歲 以合《孟子》,然燕人之畔終在 在 王 昭自立事移在前 也。 能强合。 温 齊湣王時, 齊 其 益爲妄作。 公《 (史記) 年之禍 所以治國者 「《孟子》七篇所言齊王皆湣王 王猶反手」、『王由足用爲善」,皆 湣王初 而「好勇」、『好貨」、『好色』不能 通鑑》移湣王前 閻 燕 獨《孟子》書以爲 亦基 年,兵 王 百詩又議 近 + 噲 于此。 亦必有異矣。 實 數 讓 强天下,與 年, 應 國子之及 王 以 十年爲 以合孟 後來傳《孟子》者 燕噲 予 宣 中 湣 へ秦爲 《孟子》 讓 齊 子游 宣王之 E ·嘗 王時, 國至 伐 事 論 非 東 燕 齊之 之, 宣 燕 年 自 道 謂 仍 司 皆 西

> 之亡 改 合於《孟子》, 氏此論最爲精 孟 丑篇》稱王不稱謚,蓋其 盡 子 湣 心》 蓋廿五六年,孟子必不及 去 王 兩篇 齊當 爲 宣 王,爲 稱 在 終無實據,不若即就《孟子》 確。 宣王 湣王之十三四 孟子 前 者,後人增益 人移易宣、湣之年求 諱, 元本。《梁 其 年,下 實 見。 無 之 庸 惠 ^ 耳。 距 諱 王 湣 也。 王 Ŧ

#### 簿

本文斷之也。

字。 詩 則 器」一語,孫奭《音義》云: 碑》 北 宋本 經典無「簿」字,唯《孟子》有「先簿正 篆書「主簿」字从「艸」,是唐人尚 猶 不 盡作「簿」也。 「本或作「薄」。 唐美原《神泉 祭 識

十駕齋養新録卷三

#### 季 任

弟也; 《春秋》桓十七年「蔡季自陳歸于蔡」,蔡侯 寫顛倒耳。 弟也。依《春秋》例,「季任」當爲「任季」,傳 季弟也。」按國君之弟以國氏,字當在國下。 「季任爲任處守」,趙注: 莊二年「紀季以酅入于齊」,●紀侯 「季任,任君

#### 張 氏

白節。 又有稱張氏者,「君仁莫不仁」章「獵較」節、「白馬之 問爲國」章吕氏説。 者,横渠先生也,或又稱子張子, 朱文公注《孟子》引諸儒説,有稱張子 蓋張九成也。九成字子韶,號无垢居 有稱 張敬夫者,南軒 見「滕文公 也;

「分」。

#### 鎡 士,有《孟子解》。 基

記·月令》注: 引《孟子》作「鎡錤」。「兹其」也,「鎡錤」也, 鎡基」也,文異而音義不異也。 周禮·薙氏》注: 疏》云: 趙岐注「鎡基」: 「漢時兹其即今之鋤也。」《禮 「田器,鎡錤之屬。」《正義》 「以兹其斫其生者。」 「田器,耒耜之屬。」

#### 百 畝之糞

百畝之糞」,「糞」字當依《王制》作

0 據《左傳注疏》和《穀梁傳注疏》,事在莊三年。

注 非一物。 爲「小棗」亦無據。 樲,酸棗」,不聞「樲棘」爲「小棘」。 「樲棘、小棘、所謂 今有場師,舍其 「樲」爲 酸棗,「棘」即「 梧檟既二物,則樲棘必 梧檟,養其 酸棗也。」按《爾 **樲棘。」趙** 荆 朱注改 棘」之 雅》

窳

本作「窳」不作「愉」也。「今字或作『窳』」五「窳」,無有作「愉」者,是唐以前《爾雅》郭注音義》引《爾雅》此文及注凡七見,皆作多惰愉,今字或作『窳』。」按釋元應《一切經多惰愉,今字或作『窳』。」按釋元應《

將 且

字疑後人所增,非景純之舊。

《釋言》。「奘,駔也。」《釋

文》

見《爾雅》與孫、樊本同。懼」,箋皆訓「將」爲「且」,正用此文,是鄭所當從樊、孫本。《詩》「方將萬舞」、「將恐將當從樊、孫本。《詩》「方將萬舞」、「將恐將以對」,而無『奘駔』。」案經典不見「奘」字,

女叔

也」、《正義》曰「女公謂壻之姊,女叔謂壻之義》「和於室人」注「室人謂女公、女叔諸婦「今謂之女妹是也。」袁又愷引《禮記·昬

六三

六四

誤。 叔。」 姊爲 以 經文矣。 俗 女公; 説證 若經 證 爾 臧 ,亦但當云「今俗有此 本作「女妹」, 雅》 在 夫之弟爲叔,故其女弟爲 東云: Œ 文「女妹」必是「女叔」 「夫之兄爲公,故 則此注 稱」, 太 無 謂。 不 當 之 女 其 即

### 太歲

治 徐 午,歲名曰敦牂」,「太 訓 在 歳名 日 太陰在亥、歲名曰大淵 卯, 」、「太陰在申, --古法太陰與太 太陰在巳,歲名曰 歲名曰 「太陰在寅,歲 作鄂」,「太 單闕」,「太 歲名曰 陰 歲 在 名 不同。 陰 獻」,「太陰在子,歲 戌, 涒 大荒 陰 曰 灘 在未,歲名 在 攝 歲名 」,「太陰在 《淮 落 辰, 提格」,「太 -, -歲 E 南 閹 太 名 茂」, 日 天 陰 日 酉, 協 陰 在 文 執

> 所增。 「太歲 蓋閼 太陰 名 但云「攝提格歲」、「歲陰左行在寅」,初不云 有「太歲 書》。無「太」字,當是古本。 雅》云「歲在甲曰 太歲也。 太陰,誤仞太陰爲太歲,故《 日 逢 得 困 在 名, 以下十名、攝提格以 敦 在 寅 今本《爾雅》「 」,「太陰在 不關 寅 日 攝 日 提 攝提格」之文、《太史公書》 馬 太 格」,此兩「太」字疑後 歲。 逢,寅日 Η, 太歲 ^ 史記 歲名 漢 攝提格」,見《天官 東 下十二名皆 在甲日 書 索 漢術家不求 日 隱》 天文志 赤 閼 奮 引《 若 逢 由 爾

### 東陵阳

君意也。 説文》亦無「阠 地 予按《説文・手 篇》「 東陵 字, 徐 刑, 氏 部》 先 新 附 儒 乃 皆 未 有之,非許 扟, 挹也, 詳 其

《左氏傳》之莘也,古本當从「手」旁,後 子• 讀 泉皆在濟南府,莘與華不注、華泉相去 莘」,杜注但言「齊地」,今據下文華不注、 遠,亦當在濟 南郡。」又《春秋》成二年《傳》「師從齊 从「阜」旁耳。 釋文》: 若 駢拇》篇 幸」。」 「東陵,陵名,今名東平陵, 是 《齊乘》: 南,則《爾雅》之東  $\neg$ 浴 幸」與「扟」 跖 「東平陵城在濟南東七十五 死利於東陵。」 通 陵 矣。 邢 陸 人改 師 屬 疑  $\Rightarrow$ 莊 即 不 華 氏 于 濟

#### 鉤股

作「月」、「般」與「股」二文相涉,難以辨别。如人股,故曰鉤股」。」按漢隸从「舟」之字多又作「盤」。李本作「股」、云「水曲如鉤、折、釋水》九河「鉤般」、《釋文》:「般、本《釋水》九河「鉤般」、《釋文》:「般、本

《禹貢》正義引李巡云: 正。 李巡 易李注以從之,不如陸氏《釋文》之可據。 鉤,屈折如盤 「鉤 在 郭璞 股 雙聲與「胡蘇」疊韻 之前, 也。」蓋後 疏 解 儒 分 「鉤盤 承用郭本已久, 明, 當 言河水曲 正 以 相 股」爲 類 也。 改 如

### **離** 主

案 終。 垂腴 孫、 文》亦改「螽」爲 陳 時 郭並 人,未必 也。」正與 案上有『螽 釋蟲》「 宋本《説文》「螸」字云: 闕 讀 前 蠭 謝 施 醜螸」,陸德 「蠭」,世遂不 是 醜 本 謝 而 相同。 奮」,依 乎 施 逢 非 反, 也。 謝嶠、 謝 施 明 爲 知施説之有 今坊 굸 作『螽』,音 「螽 得。」大昕 施 乾同 本《 説 是

騚

旁耳。 刊《爾雅》郭注本作『騚』,明人刊《五雅》本 似,「寿」即「前」字。疑古本作「歬」,後人加「馬」 亦作『騚』。」 畜》篇「四蹄皆白首」,「首」與「歬」字形相 廣 歸安嚴元照云: (韻》: 「騚,馬 「嘗見雪牎書院校 蹄皆白也。」按《釋

#### 王 女

彗、王芻,魚有王鮪,鳥有王雎也。 蘿別名。」案: 「王」爲「玉」,唯唐石經不誤 釋艸》「蒙王女」注。「蒙即 女蘿之大者謂之王 女,猶王 唐也,女 今本譌

## 今本爾雅誤字

乎? 「澤烏蕵」,今本「薞」作「蘾」。《釋鳥》「燕白 「屬」作「麐」。此皆轉寫之譌,唯唐石 脰烏」,今本「烏」作「鳥」, 「鸞白鷹」今本 俗本指爲石刻之誤,毋乃憒憒不分皂白 畫分明可信,顧寧人《金石文字記》轉 本「鳥」作「鳥」。 分「鷽」爲二字,「鳶烏醜,其飛也翔」,今 《釋艸》「孟狼尾」,今本「孟」作「盂」, 《釋獸》「麈大廳」,今本 經字 据 流

唐石經作「辨」。 《釋木》「桑辦有葚栀」,「辦」俗字,當從

六六

## 注

此, 政、 合注 姓 行廿七字,凡五十卷,唯 亦 雅疏》亦不載注文,蓋邢 末卷有大宋景德元年校對、 正經、注、 足利學 跋》云: 不 唐人舊式。 名及宰相吕蒙正、李不署名、蓋李 惜 王旦、王欽若銜名。 與《 與 唐人撰九經 乎未之 經注 予嘗見宋本《儀禮 疏》 所藏宋板《 疏 「本司舊 萃見 爲 同。 諒《論 見 也。 自宋 疏 書,而《 禮記 本與 刊《易》、《書》、《 語》《 日 以 便于 注 後刊 注 又嘗見 卷卅二至卅七闕, 疏》之卷第遂 本 叔明奉 疏》,每葉卅 孝經疏》亦 别行,故其分卷 疏》 同 披繹 本 校、都校諸 Ш 有 北 詔 欲省兩 井 = 宋刻《 流也。 撰 它 周 Ш 鼎 疏 禮 當 經 黄 不可 云 獨 唐 如 爾 臣 猶

文》。

後刊 文》, 矣。 合于 顧力 前三 闕。 經注 知 爲 本耳。 何司。 内,《 未 則今所傳附 紹 經注,即 經 紹 編 興 興辛亥遂取《毛詩》、《禮記》 ',姑以 彙,精 公羊》、 初 今南: 然即 所 南 刻 渡 貽 加 北 是可證 釋音之注  $\wedge$ 初 讎 注 同 穀 監 尚有單行本,不盡合刻 志。」所云「本司」 Ę 疏 《梁》、《 本唯《易》釋文不攙 初 北 乃若《春秋 未 宋時《正義》未嘗 疏 論 附 語》俱 大 約 陸 光 疏 氏 無《 者 寧 義 經, 釋 釋 以 不 如

#### 經 史當得

閣 有 周 溷 本、《儀禮》正文多脱簡、《穀梁》 禮 出錯,《 經 史當得 儀禮》 毛詩》往往以《釋文》混 善本。 亦有《釋文》混 今通 南 人注者,《 北 經傳 監 人鄭箋, 及 文亦 汲 古

於大方者鮮矣。 於大方者鮮矣。

雅》。

# 石經避諱改字

六章」避「民」旁。避「世」旁,「《甿》刺時也」、「甿之蚩蚩」、「甿兮」、「無然洩洩」、「是絏袢也」、「俾民憂洩」唐石經《毛詩》「洩洩其羽」、「桑者洩洩

### 石經俗體字

唐石經俗體字,如:「雝」作「雍」、《詩》。

傳》。「督」作「督」、《爾雅》。「横」作「横」、《爾禮》。「齎」作「賷」、《儀禮》。「總」作「惣」、《春秋「纛」作「纛」、《周禮》、《爾雅》。「敺」作「毆」、《周

「廾」、兩字音同義別、石經《左傳》「賦《韓从「廾」、兩字音同義別、石經《左傳》「賦《韓

# 陸氏釋文多俗字

俗而音此。」按陸氏所稱《字書》,不審何人作『反』,符晚反,二字不同,今則混之,故隨依《字書》『食』旁作『飰』,●扶万反,『食』旁依《字書》『(言飯),《釋文》:「符晚反。

■「飰」。宋刻宋元遞修本《釋文》作「卞」。

反,字從木,若從手旁作是比挍之字耳,今

人多亂之。」按《說文·手部》無「校」字。

主馬者必仍校視之。」《釋文》:

「校,户教

周禮·校人》注:

「校之爲言校也,

哉? 音。 作,以《爾雅》釋文證之,蓋呂忱《字林》也。 皆魏晉以後俗字。 扶晚反。]]「飯」譌爲「飰」猶「汳」譌爲「汴」, 『飯』,同符萬反。 「卞」相近,「飯」、「飰」非兩字兩音也。 又《爾雅》釋文: 承《字書》之誤,其識高于元朗矣。 切,餐飯、《禮》云『三飯』是。」陸法言諸人不 ·餅」,俗又作『飰』。」二十阮 字林》有此字,後人乃别「飯」、「飰」爲二 周書》云 陸氏不能辨正,轉以正字爲隨俗,何 《廣韻》二十五 『黄帝始炊穀爲飯。』亦作 《字林》云: 「飰,字又作『餅』,俗作 古音「反」如「變」,與 願部 部 「飯,符万切。 「飯,扶晚 『飯,食也, 自

> 者徹也」、《禮記》「齊之爲言齊也」,皆以義 以「校」釋「校」必是異文,予謂《孟子》書「 「挍」字,較之《釋文》實爲精當。 效部,「校」字兩音: 從而和之,慎到 有「挍」字。 釋名,非有異文。 而於「胡教切」下云"「又音教。」不别收 六朝俗師妄生分别, 甚矣。 一胡教切,一古孝切, 《廣韻》去聲三十六 或謂 丽 元 朗

碑「木」旁字多作「手」旁,此隸體之變,非别

亦

十駕齊養新録卷三終

徹

# 十駕齋養新録卷四

嘉定錢大昕

# 説文舉一反三之例

至。笙,正月之音, 管,十二月之音, 不言北方。黄,地之色也,而元不言天之色。 也, 音也,而宫、商、徵、角皆不言音。青,東方色 鐘,秋分之音, 北方味也,而酸、苦、辛、甘皆不言方。 霸,水 北方之行, 無不該,姑即許氏《説文》言之。木,東方之 古人著書舉一可以反三,故文簡而義 金,西方之行, 火,南方之行, 赤,南方色也, 則土爲中央之行可知也。 鼓,春分之音; 白,西方色也, 而不言二 而黑 而

> 博士説,不言古文異同,亦舉一反三之例 脾,土藏; 字》云:「心、土藏也、博士説以爲火藏。」 則同,《五經異義》言之詳矣。其撰《説文解 配五行,古文説與博士説各異,唯腎爲 不言。皆舉一二以見例,非有遺漏 不言餘月。 龍,鱗蟲之長,而毛羽、介蟲之長 肝,木藏; 肺,金藏: 也。 則但 水 五藏 而 藏 用

# 説文連上篆字爲句

更易故耳。許君因文解義,或當疊正文者 義 實九千餘文皆同此式也。 篆隸别之,蓋古本如此,大徐存以見例,其 十部,部首一字,解義即承正文之下,但 唯二徐本。 亦改爲分注,益非其舊,或後人 許氏《説文》唐以前 而大徐本宋槧猶 本不傳,今所見者 小徐本并部 存,凡 八轉寫 五 首 以 百 意 四 以

苵菜; 即 乃譏 皆承篆文爲句。 布 義 古人著書簡 下云「莧菜也」,此校書者所添,非許意也。 艸之通稱也。「苵」、「葵」、「禃」、「嫊」、「嶶」、 承上爲句、謂藪,即敼艸; 候表也」、「詁訓故言也」、「顡癡不 多商星也」、「離黄 · 蓶」諸字但云「菜也」,亦承上讀,謂苵,即 偓 水出某郡」者,皆當 例所在,不可 也 承上篆文連 佺 許 豈 仙 其 氏 湫 葵,即葵菜也。 人也。」「 訓「參」爲「商星」以爲「昧于天 然 隘 丽 乎? 下也」、「 讀, 有法,好學深思之士當尋其 輕下雌黄。 諸 偓」字下云: 如 <u></u> Щ 倉庚也」、「巂 人部》「住」字下云: 連 水名云「山 腬 昧 今本《説文》「莧」字 爽 嘉 上篆讀。 蓝,即: 善 旦 以亭林之博物。 明 肉 也」、「 「佺也。」亦 也、「 虚 在 周 聰 《艸 艸耳,非 某 燕 明 郡、 也, 也、 **漁燧** 肸 部》 鑾

未乖,而古書之真面目失矣。猶仍其舊,而毛斧季輒增人「偓」字,雖於義承上讀,宋槧本不疊「偓」字,汲古閣本初印

當爲「叀」,亦承上篆文而疊其字,「叀叀,小 謹也」,亦作「嫥 視。」此亦承上篆文,「侯侯」猶 又《 東部》「 東」字下云: 專」,而語不可通矣。 《人部》「俀」字下云: 嫥」,見《女部》。 「專,小謹 星 淺人改作 也。」「專」 左 瞿」也。 右 兩

諸人已不審許氏讀法矣。 文》「水出北地直路西,東人洛」,是陸法言發鳩山,入於河」、《魚部》「瀘」字下引《説

# 説文讀若之字或取轉聲

文》讀若之例,或取正音,或取轉

説

據宋本。 則「者」本音似「檢」,轉讀如「耿」也。 近。 音。 介」之「耿」。《蜀志》注: 而亦讀若「陪」。 若「驪駕」。 若「譍」。摯,「執」聲,而讀若「晉」。 艐,「奚」聲,而讀若「荤」。 鞥,「弇」聲,而讀 若「騁」。 郅,「秊」聲,而讀若「寧」。 鞋,「蚩」聲,而讀 聲,而讀若「斯」。 霬,「真」聲,而讀若「資」。 「爰」聲,而讀若「指撝」。 梢,「省」聲,而讀 耿」爲「簱」,故隨音變。 「半」聲,而讀若「普」。 訬,「少」聲,而 蹇」。 昕,「斤」聲,而讀若「希」。 霹,「鮮」 僩,「朋」聲,而讀若「陪」。 讀若「靡」。 散,「豈」聲,而讀若「豤」。 胥」聲,而 庫,「卑」聲,而 「驪」當讀如「灑埽」之「灑」,與「省」聲 炷,「圭」聲,而讀若「回」。 者,「占」聲, 而 按「耿 讀若「芟刈」之「芟」。 簡雍本姓耿, |興「節」近 讀若「逋」。 皆古音相轉之 崩,「崩」聲, 亦與 幽州 讀若「耿 種,「糞」 人語 近 讀若 然 相 謂

> 則詫 例。 自韻 以爲異矣。 書出,分部 漸密, 有不及 兩收者,

# 二徐私改諧聲字

也, 「俗本有『聲』字,人妄加之也。」按「元」、 「兀」聲相近,「兀」讀若「敻」,「瓊」或 略舉 於相近之聲全然不曉,故於「从某某聲」之 徐校刊《説文》,既不審古音之異於今音,而 大徐則毅然去之,其誣妄較乃弟尤甚。 語往往妄有刊落。 也, 或取相近之聲,今人所云雙聲也。 者十有其九,或取同部之聲,今人所云疊韻 · 琁」,是「敻」、「旋」同音,「兀」亦與「旋」同 《説文》九千三百五十三文,形聲相從 數條言之: 「髡」从「兀」或从「元」,「軾」《論語》作 「元,从一兀。」小徐云: 然小徐猶疑而 未盡

非古乎?

聲也。

天」也。 小徐以爲會意字,謂「聲」字傳寫誤 闕銘》「並天四海,莫不蒙恩」,「並天」即「普 爲雙聲,「普」、「薄」聲亦相近,漢《中嶽泰室 日,並聲。」按古音「並」如「旁」,「旁」、「薄」 之」之説,大徐采其語 多之,大徐遂删去「聲」字,世竟不知「普」有 有者誤也」,而大徐亦遂去之,此何説乎? 人兩音,「朏」亦有普忽、芳尾兩 班」或作「蠙」,「昆」由「比」得聲,取相近之 並」聲矣。「朏,从月,出聲。」按「出」有去、 昆,从目,比聲。」按「比」、「頻」聲相 小徐不敢質言非聲,乃創爲「日日比 知「元」之取「兀」聲乎? 證「元」爲「兀」聲。 人妄加; 小徐乃云「本無『聲』字, 而去「聲」字,毋乃是 大徐并不 小徐不 切,則「朏」 載此 「普,从 識 近, 古 女其袾」又作「静女其殁」、「擊鼓其鏜」又作 **枖杖」又作「桃之媄媄」、「江之永矣」又作** 有門獻」又作「若顛木之有門枿」、《詩》「桃之 其命」又作「天用勦絶」、「爑」字下。「若顛 く《距川」又作「睿畎澮距川」、「天用 獸聚毛」、「方鳩孱功」又作「旁逑孱功」、「濬 又作「重門擊橖」、《書》「鳥獸雜髦」又作「鳥 衣」、「爲旳顙」又作「爲馰顙」、「重門擊枒」 吝」又作「以往遊」、「需有衣祭」又作「繻有 乃有同偁一經而文異者,如: 孔氏、《詩》毛氏、《春秋》左氏、皆古文也。」 説 「江之羕矣」、「江有汜」又作「江有洍」、「静 擊鼓其鼞」、「是褻袢也」又作「是紲袢也」、 文引經異文 《説文序》云:

爲「出」聲何疑?

音,

轉以

爲

俗

皆可

則後世何

「其偁《易》孟氏、《書》

《易》「以往

劋

絶

木之

禮》杜子春、鄭大夫、鄭司農三家,與故書讀 習一家,而師讀相承,文字不無互異,如《周 法各異,而文字因以改變,此其證也。 夷」又作「穬 矣」、「無然詍 又作「僔沓背憎」、「餅之罄矣」又作「瓶之窒 己」「登字下。「嘽嘽駱馬」又作「痑痑駱馬」、 又作「嬒兮蔚兮」、「赤舄掔掔」又作「赤舄己 「色孛如也」又作「色艴如也」。 「不敢不蹐」又作「不敢不鬢」、「噂沓背憎」 **忙歲而激日」又作「翫歲而惕日」、**《 衣錦 褧衣」又作「衣錦 彼淮夷」,「矍」字下。 詍」又作「無然咄咄」、「憬彼淮 蓋漢儒 《 春 論 秋 雖 傳》 分 語 同

# 唐人引説文不皆可信

《説文》作「鋅」,今《説文》無「鋅」字。」「曾不《詩》「螽斯羽詵詵兮」、《釋文》:「詵,

作『鵬』。」会説文》有「舠」無「鯛」、「鵬」。也」、《釋文》亦云:「《字書》作「舠」、《説文》容刀」、《正義》引《説文》作「鯛」、「鯛,小船容刀」、《正義》引《説文》作「鯛」、「鯛,小船

《左傳》釋文引《説文》云「瘯瘰,皮肥、大棚也」、今《説文》無「攌」字。《後漢・儒、村棚也」、今《説文》無「攌」字。《後漢・儒註傳》「攌若囚拘」、《索隱》引《説文》「攌、大起」、一、一、一、一、一、一、

文》「簉倅字如此」,今《説文》無「簉」字。 都賦》注引此文作《蒼頡篇》。《長笛賦》注引《説也」,今《説文》無「濤」字。徐氏新附乃有之。《西也」,令《説文》無「濤」字。徐氏新附乃有之。《西

# 説文本字俗借爲它用

説文》本有之字,世俗借爲它用者,如

之義; 借爲「比附」義; 爲「振給」字; 如「橐」,以爲「開拓」字; 「輟」同,今借爲「紬段」字, 自稱之詞; 也」,今借爲「追逐」義 打扮」字; 扮、握也、讀若粉」、今人讀布患切、以 ,「挨,擊背也」,今借爲「忍痛」義,又 「拓,拾也」,或作「摭」,今人讀 「靠,相違也」,今借爲「依倚」 「俺,大也」,於業切,今借爲 「緞,履後帖也」,本與 「賑,富也」,今借 「赶,舉尾走 爲

# 宋人不講六書

然兩字,豈可傅會爲一? 宋人不講六書,文「學」作「学」、「学」从「爻」、「孝」从「老」,判蒙齋袁甫。説: 「古孝字只是學字。」案古教者教乎孝,故皆從孝字。」又引慈湖、楊簡。王伯厚引王去非云:「學者學乎孝,

故有此謬説。

### 説文校譌字

「奪」聲亦相近。《易》「終朝三褫之」,鄭成本「褫」作「拕」。《易》「終朝三褫之」,鄭康成本「褫」作「拕」。《淮南・人閒訓》秦牛康成本「褫」作「拕」。《淮南・人閒訓》秦牛康成本「褫」作「拕」。《淮南・人閒訓》秦牛康成本「褫」奪、也,讀若池。」案《説文》無

文》,是《説文》有「薀」字。 也,从艸,監聲。」此誤字,當作「薀」,从也,从艸,監聲。」此誤字,當作「薀」,从「監」一从「濫」聲。《玉篇》載此兩字,一从「監」,从一、一、一、一、一、一、一、一、一、

七五

《耳部》「耿,从耳,炯省聲」,宋本「炯」

《禮記・祭義》「跬步」之「跬」讀爲「頃」,此 作「烓」,毛氏 其證也。 如「回」, 而大徐本猶未誤,當依宋本改正。 反。」蓋「烓」从圭聲,「圭」與「冋」聲相 反,顧野王口井、烏攜二反」。《爾 炷,行竈也」,「吕、沈同音口頻反,何康瑩 「炷、《字林》口 小徐未審古音,輒改「烓」爲「炯」, 乃是古音。 初印 本亦是「烓」字。「烓」讀 穎反,顧 <u></u> 詩》 釋 口井、烏攜 文引《 雅》釋 説 文》 近,

迴」之音斷不可用。 說見上。古今韻書從無收「烓」人灰韻者,「口迥部「烓,口迥切」,與《説文》合,當从宋本。「回」作「冋」、「迴」作「迥」。《廣韻》四十一「回」作「冋」、「迴」作「迥」。《廣韻》四十一

之「人」、《儀禮》注屢言「相人偶」,惠氏《九經古《中庸》「仁者,人也」,鄭康成讀如「相人偶」《人部》「偶,桐人也」,「桐」當作「相」。

《説文》猶作「相」字。 其注《齊策》亦云「偶,相人也」,是鮑 改。」又鮑彪注《戰國策》全據《説文》爲訓 本 「相」作 「桐」、蓋 經凌雲云: 義》、臧氏《經義 雜記》援引詳矣。 「舊板《玉 好事者依今《説文》輒 篇》『偶,相 此其 證 也。 人也」,今 所見 吴 明

静也」。 也。 鉉等日: 又譌爲「嬺」。 耳。《漢書·孝平王皇后傳》「婉瘱有節操」,師古曰「瘱 作「悘」,「悘」即「瘱」之譌,後人又增女旁 古音。「夾」與「計」聲相 反,亦「嫕」之譌 姊嬺上書陳貴人枉没之狀」,「嬺」音一計 静」即「婉嫕」也。今汲古閣《文選》本「嫕」 静其愔嫕兮」,李善注引《説文》云「嫕,静 感」、此徐之陋也。《文選・神女賦》「澹清 《蒼頡篇》: 《後漢書•后妃紀》「婉静有禮」,「婉 説文》: 『灰非聲,未詳。』」予謂徐氏 <u>~</u> 也。 「瘱,静也。 後 『嫕,密也。』」五臣本「嫕」 漢  $\sim$ 書 洞 簫賦》「其妙聲則清 后妃傳》「梁貴人 近,故「瘞」亦 从心,灰聲。 而 不識 从 臣 疑

> 《傳》: 「懕懕夜飲」。」予初疑《説文》無「愔」字,今乃知「懕」即 簫賦》之「厭」即「懕」字。《説文》: 静厭怒」,李善引曹大家《列女傳注》云「怒, 未可執以爲定也。《詩》「其 引用古書,改本文以就《選》體者往往有之。 心嫛省聲」,此則近於專擅。 女賦注》欲改《説文》「瘱」爲「嫕」,云「當从 深邃也,音翳」,「厭愍」猶言「愔瘱」,「厭」、 僧」也。「感」則「瘱」之省也。 悟」聲相近,《詩》「厭厭夜飲」、《韓詩》作「愔愔」、《洞 「塞,瘞也。」「瘞」即「瘱」之譌。 「壓,安也。《詩》曰 且李善注《選》 或據李善《神 心塞 淵

奪

「奪」本「脱失」之正字,後人借作「攘奪」之消肉臞也」,二文皆徒活切,古書或相通用。《説文》:「奪,手持隹失之也」,「脱,

構

一」,文穎曰:「講或爲較。」《史記》作之也。」《漢書·曹參傳》「蕭何爲法講若畫令》「角斗甬」之「角」,鄭康成注:「角謂平《説文》「斠,平斗斛也,古岳切」,即《月

「顜」,「顜」即「斠」之異文。

叜

無所知也。《説文》:「叜,从又,从灾,闕。」許君以「叜」从「灾」無義,故闕而不言。予謂以「叜」从「宵」省聲。《學記》「足以該聞」注:「該之言小也。」又「宵雅肄三」注:「該之言小也。」又「宵雅肄三」注:「該之言小也。」又「宵雅肄三」注:「該之言小也。」又「宵雅肄三」注:「該之言小也。」又「宵雅肄三」注:「該之言小也。」及「沒」,以灾,闕。」許君

蘇泉

譌。「黄帝戰于阪泉」,「阪」即「瀪」也。《説「瀪」字不見於它書,予謂「飯」蓋「阪」字之《説文》:「瀪,泉水也,讀若飯。」案

膃

之,非「从弓从二」也。 之譌,此肊説,不足信。 凡艸書横目多作「フ」,文有 書以「一卷」爲「一号」,蓋即艸書「膃」字。 楊用脩以爲「糾」字 兩目故以二代

説文》「周,讀爲『書卷』之『卷』」。 道

羛

## 古音不甚拘

氏未檢《説文》故耶?

字。《正義》謂「佛之爲大,其義未聞」,豈孔

弼』。」案經典不見「亷」字。

説

文》

「亷,大也,

讀若『予

違

汝

《詩》「佛

時

仔

肩」,毛傳:

「佛,大也。」「佛」、「痱」古

今

媡

其 之集乎鄧林。」以「林」與「群」、「殷」爲韻。 山積、髦俊成群、猶鱗介之潛乎巨海、毛羽 如此類者今世必謂之失韻,然古人已有之。 面」、「見」、「練」爲韻。 画。 郤 子雖 正《釋譏》云: 「夫人心不同,實若 光麗, 既 美且 又云: 豔。」以「<u>豔</u>」 「方今朝士 與

+ 駕齋養新録卷四 節。

數數」即《史記》所

云「娖娖」也。

《索隱》引小顔云「持整之臭」,《説

文》

無

釋草》數

數』。」案《史記・張丞相列傳》「娖娖廉謹

説

文》:

娕,

謹

也,

讀

若『謹

敕

數 \_

「娖」字、古書「數」有「促」音、《尔疋・

七九

古書音與義多相協。《釋詁》「林,君也」,是「林」有「君

音。《論語》「文質彬彬」字或作「份」。

「真」、「文」、「身」爲韻,蓋讀「風」爲「分」也。楊戲《季漢輔臣贊》以「風」與「濱」、

客

旨碑》。蓋亦讀「格」爲「客」,見母混人溪母。因堅皇帝,石刻有作「怯堅」者,泰安府東嶽廟《聖堅皇帝,石刻有作「怯堅」者,泰安府東嶽廟《聖区上、大學、法烈氏或作克烈。英宗國語謚曰格明天啓閒,客氏魏忠賢用事,當時有

母,北人作溪母讀。與「怯」、「克」皆溪母,「茄」本與「怯」相近也。「客」、「怯」、「克」皆溪母,「茄」本

## 僢 即 舛 字

《周禮》音昌絹反,皆與「舛」同音,故知「僢」 《王制》注「臥則僢」。 「僢」字。 即 中相背。」陸氏《釋文》於《禮記》音昌戀反,於 「僢」言之。案《説文》: 此兩「圭」亦兩足同邸,是足相向之義,故以 瑞》「兩圭有邸」注: **僢者**, 言首在外而足相向内也。』《春官·典 向」者,跟相向則趾必相背也。 鄉然,浴則同川,臥則僢。」《疏》云: 「舛」也。《説文》云「相背」,而《疏》云「相 《王制》「雕 題交趾」注: 舜 彼「僢」謂兩足相向。 「舛,對臥也,从女 而同邸。」《疏》引 「交趾,足相 《説文》無 臥 則

八〇

群

子 記・三王世家》「毋作怨,毋俷德」,「俷」當 『嶏』,又作『圮』,皆毁也。字從其省。』《史 肥,音皮美反。《説文》、《字林》並 黄帝篇》: 偏肥,晉國黜之。」殷敬順《釋文》: 説文》「嶏,崩 「目所 也」,義與「毀」同。《列 偏視,晉國爵之。 作

### 有 好 音

音之古訓以曉人,如「洚水者,洪水也」, 之曰: 古音「畜」與「好」同。《孟子》借同 庠者,養也」; 《孟子》云: 「校者,教也」; 「畜君者好君也。」予弟晦 「序者,射

駕齋養新録卷四

《周書》曰「民善之則畜也,不善則讎也」,高 傳》注。 誘注: 康云: 「慉」即「畜」字。「畜」、「讎」爲韻,與《吕氏春秋》同。 孟 字。《詩》「不我能慉,反以我爲讎」,傳云「慉,養也」, 「善即吾畜也,不善即吾讎也。」「畜」與「讎」 協韻。《廣雅》: 「孝者畜也」,亦以聲見義。《吕氏春秋》引 「征之爲言,正也」: 「畜,好也。」《文子·上仁篇》: 「北方謂媚好爲詡畜。」見《漢書・ 徹 徹 「嬸,好也。」「嬸」即「畜」 也 皆其例 一助 者, 也。 藉  $\sim$ 祭 也。

### 旭 有 好 音

旭踽蹻」,郭景純讀「旭」爲呼老反、《疏》引 文》讀若『好』、《字林》呼老反。』《尔雅 《詩》「旭日始旦」、《釋文》: 「旭、《説 》加

字。 也。 有「好」音,故《 勗」,疑 曹憲《博雅》音「旭 予弟晦之曰: 徐鉉 驕 人 好 所 好」釋之,「旭 改。 廣 韻》 」爲「勗」,又忽老反,是隋人猶知 唐以後人不 今本《説文》「旭,讀若 三十二皓 旭 復 即 不收「旭」 知加 好 好

### 需 有 耎

司 腛 勝任」,「罷需」 需也」,「需,人兖反」。《漢書・賈誼傳》「坐罷軟不 爲「畏需」之「需」,《釋文》:「需,又乃 反。」與「懦」同。《弓人》「薄其帤 農 脂之,則需 讀爲『柔需』之『需』。」《史記 周禮 「需,人兖反。」又注「常應弦言不 即「罷軟」也。 朝人》「馬不契需」,鄭司農 注: 《鮑人》「欲其柔滑 故書『需』作『割』,鄭 則需」,《 律書》 罷 亂 而 釋 讀

「選蠕觀望」、《 「柔然」爲「蠕蠕」,它書或作「茹茹」, 「而」,故「腝」、「擩」聲亦相近 牢》作「換」、《公食大夫》、《士虞》作「擩」,是 祝》文,其字或作「換」、《儀禮・特 聲。」引《周禮》「六曰擩祭」,此《周 「脆」、七歲反。」《說文》: 疊韻,「柔需」 懦之恩知非國典」、「蠕」、「懦」皆从「需」旁, 更,復守和解」、《後漢書·清河王慶傳》「選 子春讀「擩」爲「虞芮」之「芮」。 「換」、「擩」本一字。 「耎」、「需」二文皆从 也、言温耎也。」《詩・烝民》箋「柔猶濡毳也」、《釋 「選蠕」、「選懦」、「選耎」文異而義同,皆取 「茹」皆一聲之轉。 芮芮」。 「濡,如朱反,一音如宛反。 擩」、「換」、「柔」、「然」、「**芮**」、 」則雙聲也。 漢 書 . 西 「擩,染也,从手耎 南 《釋名》: 夷傳》「 毳,昌鋭反,本又作 而 後魏太武 互用 恐議 「襦,耎 牲》 禮 也。 或作 者 少 選

芟。』蕭該案李善云: 音,當从李奇讀,其字从「手」旁「軒」也。 日 字俱改作「搟」,誤亦甚矣。 李善引康成注《禮器》爲證,今監本正文作 不相同。《文選· 文所引諸説則字當从「手」旁「斬」,兩字絶 本附人宋 向云:『《蒼頡篇》曰「搟指取 · 搟之言芟也」、《字林》曰「搟山檻反」。」 吕 搟」,并將鄭注、《字林》、《蒼頡篇》諸 李奇曰: 漢 搟,舉手擬之也。」案小顔 祁 . 日 揚雄傳》「所 搟,音「車聽」之「聽」。」 長楊賦》本是「摲」字,故 韋昭曰: -鄭元 麾 城城 也」。」」●據景 注《禮記》 搟 子并 邑, 注 也, 師 無 注 音 監 古 日 别

> 韻書更爲唐佐切,而此音遂廢。 勑佐、他佐二反即「泰」之轉音,讀如「唾」。今計」,徐、李勑佐反。徐仙民、李軌皆晉人,大甚」,徐他佐反,《莊子》「且女亦大早大甚」,徐他佐反,「旱既

切,而此音廢。此古音也。韻書以「龐」人江韻,讀爲薄江此古音也。韻書以「龐」人江韻,讀爲薄江《詩》「四牡龐龐」,徐扶公反,讀如「蓬」。

顧」,今無讀「顧」爲上聲者。 《漢書·古今人表》有「韋鼓」,即《詩》之「韋《詩》「寧不我顧」,徐音古,此古音也。

徐仙民音有不載於《釋文》者,如顔之

● 「指」、《文選註》卷九《長楊賦》作「拍」。

駕齊養新録卷四

+

推 切,而古音之失傳者多矣。 文之學行,南士靡然從之,争改舊音以從新 多不切,陸即因 陸皆南土,而陸年輩差後,顏既詆前世反語 椽」爲「徒緣」,今陸氏《釋文》皆無之。 所舉《毛詩》「反驟」爲「在遘」、《左傳 而 削之。 蓋自周彦倫、 沈休 》切 顔、

### 更

書劉 唐詩『身依魏相尊』可據也。」 作平聲讀。故宋景文有詩曰: 多呼爲平聲。以弱翁之字觀之,合作去聲, 不可作去聲讀。 向,便 履齋示 「《前漢 是當時 兒編》: • 劉更生、《漢書》無音,不可 魏相傳》『相」字無音,人 劉更生。」王 魏相、《漢 「君看青史 一楙《野 書》無音, 客 叢

### 漸

臺」之「漸」,平聲。 王 介甫詩「想 見 漸 臺 瓦 欲流」,讀「漸

### 長 深 高 廣

《周禮》釋文。又《周禮》「前期」之「前」徐音昨 朝經師强生分别,不合于古音。 見反,是「前」亦有去聲也。 高,古到反。相承用此音,或皆依字讀。」見 熄反; 「凡度長短曰長,直亮反, 長、深、高、廣俱有去音。 度廣狹日廣,光曠反, 度淺深曰深,尸 此類皆出于六 陸德明云: 度高下日

八四

### 借 乞

假

人聲,與則去聲。」聲。」一字也,取則聲。」又云:「『乞』之與『乞』一字也,取則取者假爲上聲、借爲人聲,與者假借皆爲去取者假爲上聲、借爲人聲,與者假借同義,

日:

「觀,工唤切。」《史記》:

「縱觀,觀秦皇帝。」

《漢書·高帝紀》「縱觀秦皇帝」,師古

王介甫詩:

「傳觴三鼓罷,縱

觀萬人同。」

### 伐

者多矣。《廣韻》平聲不收「伐」字,蓋古音失傳性。」「長言」若今讀平聲,「短言」若今讀入也。」「見伐者爲主,讀伐短言之,齊人語也。」「見伐者爲主,讀伐短言之,齊人語也。」「見伐者爲主,讀伐短言之,齊人語

了?

日

與,讀曰豫。」「周流容與」,師古曰:「容暇而安豫也。「周流容與」,師古曰:「容暇而安豫也。

觀

與

八五

平生事,不了山陰陸務觀。」放翁見之,笑

「我字務觀,乃去聲,如何把做平聲押

務觀,皆去聲也。王景文詩:

「直翁自了

「游觀」之「觀」去聲。

秦觀字少游,

陸游字

也

八六

錯

注 説非也。 洪《字苑》始有去人兩讀之例。 躬之故」,●以韻而言,則晉音爲 厝」。 西征賦》: 恨過 漢御史大夫鼂錯, 「錯,七故切,今協韻七各切。」予謂 師古據《申屠嘉傳贊》「責躬請 聽 古人讀「善惡」之「惡」亦去聲,葛 「成七國之稱亂, 而 無討、兹沮善而 晉灼 讀 爲 潘安仁西 勸惡。」 翻 是。 助 厝置」 之 逆 錯, 李 潘 而 晉 善 善 誅 岳 匪

嚭

人,讀「惡」爲去聲,正與「錯」爲韻。

吴太宰嚭, 嚭」, 匹 鄙 切。 張 詠 詩

0 漢 書》卷四十 九《鼂錯傳》作「序」,「貴躬」作「貴

票

摇

此

|漢讀

也。

 $\sim$ 

説文》:

「旚,旌旗

旚

繇

漢

書》霍去

病

爲票姚

校尉

服

虔

音

票

姚

詩》: 用其音,可謂精于小學者矣。 元、天寶之世,小顔《漢書》方盛行, 字皆當讀去聲,以服音爲不當,誤矣。 聲,小顏但據荀悦《紀》作「票鷂」字,遂謂 詩屢用「嫖姚」字,皆從服 亦未見其必讀去聲 勁疾之貌,出於肊決。 紀》雖易「姚」爲「鷂」,並未有音,小 票姚 「寒衣須及早,將寄霍嫖姚。」杜 即 旚繇」, 也。 即 本 、氏音。 後來「票騎」 以 庾信《詠 旌 旗 之 老 畫 加 杜 顔 飄 之 生 獨 子 屏 謂 揚 開 不 美 風 號 荀 取 兩 得

「由來邪正是安危,不信忠良信伯嚭。」即「嚭」

字。讀「嚭」平聲。

蝗

陸放翁《杜門詩》: 「燒灰除菜蝗,送

芋謝牛醫。」自注:「蝗,讀如『横』字,去

重

枇

「枇杷」之「杷」●唐人或讀仄聲。白樂

天詩"「深山老去惜年華,況對東谿野枇

杷。」

荷

「薄荷」之「荷」,吾鄉讀如夥,去聲。

放翁《題畫薄荷扇詩》:「薄荷花開蝶

翅

陸

翻,風枝露葉弄秋妍。」又《贈貓詩》:「時

詩》:「籬閒薄荷堪謀醉,何必區區慕細時醉薄荷,夜夜占疆输。」劉後村《失貓

解。

蔓

「空憶廬山風雨夜,自炊小竈煮蔓菁。」又:「蔓菁」之「蔓」,平聲。 陸放翁詩:

↑ 下「杷」字,據篇題《枇》當作「枇」,長沙本、商務本亦作

八七

Ш 圃 萵 溉, 地鑪芋栗夜燔煨。」

中

功業汾 北節 詩》 滔 中 兵動朔方。」《哭韋大夫之晉詩》: 杜又有《送李判官詩》:「近賀中興主,神 時」,李義山詩「言皆在 杜子美詩「新數中興 國家圖録合中興,歎息吾寧粥 紹開中興」、《釋文》云: -興日, 詩 興 度 「中興」之「中」,去聲。 盛,韋 「側聽中興主,長吟不世賢。」《聞 陽 人朝 虚 同 異姓王。」此 看 經亞相傳。」《 左中興 絶 上國 句》: 春。」 榜,無先北 年」、「 一神 類俱讀平聲矣。 陸 中興」,皆讀去聲。 務觀 靈漢代 秋 中, 百年垂死 杜預《春秋序》 日 《歎 海尊。 飯僧。」亦讀 夔 丁仲反。」 .中興 息 府 詩》 待到 書 漢 中 主 黄 道 ·興 泂 懷

鄰」亦云「鄰比」、《管輅别傳》「與鄰比兒共

反,無平音。

《廣韻》始收

人

六脂部。

一比

比

平聲。

繆

相 亂 古 書「昭穆」之「穆」 禮 記 大傳》「序以昭繆」,注: 與謚 法之「繆」二字

陸氏《釋文》「五家爲比」,比,毗志、扶二二

童延俗客,不將鵝鴨惱比鄰」,讀平聲。

甫詩「暫往比

鄰去,空聞二妙歸」、「

休怪

兒

海

内存知己,天涯若比鄰」,

讀去

聲。

杜

比鄰」之「比」,有平仄二音。

王勃

之文

也。

遂以爲據乎?」晉卿此辨蓋未檢《蒙恬傳》

繆侯一 《公羊傳》「葬宋繆公」、《釋文》: 故立號曰『繆』。」然則 秦穆公殺三良而死,罪百里奚 凡此後倣此。』《史記・蒙恬列傳》: 繆讀 而 爲 竊 穆」,聲之誤也。」《坊記》「陽 其夫人」、《釋文》: 秦繆公之謚當讀 而非 「繆音穆。」 「繆音穆。 其 罪也, 「昔者 侯 如 殺

「秦穆之見于《詩》、《書》、《春秋傳》皆正作人,其言必有自矣。黄晉卿《雜辨》云:「謬」,所謂「名與實爽曰繆」也。蒙恬,秦

以「紕繆」之「繆」爲謚,如漢之張勃、晉之何「穆」,未聞「穆」可讀如「謬」也。 古人固有「穆」、未報、『見』、《春を作》皆山代

曾者。 奇立説 吾,而作《秦 若唐皮日休追 以 寓 穆公謚 褒 貶云尔,非 繆 論》,乃後 咎秦伯 有其實也,安可 舍 世文 重 耳 人 置 出 夷

員

荆 龜 蒙詩 懷。」陸 伍員」之「員」音「運」,亦 務 觀 賴有伍員騷 詩 绮鑄 形尊越蠡,抉眼 思 少,吴王 有 讀平聲者。 纔免

似

陸

悼荆員。」

相

安月、誰教 詩「 部詩「恰似春風 欺」之「相」有讀仄聲者,白樂 半竿斜 相風」之「相」,唐 不 日下相 相 相欺得」,亦讀 離 自 風」是 人有讀 注 也。 思 人聲。 天 必 平聲 切。 相 詩「爲問 離 者,吴 杜 融 相

八九

讀平 也。 兒」,「寧」讀去聲,「馨」讀平聲。 歌》「五千斤蠟三千漆,寧馨時年欲夜行」 劉禹錫詩「幾人雄猛得寧馨」,二字俱 寧馨」之「馨」可 張 謂 詩 家 無 讀 (仄聲、 呵 堵物, 方回《聽 門 有 寧 航 是

乘

平聲。 冠, 旦上司 求 田』《釋文》作去聲,公作平聲用。」庾信《正 志,戮力乘 李太白詩「八 王介甫《寄曾子固詩》: 憲 徐寅詩「時通有詔徵枚乘,世亂 府詩》「枚乘還起疾, 貢禹遂 田豈爲名。」李 月枚乘筆」,皆讀 壁注: 「脱身負米將 「枚乘」 無人 彈 乘

> 若 薦 禰 衡 讀 枚 乘」去聲。

野。 煙霞,高步尋蘭若。」此又作日灼切 云: 酬薛舍人萬年宫晚景寓直懷友詩》 蘭若」字樂天詩 結交指松柏,問法尋蘭若。」 孟浩然詩。 「東望安仁省,西連子雲閣。 作 謂予 尔 者 獨迷方, 切 押。」 案 李 逢子亦在 押。 長 壁 中 上 嘯 四 官 日 求 旬 儀

條

遥 爲徒雕反,與「枝條」之「條」同 桑不受條」,亦作徒雕切讀。 反,沈重讀。 《詩》「蠶月條桑」、《釋文》有兩 讀如「挑」。 蘇 東 音; 坡詩 我 似枯 爲 暢

九〇

馮

注 讀房戎切。 關 之「馮」亦讀房戎切。 方夸若,靈媧自舞馮」,亦讀 庸」、「隆」、「中」、「風」協韻 河在左馮」,押人冬、鍾韻。 「馮翊,郡名。」鄭谷詩「昔歲曾投贄, 馮夷」字相傳皮冰切。 華覈作《表》云: <u></u> 廣韻》一東部「馮」字 熙光紫闥,青璅是憑。」與 房戎切。 東坡詩「 古人「憑依」字亦 泂 馮 翊 伯

空

注云: 吏家屢空,誰道黑 ·五噫尚與時多忤,一笑兼忘我屢空」, 屢空」之「空」本平聲,李頎詩「數年作 「《論 語》「回也其庶乎,屢空」,注: 頭成老翁」。 王介甫 李 壁 詩

駕齋養新録卷四

難

蓋以

介甫爲誤用,其實不然也。

空,匱也。」空,苦縱切,今作平聲用。」

李意

平聲。 詩「急難兄弟想君愁」、「功名常見急難 子美詩「爲問彭州牧,何時救急難」,王 陳後山詩「又爲貧賤别,更覺急難情」,皆讀 又乃旦反。」庾子山賦「本無情于急難」,杜 《詩》「兄弟急難」、《釋文》: 難如字, 時 介 甫

差

子休憐解浣紗。 羅虬《比 吴王夫差」之「差」,宋庠音初佳 紅兒詩》: 得似 紅 越 兒 Щ 今 重 疊 日 貌 越 ,肯教將 溪 斜, 切。 西

九一

十駕齊養新

去與 爲楚宜切。 傳》「吳王夫差智伯極武而 夫 差。」 卻 押 人 麻 韻。 亡」,師古讀「差」 又《 漢 書 • 陸 賈

康

亦

讀

上聲。

### 蜉

角霏霏白唾珠」,讀「蜉」爲「敷」。 音浮。」蘇東坡詩「眼前擾擾 爾 雅 蚍 蜉, 大螘。」《 (黑蚍 釋 文》 蜉,口

### 長

是也。 文舉, 康」《次韻子由贈吳子野先生絶句》。「才疏 聲 讀,如「仙心欲捉左元放,癡疾還 顧 凝絶還同 陸 長康,世多讀「長」平聲,東 放翁詩「嫩 顧 長康」《次韻韶守狄大夫見贈 似 嵇 中散, 癡 坡 如 Œ 同 每 顧 類 作 顧 長 孔 長 上

絗 君」、「家無阿堵物,門有寧馨兒」是也。 齋所引「語言少味 阿堵」之「阿」前人有讀平聲者,洪容 無 阳 堵,冰雪相看 1有此

### 亢

道 作仄聲用亦可。 匕首還隨督亢圖」。 方虚谷云: 錢文僖詩「金椎漫築甘泉 「「督亢」之「亢」作平聲。」

### 兼

兼」有平去二音。 ^ 舊 唐 書 職 官

九二

志》: 亂。 守,參而用之。其兩職事者亦爲兼,頗相錯 徽已來,欠一階者或爲兼,或帶散官,或爲 高者爲守,職事卑者爲行,仍各帶散位。 爲兼,職事卑者不解散官。貞觀令,以職 『兼』古恬反,字同音異耳。 咸亨二年始 其欠一階之『兼』古念反,其兩職 階依舊爲兼,與當階者皆解散官。 「武德令,職事解散官。 欠一階 事之 不至 永 其 事

挑

切爲守。」

臨行空挑戰」,羅虬詩「不應琴裏挑文君」,心招」、《正義》亦音田鳥反。王建詩「每日之」、《索隱》亦音徒了反,《貨殖傳》「目挑了反,《史記・司馬相如傳》「以琴心挑了反,《史記・司馬相如傳》「以琴心挑

正合古音。

犯」、「貪冒」字俱可讀如「墨」也。 「侵官冒也」,徐仙民亦音莫北反。是「冒冒、《釋文》:「冒,莫報反,又亡北反。」又「楚蚡冒」亦有入去兩音。《左傳》「諸侯貪「楚蚡冒」亦有入去兩音,未始不可讀如字,而世讀「冒頓」之「冒」入聲,然《史記索世讀「冒頓」之「冒」入聲,然《史記索

余

苑》『出南昌郡』」。今人妄造「佘」字,讀爲苑》云:『今新安人。』」一,視遮切,「見《姓「《風俗通》云:『秦由余之後。」何氏《姓《廣韻》「佘」姓有二:一,以諸切,

「余」姓讀如「蛇」者,即「荼」之省文尔。 傳》「使男子荼恬上書」,蘇林音食邪反,則視遮切,非也。予又致《漢書·景十三王

### 庫

字、云「姓也」,此亦流俗所傳無稽之字。據此是「庫」有「舍」音。《廣韻》别出「庫」也。今羌中有姓庫、音舍、云承鈞之後也。」也。今羌中有姓庫、音舍、云承鈞之後也。」(後漢書・竇融傳》有金城太守庫鈞、

## 從横可讀去聲

孟反。」是二字俱讀去聲也。 - 供,帝古曰:「從,音子用反, 横,音胡《漢書・何並傳》「持吏短長,從横郡

## 免與脱同義

「兔」。 《易》「隤然示人簡矣」,孟作「退」,陸、董、姚 皮膚 逃失」,借爲「脱兔」字,有兩音而非兩字,漢 謂《説文》無「免」字,「兔」即「免」也。 「免,脱也。」《釋詁篇》。 學道死者骨肉具在,與恒 也? 隸偶省一筆,世人遂區而二之,失其 作「妥」。「妥」、「退」與「脱」聲相近。 也。」兩「免」字與「脱」 異,人亦仙人也。 脱兔」本雙聲,漢人猶知古音,故讀「免」如 也? 論衡·道虚篇》: 謂身死精神去乎? 如謂身死精神去乎,是 如謂不死免去皮膚乎,諸 「免,隤也。」《釋言篇》。 同 謂身不死 所謂尸 義。 死之尸 解 廣雅》: 無以 與 者何 得 「兔善 、義矣。 予嘗 免 死 去 等 異 無

通。 署曰『休屠王焉提』。」焉提,即閼氏也。古 之太子也。 書「氏」「是」通用,「提」从「是」,故亦與「氏」 論衡 . 母死,武帝圖其母於甘泉殿上, 亂 龍篇》: 「 金 翁 叔,休屠王

庵

## 犢

矣。」案《廣雅》: 言爲「犢鼻」,單言爲「突」,後人又加「衣」旁 爲「突」,即「犢鼻」也。「突」「犢」聲相近,重 謂之褣。褣,度没反。」《説文》無「袊」字,當 褌」,●韋昭 《史記·司馬相如傳》「相如自 E. 「今三尺布 「松。 襣惲也。 作, 幝 形 如 著犢鼻 無 襠 犢 者 鼻

庵

耳。

集韻》始收「揬」字。

爲義,此亦强作解事。「菴間」字本作「奄」, 爲庵,蓋取「奄覆」之義,从「广」从「艸」皆後 庵之類,未必真有此室也。古人名艸圓 謂之庵,士大夫亦或借以自號,如晦 卒,爲庵 庵,奄也,所以自覆奄也。』《後漢書》: 人增加。 廬而止。」《 《釋名》: 舍於墓下持喪。」後代唯僧尼 黄魯直謂當从「艸」,取「菴間艸」 南 「草 齊 書•王秀之傳》: 圓 屋 日 蒲,又謂之庵。 庵、牧 所居 屋

如」下《史記》卷一百十七《司馬 相 如 .列傳》有一身\_

松」上、《廣雅》卷七《釋器》有「紹」字。

0

十駕齋養新録卷四

九丘

九六

説 文》元無「菴」字也。

床

音。 州謂之「穄」。」乃知隋唐以前已有此字。 形,同忙皮反,禾穄 有「粟床」字,云: 有床穰堡」,徧撿字書皆無「床」字,莫詳 本關西地,方俗相承,由來舊矣。 頃讀《一切經音義》,知《大般涅槃經》 《九域志》、《宋史・地理志》俱云「秦州 「字體作『糜』、『縻』二 也。 關西謂之『床』,冀 其 秦

州

斫

文潛《 作 .四鎮時,一日與賓佐出游,全忠忽指 斫,之若切,今世俗讀如「坎」。 《明道雜志》有一條 云 一世 傳 朱 偶閲 全忠 一方 張

> 賀曰: 當坎下驢頭矣。」」東北人謂「斫伐」爲「坎」, 皆恐。良久,工至。全忠指地視之,工再拜 之,工久不至。全忠怒甚,見於詞色。 地曰 乃知此音之譌由來已久矣。 工出,賓僚或戲之曰: 『尔若非乾 非大貴人不見此地。」全忠喜,薄賜 『此所謂乾上龍尾地,建 『此可建一神祠。』試召一視地 廟固宜,然 上龍尾, 而 遺之。 左右 工 驗

涵

落。 之長賦》,「三」字韻或押「殺函」者,並 蓋「函」音「諴」,見二十六咸。● 孫季昭《示兒編》載《廬 陵出三代有道 其 行 與 黜

「六」,原誤作「七」,據《廣韻》及下文改。

云 音義辨别甚嚴,今人不復講矣。 子》「矢人豈不仁於蜬人哉」。 又别出「鐇」字,注云:「鎧别名。」引《孟 又姓。」二十二覃部「函」與「含」同音,注 與「咸」同音,注云: 「三字 函 B 「函,容也。《禮》云: 同 胡男切。 韻, 乃一 案《廣 函 函 韻》二十六咸部「函」 人唯恐不傷 谷關名,又函 『席閒函丈。』」 宋人於此字 人」之 書,

氾

字矣。其音「祀」、音「夷」者,當从「巳」旁,也。又音夷,楚人呼土爲汜橋。」是誤合爲一城。又孚劍反,爲水,在定陶,高帝即位處城。又孚劍反,爲水,在定陶,高帝即位處記正義・發字例》舉一字三四音,有云:記正義

其音「凡」與「孚劒反」者,當从「己」旁。

## 宋時俗字

爲場 卷子上書『盡」字作『尽」,必欲擯斥,考官 顔。」 竟黜之。」 争不可。 校湖南漕試,同寮有取《易》義爲魁, 屋取得箇「尺二」秀才, 履齋示兒編》云: 先生云: 『明日揭榜,有喧傳 「誠齋先生楊 則吾輩 先 將 生見 公考 力 胡 以

所爲耳。● 衮爲寬,皆妄誕可笑,大約俗僧爲、鳥怪反。● 衮爲寬,皆妄誕可笑,大約俗僧覔爲矮、甭爲棄、奣爲暗、歪爲、苦乖反。● 孬惡為

- 「函人唯恐不傷人」,見《孟子·公孫丑上》,「不」字衍。
- 「苦乖反」,據文意當爲大字。
- 「鳥怪反」,據文意當爲大字。

密議公押「歹」字者。不圓,往往窩匾,而收横畫又多帶過,常有

十駕齊養新録卷四終

九八

## 十駕齊養新録卷五

## 十駕齋養新録卷五

嘉定錢大昕

## 孫炎始爲翻語

誘 出 翻 疑 以 製《釋名》,始 解 語與今殊 外言内言、急言徐言、讀若之類,益使 反 語 解《吕覽》、《淮南》,許慎造《説文》,劉 語 孫 顔氏家訓》云: 叔 至 以 深别,其 於 然 爲 創《爾 魏 有 怪 世, 譬況假借以 間 異。 此 雅音義》,是漢 輕 事大行。 重 自兹 清濁 鄭 元注《六經》, 厥 證音字。 猶 後, 高 未可 貴鄉 末 音 人 曉, 公 韻 獨 而 熹 鋒 人 不 知 加 古 高

陸德明《經典釋文》: 「古人音書止爲

譬況之説,孫 張守節《史記 炎始 爲 正 一義》: 翻 語, 魏 先 朝 以 儒 降 音字 漸 · 比方 緐

爲音,魏祕書孫炎始作翻音。」

乃曹 雅言》。 僧神珙人中國方有四聲反 魏 李肩吾云: 此宋人疎於考證也。 時 在元魏之前。 賈逵只有音。 切。」見魏了 反切始于 神珙, 自 唐時 元 孫 魏胡 師 僧, 友

[上]],正與鄭氏注《禮》同,非有反切也。 主《遯卦》云「音「臧否」之「否」」,《井卦》云「音「舉上」之注《遯卦》云「音「臧否」之「否」」,《井卦》云「音「舉上」之主《遯卦》云「音「氣」之「如,唯李肩吾」云 「鄭康成不曾有反切,唯

### 紐弄

云 唐 夫欲 沙 門 反字先須紐 神 珙 四 聲 五 弄 音 爲 九 初 弄 反 紐 弄不調 圖 序

九九

非

元

魏

僧

100

後 圖。 則 又撰《元和韻譜》。」據此《序》知神 人,其時 官 唐又有陽寗公、南陽 商 靡 次。 尚未有字母 昔 有 梁 也。 朝 釋 沈 處 約 忠,此二公者 創 洪洪元 文 紐 和 字 以 之

語,因此字皆有紐,紐有平上去人之異。」《封氏聞見記》:「周彦倫好爲體此字疑。

## 聲類韻集

疑混。 清濁, 不 者、撰《聲類》十卷、凡一萬一千五百二十字,以五聲命字、 《三蒼》、《 字林》之作唯别體形,至於尋聲推韻, 立諸部。」 隋 纔分宫羽。」《封 末有李登《聲類》、吕静《韻 潘 徽 急就》之流 爲 秦王 俊 氏聞 微 作《 見 存 記 章 韻 句,《 纂 魏 集》,始别 序》 時 説 有 궁: 文》、 良爲 李 登

《魏書·江式傳》: 「吕忱弟静,放故

宮、商、龣、徵、羽各爲一篇。」左校今李登《聲類》之法,作《韻集》五类

《顔氏家訓》言「《韻集》以成、仍、宏、登合成 後人分部 兩韻,爲、奇、 而宫、商、角、徵、羽之分配實自二人始之。 登、 吕静始因文字類 漢世言小學者止於辨别 益、 石分作四章」。 其 八聲音。 文字,至魏李 雖 其 「分章」猶 書不傳,

## 四聲始於齊梁

此 約等 融 融、 時 制韻,有平頭、 以 盛爲文章,吴興沈約、 謝朓、沈約文章 氣類 文皆用 南史•庾肩吾傳》: 相 宫 推 商, 轂。 上尾、蠭 將平、 一始用 汝南 四 腰、 上、 周彦倫 陳 「聲。」≪ 郡 去、 鶴 齊 謝 膝。 永 善 脁 陸 明中, 識聲 四聲,以 琅 厥 五字之 傳 邪王 韻 E

旨云: 中,音韻悉異; 「撰《四聲譜》。《陸厥傳》又云: 始可言文。」 盡 若前有浮聲,則後須切響。 吕,各適物宜。 神之作。」約撰《宋書・謝靈運傳論》具言其 何許人,著《四聲》行于時。」以爲『在昔詞人累千載 「始著《四聲切韻》,行於時。」《沈約傳》: 而未悟,而獨得胸衿,窮其妙旨』。 殊 減,世呼爲『永明體』。」《周彦 「五色相宣,八音協暢,由乎元黄律 兩 句之中,輕重悉異。 欲使宫羽相變,低昂舛節, 兩 句之内, 一簡之内,音韻 角徵不同,不可 「時有王斌者,不知 妙達此旨, 倫 自謂 傳》: 人

捨,彦倫子。 是也。J」朱錫鬯《廣韻序》誤以爲周彦倫語。 曰: 『何謂四聲?」捨曰: 『「天子聖哲」 《南史·沈約傳》: 「梁武帝問周捨

## 四聲圈點

發,恐難辯別。 所言,知唐初已盛行之矣。 四聲,而讀經史者因有點發之例。 者皆爲正字,不須點發。」蓋自齊梁 在亥也。又一字三四音者,同聲異唤,一 寅、申、己、亥當四維之位。平起寅,則上在己、去在申、入 皆依平、上、去、入。 書字少,假借蓋多。 張守節《史記正 故略舉四十二字,如字初音 若發平聲,每從 義・發字例》云: 字或數音,觀義 人 觀 寅起。 、點發, 分 處共 守 古古 節 别

於一字異音皆加圈識之。宋以來改點爲圈,如相臺岳氏刊五經,

## 翻切古今不同

詣 奇、益、石分 口甘反、寒、談異韻。 武永切,「猛」莫香切,同 文》音戛爲棘、今分點、 天子傳》音諫 娃 反稗爲逋賣、《廣韻》「稗,傍卦切」,與「逋」異母。 俗 石」同 韻集》以成、 戰國策》音刎爲免,當是高誘音,古無重層。 與 爲 不同,著述之人楚、夏各異。 於乖,「娃」於佳切, 在 顔 異 昔 氏家 韻。 母,見疑。 蒸 作四章,今「爲」「奇」同在支韻,「益 韻、「宏」在耕 訓 李登《聲類》以 仍、宏、登合成 爲間,二字同韻 音辭篇》: 韻 劉 音伸爲 而異切。 職 昌宗《 與「乖」異 兩韻。 韻、「登」在 辛,古無心審 《字林》音看 又同母, 周 系 讀 兩 韻。 「古今言語 《蒼頡訓詁 官》讀 音羿,「系」古 Ш 韻 「乖」在 登 爲 未 今「成」在 韻。 詳。 猛 乘 之别。 皆 <u></u> 爲、 ^ 反 説 若 爲 韻。 穆 肼

古書「 用江南音。 母。 用者。 候韻。 爲所榮反,今北俗通行此音,亦古語之不 必 音藩屏之藩; 文》曰『入室求曰搜』,反爲兄侯,然 壞於齊梁。 古獨何人必應隨其譌僻乎? 切」,古音「直」如「特」,與徒緣無二音也,今分澄、定兩母。 驟爲在遘、《廣韻》「驟,鋤祐切」,在宥韻,依徐音當人 此牀禪之别。 不可依信,亦爲衆矣。今之學士語亦不正, 反語爲不切,由于未審古音。 承 須考校。 「支」與 岐山當音爲奇,江 乘」食 《左傳音》切椽 璵璠,魯之寶玉,當音餘 顏氏習聞周沈緒言,故多是今非 是法言亦不盡用顏說。 氏 陵 今江浙人讀「承」如「乘」。 切 通,江 前世反語又多不切,顏氏 音 「煩」附袁切,「藩」甫 同 南音不誤。 繩。 爲徒緣、《廣韻》「椽, 南皆 徐仙民《毛 承 《廣 [呼爲 江 署 韻》 陵 陵 讀此知古音失傳 恒 煩, 切, 陷 此 祇 神 切 古 没, 詩 例 祇之祇 音 岐 此 江 則 同 音》反 同 甚 以 奉非異 此音 兄當 南 紐,正 通 前 廣, 口 俗 世

## 一字兩讀

苑》分『焉』字音訓: 或云語辭,皆音於愆反。自葛洪《要用字 殊不通矣。」又云: 惡於各反。 徐邈,而河北學士讀《尚書》云『好呼號反。生 謂之好惡。上呼號、下烏故反。此音見於葛洪、 精飆,精飆謂之好惡; 焉」、「有社稷焉」、「託始焉爾」、「晉鄭焉依」 矣愆反,『故稱龍焉』、『故稱血 『焉得仁』之類是也; 愆反,「於焉逍遥」、「於焉嘉客」、「焉用佞」、 顔氏家訓·音辭篇》: 殺」,●是爲一論物體、一就人情, 「案諸字書,焉者鳥名, 若訓 若送句及助詞,當音 人心自有去取,去取 何、訓安,當音於 「夫物體自有 焉」、「有民人

> 《左傳》,唯一處有此音,又不言『自敗』、『敗 者。 邁、補邁二切,以「自破」、「破他」爲別,此之推指爲穿鑿 可破矣。 信,逮陸法言《切韻》行,遂并爲 江左學士轉相增益,其時河北諸 述,自爲凡例,軍自敗曰『敗』、打 也。」又云: 而 之類是也。 人』之別,此爲穿鑿耳。」《廣韻》十七夬部「敗」有薄 敗」,補敗反。 河 依顔氏所説,是一字兩讀起于葛洪, 北 混 同 江南至今行此 諸記 「江南學士讀《左傳》, 音, 傳未見補敗反,徐仙 雖依古讀,不可行于今 分别, 一談,牢不 昭然易曉。 儒猶未 破 口 人 相 軍 民 深 而 讀 傳 日

理弱而媒拙兮,恐導言之不固。時溷濁而然。余考『惡』字,如《楚詞•離騷》有曰:顧寧人云:「先儒兩聲各義之説不盡

❶ 「北」,原作「比」,據長沙本、商務本改

賦》: 惡」之『惡』而讀入聲。乃知去入分別,不過 分言輕重之間 咸隨情而與議兮,固真僞以 之一言兮,幾不免乎徂落。』魏丁儀《厲 我以惡。 『何叔子之好直兮,爲群邪之所惡。 惡]之[惡]而讀 懷乎故宇? 終古。』又曰: 疾 美惡?』趙幽王《友歌》: 王又不 賢 兮, 『嗟世俗之參差,子將 寤。 讒女亂國兮,上曾不寤。』此皆『美 好 蔽 懷朕: 時幽 美 ,而非有此 『何所獨 而 去聲。 情 昧 稱 而 惡。 以 不發兮,余焉能 眩 漢劉歆《遂 疆 無芳艸兮? 曜 閨 『我妃既妒兮,誣 爾界之分也。」 紛錯。」此皆『愛 兮,孰云察余之 中 未審乎好 既 邃遠 · 賴祁 初賦 兮, 忍 爾 惡。 志 奚 何 與 哲

前 知「好」「惡」兩 本 愛親 無 予 謂 此 顧 者不敢惡于人」、「行滿天下無怨 分 氏之説辨矣。 别 讀出 也。 陸 於葛洪《字苑》,漢魏 氏《經 讀《顔氏家訓》乃 典 釋 文》於《孝 以

> 也。 恶 無作如音者。」 反; 好惡 渚,目眇眇兮愁予」,皆讀 予不顧,顛倒 懼,維予與女。將安將樂,女轉棄予」、「訊 六月徂暑。 又如「予」訓「我」爲平聲,訓「與」爲上 惡」、「物之好惡」義本相因,分之無可分也。 苑》者,而於此處 廣韻》分人魚、語兩韻,然《詩》「四月 並 魏鹤山云 뻾 惡,如字,又烏路反。」元朗本篤信《字 굸: 民 知 先祖匪 惡, 禁」云: 思予」、《楚詞》「帝子降兮北 「《詩》與《騷》中「予」字,只作與音 烏路 兼 人,胡寧忍予」、「將恐將 存 反, 「 好, 兩 上聲,未嘗讀 讀,可見「人之好 舊 如 如字,又 字。」「示 維 呼 平聲 之 報 以

是聞、 有四聲反切之前 示」之「觀」,六爻爲「觀瞻」之「觀」。 魏華父云: 見、視、聽、高、深、先、後、遠、近、 ,安知不皆爲平聲 「《易 ·觀卦》彖、象爲『 乎? 竊意未

達雙聲假借之理,故有此失。

拘以音切,亦不可同日語。」見《觀亭記跋》。韻之語,亦與孫炎、沈約以後必限以四聲、而參諸《易》、《詩》以後、東漢以前,則凡有下之等皆有二字,且考諸義則二字固可一,

## 沈休文不識雙聲

《宋書·天文志》云: 梏」、《春秋》「季孫意 書聲相近之字即可假借通用,如《詩》「吉蠲 之『軒』,而作『昕』,所未詳也。」大昕案: 天北高南下,如車之軒。」是吴時姚信所説。 之爲「軒」即 虎」或作「軒虎」,此類甚多,未易更僕,「昕」 爲饎」或作「吉圭」、「有 「軒」「昕」雙聲,漢儒所謂 禮 記疏 同 此 例。 「昕,天昕,讀曰『軒』,言 「按此説應作『軒昂』 如」或作 休文精于四聲, 覺德 「聲相近」也。 行」或作「有 「隱如」、「罕 而未 古

## 韻書次第不同

於二十八删、二十九山之後,繼之以三十魏了翁序吴彩鸞《唐韻》云:「其部敘述、古文四聲韻》亦有宣部,與徐鍇同。部,下平聲一先、二仙後别出三宣一部。夏

一〇五

同顔本次第也。『礙」、『徳』於『錫」、『缉」之間。」是彩鸞本亦『鐸」于『麥」、『佰」、『麥」、『昔』之前,置于『侵』後,升『蒸』、『登』于『清』後,升『藥』、先、三十一仙。」又云:「今韻降『覃」、『談』

夏氏《古文四聲韻》亦有此部。部,注云:「陸與齊同,今別。」見《鶴山集》。吳彩鸞《韻》別出「移」、「赞」二字爲一

## 唐宋韻同用獨用不同

行。 子監 其韻窄者十三處,許令附近通用。」王 以 許 觀 翰 林 東 學士丁 齋紀 事》: 度 所 修《 景 禮 祐 部 四 韻 年,詔 略 頒 國

> 之韻, 《集韻》目録參考,乃知昌朝所請改者: 《禮部韻略》,其窄韻凡十有三,聽學者 用,釅 迄、 廢 之。」兩 同 韻 凡本三部, 用 鹽、添同用 也, 迄與物同用也, 與文同用也,隱與吻同 應麟《玉海》 也,乏與洽、狎 忝同用也,范與**豏、檻**同 也, 用 異於唐 之部 梵與 加 五 與 書皆不言所 昌朝輒請改之。 梵 部皆獨用,嚴與凡同用,儼 韻 而合之,非有改作也 而輒并爲二。上、去、人皆準此。 同 也,凡與咸、 陷、 蓋 謂「景 用,業與乏 自 同 鑑 此 用 同 始。 廢與 祐中,直講 併 也。 用 何部。 也, 銜同用 隊、 後來平水韻  $\wedge$ 用也,釅與 用 同用,此 鹽、添、咸、銜、 廣韻》殷、隱、焮、 業 也, 焮與 代同 今以《 與 賈 也, 葉、 用 昌 唐 儼 藍、 标 也 問問 帖 特因 與 廣 時 朝 與琰、 范 同用 嚴 同 韻 通 請 相 承 與 用 宋 同 同 用 殷 修

周益公云: 「《廣韻》入聲三十一洽與

度等撰定《集韻》,於是移業爲三十二,而 自 狎、乏附之,此今韻也。」 三十二 唐 迄 天 狎 通 禧皆然,此舊 用,三十三業與三十四乏 韻 也。 仁 廟 初 通 詔 用 以 T

## 平水韻

禮部韻 第及 「毛氏 改。 部韻略》互有增字,而 凡例》稱,江 歸之劉淵。 韻,蓋循用平水韻次第,後人因以併韻 同 元初黄公紹《古今韻會》始併 古韻分二百 韻」、 非 略》、江北 用、獨 著 於劉 書之人 今淵 南 用之注小有異 監 云平 六部,唐宋相承,雖先 平 本 書已不傳。 矣。 水 免 水 每 劉 解 予嘗 韻 韻 氏 進 ۰, 所增之字於 淵《壬子 士 于吴門 據黄 則 同, 毛 淵 氏 加 不 爲 氏《 晃 黄 新 部 渦 孝 增 韻 之咎 分 後 毛 刊 白 刊 廉 是 禮 修 七 無 次 云 會

> 紹以 淵竊見文郁書,刊之江北而去其《序》,故公 許 金 後題「正大六年己丑季夏中旬」,則金人,非 丕 宋人也。 古 烈 |猶未亡,至淳祐壬子則金亡已久矣。 爲 齋見元槧本《平 序》,乃知爲平水書 劉 考己丑在壬子前廿有三年,其 氏 書也 水 韻 略 籍 王 卷首 文 郁 有 所撰。 河 時 間 意

## 雙聲疊韻

古人名多取雙聲疊韻,如《左傳》宋公

彌 與 由 鬲、離婁,皆雙聲 于、 牟、 夷 壽 Ŧ 郎 黎來、 於姚、 孫彌牟、公孫 袁 弗翰 也, 濤 塗、 胡、 彌牟、澹臺滅 ^ 續 書》皋陶,《 曹翰 鞠 居、 胡、《孟 提 (左傳) 明、王 彌 子》 明、 龐 膠 孫 士

秦始 降、 鄂千秋、田千秋、嚴延年、杜延 滕子 鬭 龜、 穀於菟、狄 公子奚斯、晉奚 下江反。 皇子扶蘇 虞母、伶州鳩、叔孫州 臺駘、西 (原彌、 疊韻,胡亥 樂祁黎、 齊、先且居、鄭 鈕 吾、公子圍 、雙聲。 仇 蒯 年等。 聵、 皆疊 漢 龜 陳 伯 人尚 鬭 韻 髡 須 東京 也。 頑 無 有 韋

棣、柜 螾街、 藈 薢 域域 姑、 芦 草 衱袶、 英茪、 **蠐、蠐** 蚌蜣、蚌蝠 柳、荎著、 木蟲魚之名多雙聲: 薡蓋、 邛鉅、銚芒,艸之雙聲也, 螬、蟋蟀、 枸檵、木之雙聲 、蚣蝑、至掌、蠛蠓、 鴻薈、 蟰蛸、伊威、 **蓫薦、厥** 兼葭、 也, 攗、 熠 蛈 荎 燿 蜴、 萑 蜘 蛛 藸 葦 詹 唐

禽之雙聲也; 騊駼、距虚,獸之雙聲也。 之雙聲也; 鴛鴦、流離、秸鞠、夷由、鶶鷵,

## 喉舌齒脣牙聲

東方喉聲:何、我、剛、鄂、謌、可、康

各。

西方舌聲。丁、的、定、泥、寧、亭、聽、

我。

歷。

南方齒聲:詩、失、之、食、正、示、勝、

識。

沿王

莽二名之禁,遂無此

風矣。

北方脣聲: 邦、尨、剥、雹、北、墨、朋

中

央牙聲:

更、

硬、牙、格、行、幸、亨、

貌。

音九弄反紐圖》,分喉、舌、齒、脣、牙五聲,右《玉篇》卷末所載沙門神珙《四聲五客。

〇八

牙兩聲相出人,與後來字母不同。聲八字有重脣,無輕脣,蓋古音如此。喉、每各舉八字以見例,即字母之濫觴也。脣

與神珙同。《廣韻》卷末有《辨字五音法》: 一脣、《廣韻》卷末有《辨字五音法》: 一脣

却, 徵,舌柱齒,徵、里、陟、力。 與今字母多異。 間。 神 古、伍、角、 珙《辨五音法》: 商,開 岳。 口張; 羽,撮 書、余、商、陽。 聚 宫,舌居中, 羽、矩、于、俱。 角,舌縮 官

### 字母

出於僧守温,温亦唐末沙門也。司馬温公三十六字母唐以前未有言之者。相傳

非也。 也。 異。 《華嚴經》四十二字母與三十六母多寡 學; 後人隨聲附和,并爲一談,大可怪也。 名,夾漈好奇而無識,遂誤仞爲得自西域 所解,則謂見、溪、群、疑之譜出於《華嚴》者 不知七音,乃始尊其學爲天竺之傳。 而《華嚴》所謂「二合」、「三合」者又非華人 切韻指掌圖》言字母詳矣,初不言出 華音疑、非、敷、奉諸母《華嚴》皆無之, 四十二母, 梵音也, 至鄭樵作《七音略》,謂華人知 特以其爲沙門所傳,又襲彼字母之 三十六母,華音 四 今考 聲而 於梵 迥

也,東、通、同、農、隆可也,幫、滂、旁、茫、此。就即牙、舌、脣之音引而伸之,曰基、岐。試即牙、舌、脣之音引而伸之,曰基、岐。試即牙、舌、脣之音引而伸之,曰基、。」送聲有清濁之岐,收聲又有內外之一。

房 可 之, 亦 也,未見其必 可 曰昭、超、 也, 未 見 潮、 爲五 其 必 饒 也 爲 可 也, 四 也 將、 鏘、戕、 即 娲 音 詳 斂 亦 丽

例 必 雙聲疊韻 來 義,今則以「于」 匣 之字引長 母,「乎」屬 別,如「榮懷」與「杌隉」均 於」、「鳴」屬 嗚 愈推 ,而尊之爲「母」,此名不正 子母之别。 喻之别矣; 讀 呼 聲,下一字必同 亦 凡影母之字引 愈密,而古 有似喻 皆 而 之稍濁 匣母。 疊 製翻 韻 今於同聲之中偶舉 影 母者。 屬 「噫 切, 兼 母,「嘻」、「戲」、「 則 喻母,「於」屬影母。 書轉 又如「于」「於」同聲亦 雙聲 爲 而長 嘻」、「於戲」、「於 以兩字切一音,上一字 韻,聲同 古人於此四 )匣母, 多難 也, 之則 爲雙聲,今人 今則 匣 通 者互 爲喻 而言 母 矣。 母 三四 以一 呼 母, 相 不順 字 古人因 不 切,本 噫」、 乎、 以 屬 等字 此 則 甚 曉 有 品 者 爲 後 同 曉 母

> 之徒。 出 爲反語,孫叔 也,故言字 於梵學,豈其然乎 漢 魏儒家未有讀 母 然其先覺者矣。 不 如 言 雙 聲。 桑門書者, 知 叔 雙 然, 聲 鄭 謂聲音 而 康 後 成 能

# 西域四十七字「菴」、「惡」二字不在内

聲 遮、 音。 聲短後聲長。 此十四字以爲音, 重。 字: 舌根聲; 比 聲二十五字: 若不餘音則盡 重。 釐、力之反。 《大般 吒、 夏、烏可 車、 重。 凡五字,中第四字與第三字 菴、 涅 閣、 反。 咃、 槃 惡。 不 黳、烏奚反。 聲中皆兩。 膳、 經 一切字,故復取二字以窮文字也 五 迦、呿、伽、咆、其柯反。 此二字是前 加。 時 壹、伊、塢、烏古反。 柯。 文字品》,字音 茶、咜、 兩字同、長短爲異、皆前 若, 藹、污、奥、烏 一惡」、「 耳 佇賈。 同, 賀 阿」兩字之餘 而 反。 輕 拏,上 重 + 舌 故 俄, 微 理 峚 四

咢聲; 虵、 字母之説。今所傳八十一卷者,乃實叉 出于《華嚴》則妄矣。 采《涅槃》之文,参以 來諸母。 異而大同: 聲二十五字,與今所傳見、溪、群、疑之譜 陀所譯,元應未及見 也,與今《華嚴經》 呵,此八字超聲。 音義》首載《華嚴經》終于五十八卷,初 重。 婆、頗、婆、婆、去。 邏、盧 多、他、陀、蚨、 然則唐 前所列字音十四字,即影、喻 舸 人所撰之三十六字母,實 此見於《一切經音義》者 羅、李 四 中 也。 十二母殊不合。 徒柯。 華音韻而去取之,謂 舸。 摩,莫个。 然《涅槃》所載 縛、 那, 奢、沙、婆、 奴賀。 層吻 元應 舌頭 聲 難 小 比 無

## 字母諸家不同

鄭樵《七音略•内外轉圖》: 首幫、

指元論》、《四聲等第圖》,字母次第與鄭樵同,唯 《切韻指掌圖》不同。晁氏《讀書志》載王宗道《切 滂、 微爲次宫,精、清、心、從、邪爲商,知、徹、 影、喻之序與鄭異。 照、穿、牀、審、禪,爲商音, 透、 而 自稱本於《禮部韻略》,其次弟亦始見終日, 羽,來、日爲半徵半商。公紹所載三十六母 審、澄、孃爲次商,影、曉、幺、匣、喻、合爲 定、泥爲徵,幫、滂、並、明爲宫,非、 喻,爲宫音; 溪、群、疑,爲 喻母之「爲」、「帷」、「韋」、「筠」、「雲」、「員」、 三十六母: 王」等字别 分疑母之「魚」、「虞」、「危」、「元」等字,與 定、 並 泥、 明、 非、 知、徹、澄、孃,爲 見、溪、群、疑、魚爲角,端、透、 爲 角音, 來、日爲半徵半商,其次序 敷、 魚 黄公紹《韻會》卷首載七音 奉、微,爲 母; 次精、 分影母之「伊」、 清、從、 八徴音; 羽 次影、曉、匣、 音 敷、奉、 心 次 次 曉、 見、 匣、 韻

分别,然較周德清《中原音韻》之無知妄作,公紹閩人,而囿于土音,讀疑母不真,妄生照、穿、牀之併是也,魚、幺、合之分非也。於知、併穿於徹、併牀於澄,與諸家不同。

## 古今音

則有天淵之隔矣。

音。」二説正相反,韋氏誤也。韋特見《詩》云:「古皆音尺奢反,從漢以來始有[居]以居人也,今曰『車』,聲近『舍』。」韋昭辨之《釋名》:「古者曰『車』,聲如『居』,所

漢季,稍染俗學,故於古音不甚了了。 爲韻,「車」之讀「居」又何疑焉? 宏嗣生於「琚」、「都」爲韻,「攜手同車」與「狐」、「鳥」知讀「華」爲呼瓜切,亦非古音也。古讀知讀「華」為呼瓜切,亦非古音也。古讀

## 古無輕厲音

匐。 《釋文》「本亦作『扶服』」。 記 伏 「奉壺飲冰以蒲伏焉」、《釋文》「本又作「匍 服」、《家 民有喪,匍匐救之」,《檀弓》引《詩》作「扶 ·蘇秦傳》「嫂委蛇蒲服」、《范睢傳》「膝 而擊之」,《釋文》「本或 凡輕脣之音古讀皆爲重脣。《 『蒲』本 語》引作「扶伏」。 亦作『扶』」。 《左傳》昭十二年 作「匍匐」」。 昭二十一年「扶 又「誕實 詩》「凡 匍 匐」, **《**史

書•霍光傳》「中孺扶服叩頭」,皆「匍匐」之行蒲服」、《淮陰侯傳》「俛出袴下蒲伏」、《漢

文也

也。」《史記・五帝本紀》「東至蟠木」、《吕 聲如「酺」。「酺」「扶」聲近。蟠,止不 扶。]鄭氏云: 書 古音「扶」如「蟠」,故又作蟠木。 地」、「扶木」謂扶桑也、《説文》作「榑桑」。 春秋》「東至扶木」、又云「禹 天文志》: 古讀「扶」 「菩薩」又作「扶薛」。 如一 「『扶」當爲「蟠」,齊魯之 「晷長爲潦,短爲旱, 酺 」,轉 爲「蟠」音。 東至榑木之 《一切經 奢 ^ 間 氏 行 爲 漢 音

犕」、《 注 王 犕 使伯服、游 牛乘馬」,「 服」又轉爲「犕」音。 備」,古「服」字。」 漢 書 孫伯」、《史記・鄭世家》「伯 精牛」即「服牛」也。 皇甫嵩傳》「義真 《説 文》 補 《左傳》 引《 未平」, 易

傳》: 爲「呼瓝」。」 傳》『呼服』音義皆同。』《 「心」。」師古曰: 「服」,音「瓝」。 一身盡痛,若有擊者,謼服 『譽』,音『暴』。」鄧 服」又轉 含含 人不 爲「暑」音。 「痛 關西俗謂得杖呼及小兒啼 勝 痛, 展云: 切 田 侕 呼暑。」 謝罪。」 蚡 叫 漢 傳》: 呼 二瓜 書 也,與《田 服 • 晉灼云: 「蚡疾, 虔 東 心之 云 方朔

天下。」 氏。」《唐韻》: 氏。《説文》: 相 扶富切,鳥菢子。」「伏」「菢」互相訓, 伏者,别也,變也。 轉,此伏羲所以爲庖犧、伏羲氏亦 廣韻》: 「菢,薄報切,鳥伏卵。」「伏, 「奏,迫也,讀若《易》 「奏, 平祕 伏羲始别 切。」《風 八卦以變化 俗 稱 而 通 虙 庖 亦

轅,必縊其牛」,注:「故書『伏』作『偪』。「伏」又與「逼」通。《考工記》「不伏其

「别」、「變」皆重脣。 杜子春云:『偪,當作伏。」」按「偪」、「迫」、

傳》「馮式撙銜」。 琴」,《戰國策》「伏軾撙銜」、《漢書•王吉世家》「中旗馮琴而對」、《春秋後語》作「伏世家》「伏」又與「馮」通。皮冰切。《史記•魏

《漢書》作「倍尾」。 **萯陽也。』《釋名》:** 傳》「倍陽、宣曲尤幸」,師古曰: **萯陽宫」,李斐曰:「負,音倍。」《東方** 魯周公世家》「南面倍依」、《漢書• 「書・禹貢》「至于陪尾」、《史記》作「負尾」, 南面背依」,「倍」與「背」同,即 古音「負」如「背」,亦如「倍」。 《漢書·宣帝紀》「行幸 「負,背也,置項背也。」 「倍陽,即 負尿 《史記 徐樂傳》 也。 朔

> 案 語謂 『魏曲沃負者,魏大夫如耳之母也。』此 脣非輕脣。 大母爲負。」●師古曰: 常從王媪、武負貰酒」,如淳曰: 「負」亦 老母爲負耳。 古稱老嫗爲「負」,若今稱「婆」,皆重 爲 老母之稱。 武負,武家之母 「劉向《列女傳》: 漢書 . 「俗謂 高 帝 也。 則古 老

「僕,附也。」《廣雅》:「薄,附也。」山也。」今人稱培塿。《詩》「景命有僕」,傳:柏」、《説文》引作「附婁」,云:「附婁,小土古讀「附」如「部」。《左傳》「部婁無松古讀「附」如「部」。《左傳》「部婁無松

古讀「佛」如「弼」,亦如「勃」。《詩》「佛「蒲洪孫堅,背有草『付』字,改姓苻。」之澤」,《釋文》:「苻,音蒲。」《晉書》:之澤」,《釋文》:「苻」字。《左傳》「取人於萑苻

0

違也。」按:

「負命」猶言「背命」。

正義》云:

「『負』音『佩』,依《字通》,負,

書》「方命圮族」、《史記》作「負命」、

<sup>「</sup>負」上、《漢書》卷一上《高帝紀》有「阿」字。

時 『佛』,扶弗反。』《晉書》「赫連勃勃」、《宋書》 義》 鄭音弼,輔也。」《學記》「其求之也佛」,《正 作「佛佛」。 大也,讀若『予違汝弼』。」 佛」皆重脣。 ·拂』,扶弗反。」《曲禮》「獻 仔肩」,《 「佛,戾也。 佛者,佛戾也。』《釋文》:「本又作 釋文》: 「佛」亦作「棄」、《説文》: 乞伏氏 《釋文》作『拂』,本又作 亦作「乞佛」。 「佛、毛符弗反、大 鳥者佛其 古音「伏 「棄, 首 也。

篇 音枚。」《 蜀郡峄山』。」《禮記》「君子貴玉 武帝紀》文山郡注: 江一《史記 | 個 或 書》「岷嶓既藝」、「岷山之陽」、「岷 古讀「文」如「門」。 「文水即 作「玟」、《釋文》: 漢 夏本紀》皆作汶山。 書 ·門水也。」今吴人呼 高 帝 「應劭 紀》「亡諸身帥 《水經 「玟,武巾反,又 日 注 『文山,今 而賤碈」, 《漢 蚁如「門」。 漢 閩 山 書 水》 導 中

法家拂士。」《史記·夏本紀》:「女匡拂謂之『弗』,秦謂之『筆』,『筆』、『弗』聲相近也。」同,分勿切。《説文》:「吴謂之『不律』,燕同,分勿切。《説文》:「吴謂之『不律』,燕

「簟笰朱鞹」,傳:「車之蔽曰『第』。」朝」。「簟第魚服」,箋:「第之言蔽也。」傳:「第,蔽也。」《周禮》注引作「翟蔽以傳:「第,蔽也。」《詩》「翟第以朝」,古讀「第」如「蔽」。《詩》「翟第以朝」,

子。

即孛星也。」《漢書・谷永傳》「茀星耀光」,「星茀于河戌」、《索隱》云:「『茀』音『佩』,古讀「茀」如「孛」。《史記・天官書》

師古曰:「『茀』與『孛』同,音步内反。」

「艴,淺色,敷勿切。」此齊梁以後之音。然不悦,蒲没切。」此古音。又《八物部》:「孛」,一作「艴」。《廣韻》十一没部:「艴艴「

開 官切。」陸元朗作步干切,是寒、桓不分也。故知寒、桓分 氏」、《釋文》: 縣繁纓以朝」、《釋文》: 表》「李延壽 纓,十有再就」,注: 纓」亦作「樊纓」。《周禮》「巾車,玉路,錫樊 反。」《廣韻》二十六桓部有「繁」字,云:「繁纓,馬飾,薄 鞶」,謂今馬大帶也。」《釋文》: П 合口呼亦起於法言諸 《左傳》定四年「殷民七族、繁氏、錡 古讀「繁」如「鞶」。《左傳》成二年「曲 「繁,音蒲元反。」《陳湯傳》「御史大夫 爲 「繁,步何反。」《漢 御 史大夫, 人。 「樊 「繁」又轉 「繁,步干反。」「繁 讀如「鞶帶」之 一姓繁」,師 「樊,步干 書· 公卿 如「婆」 古

> 反。 繁延 也。 反。 張 「繁」爲「婆」。《文選》繁休伯,吕向音步 非輕脣,則是漢 之傳》師古音「婆」。 丞 《廣韻》八戈部有「繁」字,「薄波切, 壽」,師 相列傳》「丞相司 延壽一人而小顔三易其音,要皆重 則繁姓讀「婆」音爲正。 古 Ħ 人 無 《谷永傳》師古音「 輕脣之證也。《史記 繁,音蒲 直繁君」、《索隱》音 胡 反。」《 蒲 蕭 姓 何 唇 何 望

皆同音。《書》「於蕃時雍」、「下」、「變」、「蕃」宙碑》又云「於卞時雍」、「於蕃」即「於變」也、《孔、書》「於蕃時雍」、「於蕃」即「於變」也、《孔古讀「蕃」如「卞」。《漢書・成帝紀》引

杜子春云:『播、●當爲播、讀「后稷播百「播之以八音」,注:「故書『播』爲『藩」。「描書』稱」爲『藩」。

<sup>●「</sup>播」、《十三經注疏》作「藩」。

穀」之「播」」。」《尚書大傳》「播國率相行

事」,鄭注「播」讀爲「藩」。

行葦》傳引作「奔軍之將」。 之將」,注:「賁,讀爲僨,覆敗也。」《詩・古讀「僨」如「奔」。《禮・射義》「賁軍

「汾水之陽」,司馬彪、崔譔本皆作「盆水」。古讀「汾」如「盆」。《莊子・逍遥游》篇

「設莞筵紛純」,鄭司農云:「紛,讀爲豳。」古讀「紛」如「豳」。《周禮•司几筵》

也,有博大茂草也。」鄭箋云:「甫草,甫田《韓詩》作「圃草」。薛君《章句》:「圃,博古讀「甫」如「圃」。《詩》「東有甫草」,

「甫,布五反。本亦作『圃』。」補。《左傳》「及甫田之北竟」,《釋文》:之草也。」「鄭有圃田」,《釋文》:「鄭音

篾席」、《説文》引作「布重莧席」。《詩》「敷古音「敷」如「布」。《書•顧命》「敷重

人布幕于寢門外」,注:「今文『布』作政優優」、《左傳》引作「布政」。《儀禮》「管

「敷」。」

文》:「板,普顏反。舊,敷閒反。」是古讀「敷」如「普」。 表」、《釋文》:「《韓詩》作『敷」。」又「敷時繹思」、《釋文》云:「諸本作『外敷」。」注「芳海」、夢蕭箋「外薄四思」、《左傳》引作「鋪」。夢蕭箋「外薄四思」、《詩》「鋪敦淮濱」、

禮》「牢中旁寸」,注:「今文『旁』爲『方」。」 《説文》兩引,一作「旁迷孱功」,一作「旁救 暴刑惟明」,《新序》引作「旁施」。《書》「方行天下」,亦讀爲「旁」,與《易》「旁行而 不流」義同,傳云「方,四方」,非也。《書》 「方告無辜于上」、《論》引作「旁施」。《主政》 不流」義同,傳云「方,四方」,非也。《書》 「方告無辜于上」、《論》引作「旁施」。《主政》

側」,崔譔本作「方羊」。 反。」《莊子•逍遥游》篇「彷徨乎無爲之《左傳》「衡流而方羊」,《釋文》:「方,蒲郎

羊》作士彭,是「魴」非輕脣也。作『鰟』。」《春秋》「晉侯使士魴來乞師」,《公古音「魴」如「鰟」。《説文》:「『魴』或

釋文》:「逢,薄紅反,徐仙民音『豐』。」亦古音「逢」如「蓬」。《詩》「鼉鼓逢逢」,

《左傳》有逢伯陵、逢丑父矣,漢有逢 也。 《淮南・天文訓》作「閼蓬」。 篆文皆从「夆」。 蒙門子之巧」,皆作「逢迎」之「逢」。 石刻 子》「羿、逢蒙不能睥睨」、《淮南子》「重以 號。」《藝文志》亦作逢門,即逢蒙 大謬矣。洪氏《隸釋》引司馬相如云: 改逢蒙、逢丑父之「逢」爲「逄」以實之,則真 韻,又别造一「逢」字,轉爲薄江切,訓 逢」讀重脣人東韻、「相逢」字讀輕脣人鍾 篇「雖羿、蓬蒙不能眄睨」,今本「蓬」作「逢」,蓋淺 人表》有逢於何數人,陽朔中有太僕逢信 獲、逢蒙之巧。」 王褒云: 人妄改。 讀 漢故博士趙傅逢府 豐」, 後世聲韻之學行,妄生分别,以「鼓逢 兹據陸氏《釋文》。 重 屑 也。 《魏元丕碑》有逢牧、《  $\sim$ 爾雅》「 君神道逢童子碑》,其 即《孟子》之「逢蒙」 歲 「逢門子, 彎鳥 《莊子·山木》 在 甲 也。 E 萌、在 《古今 閼 八孔宙 逢」, 有 逢

此即「鼉鼓逢逢」之「逢」,音轉爲薄江切,俗 造無疑。 也。 作「逄」。 碑》陰有逢祈,《逢盛 知 師改从「音」旁,又改「夆」爲「夅」,皆所謂不 諸「逢」當讀爲 而 作也 漢魏以前未有「逄」字,其爲六朝人妄  $\Rightarrow$ 又謂 廣韻》江部又有「韸」字,訓鼓聲, 漢儒 「鼉鼓逢逢」之「逢」。 洪説 尚借「蠭」爲「逢」, 碑》陰有 逢信, 亦 不 則 是 恐 書

 $\sim$ 

謀 之也。」 之中矣」、《釋文》: 内』。」《釋名》: 動干戈於邦内」、《釋文》: 古讀「封」如「邦」。《論語》「且在邦 「邦,封也。有功於是故 「「邦」或作「封」。」「而 「鄭本作『封 封 域

涖 封」,注: 斤 師 封」又讀 堋。 「「封」當爲「芝」,下棺也。」《春 鄭 《周禮• 司 如「芝」。 農 굸 鄉 師》「及室,執斧以 《檀弓》「縣 窆 謂 葬下棺 棺 也。 秋 而

> 《禮記》謂之『封』,皆葬下棺 中而 後儒不通古音,乃有類隔之例,不知古音本 無輕脣也。古人讀「封」如「邦」。 先鄭云: 鄧切,徐邈音甫鄧 之『窆』。」「封」府容切,「窆」方騐切,「堋」方 謂葬下棺也。《春秋傳》所謂『日 者。」《太僕》「窆亦 芝、崩、封音相似。」 是東京尚無 芝」讀如「慶封氾祭」之 「氾」。《左傳》「日 春秋傳》曰『日中而塴」、《禮記》所謂『封』 堋,喪葬下土也、《禮》謂之『封』、《周官》謂 禮》家作『窆,彼騐反』,義同。」《説文》: || || || || 古音「勿」如「没」。 釋文》: 切。 如之」,鄭 聲 「塴,北鄧 皆相 ^ 爾 似,故 司農 雅 也,音 反,下棺 輕 中而 云 畾 пŢ 屑 音。 相 互 也。 似, 学 即

0 有功於是故封之也」、《四庫全書》本《釋 國》作「封有功於是也」。 名》卷二《釋

《大戴禮·曾子立事篇》「君子終身守 家訓》云: 脣,故以爲異。 音「刎」、「免」皆重脣,六朝人轉「刎」爲 策彗卹勿」,注: 勿,注: 諸其欲其饗之也」,注: 傳》引作「密勿從事」。《禮記・祭義》「勿 勿」重脣,故與「勉」、「摩」聲相轉。 詩》「 密勿」也 「勿勿,猶勉勉。」《曲禮 「《戰國策》音『刎』爲『兔』。」古 <u>~</u> 「卹 詩 勿,搔摩也。」古人 黽 「勿勿, 勉從事」、《 学國 猶 勉 顔 此 劉 中 勉。 以 輕 向 氏 讀 勿

《字林》:「副,判也,匹亦反。」《詩》釋文。文作「疈辜」。《詩》「不坼不副」,讀孚逼反。也。」「判」、「副」雙聲,引《周禮》「副辜」,籀古讀「副」如「劈」。《説文》:「副,判古讀「副」如「劈」。《説文》:「副,判

『「罰」當爲「軷」,「軷」讀爲「別異」之較」,注:「故書『軷』作『罰』。杜子春云:古讀「罰」如「軷」。《周禮・大馭》「犯》、『・林》「집」如「軷」。《周禮・大馭》「犯

「別。」

分也。」「匪」、「頒」雙聲。
禮・大宰》「匪頒之式」,鄭司農云:「匪,事也,讀若「頒」,一曰讀若「非」。」《周古讀「非」如「頒」。《説文》:「菐,賦古讀「非」如「頒」。《説文》:「菐,賦

也。」 謀」,注: 舒」。《春秋》襄八年傳引《詩》「**如** 春秋》襄廿七年傳引作「匪交匪敖」。 彼交匪舒」、《荀子・勸學篇》引作「匪 古讀「匪」如「彼」。 匪, 彼 也。」《廣雅 《詩》「彼交匪 匪行 《詩 交 邁 匪 彼

韓詩》作「邲」。「匪」又與「邲」通。《詩》「有匪君子」,

腓字之」皆訓「腓」爲「辟」,蓋以聲相似取云。「「腓」當作『芘」。」毛於此文及「牛羊「腓」與「芘」同。《詩》「小人所腓」,箋

配」、《釋文》:「本亦作『妃』。」《易》「遇其古文「妃」與「配」同。《詩》「天立厥

百」、《史記·周本紀》作「臏」。「剕」與「臏」通。《書》「剕罰之屬五

配主」,鄭本作「妃」。

「非」與「苞」通。《曲禮》「苞屨扱衽」,

注:「「苞」或爲「菲」。」

又》: 「浼,每罪反,《韓詩》作「浘浘」。」「浘」與「浼」通。《詩》「河水浼浼」、《釋

詩》作「娓」。《説文》:「娓,順也,讀若詩》作「娓」即「美」字。《詩》「誰侜予美」,《韓

有「矀」、「牕」、「嶶」、「微」、「薇」、六字,枚」,傳:「枚,微也。」《廣韻》六脂部眉紐八年「築郿」、《公羊》作「微」。《詩》「勿士行年」,注:「古文『眉』爲『微』。」《春秋》莊廿年」,注:「古文『眉』爲『微』。」《春秋》莊廿年」,注:「古文『眉』爲《少牢禮》「眉壽萬古音「微」如「眉」。《少牢禮》「眉壽萬

皆古讀,後來別出微韻,乃成鴻溝之隔矣。

古讀「無」如「模」。《説文》: 「森或説『規模』字。」漢人「規模」字或作「橅」。《易》「莫夜有戎」,鄭讀「莫」如字,云「無也。無他。」《廣雅》: 「莫,無也。」《廣雅》: 「莫,無也。」《廣雅》: 「莫,無也。」《曲禮》「毋不無也。」《廣雅》: 「莫,無也。」《曲禮》「毋不無也。」《廣雅》: 「莫,無也。」《曲禮》「毋不無也。」《廣雅》: 「莫,無也。」《曲禮》「毋不其事也。」《明神》「與一類」。《説文》: 「菜或説話野」也。

江西、湖南方音讀「無」如「冒」,即「毛」之去曰。 『今俗語猶謂無爲秏。』」大昕按。 今矣」,注。 「孟康曰。 『秏,音毛。』師古矣」,注。 「孟康曰。 『뚅,音毛。』師古矣」,注云。 「按衍集『毛』字作『飢者毛食」,注云。 《後漢書・馮衍傳》

聲。

二二》: 也,注: 無 「靡,無也。」 轉 「末,無也。」又轉訓爲「靡」、《釋 訓爲「末」。《檀弓》「末吾禁

《釋文》云:「『蔓』,音『万』,本又作『蕪』, 音『無』。」 古讀「蕪」與「蔓」通。《釋艸》「蔓菁」,

箋 莫來切。「模」、「腜」聲相近。《説文》: 『模』,又音『武』。 「膴,讀若謨。」 「周原膴膴」、《文選》注引《韓詩》作「腜腜」, 古讀「膴」如「模」。《詩》「民雖靡膴」, 「膴,法也。」《釋文》:「徐云: 《韓詩》作『靡腜』。」《詩 鄭音

三采」,注:「故書『瑉』作『璑』。」《説文》: 璑、三采玉也。」「璑」、「瑉」聲相近。 「鳳」即「朋」字。《説文》: 璑」从「無」聲。《周禮・弁師》「瑉玉 「朋」、「鵬」

> 子》説正同。可知「鳳」即「鵬」也。 「鳥有鳳而魚有鯤。鳳皇上擊九千里,絶雲 蕃籬之鷃,豈能與之料天地之高哉?」與《莊 霓,負蒼天,足亂浮雲,翱翔乎杳冥之上。 鳳字,非來儀之鳳也」。」宋玉對楚王問云: 名爲鵬」、《釋文》: 也,古以爲『鳳』字。」《莊子·逍遥游》篇「其 數,故以爲『朋黨』字。」《字林》: 皆古文「鳳」字。 朋,象形,「 「崔音『鳳』,云『鵬 鳳飛 群 「鵬,朋 鳥從 即 以 黨 萬

以「汳」、「汴」爲二字:「汳」,芳万切,在願韻, 變切,在線韻。 韓詩》作「變」。《説文》汳水即 古讀「反」如「變」。《詩》「四矢反兮」, 由不知古無輕脣 汴水。 「汴」,皮 《廣韻

韓詩》作「馥芬」。 古讀「馥」如「苾」。《詩》「苾芬孝祀」,

也。」孫炎云: 古讀「復」如「愎」。 「狃忕前事復爲也。」《春秋 《釋言》: 一狂, 復

「心」旁耳。今人呼鰒魚曰鮑魚,此方音之文》無「愎」字,蓋即「狃復」字,後儒改從傳》「愎諫違卜」,謂諫不從而復爲也。《説

也。人莫不欲從其志,逼正使有所限也。」古讀「法」如「逼」。《釋名》:「法,逼

枪」同音。

存古者。

也。」「莫」、「晚」聲相近。

古音「晚」重脣,今吴音猶然。《説

,《公投》「孚」)并「竇」。(春秋》「齊人來歸衛「俘」與「寶」通。《春秋》「齊人來歸衛

「枹」、「桴」二字同體,扶鳩反,是「桴」與《一切經音義》引《詔定古文官書》俘」、《公穀》「俘」作「寶」。

重脣莫郎切十四字,其同者「芒」、「杗」、十陽部輕脣武方切十二字,十一唐部

喻母。则「亡」、「忘」、「望」亦讀重脣,北音又轉爲月一亡」、「忘」、「望」亦讀重脣,北音又轉爲脣者。并「鋩」、「硭」兩字亦皆讀重脣,無讀輕「朚」、「邙」、「郭」五字,今皆讀重脣,無讀輕

作「旁」。「旁」、「房」古通用。「爲阿房宮」,二世元年「就阿房宮」,宋本皆兩旁也。」《史記・六國表》秦始皇二十八年」、安光切。」《釋名》:「房,旁也,在堂宮名,步光切。」《釋名》:「房,旁也,在堂店

「明都,即宋之孟諸。」古音「孟」如「芒」。日望諸」,注:「望諸,明都也。」《疏》:也,遠視茫茫也。」《周禮・職方氏》「其澤藪也,遠視茫茫也。」《周禮・職方氏》「其澤藪古讀「望」如「茫」。《釋名》:「望,茫

古讀「發」如「撥」。《詩》「鱣鮪發發」,也。《左傳》莒公子務婁,徐音莫侯反。「天乙湯論舉當,身讓卞隋舉牟光」,即務光古讀「務」如「牟」。《荀子‧成相篇》

釋文》云「如字」,誤矣。 説文》作「滭冹」,此雙聲,亦當爲補末切,釋文》補末反,此古音也。「一之日觱發」,

《説文》:「泼,分勿切。」古讀「分」如「邠」,

本重屑。

 $\sim$ 

^

^

# 舌音類隔之説不可信

「爞爞」。 動; 母家不識古音,讀「沖」爲「蟲」,不知古讀 古讀「直」如「特」; 音則與端、透、定無異。《説文》「沖,讀若 以今音讀之,與照、穿、牀 蟲」亦如「同」也。 古無舌頭舌上之分。 「直忠反。 《書》「惟予沖人」、《釋文》直忠切; 郭都冬反。《韓詩》作『烔』,音徒 《詩》「藴隆 徐 沖子,猶童子 徒冬反。 無别 知、 徹、澄 蟲蟲 也,求之古 爾 也。 雅 , 三母 釋 作 字

「桐」同音之證。 「同盟于蟲牢」,杜注「陳留封邱縣北有桐牢」,是「蟲」、冬反。」是「蟲」與「同」音不異。《春秋》成五年

近。 「陟,登也。」「登」、「得」聲相其高山」,箋:「陟,登也。」「登」、「得」聲相『得』也,讀如『王德翟人』之『德』。」《詩》「陟三夢之法。三曰咸陟」,注:「『陟』之言三夢之法。三曰咸陟」。《周禮・太卜》「掌

古音「趙」如「撊」。《詩》「其鏄斯趙」,

讀爲「掉」。「其鏄斯捌」,大了反。《荀子》楊倞注「趙」「其鏄斯捌」,大了反。《荀子》楊倞注「趙」《釋文》徒了反。《周禮・考工記》注引作

「特」。 《釋文》:「《韓詩》作『直』,云相當值 《檀弓》「行并植于晉國」,注: 《孟子》「直不百步耳」,「直」,但也,「但」、 「特」。」《王制》「天子犆礿」,注: 「直」聲相近。《吕覽・尚廉篇》「特王子慶 作「特」。 『直』。」《士相見禮》「喪俟 虎植」,注:「植,讀如『直道 忌爲之賜而不殺耳」,注: 一也。」《釋文》植、音特。《玉藻》「君羔 古音「直」如「特」。《詩》「實惟我 《穀梁傳》「犆言同 事 「特,猶直 不 「「植」或爲 時」,本亦作 · 犆弔」,定本 脯 行」之 也。 特一, 也。 幦 猶

《釋文》:「《韓詩》『竹』作『薄』,音徒沃古音「竹」如「篤」。《詩》「緑竹猗猗」,

竺國」。 音。 鄧 毒 北 以 反。」今 也。」「篤厚」字本當作「竺」,經典多用「篤」, 作『竺』。」《書》曰「篤 近, 「本又作『竺」。」《釋詁》「竺,厚也」、《釋文》 論 詩》「麟之定」、「定之方中」,皆丁佞反。 也。」《 展 與捐 其形聲 語》「君子篤於親」、《汗簡》云: 日 後漢書• 「本又作『篤』。」按《説文》: 北 毒 張騫傳》「吾賈 然則「竺」、「篤」、「毒」、「督」四文同 音 「毒音『督』。」李奇曰:「一 同 接」,師 定 耳。 母 去 杜篤傳》「摧天督」,注「 聲 《漢書· 古曰: 篤」、「竺」並「从竹」得聲。 字 多 誤 不忘」,《釋文》云: 人轉市之身毒國」, 人 西 「捐毒即身毒、 端端 母, 域傳》「無 古音 與「篤」音相 「竺,厚 當 「古文 不 「即天 名天 雷 甚 天 遠 威

「既都」。

榮波既豬」、《周禮》注作「榮播

『豬』。」《書・禹貢》「大野

既豬」、《史記

牲 禂 古讀「 馬」,杜子春云「禂,禱 禂 如「禱」。 ^ 周 也, 禮 引《詩》云: 甸 祝 禂

> 『誅』,今『侏大』字也。」按《説 豬 碼既禱」,「禱」與「禂」文 禂」爲「誅」,是漢時「誅」、「侏」亦讀 既伯既禱。」後 焉」,注: 古讀「豬」如「都」。《檀弓》「洿其宫 豬, 鄭云 都 也。 禂, 異 南 義 文》引《詩》「既 讀 方 同。 如『伏誅』之 謂 舌 後 都 音。 鄭 爲 而 讀

都。 古讀「追」 如 堆。  $\sim$ 士 冠 禮》「 追,

注 「追,猶堆 也。

『堆』字。」《詩》「追 琢」又作 「彫 也。」「彫」、「追」 乘《七發》「踰岸出 琢 其 郊特性》「母追」,《 章」、《釋文》: 「敦琢」。 聲 《詩》「敦琢其旅」, 相 追, 琢 近,故《 其章」,傳: 李 釋 追 善注: 文》多 , 對 荀子》 П 雷 反。」「追 引《詩 追, 「追,彫 枚

既

文》:「敦,都回反,徐又音『彫』。」

卓上」,注:「卓,猶的也,以素的一馬爲卓上」,注:「卓,猶的也,以素的一馬爲古讀「卓」與「的」相近。《覲禮》「匹馬

韓詩》作「菿」。
古讀「倬」如「菿」。《詩》「倬彼甫田」,

誤也。 記》以『棠』爲『黨』、以『續』爲『績』,傳寫之 <del>=</del> 之欲」,則申棖、申棠一人耳。」大昕 申續。」《史記》云: 『申棠字周』,《家語》 棖」、《釋文》: 近,非由轉寫之譌。古文「賡」、「續」同聲, 棖』。」「棖」與「棠」、「堂」同音,「黨」亦音相 家語》「申續 詩》「俟我於堂兮」,箋云: 『申續字周也。』」王應麟云: 古讀「棖」如「棠」。《論 後漢《王政碑》『有羔羊之節,無申棠 「鄭康成云: 讀如「庚」,與「棠」音亦不 語》「或對日申 『蓋孔子弟子 「『堂』當作 「今史 案

「黨」音相似,正是音和非類隔。「棖」有「棠」音,可悟古讀「長」丁丈切,與遠。今本《史記》作「績」,則轉寫誤也。因

「奪」聲相近。
「奪」聲相近。
「奪」聲相近。
「奪」聲相近。

也。 古讀「沈」如「潭」。《史記・陳涉世家》 古讀「沈」如「潭」。《史記・陳涉世家》

皆讀直一切,無有作徒結切者。古今音有《廣韻》「姪」有徒結、直一兩切,今南北方音「姪,大結反, 娣,大計反。」此古音也。「姪」、「娣」本雙聲字,《公羊》釋文:

其根源而强爲之詞也。 變易,字母家乃謂舌頭舌上交互出切,此昧

他牢反。」《釋文》云:「抽,敕由反。《説文》作『搯』,《釋文》云:「抽,敕由反。《説文》作『搯』,古讀「抽」如「搯」。《詩》「左旋右抽」,

齊」,陳駢即田駢也。 「田」、「陳」聲同。《吕覽·不二篇》「陳駢貴奔齊,以國爲氏。」而《史記》謂之田氏,是古在齊,以國爲氏。」而《史記》謂之田氏,是古也。」齊陳氏後稱田氏。 陸德明云:「陳完也。」齊陳

《禮記 禮 或謂之乘。」《左傳》「渾良夫乘衷甸兩牡」, 「四邱爲甸」讀與「維禹敶之」之「乘」同。」 也。」「稍人掌邱乘之政令」,注: 反,治也。 小司 《詩》「維禹甸之」、《釋文》: 郊 徒》「四邱爲甸」,注: 鄭繩證反。 特性》「邱乘共粢盛」,注: 六十四井爲乘。』《周 「毛田 甸之言乘 「邱乘、 見

明古音,徒據經典相承之反切而類之,而不屬澄母、「甸」屬定母、「乘」屬床母,由于不直覲反、「乘」繩證反,後世言等韻者以「陳」之轉「甸」猶「陳」之轉「田」。經典相承「陳」一一個」。」古者「乘甸」、「陳田」聲皆相近,「乘」(釋文》:「甸,時證反,《説文》引作『中《釋文》:「甸,時證反,《説文》引作『中

「塗」聲相近。「強」、「田」同音、故與「唐」、「鬼名耳、其實一也。「陳」、「田」同音、故與「唐」、文異名耳、其實一也。「陳」、「《爾雅》『廟中路。「堂、塗也。」《正義》云:「《爾雅》『廟中路我陳」、傳:「堂、塗也。」「中唐有甓」、傳:我陳」、傳:「堂」聲相近。

知其本一音也。

切」,與「闖」同音。即徐仙民音也。古「陟」、「得」同韻》五十候部有「噣」字,「或作『咮』,都豆《釋文》:「咮,陟救反。徐又都豆反。」《廣古讀「咮」如「鬭」。《詩》「不濡其咮」,古讀「咮」如「鬭」。《詩》「不濡其咮」,

故别而出之。後之講字母者轉以徐音爲類隔,非音和,失音,陟救與都豆本無二聲。唯「救」在宥部、「豆」在侯部,

之遠矣。

《書》亦或爲「濁」。」」「獨,讀爲「濁其源」之「濁」,音與「涿」相近,注:「故書『涿』爲『獨』。杜子春云:注:「故書『涿」如「獨」。《周禮・壺涿氏》

《周禮》作「穜稑」,是「重」、「穜」同音。 「動」从「童」、《説文》「董」从「童」、《左傳》 「予髮如此種種」,徐仙民 [禾]邊作「童」是「種蓺」之字,今人亂之已 不獨「重穋」讀爲 久。」予謂古人「重」、「童」同音。《嶧山碑》 明云:「『禾』邊作『重』是『重穋』之字, 知、徹、澄三母爲 種」也。 古人多舌音,後代多變爲齒音,不 後代讀「重」爲齒音,并从「重」之 「種」,即「種蓺」字亦讀如 然也。 如《詩》「重 作「董董」。 一醪」字 古音 陸

三〇

字亦 童」,京房本作「恒 以 爲 改 相 讀 亂,誤矣。 齒音,此 齊 梁 《易》「憧憧往來」,徐仙民 人强 爲 分别 耳 而 音 元

矣。 摯」,注:「摯,輖也。」《釋文》: 分「周」爲照母、「竹」爲知母,非古音之正 音,「周」、「摰」聲相近故又轉爲竹二反。今 三音。「弔」與「雕」有輕重之分而 周,一音弔,或竹二反。] 陸氏 舟之」,傳云: 或爲『舟』。」是「舟」有「雕」音。 屬知母,謂有齒舌之分,此不識古音者 周」亦如「雕」也。《考工記》「大車車 雕」,故與「帶」聲相近。「彫」、「雕」、「琱」、 〈考工記》「玉榔雕矢磬」,注:「故書『彫』 鵰」皆从「周」聲,「調」亦从「周」聲,是古讀 今人以「舟」、「周」屬照母,「輈」、「啁」 「舟,帶也。」古讀「舟」 [於「輖」字兼 《詩》「何以 「輖, 同爲舌 轅 收 音 如

證。「至」本舌音,後人轉爲齒音耳。以聲相近爲義,「咥」、「耋」皆从「至」聲可切,讀如「疐」,舌頭非舌上也。《詩》「神之切,讀如「疐」,舌頭非舌上也。《詩》「神之一,讀如「疐」,舌頭非舌上也。《詩》「神之

引杜林説、「芰」作「茤」。

支來」、苑支、即《左傳》之鳶鞮也。《説文》

古讀「支」如「鞮」。《晉語》「以鼓子苑

「皀」爲「專」之古文,「剆」即「斷」字,或作古讀「專」如「耑」,舌音,非齒音也。

「剸」。

切。上平聲八字,卑、必移切,本府移切。陴、並之推以爲不可依信,後來韻書遂不收此音。之推以爲不可依信,後來韻書遂不收此音。而顏。

今亦無當矣。

十餘字,其餘置之不論,既昧於古音,而於

爲不可,但每韻

類隔之音甚多,僅改此二

今音改用重脣字出切,意在便于初學,未

不識古音,謂之「類隔」,非古人意也。

依

下平聲六字,縣、名延切,本武延切。 上聲五字,否、並鄙切,本符鄙切。 凡、符芝切,本符咸切。芝, 頻、步真切,本符真切。 閉、北盲切,本甫盲切。 平、僕兵切,本符兵 悲、卜眉切,本府眉切。 眉、目悲切,本武悲切。邳、並悲切。 彬; 肧、偏杯切,本芳杯 軟凡切,本匹凡切。 卜巾切,本府巾切。 貯、知呂切,本丁 尶、中全切,本 然。「褒」爲「逋」、「暴」爲「步」,此由豪韻轉 『慕』、『保』爲『補』、今北人讀「堡」爲「補」,唐時蓋已 入模韻也。」 聲相近而譌 李匡文《資暇集》:

「今人謂「帽」爲

斤切。《明道雜志》。秦聲謂「蟲」爲「程」。同上。 「黄」匣母,「王」喻母 浙之東言語「黄」、「王」不辨。《癸辛雜識》。 黄州呼「醉」爲「沮」、呼「吟」爲「垠」。 逆

褾,

邊小切,本方小切。 去聲二字,裱、賓廟切,本

縹、偏小切,本敷沼切。 摽、頻小切,本符小切。

方廟切。空。

班驗切,本方驗切。

不知何人所附。

古人製反切皆取音和,如「方」、「府」、

甫」、「武」、「符」等,古人皆讀重脣,後儒

吕切。

切。

切。

之切,本符之切。

聲、「逵」如「瞿」、「椅」讀于據切、「小兒毀 「跪」如「巨」、「緯」如「喻」、「虧」如「去」平 齒」之「毀」如「許」。 吴中方言「鬼」如「舉」、「歸」如「居」、

蘇州之葑門讀「葑」如「富」。

江西方言「雨」如「葦」。

十駕齊養新録

婺源人讀「命」如「慢」、「性」如「散」。 桐 秦晉人讀「風」如「分」、「東」如「敦」、 城人讀「 圖 如「頭」、「對」如「帝」。

如「彭」。

「九」如「苟」。 廣東人讀「 四」如「細」、「七」如「察」、

元 時 方音

同、「欸」與「旭」同、「骨」與「穀」同、「窟」與 同、「術」與「逐」同、「律」與「六」同、「率」與 世 「佛」與「伏」同、「屈」與「曲」同、「鬱」與「彧」 哭」同、「咄」與「篤」同、「突」與「毒」同、 朏」與「朴」同、「字」與「僕」同、「没」與「目」 縮」同、「弗」與「福」同、「拂」與「愎」同、 與「祝」同、「出」與「燭」同、「黜」與「觸」 《古今韻會舉 要》 謂「恤」 與「 肅 同、

> 『魚』、『虞』相近。」 平,又可去聲,所以「蜀」、「術」等字皆與 也。《輟畊録》云:「今中州之韻 於古音,證之今音亦多齟齬,殆元 同、「 窣」與「速」同、「忽」與「穀」同,皆 時 入聲似 方 不 音

十駕齊養新録卷五終

# | 蔚宗書當三史之一。

# 十駕齋養新録卷六

Ξ

史

嘉定錢大昕

《三史略》二十九卷,吴太子太傅 EI: 志・ 皆指此。 益。」」又《孫峻傳》注引《吳書》「留贊好讀兵 郡縣改異,及《春秋》、三史會同征伐地 書及三史」。《晉書・傅休奕傳》: 三史謂《史記》、《漢書》及《東觀記》也。 三史故事,評斷得失。」《隋書·經籍志》有 吕蒙 『孤統軍以來,省三史、諸家兵書大有 續漢書·郡國志》: 自唐以來、《東觀記》失傳,乃以范 傳》注引《江表傳》: 「今録中興以來 權 張 「撰論 温 間蒙 《吴 名。」 撰。

## 十三史十史

#### + 七 史

所見,或即「十七」之譌。 史確論》一百四卷,《類事類》有王先生《十 藝文志•史鈔類》有《十七史贊》、《名賢十七 七史蒙求》十六卷。 通鑑長編》: 讀十九史詩》賜近臣和。」十九史之名它無 唐》、《五代》,於是有十七史之名。《宋史· 宋人於十三史之外加以《南》《北史》及 「大中祥符八年七月,上作 陳振孫云: 「或曰王令也。」

## 十八史十九史

以元事,稱《十九史略》。 七史之外益 元曾先之撰《十八史略》二卷,蓋於十 以 宋 事 也。 明 初 臨川梁 孟 寅 益

## 監本二十一史

史無板者,購求善本翻刻。十一年七月成, 對修補,以備傳布。 張邦奇、司業江汝璧博學有文,才猷亦裕行文,使逐 年,錦衣衛閒住千户沈麟奏準校勘史書。 酒 不精,訛舛彌甚,且有不知而妄改者。」 十三經、二十一史,其板視 祭酒林文俊等表進。 補,仍取廣東《宋史》板付監,《遼》、《金》二 恐滋煩擾,上命將監中十七史舊板攷對修 張邦奇等請校刻史書。  $\sim$ 日知 録 欲差官購索民閒古本,部 嘉 至萬 靖 初, 南稍 《南雍志 曆中,北監 南 京 I, 禮 國子 部議 然校勘 以 嘉 又刻 靖 一校 祭 議 酒 七

萬 四 年,至 曆 廿四年,至卅 北監本《十三經注 廿一年畢工。 四年 疏》 竣事,板 廿 創 史 始 於萬 式 則 與 開 7 曆 雕 於 +

## 史記舊本

《索隱》云: 依《尚書》字。」按太史公多識古文,所 小司馬輩改竄者不少矣。 經與今本多異者皆出先秦古書,後 漸失其真。 史記 即「湯谷」一條推之,知舊本爲 「《史記》舊本作『湯谷』, 堯本紀》「居郁 夷, 日 暘 人 引諸 今並 校 谷」, 改

## 十二諸侯年表

壬辰」是 丑」、《秦楚之際月表》秦二 于徐廣。《六國表》周 史記》諸年表皆不記 也。 十二諸侯年表》共和 元 王 世元年「徐 干支,注干 元年「徐 廣 元 支出 年 廣 日 Z 亦 日

> 格,依此上推共 公以太陰紀年,故 徐氏之例,其爲後人羼入鑿鑿可據。 十年輒書「甲戌」、「甲申」、「甲午」、「甲 當有「徐廣日 注之例,唯於每王之元年記干支。此 公本文,曾不檢照後二篇,亦太疏矣。 甲寅」、「甲子」字,不特非史公正文,并 一格書干支,而删去徐廣注,讀者 庚申」字,今刊 和 必不值庚申,則 命太初之元爲閼逢 本乃 庚申 遂疑 於 最 ·爲徐 表 攷徐 且 辰 攝 爲 上 史 提 非 每 添 史

## 角里先生

注又何疑焉?

與東園公、綺里季、夏黄公俱出,定太子,號『姓周,名術,字元道,太伯之後。 漢高帝時生,吴人。《史記正義》引周樹《洞歷》云:《吴郡志・人物門》云:「前漢甪里先

庾、 言,皆當不妄。 出 先 夏黄公姓崔,於圈氏、虞氏説置 自 典録》載 公神祚机」,此即 爲 落多矣。 内 禄 四 秦之世,高祖 稱十一世。 於《留侯世家》但載《索隱》説,以 「皓。」 「則濟 生。」又云: 四皓之姓名里居,太史公既 述其先代; 秦博士 帜人,初不載《正義》之文,蓋《正義》之散 里村是。』」《史記正義》。今《史記》 崔之必是,而 難。」此 虞仲 史記 卷 避地 洪氏《隸釋》有「圈 [稱《陳] 翔 即咋不能一致; 正 『今太湖中 即 而《索隱》止載東園公姓 仲翔生於漢末,追溯鄉哲 義 굸 南 圈、黄之必非乎? 四皓之黄公也。 四皓之東園 × 留耆舊傳自序》, Ш ,惠太子以爲司 『角 鄞大里黄公潔己 洞 里 庭 先 公也。 無 公神坐」、「 而 Ш 生 明 惠帝恭 不取。 周 南 西 稱漢 文,安知 安知 術 北 《會 號 南 徒, 卷 雍 爲 中 霸 庾, 讓 周 愚 所 暴 稽 卷 至 公 刻 有 河 上

> 良可 之下,妄加 失傳,宋人合《索隱》、《 之必 嘆也。 居 河 测削, 内 而 使後人不得見守節真面 不 居 旲 正 乎? 義》兩書散人正文 史記 Œ 義

桁

#### 司 馬 貞

經》鄭 諸儒 請存 可。」今《補史記序》自題「國子博士宏文館 無 言,請二家 月殺青 唐書 易》無 傳 王弼學。 司 質 氏 · 劉 守節《 馬 辨。 子 斯竟」,而貞前後 學 貞、 夏 兼 知 非 傳; 博 正義 張 行, 幾 宰相宋璟等不然 康 士 守節 傳》: 「開 成 唯子夏《易傳》 司  $\sim$ 序》 老子》書 注,當 馬 二人新、 稱「 貞 序不見年月。 等 開 以 元 元 阳 無河 古 舊《 二十 初,嘗議《孝 意 其 文 請 論 唐 上公注 爲 共 罷 四年八 鵬 奏與 Œ, 其 詔 按 皆

又

學士」。● 唐制宏文館皆以它官兼領,五 밂

士係 以 避孝敬皇帝諱,或稱「昭文」,或稱「修文」。 F 爲 正 五 學 品 士,六品以 上,故得學士之稱。 下日直 學士。 神龍 或 以後 子 博

「母劉媪」,《索隱》云: 氏』,貞 學士當 八時打日 在 開元七年以後也。 得班固《泗 「近有人云『母温 水亭長古碑》,其字 《高祖本紀》 開元

七年仍爲「宏文」。

以題

銜

驗之,貞除

當是「膺福」之譌,先天二年爲右散騎常侍 昭文館學士,以預太平公主逆謀誅。 徐彦伯、魏奉古等執對反覆沈歎。」「膺復」 分明作「温」字,云「母温氏」,貞與賈膺復、 見《唐

書也。 書·公主傳》。今河内縣有《大雲寺碑》即膺 徐彦伯卒於開 元 一年。見《唐書》本傳。 福

貞 年輩蓋在 稱 與賈、徐諸人談議當在中、睿之世,計 貞 開 張守節之前矣。 元潤 州 别 駕 蓋由文館 《唐書 出 • 藝文志》 爲 別駕

遂蹭蹬以終也。

#### 吴 楚 通 稱

者、戰國時吳越地皆并於楚。 之後,吴、會稽皆項 士」,與此傳同。 名,其實一也。 吴、會稽輕悍」,此云「楚人輕 輕悍。」吴之師傅當是吴人,而《 ^ 吴 王 濞 列 朱買臣,吴人,而《史》稱「楚 傳》 羽故 地,故上文云「上 吴太 漢初 子 悍」,吴楚異 師 史》 承 傅 皆 項 稱 患 羽 楚 楚

0 宏」, 避清 高宗弘曆諱,當作「弘」。 下同此者,不再

### 漢書景祐本

平; 平侯 當作「百」。 衍。 傳》「景駒自立爲楚假王,在陳 「博水東北至鉅定」,「博」當作「時」。 者養之以福」、「之以」當作「以之」。 漢太守孫實,「實」當作「寶」。《五行志》「能 元成功臣表》「孝成五人」,「成鄉」當作「成 年春正月」,「元壽」二字衍文。《景武昭 志》「逢山長谷諸水所出」,「諸」當作「渚」; 樂」當作「樂」; 《枚乘傳》「凡可讀者,不二十篇 張歐、「寧」當作「宣」, 「樂成」下衍「龍」字。《百官公卿表》寧 予撰《漢書攷異》,謂《哀帝紀》「元壽 平喜侯史中,「喜」當作「臺」; 《韓安國傳》「梁,城安人也」, 安年侯王章,「年」當作 留」,「 俞侯 一,「不」 陳」字 樂費, 《張 ^ 地 良 宣 理 廣

一字,損二百一十二字,改一千三百三字」。
「起」。《佞幸傳》「龍雒思侯夫人」,「雒」當「亞」。《佞幸傳》「龍雒思侯夫人」,「雒」當「亞」。《佞幸傳》「龍雒思侯夫人」,「雒」當

## 地理志譌字

度,謂之析木之次」,「危」當作「尾」。次」,「東井」當作「軫」。「自危四度至斗六下自東井六度至亢六度,謂之壽星之

## 臣瓚晉灼集解

굸 二 十 四四 「有臣瓚者,莫知氏族,攷其時代亦在 隋 卷,應劭 書 經 籍志》: 撰。」按 顔 氏 漢 ^ 書集 漢 書 解 敘 音義》 例》

氏《七 音義》 其 晉 當有「等」字,殆傳 説,知《隋志》所載即臣瓚所集,非 作,乃謂之應劭等《集解》。 著録,故《隋志》亦遺之也。 於梁、陳,南方學者皆未之見」,王、阮既未 十四卷不載於《隋志》,則師古所謂「東晉迄 一人。《隋志》多承 末, 初。 刘是其 略》並題云然,●斯不 凡二十四卷,分爲 總集 諸 書,而 家音 寫失之也。 義,稍 阮《録》舊文, 後 人見者不知臣 兩帙。 以己之所見 王氏《七志》、 審 晉灼《集 耳。」依 今之《 則應 出 於 劭 應 小 瓚 集 續 解》 劭 阮 下 顔 所 解 厠

## 漢書注本始于東晉

中 服 朝, 虔、 應劭 爰 漢書敘例》云: 有 等各爲音義,自别 晉 灼 集 爲 部,凡 漢書》舊無注 施 + 行。 四 卷, 至 典 號 午 唯 日

> 《漢書集注》。 謨全取 也。 所見續厠其末,凡二十四卷,分爲 時代,亦在晉初,又總集諸家音義,稍以己之 學者皆弗之見。 至蔡謨乃取 行,即晉灼、臣瓚兩家亦不注于本文之下,直 注本。」據此知不獨 小顏所注蓋依蔡本,而稍采它書附益之。 臣瓚 臣瓚書散入《漢書》。 一部散人《漢書》,自此 屬 永 有 臣 嘉 服虔、應劭音義 瓚 喪 者, 亂, 莫知 金 行 謨固東晉人 氏 播 以 兩 族, 遷, 各自單 帙。 來始 攷其 南方 有

## 後漢書注攙入正文

大字溷入正文。予嘗見南宋本及明嘉靖己字,本章懷注引謝承《後漢書》之文,今誤作《郭太傳》「初太始至南州」以下七十四

■「略」,據《漢書敘例》當作「録」。

西 已 傳前後皆稱林宗字,不應忽爾 福 載《黄憲傳》,毋庸重出 建本,皆不誤。 蔚宗書避其 也。 稱名,且其事 八家諱 於此

#### 張 堪

也。 也。 名小異,郡望無改。 卷所稱「張君爲政,樂不可支」者,即其人 彼傳云南陽宛人,此云南陽西鄂人,縣 張衡之祖父堪,蜀郡太守,列傳第二十 何屺瞻謂别是一人,非

## 章懷注多譌字

^ 和 帝紀》注引《説文》「肇,音大可反」,

大可」當作「直小」。

 $\sim$ 李通傳》注引謝承《書》「安衆侯劉

> 崇, 「崇」當作「寵」。

《馬援 傳》注「父仲又嘗爲牧帥令」,

鼓城之譌。 州故城縣西」。 帥 《馮衍傳》注「曲 當作「師」。 毛本作彭城縣。「彭」與「鼓」字形相涉而 案 陽, 唐 定州 縣 名,故城在 無故城縣,蓋

今定

譌。

非章懷之誤也。 語之人」文。校書者誤依今《禹貢》本改之, 傳《尚書》本亦是「鳥」字,故章懷引以注「鳥 「島夷」、《漢書・ 日 島 《度尚傳》「椎髻鳥語之人」,注引《書》 夷卉服」。 地理志》作「鳥夷」,鄭康成 「島」當 作「鳥」。 禹

#### 王 充

王充傳》: 「充少孤,鄉里稱孝。」按

神。 也。 文無行,名教之罪人也。 聖賢」,蓋自居于聖賢而訾毀其親,可 之志。父未嘗笞,母未嘗非。」不云「少孤 論 衡·自敘篇》云: 其答「或人之啁」稱「鯀惡 顔路庸固,回傑超倫。 「六歲教書,有巨人 充而 孔墨祖 稱孝, 禹聖, 叟頑舜 思,丘 誰 謂 則 非 有

## 陳蕃傳二郡字

也。 陽者、太原屬縣、故瓆得案其罪。 猾 原太守劉瓆案趙津、南陽太守成瑨案 項、成瑨考案其罪。」 史所稱「二郡」謂 張汜等奉事中官,乘 據《王允傳》稱「小黄門 下 陳 無一 傳 晉陽」字,則「二郡」文不可 時 小黄門 執犯法。 晉陽趙津」, 趙 津、 此傳「小 郡 南 張 太 陽 晉 大 通 氾 太 守

## 孔融傳誤

矣。

祗 雜 敦以建安十七年封,其時融已歿矣。 紀者有東 而 東海王疆之元孫,非獻帝子,且立 薨 注 采它書,往往自相乖戾如此。 薨,初非沖幼,此傳殆誤矣。  $\sim$ 孔融 海 傳》建安五年「南陽 「並獻帝子。」案: 王敦,東海疑北海之譌 王 獻帝子見於 東 馮、 説見《攷異》。 四 海 + 東 王 蔚宗 四 祇 海 年 乃

### 許慎傳漏略

家」,不言仕于何朝。今按《説文•自序》但云「爲郡功曹,舉孝廉,再遷除洨長,卒于《儒林•許慎傳》太疏略。敘其歷官,

駕 齋養新録

古學, 甲申 承,而 侍中 已病」, 云 閤 平 尚 子歲也。 張 攷《和帝紀》: 中騎都尉,十三年卒。 字》。」是慎 書,稱「臣 説文》引漢 祭酒時府主非 元年,禹遷太傅, 酺代之。 無恙,其爲太尉南閤祭酒亦當 而不名。 史略不及之,此其疏也。 博 則 是 永元三年爲左中郎 問 父故 太 其 在 其 爲賈逵弟子 十二年酺 (著《説 永元 通 人 尉 子 説皆直 太 沖 南 人, 致之於 沖上書云: 永 張 困敦之年, 閤 尉 於安帝 文》在 元 酺 而徐 南閣 祭 五 即 稱 免, 酒 是慎 無疑。 年,太尉 和帝永 張 防 其名,唯賈逵稱 祭酒」,又云「今慎 乃 建光 代之。 而 禹 將, 逵, 其 、撰《 孟 也。 張 所終之官 慎 元 作 漢 唨 禹 八年復 元 (説文》 尹 在 年辛 代之。 本從 十二 之 是慎爲 儒 沖上書又 ^ 攷《賈 睦 永元時。 説 最 月 免, 逵 時 文 酉 爲 年 朔 重 也。 「賈 而 受 逵 南 延 侍 逵 解 上 庚 師 日

> 等, 言 慎 此事 前 以 亦當見于傳。 詔書校東觀,教小黄門 孟 生、 李喜

### 司 馬 彪續漢書志附范史以傳

《史》紀傳,又取司 請。 元文也。 補 不知昭《序》已明言司馬 其遺文,申之奥義。 劉 日牒,具列奭 於范《史》實始於宋 與章懷太子所注范《史》九十卷各别。 《注》遂 昭 蔚宗之闕,故 述之於後。 今北宋槧本 劉昭《注補後漢志》三十卷,本自 廢。 厥後章懷 惟《志》三十卷,則章 奏,其略云: 於卷首特標 ·前載 始 馬 太子别注 因亡逸,終遂補全。 乾興元 氏《續 蓋誤以《志》爲蔚宗作, 乾興元年十一 紹統矣。 漢 年, 范氏作之於前, 注 志》兼注之, 范 補 蓋 《史》, 昭本注 懷以 明 因 月十 非 孫 單行 非 蔚 其 而 奭 范 宗 范 四 併 图

得 氏 統 氏 史》 舊名 以 傳 書, 並 留 補 故注不及焉, 范闕, 至 列學官,謂 且訂 今。 宋明 因 然 冒《後 司 刊 宜 馬 而 本沿襲之失。 改題《續漢志》, 史 漢》之名。 司 實 馬、 名《 劉一 續 家 今既 漢 以 書 之 復 書 與 范 幸 紹 劉

## 安縣即婁縣之譌

字。 屯 唐 年 攷 有脱漏, 志 置,前  $\overline{\coprod}$ 而 前 因 ^ 增安縣」, 書、晉、宋《 典 初 續 (農 無 又增「婁」於無錫之後,并改 婁」譌爲「安」,校書家 無 漢書 以 校 所承,後無 盧 安屬 尉」,當 又謂「建安中, 能《 郡國志》: 志》皆無之,此志 屯 蘇蘇 田 在 州 所 典 無 府 并, 農 錫 志 校 疑 以 孫 吴 謂「東 尉之説 不能是正 西。 即「婁」之 權 郡 亦不 有安 以 然 十二 漢 安 未 沈 縣 省 載 縣 一,疑 約 城 壞 審 屬 錢 何

> 字, 所立 注 武 監 盧 葬 本未必 城 城, 氏 新 中。二兩 何據,大 刊本 以  $\overline{\ }$ 闔 越 備 閶 非 依 絶 春 所 也。 **》云** 縣 宋 約 申 築 俱有 君, 本 後 ^ 以 漢 增 人臆 使其 備 ·備越遺迹,益信安與 -之。 志》婁縣 有 越。」《 造耳。 西 其實 子守之。 岑 續志》 下云 冢, 宋本未必 監 本 越 子 安 無一 王 死 縣 孫 有 婁 婁 遂 開 下 南

## 平原有西平昌縣

非

一地矣。

平. 平昌縣,乃知 「西平昌 平昌置爲千乘」,疑「西 及讀《宦者傳》「彭愷 原文相次, 予校《郡國志》,至樂安國下 在平 遂錯 西 原 平昌實平原屬 郡。」 入注 又《 爲 中 平昌」三字爲 西 晉志》平 平昌 當改 縣, (侯) 作 一云「高 原 因 大字 注云 樂 或 衍文。 帝 移 安 有 於 與 西 西

平原 以 異》矣。今檢漢 陰有「門生平原西平昌 漢人述漢郡縣 郡 縣之末。 碑, ,尤可信吾言之非妄。 已載 又 得 王端子行」一 其 \_ 證: 説於《廿二史攷  $\sim$ 魯 人, 峻 碑》 此

## 永憙年號

子堅 年二 州 之與「嘉」,文字易貿 沖帝即位改元, 史傳 校官掾 石 嘉之爲「永憙」也? 文者幾希,非此刻出,於今日孰知漢 作 蒲 一跋 月十二 ·兩闕狀,有文二十九字,云: 江 史 王幽字珍 縣 繩 云 上 祖《學齋占畢記》: 日蜀 乘院僧築殿,闢 永憙之號,不見于史。 儒。」 郡 臨 相承 亂 繩 邛 祖 漢安鄉安定 以爲 之大父勤齋 年而 地得 淳熙二年, 永 改,見 古竈, 嘉。 「永憙 沖 里 帝 於它 先 公乘 其 按: 惠 永 生 元 封 邛

## 三國志注誤入正文

短乎? 榮貴而 史臣於本傳略 爲」云云, 當是裴氏 治身不穢,此三反也。」陳少章謂劉 肅 它人說,少章之言是也 方於 魏志・ 予攷承祚諸 不求苟 事上 與此 注, 而 王肅傳》評末云: 無貶 譙 正 合,此二反 好下佞己, 同。 周 詞,豈應於評中更摭其 傳》評後注引「張 評 肅 文簡 爲 也。 此一 晉 武 而要,從未 吝 反 帝 悟 也。 劉 外王 寔 財 寔 璠 以 物 性 以 下 嗜 丽

文也。 有贊而 嗣、 于篇。」此二行及王、常、衞 常播、 《蜀 最 無傳者附 志・ 衞 後 有云: 繼三人,皆劉 楊戲 注 傳》載《季漢 爵  $\sim$ 里 益 於下, 氏 部 耆 王 三傳 蜀 舊 輔 注 時 雜 皆裴 臣 亦 記》 **一費》**,其 承 松之 載 故 祚 録 王 本

文則大誤矣。 聞,此亦裴注之恒例。 等三人姓名不見於承 注下既各引《雜記》以 遽引其書。 注,今刊本皆升作 正以諗讀史者。 志》無之,或云陳 「晉書》本傳及《隋經籍志》,若《雜記》則《 蓋裴氏 承祚 紨 大字,讀 撰,亦必晉 於 作《益 補 李孫德、李偉 祚 今承譌已久, 書 本注之闕,而 部耆 者 ,故附録 亦 人,不 仞 舊 爲 傳》 特爲 南 以 應 承 見 博  $\pm$ 承 祚 隋 辨 異 嗣 祚 于 正

## 徐詳當有傳

儀,詳 者, 末云: 陳少章云: 又附《 吴 事 志》 迹 徐祥者, 可稱 綜 是 承祚 傳 儀、 評 書凡 吴郡烏 胡 而 皆 綜二人 評 不 不 云「是儀、徐詳、 及之。 程人也,先綜 立 傳 同 傳。 而 今綜 附見它傳 綜 次 死。 傳 胡 於

> 數語 史例。 任。 嘗以 綜,其 綜皆 略 立 貞 陳氏之評 素, 見其幹 解 侍中偏將軍 煩 則 孫 攷詳通使曹公,唯一見《孫權 非附見《綜傳》可 詳 出 兩 意詳自 權 數 略矣。 部 自 時 則 通 詳 幹 後 固 使 興 有 人附 屢 領左都督。 傳, 事 爲節度官, 命, 奉 業 益 -使稱 而偶逸之。 綜文采 者 也。 知。 也 旨矣。 據《綜 又《江 典掌軍事,亦 無傳 才用, 又云「儀 《綜綜 有評, 評 傳 表傳》,詳 各 ×, 先 傳 傳》 見 孫 似 詳 可 權 末 後 如 乖

### 新音書

論 纂録,而晉宣、武二帝紀,陸機、王 八家,制作雖多,未能 出 太宗自撰,故卷首題 唐太宗貞觀 十八 年,以 盡 善,乃 「御撰 前 勅 後 晉 史 羲 而 官 之二 史 不 + 列 更 史 傳 加 有

《晉書》,而不及御撰之本,迨安、史陷兩京, 稱。 故籍散亡,唯存貞觀新撰書,後世遂不知有 之書具在,故劉知幾《史通》有《新晉書》之 臣之名。 是臧榮緒書也。 新晉》之名矣。 《尚書正義》所引《晉書》,今本無之,當 然當 時 王隱、 李 善注《文選》備引諸家 何法 盛、 臧榮緒諸 家

## 晉書敘例

#### 

《舊晉書》無劉伶、畢卓傳,《新書》始增

之。

劉

遺民、曹纘皆于檀氏《春秋》有傳,今

《晉書》無其名。

本出劉敬叔《異苑》,蕭方等《三十國春秋》晉武庫失火、漢高祖斬蛇劒穿屋而飛,

始采之、《新晉書》亦采焉

小人,終見嗤于君子矣。」
之所糠粃,持爲逸史,用補前傳,雖取悦于多采以爲書。夫以干、鄧之所糞除,王、虞説》、《幽明録》、《搜神記》,皇朝新撰《晉史》

## **眷僑置州郡無南字**

《宋書》本紀,可 後 時 淮 南 初受禪以 二兖始分,然僑立之州 北實郡。 州,但以刺 之名如故。 青、徐故土,乃立北青、 青州 改 州 E 志》謂晉成帝立 閒 篇》 稱 爲 俱不 南兖、 及并州, 南 南 謂 後,始 義熙末,乃以兖州 渡 兖 明 史治 加「南」字。 後, 其 南 州 帝 時 青 此 謂 詔 僑置徐、 以 廣 則 究境 也。 南兖 據 信 除「北」加「南 陵, 郗 甚 後 圃 鑒 誤 或治 亦收復,不 乃《晉 州 北 來之名追 有徵矣。 猶 爲刺 矣。 劉 兖、 徐 寄治京口,時 不 裕 淮 刺 州 稱 青諸州郡 史,寄居 書 攷 滅 陰, 治之, 史 南一。 一, 此 《宋 東晉 南 稱之, 治 别 地理 而 燕, 滑 書 詔 遥 立 而 之世 廣 臺, 至 志 非 又 載 領 北 僑 收 於 陵, 立 州 於 永 而 淮 兖 置 復 江

> 甚者。 州 州」,此皆誤采《宋志》之文,而 北 東 者 史家昧於地 南 南 進,立南 徐、兖二州刺史或分或合,自郗 東莞、 海、 乎? 泰 徐 「南」字,元帝渡江之始未嘗有北 刺史者 州 Щ 南 南平昌、 彭城等郡 琅邪、 南 明帝 徐 紀 理,無 濟 州 傳 陽、 篇》 又 南 立 南濟陰、 屬 東平、 知妄作,未有如《晉志》之 云 南 미 南 南 魯等 致, 沛、 徐 南蘭 元 州 易嘗· 郡 南 南 帝「 濮 清 以 又置頓邱 陵 以 陽、 有 不 鑒 河 屬 等郡 徐、 知 江 稱 以 南 南 徐 晉 乘 後 南 州 太 下 時 分 置 兖 領 平 也。 邳 本 兖 武 南 州

## 晉書沿襲之誤

邑、 聞喜、永安、 地理 志 . 司州篇》「 臨 汾、 恒 農、 僑 立 譙、 河 松 東 滋 郡 大 統 戚

爲縣, 飯矣。 耳。 誤 莞,不屬城陽,《志》以此十一縣皆屬 縣 志》謂「永初郡 等郡,攷晉時無太平郡,蓋 史臣不能更正,遂若晉人預避隋諱,此 安、高密、平昌、營陵、 改「廣」爲「大」,後來校書者又妄改作「太. 青州篇》「分城陽之黔陬、 也。 也。 縣爲高 《隋**書**• 即廣梁也。 屬南太山 營陵、安邱、廣、劇、臨朐五縣皆屬 《徐州篇》載明帝立 隋人避煬帝諱,改「廣」爲「大」,唐 大戚者,廣 密國」。 地理志》敦煌郡有大至,即 國 大德,即廣德也 者」是也。 有 大,亦縣名,即東莞之 廣平郡,寄治 戚 安邱、大、劇、臨 也。 據《宋書 此 廣平之譌。 南太平、南 壯武、淳于、 亦沿襲隋 廣至也。 丹徒,後省 州郡 城 宣城郡 胊 泰 《宋 陽 미 法志》。 諱 Ш 噴 廣 + 昌 亦 東 初

#### 濟陽 乃 濟陰之譌

不可 今亦 分陳 矣。 同。 定陶,可證 陽,蓋濟陰之譌。 單父、城陽。」當作「成陽」。 定 地志》爲斷,故不列濟陽之名。 今濟陰定陶縣」,則此九縣 **壶**,濟陰冤句 二,漢、晉屬兖州,領成武、 陶、 單父、城陽四縣。」永初郡國又有 無攷。 但晉時 混 留 乘氏、 地理志》: 爲濟 而 爲 此「濟 [陽國] 自 句陽、 要之濟陰自濟 0 人」,杜 有 《志》既不書惠帝 濟 」者是也。 陽 《宋志》: 離 濟陽郡, 陽 狐、宛 元凱《左傳 爲譌字。 郡。 攷 陰、濟陽自 屬濟陰益無可 《宋志》謂 《晉志》以《 冤 句、 漢 漢 「南 置, 句、「冤」 所置郡 已 濟陽所 又列傳「卞 注》「曹國, 濟 氏、成武 統 分濟陽 陰 縣 句 濟陽, |與「宛 太 晉 太 無 領縣 九 陽 康 守 疑 惠

有大梁

也。似史臣竟誤仞濟陰爲濟陽,非由傳寫之失

#### 樂安國鄒縣

誤脱「梁」字。《日知録》致之甚詳。《晉志》樂安國有鄒縣,當是梁鄒縣,史

## 吴興郡脱一縣

爲正 證。 及陽羨者, 孫 皓  $\sim$ 改 陽 周 屬吳 羨 處傳》「義 而 縣 漏也。 立,處生前未有此郡,當書 興。 前 漢 ^ 晉 興 後 屬 陽 有「吴興之陽 會 志》吴興 羨 稽, 人」,義 後 郡 漢 統 屬 興 羨 縣 旲 郡 郡, +, 吴 語 因 不 興 處 吴 可

#### 西郡非漢置

分, 或 删 漢魏增置亦無之。 志》 丹、 而 涼 H 仙 漢 州 勒、 末 提、 有 不 删 萬 西 ·聞有西郡之名,即《總序》所述 滅、蘭 郡, 丹屬張掖郡, 漢 池。 置, 按 統 是此 縣 五 司 郡由張 馬 彪 日 勒 郡 掖

#### 青州脱北海郡

陰、 按: 郡 所領無一同者。 統 縣 祝 縣 證古地名,濟 五 阿諸縣 漢之濟南治東平陵,領 地 理志》青州 平壽、下密、 而平壽、 杜元凱《左傳集解 南 無北 有 即 歷 海 膠 墨 城、平陵、 郡, 東、 自 縣 屬 即 丽 + 北 墨、祝 有 》皆以 四 於 海, 濟 南 與 與 SII) 此 此 濕 晉

著、平 志》: 莞。 未 屬 縣 昌 歷 逢 海 志 下云「晉日 王、凌爲 武帝紀》, 城諸 陵、 遠 北 、膠東、劇、即 下云「晉《 其餘 無 海 濟 校 陵、於 平陵 故當 膠東、即墨、 史家 也。 縣 唯 南,《 濟 則 北 Ŧi 仍 有 東 泰始 南 海 歷 縣不云改屬 不知文字爛脱,乃 取 六 杜元 太康 陵、 屬 祝 朝 志 王。 太 城 縣。 以 濟 阳 陽。《 諸 守 祝 墨、下密、平壽  $\overline{\checkmark}$ 元 爲 凱生于晉 地 南 都昌 殆 領 兩 年封 SP 縣 唯 縣 信。 志》 也。 (太康 郡 誤 諸 歷 皆 土 相合, 諸 則晉 同 矣。 晉所 皇從 縣 城 屬 一鼓、 蓋 又 縣 地志》屬 時 琅 濟 世 北 朝陽、 建 逢  $\sim$ 北 邪」, 有 叔 餘 時 以北海屬 一沈休 北 南 海 宋 國 六 陵 海 也。 平 父 皆 海 郡 郡 了, 不 書 著、土 都 壽 今《志 縣 太 遂 樂安」, 乖 領 領 昌 守 文去 縣 諸 朝 聞 爲 縣見《左 歷 平. 州 領 縣 縣 | 屬 唯 陽 下 并 濟 一鼓、 壽 城 晉 云 X 仍 劇 都 則 縣 郡 北 南 又 東

 $\sim$ 

之濟 欽引《與 南 地記》。 後 豈其然乎? 遂 謂 晉以 平 壽 爲 濟 南 郡 治,

#### 濟 岷 郡

平原 縣。 前 縣 所 豪 寧併營城。 地 晉志》 起居注》: 濟 并所領 立,而 也。 理 將 岷 蒙上永初 志》無 郡,領 家 濟 郡江左立。 又稱 之誤。 於 南 宋 濟 郡 初 先是 茌 此 河 下 徐《志》有 縣 元嘉十一年 尚 平、 郡名、未之詳。」予謂 北,故 又 郡國之文,是 省 攷《宋志 改隸 有 領營城、晉寧、江左立。 궁: 濟 臨 此 岷 平 改爲濟 郡也。 菑、 郡 -原,在 南 爲 或 • 南 縣。 以 誉 東平郡, <del>-</del> 城、平 岷 平原之濟 濟 又 是 元 兖 郡 魏 岷 稱 嘉 濟 州 平. 郡 何《 + 岷 原 領 篇》 而《太 蜀 此 郡 本 志》 四 岷 凡二 條 年 廢 江 굸 徙 朝 以 爲 有 亦 康 其

于

東平 領縣 陽、 濟 菑 矣其無識 修《晉史》者采 而 志》自不應有 平 岷 知其誣矣。 歷 -併廣 人南 城、 原十縣,是元 郡 樓煩、 也。 僑置 陵, 東平郡也 此郡, 則并南東平之名 濟岷 并 無稽之談,不一檢照正 陰 合之迹、《宋志》歷 觀、 嘉 郡本江左立,則《太康 而 又稱孝武 以 「徙蜀豪家」之説不 廣 後 武 又 在平、營城、 并 平 大明五年 亦不存矣。 原 歷 郡及 史, 甚 可 致, 辨 以 地 所 臨

豫

州

也。

#### 豫州之沛郡

月, 領 成帝 徐 謨 州、揚 州 蔡 紀》。 爲 刺史。」按 謨 鑒 傳》 州之晉陵、 軍 《紀》 司, (蔡謨 即 書郗 拜 代 豫 征 鑒任, 鑒 領 北 州 薨 徐 將 之沛 于 州 必 軍, 刺 咸 在 郡 史不 是 康 都 諸 年 五 督 軍 年八 見于 徐兖 秋 事, 冬

> 間 州 徐州當在 編户,王公以下皆正 了, 江 矣。 左分 <u></u> 宋志》南兖州 咸康七年以後, 配。」案: 土斷 沛郡 成 帝 故《蔡謨傳》 白 下云 咸 籍。 康 七 沛 年 郡 舊 四 猶 改 屬 月 繫 實 豫 配

#### 幽州之燕國

《謝 陵、 熙 有 書 見 督揚豫徐兖青五 土斷 此 下 州郡志》 继 元傳》: 相、廣陽 二條,而《 州之 謝安傳》: 後省燕國并入淮陵 燕 `南徐 或 都 縣 地 諸 督 州、 州 理 軍 領揚 徐兖青三州、 淮 志》未之及焉。 廣陽當是燕 事。」江左僑 幽州之 陵下云「永初 州 郡 刺 也 燕 史, 國 加侍 國屬縣 置 揚 諸 州 燕 軍 郡國 攷《 中 之 或 事 宋 又 唯

## 内史太守互稱

帝紀》 志》: 稱之。 亦 則復稱 太守也。 史,本傳。 氏《異林》。 它如陸雲稱 太守、《元帝紀》。 史爲丹陽尹」。攷丹陽未嘗爲 而《顧榮傳》以 稱 太 漢制,諸侯王國以相治民事,若郡之有 》誤矣。 如《元帝紀》: 守; 元元 太 拜丹陽太守, 亦稱太守, 守。 晉則以内史行太守事,國除爲郡, 桓 帝 清 彝 王 桓 改 爲 河内史,本傳。 稱 然二名往往 温 亦稱 曠 内 宣城 丹 蘇 亦丹陽太守,見《陳敏 史,其誤與《元帝 峻 陽 内史, 《成帝紀》。 中興 諸 内 太興元年「改丹 太 傳。 史、《成帝 守 建轉 混 蘇 爲 亦 ^ 淆, 石勒 王國。 峻 稱 尹。 孫 尹。」 太守, 史家 稱 默 紀》及本 載 記》。 歷 ^ 稱 紀》同。  $\sim$ 則《元 薛 地 陽 陽 亦 琅 傳》。 傳。 互 周 邪 内 兼 理 内 陸

> 傳》。 史 廣 稱 豫章 王 名士傳》。 承 内史、《元帝紀》。 稱 東海 此 類 太 譌 守、《王 混 相 亦 承 稱 湛 傳》。 太 史家 守 亦 不 稱 能 華 内 釐 軼

# 沙門入藝術傳始于晉書

而

正之也。

史, 僞 佛 史不爲此輩立傳。 武之世緇流 無習之者。 圖 之朝,與晉 唐初史臣 澄 後漢明帝時佛法始入中國,然中國 僧涉、 有蒙寵幸者, 晉 可謂 無 鳩 南 涉, 摩 渡 無識之甚矣。 後,釋 丽 羅什、曇霍 至《晉書·藝術傳》 采其誕妄之迹闌 然沈約 氏 始 盛。 四人,皆 姚思 宋文、 乃 廉之 在 Œ 僭 有 人

譏矣。 記。 晉之《列女》,是爲允當,不當與劉、苻、慕容 斷之法何在? 牛不相及之人與中邦巾幗同爲一科,於限 毛、慕容垂妻段等守義不污,自當 善者也。 氏、西涼李氏不失臣節仍歸 概而論也。 其家既非晉臣、又非晉詔所褒,以 晉書》以僭僞諸國别 張天錫、李暠本爲晉臣,其妻妾人于 至如劉聰妻劉、苻堅妾張、苻登 敬播諸 人難免師 爲 列 載記、 傳,此 心自 附 史例 前 用 風 于 涼 之 馬 載 妻 之 張

嘉 祐校七史

長編》: 嘉祐 六年八月庚申,詔三館

十駕齊養新録卷六

祕閣 訂語,它史無之,蓋後來失去。 史,書有不完者訪求之。 嘉祐校刊之本。《魏書》每卷末間 校宋、 齊、梁、 陳、後 魏、 今世所傳 後 周、 有史臣校 北 皆 齊七 出

于

#### 南齊書序録

功,以 幾云: 「人有本字行者,今並書其名。」 存,蕭子顯之《序録》不復見矣。 以「序」爲名,其實例也。」今沈約《志序》尚 「沈《宋》之《志序》、蕭《齊》之《序録》,雖皆 《後魏》、《北齊》兩書皆有《例》。 《南齊書》有《序録》一篇。 爲己力。」又引百藥《齊 「魏收作《例》,全取蔚宗。 劉 書例》云: 知 貪天之 幾 劉 굸 知

643

五三

諸

史

殘

闕

《宋書》闕《到彦之傳》,見《書録解題》,

蓋宋本已然。

孝嗣》、《高麗傳》各闕一葉。《南齊書・州郡志》、《桂陽王鑠》、《徐

《魏書·地形志二》下卷有闕字。

爲東魏孝静帝,而《傳》末皆不見其名,知此京兆王愉之子爲西魏文帝、清河王懌之孫闕佚,僅存卅二字。汝南王悦篇亦多脱文。

令加侍中」,凡六百六十七字皆《李崇傳》文《邢邵傳》内自「請置學」至「累遷尚書

卷文字脱漏多矣。

誤

人。

#### 緹 裙

Щ 門名也。 望, 隗囂況之。 欲爲天子,遂破滅。」 囂少病 天可上,地上安得民?』時隗囂起兵天水, 一出吴門,望緹群,見一蹇人,言欲上天。 五行 天路  $\wedge$ 南齊書·始安王遥光傳》: 何階?」「裙」當作「群 緹群,山名也。 志》 《郡國志》天水郡 「王莽末,天水 遥光亦病躄,故 蹇。 冀縣 吴門, \_ 童 有 緹 謡  $\sim$ 緹 冀 續 裙 E 群 郭 **\$** 漢 可

#### 夷齊字誤

曰: 『平仲古稱奇,夷齊昔擅美。令則挺《南史‧明山賓傳》: 「昭明太子贈詩

矣。 此 高帝紀》: 録》据《梁書》「夷齊」作「夷吾」正 伊賢,東秦固多 東 又謂東秦當作東 西秦也,後 田 士。」 人因 肎言秦得 稱齊地爲東秦。 齊, 孫 頣 則誤甚。 百二,齊得十二。」 谷 志 祖。 《漢 其誤, 讀 書 書 當 脞

## 官名地名從省

序》。 九江 官志》。 祕」、《北史・伊馛傳》。 散」、《晉書 中鎮撫」,領軍、護軍爲「領護」、《 驍 秘著」、《南史・郭原平傳》。 游」,《 零陵、桂陽爲「零桂」、《吳志 爲「盧九」、《晉 六 此官名之割裂 朝 南史• 陳 稱 壽》、《王 黄 何 門 戢 1書》伏 中 傳》。 敦 侍 而無 傳》。 軍 郎 滔 驍騎、 中 鎮 義 正 散 祕 軍、 書、 者也。 淮 騎 書、 • 步騭吕蒙朱治 綸 游 撫 袐 常 著 擊將 南 軍 書 侍 稱盧 作 齊 將 爲 爲 書 書 軍 軍 郎 江 爲 中 爲 爲 黄 Ĕ 志

> 傳》、《宋書· 爲「衡定」、《南史・ 平」、《南史・梁宗室傳論》。 無義者也 晉安爲「建晉」、《陳書 犍爲、廣 西征賦》。 稽陰」、《陳書 《漢爲「 犍 志 爲、 序》。 犍廣」,常璩《華陽國志》。 牂 褚 棘 張纘傳》。 玠 柯 門 傳 . 爲 蕭乾傳》。 定襄侯祇、衡 霸 犍 河 此地名之割 上 牂」,左思《蜀 閒、 爲 會稽、 東 棘 平 霸 Ш Ш 爲 建 都 裂 陰爲 侯 「閒 安、 賦》。 潘 恭 而 岳

唐人稱拾遺、補闕曰「遺補」。《<sub>唐書・溫</sub>

造傳》。

紀聞》。 掌」、《職官志》。 練爲「防團」, 宋人稱 節 節度、 提 度、 刑、 觀 觀察掌 轉運爲「提 察爲 一節 書記、支使爲「支 察」, 轉。 防 見《涑水 禦、 專

宗紀》。金人稱防禦、刺史爲「防刺」。《金史・

宣

唐人稱咸陽、華原爲「咸華」。杜子美詩。

刻》。

元人稱慶元、紹興爲「慶紹」。《海運圖石

# 新唐書明皇二十九女

之數。 理。 其責矣。 其封年。 以 女,非明皇女也。 蚤薨,咸通九年追封。咸通,懿宗年號也, 何人。予考傳載明皇諸女中,有普康公主 吴氏糾其謬,謂公主數多 明皇女而 攷懿宗八女中正有普康公主,傳 唐書·公主傳》「明皇帝二十九女」, 然史文踳駮至此,校刊諸臣固 乃悟 追封於懿宗之世,殊爲不 咸 通 若去 九 此 年追封者必是懿 一人,正 一人,然不言所多 合二十九 難 不 近 宗 逭 著 情

# 本紀一事重書而年月違錯

焉。 月《南郊赦文》云: 紀》元和十五年二月又書「丹王逾薨」。 紀》書于十年者誤。 謂卒於貞元十七年者誤矣。 王遹,各賜物一百匹。」則實 兩王之薨年必 「元和十五年薨」,與《穆宗紀》同, 憲宗紀》元和十年「丹王逾薨」, 文宗紀》開成三年八月 ^ 予攷宋敏求《唐大詔令》載寶歷元年 德宗紀》貞元 有一誤,而吴氏《糾 十七七 亞 年「嘉 又 獻嘉王運,終獻 書「嘉 歷 <u></u> 丹王 初 王 運 運 王運薨 謬》不 而《穆宗 則《憲宗 逾 尚 薨」, 傳》稱 無 正 及 此 丽

# 宗室世系表脱漏

不 卿 僕 益 載。 狹,譜牒散亡,史家無所徵信矣。 制》,此兩嗣王之名《宗室世系表》皆闕 少卿制》、錢珝撰《宗正卿 唐大韶令》 蓋唐 中葉以 載 後,宗室嗣 元微之撰《 嗣 鄭 嗣 王入仕之途 E 虢 遜 王 大 溥 理 太 而

## 德王裕本名佑

書本可通用,吴不攷而妄糾之。 書「改名」一節耳。「祐」「佑」偏旁小異,古是初封德王時正名佑,《紀》本不誤,但傳失佑,朕之元子,可册爲皇太子,仍改名裕。」按《唐大韶令·乾寧四年正月制》:「德王按《唐大韶令·乾寧四年正月制》:「德王

#### 彭 王 惕

可信。 王,相距七十八年,即 年庚子憲宗崩,至乾寧四年丁巳韓 殺之石隄谷。」按惕爲憲宗子, 嗣王者,《傳》輒以惕當被殺諸王之一,恐未 兵乎? 憲宗子《彭 《昭宗紀》不書彭王名,當是惕之後 E 惕傳》: 使惕尚在 乾 自元 寧 贵 中, 建 復 和 能 殺 + 韓 諸 領 五

#### 通王滋

師 滋與諸王分統安聖奉宸 始王夔。懿宗立,徙王。 爲 《宣宗諸子傳》 .韓建所殺。」按《懿宗紀》: 通 保 昭宗乾 寧安 王滋,會昌六年 化軍,衛 寧三年,詔 咸 通 京 四

**一駕齋養新録卷六** 

五七

十駕齋養新録

宗子 嘗 豈 所 年 意 變王 殺 徙 口 八 月, 通 傅 者 封 有徙封之事 王 會 乃 通 夔王 諶之後 通 E 爲 也。 王 滋 滋, 人? 若 嗣 非 封者, 昭 失其實矣。 是 子 夔王,兩王 宗時 滋 謂 史臣 薨 建 領侍 於 所 不 懿 殺者當是 衛軍 一名偶 能 宗 深致, 之 爲 世 相 韓 同 妄 德 建 未

#### 沂 王 禋

所 爲 玉。 韓、 傳 延 王**、** 殺 昭 王戒丕、 沂、 諸 則云十 近王、嗣 昭 王皆 陳、覃、延、 且 子 宗紀 昭 而《 疎 嗣 宗諸 韓 王, 丹 屬, 稱 昭 Ę 王 謂 韓 子 宗 史家失其系胄, 元,凡 丹 嗣 通 建 禋 諸 十王 陳 殺 次居 王 子 Ŧ 滋 , 傳》不 通 九 也。 與 王 六,其 王。 嗣 睦、 滋、 覃 言 紀》無 《宣宗諸 濟、 王 沂 時 禋 獨 嗣  $\pm$ 必 爲 沂 韶 濟、 周 禋 未 韓 王 睦 彭、 典 禋 子 建 嗣 韶

> 事,殊 耳。 沂 兵, 王 耳, 王 亦 何 疑 未 不 昭 故 沂 應 可 爲 宗 乃儀之譌、《 信 建 獨 子 必不 所 禋 忌? 人。 舊 在 史 + 又 . ^ 新紀》又妄益 六 建 紀》書沂 昭宗紀》 宅, 所 殺 就 者 有 王 \$ + 禋 有 儀 六 「禋」字 被 王 出 宅 殺 無 居 諸

# 景文識見勝於歐公

宋

公手。 在唐名 年, 用名 未 從 列 可 傳。 而 助 學,憑 必而 ^ 唱之,遂顯于 所推 唐 治 予讀《儒 後 書》 业之, 世 著果 私 春 重 歐 臆決,尊之曰孔 秋 歐 陽 則 學 其 ×, 陽 修 意乎 傳 時。 固 摭 撰 公之名,頗 ・啖 訕 本 嗚  $\equiv$ 持 紀、 呼, 助 家 其 論 己 不不 志、 子意 未 孔 \*: 惜 之 可 子没乃數 本所 表, 列 固 也, 必 傳 宋 也。 丽 趙、 「啖 承, 祁 倡 不 T 陸 44 以 自 助 出 撰

乎? 成 世, 出 不 而 説 能 自 以 則 道。 而 謂 穿鑿 徒令後 誣 紛紛, 詬 前 歐 杜 誣 人」者也。 陽之時《 生 撰 助 與 穿 所 爲經學,詆 固 鑿 階 君 詭 童 已。」此 子 其 後 辨, 子 所 問》 詬 不 毁 王 等議 前 取 正宋 先儒,肆 安 石 論歐 助 所 捨 果 鄭 譏 成 陽 謂 無 樵 説 忌 畫 捨 所 可

## 古律有蔭減蔭贖

憚

,景文已先見及之矣。

禮》「 五 武 死 上 父母、姑、兄弟姊妹、 品 罪,亦得上請,其犯 及 職 爵 事 以 議貴」之法 唐制 F Ŧi. 品 品 者 犯 以 者 職 死 上、散官三品以 犯 事 也。 罪, 官 死 罪,奏請 F 三品以 妻子兄弟之子及孫 其 流罪以 請, 祖父母、父母 其 上、散官二品 祖 下減一等。 議。 Ļ 父母、父母 勳官及爵 此 即 伯  $\stackrel{\cdot}{\sim}$ 文 犯 周 以 叔

> 律》雖 犯者聽 七以上 用, 七品 兄 始著于律。 官,本身犯 父母、妻子孫 隋書 弟 而 以 姊 先王忠厚之意澌 • 載「八議」之條,乃 贖」是 上官 犯罪,皆 妹、 刑 法 流 妻 唐宋相因 犯 也。 罪 志 犯 流 子 以下 》「其 例 流 罪 孫 「八議」本周公之制, 減 罪 以 犯 聽 以下 在 一等。 ,莫之或改。 下 流 滅盡 贖。 八議之科及 減 罪 戒 聽贖。 矣。 以 此亦 治 其品第九 等, 下 獄 其祖 亦 承隋舊 官 九品以上 明《名 減 官品 勿 父母 許 至 以 等。 制 是 例 H 第

#### 加 役 流

遂除 其後 令》,議 裴 斷 唐 太 洪 趾 絞 宗韶長孫无忌、房元 法 獻 刑 爲 又 之 加 駁《律令》 屬 役 五十, 流三千 皆免 不 里 便 居 者 死 龄 而 作 四 等 + 斷 復 比 定《律 右 餘 古 死

齊養

年 流 刑 奉 者 殆 制改 本 除 是 其 爲 死 半。 加役流 刑 武德 文 獻 诵 年 攷 中 »° 改  $\sim$ 唐 爲 律 斷 疏 趾 義 貞  $\forall$ 觀 加 役

#### 斷 屠 月 禁殺 B

此令。 月。 日、二十八日、二十九日、三十日。 + 不 + 刑,若犯惡逆以上及奴婢部曲殺主者,不 月及禁殺 刑者,徒一年。 依《獄官 应 得 四 日 禁殺日, 奏決 氣、雨未 其大祭祀 唐 + (律): 日而 令》,從 死 五 刑。 謂每月十直 日、十八日、二十三日、二十 晴、 決者,各杖六十。」《疏》云: 其所 一諸 夜未 及致 立 斷 立 春 屠 犯雖不待時,若於 春以 明、 齋、 月 至 秋 日,月一日、八日、 謂 朔 斷 後秋分以 分不 Œ 屠 望、上下弦、 月、五月、 月及假日 得奏 雖不 前 決 斷 決 应 待 九 並 拘 死 屠 死

> 刑。』 月、九 漏 之「十直日」也。 時, 舉「九日」,當是 式。」此據《賓退録》所引。 日 日 耳。 並不得 ,韶自今以後 於此 唐 月 會 月日 有 行刑,所在 要》 閏 亦 者 不 「五月九月」四字,傳寫 每 各同正月,亦 正 得 年 一武 月 **一**十 公私宜斷 決 正 本 一德二 死 月 -是斷! 齋 刑 九 日 年 也 日 屠 屠釣,永 正 不 即《唐 及 月, 其 月二 得 每 正 奏 不 月 律 月、 有 + 決 應 爲 + 疏 脱 单 常 齋 四 死 五

#### 碑 碣 石

밂 聽 立 碑, 立 以 年。」《疏》云: ^ 上六,五 碑,七品 螭首 唐律》: 龜 品品 跌,高 以 上立 以 諸 上 毁 不過 四。 碣。」又云: 喪葬令》: 人 碑 九尺, 開元禮 碣 及 石 「石獸, 七品 五 五 熠 品 品 者, 以 以 以 H E E 徒

二品當作三品。以上六事,五品以上四事。」立碣,圭首方趺,趺上高四尺,其石獸等,

#### 居官避家諱

皆須自言,不得輒受。」 皆須自言,不得輒受。」 皆須自言,不得輕受。 「府有正號,官有名稱。府號者,假若父名 「衛」,不得於諸衛任官,或祖名『安』,不得 「衛」,不得於諸衛任官,或祖名『安』,不得 「衛」,不得於諸衛任官,或祖名『安』,不得 「衛」,不得於諸衛任官,或祖名『安』,不得 「衛」,不得於諸衛任官,或祖名『安』,不得 「衛」,不得於諸衛任官,或祖名『安』,不得

## 大太二字易混

也。遼道宗年號「大康」,非「太康」也。晁唐文宗、楊溥年號皆「大和」,非「太和」

史》刊本皆作「太康」,無人能正之者。氏《歷代紀年》以字分類,當必不誤。今《遼

#### 唐書

到餘《隋唐嘉話》云:「太宗謂尉遲公曰:『朕將嫁女與卿,稱意否?』敬德謝曰:『朕將嫁女與卿,稱意否?』敬德謝曰:『臣婦雖鄙陋,亦不失夫妻情。臣每聞説古人語「富不易妻,仁也」,臣竊慕之,聞鑑》亦采此事,而《唐書》無之。世人每畿来子京好采小説,而此傳不載辭尚公主事,卻有斟酌。

## 特勤當從石刻

《突厥傳》:「可汗者猶古之單于,其

六

碑》 傳 作 碑 或 師 唯 子弟謂之特 云「大特勤 忒」、「敕勤」即 」,今從新 以訂史之誤,未可 德 石 語言華人鮮通其義,史文轉寫或失其 中 特 「特勤」字再見,又柳公權《神策 刻 稱 所 勒」, 出 撰 特勒」者甚多,而 公權 於 **温没」,斯皆書者之誤。** 而《 舊 勒 當 了。」顧 時 攷 「特勤」。 亦 真 唐書》。」 異》云: 奉 氏《金石文字記》歷 迹, 輕訾 勅 況 書, 議 按古人讀「 涼 契苾 斷 也。 國公《 諸 無 書 譌 碑  $\sim$ 学幸 或 通 舛, 軍 予謂 契 作 鑑》 敕 碑 苾 當 相 引 真 敕 亦 如 據 婁 外 亦 明 史

#### 劉禹錫傳誤

師 郎 中 道 ^ 士植 劉 復 作 禹 桃其盛如 錫 (游 傳 元 都 詩 霞, 由 又十 且言: 和 州 始 四年,過之, 刺 謪 史 + X 爲 年 還 主 無 京 客

> 近, 含 中 郎 舉 集 距 直 事 前 中 月 錫 復 題詩 中又 譏 中, 韓 集賢院,方得還都 分司東都則在大和 ,是歲歲 集》攷之,《 集賢直學士, 元 聞者益薄其行。 初 存, 刺 和 湖 未 後 州 有《蒙恩轉 十年乙未自朗 亦詞人 到 乃轉禮 在後也。 唯 自代 次戊 京 兔葵 (再游 師 詩》, 申, 感慨今昔之常情, 也。 猶 船 燕 以 未 元 儀 也。 麥 可 而 郎 都 俄分司 、甚核。 次 曹 州、被 元年六月, 是分司 動 見 自 《元都 年 絶 中分司東 史云 郎 初 和 摇 句》在 以 依 人 州 春 召恰十 裴 東都。」今以《 至《元 以 前 詩》 集 刺 風 度 薦 充 大和二 史除 督 耳, 薦 都,本是一 E 集 何 爲 猶 都 四 起 在 以 至遂 賢學士 禮 主 是 詩 年矣。 元官, 此 一年三 詆 部 主 客 時, 客 禹 薄 雖 郎 在 郎 權

<sup>↑</sup>十八《劉禹錫傳》改。 「主」,原誤作「庄」,據長沙本、商務本和《唐書》卷一百

兩任,疑由題詩獲咎,遂甚其詞耳。 其行? 史家不攷年月,誤仞分司與主客爲

#### 五代史

《春秋》「衛人立晉」,「晉」者,公子晉 義 用「立晉」之文,此《史通》所譏「貌 紀》清泰三年十一月丁酉「契丹立晉」,案: 立者,立 契丹立石敬瑭爲晉帝」方合史例,今乃 ()者也 」,然其 歐陽公《五代史》自謂「竊取《春秋》之 病 其 正在乎學《春秋》。 人 也。 此紀 石敬瑭事, 如《唐 同 而 當云 也, 廢帝 心 襲

于好殺,歷 短 促,墳土未乾遂易它姓。 容齋論 周世宗之才略可以混 舉 史有 薛史 識 所 勝 於歐 載 甚 陽多矣。 備 洪容齋 一海内, 而歐 史 以 梁 加 多 起 爲 享 芟 盗 失 國

裨于正史哉? 賊 輕賦」一 其行, 事 節, 無 此 可 憎 取, 而 而 知 卒 其 善善 以 得 也 誰 國, 謂 容 齋 小 説 舉 無 其

## 周世宗兩符后

歐二史之闕 清 史・ 后,宋初號周太后。 后則闕之。按《文獻 仙師。 后妃傳》止有宣懿皇后符氏, 周 世 宗 未幾爲尼,賜名悟真。」此可 兩 立 皇 太平興 通攷》云: 后 皆 符 國 氏。 中 「世宗後 入道 而 ^ 舊 於 補 號 後 五 符 符 代

# 劉昫傳不言修唐史

書》 事, 予 後 嘗 疑《 讀 義門讀 五 代 史 書 記 劉 晌 謂 昫 在 載 唐 明 唐

六四

吏部郎 也。 緯 昫 沿唐故事, 朝 差。」其云前朝李氏 百二十卷,并目録 史館上新修前 外郎,令與 撰《唐史》,仍令宰臣 史》爲國史,固其 之,殊不然。 昭、本名昭遠。 滅梁之後,祀唐 史官 爲 之 丁憂,以吕 門 監修 義門此 「晉天 中鄭受益、 下 張 侍 不 昭、 張 雖有監修之名, 言, 起居 郎 莊宗 過 昭 琦爲户部侍郎, 福 直 朝李氏書,紀、志、列 等同 欲 宰 監 七 六 (宜矣。 館 郎 左 自 以 修 書者, 相 年二月,敕户部侍 廟 王 卷。 修 超 祖 司 賈 彌 或 兼 申 登監: 自 緯、 父以 員 縫 史。 唐史》。 銜 但宰 賜監 避 等 稱 外郎李爲 歐公之闕。 而 初無 祕書少監 晉高 繒 修。 尹拙 來,附唐 國 中 己。 相 修 綵 史 宰臣 興」,以《唐 監 祖 開 撰述之實。 銀 即 其 爲户 **元** 修國史, 運 幣 傳 年 先 劉 趙 屬 唐 等修 各 部員 郎 代 今攷 四 胸 年, 籍。 熙、 書》 有 會 張 月

> 漏。 《新唐書》刊修,但 會 故於《緯傳》見之。 監修之曾公亮哉? 書》」,蓋以監 俱 瑩監修, 瑩罷 易之耳。 不及監 要》,乃臆造此説耳。歐公於趙、劉二 修 修 事 相 修 唐 此史家之成例,不可議 而 無 書 而 昫代之。 **>** 載歐、宋二人傳, 秉筆之職,例不當 於《賈緯 乃 張昭卒於宋初,不人《五代史》, 在 後 傳》云「與 晉 何氏 之 世 未 致 何嘗 初 修 其  $\overline{\pi}$ 命 及 傳 缺 唐 代 如 趙

十駕 齊養 新 録 卷 六終

# 十駕齋養新録卷七

嘉定錢大昕

## 宋史刻本之誤

其一證。《宰輔表》章良能參知政事在六年、《紀》載於五年,此年」當是「五年」之譌、「五年」當是「六年」之三年、五年而無六年,此據武英殿刊本。竊意「三三年、五年而無六年,此據武英殿刊本。竊意「三三年」

#### 瀛國公紀

不知删汰之失,唯《紀》末附益、衛二王事爲《瀛國公紀》縣冗無法,蓋采訪務博而

州

得之。

謚皆當人列傳,登諸帝紀,重複非體,且 士 于國子祭酒楊文仲之請,不應有書有不書。 有 載有不載,又難免挂一漏百之誚矣。 書,詳略皆無當矣。 務郎矣。 兼崇政殿説書矣,基雖辭不受職,亦嘗 且《度宗紀》于景定五年曾書 也。 處士何基謚文定、王柏 「謚文憲」三字,史脱之也。 《瀛國公紀》: 承事之贈,當載于本傳, 今皆不書,而但書處士,則柏 若以史法言之,諸 德祐元年五月,「加 承 事 命何基、徐幾 郎 兩人賜謚 而 一,此 傳 除承 臣 反 亦 下 有 贈 出 不 處 婺

# 南渡諸臣傳不備

前九朝之完善,寧宗以後四朝,又不如高、《宋史》述南渡七朝事叢冗無法,不如

複立

傳

乎? 孝、光 師, 彌遠 史家又不爲立傳,此可爲長太息者也。 者,爲賈似道所忌,功大賞 不一言; 釁,遂失 之謀,及端平入相,首議出 大罪,而 皆無之,可證其潦草塞責,不全不備矣。 錢象祖、王堅、吕文德三人本擬立傳,而 使堅之子」、《吕文信傳》云「文德之弟」,是 末云「孫象祖自有傳」、《王安節傳》云「節 收局,未及討 城 傳皆 下, 握權  $\pm$ 堅 圍數月不能克,宋季武臣 不預姦臣之列; 諱 四蜀,宋之亡實肇 朝 川餘 守合州,蒙古傾 至如趙范襄 之 而 論 詳, 不書,何以 年,威燄甚於京檜,且 潤 蓋 色之故。 由 史臣 陽 彰是 價事、 趙葵洛 鄭清之亦 薄,未竟其用, 師汴、洛,妄啟 於此, 或 迫 如《錢 來 於 非 攻, 期 褒 而 無 端 限 憲宗 貶之公 出 本 預 有 禮傳》 傳 其 京 廢 廢 草 度 草 而 右 親 覆 略 邊 文 立 史 今 傳 傳》 嘉 編 人重

傳立傳。 傳》末附其子 一百十二《忠義附傳》 静」同音,實一人也。 又有 程 師 程 李熙静已見 孟 師 已見 孟 孟 傳 兩 列 事 篇 傳 百 又 列傳第 無 第 + 有 一字 五 九十 李 言, ,熙靖。 異。 百十六, 卷, 而 又别 又《 而 李光 循 而 爲 孟 吏

## 次前後失當

高宗朝人也,而次于光 而 與趙 亦 且殿之 鄭穀、 高 雄、 宗 仇 朝 後末。 程 人 1松同 念、 也, 高 卷。 權 而 登、 邦 與 婁 彦、紹 寧 林 胡 朝臣 寅亮、 勳、 紘 劉 興 何 一之後。 宋 才 初 澹 邵,高孝 執 汝 諸 政 爲, 梁汝 也,

臨

時 同 同 ' ; 抑 人也, 卷。 亦 皆任 賢 而 否莫辨。 與 意 陳仲微、梁成大、 編 次, 全 予 無 所 謂 義 例, 南 渡 李知孝 不 七 唯 朝 年 鯀 代 諸 不 冗 人

#### 

無

法者,此其

一端也。

略 天 史・紀》: 武 德 功英文烈 曰「英文烈武聖孝」; 法古運德建功英文烈武 、欽仁聖孝皇帝。 建 • 加 年十一月,更上謚 紀》首則 功英文烈武 宋 謚 史・ 武 日 元豐八 欽仁聖孝」, 神宗 稱體 體 元 **介紀》首** 欽 年 元 顯道 鼂 仁聖孝皇帝、《 顯 氏《歷 九月,上大行皇帝 日一體 道 紹聖二年, 稱 法 帝 古立 欽仁 代紀 神宗 政和 德王 元 年》同。 一憲帝 顯 聖 紹 功 三年 孝」; 道 天 加謚 英文 東 帝 法 致《 + 都 古 王 宋 謚 烈 功 紹 Ŧ 崇 事 運

定,而 神 和 紀 古 都事 則《宋史》恐未可信。 竊意太祖、太宗開創之主,謚止十 欽仁聖孝」,而無 年,改上謚 運德建功欽仁 英文烈武欽仁 正,而《神宗 公邁皆南宋 媿郯録》 歷代紀年》所 宋史》所 宗 運 加神宗至二十字, 年》則以「體 凡 德建 略》則云: 不載 謂 改 崇寧 功英 再 書 政和 日一體 增 初 紀》 者 政 文烈武 而 崇 和 人,所書神宗謚 書者 紹 元顯道」十六字謚 聖孝」。 溢於 之加 獨 閒 元顯 寧 紹聖二年, 聖二 「法古立憲」四字。 2始用 否, 崇 祖 似 謚 且謚 欽仁 道 宗者四字,是 寧三 繼 年所 亦史例之疎 無 ,與《宋史》皆不合。 述、 帝 三年,加 是 此 德 友恭之論。 號當以 聖孝」; 神宗謚 年所 上 加益 情 王功英 亦僅 理。 東 神 謚 上 爲 都 後定者爲 宗謚 屢定 也 凡 六字,政 也。 十六字, 王 文烈 崇 《 歷 天 紹 事 政 一偁、鼂 四 竟 寧 天 法 略 和 徽 ^ 岳 有廿 改。 代 東 所 武 法 古 珂

駕齋養新録

字,其言與《宋史》同

#### 地 理 志之誤

寧 也。 三鎮。 康志》: 又在 域志》亦同。 開 江 會,六年復置,太平興 常寧。」 初不相涉,志家以縣名相同牽合爲一,殊 五年改隸新州,省入 寶五年,廢 府義寧下云: 蓋廣 一静江 《九域志》: 建 是句 康 初不言縣有常寧之名,《志》誤。 州 之西 按 句容之茅山有常寧鎮,天禧元 府 别有義 容縣 句 人 容 北,何 廣 静 改名常寧也。 下云 州新 句容有常寧、東 江與廣州 「本義寧鎮,馬氏奏置。 寧 緣并 縣,開 國 新 會。 興 元 「 天 入新會? 年改名信安, 縣,與静江之義 道 六年復置。」《九 寶五年省人 禧 里 攷《景 四 回遠,義 陽、下 年, 此 定 改 熈 新 誤 寧 蜀 建 静 年

> 可 笑也

失書。 法。 岷 下各增一句云: 「南渡改隸利州路。」又於 路 路 秦鳳路,而又見利州路,不唯重複, 當於京西之金州,秦鳳之階、成、鳳、岷四 置司,但遥領於湖北路,故有「京湖」之稱 金州已見京西 金、階、成、鳳、西和 唯存 唯 州下增「改名西和」一句,斯 存 宋南 隨州之棗 棗陽軍置于嘉定十二年,見《輿地紀勝》。 階、成、鳳、 襄 陽、隨、金、均房、 渡 後與金人講 南路、階、成、鳳、岷 陽縣,南渡當升 西 則改 和。 屬利 和, 即 光化、 岷州。 畫淮 州 爲 路。 明 軍, 爲 信陽, 京西 四 白 界, 《志》 州已 矣。 加 亦非史 不 秦 京西 志 見 州 但 復 鳳

僞, 史不同,當以《九 四 [年改。 州縣皆仍故名,此敬州當 梅州 本潮 按: 州程鄉縣,  $\wedge$ 九域志》梅 域志》爲是。 南 州 漢置恭州, 僞 以 宋初 漢敬 犯 開諱 削 州, 開 平 特 僭 與 會

改,若本恭州 當時史臣 輿地紀勝》云: 置 敬 州,皇朝 □ 避,後 則 無 以 「僞漢劉氏割潮州之程鄉 庸 來失於改正耳。 敬 改矣。 州 犯 翼 史志作「恭 祖 諱 改名 王 象之 梅 乃

# 宋史褒貶不可信

州。」此爲得之。

似道 信。 爲程顥、程頤,此豈 從事,見於《賈似道傳》,而本傳言其 矛盾之甚也 于《理宗紀》,而 承順風指,凡爲似道所惡者無賢否皆斥,見 至,破豪猾,去姦吏,政聲赫然,度宗至比 事政時,與何夢然、孫附 如包恢知平江 宋史》於南 本傳言其不附似道,何其相 渡 府,奉行公田,至 可信 季年臣 乎? 僚褒 鳳、 劉 桂錫孫 應龍 貶多不 歷 以 當賈 仕 肉 等 恢 미 所 刑

#### 藝文志脱漏

《玉海》一百卷,王楙《野客叢書》甘卷,王象 之《輿地紀勝》二百卷,阮閱《詩話總龜》一百 國志》四十卷,王明清《揮麈録》四卷、《後録 略》一百三十卷、徐夢莘《三朝北盟會編》二 卷、熊方《後漢書年表》十卷、王偁《東都事 不見於《志》者,又復不勝枚舉,姑以予淺學 予於《廿二史攷異》言之詳矣。 首唐人絶句》一百卷,袁説友《成都 卷,趙汝愚《名臣奏議》一百五十卷,洪邁《萬 十一卷、《第三録》三卷、《餘話》二卷,王應麟 卷,葉隆禮《契丹志》廿七卷,字文懋昭《大金 所曾寓目略言之。 百五十卷,劉時舉《中興編年資治 宋史・藝文志》重複譌舛 如 曾鞏《隆平集》二十 較前史爲甚, 而宋人撰述 通 文類》五 鑑》十五

七〇

定建康志》五十卷,潛説友《咸淳臨安志》 鄭 十一卷,梅應發、 邨大全集》二百卷,祝 十一卷、劉克莊《後邨居士集》五十卷、《後 卷,張淏《會稽續志》八卷,羅濬《四 景沂《全芳備祖前集》二十七卷、《後集》三 五卷,潘自牧《紀纂淵海》一百 卷、祝穆《事文類聚前集》六十卷、《後 十卷,朋九萬《烏臺詩案》一卷,倪思《經銀 莊《千家詩選》廿二卷,孟 十卷、《新集》三十六卷、《别集》三十二卷、 正宗》二十卷,羅願《爾雅冀》三十二卷,陳 雜志》八卷,戴埴《鼠 續集》二十八卷、《外集》十五卷、《遺集》十 寶刻叢編》二十卷,曾宏父《石刻鋪敘》一 杜 大 一条《新 圭《名 定 臣 劉錫《四明 琬 續 璞》 志》十 炎 穆《 集》 一卷,真 元老《東京夢華 方興 卷, 續志》十二卷, 九 百 勝 周 十五 德 七 覽》七十 應合《景 明志》二 秀《文章 卷 集》五 一卷,陳 劉 思 堂 克

> 《邊實玉峰志》□卷、《邊實玉峰續志》□卷, 《注王荆公詩》五十卷,任淵《注 臣 皆大部通行,閱今四五百年尚存,而元時史 集》二十卷,史容《注山谷詩外集》十七卷 常棠澉《川志》八卷,魏仲舉《五 山詩》十二卷,寇宗奭《本 史季温《注山谷詩别集》二卷,任淵《注陳後 十二卷,施元之《注東坡 生文集》二十一卷,王十朋《集注東坡詩》三 昌黎先生集》四十卷、《五百家注音辨 百 剡録》十卷,鮑廉琴《川志》十五 轉未 卷, 史能之《 著録,真可 咸淳毘 怪 也。 陵 《詩》 志》三十 艸衍義》二十卷, 四 十二卷,李 百 卷,凌 卷, Ш 家 谷詩 注 高 柳 萬 似 壁 先 内

#### 王安石傳誤

王安石傳》: 「元祐元年卒,年六十

660

謂 祐 介甫生於天禧五年辛酉。 八。」王 此 知」,馮京與安石俱生辛酉,故稱爲「齊年」, **戹於六十六**, 長 其 元 介甫以辛酉十一月十二日生。 編》 (明證 年 明清《揮 載 丙 安石移書吕惠 寅,實六十六 介 甫 麈 録》言: 亦 其 年,非 自天禧辛酉至元 也。」吴曾《漫録 卿 國 曰「毋使 六十八 朝名公,多 李壁亦言 齊年 也。

#### 邵雍傳誤

耳。 述年 生生 寧 夫 T 殁於熙寧十年, 壽 于祥符辛亥,至是蓋 巳 宋史·道學傳》謂 1 孟 明白可信,史作七十六,蓋傳寫值 翁 秋 跋 癸 康 節先生 丑,堯 程 |答富韓公柬》云「治平元 夫 伯 先 淳志其 雍 六十七年矣。」敘 生疾 年七十六。 終 墓 于 云 家。 按 邵 熙 堯 倒 先

年

五十

四,

與《墓志》合。

劉

應龍

傳脱誤

之譌。 度使也。 此 西 鈐 尚 必有脱文矣。又云: 官」,而遽言「朝受命」,所受者何命乎? 潛。」按理宗使應龍劾 朝受命,帝夜出《象簡 《丁大全傳》稱「監察御史劉應龍 必 兵 轄、青海軍 書、寶章 《劉 有 馬 此 誤 鈐 應龍傳》: 矣。 轄, 猶 閣 傳 若節度使,非文臣應得之官, 節度使。」案: 直學士, 寫 節 偶 鎮 誤,要之應 無 「帝怒吴潛不 %潛,則 書疏》 「德祐 知贛 青 海 《傳》 軍, 州 福授 應 贛 元年, 龍 龍 當是「清海 兼 州 應龍 不 必 斷不授節 守例 江 己。 言除 臺 遷兵 西 諫 使劾 兼 兵 應龍 也。 此 某

## 折杖起於宋初

十下, 十臀杖十八, 杖 五,六十臀杖十三, (之制: 《刑 宋 四十三十臀杖八下,二十一十臀杖 統》同 史・刑 凡杖 八 刑五,杖 法 + 志》: 臀 杖十七, 笞刑 一百臀杖二十, 太祖受禪 五 一、答五 , 七 十 十臀 臀杖 始定 杖 九 + 折

#### 凌遲

絞, 見《渭 常法爲 於 斬決,不待 亦 南  $\sim$ 無凌遲 唐律》無 文集》。 不足,於是 法 宋 時 凌遲之刑,雖 初 而 也。 頒 始 己。 行《 於 真宗時内官楊守珍使 陸 法外 刑 游 統 特 謂 反逆大惡  $\forall$ 置 五 重 凌遲 季多故,以 罪 不 一條。 罪 過 斬 止

謀,遣 林大將 兇 皆 凌 世 捕 民 得 奏獲 凌持 毋用 陜 極 凌持者,先斷斲其支體,次絶 一詔 凌遲,用 强 腰 遲 繋御 朱唐首 專, 居賜死,逢、育及河中府 法 西 如聞 幼盗 斬。 殺 斬。 也 凌遲 處 因 權御史推直官蹇周 督 人之盜,亦未嘗輕 死 史臺獄,令范 軍 」。《文獻 荆 捕 戒 詔 「持」與「遲」同 馬端臨 秀州團 ,將作監 告前 六 湖 X 盜 獲劫 人,皆 《宋史・ 惡。 殺 賊 通致》。 越 人祭鬼,自今首謀若 盗 練使世居、 謂「凌遲之法, 簿張 州 詔 凌持。 請 刑 雖 餘 音。 捕 擒 百禄、徐禧 法志》。 情 神 靖、 賊送 姚 獲 巨蠧 宗 先時,江 輔 縣 用, 强 觀察推 朝 武 熙 醫官 劾治,詞連右 仁宗天聖六 所屬依法論 主 廷 盜 舉 自韶 其 寧 毋 簿 以 至 昭 進 「吭,國 雜 得 劉育 八 李 淮 非 死 陵 士 官徐革並 年,沂 獄 治獄 擅 者付 逢 捕 加功者 郝 以 有 凌 等, 朝 有 盗 前 士 司 持。 年, 之 州 官 加 雖 官 詔 羽 逆 所 臣

以 也。 豐之閒,蓋 能以深竟黨與,此所以 竟黨與,不能 口 語 徽宗崇寧四年,妖人張懷素及吳儲、吳侔、邵 狂悖者皆麗 柄國之權 以 逞其 此 臣 私 刑矣。 藉 濫 憾,非中以 此 酷之刑至於輕 以 詔 威 獄 縉 盛 危 紳 法,不 於熙、 非 禀 施 深 並

#### 戒 石 銘

録》。太宗《戒石銘》實襲用孟昶語,洪容齋嘗言之矣。之庭右,置之座石,以爲晨夕之戒。見《繫年要所書太宗《御製戒石銘》於郡縣,命長吏刻所書太宗《御製戒石銘》於郡縣,命長吏刻

#### 宋太廟

《夢粱録》:「太廟在瑞石山。紹興閒

人未有論及者。《咸淳臨安志》太廟自太祖至理宗凡宗、神宗、哲宗、徽宗、欽宗、高宗、孝宗、光宗、寧宗,各一室也。咸淳添置一室奉理廟神主,通爲一十建正殿十三室,十三室者,太祖、太宗、真宗、仁宗、英建正殿十三室,十三室者,太祖、太宗、真宗、仁宗、英建正殿十三室,十三室者,太祖、太宗、真宗、仁宗、英建正殿十三室,十三室者,太祖、太宗、真宗、仁宗、英

## 宋人避軒轅字

十四室。

「大中祥符五年十月戊午,九天司命 初 氏之族,今已百年矣。 邱,後唐時七月一 知少典之子非也。 也,是趙之始祖,再降乃軒轅黄帝, 生天尊降於延 未詳 予見宋板 其説, 後 恩殿,自言吾人皇九 經 讀 籍 日下降, 摠治下方, 生 母感電夢天人生 李氏《 遇 閨 軒 十月己巳上天尊 轅」二字 通 鑑 長 編》 輒 凡 人 上 缺 一卿保 於 世 中 載 所 捎 촒

七

四

帝。 字不得斥用黄帝名號故事,其經典舊文不 號 其文不詳。 斥犯」,以 可 日 宋史·真宗紀》亦載禁斥黄帝名號事,而 避 爲 曰 |者闕之]。」乃悟「軒轅」二字闕筆之由。 降聖節。 壬申, 聖祖 七月 上靈 韶『聖祖名上曰玄下曰 七年六月己卯朔,詔『内 一日爲先天節、十月二 高 道 九 天司 命保生天 1朗,不 尊 外文 + 四 得 天

#### 宋世慶節

月十日 四日。 寧 真宗曰承天,十二月二日。 日 ,十月十日。 Ę 宋 春,二月十六日。 英宗曰 制 哲 宗 諸 欽宗曰 日 壽聖,正月三日。 帝生辰 興 龍,十二月八 乾 太宗 聖 龍, 節各立嘉 仁宗曰 日 四月十三日。 神宗 乾明,十 日。 乾元,四月十 名 日 徽 同 宗 月 天 高宗 日 七日。 太祖 四四 天

> 五日。 七月一 月。 開 日。 宗 日。 南 應、十一月五日。 天祺、四月一日,初名天禎,後改,皆天書降日。 光宗曰重明,九月四 曰 日 渡 基 日 天申,五月廿一日。 長寧,正月八日。 母后臨 此外又有天慶、正月三日。 又改瑞 乾會,四月九日。 後即 Œ 日 元成、八月 月 聖 四 省。 祖 日 朝,亦有 降。 慶 太祖 寧 九 降 一受禪。 貺、 月。 理宗 聖、 宣仁高 日。 立節 瀛國 孝宗日 五月十二日。 天符十月廿 + 日 寧宗曰天祐。 諸 月 名 后曰 公曰天瑞。 天 廿四 節 者 會慶,十 基 日 天贶、六月六日。 坤 徽 聖 五日。 正月 成。 真元、二月十 宗 祖 章 降 五 月廿二日。 所 獻 十月十九 七月十六 九月廿八 延 先天、 諸 日。 劉 立 恩 節 殿 天 度

# 以年號爲州縣名

吾邑本崑山縣東鄉,宋寧宗嘉定十五

十駕齋養新録卷七

年置 隆興、慶元、咸淳是 德、興國、淳化、咸平、祥符、崇寧、政和、 唐有 紀元之前,非因年而 又有以年名府者, 元、 寶慶。 一縣,以 寶應、至德、光化,五代 贛州之會昌縣置於宋代,非因 年 號 改 爲 名。 名。 則 也。 以 唐之興元,宋之紹 攷古 年名州者, 蜀之嘉定府,改名在嘉定 以 有長興,宋有乾 年 號 則宋 年 名 號 縣 之太 得 興、 者, 名 慶

#### 花石綱

平

與

興

或

是

也

若干萬夫,家 之卒,所支口 年 在 金生活,有 徽 以來,綱 宗 程俱《吴江 即位之初,其 日 運 券 粮借 佛 自 米 道 回 浙 無 帳 申 而 請 殿,有 時 講 慮若干千石,計 西 之數不與焉。」俱 即 以 求遺利狀》云: 有 過 日花石者。 花 縣 境 石 綱運, 者, Ī. 有 此 是 無 挽 日 花 狀 頃 慮 舟 明

石綱不始於朱勔也。

#### 錢文紀年號

改鑄, 慶歷 體。 宗改元太平興 爲文。《宋史・食貨志》。 「大宋元寶」爲文。 大銅錢,以「聖宋通寶」爲文。 仁宗改元寶元,特命 宋太祖 以後復冠以 後改元更鑄皆曰「元寶」而冠以 又親 書「淳 初 國,更鑄 鑄 年 錢, 化 寶祐新錢以「皇宋元寶 號 元 文 以「皇宋通寶」 如 寶」,作真、行、草三 日「宋 「太平通寶」。 舊。 崇寧 通元寶」。 寶慶新錢 改鑄當 爲 年 淳化 文。 號。 以 Fi. 太

## 年號連書從省

宋人稱本朝年號,多割取一字: 或舉

新録

萬、天崇之稱,皆起于時文家。熙豐是也。明代亦有洪永、化治、嘉隆、隆字,祐聖、泰禧是也, 或錯舉上下各一字,上一字,政宣、建紹、乾淳是也, 或舉下一

#### 田錫謚

#### 范祖禹謚

范祖禹謚正獻,見於《魏鶴山集》及《困

要》在寧宗時。學紀聞》,而《宋史》不載。據《兩朝綱目備

七六

## 景定建儲更名

《宋史》轉未足信耶? 子,改賜名禥,景定元年立爲皇太子,賜字 啟,淳祐十一年賜名孜,寶祐元年立 名不同。 長源。若蜀後主太子名璿,字文衡,與度宗 漢後主太子同。」按《宋史》: 志》耶? 王伯厚云: 厚齋仕于景定朝,不當有誤, 「景定建儲, 抑厚齋誤記《三 度宗 更名乃 本 爲 名 與 或 蜀 孟

#### 張載謚

横渠之謚,史稱明公,獨趙希弁《讀書

附 議 或者又以謚法『至誠感神』爲疑,久之乃謚 曰『獻』,與它書不合。 謚 志》 曰『達』,或者不以 稱 爲誠 公,云「嘉定中有旨 爲然,改謚 賜 日 謚 誠, 禮 官

#### 王安石狂妄

真以 或 舉 雱死,安石題其祠堂云: 石大喜曰: 者多以爲周 競,是非吾喜非吾病。 豈偶生才。 獻詩云: 流 朝交争。 言 孔聖比其子矣。 王安石 日 「文章雙孔子,術業兩周公。」安 猶 安石有詩云: 孔,或曰孔孟。 與子雱皆以經 聖。 「此人知我父子。」見李壁注王 B 鳳鳥去,千秋梁木摧。」是 唯 聖 人能 安石在相位行新 頌聲交作莽豈賢,四 「斯文實有寄,天 輕重人,不能 術 范鎧爲太學 「衆人紛紛何足 進, 當時 頌 法 詩 美

> 實得 「皇父孔聖」,又云「具曰予聖」,古來迷國罔 吾身。」是亦 兩 上之臣先後 爲千鈞。 罪於名教,豈 一轍。 乃知 以 聖 輕重 自 미 安石非 許 以其 不在 也。 小有才而末減其 獨 彼, ^ 小雅》之 得罪 要之美 於宋朝, 篇 惡 由 曰

#### 明道先生

狂感喪心之大惡哉?

而不辭,皆所未喻,後人亦無議及此者。不當爲人臣之私稱,而潞公以題墓,伊川受明道先生程君之墓」。按明道,仁宗年號也,程伯淳之殁也,文潞公題其墓曰「大宋

#### 程邵之學

晁以道嘗以書問邵之學於伊川,伊川

之也」。 論之, 索隱 答云。 閒 夷,亦絶不及《先天圖》一字。 堯夫志墓,稱其「闊步長趨,凌高厲 之李挺之,挺之得之穆伯長。」絶 事無所不問,惟未嘗一字及數。」明道 ,曲貫旁通」,又云「先生之道就所 可謂安且成矣,蓋未敢以聖賢之徒許 至述其傳授所自, 頤 與堯夫同里巷居三十餘年, 則云 不及 空, 先生 陳 探 至 得 爲 希 世 而 幽

#### 宋 儒議論之偏

予謂 甫猶 寧 公意尊洛學,故於蘇氏門人有意貶抑,此門 甫至於壞 取吕吉甫 少 看 劉 游 經書,少 後 邨 亂天下,雖 之翰墨 云 圃 不取秦少游輩,其説以爲吉 \游翰墨·而已。」見《文獻通攷》。 猶足以潤身,吉 「考亭論荆公、東坡門人, 看 經 書 何 益哉? [甫附 會 文 介

户之見,非是非之公也。

#### 宗 室 入翰苑

中、 苑不止三人也。 閣 禮 談、汝騰在理宗朝,皆南渡以 元祐六年二月,左朝請大夫龍 部尚 學士提舉 汝談、汝騰。」按: 王伯厚云: 書趙 萬 彦若爲翰林學士, 壽 觀,見《長編》。 「宗室入翰苑三人: 彦 中 後 在 七 圖 是宗室 事。 孝 月 閣 宗朝,汝 予又攷 改 待 人 制 寶 文 權

#### 孔 子 諱

聖人諱 龔 邱 縣 大觀 也。 爲 四 龔 子孫讀經史,凡云孔丘者,則讀 年 縣。 避 孔 至 子 正直 諱 改 記 瑕 邱 縣 「「丘」字, 爲瑕縣、

讀若『區』,至如詩以爲韻者皆讀作『休』,同作『某』,以『丘』字朱筆圈之。凡有『丘』字,

#### 避老子名字

義則如字。」

時不以爲非,則政和之禁未久而即弛矣。爲禁止。」今按: 南渡秦相子熺字伯陽,當見今士庶多以此爲名字,甚爲瀆侮,自今並太上混元上德皇帝名耳,字伯陽,及謚聃。 吴曾《漫録》:「政和八年八月御筆:

# 僧道不稱寺觀主

僧尼不得稱寺主、院主、庵主、供養主之類,稱宮主、觀主,並改作知宮觀事,女冠准此。政和三年六月御筆。 天下道士不得

事,庵主作住持,餘皆依此改定。並改院主作管幹院事,副作同,供養主作知

# 政和禁聖天等字命名

# 禁人名寓意僭竊

政和八年七月,迪功郎饒州浮梁縣丞

十駕齊養新録

宗怒 字日 或降 **吴定** 陸 處 跡 實 爲 令改恭覩。 者、浮梁縣 明」者有犯 王之德; 并 以 以 曹官,有陳 元 辟、魏 寓其 所屬 或 君謨,後唱進 寓 佐 日 革。」 : 其 L 令改 名云云。 名。 神明 有名 元勳等十餘 奉聖旨,陸元佐 近 政 丕 丕 正禁 和 臣 顯」者,文王之謨。 竊見 劉 館 顯者爲 竊 之字,卿 二年春賜 士第日 御殿,臣故曰有 項 止 見吏部 昔皇祐 者, 饒 教官。 州樂平縣有 人,名意僭 臣 有竊以爲名者,仁 何 故日 左 貢 中, 所 得 選 一大 言可 士第,當時 御 圃 有 有 名之。」遂 筆 取 取 明」者,文 余 竊,陛 行, 又況[大 名 大明 賜 霸 王者 蔡 者 孫 下 下 之 逐 有 襄 之 權 者

#### 張懷素吳儲

李壁注王介甫詩引《國史》: 「舒州人

外祠。 免真 免。 惇追 潭州 公卿 猥 門 吕 遠竄,送太平州羈管。 魏當、郭秉德並 素、 儲結 張 有志,不説 儲福 公福 島。 惠 懷 多,余深、 、吳儲、 編管。 約, 貶 卿 閒。 素, 懷素之敗,本潤州 決,追毀出 弱, 似 散官。 鄧 惠 子 儲 本百 姚 淵 吴侔、邵 洵 卿 豈 於元祐 以語 福。』紹聖四年,懷素入京,又 興, 林 散官, 能 吴侔母 武 坐曾 姓, 攄 初, 妻 及 可 侔。 特 身 鞠 吴侔之兄,出 聞 姚 自 安置 六 蔡京實 爲 禀並 處 以 制 王氏係王 妖 興?」懷素云: 稱 崇寧 年 關 死。 來 獄 言不以 宣州。 落 説 侔弟僎,道 州學 中 陵 文字,除名勒停, · 曲 魄 與 四 朝 吴儲父安持貸 遲 野 年 懷 内 爲 散 處 戜 一安石 告,削 素 事 京 蔡卞降職, 舍生 主。」 知隨 郎 斬 敗獄 地 往 旲 以 1女,特 楊 州羈管。 來, 湯 故 州。 儲 籍 儲 幻 公輔 成, 但 東 京 書 竄 굸 云 桁 與 説 免 送 懷 野 獨 安 奉 命 游 疏 沙

使。 將 有人頭 野 也,當據以 錢 除 + 東野 官 Ŧ 義 無數。」此 用 與 郎 補《宋史》之闕。 是 寺 進 積 監 士 累至從官,晚 范寥入京告發。 洪 主 簿,范寥特 邁等所修《四 《梁谿漫録》云: 除 年嘗見 供 朝 獄 備 國 竟, 臥 庫 史》 床 東 副 范

## 李彦章言史學

寥字信中,蜀人,其名字見《山谷集》。」

張 慕 意 隨 和之初,公議不以爲是。蔡薿爲翰林學士, 經以 事 琮 容彦逢爲吏部侍郎,宇文粹中爲 王氏之學,非《三經》、《字説》不用。 參以 爲起居舍人,列奏「欲望今後時 口 載 能 依 改齋 道, 所 漢 史以 奏,今後 唐 漫 歷代事實爲問」,奉 録 紀 事。 時 務策問 先是崇寧 本末 該 並 貫, 参以 以 給 乃 御 務 事 來, 至政 稱 歷 筆 策 中, 代 並 通 車

之志。 幾、監 先王之學,流於俗好,恐非先 學,非上之所以教也,況詩賦之家皆 先王之學,而不流於世俗之習,天下 學,可乎? 『夫《詩》、《書》、《周禮》,三代之故,而 事 石之學,其弊至於妄 政和元年三月戊戌日也。」已上《吴録》。 史,今罷黜詩賦 貫,乃爲通儒。 奉御筆: 而建漢唐之陋,不使士專經,而使習流俗之 之學也。今近臣進思之論,不陳堯舜之道, 王之學也; 秦、漢、隋、 實, 察御 庶 可依前奏,前降指揮, 得 『經以載道,史以紀事。本末 唐之事。 史兼 博習之士,不負賓興之選。」未 伏望罷前日之詔, 習秦、漢、隋、唐之史者,流俗 今再思之,紀 而使士兼習, 權殿中侍 學乎《書》、《禮》者, 誕 無 御史李彦章言: 忌 更不 則士不 帝 事之史 憚 使士 以 若此, 施 經 得 幸 一意於 + 行。 桁 孟 在 史載 王安 甚。」 專 所 造 當 該 先 時 平 +

「生於心害於政」之言豈欺我哉

## 張浚爲黄汪所薦

節 幾 分。」 浚 下 親 餬 骸 炎之 差 伯彦之薦。 以 欲 諱 於 未 虔 廣 口之計。 潛 故 覆,貲 不 置 名差遺恩例,陳乞秠差遺一次,上 州 覆 初 紹 之 然 有是旨。 附 善 録 興 擢 包 死 浚 與 事 Ŧī. 預 和 涵 (産凋 地, 年 早 浚 臣愚欲用初除樞密事合得 郎 參 潛善以謬戾得罪,死於貶所, 議 之仁,下全微 傳,蓋 軍。 年 曹,實出宰相黄 七月,右承直郎黄 頻 零。 此豈有是非 見《繁年要録》。 黨 爲 於 宰 其子秠仕 史家以 清 相 黄、 張 流 汪,力 後言: 所許, 之公者乎? 臣 南 ^ 宦 潛 宋 朋 軒之故 攻 善、樞 史》 秠, 不 而 友 李忠定, 競 志 故 不 臣 **\$** %, 廣 曲 舊 推 載 有 密 吏 頃 才 晚 其 之 陛 服 骨 部 無 汪 建

> 迹,終 過其 浚不 自 疎 失古人篤於 屢 與配 實 文公爲 不能爲之諱 致 矣。 敗 享 鱽 其 作《 力 故 争去官, 爲黄潛善子乞恩 舊之誼 迹 行狀》極 也。 其 生 平, 圃 要 其 後之稱 其 瑕 贊 附 美, 瑜 和汪、黄之 澤 不 楊 浚 能 者往 誠 事, 相 齋 揜。 往 不 以

#### 張于湖對策

心,白 此 畫 而 士 危爲安者, 今朝 也。」考官 委質事 無 間 ^ 僞, 刃 以 繫 廷之上 在 年 師 心 居 録 固 前 友之淵源, 何 魏 願 × 己 蓋 獨 師 治 視 論 奮 遜 而 此 有 安劉 紹 道 等定秦檜 爲 大 克 興 經 志念 標 風 誠 廿 之略 邦 準, 四 動 爕 所 年 張 忠 地 和 志念所欣慕 孫 欣 三月, 孝 不 天下矣。 塤 義 慕 祥 移 爲 凛 存 策 行 策 首 趙 試 日 何 者 之 修 進

友淵源,秦塤與曹冠皆力攻程氏專門之學,以諛秦檜得在高選。《宋史》本傳謂策問師孝祥爲第一,而熉爲第三。按: 于湖對策祥次之。讀塤策,覺其所用皆檜熺語,遂進

#### 史浩薦張浚

孝祥獨不攻,殊非其實。

中傷。 篇云: 云 史同 嘗乞用張公爲首相,而己佐之。」放翁與張 移供張,全魏徹封疆。 實浩薦之。 如賜館都亭驛,超 時,其言必不妄。 世皆謂 「公初扳附,即力薦張忠獻公于壽皇, 拳拳虚左意,猶可質穹蒼。」自 陸游《太師魏公史公挽詞》其 弼初收召,惟公力贊揚。 史浩沮張浚,不知孝宗之召浚 封 魏國公、皆公密奏。 大度寧猜沮,群言自 都亭 且 注

#### 沈尤同族

「水」而爲「尤」,二姓實一姓也。《梁谿漫録》。王審知據閩,閩人避其諱,以「沈」去

#### 周 孚 先

庠序、士論推服,欲望 郎 陵人, 嘗從程頤學, 既用積舉得官。 著作佐 進士出身,添差臨安府府學教授。 右迪功郎監明州鶴鳴買納鹽場周孚先賜同 李心傳《繫年要録》: 氏説,謂周孚先也。 使爲後學矜式,庶幾盡其所 張九成等言其問學淵源、操履方 朱文公《論語集注》「先行其言」章引周 孚先《宋史》無傳。 「紹興五年十一月, 朝廷處以 長, 少補 師 孚先,晉 儒之職, Ę 教化 久游 按

駕齊養 新録

邢和叔 場, 善。 賜 孚先兄弟祔饗於城東書堂。」 爲 謂孚先兄弟『氣質淳 初, 故 能之《毗陵 惟 承事郎,改奉議 書, 有是命。 改建 與弟恭先從伊 龜 以 請質於先生, 亦 山好著書,伊 德尉, 類子 ロニニ周 志》: 明 爲 皆不 年三月,特改左承 法, 匄祠。 「孚先,字伯忱, 與楊 川先生游,與 就。 輒 該 川每以多言害道 明, 得親 太學 時 朝 可與 似 紹熙間 廷 筆 口 特 命 開 人道」。 胞 恩 楊 諭, 白 調 黄守灝 建 事 龜 衣 郎。」 四 服 以 中 Ш 爲戒 上殿 其語 明 膺 所 相 靖 奉 鹽 拳 友 中 疑 國

#### 檜 賜號先生

外 未 甪 郎,持白執 秦丞 自 相 稱 夫 政 沖 人王 日 真 先生。 氏,陳 「婦 人安得此名? 時 乞舊 Ĭ 佐 所 爲 得 吏 恩 部 數 向 員 之

> 然王氏 者 氏死,卒奪先生號。 及外家尊屬者, 奪之。」執政 誤 恩, 封 有 兩 司 不 國 不能 能聽,但寢 夫人,蓋 何可 執, 陸游撰《王佐墓志》。 輒 引? 爲 祖 宗 失 其 職, 以 請 以 寵 而 階 今當 己。 親王之配 僭 紊 追 後 當 正。 併 王

#### 范 文穆與文正不同族

科後,今方有人,若文穆與兄成象於紹興中 族。 陽。」是其證 後,今歲有子登科。」范氏 有 政事,雖譜牒不 參大政,後百三十有六年,公復參孝宗皇帝 范文正,起孤童,事仁宗皇帝,當慶歷 條云: 周益公撰《文穆神道碑》首言: 范文穆公成大世居吴郡, 也。 右 通,俱望 又益公《乾道壬辰南歸 通 直 郎 自忠宣公皇祐中登 范 高平,派 公武, 而 與文正 文正 南 陽之順 癸未 「吴 公之 不 郡 同

#### 蘇門四學士

門四學士」。 閣 翰林學士,亦非殿閣諸學士也。 官制,以祕書省官爲館職。 文潛官著作郎,无咎官著作郎,皆館職 魯直官著作郎祕書丞,少游官祕書省正字, 通稱,故翰林學士特稱内翰以别之。 黄魯直、秦少游、張文潛、晁无咎稱「蘇 宋沿唐故事,館職 故有學士之稱,不 皆得 唯學士爲館 稱 ,元豐改 學 , 特 非

#### 李士美狀元

穆、李文定、王文正、宋元憲,故詩人有云:《揮麈録》:「本朝狀元登庸者吕文

也。 書以俟攷。《宋史》李邦彦上舍及第。 名,李邦彦不與焉。 十年,李士美、何文縝 「皇朝 馬貴與《選舉 李士美者,邦彦 四十三龍首,身到 考》載 此兩書皆不應有誤,姑 也; 亦以 黄 宋 扉 朝 廷 止 何文縝者,桌 省元狀元之 魁正 四 人。」 鼎 後數 席。

#### 薛昂

兒, 荆公坐上賭梅詩。 而今又向江東去, 奉 勸先生莫下棋。』薛書名 江寧府,或者嘲以詩曰: 集中所謂薛 詩》一首。 乞兒」之稱。」李壁 荆公在鍾 薛昂,字肇 山下棋,時薛門下與焉,賭《梅花 薛敗而不善詩, 秀才者是也。 明,杭 三 州 人。 似「丐」字、故人 昂 『好笑當年薛乞 荆公爲代作, 薛既宦 吴曾《漫録》: 賦《蔡京君王 達,出 有 今 知

.回。』時謂之「薛萬回」。」(會詩》: 「逢時可謂真千載,拜賜應須更

慶

萬

#### 李 心 傳

又稱秀巖。 李心傳晚年寓居湖州,自號霅濱病叟,

#### 李挺之

受之挺之。」然晁傳不言有《河圖》、《洛書》、 以自名者。 爲最遠,究觀三才象數變化,非若晚出尚 明逸,种徵君受之希夷先生陳圖南,其 南 字挺之,青社人。天聖八年進士出身,師河 穆伯長受《易》。 **鼂説之撰《李挺之傳》云:** 世所 謂 伯長之《易》受之种徵 康節先生之《易》者,實 「李之才, 源 辭 流 君

伏羲《八卦圖》。

## 楊大年事不足信

撰曰: 殘月 按: 談,而季昭采之,毋乃見笑於大方乎。 位也,章獻太后之崩,則大年死 源 文亦輕豔,不可 皇太后文》,楊大年捧讀,空紙 一枝花,秋空一輪月,豈期雲散雪消,花 缺、伏惟尚享。」仁皇深喜其敏速。」 孫奕《示兒編》云: 大年卒於天禧四年,其時仁宗尚未即 『惟靈巫 施於母后。 山一朶雲,閬 世 此委巷無稽之 傳北 苑 無 已久矣。 字,即 惠 狄《來祭 雪, 其 自 桃

#### 劉高尚

劉卞功,字子民,濱州安定人。徽宗嘗

後世」兩語,是誤以高尚爲人姓名矣。 三世之人以嗜欲殺身,以貨財殺子孫,以政事殺人,以學問文章殺天下後世。費衮《梁谿漫録》、趙與時《賓退録》俱載其事。趙熟是。柯維騏《宋史新編》論崔公度諸人,引高尚「毋以政事殺百姓,毋以貸財殺子孫,以政引高尚「毋以政事殺百姓,明號高尚先生。嘗三使往聘之,辭疾不至,賜號高尚先生。嘗

十駕齊養新録卷七終

# 十駕齋養新録卷八

嘉定錢大昕

#### 宋季恥議和

和, 志在 和 稍雪靖康之恥,是元且有德 警,人蔡之役、孟珙會兵,分金主函骨以 得 歲 真 和 ,論理亦當和。 志 犯 西 議 邊。 山奏請絶其歲幣。 恢復、訖無 甚力,爲後世 宋 其 時勢論之,未爲失算 與金讐也,義不當和,而紹興君臣主 或 以 勢積弱 垂斃之金與宋決戰,宋猶 成 功。 而全子才、趙葵首倡 詬 可知 病。 及金 矣。 嗣是金人索歲幣連 厥後張浚、韓侂 于宋矣,論 人爲蒙古所 也。 然則 元 從前 與 |收復 勢當 宋 之 未 歸 困 主 能 胄

> 敵,兩 諸 囚 請 日 所習聞者迂濶之談, 先遺使,而 師,其曲在宋不在蒙古也。 罪,可謂信史乎? 儒, 諛之曰小元祐, 失其大半,并襄 三京 未有如清之者也。 語 儒 郝經等,置和議 稱臣納幣, 也。 之 恥言和議,理、度兩朝尊崇其學,廟 京卒不可 議 必不肯主和以 宰 乃得 相 陽 復,而 鄭 退 于不問,致蒙古興問罪之 亦棄之。 賈似道援郢,遣使蒙古, 清 而絕不言其開邊蹙地之 史家以 師。 而不知理勢之不可同 之力 元兵分道來侵, 速 既 主其 其召用真、 其 我弱 而 宋之失計 盡 亡,蓋由 説 彼强,彼 諱 其 横 事, 魏 誤 道 蜀 挑 堂 學 又 幽 郧 土 强

### 四川宣撫

四川有宣撫司自張浚始,本稱川陝宣

爲使。 熙元 襄 還,以王 及 撫 事 爲 使, 玠尋卒, 宣 舊宣 五 道三年四月,吴璘卒,以汪應辰主管宣撫 夏代之,二年夏召還 年,和議成,移 富 年,虞允文再出爲宣撫使,仍治興元。 撫副 四 軍 司 年,召允文還,以王炎代之,移治 移司 撫 年, 平之敗, ]1[ 馬,不果行。 司 使, 年,復以 建 制 十七年,剛中罷 率居 一似盧 允文 利 炎三 置使,治 置司河 州。 以 綿 卒, 法 退 年 閬之閒。」 胡 吴璘爲宣撫 六月, 原爲 屯 鄭聞 宣 世 池, 浚 成 九年,吴玠 閬 撫 將 以 都, 遂 宣 又以趙鼎 以 中。 代之。 代之,仍 司 四 經 撫 罷 虞允 愐 于利 自 年, 略 以 宣 副 紹 是 使, 陜 以 撫 知成都府 文爲 使。 興 州 聞 不 西 爲 治 吴 司 判 都 = 設 召 駐 四 玠 興 以 洄 督 王象之云: 宣撫 年, 逻, 宣撫 興元 軍 ]1[ 鄭 州。 H 爲 開 池 秦 李璆 宣 以 剛 陜 川 禧 府。 州, 使。 司。 淳 沈 乾 + 撫 荆 召 司 中 陝 用

> 兵, 遁 還 以 安 程 丙 松 爲 爲 宣 宣 撫 撫 使, 治 利 吴 州 曦 副 丙 卒, 曦 仍省 宣 松

### 四川制置

實, 淵 定 爲 不 尋又退守劒州。 人 誅 出 吴曦叛,以西和、階、成、鳳四 以 四 鄰 能 曦之後,并復四州。 不 初 無兵革之擾,居官者以 年,元 絶歲 守 能 制 不 也。 南 制, 欲取宋州 置鄭損棄 幣屢 渡 兵 然 後, 寶慶三年, 破 其 犯邊,制置自成 以 興元, 時 時金方多事,雖 郡 四 元人 弱, 也 川 出 及嘉 蒙古滅 爲 遂失 志 饒 端 上 爲 在 風 定十 平 游 關外 樂土。 州 吞 關 西 都 元 重 、路金。 金 鎮, 年, 夏 得 移 年 制 四 以 城 治 假 置 孟 遂 自 州 蜀 邑, 後, 利 與 桂 道 安 珙 開 土 州 宋 仍 金 丙 富 東 如 禧 紹

一九〇

築重 闕 後 唯 退 兵 啟 元 六年,元兵大舉人蜀,宋之疆土益蹙, 保 任 、大人,取利州、潼川兩路,并 邊 兵 如 重 **愛,稱** 制置 也。 慶合涪、瀘、夔諸州而已。 慶城爲蜀根本,制置移治重慶。 夔門,而蜀事 滅 金 者先後歲月於左方,其所不 兵 南 (汴洛, 北 可 以 不 敗績 和 可 好, 問 而 矣。 而 返。 宰相鄭 破成都,諸 其 今攷紹 其明年,元 後彭 清之妄 所 知 興 寶 大 蓋 存 以 祐 雅 司

席益紹興五年十月,除四川安撫制置大使,知成都

府。

胡世將八年,任制置使。九年,遷宣撫副使。自

是不設制置

司

四川宣撫司。十八年五月,除四川制置使,罷宣撫司。李珍十七年七月,除四川安撫使,知成都府,兼權

蕭振廿三年五月,除四川制置使。廿三年,罷曹筠廿一年七月,除四川制置使。廿三年,罷

符行中廿四年,除四川制置使。

李文會廿七年,除四川制置使。廿八年,卒。蕭振廿六年,再任四川制置使。廿七年,卒。

王剛中廿八年九月,除四川制置使。

汪應辰乾道三年,四川制置使。

年,以與宣撫王炎不協,罷制置司歸宣撫司。 晁公武乾道四年三月,除四川安撫制置使。 六

薛良朋淳熙元年,以四川安撫使兼制置使。以與宣撫王炎不協,罷制置司歸宣撫司。

范成大淳熙元年十二月,除四川制置使。

胡元質淳熙四年二月,除四川安撫制置使。七

年,罷。

禄東之淳熙七年,以成都路提刑權制置使。

陳峴淳熙八年,除四川制置使。

留正淳熙十二年,任知成都府制置使。十二月,以

病去。

趙汝愚淳熙十二年十二月,除知成都府

京鐘紹熙三年,

四川制置使

#### 邱密紹熙三年四月,除四川 制 置使。

趙彦逾紹熙五年十二月,除四 川制置使。

使, ,治興元府。 程松開禧元年六月,除制置使。二年三月,進宣撫 以吳曦叛,松遁。三年二月,罷。

輔三 年二月,除制置使。三月,進宣撫使。 四

月,召。

吴 獵三年四月,除制置使,尋召。

安丙三年三月,除宣撫副使。 嘉定二 年四月,授制

置大使,罷宣撫司。 七年三月,召。

年,自成都進治利州。 正月,被召。 董居誼七年三月,自知成 十二年,金兵人武休關,居 都 府 除 制置 使。 誼 + 遁。

聶子述十二年正月,除制置使。 五月,召。

安一万十二年五月,再除宣撫使。 十四年十一月。

卒。

崔與之十四年十一月,自知成都府除制置使。 +

七年三月,召

鄭損十七年三月,自淮東帥除制置使。 寶慶三年

十駕齋養新録卷八

棄三關遁。

桂如淵紹定元年,自湖北帥除制置使。

李皇四年十月,除制 置 使, 知 成 都 府。 嘉熙 元年,

進宣撫使。

趙彦 ·**呐**四年十月,除制置使,知興元府。

楊恢嘉熙元年, 除制 置使,尋改參贊宣撫司。

1 **黼**元年,制置使,與元兵戰敗死,見《忠義王翊

孟珙四年二月,除宣撫使。淳祐元年二月,改京湖

傳》。

制置大使。

彭大雅除制置使未詳年月,或在孟珙之前。

陳隆之淳祐元年,制置使。十一月,元兵破

成都

死焉。

置使兼知重慶府。寶祐元年六月,召。 余玠二年六月,除宣諭使。十二月,除四川安撫制

余晦元年六月,除宣諭使。 八月,除四川安撫制置

使兼知重慶府。 二年六月,召

李曾伯 二年六月,除四川宣撫使兼荆 湖制置大

九二

使。 十月, 韶進司重慶。

兼宣撫判官。 蒲擇之二年閏月,暫充制置。 四年三月,除宣撫制置使兼知重 八月,除制置 主慶府。 副 使

吕文德開慶元年三月,除制置副使。 + 月,改

京湖安撫制置使。

俞興制置使,景定二年,罷

劉雄飛二年十一月,除制 置副 使, 知重 慶 府。 四

年三月,除制置使。

夏貴五年四月,除安撫制置使兼知重慶府。 咸淳

四年 十二月,改沿江制置使。

以禩孫代之矣。八年二月,除制置安撫大使。十年, 京湖四川宣撫使兼知江陵府。 置使,知重慶府。據《度宗紀》有「仍」字,是夏貴移鎮 朱禩孫咸淳六年二月,除權兵部尚書,仍四 改除 後即 川 制

張珏德祐元年,除制置副使。 二年,除制置使。

#### 沿 江 制 置

自開禧用兵,而建康守臣遂有江淮制

州,未幾而國亡矣。 于鄂州,尋省。咸淳中又有制置副使,治黄 兼沿江制置使。 置之名。 厥後 嘉定十二年嘗置制置 淮 别 立 制 府, 康 副 帥 使

兩

而

建

獨

葉適開禧二年七月,除沿江制置使。 三年二月,改

江淮制置使。七月,召。

徐誼開禧三年九月,除江淮制置使,尋

?免兼。

邱宏嘉定元年正月,

除江淮制置大使。

六月,召。

何 · 瘡嘉定元年八月,除江淮制置大使。 二年六月

丁憂。

黄度嘉定三年正月,除江淮制置使。 五年十月,除

權 禮部尚書。

權 工部尚書。 尋致仕。

劉榘嘉定六年正

月,

除江淮制置使。

八年七月,

李大東嘉定八年十一月,除主管江淮制置司公

事。 九年正月,召。

李 珏 嘉定十年二月,除江淮制置使。 十二年四月。

李大東嘉定十二年九月,再除沿江制置使。 十五

年九月,奉祠。

余條嘉定十五年十月,除沿江制置使。 實慶元年

正月,致仕。

邱壽邁寶慶元年正月,暫權沿江制置事。 三年二

月,赴闕。

趙善湘 寶慶三年二月,除 沿 江 制 置 使。 紹定三

年,改江淮制置大使。 六年二月,奉祠。

李壽朋紹定六年七月,除沿江制置使。 十二月,

召。

陳 華端平元年十月,除沿江制置使。 嘉熙元年三

月 兼淮西制置使。

月,兼 督府參贊軍 别之傑嘉熙二年正月,除沿江制置使。 事。 四 年三 月, 權督 府 職 事。 淳祐元年 三年三

杜杲淳祐二年四月,除沿江制置使。 四年三月,除

三月,兼淮西制置使。

二年正月,除僉書樞密院事。

刑部

尚書。

+

駕齋養新録卷八

董 槐 淳祐四 年 四 月, 除 沿 江 制 置

使。

Ŧi.

年

五.

召。

趙以夫淳祐五年六月,除沿江制置 使。

t

年四

月,移知平江府。

兼知建康府。 趙葵淳祐七年六月,以樞密使督視江淮京湖軍馬 九年二月,進 右丞相,辭不拜。

吴淵淳祐九年二月,除沿江制置使。 十二年,

移知

福州。

王 埜 淳祐十二年二月,除沿江制置使。

六月, 除禮部 尚 書。

邱岳寶祐二年八月,除沿江制置使。 三年六月,致

仕。

馬 光祖實祐三年 八月、除沿江制置

使。

六年二

月,改荆湖制 置使。

趙與篡實祐六年二月,除沿江制置 大使。

馬 光祖開慶元年三月,除沿江制置大使。 九月,

移司江州。 十一月,仍回建康。 景定二年十月,召。

詔

姚希 得 景定二年十月, 除沿 江 制 置 使。 五年三

九三

實祐二年

賈涉嘉定十二年九月,除主管淮東制置司公事兼

月,召。

馬光祖景定五年三月,再除沿江制置大使。咸淳

節制

京東河北軍馬。

十四年,正除制置使。

十六年六月。

卒。

五年三月,除知樞密院事。

吴革咸淳五年三月,除主管沿江制置司。六年五

月,除制置使。

趙溍咸淳九年四月,除沿江制置使。

汪立信咸淳十年,除沿江制置使兼江淮招討使,

尋卒。

趙溍德祐元年,沿江制置使,元兵至,棄城遁。

### 兩淮制置

并江淮置一制置使,治建康。嘉定十二年開禧用兵,嘗以鄧友龍宣撫兩淮,未幾

以後,始有淮東制置,治楚州。王象之云:

邱壽邁暫權制司。

許國嘉定十六年十一月,除淮東制置使。寶慶元

年,兵亂死。

なり、一番のなりである。

徐晞稷寶慶元年,除淮東制置使。二年,罷。

姚翀寶慶三年正月,除淮東制置使。

劉坤寶慶二年,除淮東制置使,是年破逐。

以上制置皆治楚州。及姚翀敗,以帥楊紹雲

珂攝制置事。

兼制置,不復立閩,

改

一楚州

爲淮安軍,尋又以

淮

東

總

領

岳

趙善湘紹定三年,自沿江制置使兼江淮制置

大

使。

「陂」,商務本作「陂」。據《宋史》卷四百七十七《叛臣世] 越葵紹定六年,除淮東制置使,知揚州。端平元

● 「破」,商務本作「被」。 據《宋史》卷四百七十七《叛臣

端平三年, 年,改京河制置使,人洛師 復 除 淮 東 制 置, 治 潰,仍爲 揚 州。 淮東制 淳 祐 置,移 年, 司 知 泗 樞 州 密

院事。

李曾伯淳祐二年, 除 淮 東 制 置 使。

邱 岳淳祐六年, 除 淮 東 制 置 使。 八 年, 兼 淮 西 制

置。

年,除 同知樞密事,仍舊任。 賈 似道淳祐十年三月, 十一月,除樞 除兩淮制置大使。 密 使、 兩 准 實 祐二 宣 撫

大使。 開慶元年,除京湖四 川宣撫大使。

年 Œ 月,除兩淮制置大使。 李庭芝景定元年,主管兩淮制置司公事。 六年正月,移京湖制置。 咸 淳五

印 應雷咸淳六年正月,除兩淮制置使。

李 庭 芝咸淳九年十 月,除淮東制置使。 德 祐二

年,死難。

紀志 廬州今爲淮西九郡帥府,淮西制置使,嘉定之制。」 皆 淮 無 西 明文。 制 置司 或合於沿 今紀其所知者。 江,或合於淮 王象之云: 東,

楊 恢端平三年, 淮 西制 帥 見《齊東野 語

> 杜杲嘉熙二年九月, 陳 韡 嘉熙元年。 以 沿江 除淮 制 西制 置使兼 置 使, 知 廬

州。

史嵩之嘉熙三年二 月,除淮 西 制 置 使, 知 廬 州

邱 丘淳祐八年,以淮東制 置使兼。

别之傑淳祐元年,以沿

江制

置

使

兼,

尋

入執

賈 似 道淳祐十年, 除兩淮制 置大使。

夏貴咸淳九年十 月,除 淮西制 置使。 德祐

以城降元。

#### 京 湖 制 置

間 州, 興 撫 嘉定間移治襄陽,自是始定京湖 司罷, 復設宣撫,尋罷, 初,當置 始置湖北 南 渡紹 加 湖 江 興初, 北 陵、襄陽守臣各帶安撫使。 京西宣撫使, 京 西 岳 而 制置 飛 置 收 荆 使, 治 復 湖 襄 未 襄 制 陽、 幾罷 陽。 制置之名。 置 於江 郢、 其 後 隨 開 陵, 禧 隆 諸 宣

九五

虞允文隆興元年七月, 除湖北京西制置 使。 年

七月,召。

韓仲通二年, 除湖北京西制置使。 乾道元年六

月,罷制置司。

薛叔似開禧二年四月,除京湖宣撫使。十二月,

罷。

吴獵開禧二年十二月,除京湖宣撫使。

項 安世以湖廣總領權宣撫事。

李大性荆湖制置使,知江陵府, 當攷年月。

劉光祖嘉定五年二月,自襄陽帥 爲京湖制置,見

荆門州題名石刻》。

趙方嘉定十年,京湖制置使。 十四年七月,進大

使。 八月,卒。

陳跋嘉定、紹定間,京湖制置使。

史嵩之紹定五年正月,除京湖制置使,知襄陽府。

端平元年,罷。

趙 范端平元年九月,除京湖制置使。 三年,以失襄

陽奪官。

視諸路軍馬。

史嵩之嘉熙元年任。

三年 正

月, 拜

右丞

相,

仍

督

孟珙嘉熙二年,除京湖制置副使,尋除制置使。三

年,兼知鄂州。

四年,除四川宣撫使,兼知夔州,仍兼京湖

四 年,兼知江陵府。 六年九月,卒。

制置使。淳祐元年,進大使兼變路制置大使,置司峽州

賈似道淳祐六年九月,除京湖制置使,

知江陵府。

九年三月,進大使。

月,進大使。 李曾伯淳祐十年三月,除京湖制置使。 寶祐二年,兼四川宣 撫使, 其京湖 十一年十 職事令

吕文德主之。

吴淵寶祐三年三月,除京湖制置大使。

趙葵寶祐五年七月,除京湖制置大使。

馬光祖寶祐六年二月,除京湖制置使。 十二月

移 司峽州。

吕文德開慶元年,除京湖制置使,兼知鄂州。

咸

淳五年十二月,卒。

李庭芝咸淳六年正月,除京湖制置大使。

與棗陽軍對易。」

汪立信咸淳九年四月,除京湖制置使,知江陵府。

朱禩孫咸淳十年七月,除京湖四川宣撫使,知江

**场在成了一个** 陵府。德祐元年四月,降元。

高達咸淳十年十二月,除湖北制置使。德祐元年

四

月

降元。

#### 京湖

屬,仍以棗陽之桐 十二年,制 南 合京西、湖 化、信陽 盡 曰唐城,曰棗陽。 史之漏略。 失, 渡後升爲軍, 宋 唯京 初 置趙 軍尚爲宋土,故 有 北 西路之襄 王象之云: 方奏陞棗陽爲軍, 荆 爲 紹 柏 湖 鎮 興五年, 而《地 一路也。 南、 練隨 北 縣, 理志》不 「隨州舊領縣 陽 廢唐城爲鎮, 路。 卻 府、 棗陽 有京湖路之稱, 將隨縣便近鄉村 却 南 隨 割德安府 載 本 渡 州 隸隨 = 隨 升 以 、後,中 棗 州 軍 應山 縣。 陽、 日 事 屬 撥 隨 嘉 縣 縣。 蓋 亦 光 原 來 定

## 利州路分東西

府,以 略 成、西和、鳳屬利西路, 爲 安九州軍爲利東路,以 益以天水軍爲 復合矣。」「初,紹興 寅以聶子述帥東路、丁焴 復分,三年復合,五年復分, 合,慶元二年復分,嘉定三年復合。 也。 東西路,乾道 王象之云: 興元、 利、閬、隆 八州,以 四 自自 年復合爲 + 紹 興元爲 慶、巴、蓬、金、 與文龍 四 沔州本名興州。 興 帥西路而復分,今 年, + 以 帥 共七州 紹 四 秦 府,此其大 熙 淳 年 鳳 五 分 熙 嘉定戊 、洋、大 路 利 年 後 階、 帥 年 復 又 州

新 沔。 利 即興州 東、西 也 路分置安 後 改沔州。 撫, 自 鄭 損 治 以 興 制 元,一 置 使移 治

九七

九

了翁 侮。 懼 居堂 司 帥 新 撰崇墓志,蓋在紹定初 分治梁、沔, 沔, 高崇言: 諸象奕,大將 委任 金 人 人 責 「爲 寇, 成, 守衛邊場, 今日 損 庶 不 倉 幾 出 計 皇 宫 緩 П 不 急 制置使還 宜 利 臨 不 循 州 河 致 舊。 也。」見魏 貽 人 利, 輕 比 情 端 納 以 震

#### 湖 東 湖 西

郡 州; 桃、 爲 桂 湖 紹 鼎、 陽 西 興 八郡爲 路, 澧、 元 年, 安撫 辰、沅、 詔 湖 司 分鄂、 東路 治鼎 靖、 合、 岳 州 安 邵 撫 潭、 使置 全、 衡、 武 司 永、 出 于 道 鄂 九

#### 暫 復

趙 范 失 寒陽, 在端 平三年二月, 即 元太

謀 付。 告命 劄告 北 宗之 廷 老 弟 行 起 自 申 府 充 樊城,遂遵照便宜旨 美 鴉 馬 司 廷 京 府 屋 人 到 來附 今據 及 遂 造 所 劉 + 大軍會合夾擊叛賊 錢 亦 輔 命,前去結約土豪, 西路鈴。 月二十 Ш 物 開 委參謀官别之傑差信 酒, 據。 年 路 已 商 廷美等復 也, 於 調 議 鄧 諭 招 以待偽酋及韃 又攷《魏了翁集》有《奏備 稱 兵 四 雲等狀 軍 又據 集 而《 之傑遂遺 日軍 民 月二 應 官民 督 榜劄, 元 諸 襄事宜狀》云: 援 府 申, 變以來,因 紀 日 處 樊城,廷 揮, 兵 有 探報申,北 起 鄉 告 於 江 前 已據 使 特 水 農 離 箚 賊 是 海 去 臣 與 荆 大 陸 間 發 年 輔 都 劉 實幹 鄧 超 劉 門, 循不 隊前 冬始 並 道 下 遂 統 廷 雲 轉 廷 進,己 前 樊 取 即 與 美 美 人在 等 修 事 守, 去, 城, 書 來度夏。 襄 南 時 廷 軍 賷 等 别之 武 人 美 費 城 行 仍 漳 將 又 前 F 郞 收 遂 陽 襄 參 之 榜 内 傑 約 縣 帶 交 件 差 復 爲 府 陽

失復得 乙。 門徑趨 復襄陽城 故劉廷美等得乘虚入城耳。及元兵至,而 看 年冬,得其實矣。 紛紛投附, 止 由 守。 其事不載《宋史》。據了翁狀中雖 軍 臣 將不和,擁衆外叛,而元兵初未至, ,别無與元兵攻戰之文,是襄陽之陷 襄 壁了當。 又得之傑書,稱江 陽,與劉廷美兄弟協力扞禦」云 其 地始 爲 其城内見係劉廷美兄弟 元有。 海聞 《元史》繁之是 報,遂 云既 自 荆

## 復襄樊年月不同

《紀》于端平三年失襄陽之後,至此始書 嘉熙二年。 襄、樊,而《元史•太宗紀》乃云: 京湖制 宋史•理宗紀》: 歲, 司 襄陽别將劉 表都 統高 達 義 「淳祐十一 等復 叛,執 襄、 「戊 游 年十 樊。」按 顯等降 戌 復 即

> 退。 宋。 區區空城本不作留戍計也 亦徙雒陽。」是丙申襄陽失守之時蒙古已徙其民于雒陽 復屯駐重兵於此,非以 已棄襄而不有,亦不立鎮戍,至淳祐辛亥 丙申,襄陽失守。 高達始有之乎? 十二三年,意者嘉熙收復之後仍不能守,至 憲宗紀》不載高達取襄、樊,蓋自戊戌以後襄、樊已爲宋土 有拓邊之勞,在元未有失地之實也。《元 不載嘉熙收復事。蓋自劉義降宋以後,元 雖有一年之差,然較之高達復襄、樊相 「嘉熙三年正月, 又攷姚燧撰《鄧州趙長官碑》云: 令鄧、均、唐三州 宋兵 復 取 襄、 民徒 劉 元《大一統志》: 淳祐辛亥,高達復襄。」 樊。」《孟珙 維陽 全復樊城,遂 西 兵力取之。 三縣。 「乙未,太子南征 明 傳 年丙申, 復 **>** 在宋 亦云: 襄 端端 去 陽。 史 亦 雖 W. 至

#### 十駕齋養新録

### 喫菜事魔

之地 至 仰 + 已。 所 屬 魔 熾 臘 言 可 録 以 死 焚 勝 以 惟 餘 載 之語 然之説 閒有 禁。 ,竊意陛 燒 流 前 年 方 向 臘 伏 聖 血 法 讀 閒, 殺 貪 州 禁 見 在 戮 積 之 不 沈 紹 不 功 縣 也。 靡 屍 後 尚 兩 繼 F 興 解 下 幸 或畏 之 吏, 至 浙 祖《 視 法 寬, 四 有 所 所宜 而 于 州 禁 臣 民 F 年 謂 劾 加 事 死者 廬 縣 聞 遺。 如 平居 愈 五. 惻 朱文 舍, 事魔之俗 者,稍蹤 有喫 事 傷, 嚴, 月, 頃 然 不 魔者, 讀 坐視, 自 動 積 公疏 而 而 起 菜 知 李 方 心, 聚 民 事 居 事 幾 臘 心 、跡之, Ш 每 **>** 愚 魔 猶 魔 舍 而 干 之平, 傳《 有 林, 鄉 切 之 思 無 未 之俗 人 萬 繫 每 俗 至 喫 欲 知 雞 則 不 王 人矣。 至 問 邨 究 蹈 犬之 愈 于 居 年 菜 今 方 其 有 其 禍 則 方 要 不 IE. 事

害教, 道,而 字, 濟 故 皆 之 皆 節 其 蓋 矜之詔 不 以 相 而 此 易 可 儉 説 歸 是爲政,乃 民 親 不 可信,而 相與 足, 勝 德於 使 故 桀 肉 家 如不 自 有古淳 食易足、事易濟 書, 禁。 相 親 食 民 黠 有 詛 然 司 魔, 親 卹, 則 愚 ·祭其 使人 争趨 事 盟 之 黨 謂 伏 費 無 爲魔 相 爲魔之黨。 理 于 朴 則 而 同 之 望陛 省, 、曉然 知, 先之類, 歸 . 友、 之 事 相 魔 黨之人 非 之, 頭 易濟。 從 風 親 故易足; 謂 相 頭, 下 魔 知 者 而 此所 吾 助 念民 也 之 相 以 竊取以瞽惑其黨, 盡 附 今民之師 之意,而 則 從 皆 力 ,故以魔 親 爲 凡事 録 益 臣 事 以 魔之言、 出 迷之日 故 不 其 之 以爲 魔 法 力 同 肉 相 魔 鄉 之罪 禁 以 圃 食 黨 以 者 卹 甘 邪 帥 此 邨 至 愈 頭 久, 則 則 相 淡 不 事 先 姓 之 僻 既 也 于 而 嚴 薄、 賑 相 肉 説 邪 魔 害 Ŧ 事 下 不 氏 而 食 親 卹 哀 僻 易 之 導 部 爲 教 使 能 名 愈 務

韶諸 子 賞,以勵 之,其閒有能至誠 又擇平 責 孫孫 監 司,郡縣 路 咸 昔言行 其徙, 帥 被 憲司措置,毋得搔擾生事」, 聖 責守令, 澤, 庶幾舊染之俗聞風 爲 鄉 用心 實 曲 一方生靈 宣明詔旨,許以自 率衆歸 所 信者,家至 善者,優 赤子之幸。」 丕變,子 而 乃 户 加 新。 知 激 曉

不一 尼 處 是 有方 而 止 教」, 皆有,淮南謂之『二檜子』,兩浙謂之『牟 妖 發 因 便可 福 幻 水旱饑 陸 則 其 明教 游 建謂 邪 江 以其爲 神 人,平 東 撫定,必不能大爲朝廷之憂。 條 號 之『明教』、『揭諦齋』之類,名 尤甚,至有 饉,追於寒餓嘯聚攻劫, 謂 日 對 害未易可 二明 之『四果』, 北狀》: 時誑惑良民 使」,又有 「自古盜 測。 秀才吏人軍兵亦 江 結連素定,待 伏緣: 肉 西 佛、 謂 賊 此色人 之『金 骨佛、 之 則措 興, 若 相 處 號 剛 時 唯 置 Ш

> 于刻 更相 佛 溺 爲 等號,白衣烏帽,所在 法 板 結 水用 習 流 布, 有 以 以 同 沐 祭祖 膠漆, 浴。 考爲 其 萬 他妖 成 引 社,僞 鬼 竊 濫 水 發, 未 絶 經 易 血 口 妖 食,以 概舉 像 寒 至

## 吴潛建儲之謗

心。」

喫菜事魔」即今人所謂邪教也

之故 字 興之甥館,實慈憲 庚午,則 午」字誤,若謂嘉定庚午,則理宗尚未爲皇子, 主 頃 每于禁中言其可喜,且爲求官,穆陵 也。 叔 見周密《癸辛 ,欲一見而官之,遂俾召至 高, 吴毅 度宗 理 宗第六。 號方泉,娶趙氏, 夫 已 即 建儲 位 福王第八。 雜 矣。 之謗,《 識》 全夫人之愛甥 小 字 有 關 宋史》言之不 庚 一條云: 乃穆 孫 午 歲 陵 自 皇 得 幼 親 也 城 男, 姊四 以 育 若 魏 調咸 慈 於 此「庚 法 慈 詳。 峻, 憲 憲 紹 郡 淳

汗邸 方甫 時 免。 異 名 刎 皇子,嘗遺人俟於汗邸,欲殺之,方知之,乃 欲 于榮邸瑶圃池 紫姚黄』之傳,其實則 吴毅夫得其事,遂形奏疏,而 子之説,既而外廷 自後門逃去。 亦無攷。 而 建 度宗亦與之同 姓 當是 以通殷勤。● 儲,吴不然之,欲别立汗邸承宣,□ 此一時權宜,遂令假名孟關以入見焉。 死。 人 (官門, 漢 此 要皆出讒謗之口,不足信也。 邸之譌。 事 後爲謝堂捕之,送兵馬司,自 必 中。 福王親聞之穆陵云。」按: 縣 人宫,欲其故,遂倡爲魏太 傳聞浸廣,于是 吴以罪 牌于腰乃可, 當吴毅夫 不然也。 所 云「漢邸承宣」,其 去 國。 爲 四方遂 關孫後 相 唯宗子 紹陵既 日 王 一伯大、 有「魏 穆陵 溺 則 爲 死

遼

史

誤矣。 也。 世,據《太祖紀》。《世紀》作「癸酉」,誤。 使。」「五年」當是「三年」之譌。 不相檢照如 年,而《遼紀》失書。 割死,傳於兄之子烏雅束。 二年,遼乾統三年也。 打襲。」按楊割即《金史》之盈歌追謚 生女直部節度使,其俗呼爲太師。是歲 據《金史世紀》,以癸未歲卒,即宋崇寧 《天祚紀》: 《世紀》: 此。 康宗烏 乾統 遼金兩史同 雅束乾 《紀》繫於乾統元年, 烏雅束以癸巳 元年初,以 束死,其 統 五年癸未襲 當遼天慶二 時 刊修,而 弟 楊 穆宗者 歲 प्रा 割 節 即 骨 楊 爲 度

據《癸辛雜識·魏子之謗》當作「專任」。

《遼史》者也。 宗之孫,斷 好,灼然可信。 予家所藏遼石刻作「壽昌」者多矣,文字完 昌。」今刊本作「昌壽」,誤。《文獻通攷》: 昌。』《東都事略附録》: 「遼道宗 昌。」又引《北遼通書》云: 北諸蕃樞要》云: 大安,皆盡十年,然後爲壽昌,至七年終。」 在位四十七年,其紀元自 七年,改元乾統。」鼂公邁《歷代紀年》: 大安,各十年, 道宗初 改 無 改 元清寧、咸雍、 取 元清 按洪遵《泉志》引李季興《東 次壽隆,至七年止,此見 且遼 聖宗諱 「契丹主天 寧,次咸 人謹於避 紀元之理。 「紹聖三年改元 咸熙改太康,又改 「天祚即 太康、大安、壽 维, 諱 次 ,道宗爲 祐年 太康, 「洪 位壽昌 此 號 遼 壽 壽 基 於 次

> 西 遼 紀 年

史》之誤,不可不改

Ī

熙四 十四四 六年。 滅, 淳 興二年甲 癸未也。 十年庚午也。 癸亥也。 云大石以甲辰歲 末,它書皆無之,今當以《遼史》爲 一年辛未。立十三年 熙 則宋嘉定 年甲子。 年丁酉也。 五 西遼世次紀年唯見于《遼史• 在位二十年 年 其妻稱 其妹 戊戌。 电。 四年辛未也。 稱 大 稱 稱 制,號承 制,號感天太后,當是 自立、改 制 石 制 夷列子直 立三十四 + 子 七年 而 四 夷 殂,則 而殂,則宋 年 列 而卒,則宋 天太后,當 元延慶, 魯古 而被 嗣 年 宋紹  $\wedge$ 遼 位, 耐 嗣位, 史》 殺 爲 隆 在 興 Ę 即 天祚 則 乃 稱 紹 在 興 宋 紹 + 鑾 在 興 宣 宋 宋 元 興 紹 Ξ 和 所 宋 淳 隆 年 廿 年 興

十駕齋養新録卷八

四

於延 未足信 此 十二年。 元 康 年 九 綱目》, 建 致誤, 年」,又云「康國十年殁」,似大 國 + 數,恰八十 號 年。 慶三年 十年,乃 薛氏、 曾不 明 以 人續《綱目》續《通鑑》者 建都之後即 合在 大 八年, 王氏 一檢 石在 位 續《 照 然則延慶當有十年,併 位 廿年之數。 後 通鑑》,所 廿年合之二后二主 文 云「改延 何 也? 唯《遼 載 石 慶 歲 商 在 爲 大 月 氏 率 位 康 史》 俱 續 因 威 止 幾

何 家 兵 三十四 編 舌 古爲太上皇,朝夕問 八 據 死,遼 千擒 年 遼史》紀西遼之亡云: 年。 予 書皆系 謂 絶」。 欲 時 而 以 知 秋 據 辛酉,當宋嘉 直魯古之亡,當先究 出 初不言其年 其 獵, 位。 起 乃蠻 居, 襲 遼 主屈 以侍終。❷ 何 泰 直魯古「 衣 干 元 冠,① 出 年,不 支也,諸 律 尊直 乃 以 在 蠻 知 直 伏 位

> 丹。 河上。 之世 歸」, 矣。 時西 辛 置 于契丹歲己巳,聞 罕之兄卜魯欲罕,而 元 出律者,太陽罕之子。太陽罕 故《元史》不載直魯古之滅。 迹 ·西者 太祖 監 略 《元史》太 契丹 遼尚 系。 國 見于《元史》, 而《巴而 [等官。] 不 所 戊辰冬,元再征 即 殺。 乃 미 無 曫 西 恙 信二矣。 术 與 則 遼。 丙寅,元 祖 阿 則 蒙 己巳 太 而 四 初 謂亡於辛酉者 古 戊辰 祖 加 年 屈 不 接 歲 西 的 兵 興 己巳,「 屈 出 與 壤 遼 在辛酉後 西 朔 斤傳》亦 出 復 律 西 與 律,屈 遼 數 方,遂殺 征 出 遼 然《遼史》所述 蒙 尚 乃 相 畏 以 奔 爲 古未交兵 存 蠻, 攻 吾兒 甲子 不 也 鄰 云 出 八 擊 謂 可 契 兒 擒 律 也 年, 丹所 或 信 歲 其 的 太 于 來 其 陽 爲 事 臣 契 石 屈

0

終」下、《遼史》卷三十《天祚皇帝四》有「焉」字。 襲」上、《遼史》卷三十《天祚皇帝四》有「遂

元

太

祖

戊

辰

歲

而

直

僅

+

餘

歲

所言

必

得

其

位

也。

長

春

西游,

親

到

西

遼

即

謂

直

魯

古

被擒、

屈

出

律

奔

契丹

事

其云「士馬

復

滿失國依大石,謂大石之後即直魯古 屈出律之父尚在, 魯古之被 亡。 記》記西遼事 石林牙領衆數 依大石」, 實。 亡于辛酉 自 襲 地 在 辛 振, 其 舊 西 未, 甲 潦 屈 傳國 擒 都, 削 云 乃 盜 衣 出 辰 非 又在 其 钀 律 據 即 至于國亡 距 冠 乃 也。 幾 辛 地 示 失 其 奔 西 而 屈 滿 頗 酉 其 百 天兵 千走 國 可 何 契 遼 土 出 據 土 年。 也 在 之 其 律 即 馬 由 丹 兒汗 古報 皆 遼 年 律 律 西 襲 菊 記 則 歲 而《遼史》本有似相矛盾之處,既 祖 蠻克之,斬其 辰 所 之 奔 征 相 濶 其 歲 兒 即 爲 謂 儲,其 位 率 以誤者,由于不信大石在 世,謂亡于 即 元 契 近。 兒 號。 汗 亡 一改元 月五 直 兵所斬, 丹相去十有 汗近侍。」 即 于 屈 屬 魯古, 《元史· 曷思麥 直 事當 辛 出 迎 魯古 日 主曲 降, 延慶」矣,又云「延 律 酉 即 無奔 在 辛 則直 不 以 從 里 曰「濶」 也。 位、號葛兒 太 曷 出 西 數 可 三年。 亦直 大 契丹 祖 律 思 魯古 人 不 信 ^ 將 庚 麥 遼 可 奔 四 即 事者, 哲 魯古舊臣,元 曰「菊」, (里傳》: 辰 之失 史》: 契丹 信 或據 屈 矣。 伯 歲, 出 汗。 Ŧī. 爲 位 律。 或 矣。 非 與 王  $\wedge$ 此 先 有 云「以甲辰 與「葛」 聖 子 必 菊 戊 大

至,乃

滿

尋

滅,算

端

亦

乃蠻也,

其

云「失國

也

知

菊

在

元

太

諸

家

文

疑

屈

出

辰

屈

出

復

振、盜

據其土。

既

而

算端

乃

西北,

移徙

十餘

年

方

至

此

云

白自

金

師

破遼,大

《長春真

人西

游

計

八

+

八

年,其干支當

爲

主

兩

后

在

位

年數分明,

武

親

征

兒

汗

孫

蓋

##

初

爲

西

石

以

甲

辛

未

爲

元

太祖之六年,正

奪

西

遼

而

有之?

謂

西

遼

之後,若辛酉歲,

則

班

二十年,

蓋

爲

首

惫

鋒

攻

乃

太

祖

音

一〇六

西 駐 萬 宗, 年 此 云 之滅 + 或 虎 師 改元之時蓋已久矣。 號,次年 癸卯七月,大石既自立 位二十年乎? 云 至起 矣。 + 地。」是大 年之文不 思 東 軍 里, 明 年 斡 不 年二 乃 旅 耳朵, 思 大石 得 兒 殁」, 因 中辰二 至尋思干 馬 而 漫,文武百官册 建 干 不 月 西 行二十 合。 凡 都 石 領衆走 ル甲 移 似大石 改 九十 而 建都之前, 前 延 月改元 且 午, 蓋 改元,又十年 既減. 大石 慶爲 數 日 城 即 西 日 以 祇 年 改元之日。 改元 北,移徙 得 與 青 大石之年, 有 乏 爲王,必 矣。 康 延 П 忽兒 牛白 + 善 慶,固 西奔,在 或 Ÿ 稱 口 在 二年, 地, 今按《西游 元 尊 爲 或 前, 馬 年」, 珊 而 十餘年, 帝 號者已 建 不承 王 其 祭天 殁,豈 稱 大 既 則直 都 來 保 與 宜 帝在 戰 又云「康 也。 城, 在 降, 距 而 保 大 敗之, 地 魯古 甲 兵 大之 + 位 非 方 記 又 行 史 年 餘 至 祖 在 號

書移於 徙十 牙,頗通今古,其改元 過 位 康 祚 延 召 年」之語 古之亡 辰之春,其 乙 遼 遼史》雖 七十 諸 則 國 慶三年, M 史》以 + 部 臆 餘 則 問 七年, 決 必 年 年 必 至, Z 必 不 改元、 方至 附 有 在 巳 本 在 蓋 時 不 · 相 而 辛 乖 延 和之談, 亦 無 用 猶 遽 與《 後 舛, 慶 刺 未 此 可 出 稱 百 漢 未 稱 十一 謬乎? 而 地」者也。 疑。 遼 臆 帝 而 昭 至 官 帝 不 撰, 史》「 爲 置之勿論 可信者猶 西域, 勸 烈、晉元 也。 在辛 年,《 也, 大石 且 進 事 愚 更 自 耳。 延 假 西, 西 之 若 如是,則大 固 謂 繼 慶 興 Z 游 年 帝 稱 可 亦 大半,諸家云 非 大 迭 記》所 若 改 復 巳 矣。 定, 故 帝, 決 其 之 石 承 至 建 元 事, 實, 然 名 官 都 當 幾 辛 而 則 可 謂 俟 爲 當 以 九 直 石 改 在 西 諸 信 魯 即 移 天 號 林 + 不 家 干 甲

0

建」上、《遼史》卷三十《天祚皇帝四》有「遂」字。

《綱目》諸書同。《遼史》但云大石在位二十 年丙 是承天后稱制實十五年,與《遼史》尤不合。 興之元年,紹興之十三年即崇福元年,是三 慶 世皆未 國之十年即咸清之元年,咸清之七年即 承天太后 年,感天太后稱制七年,夷列在位十三年, 子,其三十四年辛酉,爲乃 十二月承天后被殺,夷列子直魯古立」,則 元 福元年甲戌,夷列子直魯古天禧元 辰,大石子夷列紹興元年壬戌,夷列 年乙巳、 萬 踰 斯同《紀元彙攷》云: 稱 年而 制 康 十四四 改 國 元 元年丁未,大石妻 年。 矣。 據《紀年表》,則 而 蠻所 于天禧元 耶律· 擒。 大 咸 年 年 石 與 清 戊 書 康 續 紹 妹 延 元

## 金史衛紹王紀

衛紹王一朝記注亡失,今見於《紀》者,

月乙 元 李尚之疑此朔當在前一年,然《宋史》是月 食,而書於十二月,已 食,初無十二月日 如大安二年十二月辛酉 亦不言日食。 嘉定三年,《宋史》紀志是年六月丁巳 中統三年王鶚所采摭,然亦未可盡 西朔推之,此月朔斷非辛 食事、《紀》不書六月 爲譌舛,且以 朔,日有食之,即宋 酉 也 次 年正 朔 元 信。 和 之 H

和。 名,而史失其傳矣。 此二事皆 改永濟務 舊名。」孫慶瑜《 避金主允濟諱改曰清陽。 齊乘》: 爲縣。 在 衛 紹 豐閏縣記》云: 濟 大安 Ŧ. 陽 朝。 縣,大定六年大定當作 初, 想 避諱 濟 允濟 南 更 「大定間 府 名豐 遇 亦當 入弑,復 閏。」 更

## 金史義例未當

言 崔立當人《叛臣 宣宗以後,近侍頗干政事,然金之近侍皆世 可 昌、王倫、《宋史》有傳,不當又人《金史》。 家子弟爲之,於宦者無預 御綘山傳》,則《宦者傳》亦 掩其酷刑之咎,則《酷吏傳》可不立 非叛黨,不當附《張覺傳》。 梁珫可入《佞幸傳》,宋珪可附見《 金史》酷吏止二人,高間山死于國事, 傳》,不當儕于 也。 可不 列 宦者亦止二 立也。 傳。 張僅 張邦 也。 奉

#### 金人多二名

史家不能悉載。如:《元史·按竺邇傳》金人多二名,一從本國名,一取漢語,

生辰 之郭 異、《金表》多國語、《宋紀》則其漢名也。 所 載金會州守將郭斌, 蝦嫲 諸臣,以《宋史》本紀證之,往 也 <u></u> 交聘表》 即《金史・忠義傳》 所 載 使 宋賀 往姓 同 正 日

# 地理志失載鞏昌府

理 昌 志》失書。 府, ^ (完顔仲) 兼 行元 帥 德 傳》: 府 事。」 「正大六年, 鞏州升鞏昌 |府,《 移 知 地 鞏

#### 一地異文

《元史》同。 豐 九月中徵 即 ^ 哀宗紀》前書「大元 地 也,《 《完顏合達傳》作「饒峰關」。 兵 郭 會 蝦 于 嫲 饒 豐 傳》作「 關 進 兵 饒 嶢 嶢 風 峰」、 關 駶 饒 與

議: 位。 月,愛王薨,北國主立其子雄爲三大王」, 愛王自立, 謚其父鄭 八日,潍王即位,謚磁王爲明宗」,「八月, 立磁 和十四年七夕,章宗爲牛刀兒所弒,頒遺詔 王允蹈」,「五年正月,愛王據城叛」, 逾月改元天統」,「天統四年十一月,誅鄭 皇太孫」,「四年正月,世宗晏駕,太孫登極。 述年號事迹,如云: 撰」,陳直齋謂其歲月牴牾不合。今攷其 天定二年辛未。 十五日,爲内侍趙元德等所弒。 王允明爲皇太叔。七月八日,磁 潍王允文,世宗第六子,次當立。 金人南遷録》題云「著作郎張 四 月,策進士」, 「興慶二年十一月,立 王爲明宗」; 五年 **一**十 大臣 Ŧ 師 「泰 所 + 即 顔

不相應,大約南宋好事者妄作。

宗第八子當立。

十日,即帝位」;

「五月,

葬德宗于福寧陵」。

以《金史》紀傳校之,全

成。正月八日,上宴駕。

百官議淄王允德世

十駕齊養新 録 卷 八終

二〇九

十駕齊養新録卷八

# 十駕齋養新録卷九

嘉定錢大昕

史

元

日。 以見 《元史》者。 日。 乙丑 丙 自 攷訂必不審,有草 速,未有如《元史》者。而文之陋劣,亦無 寅 艸澤,迂腐而不諳掌故者乎! 再開 《元史》纂修,始於明 長,況宋、王詞華之士,徵辟諸子皆 綜前後 其後續修 開局,八月癸酉告成,計 局,七月丁未書成,計 蓋史爲傳信之書,時日促迫, 厪三百三十一日,古今史成之 順帝一朝,於洪武三年二月 創 圃 無討論,雖 洪 武二年, 百百 一百四 開 班、 國 八 以 八十八 干三 馬 二月 功 臣 起 難 則 如

> 有九 紕繆若此,固無暇論其文之工拙矣。 人立傳者。 傳其一,諸子亦傳其 數 首 表》或有封號無人名。 而 家, 稱 兩 四 而 傑, 傳。 而 鄆 立傳 或 而赤老温 本紀或一 宰 亦 相表》或 者 無 傳。 不 一,太宗以後皇子 無 及其 事而再書, 此 傳 丞 義例之顯然者, 有 半。 相 姓 見 尚主 無名,《 太 於 祖 列 表 世 傳 諸 者 胄 諸 或 無 弟 五 不 過 且 王 止

### 元初世系

 $\equiv$ 兒始。● 世日 世 《元史• 豁里察兒蔑兒干,四世日 最初曰巴塔赤罕,二世曰塔馬察, 据《祕史》,則字端叉兒之前尚 太祖 紀》述其 先世, 阳 自 「字端」 兀站孛 有十

❶ 「叉」,原作「义」,據下文《秘史》「叉」作「察」改。下同。

미 而致諸簡牘,又未必 祕,外廷莫能 表》云: 端叉兒之父也。《祕史》「叉」作「察」。《宗室世 Ŧ, 孛兒只吉歹蔑兒干,今蒙古以博 羅 爲貴族,即「孛兒只吉歹」之轉 敦,七世 祕史》,故於元初世系頗漏略 知,而闕其不 温 世日 華言善射也,十世曰脱羅 五 世 「元之世系,藏之金匱 朵奔蔑兒干,史作脱奔咩哩犍。 撏 日 知 鎖 撒 知,亦史氏 也。 赤, 里合察兀,六世 盡 其 八世日 得其詳。 在史官,固特其 法也。」史臣 C合兒· 豁 石室者,甚 出 勒真 也,一 爾 則因 也客 濟 九 伯 蔑 吉 未 其 即 世 概, 顔, 見 所 兒 特 系 孛 你 日

温, 魯克,曰合臣,曰合赤兀,曰合出刺,曰合赤 篤敦也。 祕史》: 日合闌 孛端叉兒之孫蔑年土敦即紀表之哶 生七子,其五 「蔑 歹, 年 日 納 土敦生子七人, 曰哈 臣 把阿秃兒。」哈 人史闕 其 名。 出 今據 曲 出 魯 曲 麻

> 子爲屯必乃子。 系表》以爲六子,列葛不律寒于第六,似誤以蔑年土 其餘六人亦各有子孫,别 母日 克即《史》之既拏篤兒罕也,有子 之事,本紀疑 合二也。《祕史》初不言與押刺伊 家,唯納 乃 不合一也。 魯之妻,而《史》以莫挐倫爲吽麻 謂「押剌 那莫侖,史作莫挐倫。 真即納臣。 伊 哈赤曲魯克有子海都,爲世 未 而部殺莫挐倫及其六子,滅其 可信。 爲贅壻,故 《祕史》屯必乃 是那莫侖爲 爲 族 不及難」, 姓。 Ė 篤 而 止 敦 海 部争戰 而《史》 哈 、妻,其 都,其 子, 其不 敦之 嫡。 曲 世

始。 合必 必乃 斡兒 黑申,史作拜姓忽兒。 ?薛禪。 勒合罕,史作葛不律寒。「合罕」之號 帖 合必勒有子七人,次子把兒 祕史》: 該。 史作敦必乃。 伯 升 海都生三子,曰伯 豁 兒 日 察 多 屯必 黑 剌 申 孩 乃生三子, 領忽, 生 壇把 升豁 子, 日 自 長 E 抄 兒 阿 真 此 屯

罕殁,遺言以從兄想昆必勒格之子俺巴孩 兒史作八里丹。 合必 是爲泰赤烏氏。 爲合罕,史作咸補海罕。 罕未敗之日,先稱合罕者,一部之長,後稱 親自送女,被執,獻于金,金人殺之,部人立 圖刺殁,而太祖繼,稱成吉思合罕。 皇帝,則諸部之長矣。 (勒合罕之第四子, 曰忽圖剌合罕。 即 也速該之父也。 俺巴孩與塔塔兒部結婚 即 察刺孩領忽之孫, 合必勒 蓋在 王 忽 合

#### 太祖紀

文,遂若别有一人。《史天祥傳》作「北京留守銀答虎之氏,非兩人也。 史臣不辨姓名,顛倒其家》作「烏古倫寅答虎」。「烏古倫」者,寅答元帥寅答虎烏古倫以城降」。 按《東平王世元帥寅答虎。古倫以城降」。 按《東平王世

忽、同知鳥古倫」。

萬奴

《世家》補之。 家》 據遼 萬奴」,而不言皇子貴由、國王塔思,當據 同、《金史・宣宗紀》作「蒲鮮」。 《太宗紀》 但書「平 十九年而滅。」此萬奴之氏,一以爲 也,自乙亥歲聚衆據東海,號 顔 降」、「既而復叛、僭稱東夏」。 以爲「完顏」,未審孰是。《木華黎傳》與《世家 萬奴于遼東,平之。 東,僭 《太祖紀》: 「癸巳,太宗五年。 稱天王」。 + 年,「金宣撫 十一年,「蒲 完顔 王與皇子貴 按《東平王 萬奴, 東夏,至 蒲 「蒲鮮」, 金 由 鮮 鮮 一是凡 内 萬 攻完 萬 世 族 奴 奴

《元紀》誤。 於是年正月已傳問知之,則必是前一年事, 守,而出走西凉。」夏與金相去遼遠,而金人 國人,言大元兵圍夏王城,李遵頊命其子居 宣宗紀》:「興定二年正月,陝西行省獲 薛應旂《宋元通鑑》皆在前一年。 今按《金 其王城,夏主遵頊出走西涼」。● 二年、宋嘉定十一年也。 《太祖紀》: 十三年,「是年伐西夏,圍 陳桱《通鑑續編》、 此金興定 歸

#### 李 全 事 誤

李 全亦 二十年,「武仙以真定叛」,「董俊判官 以 中 Щ 叛」。 按 金元之際有三 李

十駕齋養新録卷九

既降又叛之後,失之甚矣。 之叛,蓋在武仙未降元以前,《紀》乃書於仙 之。庚辰春,金大發兵益 冠氏元帥,見《趙天錫傳》, 中山應之。庚辰者,元太祖 全" 一爲益都行省,即璮之父也; 金將武仙據真定,俊率衆夜人真定,逐仙走 一見《董俊傳》,云: 己卯,權知中山 仙,治中李全叛, 十五年也。 本名泉, 詳 見 — 爲 府。

#### 旭烈兀大王

巳,破兀里兒城,乞石迷國來降,得三百餘 國,下其城百廿。 丙辰,破乞都 憲宗壬子歲,受命討西域。 癸丑,至木乃兮 旭烈兀大王,睿宗第六子,一作煦烈。 卜城。丁

主」下《元史》卷一《太祖紀》有「李」字。

四

城。 捷, 又西 鐵 命 在尋 굸 0 將 而憲宗崩,遂留鎮其 思干 南,至乞里灣,降之, 皆降 又 西 今煦烈 西至大房,下 渡 之。 西 海, 南、 收 大王,皇帝 己未, 雪 富 山之西,使命 浪, 其 破 城 西 兀 地。 百八十五 親 林,降 西 南 《至元辨僞録》 [域平。 弟, 至 石 往 鎮 其 羅 還, 守 城 遣 子、 百 西 戊 使告 來 域, #, 午, 賓 往

굸 符 刺 懷 所 用 、登陸 等 遣 哈 與 七年 朝 使 俾 靖 孫 俱 君 遠 處云忽魯模思。 貢 臣 以 如 行。 諱 封。 官 事 王合贊者, 那 其 畢,請 本 樞,大德五 懷 請 以 船, 黄溍撰《 等 三, 奏 八 如 仍以 浮 年 授 京 海 旭 發 君 師,遂 海 烈 君護送 至 年, 京 云是役 海 西 運 兀 師, 運 君 洋, 千户 大 載 十 副 年 西還,丞相 王 之以 遇親 之 也,君往 千 甫 楊 户 年 + 孫, 君 來。 九, , 王合贊 墓 至元 佩 來 金 哈 那 致

> 以 須,一 月,「諸王合贊遺使來貢 土 長 地 一物白 進。」按《元史· 風 即 理 巨浪中, 出于君,不 志 忽魯模思之轉 [馬、 黑· 西 犬、琥 歷 北 五 地 煩有司。 成宗 星 珀、 **霜**,凡 也 附 紀》 蒲 録》 珍物」, 萄 既 舟 有 酒 又 楫 云 大德 用 糗 蕃 即 忽里模子 私 糧 其 鹽 錢 物 事 年七 之 器 市 也。 屬 其

## 罕勉力即哈密

不

問 該 哈迷里,除致傷 元 者, 如今亦都 典章》: 罕勉 其 餘 力即 軍 護 帖差發,不揀甚 延 爲 今之哈密也, 人命、 祐六 頭畏吾兒, 年四月, 姦盜公事交管民 的 亦 欽 麽, 合對 斤 日 奉 帖 哈 聖旨 林 迷 問 官 爲 里。 公 歸 頭

<sup>) 「</sup>西」,原誤作「酉」,據《元史》卷一百四十九改

《元史・巴而 哈迷里之部 于州 事。 兒、哈迷里頭 閒 勉力、鎖潭、 與各城子裏官人 百 官休侵 姓每有相 裹公事 南 有呵 哈密力之地」,其實一 犯 長 者外,據畏吾兒、哈迷 朶歹等都 回回 争的 有呵 术阿而忒的斤傳》,前云「征 日 每, 諸國」,後云「還鎮火州,屯 每 公事,呵 委付來 一同 護府官人每等者,管 吅 管 的 歸 民 委付來的 頭 斷者,若 官依 也。 目斷者 里每自 例 的斤帖 斷 無 頭 者。」 若 畏 目 己 林蓋 罕 吾 其 民 每 與

#### 尋 思 干

年 時,名爲河中 長 夏五月,「克尋思干城」。 春西游記》云「邪 尋 思 干 本 府 口 是也。 回 米 故 思干大城,大石 地 《太祖紀》: 亦 又云: 作 邪 米 + 思 六 有 干。 年 五 國

訛。 其地者· 大石, 主世 故有 嗔木 碑》: 出。 出 蓋 遜丹之斜 號,亦作遜 續兒國、訛夷朶等城,戰合只,破之。 故次年再攻之。 十五年所克者乃 其地,天兵至,乃滿 春,「帝攻卜哈兒、薛迷思于等城」。 屈 篡國未久,人懷反側, 出 連,破其軍二十萬。」與《元紀》 襲菊兒 西 攷《西游記》言: 土 夷朶」即《遼史》之「斡耳朶」乎? 「車駕征 也。 遼 律雖篡奪,猶襲遼衣冠,不改國 馬 之稱。 迷思,即邪米思干。於普花見拒 復振,盜據 丹。 既克之後,復背蒙古 汗 之號、「續」、「菊」音 元遺 契 算端即 蠻 其云古續兒國, 丹 主 尋滅,算端 餘 山《大丞 其 屈 乃滿即 族, 算 出 土 故取之甚易。 、灘,回 是爲 律,篡西 繼 乃蠻。 相 亦 而 西遼,歷 丽 劉 殆以 亡。 回 算端 失國, 附 相 部 遼 氏 似 略 算端, 遂 先 長 然 近 印度 乎 西 而 西 同。 古 绺 之 則 而 潦 征 據 削 依 重 屈 口

則世守其地,部落衆多,非旦夕可以成

口

功。

# 趙世延楊朶兒只皆色目

也。 帝 色目三十一種之一,其人各自有姓, 只, 西夏人, 元時稱夏人爲唐 色目人也, 合、烏古論皆遼金舊族,元時謂之漢人。 只 恒、高智耀、來阿八赤皆列于色目,則朶兒 漢人、南人之分,以宋、金疆域爲斷,江浙 人有官至宰執者, 亦當爲色目人矣。 時稍用南 第三十三卷至七十五卷皆漢人、南 趙世延,雍古部人,即按竺邇之孫,蓋 列 傳第五卷至三十二卷皆蒙古色目 而 人,而 與漢 八參政者僅危素一人耳。 而 人同列,誤矣。 南 耶律石抹、完顏、粘 人 不 得 兀氏,唐兀 入臺省。 楊朶 如 李 兒 漢 順 亦

南諸路爲南人。湖廣、江西三行省爲南人,河南省唯江北淮

## 不只兒即布智兒

「以牙老瓦赤、不只兒等充燕京等處行尚 牙傳》誤「卜」爲「十」。 合》、《布魯海牙傳》作「卜只兒」。今本《布魯海 斷 兒者即布智兒也,大都即燕京,扎魯忽赤 省事。』《世祖紀》: 近,譯音無定字 赤與不只兒等摠天下財賦于燕。」所云 行天下諸路也可扎 事官。 布智兒傳》: 見《職官志》。 也。 魯忽赤。」按《憲宗紀》: 「不只」與「布 憲宗以 《昔里鈐部》、《 憲宗令斷事官牙老 布智兒爲大都 智 月乃 聲 不只 相 . 書 即 瓦

ナ

#### 祖 孫 同 號

元三十 赤 惟 孫 統 元 伯 即 至 貞二 伯 顔 元 賽 年 顔 事 名 典 至 赤, 臣, 年平章 成宗,爲 非 大德七年俱 内 口 紀 人 傳 回 有伯 、也、蓋 平章 貴 皆 族之 稱 顔 政 襲其祖之號 賽 有 無 事。 稱。 典 平. 賽 赤 章 典 ^ 贍 而 宰 赤, 賽 思 不 相 典 蓋 名。 丁爲 表》 赤 典 至 其 中

#### 延 祐 儿 年 正 月 肆 赦 韶

祚,我世祖 保 祖 荷,不遑 皇 安天下, 帝 延 聖 祐 訓 四 寧 皇 宜 若 年 處。 帝 遵 日 IE 混 . IE 月 比 道。 一之初,顧子 -初 者忽失 應 + 重 天 日 順 詔 念 刺 人, 列 年 聖,繼 菲 屬 惟 「朕 :德,懼 幼 以 仰 弱 至 承 惟 誠 弗 丕 太

+

駕齋養新録卷九

罪,惟 之治。 本罪, 信 也。 紀》 若 其餘 十日 咨爾有衆,體予至懷。」此 林 盡 里 行 即《元史》之「和 新之路,可 者 有 省 加 哥 憸 固 不 避罪 昧 思 行 仁宗受位於其兄,乃不 常 誅 人 赦 載 限 有愧宋穆公之讓,而 期 有 阿 敢以赦前事 臺 爽 等 赦 書到1 外不 反 此韶,蓋 以前, 斬 思罕等謀 逃從逆黨, 管軍官等將 所 大赦天下: 所不 側之安; 首以 不原者,罪 -首,復 日限 忍,宜 除殺祖 世球」, 徇。 天 相 爲 罪 歷 百 或 不軌 告言者,以 發 推 其 叛 如 竄 以 日 父 自 明宗 無 政 人母、· 初。 臁 同 賊 詔 内 後 匿 延 輕 明宗 謀 稱 施 蕩 阳 許 構 史官 民 立兄 祐 名 重咸 父 之 於戲,赦 及 思 閒 亂 「忽失剌」者, 四 出 恩 也。 母 出 脋 罕 其罪 我 諱 子 聿 及嘯 年 鎮 赦 不 從 首, 教 家, 丽 底 開 而 IE  $\wedge$ 罪之。 除 赦 者, 仁 聚 以 己 削 過 與 月 立 其 W 免 初 自 欲 徹 爲 Ш

707

\_\_\_

謀諸臣無徹里哥思名。且著明宗之罪。 典章》所載詔書,以補本紀之闕,《明宗紀》載同即於途中興兵犯闕,其罪尤難掩。 今録《元

# 本紀失書廷試進士兩科

年賜 期。 H, 徵、王宗嗣等五十一人,紀並失書。 某某等若干人皆書於帝紀,唯順帝元 志》雖載同同等賜及第出身,而未詳廷試之 志不相檢照者多矣。 無《實録》,案牘不備,史臣又非一手,紀與 在九月三日,此可補史文之闕 獨元統元年春順 予嘗得是年《進士録》讀之,乃知廷試 同同、李齊等百人,至正十七年賜 延祐初始行科舉,自後廷試進士,狀元 元時廷試例以三月七 帝尚未即 位。 蓋順 <u></u> 選 統 舉 帝 倪 元

# 三公宰相表脱一年

其九月文宗自立于大都,改元天歷,《表》從 以紀攷之: 非之心乎? 書於《表》,今皆削而不書,毋乃獎亂 然九月以前三公宰輔皆朝廷所 趙世安也。 禿兒哈帖木兒、撒迪,右丞闊里吉思,左丞 木兒,平章政事欽察台、阿里海牙、伯撒里、 沙、太傅。伯顏太保。 通鑑》例不書致和,而書天歷,尚爲有説。 《三公》、《宰相》兩表俱脱至順三年,今 三公則燕鐵木兒、 又泰定帝以 也。 宰相 致和 則右丞相 元 命, 太師。 年七月崩 自當· 而 伯 無 燕鐵 是 答

#### 元 理

牧 符三年升端 理。 爲常德軍 者,史家省文,或 之,故節度必繫以某軍,此係官制, 天雄軍、 練、軍事之名。節度又有軍 知 禦、團練使、刺史者,皆不之任,唯差京朝 專 故《宋志》於每州之下繫以節 4 改用大僚 軍州 爲 練 而宋時諸州 四 宋 日 事。 品州,軍 時 兖州 刺 之類。 州 史。 而 有 州 俱 稱 爲親民之官,而 爲 四等 州 亦 事爲 泰 此 書 又有由軍事、防禦升 行軍 興慶軍、政 名 寧 由散州升爲節 「升某 仍 五品州。 事。 軍 如 日 之類,而 其 節 州 節 度 舊 號,如大名府 爲 度, 和 凡除 爲 度及防禦、 班資有崇卑, 某軍 七年 非 日 三品 防 改州 防禦, 度州 節度、 升 無 專 州 爲 鼎 節 如 歸 則 州 專 軍 州 元 度 地 無 稱 官 防 防 日

茫 路 之淮陽軍、京西之信 也。 修《九域志》又復加之,此有司文具尤 舊。而五代以後增設者,舊未有郡名,政 代沿革,如升州爲節度,直可一筆勾之耳。 地 名,而《志》乃云「唐改靈昌郡,宋改武 以當笑柄: 腐儒,不諳掌故,一旦徵入書局,涉獵前史, 於地理沿革之數者也。 之文,不過爲王公等封爵之用,大約襲唐之 浙西之江陰軍,此則唐以前所未有,而《志 軍、監在州 元仍爲滑州」。 宋志》每州之下又有郡名,此沿《九域 無 ,既無節度、 理沿革者所當討 然宋時牧守又有府、 頭緒,隨手撏撦, 之下。 如 防禦虛 滑 攷《唐志》雖 守臣 州 論 陽 自唐、宋訖 無 街, 以 矣。 軍、 修《元史》者皆草澤 不 州、 知 則《志》地 差謬。 淮南、 州 軍 元 軍、 郡 繫 時 金、 監 銜 兼 改 偶舉數 四 稱 元 理 府 如京 等, 成軍 胎 無 述前 州 而 志 軍、 條 和 爲 東 改 異 而

改州 州 陽軍」。 仍 之名不 矣。 改 始于唐,本號「義成軍」,宋太宗 爲 混 隨 軍」者,節 改「武成」。 府 爲 也。 爲 州 國軍,金復爲河中府」,不知宋、金皆 自 郡 而 郡矣,而《志》乃云「宋爲崇信軍,又爲 爲郡, 隨州 滑州,豈 郡 屬 欲以 唐 武 而强合之,又云「復因兵亂遷 縣, 不過天寶、至德十餘 改,宋、金皆因之。《 中 之,既已不分皂白,且棗陽與隨 此 度軍 亦 葉已爲節鎮,稱 彌 成」爲 南宋 十道皆同,不 兩 作《志》者并《唐方鎮 唐 縫其失,真 可以 軍者 所置,而宋因之,其稱「崇信 號, 八升爲 節 此 一爲 非 度 棗陽 + 改 軍 數 癡人 虚 州 得謂 額,而滑之升節 年 護 軍 爲 銜,一爲實土, 年耳, 概 《志》乃 或 説夢矣。 則 軍 滑 軍, 唐 與隨 也。 改 時 一代? 表》亦未 乾元 ൬ 而 云「宋 避諱, 棗 它州 加 州 徙 陽本 以 各 各 稱 中 河 爲 河 自 棗 爲 讀 乃 度 且 後 府 中 無 而 不

> 宋、金 不 嘗去護 中 府, 勝 舉 亦 與 國 也 唐 未 軍之號。 無異。 有異, 宋 護 ^ 非 國 志》 廢 軍 中 府 之 此 而 號 類 稱 自唐、 甚 軍 多,舉之 金亦 Ŧi. 未

《志》乃云「後唐改爲 不 誤 單 以 貽笑千古。 本 是 仞 刺 分 惠 宋 練 史州,後升爲 時 州 州 爲州名矣。 之大小, 有 節 度、 如今制 單 防 團練,其州 史臣之不學如此,豈 州 禦、 宋升團 團 州 練、 縣 名 分 刺 練 仍 緐 史 州, 簡 舊 四 也, 耳。

乎? 置之不道,又何説 百 則 置 四 年 年 爲 濟州。」按: 《志》又云: 以 鄆州之鉅 宋承 其 縣 稱 置 後 麟 麟 周 州 州,五 野 元之濟 者 之舊,濟 縣耳。 僅 也? 濟 年 寧 年,豈 寧路 州 ^ 路, 州 《志》于 唐志》雖云「 廢 真 治 唐 可 麟 鉅 然 以 鉅 州 野 濟州下 唐 此 野 縣 有 概 周 或 武 在 於 又 代 德 此 唐

邪? 後 在此 瀕 盧 是 也; 何據? 攷《太平寰宇記》: 州治任城,唐之濟州則治盧,即隋之濟北 濟 濟 조 魏嘗置北濟陰郡。」或因是誤仞爲濟北郡 濟水立 與鉅 無 州、宋因之。」此 州 條 濟州 元和 又爲濟陽郡 也。 唐以前爲濟北郡,治單父。 野邈不相涉, 豈可溷 濟 之稱矣,後 以 州」二句當書于濟寧路,亦不當 唐以前 後 省 仍 濟 條尤可怪異。 濟 州 改 周始于鉅 北郡治單父」,不知 濟 以 州。 盧 而 「單州單父縣 縣 爲一?「周 周 野 隸 夫元 瀕 立 鄆 唐初 濟 濟 州 之濟 水 州 郡 自 立 爲

湖 志》郴州倚郭爲 縣,至元十三年改今名。」予向 南舊爲宋土,而 輿 郴州之郴陽縣,《志》云: 地 紀 勝》 引《 「郴縣,非敦化 「敦」字犯宋廟 寰 宇 記 也 頗 「舊爲敦化 疑之 諱,且《宋 頃見王 晉 天 象 福 謂

改敦化爲郴陽,真可笑也。改,未幾即廢,而元史臣乃以爲至元十三年漢初州縣名悉復舊。」是敦化之名乃石晉所初,避廟諱,改郴州爲敦州,改郴縣爲敦化,

### 漢人八種

丹, 國。」「只温」蓋即「竹温」之轉歟? 兒、欽察、唐 歹, 餘未詳。 元三《史》唯見契丹、女直、高麗、 日竹温,日竹亦歹,日 日 陶 高 九 麗, 成《 驳 元史· 兀、只温、契丹、女直、 日 輟 女直, 耕 録》 鎮 日 載 海 竹 漢 傳》 渤海。 因 人 歹, 八 渤海四 種 從攻 日 按 河 遼 术 塔塔 西 里 日 或 金 契 闊

#### 咸 寧 字 誤

之譌。 撫州 德府,中統三年來屬」。 「咸寧」當是「威寧」 末爲威寧防城千户」,即此縣也。 咸寧」之爲「威寧」信矣。《劉伯林傳》「金 ^ 新城鎮置元之興和路,即 地理志》興和路有咸寧縣,「元初隸宣 《金志》撫州有威寧縣,承安二年以 金撫州, 則

#### 興 德 字 誤

德興」。 保 安州, 石高· 金 Ш 爲 傳》「德興府人」。《金志》本 興 德府。」「興 德 當作

作「德興」。

#### 迦 堅 茶 寒

十餘里。」 矣。《地理志》: 殿」。●「揭揭察哈」即「迦堅茶寒」也, 察哈之澤。」其年四月,「築埽隣作迦堅茶 無定字,史家不能攷正,後世遂以 《太宗紀》: 「九年丁酉春, 「迦堅茶寒殿在和林北七 獵于揭 爲 兩 譯 音 寒 揭 地

## 太宗三萬户名不同

賢,以杖麾公及劉黑馬、蕭札剌居右, 位,朝議方選三大帥分統漢地兵。 王惲撰《史忠武公家傳》云: 上素聞公 「太宗即 詔爲

隣」下、《元史》卷二《太宗紀》有「城」字。

傳》又云:

增

置

七萬

户,仍

以

黑

馬

爲

首

也先傳》作「查剌」,與王惲所稱三萬户正合。

《劉

黑

馬

兒、劉黑馬、史天澤伐金。」此

札剌

兒即蕭札刺也。

《石抹

知何以互異若此?

《耶律秃花傳》:

「統萬户札

《元史• 于掌故,史家爲黑馬 史兩 子,石抹氏即蕭氏。 馬 劉黑馬傳》: 中。」「顧成」謂太宗也,蓋用《漢書》賈誼語。 真 重山 夏 澤神道 萬 重喜傳》,又不云爲萬户。 定、 户。 爲 軍 首、重喜、史天澤次之。」三書所 萬户並 泂 右則 燕,顧成則 其 居 碑》云: 粘合重 閒、 劉伯林黑馬之父。 濟南、 左者悉爲千户長。」 同。 「太宗 Ш 若蕭 與 傳》 東平、大名五路萬户,於 益太尉史忠武公天澤 國 粘 立傳亦必本諸家狀,不 即位始立三萬户,以黑 初, 中無重喜名,史别 札剌爲石抹 合 以 重 軍秦,左則 王、姚二君皆習 一萬 Ш 初 姚 户 非 《元史 燧撰《 也 鎮 同 述 先之 粘 撫 族。 劉 有 爲 合 琡 中

史家止舉其四,餘無攷。」此七萬户之名重喜、史大澤、嚴實等次之。」此七萬户之名

### 也可太傅

稱。 《邪律秃花傳》: 札魯忽赤,皆取第 語「大」爲「也可」,凡官名 封濮國公。」即《志》所 此《志》有也可 《食貨 志 • 歲 「拜太傅, 賜 怯薛、《 義。 篇》有也 稱 也 可 也 職官志》有 總領 太 可 可 傅 者,第 也可 太 也。 傅。 那 也 — 之 延, 古 按 口

#### 四 怯 薛

木華 也 太祖 《兵志》: 黎、赤老温 命其 世 「太祖 號 領 怯 掇 功 薛 里 臣 之長。 班 博 曲 爾 律 忽、博 **怯**薛者, 猶言四 术、 猶 傑

駕齋養新録

薛。 戌日,博爾忽領之,爲第一怯薛,即也可怯 言番直宿衛也。 爾朮領之,爲第二怯薛。 四 然其 怯薛常以右丞相領之。」《食貨志 温領之,●爲第四怯薛。 黎領之,爲第三怯薛。 可者,●言天子自領之也。亥、子、丑日,博 不 兒怯薛,有月赤察兒怯薛,此至元二十一年 則 傑功臣之類,●故太祖以自名領之。 知何人之後矣。 有 博爾忽早絕,太祖命以别速部代之,非 次 月赤察兒者,博爾忽之後,絕而又繼, 也可怯薛,有忽都答兒怯薛,有帖古迭 已在 第 四。 每三日 忽都答兒、帖古迭兒則 巳、午、未日,以赤老 加 赤老温後絶,其後 寅、卯、辰日,木華 一更: 0 歲賜篇》 申、 云也 西

### 五部將名互異

東平。」 原,孛羅鎮真定,肖乃台鎮大名,怯烈台鎮 濶濶不花鎮益都、濟南,按察兒鎮平陽、太 帥。」「歲丙申、太宗命五部將 各 太祖命太師木華黎伐金,分探馬赤爲 置 《濶 將一人,濶濶 濶不花傳》: 不花 爲 歲 五 庚 分鎮 部 寅, 前 當是庚辰。 中原 鋒 五部, 元

輝、 德、邢州、洺、磁、東平、大名、平陽、太原、衛 懷孟等路,各處有舊屬按札兒、孛羅、笑 《兵志》: 中統三年三月、「詔真定、 彰

以」、《元史》卷九十九《宿衛》無此字。

三四四

云」上、《元史》卷九十九《宿衛》有「其」字。 非」上《元史》卷九十九《宿衛》有「而」字。 每」上、《元史》卷九十九《宿衛》有「凡宿衛」三字。

乃解、濶濶 不 花、不里合拔都兒等官所管探

馬 軍

兒、孛羅、窟里台、孛羅海拔都、濶 部探馬赤軍,金亡之後散居牧地, 石高· 山傳》 「昔太祖皇帝 所集 多 濶 有 不 人 花 按 民 Ŧî. 察

立

耳。 稱。 不花傳》誤分怯 蓋肖乃台本 有怯烈 孛羅海拔都。 笑乃解,怯烈台即窟里台,不里合拔都兒 二人無異文。 兵志》作不里合,則犁然有别矣。 今按: 史家疑 或稱肖乃台,或稱怯烈台,其實即一人 台 而 孛 無 秃 五部將之名唯孛羅、 或有肖乃台而無不里合,或 羅 孛羅海,似當以《兵 伯怯烈氏,故又有怯烈台之 按察兒即 烈台以 海 與孛羅爲 當 按 五人之數,今依 札 重出 兒, 肖 濶 ,故《濶 志》爲正。 乃台 濶 不 濶 即 即 花

慮

#### 汪 世 顯 傳不可信

對日: 吾征 帥。 文飾 衆心,城守以待嗣立者。 言,則是袁昂、馬仙碑之流也。 昌行省。 郭蝦嫲傳》,則 皇子濶端駐兵城下,始率衆降。 X 戰 蔡,有旨 孤 問 城不能保,擬遷鞏昌,以粘割完展 功, 史家 金平,郡 不可信。 四方,所至皆下,汝獨固守,何也?』 三臣 且 官至鎮 三年春正月,完展聞蔡已破,欲 立傳 「宣論。 嫉完展制 不敢背主失 縣 如《汪 往 稱「天興二年,哀宗遷蔡州 望 遠軍 往 綏德州 風 徴采 世 己, 款 節度使、鞏昌 顯 附,世 欲發 家 節耳。」如《傳》所 帥 乃遺 傳 傳 》稱 汪 顯 碑 矯 世 及讀《金史· 人稱使者 志, 獨 詔 顯 皇子日 城守, 事, 者 便宜 仕 事 亦亦 爲鞏 金 迹 因 及 總 至 安 屢 知

蔡

自

兵圖 鑑》稿 《名臣事略》誤信其家傳書之, 背主 任自爲之,何及 之地,上至何所歸 圍于蔡,擬遷鞏昌,我輩既 公奉詔爲行省,號令孰敢 力破鞏昌。 蝦螂以禍福,不從。」 是世顯 殺完展,送款于大元。復遣使者二十餘 又不能叶衆奉迎,乃欲攻粘 承天爵之誤,不加 何待濶 之。 嗜利,乃小人之尤者。 成,嘗屬予參校,因爲辨證 然 端兵至始率衆降乎? 懼 使者至, 蝦螂 - 蝦嫲: 于我?』世 乎? 訂 威 正。 望,乃遣 汝 不從? 今主上受 謂 畢 顯 帥 不能致死 以偏裨戕主師, 割公,先廢遷幸 之日 且 尚 即 若欲背國家, 久通款 使 明初史臣 之。 書沅 攻鞏昌, 約 蘇 ¬ 粘 蝦 赴援 續 天 于蒙 嫲 劫 通 又 爵 諭 割 并

### 鄧州移復

三六

《宋史》諱不書。 代之繁時。 『人窮來歸,誅之不義。 謾爲受犒, 授信效左軍 亡,將麾下步騎數千人宋。 長官趙公神道碑》云: 不詳趙祥降 命「鄧州趙祥從皇子曲 天興播蔡,倡義兵數千 趙范之失襄陽始於趙祥 上統制。 欲 金末去其鄉,三 附本末。 盡 《元史·太宗紀 阬 後制 之。 今據: 「祥字天麟,其先 出 又吾閫 閫 大 充先鋒南伐」,● 姚燧 厭降將多回 ·爲帥。 將 時襄 一徙爲蔡之平 以 江 所 所 鄧 海 陽開 節 甲午, 撰《 州 諫 度 叛,而 鄧 制 四 日 測 + 雎 居 州 亦 闖 金

0

下。《元史》卷二《太宗紀》有「宋」字。「皇子」、「南」。《元史》卷二《太宗紀》無此三字。「伐」

完, 誉,執 歸 閫 不 脯 吾 略 言制闏不 監 南 乘 也。」 閫然之, 别遣路鈴、呼延實將若干人 降之德, 心 五 可, 之襄 征 旦誣 欲 彼 寇 入宋,求活吾 地漢上 軍半北 與均、 來戍。 還過 手,心歸 虚 以計殱之。 以 立 陽 以 棄未 漢北之州 出 斷 在我有 一、集將 唐三州 ,教以是城 它罪,無 足爲盡 人,今此加 盟,令呼宋 其 至 乃 戍, 大朝 首, 則 開 佐 麾下數千人與若妻孥, 與 盍 民 鄧爲 今幸出戍,又令别將監之。 復 門 力。 南門,公抱劍前曰: 實 噍類矣。 遣 後 地 軍 迎 徙 其 誅 不 之利 是衆先之。 應者 近,去吾閫 皆 明年乙未 兵 元 洛陽之西三縣 近 相 則 投 兵。 呼抃受命, 襄 得 吾 斬。」統 仗 陽, 誠 軍 釋 軍 居 舉 不忍與若 力 北 甲, 再 十月,大 士 程 侕 在 人各 孤 領 月, 譁 再 馳 得 具 彼 徐 譟, 「始 日 太 兩 有 有 鄧 能 車 造 海 而 耳 膾 兵 爲 者 異 自 子 馬 實 持 制 皆 牛

> 還者 鄧。 奏以 年,疾卒,年六十有一。」 西 還 癸丑,史忠武公經略 出 樊亦徙洛陽。 長 分明。漢上 徒 水, 戰 皆 弟將州 無 時宋已築襄、 鄧、均、唐、 督軍 均治 倚 所於歸。 公爲 人 永 五州移 兵,是州 守字民。 援。 寧,唐治 其 襄、 年人 襄、 樊、均,皆設 丙 )徙事 樊 辰,乞 兵民 河 樊 覲,特賜 五 福 辛 南,始屯 僑 所述背宋 州 昌。 丑 化始分。 又可 治州 骸 民 授 骨, 實 明 重 金 補《 北, 鄧 兵,三 年 南 田 符 後十二年 歸 不 地 一、公始 漢上,盡 州 錦 丙 均 報 元事 理志》 長 申, 衣 僑 州 官。 治 復 民 襄 極 明

### 胡土虎

之漏

略

官。 太宗六 七年 遺 年, 皇 子 以 曲 胡 出 土 虎 及 胡 那 土 顔 虎 爲 中 伐 宋 州 胡

貨志》。 明安傳》: 等處 宗賜 也。 事 省,胡土虎蓋承其兄職,及金亡之後又令斷 土虎又作忽都、《鐵邁赤傳》。 山 都元帥。」不云爲中州斷事官者,史之脱 禄大夫、燕京等處行尚書省事,兼蒙古漢軍 抹明安之後,史誤認石抹氏爲石氏耶? 中州。 傳》云: 石抹氏自明安至咸得不相繼爲 四千户」。 以東昌、廣東四十餘户。」●而《食貨 又作忽篤 忽都虎 括中原人户,當在其時矣。 「父忽魯虎,從太祖定中 「次子忽篤華,太宗時爲金紫光 官人,「壬子年,查 似即一人。 華。 《石抹明安傳》。 又作忽都虎、食 豈石高 一認 案《 過 燕京 山 <sup>《</sup>石 -原,太 石 即 廣 平. 高 行 石 漏 抹

#### 李 全 字 誤

 $\wedge$ 趙天錫傳》云: 甲 中, 彭 義斌據大

> 疑同 符者僅降一等,未可略而不書。 初萬户最爲領兵要職,嚴實雖爲行臺,亦在 本傳不載,蓋以千户爲不足書耳。 行臺公薦,宣授行軍千户,見《遺 「全」字,遂與益都之李全相溷 道碑》,乃知其人名泉,史家以音相 大名,結其帥 名冠氏,元帥李全降之。」又云: 七萬户之列,千户佩金符,較之萬户佩 時有兩李全,及讀元遺 蘇椿,納金河 南 山《千户 從宜 矣。 Щ 鄭 李 不 碑 天 近 趙 倜 知元 錫 全 金虎 譌 公神 爲 在 初 以 而

#### 月 乃 合

按元 好問 月乃合傳》但 《恒 州 刺 史馬 云字正卿,不言有兩名。 公碑》即慶祥。

廣東」、《元史》卷一百六十六《石高山傳》作「廣平」。

0

審孰爲月乃合。「子男三人,長三達,次鐸剌,次福海。」不

#### 雍 古

無 訪 莫 獵 陝右 之狄 于花 合之父昔里吉思 遺 居 敢仰 塔 求。 Ш 臨 把 赤盘 門貴 有《 廟 道 洮之 月 惚 埽 视, 或言上 乃 尊 蓋 恒 閒 室 馬 族。 狄 合 因 像 見 己 州 野 遷 道,金 罷 傳 不 莫 刺 禮 金 遼 所 宣 獵 \* 可 知 人 東, 史 屬 見殆 也。 政 而 所從 挾 馬 得 徙 之季 略 還 因 H 君 静 其 地 佛 其 家 唯 來 而 神 州 敕 述 陀 先 焉。 與種 世 盡 口 行, 矣。 道 之 以 變現 屬 鶻 天 室 碑 系 所見者 雍 心悸不定, 太宗 人梵 云  $\approx$ 遷 人 金 Щ 古 兵 居 而 即 遼 部 嘗 唄 遼 物 略 臨 東。」 月 按 之 出 東 色 洮 出 乃 元 徙 地

> 合。 馬 遺 所 回 種 之。」 人之 有 慶 鶻 祥 即 上歡 之,因 傳 畏 在 然  $\forall$ 兀 喜 臧 則 取 兒, 獲 讚 雍 畫像 者 歎 古 與 先 部 П 貰 世 爲 進 回 殆 自 爲 作 之, 不 回 西 平 福 同 真 域 鶻 民  $\blacksquare$ .種 與 人 之 以 賜錢 上 居 别 應之。  $\sim$ 所 支乎? 臨 金 幣, 見 洮 史 凡 狄 縱 者

### 劉敏傳

道

似

誤

以

口

鶻

爲

П

回

矣。

歟? 縣 稱「字德柔, 大丞相劉氏 北鄉之青魯里。」青 劉敏, 抑 以 字 賜 以 名玉 先 有 小 坐 功, 出 字 神 宣德青魯人。 某 干爲小字歟? 道 魯非縣名, 行」, 豈有 碑》云: 功其 當 按 世 删 居 元 小 官 好 字 問 碑 德

從父 母 歲壬申,太 避 地 德 興 祖 禪 師 房 次 Щ Ш 西,敏 兵至,父母棄 時 年十二,

所以 下。 信。 次燕西,公年甫十二,隨其家人避兵德興 走,大將 以自存,願留止營中。』上召主帥名索公,得 之,隸中宫帳下。」與傳不同,當 公輒入座共 房 來 Щ 一日,避役 者。 憐而收養之。 既 而 食。 公跪自陳: 盡 御營,犒宴之人什伍爲偶, 室被俘,公在 上舉目見之,親問姓名及 碑云: 『主帥不見卹, 一大首領麾 甲 以碑 戌秋 爲 之 可 無 師

餘族,是爲西遼。」遼西當爲西遼之譌。 帝征 遼西諸國,碑云: 「車駕征 契丹

#### 元 初 + 路

京、 宣德、 太宗二年,始置十 西京、 太 原、 平陽、 路徵 收課 真定、東平、北 税使 燕

京、平州、濟南。

平、大名彰德、 益 都濟 世祖中統元 南 河 南、 西京、京兆。 年立十路 北 京、平陽 宣 太原、真 撫 司 (定、東 燕京、

#### 宣 聖 配 享

獻》之曲,注 凡九章。」 令翰林院新譔樂章; **郕、**沂二公,此延祐以前之制。 載儀注止有詣兖國公、鄒國公神位前,不及 享,則依宋咸淳三年 金 「大德十年,命江 志》又别載《宣聖樂章》,凡十六章。今攷 酌獻》之曲,本 一舊制。 元初釋奠先聖,以 是 至延 時 以 郕、 祐三年, 爲 非欠闕,史家誤增二公《酌 淮行省製造宣 「闕」,蓋失之不攷矣。 沂二公未 新制 顔、 自《迎神》至《送神》 始增 也。 孟 曾子、 與 配享,蓋 《祭祀 ^ 配 聖廟 禮樂 享,故 子 樂器, 志》 志》: 思 用 無 所 宋 配

以 沂二公酌 諸《宋史》,實皆襲用宋《大晟》舊詞,唯 後補 譔。 獻》之章 若大德所譔 則 舊 詞 則 所 固 未有, 殆延祐 未嘗播之律 成

攷矣。

### 泰定皇后

吕

也。

后 崩」,皆不 三月丙午,册 年譜》并删 本有之,而不載文正之議,今刻《文正 狀,中書奏兩院會議,公曰云云。」 皇 中 年,輕侮 也。 后 書會議, 出殯,係 吴文 此稱「皇后 不敬,致二后 見於紀, 此 司 正 事 天監 公年 八八罕氏爲皇后。 犯 矣。致《元史》: 復日,又葬日正 蓋 譜》 屬計其官長。 出 元 同 殯」及「二后 世 日 諸 「泰定 丽 妃 崩。 稱 元年 犯聖 皇后 此 所計二月 此 泰定 刑 同 正 條 部 七月, 者 宫皇 算行 日 集 元 元 取 甚 丽 年 槧 罪 •

衆,史不能具載,而吴澄之議云何,亦無可

### 家 古語

剌門。 刺。 忽嗔。 者金 禿滿 者六也,杂 闊 罕者白也,哈剌者黑也,昔剌者黄也, 作阿勒壇。 者四也,亦作掇里班。塔本者五 九也,哈兒班答者十也, 者亦青也。 忽蘭 者萬 錦 元 帖木 乃顔者八十也,亦作乃燕。明安者千也, 人 也,亦作納石失。 者紅 速不台者珠 也。 以本國 兒者 羅 者 亦作擴廓。 也, 孛羅 或取 鐵 七 語 也。 也,乃蠻者 珍寶, 命名。 也,亦作碎不解。 失列門者銅 者青也 或取 亦 作 忽陳者三十也,亦作 如 鐵 或取 心數目, 按 木爾, 」,亦作: 八 也,只兒 彈 顔 也,也孫 者 又 如朶兒别 也, 色, :博羅。 作 金也,亦 納 帖 亦作昔 亦 失失 如 睦 作 万 鱪 察 失

爾傑。 好也, 取 或 也 者羊也,昔寶者鷹也,昂吉兒者鴛鴦 思蘭者師子也,脱來者兔也,亦作討來。 不 和 家 尔 **歹、**亦作珊竹台。 取 歹、 兀良 古祥, 取 亦作只兒 忽者鹿 尚、 奴 語 迷失者七十也,阿 部 部族,如蒙古台、 形 族 或厭其鄙僿,代以同音之字,如「奴」之 六哥、 或取物 也克者大也, 蔑兒干者多能 汪家 相 之 此外如文 如 哈歹、塔塔兒歹、亦乞列歹、散 也, 名。 奴、 如你敦者眼也,赤斤者耳 哈 伯 五 亦作伯 類,如不花者牯牛也, 郎。 顔者 衆家奴、百 哥、 亦 肅 印 殊 有 良合,亦作瑣郎哈,謂高麗人 七十、八十之類,皆是俗 富也, 忽 唐兀台、遜都台、瓮吉 木 奴、普顔 以 忒迷失者六十也,皆 忽 畏吾語 巴而思者虎 郎 家奴、醜 只兒哈朗者 者安也 奴、觀音奴、佛 命 名者, 也。 厮、醜 亦作補 也 賽 也。 也。 一作 火 快 因 如 阿 驢 也 化 樂 术 刺 畏 你 者 也 或 爾 或

過游戲調弄,非有別義也。爲「訥」、「驢」之爲「閭」、「哥」之爲「格」,不

### 僧稱吉祥

初未 沙門習吉祥、 沙門瑞吉祥、 祥,校勘 祥、真定府 爲 水 開 法寶勘同總録》十卷,奉詔編修者爲順 大夫、大司 巌寺 大寶集寺傳 元寺 授僧從吉祥榮禄大夫、大司空, 解「吉祥」之名。 予讀《元史・仁宗紀》, 傳 佛 者 法 日 爲 興 徒,僧文吉祥開 輔 光 、上都 大 化 大 教大 法潮 教 都 都 寺 大 黄梅 傳 大 大 師 師 音 昊 憫 法 後閱《釋藏》,有《 沙 沙 妙 寺住 天 忠 通 門慶吉祥、 辨 門恩吉祥, 寺 寺 元 延祐 大 府 持 傳 傳 大 師 儀 通 法 法 師 六年二月, 沙 同 慧 沙 元 通 門 平 大 辨 門 執 加 悟 三司」。 師 濼 至元 榮禄 筆 大 温 海 大 德 吉 者 沙 師 路 師 府

智大 沙門 也。 之美 德崇 門 行吉祥、 祥、宣授 聖 山 教 師 寺 大 沙 温 就。 禪 揀吉祥、 吉祥、 萬 妙 教 師 門 師 安 辨 大 沙 瀓吉祥、 聖壽 江 昭吉祥。 寺 演 通 師 大都 淮 吉祥名定演 傳 義 沙 演 宣授 萬 釋 吉 大 門 大 安 教 大崇 宏 祥、 師 應 乘 諸 寺 都 法 乃 治吉祥, 沙門慶吉祥, 戒 路 都 總 大聖 或 寺 知元 臨 釋 總 攝 寺 通 壇 趙子昂 統 扶 校 壽 教 臨 顯 時 大 都 佛 宗 證 萬 壇 密 以「吉祥」 德 總 覺 宏 者 安 大 爲 普 沙 教 證 德 統 濟 寺 教 撰 安 道 大 義 演 寧 臨 圓 碑 爲 大 者 師 理 路 祕 通 增 融 者 僧 真 吉 崇 師 大 釋 金 大 大

#### 道童

高 至 人,號 正 中名 石 道 巌, 童 由 而 平 見 江 於史者 路 總管累遷 兩 江 西

> 夏人日 道童 撰,稱道 東 澤民 恙。」 至正 卷; 行省 至正十五 憲 此 + 遇 雅 司 左 唐兀 年 爲 題名 害。」史不言道 即 重澤民, 派 爲 童 唐 相,謚 年,蘄 唐 爲 氏 [碑》, 兀之道 江 兀人,字德章 寧 東 寧 夏 忠烈, 日就之詢 黄賊 知 夏本西夏地 廉 中 其《氏 童 訪 ナ 童 犯宣 也 在 人夫公。 使。 所 列 族記》 守禦 州 終。 自 傳 其 汪 也。 號 蓋 明 江 計 澤 予嘗見《江 人年,, 賀 百 即 東 元 民 蘭 澤 城 四 時 廉 逸人, 城 傳 + 得 民 訪 稱 陷, 四 所 無 使 西

### 順帝後世次

殂 上 年 廟 子 殂 元 脱 順 於 古思帖 應 帝 惠 昌。 以 至 明 木 太 正 兒 年 子 廿 嗣 改 愛 八 位 元 猷 年 宣 識 失 E 光, 大 理 廟 都 達 號 文 臘 北 日 八 昭宗, 走, 嗣 年 位 又

駕齋養

實洪 間 愛猷 從 皆被弑。 矣。 年了諭 後、 迭兒弑其 其 元 未 坤帖木兒之前尚有三四 《明太 識 舊 武二十一年也。 天元,立十年, 聞 本雅 俗。 里達臘至坤帖木兒,凡六傳, 人善終者。」蓋脱古思帖木兒 族人鬼力赤 主 祖 失里曰: 脱 紀》 明史• 古 思帖木兒,而立 爲 洪武二十二年,「 成祖 篡立, 又五 其 自元 下 紀》: 傳 也 運 去 傳,其名 速 至 既 國 选兒 訖 0 號 坤 稱 帖 坤 永樂 刁 瞬 順 所 可 木 帖 也 息之 可 帝 兒, 弑 之 六 速 攷 後

#### 高 王二名

兒」,與《成祖

紀》、《外國傳》小異。

承皆有二名 主,賜蒙古名 元初,高 麗 日 璋子燾 王 益 眶 智 尚元公主, 禮 E 普化。 阳 刺 忒納失里, 其 其 八後子 子 璋 孫 亦 尚 相

> 取《朝 外 禎 子 或 弟 禎 傳》自燾以 祺 日 鮮史略》參攷得之。 不 日 伯 答失里,禎子 顔 帖 後傳授事 木兒,又 昕 迹 名 日 俱 八 顓 秃 脱 古 麻 漏 《元史• 失書,今 朶兒只,

二三四

#### 王 暠 傳 位 事 不足信

受遜 承 以 瀋 所受者瀋 年其弟暠 又以姪 世 長子燾 王 位,以仁宗皇慶二年 封, 王 延安君暠爲世子,蓋 璋 皇 以 爲 慶 本 王世子, 立爲世子。 暠 征 襲 承 東 年, 父 瀋 行省左丞相, 封 遺璋 非 王 高 高 封 不知 麗 麗 也。 就 王, 应 世 國, 暠 欲 月 <u></u> 子, 至大三年 璋乃 爲 外 封 兼 加 此 燾之從弟, 或 高 兩 身 傳》 麗 王 留 請 誤 王,是 京 辭 謂 以 改 也。 師 位 燾

<sup>0</sup> 事 見《明史》卷三百二十七《韃靼傳》 而非成祖

至,卒。 得釋。 誅,頔 九 檢。 知非 年以 頒 雖 瀋 史》,燾嗣 書者奏請之歲也。 襲爵受印。 而 祐三年,璋請 (傳》又 諸王表》瀋 年, 詔, 史 承 王之印猶在璋所,至泰 (遽謂 誤,蓋璋雖以延祐三年傳王位于暠, 駙馬襲封。 其 瀋 黨訴 以 禎 禎猶 謂 臣 王 禎 四 出 立後至元五年薨,子禎嗣,淫縱 燾傳其弟,又誤之甚矣。 曹 之封,而 燾傳其弟暠。 庶 年, 禎子昕 于 迎,縛之,以 《表》所書者受印之歲、《紀》 不 順謀  $\pm$ 子昕 傳 朝。 · 悛。 瀋 條云: 二文似 廢之而立潘 王位 明年、徵禎 暠受於璋,非受於燾,暠 燾之爲高 至 正 嗣。 + 于世子暠,許之。 檻 二年,遣 互異。 定 按《仁宗紀》: 高麗 車流 年, 八年,薨,無 二年璋卒,暠 麗王 囚 王暠,泰定 王,不克,被 詔 于揭 刑部,久 今 攷之, 使 廢眂 如 據《 如 陽, 故 朝 高 而 子。 也。 之 立 未 鮮 所 乃 麗 無 乃 而 而 延

> 垆 禎之母弟祺。 正 五  $\sim$ 年, 外 國傳 雖 有 奪 其傳 所 書 嫡 殊 之 授 不 志 分明如 可 終以 信 此。 衆 議 暠 不 卒 可 於 而 至

### 高麗王大順

高 大順,以 亦 有 麗 王無名大順者 封 諸王表》瀋 语瀋陽王」之文、「大順」二字恐誤。 駙 馬封, 王凡三人,其 列 唯 于 E **昛首尚主、《成宗紀》** 璋、 王暠之前 一云高 麗 按 王

# 史臣分修志傳姓名可攷者

其 中。 媿 群賢。 寄宋學士詩》云:  $\wedge$ 外 五 國 行 强 傳》 志》, 述《外國傳》,荒 則宋 胡 翰 禧 撰, 撰 , , 修史與 其《 静 疎 序 志 僅 論 末役,乏才 居 一成篇。 詩 載 話 文 集 載

網齊養 新

諱 觀其寄 自 也。 高 麗 潛 以 溪 下悉其手筆,然此數篇最爲淺率。 詩, 則荒疎之病无逸固 未嘗自

#### 明 史

傳。 特勅 以 初詔 初用葉方藹 年再表上之,於是《明史》始有 本紀、志、表尚未就,鴻緒復加纂輯,雍正 廷敬、張英、王鴻緒相繼爲總裁,久之未成。 鴻 皆以博學 緒稿爲本而 [修《明史》,總裁官大學士張 五十三年,鴻緒列傳稿成,表上之。 廷敬任本紀、 蓋閱六十餘年之久。 明史》自康熙十八年開局,纂修 張 宏 玉書,其後湯斌、 詞 稍增損之,九年史成, 薦 玉書任志表、鴻緒任 入翰林 議論 者 也。 全 平允,攷稽 徐乾學、陳 廷玉 一稿 總 頒 裁 五 奏 乾 行 即 降 元 万川 官 十 而

> 最爲盡 九卿 土司 於列傳, 戾王 之姦臣、佞幸又下一 名,而通政、大理非政本所關,則略之,南 宗爲前後兩《紀》,而列《景帝紀》于中,斟 未有者,如《英宗實録》附 詳核,前代諸史莫能及也。 司叛服不常,既不可列于《外國》,又不 公卿表》之意。 而 而 例之也。 列 亦閑局, 武臣之傳, 善。《表》之有「七卿」,蓋取《漢 削其帝號,此當時 故皆别 無 明時閣部並重, 庸 而 嘉其義 出 表 之。 格,特書以 也。 史臣 石砫、 閹黨前代所無 切勤王,不 景泰七年事 其例有 曲 雖有九 秦良 做 筆,今分 人臣。 創前 以 玉 尋常 卿 以 可 書 稱 史所 之 英 婦 厠 + 較 京 酌 郕

#### 程 濟

永樂四年二月辛巳,唐府長史程 韓

法 程濟,未 府長史司典簿魏 后,特· 知即一人否? 命宥之。 居敬犯夜禁,兵馬 此 與 世所傳 程濟事見於鄭曉遜《國 建文從 司請送 亡之 臣

#### 洪 武

記》。

皆太祖成憲,雖永用洪武可也。」」 當易則易,不必改洪武爲永樂。 年改元永樂,宜併更之。」上曰: 舉司鈔板歲久篆文銷乏,且皆洪武年號,明 十一月,户部尚書夏原吉言: 《永樂實録》: 「洪武三十五年即建文四 朕所遵用 「板歲 「實鈔提 久,

### 世 襲五經博士始于明

曲 阜孔 氏,正 徳元 年授孔聞禮始,主子

思子祀事。

衢 顔氏,景泰三年授顔 州孔氏,正德 元 年授孔彦繩始。 希惠始。

孟氏,景泰三年授孟

曾氏,嘉靖十八年授曾質粹始。 希文始。

仲氏,崇禎十六年授仲于陛始。

周氏,景泰七年授周冕始,濂溪先生十

二代孫。

之,使奉明道祀。 年,復增博士一人, 十七代孫也。 程氏,景泰六年授程克仁始,伊川 明道 以 先 生後 伊川 裔 失傳。 孫 程接 崇禎 道 先生 爲

十四代孫也 張氏,天啟二年授張文運始,横渠先生

代孫也。

邵氏,崇禎三年授邵繼祖始,康節廿七

建安朱氏,景泰六年授朱梴始,文公九

二三七

+

世 孫 也

世 孫。 婺源 朱氏,嘉靖二年授朱墅始,文公十

#### 元 後 裔

速迭兒 年,阿 所 别 赤 其 順 於 德 立 答里 失八 應昌 九 殺 者 世 帝 年,瓦 系均不可攷矣。 篡 何 元 魯台殺 所 里,立爲 立, 屬 ,傳子及孫 順 巴 阳 ? 帝 魯台立 弑。 爲 刺脱歡 始 以 미 鬼 自後稱 去帝 至 又五 汗 力赤, 可 阿台 正 汗。 襲 凡 自是達達有 號, 傳 殺阿 廿 十 元後者並言出于太祖 迎元之後 自坤帖木兒後有 八年 爲 至 ·有 十年,爲 自 坤 可 魯台、欲 八 稱 汗 北 帖 年, 可 奔, 木 汗。 而 本 瓦 而 兒,不 自 馬 爲 又二 雅 刺 可 立 哈 馬 失 永 其 汗 :鬼力 里于 樂三 爲 木 哈 知 臣 年 口 官 亦 木 干 也 殂

稱

一迤北

小王子」,而

史失其名矣。

宏治元

主其兵 仇, 汗。 出。 馬 六  $\equiv$ 領 汗 小 馬 兒可兒復與字來相攻,麻兒可兒 311 刺 可 王子」,小王 年,爲 汗。 古 王子 古 刺, 阳 也 年,阿台爲 衆 殺毛里 八年,滿 可 有 可 魯台所部。 先 求 不 柄,久之亦死。 九 與毛里孩先後 兒吉思,亦號「小王子」。 斡 兒 弑 脱 阳 可, 年, 吉 羅 脱 孩, 脱 刺 子 乃 出 魯都 思,毛里孩 脱 脱 敗 不 知 遂殺 之名自此始。 立 者, 脱不花 走。 不 花 院 阿台竄 元 花。 子 所 亦 其 後 作 十三年,死。 馬兒 殺。 居 滿都 脱 入河 所 十九年以 所 四 居亦 殺孛來, 河 立 脱 殺。 年, 魯。 可 達 套, 套,未幾字 可 不 兒立之,號「小 達 集乃路。 汗 自 天順六年, 景 花 人河套, 與 部長字來 立 泰二 爲 後 死,衆共立 成化元年, 毛 更 而 亦 爲 可 人 <del>y</del> 思 里 逐 寇者, 年, 可 汗 馬 自 斡 孩 它 來 IE 瓦 因 稱 羅 相 可 弒 麻 攻 統 俾

三三八

年, 錦 幕之小王子 餘 外,俺答方强,懼爲所併, 罕虎墩兔自稱林丹汗, 序不 土蠻之族。 台周,從子黄台吉。 炭,弟委正,大委正 封 梁傳》: 靖 察罕 土門 汗,見《明史·張學顏傳》。 小 年,小王子奉 蠻,其稱「插漢」者即「察罕」之異文也。 《李成 州 雜部,四 貢, 十一 王子復 再鎮遼東,小王子 可 獨土蠻 得聞 年,小 插 是 漢部長、土蠻。 居 傳至 打 乎? 史言 矣。 河 來 屈 書自 王子 套。 虎墩 强東 孫 其 其 即 稱大元大可汗。 稍 趙國 見《李成梁傳》。萬歷 一從弟 族 IE 小 兔,豈打來孫 祖 北 隆 厭 一德中, 屬 王子之證 打 雄 塞 慶以 打 兵, 忠 煖 可 乃徙 外,其名與傳 來 長 來 傳》 兔拱、 '見者, 乃徙 東 孫 孫 後,俺答諸 數爲 帳 北 始 以 幕 也。 塞 聲 于 從父 駐 數 兔子 即 邊 嘉 十三 東方, 遼, 外, 牧 譌 萬 患。 靖 嘉 末, へ
黒 伯 爲 戚 收 官 蓋 騎 廿 靖 授 部 年, 皆 徙 塞 言 次 稱 嘉 繼 寇 福 即 察 石 土

> 詞,不 王子。 徙居 子,蓋猶 來孫 然則 光 傳 者其名, 插 插 欲其 其 漢 漢 襲小王子之號。 俺 改土門汗爲土蠻 者游牧之地,土門汗 地, 稱 答 ,以其 汗耳。 控 巴 弦 通 (爲元 + 貢,「 虎墩 餘 裔,故 萬,常 獨 合諸 兔 小王子後 又 則 諸 者其 傳參之,土 爲 稱 當 部尊之 薊 插 時 號, 文 門 漢 土 報 憂」。 兒 日 间 之 E 打

### 泰寧

與

插

漢本非

兩部

斷可識

矣。

龍傳》: 寧 葉以後但述杂 明史》立《杂顔傳》, 李成梁傳》有 地 與 兀 = 良 「李成梁殺泰 衛, 哈  $\equiv$ 自 衛 顔 泰寧部長 後 事,不 洪 雖 武 以 常 寧 及 廿二年 泰 通 速把亥炒花、《李 速 泰寧、 寧、 貢, 把亥,其子把 福 而 置 福 餘 叛 餘。 成 附 服 祖 靡 今按 割 中 大

土蠻 兒弟 朶顔 驚,九子各將 一十二年人寇,後亦死。 也。 爲 炒花據 患。」《 速把亥死於萬歷十年。 舊遼 兵。」是泰寧之爲 麻 貴 陽 傳 以 \* 北 居 炒花則崇禎 泰 兩 河 痙 邊 之中, 炒 患 把兔 花 尤 中 兒 甚 素 益 於 尚 于 桀

#### 河套

等三 思 六 有 初 都魯等 可 年, 嘗 汗 蘭 呵 部始 設兵戍,以 亦來居 羅 河 字羅 套者, 于紅鹽 出 拍L 者始 人爲寇, 忽渡 加思蘭 焉。 漢朔 池,大破之, 人 泂 曠 居之。 然 與 爲太師。 遠 方 年, 阿羅 郡,地 内 不 滿 敢 徙。 《外國傳》以爲天順 都 出 久 焚其廬帳, 在 合。 駐。 九 魯 天 延綏邊外, 年, 人 順 河 七 成 間,毛里 王越 年, 套 化 五 諸 襲 自 拍L 年, 間 滿 稱 加 明

皆遁去。

俺答移 套。 四十一年,卜失兔襲封順義王,其子主 落 各 死,子卜失兔嗣 盡 如 處 行 東 難 勝, 王 貢 相 故。 方, 復 等亦請 河 也。 赤,皆桀驁,卜失兔徒 等人套駐牧。 竄 漸往來套中爲寇。 奔據 雄 西, 正德 宏治 西海。 而吉囊俺答遂據 二十二年,吉囊 駐 長,東 隆 勢既分,而俺答獨盛。 西 一威寧 慶 市,封吉能 五 元 年, 五年,俺答納款,吉 海。 年, 九 有 海 年, 爲 小 沙計,中 亦 十三年冬,小王子復 子, 嘉靖十 都 Ŧ 1 小 都督 督 子 而吉囊子吉能居 刺 王子部長 同 死 套 與 與小 年, 有 内,皆 知,所 諸 年, 同 伯 虚 擺 知。 顔 名 子 北 王子 言 小 能 小 猛 而 狼 1 部 屬四十二枝 二十九年, 太, 久之, Ė Ę 與 王子 兒孩 可 亦 台吉等散 相 西 其 子 王 1 從 河 吉 姪 徙 等 萬 有 以 居 刺 火 切 套 能 内 歷 父 帳 不 河 因

非名,子孫世襲其號,「囊」「能」聲相近,中亦稱吉能。蓋蒙古多以號行,吉囊亦號而

### 順義王俺答

或

人强分之耳。

呵 指揮 十人授指 黄台吉即辛愛。 俺答爲順義王,其弟昆都 諸叛人,俺答因 降,總督王崇古請善遇之,令俺答縛送板 俺答之孫 終嘉靖之世無 授 拜台吉等十二人授副千户,恰台吉等二 百户,名俺答所居城 愈 俺答既移駐威寧海子,其秋遂犯京 事,打兒漢台吉等十八人授正千户, 揮 把 同 漢 歲 知,那木兒台吉等十九人授 皆授都督同 那 請封貢,詔從之。 不 吉 有邊警。 以 俺答奪 力哈、即老把都。 日 知,賓兔台吉等 歸化。 隆 其 慶四 妻 明年,封 恚 萬歷 年 而 冬, 師, + 升 子 來

> 力克,未詳,似是吉囊之後 順 嗣 諸部皆畏服之。 三十五年,撦力克卒,未有 答所奪把漢妻也,歷配三王,爲 乞慶哈。 年,俺答卒。 王,封其妻三娘子忠順夫 卒,封 順 卜失兔爲順 夫人率所部仍效貢。 十三年,卒。 十一年,子黄台吉襲王, 義 十五年,子撦力克 玉。 人。 《外國傳》卜失兔爲撦 四 三娘 中 十一年,忠 國守邊, 子 即 改 襲 俺

### 譯音無定字

即《外國傳》之「襖 襖」相近。  $\wedge$ 王崇古傳 \* 兒都 把 漢 自 司」也,北 聘我 兒 音「我」與 都 司 女

傳》前 土 變」,「土蠻」即  $\wedge$ 張學顔 稱「大委正」,後稱「一克灰正」,亦是 傳》 前 「土門汗」也。 稱「察罕 土 門 汗,  $\wedge$ 李 成 後 稱

一人。蒙古語「大」爲「伊克」,亦曰「一克」。

「委」、「灰」音相似也。「也可」、《兵志》作「也可怯薛」,謂「第一怯薛」也。《王崇古傳》。 俺答妻一克哈屯,蓋其大妻也。《元史》作

也,亦即「察罕」,見《張學顔傳》。《大清一《李成梁傳》有西部「叉漢」,即「插漢」

成」,見《蕭如薰達雲柴國柱傳》。《外國傳》有「銀定歹青」,亦作「銀定歹

統志》作「察哈爾」。

十駕齊養新録卷九終

四二

### 十駕齋養新録 卷十

嘉定錢大昕

員 缺

陸亦贈司徒,故得稱公。

宋制,朝會,宰相班在親

王之上。

知也。 所得, 「後左馮 尹時,陳咸爲少府,在九卿高第,陛下所 夫缺,使丹奏咸爲姦利,請案騐,卒不 缺。《翟方進傳》:● 缺,則選諸所表以次用之。」《酷吏傳》: 已有之」,今攷《漢書·循吏傳》: 顧寧人《日 而 方進素與司直師丹相善,臨 方進果自得御 翊缺。」《韓安國傳》:「 知録》謂「員缺之名自晉時 杜業言,「方進 史大夫」。 梁内史 御史大 爲 「公卿  $\wedge$ 薛宣 能 京 自 兆 有

公;

川

《尚

書大傳》曰:

煙

氛,郊社不修,山

Ξ

公

衡·明零篇》。天公,司徒, 人公,司馬,

地

民害,責於地公。王者三公,各有所主。」《論

臣多弑主,嬖多殺宗,五品不訓,責於人

城郭不繕,溝池不修,水泉不修,水爲

不祝,風雨不時,霜雪不降,貴於天公,

公,司空也。

0 進傳》。 「杜業言」云云出自《漢書》卷六十《杜周傳》, 非《翟方

沈休文《安陸昭王碑文》,稱公不稱王者,爵

《文選》載任彦昇《竟陵文宣王行狀》、

親王,不如三公之位尊也。竟陵生爲三公,安

四三三

四

傳》: 則 堪,今當選於群卿,以 司 隸 西 \$缺。 」《 漢 已有缺稱,不始于晉也。 御 佞 史 幸 大 傳 夫 任 充其 重 其 職 後御 缺。」又云: 大 非 史大夫缺。」 庸 材 「會 所 能

### 大 尚 書

祇」、《 祇, 疑 其 卷, 分爲六曹,初無大尚書。 制,唯鴻臚、司農、長秋有「大」字。 氏《隸續》載《劉寬 云「拜尚書、尚 始 長於諸曹,故 字子戒」一人、《洪 ●漢大尚 予 、祝睦 初 讀隋 蓋 碑》亦 當 書崔寔 書僕 時 書 加 云拜 官曹有此稱,未 . 一大以 碑》陰 射」,乃知「大尚 撰」,疑其有 經籍志》「《四民月令》 大尚 云碑》有「大尚 乃觀《祝睦後碑》但 有「大尚 别 . 書」。 之, 然後 誤。 攷 書 著於令甲 尚 書」者, 書 東 河 後 向者之 六人 書 讀 南 京 以 張 張 官 洪

### 大著

作

也。

蜀志

衛

繼傳》:

屢遷奉車都尉大尚

書。

官篇》。 專掌 康 初 史 又 魏 任 隸 太 和 祕 書。 中 又 置 始 著 佐 置 作 著 著 作 作 郎 郎 郎 \_\_\_ 職, 人,謂之大著作, 八 隸 中 見《史通 書,晉元 中

#### 五官

郎, 家不言「五官」何義。 官郎中,比三百 比六百 漢 有五官中 石 石。 郎 五 官侍 將,比二 郡 予 國 按《 郎 亦 淮 千 比 有 南 右, 四  $\overline{\pi}$ 百 一官掾。 兵 石 五 略 官 訓 中 五

又云: 正行 尚 督。」五官之名或出於此。 之官也, 稱,有尉官,有候官,有司空官,有興官, 此五官之於將 輯,井竈通,此司空之官也, 後知險易,見 舍不離,無淫 闕 其 伍,連什伯, 夫論 「將軍不與於五官之事, ,是必有脱文矣。 隘路 除謹 敵 興,無遺辎,此輿之官也。凡 也,猶身之有股肱手足也。」 知難易,發斥不忘遺,此 哑, 明鼓 動 行輜 静 旗, 時, 治, 此尉之官也 吏卒辨,兵甲 但據《淮南 賦 收藏於後,遷 丈均,處 而 爲五 所 而 官 軍 候 前

### 大學士

學士八人,以象八節, 直學士十二人,以象「景龍二年,始置大學士四人,以象四時,《唐書・百官志》: 修文館後改昭文館。

誤。 彦昭、 賢殿、崇文 院大學士。 义、岑羲、劉子元爲學士。 復爲大學士,亦引泌爲讓而止。」此《泌傳》之 説時爲集賢院 稱,中宗崇寵大臣乃有之,臣不敢以爲稱。」 帝欲授説大學士,辭 集賢院大學士。貞元四年,罷崇元館、集賢 伯、劉允濟等備員。見《文藝傳》。 審言、沈佺期、閻朝隱爲直學士。 彦昭、韋嗣立爲大學士。 二載,而貞元四年學士去「大」字則 置大學士二人,以宰相爲之。 大1始中宗時,及張説爲之,固辭。 蓋集賢之置大學士始於崔圓,正在 韋嗣立皆宰相也。 此大學士設官之始。 崇元即崇賢也。 館 大學士。 學 士也。 李適、劉憲、崔湜、鄭愔、 薛稷、馬懷素、宋之問、 曰 《李泌傳》: 按《張 泌建言: 又引徐堅、韋元旦、徐彦 天寶二載,崇賢 一學 李嶠、宗楚客、 至德二年,置 士本 説 李轎、 傳》: 由於泌之 武平一、杜 盧 至崔 學 「加 無「大」 藏用、 、楚客、 士 至德 趙 集 加 始 趙 李

官不得與焉。 資政殿大學士,雖不任事,亦以前宰執充,餘 讓者矣。 殿大學士率以爲常,鮮有如張、李二公之能 請 輔之官,然秩止五品,國朝始升爲正 相領之,蓋沿唐、五代之舊。其後置觀文殿、 耳。 然 宋初, 自 元 明代始專以殿閣大學士爲宰 和 昭文館、集賢殿大學士皆宰 以 後, 宰 相 兼 宏文館、 一品。 集賢

### 總督巡撫

旅」、《南史 授之節度」、《于烈傳》「遷 督」、《魏書・ 督城郭三十有六」。 晉書 督」、《劉之亨傳》「總督衆軍,杖鉞 ·謝玄傳》以方平河 總督」字始見於《漢書 任城 柳 仲禮 王澄傳》「以 傳》「與諸 南北朝史多用此字,如 司 北,幽 敘傳》,云「 衛 藩 澄 監 赴 總督二鎮, 「冀宜 總總 援 而 督禁 西 見推 須 納 納

> $\sim$ 是也。 傳》「總督三軍,揚旌恒朔」、《李平傳》「陛 「節閔以長孫承業爲 定爲官名人銜則自明始 西土」是也。 巡撫」、《周書· 紀》「拜章武公導爲大將軍,總督留守諸軍 不以臣不武,委以總督之任」、《周書・文帝 袁昂傳》「帝使豫州刺史李元履巡撫 二王傳》「梁 吴明 北史·趙彦深傳》「文襄慮河南有變,仍 王猛 傳》「總督所部赴援」、《北 徹傳 「巡撫」字亦見於南北朝。  $\stackrel{\sim}{=}$ 武 總督、巡撫之語由來已久,其 吾 以 武帝紀》「詔皇太子贇巡 爲 爲 總 大行臺總督焉」、《李常 北 督, 道 總督」、《齊本紀》 必 須 身 史・景穆十 居 ^ 南史 東 其 土 後 撫 自

## 唐人服色視散官

野客叢書》云:「唐制,服色不視職

猶未 **浩** 子 誠 散大夫制》 復 猶 服 事 『八舍郎官换緑衣。』元微之作《武 官而 入 色, 封妻, 豈惟腰白 足貴矣。」樂天《授朝 著緑,其 元 八銜」。 脱 簡 衣 青衫。 視階官之品,至 爲 銀 詩 Ĕ: 劉 京 緋。」「白樂 夢 所 兆 南宫啟 『今由 得《 謂 尹 金 , 賀 鳳 官 而已。二 請 給 閣 皆 散大夫制 是級, 天 朝 舍 事 無 六 爲 散大 加 多 人 묘 中 則 H 京 五 書 謂 夫 服 品》 兆 階 朝 舍 方 儒 日 色 尹 官 散 人 换 衡 詩 , 驟 也 白 知 陞 五. 日 何 加 蔭 朝 時 밂 尚 制 頭

郎 共 議 밂 由 散官之品 ,猶以 大夫、守中 賜紫 有 兼 唐時 禮 通 部尚 金 賜紫繫 議 臣僚章服不論職事官之崇卑, 秩。 魚 大 書 書、 夫、 袋 銜。 雖 侍 馬 同平 守 宰相之尊, 植 郎 中 ^ 舊 同 有 章 書 平章 事、 唐書· 太 侍 中 郎 賜紫金魚袋崔 大夫、守中 事、集賢殿 而 兼 宣宗紀》 散官未 禮 部 尚 有 書 及 大 唯 書、 慎 侍 學  $\equiv$ 論 正

> 昍 大學 不 瑑,皆見任宰 部 有 同 平章 職 侍 朝 得衣紫。 郎 散大夫、守工 事官也。 士、賜紫 事、集賢 同 平. 唐人之重散 相,中 金 章 而 殿 魚 事 散 部 大 袋 官 書侍郎、六部尚 判 學 蕭 尚 未到 Ť, 度支、賜 鄴, 書、 官 如此。 賜 有 同 金紫銀青, 平 紫 朝 金 議 章 紫 大夫、 事、集賢殿 魚袋鄭 金 書 魚 則 又 皆 守户 袋 非 朗 賜 劉

### 升朝官 京官

京官。 朝 以 宋目常參者曰 謁 下皆曰常參官, 故謂之朝官,●而 宋史•選舉志》: 《老學庵筆記 朝官、祕書郎 其未常參者曰 未 預者曰 國 前代 以下 初, 朝 京官。 以 未 未 常參 官 常 常 自 冬 冬 元 官 者 官 品品 預 E

●「朝」上、《老學庵筆記》卷八有「升」字。

官制 案 牘, 丞,光禄 官, 止謂 行, 元 而 之承 寺 豐 以 按 丞 通 以 唐 直 衛 前, 務 制 郎 郎 去 尉 祕書省著作佐郎, 以 以 京 寺丞,將 上 上,然俗猶謂之京 官之名。 朝 預宴 作 監 坐, 凡 丞、 條 仍 書郎、 大理 大理寺 制 謂 之升 官。」 及 評 吏

爲

工

故

朝

仕郎。 通仕 寧中,改選人七階爲承直、儒林、文林、從事、通仕、登仕 官,京官之下則爲選 本宣德,政和改。 一登仕、將仕三階,係奏請未出身人。 政和以從政、修職、 宣義、承事、承 迪功易通仕、 人,有七資四等之差。 奉、承務郎爲 、登仕、 將仕 三階。 京 崇 將 其

字,將作監主簿皆京官也,元豐改制以宣教、

事,太常寺太祝、

奉禮郎,

祕

書

省校

正

日

#### 前 行 中行後行 頭 司 子司

而 # 四 唐 宋 司 制 有 頭 六 司 部 子司 有前 行、 之 稱。 中行、 ^ 唐 後 會 行 要》: 等,

> 年二月四日,復舊次第。 遂以度支爲 功爲子司。 ,改户部尚書爲 事 頭 禮 以 司,餘爲子司。 爲 後行。 兵 五部皆仿此。 吏及 頭司,户 左右 每行 度 司 各 如吏部爲頭 顯慶 支 部 爲 管 尚 前行, 爲子司。 四 元 書 司 一,侍 年七月二十一 司,司 刑 而 郎亦准此, 户 至 以 勳、司封、考 爲 龍 本 中 朔二 行 名

張敬 東 誰 客爲御史, 後行爲閒。」《 行,忽除膳部 北 知 脚 忠 隅 海 蹭 詠 也。」膳部爲後行,又在禮部四司之末 録 日 蹬 碎 自以才望清 卻 南部 事》 員外郎, 落省墙 有 新 意 書》: 微 唐制 嫌 東。』蓋 兵部 有 華 惋 當入省臺, 郎 專 悵 先天 官 膳 前 心望考功。 部在 吏部 中, 行 爲 省最 望 郎 王 前 中

### 司

官。 以 稱,皆吏部 功,是爲七司。 後,分尚書 南渡後,遂 唐 制, 六部各置 司 左 有 所 右 尚 選、 分 左、尚 也。 四 侍郎 司。 并司勳、 右、 左 宋元 一右選, 侍左、侍右之 豊 司 各置 改官 封、 考 郎 制

## 尚左尚右侍左侍右

選。 以 選二,曰 四 右選,流内銓 審官東院 舊 文獻通考》: 文選二,日 制 審官 吏 爲 部 爲 西 尚 侍郎· 除 院, 審 書 侍 官東院, 日三班 左選,審官 左選,三班院爲侍郎 宋 郎 朝 典 員,分典 院。 選之 曰 流 西 元豐定 制, 内 院 左右 銓 爲 自分爲 尚 選 制 書 武

> 嘗任 伯 選。 **쬶陳宗禮俱嘗任尚左郎** 左、 郎 中 選、侍郎左右選各一 除 林 郎 倓、費行之除 郎 兼 總 玉任尚右郎 或員 官 官, 日, 大 攝 或 稱 L 侍右郎: 尚右之稱,自此相承不改。 紹興 中、 始 右選 吏 李端 相承 外郎, 部 及擬 有 沈 官, 而已。 閒,吕希常以監六部門兼 侍 官, 待左: 民 揆 m 不 郎。 吏部郎 告身細 曹 擢 徐清叟、 ·改矣。 正 主管尚 侍郎、 彦約、 除 頂尚 紹 閒 官 尚 煕 命 王邁、 范 員。 孫夢觀、 銜, 官,皆有侍 書,則 右 三年, 書 郎 侍 鍾 官兼 郎官,既 1某選, 始直言吏 右 中,主管 ●王萬、 徐 初 鹿卿、 侍 家鉉翁《傳》皆有 攝, 進擬, 侍 謝 郎之稱 左、 深甫、 《宋史》,徐霖、 È 惟 高斯得、 楊 左、 而 文仲、 尚 管 第云 侍右 部 稱 侍 何 侍 書 張 權 尚 左 旲 有 俌、 陳 侍 郎 吏 左 徑 選 書 既 潛 叔 侍 仲 部 侍 尚 楊 右 某 郎 右 椿 應 而 右 微 李

鍾」,原作「鐘」,據《宋史》改。

駕齋養新録卷十

四四 九

録

侍郎 之稱。

#### 左 右

左右都 上 以左 以 稱左 左爲上。 爲上。 榜,亦右爲 唐宋 科場蒙古色目人稱 御史、 左 元左 右 左右 僕 上 右 射、 給事 也。 丞 左右 相 中、 明 、左右丞 六部左右侍 丞 右榜,漢 左右布政使仍 相、 左 則 人 右 以 南 右 丞 郎 人 爲 皆

#### 度 支支度不同

支郎 判官,此外任幕職也。 節 度使有帶支度營田使者,則其屬 中、度支員 度支者,户 外郎者。 部 四 司 之一,唐 宋初沿五代之制,以 ,皆郎官 也。 碑結 有支 至 銜 各道 稱 度 度

> 制 要, 部、 官差遣,與 使、度支判官之名,此則三司之屬,爲京朝 三司使總領天下 稱度支,其名 度支 又分 往往率意妄改,貽誤非淺 置 兩 外任 司 副 及 使 幕 亦 鹽 判 財 不 職班秩不同, 鐵 官佐之,于是 賦 相混。 使 也。 三司者, 三司 校 書者昧于官 一稱支度, 有 使 即 度 既 唐 之户 支 總 副 其

### 階官分左右

加 至朝請大夫欲分左右,進士加「左」字,餘官 「右」字,從之。《毘陵志》引《哲宗舊實録》。 元 祐 四 年 十 一月,三省言承務 郎 以 上

大夫以下勿分左右。 紹聖二年四 月,詔 《宋史·哲宗紀》。 職 事 官 罷 帶 職 朝 請

當國 始帶左右。」致忠宣以元 揮 塵前録》: 元祐閒, 祐四年 范 忠 宣

二五〇

六月罷相,而階官分左右乃在是年之

冬,則非忠宣所改也。

法分左右,用樞密院編修官楊愿請 志》引《繁年録》、《宋史・宰輔表》繋於是年十二月 紹 興元年九月,韶文臣寄禄官依 也。 《毘陵 元祐

左」「右」字。《宋史・孝宗紀》。 淳熙元年三月,詔寄禄官及選人並去

至 楊 縣者不相下,蓋由階帶左右,流弊至此。頃 屢欲用君。 時嘗論之,今華貫 , 豈在二字, 宜如元豐官制。 周必大撰《趙善俊神道 因奏進士任子自分兩途,仕州 清 流,非進士自不 碑》云: 有旨從之。」 「孝宗 可

盡 自承直至迪功皆分左右,與元祐亦不 以上,則選人無左右之分也。 同。 按 元祐階官分左右,自承 紹 興 務 則 郎

## 正議大夫以上分左右

二府並 二府。 + 議光禄、銀青光禄、金紫光禄並置左右,分 光禄,五轉金紫光禄,六轉即特進。 大夫也。 三階,而罷分左右,止十轉至特進,而 後因之不改。 爲二資,於是 轉户書,七轉吏書。 給事中,再轉工侍,三轉户侍,四轉左右丞,五轉禮 遞轉,蓋十一轉而至吏部尚書也。 郎,三轉中行侍郎,四轉前行侍郎,五轉左右丞,六部 轉而至僕射,由諫議 徐度《却埽編》: 自太中一轉通議,再轉正議,三轉光禄,四轉銀青 循此制。 七轉至特進,即僕射。 政和 復 及官制行,太中大夫即舊諫議 十一轉而 蓋祖宗以來二府不磨勘 中增置通 一轉給事中,再轉後 舊制, 二府乃七轉, 至 元祐中,始令正 奉、正 特進。 而不分庶官與 諫議. 奉、 紹聖 大夫積 庶官 宣 行侍 尚書 奉 以

五五

法,

然亦未嘗舉行

也。

特進

金紫光禄大夫

銀

青

光

禄

大夫

光禄大夫

宣

奉大夫

正

奉

夫

正議

大夫

通奉大

夫

通

議

大夫

太中大夫以上凡十階

故

有

遷。

紹

興

新

書

乃

并二

府

有磨勘之

軍巡判官 司理 司法 司户

簿

尉以上判司簿尉。

提刑,並磨勘引見,轉合入京朝官。《宋有京官舉主,五人内一員轉運使副或判司簿尉七考,令録職官六考。

史·職官志》。判司簿尉初任循一資人知

職官。 録 循 資 人 初 等 初等 職 官 職官,正 循 一資 入兩使職 令録 人 兩使 官

兩資人支掌防團判官,三資人節察判

 選人七資四

等

留守節度觀察判官

節度觀察掌書記 支使 防禦團練判

留守節度觀察推官 軍監判官以上兩使

官

職官。

防禦團練軍事推官以上初等職官。

録事參軍 縣令

知録事參軍 知縣令以上令録。

帥漕憲倉

之, 而宋則 文 獻 有 通 帥 考》 漕、憲、 言 唐之州 倉 四 縣 司, 不 過 故 州 使 縣 之 臨

五五二

案牘 官尤 運 倉 謂 使, 提 之 難 人 點 而 刑 稱 以 轉 已, 奉承 獄 運 司, 副 帥 展布。 使, 謂 倉 則 安 謂 日 撫 轉運判官,皆漕司 提 帥、 路或有兩三人, 司, 舉 漕、 常平司。 漕 憲、 謂 轉 倉 運司, 帥 蓋當 日 也。 憲、 憲 時

#### 庾 司

法,即 史法。 若 軍 獄、改廣西、 司。 相 廣 州 稱, 臣僚除授,自當 都總管,領漕庾如故」是 提舉常 宋史 所書官名亦 主管廣 如今人稱 《宋史》於 • 兼漕 平司 南 孫 東 庾二 布 夢 宋 南 鄙 書 路 政、 觀 人謂 渡 轉 俗 經 司。」《黄罃傳》: 傳》: 諸 如 運 按察 略安撫 之 此 臣 及 也。 倉 提 傳 日 司,亦謂 舉常平, 不 提 藩、臬之類。 司 漕 ·特敘 公事 點 庾本 廣 次 方合 流 馬 東 之 無 俗 庾 步 知 刑

#### 四 總 領

掌之; 轉運副 掌之; 領。 之, 駐之所皆置總領一人,以 總領初 紹 鄂州、荆 稱總領四 使之上。 興十一 建康、 興元、 興州 南、江 年,收諸 池 川 宣撫司 州 鎮江 錢糧 諸 州諸 錢 軍 諸 帥 糧。 錢 軍 朝臣 兵以 四 軍 紹 糧 錢 錢 川 興十八年改四 糧,淮 總 糧 爲 爲之,敘位 淮 消 領掌之。 御前 西 東 總 廣 軍, 總 總 領 111 掌 在 屯 領 領 四 總

又謂 之餉 總領 司。 財 賦 所, 鶴山集》中往往有此名目 或謂 之 總 所, 亦 稱 飹 所, ][

#### + 都 統

紹 興 + 年, 張 俊、 韓 世 忠、 岳 飛除樞

五五三

駕 齊養 新録

軍。 除 都 沔 制, 并 密 加 金 制 大 御 帥 統 副 州 興 州 使 荆 軍 前 副 在 都 司 州 但 即 吴 + 校 興州。 南 軍 副 又分興 於利 統 之 以 璘 張 各 九 府 馬 八 制 事 知 俊 統 年, 覲 稱 楊 江 州 不 舊部 權 州 所 鎮 州 利 政 州 除 又 特 部, 兼 江 州 俊 + 沔 稱 正,天下有 改 重 節 首 大 軍 池 鄂 自 西 州 利 漢、 制 軍 州 納 爲 州 路 爲 除 乃吴 州 沔、 即 所 所 皆 大 沔 駐 都 東 韓 部 有 軍 軍 謂 兩 劄 統 利 曦 路 十都 兵, 世 御 即 利 大 制 叛 御 更 都 忠 前 後、改 路 岳 軍 不 將 前 統 統 其 乃 舊 三大屯 軍 飛 除副 制 諸 爲 分 銜 移 部 舊 軍 御 凡 命 沔 興 E 在 部 都 前 六 建 = 統 利 州 州 興 也 也 元 爲 統 諸 統 康 制 大 州 副

直 隸

宋 制 以 州 領 縣 而 縣 亦 有 不 領 於 州 而

> 州 於 縣 直 以 而 師 此 此 縣之直隸京 隸 地 至道 縣 唐 京 路 隸 當 師 寰宇記》於西 興 要 者。 年 元 衝 建 府 申  $\sim$ 師 奏 九 爲 皇 如 公 縣、 域 大 故 朝 事 三泉 志 安 直 也。」「 乾 V 屬 軍 縣 徳 朝 並 五 廷。二三泉今 直 云 年 利 年 隸」兩字 州 以 廢 皇 縣 路 朝平 軍 有 直 爲 寧 始見 蜀 隸 縣 羌 後 泉 京

州 院

之, 府 則 後 司 日 治 稱 理 讀 宿 司 之西 院, 羅 府 乾 理 州 院。 端 降 院 州 皆 良《 戊 南, 則 院 刑 ^ 戌 會 司 新 朱記 府 獄 歲, 稽 理 院 安 之 參 志》, 瓜 志 ۰... 在 稱 軍 洲 焉。 初 主 浚 州 乃 不 之。 河 院 司 知 録 解 得 則 理 每 事 州 若 南 參 録 州 參 院 州 宋 事 軍 有 軍 升 爲 官 廨 參 州 廨 爲 印 何 舍 軍 院 舍 府, 職 在 在 主 文 與

#### 宜 差

者,非也。 其未奉朝旨,故謂之「宜差」,或讀爲「宣差」 蓋當時 分明,可無疑矣。 事 記》,後題「宜 予又見慶元五 廳 江南東路安撫使司幹辦公事周應合修 差」者,皆在馬光祖鎮 劉震書并篆」,蓋 壁記》,結銜有稱「宜差」者,有稱「宜 景定建康志》卷首題「承直郎宜 諸路 金元始有宣差之名。 帥 差 臣多有奉敕 年 通 石刻《 判 此 軍 全康 又在景定之前,石 州 萬 兼 日, 《志》載《通 便 壽 管 宜 與應合同時。 Щ 内 行事者,以 修 勸 觀 農 音 一特改 纂」, 判 差 營 南 充 祠 刻 田

#### 建 康府 通判三人

員。 朝士充,是爲南廳。 置一員,分東西二 各一員,西京、南京、天雄、成德等府 江寧府 建康志》、《國明 初置 一員,其後 廳,其後又添 會要》: 視 西 諸 差一員, 京 州 等 置 各 例 通 以 增 判

#### 官 名 俗 省

文字也。 所幹辦公事 提幹者,提刑司幹辦公事 幹辦公事也。 字,蓋流俗相稱之詞。 宋人文集、 帥機者,安撫司主管機宜文字也。 也。 運幹者,轉運司 小説 制機者,制 稱 如 也。 云撫幹者,安 官 置司主管機宜 名 幹辦公事也。 總幹者,總領 往 往 割 取 司 兩

帥準者,安撫司準備差遣也。

### 狀元榜眼

注 議資 狀 對第 人李狀 之。 元穎 名列魁 回 建 在儒 元 蔣 也。 啟 治 予嘗讀 進 攷宋 狀 啟,於蔡 建。 學,以淳祐 元 + 通 元重珍》、《蔡狀元仲龍》、《 《回弟二人葉狀 南 第 寅仲啟》。 鑑 在邑 時狀元 見 宋 周 新定續 坊 益 人 則云「擢 又 東 書,首 公《省齋文集》, 稱狀 刻 嚴 無 新 1 志》。 有《 陸 橋 州淳安 未 又 元, 唐老其 魏 陸狀元 亞 題 邑人黄蜕 是第 以 起 元 倫 7 邑 於唐, 會 適啟 縣 翁《 魁」, 人 二三人 人,蓋 稽 增 狀 方 鶴 有 \*/ \* 陸 節 爲 元 於 逢 至 Ш 趙 唐 音 大 亦 皆 坊 趙 口 今 辰 口 集 弟二 老 注 對 狀 미 爲 則 弟 姚 猶 集 第 云 元 精 大 狀 稱 有 因

> 弟三人朱嚴 人及第者爲 三人矣。 褐 初,  $\sim$ 是第三人亦稱 宋 榜眼 先輩從事 史・ 然 陳 若 王 和 元 拙 州 榜 之 傳 眼 詩》云「 也 小 稱 畜 當 榜 集》有《 時 眼 以 科 弟 送

第二 有 進 爲 左 殆 餘 中 也。」予謂朱説 四 右 士: 年 左 進 國 者 元至正《十一年進 未之究 李 也。 榜,各有狀元, 賜阿察赤、李黼等及 二榜、蒙古、色目人爲 士 人 亦 朱國楨《湧 黼 係 居 稱 黼 右榜第一,故 諸公多致疑,或曰 右 中 第 狀 耳。 榜 或 元。 非 人者 狀 幢小 如 故中 是。 蓋 元, 李 未 其 亦 品》云: 士題名碑》, 非 黼 國 元 楊廉 日『某 嘗 時第一必蒙古人, 第 自 榜 時 併 第, 以 進 右榜,漢人、 鄉 夫自 而 也。 從俗,或 狀元 50] 人 會 士 爲 元 及廷試 榜進士」, 察 稱「 黼 今國 稱之。 又嘗見 赤 時及第 亦 李 如 左 日 皆 第 子 泰 南 黼 榜 元 第 分 皆 榜 定 其 第

可信。 統《元年題名録》,皆分左右榜,國楨臆説 不

書,皆當

時應舉文字,有破

題、接題、小講、

大講、人題、原題諸式,是論

亦有破題

#### 經 破 題

不始於明也。 破 閱横浦《日新》云: 偶,文氣雖 取士,雖 見《摭言》。 神。」見《摭言》。 人之心。「極佳。」然 東都,夜宴半酣,公索聯句,時公爲破題。 彖《 畫狗 人於此: 題 云 唐 人 馬難 此詩 變五 應 踈暢,其 試 君子有 則矜能於狗馬,一 爲 此 七言之體, 有破題也。 宋季有魏天應《論學繩尺》 詩 功賦 賦 **賦**,首二 有 「有 兩 則 勝 ( ),其 破 兩 宋 小 題 相對猶如故 時 人 一人作健而説義 而士大夫習於 句 破 宋熙寧中以經 也。 之道 經 謂 題 義 之 裴令公居 則誇妙于鬼 日 而 已 破 有 無 也。 題。 「有 破題, 勝小 排 義 偶 守 韋 亦

#### 題 目 疑 難 處 上請

簾中詳答之。 目 中 宋禮部 有疑難 試 處 ±, 聽 士 知 人就 貢 舉 簾 官 外 下 上請, 簾 幙 主 出 文於 示 題

《夢粱録》。

#### 塗 改 添 注

數。」蓋唐宋已有之。《元史 其後云『並 引《貽子録》云: 塗乙注五十字以上者不考。」 鄉會試有塗改添注字數之例。 無楷改塗 燭 乙注, 下 ·寫試 • 如 無 選舉 有, 誤 筆 即 洪 言 即 容 字 題 齋

二五七

# 春秋合題

祇 其異於元者,元時合題多至五六事,今一題 朝 獻捷」、「楚子使椒 田 來聘」、「 集》, 沿明舊制, 兩事耳。 經 載至順 義唯《春秋》有合題。予嘗見《 楚屈完來盟 乾隆初始去合題。 鄉 · 癸酉· 會 來 試《春秋》有 會試《春 聘」四節合爲一題。 于師」、「 楚人使宜申 秋 单 義》以「 題 有合 劉 荆 題, 或 來 青

## 銓 試

官, 聞,就試 應文武官 就禮部貢院 吴自牧《 出官。 蔭授 夢 放試。 子 朝廷遣監試、主文、考試等 粱 弟。 録 試中者三名取一名。 宗子蔭 每 歲 補者 三月 並 上旬, 赴銓

> 送助,以爲局 造題名集,設同年宴于西湖,帥運諸司俱有 文武銓魁,特轉 遺,武選中 月放試 試 文 試 法 臣 中選者,陞 科 試 者, ,中榜者赴吏部伺候 兩 塲, -者就 聽。 費。」 本 兵部 内 一資。 武 經及《刑 舍。 臣 試 右 選 如 七 恩例,銓魁仍置局, 統》 省闡 廳 書 簾試過參,注 銓 義。 義 年 量注授。 分  $\equiv$ 第三 移 學 于 生 日 其 差 員 願

# 科舉之弊

興。 望實之素著,或攻而去之, 異 「古者閭月書,族 舉之患幾於無書。」《杜德 詞 也。 衆賓之席弗屬,堂下之觀禮者弗坐,無 魏華父云: 今易吏而 時 致,州 主其事,糊名 釋 老之患 歲 稱 比 墓 幾 文詞之稍 志》。 鄉三年而 於 丽 無 察其言。 又云: 儒,科 賓

或 而 創 得 愳 貢 之, 而 院 抑之。 記 則 又將 寧 以 收 其 卑 取 近, 於人者 無 拔 取 儁 人矣。」《眉 尤。 其 幸

# 文文肅殿試卷

太子 子太 院 林 都 孫 閣 子太 吏部 中 侍 院 察 大 袁 承宗,户 太保、 、保、禮 院 尚 氏,後 讀 侍 學士史繼階,兵 傅、吏部 書、 學 讀 文肅公震 左 士 學 都 吏部 建 部 部 列 御 士 協 尚 極 尚 尚 讀 戚 史 理 尚 書 書、建 殿大學士 書 卷 孟 鄒 以 詹 書 兼 官 汪 天啟二 弘 元 事 張 文 部 應 標, 極 問 淵 府 禮 尚 蛟 殿 少 事 達 閣 葉 吏 書 部 年 刑 師 大學 大學士韓 向 周 右 部 兼 殿 禮 部 兼 如 高 侍 左 東 部 試卷今藏 尚 太子太 磐 士朱國 郎 侍 閣 尚 少傅兼 書 禮 兼 郎 大 書 爌 王 學士 部 翰 兼 兼 師 紀, 祚 東 吴 右 林 翰 太

> 「列聖」字樣 院 院 院 兵 侍 以 立 朱字鈐印。 侍讀 紅 侍 侍 部 郎 大 卷 左 讀 讀 兼 理寺 斷 學 學 一侍 學 翰 句, 林 士 郎 士 士 左 皆不 院 卷中「太祖 魏 周 駱 張 與今式 寺 侍 廣 炳 從 經 丞 出格, 讀學士、 微 謨, 世 宇 鄭 異。 尚 通 詹 詹 詹 」、「成 賓, 政 事 讀卷官於文之佳 事 事 署掌 使 府 府 府 凡 司 少 小 小 祖 + 院 詹 左 詹 詹 二、「神 有 事 通 事 事 事 錢 政 兼 兼 兼 人, 祖 袁 翰 翰 翰 坤, 者 林 林 林 可

# 鄉試録

事 考試 序》云: 中 官吏部 鼎 予 I 楫 家 科給事 來代 有 先 文 康 朝 以 選 熙 中 楠。」 御 四 司 黄 史 + 郎 鼎 未 臣 中 \_\_\_ 楫 詳 年《 朝 陳 直 其 楠 汝 江 隸 姓 貮 弼 南 宣 也。 之, 化 Ш 鄉 繼 試 是科 東 命 福 録 始 給 其 Ш

十駕齋養新録卷十終人。第七名華亭張維煦、第十五名崑山徐駿,皆官卷也。

# 十駕齋養新録卷十

嘉定錢大昕

## 江南

南,古之江東也。雖小,縱江東父老憐而王我。」今人所謂江蜂小,縱江東父老憐而王我。」今人所謂江今湖廣、江西之地。《項羽本紀》:「江東今湖廣、江西之地。《項羽本紀》:「江東《豫章、長》(史記・貨殖傳》:「江南、豫章、長

# 上江下江

羊牧、王匡等起雲杜緑林,號曰下江兵。」是《漢書·王莽傳》:「南郡張霸,江夏

古笠澤江, 南郡 亦有上江、下江之名。 人海,名曰下江,亦曰婁江。」是婁江、東江 上皆可云上江也。《菰中隨筆》。又《史記正 未至。]注:「夏口以上爲上江。]是武昌以 煬帝之言曰: 日上江,亦曰東江, 口。一江西南上七十里至太湖,名曰松江, 以下,皆可云下江也。 「上江米船,皆被抄截。」《通鑑》載 「三江者在蘇州東南三十里,名三江 一江東南上七十里白蜆湖,名 「朕方欲歸,正爲 一江東北下三百餘里 李密《與王慶 上江 米 隋

## 三楚

廣陵,此東楚也。」「衡山、九江、江南、豫章、南、南郡,此西楚也。」「彭城以東,東海、吴、《史記・貨殖傳》: 「自淮北沛、陳、汝

也。 地。 爲 西 長 北而介乎東西之閒,故彭城以東可稱東楚, 吴、廣陵在淮南,東海在淮北,彭城亦在淮 稽郡,乃以西楚霸王自號者,羽兼 1楚矣。 西楚,淮南爲 沙,此南楚也。」據此文,彭城是東楚, 又攷三楚之分,大率以淮爲界: 梁在楚西,言西楚,則梁地 項羽都彭城, 南楚, 唯東楚跨淮 而 東有吴、 亦在其 有梁、 廣 南 陵、 淮北 北。 中 楚 非

> Ξ 蜀

往。」 本 蜀 劉逵注: 左思《蜀都賦》: 國,漢高祖分置廣漢,漢武帝分置楗 「三蜀, 蜀郡、 「三蜀之豪,時來時

廣漢、權爲也。

爲。」

兖 州

注》:

彭

城

以西

亦可

稱

西

[楚也。

又孟

康《

漢

書

之域,與古兖州無涉也。 瑕邱,相沿至今。 漢之兖州刺 史治郵 驗其 対 城, 畛, 劉宋以 實《禹貢》徐 後 徙治 州

是爲南楚。」此又一説,與《史記・貨殖傳》

交於彭城,是爲東楚。

又封屬王

胥于廣

恢 ,

王徙都于郢。

故江陵是爲西楚。漢封元王

爲西楚。」《高帝紀》。《太平寰宇記》:「楚文

「舊名江陵爲南楚,吳爲東楚,彭

城

東

《酷吏傳》: 并諸 相, 之號山東,非無因矣。 Ш 俊並起而亡秦族矣」是 書》,山東大師亡不涉《尚書》以教。」 爲小吏時,甯成爲濟南都尉。』《儒林 伏生教齊魯之閒。 東也。 山西出將」,亦泛指 侯,山東三十餘 秦都 然漢時亦有稱齊魯爲 關 「御史大夫宏曰: 中,以六 國 郡」, 學者由此 也。 函關 爲 Щ 又云 《漢書》「山東 東。 以東,非 山東者。 頗 「臣居山 賈誼 能 Ш 則齊 今所 言《 傳 謂 東 東 尚 如 豪 魯 稱 出 秦

治兖州。 東路,又分東、西兩路: 唐宋皆别屬 今山東省於唐爲河 而東昌、 河 北。 武定兩府, 蓋 唐 宋以 南道地、宋改 東路 前, 臨 治 清及德州, 青州, 大 河 故 八爲京 西路 道

駕齋養新録卷十一

平。 南、 今東昌。 皆由千 曹、 河北分界, 乘人海。 濮、齊、青在 貝、今清 河縣。 而 唐宋 河之經流 河南岸, 爲棣州,今武定府。 德、 棣 了然在目矣。 在 澶、今開州。 河 北 岸。 鄆、 觀河 今東 博、

#### 湖 北 湖 南

州,皆與今分界異。 皆屬北路, 宋荆湖分南、 施州别屬變路, 北 路 而南路 岳 澧、 鼎、辰、沅 所領有全

## 四 川

爲威 蒙 州 軍民府、 寧州,屬貴州大定府。 鎮 明 雄軍民府、 四川 今爲昭通 布政 司所 今爲鎮雄州 府 屬雲 東 領有遵義府、今改 川 南 軍民 屬雲南 鳥 撒軍 府。 昭 通 民 今爲東 府。 府、 烏 JII

#### 府,屬 雲南

# 分天下爲路

路 步軍 路。 鳳 分 領 初 真定、定州四路。 慶、鄜延四路。 若慶歷元年,分陝西沿邊爲秦 十三。」《志》所云路者,以 下爲十五路,天聖析爲十八,元豐又析爲二 涇 轉 陜 於 原、 轉 西 都部署,後避英宗諱,改稱都總管。 此特爲軍事 運 鄜 宋史• 延、 祇 運 司 加 環慶屬焉。 有 司 爲 屬 馬 地 故不在十八路、 轉 八年, 理 ^ 運 而 熙寧 志》於陝西路敘次 志》: 設。 司,及熙寧 治秦 河北 治永興 五年, 每路設安 轉運使所轄言之。 「至道三年,分天 州 置 陜 大名、高陽關 軍, 廿三路之數。 日 收 鳳 西 秦 熙河 日 其民 撫 又 鳳 涇原、環 永 五路沿 置 使 路, 興 事 兼 熙 軍 乃 仍 馬 河

## 水 經注難盡信

革

卞

甚了

T

讀

史者

益

致茫昧

矣。

桃縣。 陽爲 在高 封臨 之建成,在《淮 之桃虚,屬東郡。 之安成。 篇》以爲長沙之安成,在《汝水篇》以爲 在武當不 爲公孫渾邪封 河水篇》以臨羌爲孫 蔡,其 ^ 城不 范明友封 水經注 建成 桃侯 在 在 地 侯 河 金 在 !東也。 國,不 劉拾, 劉襄, 國 城 載 在《獨立 河 不不 也。 漢 内不在 知明友本封平陵,其 知渾邪本封平曲 時 在《 在《 《汾水篇》以 安成侯 漳水 都封 侯 爲沛之建 贛 沸 金城 或 水篇》 水篇》 篇 國, 難 劉蒼,在《 》以 不 以 也。 以 以 成。 爲 知 河東 盡 爲 信 爲 以 孫 信。 贛 豫 酸 汝 都 都 之 西 其 之 平 南 水 地 地 平. 本 如

此重複,不相檢照。

又《淮水篇》云

水篇》

以

皆

彼

年,封 陽, 陽 昌芭,今金鄉 城, 乃 子荆爲 在東晉安帝之世。 即 射 陽縣故城也。 作縣境。 山陽公,治此。」攷山 以典午之僑治,當東 漢之山 漢 世祖 建 陽 陽 武 郡 僑 漢之 + 自 治 五 射

故

封,豈其然乎?

誤也。 誰是。 所見本同 義》以「楊阿侯卞仁」當見侯之一。是《正義》本作卞, 不 鄉 城 此云「陽阿」,可證二表之譌。 國。」此二條人名與年數小異,亦重 縣之故城 沁水篇》: 同。 西。 有阿 河水篇》: 《史記· 《史》、《漢》表但有陽河、齊侯、其石, 漢高 陽縣,上黨郡有陽 III 萬 也。 訢、 帝六年,封 功臣侯表》: 陽泉水東逕陽陵城 漢高帝七年, 卞訢、其石三名互異,未 「河水又東北 「百年之間,見侯五。」《正 郎中 阿縣,與酈所見 萬 封 《漢志》平原 訢 逕 卞訢 爲 陽阿 南, 複 侯 爲 縣故 而 陽 國。 與關 本 舛 侯 SIT

> 篇》: 矣。 也。 所作 之寡婦城,賈復從光武追銅馬 之爲「寡婦」,不必因於「賈復」也。 此兩「寡婦城」皆云「賈復」之譌,必有 讀如「賈」,「賈」、「寡」聲相近, 屋」如「鳥」,與「婦」音亦相 俗語譌謬,謂之寡婦城,水曰 《滱水篇》: 也。 予謂夏之言假也。 桓水逕賈復城 世俗音轉,故有是名矣。」又《汝 「蒲 水逕夏屋故城, 北復南,擊 陳郡 似 陽夏縣,「夏」 、五幡於 [寡婦 則「夏屋 鄽 北 音讀 一誤 所 北 世 水。 築 水 平 謂

# 廣韻載唐州名

忠、 瀘 **蘄、歸、舒、渠、徐、廬、滁、** 通、蓬、 齊、西、懷、開、萊、 廣韻》所 松、 容、 載 州名,平聲 瀧 城城、 申、 隋、 陳、秦、 八十九,日 渝、 岐、儀、 扶、鄜、 岷、豳、 綏、 均 蒲 同

武、 成、 文、 置 敘 開 皆 華、 聲 金、 襄、 河 愐《序》所 澤、虢、易、 魏、豫、潞、 唐開 州 沿 革 二 十 元 洛、 日 相、岩、 嵐 芳、 和、 汾、 革, 三十 尚 甚 濮、 九 并、 多, 海、 Ħ 唐、 瓜 忻、 元以前 則 謂 年 復、 石、 慶、鄭、定、 薊 鄯、 鹽。 青、 當、 巴 原 乃 宋 惟 日  $\sim$ 並 容、 江 景 肅、 鳳、 衛、 沔、 邢、 沙、 壁、翼、德、 滄、 丹、 輿 之疆域,蓋 列 **F**. 南 德 遂、 地志》及武 注 宋、雍、 密、 黄、 貝、 聲 庭、 揚、 安、 兖、趙、 刊 中 嶺 建三 十五,日 修 蔚、 靈、 光 勝、 會、 洋、 檀 南 者 時 諸 滑、 絳、 夏、 隰 鄧、 代 寧、 杭、 承《唐韻》舊文、孫 梁、 蘭 州,但云州 是 删去之矣。 路, 德已 遂、 燕 也。 莫、 沁。 潁、 興、 平、 鄆、 隴、 涼、 集、合、 州名全 亳、 利 來創置 萬、 壽、 汝、 登、 荆 商 延、 每 疊、 聲 州 博、 冀、 陝。 建、 許、 恒、 房、 豪、 瀛 唐 敘 闕 一。 峽。 廓 汴 楚、 幽 誉 坊、 不 所 述 去

> 是 嬀 文,宋人删改有未 初改名達州矣。 也 兩 唐之通 、平久不在宋 浙 伊 惟 載 涼、 州 杭 ´; 非 世 州 版圖之内。 宋之通 此 瓜、 皆 盡耳。 云通州, 宋 **疊**、 宕、 人 州。 妄 删 本漢岩 山 庭 知 南之 實 非 鄯、 係 孫 [渠縣 通州 燕 氏 孫 愐 薊 舊 則 宋 舊

## 平州

州 字 郡, 傳》云: 盜 地 此 通用, 故云 賊,并州、平州尤甚。」胡三 理 時 正 志》 未 漢 在 此 書 非 有平州」,疑爲字誤。 并 無 西 時 有 州 平 未有 王莽 河平州 遺 部 州 漏 内, 平州 傳》 而 也 人。」平 有 故 平周。 有 胡 不 并 氏 知 民 州縣 州 疑 一省注《 并 棄 予致《路 州 爲 城 周、「州」 平 名, 遼 本 郭 州 通 屬 東之平 有 流 之 鑑 平 西 亡 博 河 德 謂 爲

黯以「 是也。 「齊 或 本傳有誤,是大不然, 故城在今徐 人推舉」,與魯國無預。 薛 「亦有 菑 本國 漢 「齊人多許」譏之也。 川薛縣 時 或據班氏《地理 薛 200 魯 縣,《 州滕 張 或 人。」《漢書》亦云「菑川 (史記 守 有 縣 節《史記 薛 南 縣 • 志》菑 四 平 本傳明 菑川 司 十四里。」而 津侯 正義》云: 馬 本齊 Ш 彪 列 云「菑 無 ^ 郡 傳》 地,故 薛 薛 國 縣,疑 菑 Ш 稱 「薛 志 Ĵij 汲 或

春 秋時 魯 有 薛 邑。 莊 公州 年「 築臺 未

併

省也。

所

載者、元、成以後之版籍、武帝時此縣

有

薛縣,而

菑川之薛不見于班《志》;

漢初

菑

川與

魯俱

盱 胎

于

薛

此

別是

一地,

非任姓之薛

應劭 胎 字云「肝胎, 从目。」無可疑也。 裴駰引鄭 云「盱眙, 盱」字下 」者歟? 日 漢書• 注 地 元 「音吁怡。」《史記》或 縣 名」是矣。 云「盱眙縣 説「音煦怡」。 地理志》「 名」。 《類篇》於目部「胎」字下 此所 乃 臨 在 於肉 淮 楚 謂 <u>~</u> 州。 郡 廣 北 有 部别出「肝」 人不 韻》 作 盱 盱 + 胎 盱 胎 識 台」。 虞 縣」。 字 盱 皆 部

## 牟 婁

志》

猶

日  $\wedge$ 春 安邱 秋 南 莒 有 牟婁山, 人 伐 杞, 俗譌 取 牟 作 婁」。 朦 朧 Щ 于 即 欽

十駕齊養新録卷十一

其 地 蓋「牟婁」、 朦 朧 聲 柏 近 也

#### 通 州

道,而是 淮 隸 代之世,元 所 日 是 内 盛 南之通州 Щ 謪 通 恓 通州爲惡。」「引白樂天詩 南道, 之 州郡。』其不美如此。」勉夫蓋 惶 王 『折君灾難 相去霄壤,是可 通 楙 地, 州 即 野 司 即 本 今達州,宋乾德 客叢書》云: 馬 淮 揚 是通 人 南 州 之通 閒 海 怪耳。 州。」又曰: 冗長官。」 陵 也。 州。 縣, 其 三年 予謂 目 揚、 唐 置 元 時 更名。 州 唐 通 誤以 「通 微 黄 揚 之通 乃 同 之 在 微 泉 州 在 州 若 之 五 州 便 詩 海 爲

和

閒

未

有此

州

#### 大 名 府

明, 之開 六 魏 爲 Ш 彰 今爲儀封、 改屬洺州 餘無同者。 縣,國 德府。 屬 東之東昌府。 縣,唯元城附郭及南樂一 則 縣。 州 宋大名府領縣十三。 宋 及 蘭陽二縣。 曹 朝 **\*** 朝 莘、館陶、清平、冠氏今無「氏」字。 清豐、 裁併 州 成安屬廣平府。 元 城 之 志》 屬 冤句 長 入大名 臨 山東之曹 無 清, 垣, 縣 此 Щ 也。 即宋之澶 縣。 縣, 東 今大名府領 則 宋東明 州 縣沿宋之舊,其 直 今大名府所 内黄屬河南 府。 金季已廢 隸 州, 縣 州 宗城, 屬 也。 以夏 開 封 府 金 州 東 領 律 之 屬

## 州

泉

之與 州,不同。 州。」《唐志》在景雲二年,《通典》以爲神龍以 隸泉州。 州,治南安,後治晉江。 云 州,又改福州。」此隋之泉州也。 志》云: 二年已前,凡曰泉州者,指 一年之後,凡曰 「析泉州之南安、莆田、龍 福,始定分爲二郡,不 泉州之名雖同, 此唐之泉州也,今爲泉州。 又復置 隋平陳,改豐 泉州 武榮 者, 而 州, 有隋、 指今泉州 武 州 相 今福州 榮州 日 更武 溷 泉 唐 矣。 州,後 之異。 尋廢, 、祭州 又《唐志》 溪置武 也。 也。 故景雲 後初置 自 ~ 爲 縣 景雲 此 改 奥 榮 隋 泉 還 閩 泉 地 泉

新

小憩。 長安之新豐 月十 舊酒香。」 妓歌。」又唐 丹 李太白 六日1 徒 縣 皆謂 亦有名酒,見王摩詰詩。」 早,發雲陽, 有 詩云: 人詩云: 新 此,非長安之新豐也。 豐 鎮。 南國 過 陸 『再入 夾 游 新 岡, 新豐 豐 人 酒,東 過 蜀 市 新 記 豐, Ш 然 猶

聞

小

六

### 石 城

懷注: 縣 蘇 南,卒於石城。 州 ,當是高獲所遁也。  $\sim$ 無 後 石城。 「石城 漢 書 • 據《 在 石城人思之,共爲 方術 郡 今蘇 國 傳》 州 志》, 西 南。 丹 高 陽 大 獲 郡 立 昕 遠 有 祠。」章 案 遁 城 江

## 虎啸城

率 城,以 軍。 兩 里 帥 新 守東川。 以 里 寶祐六年,人于元。 欽察遣 首三 城 明 逼 縣 ^ 部 在 楊 虎 宋大良城。」宋淳祐三年,移 顧 困 廣安州 「中統三年,復於渠江濱築虎嘯 氏《方 兵 宋 嘯城,建 文安傳》: 大良。」《趙 新 與 楊 餘 四年,宋夏貴以兵侵 匣 明 <del>\</del> 級。 立 西六十里,西 刺 縣 輿 戰 以 率兵往禦之。 至元三年,宋復取大良平,改爲寧 置未詳。」按《元 紀 宋 至元 於 兵 屬 要》: 匣 護 廣 五 安軍,故 刺 中 重 糧 南 年,戊 傳》 統 送 Щ 至 四 合州定遠 四 城 大 立 貴敗走, 川 廣安軍於大良平。 年, 虎 東 在 良 敗 史 廣 岳 安、 嘯 中 泛走。」 平。 進 池 安 縣 山 統 築 楊 縣 虎 州 百 南二十 是 追至 虎 匣 嘯 卅 大 北 年, 城 里。 淵 刺 + Ш

> 耳。 方 可 嘯 城之名,皆缺 山《通 攷。 Ш 顧 爲 氏 顧 宋、元交争之地 鑑 所 氏 載 以 而 加 宋、 爲 不書。 未 建置未詳,蓋 金、元 讀全史, 地 其 如三重 築 名,大約 城 未檢《元史》 始末, Щ 本 諸 東 歷 歷 安

# 蜀四帥府

帥, 守將 IE 宋以青居爲順慶 以大良平爲廣安軍治。 大悦、宋以運山 戍青居,與大獲、運山、大良平稱 使守之。 楊 元 大淵 憲 宗 府治。 青居 爲蓬州治。 時宋以大 年, Ш 明 皆 即宋實祐六年也。 獲 軍 以 年 及爲閬 大良平守將 人 城降元,元即授 遣便宜 亦 州 治。 殺 其 都 運 八 守 將 宋 總 Ш 四 蒲 大 帥 守 帥 元 出 以元 獲 汪 將 府。 圭 Ш 宋

## 水洛城

地,而 皆作「永洛」,是誤仞爲一地矣。温公留心 今陝西米脂縣西南永樂城。 州 當是校書之人不諳地 經濟,且係目睹耳聞之事,不應舛譌乃爾。 元本也。《宰輔編年録》亦以「水洛」作「永洛」。 西南有水洛城。 宋慶歷 相距遼遠,名目 所 築水洛城屬秦鳳路,今甘肅静寧 元豐所築 理, 不同。 兩城皆與西夏交争之 永樂城屬鄜延路, 輒有改易,非 今《涑水記聞》 温 公

光化

初因之, 熙寧元年,省入隨縣。今隨州東蕭齊所置安化縣,隨、●唐皆爲光化縣,而宋宋京西路有兩光化縣,其一屬隨州,本

《宋史 襄陽。 有廢 治。 穀城。 地,轉訾史志有誤,是不然矣。 即 勝》亦作穀城。 州南,今光化亦在州西北,則《九域志》作穀城是也。《紀 襄 有 其 陽 光 光化縣,非襄陽之光化也。 熙寧五 化 府,本宜城縣之陰城 按《志》兩縣皆屬襄陽府,而穀城在州西北,宜城 地 其後復爲光化軍,今襄陽府光化縣 廢 也。 地 縣, 理志》記 乾德三年,置乾德縣,爲光化軍 年,廢軍,改乾德爲光化縣,隸 兩 即 縣 熙寧 一省一置,俱在熙 載分明。 所 廢 鎮。 之 縣也。 宜城、《九域志》作 或者仞爲 王象之云, 隨 其 寧 閒, 屬 在

沌口

由武昌至江陵,水行當泝大江, 别有

❶ 「隨」,據文意當作「隋」。 蓋涉前後「隨州」、「隨縣」而

十駕齋養新録卷十一

肯 界,過公安,至沙市。」距荆州陸行士 琳 鎮,蓋沌口 實 雞 浪 至下郡,始復 居人,兩岸葭葦 沌 日,過綱 泊白臼。 磯、金雞狀,泊通 月三十日, 必由巴陵至荆渚 鳴。 至沌 從澄 鄉云。 江中小夾也。 口 者,亦 夏秋水 口,皆 東 七日,至湛 步, 三日,過八疊洑 F,  $\overline{H}$ 也。 水 離 漲 日, 泊畢家池,蓋屬 有 鄂 乃 此 道 미 晉王澄棄荆 彌望, 留 泊 挽 州, 地 過 行, 濟 可 江。 紫湄。 路, 屯 也 新 口。 沿鸚 避 過九 沌 陸氏《 潭, 登舟 謂之百里荒。二日, 江 八日,至江 自 口 九月 鵡 有龍 行 月 口,泊歸子保。 是 六 背望竟陵遠 洲 州, 人 之 則 日, 泛 復 陳 一日,始入沌, 南 險 蜀記》: 沌 祠,自是無 江 侯 州玉沙縣 别 過 行,過 涸 安 人 駕 陵之建 沌, 東場,泊 不 石 都 郭 可 首 討 舒 謝 讀 山 復 家 四 縣 不 寧 王 滄 如

#### 李 晏 口

《一統志》, 里, 北有 南岸,此爲 注合。但注云「其軍南距冀 史》,是年三月,以李晏口 里,夾胡盧 薛《史》,其軍 深 冀州之北 河,築城於 則 州 李晏鎮,時築城 不得 通 南, 鑑》 皆 東 李 泂 以 ,蓨縣又 李 南 李 晏 爲 五. 蓨 距 晏 周 鎮 代 晏 界。」●大昕 縣 冀 口 顯 口。 在景 時 之李晏 屯軍,以 州 在 德 置 百 冀 州 注 軍 又 里, 年 州 爲 屯 有 東 鎮當 案 州 東 正 北 爲 守 西 静 北,當胡盧 月, 百 北 静 冀 距 安軍, 處, 李 一之矣。 里 深州 安軍 州 晏 詔 是 舊 百 蓨 口 則 五 則 與 五 三十 縣 浚 泂 攷 + 是 代 胡 按 東 胡

在

今

盧

界」、《資治通鑑》卷二百九十二《後周紀三》作「壘」。

然。 廢。 艫 沈 晏 謂 請 在 之見於《九域志》者,沈誤 縣,省陸澤、下博二縣入焉。 口 遷 存中《筆談》云: 深 本 州 鹵 在 州, 舊 四 深州本治陸澤,後周置 有 州于李晏,今深 州 景德中 東、 年,移州治李晏,因故軍 治靖安,皆攷之未審 南州 不在 西 議遷, 里。 兩 蓨 口 縣 洎 時 「深州舊治靖安,其 胡 而 宋 州 傅 周 氏 雍 潛 是 所 殆 以 熙二年, 家 也。」此 静安軍於李 置之静 混 也 爲 在 此深 而一 李晏, 景 名 ^ 德 九 説 州 爲 安軍 静 之矣。 域 中, 改 亦 静 安 乃 志》: 治 晏 地 又 安 不 則 軍 奏

## 平水

冀州蓨縣

有李晏鎮。

此東李晏鎮

平水。」金時有毛麾者,平陽人,自號平水老《金史•地理志》: 「平陽府平陽縣有

也。 立經 人。 所傳《政和 籍 見趙 所, 與 證 時《賓退 時 類本草》,即 書 坊 録》。 印 板 平陽張存惠所刊 咸 金、元之世 集於此。 今世 平

詩。』固亦不知予之爲微之也。」自注: 「予嘗於平水市中, 東二十五里。」元微之《序白氏長慶集》云: 水,鏡湖旁艸市名。」此又一平水也 而問之,皆對 張淏《會稽續志》: 日 見邨 先 生 校諸 「平水市在會稽縣 教 我 童 樂天、 競習 詩, 微 之 平. 召

## 秀水

也。」非秀州之秀水縣 云 朱勝 寓 居 非 宜 有《秀水閒 春時 作。 居 秀水者,袁江 録》三卷。 陳 水名 振 孫

青

海

尋爲 篇》云: 而 相 世 有 海 之地也。」《十三州 水海、允谷 之「先零」。 元始四年,王莽誘塞外羌獻 人讀「西」如「先」,酈 西三百一十里。 據其 似,鮮水者,先零水。 謂之青海, 鹽 郡、治此城。 池。 羌酋梁 晉隆安二年,後涼 海 地。 「湟水 之名, 鹽 飢 零 池, 東去 所 湟水又東南逕卑禾羌海 又東 昉 敗, 即「零」之俗體,亦以 置 王莽 於 志》曰: 西平二百 西 所云「西零」, 縣西 南 後 西 海 納 楊軌 奔零 流逕 魏。 鮮 郡。 西 有卑禾羌海 《水 水海,即今青 降於秃髮烏 零之獻,以 龍夷城,故 海,襲乙 城在 五十 「先」、「鮮」音 經 臨 即《漢 里。 注 羌 弗 • 者也。 按古 先 鮮 新 河 爲 西 〈書》 孤 北 零 卑 海 鮮 縣 零 西 水

> 海 諧 道 得 在 等襲 之名著 吐 襲 名 谷 吐 也 吐谷渾,敗之於青海。 谷 渾 遂 中,周 渾 西 魏 、還會 無有稱鮮水海者矣。 初, 回千 於青海。 涼 州 餘 里」。 刺 史 隋 中 《隋書》「青 自唐 開 蛮 皇 與 以 初, 突 遺 厥 元 海 分

# 避諱改郡縣名

隆,改隆慮縣曰林慮 叔 父趙 漢文帝名恒,改 王名 良,改 壽 恒 良 縣 山 郡 日 壽 日 常 張 Щ 殤 帝 光武 名

嘉興。景帝孫休立,避諱改休陽縣曰海寧。吴大帝孫權立子和爲太子,改禾興縣曰

漳。 陽。 澤、建安之昭武曰 簡文帝名显,改育 愍帝名業,改 晉武帝父名昭,改張 (建業) 邵武、邵陵之昭 縣 陽 掖之昭 日 縣 建 日 康、 云 陽。 陽 武 鄴 縣 縣 縣 成 日 日 日 帝 臨 邵 臨

郡 陽。 蘄 后 杜 春 名 皇 縣 縣 春 東 后 日 ·,改富 海 日 名 晉 王 陵 陵 陽、 越 縣 春 改 世 春穀 縣 陵 子 桓 日 陽 名 温 縣 富 縣 毗 父 日 陽 日 改 陽穀、 名彝,改平 廣 平 毗 陽 春 陵 宜 縣 郡 春 簡 夷 縣 文 日 平 郡 晉 日 鄭 陽 宜 陵 太

獻 武 帝諱 魏 宏,●改宏農郡 道 武 帝 名 珪 日 改 恒 1 農。 邽 縣 9 日 1 封

**Y** 

蠻、夫夷

縣

E

扶

縣、夷道

縣

E

西

道

H

廣 縣 城 州 縣 廣 寧 恩 雙 日 日 廣 流 番州 雲内 通 縣 齊文宣立子殷爲太子,改殷 隋文帝父名忠,改中 陽 義  $\Box$ 廣 縣 汝 洮 中鄉 廣 南 漢 日 北 河 潤 廣 縣 汶 廣 縣 廣 縣 縣 日 山 化 福 日 雒 日 日 廣 縣 真 縣 鰋 南 廣 年 鄉。 日 日 武 溪 定 縣 牟 安 河 廣 縣 廣 日 縣 池 福 焬 孟 左 威 日 帝 日 廣 廣 蒲 封 州 縣 縣 名 内 長 |I|江 日 廣 牟 E 廣 縣 縣 趙 化 祭 改廣 雲中 廣 都 日 州 澤、 長 修 通 縣

平.

日

興、 長 象 河、 廣 城 廣昌縣日 廣 縣 廣 宗 日 縣 城 膠水、 日 縣 棗陽、昌州。 宗 日 城、 廣 樂 饒 廣 壽 縣 平 廣 日 縣 廣 昌 東  $\Box$ 澤 海 縣 永 縣 日 年、 廣 飛 連 牧縣 廣 Ш 狐 阳 日 易 縣 州。 安 日

龕 化、 縣 彭 降 縣 澶 基 盈 水。 前 州 日 唐 日 城 隆 富 高 太 日 縣 昌 縣 祖 義、興勢縣 太宗名世民, 平、 閬 日 隆 E 名淵,改長 州 祐 縣 盈 隆 曰 Л 安 箕 昌 縣 州 唐 代宗名預 目 明、 日 隆 日 改 淵 興 崇安、 隆 儀 縣 道 萬 縣 州 康 日 世 日 沙改 縣 唐 明 縣 長 隆 隆 安、 皇 水 日 龕 化 豫 普 名 萬 隆 縣 州 縣 澶 康、 隆 日 Ш 淵 H 基 崇 隆 縣 賓 富 縣

改

世

- 0 當 作「文」,詳 下
- 弘 至 漢 宏 改 武 爲 帝 恒 當 ·元鼎 農 爲 郡。」 四 弘 年 錢 字。 大 置 昕 弘 ^ 避 農 元 郡 清 和 高 宗 後 弘 魏 曆 以 志 獻 文 改 帝

州

日

處 鍾 宿 州、 陵、 慕 預 化 括 豫 縣 蒼 寧 純 日 縣 縣 宿 義 日 日 遷 縣 麗 武 日 樂 水。 寧。 正 預 義, 縣 憲宗 德 宗 E 又 樂 名 名 改淳 純 适 山 州 改 改 豫 日 純 括 章 化 蠻 州 縣 安、 城 日 唐

日

恒, 州 縣 還 改 淳 恒 縣 州 日青 日 鎮 溪、 州 淳 恒 風 陽 縣 縣 日 日 從 曲 化。 陽。 穆 武 宗 德 名

初, 祖 縣 獨 日 新 孤信名,改信州 政、 建 城 縣 日 日 高 夔州。 安。 又唐 神龍 高 初, 祖 避 避 孝 外

避

太

子

建

成

名,

改

晉

城

縣

日

晉

安、

新

城

静。 敬 皇 帝 垂 拱 諱 初, 改 避 宏 武 農 氏 縣 家 日 諱, 恒 農、 改 華 宏 州 静 日 縣 大 日 州 安

華陰縣 城 江 華縣 E 仙 日 掌、 雲溪、 華 原 華亭 縣 日 縣 永安、華容縣 日 亭 III

容

子、 欒 曰 陽 城 縣 邑、 後梁朱全忠祖 城 襄 縣 樂氏、阜城 城 日 縣 潞 子、 日 苞 名 黎 縣 乎、 誠, 城 日 韓 縣 漢 改 城 日 阜、 稟 縣 黎 城 臨 亭、 日 縣 城 韓 日 告 縣 原 稾 成 日 房 縣

> 都。 邑、 書 獲澤、 縣 文城 成 作 皆唐天祐中敕 日 安縣 元, 武 應 縣 陽、 城 日 誤。 日 斥 宗 縣 屈 改 翼 邱。 邑、 日 城 城 應 縣 晉 縣 父名信, 陽、 日 城 E 廣 豐 縣 澮 宗、 城 日 Ш 改信 縣 高 聊 鄆 日 都 城 都 城 吴 縣 陽 縣 縣 高 E 城 日 E 堯 聊 朝 縣 萬

義 昌 陽 縣 後唐 曰 萊 莊宗祖名國昌, 陽、孝昌 縣 日 孝 改 博昌 感、 義 縣 昌 E 縣 博 興、 郴

平昌 縣 日 德平、 昌樂 縣 日 南 樂。

縣 日 日 恒 商 日 農,史家避真宗諱改。 水。 石 宋太祖之祖名敬, 後晉高 照。 太 祖 父 祖名敬 名 名 宏 王 瑭,改竟陵 引, 殷, 殷 改敬 城 改 改 縣 宏 匡 州 農 日 城 日 商 爲 縣 景 縣 梅 城 日 陵。 州 日 常 溵 鶴 農、 水 石 邱 縣 鏡 本

<sup>0</sup> 引 出 避 清 世 宗 胤 槙 諱 當 作 以下 同 此 不

州

理

11

禎

E

避 州 避 縣 縣 元 年, 金 金 日 日 蜀 太 太 瑕 金 之通 避 子 祖 縣 川 章 光 諱 襲 州 獻 瑛名, 大 爲 后 改 邱 觀 達 父 岷 縣 四 州 諱 改 州 日 年 光 日 壟 通 改 州 西 避 縣 利 淮 孔 爲 和 軍 南 子 蔣 州 紹 日 之 興 州 諱 安 通 利 廿八 十 二 改 州 光 瑕 爲 Ш 年 通 年, 邱 化 縣

閏。 寧 王 宗 陽、武 名 堯,改宗州 1允濟, 顯宗名允恭,改共 金章宗名璟 功 縣 改 日 日 濟 瑞 五 陽 亭。 州 改 縣 景 宗 日 城 州 安 清 縣 日 縣 陽、 日 觀 H 河 永 州 瑞 平 濟 安。 縣 龔 睿 宗 縣 日 衛 名 曰 紹

安 州 南 州 明 日 成 之 禹 祖 州 無 名 棣 棣, 光 E 宗 海 改 名 豐 滄 常 州 洛 神 之 宗 無 改 名 棣 洛 翊 E 南 鈞, 慶 縣 改

年, 宗 真 縣 興、 義 日 寧 日 義 宜 日 避 改 朗 陽、 歸 名 眉 感 縣 縣 義 義 聖 禎 Ш 信、 榮 Щ 旳, 德、 彰義 日 祖 湞 州 縣 倫 章 義 信 中 蒙 豊義 方義 諱 昌 日 縣 縣 軍 日 改 安、 陽、 惠 Щ 日 日 縣 確 改 筠 孝 州 縣 宜 縣 宜 崇 軍 日 全 義 山 元 州 富 宗 倫、 章、 信、 日 日 日 武 保 義 Ш 日 永 義 名 朗 彭 小溪、 彰化、 縣 昌。 縣 縣 保義 義清 郴 瑞 昚 貞 監 池 陽、 日 日 義 日 縣 州 E 縣 中 改 神 興 宜 義 招 南 日 縣 縣 軍 富 曰 宗 江 慎 安、 義 永 賓 川 義 日 日 日 大 營 順 縣 名 昌、 縣 縣 中 桂 州 保 中 信 朗 義 Ш 項, 平、 廬、 陽、 日 日 日 祥 州 義 湞 興 宜 梁 招 南 宗 天 符 改 縣 縣 感 陽 歸 通 日 信、 賓 儀 名 聖 鼎 旭 義 義 五 縣 義 日 日 樂 雒 鈞 日

縣

信

義

縣

期

思

孝

軍

昭

德

崇

曰

義

信

陽

義

武

軍

日

定

武

昭

義

軍

日

即 今長

垣。

引

山

縣

日

平

· 蜀。

太

宗名光義

改

宜

# 漢地理志縣名相同

汝南、 屬汝 見,一 章。 東海 者 成 國。 城 南。 建城三見,一 南 陽。 正 北 兩 屬 鍾 侯國。 復 南。 劇兩 上下以别之。 予弟 見,一屬 琅 屬濟 适 新 不 邪。 屬交趾,作曲 屬 兩 少。 侯 見, 晦之言, 陽 東 陰、 臨 見, 國。 兩 安 成 屬勃海、 涿、 淮 如 見, 兩 陽 平 一屬定 屬 曲 侯國。 屬 見,一 漢縣 北 兩 昌 陽 陽 然攷之《 江 見, 海、 屬 城 兩 三見, 易。 襄。 屬 名相 夏,侯國。 屬 汝 見, 兩 屬 南 見,一 東 屬 屬 沛、 師古曰: 西 同者, 《地理 泰 海、 甾 濟 平 屬 侯國。 屬 山 川 屬 陰、 屬 兩 九江、 平 侯 志》, 每 國 東 見, 屬 潁 原 古「陽」 新 定 加 海。 零 Ш 市 屬 侯 陶 屬 重 東 陵。 字。 國。 兩 屬 汝 豫 屬 H 屬 兩 西 侯

北

地。

成安兩

見,一

屬

陳

留、一

屬

潁

川

侯

「成」。 見, 郡。 見, 國。 高平 淮。 海、 屬 兩見, 千 乘、侯 屬天 西 屬 屬 屬 屬 侯國。 侯國。 莽俱 兩見, 左馮 河 臨 廣 九 王莽改縣名桓就, 屬 屬 屬 水。 江、 淮 漢。 國。 改 屬 鉅 涿 河 監 翊 定陵 屬 侯 郡、 閒。 鹿、 北 屬 朐。 臨 昌 桂 屬東 國 海、 屬 雁 侯國。 屬 胊 陽。 兩 陽 富 新 屬 臨 門。 屬 侯國。 廣 見,一 兩 兩見, 海 定襄。 平 都 淮、 是當爲「成 屬 琅 陵。 見。 樂 兩 兩 阿 邪。 廣 侯國。 侯國。 成 屬 見,一 見, 屬 一屬 陽 平。 平 兩 中 定襄之武城、《續志》作 屬 潁 侯國。 兩見,一 城 屬 見, 也。 平安 Щ 西 川 東 屬 陰 東 屬 兩 河。 屬安定。 萊、 平 萊、 見, Ш 武 廣 南 兩 建 屬 原、一 兩 平 屬 陽、 屬 城 見,一屬 陽 南 高 見, 汝 平 兩 兩 兩 陽 陽 屬 屬 屬 侯 見 南。 見, 國 屬 饒 臨 齊 北 兩 侯

密。 國。 都 陽 屬 海、 清 Ш 兩 樂 屬安定、一 河 侯國。 復陽 見, 陽。 安陽兩見,一屬汝南、 兩 音「腹」。 見 兩 侯國。 屬武 見, 屬 屬 犍爲。 屬交趾。 成 安定三見, 都、 東萊、侯國。 屬 鄉 南 兩見,一 鄭 陽、 屬五 武 兩 侯國。 侯國。 見, 陽 原。 屬北 兩 屬 房 屬 見,一 一屬漢 歸 屬 鉅 海、 百 遼 德 京 反。 鹿 西。 兩 兆、 屬 屬 侯 見, 中。 武 高 東 國 屬

臨 屬汝 淮 東萊。 南、 屬 侯國。 清 安邱 河。 屬北 兩見,一 黄 兩 地。 見, 屬 東陽 琅 屬 邪 兩 Ш 陽、 見, 屬 侯 屬 國 北

兩 見, 屬汝南、侯國。 屬 平 原、 屬 臨 長 淮 沙。 侯 國。 安 兩 成 見, 兩

海。

開

陽兩

見,一

屬

東

海、一

屬

臨

淮。

樂

陵

見, 涿、 屬江 勃 屬豫 海。 夏、 章。 層 新昌 侯 Щ 兩見,一 國。 陽。 高 侯國。 屬 成 屬涿、 兩見, 安平 侯國。 西 兩 見,一 屬 陽 南 屬 潦

> 是「鸕 南、 見,一屬汝 東。 兩 見, 屬 丹陽、 朝 屬北 」字,與南陽之「酇」,形聲自别也。 陽 屬 兩 琅邪。 海。 南、 見, 屬 侯國。 侯國。 右 侯國。 北 屬 若沛 平。 南 屬 陽、 郡之酇,音「嵯」,本 屬 豫 新 左馮 章。 成 屬 兩 濟 翊。 見, 石 南。 城 宜 兩 屬 春 高 見, 陵 河 兩

# 後漢縣名相同

郡。 南、 屬 安定郡。 屬 年, 遼 屬 豫章郡、 東郡 解卑 ^ 遼東 潞, 屬長 續 圍 漢 扶犂, 武都, 郡、 無慮 屬上 沙。 侯國。 郡 縣 國 縣, 名 高平, 屬 黨 又攻扶犂營, 屬遼 遼 郡、 屬 縣 屬 東屬 武 東 名 巴 都 屬 相 屬 郡。 屬 國 國 郡 殺 Ш 同 漁 或 縣 者 道。 陽、 《安帝紀》: 安 陽 疑 令。 城 遼 郡。 侯國。 東 注 <u>V</u> 屬 屬國之無 都, 無 屬 五 元初 慮 慮 原 屬 汝

郡。 郡。 慮即 屬 九江之曲陽加「西」字。漢昌, 東海郡、 扶犂之譌。 穀城, 曲 陽, 屬下 屬廣漢屬國都尉。 屬 候 河 城 南尹、 邳國、 屬 一屬中 侯國。 遼 屬東 東 郡、 郡。 山國、一屬巴 一屬交趾郡。 陰平道。 陰平, 屬 元 菟

#### 唐 縣 名相 同

龍門河中 太平安南 南昌 新城涿 臨 武 寧洪 JII 白 振 宣 新 萬 杭 大同鎮北 新昌涿 石泉金 永清幽 龍泉綏 永興 新 龔 茂 房 處 鄂 樂平太原 陽城河南 壽昌沙 安居普 長樂臨 正平絳 饒 環 保 福 睦 澤

梁山萬

武峩

#### 宋 縣 名相 同

若縣 潭、慶、渭之安化,鞏、道之寧遠,江、泉之德 氏所舉,尚遺金、綿之石泉,滁、汀之清流, 郴、連之桂陽,福、桂之永福是也。」 予按洪 之永豐,郴、興國之永興,衢、嘉之龍游,施、 臨江之清江,洪、萬之武寧,福、循之長樂, 之龍泉,嚴、池之建德,渭、秀之華亭,信、吉 之新城,越筠之新昌,婺、蜀之永康,處、吉 真陽,廬、汝之梁,光、台之仙居,臨安、建昌 永寧縣,饒、邛、衡州皆有安仁縣,蔡、英之 建者亦增「南」字。以至西和、西安州亦然。 恩州,故廣東者增「南」字。 名或同,則增 邑則不問,今河南、静 洪氏《容齋五 一字以别之。 筆》云: 蜀有 江府、鞏州皆有 若河 或 北 朝之制,州 劍州,故福 有雄

化, 間,洪氏所未及見,此外難免挂漏 化,汀、寧化之寧化。 之興寧, 泰、 興 平、定化之樂平, 化之興化, 荆、 唯郴 邵 之興寧置於嘉 武 臨 之建 安、 南 之譏矣。 寧 寧 桃、 之 定 昌 循

# 元州縣名相同

松江、 羅 定遠 杭 宜 咸 衡 衢 洄 寧,安豐、 州 南、 州、 山 州 興州,淮安、大名皆有清 保定、成都皆有安州, 吉安皆有永寧、吉安、 平涼皆有華亭、吉安、 杭 冀寧、天臨皆有 饒 建昌皆有 嘉定皆 州 州皆有安仁, 融 南 有 寧皆 州 龍 新 皆 游, 城, 有昌 有 寧鄉, 安豐、 建德、 懷 福 化 遠, 州 上都、 汝寧、 奉元、 信 重慶、 處 池 河,保定、 静 福 州 江 州皆有 州皆有 州皆有 皆有 威 常州皆 曲 **武昌**皆 循 州 靖 楚皆有 龍 永 般 永 建 皆 皆 豐, 泉 福 德 有 有 有 有

石城, Ш 永 長 日 慶雲 興, 陰, 樂, 贛州、 滄州 龍 廬 棣 州 州 興 之 欽 夔 棣 汝 無 州 棣 州 州 州 日 皆 皆 皆 皆 海 有 有 有 有 豐。 安遠, 無 武 梁 棣, 鞏 寧 縣 昌、 永樂初改滄州之無 紹 贛 興 興、 州 國 道 州 大同 化 郴 皆 州 州 有 皆 皆 皆 有 有 有

## 明縣名相同

遠。

西、江 廣 長 直隸、陝西皆有華亭 江 南直隸皆有清 有安仁,順 皆有咸寧, 皆 有 明 江 西皆有廣昌 新 縣 西、浙 城 名 天、 ,直隸、 相 南直 江、 湖 同 河, 者, 廣、 隸、 貴 有 山 河 樂平, 如直 州 西、浙 有 廣 浙 南 皆 東 Ш 江 江 隸、 一陽,江 皆 有 皆 福建、廣東皆 江皆有 西皆 龍 有東安, 有 山 泉,陝 建 東、 一西、湖 有 德, 山 永 江 寧 西、湖 陰, 西 直 Щ 廣 西 皆 有 浙 Ш 南

同, 湖 四 廣 有 有桃源,江西、廣東皆有石城,江西、廣西皆 化,江西、浙江皆有新昌, 隸、雲南皆有太和,陝西、 有太平,南直隸、四川、雲南皆有定遠, 之縣矣。 信、吉安兩府皆有永豐, 西之延安、鞏昌兩府皆有 福,南直隸、廣西皆有懷遠,南直隸、 化,山東、廣東皆有海豐, 安,湖廣、廣東皆有 川皆有大寧,陝西、廣東皆有三水,而 東皆有長寧,江西、 興安,陝西、 廣 浙江、廣東皆有昌化, 皆有寧鄉, 四 南 川皆有石泉,江西、 直 興寧,江 隸、 四川皆有東鄉,山西、 則一省中且有同 Щ 福建、 湖 湖 河 西、 安定,江西之廣 南、 廣、 西、 廣、貴州皆有 浙 廣西皆有 廣 福建皆有 廣東皆有 江、 東皆有 湖廣 四 四 南 ][ 頄 名 陜 安 永 德 新 皆

十駕齋養新録卷十一

솼

## 十 駕 齊養新録 卷十一

大昕

嘉定

姓

氏

太公以 出 知 廢 戰國分争,氏族之學久廢不講。 小史奠繫世,序昭穆,實掌其事 虞姚、夏姒、殷子、周姬,百 相 后, 耶? 有 封 承,遠有代序,衆皆知 氏 建、雖公族亦無議貴之律。 亦不言何 代 上名字且 不 故項伯、 知 以 有 前 有 姓 姓 婁 無 天下者,皆先 久 敬, 矣。 可致,況 以 氏 賜 其得姓受氏之由 漢高帝 爲 姓 世 姓, 能 劉 而 聖之後,封爵 氏。 知其 不可 遂 起 婚姻 秦滅六雄 匹夫編户 爲 于布 一代 娥 族姓所 不通。 紊 姁 衣, 也。 爲

笑如 主爲 文。 宋儒 作 人慎 孟堅 下 本 云 制 來 與氏合; 姬 劉卷亦載《春秋》,安知漢劉必爲祁姓,而 于向、歆父子。 於姓氏之别,斯爲誕矣。 嫁初一 姓乎? 姓 議者乃 無此議。 解 而 重祖 此 帝 蓋三代以前,姓與氏分,漢、 好 事 劉 **贊雖言漢出** 後世 姬,其議出 不云祁, 氏, 議 輒 謂趙本嬴姓,當稱帝 宗,不 論 莫能 終漢之世,未嘗自言姓祁。 三王異世,不 且漢之諸帝不聞自言祁姓,公主 謂 此 即云史公曾見左氏書,而劉夏、 古人而 漢 漢 史公著書在武帝之世,當 改焉。 輕 載筆之臣 制 爲 堯 於秦京。 附 之異於三代者。 堯後,本祁姓,譏史公昧 後,而篇 不 會之意。 《史記・ 高帝紀》 稽時代,致有 相 漢爲堯後之説,始 安得輕議國 襲 京固 首仍用史公舊 禮 嬴,其迂 宋徽宗 魏以 不學,而 況 後 遥 :此失。 、後,姓 此古 姓? 誕 改 遥 後 非 强 書 可

姒

秋》「葬我小君定姒」、《公羊》作「弋」、「弋」、段」即「薏苢」,是「巳」、「姒」同音也。《春姓姒氏。賈侍中説「巳、意巳、實也」。「意是「已」、「似」同音也。禹母吞薏苢而生,因是「已」、「似」同音也。禹母吞薏苢而生,因是「已」、「姒」二字皆如「巳」。古人讀「似」、「姒」二字皆如「巳」。

孟弋矣」,「弋」即「姒」。「姒」聲相近,由於「姒」有「以」音。《詩》「美

## 并官

記》、元板《孔庭廣記》書「并官」,字未 廟。 制詞 蓋自明始。 百餘年,良可怪也。 後來刊《宋史》者轉依誤本校改,沿譌者三 號制石刻亦作「并官」。又見宋板《東家 官聖妃,在安樂里。」宋祥符中,封鄆國夫人 「幵」者。自明人刊《家語》誤「并」爲「幵」, 予嘗至句容廟學,見元至順元年 亦作「并官氏」。此二碑皆在 孔子娶并官氏,今人以爲「幵官」,其誤 按漢《韓敕造禮器碑》云: 曲 有作 阜孔 加 雜 封

二八四

# 郤郗二姓相溷

高平, 大 併「郗」字亦改爲「郄」,此大誤也。 别,本無通用之理。 陰單父人,與高平郗氏不同 爱」,故「郤」亦作「郄」。 夫郤獻子,綺戟切。 段清光染郄 而黄伯思譏其誤讀,又不然矣。 郤 丑饑切。 姓出 濟陰、 在上平聲六脂。 郎」,此 河 漢隸从谷旁,字或變 南 在入聲二十陌。 二望。 用郤詵事,當 後來刊《晉書》者 族。 《左傳》, 兩字形聲 陸 郤詵,濟 魯望 郗 爲 姓 晉 作 俱 仄 詩 出 有

# 廣韻述氏姓

多唐以前書。蓋取孫愐《唐韻》之舊,徵引古姓氏書,今多失傳,唯《廣韻》所采,

興賜姓 《周書》有王 引《周書》「王秉、王興並賜姓拓 錢璯,吴興人,非姓「璯」也。 「璯」字云「姓也。 王耳。乃以「涉其」爲複姓,可乎? 又夬部 其帑,據《左傳》本云「藍 夫免餘,本公孫氏,今以免爲姓。楚大夫 所 最 王舟」,謂藍 刊,尚是元本,然其中亦有紕繆。 爲該治,後人删去其十之八九,唯 也。 以實、育爲一人,則王深寧已譏 盟,賜姓 尹亹以舟載其妻子,而 晉有璯錢」。 拓 王 尹 氏,未見王 亹涉 鐸部「拓」字, 按《晉書》有 其 解, 王氏」。 不肯與 如 張 不 衛 土 王 按 涉 與 大

# 家譜不可信

之。

自爲説,事非經典,苟引先賢,妄相假托,無顏師古云:「私譜之文出于閭巷,家

遠 本紀敘 取信? 述焉。 識 世 不 傳 所 博覽古今,能言其祖。 緒具詳表、傳。 遥,長老所傳,耳 云望之蕭何之後,追次昭穆,流俗學者共 蕭望之傳》云: 胄 敢輕信,識見非後 也 不 取 寧得弗詳? 則 表 信 可 多舛, 》雖 信 述先世,以望之爲 但酇 不然之事,斷可識矣。」蓋《南齊書》 寧 耳。 詳 足 侯漢室宗臣,功高 據 贍 由 師 乎?」《 於 可 長倩鉅 漢 目 古精于史學,於 喜 信譜牒 書》既 相接,若其實承 近代譜諜妄 人所及。 然紀 漢 儒達學,名節並隆, 市朝未變,年載 書 何六世孫,譏其 不敘論,後 愐 近 無 胿 《唐書 事 位 孟 實 傳》 相 則 重,子孫 事 私 注 託 有 何後,史 譜 求是之 • 人焉所 微,溯 附, 宰 雜 其 非 附 相 志 嗣 祖 乃 注

> 郡 望

科, **丛** 武陵、言朱必沛國,其所祖 亂,譜牒散失。 置弗問。 清 望者蓋五六百年矣。 一用之,言王必琅邪、言李 氏族,奉 而 士皆投 而士大夫始 問 自魏、 河、言劉必 焉。 - 勑第 牒 晉以門第 此習俗之甚可笑者也。 士既貴顯, 就 至宋 其 以 試 彭城、言周 甲乙,勒爲 郡 無 而 望 取 流品之分。 一自矜。 士,單 多寄居它鄉,不 私譜盛行,朝廷 唯 何 必 民 人,遷 成書。 寒之家屏 必隴 汝 間 唐、宋 嫁娶, 南 而 徒 西 言 五 唐 重 何 名 顧 言 知 不 季 進 世 棄 張 帖 有 復 之 猶 不

沛之顯者在漢爲朱浮,今朱氏不皆祖 義 陽、 朱、張、顧、陸 吴郡、 河 南 號吴 四 望,而 中四 今人 姓。 但 朱 稱 有 浮 沛 沛 也。 國。 或

概

偶

必

郡

過

尚

未審其 北之陸 予謂三吴之朱當稱吴郡,若徽文公之後,則 郡、安定、燉煌、武威、范陽、犍爲、 依文公自稱新安可也。張有清河、南陽、吴 則吾未聞以 遜、抗,則爲吴郡之陸審矣,而 魏孝文時改爲陸氏。 南二望。 吴人也,而改稱武陵,謬矣。 顧氏所祖不曰雍、曰榮,則曰 也。《廣韻》顧姓出吳郡,不聞 云安定,平子之裔當云南陽,不應概稱清 先、道濟之裔當云范陽,西平、公軌之後當 祖何人。 但稱清河。 國、中山、汲郡、河内、高平十四望,而 何哉? 故。 如季 河南之陸出自鮮卑,本步陸孤 所歷之官爲郡望者也 若以 予謂張之顯者多矣,當視其 鷹、思曼之裔則當云吳郡,茂 閒 士衡爲平 有 不 稱 今陸氏 河 原 南 1野王、 陸有吳郡、河 内史 而 皆宗績、續、 轉有取于代 有它望。 稱 沛國、 而 平原 曰況,皆 稱 今人 之, 者, 氏, 所 梁 今 河

> 邪王子, 山之後 越避諱,改劉爲金,姓改而族望未改。 彭城之望也。 今人姓 金者多 稱彭城,是爲當矣。 厥後封侯,累世久居三輔,不 稱其 望 日 日 彭城,此 磾 本 匈 應 奴 承 如 旲 渾

故籍新安,乃不稱新安而平陽,非也。」云:「新安人,今汪氏皆祖越國公華。華云:「新安人,今汪氏皆祖越國公華。華

## 杜康

李善注《文選》初未之引。少康,杜康也。葬長垣。」見《巾部》「帚」字下。《説文》:「古者少康初作箕帚秫酒。

# 鴟夷子皮

鴟夷子皮得成其難。」以鴟夷子皮爲田常之 吴,范蠡何由入齊? 黨,它書所未見。 勢,私門成黨,而公道不行,故使陳成田常、 釋其國家之柄,而 《淮南子·汜論訓》: 按田常弑君之年,越未滅 專 此《淮南》之誤也。 任 大臣將相, 「昔者,齊簡 攝 威 擅 公

## 養 由 基

目。王充誤記,不足信。 中項」,未嘗射晉侯也。吕錡射楚共王中晉侯,中其目。」按《左氏傳》「養由基射吕錡

## 刀父

「刀」有「貂」音,後人別「刀」、「刁」爲二字。「刀父未詳。」竊疑即齊之竪刀,亦作貂。也。嫫母刀父,是之喜也。」朱文公云:也。嫫母刀父,是之喜也。」朱文公云:

## 季襄

《淮南・汜論訓》: 「季襄、陳仲子立、淮南・汜論訓》: 「季襄、魯人、孔子弟子、」朱錫鬯撰《孔子弟子、》、采摭群書、得武十八人、以補《史記》、《家語》之闕、獨不入十八人、以補《史記》、《家語》之闕、獨不

# 趙梁左强

左二人。《史記·龜策列傳》:「桀有諛臣,名曰左强。」《淮南·旦趙梁, 紂有諛臣,名曰左强。」《淮南·旦趙梁, 紂有諛臣,名曰左强。」《淮南·

## 莊 彭 祖

莊彭祖及顏安樂。」改。《公羊疏》引《六藝論》云:「眭孟弟子安樂二家,彭祖本莊氏,史家避明帝諱追安樂二家,彭祖本莊氏,史家避明帝諱追

# 蔡 伯 偕

此蔡伯偕未詳其名,非陳留蔡邕也。通明,覽達古今,故其敬通人也如見大賓。」林太守張孟嘗、東萊太守李季公之徒,心自林、宗張孟嘗、東萊太守李季公之徒,心自

# 漢人不見於史者

日 朱買 北 堂 書鈔》引 臣 孜孜修學, 之。 ^ 太 不 平 知 御 雨 覽》 之流 引 鄒 麥。」 子

伯奇豈即鄒子之字耶?

易》,引蔡景君説: 服虔注《左傳》, 引彭仲博説; 皆漢 人人也。 虞翻注

## 徐 **※**

林傳》: 《説文》有「徐巡説」。 「濟南徐巡師事衛宏,後從杜 案《 後 漢書・儒 林受

學,亦以儒顯。」

## 張 徹

不當以武帝諱爲名,疑是張敞。 説文》引「張 徹 説 條。 案 漢人

#### 朱 建 安

《隋 應撰」。 南以 出?』杏曰: 天《纂文》奇博,其書載 南記》云: 南史・ 應當是建安名也。 經籍志》有「《扶南 劉 『長頸是毗騫王,朱建安《扶 杳傳》: 「古來至今不死。」」」案: 長 異 頸 沈 〈物志》 約 王 云: 事, 一卷,朱 此 何 何 所 承

#### 謝 超 宗

不已。 幾 亦便自稱姓名云「超宗蟲蟻」,就官乞睞。 幾卿,中拜率更令。 卿既 金樓子》載謝超宗子今刊本「子」誤作「字」。 不 幾卿又走。 容酬此言, 騶人謂爲不許,而言之 騶人姓謝,亦名超宗,

與 琅 邪 梁有 Ŧ 元 廣晉令王筠, 禮 同 時、 司 .姓名。 見《南 史 . 陸 襄 傳》。

#### 漢 人同 姓名

陳欽, 京房、 貢禹、 之: 兩 京 之類,然所舉多有未備。 兩 有  $\pm$ 韓信、兩王吉、兩 隆 兩 孫 兩 西京有 一見《後漢 兩 杜 季 王崇、 劉 ,昭《示 喬、 見《張 歆、 兩 兩 輔傳》。 見《杜 兩王立、 王 陳元傳》, 兒 陳 一莽、兩 編》 咸、 E 林傳》。 覇, 兩 記 一見《後漢 兩 王 嚴 見《後漢・ 古 今即 唐 劉澤、 元、一公孫述將,一鳥 延 兩 人 兩 年、 鄭 同 班、范二史言 李 兩 陳 益 姓 陳 兩 寵傳》。 寵傳》。 趙堯、 蘇 名, 兩 兩 Ŧ 建、 韓 如 涣、 東 兩 兩 漢 兩 加

見《後 遠, 紀》, 傳》。 陵、 延 張 宛 行傳》。若西京之兩杜子夏、 民傳》,一 桓 同 則有四王成、 望未改, 兩任安、一見《後漢・ 祖父堪,蜀郡 丹陽 傳》。 校尉。 堪, 時同姓字, 兩 而 (漢・ 兩張敞、一見《實武傳》。 見《獨行 非是。 劉方。 人,九江太守。 衡 嘗 兩張 見《李固傳》。 兩 官職 王堂傳》。 亦 局 陳元、 南 蜀 超、 傳》。 而非 又同,是即 一《前漢• 陽 郡 司空,一山陽太守。 太守。」計 西 在《文苑傳》, 太 兩 兩 見《循吏傳》。 兩 同 三王 鄂 儒林傳》。 張 守。 張 趙 名也。 循吏》,一 覇、 典、 禹、 商 一人矣。 其 而《 雖 兩 兩 縣 年 兩 見《黨錮傳》。 兩 見 一太守。 後 張 後漢宦者,一見《逸 張 張 丞 兩馬 名 代,相去 前 陳 漢  $\pm$ 兼 相,一 猛 武 小異, 衡 嘉。 漢 張 孟 兩漢計之, 成、 或疑 傳 公, 大將軍, 兩 堪 一見《文帝 儒 見《張 一見《虞 陳 林 云 不 别 而 南 則 在 兩 傳 其 張

二九

郡

陽

又

獨

+

駕齋養新録卷十二

奂

#### 異 同 姓 名

傳》。 紀》。 之。 充 琨 肅。 魏亦 有 漢 亦 漢 漢 兩 李 ,晉亦有李充。 有 有 有 有 漢 論 有賈 高。《蘇 漢 王 郭 劉 漢 漢 如 異 王 而 衡 漢 代 卓,見《順帝紀》。 憲。 有 陶 有 有 下 育、《説 孔安 黄 逵。 有張 李 而 初禀篇》, 訖 魏、 字幼 不 廣, 忠,見《申屠蟠 姓名相 于 · 韋傳》。 漢有 文》。 國 晉皆 華,晉亦 簡。 宋、 魏 即 漢有 晉 劉昆 元, 亦 漢 晉 王肅,曹魏、元 有 同 晉 亦 有 晉亦 有 亦 者, 图 謝 也。 有 亦 略 有 李 張 傳》。 陶。 有 張 舉 安,見《滕 有 難 孔 晉 廣。 貌, 有王卓。 Ŧ 華。 李 安國。 記 以 亦 蜀 漢 魏 育。 暠。 見《晉 憶 悉 有 有 亦 亦 漢 所 數。 魏皆 劉 《忠 撫傳》。 有 郭 有 有 漢 書 及 琨 漢 見《王 黄 張 賈 憲 義 · 文帝 有 者 有王 今就 有 逵, 傳》。 魏 忠。 邈。 李 漢 劉 書 濟

有

E

見《趙孝傳》。

梁

有

漢

有

昭, 商、蜀 有 亦 幹,晉亦有徐幹。 見《胡奮傳》。 馬 午,晉亦有 孟 亦 亦 晉亦有馬武。 衡,見《趙王 亦 亦 唐詩紀事》。 融。 董 有 有 有 有張陵。 觀 有 見《魏志・ 神 《論 朱 王 謝 琳, 張 亦 見《陶 買 暢。 安。 舒,梁亦有 綱。 有 衡 臣。 陳午。 倫傳》。 漢 王 漢 黄傳》。 《魏志• 見《王濬傳》。 張範傳》。 漢 超 漢 有 商。 有 見《戴洋傳》。 奇篇》。 漢有 有 有 徐 王 見《王長文傳》。 隋 見《石勒載記》。 劉 江 董 張範傳》。 見《秦宓傳》。 幹, 甫 漢 李膺,梁 革, 毅, 亦 一 旲 有 晉 蜀 見《班超 有 舒。 亦 漢 亦有 胡 南 亦 晉 亦 張 漢 有 廣, 亦 唐 有 齊 有 衡。 漢 有 張 王 傳》。 張 亦 亦 有 孟 王 亦 漢 晉 漢有 漢有張綱 衡,晉、 有朱買臣 馬 琳。 昭。 有 有 甫。 劉 觀 有 有 亦 漢 融,晉亦有 李 魏 江 毅 有胡 有 張 張 王暢,晉 膺。 革。 亦有 漢 漢 亦 漢 陵。 馬 陵, 有 有 有 漢 有 晉 廣。 武 梁 漢 徐 漢 陳 張 魏 見

有

劉

巴。

見《石

勒載記》。

蜀

有

蜀有

兩劉巴,

有傳,

有

王

修。

魏

有

Ŧ

基

晉

亦

有

魏

有

張

融,南

齊

亦

有

張

融。

宋亦

有

趙

禹。

徐

州

推

林,見《鄭

E

君

傳》。

宋

亦

有張

有劉豫

,見《第五倫傳》。

宋

亦

有

楊

震。

漢

劉

平。

漢

有朱

震,宋

亦

有

見《李膺傳》。

唐亦有李益。

周

興,見周

榮傳》。

唐

亦有

周

見《儒林傳》。

唐

亦

有李

封。

逸,唐亦有王

逸。

有

賀

循

亦

有

徐

陵。

張

劉

穆之。

見《林

見《宰相世系表》。 有張俊,宋亦 官,見《東坡集。 宋亦有劉 見《藝文志》。 朱震。 漢有劉 見《杜子美詩》。 善,唐· 見《李嚴傳注》。 向, 林。 李嚴,晉亦 魏有 興。 有 王 北 李 豫。 有張俊。 亦有 漢有 基。 漢 王修, 漢 漢 平,宋亦有 齊 延 陳公弼傳》。 有李 有趙 有楊 漢有 漢 亦 壽 見《王 李 李封 有 有 有 晉 晉 漢 禹, 益 善。 震 李 亦 亦 張 漢 有 E 漢 劉 敦 居易 劉宋 嚴。 表》。 詩》。 濬。 桓 劉 晉 見 陳 亦 曾,見《周延傳》。 有王旦,見《石勒載記》。 士宏傳》。 吴有嚴 有葛洪,宋亦有 彝。 有 有王 亦有 寶刻類編》。 宋 制 見王安石詩。 見《趙王倫傳》。 有 北 李 南 亦 珣, 賀 武 福。 魏 齊 晉有袁粲,宋亦有袁粲。 唐 蔡 有 晉有 循。 唐 有 有 有 興宗,趙宋 張 唐 仁 崔 李沆,見《宰相世系表》。 王 晉有 裕。 亦有 王恭,唐亦 亦 宗朝武臣,見《長 鴻, 晉有劉穆之,唐亦 儉, 宋亦有吴曾。 葛洪。 苻 有 蜀有李福,唐 "嚴武。 唐亦有崔鴻。 吴 王戎,唐亦有 秦有王 唐 王 有 珣。 亦 亦 宋亦有 晉有王 徐 有 有王 有 吴有 猛 見《宰相 陵, 王儉。 蔡興宗。 編》。 一恭。 王 見《藝文志》。 陳 陳 濬 桓 亦有 日。 王戎。 貝 世 蜀 亦 宋 彝,晉 亦 有 晉 見《宰 見《儒學傳》。 州刺史,見白 宋 系 有 有 有

有李

郃

唐

亦

有

李

邻。

毅,

陳

亦

有

樊

毅。

漢

有

劉

李

福,宋

向。

見《文宣

帝

紀》。

漢

有

李

漢

有

李

延

壽

即

繁

延

壽。

唐

亦

亦有

李

^

編

注

杜

相

世

系

王

猛。

亦

有

晉

表》。

晉

晉有

旲

有陳 賢。 政 宋 錫。 珪。 唐有 沈。 史・孝友・姚宗明傳》。 晏,宋亦有劉晏。 《周易舉正》。 宋亦有高適。 亦有蔡京。 唐有李石,宋亦有李石,字知幾,見《二百家名賢文 和中知龍岡縣。 有 亦 有鄭 元王珪見《孝友傳》。 李若水。 夷行。公輔子。 唐有李綱、宋亦有李綱。 金亦有李石。 王 唐 唐 宋 曾,著作郎,見《金石録》。 有 有 亦 韓 張 宋 有 唐有張説,宋亦有張説。 琦,見《宰相世系表》。 齊 亦 知越州,見《會稽志》。 唐有張 唐有李若水,見《宰相世系表》。 唐有張公謹、宋亦 李 賢 有郭京。 見《忠義傳》。 侗。 見《儒學傳》。 唐 宋亦有蘇轍。 唐有王珪、宋、元皆· 有李侗,衡州刺史,見《廣 唐 行成,宋亦有張 唐 有張 有 唐有陳 鄭 唐 錫,宋 宋亦 唐有蔡京,宋 樵,見《藝文志》。 宋 有蘇 宋 唐 有 唐有高 亦 夷行,宋亦 亦 有 有 張 有 轍,見《宋 郭 有 亦 唐 公謹。 行 王 韓 京,撰 有 張 有 有 曾。 適, 成。 琦 宋 齊 張 劉 王 Ш

> 王佖。 東提刑司檢法,見《理宗紀》。 宋 宋 紹興中進士,號觀物先生。 崔立、《循吏傳》。 史,見《北夢瑣言》。 詩紀事》。 亦 質,文中子 有王起。 建,宋亦有王 有 亦有李碩。 亦有常建。 李 東陽人,撰《朱子語後録》。 珏。 宋亦有朱長文。 五世 文彦博幕客,撰《甘 景 建。 孫。 定二年省元。 見《東坡集》,善畫。唐 括蒼人,知台、 宋亦有李 金 宋 婺源進士。 亦 亦 有 唐有 有 元亦有吴澄。 崔 常二州。 鄴。 後唐 唐 王 陵 立。 Ŧ 唐 質。 伐叛録》。 唐 有 建, 有 紹興時人。 有王 有李鄴,亳州刺 朱 宋 王佖, 五代 唐 有 唐 長 有吴澄, 起,宋 文 李珏,宋 有 有 唐 宋 亦 見《唐 李 常 宋 有 亦 有 建 有 王

## 晉人同姓名

多矣,至晉尤甚。如兩劉毅、兩周撫、兩孫史繩祖《學齋佔畢》言「古今同姓名者

劉

邁

爲

琨

之祖;

爲

毅之弟。

兩

裴

傳;

一江州刺史,見《李充傳》。

兩王

有傳;

爲吕光僕射,見《郭磨傳

兩

相導子,

見《劉隗

傳》。

兩

李矩,

有

州牧; 記》。 傳》。 傳 澄 附見《孫 苑傳》。 太守,見《惠帝紀》。 一吴郡太守,見《列 王彌 李特載記》。 見《賈充傳》; 是 兩 也。 傳》及《石 解 兩王 兩王敦, 系、 陳留人,爲《三都 兩李密,一 楚傳》。 姚 沉 予攷《晉書》, 兩 襄將,見《哀帝紀》。 网 周 勒 有傳; 有傳; 孫登, 訪、 兩 載記 女傳》。 在《孝友傳》; 兩張茂,一襲涼州 徐邈,一有傳; 爲 兩 慕容皝司馬,見《 王 又 見《隱逸傳》; 一字彦伯, 賦 愷、 有 兩 益州牙門將, 略解》,見《文苑 兩張駿,一 王 兩 兩 治,一 衛 王 渾、 瓘 兩 見《文 韓 爲丞 襲涼 牧, 犍 兩 見 見 載 爲 有 王

> 頠, 乃 紀》。 碩」之譌。 按《周 有 傳 馥 皆學齋所未及。 傳》 有 淮 爲 南 :太守裴碩,疑《懷帝紀》「 東 海 王 越 將, 見《 懷 頠 帝

## **骨書姓名互異**

帝紀》有太山太守徐龕,爲石勒 王龕北伐。」《褚裒傳》作「徐 穆帝 紀》: 「永 和 五 年, 龕 褚 所執, 裒便 按: 死已 部 元 將

《祖約傳》。「其時牽滕率衆出降。」

成帝紀》、《戴洋傳》並作牽

騰。

久矣。

當從紀。

謙、 逸 作 永嘉太守司馬逸皆遇害。」《孫恩傳》, 作 桓 義興太守魏 謹 謝 安帝紀》: 逸。 魏 隱 《南史・ 作 魏馬、「隱」、「傷」聲 隱並委官,吳興太守謝 「隆安三年,吴國 孝義傳》作「司 馬逸之」, 相 近。 内 當是《恩 史 司 桓 馬 謙 桓

九六

之異文。《謝瑗度傳》有義興太守魏鄢,又「傿」

作「末柸」,見《邵續傳》。《玉浚傳》亦作「末杯」。諶傳》作「末波」。「波」、「杯」聲相近也。亦誤與四磾傳》:「從弟末杯。」《劉琨盧

## 張元張元之

方與元 重請」。 何許 兄子元 敵 張 有旨。」既而寂 元「人問計、安夷然 道 元 韞。」似 妹 也。 謝安傳》: 也,而 量 亦 其下即述「命駕出山墅,親朋畢 棋賭 有 列女· 即其人矣,而「同 才質,適于顧 張元 别墅」事。 然。 謝道 竟無下落, 苻堅 元不敢復言,乃令張元 無懼色,答曰 韞 率 安所與 氏,元嘗稱之,①以 傳》: 衆次淮肥。 郡」二字難曉。 亦不知其 初, 賭 墅者 同 兄子 爵 已 即即 郡 别 里

> 詞乎? 此 乎? 宇記》屢引之。 親 之亦以才學顯,自吏部尚 將軍、會稽 道 而 舊 與前兩傳之張元同時、 元之名亞于元,時 韫 ,唯名多一「之」字,豈即 爲 抑 元之在吴興撰《山墟 與 王 王同 凝 内史。時吴 之 郡 妻, 乎? 不 人 識 ^ 稱 興太守晉寧 同姓,同爲謝幼度 謝 張 書與元同年之郡, 爲「南北二元」。」 元傳》: 元 一人而 名》,樂史《 者 與 侯 謝 傳聞 、張元 授左 同 實 異 郡

## 唐人同姓名

昌宗, 李益、兩 唐人同 而 韓翃 張昌 時 其 齡之兄亦 同 最 姓 著矣。 名,如《文藝 名昌宗,見《 武后時 幸 所 臣 有 載 張 兩

● 「嘗」、《晉書》卷九十六《列女》作「每」。

傳》,冀州南宫人。

王 宰

王宰,武宗朝節度使,附其 明皇時又有善畫王宰,杜子美詩 父《智

「五日畫一水、十日畫一石」者也。

所謂

内供奉盧貞。

見《唐詩紀事》。

興

李 播

李淳風父名播,作《天象賦》,見《 唐

家進 士,官郎中、 蘄 州 刺 史。 見《 《唐詩 紀

志》。

此唐初人也。

又元和間詩人李播,起

盧 貞

樂天九老會,貞年未七十,亦預焉。 盧貞字子蒙,會昌五年爲 河

南

尹。

白

時又有

李 翱

事》云: 李 翱字習之、《唐書》 「鄭州嘗掘地、得刺 有 傳。 史李翱《戲  $\sim$ 唐 詩 紀

贈

詩》。此自一李翱,非習之也。《唐書》習之 傳亦不記爲鄭州。 王深甫編次習之集,乃

收入此詩。」

二九七

## 日太一

1。 美詩「自平宫中吕太一」,即《韋倫傳》之太「宦者吕太一反嶺南。」此别是一人。杜子「宦者吕太一」,後有聞於時。又《韋倫傳》:水令吕太一」,後有聞於時。又《韋倫傳》:唐有兩呂太一。《魏知古傳》所「薦洹

## 陳子昂

傳。又大歷中有畫人陳子昂,見段成式《京陳子昂字伯玉,仕武后時,《唐書》有

洛寺塔記》。

## 李 若 水

郡王孝同之曾孫,一太宗五世孫。唐《宗室世系表》有兩李若水,

淄川

## 王維 王縉

弟也。又王智興之父亦名縉。 爲宰相。而琅邪王方則之孫維與縉,亦兄唐太原王維、王縉兄弟,一爲右丞,一

#### 王 定 保

今檢《唐書•宰相世系表》,琅邪王氏未有王定保撰」。書中稱王方慶爲「七世伯祖」。《唐摭言》十五卷,題云「光化進士琅邪

伯祖 也。 所 出 之定保矣。 名定保者。 琅邪。有王溥,字德潤,出自太原。定保既 此《表》之脱 名,於蕘字 起之曾孫、 列 琅 ,摶爲方慶 邪,則「溥」 攷昭宗時宰相 則於摶不當有「從翁」之稱,是亦可疑 唐有兩王定保,而 亦不回避,則别是一人,非太 蕘之子。 唯太原王氏有定保,字翊聖, 漏 八世孫,而定保稱方慶七世 當爲「摶」之譌。 也。 今書中於起直書其 有 其 書 王摶,字昭逸,出 有 云「從 史僅載其 但 翁 依《表》 丞 自 乃 原 姓 相

#### 草 應 物

州 州 舉 刺 韋 史, 應物 應物,貞元二年,由 而《劉禹錫集》中 自代狀 宋 有大 葉 少蘊 司 和六年《 郎 胡胡 中 元 出 除 任 爲 已 蘇

> 寺」。 詩,西 之。 昕 舍人 年補 蘇 年以 州在,時 少章景雲據白樂天於元 之,篇末 疑其 元初 元微之,於文盛稱韋蘇州 司耳,非 案 日,夢 外, 出守吴門。 後,則其 (非一人,而沈作喆撰《韋傳》, 垂四十年, 豈有 掖 則誤甚矣。 則是時 樂天刺蘇州在寶歷元年,陳以爲在長慶間,亦 得蘇 得 今來 謂實代其任也。 雖 亦 八亦未 以 州 替 有 蘇州已殁,而 詩 所舉 疑 刺史。久之,白居易自 左司。」言白之詩名 酬 甚 應物罷郡,寓 白公出守在長慶間,距 詞, 必 之云:「 愛重, 別是 與韋交代之理乎 而 和 終 《沈傳》謂「貞 必待身後 詩 劉狀 未 中 蘇 人矣。 謪 敢 郡 州刺 又在 决。 江州 又言 之永 合 人 足 史 樂 此 後 近 「當 ? 例 始 定 中 繼 天 書 貽 世 而 元 佛 書 貞 左 守 書 陳

#### 劉 容 虚

安康郡 説》條一 其能 敘知幾六子,迅次在五,是行第不同也。 即劉知幾之子迅、《唐書》附《知幾傳》,不言 常想見其 其 無復有神道。 尉房公臨扶風,聞之曰: 謂劉昚虚「名儒史官之家,兄弟以學著,《五 詳何許人,意其爲南士也。 九日於龍沙寄劉 頃東南高唱者十數人,然聲律婉然,● 右。 詩。 殷璠《河 即 貫源流,備古今之變。 惜其不永天年,隕碎 金州也。 或仞爲 面。』後避地逝於安慶」。 岳英靈集》録劉昚 《唐書• 殷直清有識,尚恨言理少對, 一人,似不 大昚虚詩》,而新、 劉迅傳》作「康」。 近挺 然。 李華《三賢論 或 在京嘗疾,太 卿 寶。」 日若不起, 虚詩 孟 當作「康」, 此容 昚 浩 舊《書》 然 虚 無出 謂 王 有 虚

> 並 不言登宏詞科, 龄 有才不遇,而 善著書,是趣 一之。 有《送劉昚虚歸 是出身不同 向 不同 名 取 也。 號, 宏 詞 似 也。 兩劉 解 同 詩 實異,恐難 生 雖 工於詩, 而 同 唐史 時,

#### 宋 人 同姓名

溷

而

陵 人,字子方,與蘇 曹輔, 南 劒州 子瞻 字載 唱和 有 傳;

海

一种勇軍統制,見《繫年録》。 王存,一字正仲,丹陽人,有 傳 紹

興

江人,仕淳祐間,嘗刻朱文公《周易本義》; 紹興初江西運 吴革,一 開 封 副,見《繁年録》。 人,見《忠義傳》; 九

0 然」、《河岳英靈集》卷上《劉昚虚》作「態」。 編》。

陽 人,靖康中西道都總管,有傳。 王襄,一 鄧州 人,見《孝義傳》; 南

戚傳》; 劉通, 一并州人,章獻皇后之父,見《外 紹興中知天長軍,見《繫年録》。 一金華人,

王淮, 一齊州人, 沔之弟,

字季海,有傳。

都人,字知微,翰林侍書,附《吕文仲 一紹興中通判温州,見《繫年録》。 王著,一單父人,字成象,有傳, 傳》, 成

奉 將,見《元史·世祖紀》。 郎,與金人戰死,見《繫年録》, 王明,一大名人,字如誨,有傳, 涪州 承

王貴,一并州人,附《楊業傳》, 岳

飛 部將。

捧日 左廂都指 安守忠,一晉陽人,贈太尉,有傳, 揮使、欽州團練使,見《長

> 李維,一洺州人,沉之弟, 昭武人,

綱之弟。

若水之兄,南渡參知政事。 李若谷,一徐州人,字子淵,有傳,

興中江東兵馬都監

蘇紳,一

晉江人,字儀甫,有傳,

紹

溪 又有琴師黄震,後改名振,見《四朝聞見 子聞,乾道進士,知瑞安縣,見《赤城 人,字東發,見《儒林傳》, 黄震,一浦城人,字伯起,有傳, 臨 海 (志); 一慈

録》。

與任 興中太常少卿,見《繫年録》; 福 王珪,一成都人,字禹玉,有傳; 死 事,附《福傳》。 開封人, 一紹

南渡武臣,德之子。 王 琪,一字君玉,珪之從兄,有傳,

E 字定國, 旦之孫, 附《 王

=

11011

王質,一大名人,旦之兄子,見《涑水記

死蜀難,見《理宗紀》。 傳》, 一紹興中知仁和縣, 一端平丙申

州人,真宗時武臣,有傳。田敏,一鄒平人,見《儒林傳》,一易

《繫年録》。 傳》,一澤州人,雲之弟,官右奉議郎,見 事。一澤州人,雲之弟,官右奉議郎,見 王雱,一字元澤,安石之子,附《安石

陳升之,一熙寧宰相,有傳。一淳熙中

保

義郎。

其名本是「杭」字,史誤从手旁,見《長編》。傳》, 一建安人,字仲節,元定之孫,有傳。蔡抗,一宋城人,字子直附其弟《挺

外國傳》「熙寧中提刑趙鼎」,●當即一人,趙鼎,一治平中侍御史,嘗奉使契丹,

一聞喜人,字元鎮,有傳。

臨川人,字德遠,仕孝宗朝,有傳。李浩,一西河人,東都武臣,有傳,

一南渡閤門祗候,見《繋年録》。 王彦昇,一字光烈,建隆功臣,有傳;聞》; 一字景文,興國人,附《王阮傳》。

十三人之一也。 十三人之一也。 一元豐中都官員外郎,陳襄薦士三

科,官承奉郎。 一黄巖人,字文之,淳熙特興左宣教郎, 一黄巖人,字文之,淳熙特

文》者, 一潁昌人,文彦博嘗從受學,嘉祐史炤,一眉山人,字見可,撰《通鑑釋

文見於《宋史》卷四百九十三《蠻夷傳》,非《外國傳

頃』,當即潁昌之史炤 言『開修古淳河一百六 中提舉常平史炤、 熙 寧 里,灌 也 四 年 前 田 六千 知 咸淳中利路 襄 六 州 史炤 百 餘

間

王堯臣, 一應天府 人,字伯庸, 有傳; 制,見《度宗紀》。

汾州人,嗣宗之子。

張觀,一常州人,有傳, 一絳州人,字

思正,有傳。

源 人,字仲平,政和二年進士,見《新安志》。 張震,一□□人,有傳; 胡銓,一廬陵人,字邦衡,有傳, 一歙人,乾道 婺

五 年進士,見《新安志》。

評 事 郭京,一陳州人,仁宗朝以布衣授大理 靖康時自言能用神兵者。

同 員 外 姓名,見 郎 劉藻, 周 必大《 嶺 福 南 州 人,字昭信,紹興末祠 龍 人,知梅州。 飛録》。 二人同時

> 移陝西提點刑獄。」此韓城人。 月,張琬以朝散大夫權發遣越州。 爲 轉運 張琬,一 副 使。 韓 城人,樞密使昇之子,崇  $\sim$ 會稽 志》: 「元符三年六 鄱陽人,治 十二月,

平二年登第,見施元之《注蘇詩》。

東坡爲作《遺直坊詩》。于欽《齊乘人物篇 李常,一字公擇,建昌人, 登州人,

誤 仞 兩人爲一。 度宗朝吏部侍郎

王安國,一臨 川 人,安石之弟,

宗朝守棗陽軍。

降將。 作亂, 林,未審即一人否? 一京東安 寧宗紀》: 德祐 張林,一游奕軍 事覺,貸死除名。 一咸淳二年死 池州都統制,降元 嘉定二年,沔州統制張 統領,見《楊巨 難 與《巨 武 臣,見《本紀》。 源 (撫使, 傳》之 林 源 本 等 傳 謀

維,一 湖州人,官衛 尉寺丞,子野之

張

理

詩》,似又是一人。 行集》有《次韻答荆門張都官維見和惠泉熙寧中官臨涇縣令,見《長編》。 又東坡《南处》、《齊東野語》云:「卒於慶歷丙戌。」一

傳者,唯資深一人,即劾東坡詩 也。世多指而爲一,不可不辯。《宋史》有 會,蘇子美以其任子拒之,致興大獄者, 詩》,蓋濟南人也。 歷諸路計度轉運使,官制 又李定,字資深,元豐中御史中丞,揚 集》有《壽州李定少卿出餞城東龍潭上 字仲求,洪州人,晏元獻之甥,欲預賽神 又李定,嘉祐治平以來,以風 李定、揮麈前録》李定同時有三人,其 未行,蓋濟南 案者。 采聞 坡 徧 州 人

一滄州人,凝之子,有傳。張昭遠,一濮州人,即張昭也,有傳,

州人,字子公,南渡執政,有傳。張燾,一臨濮人,字景元,有傳,

李祥,一無錫人,字元德,有傳, 一開晉江人,知南海縣,見《石刻》,與伯厚同時。王應麟,一慶元人,字伯厚,有傳, 一

一京兆人,朔州防禦使,雍熙四年卒,見《太王杲,一齊州人,咸平五年卒,有傳,封人,見《宦者傳》。

宗實録》,此兩人同姓名又同時。

皆有傳。候,一冀州人,團練使,兩人皆仕太祖朝,一葉州人,團練使,兩人皆仕太祖朝,張廷翰,一澤州人,侍衛馬步軍都虞

亦太宗晉邸舊人,附見《延德傳》。 王延德,一東明人,有傳, 一大名人,

徐自明,一永嘉人,字誠甫,撰《宰輔編

年録》, 一金華人,嘗知蘇州之嘉定縣,見

《練川圖經》。

志》。 一永嘉人,知平江府,見《吴郡年備要》, 一永嘉人,知平江府,見《吴郡献均,一□□人,●字平甫,撰《九朝編

錢塘人,知嘉定縣,見《練川圖經》。 楊萬里,一廬陵人,字廷秀,有傳, 一

《長編》,一大名人,紹興奉使,死於金國,王倫,一仁宗時虎翼卒,以反逆誅,見

有傳。

聞》,一永嘉人,字正則,有傳。 葉適,一熙寧中光禄寺丞,見《涑水記

傳",一元祐内臣,人黨籍。 王化基,一真定人,真宗朝參政,有

張奎,一臨濮人,有傳, 一天聖中保

章正,見《長編》。

章甫,一字端叔,浦城人,熙寧三年進

足居士,張端義《貴耳録》稱爲張冠之者也。士,都官郎中,一字冠之,鄱陽人,自號易

字文瀾,分水人,咸淳間官中書舍人,入

何逢原,一字希深,與王十朋同時,

元累徵不起。

新安人,淳祐十一年以朝散大夫知江州。朱申,一字繼宣,江西人,太學生, 一

李珏,一嘉定十年江淮制置使, 一德

祐朝臣。

死事贈卹,見《度宗紀》; 一襄陽民兵都張順,一成都馬步軍總管,咸淳元年以

統,見《忠義傳》。兩人同時。

其字,亦開封人,有傳。 張忠,一字聖毗,開封人,有傳,

失

鄭湜,一德安人,見《王介甫集》,

「□□」,據《九朝編年備要・序》,當作「莆田」。

0

三〇五

三〇六

字溥之,寧宗朝直學士院。

王洙,一字原叔,有傳, 一字原父,南

渡人,見《攻媿集》。

父也,見《周益公集》。 功,安陽人,紹興初知興國軍,樞密使炎之功,安陽人,紹興初知興國軍,樞密使炎之王綯,一字唐公,南渡執政, 一字敏

任待制以上官,一在餘官。敏仲,官户部尚書,文正公旦之曾孫,在曾玉古,《元祐黨籍碑》有兩王古。 一字

人,非元豐狀元也。中福州知州黄裳,見《渭南文集》,恐别是一一字文叔,劒門人,南渡有傳, 又有政和一字文叔,劍門人,南渡有傳, 又有政和一字文叔,一字冕仲,延平人,元豐狀元,

黄定,一字致一,崇寧上舍第, 一乾

道八年狀元。

人,撰《墨客揮犀》。 彭乘,一爲華陽人,有傳, 一爲高安

司幕官,見《繫年録》; 一即詹體仁也、《宋張體仁,一紹興初左奉議郎、江東宣撫

史》有傳,而不著改姓。

生,見《夢粱録》。 官至翰林學士, 一杭州人,賜號沖悔先官至翰林學士, 一杭州人,賜號沖悔先

一字晦叔,婺源人,乾道五年進士,見《新安王炎,一安陽人,南渡樞密使,有傳,

吕好問,一建炎執政,有傳, 一理宗志》。

朝淮西總領兼江東運判,見《景定建康志》。

一字周士,吴興人,直齋之子,通判嘉陳造,一字唐卿,高郵人,號江湖長

興府。

翁

見《東坡集》, 一金華人,南渡師心子,見王汾,一字彦祖,禹偁孫,官兵部侍郎,

《王忠文公集》。

部 郎 中, 王 逵, 包拯集》中有《劾淮 濮 陽 人,天禧 州人,當南宋  $\equiv$ 南 年 轉運 進 時。 使 官刑 疏

即

其

人也;

淄

紱,改名後官至執政 朱紱、李積中、王公彦、江潮、張鐸。 與 姦黨人同者,並令改名。 寧 二年十二月丁巳, 時改名者五 詔臣 僚姓名有 朱諤舊名

#### 號 相同明以後不

先生。 雲林。 也。 俱 温 正 一公亦 號 亦 號 號 西 白 歸 ·樂天自號醉吟先生,而皮日休、 邵 黄伯 Ш 以 醉 愚 先 博、字公濟、康節孫。 吟 自 翁 生。 思 先 稱 號雲林子,而貢奎、倪 生。 而 鄭伯英字景元,永嘉人,伯熊其兄 邵 葛 堯夫、 樂天又號迂叟,而 立 方 亦 程正 號 蔡元定、真 歸 叔 愚。 俱 號 瓚 韓 德 俱 伊 郭 司 駒 號 Ш 馬 祥 秀

> 子。 俱號 號静 白 孝、黄裳俱號兼 先 牟 先 聞見録》。 號 子暈、李之純俱號屏 子方俱號容齊。 五 有 王厚之、趙 王 峰。 生。 清 灌 生、祝泌 寂 石道人。 爋 閟閣 簡 東 俱 俱 春先生,劉黻 魏掞之、謝諤皆號 王十朋、 蘇元 齋。 號拙 先生。錢文子號白 號 元表易亦有《静春 陵 亦 彦 楊繪、元素。 老、 薛 陽 齋。 號 肅 紹彭 先 史達 蔡沈 觀 山先生。 俱 王柏、 生。 物 馮 字季文,號 號 號清閟 Щ 椅、 老 祖 復 俱號九 郭 人。 楊傑次公。皆號 許 俱 艮 齋。 王 雍、 吕南公、計有功 號 胡宏、李孝光俱 衡 齋先生。 堂 應 居 石居士, 陳 梅 張 俱 峰 許 集》。 静 麟 士,而 谿。 去 號 行 謙 先 春 俱 非、 魯齋。 成 生。 俱 號 洪 林之奇 號 倪 姜 翁 號 劉 厚齋。 見《四 邁、 觀 清 夔 郭 白 應 無 之 爲 號 俱 徐 號 忠 雲 亦 龍 物 劉 朝

# 古人姓名割裂

皇甫 信 費 詩「 叔 知 孫 豹 謂 藺 用 天 秦西 (鳳《別 也 詩 千 惠 遺 蘧 古 相 教 唯 傳》 風」, 伯 人 載 如 謐《釋勸》「榮期以 學異 以 築 有 内 白 玉 也 姓名任 魏 過 碑 「竊 啟 丘 樂天 也 謂 南 厚 樂,人 以 無 明 慕墨 楊 西門豹 見 宫敬 降 復有 恥 朱君 詩 巨 意 馬 親 翟、 文 源 恕接 割 慕 無 貧 申 君 山《墓 尚 詩「不 省, 蔺 復 申包之誠」,庾信詩 也 謂 包」, 同 看 駢 輿狂」,謂 秦 相,南 榮 三樂 當 北 儷 齊 誌》「 西 期 謂申包胥 同 時 郭 鼎 巴 詩 樂」, 感尼 蘧 不 騒 容復白 朴子 中 魚 也。 嚴 二,謂 玉 以 , 榮 Щ 聲 燋 白 父」,庾 學 爲 • 本志 啟 病 樂 爛 晉書 也 知 珪, 非 南 外篇 期 天 者 非 宫 所 一始 也 敬 門 謂 庾 詩 酈 如 引 .

從昔哀 譽」, 瑳詩 隱 謂 倬《贈美人詩》「幸非 傳 賓 婕 君 平 謂 蕭 謂 其 建葛亮之嗣」, 紛紜齊万,亦孔之醜 平 遥 望 詩 秦 坐 張 論》師 司 也。 會聚 羅 見 之 馬 辟 曾 同 謂 謂 潘 待」, 車」, 敷 吾 鄭 相 也 疆 酈 仁 不 衆書,以成《春 |老」, 也。 宜 子 如 世 食 皇甫謐 . 載 問 懸帳之奇」,謂師 真 也。 李 謂 謂 其 果 潘 也。 謂諸葛亮 商 白 謂 孫 班 也 安」,又云 來」, 隱詩 樂 賓 馬 婕 書 ^ 蜀 釋 陸 天 庾 碩 少 妤 使君問 志 謂 ,謂 厥詩 「梓 詩 勸 游 信 也 也 秋 王 . 潘 也。 **\*** 也 濬 指歸》之文」,謂 秦宓 「潘 安仁 宏 潼 銘 齊 ^ 2,莫作 陳 鄭 傳》「世 如 不 恭 晉  $\ll$ 潘 仁 宜官 万 盧 師 傳》「仲 姬 真 岳《關 書 見 陷 年 也 豈 年 照 道 寢 躬 秦羅 馬 蕭 消 是 也。 也 鄰 詩 祖 臥 耕 才」, 王 相 望 杜 張 詩「 中 旌 内 尼 以 子 劉 羲 馬 如 辟 之 孫 游 班 致 嚴 嚴

樂天《七德舞詩》「張謹哀聞人日哭」,謂 隱詩「從事人人庾杲蓮」,謂庾杲之也。 子美詩「劉牢出外甥」,謂劉牢之也。李商 寺碑》「殷堪摳衣而每談」,謂殷仲堪也。 詩「顧愷丹青重」,謂顧愷之也。 之圖畫雖精,終慙誤筆」,謂曹不興也。 昆季」,謂謝安石、劉公山 秀,見謝石之階庭, 公謹也。韋嗣立《授黄門侍郎制》「芝蘭 騏驥並驅,有劉 也。 褚載牋 李邕《東 「曹興 山之 張 並 白 杜

十駕齊養新録卷十二終

# 十駕齋養新録卷十三

嘉定錢大昕

# 詩傳附錄纂疏

《綱領》,後有《詩序辨説》,一遵朱文公元 行本異。 改竄,非考亭之舊矣。 矣》「以篤于周祜」,皆與唐石經同,與今通 兄弟父母」、《君子于役》「羊牛下括」、《皇 附 巖精舍刊本,有盱江揭祐民序。 爲」,此以音相近而譌,今本作「冢宰」,必 録纂疏》二十卷,泰定丁卯建安劉君佐翠 如《定之方中》「終然允藏」、《竹竿》「遠 寶山朱寄園家藏元儒雙湖胡氏《詩 蓋今本沿明板之譌,即 「家伯維宰」、「維」 其 經文亦 〈書前 作 有 傳

> 誠世閒難得之本矣。 義考》雖載此書,誤作八卷,注云「未見」,是 守家法,不似明人之鹵莽妄作。 云云,令人不解何謂矣。讀是書,知元儒尚 則注中「「假」之爲「何」」、「「溢」之爲「恤」」 之意。「假以溢我」句,删去《春秋傳》云云, 『奚」」句,直改爲「奚」,大非文公説經謹慎 注「《家語》作「奚」」。 非 義,然未敢輕改經文。 今本删去「《家語》作 「《春秋傳》作「恤」」。 「假」下注「《春秋傳》作『何』」、「溢」下注 考 亭 意 也。 小 ,雅》「 文公雖采它書而用 《 周 爰 其 頌》「假以溢我」, 適 歸 朱錫鬯《經 其

# 儀禮注小字宋本

字,每卷末記經注字數,末卷又總計經注字 吴門黄蕘圃所藏,每葉廿八行行廿四

此本經注皆不誤。數。《士冠禮》「建柶」,今本誤「建」爲「捷」,

# 儀禮疏單行本

附 旦、王欽若銜名,真北宋板也。 字,末卷有大宋景德元年校對、同校、都 亦 本 誦習,争相放效。其後又有併陸氏《釋文》 乃有併經注、正義合刻者,士子喜其 疏》,皆自爲一書,不與經注合并。 經正義》,宋初邢昺撰《論語》《孝經》《爾 諸臣姓名,及宰相吕蒙正、李沆,參政 卷廿二至卷廿七皆闕,每葉 失陸氏之舊矣。予三十年來所見疏與 偶  $\wedge$ 經注之下者。 異,則改竄《釋文》以合之,而《釋文》 儀禮 疏》五十卷,亦黄 陸氏所定經 蕘 卅 圃 唐人撰《 行 文與正義 所藏, 行 南宋 便于 廿 九 初 E 雅 校 七 自

世希有之物也。注别行者,唯有《儀禮》、《爾雅》兩經,皆人

# 論語注疏正德本

見此式,必是修補元板 識出令其補完耳。 卷標題「注疏」下多「解經」二字。 有正德某年刊字。 《論語注疏》,每葉廿行每行廿餘字,首 若明刻前代書籍,則未 但遇 也。 宋諱, 。首葉板 旁 加 卷 識 心

#### 國語

國語》傳於今者,以宋明道二年槧本

● 「加」,原作「如」,今據長沙本改。

爲最古。錢曾《讀書敏求記》舉《周語》「昔

我先王世后稷」及「左右皆免胄而下拜」二

條,證今本之漏,是固然矣。予於錢所舉之

外,復得六事。《周語》「瞽獻曲」,注: 曲,樂曲也。」今本「曲」皆作「典」。 「高位

實疾顛」,今本「顛」作「僨」。予謂「偩」蓋「傎」之

也」,今本「大」下有「滿」字。古書「大」與「泰」通

譌,古書「傎」與「顛」通。《魯語》「笑吾子之大

四分」,注:「分,散也。」今本「分」皆作 「泰」即「汰」也。《檀弓》「汰哉叔氏」。《齊語》「鹿皮

「个」、《管子》書亦作四分。「散」作「枚」。《鄭 語》「依、輮、歷、華」,今本「華」作「莘」。 《吴

譌。

傍、毛、鄭兩義、本相承也。「浴」當爲「恣」之

語》「王孫雒」,今本「雒」作「雄」。《越絶書》、

《吴越春秋》皆作「王孫駱」。「駱」、「雒」同音。《後漢書 道本爲正。 列女傳》「孝女叔先雄」,「雄」亦「雒」之譌。 皆當以明 《楚語》「王孫圍聘于晉」,今本

圍」作「圉」,則未詳孰是。

牟巘《申省乞祠

狀》「深恐疾顛,有辜隆使」,「疾顛」二字用

《國語》。

廣 雅

自恣之人不肯遵聖人法度,所爲皆無所依 無所依繫。」箋云: 義。按:《詩》「靡聖管管」,傳云: 《釋訓》: 「管管,浴也。」浴字未詳其 「管管然以心自恣。」蓋

「管管,

聲侵部:「賥,費也。」「貰」當是「費」之譌。 《釋言》: 「賥,貰也。」按《廣韻》下平

「疊,懷也。」「懷」或是「慴」之譌

近。」予謂「呈」、「長」聲相近

「醒,長也。」王石臞謂「醒與長,義不相

「蓋,黨也。」「黨」讀如「儻」。 「蓋」、

爲「俎豆」之「豆」。 脰,饌也。」「脰,錯也。」此二「脰」字當 或漢隸「俎豆」字有从肉

也。 示人簡矣」,孟喜作「退」,陸績、董遇、姚信 俱作「妥」。是「兔」與「隤」、「退」聲亦相近 與「妥」聲相近。《易・繋辭》「夫坤,隤然 「免,隤也。」古「兔」、「兔」同文。「兔」

不似。」 之「巳」,以音相近取義。《詩》「似續妣祖」, 鄭箋「讀爲巳午之巳」。鄭氏《詩譜》謂: 「子思論《詩》『於穆不已』,孟仲子曰『於穆 「子已,似也。」「已」當即十二支「巳午」

「立」、「禄」聲相近。 「位、莅、禄也。」古文「位」與「立」同。

酌,漱也。」「酌」當作「酌」。

十駕齋養新録卷十三

一牒, 完也。」「完」當即「疏」之異文。

#### 玉 篇

之,益信。 文》無「琖」、「侲」二字。 此所引者,徐鉉 部》「侲」字引《説文》云:「僮子也。」按《説 「玉爵也。夏曰琖、殷曰斚、周曰爵。」又《人 王元本,并非孫强廣益之本。以此二條證 新附注也。予嘗謂今本《玉篇》不但非顧野 《玉篇·玉部》「琖」字引《説文》云:

803

部。又《説文》「書」字在聿部,今改爲部首 索、牀、弋、單、丈十二部,共五百四十二 弦十部,而别增父、云、桑、冘、處、地、磬、 併哭、延、教、眉、白、與自同。 郒、歓、后、六、 而併畫部人焉: 《説文解字》凡五百四十部,《玉篇》删 此部分之不合于《説文》

者 也

#### 周 成 雜 字

中 則 庭 字》七卷」,而 即 字》七卷,周成撰。 成書俱無「雜字」之名,未知即 魏 義》、李善《文選注》屢引之。 周 志 黄門也。 左右丞,漢制皆宦者爲之。 掖 一人。《唐 版庭右 氏 · 小 周 成《雜 亦必宦者。 丞周氏撰。」又云: 學 類》有: 書 無周氏書。 字》一書,玄 . 藝文志》有「周 如注《爾雅》之李巡,亦 亡。」似周氏與周  $\overline{\ }$ 雜字解詁》 且兩《志》所 應《一切 攷《隋書· 此書否。 魏 梁有《 成《 承 漢 四 解 成 解文 經 載 制 卷, 掖 周 非 經 音 文

#### 龍 龕 手 鑑

《龍龕手鏡》,今改「鏡」爲「鑑」,蓋宋人 未 郭 經 藝文志》,有可 隨函》、《西川隨函》諸名。又引應法師音、 有《舊藏》、《新藏》、《隨文》、《隨 諱嫌字,如石鏡縣 筆,知是南宋所鈔。 太宗至道三年也。 法炬序,題云「統和十五年丁酉七月」, 者影宋鈔本,前有燕臺憫忠寺沙門智 , 逡音、 音義》十五卷,其即應法 知其爲江 契丹僧行均《龍 或作郭氏。 西 洪《藏 與 西 琳法師説。 改日 ]1[ 晁氏、馬氏載此書 書中於「完」字闕 經音義隨 龕 也。 石 手鑑》四 1師乎? 照矣。 僧元應有《一切 予攷之《宋· 函》三十卷。 卷,予 函》、《江 注 中 即宋 本名 所 避 末 光 所 西 庙 引 見

三 四

## 六書正譌

六書之異端,而自稱「正 爲「鍾虡」之「虡」,誕謾叵信,視同戲劇。 而妄合之。「屚」从「尸」,尸即屋也,而改从 从「辛」,而改从「立」。「賣」、「實」本兩字, 从「牙」。「卬」本从「巴」,而改爲二人相向。 之「燎」,「樣」爲「式樣」之「樣」。 「淫」本从 字,「肕」爲「堅韌」字。 許氏,又妄增《説文》所無之字。 「广」。甚至以「戊」爲「戈矛」之「戈」,「庚」 「壬」,而改从「王」。●「堂」本从「止」,而改 ·敚」、「敘」皆从「攴」,而改从「文」。 「妾」本 「觸」,「戊」爲「山嵐」之「嵐」,「岌」爲「庭燎」 稼穡」字,「器」爲「器皿」字,「笑」爲「矢鏃」 周 《伯琦《六書正譌》多采戴侗説以訾議 「隼」爲「觗觸」之 譌」,果誰 Œ 如「種」爲 而誰 此

# 文場備用排字禮部韻注

乎?

云。 校, 記一方云「皇朝科試,舉子所將 初 前後殊未畫 注》,它卷皆題《善本排字通併禮部 詳,擇焉 然惟張禮部敬夫定本最善,今復以諸 廟諱止於英宗,而今上皇帝不名,似是泰定 刻,後來翻本,未及增添耳。 一韻爲增數字,凡增三千餘字。 第一卷首題云《文場備用排字禮 此至正壬辰徐氏 而精,敬用梓行,爲文場寸晷之助 \_\_\_ 前載科舉條例甚詳, 一山書堂刊本。 上下平聲各 一禮 韻 釋 韻 所 略 焉 韻 前有 耳。 列 韻 參 而

王部》改。

0

十駕齋養新録卷十三

三五

三一六

部》舊式,但未知張禮部何時人耳。同。而每韻下「與某同用」云云,尚沿《禮十五、上聲廿九、去聲卅、入聲十七,與今韻

# 萬斯同石經攷

肯 睹必不誣。 間,則蔚宗未嘗官洛陽。 晉初人,其撰《四體書勢》則 石 在宋文帝之世,其時洛陽已非 以相參校」一語欲翻此案,●謂蔚宗得于目 者爲魏刻,既確不可易矣。季野執《後 誠、洪景伯諸人攷定以一字者爲漢刻,三字 經 無 • 故 而 儒林傳 石經一字、三字之分,紀載各殊。 而跳身邊徼,更無 睹之? 甚矣,季野之惑也! 序》「爲古文、篆、隸三體 若云目睹在義熙、永初之 晉時膏粱公子豈 此 情 云「正始中立 理矣。 宋土,何由 蔚宗著 衛 書 趙 恒, 書 法 漢 明 得

> 增此 野以史學自負,何亦憒憒若此? 聞太學有三體 矣。兩人真目睹《石經》者,並以三字爲魏 中,又立古、篆、隸《三字石經》樹之堂西」 悉在東側。 有三體,唯《儒 帝紀》、《蔡邕》、《張馴》、《李巡》諸傳俱 立三字」,則漢刻祇有隸書,不待言也。 于三字言之。漢人必無一字之目,但言「魏 正始刻,則一字爲漢刻何疑?  $\equiv$ 水經》則云「《漢碑五經》立于太學講堂前, 字 語。 石 經》」矣。 後來又承蔚宗之誤,不能 碑上悉刻蔡邕等名。 林傳 石經,誤仞爲漢熹 酈 序》有之。蓋 道 元 生 長 平所 洛 字者,别 都, 訂 魏正始 一蔚宗 正,季 刻,遂 不云 其 習 靈

● 「校」、《後漢書》卷一百九上《儒林傳》作「檢」。

史記宋元本

白鹿本矣。 《正義》,江西白鹿本有《正義》,是柯本出 約與柯本不異。《史記索隱》、《正義》皆各 爲一書,前有費懋中序,稱陝西翻宋本 皆有《索隱》而無《正義》。 元中統刊本,計其時在南宋之季。 三山兩本,皆在淳熙以前,其時《正義》猶單 自爲書,不與本書比附。 柯維熊校本金臺汪諒刻。 蔡夢弼刊本亦在淳熙間。 善,此淳熙辛丑官本也。 索隱》於《史記》者,創 澄江耿秉刊於廣德郡齋者,紙 予所見《史記》宋槧本,吴門 同時震澤王氏亦有翻宋本,大 始合《索隱》、《正 自蜀 明嘉靖四年莆田 黄蕘圃 宋南 海寧吴槎 本,繼有桐 渡後始有合 所藏 顧 此三本 墨 抱沖 客所 最 三山 川 義》 于 無 藏 精 所

> 之,凡《正義》之文與《索隱》同者悉從删汰, 在淳熙以後,蓋以《索隱》爲主,而《正義》輔 行也。白鹿本未審刻于何年,以意揆之,必 自是《正義》無單行本,而守節之元文不可

#### 竹 紀 年

攷矣。

《竹書》云「夏啟二年,費侯伯益出就國。 年,伯益薨」。 所得之本也。 然則今之《竹書》乃宋以 爲后,啟所誅」。見《疑古》、《雜説》等篇。今本 干天位,●啟殺之」。《史通》引《竹書》云「益 《晉書·東哲傳》稱《竹書》之異云「益 與 束 哲、劉 後 知 人僞託,非晉時 幾 所引全别。

0 「天」、《晉書》卷五十一《東哲傳》作「啟」。

十駕齋養新録卷十三

代 況 此 鼂 謬 之年,孔 後,則紀魏君之年,未有用周王年者。 春 固 古者列國各有史官,紀年之體,各用 紀年》改用周 僞 氏、陳氏、馬氏 之 人 未 在 例 秋 識 空疎 撰 可深信,要必不 起 時, 秦、漢以 水 於紫 也 子修《 經 皆 故 無 注》 紀 學,而 陽 愚 上 晉 引《 春 以 王之年,分注 綱 乎 君 書目 秋 爲 目》, ! 好 竹 之 ジ亦 是 ·如俗 講 書  $\wedge$ 年; 皆無 書 書 唐 紀年》出 用 紀 必 法 本 以 年》 其 此 明 前無 之妄; 三家 法。 乃有 晉、魏於下, 之文, 書, 人 於魏、晉, 所 此式 分晉 今俗本 知非 此 八章,宋 等 其 唯 其 也, 宋 迁 明 國 以 於 蓋

顯 破之」,●注云「不 秦蘇 王十六年,「秦伐 此書蓋 胡帥 師 采 伐鄭,敗蘇 摭 ·知是何 諸 韓 書 閼 所 年」。 與,惠 引, 胡开 補 又三十一年, 酸水」, 成 湊 成之。 王使趙□ 注云 如

> 十五 何 如此,則紀年歷歷,何云「未的」,又云「不 未的」。 「不知何年,附此 王七年、「翟章救鄭、 示 年」耶? 知是 年,「 此《漢書》臣瓚 何 楚得 年 附 吾 此。 帥 注 《水經注》引此 師 次于 一所引, 伐 水經注 鄭, 南 無 年月。 屈, 圍 所 綸氏」, 引 條無年月。 注云「 無年。 如 係 注 古 此 又三 知 本 赧 年 云

文 俱 傳 年 滅 年矣。」於《殷本紀》引《汲冢紀年》云: 紀年》云: 附注 (志)載《紀年》亦不言沈約 不 也。」此二條今本《紀年》俱在附注中, 夏以至於受二十九王, 言曾注《紀 裴駰《史記 出於梁沈約,而《梁書》、《南史》約 「有王 集 年》、《隋 一與無 解 》於《夏 王,用 • 用歲 經 有 本 歲 籍》、《 附 紀 四 四百七十 注 》引《 百九十 唐 則 「湯 汲 流 傳 藝 傳 六 相 冢

❶ 「□」,上海古籍出版社《古本竹書紀年輯證》作「重」。

之説不足據也。 史記》已引此文,則此 裴氏生於休文之前,其注 語不 出 於休文明矣。

此 志》、《宋書》約所撰,故注亦託名休文,作僞者之用心 年》正文,未嘗别 有注 也。 附注多采《宋書· 符 如 瑞

裴氏不云《紀年》有注

則

此兩條者實《紀

事 篇,記夏以來 證 夏后,今本乃始於黄帝,亦後人僞託之一 至安釐王之二十年。」據此 接之; 也。 晉 書 今本脱 • 束 至 周 「晉」字。 皙傳》云: 幽 王 三家 爲 犬戎 知《 「《紀年》 分, 紀年》 所 仍述 滅 實始 十三 魏 以 事 晉

使不 北 在 德衰,爲舜 + 濮州鄄城縣 五 與父相見也。」今《竹書紀年》乃宋以 史記正義》引《括地志》云: 里。 所囚 《竹書》云舜囚堯, 東北 也。 十五里。《竹書》云昔堯 又有偃 朱故 復 城,在 偃 「故堯 塞丹朱, 縣 後 城

書

謂

人所 撰,故 不 取 囚 堯偃朱之説

#### 十六國 春 秋

見此 不直 附合成之,其實亦贋本也。 寥寥數簡,殆出後人依託, 穎《運歷圖》載前涼張寔以下皆改元,晁氏 崔鴻《十六國春秋》,則鴻 志》、《崇文總目》,晁、陳、馬三家書目,不 凡百卷,蓋 嘉興屠喬孫、項琳之所刊,前有朱國祚序, 久不! 不知所據,或云出崔鴻《十六國春秋》,鴻 見於何鏜等所刊《漢魏叢 書者。 一哂耳。 今世所傳《十六國春秋》凡 傳于世,莫得 鈔 明 撮《晉書·載 人好作僞書,自 又致《北 而攷焉。 史・ 書失傳已久。 記 攷《宋史・藝文 書》, 崔 其 》,參以它書 是宋 鴻 具 一明萬曆中 僅 兩 傳 眼 本 十六卷 者 人 觀 已 鴻 既 之 無 壟 其

養新録

=== 0

敘 蜀 稱「亡考刊著趙、燕、秦、夏、西涼、乞伏、西 卷,今本無《序例》、《年表》。 等遺 事 春秋》百 加 載, 無贊論, 爲之贊序,褒貶 此其罅漏之顯然者。 别 作《 序 例》 評 又鴻子子元 論。 卷、  $\sim$ 年 今本: 表》 有 奏

## 吴越備史

卷。 後 洪刻本。 卷數不合。 范 霸 謂 記 坰、 史類載 錢 范 《世善堂書目》作 卷,始 嚴所作,託 坰、 林禹 旲 八越備. 逝 前五卷、唐、五代及宋開寶 此書,十五 撰。 開 勝 五卷之末題云: 寶己巳, 史》,卷首題武 軍 名林、范。 又别 節 九卷。 度 有錢儼《備 卷,亦云錢儼撰,託名 巡 訖端拱 今世所傳 官 《宋史・ 林 勝 禹 (戊子, 「大宋嘉 軍 撰 史遺 乃 節 藝文志 與 明 戊 陳 度 事》 史志 掌 錢 祐 辰 振 五 德 書 孫

> 中 岱序謂: 有 自 本止四卷,又稱忠懿爲今元 手,岱蓋攷之未審矣。 世家疑辨》一卷,德洪序中初 六 世 寫。」攷程俱《北 夷 使、提舉戎瀘等七州賊盜甲兵、 年 度使元璙之曾孫、於武 讀之。 補 孫 人公事、 乾祐戊申至端拱戊子,終始歷 卷,刻之姑蘇。 丙 集賢殿修撰、 遗? 緒 申 Щ 范、林二記 歲 公命門人馬蓋 正 上護 顯 月七 係明人妄改。 軍 Ш 知梓州軍 日 室撰《備史》五卷,至十九 賜 小 今攷蓋 朝 集》,中孚 紫 錢 奉 蕭爲 金 臣 郎 遵 臣 魚 州 補 惜 帥 王 所 四 袋 事 不言補遺出 守 忠懿 不 記 代 實 撰,唯《 四 專 兼 尚 吴越國王, 然,何緣 得 其 中 代 孫 句 管 書 遺 當 遵 家 旲 也。 孫 内 刑 事 吴 軍 王 藏 中 納 橋 部 本 越 更 其 錢 平 節 溪 道 郎

《春秋》褒貶之法, 禪、 棼之也。 出 虚 歐、宋兩公未之許也。 王傳》,今本皆不爾。 甫 恩不當立傳,宜見于《鐵勒傳》; 條,按之《本紀》,無 以《新書》攷之,殊不 夏 新例》益復煩 新 美,不隱惡,據事直書,是非自見。 卿於仁宗朝預 同傳,不入《文苑》; 書立皇太子、書立皇后、 意,掉弄 唐 書直 筆 一兩字以爲褒貶,是治 碎 新 修《唐書》,故作此例。 非 例 而其 體 ·相應。 是夏卿雖有此 同者。 歐公《本紀》 李適之當附《恒 卷, 病 史家 即 書命將征 宋 如書母、 在 紀 又 吕 此。 謂 事 夏卿 李白、 唯 僕 議, 書内 若 頗 固 絲 在 夏 伐 杜 各 今 卿 慕 懷 諸 不 而 Ш

> 《繫年録》,乃高宗建炎四年十月事, 先 翰乎? 敘 宗御集,建於大觀 於徽宗崇寧之年,此甚 和前十有四年,崇禮尚未登科,安得 「登重和元年上舍第」, 郡,拜徽 年四月, 事 有學士也。 多 薛 方 疎 崇禮 猷閣 以綦崇禮 Щ « 漏 宋 由 學 其 翰 士 年 元 月 二年,在崇寧之後,不 知 權 通 林 鑑》意 漳 直 率 出 可笑。 而 州。 學士院。 不可 知漳 崇寧四 在 信。 攷崇 州 推 徽猷 崇道學, 據 崇禮 禮 如崇 年 閣 李 遽 乃 丽 本 求 藏 心 登 在 傳 寧 哲 書 傳 内 重 便 굸 刀 而

書以 適 預 徐 郊祀 元祐二年, 州 云云,遂以 布 衣 陳師 書召陳 道爲本州 寒疾 師 卒。 道 爲 教 按 祕 授,此見於 是 書省正字, 年四月,

十駕齋養新録卷十三

<u>=</u>

隨 城 軾 日 長 爲 除 陳 編》 先 知 IE 今繫之元祐二年, 字, 生 州 可 集記》 信 則是 殁 者 于 也。 元 建 稱 祐六年事矣。 中 「元符三年除 其 . 靖 後 國 其 改 爲 元 潁 年 疏謬甚矣。 州 十二月廿 棣 魏 教 州 授 衍 教授, 撰《彭 時 九 蘇

## 唐律疏義

以 永徽 監 今所傳者元 曰《名例》、 修 廄 詐僞》、 元 國 四年十一 庫》、 唐律 亮 史、 釋 日《衛 日《 日 上 疏 文 泰 柱 月十 義》三十卷, 擅 定 雜 國、 興》、 禁》、 律 四  $\stackrel{\checkmark}{\sim}$ 九 年 趙 旦《 日《 日《職 日 江 或 進。 西 公長 捕 賊 太 刊 美 制》、 盗 尉、 其 本 孫 分門十二: 揚州 日《户 無 日 每卷 忌 鬭 斷 等 都 婚》、 末 獄 撰 附

唐

高

祖武

德四

年,

詔

僕射裴

寂等十

五

便者 位 即 六 者,舊是死刑; 當有「貞觀」字。 十二卷」。 死 其 令》,議絞刑之屬 後蜀 ,「二年,韶 撰《 年 刑,殆除其半。 在 奉制 太宗即位之歲,故猶 四十餘事,遂 律 王府 **令**》, 改爲 此據《 法曹參軍 大 長 加 略 孫 據有 役 武 今攷《疏義》云: 文 五十, 除 無 以 流。 德年 獻 斷 忌、 裴 開 通 司 趾 是 皆免 -中改 宏 皇》 房元 致》。 稱 定律 法 則 獻 武 爲 爲 改 又 死 德 爲 龄 五 加 準 駁 絞 而 也 斷 等 役 百 刑 一年」上 「條,分 趾 流,比 律 斷 復定《律 爲 加 太宗 令》 右 役 貞 觀 似 流 即 趾

《 刑 漢丞 律》、《毀亡 爲九章 賊 名》 法》、《 相 魏 ·之律。 蕭 李 冠 囚 悝 何 ·律》、《告劾律》、《繫訊律》、《 於 一始造《 法》、《 益 律 以 魏 首, 明 户》、《 捕 法 帝 又 法》、《 經》六 分 更定新 興》、《 立  $\wedge$ 雜 篇 劫 律 法 廄》 日 掠 + × 律 ^ ^ 盜 具 篇 斷 法》。 法 獄 以 是

律》、《 律》、《 例》、《告劾》、《繫訊》、《斷獄》、《 四 囚》、《捕》、《 年頒 請 償 新 賕 律, 律 律 雜》、《户》猶仍舊名。 因 × × ^ 漢《 免 興 九 坐 擅 章》,增《 律 律》,其《 × ^ 留 盗 刑 律 請 \*/ \*/ 財》、《 名》、 晉泰 賊 警 ~ 詐 法 始 事

篇 僞》、《受賕》、《告劾》、《討 篇,合二十篇。 曰《刑名》、《法例》、《盗 梁武 帝天 捕》、《繫訊》、《 劫》、《賊 監 初, 頒 叛》、《 律二 斷 詐 +

所

因

也

僞》、《水火》、《毁亡》、《宫衛》、《諸侯》

+

獄》、《 齊河清 火》、《倉庫》、《廐》、《關》、《市》、《 雜户》、《 三年, 制《 擅 齊律》十二篇, 興》、《毀亡》、《衛 違 口《名例 制》。 水 北

鬭 禁衛 賊 户 盜 婚 **>**′< 捕 擅興》、《 斷 違 毁 損 制 //》、《 底 詐 牧 欺

户 雜律 刑 名》、《 水 法 後 火 周 制 武 帝改 祀 興 擅 享 新 \*< 律 朝 爲二十 衛 宫》、 會》、《婚 五篇, 市 姻

 $\wedge$ 

 $\wedge$ 

隋文 請 關 鬭 求》、《告言》、《 津 競 帝 \*\ 開 諸 劫 皇 侯》、《 盜 初 × 定 ^ 逃 新 賊 廐 亡》、《 律, 牧 叛 ×, 繁 毁 雜 名 《訊》、《 犯 例  $\forall$ ^ 斷 詐 違 獄 制 僞 衛

律》、 興》、七《賊 + 職 制》、 盜》、八《鬬訟》、九《詐 捕 ×, 四《户婚》、五《废 十二《斷獄》。 爲》、 庫》、 此《唐 十 雜 擅

#### 史 通

宫》、《

時 后、 柄,不克施 職,既沮 陳 史局 中宗之世,三爲史官, 劉 遵 齊》、《周 知 抑于監修,又見嫉于 幾沈 守 行, 者 潛諸 感 不 》、《隋》六史之例, 憤 调 史, 作《史 貞 用 觀 再 功 所 通》内、外 數 人 修《晉》、《 同 東 + 列, 觀 年; 故其 篇 議 思 梁 舉 及 當 其

書,代 之論 哉! 未 述 諸 莊 楷 有 匪 教 以 易 所 恐 斥 主 生。盗 施 臣 万 心 由 罪人,自是百世公論。 諛 侮 顧 讒 尤 新唐》往往采其緒論。 貢, 聖之 忌。 謗取 都 籍 Щ, 行,後代 知其意而莫逆者。 衷,柳翳隱形,志在 今,假大言以 多 言之制誥 然劉氏用 改, 貫, 與 跖》之義。 夫豈 甚至疑古惑 詞 禍 但 志 宰 不 遂 奉爲科律, 土 相 取 以 不知 祖 不録, 功既 於遷、 物 舊望, 世 掩 宗 一茂古, 不 系,與 後人大聲疾呼, 目爲 詆 敕 叔 異 深,遂言立 毁 五 經,誹議 孫 固 撰 有 誰謂 先 避禍, 已降, 之 行災變,不言占驗, 不然,六經三史,模 之毀,無 真諸《外篇 志 韻之贊 要之蚍 叢 朝之跡。 本 如受禪之詔 亭之 氏 著 族 千載之下, E 肆 輒 書無益 而 全删 何 聖,陽 説 蜉 意 加 傷 不 殊, ·撼樹 觗 彈 日月 朽、歐、  $\forall$ 恥 排 射 哉 策不 時 地 竊 巽 儷 爲 語 也 理 必 言 名 取 辭 狂 無 又

# 司馬温公稽古録

佐、 人 建 殆編纂匆遽,或 貞,於聖祖 彦貞之類,又直 朗、許敬宗、敬暉、馬殷、朱守殷、李匡 允 如 元 減 朗 威 中之類是也。 作 凡三見、恐出 儲 秦朗作 暐 諱 劉彦貞作劉彦之類是也。 事 作 者 石 陳 如尹 明、敬 ,於英宗 少 崔 往往易以 章云: 秦元 暐、 元 翼 翔 慶 張 明、 後 祖 廟 點 以它字。 作 書不 作 然其中 敬 竄 人 諱 諱 謝元作 温 恭 尹 達 (擅易, 皆 公是 未 避。 慶、 翔之類是也。 作 至 稱 避 如 張 張 諱, 耶? 謝 如 非 而 劉 達、錢 元 幼 王 否, 尤不 李 宏、 本文矣。 於古人 而 遇 匡作 度、王殷 或以字易名, 敬元 卷中 末卷書 作 桓 宏 元、徐 張 Ŧ 或二 佐 作 姓 陳 미 威、 遇、 輔 李 作 仁宗 作 名 敬 名 錢 崔 圓 Ŧ 石 犯

# 鼂公邁歷代紀年

常跋。 字 以 未  $\equiv$ 未,二月初吉,當即以其 散 廣州,見公邁題名]云。 下世後二十有四載,當紹興之辛巳,予 一載耳。 仲皓 郎、 包跋證之,蓋唐虞三代至兩漢也。 七月鼂子綺後序,及紹熙壬子季春 鼂 提舉廣東常平。 公邁字伯咎,號傳 公邁《歷代紀 予所見係南宋槧 年》凡十卷,有淳 紹興 據子 年卒,距辛巳 密居士,官 本, 闕第 綺 九年,歲在 序 稱「 右 子綺 祇 族 包 熙 卷, # 己 在 父 朝 履 Z

# 胡五峰皇王大紀

弊。

《太史公書》述《五帝本紀》始于黄帝。

《三皇紀》,伏羲至堯、舜爲《五帝紀》,夏、 矣。 後儒生侈談邃古,而荒唐之詞流爲丹青,蓋好奇而不學之 傳》,列少昊金天氏於黄帝之後,於是三 班 其後矣。 遼古之初,無徵不信」,則當時有識者早議 氏《書録解 盤古氏蓋起於此,而陳桱續編因之。 商、周爲《三王紀》。 紀》以盤古、天皇、地皇、人皇、有巢、燧人爲 蘇轍《古史》皆上溯伏羲。 五帝之目,五德代嬗之序,昭然 首太昊伏犧氏、炎帝 固《古今人表》、《律 宋劉恕《通鑑外紀》、司馬光《稽古録 羅泌《路史》在胡宏之後,徵引益爲奧博。 題》譏宏誤取《 編年之書,追述上古始 神農 歷志》依《易 莊子》寓言,及敘 獨胡宏《皇王大 氏,又依《左 其 • 不 繫 然 可易 詞 皇 氏 陳 自

十駕齊養新録卷十三

#### 東 家 雜 記

皆作「勹」,避思陵嫌名。 記》中。 移文》、《擊蛇笏銘》、《元祐黨籍》三篇,恐皆 氏世系, 訖于五十三代孫洙, 計其時代, 聖公,其時傳已稱本家尊長,而卷中所述孔 壇圖説》,與錢遵王所記 在南宋之季,蓋 不忍質言之乎? 記》,其 朝 改「祖庭」爲「東家」者,殆痛祖庭之淪陷, 寅三月自序。 人妄增,非 議 大夫、知撫州軍州事傳所撰,有 東家 書雖不傳,猶略見于孔元措《 此則從思陵南渡以 雜 傳 記 傳於宣和六年嘗撰《祖 後來别有增入矣。 意 》二卷, 攷四十九代孫 也。 孔 卷中「管勾」之「勾」 正同。 閒 子 有不缺筆者,元 四 後,别爲 十七代 玠, 又有《北 卷首《杏 襲封 祖 紹 編 庭 興 庭 孫 輯 當 而 Ш 衍 右 雜 甲 廣

> 改今名。政和五 世文,初名若古,元祐 司管勾文字。 修 改之葉, 辨 宣 宋 和 年,以朝奉郎 板 六年, 者 四年 當 以 以 除 朝 此 仙 散 任 决 源縣 京 大 之。 東轉 夫 主 知邠 運 字

初

#### 孔 氏 祖 廣

州。

《家譜》、《雜 大夫知 代 獻至是始備。 因「祖庭」之名而 翰《家譜》舊引、宣和六年四十七代 八年四十六代孫朝議大夫知 一,復增益編次,冠以圖 孫襲封  $\sim$ 孔氏祖庭廣記》十二卷,先聖五 邠 衍聖公元措夢 州 記》本各自爲 軍 書成于金正大 州 更 事 一稱 傳 廣記」,蓋 ^ 象,并載舊碑全文, 得 祖 所 書,元措 庭 八四年。 洪州 編 雜 記》 仙 軍 前 始合爲 孫朝散 前 源 州 載 舊序。 十 之文 尚書 事 元 宗 豐

了也。 時 永貞 禧殿 凡十二世,别有世系譜牒,此下不復具 以 王 丞 思事,第三卷爲太師、東平武靖王霸突魯, 祐四年九月初四日, 于塔思之下注云: 行省木華黎事,第二卷爲 交元復初作,趙子昂寫了刊行,者麽道聖旨 後 拜住尚未官丞相 兀都台,大司徒、太常禮儀使拜 相、東平忠憲 (所撰) 世 裹 元永貞《東平王世家》卷首 襲國 有 第一卷爲孔温 時分拜住 東平王世家》三卷進上。 王,此 王安童,大司 書專爲安童 也。 司 拜住怯 「自王至今國王朶羅鯧 徒、 窟 扎剌 哇、 國 濶濶絹 薛。第二日,嘉 王孛魯、國王塔 太師、 爾氏自木華黎 徒、 支 一葉, 平章,將 東平忠簡 住 國王、 而作,故 事。 奉聖旨 載 是 都 延

奉祀。 年也。 印 後乃改爲汴梁 望日。」壬寅者,元太宗六皇后 謹增補校正 帝聖旨,於南京特取襲封孔元措,令赴闕 左 百餘載,良可喟也! 見,無有作「升」字者,乃知宋、 并官氏,今檢《東家雜記》及此書,并官 于曲阜。 金亡已十年。 云: 丞 本。 致仕 自明人刻《家語》,妄改爲「秆」,沿譌三 大蒙古國領中書省耶律 予嘗據漢、宋、元諸石刻證聖妃當 來時不能挈負《祖 金以開 張行信爲之序。 今何夢 一,重開以 封府爲南京,元初尚沿其名, 蒙古未有年號,當宋淳祐 路。此 華 所 廣其傳。 藏,紙墨古 書初刻 庭 此 廣記》印 本 於開 稱制之年, 元 壬寅年五 最 楚 雅 刻 材 後 封,再 的 本 奏 有 板, 之可 准 氏 爲 五 屢 爲 刻 月 初 距 今 里 皇

三七

**今**元 趙 也。 頤 此 譜 傳多采此 據此《世家》,知延祐之世襲王者爲 書前· 跋 孟頫字而不名,其優禮 牒,兵亂皆付之煨燼矣。 史於木華黎、孛魯、塔思、霸都魯、安童 , 自署夷門, 史》於 有 文。 元 、塔思 明善序, 蓋 下 則是汴 其書以刊 襲 即 國 :梁人 奉 王 敕 儒臣,良可稱 者 仁宗於元明善、 刻 也。 所 得傳,它貴族 並 作。 闕 而 朶 後 不 羅 有 道 書 王 解

## 聖武親征録

事 於睿宗 皆在世祖至元三年, 太祖聖武皇帝謚。 「太上」之稱於其弟,所謂名 ,不著撰 皇元 有太 聖武親征録》一卷,紀太祖、太宗 人姓名。 上 一皇之稱。 攷《元史》, 則至元以 其書 然 載烈祖 紀 不 後人所撰,故 烈祖、太祖 太 Œ 宗 神 而 芫 言 事 皇帝、 不 而 溢 順 加

> 者矣。 善,而 略。 名。 刺合蠻也,兀 爾忽也 異者,如王 識 赤顔》名曰《聖武開天記》。」其書今不傳, 與此 也。 《元史·察罕傳》: 元初事 一,闖 所 録有異 紀 拜 孤部即汪古也,博羅 多開 即沈 相撒 迹 同否。 亦 或 白 兀即吾圖 可 時 也,暗都 藉以攷證。 事, 雖 不如《祕史》之完 「仁宗命譯《脱 而 撒合里耶律楚材賜 於平 刺 蠻 渾 其譯 即 那 金 取 奥 顔 即 夏 之 博 未 心 頗

台。 爾、 也。 定童、霸虎帶、和 卜 速渾察、襲國王。霸突魯、 國王。字魯子七人: 乾、 木華黎、不花、帶孫。 予向 孔 兀 阿里乞失。 都台 温 據 窟 元明善《東平忠憲王 一子拜住。 哇子五 童。 霸突魯子四人: 塔思、亦稱查剌温,嗣國 襲國王。 此世 伯亦難 木華黎子孛魯。 忽魯虎兒、 「家》所 安童子兀都 、野蔑乾、野 碑》,稱霸 述 期 安童、 世 里 Ŧ 窟 嗣

以

以

脱

即

也。

以

霸

都

魯

之後 忽林 國者 文忠王拜 係進呈本,當必不誤矣。 與《元史》同。 爾也 世家》作序,當悉其 與《世家》合。 一碑》,乃復 忽 朶 都 爲 脱之子朶兒只襲國 池 襲國王者,孛魯也,塔思也, 羅

解
之

弟
乃

蠻
台

襲

, ,見《元史·乃蠻台傳》,阿里乞失之子。 速 中 一百年,稱孤者十五世。 間 魯 也 塔 忽爾之子,天歷 思第 住 爲字魯子爲誤。 尚 速渾察子,見《元史》。 碑》, 有 與此版 《世家》係拜住門客 二子, 七人,今無 此 稱 高 書撰于延 牾, 疑《元 昭 祖 初 何耶? 穆之詳, 孛 至正八年卒。 玉。 從 元明 口 魯, 今 史 上都舉 攷矣。 和童也, • 祐 後至元三年, 曾 世 今按木 善既 家》所 而 木 四 黄溍 祖 速渾察也 1所編, 年, 其 華 霸 兵見殺 奉詔 朶 朶羅 忽速 撰《 撰《 黎 都 華黎 云 羅 載 魯, 傳 安 編 艄 忽 傳 鄆 又 正 爲 上上卷。 碑》, 同 與 四 明 師 4 事 年

IF.

童

年,詔修《平宋録》十卷。 立、寇元德 德碑》,史周卿撰,至元 至正三年正 淮忠武 善撰。 人。 此卷數 淮安忠武 渡 劉敏 尚 平宋録 有 世祖至元元年 江官員。 王 若至 ^ 阳 不合,且 中撰 廟 丞相淮 跋。 术、 月 E 碑》,王沂  $\Rightarrow$ 跋。 正 一卷,《 并 阿 贈 ^ 書。 四 以上下卷。 至 當 里 王 謚 失末 年 海 時 正 畫 制 ^ 丞 入覲,至英宗敕立 追 撰, 十三 涯 雖 四 頁。 像贊》,蘇天爵撰。 》、《淮 淮安忠武 封 相 諸 以 相傳劉 年追 揭徯  $\sim$ 按 淮 年 賀 伯 丞 ( )不 Ŧ, 建, 平宋表》、 安 顔 封 相 斯 爲 敏中所修, 忠 至元 淮 更在敏 伯 E 應 書。 卅 大 武 一碑》, E 專 顔 將 + 公勳 Ŧ 記 制 年 至 ^ 碑, 中 īF. 重 廟 太 伯 元 而 以

顔

既没之後,此録必非敏中所修之本。

五

月公文

道

計

百六十五

路統軍鄭江》事,皆《元史》所遺。 年,巴顔 敏中撰,舊 封瀛國公韶》、《巴顔賀表》,及《追贈 四 庫 下臨安及宋幼主北遷之事。 簡 題平慶安者,誤 明目》有《平宋録》三卷,云 也。 記至元十三 河 所 載 劉 南

#### 祕書 志

署》、曰《進賀》、 郎 編次,凡十一卷,分門十九, 公使》、 分監》、 纂修》、 禄秩》、 王士點、 元《祕 日《 旦《 日《守兵》、 曰《十物》、曰《紙劄》、 書志》四册, 承事郎 祕書庫》、 印章》、 曰《題名》。 祕書 日《工匠》、 曰《廨宇》、 日《 監 承 司 著作 務 天監》、 前有 郎 日《 日《 日《 旦 佐 祕 食本》、 雜 職 書監 至正二年 公移》、 郎 三 制 商 録 × 著 興 企 文 日 翁 作 日 日 日

# 復齋郭公言行録及敏行録

辛未」。 使。 表而 皆有黄文仲、林興祖序。 名,由江淮樞密院令史歷官福建都轉 名郁,字文卿,汴之封邱人,金 敏行録》則 編類運使復齋郭公敏行録》各一册。 出之。 《言行録》者,福 黄蕘圃買得《運使復齋郭公言行 自來搜輯元代藝文者皆未之及,爰 時投贈詩 州 [文碑] 路 黄序題「至順 教授 記 末 也。 徐 避兵遷大 東 兩 所 録》及 二年 郭公 録》 編

# 明諸司衙門官制

明諸司衙門官制》三册,不分卷,其目

録 册 故 長 官司一百五十三處。 撫 十 處,縣一千一百八處,鹽 察司十三處, 、陵、景 五 蘇州府無太倉州, 司 稱天下各布 一處,軍民 千七百二十二處。 職 八處,安撫司廿 衙 陵、獻 門 所 府 府一百卅九處,州二百廿 政 陵、 列諸陵衛 + 司、 裕陵, 松江府無青浦縣 按察司、 處, 一處,招討司 不載編次年月。 名 宣 運 則是成化時 布 ,孝陵而 慰 司 政司十三處, 府、 七處, 司 十二 州、 外 提舉 縣 也。 處, 處, 刊 唯 據 等 本 末 長 有 宣 衙 司 五 按

### 文獻通致

見,以爲史局不出一手之弊。若馬 家之説, 籍攷》係 子 讀 二人 乃 唐、宋史《藝文志》, 亦 有 所 重 編 出 輯,所 者 采者 如 陸 往往 不 德 過 明 貴與《 晁、 書 經 典 陳 而 經 釋 兩 重

> 著作之家多不免此弊,彼此相笑, 草》與《證類本草》即 五又有李匡義《資 卷二百四十八《摠集類》。 詩集》一百卷,見卷百八十六《樂類》, 六《小説類》。《小説類》作三卷。 五卷,見卷二百一《故事類》,又見卷二百十 卷百九十《小學類》。 文》三十卷,見卷百 三卷,見卷二百十四《雜家類》,而卷二百十 文乃字形相 涉 加 譌 暇》三 八十五《經 一書,而誤分爲 也。 宋敏求《春 卷,不知「義」 李匡文《資暇集》 唐慎微《 郭茂倩《樂 解 明 類》, 退 自昔 大觀 朝 又見 又見 然 府 蓋 本 與

爲 荆 而 河 杜 改荆 君卿《 州 河爲 馬 通典》志 氏《 豫, 輿 得 地 州 其當矣。 攷》 郡 避 雖 唐諱, 承 乃於《古揚 杜 改豫 典》 舊 州

) 「文」,當作「乂」,然《文獻通攷》即誤作「文」。

帙 置 州 南 下云 重大, 荆 荆 泂 河 一分分 州, 州 荆河 時失於檢照故 云 置 此 州 南 數 梁 刺 兖 處 置 史祖 州 猶 南 沿杜 荆 約 南 河 」,云「齊因之, 荆 本之舊,殆 州」,云「尋改 河 州 又於 由 卷 爲 兼 촒

### 永樂大典

之言,備輯爲 其 便, 學 書,至於天文、 書,篇帙浩穰,不易檢閱。 載 事 如 士 如 朕 物 解 雖 探 明 意 縉等 類聚 有 囊 實 取 録》 統 之, 日 物 一書,毋厭浩緐。」 凡 而 地 永 採 爾。 書 志、 而 樂 摘不 契 統之以 元 天 陰 嘗觀《韻府》、《 以 年 下 廣, 陽、 來 七月, 古今事 經 醫 朕欲悉采各 紀載太 韻 史子 人 庶 諭 僧道 物 集百 幾 略。 翰 П 攷 散 林 溪》二 技藝 家 索 載 侍 爾 書 之 等 之 諸 所 讀

子監 官及 縉總之。 部。 成》。 文淵 爲 而敕 東按察僉事晏壁爲 隆,宗人府 籍梁用行,庶吉士楊相,左春坊左中允尹 王 潛、吴溥、 國 總裁。 土 洪、蔣驥、潘畿、 子祭酒 少師 太子 閣 及 四 既 解縉等進 賜縉等 命 在 而 年 方宿學老 李貫、 <u>+</u> 胡儼、 命 外郡 姚 少 上覽所進書尚 翰 光禄寺給朝 經 翰 師 廣孝等進《重修文獻 林 百 歷 縣 林 姚 月, 院 楊 四 所 司 高 學 學士王景、侍讀學士王達、 儒 廣孝、刑部侍郎 王 觏 侍 經局 纂 十七人鈔有差,錫宴 翰 得 能 副 有文學者充纂 偁、 、曾棨, 講 録 林 暘, 總裁。 書 暮 鄒緝, 洗馬 韻 院 蘇伯 1生員 多未 吏部 . 膳。 書, 學 編 楊 士 厚、 賜 繕 命 備,遂命重修 修撰王 郎 修 五年十一 溥、儒士陳 兼 寫。 禮 名《 中 張 朱 大成》, 劉季篪及 部簡 右 修, 葉 紘,檢 伯穎 文 開 春 褒、 砥, (於禮 簡 中 獻 坊 館 月, 於 國 外 昌 討 梁 濟 大 典 Ш

, 闔之言興, 家異道

而

人異論,王者之迹

功則有賢於作者。

周衰,接乎戰

國

縱

《易》、序《書》、修《春秋》,集群聖之大成,

其位,承乎數聖人之後,而制作已備,乃

代,郁郁乎文。

孔子生周之末,有其

德

而

暨乎文、武

相

繼、父作子述、監

皆作者之君,所謂制法興王之道,非有述於 聖人繼天之極, 于二 熄 贊 禹 天 冠 横 語 以 + 無 畫 開 明 得 采,彙聚群分,著爲奧典。 募天下 譬之淘金於沙,探珠於海,戛戛乎其不 微、汎覽莫周 綿,簡編緐夥,恒嘅其難一。 至於攷 混一之時,必有一統之制 興造禮樂制度,文爲博大悠遠,同 天命,混一 漢、唐、宋而已。 唐,由唐 六藝之教 也 同風俗,序百王之傳,摠歷代之典。 王之道。 三代而 也。 有氣斯有 迄秦有焚禁之禍,而 遺 乃命文學之臣,纂集四庫之書,及 後,聲 加 朕嗣承洪基, 動思續述, 尚 漸 籍,上自古初,迄於當世,旁 興圖,以神聖之姿,廣述作之奥, 宋,其 傳, 聲,有聲斯有字,故 明 洪惟 文物 而典籍之存 求一 制作沿襲、蓋 所 我 物之實,窮 可 太祖 作,所以 斯 以氣者天 稱 道 可致。 述 高皇帝, 膺受 中絶。 有足 者,無 用 力 齊 乎聖帝 徴。 地 莫 韻 世 政 惟 由 一事之 漢 之 搜 可易 遠 非 漢 究 有 事 始 購 祀 統 博 大 明 然 而 日 而

下。

敘《九疇》,湯修人紀之數。

而化之,使民宜之,垂衣裳而天下治。

黄帝、堯、舜氏作,通其變,使民不

易結繩之治。

神農

氏

爲耒耜之利,以教

八卦,

通

神明之德,類

萬

物之情,造

書

契

教化,闡

至

理

而宣人文。

粤自伏羲氏

始

而

之,其文曰:

「昔者聖王之治天下也,

盡

五本,更賜名《永樂大典》。

上親

製序

以

凡二萬二千二百

一十一卷,一

萬一千九

物成務之道,極裁成輔相之宜,修禮樂

觀者因 矣。 冠諸 也。 摠其 爲 如射中 同,巨細精 字,用字以繫 紜,不有以統之,則無以一之。 謂 經,道在聖人。六經作而聖人之道著。 卷,名之曰《永樂大典》。 亦皆得以附見。 蓋嘗論之、未有聖人、道在天地, 而成於五年之冬,總二萬二千九百三十七 而 道者, 末具 理,散之則 篇,將以 然万幾浩蘇,實資玩覽,姑述其概 朕深潛聖道,志在斯文,蓋嘗討 條貫,於以 - 鵠,開 韻 舉,包括宇宙之 彌 以 綸乎天地,貫 粗、粲然明備。 求 卷而 垂示無窮,庶幾或有裨於万 事 字, 蓋網羅無 見 爲萬事、支流 揭 無所隱。 因字以 斯 其 道 綱 廣大,統會古今之異 之大,而 通乎古今,統之則 而 攷事 其 遺,以存攷索,使 臣下請 目 始於元年之秋, 餘 必 蔓衍,其緒 聚其 自 張, 雜家之言, 無 序其首。 源 未有 物 散 振 徂 其 其 不 而 所 流 以 指 賅 兼 紛 六 始

> 云 爾。 賜 廣孝等二千一百六十九人鈔有

殿。 大内, 貯。 傳輸三四次,遂得不毀。又明年,重録 索覽。三殿災,命左右趣登文樓出之, 部,貯它所。」國禎所謂重録本,即 本, 貯之文樓。 九百三十七卷,一萬一千九十本,目録 再修,供事編輯者凡三千餘人。 名《文獻大成》。 解縉等粹祕閣書,分韻類載, 乃不言翰林 朱國禎曰: 國朝乃移于翰林也,今移貯於文華 世廟甚愛之,凡 而言它所,是 「《永樂大典》乃文皇命儒 復以未備,命姚 初 有疑, 以備檢攷, 二萬二千 寫 翰 時 廣孝等 林 九百 本 夜 按 院 中 韻 藏 所

賜

臣

十駕 齊養新録卷十三終

# 十駕齋養新録卷十四

豈其

然乎?

貶

抑,謂

不若《九域志》、《

輿地記》之簡要,

志

輿

地

者,當

以

樂

氏 爲

巨 擘。

竹垞有意

有宋

稗官小説,亦唯信而有徵者取之。

體例雖因李吉甫,

而援引更爲詳審,閒

采

録,

亦見當日君

臣志未嘗忘山

一前後

也。

是

目。

幽、涿、雲、朔諸州雖未入版圖,猶

著

於

贈,其闕

卷與

曝

書

『亭藏

本 同。

其

書

成

于太

予所藏《太平寰宇記》,寶山

朱

寄園

所

太

平

寰宇記

平興國中,尚無十五路之分,故

仍

唐

+

道

名

# 齋養新録卷十四

大

#### 嘉定

昕

輿

地

紀

勝

域,非 是明時 闕略,此所載寶慶以前沿革詳贍分明,裨益 於史事者不少。 將駐節者,別敘沿革於州沿革之後。 監分子目十二: 鈔 + 及寶慶丁亥季秋李皇序及曾□ 地碑記目》者蓋其一門,不知何 古迹》、曰《官吏》、曰《人物》、 風俗形勝》、曰《景物上》、曰《景物下》、 碑記》、日《詩》、日《四六》。 年未 本,亟假歸,讀 王 汴京一統之舊。 得,近 象之《 金石家爲之也。 輿 始于錢 地 前有 兩月而終篇。 口《府州 紀 勝 唐 嘉定辛巳 然史志於南 何夢華齋中見影 》二百卷,予 此書所載 沿革》、 曰《縣沿革》、 今世 旦仙 鳳 每 人鈔 孟夏自 皆 劄子。 若有 府州、 所 渡 求之 釋》、 南 出 傳《 監 事 宋 序, 司 宋 疆 輿 四 想 日 軍  $\Box$ 重

之字行甫, 則 渝 父,西至錦 何官。 之字儀父,金華人, 卷,想海内不復有完本也 氏《方輿 其父之名,則 江、淮、荆、閩, 帝 瀘。」 甫 疑 而 其自序云: 勝 即 陳 城。 党 覽 》, 金 觀 直 無從攷矣。 華人,蓋即 之字。 靡國不 齋亦 叔兄 而 流 稱 嘗 中 傳極 到。」又云 其兄 少 予又記 知 甫, 侍 江 儀父之仲 此 少, 北 觀之 先 寧 書 君 趨 縣 又失三十二 體 書,稱王 爲 武 宦 裁 不 「仲兄 變路 游 兄, 興,南渡 勝 審 四 於祝 終於 漕, 方, 益 而

#### 會稽志

兼 爲 月 守 陸 韓 游序,其 君茂卿 通 會 稽 判 府 志》二十 爲之助,郡 事 略 施 굸: 君 卷, 宿首發 直 前 士馮景中、 龍 有 其 圖 嘉 端 閣 泰 沈 元 撫 陸子處 公 年 幹 李君 作 十二 賓

> 友繼爲 成。 也。 得 淳熙十六年以 未 運 元 蕆 而 重 賓、趙不迹《會稽志》, 觀但預參訂,而《宋史・藝文志》既 華文閣待制趙公不迹、 王 行, 事 副 五 度、 改秩,則宿於此 説 複互異,可謂不考之甚也。 ,且請 於 友 年 既 沈公去爲 使,而不迹代之。 朱 守, 代之。《志》蓋 由淮東總領除 成,屬游參訂其 嘉泰壬戌,前 留于朝。 鼐、 承議郎知 亦力成之。 永 轉運 嘉 事見《赤城志》。 邵 台州 志 副 持 後 誠 《越守。 使,猶 又載 創 嘉泰元年改知 有 、概,且 正 凡 有 而 實文閣 政 始於 相 閲 功矣。 始 陸 三守, 與 經 終 六年除 爲之序。」是務 游《會 罷時, 慶 誉 參 攷作 學 其 作賓,吴興 元 正 此書不已。 事 士袁公説 而 庚 載 賓 稽 者 累 兩 通 潭 申 志 月 施 判 以 沈 浙 州 人 乃 尚 廖 作 君 而

### 志

題 姚 爲守之日,故 多 定,蓋後來次 稽府,前 元 放矣。 補前志之闕漏。 名》皆前 年三月自序。 孫因《越問》 會稽續 志不載,獨見於此  $\wedge$ (志)成 志所 念》 所 弟續添也。 紀綱政迹爲詳。 未有; 篇, 八卷, 其《提 於寶慶 吴越錢氏嘗 亦多贊誦汪守之語。 梁國 刑》、《提舉》、《進 初 而《 **淏作《志》當** 而《題 書,可見 張 人物》 ( ) , , 稱 名》訖 末卷載 越 其 州 有 門, 汪 寶 留 爲 於 餘 慶 景 心 會 士 綱 亦

#### 赤 城 志

嘉 定癸未十一 赤城志》 月 四 + 自 卷, 序 陳耆 稱 卿 前 壽 老 守黄罃 撰。 命 有

駕齋養新録卷十四

者矣。 年立 於是 東其 爲 州 觀 余偕 稱 元 軍 之於人情。」洵得著書之體,而 載籍之内有漫漶 不能言者恃碑刻,碑 之。」又云: 以下分訂之,又再屬陳維及林表民 + 刺 及郡 年 臨 事 有唐開 九年 守臨 立 郡 陳 海 史、上柱 也。 藁 郡,至乾 號 博 + 維 其《辨誤門》有一條 則 不同 便稱臨海郡,天實元年却稱台州 海 後題朝散大夫、使持節臨 年 等纂輯,會黄 元《真容應見碑》,蓋 士姜君 作 「意所未解者恃故老,故 郡 矣。今青社 朝 國賈長源,此一人耳, 如 太 元元年復爲台州,不 請大夫、使持 此。 守。 不白 容總権 刻 攷唐天 及《 者 所 去, 則 齊 之,邑大夫 不 桐 云 公碩 斷之以 匆 能 柏 寶元年 節諸軍 匆 判者恃 觀 開 可 復 一台 僅 爲後代 碑 元 理, 以 就 等 應開 所 蔡 改 事 海 州 載 命 未 + 台 載 而 老 採 君 天 郡 守 天 余, 備, 所 台 寶 九 益 元 州 官 諸 慶 法 折 節

三三七

平元 遠, 見勑》 誤, 書 IE 不 誤 必 復 年已 又 月,則二月以 壽 寶 元二十九年之次 郎。 也。 月 在 月 爲 號 老之辨當矣,然以情 元 唐 守 即 年二 除 召 立 刺 稱 年 孟 臣 雖 碑 桐 傳。 耆卿 著 紹 試 史, 臨 復 德 在 柏 刻亦未嘗誤。 承 月 定 館 作 海 改 元 非 觀 開 詔 兼 效 職 臨 郡 佐 元 年 刺 前尚 碑》之後。 元 二碑 刊 海 除 或 郎, 年 改 太 史 中 二十九 石, 人,嘉定七年進士,《宋史》 郡 史院編修官, 年, 守, 爲 十二月除祕 興 祕 稱 有 六年十月除 太守, 不 爲 書省 舘 台州 而 誤 而 州 妨遲 年, 閣 理度之, 其 改 蓋 則 天實元 正 續 刺 太 州 天 史之 不應 稱臨海太守 而台州距 字, 至 史也。 録 守 (實改 爲 書郎, 次 爲 是 著 十一 郡 誤 年 開 不 稱寶慶 年, 刺 月 作 在 元 特 既 也 元二  $\wedge$ 史, 三年 除 月轉 改 郎 則 長 真 是 即 史 將 + 二年 亦 歲 予 太 此 安 容 在 文 至 九 端 作 + 校 非 刻 潦 應 開 無 謂 守 天

> 鴆、 第 非 明 不 少 云卒 陳氏 監 人重刻, 四十卷載 之舊,安得宋槧本而  $\wedge$ 於 赤 何 如 城 年, 第 新 卅三 志》 蔡 亦 家 未 言 審 卷載 橋 其 壽 事 官 若 杜範爲 至 刊 皆 干 正之乎 明 或 也。 子 人竄人, 史嵩之 司 此 書 所 殊 經 但

# 嚴州重修圖經

弅 高宗 卷首 部 **弅序**,及淳熙丙 文富蓋承郡守陳公亮之命 存 初 首三 勑書》、《榜文》二道。 創 尚 載 嚴州 宣 一卷。 在 此 建 和 德壽 志, 隆 圖 三年,太 前 元 經》,予所見者淳熙重刻 本 有 宫,故有 午正 年, 題《嚴 紹興己未正月知 太宗 上 月州學教授劉 皇 州 「太上」之 帝 皇 蓋 圖 訂 淳熙 初 帝 經 授 正 初 是 節 丙午之歲 領 陳公亮 稱。 軍 書 度 文富 防 州 本, 使 者 攷 事 序。 制 也。 董 使 董 僅

但 蓋 齋書録 修,亦仍 有《新定志 宋人州志多用 其 馬氏《 名, 而 文 初 郡 王 獻 氏《 無 名 通 標題 圖 興 考 地 經》之目,名目 V 續續 皆 紀勝》、陳 志 作《新定志 載書籍, 氏 直 雖 亦

### 新定續志

實

非有兩本

也。

祖 五月除尚左郎官,尋除直 直寶文閣任滿 己,景定元年以直 鄭 迪 志》 辰 边功郎 也 珤 序。 稱 新定續 此 「五王之胄, 差充嚴 編纂 郡 守則 志》 者浙 志》十卷,前有景定壬戌方逢 成 四四 州州學教授兼釣 天台錢可 於 漕進士州學學録方仁 月 一實章 可 相 八升直 則 或 閣 莅 之 徽 敷 則 知 郡之 孫 猷 文 也。 嚴 閣 閣 州 臺書院 日, 浙 知 相 可 嘉 東 三年升 或 則 而 提 興 卷首 謂 字 Ш 舉 府。 象 正 長

> 增 可 載 則。 咸 人,宋時 淳 後 元 續 年 、志乘大率如 升 列 郭 建 自 德 中 府 等八 省 此。 劄 其 蓋 知 後 州 題 來 名 則

#### 琴川志

本。 輯 云《重修琴川志》。 Ш 鮑 始 各附卷末。」今世所傳者僅汲古毛氏 行之,題其 邱岳序。 産》、《敘 》、《敘水》、《敘 廉 編 列爲十門: 章。 知 攷各卷末别無附見之文,則 琴川 縣 祠》、《敘文》。 元至正 其 事, 志》, (後云: 書 屬 久 自宋 、失傳。 邑士鍾 末, 賦》、《敘兵》、《敘 日《 有寶 慶元 其 知 敘縣》、《敘官》、《 成 州 毎門又 祐甲寅 秀實、 淳祐 初, 書 盧 後, 鎮 縣 十二年, 胡淳討 購 令孫應 中 有 凡所 得 子 亦非鎮 元 人》、《 自。 舊 H 未 重 論 龍 本 胸 時 之 敘 敘 刊 刊 裒 泉 創 Ш 題

置

本

無存, 舊 凌萬頃、 志,若高 鄉、 地 五月贈華文閣,官其一子。 述有法,縣簡適中,當以此《志》爲 市 宋史新編》,德祐元年二月,元 矣。 穿 許 明 獨鮑氏 山、七浦、沙頭 浦 宏 邊實之《玉峰志》,并此 似 鎮、 治 又 孫 + 有《續志》,紀元時 塗 之 年 書尚完好 菘 割 剡録 鎮、支 人太 邨皆今太倉境。 是亦節義之士。 \*, (塘市、 兵 可 倉, 楊 人臨 讀。 潛 州 江 之 甘草 事, 志 予 知 而 軍鮑 所 雲間 所 常熟 今並 四。 市 最 載 見 廉 善 然敘 宋 直 雙 東 死之。 志 湮 世 鄉 縣 塘 鳳 没

### 金陵新志

南 也。 院 臺 Ш 御 張 鉉《 此書本續《景定建 長。 史 索 金 前 元 陵 載 岱 新志》 文移 序。 + 稱 鉉 浮 字 五 康志》而 卷,有 光 用 張 鼎 鉉, 關 至 作,前 則 中 IE 光 學  $\equiv$ 志 古 年 州

> 末及御史大夫以下題名最詳備。 所有者不具載,其於江南行御史臺建

### 太倉州志

靖《志》竟不可得。 操觚。 較》、《 先刊 嘉 四 作「較」、「檢」作「簡」, 文》、《瑣綴》十五門, 州 復社名士,於地 運》、《兵防》、《 靖 錢 明,於范氏天 修。 1 肅樂虞孫 風 太倉州 未刻: 其 土 分《封 書「常」作「嘗」、「由」作「繇」、「校 **₹** 本。 志》十 延 海 選 方利 域》、《營建》、《官 邑士 事》、《 舉 頃 閣 五 **∀** 即 館 見 病 每門各有子目。 一卷,明 前 則 婁 此《志》亦曼患缺損 張 剴 名宦》、《 水 避明 臨 東, 寅《 切言之,洵 利》、《 ]1[ ( ) 崇 訪 諱 太 縣知縣張采 禎 也。 倉 人物》、 賦 十 書家 州 師》、《 役》、 五 予昔游 非 志 年, 受先 求 率 ^ 爾 學 受 藝 海 知

非 復 初 印 面 [目矣。

郡 志 中吴府」,勝於郡志多矣。 皆失 吴越 有國 載。 時, 此《志》敘沿革 嘗以 蘇 州 爲中吴府, 芸五 代 屬 īE. 錢 史

氏

豈 稱 蘇 政 陞 政和升崑山 吴 州 不大可笑乎? 州故有吴郡之稱。 和中升蘇 郡 ,屬平江府,後爲 志》又云: ,初無改名姑 爲州,其後又改州爲姑蘇郡矣, 州爲平江府,其所屬 「宋爲崑山之域,政和 蘇 南渡後范石湖修志尚 姑 事。 蘇 郡。 如《志》所言,似 此則大誤。 五 縣 如 故, 中

失討 德之爲元祐。 吴集》。 祠 鄭公明德是 論,如此者蓋不少矣。 受先《志》仍 元 末遂昌鄭 明德 即元祐字也。 明人好談名節 何許 元祐 收入《文藝傳 人? 僑居蘇州,所著 在 州志 吴仲 **\*** 丽 於紀 竟 三大 超 謂 不 有《 、疑之 載 知 鄉 多 明 賢 僑

#### 浙 江 通 志

굸: 固, 江右歸, 左帑,身後有嚴陵之命。 遷翰林學士承旨。 如牟子才者始得之。 除學士者已不多見,若承旨則必 況入翰林乎? 士。」今攷周公謹《齊東 太鴻《宋詩紀事》亦云: 仕,後登進士第,歷 咸淳丁卯」,是子固之卒在丁卯以前, 鐵綱珊瑚》載子固《梅竹 海鹽 ^ 「子固 浙江通志 將 人, 系出 與之是正,而 晚 年 南宋入翰林者但稱直院, 人物傳》: İ 一安定 官集英殿 梅 年九十七, 謚 更非 竹, 郡王。 野 「景定初遷 是嚴州亦未 子固 步 譜》,有葉隆 語》,謂其終提 其 驟 (實矣。 修 死 逃 撰、 初以父蔭入 趙 矣。」 老成 禪。 文簡。」 孟 知嚴 翰 堅字子 朱 到 禮 末題 予 存 林 任, 州 次 國, 自 跋 理 真 厲 猶

元,不 平 濯 其 坐具」。 樂仕進。 而 姚 桐 壽《樂郊 此 從弟 委巷 孟 無 私 頫 稽 語》 來 之 訪 乃謂 談, 既 子子 退, 庸 足信 使 固 人

### 江西通志

采 此 貫 廿六名艾雲中、第廿八名熊爟並 植、徐邦憲、朱彬在三甲,其餘皆無之。 據《録》止有王充耘、 十五人,有兩陳 名》,皆誕妄不足信。 士題名録》,以此志校之。 《志》載是年登科 者 灼 永豐,未嘗有寧州之陳 多出 然可信者,而《志》 江 西 於家乘墓 通 植 . 選 誌 舉門》 李炳、李毅在二甲, 予嘗見元統 凡 反遺之。 貫寧州、一貫永豐。 曾 植 載 應鄉舉者皆冒 也。 元 時《進士 籍龍興 蓋《志》所 而三甲 元 年《進 植 陳 題

> 豈不令人噴飯滿案乎 邢臺,其先世居瑞 州,至理宗 進 不校時代,乃引藏 金之瑞州,非宋之瑞州矣。 忠,此舊志所無,采《元史》補 是并《元史》全未寓目矣。又有因 而 而 丙子鄉試、大德戊戌進士、大德鄉試諸人, 元之設科 轉誤者。 不知其大不通也。 士之名,而修《志》者不能 始於 朝 《人 始 延 避 物門》於瑞州 祐二年, 州 春居士之先世冒 諱 而仕于 更名。 江西之瑞 而《志》乃有 遼、金, 志家不 若劉 別擇 人,自謂 收元之劉 州 秉忠 也。 涉獵史傳 :語 籍 則 本名 、是遼、 江 地 淹博, 久居 且 理, 筠 如

### 風俗通義

三十一卷、《録》一卷。 馬總《意林》亦云三應氏《風俗通義》,《隋書‧經籍志》稱

予又嘗采輯應氏

逸文

一册,學士

見

而

可

識

器名。」本「算」字,誤分爲兩字,遂不

記・ 何義? 日矣。 跋。 徐廣云: 載徐孺子「負銜昇涉齎一盤輟」,「筃昇」二字 從而增改,是所望云。」則其譌謬相承 始可句讀,今刻之夔子。 舛已甚。得館中本及孔寺丞本,互相參校, 行都水監 史》及晁氏、 十一卷。而 三之二矣。今世 説文》: 爵弁、皮弁、緇布冠各一匴。」注。「匴,竹 鄭當時傳》「其餽遺人,不過算器 知其書在南宋時已難得。又言: 盧學士召弓嘗寓書問: 予答云: 李 「算,竹器也。」「算」與「匴」同。 「匴,渌米籔 新、 果 陳 氏 序,後載宋嘉定十三年丁 舊《唐志》俱作三十卷。《 所傳唯元大德刊本, 書目皆云十卷,則已 此必「算」字之譌。《史 。好古者或得善本, 也。」《士冠禮》: 《愆禮篇 食」。 非一 前 失其 「譌 黼 有 宋

> 得,惜學士已逝,不及增入矣。 喜之,爲 意林》、僧 刊 人《群 元 應《一 書拾 切經音義》等書,續 補 中。 頃 歲 讀 有 馬

所

總

### 顏氏家訓

中,高宗 承議 乃有之; 「太上御 人銜,皆以左爲上,蓋台州公庫 揆跋。又有《攷證》一卷,後列「朝奉郎 云「廉臺 教授史昌祖同校」,又有「監刊」、「同 台州軍州事沈揆、朝 名,當是唐人手筆。後有淳熙七年二月沈 ^ 郎添差 顔氏家訓》七卷,前 名」, 田家 尚 在 意者,元人取 通 印 德 而闕其文。 判軍州 \_\_\_ 壽 宫,故卷中「構」字 宋時 請 事 郎 淳熙 未有 樓鑰、迪功郎州學 通判 前序後有墨 有 序 本 廉 軍 一篇,不題 本 印 訪 州 也。 司, 事 .校」諸 管鈗 元 長 皆 淳 權 閒 制 記 有 熙 知 姓

修改之葉,則于宋諱不避矣。

#### 容齋隨筆

使, 此 邑 攷 元 知 齋, 仮自爲跋,稱「從孫 橚 江 於婺州。 卷,而無序,蓋 各十六卷,卷首皆有自序, 馬 鋟 臨 前 明宏治 建 西提刑,合《五筆》刻之章頁,有 梓,則 元 ]1[ 則 後 寧軍 洪 氏氏 調 周 兩 嘉定十 序。 謹 至嘉 八年活字印 刻 容 第三刻 府 本,唯 跋, 事、 齋 六年 猶 定壬 又十年, 稱 隨 未 新 矣。 贛本漫不 筆 存 成之本 八月 申, 除  $\approx$ 本,板 何 今世 知 朝議 續筆 伋 從孫 異 也。 隆 守 也。 口 × = 1 心有「會通館 所傳者,明季 興 大 建 序, 伋 唯《 最 辨, 夫、 府 寧, 由 後 餘 隨 五筆》僅 筆 江 直 贛 以 有 再 何 皆削  $\approx$ 筆 西 州 華 紹 異 建 刻 四 安 本 定 文 及 守 于 初 筆 吾 活 參 改 撫 閣 郡 邱 擢 刻

揮

録

文皆

作

夾

注,

不

依

元

刻,

不

如

馬

本

之

精

而

序

跋

俱完好,勝于馬本。

字

銅

板

印

兩

行

八

字,

前

有

錫

山

華

煜

序

正

道,並 名。 題 後 僅《後録》首兩 熟毛氏《津逮祕書》本。 第 録 朝請 三録》三卷、《餘話》二卷。 **》**, 又有 王 云 明 大夫、主管台州崇道 慶元 清 訪 不 及《 聞 揮 卷及《第三録》三卷耳。 泰 元 第 麈 州 年 録 通 實 録 四 判 録 **>** 卷、《 予嘗見 者。 王明 院  $\wedge$ 後 移 觀 據 清 世 録》 泰 宋 有 E 明 所 州 明 刻 清 傳 + 揮 清 者,常 自 殘 塵 卷、 本, 述 姓 前

官舍作。

吴陵

即

泰

州

也。

甫

經

脱

稿

尚

熙癸丑官都

下

作,

第三録》慶

元

改

元

前録》乾

道

丙

戌

奉親

會稽

日作,《

後

録

紹

矣。 旁。 彙爲 則 流 之,較之王圻《謚 IE 元 興 無「摠」字,總管、總領之「總」皆當从「糸」 審訾之,此以不狂爲 「糸」不从「手」,是爲復古,仲言轉 史者甚多。予嘗采宋次道及仲言所 無 年 傳 丙 辰,明 從 前史多作「揔」、或作「惣」、 朝請 丁未,至慶元乙卯倅泰州,年已六十九 都 治平改「都部署」爲「都 一編,淳熙以後則取正史,參以它書補 及效也。 下, 大夫,蓋其所終之官。 清 故 公牒 甫 仲言習于掌故,所記 + 法攷》所得多矣。 歲 未之及 狂 計其 也 耳。 生 總 年, <u></u> 管」,其 此 享年若干, 前 當 以 隸 録 《説文》 載 在 稽 體 放不 文从 述謚 有 言 之譌 建 裨 炎 紹

#### 履齋示兒編

《履齋示兒編》廿三卷,宋廬陵孫奕季

序。 見蘇 員 禧遠不相及,蓋别是 陵 昭 見婺州題名有孫奕,嘉祐 善政聞」。 奕,士行著於鄉閭,節義信于朋友,所 尚書都官員 外 禮 撰。 《宋史》無傳,不得 郎 津 州府學 知 孫 顧 奕 千 婺 攷襄《薦士疏》在熙寧 (季昭, 里云: 州, 石 外郎、 刻 在任 陳 有開 襄《 監 嘗 一人,非季昭也。 改 見影 泗 經 虞部 其 禧 五年四月, 州 筵 出 元 宋 河 薦 處 祀 郎 南 中 士: 本 九 + 本, 轉 末。 章 月 午, 般 首 以 疏 上 嘉 予 浣 駕 至 倉  $\approx$ 題 與 頃 與 部 開 以 稱 嘗 自 又 孫 廬

# 史繩祖學齋佔畢

熙

寧

相

去不遠、未審即襄所薦否。

極 淳祐庚 史繩祖《學齋佔畢》 (戌吉 後 有 景 月 眉 定 Ш 壬 史 戌 繩 冬至 四 一卷,前 祖 慶長 鄱 陽 有 書於梓 自序, 郭 水 跋。 漕 題

三四五

其 碑,伏羲至 梱 錢 夫 繩 有 唐 節 書 翻 又 祖 今不 刻 輦 黄 婦 而 格》 運 本 繩 小 及 樊 真之 傳。 於其頭爲第二 亦 祖 松 車 武 異 謂 册, 郡 馬 陽 明 聞 此 所 人 丞 以 新。 也。 碑在 載 府 物 於 補 君 石室壁 嘉 碑,使者長婦兒至縣功曹 二字疑有 即 史氏以 字 洪 資州宅博雅堂下, 祥 武 子 景 縣 梁 堅, 伯《漢 間 梁高行至范且爲 之紫 鴻脱。 祠 刻古聖賢、義 精 石 於 雲 隸》 象 是蜀 篆 Щ 也。 之 隸 搜 中 爲 第 缺。 制 得 又 頃 嘗 第

#### 石刻鋪紋

鼎 首 絳 彜 列 器 紹 石 興《 款 K 刻 識 沙 御 鋪 帖》、 廬陵清江 敘 石 經》、《 祕 卷, 閣 武 廬 益 前 、岡諸帖, 元祐《 陵 部 帖 曾 石  $\approx$ 經 宏 即 父 《淳 次 所 化 帖 作。 祕 鍾

帖》、《 之曾 樓大 志》。 傳, 渡 參温 誤 帖 帖 閣 至 相 父三復,字 名人真蹟, 故 衣 侍 宰 冠 應 仞 自 前 m 從。 顯於 陵。 相 盛,名家 防《送無玷寺 也。 帖 宏父爲 題 一册、《 畫 唯秀水朱錫鬯《曝書亭題跋》有之, 不見宏父名。 續  $\approx$ 鳳 帖》、《續帖 帖 東 ^ 廬 邇 贛 宋 墅 無 刻寘 續帖》二十册, \*\ \!\ 汝 都,至子固兄弟名益 陵之曾則 來 南 ][ 時 逸 數 玷, 帖 之曾 螺 豐曾惇之字,不 群 江 客。 ご三 曾; 廬 × 官至 川 玉 丞知 西 ^ 陵 則 族, × 堂 适 有 云 鳳 三復、 此 刑 帖》, 茶 ^ 陵 三曾, 池州》詩云: 駸 Щ 鳳 前 書 部 Щ 南豐 帖 别 **駸皆簪** 皆宏父裒 墅者,宏 又 帖》二十 侍 與 而 墅者。 皆 不載 一聘、《宋 暨 郎 其 終 淳 知 盛,子 衣冠之族。 以《 兄 贛 熙《 其 于《 宋史》 父 開 111 宏父 册 歲 集 鳳 祕 所居 史》 蓺 月不 皆 宣 南 後 我 宋 ~ 閣 朝 文 之 南 遂 起 而 朝 前 前

閩 氏 有 宗淳祐之世,相距百餘年,其非一人無疑 子宣之孫, 仕紹 者,王明清之外祖,《 宰相 **:傅,**所! 人,非江 自公亮始,故樓 謂 螺 西人也。 川 族 興 也。 朝 揮 竹垞 温 詩 塵 而 陵 所 此 録》屢見其名,實 牽連及之。 謂公亮,宋 宏父著書在 舉名惇字宏父 公亮 時 理 曾

### 癸辛雜識

之譌。 卷,《 浩略云」,云「兀术石 魯魚亥豕之譌,難以枚舉。 一爲毛氏汲古閣本、《前集》、《後集》各一 别集》上卷「兀朮石蜟修四朝國史,其贊史 續集》、《别集》各二卷、最爲完善。 周 尤焴, 公謹《癸辛雜 爲商氏《稗海》所 理 宗 朝 1蛸 史官, 識》, |四字乃「尤木石焴\_ 刻 今世 ,闕落非足本; 木 其最可笑者, · 石 蓋 流 傳有二 其 而

> $\sim$ 之及也。 謹之曾祖 六歲 于郡 題名乃是「杭」字。《 志》攷之,章文莊 大父參預文莊 四世。」又云:「大父侍郎公,踐歷六曹,外 公謹之言云: 書中載大德改元事,其年歲在丁酉,是六十 辛卯出宰 未可據。公謹自言: 「先君子於紹定四 宋史》本紀、表、傳 別集》載 尚 齋。」則宋亡之歲公謹僅 無 恙 富春,九月到任。 蔡 至所謂「大父侍郎」者,志亦未 也。 秔 章公,出入兩制。」以《湖州 事, 我家中丞,自齊遷吴,及今 者,良能也。 戴表 此 並 雜 西 作 元序《齊東野 識》固誤、《宋史》亦 :蔡抗。 山之孫,九峰之子。 壬辰歲,予實生 中 四十有五, 予曾見石刻 丞名祕,公 語》,述 府 年 M

四

八

#### 夢粱録

統二 書成 迹 年,宋祚未亡,不 自 序。 無 於元 年也; 可攷,但其人既目覩臨安縣華之盛 夢 後題「 一粱绿 順 帝之初, 甲 若前 戌 當有 歲 六 卷, 十 中 則 滄桑之感 必 秋 錢 年, 隱 日, 塘 則 遁而 吴 爲 蓋 自 矣。 宋 享高壽 元 牧 咸 順 自 牧 淳 帝 + 事 元 有 而

#### 輟 耕 録

南 有 日 傳 大軍· 聞 元 陛 失真 次 説 下 黄河,苦乏 者。 部, 欲 渡 莫善于《 如第 河, 當 舟 隨 卷 南 楫。 我 載 邨 來。」 輟 夜 耕 引 夢 世 録 至 皇 老 取 然 叟 所 江 亦

> 常以此 爲 坡 户 由 月 太宗壬辰 圖 取 在 旌其功,對曰: 人 水 處 歷  $\Box$ 公故河 戊戌子, 此 世 江 淺 以食之。 足矣。』遂封 乃行,大軍自後從之, ,果是。 歷 路 何至濟 南, 祖 미 清縣 趨汴 路爲憂。 可 北兵以 渡。」 記。 也 此 初未 即 是 春 河 方驚 軍 《金史。 有 此 後 泂 帝 是 河中 由 明 無 縣 石底 親 中 楊 已。 爲 河 因 日 廢 舟? 顧 在行 ·破,有言此路可徒涉 『富與貴悉非 答 太 軍 清 謂 爲 | 歳早 烏 閒 傾く 史 刺 循 帝 由 林答胡 縣 E 間。 -水不能 罕, 洛 瑀 時 忽 行 遂 : 白 陽 宣 所云 無 勢 有 以 河 宗 東 坡 與 土 其 絶 四 人進 物 「汝能 南 長丈。 滸 一不濟。 傳 渡 五 時 也。」予 遷 十 不 標 河 밂 所願 里 尋 者 河 河 相 曰 識 事 涉 國 白 印 防 夢 e 南 正 應。 之, 初以 坡 上下 否 而果然。」 大九 中 久 謂 渡 但 帝 撥 而 ? 此此 乃 三千騎 河 千里 人 所 誤 得 此 世 欲 年 版 自 閒 見 以 必 衵 百 其 白 正

湧幢小品

故, 彪。 見元 誤 以 首,以第二爲狀元,則 寶謨閣藏光宗御集,見《宋史・職官志》, 如自修」,魏司空王昶語,見《三國志》,而 彪稱其妻爲「鄉里」,見《南史》,而 之佳者。 各分三甲,犂然不 元統癸酉、至正辛卯兩 榜,蒙古、 仞 爲《文中子》。 品題人物, 寶謨爲神宗閣 王文公父名益,而誤以爲蓋。 國 本 至于援引古書,多有差誤。 色目 一禎《 紀》 湧 》及《選 人爲左,漢 不爲刻深之論, 幢 宋 紊。 小 置顯 名。元進士分左右 品》 舉 紕謬之甚 科題名具在,左右 乃謂 志》, 謨閣 三十二卷, 人、 漢 例 南人爲右, 藏神宗御 蓋明 人不得居 書廷 試 矣 誤 一 止 季 好 以 進 彼 謗 爲 説 談 如 集, 特 誤 莫 張 榜 榜 兩 楊 部 掌 今 而

> 也。 創 賜 榜之分、《選 爲 某某等及第 此 説 丽 舉 不 出 志》 悟 身 其 有明文,朱亦未 有 爲 差,漢 史家省文。 人必 在 第二, 能 且 細 左 檢 右 故

#### 日 知 録

傳》城濮之役,舟之僑 咎犯隨會,謂 會即隨會也,正是晉文公時 顧 氏日 隨 知 録》辨《吕氏 會不與文公同時。 先歸, 春秋》 七會 攝 晉文公師 致 左 氏 士

時 流 喧 爾 本事詩》載 栲栳 時 向嶺外 譁 酒巵,微 竊 通鑑》載李景伯《迴波 恐 怕 生 非 婦 歸。」又載 沈 儀。」 臣 也 佺 職 是大好。」 期 本是六言絶句。 在 云 箴 優 規。 俱 河三云: 「迴波爾 侍飲已 詞》云 以 迴 時佺 波 過三爵 攷孟 迴 波 迴 期 時 爾 啟 波

駕齋養新録卷十四

此。 四 鑑》有誤,豈其然乎。 謂其體首二句三言,下三句六言,翻 **巵」,當是傳寫之誤。** 字 《大唐新語》載景 開 端, 與 景 伯 詞 伯詩,作「迴波詞 同 顧氏轉引以爲 蓋  $\wedge$ 迴 波  $\forall$ 之 疑《 據, 持 體 且 通 酒 如

是。 《易本義》,班班可 顧 廟自太祖至光宗九世十二室,未嘗祧真 故有此言, 豈可 則缺筆而不改字,注則 之證,謂當寧宗之世,真宗已祧。 亦然,見於趙順孫《四書纂疏》及吴革所刊 書中「恒」字獨不諱。」顧氏引以爲 氏 偶 朱文公注《論語》、《孟子》,正文遇 謝肇淛 未審 爾 云: 依據? 「宋真宗名恒, 攷。 謝在 無不避者,其注《易》 攷宋 杭 寧宗之世,太 未見真宋本, 桃 加 此 朱 廟 亦 子 廟 不 廟 於 非 諱 諱

### 池北偶談

聲 相 昆 也。 如」,「如」作上聲。 與去、慮、住爲韻,非 蟲 王 正 阮 相 亭《池 製製 迺 北偶 比 藺 談》 攷 東 相 讀司 謂 如, 坡《 東 馬 坡 和 相如 詩 如 陥 雜 爲 司 讀 H 去 馬

### 天禄識餘

明矣。「商」、「商」二字形聲俱 名。」既 音「滴」。 有 商爲昏。」《疏》云: 一條云: 天 以商量爲義, 禄 按《儀禮• 識 《周禮》「漏下三刻爲商」,「商 餘 \*, 詹 士昏禮》注: 則讀 商,謂 事 平 如「參商」之「商 湖 商量,是漏 高 别,豈可讀 土 日日 奇 所 刻之 撰。

禮》鄭注,乃誤作《周禮》; 三刻」,是并《周 三商爲昏」,其誤 古今韻略》十二錫部「商」字下, 三商」爲「漏 滴」之「滴」?● 禮》亦未嘗讀 與高 氏 同。 又妄改 且 也。 兩 亦引 其 君 邵 爲「漏 文 皆有 出《 日日 長 文 蘅 下 儀

#### 洗冤録

名,

而不讀書,故涉筆便誤。

史・ 編。 閣、 增入也。 卷之前,皆至元、大德、延祐閒 宋槧本。 玉 律。 湖南 藝文志 前有 洗冤 但 提 淳祐丁未嘉平節前二日自序, 屢 却 慈不知何郡 集録》五 刑充大使行府參議官宋慈惠 有聖 經後 而 人增改,失其本來面目, 朝 至今官司 卷,朝散 頒 降 人,其 新 檢驗,奉爲 例 大夫、 書不載于《 數葉,列于 文移,則元 新 除 金 直 科 父 宋 蓋 首 唯 袐

> 聞 初 刻 ,然此録已先有之矣。 爲可 貴 耳。 輟 耕 録 ②記 勘 釘 事 以 爲

> > 創

### 證類本艸

其 學事艾晟序。 大觀. 類》。 굸 政和六年,康州防禦使人内醫官曹孝忠序 男大獻、大成仝校録」。 孟春宗文刊行」。 二年十月朔,通仕 題云: 本草》三十一卷,目 此 臣親 蜀 書 有兩本。 人 奉 唐慎微 玉音, 《經史證類 序後有一 後題「春穀 郎行 其一 因《 謂 此 本草》舊 杭州 題云: ()政和 方記云「大德壬 録 書實 殆 一卷。 明 1 可 本 人 王秋捐資, 和 經 草 垂 翻 縣 前 經史證 衍 元 尉 有 以《證 刻 乃 管 前 大 也 命 觀 載 寅 旬 類

● 「三商」,據文意當作「三商」。

<u>=</u>

《經史證類備急本草》,大觀、政和皆後 記》云「 寇 Ē 題。 之。 所傳政 齊所收,亦祇浙漕 制之年,距金亡已十有六載矣,而存惠猶 修之本 世,不特非政和,亦非 系以政和之名。 刊之年題之也。 草》云。」是書初刊于杭州漕司。 節使 慎微不知何許人,其云《大觀本草》者,因 + 餘言,請目以《政和 爽《 然南宋人多稱《大觀本草》者,政 謹 而政和之名出于朝旨, 泰和 和本,乃元初平陽張存惠重刻,增入 經汴京淪 奉明韶 楊 本草衍 戩 甲子下己酉冬」,實元定宗 總 删 I 義》, 若慎微著書,實在元 喪,不 刊 其後曹孝忠被旨校刊, 司 鯀 寫, 本,故未暇 緝紊,務底 新修 亦非孝忠之舊。 - 大觀 及 又 命 流 經史證類備 則當 也。 播 臣 東南。 校 訂 厥 其書 艾晟 以 正耳。 正 理 政 而 元凡 花花之 本名 和 序 后 ^ 陳 和 來 用 潤 題 首 爲 所 乃 謂 六 以 稱 新 校 本 伍

> 或以爲 泰 和 甲 金泰和刻, 子 下 統 之,隱 則誤矣。 寓 不 忘 故 或 一之思。

#### 星經

撰,大約 之,是劉昭所見之《星經》久失其傳矣。 天文志》注引《星經》五六百言,今本 今世俗 采晉、隋 所傳《甘石星經》, \_ 志》成之。 不  $\sim$ 知 續 何 漢 皆 人 書 僞 無 .

# 丹元子步天歌

淺 無 以 元子,隋之隱者,與希明各是一人。 此 陋 爲 書,其 不不 唐王希明所撰。 丹元子步天歌 似隋人文字; 非 隋人明矣。 不 鄭  $\wedge$ 樵 著 隋書 古天文家未 獨 撰 非 人 經 之, 姓 名, 籍志》 然歌 以 有以 爲 相 亦 詞 丹 傳

乎? 太微屬 市 初 則分中外宮與二十八宿爲三列,而太微、天 太微、天市 乎前志之上,所謂 李 雜 淳 敘 漁仲 風 于中宫之次。 南宫,●天市屬 修《 好 配 異 紫宫爲三垣者。 隋志》,何 而 「棄周鼎而寶康瓠」者也。 無 識,欲取 使丹元果 東宮。 不 述三 俚鄙之歌,駕 晉、隋二《 太史公書》 隋人,則 垣 之 志》 説 唐

#### 數學九章

淳祐 易》, 衍》、 役》、曰《錢穀》、 (大衍) 大略》九卷、魯郡 七年九月自序。 蓋自出 日《天時》、 秦 九韶《數 天 新 時 意,不循《古九章》之舊。 》二類, 曰《營處》、 學九章》十 曰《田域》、 秦九韶道古撰。 攷《直齊書録》有「《 於治歷測 八卷, 日《 旦《測 軍 旅》、 其 望 天 目 八爲詳 前二 日《 日《大 日《 數 卷 市 賦 有

> 無 小試丹鉛之點勘。」秦少游元祐中嘗校對 祐四年八月以通直郎到任,十一月丁母憂 志》得二事: 都漕,九韶 本書籍,九韶豈其 集》有《回 九韶先世蓋魯人,而家於蜀者也。 南,故得與直 「善繼人志,當爲黄素之校讐, 而 癸辛雜 一歷云: 可攷矣。 異其名耳。 識》 秦縣 「近得之蜀人秦九韶道古。」然則 差校 嘉 又作《 齋往 《直齋》 其 熙 E 尉 以 一當在其 還 苗 九 數學 通 也。 後,蜀土陷没,寄 裔 韶 判 所 耶? 謝 題 録《崇天》、《 大略》, 予又攷《景定建 時,其任 差 名有秦九韶, 李 校 梅 正 肯從吾游。 亭嘗 蓋 何 《李梅亭 啟》云: 縣 即 紀元 居 尉 爲 此 黄 書 淳 康 東 則 成

敢。下三「宫」字同。書》、《晉書》卷十一《天文志》、《隋書》卷十九《天文志》。《隋書》卷十九《天文志》。《隋書》卷二十七《天官

數月 之, 韶 沿 解 秦 江 官 九 罷 鳳 制 離 韶 閒 置 任 歸 生平仕 司 晚 參議 與 其 竄 宣蹤 、吴履 梅 官。 制 州 跡 幕 齊交尤稔。 以卒」。 又《癸辛 略 題 可見矣。 名 實 祐 合此 雜 嘗 閒 識 知 九 數 稱 韶 瓊 書 九 州 觀 爲

# 測圓海鏡細草

德 所 説 嘗致力, 年 立 設 吾平 淵 號 作 天 問 而 消至元二十 矣。 撰 衍之」。 元 百 元 生 欒 有 後 後 著 布 書成于 城 四 序 世 述 算。 +, 李 云: 今 必 可 冶 有 盡 有問 洞 戊 自序 仁 四 知 燔 先 1淵》書 申 卿《 年, 者。」其 去, 有 生 九月, 謂「得《 答, 測 其子克修 病 獨 久 員 且 此 有 失 矜 其 海 革, 洞 書 法 傳 時 重 鏡》 淵 雖 有 蒙 語 如 刊 不 小數, 草, 九 + 其子: 此。 古 知 刻 容》之 皆用 未 何 卷, 吾 有 郭 王 人

> 櫝 股 顧 半 守 徑,即 帶 敬 還 應 溪撰《 縱 祥 珠 求 得 也 授 李 之, 其 氏 時 書, 法 桁 而 謂立 也  $\forall$ 盡 求 削 天 明 周 其 儒 天 元 細 弧 無 無 草。 度, 通 下 算 手 此 立 處 術 鄭 天元 者, 人 别 之買 用 長 爲 興 旬

#### 革象新書

七 其 之 豈 諸 與 四  $\equiv$ 字。 不 政 此 王 衢 篇,皆載 無 所見別 章 可 互 趙 後儒 準, 異。 揔 明 緣 濬 會之事 初,義烏 督 纂 謂 尊信, 占騐之術」。 王序 先 有 輯, 「以 生 不分 謂 本 諸 莫 抑 王 革 郭? 家 敢 一禕 其 且 象 卷, 桁 有 散 書 有 新 今檢 異 求 每 圖 有《推 删 書 邵 皇 議 葉 本, ×, 無 康 者 此 廿 極 元 倫 節 步》、《 其篇目 之元, 本 六行 槧 獨 元 初 本 緣 會 此 無 立 行 真 不 督 運 前 門 成 特 譏 世 後 通 #

人之論, 不能 非精 也 于 ,推步者不能知,非胸 有 定見

者

言

#### 祐會天 歷

元《授 不諳 九年一章之率推之,本非罕覯之事。 日立 理宗寶祐四年丙辰,僅 周密《癸辛雜識》、 諺,以元日立春 始於姑蘇吴氏得見之。朱錫 卦直日,以坎、离、震、兑各六爻主二十四 至元三十一年甲午歲,正月一日立春, 氣,及五日一候,皆唐《大衍術》,而宋因之。 推步,故有此諺,未可信以 春,猶之天正朔旦冬至也, 宋《寶祐會天歷》,予訪之五十年, 時 以 後,始不立 爲 陶 百年罕遇。 九 成《輟 一卅有 求卦氣七十二候諸 八 耕 鬯 年耳。 予攷元 爲實 録》。 跋 以古 引 也 見 世 農 法 夫元 距 田 家 分 家 宋 於 祖

> 世閒 矣。 竹垞 術。 八月三日下「大夫登」三字,當爲「禾乃 姤」爲「遇」、●「恒」爲「常」,皆避 影 崑 今疇 希有之物。 鈔本展轉 Ш 徐 人子弟,遂不 相 或 摹寫,不無 家宋槧本今已不存, 其書「元 知六日七分爲 鳥」爲「亂鳥」、 脱 漏 調舛, 宋諱。 要是 此 何 登 若 從 語

#### Ξ 秝 撮 要

之譌。

葉,不 極 精。 本名《擇 吴門黄氏有宋槧《三秝撮 題撰人姓名,又 致直 日 齋書 撮 要秝 録 解 無 題 大 刊 略 載 印 皆 此 要》凡 年 同。 書 Ė, 卷。 五 建安徐 而 十七 紙 墨 又

0 趙 遇」、長沙本同、商務本作「遘」、當作「構 韓 以 下同此 者 不再 出校。 避 宋高 宗

名,即 方操仲、 鋭 陽 百忌 行 合、 清 之士,今無有舉其姓名者矣。 四 率皆選 聖秝》、《會要秝》、《會同 通 賈、安床、裁 掛 卷, 服、除 船、 百忌 **秋》、《百忌** 叟云, 月空所在,次列嫁娶、求 蓋司天監 上官、 楊可撰。 是 萬 秝》 擇家言也。 服、 汪 書 其 年 也。 德 一卷、《太史百忌》一卷、《廣 尊 秋》 十七 衣、人學、祈禱、 起造、 詞訟、開 卷、吕才撰。 昭、 今皆不傳。 用 人尚 以注 》、《萬年具注秝》、《 其書每月注 倪 架屋、動 書 鄭 和父諸人説, 卷、 朔 店 公公 樵《藝文略》有《 日者。  $\wedge$ 庫、 楊 應 **秋**》、《 此 廣聖秝》 惟德撰。 龍 耕 書 造酒麵醬醋、市 土、人宅、 婚、 天 所 又 種吉日,凡 其 廣 德、 送禮、出行、 八引劉 輯 所 蓋皆  $\Rightarrow$ 聖 一卷、晉苗 月 集 引有《萬 萬年 不 秝 安葬、 德、 聖 德 太 欲 術 濟 廿二 秝 成 月 數 陰 史 集 大 著

# 太乙統宗寶鑑

《授時》日法一萬爲三率,推四率,得三百六 者。 也。 秝》是也,以一萬分爲日法。 日 萬 卯 時》法也。 閒者、景 七千二百爲 六十五日二千四百四十分之外,有終 分者,有終於六分者,有終於五六分之閒 分二十五秒。 五 曉 終於五分,五代王朴《欽天秝》是 一百,歲實三百八十三萬五千零四 《太乙統宗寶鑑》二十卷,前有大 以 山老人序。 宋同州王湜《易學》曰: 祐 萬 試 日法。 秝法》載於《太一遁甲》中者是 Ŧī. 以日法 予嘗詢之元和李尚之。 百 其求太乙積 分爲日 終於六分者,近年《萬 爲 法者,此 率,歲實爲 終於五六分之 年術, 每 年於 暗 日 用《授 也, 德 尚之 於 + 法 百 分  $\pm i$ 癸

以一 實 五 元甲子, 距元大德七年癸卯, 歲積 欲 至明正德十二年,蓋後人增改,非復大德舊 萬五千二百一十九年。 蓋 也。 五 萬爲日法,不以一萬五 彌章者也。 萬二千四百二十五 其氣、朔二策,竟用《授 王肯堂《筆 分, 予所見本, ·塵》載 百爲日法,所 即《授 時》數, 此 一千一十 時》 書。 積年 之 則 謂 歲 上 仍

#### 梅花喜神譜

本矣。

二卷。 諸 十八枝、欲 八枝、欲 目》曾列其目。 家 書 宋 上卷爲蓓蕾四枝、小蕊十六枝、大蕊 伯仁《梅花譜》,《宋史 目皆不 開 謝 八枝、大開 十六枝、就 及載,唯錢 今吴中黄氏 + 實六枝。 四枝; 遵 有此 王《述古堂 藝文志》及 書,分上下 下卷 凡 白 爛熳 圖 書

> 神」者,宋時俗語以 每 今見南宋鋟本已作「爛熳」,乃知此字沿譌 田夫、詩載《江湖小集》。 昔侍沈歸愚尚書, 鋟本也。 于嘉熙戊戌,此則景定辛酉,金華雙 仁自序,後有向士璧、葉紹翁序跋。 有自,要不得以是藉 每言「爛熳」之「熳」不當从火旁,古人只用 圖各有標 攷字書實無「熳」字, 疑始於明代。 伯仁字器之,湖州 目,各綴 畫像 口 五 ,致貽通人之誚 言 爲 喜 人,自號雪巖耕 絶 神 句, 也。 題云「 桂 蓋 前 也 堂 初 有 喜 刻 伯

## 文心雕龍

桓 一 十 務 《文心雕龍 議」二句,注家皆未 一年,「釋宋公」。 案文當云「魯僖 議 對篇》「《 預議」。 傳云: 詳。 春秋》釋宋, 惠 公羊經》 學 執未有言 士士 僖 奇

三五八

與 同,轉寫譌爲「務」耳。 之者, 爲爾奈 此 何? 其言 公與 釋 之 何 議 ? 爾 也。」「 公與 爲 預」與「 爾 也 與 公

#### 文 選 注

作 藏 徒 甘泉,詔 仲 氣。」二注 日 衍 甘泉賦》一首,始成,夢腸出,收而内之,明 字也。 賦 出 遂卒。』《文賦注》引《新 魚鱣,乃知「革猛」爲「韋孟」之譌,「安」乃 而 外,以手收而 潘 予向 甘泉賦注》引桓譚《新論》云: 病,未嘗因 玉 雄 檢漢 不 疑 閒 作 同, 安革猛 賦。 居 書・ 當 賦 病 注》 以 思精苦, 内之。 章賢傳》,果如仲魚言。 不 而卒也。 後 引 知 注 安革 論》云 何人, 詢之海 及覺,病喘 爲 困 Ę, 倦 猛 前 小臥, 詩 注 蓋 「成帝 子 明 祁 雄 悸 雲 日 夢 寧 祁 五 作 遂 因 小 祠 陳 我

> 何 或 出 卒, 文,并非 異 于妄人附益者,蓋未檢《文賦 据 此 癡 卒 人説夢邪! 注 李善注之舊也。 謂 字 子雲卒于成帝之世, 殆 傳 寫 之誤, 何 不 義 特 門 非 未嘗仕 注》之故。 謂《 新 新 論 論》 本

#### 文選元槧木

判 于 城人。公諱世昌,字正卿。 誌》,蓋代其子都中作。 稱伯 刊」,有前 大 元 朝, 官累任 夫 祐《僑吴集》,有《平江 顏字曰正 同 《文選》李善注元槧本,每卷首題「 爆直殿廬 知 慶元 海 池 北 州 卿, 路同 海 路 ,成宗賜 南 總 而未詳其 知 道 管 肅 府 名伯 文稱 路總管 延 政 事 祐 廉訪使余璉 張 (籍貫。 以謹 張 顔 七年, 伯 氏 致 顔 飭 長 什 由 陞 頃 小 助 將 洲 張 奉政 奉 作 心 之 公壙 讀 率 仕 相 政 鄭

仕。 後遷 大夫 乃知伯 漳 池 州 州 路 路 顔 同 總 知。 爲吾吴人,宜其文雅好事,異 管。 泰定五 告老,以平 年, 改福 江路總管致 寧 州 尹

# 宋名賢五百家播芳文粹

於俗吏矣。

耳。 前 賢校正。 卷」,亦不甚合。 卷計之耶? 今吳興劉 卷,衢山精舍葉棻子實編,富學堂魏齊賢 所列目計之,實不止五百 竹垞所見崑山徐氏宋槧本,稱二百卷。 聖宋名賢五 每卷或析爲上下,或上中下。 氏 藏  $\sim$ 四 本 庫全書》云「今鈔本 祇 百家播芳大全文粹》一百 百 卷, 豈 竹垞併所析之 人,舉其大數 百十 以 仲

### 陸宣公集

誥 》。 止取後十二卷,不及《制誥》 晁氏所載《奏議》十二卷,則 與《中書奏議》。 述三項名目,與此刻 槧本。錢遵王所見大字本即此也。 名」,若先代諱但缺筆 祐八年五月七日蘇軾等《劄子》。 奏議》皆作七卷,疑轉寫譌「六」爲「七」耳。 六、《中書奏議》六,前有權 唐書·藝文志》所載《翰苑集》十卷,即《制 翰苑》之名,而《中書奏議》實非翰苑之作, 構」字小 其云《議論表疏集》十二卷,即《奏草》 陸宣公集》廿二卷、《制誥》十、《奏草》 書「太上御名」,「慎」字小 驗其 同 而已,蓋乾道、淳熙 目録,無不 惟《奏草》、《 德輿序,後載 也。 元祐 · 脗合。 權 經進之本 其書 權序 序 書 雖 中書 標 所 元 閒 御 遇

失

史

首,後 遺 歲鮑 略 則 翰 此 予,子孫其善守之。 爲辨正之。 苑 題 以文得之,以贈嚴 集》,殆刊書者録權序於《翰苑集》之 來 宣 併 一公集者 爲 此 集,沿此 書 爲 向 得 之。 爲 久能。 徐氏傳 名而 權 公序文絶 不 今久能又以 是樓 悟 其非,故 物。 不 頃 云

### **韋蘇州集**

宋諱 遺》 首,紹興壬子校本添三首,乾道 臣 首。 禹 序,後附 三葉。 狀》, 錫 初 韋 大 驗其款式,當即是乾道槧本。 不 蘇 和 與左 П 沈作喆所撰《補傳》,最 州 其目 六 避 集》十卷, 年除蘇 蓋 司 굸 同 經 姓名, 元 州 熙 前 人修 刺 寧 有嘉 愐 史,有《舉韋應物 丙 實非 改,失其真矣。 辰 祐 辛 校本 卯 元 後有《拾 年王 校 而 本 添 作 於 欽 添 四

> 家矜慎之義矣。 喆作傳,聯合爲一篇,終雖有疑詞,然

#### 臨川集

異。 載全文。 文集》卅卷。《 之言。它若第九 卷又有《仁壽縣太君徐 人天性篤於孝謹」上凡脱一百七十六字,後 八卷《與孟逸祕校手書》之五文重出 今按集中七十六卷《謝 言所校, Ш 日爲序。 百卷,宋紹興 又九十九卷《金太君徐氏墓誌》, 陳 少 悉仍其 序言此 章 則先後失次, 春江》詩乃方子通作。《詠 中知 臨 卷詠 故,先後 集 川 向流布閩、浙。 撫州 集 譌舛 叔 氏 張 × 後云 詹大和 孫 墓 失次, 譌 學 通》詩 尚 土 誌銘》一篇,具 多,誠 書》, 校 ^ ,載《宋景 舛 臨 刊 詹子自 而題 即七十 如詹守 尚多。 自 川 黄次 夫 叔 互

有

當

乎?

小

而

無學者,

雖

出

人

介

甫

門

下,

其編次庸

矣。

大昕

案

少

章所舉詹本之失信矣。

卅

卷,與

此本

- 卷數

不

同,

則

當時

有一

本

明

布

者

異

耶

?

馬

氏《

經

籍

攷》

載《

臨

111

集》

百

條之失。

或肇明所編别是一本,與

閩、

浙

刊

门門下,

宜所編皆精

審,不應有

如

上

所

疏

諸

薛

肇

明

即

薛昂

徽宗

時

以

迎

合蔡京執

政,此

#### 氏 注

詩。

金

陵

獨

酌

寄

劉

原甫》

皆

臨

津

豔

豔

花

千

樹

云云,皆

詩

話

謂

春殘

孫

通

詩,

吴曾《漫録》

已辨之。

蔡條《

西

清

葉

少蘊《詩

話》,《

荆公集》乃宣和

中

奉

敕

編

成。

肇

明

名

屢見公詩,

則

其

紀

聞》、《

中

吴紀

聞》、《

廣

川書跋》

書

寘方册間,

而

亦誤

編

人

集。

相鶴

經》一

密葉花枝少」云云,皆王元 條,本浮邱舊文,皆荆公偶 王平甫詩。 此見於《困 王君玉 者 人 薛 也 素 肇 詩。 之 明 學 七 出 據 古,兩 閬 引《古靈先生行狀》。 查 公堯佐長子。 行狀差舛, 州閬中人。 查慎 人並 蘇詩 行 則 非 注 查所引誤矣 同 按古三 堯佐 東 族, 坡《 靈, 豈 子名述古 和 公名襄,字述古, 미 福 陳 溷 州 述 而 候官人, 古拒 爲 而 ? 古 霜

花

詩

文

惠

#### 潏 水 集

據 雉 再三,歎其學有 而《宋史》不爲立傳,其 集中可見者略言之。 城官署。 嘉 慶壬 信宿 戌 重 本原,非 東 陽 齋,於架 後 事 蓋 蹈 日, 迹 以 空逞 上得 訪 遂 元 佺 無 豐二年登進 辯 此集,披閲 可致。 Ш 者可 大 令於 比 今

三六一

靈

字

述

若

非

而

堯

佐

新

三六二

其撰《 州, 也。 尚 夔州 運 郎 元 士 加 十八。」計其 初,累遷 賀皇太子登寶位 歸 言。 無 副 管勾熙河路經略安撫 祐 又改 恙,其 使。 里, 履 (范恭 紹聖間 再 中家 又或自 陳 任 直 <u>Fi.</u> 其後嘗爲刑部郎官奉祠。 州 提 年 祕 人墓誌》云: 於長 壽 生年當在壬辰。 官 點 閣 攝 已七十有五, 題 於 四 雲臺觀,終于集賢 夏 熙 東蒙, 安,而自題 年 潞 表》, (陽令, 河 移冀 州 轉 則未詳其故矣。 則 運 司機宜文字。 又 元符二 州, 靖 使。 熙 嘗 趙郡、蓋舉 不 康 其 寧二年, 爲 知 而 丙 三年 秋 年, 耀 終 集 午 除 (殿修 州 中 于 歲 又嘗 河 改 以 教 又 予 郡 何 履 東 知 朝 撰。 授 有 生 年 中 知 轉 鄭 寧 散 望

#### 野 處 類 稾

洪 文敏《 野 處 類 稟》二 卷, 吴門徐 淡 如

> 之句。 益 弟逢 戌 謂 照 此 臥 鈔 集, 病。 僅 塔》云: 篇, 以 可 泗 年 八 州 疑 見 似不 因 矣。 時 歲,即早慧能 大 又 贈。 甲 鈔 有《呈 歸 聖塔也。 出文敏之手。 戌者,紹興二十四 于簡 婺源 頃 重來 見 端。 元 詩 戈 得寓 聲 公生于宣和 小 詩,不 序 如 蓮 與文敏兩兄字全别, 目 稱「甲 愚 家 歸 如 起莘三兄及懷舍 -應有「 藏 庚 年也。 枕 戌 本 戌 尾 之春, 癸卯,至 重 Œ 殘汴 前 來 月《 然 有 寓 謁 細 家 自 目 當 普 庚 讀 居 序

#### 鶴 Ш 大全

夫成都 篇 圃 所 末 藏 鶴 題 府 Ш 開 先 路 有 生 提 慶 吴 改 點 淵 大 元夏五 刑 序, 全 獄 集》,宋 吴潛後 公」,其下殘闕 月甲子諸 槧本, 序, 又 生朝 黄孝 有 姓 請 跋 廉 名 大 蕘

衷》、《 不 聯 即 故 溪 年 進 爲 存者亦不無魯魚亥豕之譌,又有合兩卷 有「大全集」之稱。 兩 可攷矣。 刻 士, 嘗通判靖州者。 一卷者,然世間 師 本,皆止百卷,至是始合《周 友雅言》,并它文增入 細繹其文,蓋 恐 所憾闕失十有二卷, 無第二本矣。 亦蜀 此 集先有姑蘇、 爲 人,登寶慶 百 有 十卷, 禮 折 温 元

次 生 都 非 公年除 一於淳熙 愈判主文眉 十四四 師友雅言》第三卷有 成 也。 都 戊 1 僉判。 (戌,嘉 Щ 定元年登第,年三十一, 鶴 其主文眉州,年三十四, Щ 年二十四。」攷文靖 一條云: 一自 成

# 陵陽先生文集

應 復 所 牟 巘 編 陵 蓋 陽 非 先 生 生文 前 手定之本。 集》二十 四 應 卷, 復 次子 跋 稱

《張左丞共山書院記》、《三省堂記》,皆 之卒於元至大四年辛亥,當生于宋寶慶三 應復之闕者也。 先世墓銘》、《程承旨藏書樓記》、《雪樓 「悉心哀輯 年丁亥矣。 寶雲寺記》,亦獻之作,今不載集中,此 本,則其散失多矣。 隱居,凡三十六年,年八十 · 十未及一」。 跋 稱 予家有趙子昂 即 「至元丙子, 所 五以 知 如 終。」 書《 閻 是 即 松 未 口 平 獻 章 杜 補 江 得

#### 石 田 集

Щ 子山詩》,即《元史》之巎巎, 詩、賦五卷,文十卷,俱完好。 峱」音亦相似,譯語 其字也。  $\sim$ 石 田 先生文集》十五卷,元 「巎」與「猱」 無定字耳。 同 乃高 本 集中有《寄峱 康 、槧本。 監本「巎」 切,「猱」、 里 氏,子 凡

信。誤作「巙」,乃傳寫之譌,證以《石田集》,益

# 金華黄先生集

之,與 記》本 讀之。 先 可 辛 名爲集名。 生,以示尊崇之意,非有兩本 憎。 卯 仙 予 ·别爲 行狀卷數恰合,蓋 雖不 居 初見《黄文獻公集》十卷, 頃在吴門,聞 張 一編,雜人文集,次第紊亂 標日 儉所 厥後門弟子校刊, 刻。 損 齋之名, 黄蕘圃 以意删 文獻手定本, 收得元槧本,假 而 削,《 改題 也 合前 春風 乃 金 後 明 尤,尤 嘉 以 華 集 亭 黄 數 爲 齋 靖

# 偶桓江雨軒藁

《江雨軒藁》八卷,自题「義易偶桓武

巡撫 喜 曲 卒當在明 桃 江 詠,久之乃還。卒年八十二。 文 楊 孟 友 題桃花書屋 三」,是武 縣,故黄容敘其 使,終荆門州 秀才舉,爲崇安從 辛 手 無祭 用, 詩 雨 源涇者, 維楨、倪瓚,瓚 卯 立 軒。 宣 種桃 按 即 府 亦 予 隨 春 舅 孟 每自 太 永樂十八年 無辱。」又有《元夕寫 所 花結書屋。 即 入京, 防印。 詩 日 倉 生 吏目。 藏 茜 于元順帝至 試 卷》,詩云: 志 題 乃葉文莊菉竹堂鈔本,前 集稱爲 涇 呕 筆  $\forall$ 瞎 僑 也。 事,授廣西桂 稱 牛, 詩 偶 居 致 之。 》云「 庚子矣。 桓 太平老作葛天民, 仕 建 崑 明 又 字 歸, 安 初 號 洪 Ш 元 「野 武 野 、坊下。 偶 茜 遇 武二十 海 家桃 五 孟 老 興寄茜 武 翁。 年己 涇 淮 翁家住桃 武孟 行 林 孟 尚 少 南 源涇, 年七 卯。 也。 志所 放 屬 故 河 四 嘗 有《 L 崑 情 泊 年 接 諸 自 有 源 自 其 其 山 云 築 觴 蔣 大 應 識

+

是 時 餘 明 德 家,則李希范居其 何 子野撰。 范子脉訣集解》云: 南豐曾惇字宏父者絶不相 四 失。 | 敷? 祐 察秋毫不見目睫者矣。 板 年來,人無間 庫全書目》即采 人,而 行, 丙子,宋亡 朱 曩歲李南 竹垞博 如《石刻 其跋《濟 必多傳習者,而《 自號晞范子。 朱别 極 澗 言。 鋪 僅 而 群 刊 生拔萃方》,具 敘 十載 一。攷咸淳二年 爲 書, 予説-然涉 此 二,不 咸淳 本 題 耳,希范與晞范子 書,予始爲攷正, 其書引證周洽, 也。 宋 廬 獵 跋 加訂 涉,而誤以爲 陵 既 皆不苟下筆 • 年,臨川李 其跋宋本《 藝文志》不 曾宏父撰, 多,未免千 IĘ, (列元 -丙寅, 亦 時 所 今 駉 明 當 睎 謂 距 醫 載 與 慮 百

之哉 紹興 下,付 即 字,或後人傳鈔去之耳。 敘 館 取 文志》及《崇文總目》所闕之書,注闕字於其 遺盱眙軍向子堅言「乞下本省,以《唐 攷《續宋會要》,載紹興十二年十二月,權 因 東,從范氏天一閣 此本。 其便 閣 鄭漁仲之言, 釋,每書之下,多注闕字, 、中頒下諸州軍疫訪之本。 ^ **潜州** 崇文總目》 旋 於尋檢耳 即物故,名位卑下,未能 且漁仲以 題云「紹興改定」。 軍照應接訪」。 紹興 ·, 豈 薦人官在紹興之末,未登 鈔得之。 册,予友汪 (中從 因漁仲之言 朱錫鬯跋是書, 而 是今所傳 陳 其 去其注 今不 直 書 炤 有目 傾動一 齋所見, 有 少 而 復 有 釋。 目 山 「無釋, 者, 意 • 見 游 而 時 # 即 謂 發 題 蓋 無 今 浙

三六五

三六六

聊 其 若 言 紹 爲 辨 者 興 正,以 十二年, 朱 解 氏 後 漁 仲 來之惑。 時 揣 閩 度, 中 未 布 及 衣 研 耳 究 誰 歲 復傳 月,

#### 郡齋讀書志

用袁 矣。 闕。 世 後 應 兩 之《附志》。 州 袁 希 書 績 刊之郡 州 通行本皆依袁本 弁得 |巻數 本,是當時 馬 其 所編,淳祐己 本 鼂 氏 僅 與希弁同 公武《郡 四卷, 齋。 衢 不同,所 經籍攷》所 本, 衢州本二十卷, 兩本 又取趙希弁家藏書續之,謂 淳祐庚戌,番陽黎安朝知 齋 參校爲後志二卷,以補 者,不復 ) 酉南 收 讀 翻 並行, 書 刻。 書志》,宋 引晁説 充游鈞 則 重 衢本幾倍之。 予 而 列,蓋已 ,壻瞿 則晁之門人姚 優 知衢州所 皆 劣 時 生 自 據 有 中 判 非 衢 兩 溶 本 完 本。 刊。 其 書 其 購 今 袁

得鈔白衢本,惜無好事者刊行之。

### 趙希弁讀書附志

弁。 惟 文志》。 爲世父後者也。 潭,世潭子正議 士祕書省校勘書籍 子孟,子孟子伯崟,伯崟子師 回,紹定戊子,爲衡 正,惟正子馮 希弁實太祖九 趙 希弁《讀 攷《宗室世系表》,燕王德 翊 書附 大夫令誠,令誠子 其 侯從讜,從讜子 山令」,則是本 世孫。 」,始家於江 白署銜 志》,不 云江 此 · 載 書 向, 於《 一西者。 [稱 西 師 師 馮 昭 右 宋 漕 生 □ 向 奉 翊 子 史 貢 子 父 子 議 侯 魏 . 進 而 師 希 郎 世 藝

### 直齋書録解題

振孫《宋史》無傳。《癸辛雜識·别

陳

郡。 令鄭 萬 止 孫之長子。 陽氏子婦》 振 散 名 改 厲 而 寀 面 日 率臺 知 鶚《宋詩紀事》稱一 里 到 已。」是振 死,其妻申省,乞朝廷與之伸冤。 浙 孫 大 有 20 任。 又《陳 夫 寀 嘉 並 西 陳 由 庫 知 諫 提 興 督之,竟不得其 振 有 浙 全書總目》又引《 「徐元杰暴亡,或以爲史嵩之毒之 台州 舉 嘉 府。 疏。 共爲一疏, 孫。 東 周 謂振 、熙元. 孫於淳 提 # 條 兼 子 端平三年二月初六 遂將 舉 攷《會稽續 孫始 年五 權,八月正除,十月二十六 檢 稱 改 條,稱 「端平 汲 祐 醫官、人從、廚子置 少司 陳 知 古 仕州郡, 月,改知 四 情,止以 伯 嘉 閣 年 周 中 成陳振 玉 一癸辛 興 志》浙 官國 毛氏所刊《癸辛 仕 土,直 振 府 爲 終官侍郎, 孫 雜 嘉 十數輩斷 非 子司 浙 孫、 時 興府。 齋 識 東提舉 浙 日 西 察官 以 侍御 侍 . 業 提 西 倅 莆 以 郎 獄 也。 舉, 也。 題 遣 不 振 攝 田 是 朝 江 鄭

> 雜 識  $\forall$ 無 此 兩 條, 不 知 <u></u> 總 目 所 據 何 本

也?

著 楊 有《隨齋詩集》,或即其人乎? 益 此 書 字 有 友直 隨 齋 浴陽 批 注 人,官至撫州 不 著 姓 名。 路 攷 摠管 元 時

有

所

#### 菉竹堂書目

者,首《 稿 據 次 序 得之周玉 藏 目不分卷第,自《聖 稱書 其六世 書 前載 亦不載 也。 菉 聖制》, 目 此 竹 一庵家。 孫國 六卷, 今所傳者,其 序, 葉 堂 書日》 氏 而 華跋 而 書, 敘 終 以 卷分爲六。先《聖制 列 文莊 制 以 者, 云 則 本 葉 非 而 Ŧi. 明 鄱 自序 氏 文莊手定之本也 下, 世 嘗見文莊手筆 崑 陽 書 孫 Ш 爲《 馬 初不依馬氏之 證之,殊不合。 恭焕 葉 氏。 後 文 録》。 所録,云 其不 莊 公所 邺 同 終 此

之目, 者從其家 録》。 葉 或 事於刊正,而未定之本也。 攷》之例,每書記其卷數,而以葉氏 目 氏 有册數 華謂此 書。 既未克成,而序幸傳文集中。 今所 則平時 無卷數 目依 每 得 部 此稿傳之,故與序不相應。 簿録 鄱 册 陽馬氏者,尤爲失攷矣。 ,蓋文莊 若干, 所藏 每 書,麤分門 本意欲依《文獻 册 文莊既没,好 卷若干。 類,將 書爲《後 今 傳 此 事 有 而 通

以《金石録》、《夷堅志》、《 通志》; 吴自 其 牧《夢粱 以王氏《困學紀聞》人《文集類 書 而本類中 録》, 一見《子雜》、一 兩三見者,不可 書 録 解 題》人《類 見 勝

#### 元 藝 文 志

予 補 撰《元藝文志》,所見元、 明諸 家文

> 集、 别裁苦心,偶有一得耳。 數 采獲頗多。 元藝文》、陸氏《續經籍攷》、朱氏《經義考》 經 事,以例 志 籍志》、 乘、 小 黄氏《千頃 其餘,非 其中亦多譌 説 無 慮 敢指 堂書 數 前 踳 百 目》、 不 種 人之瑕疵, 可據者,略 倪 而 氏《 於 補 或 焦 者 氏

通 事 類》。 志》列于《天文類》,今從之。 郝經《玉衡貞觀》,黄、倪 此 書有自序,見《陵川 兩 集》。 家俱 Ш 故 西

宋人。 錫 州同 祝君澤《古賦辨體》十卷, 知,其爲元人無疑。 按祝堯字君澤,延祐五 年進 錢遵王 士 以 官 爲 無

論》十卷。」朱錫鬯亦收入《經義攷・易類 論》人《集 王誤「互爲「五」,非 墓表》云: 王圻《續文獻 《類》。 晚 攷《黄文獻公集》有《石 而 通致》以石一 覃思于《易》,著《 也。 鰲《 五. 互言總 言 先 生 總

元人。按起潛南宋人,淳祐中直學士院,不鄭起潛《聲律關鍵》八卷,黄、倪俱以爲

當在元人之列。

用宋 先 誤 主德祐二年,即宋亡之歲。 宋季執政,未仕元 今汲古 于紹興朝,其所撰《唐詩紀事》刻於嘉定中, 厚之宋孝宗時人,葉隆禮 生阡 仞爲元人。 紀 倪氏 年耳。 閣 表》,稱「卒於至元十三年」,實宋 多以宋賢誤列元人。 重刊本前 倪氏俱以爲元人,誤矣。 而 載舊序甚明。 卒。 《黄溍集》有《格 宋理宗時人,倪皆 晉卿元臣,不敢 如計 趙 有 順 功仕 孫 王 少 齋

一卷。 以 書》十二卷,又有《寶漢卿 漢卿爲宋人,亦誤 倪《志・醫方類》有《竇 漢卿 即 默字,倪 不 瘡瘍經驗全書》十 攷而兩收之。 默 瘡 瘍 經 驗 或 全

王元杰《春秋讞義》十二卷,前有千文

顯係重出。《蘇州府志·藝文》亦承黄氏之誤。《春秋類》别有千文傳《春秋讞義》十二卷,傳序。元杰,吴江人,與文傳同郡。黄氏於

以地名偶同而誤者也。 平江,而《蘇州府志·藝文門》亦收之。此平江,而《蘇州府志·藝文門》亦收之。此

《孟子年譜》各一卷,不見於前人著録,或是姑列之《文史》,當攷。朱氏《經義攷》亦云未見。
从《經部》、一人《小説部》。此書今已失傳,
俞遠《學詩管見》一卷,《江南通志》一

肅。 稿》, 皆吕誠作。 來鶴亭詩》、《既 今《蘇州 白 軒 府志》 稿 \* × 誤 竹 以 洲 爲 歸 旲 田

好事僞託,今不收。

熙十三年序,乃朱文公《啟蒙》之序也。《經胡方平《易學啟蒙通釋》二卷,前載淳

三六九

黄榦,而方平及從貴寶、夢程學,則方平爲寶受《易》于董夢程,夢程受朱熹之《易》于熙中人矣。 攷《元史·儒學傳》,饒州沈貴縣攷》誤仞爲方平自序而載之,則方平爲淳

亦重出。
人、周權與周衡亦爲二人、揭徯斯與揭曼碩人、周權與周衡亦爲二人、揭徯斯與揭曼碩無茲《志》以移剌楚材與耶律楚材爲二

考亭三傳弟子。

道宗,不特非宗説,亦非宗道也。《紀古滇説集》一卷又見《地理類》。其人實名《紀古滇説集》一卷見《霸史類》,張宗道《紀集》見《史鈔類》,又見《地理類》。而張宗説集》見《史鈔類》,又見《地理類》。而張宗説

ī肅,亦誤分爲二。 李延興字繼本,亦分爲二人。呂誠一

爲元人撰。

今不取

名

以爲李泰所葺,未審泰何時人。今據鄭明錢遵王《敏求記》有《天文主管釋義》,

别是一書。德《僑吳集》,定爲岳熙載撰。遵王所見,或

於宋世,與元代無涉。今不取。有譏松雪事,而不知非其真也。子固實卒焦、黄皆以趙孟堅入元人,蓋傳聞子固

参知政事夢然所作。按三舍法行于宋世,卷,引王圻説,謂元東陽内舍生何夢中與弟朱氏《經義攷》有何夢中等《周禮義》一

于

地

理。

竹垞未及辨正耳。宋以《周禮》試士,此必年,亦非元所授官。此王氏《續通攷》之誤,元時未之有也。夢然參知政事在宋景定二

弟兄科舉之文,不當溷入經義

也

明》五十卷。按趙希弁《讀書附志》載此 矣。趙《志》云「建康布衣」,而黄以爲遂安 進其書于朝。 云「建康布衣尹起莘所著。 黄氏、倪氏《史類》有尹起莘《 魏了翁爲之序」,則 别之傑 帥 非元 綱 金 目 陵, 人 書 發

「祚」,音之譌耳。其書實五册。封衍聖公元措所撰,蓋即是書。改「措」爲名《孔庭廣記》十二卷,乃孔子五十一代襲云「孔子五十一代孫」。予嘗見元初刻本,一代孫」。予賞見元初刻本,

王鶚《汝南遺事》,雜史也,而倪《志》列

直學士。 字子白,臨川人。 克元都,堅出降,仍原官。 云 之,失之遠矣。 者,當是科舉所 南左布政使。」此 曾 「吴江人, 仕元 堅《詩 元以 疑 經疑取士,此云《詩疑大鳴》 用。 大 大誤 至正 鳴集》, 爲禮 黄以吴江同姓名者 也。 甲午進士,官至翰林 部員 黄 按《 宣德初,歷 目 四 外 列 朝 郎。 于 詩 明人。 官  $\forall$ 徐 當 雲 達

記》,又有《喪禮會經》,蓋一書而重出也。朱氏《經義攷‧禮類》有葉起《喪禮會

據虞伯生序,當作「記」,今删其

分明。 宜黄 鄒其姓,次陳 法》六卷。 (人,其字悦道,見於《吴草廬集》, 黄、倪二家《制舉類》有 今乃以陳爲姓,悦道爲名,豈其然 按其 其 名 書首 悦 帙 道 自 則 題 陳悦 其 鄒 字 次 也 道《書義斷 陳 悦 次 證 陳, 道。 據

三七

《草廬序》。 《志·史鈔類》。又有《遺安集》十八卷,見 乎? 次陳一字周弼,有《史抄》十卷,•見倪

十駕齊養新録卷十四終

「抄」,商務本作「鈔」。

### 十偶齊養新録卷十五

# 十駕齋養新録卷十五

嘉定錢大昕

#### 商己孫敦

之耳。 同。 豐曾氏所藏也。又有己丁敦,蓋曰「孫己 器有己孫敦,上爲「己孫」,下爲「孫己」, 與器各有文,其蓋文云「己孫丁」,其器文云 文上「己孫」、下「孫己」, 正與曾氏己 丁」,器曰「己孫丁」,不言何人所藏。 「孫己丁」。攷薛氏《鐘鼎款識》第五卷 而上下文互易。 而曾本少丁字,或南豐摹此銘時偶失 海 其所云己丁敦銘 鹽 張徵君燕昌以所藏 竊意薛氏 六字, 所載 商敦出示,蓋 與 二敦本即 此敦恰同 孫敦 此敦 載 南 商

> 器,曾 號。 言其日,恐宜分别觀之。 器,則己丁者當是其享祀之日。予謂《少牢 倒 「己」或在「孫」上,或在「孫」下,當是其孫之 饋食禮》「日用丁、己」,則丁爲祭日 己爲號者,有以丁爲號者,然不應併銘 易,或轉寫之誤歟? 薛氏所言固先得我心,而己言其人,丁 所摹偶失丁字, 而 薛氏 别 本 所記 謂 商之君 蓋 器之文 無疑。 有 其 以

#### 睢陵家丞印

時物。 時物。 時物。 一次 一人,則此印必是晉 一方。《漢·郡國志》惟陵不 一方。《本子》(古)

三七三

#### 晉率善倓印

四十一。 懷以 也。 之, 益明白矣。 以 楯 文云「七姓,不輸租 引何承天《纂文》云: 予謂倓必南蠻. 「倓」爲何義。昨訪予吴門,以此印出 蠻 代 晉率善倓 倓 租 予謂錢已是貨,何 「傳》「殺人者得以倓錢贖之」,●章懷注 海 鹽 爲 賦 則竇 微 黄 贖貨之名,蓋 錫 倓 與俠皆蠻部 伯 部族之稱。 蕃 錢 長」。 椒 以 賦, 升 贖 得古 失 訪 餘 罪,其義一 必 「倓,蠻夷贖 諸摹 (其旨, 户歲 攷《後漢書 落之號,徵資 更言谈? 銅 印, 印 人實錢, 得此 家,莫 駝 也。 鈕, 印 罪 據 • 板 示。 文 證 章 錢 貨 知 П 下

## 唐東都尚書兵部印

自「尚」、「之」二字外,率於篆法不合。」「所用印以「東都尚書兵部之印」爲文,印文魏華父《跋游景仁所藏裴紹業告》云:

### 南漢銅鐘題字

云 月庚辰朔十六日乙未,弟子萬華宫使、桂 通,皆完好可喜。 官舍,故流傳頗少。 字,撰《粤西金石 南 維大漢乾 康謝 藴 Щ 略》十五卷,刻 巡 和 十六年太歲戊午, 在蒼梧縣光孝寺,其文 撫 所載 廣 西, 南漢 好搜 銅 甫 鐘 訪 成 款 金 而 閨 識 石 殁 于 文 州

■「之」、《後漢書》卷一百十六《南蠻傳》作「死」。

云辛酉,是朔亦差

一日也。」

凡數百 管内 月, 云: 聖壽 歲 恰四年, 五 西 報寺,永充供養,上資當今皇帝 造 周世宗顯 之,改元大寶,即戊午歲也。 晟之紀年。 鴻 爲宋太祖建隆二年,其九 百觔,於乾亨寺,永充供養。」 朔二十五日乙酉,鑄造銅鐘 而此云閏六月,是置閏 萬 鐘 招 春。 人,文多不載。 維大漢大寶 討 與鐘文合。 口 使、 德五年,薛史及《通 晟以十六年八月殂, 謹 重五 特進 記。」一在 百 行 四 内 觔,置於 藴 年 侍、 攷乾和 Щ 歲 賀 云 E 差 縣三 次 月壬戌朔, 梧州 柱 自戊午 鑑》是 辛 爲 月也 四 或 口,重 酉, 龍 乘 雲蓋 戊 而 南 吴 面 寺, 圖 年 午 漢 至 子 列 九 懷 水固 名 月 其 閨 歲 辛 — 而 辛 鋹 主 Ш 恩 辛 文 此 西 劉 者 感 鑄 Ł 爲 西 嗣

觀

#### 宋 金 官 印

於汴, 子。 興定者,金宣宗年號。 域志》恩州武 篆文官二人,是鑄印 志》,●少府監 一人主之,所 務,或置於 所菜字印,興定元 三年二月少府監 其 汪 故有行宫禮部 秀峰 日 收 謂 城 掌 城 得 一思 縣 内,或 鑄 監 宋、 牌 有饒陽鎮。 當 州 金官 爲 印 年九月 鑄。」攷《宋史 之稱。 官 饒 置鄉 其時 少府專 諸記,❷其 也。 陽 EIJ 鎮, 鎮 各 中都陷没, 其 行宫禮部 酒 職。 一,摹 金 設 宋 税 史 監 時 屬 日  $\sim$ 務記, 百百 税 州 元 有 其文 百 南 造。」 務 縣 豐 鑄 官 官 貽 遷 提 官 九 EIJ 大 酒

控

税

百」、《宋史》卷 百六十五《職 官志》作「

宋史》卷 百 六十 五《職 官志》

署者。 志》屢 字文》編號耳。 見一提 「菜」字亦不 控 字, 知何 却 未 義,當 有 以 取 提 周 控 興嗣《千 所 爲 專

都虞 猛 字,紐之左右刻「端拱二年四月鑄」凡七字。 揮下皆有 聖爲殿前司所屬禁軍之一。《志》云「指 中,選諸州騎兵送闕下,立爲驍雄,後改 兩。其文云「拱聖下十都虞候朱記」凡九 寸二分、厚六分,柱紐 按《宋史・兵志》,拱聖指揮二十一。 二十一」,此稱「拱聖下十都虞候」,豈每 雍熙四年又改拱辰,未幾改今名。 候所! 海寧吴槎客得 用乎? 都 虞 候, 而此印爲第十指揮 宋印,長二寸三分、 高 一寸一分,重十二 廣二 乾德 下之 蓋 指 拱 揮 驍

書「壯」作「蚍」,不合六書 指揮 大 興 第 翁宜泉得宋印,  $\overline{f}$ 都 朱記,淳 化 文云 Ē 四 年九 體。 「壯 予 月 壻 鑄 瞿 勇 其 第

> 别爲 咸平 侍 記殆軍使、都頭 壯勇營第一指揮下之第五都 中始增至 濤 五百人爲一營,每營設指揮 以 員,步軍設都 衛 司, 五都,每都 以後,遞有增補。 宋 志》 以 七。 招 攷之云: 獲群盜 此 所用歟?」 頭 馬 印鑄 軍設軍使 員、 於淳化 配近京 舊止三指揮 副都 壯 勇, 一員、 使一員。 頭 也。 徒役者拔 四 宋 年, 初 員。 副兵 宋軍 至 蓋 熙 其 此 馬 制 禁 寍 朱 以 使 軍 下

無之,是必元初物矣。 號」三字。案宋官名有「宜差」無 襄陽唐鄧軍稞税所成造」。 金、元皆有「宣差」,但金印當有 旁差官印」四字。 翁宜泉有舊印一,篆文不甚 背文無年月,但 左側 年 可 有「土 宣 辨, 云 宣 而 似 此 差 是

《金史·百官志》「左右宿直將軍從五 行。 將軍司印」。 奉職三十人,舊名不入寢殿小底,又名外帳 奉御之從人所帶,僅得人第壹重門而已。 家子弟爲之,出入禁省,號爲近侍。 右宿直將軍司」。下有印篆文,文云「左右宿直 許、寬不及二寸,上有穿。 小底,皆大定十二年更」。 總領親軍,凡宮城諸門衛禁,并行從宿衛之 七字,字較小。 人第壹重門」六字,右刻「日字第三十二號」 予審定以爲金時物。 又云「奉御十六人,舊名入寢殿小底。 和姜怡亭 其一面中刻「奉御」二字,左刻「得 最下刻「從人牌子」四字,二 寧示予銅 然則 金之「奉御」皆世 其一面文云「左 牌 拓 此 本,長五 牌當 此牌 品,掌 給 於 則 寸

# 元常德路鑄造祭器題字

大定以

後也。

文云: 涼府。 《元史·地理志》,永昌路,唐涼州。 號,唯《世祖紀》: 只必帖木兒築新 鑄造,非常例也。 此西涼州之祭器, 肅行省,而 永昌路,降西涼府爲州,隸焉。 西涼府,景德中,陷入西夏。 州儒學永寶之。泰定甲子四月吉日 器壹伯貳拾玖 元常德路鑄造祭器題字,正書四行,其 「常德路達魯花赤哈珊黑黑 至元十五年,以永昌王宫殿所在,立 常德路 件, 城成,賜名永昌府。」然 《諸王表》不載永昌 奉王 乃常德守臣奉永昌王 「至元九年十一月,諸 屬 湖 命 廣行省, 也。 元初,仍 永昌路屬甘 永昌 本不相 **鑄造** 宋 誌。 路 王名 爲 初 西 命 爲 涼 按 則 西

駕齋養新録卷十五

《宗室世系表》。 不知何 德 江 貨 定甲子,相 志》 〈志》: 南户 爲 見爲 永昌 所 鈔 云 常 「濶端太子位,至元十八年, 王分地,故有奉王命鑄祭器之事。 太宗第二子濶端太子之子, 永 史家 距已五十二載,其 德路 昌 王 漏 然自 四萬 者 略,無它文 只 七千七百餘户。」 至元 必 帖 九 時 木 可 年壬申, 兒 嗣 證 永昌 也 矣。 分撥 是常 至 見 王 只 ^ 食 者 必

#### 甘露寺銅鐘

志》題 路 達 世安爲達 年 魯 所 F 萬 花 鑄 北 名, 户 赤 固 周 魯花 府 馬 失 Ш 遭 甘 達 速忽、鎮 書 刻《 赤,不 露寺有 馬 魯 心經》 花 速 赤永安名。 忽 江 知世安漢人,不當爲 銅 路 永安二人。 部,下 鐘一口, 總管李世 方列 攷《鎮 元 安、 又 至 鎮 誤 江 鎮 正 江 達 以 府 路 九 江

魯花赤也。

#### 豹 字 牌

得 豹 罪 懸 銅。 予按《明 律 伯 相 月,命工部 兩 隨駕 同。 房, 同。 帶 論罪,借者 肆 一枚,其面文云「豹字 面 此牌, 有文。 其文一面二十四字: 瞿子鏡濤 拾 守 養 則 柒 豹 衛 知 面 號 無牌 凡 宗 軍 官軍勇 正 此 「守衛」二字。 内 實 士 及 於元 牌 凡 面 者依律 府守衛 所 録 借 亦 隱 \* 士,懸 帶 起作 明 與 妙 字。 耳。 時 者 觀 論 軍 永 陸伯 物。 豹 市 罪 帶 背 罪, 所懸 海 與 樂二十二年十 像,横刻「豹字捌 得 同。」不署年月。 此 面 「凡守衛 寧 此 借者 拾 蓋 銅 牌,無 文 旲 木牌更造以 號 牌 牌, 正 六 騫 德 文 及借與者 上有穿, 行 背 槎 閒 字 牌者依 官軍 궁: 文形 客 大 創 亦 7/ 略

#### 禮 器

碑

之虚 曲阜 北。 謂空桑者窮桑也。 其不經,殆未致《左傳》耳。 窮桑」,注「窮桑,少暤之號也。 隸釋》引「伊尹生空桑」,以爲不經之甚。 ,故稱空桑。 也,在魯城内」。 漢 定四 韓 敕《造禮器碑》「顔育空桑」,洪 年「封於少暤之虚」,注「少暤 「空」、「窮」古書通用,洪譏 《左氏》昭廿九年傳「遂 顏母生于曲阜,即 窮桑地 少昊 在 虚, 濟 予 氏 魯

### 析里橋郙閣頌

興 州 即 析 今漢 里 橋 郙 中 閣 府 頌 之 略 洪 陽 氏、 縣 婁氏 也。 漢 俱 之略 言 碑 陽 在

+

駕齋養新録卷十五

墨 置 縣 以字體與《夏承碑》相似 陽棐《集古録目》以爲 一 一 人。 一,相 屬天水郡,今縣 去幾及千里,名雖 趙崡《 石 則南 墨 鐫 仇紼 華》 宋 妄意之。 同 開 而 謂 書 禧 地 是  $\equiv$ 則 蔡邕書,特 紼字子 然《夏碑》 年 異矣。 改順 長 政

之出中郎手亦無確據。

碑, 碑,本作「嶃漯」,無「蝲」字。 楊君碑》證之,固可信矣。 之蝴潔,徙 『烽』當作『燥』、『醳』當作『易』。』楊用 嚩。 釋」。 嶃 醳」之爲「釋」,以《司隸楊 濕燥」之説,更以「嘲」爲 雖是  $\wedge$ 非 廣川 用修未見石本,故承 顧氏《金石文字記》亦取楊説。 重刊之本,而 嚩 朝陽之平烽」。 書跋》云: 唯 歐 陽 此二語點  $\sim$  $\wedge$ 郙 集 洪 孟》文及《縣 「潮」、以「 潔」當作「濕」、 其 閣 古 今略陽縣 氏《隸釋》載 誤 頌 録 畫 × 耳。 **>** 分 誤 醳 醳 明, 讀 予謂 修 陽 嶃 有 散 爲 此 關 是 此 **今** 爲 取 與

三七九

平對、漯與燥對,於義亦無可疑。

下

句

徙朝

陽

之平燥」、「徙」亦誤字,石本作「從」。

### 郃陽令曹全碑

祖 之談,不可信矣。 明。「胸腮蟲」亦不載于《爾雅》,則知 漢,文云「高祖父敏,巴郡昫忍令」,●字畫分 其説于《肉部》附「眴肊」二文。 多胸腮蟲,音蠢閨」。 韻》謂「漢胊牎,縣名,在巴東郡。 郡有朐忍 今人稱叔祖母歟?《漢書·地理志》: 父,則祖之少弟亦可云季祖矣。 季祖母,猶 母 即 碑 庶祖母。」竊謂古人稱父之少弟曰 有「收養季祖母」之語。 縣。 師古音「朐」爲「劬」。 徐氏校《説文》,亦取 此碑出 或云: 地 而《廣 下 「季 無 於後 濕 稽 季 巴

#### 蜀石闕

蜀耳。 稱蜀。 之名乎? 以 褚峻僞作。 法之工拙也。 圖 蜀爲 》,云在梓潼縣,隸體,頗 蜀 此闕既 或 即李氏 侍 號。 作僞心勞,自露破綻,不必論 中楊公闕》, 蓋 據 不似唐以 唯 昭烈父子建號成 唐末王建、孟知祥始 蜀,前稱成,後 見 後款式,何得 于牛 似 漢 運震《 人。 都,稱 稱漢,亦未 予 有 自 謂 金 漢 書 蜀 稱 不 石

#### 楊紹買地券

周密《癸辛雜識》云:「今人造墓,必

■ 「昫」,據文意當作「朐」。

二八〇

遺

字。 童二 券刻金字,云: 公買地,其説 月廿九 男楊紹從土公買冢 哀宗之時,然則 堅志》, 交畢,日月爲證,四 風 買 、滕,南極山背,北 九千九百九十九貫九百九十九文。」 千九百九十九文,買到某地。云云。 山、草窗兩公未得此異聞 令。」蓋 如游洛陽,得石刻一方,其文云: 俗如 地券,以梓木爲之,朱書云『用錢 日, 載 此,殊爲可笑。 曲 晉 對 陽 相 時 共 燕川青陽垻 承已久,不始於 所刻。 破 此 『敕葬忠臣王處存,賜錢 事 莂, 地 極於湖,直錢四 由 時爲任。 民 乃 來久矣。」頃歲 邱,東極闞澤, 有私 及觀 知 有 也。 人 家 人 約 元 太康 (唐世。 起 營葬 遺 如 墓 百 Ш 侓 五 萬, .即「律」 年 續 此 惜 向 西 Щ 此 得 九 大 乎 土 九 即 陰 唐 九 鐵 村 夷 萬 極

嗣

萬

丛

九

用

黄

日

樂信 樂縣 碑。 隱撰矣。 少」二字可辨,「祕」字亦存其半,知爲閻 碑,分系于咸亨、先天之世,蓋得 字記》前載亳州録事參軍殘碑,後載馮本殘 之碑,正議大夫□□ 唐故亳州録事參軍、 朝隱,先天中爲祕書少監。 子 不悟其爲 都 碑已中斷,損 開國男敦直書。」府君諱本,字□□,長 銀青光禄大夫、 高 人也。 陵縣 有《 一石也。 以咸亨四年卒,先天元年樹 唐馮 五 十餘 留直 上騎 《唐書 府 書少□□□ 君 字。 都 碑》, 昭文館上柱國 此 文藝 尉 碑 顧氏《金 馮府君紀孝 題云: 兩 結銜有「 □朝隱撰 段拓 傳》有閻 「大 石 朝 文 長 書

871

而

#### 茹守福墓誌

姓 見成十年。 明 七雄 遠 稱 朝 有 即「如」之别 績 今紹 如」果一字。 譜 出 論 它證 學能古文。 裔 君 散 於鄭。 定也。 學,良足徵信。 諱守福,京兆人也。 也。 大夫宫苑 並 興 茹 也 姓 争,茹 名 始見于 鄭 昔六國 茹 《左氏 體。 公族多 頃 氏 廣 碑立 總監 予嘗問其族 耳 見 領制》 爲 唐 魏 南 分峙, 茹 予 (傳》鄭有公子班,字子 于開元十一年。 有 韓王之相。 上柱 人 北 如 以 同 惜乎三樵已逝,未得相 朝,不 墓 如 王 姓 年 國茹 誌 淳,注《漢書》, 但 父字爲氏,故知 蓋周之遺苗,鄭之 姬 題 氏,答云未 舉馮 樵 知其 爲 府君 云 郡 魏后之妃; 乃 翊 丞 氏族 墓誌》, 信「 ^ 如 名 唐人多 大 淳 詳, 敦 所 茹、 唐 而 如。 和 出 如 故 未 而 文

> 二日。 十也。 茹 不 十一年八月,誌 ,不及漢姓, 云 出自 蓋用絳縣紀年之法,其壽當 姬 姓。 斯 云「享年三百三 爲 茹 闕 字下 漏 矣。 但 守 舉 甲 福 虜 子 卒 複 不 四 于 姓 盈 開 普 旬 有 五 元 陋

#### 北嶽神廟碑

定節 尚可 廿三年也。 無存,而末 石文字記》亦無 廟,摩挲碑陰,後 不得其年月。 乙亥閏十一月壬 度使, 辨,其 崔 鐶 書《 與河東爲脣齒,當仍 行 又王 時 北 唐亡已十年矣。 乾隆 歲在丙子十月癸亥 年 嶽 知 |午朔廿二日癸卯],蓋 題「大唐□□ 卢。 神 新 庚戌秋, 廟 書《修北 此 碑》, 碑 · 金 予游 E 截 嶽 王 稱天 三年, 石 曲 E 廟碑》,《 處 文字 朔 陽, 斷 祐 直 十三 爲 數 開 歲 題 謁 字 額 金 次 嶽 元

得,止就下方讀之」。宜不及細審也。年矣。亭林嘗親到碑所,自言「倉卒求梯不

### 雲麾將軍李秀碑

墨齋。 言 者唯 但 册,尚存八百餘字,神采焕 年,予從吴縣蔣上舍元城齋假得未斷本 國祠中石即少 礎,洗視乃此碑,存 相傳萬歷末王京兆 而 唐故雲」三字。 碑首「唐故雲麾將 經裝界之後,顛 順天府學文信國 李 萬歷 北 後移少京兆署中,止二礎。 海 初,宛平令李蔭署中,掘 書《雲麾將 京兆署之二礎也。 因 倒 惟 築 者 軍 錯 祠斷 儉攜之大梁。 百百 室砌之壁閒, 軍 亂,不 左豹韜 八 然, 李秀碑》, 石 十餘字, 二片。 能 洵希世之珍。 衛 尋 翊 其 府 嘉 其 名 碑 地 世 孫 今文信 句 中 慶 四 E 首 得 所 承 讀。 兩 郎 澤 元 礎 古 存 六 傳

月丁未朔」,字尚完好。將遼」十六字、後題「天寶元載歲在壬午正

### 諸暨令郭密之詩

辨識 寶閒 體。 《永嘉懷古》,不見年月,皆刻于青田之石門 中丞《兩浙金石記》始著之。 洞崖壁,前人録金石者皆未之及。今芸臺 謝公石門山作》,天寶八載冬仲 矣。 人。 石門尚有徐 郭密之五言詩二篇,一 崖石鑱損,唯姓名厪存,詩句莫能 嶠、張愿詩 題《□ 刻,皆開 詩古淡近《選》 月 一使永 勒 元、天 嘉經 題

# 王顔追樹十八代祖晉司空碑

予向得此碑、改《晉書》紀傳無司空王

新 録

三八四

王卓, 學,而敘述先世昳於朝代猶若此。● 三公,其祖父名亦與 後漢之司 陽嘉 乃知 襲 斷 章  $\equiv$ 懷 祖 年 爲 空非 顔 爵 太 + 碑 所 誤。 子 京 晉之司 稱 陵 注 月, 十八 公, 頃 碑 光 讀 空也 代祖者 官止 不 禄 卓字仲 後 同 勳 一給事 漢 河 蓋 唐 東 即 遼 中, . 王 重 其 順 河 卓 未 氏 人。 晉 帝 嘗 東 爲 族 亦 紀 任 有 之 然 解 司

#### 楚 金 師 碑

分。 人但 按 共 門 飛 掌外 明皇 錫 柱 唐 撰, 國、 金禪師 初 制。 始置: 以 正 東 中 議 海 翰林學 書舍人掌 碑》,前 文苑英華》 男賜 大 夫 紫金 行 士掌 題 中 制 紫閣 魚 書 以 内 命 袋 舍 中 制 吴通 山草 無 人 書 内 加 外 中 外 微 翰 堂 制 寺 書 制 書 林 之 翰 舍 學 沙

> 尋 安 非 人 謂之知制誥。 人 尚 員 官供 故,後讀洪 史 論 林 由 豁 外 縣 傳,往往有由學 左遷 相之 改 學 爲 書 然 委 内 任 其 郎 省悟。 職 職 **\$** 土 Ŧi. 制 之清 階。 外 遷舍人仍掌 並 方 X 内 밆 分 郎 制 自 直 可 爲 爲 清 氏《翰 也。 中 充 京 其 蓋 切, 要官, 如 金 其真 選。 掌 縣 學 故 部 門。 知  $\sim$ 則 尉 苑 外 士 制 員 唐 士遷舍人者,初 内 内 故 除 即 以 群 制 故 誥 外 書 此 制 制,非 :書》所 遞 常 舍人者蓋寥寥矣。 及常參官、諸 官 者 有 唐、 郎 . 優 遷至侍郎、 爲 亦 本 内 通 改 於 宋 召 翰 多 無品 相 禮 微 兼 載 外 林 之 兩 用它官兼 人 傳》 部 掌 唐 制 翰 序 稱 秩, 制 郎 内 人 亦 遷之 、題名, 林 左右 故 中 曹 外 常 不 圃 而 學 「自壽 制 郎 事 即 以 解 攷 尋 中、 也 丞 舍 爲 始 之 亦 其

<sup>0</sup> 「昳」, 長沙本、商務本作「昧」,當是。

遷 牴 則 中 知 梧 至 書 通 舍 也 舍 微 人。」 官爲舍人,職仍學 而學 蓋 通 士之職 微 以 金 如 部 故 員 **±**, 外 觀 非 郎 此 與 人 碑 本傳相 院, 結 銜,  $\equiv$ 

## 湖州府天寧寺石崎

造。 後 史蘇 年十 竹垞 亦 元 爲 年 凌 列 渭 大 予嘗 + 所 功 特 湖 中二 爲 書 德主 名。 月 得 州 會昌 7、又益 「,年 月胡 屬沈學 重 府 E 建, 年 天 月 用 、寧寺 季良 爲 八 三年十月僧令洪書, 後 其 並 爲 士 大 月 列 二,今著 同 È 曹 書, 中 咸 石 湖 妣 中 熙 幢,竹垞先生僅見 而 E 州 後題 沈 盡 所 ]]] 刺 其 氏 年 書 拓 書 史 幢主姚 夫 目。 一、後 者 四 其 令狐 人建。 乃《大 月 文見治 題 一爲 凌 絁 湖 大中元 仲 渭 等 佛 其 州 文 會 名 等 昌 其 頂 刺 較

> 首 周 列 真 幢皆書《 缺 立 亦無書人姓名。 大佛 德書, 言 後 [楞嚴 軍 爲 有 × 事 咸 頂 處 題弟子 ,押衙陳 經》也。 通 竹 士胡 後 首 尊 + 垞 題 楞 勝 范信爲亡妻韓氏 季良 概 嚴 陀 徐 珏 年三月建, 以 經》。 師 羅 又二幢皆不見年 等名。 爲 姓 範 尼 尊 咸 名, 經》, 及 勝 曹 通 經》 母王氏名。 疑 巨 一爲乾符 不見書 + 唯 即 Ш 題之,亦未 年 凌 季 所 卅二娘子 六 渭 良 書乃《六 人姓 月 第二 五年 | 書 月, 其一 馮 也 名, ŷp 幢 建, 書。 月 殘 爲 後 種 73 諸

#### 竹林寺石幢

音菩 寺 主 陁 也 薩 羅 臨 寺有 廣 安 尼 大 縣 經 圓 ×, 石 西 幢二, 滿 其 里有 無 礙大 刻《佛 其 海 悲 會 刻《佛 説 1 寺, F 陁 是 手千 説 羅 越之竹 尼 守 經 眼 護 觀 國 界 世 林 經

碑》爲 字。 後 題 年九月」,皆無「漢」字。 號,然年號上亦不加大唐、大晉、大漢、大 當尊也。 建」十一字,特大。 年七月」、石屋 月」,皆無「晉」字。 年」、《水樂洞 二年七月」、杭州 三月」,無「唐」字。 王之稱,亦不以吴越 天福四年五月」、天台高明寺石 皆有 日。 「廣順元年四 五 予所見蕭 載 朝廷宣賜、宰相 最 其後文穆嗣 又皆無「周」字。 後 末 淨化 굸 題「天下都 山 洞《石觀音像 月」、蘇州 化度 時 虎 禪院記》題 蓋雖自立年號 杭州《下天竺開路記 虎跑寺石幢 寶 加 跑 (寺石) 大 位,承遺命 和凝 于年號之上,示 寺 飛 元 元帥 虎邱 石 來 年 唯《文 幢 奉敕撰文,故 讚 歲 峰 幢 題 Щ 旲 開 滕 次 題 題「乾 「長 題 石 幢 用 越 穆 運 紹 而 甲 幢 題「天 乾 天 風 中 國 Ŧ 宗 不 申 題 年 神 福 造 祐 四 朝 改 王 祐 不 五 周 顯 像 福 國 鏐 碑 八 題 年 敢 月 道 年

> 而 示 首 非 不 題 一大 稱宋,亦此意 所 屬 晉」云 也。 南唐《 云。 若尋 龍 光寺碑》題開寶紀 常 文 字, 不 繫 彼

#### 慈雲嶺石刻

年,開 刻 肅 申 年 按 吴 今勒 굸: 甲 越 不 爲 自 於 推之,則龍山興建必 用 戊 開 焚 申 貞 杭 或 慈雲嶺,便 紀 辰 死 爲 珉, 梁 州 平丁卯, 王 單關 矣。 年,亦當不書中 歲 慈雲嶺石 後唐同光二年,梁末 記。」凡 用紀 建 梁有國 之歲, 元天寶, 年月,甲 四 建 爲 十九字,小篆 西 貞 興 有吴 甲 關 在 十七 明 建 申歲六 朝 申 城宇、臺 貞 己 龍 或 歲 越 明 卵。 載 山 號 鐫 改 帝已 五 一, 至 且 月 兩值 字 元 以 年 極 殿 + 寶大,此 八 一於前 涒 唐已 也 下文甲 水閣。 卯年, 行, 五 日。 适 滅

梁,舍新興之唐號,而記已廢之梁年,其故

殊

難

解

### 吴越武肅王廟碑

天福。 荒園 卯, 年。 鄂 閔 按 吴越王棄宫館; 丽 年》雖不同,其實皆歲丁酉。 三百二十六步,有巨 王, 帝、 長 天 立武 劉恕《吳越紀年》稱「天福元 興,後唐明宗 中,皮光業之詞也。 福 清泰帝凡三年。 會稽志》,吴越武 若不數閔帝、清泰,則七年乃天福 改 肅 祖 元, 追 王廟於東府」。 貶 以 清 其 後二年, 年號,止 泰爲庶 年 碑, 十一月, 而晉高 肅 舊 具 今攷之碑,與《紀 王廟在 人,皆削 於四 嗣王 在 載 清泰廢閔帝爲 祖即 唐長 廡 則十一月 建廟 年 下, 年七月 一府南 其 位,改元 興七年, 而 今乃 於越。 年 崩, 四 號。 以 Z 歷 立 元 里

前,皆 以 示。 館; 四 後忠懿入朝,諱言改元事, 後 然有悟。 蓋皆不可知。予讀此志, 蓄疑有年。 時立,光業爲其國丞相,亦不應誤繆至此, 皆言武肅王以三年薨,則碑爲誤。 史》及劉恕《紀年》、《開皇紀》、《吴越備史》, 興三年,不得 王實以壬辰歲薨,文穆王襲位。 之號,稱天福十二年,亦用 石,其必稱寶正,不稱 唐何夢華 長 年,其所以得有七年者,則《 唐長興三年,光業 與,非 後題「寶正六年重光單閼歲」,乃始 長 後二年,嗣王建廟於越」也。 興 蓋武肅本以寶正七年壬辰薨, 游武康,得 復元刻之舊矣。 七 年矣。 云「長 風 興 漢 以 長興,無 高 山《靈德 吴越 七 祖 年, 此 長 乃磨去寶正,易 削 比 國 會 興 旲 晉 可 也。 相, 王廟 稽 紀 越 `疑者。 I 出 按《五: 號,止 志》已詳 製碑 Ŧ 然 辰 然 帝 碑》 近錢 棄 碑 蓋 武 開 厥 刻 實 豁 寄 肅 運

者,則 言之。 有 同十 耳。 僭, 兩 不 晉 加 十年之號 稱太清 可 改 浙 同 用 亡 用 不書歟? 完,亦 十年爲大同元年。 契丹之元矣。 而 年石刻,此契丹年 予又記王象之《 清泰之號 是契丹 福 時 漢 蓋 故事。 建皆有會同 塗飾 也。 尚未興,其時吳越 石 無 敬 承用者。 人汴後,頒詔天下, 其後草草北 耳 塘起 而吴 , 當時 目, **②** 兵 十年石 不 越 必仍用長 輿 并 因借 暇 史》 地 薛、歐二史,所 號,本晉 州 今據王象之所 計 碑 還, 稱太宗入汴, 刻,未有稱 又 尚 以 目》, 其 旋即 不 興,如梁 未 掩 事 改元 開 建 其 實用 有吴越 迹 殂殞 **完** 運 、改元 之 7,不得 四 以 大同 不 會 元 又 年。 録, 改 没 同 會 合 之 帝 雖

#### 溪州銅柱記

《授堂題跋》始具録之。記文空處,多攙 大晉。 有 氏 别白也。 宋人題名,字迹較劣。 時 貨,并都幕採伐土産,不許輒 **鈴轄皆宋時官名,斷** 名,吴氏《十國 「歸明王化」,又云「凡是王 其誓文首云 [天福 中」、「忠」字互異,當依 有文館 知知 知有藩鎮 溪州銅 其誓祠云「蒙 忠 《宋史・ 彭 者,知中 軍 不 柱記》,馬希 州 春 知 西南 事 秋》并不載,吾友 有 彭 五年正月十九日」而 非天 朝廷 彭 州 王 溪 而 文 庭 即 石刻爲正。 峒 福 範 知 久矣。 綰 發 忠 據湖 州 諸 元 庭 軍 有 順 刻,虚谷未及 蠻 通 差 收 庇 州 蓋 傳》: 南 記 綱 判、 討 也。」石刻 占」,蓋 即 時 武 後 收 傳 其 都監 所 虚 列 買 又 不 立。 銜 其 溪 題

今在永順府境,人跡罕至,椎拓頗不易。予所藏本,乃畢尚書總制楚中時所貽。此柱志伊未見石刻,所載記文多誤,又不録誓文。彭儒猛所殺。」則題名當在天聖以前也。吴彭儒猛所殺。」則題名當在天聖以前也。吴

### 石刻詩經殘本

好。 爲 泄其羽」、「泄」作「洩」,則承開成石經之舊, 兮」,「其」作「及」, 「不我能慉」,「不」下有 歸」,「歸」上有「于」字, 巢》,至《邶風・二子乘舟》止,經、注皆完 「以」字; 唐 韓也。 經文之異于今本者,《江有汜》「之子 孟 後蜀石刻《詩經》殘本,起《召南 氏 「昔育恐鞫」無下「育」字; 雖 經、注中「淵」字、「民」字亦 竊 帝 號, 猶爲 三章皆同。「迨其今 唐高祖、太宗避 泄 鵲 缺

> 遺。 所得。 字却不避,當依古人二名不偏諱,●唯避下 「察」字皆作「窓」,蓋避知祥祖諱,而于「知」 之世,完好無恙。 皆不缺筆,似歐《史》誤也。册尾有《廣仁義 者,殆由宋季失蜀之後,兵燹塗炭,靡 詩,即是此本,流轉它姓,今爲吴中黄 學圖記》,蓋錢唐黃松石家所藏,厲 父子居 諱,可見武 可問矣。 左傳》殘本僅字,今復見此刻經、注萬 蜀檮杌》則云「名巘」。 字耳。 予訪求 情《周南》十一篇及《鵲巢序》**遺**失不 心忠厚,亦有 蜀石經刻於開 歐公《五代史》云「知祥父名道」。 德、貞觀之澤久而未亡, Ħ. 十年,不得隻字。 而元、明儒從未有 君 此刻「道」字屢見, 成石經之後,南宋 人之量 昨 焉。 太 圃 歲 始見 堯 鴻 碑 寓 孟 有 於 目 圃 賦 氏 子

# ₽ 「偏」,據文意,當作「徧」。

三九〇

## 言,真衰年樂事也

### 經筵薦士章稿

闕 也。 有 陵 月,衛尉少卿林英提舉集禧觀,英以疾自 豐二年爲淮南東路提點刑獄。 鄒 者唯虞太熙、吴賁、吴恕、劉載、林英、孫奕、 蘇 世 士,官至侍講,見《咸淳毘陵志》。 志》,云「慶 從 孫 如,未審 州 何七人。 奕,嘉 郎 見李氏《通 孫塏刻石於平江憲治,不知何時 府 陳 中。 學。 襄《經筵薦士章稿》,淳祐元年,其 即襄 祐 虞太熙,宜興 攷 襄 歷  $\overline{\mathbf{H}}$ 所薦 襄 年 所薦否? 鑑 二年楊 薦 以 長 三十三人、《宋史》 士在熙寧中, 駕 編》。 部 真 員 榜進士」,而 又婺州《題名碑》 人,皇祐二年 孫奕名 外郎 元祐五年 知 嘉 亦見《毘 林英,元 婺州,改 祐在 無 移 事 進 巸 請 五 傳 洂 置 五

## 趙崇雋壙誌

久而

班秩轉下,

疑非一人。

奏云

都官員外

郎

監

泗

州

泂

南

轉

般

倉

資

前

+

有

餘

載,

其

時

階

已

至

前

行

郎

中,

而

此

原。」 管勸農營田 甲 淮西 累贈 螺 兄通判諱 今以《宋史・宗室世系表》攷之,蓋太宗子 銀青光禄大夫善良之孫、朝 「宋故通判趙公壙誌」凡八字。 申三月 庵,見壁間倚一石,覆視之,其額篆書 末題「孝弟通直 總領 奉直大夫不迷之曾孫、 嘉慶丁巳八月二十八 《通誼· 崇雋,字彦伯,隸  $\overline{\mathcal{H}}$ 公事、賜 日,葬於吴縣至德 大夫 汝誼 緋 郎、 魚袋崇修 之 新 日, (長子。 知 漢邸裔 議 左朝散大 湖 予 大 鄉 文云: 州 大夫試 抆 在 茶 卒於 鳥 孫 吴 淚 塢 程 夫 秉 門 拜 太 縣 嘉 累 Ш 府 義 横 書 游 贈 先 漢 定 卿 郎 列 法

### 永清縣宋石幢

亡父文清、母梁氏,亡伯文佐,亡叔文思。男亡考特建頂幢一□,亡耶耶王安、娘娘劉氏,宋燕山府永清縣景隆鄉新留里王士宗奉,爲宋燕山府永清縣南辛澑村大佛寺有石幢,周遭鐫永清縣南辛澑村大佛寺有石幢,周遭鐫

碣。 僧恒企一人列於六子之數,蓋出家爲僧者。 亦有「王孝子耶耶」之文,當亦謂其大父耳。 又縣南信安鎮龍泉寺有金大定三年碑,其文 北人猶有此稱。 人相沿譌變,而音不異。其稱大父耶耶,則 聞》亦未采入,故表而出之。 暫復,不旋踵失之。今京城内外絶無宋 在多有,唯燕山一路不在宋疆域之内,宣 戊辰朔五日壬申日丙時建。」按: 忠,妻寇氏。 英,妻楊氏, 而此幢巋然於小邑荒邨,朱氏《日 士宗, 女楊郎婦。維宣和七年十一月 妻劉氏; 士廉,妻孫氏, 大母日 娘娘,則未之聞也。 士言,妻郝氏; 辛溜即新留,土 僧恒企, 宋石刻所 下 片 和

#### 史氏墓三碑

《元史》: 史天倪、天澤,大都永清人。

立, 臺 度 定 史公 直立 崔 史天安立石」。 閒、大名、濟 宣 西 道 十七日戊寅,前 使行 等 差 趙 同 ,平元書丹。 鉉 氏 額 段 官 撰,宣 「神道 石,前 真 立。 紹 五 安世篆 慶 之 權 先 碑 北 路 定 源 焦 真定等 之碑 末 撰 垡 京 萬 等 碑、雲 差 義 題 南 額 邨 路 户 五 燕 爲 州 Ŧi. 男 路 兵 Z 其云 五 然 碑 史 東 大 路 節 前 中 行 碑末 天 馬 萬 Ē 平 末 氏 路 平. 朝 度 北 萬 北 劉 安 户 都 北 年 元 題 墓 Ŧī. 萬 故 使 户 祁 京 京 題 文 男 元 書 京 五 户 等 在 路 北 行 府 路 撰 歲 帥 天 石 路 歲 月 丹 焉 路 詳 兼 萬 北 行 京 在 史公神 澤 --燕 行 日 乙巳 户 知 路 京 六 議 詳議官趙安 尚 庚 六部 同 然 宣差真定、 有 姪 中 行 都 部 官 書 子 **立** 平. 九  $\equiv$ 史 爲 六 尚 趙 六 元 Ш 九 尚 道 元 月 碑 天 部 府 義 宣 部 帥 書 安 月 書, 書 碑 四 事 澤 州 權 尚 史 史 世 丙 郎 者 日 世 姪 同 河 陳 節 真 齊 書 進 秉 戌 篆 中 爲

> 其事 卑, 之弟 名自 女嫁 不 秉 天倪 知 直 可 文 不 娶 進 也 也 傳》。 以 見於它書。 最詳,秉 道 補 要 其 也 亦 IE 云 而 史之闕 連 進 北 秉 直 姻 道 京 直 貴族 長 不 史氏 路 事 女爲 見其  $\stackrel{\circ}{\sim}$ 兵 慶 所 元 馬 父子兄 源 致, 太 史》 名, 都 碑 師 元 論 附 Ħ. 載 或 帥 史者 弟 見 其 職 王 者, 各 任 於 夫 世 不 以 其 亦 秉 功 不 可

### 朝城縣令旨碑

刺 吃 年 寺 杳 臺 九 裹 查 太子令旨, 者,太宗第 月 寫 朝 太子令旨, 初三 來。 城 縣 日, 興 猴 國 爲皇子 四子 不 兒年三月初 合刺 寺有《令旨碑》, 見 哈 年 腦 忽察大王令旨, 刺 月,皆刻于 兒 察兒也。 寫 七 來。 日 和 忽察者 碑。 爲 爲 林 蜜 Z 合 城 刺

定宗 公主 馬 通 太 會都 稱 子 位 太子 之子 長子 丙 地 也。 面 滅里吉歹王,本 忽 申 裏朝 察 年 第三道旨云「據公主百 大 分撥濮 城縣」。 E 也。 州三萬户。 密 按《食貨志》, 太宗之孫,當 里 吃臺者, 朝 户 城 鄆 時 濶 駙 爲 國 亦 端

歹嚴 碑 稱 八忽公主, .匣合皇帝,在成吉思皇帝之後,□□ 所 相公」者,東平行臺嚴實子忠濟 稱「會都」,聲相 適赤 窟 孫 近 懷 也。 都駙馬。「懷都」 其云「道與□ 也。 皇帝 囉 其 即 濮

州屬

縣,

即

其

、分地。

又《公主表》有

瓮

古

宗之名,史作窩濶台,《祕史》作斡歌歹,予思之號生前所上,太宗而下,皆以名稱。太之前,則太宗也。元初風俗質朴,太祖成吉

所見元《聖旨

碑

 $\sim$ 

或作月

古台,

此

又作

匣

立, 合。 爲太宗六皇 而 譯音初 其 子 已 無定字,當時不以爲 稱 后 皇子, 稱 制之第四 蓋 人 心推 年, 蘪 定宗 嫌 非 也 尚 日 未 Z

> 皆擯 矣。 亦 必 斥不復用 在 猴 兒 定 年 宗 當是· 后 事矣。 稱 太宗 制 時 八 蓋 年 憲宗 丙 申。 時 太宗子 而 末 道

## 勢都兒大王令旨碑

州 碑 地 德 裹 大王之子也。 都兒者,太祖弟搠只哈撒兒之孫,而 日 于般陽府路。 石之温 放故 神 》皆錢唐朱文藻朗齋所貽 察罕惱兒有時行」。 純化真人」。末云「至元十六年 勢都兒大王令旨,今有本投 山 有「本 勢都兒大王令旨碑》,首云「皇帝 長 墓 上。 生萬壽宫石真人,依 投下」之稱。 元 此 掖 碑 初 爲 以 在 萊 掖縣 般陽路 州 按《宗室世 倚 城 此 郭 爲哈撒 東三十 與 縣 舊 下 朝 七 分 而 加 系 戸 九 撥 城令旨 州 里道 移 兒 表 八十三 陽 到 王 又 相 福 分 隸 萊 + 哥 勢 廕

#### 東鎮廟元碑

二十五 東道 也。 較之石刻 以 處,分五道。 伍百 王 臣咬住、 記》云: 志》,嶽鎮海 致享焉。 日,至于岱宗。 廟 驛道迂遠復爲五道。 也。 兩。 廷。 越十 錢 兩 唐 翰林待制 所□ 「至正八年正月,遺翰林學士承旨 其儀 其 有 何 「寶楮五十兩」,●僅得其半。 有司 五 四 禮物則 瀆代祀,自中統 元 後分爲東、南、西三道, 鎮 則香一銀盒,幣二錦旙、 錫 具牲酒庶品以薦。」案《祭祀 非有先後之殊,蓋從驛傳 日,至于東鎮沂山元德 銷 以 夢 金旛 臣 初 華言當見 每處歲祀 遠者圖以二月初有 有七日,至于 東嶽、東海、東 鈔二百 東鎮 銀 年始,凡 香 盒 五 東海,咸 廟《 十貫。 豈史 十九 寶楮 東 鎮 時 既 爲 安 便 六 享 而

> 月 甫集》中,唯《高陽郡君齊氏墓志》有云「五月初三日」、「十 紀日,於一日至十日,未有加初字者。 正 所 初 金 初八日」,餘篇無此例。 八年不 石 有六日、初有七日,尤複沓可笑矣。 載 刻 爲 題 初 載 制 名始有初一、初二之稱。 此事,蓋史之闕也。 其 後 倍增之歟? 蓋刊校者妄益之耳。 順 予攷古人 帝紀》 此 《王介 刻云

十駕齊養新録卷十五終

□「十」,商務本作「百」。

### 十駕齋養新録卷十六

# 十駕齋養新録卷十六

嘉定錢大昕

#### 詩句中有韻

《召南》「于嗟乎騶虞」,「乎」與「虞」韻。 「鷺」亦韻 與「宮」韻、「桑」與「上」亦韻也。 與章首「麟之趾」相應,以兩「麟」字爲韻 句尾也。《周南》「于嗟麟兮」句似無 風》「于嗟乎不承權輿」,「乎」與「輿」韻 瀰濟盈,有鷕鴙鳴」,「盈」與「鳴」韻,「瀰」與 鄘風》「期我乎桑中」、「要我乎上宫」、「中」 詩》三百篇,往往句中有韻,韻不必 與「 也。 爛」韻,「枕」 唐風》「角枕 與「衾」亦韻 粲兮,錦衾爛 《邶風》「有 韻,實 《秦 也。 也。 在

「寐」、「棄」韻,「弟」與「偕」、「死」韻。此韻下等」亦韻,韻不必在句尾也。《魏風》「父曰「咨」亦韻,韻不必在句尾也。《魏風》「父曰「咨」亦韻,韻不必在句尾也。《魏風》「父曰、一、一、一、一、一、一、

### 雙聲亦韻

不在句尾之證也。

興,何所見之不廣也! 與,何所見之不廣也! 與,「調」「同」雙聲,亦韻也。 自有文字,即有聲韻。虞廷賡歌「股 時序》以「蝃蝀在東」、「鴛鴦在梁」爲雙聲始 一個,「調」「同」雙聲,亦韻也。 與,何所見之不廣也!

三九五

#### 三九六

### 古人聲韻之密

之銘曰: 滿 與「滿」韻,「穰穰」重文,亦韻,「五」與「車」 怠」皆韻也。 家」亦韻、蓋無一字虚設矣。《左傳》讒 車」與「家」韻也,「甌」「窶」與「篝」韻 丕」、「旦」與「 ·污」「邪」與「車」韻、「穀」與「熟」韻、「蕃 車 史記 Ŧi. 穀 「昧旦 淳于 蕃熟, 顯」、「後」與「猶」、「世」 丕顯,後世猶怠」,「昧」 **影**傳 穰 穰 滿 甌 家 窶 四 滿 句, 篝, 不獨 污 與 與 鼎 邪

#### 雙聲

自明以來,士大夫談詩,各立門户,聚訟緐六朝人重雙聲,雖婦人女子皆能辨之。

興, 子,衣鉢相承,轉以讀古書爲務外,能辨 側者少矣,況能究喉舌脣齒之清濁乎? 股取士所得,皆束書不觀,游 而 於雙聲之顯 然 者, 日 習 焉 而 談 不 無 知 根 之 平 蓋

花; 保曰: 『今日上何召我耶?』戎曰: 分。』文帝好與元保戎之父。 乃 恭嘗設齋,使戎布牀。須臾,王出,以牀狹, 始于此。 溝清泚,銅池摇颺,既佳光景,當得劇棋。」」 自 《南史》: 開牀。 王 迴鶴横淮翰,遠越合雲霞。」雙聲之體 融詩: 戎 曰 「羊戎好爲雙聲。江夏王義 遠 蘅 官官 眩 家 紅 弈,當中使至,元 蘤, 恨 狹, 湖 荇 更 廣 燡 黄

瘦,是誰所生,羊頤 衰」,下又有「日 聲嘲收曰: 化史・ 愚魏」三字。 魏收傳》: 「愚魏衰收。」汲古閣 狗頰,頭 魏 「博陵崔巖嘗以 答 團鼻平,飯 日 本作「遇魏 顔 房答 巌 腥 雙 收

籠,著孔嘲玎。」」「孔」當作「札」。

嘗 風 經郭文遠宅, 日 春風 陽 曰 郭 伽 冠 藍 軍家。」元 記 問 儜 日 效慢 : 隴 「是誰宅 西 川黒 李元 謙 日 謙 : 第?」 能 雙聲 此 婢 婢 春 雙

灘, 蕩。」《唐詩紀事》。 冷鷺 皮日休《雙聲 立 亂 浪。 溪上思》云: 艸 彩 欲 夷 猶, 雲 疎 容 杉 空 低 淡 通

獪

加

閒

關。

櫳 隔 雙聲》詩: 古岡。 蘭 露落, 温庭 潭庭 筠有《李 鄰里 栖 同 柳 息 淡 林 消 先 蕩,❶髣髴復芬芳。」 涼。 心 生 象,簷楹 别 高閣 墅 望 過空谷, 僧 溢 舍寶刹 豔 陽 孤 作 竿 簾

背, 奥, 枅。 迷。 脱籜 蕭 引葉 東 騒 闌 坡 雪 吐 零 油 戲 藪 天 雲遠, 露 作 梯。 西。 落 切 庭 攢 煙 交 語 叢 度 篠 加 竹 獨 聚 散 詩 I 蛎 族 結 孫 齊。 啼 構 息, 隱 高 茂 掃 奔 約 竿 鞭 密 洗 安 栱 迸 渺 修 桷 壁 纖 冥 幽

筍,窺看詰曲溪。玲瓏緑醽醴,邂逅盍

閒

攜。」

貴幹蠱高 隔 綆, 僥覬 錦 官, 又《戲 敢 柑 巾冠。 揭 和 果 鉤 正甫 曹 金竿。 蕨 改更句格各蹇吃,姑固 一字韻 交 荆 已 菅。 歸 詩》 耕稼 奇 孤 「 故 供 甘 藁 挂 居 秸 汲 劒 狡 古 閣

更 擊 茭隔,笳 居 夏 堅 劒 甘瓜羹。」 關局,犍 又《西 賡 歌 鼓 幾 過 Щ 舉 軍 戲 耕 觥。 雞 躬 狗 稼 荆 驚。 角 笄 挂 供 解襟 居士》: 經。 膾 愧 顧 篙 攪 景各箕 竿 聒,乾 繋 江 舸 干 菰 高

喁 仰 晤 雁 巌 又《江行見月 鵝 月。 嵲 屼。 遇 巘 臥 迎 玩 四 崖, 我 言 語, 銀 詩》 聱 刓 牙岌嶪。」 玉 龁 吟 哦 黿 傲 魚 噞

❶ 「庭」、《全唐詩》卷五百八十一《温庭筠》作「廬」。

三九八

寮。 翠,冬到凍都凋。」第四句「影」字非雙聲,恐誤 頭, 引葉漾 陰煙壓 姚 合《 洞 盈 幽屋,濛密夢冥苗。 庭 摇 葡 皎 萄 潔 架 鉤 詩 高 掛, 清秋青 玲 萄 瓏 藤 影 洞 且 落 庭

## 沈約韻不同于今韻

韻,則休文初未析清、青爲二也。 居賦》以星、平、形、經、成、坰、縈、青爲一 分別。世謂今韻權輿于周、沈,而休文《郊 至今,千有餘年矣。然「青」之與「清」,實無 至今,任有餘年矣。然「青」之與「清」,實無

### 七言在五言之前

「只」助語,合兩句讀之,即成七言。 荀子《楚詞・招魂》《大招》多四言,去「些」、

風》。 耳。 漢 唱和出于後 傳》,●置酒起舞作歌,初非五言,則知 之興,必不在景、武之世。 陳王所製。」《文選》所録《古詩》十九首,未 詩佳麗,或稱枚叔」,則彦和亦未敢質言也。 所以李陵、班婕妤見疑于後代」。又謂「古 聯句,一時稱盛。 審即在鍾氏四十五 鍾嶸《詩品》云: 史者,唯《邪徑敗良田》童謡,出于成帝之世 漢而《大風》、《瓠子》,見于帝製; 成相》、 諱, 《去者日已疎》四十五首,疑是建安中 劉彦和謂 始 荆 決 軻《 其 人 作僞 依託,不待「盈 西京「詞人遺翰,莫見五言, 送 「《古詩》,其體源 别》, 而五言靡聞。 也。 篇之數否。 其七言之始乎? 枚叔又在蘇、李之 觀《漢書・ 觴」之語 要之,此體 其載於班 出 《 柏 「于《國 李陵 河 觸 犯 梁 至

❶ 「李陵傳」,當作「蘇武傳」。

辨矣。 前, 依託。《白 辭,不言何人 作「《白頭吟》自絶」之語,亦不 班 史不言有 虞姬歌不見于《史》、《 頭 作。 吟》見沈休文《宋書》,但云 五言詩, 唯《西京雜記》有 其 爲 漢》,諒 臆 載 説 其 卓文 詞 亦 毋 庸 出 君 古 於 置 且

### 古詩律詩之别

雜記》出吴均之手,豈足信乎?

也。 詩 之分。 古諷 自 詩、有感傷詩,又有五言、七言、長句 自言「新舊詩 」,是絶句 百 元微之詩 唐 大歷、貞元,詞 人詩 韻 樂 至 諷、 自開 亦律詩之一體,未嘗 兩 各以類分,有諷諭 亦以 E 韻者四 元、天 古 類 體 句漸 相 實以 百餘首,謂之 從,分爲 日 趨 新 前, 穩 題 順。 樂 詩、有閒適 未 + 別 府、 有古、 體 而 白樂 絶 異 雜 日 句 之 律 悼 天 律 日

> 之别,其在 中有稍存寄興 切者爲律詩,仍以七言、 元、白同時 》,亦分古詩、 日 豔 詩、 元 日 和 古 與諷爲流者爲 之世乎? 聯 豔 句、 , 其 律 五 聲 詩爲三體。 李 言 勢 律 漢 爲 沿 編 誳 順、 兩 次 體 屬 古、 韓 對 律 與 其 黎

#### 陶靖節詩

後。 年 左 唯史稱齡石 見《晉》、《宋》二史。 其詩云: 長史,銜使秦 已遷左將 軍,小異。 逝將理舟輿。」當 羊爲左軍長史,必朱齡石之長 陶淵 明 軍矣。 以右將軍 致宋書 川 贈羊長 作此與之。」 羊名松龄, 左右將 史詩序》云: 在 · 給 領雍州刺 義 照十 石傳 軍 品 四 》,義熙 九 史,而 秩 年 雖 左軍 滅 域 史 此云 + 矣 甫已 姚 不 泓 而

三九九

應 左 轉 常 改爲右 居 右 上, 則 龄 此云左軍者爲可信。 石 之鎮 雍 州 必 仍 本 號, 不

#### 聯句

賢才」句。 日,内 **丞、齊** 不名。 僧孺、 句,陶 又 愔之、循之,其姓與 殷仲堪之危語、了 阻雪》一篇,與江秀才革、王丞融、王 柏 有聯句六篇,蓋在宣城作,故署「府 梁》,濫觴 七言聯句, )殿宴 舉郎,惟紀功曹晏稱 靖節始有之。 謝洗馬昊、謝中郎緩、沈右率 其 與 宰 群 、聯者, 于始。 相李嶠 臣 人各一 聯 句, 何從事、吴郎、 ,語,流 人各 脥 爵 以 帝首作 韻, 後謝太傅之《詠 下至上官 里不 播 兩 名。 韻 可致。 人 韻 必七字, 口。 潤 唐 所 婕 色 中 陳郎、 與聯 約 好 鴻 謝 五 宗 君 聯 凡十 業 蘭 言聯 降 元 雪 漢 句。 者, 暉 武 寄 曹 而 陵 誕

長寧、安樂、太平公主皆預焉。

吐

蕃騎

馬

戲,重爲《柏梁》

體

聯

旬

則韋后、

四

人

繼之,

用

柏

梁

故

事

嗣

後

御

大

明

殿

觀

### 詩集附它人作

作。 例 篇,重其詩 至、 詩,皆同 也。 嚴武、 唯元 謝 詠 宣城集》 高適、 次山《春陵行》、《賊 因 題。 重 郭受、韋 其 附王 《杜 人,故特録之。 融、 I 迢諸 部 沈約、 集》附李邕、 退示 人,皆酬 虞炎、柳 官吏》 此又一 贈 之 賈 兩 惲

### 杜少陵詩用韻

有吏夜捉人, 老翁踰墻走,老婦出門看。」杜子美《石壕吏》詩。「暮投石壕村,

## 少陵生卒年月

風。 顧 翠,山梨結小紅。 素《稼如雲賦》, 空。」按《廣韻》一東部無「農」字。 痕,古韻本相 功、終字,全人東韻,正與杜《雨晴》 寧人謂下二句 今朝好晴景, 雨晴》詩: 通。 `無韻, 官限「農」字,賦 久雨 「天際秋雲薄, 胡笳 不妨農。 非 樓上發,一 也。 寒、 從 塞 中 桓 雁 乃張仲 柳 西 詩 押 與 人 萬 行 同。 同、 魂、 高 疎 里

體 鵑 開其先,後人詫爲異事矣。 東,魚戲 也。 雲安有杜 西川  $\wedge$ 道葉 湯 有杜 盤 鵑」,此用《古樂府》「魚戲 銘 西,魚戲蓮葉南, 鵑,東川無杜鵑, 三句 皆用「日 魚戲 新」,古人已 涪 蓮葉北」 萬 蓮 無 葉 杜

其

耳。

蓋唐時東、冬兩部皆有「農」字,後來删去

庚戌 非卒年。 「大歷四年己酉,年五十八」。 却差一歲,蓋先天改元實壬午,大歷五年實 年癸丑生,大歷五年辛亥卒」似矣。 永泰二年」者誤也。 十一日」,則大歷庚戌春尚无恙。謂「卒于 高蜀 當生于景龍 卒。」永泰二年即大歷之元年,是歲丙午 不言卒于何 也。 州人日見寄詩序》云「大歷五年正 元微之誌 吴曾《漫録》引鮑 年。 二年戊申矣。按子美《 子美墓云「享年 一舊唐 。《唐詩紀事》謂「先天元 書》云: 彪《杜詩 干支雖合, 五 「永 十九 追 泰 而干支 譜》云 月一 酬 二年 , 却 則 故 而

飲

中

八

仙

仙 名,蓋傳聞異 爲酒中八仙。」按子美《飲中八仙歌》無周 公及賀監、汝陽王、崔宗之、裴周 人」姓名,與杜詩 范傳正撰《李太白墓碑》云: (詞。《 唐書 同。 李白傳》載 南 等 時 人 酒 以 八 南 人

#### 亞相

目之。 之晉官湖 盛、韋經亞相 丞相,非終于御史大夫也。 少陵《哭韋大夫之晋》詩: 傳 南 經 雖 觀 傳。」漢以 韋氏故 察使兼 事, 御 御史大夫爲亞 史大夫,故 然賢 與 「漢道中 元 成 以 亞 兩 相。 世 興 相

#### 頻 煩

《漢書·王莽傳》: 傳》: 聲。 風, 也。 仍之義。 人以鄭 命之意。」師古注: 請謁,至于再三。」劉知 奉使稱旨, 蒙國厚恩,頻繁寵擢。」縣、煩同 頻煩互出」、《雜説篇》「詔策頻煩」,皆取 頻 杜詩「三顧頻煩天下計」,正用《蜀 頻煩 煩省 重 頻 亦作「頻緐」。 爲重疊之義。 屋。|《 頻煩 煩饕竊。」《庾亮傳》: 漢 人語。 至昊 周 書 「非皇天所以 是也。 鄭 ^ 太祖紀》: 幾《史 《晉書·王濬傳》: 蜀 重, 鄭 志 重、 猶頻 **^** 通 晉書 費 頻 音,亦同 煩 鄭 禕 煩, 書志篇 沐 也。 重 傳 降 浴 皆 志 頻 紀 古 義 芳 以 符 煩 瞻

四〇二

于

謂唐人精于聲律,「肺腑」、「友于」雖虚實不 同,而皆爲雙聲,故可 或疑「友于」歇後 王閣詩序》,以「邱墟」對「已矣」也。予聞之 一重一 掩吾肺 語,不可以偶「肺 腑,山 屬對。 鳥 猶王子安《滕 山花吾友于。」 腑。 予

#### 分 減

以爲注家 減及溪魚。」梁侍御 見《華嚴經》。」王阮亭、汪鈍庵兩公極稱之, 東 觀 杜子美《秋野》詩: 漢記》: 所未及。 孔 日 吾友惠徵士松厓 奮篤 緝 骨 盤 肉, 謂『分減』二字 飱老夫食,分 弟奇 在洛 

十駕齋養新録卷十六

## 少陵用薛據詩

察傳》「常以已分減推諸弟妹」,分當讀去聲。

人所譯,未可以注杜詩也。」大昕按:

四百十七卷。

此『分減』二字所本。

華

嚴

陳

書

陽,每有所食甘美,輒分減以遺奇。」見《御覽》

翁」,薛據詩也。 《唐詩紀事》「省署開文苑,滄浪學 子美懷據詩乃云: 獨 釣

省署開文苑,兼泛滄浪學釣

#### 左 司

儒 紅 祈水幾時斷。」 裴度記毛仙 以爲繁風 無人解繫 韋應物詩: 捕影。」施肩吾詩: 風。」 「持索 又攷牟融《 捕 翁事 風 幾 理 亦云: 「落盡 時 惑論》云: 得, 萬株 將 刀

四〇三

風而捕影。」是漢人已有斯語。 「神仙之書,聽之則洋洋盈耳,求其效猶握

### 乾愁乾忙

之詩: 快活吟。」亦謂空忙而無用也。 時。」又云: 愁而 親。」王介甫詩: 無 ^ 南 益也。 「乾愁漫解坐自累,與衆 史・范蔚宗傳》有「乾笑」字。 「乾忙雖是紅 偶桓 「賴付乾愁酒一樽。」謂 詩 白白 塵冷,須 首 乾 異趣 忙 聽 度 韓 幽 寧 歲 退 空 相 禽

#### 旬

《偶吟自慰兼呈夢得》詩有「且喜同年滿七六朝人文字從無稱十年爲旬者。唯白樂天古人以十日爲旬,故旬字从日。漢魏

#### 十 字

年卒,樂天會昌六年卒。

得七十。」則其誤始于唐中葉

也。

夢得會昌二

旬」之句。

自注:

「予與夢

得甲

子

同

辰,俱

傳》: 李庶傳》: 宅墻。」 字,即古人所云「午貫」也。《晉書・何曾 西北壁第 魯公家廟 經注・濟水》《渠水》篇並有「十字溝」。《顔 白樂天詩: 「蒸餅非裂成十字者不食。」《北 一宅。」 碑》陰額云: 「劉家在七帝坊十字街南。」《水 劉禹錫詩: 「十字津頭一字行。」「十」 「殷夫人居十 「十字清 波遶 字街 史

### 首 蓿 盤

衛

中

立字退之

條云: 痊。」後 實中 之間,身試其禍哉! 世李季可謂公長慶三年作《李干墓誌》,●力 樂天詩謂「退之服硫黄」者,乃中立也。 次中立,字退之, 頃閲洪 瓿「六七公皆以藥敗」,明年則公卒,豈咫尺 中立誌無疑。 云兄弟三人,後只云「與弟中行别」,則其爲 立 白 人 樂 慶善《韓子年譜》,有方崧卿辯證 也。 《衛府君墓誌》,今本作衛之元,其 因 天 詩 以爲昌黎晚年惑金石藥之證。 衛晏三子,長之元,字造微, 中立餌奇藥求不死,而卒死。 「退之服硫黄,一病訖不 次中行,字大受。 誌首 近

### 杜韋娘詩

見慣渾閑事,斷盡蘇州刺史腸」詩,爲楊州劉夢得與杜鴻漸不同時。世傳「司空

君墓誌》作「于」。
■ 「干」、《五百家注昌黎文集》卷三十四《故太學博士李

後,本無舛譌,校刊者以意妄改耳

大司馬杜公鴻漸開宴作者,傳聞之妄也。

#### 李正封

改爲 明 韓 真 宗年號。 氏《紀事》編次目録,列于元和、長慶諸家之 紫金盞酒,則正封之詩見矣。」大和者, 酒。二時楊妃侍,上曰: 和中,賞牡丹。 時。 人傳牡丹詩,誰爲首出?』對曰: 皇時 也。 李 文公《郾 明皇,而不 Ē 攷《 唐詩紀 今人以李正封《詠牡丹詩》 後 代隔遠,其 封 人因 文宗時 詩 城 夜 明 會 知年號之不合。又正封 事》云: 上謂程修己 「天香 `亦有楊妃、非天寶之楊 皇有沈香亭賞牡丹事,誤 聯 爲 文宗非明 句》在元和十二年,與 夜 『妝臺前宜飲以 「唐明皇好詩, 染 衣, 曰 皇審矣。 或 爲唐明 「今京 『中書 色 朝 太 皇 計 與 文 酣 舍 邑 大

#### 借 韻

端。 幃初 韻。 生之勝于前賢者。 宋人借韻 卷衛夫人,繡被 唐 至皮、陸《松陵集》則舉之不勝舉矣。 五七言近體第一句借用旁韻,謂 詩「犬吠 尤多。 水 近代名家以此爲戒,此後 聲 中, 猶 堆 桃 越鄂君」,始啟 花 帶 雨 濃」、「 之借 其 錦

#### 唐人辨聲韻

陰如因 唤 胡賞戲妻族 針將作 唐 也 人喜辨聲韻, 真, 語不正》詩: 忽然雲雨至, 雖 尋 常言 「呼十 總道是天因。 語 却 亦 爲石, 不 苟。

### 昌緒

金

誤爲嘉運作耳。《唐詩紀事》。 也。然此詩爲嘉運所進,編入《樂府》,後乃緒,餘杭人。一作蓋嘉運《伊州歌》者,非教枝上啼, 幾回驚妾夢,不得到遼西。」昌

何据。

#### 胡釘鉸

間人。《唐詩紀事》。

世謂胡釘鉸者。貞元、元和之,遂能吟詠,世謂胡釘鉸者。貞元、元和子,以求聰明。或夢人剖其腹,以一卷書內業。以所居列子之里,家貧,遇茶果必祭列業。以所居列子之里,家貧,遇茶果必祭列

#### 李義山

按新、舊史,商隱未嘗爲此官,不知《紀事》《唐詩紀事》「李商隱卒于工部侍郎」。

#### 晚唐詩

間 糶新穀; 舞鶴終卑」、曹松之「憑君莫話封 E 蒲花開魚尾定,金丹始可延君命」,語近情 之「難將 功成萬骨枯」、聶夷中之「二月賣新絲,五月 聲,謬矣。若司空圖之「解吟僧亦俗, 濮上亡國之音」也。 唐末詩人多以綺 一人手,掩得天下目」、趙牧之「菖 醫得眼前瘡,剜却心頭肉」、曹鄴 麗纖 而 昧者轉以爲唐人 巧爲 工,所謂「桑 侯 事 愛 將

四〇七

深,有三百篇之遺意。

源矣。」
 一聲隨之,不獨士子之罪也,其來有喪,而心聲隨之,不獨士子之罪也,其來有褊吻,如戟手交駡。大抵王化習俗,上下俱觀矣。氣喪而語偷,聲煩而調急,甚者忿目觀矣。氣喪而語偷,聲煩而調急,甚者忿目

#### 父母官

乎? 唐吕温《守衡州 其 母,而却有不愛百姓之官,甚至假其勢以恣 望神仙侣,北部休誇父母官。」父母官之稱 自宋初已有之矣。雖然天下無不愛子之父 母官。」又《贈浚儀朱博士》詩:●「西垣久 母,百里撫惸嫠。」自注: 八殘暴。 王 禹 苟有人心者,能毋 . 偁《 謪 居 感 事》 送毛令絶 「民間呼令爲 詩 顧名 萬 而 句》云: 慚 家呼父 且悔 父

> 言,當官者宜日三省也。 臨别無它祝,●雖是蒲鞭也莫施。」此仁人之「布帛精麤任土宜,疲人識信每先期。 今朝

### 王介甫詩

也。也,世代重出,謂介甫精于小學,吾不信之中,世代重出,謂介甫精于小學,吾不信天地篇》「千歲厭世,去而上仙」是也。一句世,收神天上遊。」厭代,即厭世。《莊子・世,收神天上遊。」厭代,即厭世。《莊子・

可與君棋。明朝投局日未晚,從此亦復不介甫詩: 「北風吹人不可出,清坐且

- ●「博」,據《小畜集》卷十一當作「學」。
- 酬别江華毛令》作「明朝别後無他囑」。 「今朝臨別無它祝」。《呂衡州集》卷一《道州將赴衡州

止於第三卷一見。 詩類》,一在第四十八卷《絶句類》。《臨川集》吟詩。」李雁湖注本凡再見,一在第四卷《古

### 蘇東坡詩

雌 辨,往往 同之誚。 殺,非司 初白《補注蘇詩》,已先我言之矣。生平攷 坡誤記此爲司馬師事耳。 紀》,即疑此詩之誤。蓋王凌爲司馬懿所 不殺公間殺子元。」予弱冠讀《晉書・宣帝 有子, 郗超叛鑒 黄,亦有一得,故特存之。 東坡《戲作賈梁道詩》: 馬 有闇合前人者,皆已削稿,恐貽 今老矣,偶記此事,私喜小時妄下 師 也。 是無孫。 懿字仲達,師字子元,東 而今更恨賈梁道 後廿餘年,讀 嵇紹 似康爲 雷 查

薛士龍有「左角蠻攻觸,南柯檀伐槐」

始于東坡。 之句,王伯厚以爲的對。然「左角」「南柯」

亦用之。坡非肯蹈襲者,蓋闇合耳。「馬上續殘夢」,唐人劉駕句也。

東坡

## 蔡確車蓋亭詩

高于人遠矣。 可快心一時。 後卒啟同文之獄。 悉改熙、豐弊政,而於蔡 祐也。以文字罪人,始于元豐。宣仁臨朝 吴處厚。 致其罪,與李定之陷東坡 蔡確固是憸人,但以《題車 處厚亦終不得志,此等人天所不 范忠宣以諫此事罷相,其識 蓋 去 姦 確 何異? 亦 事不 須 蓋亭詩》文 顧 免過當,其 此事起 大體,不 于

#### 江 西 派

派, 并 江 拜,未作江西社裏人。」又云: 而 一西唾, 不爲, 列 詩格 誕甚矣。 陳後 吕本中《江 未 亦由此輩尊之過當,故有此論。 亦 山於諸 要曾 與涪翁 元遺 郎 西 人中。 山云 詩派圖》意在尊黄涪翁, 借齒牙。」遺山 不 相 似, 後 乃 Ш 論 北 與 抑 詩 黄 寧下 之 固 人 人 同 薄 不拾 在 黄 涪 江. 蘇 體 翁 西

### 鼂 无 咎 詩

爲瀾 大 雅》本以「大山宫小山」五字爲句,「霍」一字 山宫,小山 鼂 小波爲淪,欲知水深觀水津。」 无 咎《酬李唐 霍, 欲 識 臣贈 Щ 高 Щ 觀 水 石脚。 短 軸 按《爾 詩》: 大波

# Ą

爲

句,

无咎誤仞爲三

一字句

第

Щ

詩

南第 頭出 大字, 大字刻之它所,世遂不知此山之在盱眙矣。 汴翠屏間。 一山。」此初刻也。 盱眙縣玻瓈泉有米元章書「第一山」三 傍題絶句 云 莫論 「京洛風 衡霍 厥後好事者鈎摹三 撞星 塵 斗,且是 千里還,船 東

### 詩詞蹈襲

古人句假託爲之。 唐人袁郊詩也。元詩載文宗皇帝自集 雨,六七個星猶在天」之句。 入正大統,途中 兩三條電欲爲雨,七八 偶吟,亦有 箇 此好事者偷 星猶 點 露 在 慶路 滴 天」, 竊 如

一集中重複句

樂天《長相思》

詞

「深

畫眉

淺

畫眉

能説, 蟬 休還似夢, 偶寫古人句,編次公集者誤以爲公作,而 爲《瑞鷓鴣詞》。 悵,落花飛絮雨翩翩。』《歐陽集》亦有之, 王臺上一神仙 巫山低,暮 歐陽公集》亦載此 **鬢**鬅鬙雲滿衣。 江 月 坐來雖近遠于天。 雨蕭蕭 無 情 ,眼色相看意已傳; 也 歐公非竊人句爲己作者 郎不歸。 解 詞。 陽臺 圓 吴融有詩云: 一行雨 更被 空房獨守時。」 迴。 隴禽 春 巫山 風 有恨 見了又 送 「楚 高 收 題 惆 猶

山《中州集》並選之。何妨借玉川。」劉迎集中亦有此兩句,元遺何妨借玉川。」劉迎集中亦有此兩句,元遺一,党懷英詩:「雲山聊欲追聱叟,風腋

采,江 深山日暮鐘」,朱彝尊《登觀山》詩也,又見 梅》詩也,又見《和衍師詩》。 也,又見《和西園公》詩。「春後 天應老,夜色朦朧月亦香」,高 又見《山 穩,醉殘紅日夜吟多」,譚用之《幽居》詩也 也,又見《秋日寄故人》詩。 碧樹秋」,許 第歸蜀》詩。「一樽酒 薛彦偉擢第東歸》詩也,又見《送蒲 青浦道中》詩。 南 名登郤詵第,身著 江北 中春晚寄賈員外》詩。 渾《京 毎相 前賢得意之句、不嫌重用。 思」,高 П 閒居 盡 青 老萊衣」,岑參《 啟《 寄 「看盡 山暮,千里書 「細雨 兩 脱微詠 和 「春愁寂 都親 春前 凸 好花春臥 春歸雁, 袁 秀才耀 断梅》詩 友》 曾 公咏 送 寞 獨 迴

## 楊陸兩公年壽

南詩 以 知 庚午則嘉定三年也,與本傳殊不合。 録解題》云:「嘉定庚午,年八十六而終。」 十五,此見于《宋史》本傳者也。 相若,而皆壽考。 直 更 醉 齋爲正矣。 集》有絶句云: 楊 廷秀、陸務 幾春風。」則 放 觀 庚午春放翁尚無恙,當 翁 詩 「嘉定三年正月後,不 爲宋 以 嘉 定二年 南渡名家, 而《直 卒, 年八 致劒 齋 名位 書

攷之。 以 誠齋丁未。」見孫奕《示兒編》。 圖 宋史》本傳。 宣和 詩》自注: 誠 六年 齋 以 甲 開 ·辰生 據開 禧 乘 二年卒,年八十三,亦 成兄生于乙巳,予丙午, 禧二年,歲在 矣。 而 與傳不合,當更 周 益公《題 丙 寅, 三老 則當 見

### 放翁論詩

衆 極 反 傷 也。 正 陸 故論久 鍛 務 義。 鍊 觀 之 云 纖 而後公,名久而後定。」《何君 久, 麗 足 乃失本 詩 以 欲工 移人,夸大足以蓋 指, 一,而 工亦非 斲削之甚, 詩之

#### 百家姓

蓋 之村書。」今鄉 謂之冬學。 愚 面 猶 看 儒 宋 却自 人。」自 陸 放翁 人所習,以趙爲首,尊國 珍。 所讀《雜字》、《百家姓》之類,謂 注 詩 村 授 罷 小 農 兒 兒所習《百家 村 家 書 童冬學開 + 閉 户 門 乃 睡,終 姓 遺 比 也。 姓》一書, 鄰, 子入學, 年 不 據 案

### 楊誠齋詩

見春, 過新 小 橋 看 誠 轎,又被春光著莫人」。 「輔過桑陰」、「詩卷且留燈 中半處,鍾 春光」、「總將枝 齋獨喜用之。 橋啟轎牕,要看春水弄春光」、「行 轎子始于宋時,而 遮攔春 山 色不教親」、「 飛人轎牕羅 如「行到深邨麦更深,放 E 雨 ,灑入轎間 詩家罕用。 」、「暖 下 急 看,轎中只好 呼青繖 轎 衣」、「 此 行 字 小 春 到 涼 底 曉 楊 笪 低

#### **丸** 直

脂濃抹 時, 路上山 野 齊野 薔薇。」按《 花 也 薔 則 稀。 薇》詩: 廣韻》引《玉篇》云: 霧苴 餘春還子細,燕 紅 殘 緑 暗已多

#### 宋正前

魂記》有「春色籱苴」句,蓋用誠

荔苴,泥不

熟皃。藉,盧

下切。」湯若

类

還

攷。有唐安宋正仲德之,未審即正甫否? 當虞伯生《鶴山書院記》序其大父講學諸人,一,六經載道不言真。」正甫爵里未詳。按一,六經載道不言真。」正甫爵里未詳。按

#### 迎富

굸 誰 魏華父有《二月二日遂寧北郭 爲 貧驅竟難逐,素爲富 今人 「才過結柳送貧日,又見簪花迎 但 知送窮,不知迎富亦有 逼豈容辭。 迎富 故 故 富 事 貧 \*>詩 如

十駕齋養新録卷十六

四四四四四

知今尚行之否?今已久,謾隨人意看兒嬉。」此蜀中舊俗,不今已久,謾隨人意看兒嬉。」此蜀中舊俗,不易去人所欲,富若可求吾亦爲。 里俗相傳

#### 後村詩

道 後作 論之,則 爲,尋即 鄭綮之相,在 挫 誤 扈久矣。 因 然 聽塗説, 鄭 否。 用張濬 蚵,温竟未遺一卒。 相, 五欠經綸。」真耳食之論也。 詩 家 如 昭 時 辭 詠古, 後 爲 昭宗始立,頗有削平方鎮之志,乃 豊 宗 事 疾 相, 邨 真有論 可 去官,繁 乾 詩 但 朝 知, 欲倚汴 寧 取 相 元 世之識哉 對偶精工 臣 乃繁自謙之詞。 年, 於出 未必朱三 無 以 唐之亡, 濬之罪 其 圖 出 處 時 其右 并。 無 國 不計事 玷矣。 能跋扈, 朱温之 及濬出 事已 者。 不 後 平 迹之 也。 情 口 邨 歇 師 跋 祇

### 論詩絶句

啟 争效之。 鴻之論 老更成」諸篇 户牖矣。 元 遺 詞 山《論 厥後宋牧仲、 論 印, 而 作 詩 遞 絶句 也 相 祖述,而七絶中 ×, 朱錫鬯之論畫, 王 貽 效 少陵「庾信 上 仿 其體. 又别 厲 文 時 太

### 律詩失粘

後 句 齊 何水部, 荆州」,人多笑其 人文過把柄。 拗,阮亭蓋用 送何 王 阮亭「斑管題詩吴祭酒,紅 風 之右 流不 減 其 司 如陸 失 體。 韋 出 粘,然亦 蘇 守 放 前輩 平江》 州 翁 字 有 篇 務 詩「人物 時 所 觀 失 八 本。 顔 句, 檢 觀 顧 本 獨 只 即 楊 曲 讀 爲 此 今 誠 袁

矜其 者。 陸務 去 聲, 親, 奥博 而 錫 當 正用 |巻詩| 時 即 此事。 「石湖」 有 押 居 人 所謂 士范成大,鑑曲 平聲, 明知故犯,欲自 爲 放 翁 詩 所 譏 人

#### 水田衣

學僧衣」之句,蓋本於此。 下 句云「水田 有唐杭州 釋 子 以袈裟爲水田衣。 + 刺史盧 里 學 袈裟」。 元 輔 磨 厓 阮 今杭州神尼 亭「水田 刻七言詩,首 帶 塔

#### 上下洄

楊 水 儀 數 居 + 水 F 畝,長 經注》: 一洄,楊] 數 禺 里, 居 蔡 下 廣 洲 洄。」朱錫 減 大岸西 百 步, 水 有 鬯詩 色 洄 常 湖,停 渌。

> 洄 西 曝 南 書亭 順流 户, 而 堂 詩》 下曰泝游」實之,失其旨矣。 臨 者, 上下 引《爾雅》「逆 洄, 蓋 用 此 流 事 而 上 近 日 人 注 泝

#### 記念

字。 也。 肯剪蛉抛 錫 之稱,或作蛔蛉。 援 用 十九青部。 游 之理。 鬯作《 是也。 悟真 殿,力令切,颮屬。」 觑亦作颲。 ^ 廣 説 韻 曹侍郎 文》「知聲蟲 • 寺》詩「 古  $\wedge$ 誤 人 玉 挽詩》云「硯 篇 炯」爲「姠」。 以 **颲**龄, **馳** 匙上不得, 豈 然字書本無蚵字也。 鼠 也。 鬚 斑 製 颲 鼠 筆,故筆 恐 也 公熒 憐 無 鸜 蛔 與「魍 兩 高 潤 切, 我 即 白 字 有 能 香 斑 皆 即 蠁 筆 通 龄 Ш 鼠 在

#### 三橋

整雙履,便是隔三橋」也。注家不能引。還六扇傏。」上句用李商隱《明日詩》「誰言朱錫鬯《風懷詩》:「路豈三橋阻,屏

### 踏 與 踳 異

作踳。 誤 義 朱錫鬯《齋中讀書》詩: 也,書容切。」路 春、 或 仞 舛聲相近,故 《駁路。  $\wedge$ 爲一字。 説 又《廣 文》 真儒起北海,卓哉鄭司農。」似 韻》三鍾部有「蹖」字: 从春, 踳 有舛音。 舛, 或作 从春,音義 「漢士守一經,其 古書 踳。 1 舛駁 踳 从 迥 字 春。」 「蹋 殊。 多

# 辨邵堯夫水火土石

懼 説,注家未有引此者。 書》詩第四首云: 世》用揚雄之四數,加以本 歲時,行氣運,不可闕一」。 邵堯夫《皇極 本有之二,爲不合于古。 沈作喆《寓簡》謂「五行者經世之用,紀 用三去其二,變一成百牾。」蓋用 「奈何洛下儒,侮聖不 朱錫鬯《 無之一, 齋 而 沈 中 去 知 讀 其

#### 查 初 白

之七歲」。按《唐詩紀事》云: 似,恰比先生老七年。」自注謂 樂天,才名官 查初白《贈湯西厓》詩: 職 兩 殊 懸; 只 餘 樂天長于微 敢 樂天生于代 擬微之並 事 差 相

庚申,少樂天八歲,非七歲也。 宗大歷七年壬子,微之生于德宗建中元年

#### 文選

作。 也。 後 言之,示誠 此篇於韓、彭、周、 造文字,如王肅之《家語》、梅賾之《古文 史公《報任安書》,不敢言漢待 魏、晉初高手爲之,齊、梁人不能辦 書》、汲郡之《 來所爲,假稱陵作矣。 然 李 劉 陵《答蘇武書》, 知幾已言其文體 後代。 紀年》,不一而足。 魏、李廣 昭 明采 東坡 予謂 丽 諸 不 譏 録之,非 人 類 魏、晉人喜 爲 之枉,痛 功臣之薄。 西 此書當 齊、 漢 也。 梁 無 是 尚 僞 切 太 殆 人 謂

佛之作 '', 昭 世 景尚 明 浮屠 概 不 取 時 唯 名流 録 王 詩文大 簡 栖 半 頭 陀 佞

> 當時 此等識見,遠出後世詞人之上。 所 篇, 以 而 備 特 斯 取 體 之, 明 簡 非 栖 勝 名 流 位 所 素 措 卑,不爲 意

### 御覽載孔融語

所執,以爲郊天之鼓,必當麒麟之皮也。 立 注 之分,文舉漢 肅學者僞託耳。 予謂此必 在五經四部書,如非此文,近爲妄矣。 説,人見其名學,爲有所出 御覽》載融《與諸 孝經》本當曾子家策乎?」見《御覽》卷六百 ~ 鄉,名鄭公鄉,其 孔 禮 融 非孔文舉之言,殆魏、晉以 爲 初 北 無 人,安得 海 麒 晉荀勗《中經薄》始 相, 卿書》云: 麟 告高 皮冒鼓之説 稱 推許 四 密 也。 甚至。 部 縣 鄭 書? 爲 證 康成 也。 案 鄭 而《 且 有 後習 大 康 若子 太 較 多 范 鄭 四 成 君 部 要 臆 平 特 蔚 Ŧ

宗書 以 誣 盛 及 德。 章 懷 注 皆 無 此 語, 不 可 執 無 稽 之談

#### 庾 闡 揚 都賦

未讀《晉書》矣。 固失之不攷。 傳》仞「庾」爲「唐」,又以「揚都」爲「吴都」, 賦》有注,殆取 都賦》注,蓋賦 張守節《史記正義》説三江,●引庾仲初《揚 揚都賦》,爲世所 庾 闡 字 仲初,晉給事 仲初之例乎? 胡 成又自爲注。 朏 重,見《晉書 明以「庾杲之」當之,亦 中、領著作。 謝康樂《山 蔡仲默《 文苑 書集 傳 作 居

#### 范縝神滅論

齊、梁文人多好佛。 劉彦和序《文心雕

> 滅論》, 地, 龍 家訓 可 自言「夢見 •歸心》一篇,見譏後代。 謂 其中流之砥柱乎 咄 昢 怪 宣 事。 尼。 顔之推累 1 而 晚 節 世 出 范子真《神 儒 家, 家, 名 而 慧

#### 文 筆

總術篇》。 鮮矣。」杜牧之詩: 任筆』。」殷璠云: 無不請焉。」「既以文才見知,時人云『沈詩 臣文。」《任昉傳》: 之諸子才能,「延之曰: 以爲無韻者筆也,有韻者文也。」《文心雕龍 劉彦和云: 按《南史‧顔延之傳》,宋文帝問 「今之常言『有文有筆』, 歷代詞人,詩筆雙美者 「杜詩韓筆愁來讀,似 「尤長載筆,王公表 『竣得臣筆,測 奏 得 延

0 「張守節史記正義」,按實見酈道元《水經注》。

庾

子

Ш

賦

見,班 南 釣臺、七澤、全節、諸侯、荒谷皆兩見。 見,七葉兩見,暮齒兩見,秦庭、金陵、南 賦》,杜元凱 古人文字不以重 超兩見,白馬三見,西 兩見, 陸 複 士衡一 爲 嫌。 河 兩 見,陸 庾信《 見,驪 哀 機 山 陽 江 兩 兩

「未深思于五難」、「本無情於急難」,一

段之中,重押「難」字。

子胥 當 Щ 用 由 作溧,溧渚即 韓信事,下句 [金陵赴楚,溧水非經過之地,不應連用 事。 過漂渚而寄食,託蘆中而度水。」上句 亦見《淮 且漂母 陰 瀬 用 侯 進食,具 渚,亦用子胥事。」予謂 伍子胥 傳》, 無庸 事。 有典故; 破「漂」爲「 顧亭林謂 「寄食 溧 子 漂

## 傅奕詆浮圖法

也。

庸臣 此 以 始立胡祠, 未 韓退之《佛骨表》之藍本也 上,不許 有佛法,君明臣 佞,政虐祚短。 唐傅 奕 然惟 中 上 國 疏 西 詆浮 忠,年祚長 域域 梁武、齊襄尤足爲戒。」 事華。 沙 圖云: 門自傳其教。 0 久。 及弛厥 一 五 至漢明帝 帝三王, 禁, 西 主 晉

#### 陋 室 銘

德 裕 崔 有《秋 沔 嘗 作 聲賦》, 陋 室 在 銘 歐 陽公之前。 在 劉 禹 錫 之前。

李

●「華」、《新唐書》卷一百七《傅吕陳傳》作「胡」。

十駕齋養新録卷十六

《太元經》,何處復有《太元經》? 學使之然也。 桓譚有《新論 有《太元經》。 譚又有《新論》。 帝《金樓子》有  $\approx$ 談者多誤,動形言色。 條 何處 揚雄有《太玄經》,楊泉 굸 復 有 桓 華譚? 譚 有《 此皆由 新 揚 論 子有 或云 又 華

## 宋子京喜韓柳文

後序》。 載愈答書。 友傳》載《復讐議》。 州謝上表》、《祭鱷魚文》四篇。《藩 平淮 書》,於《韓傳》載《進學解》、《佛骨表》、《 韋丹石洪傳》亦皆取愈 宋子京好韓退之、柳子厚文。 西碑》。 《李渤傳》載 甄 ^ 濟 陳京傳》載《禘祫議 傳 《許遠傳》載《張中丞傳 》載愈《答元 愈所與 所撰 書。 墓 《張籍傳》 誌 微之書》。 其修《 鎮 也。 《傳》載 ^ 孝 潮 於 唐

> 采宗元《逸事狀》增益之。 **讐議》、《孝門銘》。《宗室傳》載《封** 事,亦采宗元所撰墓誌也。 貞行傳》載《與 何 蕃傳》。●

《趙宏智傳》附矜

^

段秀實傳》亦

建

論

貞符》、《懲咎賦》

四篇。

《孝友傳》載《

駮復

柳

傳》

| 載《與

蕭

翰

林

俛》、

《許

京

兆

孟

容

書

#### 原 道

舜之道,孝弟 所 失仁而後義。」又云: 「大道 氏《文心雕龍》亦有《原道篇》。 謂「去仁與義」言之也。 老氏云: 原道」二字,出《淮 「失道而後德,失德而後仁, 而已矣。」「仁之實,事親是 南 孟 子 廢,有仁義。」 原道訓》。 Ħ

0 「貞」《新唐書》卷 一百九十四作「卓」。

.

長,而 于宋儒。 遠, 也; 與義,爲定名, 退之《原道》一篇, 事在 天下平。」所謂「合仁與義」言之也。 義之實,從兄 易 而 求 諸 道與德,爲虚位。」二語勝 與孟子言仁義同功。 難: 是 也。」「道 人人親 在 其 邇 親、 丽 長 求 其 諸

#### 諱

閒

可

武諱 音。 議。 之父名點,不名哲。 直吏切。 云元和之世,親盡不避,於義終未安。 而《舊唐書》譏之。 吕后  $\sim$ 追 治有一 諱辨》一篇, 改。 非 兩 名雉,雉在上聲旨部,不與治同 見《資暇集》。 上聲也。 讀,一平聲,直之切; 引二名、 杜 且其字爲 操 然細讀 杜 與 字伯 嫌 度亦不同音。 名、《律》最 度,後人避 此文,亦 高宗諱,即 一去聲, 曾子 多 可 明

#### 河 閒 傳

邪? 禮,然不 婦,不幸 傳》蓋本於此, 也。 始自約敕之時, 漢 能 壹 書》原涉曰: 自 爲盜賊所汙,遂行淫失,知其 還。 而 吾 詞太穢 猶 意乃 子 此 慕宋 矣!」柳子厚《 褻。 獨 不 見家 此等文不作 伯 姬 及 人 寡 陳 河 非

#### 古人 文字不宜學

矣。 當時 公瀧岡 止之,南宋以 唐、宋人碑誌,稱 不 李翶述其大父事 以 阡 爲怪, 表》亦稱 後遂無敢用者。 若 施 其父皇考。 狀,題 其 之後代, 父 日 云《 「皇考」, 則 宋徽 皇 好 古之士當 犯 祖 大 宗 實 始 歐 不 録 肆 陽

隨時變通,所謂禮從宜也。

# 文集須良友删削

惑。 奪之,然後緐簡當否,得其中矣。」 忍于割截,或失于緐多。 必待交友有公鑒無 白樂天云: 「凡人爲文,私於自是,不 其間 姑 息者, 妍 媸,益又 討 論 而 削 自

### 曾王晚年異趣

黄帝、 氏子 尚 憐 身,舉世何 謂 無 弟 退之未 補費精神。」李壁注 王安石《韓 老子未見非耳。』譏其非人太多 載 南 人識 豐 識 道真 語 道真。 子詩 <u>云</u> 也。 力 介介 予在 굸: 去 甫 陳 紛 非 臨 「觀公此詩, 言誇 紛易 前 川,聞之曾 末俗,可 盡 盡 也。」 百 獨 年

> 終疎。 職, 如 非議古人。 容同時之善士乎? 安石心術不 非忠信篤敬之士; 石與子固交最厚; 李季章 知其 晚年異趣矣。 说, 子固窺破此等伎倆,故始密 是 南 豐 於古人且 及居相位,未嘗引居 亦 大抵好詆毁人者, 不 滿于 不能容,況 安 正,即 石 也 在 能 要 而 好 安

#### 七大家

氏、 作者非一人,其以之名天下者, 禮 江西吉安府重刊《大蘇七集》,紹爲之序。 及南豐曾氏、 部侍郎 河東柳氏、宋 李紹《序蘇文忠公集》云: 臨 川 廬 王氏七大家。」 陵歐 陽氏、 眉 唯 紹, 「古今文章 明 唐 Ш 廬陵人。官 成 昌 化 蘇 黎 四 韓 氏

#### 老蘇族譜引

獎後進有過人者,宜其後裔多文人也。 蘇,蘇盛稱之,自是方列于聞人之目。 失之也。 蘇以古文名家,自述先世不應差誤,或傳刻 中宗之世,則「神堯」殆「神龍」之誤歟? 祖朝臣。《 氏自此始。 道 劉夢得言,宋廣平在下僚,以《梅花賦》投 刺眉州,卒于官。 蘇 明允《族譜引》: 味道相武后,有「模棱」之譏。 唐書·味道傳》「貶 神堯者高祖謚也,而味道非 一子留于眉,眉之有 唐神 堯初, 眉州刺史」在 長 其 史味 推 然 老 高 蘇

#### 東坡跋語誤

東坡《跋晉桓温書》云:「『蜀平,天下

駕齋養新録卷十六

與 謂 閒當有數百本也。」按: 書。』「蜀平」,蓋討譙縱時 大慶,東兵安其理,當 桓 滅李勢也。 温 同時。 此東坡記憶之誤。 譙縱之平,在安帝義熙中,不 早 也。 桓温所云「蜀平」, 報 僕喜臨之,人 此。 桓元 子

### 喜雨亭記

「然」字,蓋淺人妄增。「然」字,蓋淺人妄增。「不」爲「弗」,從《廣韻》也。俗本「不」下多子曰不,歸之造物。」「物」與「不」韻。讀歸之天子。」「子」與「有」韻,從古音也。「天歸之天子。」「子」與「有」韻,

### 東坡學韓柳

表忠觀碑》,仿子厚《義門銘》也。《萬

四四

自 矣。

石君 羅 用子 文傳 厚《 仿 郭橐駝傳》之意 退之《 毛 穎 傳 **>** 也。 而 變其 蓋《 面 公

目。

#### 父子共一 碑

故 奉靖之墓表》,兼述其子長民事,蓋用石家 碑,其文蘇 魏公所爲也。 陸務觀撰《詹朝

石元懿公熙 載, 與 其子文定公中 立 同

#### 顧

本無此篇,以它文易之,則次耕已覺其 手鈔之,意欲采入《日 篇,本馬貴與之説,載在《文獻 爲顧作,乃以《讀隋書》爲題 顧 寧人文集》 初印 知 録》。 本 有《 收 通考》。 潘 人 讀 集中。 次耕誤 隋 仞

#### 歸 Ш

代作。 相 墓 近。 一誌。 歸震川文集》後,附 予初讀之, 歎其 後讀《唐叔達集》 叔達父名欽堯,震川 波瀾意度,頗 有此 王 高 文 弟, 文, 肅 其 知 錫 淵 爲 與 爵 煕 源 叔 所 甫 撰 有 達

#### 開 化 碑

矣。

笥 類 堂 「集》亦 ,其後門下士編次文集,誤**何爲清獻** 再刻于《曝書亭集》; 朱 錫 載 鬯《 此文。 開 化寺 蓋清獻 碑》, 愛其 而陸 刻 于《 文, 清 獻《三魚 竹 鈔 作。 垞 筬 文

#### 六

也。 思。 無常,而字有常數。 而 也。」則梁時文筆已多用四字六字矣。 非  $\wedge$ 致文心 緩。 四六談麈》、王銍字性之。 駢儷之文,宋人或謂之四六, 或變之以三五 雕 龍 • 章句篇》有云: 四字密而不促,六字格 蓋 ^ 應機之權 四 六 謝 話》 伋 筆 字 節 旬 是 景

#### 文人避家諱

義 諱 直之切。 談爲同一 相 池,每與韓持國書,改「持」爲「秉」,取其 近。 古 人重 然禮不諱 又 非 家 取其聲相近 同 諱。 部 嫌名。 太史公父名談, 雖 不 避 也。 池,直離切。 無 妨 司 馬温 也。 故 公父 眉 Ш 改

+

駕齋養新録卷十六

#### 題 諱 填 諱

坡

不爲人作序,或改用「敘」字。

蘇氏

諱「序」,故

明允文改「序」

爲「引」

東

陽貢 字。 字,姓也。 神字銘》「孛述魯翀撰,二子孛述魯遠 填諱」,是宋人已稱填諱矣。元刻《麻衣子 末有「表姪河南府參軍張平叔題諱」十二 初寮王左 土 題諱,即今人所云填諱 彭王傅徐浩碑》,浩次子峴所書。 李珩填諱」,正用 石刻「术」作「述」,譯音無定字。 丞贈曾祖》詩,末題「通直郎 徐峴之例。 也。 周益 字术魯三 書,南 公 田 橡 跋 碑

十駕 齊養新録卷十六終

24 五

# 十駕齋養新録卷十七

嘉定錢大昕

### 圓經周率

釐九 立 約率圓 密率圓 九毫二秒七忽,朒數三丈一尺四寸一分五 周 徒各設 疏 史祖沖之更開密率,以圓 ,兼以正圓參之。 盈 舛。 毫二秒六忽,正數在 數三刻本作二,誤。 古之九數,圓周率三,圓徑率一,其 徑七,周二十二。 新率、未臻 自劉歆、 徑一百一十三, 張 衡、 折 指要精密,算氏之最者 丈一尺四寸一分五 衷。 劉 圓周三百五 徽、王蕃、皮延宗之 又設開 徑一億爲一丈,圓 宋末南 盈 朒二限之間。 差 徐 幂 州從 十五。 開 差 釐 術 事

術,以 十二萬七千七百六十六奇,與溉亭之説合, 設徑 굸 理有 以直求曲、勢必不能密合、非算之不精、於 尺六寸有奇,乃知沖之密率猶失之弱。 以 猶未密也。 説,窮極 析愈細,終無合爲一線之理,則所謂密率者 也,以各等邊線用 唐號溉亭。 天,宜若確乎不可易矣。予族子江寧 古今,地 六五,正 也 長竹篾刻尺寸分秒度之,得實周三丈一 未 隋 . 圓徑 秦九韶《數學九章》卷三,環田三積問 億,依術推之,得周 書 盡 分中 在 幼眇,所得徑一周三一 獨疑之, 也。 律 一沖之所定盈朒二數之閒。 自 今試以木製大圓 菻 -外, 而 乘, 志》。 昨元和李生鋭字尚之。 進位爲 句股法 謂圓周 西 布算若合符節,用 洋 人 取 曲線也,圓 實,開平方得周。 三億 割 其弦遞析之, 輪,其徑一丈, 圓 四 六 一千六百二 五五 宗 徑直  $\equiv$ 告予 教 以 世 九 要之 愈 閲 線 步

# 王深寧引九章有誤

則雀 章·方程》篇云: 適平。」王氏所引,不特文句有異,以算求之 衡,雀俱重,燕俱輕, 飛集于衡,衡適平; 亦不合。 重 王深寧引《九章算術》: 而 燕輕。」見《困學紀聞》卷十九。 「今有五雀六燕,集稱之 一雀一燕,飛而 一雀一燕交而處,衡 「五雀六燕 按《九 易 處,

#### 夕 桀

字非鄭注」,後 今有重差、 周 禮 • 保氏》「九數」,鄭 夕桀、句股。」《釋文》謂「夕桀二 人附益也。 夕桀未詳何義 司農云

#### 六壬推行年

疑是互乘之譌。

男起巳至寅,女起巳至申,故男年始寅,女 巳,爲夫婦。 裹妊于巳,巳爲子,十月而生。 從申逆行。按《説文》元氣始於子。子, 年始申也。 所生也。 男左行三十,女右行二十,俱立於 六壬起行年法。 則行年之説由來古矣。 男子從寅順行,女子

#### 六壬十二神

子丑之位,俱有衝抵之氣。」案此十二神,六 明、從魁之輩,工伎家謂之皆天神也,常立 壬家所用。 論衡 • 難歲篇》: 論 (衡)雖引其説,而未悉數其 「或上十二神登

十駕齋養新録卷十七

名。登明、亥也、從魁、酉也。寅爲功曹,

亦

見

《論衡•遭虎篇》。

家不異。

京不異。

京不異。

京不異。

京不異。

京不異。

京不異。

京不異。

京不異。

京不異。

六壬家又有貴人、騰虵、朱雀、六合、句宗不異。

#### 太

門。五將者,天目、文昌等。發三門,順五將。」三門者,開門、休門、生將三門。」注:《太一式》:「凡舉事皆欲將三門。」注:《太一式》:「天有太一,五

#### 天 一 家

五行 家曰小凶,天人家曰小吉,太乙家曰大吉。 之,某日可取婦乎? 家、《天一》六卷、蓋其一也。 志》,當是「天一」之譌。 辯訟不決,以狀聞。 日不可,建除 爲主。』」按天人家不見于《漢 褚先生云: 家日 「孝武 不吉,叢 制曰: 五行家 《漢志》五行三十一 帝時,聚會占家 辰 『避諸死忌,以 日可, 家日 大凶, 堪 藝文 興 問 歷 家

#### 算盤

南村《輟畊録》有走盤珠、算盤珠之喻,則元不知何人所造,亦未審起于何代。案: 陶古人布算以籌。今用算盤,以木爲珠,

#### 蓋 天

講。 天 梁代崔靈恩已有渾、蓋 通、 都芳亦云: 邕、葛洪之徒咸宗其説,而蓋天之義久置不 古者。自楊子雲著論,抑蓋 也。其書出於周公,商高所授,乃算術之最 而平儀之用,視渾儀尤簡而易曉。 宣夜之學,久失其傳。 仰觀,以周髀 憲之名,而後步天家知蓋之不殊於渾, 則古之人早有先覺者矣。 近世歐邏巴人人中 古之言天者有蓋天、宣夜、渾天三家。 渾天覆觀 爲 法。 《周髀》則蓋天之術 合一之論。 ,以靈憲爲文; 覆仰雖殊,大歸是 國, 製器有渾、蓋、 申渾,其後蔡 北 然攷之 齊信 蓋

九

鬿

字,當爲魁之譌。 星,魁居其首,故有九魁之稱。 因誤爲鬿,并讀如祈音,失其義矣。 九魁,謂北斗九星也。」按《説文》無「魁 劉 向《九歎》: 古書斗爲斤, 「訊九鬿 與六神。」注: 與斤相似, 北斗九

#### 河圖 闓苞受

謂「 闦 河 泂 鬭」,非人名也。「授」與「受」通。 鬭 圖 苞受》蓋《河圖》篇名。 圖 ^ 苞似是人名氏」。案《文選》李 續漢 鬭 闦 苞授》, 苞受》曰: 書 • 規日月星辰之象。」王 天文志》云: 弟 感苗裔 《漢志》誤 黄 出 帝始 善 應 「閩」爲 注引 伯 期。 受 厚

駕齋養新録卷十七

四二九

#### 霜月

雅 月」爲何語。 霜月之靈,皇 釋天》篇: 韓 勑 造 禮器碑》云: 極 予謂 之日。」説 七月爲 霜 月 相。 者, 金 相 石 青 月 者 龍 也 不 在 曉 涒  $\sim$ 「霜 歎, 爾

#### 咸 池

子。 月 月,正當咸池之位,如卯年卯月,咸池在卯。 而 戊午,名曰 「咸池爲大歲,二月建卯, 成池在午。 復始。」歲在子、 故名曰 西嶽 華 咸池也。 一咸 酉年酉月, 山亭碑》: 池。」按《 卯、午、 咸 咸池大歲,與斗杓小歲 池 淮 在 月從 西 光 南 酉, 子 天文訓》: 右 和 則 年子月,咸 元 行 歲 年, 四 所 [仲,終 午年午 直 歲 池 之 在

> 氏 矣。 以 午,非太歲在午也。 歲,歲星以五月與胃、昴、畢晨 潢。」奎、婁、胃、昴、 記》所謂「歲陰在午, 三宿在西宫之中,而歲星以午年舍其分,故 相 對。 五月與東井、輿鬼晨出東方,與 咸池爲名。 又引《天官書》: 洪 氏 隸 此則 釋 誤會《史記》之意。《 引作「太歲」, 若太歲在午,則歲 畢、觜、 星居 西西 [宮咸 西者」,謂太 參居之。 出東方。 池, 咸 誤 日 池 也 天 星 陰 敦 無 史 涉 在 蓋 牂 五 洪

#### 太陰

「太陰在寅,歲 南》又云: 名曰單閼」之類,皆謂 漢初多以太陰紀歲。《淮 「太陰在四仲, 名 日 攝 太陰, 提格 則歲星行三宿; 非 太 南 太 陰 • 歲 天文 在 也。 卯, 《淮 訓》 歲

歲

引晉灼 危 注云: 子、午、卯、酉也。 太陰在亥,歲星舍角、 舍東井、興鬼; 寅,歲星舍斗、牽牛; 舍氐、房、心: 申、戌亥也。 書》,信而 室、東壁, 在酉,歲星舍柳、七星 舍尾、箕: 在未, 十二,故十二歲 陰 在 在 四 太陰在 四 亦 孟 歲星舍觜觽、 同。 太歲 有徵 鉤 四 是 太陰在巳,歲星舍奎、婁, 季, 則 午,歲星舍胃、 本 太 者 在 爲 據 歲 是爲 陰 也。 太陰 則 四 四 而 星 淮 在 四 仲, 歲 鉤 行 行 四 鉤 亢, 參; 張; 在戌, 卵, 南》之文,而 星 行 漢 二宿。 則 一仲行 二十八宿。」 太陰在辰,歲星 行 歲 書·天文志》晉灼 謂 歲 二宿。」《史記 宿。 歲星 星行三宿, 太陰 太陰 太陰在子,歲 丑 三宿。 昴、畢; 星 寅、 舍 此 八 在 在 舍翼、軫; 須 改太陰 辰 在《 + 申, 丑 四 太 E 歲 仲 淮 舍營 陰 歲 太陰 Œ 未 義 爲 太 南 星 星 在 星 謂 太 初

陰

太

與《淮 應。 當 在 也。 在元 似 文,唯改太陰爲歲陰,其説歲 言太歲,而即歲星以見太歲,此古人舉 如果太歲在寅, 歲 太 三之例也。 奎、婁,不當在須女、虚、危也。 虚、危,是元枵之次也,太歲當 太歲當在子, 卯 在 不 歲 異 元 斗、牽 枵, 年 愐 今云歲 如歲星 同 南》常差 則 是《 閼 實 失《 太 則 同 逢 牛; 淮 太 歲 在 太史公《天官書》多承《 淮 星舍斗、 攝 南》所云太陰,非 歲 與 丽 星 兩月, 提 南》之旨。 太史公亦以 則歲星當舍營室、東壁,不 必 歲 却云在寅。歲星舍須 紀,則太歲必在子, 果 格 在 星 太歲 其 牽牛,是星紀 左右 一舉夏 丑,推之 明 在 蓋 證 行 卯, 歲陰 正,一 矣。 古 不 星 在 + 則 法 即 同 晨 紀 淮 丑 歲 太 自 太 年, 用 淮南》之 南》雖 之次也, 出 辰 太 星 陰 而 而 一之月, 歲 天 當 皆 常 歲 與 如 却云 初 女、 太 星 太 相

陰爲太歲也。 太陰、太歲之有別矣。 歲陰爲太歲,不復言太陰,是東漢人已不 法,别無言太陰者,蓋疇人子弟失其傳 憲 一日。班氏《天文志》雖承史公之文,而改 以 後, 劉子駿《三 統 晉灼晉人,宜其仞太 術》但有 推 太 歲 已 所 非 知 在

强合; 同 即 據後所見也。 氏、《太初》所 太陰紀年、《太初》以太歲紀年,兩家本不能 與史公同,而與《太初》常差兩次。甘、石 氏、甘氏、《太初》三家。 可以贏 《漢志》言歲星晨出東方之宿,兼 鸁 縮, 班氏昧于太陰、太歲之别,乃謂 斷 縮 無差 解之,豈可例諸《太初》乎? 以不同者,以星贏 不知歲星每一年 至兩次之理。 其云石氏者, 甘、石之不 而行一次, 縮在前,各 大約 取 甘 以 石

 $\wedge$ 

#### 六 秝

**秝之作皆在漢周末,●理不得遠。且却較** 甚疎者,朔後天過二日有餘。 檢之,經三百年,輒差一日。古秝課今,其 並同《四分》、《四分》之法,久則後天。 以食 殷、周、魯是也。 書》正義: 春秋》,朝並先天,圖則非三代以前明矣。」● 古秝存於漢者有六家,黄帝、顓頊、夏、 「古時真秝,遭戰國 祖沖之言: 「古之六秝,❶ 以是推之,古 及秦而亡。

0

<sup>「</sup>秝」、《宋書》卷十三《推五星術》作「術」。 下「秝」字

<sup>「</sup>漢」下、《宋書》卷十三《推五星術》有「初」字。

<sup>「</sup>朝」、《宋書》卷十三《推五星術》作「朔」。

<sup>「</sup>則非三代以前明矣」、《宋書》卷十三《推五 此則非三代以前之明徵矣」。

漢 魯秝》,蓋 爲之。」《 存 食之法, 六 秫, 詩》正 而年月往往參差。」 漢 雖 于 初爲之,其交無遲 五. 義 紀之論, 今 皆 世 秦、 有《周 速 漢 盈 之 縮, 秝 際 假 攷

### 歲星超辰

癸酉。 稱 次, 元 記 厥 天鳳七年,即地皇元年。 如《王莽傳》: 將 也。 明 是爲超辰之率。 討黄 年,歲在實沈,倉龍 古 歲 始建國 《三國志注》 光和 法 復 巾。 歲 在 七年, 星 大梁, 是歲 八 「建 百 年, 四 歲在, 改年 載 或 始 1 漢 即天鳳 五年, 博 歲在 拜 以 四 大梁,武 爲中平元年。 士 辛巳。」此《漢 大將 後 年 三年。 蘇 大梁,倉 歲 歲 而 林、董 軍。 在 星之行 行 王始 歲 壽 百 + 星 巴 龍 躔 四 以史》所 一,倉龍 三年, 受命, 庚辰。 漸速。 上 星 建安 + 表, 紀。 五.

> 太歲亦 超 降 僅 復 年丙子,歲星但當在元枵 大 三辰 妻而 在 一百八十年。以古超辰率計之,建安元 梁。」 攷地皇元年庚辰,至 大梁,始拜 也。 至大梁,則是百八十年 無 超辰之率,蓋起于東漢,至今因 歲星之行,不能與太歲 丞相。今二十五 耳,今乃越諏訾、 建 之閒 安 年, 五 歲 年 相 歲 應, 庚辰 復在 己 而

#### 置

者, 用 六 則 相 定氣 月,至天禧戊午閏 或 距三十三月者。 相 相距 古法用平朔,率三十二月而一 距 每 或二十八 至三十四 氣 修 短 月,如 月。 四 唐、宋以來,皆用定 四 時 乾隆丙 月是也。 如 不等, 宋 祥符 寅 由 閨 是置 今時 Z 月 里, 卯 戊 閨 憲 歲 閒 辰 近 朢 有 書 閨

置閏。 七月。 閏 年 丁未閏三月。 四,閏七月者三, 中, 二月者一。 遠者 閨 以 四 乾 相 月 而 隆 距 者 Œ 戊 或三十五 四, 月、十一 閏九月者二,閏十月者一, 戌 閨 年 五 時 一月者 月, 月、十二月 憲 書 攷之, 如 四, 雍 Œ 閏 軍 此六 辰 亦 六月 閨 從 四 月 + 者 未

#### 一十四時

巳亥 甲 爲 宜 戌 時,未初 日 用 初 時 壬 E 時, ,是爲二十四小 艮巽坤 月,宜用 爲辛時, 辰 日分十二時, 丑. 爲丁時,申初 初 爲 初 乾時 亥初 爲 甲 Z )時,已 、癸時, 丙 庚壬 爲 辰 時。 每時 乾 爲 初 寅 戌丑 時。 時 坤 爲 初 而 又 時, 巽 爲 未月,宜用癸乙 今時 選 分 時, 艮 卯酉子午 酉 擇家 八爲二 初 時, 憲書 午 爲 以子 初 卯 庚 日 寅 初 爲 Ė, 時 初、 初 申 爲 丙

> 六月 乾、 時 是 年 後 月 語。 塔 題 均 利 1 云[閏十月二十五 晉書》載 日 銘 禪 辛 申 以 七 讀《舊唐 庚 函 巳後午前 艮二時 武虚谷撰《授堂題跋》,載西嶽題名,有天禧 千 月 加 記 時 北 時 師 命 時 是 日 日 碑 亦 蝕。 魏 也。 時 加 後 未 題 題 書 丙 之證 壬月 題 日 太史令許光議 時 後 則隋、唐以 庚 坤 • 日卯後 + 予在都 蝕 竪立,又北嶽廟有大中祥符 甲 題 時。 時。 吕才傳》言「若依 景蝕。」「景」即 一 月 也。 黄黄 , 時。 乾 四 時。 潭 蓋 初以 門 剋 又云: 加 又 遼、金 柘 乙時」,是宋石刻 游法源寺, 前已有 時 於 又遼 寺見 爲 西 戒 加辛品 0 南 石刻, 壇寺 「丙」字,避 石 金了公禪 三年 維 此 幢二, 葬書 黄初 强。 稱。 日 見遼《 見 五 多 Ė 蝕。」言 亦 唐 遼 年 四 又二 二年 其 用 月 諱 又攷 多 有 年 題 改 之 法 舍 用 加 斯 師 名 某

❶ 「許光議」、《晉書》卷十七《律曆志》作「徐岳議」。

乾、坤、艮、巽代四維,魏、晉以前,未有此稱「申北」,言「西南維」,而不言「坤」,則知以

#### 夜子時

矣。

夏四 史 猶 之行也。 日癸丑,謂太史之誤。見《賓退録》。 立 系前一日,終宋世未嘗改易。 元、明至今, 歷志》不載其事。 自古以子時爲首,今既子時立春,則當 一爲 承 春。 誤,非 其 月三日甲子,其夜子初二刻。 宋 洪 紹熙二年正月三日壬子,其 頃見寶 文 也。 洪氏 敏 以《劄子白廟堂》云: 於推 是文敏有此議,而 祐四年《會天歷 步本非專門,輒譏太 ×, 《宋 則子 夜子 是 廟 歲 堂 史 是 H 初 未 四 立 辰 時

### 回回算術

六十。 九十六。」每刻十五分。 十度。日周分一千四百四十,●每時六十分。 法。 「百二十八年閏三十一日,是每歲三百六十 以萬萬乘三十一,滿百二十八而一,得二千 百二十八年而宮閏三十一日。 戴東原曰: 六十五日爲一歲,歲十二宫,宮有閏 四 五日之外,又餘百二十八分日之三十一也。 百二十一萬 明季 明史》載《回 每度六十分,每分六十秒。 西洋人弟谷測春分時刻, 八千七百五十。」此是回 П 其法不用閏月,以三百 歷 法》: 宫十二。 一天 周 定 度三百 日,凡 歲 回 刻 實

字。「十」下,《明史》卷三十七《回回曆法》有「時二十四」四

0

比前率稍强。 定歲實三百六十五日二四二三三四四二,四二一八七五,與弟谷所定同。乾隆間,更四二一八七五,與弟谷所定同。乾隆間,更國朝時憲書初用歲實三百六十五日二

之年,於第十二月增一日,凡三百五十五二十九日,凡三百五十四日。遇月分有閏大,四月小,以次相閒。月大三十日,月小月閏十一日。凡月分一月大,二月小,三月調太陰年也。周十二月。月有閏日,凡三十年謂太陰年也。周十二月。月有閏日,凡三十年謂太陰年也。周十二月。月有閏日,凡三十年

十分之十一也。十一日,是每月二十九日有半又赢三百六日。按月周一大一小相閒,又三十年而閏

### 十千配合

牡。 牡,火以天七爲金四牡,金 牡,●木以天三爲土十牡,土以天五爲水六 七,木八,金九,土十。 五 生木,地以四生金,天以五生土。 五位皆以 詳。云「天以一生水,地以二生火,天 秋左氏傳》,而《漢書・五行 而合,而陰陽易位。 陽奇爲牡,陰耦爲妃。 十干配合之説,本於《易·繫辭》及《春 然則水之大數六,火 故水以天一爲地二 以 故曰 『水,火之 志》衍 天 其 木八 以 義

<sup>● 「</sup>地」、《漢書》卷二十七上《五行志》作「火」。

合也; 天三甲木,地十己土。 按水一爲火二牡者,壬與丁合也, 牡 八牡者,庚與乙合也。 丙與辛合也, 地二丁火。 木三爲土十牡者,甲與己合也, 也 天五戌土,地六癸水。 火,水妃 天七丙火,地四辛金。 金九爲木 也」。 土五爲 天九庚金,地八乙木。 《左氏》昭八年傳文。 火七爲金四牡者, 水六牡者,戊與癸 天一壬水。 今

#### 刑德

鄉」,故火刑於午,金刑於酉。 故木刑在亥,水刑在辰。 于子, 窮于辰, 酉,今人所謂自刑也。 刑」字皆作「利」,傳寫之譌也。 翼氏《風角》云「木落歸本,水流歸 木落歸本,故木刑于亥。 水流 歸末,故水刑于辰。 木生亥,壯于卯,窮于 今本《漢書・翼奉傳》注兩 「金剛 水生於申,壯 按亥、辰、午、 火彊,各歸其 末 火

> 刑,故曰子刑卯,卯刑子也。 戌,戌刑未,未刑丑也。 四季, 辰 午、卯、酉爲四仲,午酉皆爲自刑,則子卯相 相刑,故曰寅刑已,已刑申,申 法巳、亥、寅、申爲四孟,亥爲自刑,則寅巳申 酉,第于丑, 生于寅, 壯于午, 窮于戌, 爲 自刑, 故火刑于午,金刑于酉也。 則丑戌未 相刑,故曰 辰、戌、丑、未 金生于巳,壯 刑 寅 也。  $\overline{H}$ 刑 爲 于

# 河戒本河戉之譌

云: 鉞。 寫之譌。 戊爲越門,北戊爲胡門。J]今本「戊」作「戌」,亦轉 志》「鉞」作「戉」。 「元封中,星孛于河戉。 鉞北,北 史記•天官書》: 蓋戊星在南、北 河 今刊本作「戌」,誤。《 南,南 河之間,故 河。」《 東井, 占曰: 漢 西曲星 書 . 志》 河 「南 天文 戊。 又 日

《漢》。後人又承 牢不可破,真所謂郢書燕説也。 引《漢志》: 「星茀 張氏皆與一行同時, 山河之象,存乎兩戒」,蓋 改爲「戒」矣。 越門,北戒爲胡門」。」則并《漢志》「戉」亦誤 南 正義》多用戒字。 戊 即 于河 南 河, 戒」,「戒」亦「戊」之譌。 「星孛于河戒,其占曰「南戒 北 唐一行《大衍術議》謂「天下 戉 一行之誤, 即 習聞其説,故《索隱》、 北 河 也。 而南 由  $\sim$ 誤讀《史》、 天 小司馬氏、 北戒之説 官 小 書 司 馬

#### 電父

符,刺 風 管 伯、 輅別傳》云: 今人稱 雨 下 師。」 東井,告命南箕,使召雷公、電父, 電 神 日 万天 電 昨檄召 母,古人則 五星,宣布星 稱電父。

#### 雷公

流 椎,若擊之狀。」王逸注《招 之容,謂之雷公,使之左手引連鼓, 之狀,纍纍如連鼓之形。 沙,則回人雷公之室。」  $\sim$ 論 衡 • 雷 虚 篇》: 又圖 圖 魂》云 畫 之工, 人, 若力 右手 欲 圖 推

### 大 將 軍

刊誤補遺》。 張晏所謂「歲後二辰爲太陰」者。《抱朴書》 家,前史不載,而此碑見之」。 軍 在西」。 「諾皋,太陰將軍」之稱,碑用其説。 隋李康《清德頌》後題「歲在辛亥,大將 予謂仁傑强作解事,於方術本未究 歐 陽 公謂「大將軍之説出 吴仁傑以爲即 於 見《兩漢 陰 陽

矣。 值。 同。 卯,申酉戌歲在午,與太陰之順行十二 亥子丑歲在酉,寅卯辰歲在子,巳午未歲 卯午酉四正方,三年 迥不相合; 心,其言絶無 周公謹 吴氏欲以附會太陰將軍之名,甚 亦主太陰將軍之説,與吴仁傑 唯寅申巳亥四年,偶與 根 據。 案堪興家,大將軍 一徙,十二年而 太 一周。 不然 辰者 陰 居子 在 相

#### 孤 虚

策傳》。 未, 西 辰。 戌亥即爲孤,辰巳即 午未 申 《六甲孤 史記》: 酉 裴駰云: 爲 爲 孤, 孤 虚 子 寅 法》 「甲乙謂之日,子丑謂之 日 丑 卯 辰 爲 爲 爲虚。 一甲 不全,故有孤 虚。 虚 子旬中 甲戌 甲 甲 午 申 旬 旬 旬 無 中 虚。」《龜 中 中 **浜戌亥**, 無 無 無 午 申 辰

> 《風 卯, 丑,子丑 孤 虚 后 寅 辰 ,謂天門地户也。」與裴説似異。 孤虚》二十卷。」《吴越春秋》計砚曰 卵 巳 爲孤,午未爲 爲 爲 孤 孤 申 戌 亥 西 爲 爲 虚。」 虚。 虚 劉 甲 甲 散《七 寅 辰 旬 旬 中 中 1略》有 無 無 子 寅

#### 歸 忌

家 丑 四四 及徙也。」《後漢書・ 仲在寅,四季在子,其日不可遠 陰陽書秝法》 Ě 歸 忌 日**,** 四 行 孟 歸 在

郭躬傳》注

#### 反 支

支,辰、巳朔 反支,申、酉朔二日反支,午、未朔三日反 凡反支日,用月朔爲正。 四日反支,寅、卯 朔 戌、亥朔 五日反支, 日

子、 王符傳》注 丑 朔 六日反 支。 見《 陰陽書》也。 《後 漢

兑四

正之位。《漢

書 •

#### 奇 門

巽宫,杜門爲直使,時 之法相合。《史記・龜策傳》載宋元王 時,子爲夜半。 子,宿在牽牛」」云云。此 吉凶,介蟲先見。 輔,副以權衡。 視月之光,觀斗所指,定日處鄉。 士衛平語所夢。「衛平乃援式 方位,加以中央,與《乾鑿度》太一下行 牽牛,冬至之候。蓋冬至後壬子日,庚子 介蟲先見」也。 奇門之式,古人謂 陽 四維已定,八卦相望。 遁 規矩、權衡、謂坎、離、震、 第 乃對元 一局。 加子,子爲玄武,故云 之遁甲,即《易》 **遁甲式** 王曰: 甲午爲旬首,在 而 起, 也。 「今昔壬 規 仰 視其 一召博 八卦 矩 天 日 九 在 爲 官 而

# 維,故云「八卦相望」也。

九

宫

之

以四

矩司

秋,北

方之神執權司冬」是其

〈義也。

加

執規

時, 英。 引, 遁甲中經》云: 正之宫。天内,土神之應宫也。』《抱朴子内篇》 天蓬,水正之宫。天衝,木正之宫。天英,火 而天内窒抑之。」注云: 而天衝窒抑之,金欲升而天英窒抑之,水欲升 而天柱窒抑之,火欲升而天蓬窒抑之,土欲升 天輔、五天禽、六天心、七天柱、八天任、九 按《素問・刺法論》岐伯曰: 九宮之神,一天蓬、二天芮、三天衝、 劾鬼魅,施符書,以天禽日天禽時。 ] 天 「欲求道,以天内日天内 「天柱,金正之宫。 「木欲升 天 四

### 六壬

數七,丁壬卯酉數六,戊癸辰戌數五,巳亥數 時,以寅加子,故以寅子決賊之衆寡。 建亥,日躔析木,爲寅位也。寅爲功曹。夜半爲子 案六壬式以月將加所得時,視干支所加神,以 例,甲己子午數九,乙庚丑未數八,丙辛寅申 決休咎。十月月將在寅,日躔之次,謂之月將。 加丁,下剋上,有空亡之象,●不敢進武昌也。」 九,贼高可九千人,下可七千人。 水王木相,王相氣合,賊必來。 征西府,亥爲邾城,功曹爲賊神,加子時十月 月丁亥夜半時得賊問,干爲君,支爲臣,丁爲 六壬之占,載於正史者,《晉書‧戴 咸康五年,傳賊當來攻城。 寅數七,子數 從魁爲貴人 洋曰: 於占 **一**十 十月 洋

四,故云「寅數七,子數九」。《隋書》庾季才稱「甲數四,故云「洋善風角」,亦不稱六壬。 中旬空午未,丁亥在甲申旬中。 丁在未位,故云有申旬空午未,丁亥在甲申旬中。 丁在未位,故云有中旬空午未,丁亥在甲申旬中。 丁在未位,故云有史但云「洋善風角」,亦不稱六壬。

天乙酉丁 戌天后 亥太陰 子玄武 丑太常

太陰亥酉 酉天乙

太常丑亥 申螣蛇

天空卯丑 未朱雀 午六合 巳句陳 辰青龍

兆》六卷。「六壬」之名始見於此。 經雜占》九卷、梁有《六壬式經》三卷,亡。《六壬釋《隋書·經籍志·五行類》有《六壬式

十駕齊養新録卷十七終

●「象」、《晉書》卷九十五《戴洋傳》作「事」。

十駕齊養新録卷十七

四四四

卯天空

寅白虎

# 十駕齋養新録卷十八

道

嘉定錢大昕

是,則小人之道,非吾所爲道矣。 孟子 五倫 E. 謂 有聖人之道。學聖人者,爲君子之道, 虚行,有天地 人」,又曰「道也者,不可須臾離 夫婦也,昆弟也,朋友之交也。」是道不外乎 性, 也。唯道不外乎五倫,故曰「道不 「天下之達道五: 中庸》,言道之書也。 率性之謂道。」是道本于天也。 而後有天地之道,有聖人 君臣也,父子也, 티. 也」。道 「天命之 而 Ė 後 不 遠 反 又

> 矣。 中。 其名,强名之曰道。 哉 自然。」于是求道於窈冥怳忽,不可名象之 其言曰: 以虚無 張無垢曰: 與孔、孟之言道,枘鑿不相入矣。 唯《老氏》五千言始尊道于天地之上, 「有物渾成,先天地生。 爲道,足以亡國, 「道非 人法天,天法道,道 虚 無也,日 以 日用 吾 用 不知 而 爲 法 E

「夫有必生于无,故太極生兩儀也。」《正義》 生一」,即此太極 申之云: 「道者何? 无之稱也。」其注《太極》云: 地,故曰「太極生兩儀」,即《老子》云「一生 而爲一,即是太初、太一也。《老子》云『道 韓康伯注《易》「一陰一陽之謂道」云: 「太極,謂天地未分之前,元氣混 也。 混混既分,● 即有天

夫道若大路然, 豈有索之虚无以爲

道者

道,

則堯、舜、三代之勳業也。」

諸遠也」。 其非,而終不脱此窠臼,所謂「道在邇,而求二」也。」晉人以《老》、《莊》説《易》,後儒知

### 五倫

也。 昆 謂 親 唯 使契爲司徒,教以 良知 也, 弟 人皆有孝弟之心,故其性無不善。 念孟 而 人之所以異于禽獸者, 良能,此之謂性 不知養,雖日談 子》曰: 及其長也,無不知敬其兄也。」此之 人倫,欲其自别于禽獸 孩提之童,無 心性何益? 善。 以其 釋氏棄其父母 有五 不 知 堯、舜 倫也 愛其

#### 忠恕

有諸己,而後求諸人, 無諸己,而後

「有一言而可以終身行之者,其恕乎! 煦之仁; 非 日 于人,聖賢之忠恕也。 諸 「夫子之道,忠恕而 舍忠而言信,則爲硜硜之信。 帝王之忠 恕 離恕而言仁, 也。 已矣。」又曰: 躬 自 厚 則 加 爲 薄 故 煦 責

國 之。」曾子曰: 能行者。 之以忠。」子貢問友,則曰: 「上思利民,忠也。」《論語》曰: 禮矣,其横逆猶是也,君子必自反也, 不忠乎?」蓋自天子以至庶人,未有舍忠而 又曰:「主忠信。」子張問 不忠。」是忠爲仁禮之本也。 者爲忠,而忠之義隘矣。 孟子》曰: 後人但以忠爲臣道, 「吾日三省吾身,爲 「自反而仁矣,自反 政,  $\Rightarrow$ 春秋傳》日 則日: 又以 忠告而 「言思忠。」 捐 人謀 而有 我必 善道 徇 面

#### 言動

鬼神害盈

而

福謙。孔子至聖,賢於堯、舜,

知

退

讓

則

横逆及之矣。

天道

虧

盈而

益

《書》,亦足以禍國 終以亡身。王安石 淫。」出《法言》。 憂,行輕則招辜,貌輕則招辱,好輕 衣冠中,動作慎,不苟訾,不苟笑,非 非禮勿動、儒者之事也。 何晏粉白不 囚 首 喪面 去手,行步 「言輕 而談《詩》、 顧影, 則 則 招 招

#### 謙譲

遠矣。 言敬, 又 心,禮也。」恭敬、辭讓,本非兩事。舍讓 孟子》曰: 則空虚 禮者,自卑而尊人,人與己相接 解 讓之心,禮之端也。」「恭敬之 無所 「無 著,雖日言敬,而 辭 讓之心,非 去 人 也。」 而 禮 不 愈 而

利

哉!

禮者敬人,敬人而人恒敬之,舍謙讓何以

而自言「竊比老彭」,謙之至,讓之至也。有

库序,其志趣與市井胥徒何以異哉! 臨財苟得,臨難苟免,好利而不好名,雖在恒産,猶不能保其有恒心也,況無恒産乎? 古之士無恒産而有恒心,今之士即有

以欺其鄉。」 王伯厚云:「尚志謂之士,否則何以異乎工商? 特立獨行謂謂之士,否則何以異乎老、謂之士,否則何以異乎工商? 特立獨行謂謂之士,否則何以異乎工商? 特立獨行謂

恥

《管子》,而賈生亟稱之。 之言也。 所刺,知《管子》之言,必有中矣。 「人有土田,女反有之」,是不 交,知廉則不妄取,知恥則不妄爲。 古人尚 其有不同也。 論》,謂廉恥即義,不當列爲四。 如簧,顏之厚矣」,是無恥也。 實事,而不尚空言,故覘國者以四維爲先。 論士,則云「行己有恥」。 一源,而必别而言之者,以行事驗之,而 禮、 義、 孔子論成人,則取「公綽之不 廉、恥,謂之四 知禮則不 妄動,知義則 獨 廉 柳子厚著《 維」,此 恥與禮義 廉也。 觀二《雅》之 此非 言出於 本 不 欲 知 四 妄 決 同 道 維

日 宋鄧綰以 笑駡從汝,好 頌王安石 官 須 我 得 官,謂 爲之。」 其 綰 雖 鄉 無

十駕齋養新録卷十八

小人無忌憚,曾綰之不若矣。

或

「何先」,

日:

司

馬光姦邪

所當先辨。」

恥

猶

知

人笑

駡

也。

章惇召

人

相,

問「當

方 正

人,固不足責,馬、劉貞觀名臣,乃亦有比匪 分桃見寵; 王義方《 後交劉洎, 彈 李義 府 疏 割 **\*** 袖 承 恩。」義府小 昔 事 馬 周,

儉

之傷乎?

嗇于己,謂之吝。嗇于人并嗇于己,謂之 也 《晏子春秋》。 儉者,君子之德也。 嗇于己不嗇于人,謂之儉。 愛與吝,小人之事 嗇于人不

四四

若儉 以犯義,不若儉 云: 貧,儉者心常富。 而 「貪饕以招辱,不若儉而守廉, 者富不足, 養 福, 而全節; 放 譚子《化書》。 儉者 肆以逐欲,不若儉 貧 有 侵牟以聚仇,不 餘 李元衡《儉説 奢者 干請 而安 心

止謗

修弗能止。 無實者,付之勿辨可矣。謗之有因者,非自以止謗? 曰無辨。」文中子之言也。謗之以止謗? 曰無辨。」文中子之言也。ぼ之

改過

過者,聖賢所不能無也。自以爲無過,

孔子 之功遠矣。 天而 域。仲由喜聞過,令名無窮焉。聖賢之學, 知, 矣。」言大過而不言小過,是聖人猶 教人改過遷 小過之必無 而 過 知之未嘗復行」,故能不貳過,而 日 恥言改過,有過且不自知,與聖賢克己 乃 大 矣。 \_ 五 善而已矣。後之君子,高語性 也。 一十以 自 顔氏之子「有不善未 以 學《易》,可 爲 有 過, 而 過 以 自 未 無 寡 入聖 嘗 敢言 大 矣。 不 過

增 以 子改過,以全其名, 美; 無過爲貴。 《易傳》曰: 陸宣公上疏,言「聖賢以改過爲能,不 若違諫不納,又安能禁之勿傳」。 陛下若納諫 「无咎者,善補 小人文過,以益 不違,傳之適足 過 也。」君 其 恥。

君郡 吏曰: 之。澄入境,問吏曰: 居大位者,澄以其姓名問曰: 號稱多士,王 人,不謂問位。」 何以但稱此二人?』吏曰: 人邪?』吏曰: 晉書 『有蔡子尼、江 . 澄行經其界,太守吕豫遣吏迎 蔡謨 傳》: **是也。**」曰: 應元。」 「此郡人士爲誰?」 陳 「向謂君侯問 留 是時郡人多 『甲乙等,非 時 爲大郡, 然 則

欺也。 出 物 白 不相,而 議不少貶也。 而何 公慙卿,卿慙長,子孫雖達,士論 第五之名,何減 優 元劣于白矣。 于 謝 矣。 謝、 元 何皆希高隱,謝出 驃騎? 白均 稱才子,元相 弟兄殊 何 不 趣, 不 可

語

録

律僧。 心印。 憚,而世之言佛者,反尊尚之,以爲勝於教 典,亦東之高閣矣。 支離鄙俚之言,奉爲鴻寶, 語 録 佛 數傳以後,其徒日衆,而 甚矣,人之好怪也! 也。 書 初 達 人 磨西 中國, 來,自稱教外 甚者訶 日 經、日 佛駡祖、略 併佛 律、 語録 别 曰 )所説 傳, 論 興焉。 之 無 無 忌 婇 所

謂

行, 始于宋。儒其行而釋其言,非 家有鄙倍之詞矣。 君子之「出辭氣,必遠鄙 則有有德而不必有言者矣。 釋子之語録,始於唐, 有德者,必 倍 有 所 儒家之語 語 以 録 行 垂 教 語 而 也。 儒 録

四四四

+

駕齋養新録卷十八

名

子》本旨。 之致禍,鄭公子染指黿羹之類是也。」朱文 札是也。誠非好名者,争簞食豆羹變色,訟 굸 情,斯君子恥之耳。 繡也。」「令聞廣譽」,非名而何? 云: 聖人以名立教,未嘗惡人之名也。 名?」又曰: 世。」於《論語》曰: 名。」於《孝經》曰: 公不用趙注,乃取蘇 孔子贊《易》曰: 不能 「令聞廣譽施於身,所以不願人之文 「好不朽之名者,能讓千乘,伯夷、季 上云好名之人,下云苟非其人, 無 「君子疾没世而名不稱焉。」 失聲于瓦 趙岐注「好名之人章」 「立身行 子瞻「人能 「君子去仁, 惡乎成 「善不 缶」爲説,恐非《孟 積,不 道,揚 破千金之 唯聲聞 足以 名 於後 孟 過 子 成

> 古,既無其人,度之於情,恐無其 則 雖高,不如古注之似淺而實當也。 讓千乘之國 其 人 即好名之人無 而猶變色於算 疑 矣。 豆 且 者。 自古斷 事。 稽 之於 無 能

醇,未免雜以老、莊之旨。 仲、史鰌不如盜也。」斯言過矣! 儒而未有卿儒家,乃云:「盜名不如盜貨,田

權去矣。」 「士不愛名,則聖人之

爲,好利則無所不爲也。」 然好名者比之好利差勝: 好名則有所不然好名者比之好利差勝: 好名則有所不

薛季宣上孝宗言: 「近或以好名棄士

社稷計,唯恐士不好名,誠人人好名畏義,大夫,夫好名特爲臣子學問之累。人主爲

何鄉不立?」

夫之不恤公議,而非好名之當慮也。」帝、唐德宗以來,爲是以拒諫。 今正患士大魏了翁奏議:「好名之説,此乃隋煬

積洿之俗。」 使之以名爲利。雖非純王之風,亦可以救節、曰功名,不能使天下之人以義爲利,而解藥人曰:「昔人之言曰名教、曰名

# 功過相除

鄭康成云: 「士有百行,可以功過相

則掩小過,故云可以功過相除。」除。」見《詩・氓》箋。《正義》云:「士有大功,

忠; 嘆; 大夫,不害其爲廉。宰我、冉有,《論語》 夫以絶似續,雖守寡不爲烈也。 責之,不害其爲十哲。聖人議論之公,而 武要君,不害其爲知。 以爲忠厚也。管仲器小,不害其爲仁。 爲賢者,故責之,責之雖備,而其賢自在,所 量之大如此。王者知此道,則可無乏才之 逢君以危社稷,雖捐軀不爲忠也, 《公羊傳》云: 忠臣不事二君,而不事二君者未必皆 烈女不更二夫,而不更二夫者未必皆 儒者知此道,則必無門户之争矣。 春秋責賢者備。 孟公綽不可爲滕 以其 薛 臧 制 度 屢

# 朱文公議論平實

今推之使高,鑿之使深。」 《論語》未問『學而時習』,便説『一貫』, 《孟子》未言『梁惠王問利』,便説『盡心』, 《孟子》未言『梁惠王問利』,便説『盡心』, 《孟子》未言『梁惠王問利』,便説『一貫』,

篤,故不爲過高之論。 嘗與人言: 支離而不足學矣。 名家有此學,朝廷有禮事,用此等人議之」。 工夫,某向來不曾做。」文公窮 朱文公謂「六朝人多精於禮,當時 「讀書玩 理外, 攷證 若金谿諸子,則以爲 理 精 别 是 而 專門 好學 種

# 陳止齋不好辯

《詩》,所以説《詩》者,不過與門人學子講義, 今皆毀棄之矣」。蓋不欲佐陸、陳之辯也。」 極,又與陳同父争論王霸矣。 其《詩説》。 止齋答以『公近與陸子静鬭 説,不與考亭辯。考亭微知其然,當移書求 奔之具、偷期之所,私竊有所未安」。 千七百年女史之彤管,與三代之學校,爲淫 闕爲偷期之所。 詩》,盡去《序》文,以彤管爲淫奔之具,以 《四朝聞見録》: 止齋得其説而病之,謂『以 「考考先生晚注《 且某未嘗注 獨 辯 毛 無 其 城

# 宋儒經學

王伯厚曰:「自漢儒至于慶歷間,談

姓、《識遺》。真可人笑林矣。

難,道 自時 義 土 尚 經 有明道《書院講義》一卷,皆王氏所謂支離曼衍之詞 曼衍之詞, 也。 者 梗。 新 厥後, 奇 守 愈散 訓 古之講經者, 元 豐間, 故 説者徒以資口 上而 而 至《三經義》行, 而 習愈 不 經 陸 整。 筵, 薄矣。」予嘗見《景定 農 執 師 ^ 下而學校,皆爲支離 卷而 七經 在經筵,始進講 耳,聽者不復相問 口 視漢 小傳》 授,未嘗有 儒 出 之學 建 康 也 而 志》, 義。 若 講 稍

尤,競 論,而 明。 毁先儒,略無忌憚。 以防蔑古之漸。 致貶斥。 以「黽」爲「蛙」。 「旁」。 宋 宋景文《唐書 爲 歐 初 陽 詭 《示兒編 蓋其時孫復、石介輩已有此等議 儒 異之 公頗 者,皆 解。 好之, 其 後 説《 • 遵守古訓,不敢妄 羅 儒學傳》於《啖助贊》 如 論 璧謂 而 E 故於此 孫奕説《詩》「 語》「老彭」, 輕薄之徒,聞 一安石 公羊、穀梁皆姜 以 傳 意 微 説 示 以「彭」 黽 經,詆 異 作 風 勉 趣, 效 深 聰

### 道統

時。 承 孟 其 第 道統」二字,始見於李元 子。 其 圖 書 日《 成 於乾道 傳 道 正 壬 統 辰 綱《 以 (聖門· 與朱文公 明 道、 事 伊 業

### 太極

同

Ш

圖

《老》、《 儀」。 也。 儀。」 極 而 有易 太 韓 易・ 極」,又言「太極本 莊》説《易》, 有 康 生於 伯 而後有太極 上繫》云: 謂「有必生於无,故太 无」,語 故 非 云 出《老子》。 易 爾 無 太極 也。 有 極 太 在 極, 濂 蓋 天 溪 康 極 地 是 用 韓 伯 生 之 生 兩 無 康 以 兩

説》 伯 至」,合于漢儒古義,較朱文公似勝之。 義。 非 六經初未之有也。 濂 無 溪作。 極」二字,亦 又謂「極」訓「中」,不 見《老子》,「復歸 陸子静疑《太 極 于无 訓 圖

# 六經注我

病也。 云 學,其弊必至於此。 仲尼大聖,猶云「好古敏以求之」,子静 腳。」此爲 林 敢以六經爲 「六經注我,我注六經。」則誕而 陸子 艾 軒 無實而好著書者言之,其 云 静云: 日日 我注腳乎? 「六經皆我 用是根株,文字是 尊心而廢 注 腳。」又 語 妄矣。 本 何 無 注

# 引儒入釋

家言語説向士夫,接引後來學者。」既得此欛柄人手,便可改頭换面。』却用儒學文字,見杲老《與張侍郎書》云: 『左右學文字,見杲老《與張侍郎書》:「少時喜讀禪朱文公《答孫敬甫書》:「少時喜讀禪

性; 典,猖狂叫呼,側僻固 老之説。 識,而昧天理之真, 注誦習之煩。以爲不立文字,可以識 黄勉齋云: 不假修爲,可以造道入德。 學者利其簡便,詆訾聖賢,捐棄經 「近世求道 陋,自以 借儒者之言,以文佛、 爲悟。」 而過者,病 守虚 靈之 心見

外, 附于吾道之内。 自分兩岐。 别爲二氏。自南宋以來,於吾道之中, 道術之分久矣,自西晉以來,於吾道之 又其後則 又其 後 取 釋氏 則 尊釋氏之名法, 之 精 藴 而陰

# 知人之難

爲石亨所薦,當辭而不辭,於出處之義有 能保其終也。 夫,秦檜見稱于游定夫,大姦若忠,君 李斯,程氏門人有 人不易知,知人亦未易。 鄭漁仲爲秦熺所薦,吳康 邢恕,章惇 從學 荀 卿 門人 于 邵 子 遺 侯 不 堯 有

### 法後王

周之季,閔戰國之暴,欲以王道救之。孟言「吾學周禮,今用之,吾從周。」孟、荀生于衰愚以爲王氏似未達荀子之意也。孔子曰:曹卿「法後王」之説,王伯厚深詆之。

子「從周」之義不異也。 後代,徒爲世主輕儒者藉口,是不如「法後 堯、舜,躬行商、韓,此宋之所以亡 制度爲流俗,謂「祖宗之法不足守」, 妄託于三皇,故特稱後王,以鍼砭荒唐謬 仕秦,而令其用秦法哉。 王」之説爲無弊矣,要非荀卿立言之本旨。 好爲大言,不揆時勢,輒謂 之談,非謂三代不足法也。 乃肯法之耶? 王,實諸侯也,孰可 「先王」,與荀所言「後王」,皆謂 方是時老、莊之言盛行,皆 以當後 荀卿豈逆料李 并 七國僭號, 王之名,而 王安石以 田 封建可 周王, 也。 名雖 行 荀 斯 後 本 與 於 談 悠 子 孔 朝

### 臣道

故汲黯之戆,勝于張湯之從臾, 朱雲之人臣以責難於君爲恭,陳善閉邪爲敬。

四五三

狂,賢于孔光之謹慎。

畏」, 專以 宰 未遠,尚識 相 職也。 而變理陰陽之職置勿講矣。 理 大臣不親細務,錢 財 用刑熒惑人主,甚且謂「天變不足 大體。 陳平好陰謀,非 自王安石以 穀 刑名 以 新 儒 自有主者,非 進,而去古 法致宰相,

明主。 誼 防。 聖奏議序》。 防,必易其民: 魏徵上書多憂危之言,所以爲良臣。 夫有絕人之資,必輕其臣, 東 、坡云: 明主有 漢文帝、唐太宗可謂明主矣, 「古之君子,必憂 絶人之資, 此君子之所甚懼 加 治世 治 無 無 也。」《田 可 世 可 畏之 畏之 而 而 賈 危 表

#### 薦賢

凡 百 有六人,皆公手録。 司 馬 温公有《薦士録 其 自 外 至 題 和 日《 逮 熙 舉 賢

> 薄 有終身不薦一人,而轉得公正之譽者,豈古 篤 能 今時勢不同歟? 也。 懇  $\forall$ 切 亦 如 公 所 此 作 見牟囐《陵陽居士集》。 隸 古 身家之念重,而忠愛之意 也 前 輩 薦 賢 近世 報 熨 大 臣 誠

#### 黨 籍

做鬼 궁: 姦臣 也。 於百世。 而 惡之心,後世豈無 今與方、練俱傳者,成祖肆 至今與馬、吕並傳者,蔡京擠毀以成其名 時多。」此輩惜未聞斯語 暴君,快意于 建文姦黨諸人,非皆凜然忠臣 元祐黨籍三百九人,不皆粹然正人也 做官 心愈 . 時 少, 狠 而 做 一時, 是 計 人 非之心哉! 愈拙,當時 時多, 而 被 刑 其 以 做 成 毒 無 也,而 者, 人時少, 其名也。 徐 惻 健 隱 流 芳 至

## 沈圭説

節 ; 是救 沈云聞諸傳記,未暇攷其詳。 義。」此《至 時名 兄 婦 弟 人以 正直 以 不 不 記》所 分 嫁 爲 爲 節, 義, 述沈教授圭之言也。 雖爲 不 不 若 下等人説,然却 若 分之以 嫁 之 以 全其 全 其

軒、上

蔡、東萊也。

### 六 先 生

道、晦翁、横渠、南軒之像於從祀壁閒。 各建六先生祠。 東建六先生祠。」濂溪、横渠、明道、伊川、 權 《琴川志》: 玉峰 令吴堅 續志 始 建 「端平初,元令王爚于縣 崑 祠 學 淳祐辛丑 正 咸 繪 淳 濂溪、 丁 朝旨, 卯 晦 伊 庵、 增 州縣 ĬŲ 、南軒。 祀 康 己 明 學

# 節、涑水、東萊共爲九人。

<sup>《</sup>先 溪、康節、涑水、明道、伊 聖 燕 至 元 居像》,兩 嘉 禾 志 旁則 尊 祠 川 + 經 横渠、晦庵、 先 閣 之下, 生 焉 謂 奉

南

濂

安

年, 雍 敦 頤、張載、程顥、程 司 以 《宋史·禮志》: 馬 張 杖、 光從祀 吕祖 謙 從祀。 頤、朱熹從祀。 淳祐元年正 咸淳三年, 景 月, 定二 以 以 邵 周

# 士大夫不説學

昭言: 所 交游爲業。」曹魏所以不永也。 但事長槍大劍,安用毛錐?」 以先亡; 士大夫 「當今年少,不復以學問 不可以 數典 以 忘祖,籍父所 無學。 不殖 乾 史洪肇言: 以 將落,原氏 爲本,專以 祐 無後。 所 以失

術,宣和所以速禍也。國也,蔡京禁人讀史,以《通鑑》爲元祐學

### 清慎勤

以人廢。今人謂「清慎勤」三字出于吕氏 帝者,司馬昭也。昭雖篡弑之賊,其言不 何患不治?』」見《魏志・李通傳》注。 日 坐 官箴》,由未讀裴松之《三國志注》也。 於先帝,時 『爲官長當清,當慎,當勤,修此三者, 王隱《晉書》載李秉《家誡》云: 有三長吏俱見。 臨 秉 辭出,上 所 「昔侍 稱先 可

### 居官忌二事

己則貪,在公家則聚斂。它罪猶可免,犯此施彦執云: 有官君子最忌二事: 在

焉 ! 處身 期貴顯,真劫盜也。 諂 二者,終身不可齒士大夫之列。 權 貴,輒 最廉, 暗中伸手,此 得 然掊克百姓,上以媚朝廷,下 美官, 《北窗炙輠》。 小偷也; 雖不入己,其入己莫 公然聚斂,以 今人或 甚 以 有

### 科場

清。 人,而士習可漸以正矣。《日知録》。 之人,則少一營求患得之人,而士 法 一攻苦之人,則少一群居終日、言不及義之 而予之以難,則覬倖之人少。 抑士子知其難也,而攻苦之 科場之法,欲其 難 不欲其易。 H 類 少 多。 可 使 漸 覬 更 多 其 以 倖

以 尊,士子所習,難 議 蓋 預 如 四 弊終難革 擬。 者 此 預 書文爲 不 少矣。 則研 擬 必 譁 每一 也。 經者 第二場。 然沮 均 今欲革其 榜 爲 出 漸 竊謂 之, 八股之文, 多,而 以 鈔 以 宜 五 驟 録 弊,易以 爲聖賢之言,不 經 以 改。 舊作, **勦襲雷同之弊庶幾** 卷 五 不得 一經文 其 帙 説 既 幸 詩 八爲第 該 必 富 賦 而 不 爲未習。 得 論 題 行, 場 策, 雋 口 日難 者, 其 不 則

### 河防

稍

息

乎?

天津 逆河 河爲 也。 者是也。 言防 北 禹 以人海者。 之治 條 之川,由絳 而 勞 水 東漢 費無已,遂爲國家之大患矣。 也, 禹 以後, 使 之故迹,今運 水、大陸,播九 由 地 河由千乘入海, 中行, 無 道 泂 所 臨 謂 清 同 即 至 爲 防

平矣。 其 之治 潰 使歸 之注 宜 岸之隄,歲增月益,高於民 汴、 而 過 河防者,以潘 上,欲其無決溢之害,不 幾二千里,而 金,皆由此道。 今之大清河也。 必 計 己。 溢 合,則季馴一人言之,非古有是言 曰「清水可蓄 泗、淮以入于海,與 海, 多。」謂 固 於 河, 隄 水之性就 不 已 夫清水之當蓄,固 一,欲藉 何 釃 左矣。 能 嘗 爲二渠,疏爲九 河 禦, 季馴爲師。 不 北條之水改 不 金、元之間, 可 不 河水之力,以 下,不 千乘郡,今武定府。 又縻 宜 古人云: 可 分乎? 分而增 洩, 國 使 禹 帑 黄 亦 季馴 河 由 爲 不待言。 以 道, 隄 寒 河 難 田 河漸 地 南條矣。 塞之,僥 以 川 刷 其 宜合不宜 治 乎 廬 中, 海 順其 文流, 舍,且 禦之, 壅 海 之口 河 自唐至宋、 南 而 決 之法,不 而 口 性 黄河之 今之言 也。 使 之沙, 潰, 東之 倖 始合 與 其 出 而 相 分 朝 導 傷 禹 城 成 地 兩

知河務,吾不信也。 之法,守之百五十年,而其效如此,謂之習功,而官吏轉受重賞,此國之巨蠧也。季馴

吏,其 竭 閒 河 有損無益,其何能淑載胥及溺,深可慮也。 無所不利。 ?決者。 ·無食之人,無所不利。」《日知録》。今之官 海内之膏脂,飽若輩之囊橐,賞重罰輕, 顧寧人曰: (好利 侵尅金錢,則自總 猶昔 支領工食,則自執事以至于游 也。 「天啟以前,無人不 隄 防 日 河 增,決溢 以 至于閘官, 屢告, 利于

# 通鑑多采善言

絲,不可急也」,龚遂。 德而富貴,謂之不幸」,班固。 臣善言。 司 馬 如 温 公 「明 通 主 愛 鑑 目 「明主可爲忠言」,趙充 [録》極: 嚬一笑」,韓昭侯。 「治亂民猶 簡 括, 闻 多采君 治 無 亂

賢,惡 明,偏 諫, 就, 之」,陸象先。 唐太宗。「執政不能受諫,安能諫人, 國。 惡,人君何所畏忌」,魏孝文帝。「朝堂非殺 身教者從,以言教者訟」,第五倫。「遣將帥 欺謾,廉吏清在一己,皆無益百姓」,宗均。 嘉。 加 之所,殿廷非決罰之地」,高頻。 修」,王昶。「人非堯舜,何 者興平之梁肉」,崔寔。「物速成,則疾亡", 如任州郡」,李固。 便宜者,便於公宜于民也」,顧憲之。 必行」,楊 與冒 則善終。救寒莫 忠臣 動民以行不以言, 順 聽則暗」,魏徵。「循正 以 白 不和,和臣不忠」,任延。「文吏習爲 去佞邪。 刃 「士名重于利,吏利重于名」, 相 何 如。 異」,全。 「刑罰者治亂之藥石,德教 「天下本無 法貴簡 如重裘,止謗莫如 應天以實不以文」,王 「明主 得 而行,自與志會」, 每 而 事,但 事盡 「人主兼 能禁, 貴件 「史不 善、王 人臣 庸人擾 刑 以 收 聽 納 述 輕 忠 則 自 不 晚

偓。 怒而 晏。 衆,力分于將 以時有小人而廢聽納。 未必實。天不以地有惡木而 福 制」,皆陸贊。「萬國耳目,豈可以機數欺之」,韓 小。帝王之道,寧人負我,無我負人。 亦有理安之利。 由 「論大計者不可 皆古今不易之論。 無猜嫌,有懲沮 人,不言盛衰有命。 諫者當論理之是非, 豈論事之大 多。 諫者得獻替之名,君亦得 怨生于不均,機失于 惜小費」,全。「六經言 而 以「資治」名其書,斯 諫者有爵賞之利,君 無怨忌。 實 事未 廢發生,天子 必知, 財 賈 有責 于 知 木 遥 兵 采 禍 事

### 古語多有本

人知 爲 朱新 禰 仲 衡 굸 不 知 本 鷙 鄒 鳥 陽 累百, 書也。 不 予謂 如一 鶚。 豺狼

> 於孫 當道, 徳」。 葛亮 泊無 無黔突,墨子無暖席。「求忠臣必于孝子之門。」 人 知 小,志欲大」。 孫思邈語,不知本于《文子》。《文子》云「心 「膽欲大,心欲小,智欲圓,行欲方。」人知爲 序》,不知本於《京房 今,亦猶今之視昔。] 人知爲王羲之《蘭亭 爲羊祜語,不知本於《王莽傳》。 知爲韋彪語,不知本于《孝 出韓愈《争臣論》,不知亦本《文子》。 以 語,不知本于《淮南子》。《淮南》「 寶傳》。 安問 明 志,非 「孔席不暇 狐 狸!? 「拜爵公朝 寧静 人 無 傳》。 煖,墨突不得黔。」人 知 以 爲張 致 謝 房云「今之視 遠。」人 恩私 經緯》。 綱 。「後 語, 室。」 知 不 志作 爲諸 之 人 非 知 孔 前 視 本 澹 知 欲 子

語 則 福 不 至,求 知 安身莫若無競,修己莫若自 本 禄 於 則 王 唇 輔 來。」《宋史》 嗣 注《易》。 以 獨 爲 保。 行 李 不 守道 孟 愧 傳

知本于《劉子》。劉云「獨立不慚影,獨寢不愧象」。影,獨寢不愧衾。」《宋史》以爲蔡元定語,不

#### 清談

趙鼎言「安石以虚無之學敗壞人才。今人義》,亦清談也。神京陸沈,其禍與晉等。 但知新法之害百姓,不知經義取士之害士 談老、莊,今之清談談孔、 地,與晉人清談奚以異哉? 顧寧人云「昔之清談 以孝弟忠信爲淺近,而馳心於空虚窈遠之 之,忠恕而已矣」。孟子言「良知良能,孝弟 言心性,亦清談也。 而已矣」,故曰「道不遠人」。後之言道者, 魏、晉人言老、莊,清談 孟。 孔子言「吾道一 王安石之《新 也 宋、明人 以 經 貫

### 文字不苟作

聖悖道之言, 評人物勿爲黨同醜正之言。顯者,勿爲矜已傲物之言, 論學術勿爲非處患難者,勿爲怨天尤人之言, 處貴

### 文人勿相輕

曰:「汝曹身與名俱滅,不廢江河萬古而不屑爲;然猶護惜之,不欲人訾議。且愛古人」也。王、楊、盧、駱之體,子美能爲

句, 字,已駡宋玉爲罪人者」,猶鵑 流。」其推挹如此。 已呼阮 籍 爲老 兵; 以視「詩未有劉 語 未 有 鵬之與蚍 駱 長 賓 卿 王 蜉

《蜀書》宜不讀,武侯無可律吾身。」其狂惑 「陣圖 能從事蜀川日,每短諸葛功業。 元日,不遺名爲李翰林。」 真令人絶倒矣。 李白終無取」之句。 心如此,宜乎不令終也。 薛能 誰許可,廟貌我揶揄。」又云: 小有才,而 妄自稱 又云: 訥。 「我生若 有詩云: 其論詩 「焚却 在開 有

稽,牧之獨無媒語 言媒語,鼓扇浮囂。 吾恨方在下位,未能 人,立言者其戒之。 詩》意存讜直,豈皆淫媟之詞! 法治之」。 杜牧之著論,言「近有元、白者,喜爲 牧之可謂失言矣。 乎? 無諸己而後非諸 元、白《 若反 脣 諷 以 淫 相 諭

# 文人浮薄

俗人心之害,較之唐人小説,殆有甚焉。 僧儒本無此記,衛公門客僞造耳。 書一家,演義盲詞,日增月益,海淫勸殺,爲風 文,意在族滅其家而始快, 兒」,則幾于大不敬矣。李衛公《窮愁志》載 免過當。 自立者,皆恥而不爲矣。而市井無賴,别有説 詭妖豔之事,任意編造,誑惑後輩。 周秦行紀》,尤爲狂誕。 唐士大夫多浮蒲輕佻,所作小説,無非奇 而僧孺之妄談,實有以招之也。 宋、元以後,士之能 至稱德宗爲「沈葽 雖怨毒之詞,未 而牛僧 或云 其 孺

# 詩文盜竊

皎然《詩式》著偷語、偷義、偷勢之例。

家能免於三偷者寡矣。三者雖巧拙攸分,其爲偷一也。後代詩文

中 顧 纂》,後之注《漢書》者隱没名字,將爲己説 寧人謂 興 書》, 向 秀注《莊子》,郭象竊之。 有明一代之人所著書 何法 盛竊之。 姚察撰《漢 無 郗紹著《 非 盗 書 竊 晉 訓

無一二。士習之不端,於作文見之矣。舉業文字,大率生吞活剥,其詞必己出者百語曰:「活剥張昌齡,生吞郭正一。」今之語與,

語

雖太過,實切中隱微深

痼

之病

# 釋氏輪迴之説

與 彼?」釋氏輪迴之說,蓋出於此。《列子》 生, 列 子• 往 一反,故死於是者,安知 天瑞 篇》 林 類 日 不 生於 死 之

書晉時始行,恐即晉人依託

# 釋道俱盛于東晉

禱。」《仲堪傳》。 堪 皆不虚 事。 世。」「于時郗愔及弟曇奉天師道,而 也。 佛 言訖不見。 厚,每共論幽明報應,便要先死者 準崇信釋氏,謝萬譏 怠行仁義, 嗇于周 寺, 何佞于佛。」「王坦之與 少 奉 後經 親友至于貧乏,無所施 供給 晉書·何充傳》: 天 師 年, 惟當勤修道德, 沙門以 道,又精心事 坦之尋亦卒。」《坦之傳》。「殷 師 「王氏世事張氏五 忽來 急,及 百數, 之云: 云 桓元 糜費 性 以升濟神明 神,不吝 『貧道已死, 遺,以 沙門竺法 二一郗諂 來攻,猶 好釋典, 巨 一斗米道 億 此 財 當當 獲 而 充與弟 于道 報 師 崇修 耳。」 罪 不 凝 仲 其 甚 而

之彌 王氏亦好佛矣。 珉以法護、僧彌 夷吾,而《世説》載其 迂怪如此,此晉之所以日衰 斗米道。」《南史・杜京産傳》。 師道,子超奉佛。」《郗超傳》。「杜子恭世 備,遂爲孫恩所害。」《王羲之傳》。 前,彈指云: 『吾已請大道鬼兵相助,賊自 凝之不從,方人靖室請禱,出語諸 篤。 孫恩之攻會稽,寮佐請爲之備。 闡闍 爲 小字,珣又捨宅爲寺,則 (拜揚 蘭 闍 當時士 州刺史,過胡 也。 破 !」導之孫珣、 「郗愔 矣。」既 王導 大 夫 將 江 好 傳 事 目 不 設 左 尚 五 天

#### 治 生

産。 公云: 《清波 雜 【人生不 志》云: 可 無 頃 田,有 侍 鉅 公, 則 仕 語 宦 及 自 常

> 臘,不致喪失氣節。 學,故多誤解。 如,可以行 田、從衣。二大昕 志 案: 不 仕則仰 福从示,不从衣。宋人不講 有 田 方爲 事俛 福,蓋 育, 一福字從 麤了伏 小

也。 子孫衣食自有餘饒耳。」 妄進,及作官嗜利者,殆亦窘于生理之所致 生理不足,則于爲學之道有所 無 諸葛孔明身都將相,死之日廩 餘 許魯齋言: 財,其廉至于如此者, 「爲學者治生最 以 妨。 成 都 爲先, 荷 無餘粟, 彼旁求 桑 土

彈鋏之魚; 田 問 舍 與其不治生產而乞不義之財,毋 而 却 非 五侯之鯖,劣于墻東之儈。 禮之饋。 故井上之李,甘 寧求

+ 駕 齊養新録卷十八終 庫

## 十駕齋養新録 卷十九

嘉定錢大昕

笑者也。 以 誤》、岳珂《九經三傳沿革例》所舉各本異 宋初刻本已不能 夫所至喜刻書版,而 甚多,善讀者當擇 滿天下,更誤學者,不 爲必不可易,此書估之議 陸放翁《跋歷代陵名》云: 今人重宋槧本書,謂必無差誤,却 而 無誤矣。 取之。 略不校讐。 如不刻之愈也。」是南 論,轉爲大方所 若偶據 張淳《儀 「近世士 錯本書散 一本,信 禮 不 大 同 識

字,不知何時著令,何人陳奏也。

此書在嘉定甲寅,其時尚未避「亹」、「烜」二

從回從旦,一則從火從亘,今皆用之不疑。 字皆避之。」故哲宗、孝宗之舊諱單字者三, 皆善本。」 少 乃知亶字迴避,由于欽宗舊諱。 皆著令改避。 録》有一條云: 从旦於下」,未審其故。 淺之人,好惡多同,故從 時見前輩皆不敢輕改書,故蜀本大字書 予向見宋槧本,有避「亶」字,注「从宣 唯欽宗舊諱二字,一則從六 「紹興文書令廟諱、舊諱 而和之者衆。 頃見岳倦翁《 但倦翁著 愧 自予 郯

宋

槧

本

### 借

讟忿争,書籍有無,不相 許慈與胡 潛並 爲 博士,「更相克伐,謗 通借」,遂以「矜己

蘇子瞻云:

近世人輕以意改書,

鄙

躬自 慰祖 卷。 崔慰祖謂之「書淫」」。 苦所見不博,聞 |酒胡定之載書萬卷隨行,喜借人看。 彼 録本」。《北史》。 親 鄰 見 自取 里 譏 年 于 少好 與,未嘗爲辭 世。 《蜀志》。 有異 事 蘇東坡在黄州,有岐亭 來 (書,必 同上。 從 崔 假 0 慰 借, 裴 往 《南 祖 祈 漢「借異 日 史》。 借。 聚 數 書至 + 見《與 劉 清 書, 袠。 河 峻 萬

《清波 還 事 先人之手澤,擇其 孝。」鬻爲不孝,可 手自校,子孫 也。 雜志》。 也; 唐杜 暹家 然世固有三等人不可借: 污損 讀之知聖道, 鬻及借 書,末自 一也; 也 人而借之,則賢子孫 題云: 借爲不孝,過 妄改,三也 一清 人 俸 矣。」 爲 買 之 守 不 來 不

#### 引 記 卷數

妒

某卷。 匡义亦 《道藏》,見王 《事實類苑》,竟體注卷,在程大昌前 庫全書總目》謂李匡义《資暇集》引《通典》多注出某卷。 露》兩書,然亦偶有一二條耳。 始於遼僧 余蕭 唐 懸河, 人。 行均《龍 客 仲 懸 唐 林 河《三洞 人,又在江少虞之前矣。」《四 云 龕手 鑑 珠 引 家、宋 囊》, 書 注 程 後讀 每 大昌《 某 卷 卷, 稱 江 向 某 頃 少 演 閲 虞 書 謂 緐

監

秦太虚書》。

#### 下 走

謙言 日 趨 鄭 朋 走之役 下走,僕 奏記蕭 也。」 也。 望 之, 司 師 馬 古 自 遷 E. 稱「 與 下 任 走。 下走 安 書》 者, 應 自 劭 稱

之牛馬走,則迂而鑿矣。 「太史公牛馬走」。 上稱官名,下則自謙之詞。 「牛馬走」即「下走」也。 或解爲太史公

#### 陳 椽

皆雙聲。 其閒,得所欲。」小司馬以「陳椽」爲 逐之意。  $\wedge$ 史記・貨 予謂《史記》多古語,陳椽猶馳逐, 殖傳》 故 楊、 平陽 經營馳 陳椽

#### 關 穿

相關穿。」關穿,猶言貫穿也。 論 衡·程材篇》。 「《春秋》、五經,義

#### 仳 脇

脇,爲諸侯霸。 即駢脅也、「仳」、「駢」聲相近。 論 衡·骨相篇》: 張儀仳脇,亦相秦、魏。」仳 「晉公子重耳仳

#### 奥 憹

脇

《詩》「遭我乎峱之閒」。《漢書》峱作嶩。 懊 切經音義》: 憹,憂痛也。」予謂「農」、「惱」聲相近。 《南史・王敬則傳》有「懊憹」字。《一 懊憹今皆作惱,同 奴道反。

#### 佚

揚 雄 傳》: 「爲 人簡易佚蕩。」 張晏

 $\wedge$ 

音鐵儻。』《司馬 蕩,緩也。」宋祁校本云: 人」,與晉 蕩,亦作傷。 「 佚 音 音亦相 鐵。 韋佚爲替。 蕩音 遷傳》 近。 讜。 《説 傷、蕩 文》: 「倜儻 晉 蕭 灼 該《音義 爲黨。 曰: 「跌, 非常之 佚 踢 晉

#### 翇

也。」亦佚蕩之異文。

七罪反。與翠同音。故謂鮮新爲鮮翠。翠猶言鮮明也」。案《説文》:「澤,新也。」陸務觀記東坡詩「翠欲流」,謂「蜀語鮮

### 閒 介

介」。馬融《長笛賦》「閒介無蹊」,李善注引「閒介」雙聲字,出《孟子》「山徑之蹊閒

介出《長笛賦》」,是數典而忘祖也。 蹊閒」爲句,「介」字屬下句。王伯厚謂「閒《孟子》證之。朱文公《章句》始以「山徑之

#### 易

分别? 此 成作《易贊》及《易論》,申其義云: 簡義,謂: 分去、人兩讀。 易簡與變易、不易初 含三義,所謂易也、變易也、不易也。」鄭康 今又得一證。 而 也; 經學益多穿鑿之解。 相易,皆是易義。」若然則易與變易更何 予向謂 不應列爲三義矣。 變易,二也; 「易者易也,音易。 漢儒讀經, 《易鑿度》云: 而周簡子名宏正。遂不用易 無兩音。晉、宋以後, 不易,三也。」是鄭讀 字有 葛稚川 自一字分數音, 異義, 「《易》一名而 有无相代,彼 諸 「易簡 無 人,不得 異音,

不任其咎也。

善善 善而善,緣惡而惡之義,則分之無可分矣。 惡緣惡也。」今人讀善惡各分兩音,苟知緣 惡 而 而 爲 賈誼《書》引顓 善罪 已 也,善緣善也; 莫大于去善 項曰: 而 非惡惡 爲惡。」故 『功莫美于 圃 已也 非 吾 去

### 夫 差

獻作吳宫娃。 顰亦相誇。」是唐初人已讀此音。 引羅虬《比紅兒》詩。 一行霸句踐,再笑傾夫差。 越女顔如花,越王問浣紗。● 國微不 前卷言「吴王夫差」之「差」可押麻 Ш 藪 半潛匿, 苧羅 按宋之問《浣紗 豔 色奪 更 人 蒙 八目,效 篇》 自 遮。 寵 韻

# 非三公而稱公

傳》: 《南史·謝脁傳》: 公仕宦不進,才亦退矣。」」 敗走,謂其子曰: 日。』《丘 寶應曰: 公之後,善政猶存。」』《虞寄傳》: 死於齊代,休文未嘗位三公也。《 語沈公,君方爲三代史,亦不得見没。』」朓 録》言之詳矣。晉、宋以後,即有 史家之例,非三公不稱公,顧氏《日知 「王秀之與朝士書曰: 靈鞠傳》: 『虞公病篤,言多錯謬。』及 「臨終謂門賓曰: 「早從虞公計,不 「王儉謂人曰: 一此 不盡 郡 或 然者。 「寄 至今 虞 承 寶 謂 丘丘 應 虞 陳 愿

# 宫中稱呼

代

友

改

字

字『淳』,臨時配以 伯仲,亦猶子路或 云 祖 谿漫志》。 與令德相應。 欲更表德曰淳備。 正譌」之語。 鄧仲華傳》: 禹」字,當時必有以爲慕劉者,故温 禹,字夢得。 范淳父之母夢鄧禹來而生淳父, 「昨夕再思,淳備字太顯 按夢 得字 未審可否?」次日,范復一 仲 司 稱季路,如 甫子而稱之。 華 馬 與 既協吉夢,又可正譌,且 劉 内文明, 篤行淳備, 温 公與之帖云: 賓 客同, 何 而 如 盡,不若 五十 圃 何。」 名 公帖有 故名 又 則 見《梁 有 帖 單 按 稱 輒

> 見四 談》。 姐。 朝聞見録》。 高宗 太后 宋太 祖 稱帝 稱 徽 稱杜 爲 宗 哥, 爲 太后 爹爹,稱 内禪後稱孝宗爲大哥。 爲 娘娘。 韋 太后 見《鐵 爲 圍 大姐 山 叢

# 婦人稱阿

龍 妾阿鶩,見《魏志 嬌。 有保元帝之功,賜號保聖君。《舊唐書》。 阿 餉 系 愛妾杜氏,上送金釵鑷二十枚,手敕 周 姓,如《晉書》 及寡婦 漢魏婦 公阿杜。」《南齊書》。 女有 左阿 稱 君,見於《游俠傳》。 中。 朱建平傳》。 阳 者, 晉室中興,乳 隋獨 如 陳 孤 皇 六朝 后 后 謂 小 母 多 字 荀 雲 日 周 SII 盤 攸 以 阿 昭 蘇

四六九

姓。」 子。」洪景伯云: 吴 降 訓 唐書 湘 爲 爲 則南宋猶然。 庶 娶 阿 安樂公主傳》: 人, 雲。 顔 悦 稱 唐 女, 阿 蕭 韋。 「今間巷之婦, 其 淑 今則 妃謂 母 劉 焦氏,稱 從 武 公私俱無 諫妻裴 后爲 呵 귋 口 阳 氏 子 武 此 以 顔 稱 語 阿 尚 阳 SH] 矣。 爲 韋后 挈 裴。 焦。 其 天

幸, 211 許豚犬。」「 雲兒前 皇后忿怒曰: 北 史・ 再拜問訊, 至尊千秋 隋房 「睍 陵王勇傳》: 萬 此是幾許苦痛邪! 歲 地 伐專寵 後, 遺汝等兄弟 阿雲, 昭 訓 有 雲 向 如 嬖

# 婦人稱奴

貴近之家,其女其婦, 問 寮 奴, 雜 記 婦 織 **》**云 人自 當問 稱 婢。 奴, 男 蓋始於宋時。 日 今 奴, 則 則又自 奴 女 爲 日 稱 婦 婢; 日 人 嘗見《 奴。」是宋 之美 故 猗 耕 稱。 當 覺

> 中。 子 蠻 奴 鴟 六 后 時 亦 即 夷 朝 婦 詞 垂 蓋後人嫌其俚,改之。 儂之轉聲。 去,應記 人 簾 女 以 多自 以 此 對 奴 自 何 群 稱 爲 農家 稱 處 臣 儂。 美 矣。 是 猶  $\sim$ 稱。 《唐詩 舊姓 英 稱 蘇 或 雄 奴。 東 云「安 宋季二王 西。」儂家 紀事》載 迎 坡 此 奴 詩 得 其 有英雄,迎 歸 、證矣。 故 航 昭宗《菩薩 猶奴家 它年 宫。 海, 歸 予 楊 則 大内 也。 天 舸 按

#### 老

稱矣。 石 之; 石機 有 本。 曜 今世友朋 持 若老杜、老 白樂天 試 聊 絹 覓 以 老 奉 兀 詩「 相 一贈。」 劉 謂 狎, 看 蘇 每 斛 呼其 别於小杜、大蘇言之, 被 律 是 老 武 謂 北 姓 夢 元 都 齊 加 偷 得。 人 日 以 僧以 格  $\sim$ 律」, 老一字, 北 老 此 史》: 石自 是 老

非當時相稱。

**奘幾時歸」,謂元奘。** 能 字,僧、 爲 (竹寫真」,謂 又 有 亦 稱其 稱下一字。 人字者。 文與 行也。 東坡 蘇 東 詩 坡詩: 今人多稱 不不 ·知老 其 老 H 미

# 小名鐵柱

其 予 難公卿。」則鐵柱之名,宋時已有之矣。 明,更宜潭妹嵩兄。 鶴雛花樹下,斷了驚驚怕怕。 (詞云: 讀辛稼 北方小兒乳名多稱柱兒,或稱鐵柱兒。 軒《清平樂詞》「爲兒鐵柱 靈皇醮罷, 看取 福 辛家 禄 都 鐵柱,無 從今日 來 也。 作 災 試引 也。 日 無 聰

# 五行命名

是也。 也。 攷《唐書・畢構傳》亦作「炕」,則「杭」本是 雅堂本「炕」作「杭」,注云: 誌》,其大父名構、父名炕、弟名增。 **垈、壁、皇,孫鏜、錫、鑑、銶、錟、** 熹,孫塾、埜、在,曾孫鉅、鈞、鑑、鐸、銓,元 林、林子焞、洙子構。 陳源子櫟,孫照、勳,曾孫埜、圻、基,元 孫淵、洽、潛、濟、濬、澄。 **熺,孫塤、堪,曾孫鉅,元** 相生之義,蓋盛 又唐史崔鉉子沆,裴均子鍔,高釴弟 今人好以 鎬、鈈、銶、鋭。 予讀《昌黎集》,有《王屋縣尉畢 五 於宋時。 行偏旁命 秦檜兄梓、弟棣、檜子 則唐人已有之。 孫浚、瀈。 李燾子垕、空、塾、 名, 尹 「杭,本作炕。」 源弟洙、 遞及子孫, 鋂、鑣、銓。 朱松子 源 今東 孫鎜 子 坰 子 取 几

#### 皇

義冢。 飲行旅 母、義子孫、義兄弟。 役 置學以教鄉 汲爲名。今世俗置産以給族 遇旱歲不減,尤宜染練。 井, 袤丈, 上設三井口 器中 日 加首 義役,皆與衆同之意。  $\sim$ 會稽志》: 以 東坡 日 魏志•張魯傳》: 義漿; 觴 日 先生 客 曲子弟曰 義髻,此 日 義樽。 謪 闢 義井在 黄 地爲叢冢,以藏暴骨 1義學; 衣加 州 以 又 近時州 受汲。 義者, 不 府東二里下,爲大 取諸 襴 以 可 又俚 鬼道教民,自 **日義欄** 設漿於道,以 曉 人曰義 郡 縣 蓋以衆所共 覆以大亭, 也。 俗有 衆 所 力 銄 大 莊, 以 義 共 酒 髲 給 置 昕 父

> 之。 者量腹取足。」則義米、義舍之名,自漢已有 受本道已信,號『祭酒』。 號 兒」是也。 如今之亭傳。 師 朱新仲云: 君」。 其 又置義米 來 學 外來之物曰「義」,如「 道 者, 肉, 諸祭酒皆作義舍, 初 懸於義 皆 名 舍,行路 鬼 卒。

#### 南

月十五 其事 名。 不來」之語,蓋取諸此。 今言臘者,亦近是也。 案天竺多雨,名雨安居,從五 或言臘,或云夏,或言 制名也。」卷十四。 經中言臘,諸 日 切經音義 也。 土火羅諸國至十二月安居。 **学**云: 經律 杜子美「舊雨來,今雨 此方言夏安居,各就 雨,皆取一終之義。 中或言歲。 臘, 月十五日至八 歲終祭 今比邱 神之

## 漢唐金價

也。 貴則不如是之少也。《野客叢書》云: 不但秦、漢爲然,自三代至晉,莫不皆然。 引一金萬錢,以證晉王導所市練布之價。 志寧、孔穎達能諫太子,賜金一斤而已。 不賤,何以至此 爲錢百萬也。 文帝言「百金、中人十家之産」,即是 食貨志》亦云:「黄金一斤直萬錢。」 日 命陳平爲反間,捐金四萬斤。 古者以金重一斤,若今萬錢矣。《 履齋示 百金之魚。」注云: 兒編》云: 高祖善家令之言,賜 如唐時必貴,太宗以 ^ 公羊傳》 百百 則 金, 是一金萬錢 《緗素雜記 使漢 金 金 猶 隱 則 五 漢 百 五 百 非 于 斤 知 金 百 萬 年

銀四兩。十八年,一兩當銀五兩。永樂中,《日知録》云。「洪武八年,金一兩當

駕齋養新録卷十九

换,崇禎中十换,江左至十三换矣。」一兩當銀十兩。 幼時見萬歷中赤金止

## 大斗大兩大尺

斤, 内外 斤。 爲斛。 秬 量權衡者,調鍾律、 爲丈。」《唐六典》與《雜令》同。 寸,十寸爲尺,一尺二寸爲大尺一尺,十尺 合爲升,十升爲斗,三斗爲大斗一斗,十斗 二十四銖爲兩,三兩爲大兩一 開皇以 黍 官司 則大 《唐律疏義》引《雜令》: 度,以秬黍中者一黍之廣 中者,容一千二百爲龠, 稱權衡, 悉 斗大兩始于 古斗三升爲 用 大 者。 測晷景、合湯藥及冠冕之制則用之。 以秬黍中者百黍之重爲銖, 據《 隋 一升。」古稱 隋 開 又云: 皇 閒, + 爲分,十分爲 兩,十六兩爲 律 「量,以北 凡積秬黍爲度 龠 唐 三斤爲 秝 爲 初 志》 m 方

四七三

不改耳。

#### 元寶

四 十八兩。 買,●所以 子、王孫、 作錠,每重五十兩,歸朝獻納。 顔 乃至元十三年大兵平宋,回至揚州,丞相伯 至元十四年者重 兩 年征遼 號令搜檢將士行李,所得撒 起于元世也。 輟耕録》: 東 遼陽元寶、乃至元二十三年、二十 民 駙 所得銀子而鑄者。」是元寶重五 閒 馬、 有此 或 四 「銀錠上字號、揚州元寶、 戚, 十九兩,十五年者 錠 也。 從 而 後朝廷 頒 花銀子,銷 賜。 世祖大會皇 亦自 或用 重四 鑄 貨

隨低昂,遂改鑄銀名『承安寶貨』,一兩至十兩,其直百貫,民閒或有截鑿之者,其價亦不。 金史・食貨志》。 「舊例銀每鋌五十

錠

寶之名。

是

金時銀

鋌

已有重五十兩者,但當

時

無

元

兩

分五

等,

每

兩

折

錢

二貫,公私

同

見

錢

用。」

不協。 名于銀,又加金旁。 無足曰鐙。一徒徑切。 韻》錠有兩音: 古人稱 元時行鈔法,以一貫爲定。 金 銀 日 丁定切。 鋌, 錫屬。 今用 錠 豆有足 俱與銀鋌義 字。 後移其 日 按 錠, 廣

## 浙東斗尺

《至正直記》: 浙東斗尺,皆存故宋遺

❶ 「買」、《輟耕録》卷三十《銀錠字號》作「賣」。

有之。 寸。 官數 者曰料,五斗曰冓。 百合、小百分也。 製,斗謂之百合,足比今之官數八升也。 百三十合。尺謂之百分,比今之官數 吾鄉絕無此樣,皆用官樣,至宜 杭城 又有七升斗七寸尺者,謂 鄞俗則有二樣,二斗五升 料音勞去聲。 興 之小 則 間 謂

#### 四 柱

名目。 記》云: 計算私籍,其式有 柱 收,三曰 者,舊管、新 今官司 「人家 開 除, 錢 收、開除、實在 糧交代,必造《四柱 四 出 日見 四 納 財 在。」則元時已有此 貨者,謂之掌事。 曰舊管,二曰 也。 《至正直 一册》。 新 四

#### 火

耗

廉訪司糾之。「火耗」兩字,見於史始此。 歲徵金課。 金數,尅除 《元史·刑法志》: 其有巧立名色,廣取 火耗,爲民害者,從監察 諸産金之地,有司 用錢, 及多 御 史

稱

#### 老 弟

年傾圮,土人拾得一甎,其文云: 稱,更有可笑者。 則有稱孝弟者。《續通鑑長編》載嘉祐八年 稱孝子,大行皇帝稱孝 孫抃等議云「太祖之廟,太宗稱孝弟,真宗 「孝孫徂位」,皆廟中之稱。 古人惟子孫稱孝。《詩》「綏予孝子」、 蘇州、 府圓 孫」是 後代以弟承兄, 妙 也。 觀 前 「條坊巷 俚 甎 塔近 俗之

蓋宋時 傅 元 街 十二月刻。 夫某爲亡前 上,有「孝夫某 年正 氏 北 7妙喜, 而 月刻。 所刻。 南 同孝男虞宗臣、 居 是宋 妻黄氏 又 爲 又 盤 清 時 府 亡 信 十四四 前 妻 有孝夫、孝妻之稱 門内 崇奉三 西 何 娘 氏 米巷石井闌,有「孝 西泮環 四乙 」字,嘉定十七 宗禧、 寶 女弟 娘」字, 巷石 宗孟 子 井 嘉 等。」 孝 年 闌 泰 妻

#### 契姪

姪臨川陸某撰并書」。《陸子静集》有《楊承奉墓碣》,末題「契

# 褒成侯未嘗徙封

世 祖 封孔 後 漢 志爲 書 褒成侯。 孔 傳 志卒,子 建 武 損 嗣 年, 永

> 徴矣。 洪氏《 《韓敕碑》立于永壽二年,其 年, 侯帛」。 卒, 事 之 爲 褒成亭侯。 志》,則褒成 亭侯、亭侯 建 云褒成矣。 是永元以後孔氏嗣侯者,皆當 元 後, 也。 徙 壽」名,皆在永元之後, 四 子完 司徒雄 封 年, 〈隸釋》 絶 後漢侯爵, 耳。 嗣。 而 而 徙 曲 莫繼」, 五等,而 等奏稱,褒成 封 乃《安帝紀》「 舊史偶脱「成」字,蔚宗遂 殆亭 以 攷 阜孔 世 褒 爲 魏 世相傳 亭 侯 「損 黄 有縣 可 廟《孔 侯。 而 褒 初 證 未嘗徙封」 成侯 非 侯、都鄉侯、 漢世 縣 損 侯 至 年 丽 龢 延 侯、依 卒, 或 四 獻 詔 陰有「褒成侯 碑》 稱 光三年, 無徙封褒 不見于《 時 帝 褒 稱 , 亦 固 子 載「元 成侯 來祠」。 褒亭, 初, 史例 曜 稱 鄉侯、 信而 賜 或 嗣 如 亭 褒 誤 當 郡 嘉 褒 不 絶。」 成 孔 當 仞 云 或 都 有 又 成 曜

# 嘉祥縣南武山

武 武 非 而 赿 今人 氏 山當因武氏 封志之。 Ш 石室也。 有曾子墓。 日 、所識。」 知 録 疑周 所居得名,漁者所見,殆即 子 世未 有漁者陷 謂 成 嘉 化 祥 有 中, 石 漢任 入其穴,得石碣, 碣,科斗古文 或言嘉 城 縣 祥之南 地 亦 漢 南

#### 錢讓

鄉。」恐亦 縣志》皆列入人物, 天 征 子臨 東 錢 大將 讓 喪哀慟, 非 事 實。 軍 不 見於 漢世 漢 給 所 史册,《 時 兵 天子 載 未 吏, 事 有 加 臨 迹未 湖 此 威 大 州 官。 臣 儀 可 府 盡 還 又云 《長 信, 葬 故 興 如

遜」乎?

數? 即 居烏程。」 人附 富 而 江 揚間,詔拜讓 舊譜又載「九江 守》未見薛固名,不知《志》何 唯爲郡將訴冤一事最可稱,而《吴郡 恒 哀、平間 有。 春 范容、周生等自縛款首。 左六州諸 侯」。 會之詞。 藉令有之,何 讓位 錢遜 夾漈 而 以 讓 非三公, 軍 范史證之,俱無影響,大率後 廣陵太守、征東大將軍、都督 避宋 亦官廣陵太守,意者讓、遜 爲 事 攷鄭 寇周生、范容擾 廣 斬 濮 陵太 樵《氏 以 世 賊 安懿王 史不 非 帥 守。 外 徐 族 桓 戚, 鳳、 所 諱,改「讓」 避 略》云: 帝 見 何 據 王莽 謝 淮、泗、 旌 其 也。 緣 其 安 志 名 邀 (功,封 于 錢氏 乎 此 • 陣 本 牧 爲 ? 徙 漢 異

四七七

#### 錢珝

也。 前。 宗乾寧三年丙辰, 珝之貶斥, 當在此時。 矣。 子。 作端文,亦誤 無 **摶得罪,珝貶撫州司馬。** 百二十九年矣。 韓文公《薦錢 羲之下乃云子珝,是珝爲方羲之子,非徼子 逮事昭宗者。 致《唐書 珝以宰相王摶薦知制誥,進中書舍人。 文公生于大歷戊申,至乾寧丙辰, 唐書》珝字瑞文,與名相 唐 詩 紀 徽 。徽 事》 自代狀》稱其「年輩皆在 計有 而徽又長于文公,其子恐 以 傳》,徽子 錢 功殆誤會《唐書》之文 珝 攷王摶罷 爲 吏 可 應,而《紀事》 部尚 復、 方義, 相,在 書徽 己 而 昭 方 之 臣

## 袁高題名

支峰。 勤。 矣。 狩,東郊路多堙。 詔修茶□訖,至□山最高堂,賦《茶山詩》。 章,刻石在貢焙院。」是詩爲建中二年所 造 年,非建中二年也。 興元甲子歲三春十日。」則是賦詩 中二年,高刺郡,進三千六百串,并此 皇帝尚巡狩」矣。 唐 故 一萬 制,湖州造貢茶最多,謂之顧渚貢焙,歲 一蓋興元春朱泚  $\wedge$ 頃得高題名於長興之小 唐詩 有 其文云: 八千四百斤,大歷後始有 此語。 紀 事》載袁 若 「大唐州刺 《唐史·袁高傳》失載刺 在 周迴邊天涯,所 竊 其 建中 號 高《茶山詩》,又云: (詩云: 長 二年, 安,德 史 石 臣 Ш 則 宗 皇 進 在 袁高, 獻 一帝尚 不 西 即 奉。 興 得 幸 詩 愈 顧 元 巡 作 艱 元 奉 渚 云 建

子冬也。 中,以卒。」則高之徵拜給事中,即在興 州 歷 湖 郎右司郎中,權御史中丞。 官云: 州 長 史, 事。 尋刺 李吉甫《茶山 德宗 湖 州。 嗣 位,累遷尚書金 收復之歲,徵拜 詩述碑陰記》 爲杞所忌,貶 部 述 給 元 員 高 甲 韶 事 外 所

# 于頔茶山詩述

興縣 詩》 渚 節 正月」。 碑陰記》,李吉甫撰,徐璹 撰,徐璹 湖 茶 并《詩述》。 小石  $\wedge$ 州 院 金 諸 修 正書」。 此碑久亡,而 石 軍 Щ 貢 録》 事刺 畢, 第一 正書十五 登 第一千六百十七八唐詩 詩, 史臣 西 千六百十 袁高撰; 顧 于頔,遵奉詔 于 Щ 行,文云: 頔題名尚存, 正書。 最 高 六「唐《 堂、汲 詩 貞元 述, 命,詣 「使 于 巌 在 茶 ---持 長 泉 顧 年 述 頔 Ш

> 石。 部尚書。」非謂卒于憲宗時。 事》謂高卒于憲宗時,亦非 吉甫爲文記之,則袁高已卒矣。 茶山詩述》之刻 大唐貞元八年,歲在壬申春三月。」蓋 袁公留題□ 似是茶 「憲宗時,李吉甫言其忠謇, 字。 即 在 |似是刻字。 是年。 似 是 也。《唐 觀 又逾二載, 字。 茶 ^ 山詩》 唐詩 前 書・ 刺 贈 禮 高 于 紀 而 史

輕作俗字如此。」字凡五見,皆作『荼』。唐人精于六書,不肯

瞿鏡濤云:

「袁高、于頔

#### 六 先 生

伊 王 爚 ĴΠ 于縣學 朱文公有《六先生贊》, 横渠、康節、涑 建六先生祠, 水 也。 祀 端 濂 謂 平初,常熟令 濂 溪、横渠、 溪、 明道、 明

兩題名,『茶』

道、 於六人之外增康節 學各建六 先生者,則於九 伊 Ш 先 晦 生 庵、 祠。 南 人之外增 軒。 其 涑水、 後 淳 有 祐 東萊 稱 上蔡 辛 九 也。  $\pm$ 先 一人也。 **\$** 生 又有 者 州 稱 則 縣

#### 生日

休 爲 聯 家」。 丞 於花萼樓 月 龍 書》「盧 假 相 癸 句。 千 三年十一月十五 亥, 秋 張 古 祇是贺生子,  $\sim$ 日。 節 説 綰 有 册 以 率文武百官上 下。 與高 上 降 府 著之甲令, 群 壽 元龜》 誕 終宴,尚 臣 帝 之禮, 之日, 以 同 載: 非 日, 是 日 賀 無 日 生, 布 大 書 帝 生 一表,請 慶 獻 于 置 左 誕 唐 里中以羊 生 日 甘 天 酒 丞 辰, 開 也 下, 日 露 張 相 以 元 内 之 樂, 醇 源 咸 十七 八 殿 唐 禮。 耐, 乾 月 **�** 宴 中 酒 宴 上 宴 五 百 年 群 宗 賀 ^ 樂 萬 右 寮 日 八 臣 景 兩 漢

> 離,早 録》: 屬官。 賜 福 其親 禮 五 相 會之始也。 務非便,奏罷會,而 歲 旦生日, 二 十 元 一,酒 中爲 生 志 壽 自 友。 至 斛, 酒。 日 「賜 喪父母,不 是 三十 遣 俄又賜 有 F 令諸 執 韶賜羊三十口, 此 「大中祥符五年 相,詔 使 且 賜, - 壺,米 政 生 帝 遂 攷《容齋三筆》載「 命。 爲 辰 司 不 王 樞 會 生 供 例。 賜 器 始 記 周 麫 密 近 帳, 生 日 幣, 於 生 賜 ~ 世 各二 使 列 L 辰 、宋矣。 日 如故。」 宗 副 及 京 禮 起 壽 器 眷 + 丞 志》 + 酒 府 懇 参知 於 幣。 之 郎 遇 斛。 辭 五 具 唐, 始 此 王 月, 魏 十壺,米 衙 不 0 也。 政事羊 道 馮 大 以 明 受。 其 官 給 前 道 以 臣 以 清《 後 寵 諫、 樂, 懿, 幼 紹 在 生 宰 宋 藩 始 揮 晉  $\equiv$ 屬 以 修 麵 則 日 許 相 史 鎮 以 塵 室 流 宴 + 史 各 天 廢 宴 王

❶ 「且」、《宋史》卷二百十九《禮二十二》作「旦」。

日賜宴詔」。」是南渡復有生日賜宴之例也。三年十二月二十三日,賜宰臣秦檜『辭免生

等 王宗 執 陽 宣》、《賜皇弟 日禮物口 弟 日 日 日 H 宣》、《賜皇弟大寧 賜皇弟祚國公偲生日禮 賜皇弟普寧郡 生 郡 咸 禮 禮 禮 禮 政 綽 物 日 王曹佾 藥 物 物 物 而 東 均均 郡 坡 生 外,又有《賜皇叔 口 口 口 宣》,《 宣》、《賜 H 宣 宣 王 宣》,《 内制集》具載 有賜禮 \*, \*, 禮物 生日 俣 遂 生日 (賜皇 Ŧ 賜 賜皇 蛮 賜 口 禮 物之例,不特宰相 似 郡 嗣 郡 皇 皇 宣》,《 禮 物 生日禮物 伯 王 濮 E 叔 叔 叔 物 口 佶 E 佖 揚 祖 祖 祖 祖 賜生日詔。 宣》。 宗 賜 物 生日 生 高 漢 華 王 安康郡王宗隱 宣》,《 暉 皇 口 H 顥 密 東 原 口宣》,《 是宋 郡 宣》,①《 郡 禮 生 叔 禮 生 郡 物 日 荆 賜 物 日 Ŧ 王 王宗晟 也。 時 禮 王 建 禮 宗 宗 自宰相 口 賜皇 安郡 宣》, 親 賜 宣 物 頵 物 瑗 愈 生 生 生 濟 生 П 生 口

### 生日獻詩詞

《西清詩話》謂「公卿誕日,以詩爲書

見於唐末」。

「文潞公守太原,辟司馬温公爲 詩》云:『何 事雖未可信,然生日獻 遇生日,僚吏皆獻 生日,温公獻  $\Rightarrow$ 明道 履齋示兒編》云: 雜志》: 時 小詞,爲都漕 生上相,明日是中元。」」 詩。 潞 詩詞,蓋 孔 公以太尉鎮 「魏 唐 毅 子 仲先《壽 夫《野 通判。 盛於北 方 峻貴。」 史》 洛 宋 夫人 萊 師 此 公

詩 東坡 有《生 集》 日 有《 劉 景 生 文 日 以 王 古 郎 畫 以 松 詩 見 鶴 爲 慶 次 其

韻

矣。

「祚」、《東坡全集》卷一百十一《内制口宣》作「祁」。

貺 弟 黄 觀 號》、《樂全先生生日以 音 程 子 佳 德 木 像 篇 柱 及 次 孺 杖 新 韻 生 爲 合 爲 日》 子 印 謝 詩,《 由 香 詩, 生日之壽》詩,又有《 銀 有《子 鐵 趙 篆 盤爲壽》詩 拄 倅 杖爲壽 成 由 伯 生 母 日 ♡ 詩。 生 7,有《 以 日 檀 表 以 口 香

著令。 有,靖 幾, 有 第一官。』其 人李善詩: 院,夜半猶 詩尤多,嘗 曾魯公、張文定生日詩。」 天 吴曾《 子 然前 康 恨 漫 節古來無」, 取 看 無 後言 輩 「無 其 録 寒 官 類 **\*** 三聯云 士文]; 미 多 者 窮 有 基 以 秦益 之, 爲 有 蓋 過, 無 如 取 了建 『虜 窮聞, 公生 有 朝 荆 其 人 時 鄴 公、 П 親 日 争 禁之, 第一人爲  $\equiv$ 不 切 東坡, 公今 問 耳。 人 四 年 歌 方 皆 仍 始 蜀 賀 今 姬

佐 爲 禮 書 數 壽 朱 彧 星 而 른 爲 可 獻 談》云: Ŧ ,例只受文字, 安禮自執 「近 政 世 出 其 長 知 書 吏 舒 却 生 州 日, П 生 但 寮

> 封, 猫 或用 軸 日 屬 引客 掛 0 既至前,漸懼失措。」 佛像, 紅 吏 這一題 繡 爲 蒸 囊緘之,謂 壽。 香, 或神鬼。 事,標 共 或 相 無 所 瞻 唯 壽 必 獻 禮。 退 星 人 兵官乃崔白畫二 名銜 回。 畫 其 者 間 E 于其下。 無壽星者, 但 忽令盡 有 它 良 啟 畫

# 禁見任官生日受所屬禮物

權 各徒三年, 任 四四 官,因生日受所屬 紹 方皆以其生日致 興二十六年 贓 重 者, 閏 慶賀之禮,及與之者, 十月 饋 依 本法。 其  $\pm$ 後 寅, 州 自 詔 郡 秦 監 内 檜 外見 司 擅 率

● 「有」、《萍洲可談》卷三作「用」。「旨」。「時」、《能改齋漫録》卷十一《秦益公賞孫仲鼈詩

受此禮,極其僭侈。太學録范成象面對以

爲言,故立法。見《繁年要録》。

甚。」 卿 或 集,唯少陵示宗武 士大夫生日之盛, 貴 知己 人人則 魏華父云: 偶有所賦, 無之。 生日, 直自京、檜以來, 「人主生日爲 丽 則始於近 它集罕有。 與 東 世。 坡 爲 樂始 故前 若用 同 此 氣 于 風 之公 之親 軰 唐。 日 詩

#### 爵 里 刺

誤 爵 餘 千 鄉 言, 人,人一 里刺也,客示之,一寓 里也。」《世 人。」●《三國志 經 釋 名》 目 [ 輒記。 奏刺,悉書其鄉邑名氏 語 \* 爵 文 注 里 帝 「夏 刺, 聞  $\wedge$ 目, 侯榮七 書其 後 而 請 漢 使 官 焉 之 書 歲 爵 徧 世 誦 及 賓 談 禰 郡 所 客 書 不 謂 日 衡 百 縣

> 滅。』《 傳》: 屬 傳 衡》稱韓生「 陰 \* 悉 懷 投 「齎刺就房謁之。」《童 井丹傳》: 刺去。」皆 刺 建 安初, 既 通 刺 而 在 倪寬,結膠漆之交」,則 來 無 「未嘗修刺 東 游 所 許 漢之世。 之 下。 適 恢 候 至 始 傳》: 人。」《 達 而 於 王 潁 刺 充《 川 仇 字 論 覽 掾 漫 西 乃

#### 宋 名 刺

京已有之。

學士 兄。 刺 君子墨迹, 字, 正旦, 同 張 古制 舍。 世 南 其 高郵秦觀手狀。」『 莫 IE 游宦 閒 詳。 月 有 紀 世 日, 聞》云: 南 觀 江 家 南 敬 藏 黄 賀 庭 石 庭 堅 子 本 士 堅 奉 允 元 大 手 謝 學 祐 夫 ,狀。」 子允 士 謁 + 尊 六 見

❶ 「誤」。《通志》卷一百十四《夏侯淵傳》作「謬」。

四八三

狀。」『汝礪參候子允校書同舍。』以 允 郎 主人字,且 里,或稱 人,餘皆 耒 人,皆元 校 兼 將之以 謹 書 國 候 史院 同 姓 館 謝 舍尊兄。 誠,今人觀之,宜泚顙矣。 有「同 名, 子 職 祐 檢 也。 允 四 討 或 學 張 年 舍」「尊兄」之目,風 只 士兄。 刺 · 時。 IE. 耒狀。二補之謹 稱 字 月 名, 或 惟彭 書 既手書之, 日, 月 官 公爲 昭 職, 德 日 或 中 次 晁 謁 書 流 又 書 凡 補 謝 著 氣 稱 郡 舍 + 之 子 作

位 親 初 處 僧 藥 疏 分」。 亦 書, 道 方 士大 ~,乃用 謁 周 然。 往 煇《 刺, 還 夫 或 自 多 猶 亦 清 舊 云「謹狀」,官稱 行 以 有 大 波 門 書『謹 劄 書 狀 雜 以 簡 子 手 爲 志》云: 狀通名,止 策潰。 莫 衹 禮 非 候 雖 親 起 不 至 「大父有手 見元祐間, 筆,小 居某官 過 矣, 用 呼。 情 小 官 則 於 竹 紹 伏 興 反 上 紙 聽 雖 札

#### 齊物

以 物 連 詩 付 始 子》有《齊物》之論。」 文心 遠 萬 也,蓋 論 於 康 讀 齊 物 慕 物, 節 爲 王伯 雕龍 物 老、莊 可 名。」 唐人 也 齊于 到 謂 而 厚 頭 物 我 多取 是六朝人已誤 謂 之 論 無 論 ^ 齊物, 説 莊 朝, 與 之 「齊物」 篇》云 恐誤。」 子 難 焉 劉 , | | | 齊 劉 近 現《答 則 淵 也。 兩字爲 嘉 齊 物 按 林 以 阮 物 論 左 是非 注 莊 盧諶 「齊 生之 想 論 齊矣。 周《 云: 名 物 毁譽, 書》 放 齊 其 非 都賦 邵  $\overline{\sim}$ 궁: 誤 兩 物 曠。」 欲 莊 字 子 齊

潼 神

詩》: 見《 鐵 + 如 年,監察御 唐詩紀 意,獨自 梓潼之神,相傳晉時張惡子。 「下馬 事》。 與 捧椒 史王岳 姚 茛。」 李 漿,迎神白玉堂。 靈撰《張惡子 商 隱《題 張惡 廟 唐天 子 如 碑 寶 何 廟

簫鼓 稜應 聞 聖主解 三尺 相,柱天功業賴陰兵。」判度支 雷 青骨祀吴誰 動 埽 劒傳 匣,青雲 王 堂 玉 一鐸《謁 蕩 青萍,欲 L 壘 唐 截蛟 神 韶 主,長擁千山 鳳 梓 籌 讓 光 鋒刃俟昇 振 潼 人九 德,紫華 更布兵。」時 待 新封 張惡子 賊 重城。❶ 平。 濟順名。 居越 平。 護 廟》詩: 唯 蜀 僖宗 報 酇侯 蕭 劒 城。 亦 關 門 知 遇 夜 解 爲 名。 東 斬 和 喜 雨 國 諸 劒 馬 굸 氣 龍 盛 親 威 未 隨 唐 贈 將 抛

神,故二公賦詩。

Ш

武孝 也。 級。」是南宋之季,外 記》云: 士子求名赴選者悉禱之,封王爵曰 承 《新定續志》載葉夢 天觀,此蜀中神,專掌注禄 德仁聖王。」●是南宋行 吴自牧《夢粱 「世言帝命司 録》 府 州 桂 鼎 亦 梓 立此祠 深梓 籍,主人 都 潼 籍 潼 已 帝 矣。 忠 真 文 君 凡 間 君 此 文 四 在 英 科 祠 祠 方

其 官書》以『斗魁戴匡六星爲文昌之宫』,徵 文昌之祠,遂徧 文治者占焉。 神 也。 虞集《廣州路 是以縉 或日 郡 紳 右 邑。 大 降靈吾蜀之梓潼者, 文 夫士多信禮之。 成 皇元 化 廟 延祐 記 中,書 「《天 詔 則 而

四 八五

駕齋養新録卷十九

青」、《全唐詩》卷五百五十七作「春」。

忠武」。 「忠文英武」《夢粱録》卷十四《外郡行祠》作「惠文

朝廷 加 主之。」 封 一設進 號 其 士 祠 科 以 右文成 取 士,文風大行,人謂 化,贊 詞 具 在 神 而

#### 魁星

觀,前 丹 定 魁 帥,皆以 爲首,故有九 扁。」是南宋已有之矣。 賦》「冠 奎爲文章之府,故立廟 續 下六星,兩 堊其上,以 」,又謂「 志·學校門》云: 學校祀 知 倫魁能」。 州吴槃 魁 魁非佳語」,皆非 名 魁 兩 之。 魁之稱。 奉魁星。 星,於古未之聞 相 既勤樸斲, 比,曰 斗魁 能,古台字。「 而 旗 「魁星樓 郡 顧氏《日知録 祀 、筐六 凡物之首、人之 人方逢 今侯 之。 也。 星 也。 揚 錢 北斗 爲 而 魁 雄《 日 辰 改 可 一學 能 文昌, 按《 甘泉 以 奎 書 則 即 謂 魁 偉 新 爲 其 始

> 矣。 溝」,不云文章之府。 詞。 《史記》云「狀貌魁梧奇偉」,皆 時論 古禮,證之《新定志》,則爲斗魁 象,特史官傅會之詞。 謂 久,無可置議。 舍第一 「魁台」也。 宿,亦誤。 孔子魯人,奎婁爲 士 宋人稱狀元 奎爲 同 人爲 名人」之語,見于《吕 歸尺 西方之宿,而顧 上 杜子美詩「君家 五天」,謂 舍 《天官書》「奎爲 魁,見《文獻通 爲廷魁,見《石刻鋪 宋初五星聚奎 魯分野,儒 其 學校祀 以爲北 爲 宰 氏 最 考》。 相 魁 非 春 近 非 教當 方元 封豕、 之門 星, 秋 魁 敘》。 奎 由 不美之 一,説 武之 雖 宿 興 來 也。 明 非 之 者 爲 已 而

# 道人道士之别

六朝以道人爲沙門之稱,不通於羽

史 道 戰 士。 貞 宋宗室傳》,前稱 士右。」是道人與道 白 儒 [傳》: 墨, 南 道 齊 人 書 道 與 • 道 顧 (道士 士 歡 辯 傳 慧琳道人,後稱 士較然 並 是 在 非。」《 門 有别矣。《南 道 中, 南 士 道人左, 與道 史 沙門 • 陶 人

#### 天 師

慧

琳,是道人即沙

門。

治。」皆謂 民 逕 師。 斗 敬之 武授以侯爵。 事之。」又《江水篇》云: 張 道」誑惑漢、沔間。 《水 詞, 魯治東,水 天師 經注 張陵 非 之稱,始見于《莊子》,特 以 也。 . 爲 後來習其教者 西 沔 號 晉南渡後, Щ 水 也 上有張 篇》云: 其 後 孫 漢 魯 「平都縣 天師 士大夫多有 安稱 張 據 「濜 陵始以「五 有 堂 漢 水 陵 有 中 時 於 又 爲 天 南 今 天 奉 師 魏 尊

> 老君。 堪傳》: 衣, 狀 傳》: 五斗 誠, ●修善之人,無所師授,故來授汝天師之 陵内史虞珧子妻裴氏 魏書 」云云, 益誕謾可笑矣。 米道者,或謂之天師 . 如天師。」由是妖妄之稱始登正 謂自 時 釋老志》載 郗 少奉天 天 愔 師 及弟曇, 張 師 寇謙之「遇大神,稱 道。」《 陵 有 去世已來, 奉天 服 道。 食之術,常衣黄 王 **《晉書** 師道。」《 恭 傳 地 太上 上 殷 何 史。 曠 仲 淮 充

#### 棋局

局,縱横各十七道,合二百八十九道。 人之將。」李 韋 昭 博 善注 弈 論 引邯 鄲淳《 枯棋 藝 經》 一百,孰 白 與 棋 萬

●「誠」、《廣弘明集》卷二作「職」。

同。 首載孫策賜吕 加。」予嘗見李逸 局 ·九道。 用 子 十七道,合二百八十九道,與 各一百五十枚。」沈存中云。 今世棋局縱横各十九道,未詳 疑後 人假託 範、晉武帝賜王武子兩局, 民《忘憂清樂集》,棋譜也。 也。 後 「弈 何 世 人所 法 棋 皆 不 古

#### 籤 詩

云張 十八首。 則 Щ Ш 之無錫,遥見山顛有祠宇甚麗,指問路人, 久矣。《祠山事要》云:「 張王之籤也。」《老學庵筆記》云: 肇乞籤於射洪白厓陸使君祠。● 回顧即無所有。 E 今神廟皆有籤詩,占者以決休咎, 廟。 紹興十一年,郡 勇因致敬, 既 歸, 得 人 此 祠 寫 勇樞經從 置 籤 Щ 語。 祠 籤語 一百二 Ш 己 使 君 毗 其 遣 而 此 以 僧 陵 祠 下 來

> 載 天竺一同。」 神之籤也。 .詩爲籤,得「全家隱鹿門」之篇。● 「太學忠文廟 皆在 南 宋 祠 初。 銀 瓶 周密《癸辛雜 娘子,其籤文與 此 射 識 洪

杜

十駕 齊養新 録 卷 + 九 終

肇」《老學庵筆記》卷二作「華」。

0 《遺與五首》作「舉」。 全」、《老學庵筆記》卷二、《全唐詩》卷二百十八杜

# 十駕齋養新録卷二十

嘉定錢大昕

# 吴郡志沿革之誤

滅 吴、會稽皆屬項羽,在梁、楚九郡之内。 得者僅壽 國」者,謂九江、淮南、吴也。 今攷之,殊不 會稽皆在 濞爲吴王。 九江王。 一年布誅,立皇子長爲淮南王。後封兄 項氏,封韓信爲楚王,其時吴、會稽蓋 項羽 范 石湖《吴郡志》云: 漢改九江爲淮南, 春以西耳。 封「英布爲 封域中。」大昕案: 以上三國盡得揚州之地,吳與 若彭城、廣陵以南,至 九江王,都六」。 即 項羽封 以 志所云「三 封 英布 布。 布 漢 所 子 + 爲

> 屬荆 楚。 楚而繫之淮南,可謂謬之甚也。 爲漢所誅,初不能 江、淮南了不相涉。英布雖曾殺賈,不旋踵 屬楚,繼屬荆,繼屬吴,史文班班可攷,與九 爲吴王,始屬吴。 及韓信廢,分其地爲荆、楚兩國,始 王劉 賈。 賈爲英布所殺,改封兄 然則吴、會稽之地,漢 有 其 地。 《吴郡志》舍荆 子 初 濞 改

## 吴 地 記

[自周敬王六年,至今唐乾符三年],則是唐信宗朝人。而《唐·藝文志》不載此書,至 《宋志》始著于録。吴江一縣,吴越有國日 《宋志》始著于録。吴江一縣,吴越有國日 《宋志》始著于録。吴江一縣,吴越和國日

四八九

#### 姑 蘇 志

文恪 不可 通, 昔梁克家撰《三山志》矣,不云《福州志》 爲 遂 陳 爲 耆 不 謂當稱《蘇 可易 大失哉 以 王文恪 亦行古之道 卿 撰 公赤 矣。 地 撰《 該 城志》矣,不 州 予 姑蘇志》成,楊 耳, 謂 郡。 府志》, 南 志蘇 峰 此 知 語 不 州 云《 其 流 미 丽 用古 傳 名以姑蘇,豈 台 南 未知其二。 到 州 峰 今,愈 地名, 志》 詆 爲 也。 也。 以 又 不

#### 長洲

吴王濞太倉在 漢 郡 王 或 伯 志 厚 謂 此。 長 廣 洲 東陽,今盱 陵 名 郡 縣, 東 始 陽 于 縣 胎 唐 有 縣 武 洲 后 枚乘 時。

> 州。 可 時 有長 將 帝對 民 洲 説 云 或云在太湖 云 蘇 長 田田 吴王 厚 縣。 廣 軍 洲 州 非 吴 陵 洲 儀等爲盜賊, 游 「吳縣西南七十里有長洲鄉。」則吳之 「佩長洲之茂苑。」《元 西 縣 府 也。 不 舊 使徐詳云: 云「長洲之苑」, 其 姑蘇之上, 取 漢書》: 志》 矣。 在吴境, 説 長洲苑爲 北 引《 信 岸、闔 左 矣。 越 太沖 則今人稱 「王莽始 依 絶 獵 然吴自 名,在 間 阻會稽長洲。」又魏 書》: 所 孤 長 謂 游 賦 願 洲 廣 獵 蓋 縣 越 建 長洲爲茂苑, 之苑。」左思 陵之吴, 有 處。」《 和郡 横江 孫 威 西 置 長 吴之都, 南 四 閶 洲 之津, 年, 圖 縣志》: 七 走 非 經》 + 臨 犬 盧 今長 里。 其 亦 賦 武 熊 與 淮 長

松江

也。 鱠。 陵, 移於華亭,世遂不知吴江之爲松江矣。 江 名吴松江。 韓退之撰《王仲舒碑文》云: 陸龜蒙《松江蟹舍賦》、杜牧《松江夜泊 州,皆取道焉。 爲吴縣南境。士大夫游宦,自蘇至湖、杭 山、嘉定、青浦 今松江府 震澤平蕪岸,松江落葉波」,皆謂吴江 路,害絶阻 又名笠 元升華亭縣爲松江府,自是松江之名 張志和《漁父詞》「松江蟹舍主人歡」, 唐人詩文稱松江者,即今吴江 也。 澤。 唐時未有吴江縣,則 滯。」蓋 至上海縣,合黄浦 松江首受太湖,經吴江 《吴地記》: 張翰在京師,思松江 爲隄於吴江 「在蘇州隄松 松江一名 松江 人海。 縣地,非 非 華 Ŀ 鱸 也。 詩 流 崑 亭 魚 松 亦

沈恭子

所。

見《北山小集》。

之吴江縣,吴越錢氏時謂之南北兩城防

遏

頭魯公書《清遠道士同沈恭子游· オーラ

還鄉 《松陵集》有《補沈恭子詩》,不知恭子何 炯、 足。 受禪,加通直散騎常侍郎、加明威將 予按《南史》: 林傳》: 任昉稱敬子、周宏正稱簡子之類,不一 六朝文臣 仕梁爲尚書左户侍郎吴令、御史中 詩,本刻于虎丘 同郡張種、會稽孔奂等,每爲文會」, 里,以疾卒于吴中,贈侍中,謚恭子。」 則沈恭子必 無封爵而 越「棲隱于虎丘山, 「沈炯字初明,吴興武康 山巖,今不復存矣。 初 得謚 明 無 疑 者,例稱「子」。 矣。 《南史 與吴興 軍。 派。 虎丘》 皮、 陸 而 遺 則 沈 如 陳

四九一

陳

而

明,未審孰是。 虎丘固恭子觴詠之地。其字初明或作禮

#### 陸 德 明

卒。」又云: īE 以 七 之歲承乏上庠。」或謂癸卯爲唐太宗貞 士 著書矣。 右,若貞觀癸卯尚 元 不及事太宗也。 奠,賜帛五十匹。 年。 年癸卯, 卒于陳高宗太 布帛二百 沈重晚雖 陸 [德明《經典釋文》自序: 今攷《唐書》本傳,但云: 又此書所 「後太宗閲其書,嘉德 相 段 仕周,其書久行 距 賜 + 元朗嘗從學於周宏正。 建六年甲午,至後主至 其家。」是元 遷國子博士,封吳縣 存, -載,元 録 則耄 注 解 朗 耋頹齡,恐 傳 年 朗 江左,此 述 · 當 卒 入 在 粤 高 明 多 三十 高 以 博 祖 是 癸卯 外 不 觀 祖 男。 朝, 辯 宏 北 南 德 + 能 左 釋

#### 陸暢

過。」 之。 塘 洲 釋。 見造所 陸 造成罪名。 先進兵器上皆刻「定秦」二字,不相與者, 皋大喜。 蜀道易》詩云: 與 獨 日 或曰: 問問 作 張 : 初 陸暢字達夫,吳郡人。 未歸 籍 娶董溪女,每旦婢進澡 進 「貴門多禮法,俾予食辣 皋薨,朝 贈 兵 身 「君爲貴門女壻,幾多樂事?」 暢 器。 暢上疏理之曰:「臣在蜀日, 詩 定秦者, 胥門舊宅今誰住,君過 廷欲繩 「蜀道易、易于履平地。」 共 踏長 其既往之事,復 匠 入蜀謁韋皋,作 名 安 豆,暢 也。」 街 麨,始不 裹塵, 由 輒 沃 此 可 閲 西 服 得 因

徐 半

年三月,先是蘇 袍及錢十萬 賜 因恐喝州郡,恣爲不法事,本 上召見與語, 殿 宋 前 太宗 怒,杖巖 户曹 郡 承 志 旨 實 掾。 以 亦不 徐 鬼鬼,流 州 頗 其 半 巖 人 載 奇之,因賜 上 F 叟請 章 徐半千詣 海 人,今舉 同 言 島。 進 告 時 士 歸 巖 政 出 名「 以 闕 命 路 鄉 也。 身, 補 事 轉 里 巌 上 叟, 月 備 運 迎 端 仍 不 鄉 見 使 妻 拱 賜 壬

干

録 雍 熙 四 年 九

意,

以蔡京所

録

Ė

皇聖語

親

札

上之,故

有

是

策

疏,

言昭慈獻烈皇后

既

過

瑶

華

泰

陵

嘗

有

悔

書

坐

廢。

久之上方録

用

黨

人,

策

因

F

州

黄

策

直

祕閣。

策,吴縣

元

符

末,

以

<u></u>

先是 命。 二年四月,直 桐 廬、淳 安二 祕 縣 閣 **\$** 以 通 贓 判 爲 嚴 漕 州 黄 臣

朝 策 庇 命按 之,械 以其事。 繋其 八告者。 既 而 策 漕 亦以 臣 徐 贓 康 廢 國 所 劾,

要録》。

于

而

黄 策

紹 興 元 年 七 月 1 戌, 宣 教 郎 新 通 判 嚴

+

駕齋養新録卷二十

張 伯 顔

事 相 誌》,蓋代其子都中作。 元 祐《僑吴集》, 張 伯顔 人,公諱世昌,字正 文選》李善注 所 刊。 有《 伯 平江 顔 六十卷, 未 路 卿。 詳 文 總管 其 稱 元 以 籍 謹 張 致 貫。 同 氏 知 飭 仕 長 池 張 小 頃 洲 心 公 州 讀 路 壙 鄭

四 九三

守 江 雅 尹 路 都 中。 年 於 河 日,卒於相 議 年,除慶元路 財 至元二年,年六十有五,告老於 題 路 賦 同 運 好 侯之兆」。 大夫平 朝 授將作院 知。 鹽 面 總 副 至 名 事,異於 至順二年, 管, 大 使 府志 總管, 表 直 (初,) 陞 司 泰定 江 城 乃 殿 俱闕之。 同 路 至 是 俗 同 判官。 私第,葬 追 乃 廬 五 知 其 知。 致 吏 總 超遷大中大夫漳州路總管。 邵 知 桂 年, 父 管致: 也。 仕 武 成 清 伯 子 七年,陞· Ţ + 所 路 宗 進 顔 河 同 内 年 葬 伯 同 加 仕。 賜 階 郡 邑益 爲 艱, 知。 冬, 地 虚 顔父顯,官 朝 名 伯。 吾吴人。 三年 銜 伯 散 奉 服 出爲泉 當 地 明 闋。 顔。 伯 大 鄉 政 不 見 朝, 年 六 謝 夫 大 顔 當 於《 宜 月 乃 福 所 夫 延 大 列 至 澤 改 州 祐 冢 於 授 其 + 以 池 路 德 江 原 寧 网 郡 平. 淮 文 正 州 州 清 四 治 元 五 浙

#### 胡惠齊

堂, 道 放, 艸 艸 好, 各異殊。 句, 聚 金 由 沁 一,不用 觀 尚 書《 書, 蓮 簾卷 袁 胡 亦 給 齅 書帥 黄 自 襖序》 神 氏 婦 事 春 今 蕊 由 拆, 胡 晴 傳 仙 行 西 人 扳 淳 想 蜀中,夫人胡 呼。 所 珠 書《 公 畫 Щ 條 小 熙 闋 東 難 四 圖。 女 玉 八 得 小 赤 于 坡 幅, 清 也 年 白 隆 自 籃 壁 後 見董史《書録》。 賦 泉怪 狀 玉 正 宮有 字 輿。 如 云 賦》 胡 元。 就 芹 堂 雖 名 石盤 深, 晉臣 塘 於 氏 題 未合 妻 紗 傍 經 壁 偕 詩 雨 平 柳 黄 籠 行 按轡 紆 見 過, 間。 行。 法, 金 素 處 題 江 又云: 信 首。 游 壁, 詩, 胡 印 徐 泥 宦 有 然 過 劉 風 驅, 紀 氏, 香 穿 黄 大 西 景 蒼 改 世 聞 路 花 兒 之 州 書 無 松 又 號 Ш 黄 江 此 句 夾 貿 童 題 雪 有 淮 横 惠 能

端的。 書。」 文君 指 水,應不鈿 來撲鼻,亦有天然標格。 月交光,這般造化,豈費東君力。 仍題《百字令》其上云: 親傳蹤 到此,滿地狼籍。 相 載 傳 後 可憐風 跡。 惠 車 「宫額。 一齊嘗 畫出 揮 韻,故人難寄消息。 毫 因 不愁三弄,只愁羅 南枝,正開 處, 几 几案塵生多少憾, 上 看 凝 不上寒窗,不 淋 「小齋幽 塵,戲 漓 側 雪 壁, 面,花 畫 只欠 僻, 梅 非共 直 袖 清 隨 心心 把 艸 久 枝, 雪 無 行 流 俱 玉 輕 香

#### 李 諒

補拙 郡 首開三百六旬秝 齋感懷寄越州元相公杭州白舍人》 猶 唐 勤 長 慶 慮,游宦量才已息機」之句。 四 年, 新 李諒 知四十九年非。 爲 蘇 州 刺 史,《 詩 元 當 白 樂 官 有 H

> 將 皆正旦童稚故事。 遂,●聰明鞭 年紀,休繫心 年年人手。」●微之和韻云: 平生友。」又云: 天答詩云: 書寄元九: ❷ 與」、《全唐詩》卷四百四十 得 中 領 轉 諒字復言,嘗官中丞。 莫歎一 小是 郡 無機。」自注: 憑鶯 慙 當 非。 傳語 日日催人,③ 六《報依來篇七 潦 倒 貴 與李六 「自驚身上 年, 富 祝富貴, 祝 鄰 來 州 言 且喜 鞭聰明 Λ 何 白 喜 倩 韻 添 樂 所 雁 得 走

筆奉答兼呈微之》作|

0

- 0 筆奉答兼呈微之》作「與」。 寄」《全唐詩》卷四百四十 六《輙 依來篇 七 吉八 韻
- 6 筆奉答兼呈微之》作「嗟」。 歎」、《全唐詩》卷四百四十 六《輙 依來篇七 言 1 韻

走

走

0 筆奉答兼呈微之》作「貴」。 喜」、《全唐詩》卷四百四十 六 輙 依來 篇 七 吉 Λ 韻

走

- 6 貴富」《全唐詩》卷四百十 齋感懷見寄》作「富貴」。 七《酬 復言 長 慶 四年元 E
- 故事」、《全唐詩》卷四百十七《酬 齋感懷見寄》作「俗法」。 復 言 長 慶 四 年 元 B

0

四九五

交代 明 天 天 相 年 以 也。 去六七年矣。 改 是 元 年 罷 劉 寶 杭 夢 歷 州 得 三月, 以 以太 大 和 除 子 六年 守 左 蘇 庶 守 州 子 蘇 分司 當即 州, 東 與 與 都 樂 李

# 滕甫知蘇州年月

州 熙 揚 閣 知 翰 未 是 甫 鄆 州 林 可 元 學 寧 於英宗朝未嘗授外 改安州 豐以 間 。」以本傳致之,甫「以翰林侍讀學 信。 州, 侍 士、右光禄大夫。 吴郡志 事 讀 歷 學 今《府志》 後官,不應治平中 蓋 青 又貶居筠 土 未 州、 • 牧守題名》: 知 嘗 潮 應天 除 則云: 州 揚 任。 改任。 府 州 州 在 齊、 也。 治平間。」 且 上 鄧二 ·有之。 右 + 章 熙 其 光禄 自 並 後「黜 滕 州, 月, 訟 八年 甫, 其説 據 大夫 本 神 此 土 龍 爲 改 傳 出 是 知 以 亦 圖 池 固

> 侍讀 年十 州 除蘇 覽之 滕 讀學士滕 亦 揚二州」。 甫 必 學士 案《續 移知潤州。 州當 惻 月,乃 湖 甫, 然, 禮部 通鑑長編》 字之誤。 移 在元豐 甫 致哲宗以元豐 即 侍郎滕 持服家居之日 知齊州。 甫遭父喪,不果赴。 以 爲 浦落 八年, 尋 湖 熙寧八年二月,知 東 職, 命 州 坡集》載《滕公墓誌》, 甫 安得有 必非 候服関 知 八年即 鄧 哲 是月壬子,韶 州 宗 自蘇移揚之事乎? 熙寧矣。 與 、知州。 登 閨 位,則 清州、 四 位 月, 是 「潮 徙 翰林 Œ 熙 前 知 甫之 寧八 翰 鄧 作 侍 湖 林 州

# 程師孟無知蘇州事

鄉郡 中 知 楚 州 任。 蘇 ^ 者,亦不及師孟 州 洪州、 吴郡. 按《宋 事。 志 福 朱長文《吴郡 史・ • 牧守題名》,有 州 廣 師 名。 州 孟 傳》 越 蓋 圖 州 石 但 經 湖 青 續 程 云 修 記 州 知 師 志時、 南 孟 臚 未 康 嘗 熙寧 軍 唯 牧 有

之熙寧 藏《諫》 南 燬, 渡 牧 議程公禱 雖 六年, 攷其 廣 守 爲 題 采 名 訪 R 碑 記》石 固 時 石 師 不 具 孟 刻 能 在 正 無 年 其 在 舛 月 廣 餘 譌 分明 州 皆 矣。 爲 予 兵 無 或 家 緣 係 火

#### 早站

至

蘇

也。

大 仕,熙寧中 + 俗  $\overline{\mathcal{H}}$ 又《題名門》云: 夫守郡,剛介不可 卷《牧守門》云: 年。」 夫 ·老會。 河 吴郡 據此三條, 記元 閒 -尚未歸 + 公静 志 老會中 **>** 田 章 鎮 間 也。 有 吴 章 岵 屈,人目之日 岵 程師 章岵, 米 章 國 事 岵 守 黻 岵 凡三見。 孟。 守 郡 四 爲之序云: 郡 元 周 朝 實 師 孟以 豐 議 星 與 在 中 大夫。 紀。 『章硬頸』。」 郡之長老 元 第二卷《 元 以 豐 第 四年 間 朝 # 元 議 + 方 豐 風 其 大 散 爲 致

之稱, 再任。」 嘗 觀。」 爲 復留任, 黻 熙 間 寄 云: 任,此誣妄之甚者也。 任,任滿 衡,不當云 朝 章 章帖 序 奉 寧 熙 隔 議 禄 峙, 「今太守朝議大夫武寧章公,治郡 則 有「 寧, 祠 八 官 轉 序未題 程 若岵 大誤 熙 也。 年十月二十六日除 熙寧五 或云 中 師 受代 非 四 又 寧七年 孟、 散 去 周 元 無 中 果 朝 矣。 朝 也 豐 處 而 星紀」之語, 去。 以 散 議 年 議 王 七 安、 復 也。 熙 中 再 大夫, 據《續 以 年」, 誨 今《 來 亦 挛 任。 中散 Ŧ 也。 有再 胡 散皆元 計 宋 中 府 誨等,乃 或 朱長文《吴郡 其 宗 通 八 莅 制 大夫知軍州事。」中 志 初 《府志》誤 云 鑑 年 則 留 愈 郡, 任 • 中 兩 豊 知 長 岵 八 必 三人。 題 浙 散 州 元 分 當 改 編 任 任 月提舉 年 名》 豐 轉 大 圖經  $\equiv$ 者。 以 》,章 爲 滿 官 以 四 運, 夫, 年 又云: 以 卿 制 前 政 前 之 年 續 最 也 崇 後 據 爲 監 岵 後 元 以 則 記 被 豐 又 米 繫 後 未 由 兩 楊 命

四九八

景略當即代章岵者,滕甫想即在景略之後。

#### 楊景略

誤 代, 豈有熙寧八年乙卯至元祐元年丙寅中, 굸: 寧也。 隔十餘年不易任之理乎?《新志》亦 復徙維揚。 以 豐 在元豐七年以後之明證。 年五月,仍改知揚州。」此亦誤以元豐爲 而 朝散郎龍圖閣學士知揚州改任。 朝。 不能質言,今當據墓誌改正。 「元豐七年,避親嫌 吴郡志·郡守題名》,楊景略繫於元 今《府志》云: 按 元祐元年八月卒。」是景略守蘇 《蘇子容集》有《楊景略 「熙寧八年十一月, 知揚州,移蘇 宋制 郡守三年 元祐元 疑其 志 州 煕

#### 豐稷

之,非 明。 直學士,建中靖國元年十一月到。 莅任已三 正當據碑刻以補之。 而 樞密直學士之職,與史未 但云知越,不言知蘇,故略之歟? 年二月知越州」。 後改越耳。 今《府志》削而不書,殆以《宋史》本 《吴郡志·牧守題名》有豐稷,云「 也。 四 月, 史傳於本人歷任偶有遺漏 前志所有, 此據《壁記 況豐清敏元祐正人, 嘗不合,蓋 後 》所 人 載,年月 輒 然所 以 崇寧元 先 意去 除 樞 蘇 帶 傳 分 密

### 岑 仲 翔

唐岑羲,字伯華,爲金壇令。弟仲翔,

察 長 御 洲 史曰 **�**; 仲休, 「毋遺 溧 江東三岑。」 水 **\$** 宗楚 客 語 本 道 巡

# 賀方回家藏書

年要録》。 府 郎 賀 鑄 糧 賀原獻 料 家 紹 興二 院,仍官其家 所 方回,本越人,徙居吴之醋坊橋。 書五 鬻 年正月甲子, 書以 千卷。 實三 一人。廪,鑄子也。 詔吏部添差廪監 館。 韶平江 二月戊午,將 府守臣 平 江 仕 市

#### 程公關

詩,云: 吏傳》。 才。 白 程 傅 師 王介甫有《送程公闢 「東歸 林 孟字公闢,吴郡 塘 傳 行路 畫 去, 歎賢哉, 吴王 人。 花 碧落 得謝還 見《宋史 艸 新 詩 除 姑 來。 寵 蘇 循 上

> 少 唱 告老,以 議視六曹侍郎,故用「碧落」字。 相唱酬。」案: 兩 少保元絳謝 ,皆取古人 翁相 酬 自 見外, 有 正議大夫 微之在 同 事 不 姓 中 居 知 致仕,時 者 甫 姑 談 三 者,王 相 蘇, 徑 笑 況。 應 爲 E 容 誰 元豐 介也。 中 公闢 開。 逸 甫 少 四 善歌 陪。 自 自 年 微之、 知青 注 也 詞, 除 <del></del> 州 IE 逸 與 此

### 程氏蝸廬

易成 作: 明 知 生 計 程 俱 艸 出 四 海 茸 舍, 柏 無 蝸 馬 南村 廬 廬 下 置 吴下, 先 IE. 此 怯 擬 翁 卷茅 用葉翰林見寄詩 身全木雁 ,故營松竹儘 風。 中。 向 來 囊空。 豪 東 郭 韻 氣

■「艸」、《宋詩鈔》卷十九《送程公闢得謝歸姑蘇》作

志和 今如 松柱,故有『松竹』之句。 結廬 此,敢 東郭, 茨以生艸。 與元 龍 較 長 雄。」 小齋日勝義。」 予結廬皆竹椽 自 注 云 張

於包山。程俱有《採石賦》,頗寓諷諫之旨。興、吳郡採太湖石四千六百枚,而吳郡實採建中靖國元年,以修奉景靈西宫,下吴

## 韓世忠字

録》。 官地一千二百畝。 忠乞承買平江 紹 興 四 年 二月, 府朱勔 韶以園 淮 南 南 園, 東 地 及 路 賜 請 宣 世忠。 佃 撫 使 陳 《繁年 滿 韓 塘 世

# 范良器非翰林學士

翰林學士范良器墓在楞伽山。案:

0

善」,商務本作「喜」。

文正 又不爲贈官,蓋《舊志》所書官名誤也。 又知其有興復義莊之功。 良 器 布衣,安得有翰林學士之稱? 長子監簿五世 名不 見 史 傳。 孫,又知其爲之柔之兄, 據 樓 綸《 然樓記但云良器 義 莊 記 宋制 翰林 知爲

# 惠元祐事不足信

文林 係事宜 人。 載 元祐 領 鄧 王 閣 元符詔求直言,元祐表陳治亂安危 居 州 不見於《舊志》, 文淵閣學士鄧 十條。 學士。 正 路。 所撰傳云: 斡 淵聖即位,晉文淵閣學 离 帝善之,●授國子監 不 州總管惠元祐墓。 量 唯《新 京 「元祐字吉甫 師,守帥 志 • 冢 大戰於幕 直講 墓 士 扶 按 兼 所 風 加

死友。 紹興。 習孫 宋世 無此 傳未 港,絶 儒 祐 繾 與 獨 天 薦飛於王。 端證之。 少好 総從 坡, 術 内 全。 官名, 審出 直講, 文武各有流 足信 侍 吴,及聞尹 口不言國 元祐爲 靖康 睿聖即 王, 崇寧初,以劾朱勔忤蔡京意,削 孫吴學。 初秦檜用事,元祐乞身居 自何書,要是誕妄不足信,略舉 二也。 如文林閣學士、文淵閣 詢翼帝出至 亦不聞建 忠勞備 則是文資,何 後聞 初,睿聖次湘州,「湘」當作 左翼,命 位 和 事。 及居洛陽,與尹焞遊, 揚 朱 品,不 飛 著。 靖之學,改就 州 勔 少識岳飛於微賤, 死,不食數 此 以 神 卒葬平江 金 瓜洲, 閣。 相 緣 花 .臂弓 人大舉入寇,元 雜 却 石 其不 用。 得 爲 遇 射 日 幸 鄧 儒術, 小舟得 却 元祐 足信一也。 學士、宋時 而卒。」 上堵城。 湖 州 之, 在 州 總 政 官至 大全 既 相 約 更向 管? 籍 和 渡。 小 數 元 祐 軍 此 爲 歸

> 元祐 官 總 飛 有 管 劾 傳》「康王 和 薦之。 之世。 勔 職名, 之事 若崇 ? 而 其 至 删 不足信四 其 相,飛因 寧 「文淵閣學士」五字。 不足 初, 信 勔 劉浩見,不聞 也。 猶 也。 未 當姑存 列 仕 宋 路, 4 鄧 又 何 . 州 有 岳 得

### 富 嚴 墓

愛在 吴郡人。《北山小集・富延年墓誌》。 留 仲 歲 河 書 居 監守蘇州、秩滿上章告老。 卿 後吴人謹烝嘗,護松檟,當 南 不去。 吴 此邦,邦 也。」公平 富氏 人争 世家 没葬吴縣之寶華 人懷 挽 時 河 留。 南。 固 思 已 將 父老 ]樂吴: 司空嚴,嘉 無 窮, 前 中 Щ 日 世 願 風 既得請, 世 毋 物 祐 子孫遂 去我。 如 之美, 「公之惠 中 桐 將 以 鄉 因 朱 百 歸 祕

#### 蔣 彝 墓

在吴縣 北 山 朝 小集》。 散 至德 郎 直 鄉 祕 報 閣 恩 贈 Щ 三之原。 徽 猷閣 待 程 俱 制 撰 蔣 誌 彝 銘。 墓

更賦 年,編户氓鮮 償所失丁錢,别 使,累遷朝散郎。 未 代赴闕未行,詔復 六年,權發遣提舉 西坑 令。 源, 行,改直 朝奉大夫,彝以父遺表恩調秀州 J, 冶,●催促鑄 政和二年,蔡京復當國,令權提 彝字子有,禮部侍郎堂之子。 簿不 一祕閣、 -得實。 獲免者,錮 儲 二浙户縣,率隱 權 留。 錢 兩 爲 前使者鈎括釐 兩 事,累遷 浙常平事。 羨 八年,移 浙 餘, 繋相屬,或 路 遠 計 至承 或 度 永 至 轉 興 是冬除 T 議 IE. 父長 數 破 崇 運 軍 轄 郎。 産 追 德 + 避 副 路 陝

> 德之。 徙,顧 失業。 州,卒於官。 予筦庫。 道宫,累遷朝奉 已追錢歸之有司充歲用。 久遠不勝治,又多貧下户,急之必 發運 一切蠲之。 公至,具奏二 已而 司以 明年,特贈徽猷閣 御 大夫。 筆除 逋 而名籍丁錢,斷自今始, 滯劾,詔免所官,落職 一浙比 直 宣 祕閣管句 歲不登,今所 和 奏聞 四 待 年, 報 制。 可,吴人 亳 起 且 州 知 追 逃 明 明

### 鄭絳墓

銘。 館 Ш 《北山小集》。 一之原。 吏部員 外 其 妻安人錢氏 郎 鄭 綘 墓,在吴縣 合葬。 長 程 洲 俱 鄉 撰 誌 龍

安人錢氏。吳越武肅王之子曰廣陵

● 「令」,原作「今」,據商務本改。

卿。 勳 城 江 康 員 年 爲 路 焉 王 外 + 計 元 縣 府 通 元 作乂預 E 府學 郎 璙, 州 度 有子 其 **%** 年六月卒。 然、 (轉 軍 孫 爲 封 歸 教授。 喆 事 運 日 日 曰 薦書 夫 中 熊、 同 使,贈 判 中 知 太子 人 吴 鄉 官。 乎, 章, 桃 軍 ,皆好學自持。 曰 鄭 男日 日 左 照、 源 中散大夫。 以 節 公綘。 作 安人,通州之仲女也。 蚤 攢 縣君,改封安人。 度 集賢 作肅, 义, 卒。 日 善 使。 庶。 大夫, 從政郎,光州 仕至尚書吏部 殿 孫 奉議郎,前 死 修 作 男 中散子承 葬 )撰爲 贈太 肅 日 吴, 登進 烈 梓 常 因 士 E 定 鎮 靖 州 家 少

#### 朱 耜 墓

南 峰 Ш 宣 義 龍 池 郎 之 知 西 江 陰 程 縣 俱 朱 撰 耜 記 墓, 銘。 在 龕 吴 縣 Ш 「小集》。 至 德 鄉

> 公綽, 吴人 其弟 政 知 T 終 補 正字, 班 再 喪,爲 閤 和 常 母 調 太 憂。 尊之,號 門 廟齋郎 通 州 鄂 耜 七 光禄 博學 直 祇 字 江 州 年 杭州 郎 元 陰 終喪,爲 候,知邕州,贈 四 江 卿,贈特進。 篤 宗, 益, 縣 月 夏 調 鹽 樂 行, 事。 子學、録、發以 尉, 四 婺州東陽 吴 官 圃 以 人。 H, 尉, 太 先 以 秩 道出 原 生。 滿 宣 捕 坐 曾大父億,内 府司 代 刑 和 盜 父長 蝗 主 元 處, 還。 部尚 元 功 蝻 簿。 録,不 益 狀 文,祕 遷 爲時老儒 年 生 卒京師 以大父任 書。 境 宣 丁父憂。 行, 月 義 内 大 殿 免。 郎 父 實 改

## 楊懿孺墓

墩 之 承 原 奉 郎 程 楊 俱 懿 撰 孺 誌 墓 銘 在 長 其 洲 略 縣 云 武 邱 懿 祖

興

下, 監 僕 字 洪 亳 長 年七十有六。 卒不第。 員 少卿。 州 州 杭 洲 外 彝 且告老,以 郎。 城 州 南 · 遂 父縣主 昌縣主 富 世爲 爲吴郡人。 崇寧二年,特奏名始授簡州文學, 祖伉, 陽 屯 田 縣茶場。 建 宣和 承 簿。 簿。 始 贈 州 奉 葬 光 浦 郎致 八寶汎恩,遷登仕郎, 四 居一 常 禄 城 年 遇郊 州 卿。 預鄉 仕。 年, 九 無 月 恩,以 錫 父諱 曾 貢 忽載妻子歸 辛 又七年, 縣, 祖 西 五 尚 有 諸 將 葬。 試 證 仕 孤 書 乃 禮 《北山 郎 屯 因 贈 卒, 部 吴 調 權 家 田 太

深, 殁,皆誌其墓 客吴下, 不仕,皆隱者 程北 居 城 獲 山云 之 交 焉。 也。 東 南 吴郡· 宣 居城之東 日 和 楊 有二 四 公懿孺 年 老 春 北 焉 日 方 或 老 余 公 相 少 仕 壯 惟 総 或

## 趙崇雋墓

通判趙崇雋墓,在吴縣至德鄉茶

#### 同年醻唱詩

弟崇修

撰

文并書誌石,

今在

法

螺

庵

塢

山

彦能。 之。 之臺。 周 胡元 陽 熙元 致遠、王 題 張 體 同作者成欽亮仲鄰、章澥 年,提刑建陽袁説友起 功國敏、 府 桐 趙彦 學儀門有石刻《 起 仁元善,招集 ΙĮ 一藝文 巌 璦 首 趙 卿、  $\equiv$ 中 賦 趙 玉。 彦衛景安、 陳 唐律 皆 德明 宗 章 同 同 室, 題 年之在 光宗、 章,而 年 浦 趙彦真從 題 巌、 醻 城、 浚 仲濟、 周 唱 元 吴 提 儀 陳題三 詩 承 善 者 舉 勛 唐子壽 簡、 依 於 常 至 睎 韻 姑 平 宋 Щ 舊名 成 和 蘇 建 紹 榜登第。 事。 之張 石湖 居。 章、胡、唐、王、成五 類 説 家於吴者也。《宋史》列傳 Ę 〜。 ☆,亦! 友 胡皆題胥臺, 官 史家 體 以《吴郡志》證之,亦是吴人。 居士范成大。 風 至 雅 失書, 致古者必 執 好 葉水心爲 政,其帥 事 則吴 \*者。 書之者,歷陽 人,皆隆興元 八人也。 體 攷吴郡《 蜀 時, 仁 疑 誌 有 唯子 嘗 其 墓, 詹 進 撰 非 體仁,即 襲 述其 年本待 + 壽不署  $\stackrel{\sim}{\sim}$ 序之者, 頤 成都文 題 人也。 īĒ 名 改 間 姓 碑 亦 里

# 吴江學宋元碑

記》,趙 見,其官 重 吴 孟 江 成 則 縣 覭 殿 權 書。 學 記 知 有 饒 撰 宋 寶謨 州 人姓. 淳 也。 閣 熙 名, 學 又嘉 Ŧī. 以 年 定 石  $\stackrel{\cdot}{\Rightarrow}$ 提 重 斷 舉 八 修 玉 年 裂 降 TE. 縣 不 萬 月 可 學

> 書。 正 吴江州《興修儒學記》,陸 壽 大成樂記》,許從宣撰,林鏞 官黄 書。 又元碑 由 爲至正十三年十月吴江 撰, 權刑 通 部尚書 爲 居仁 至 兼侍 正 正 書。 爲文、朱庭 + 讀 范之柔 州《 年五 珪

### 渡僧橋石刻

郎」者, 十年十日 數矣。 亦不 未 潛尚書」者, 渡僧 舊記 得。 知 閶 》。」所 橋 倪普 所在 ·月僧 門 瞿 曩 建在 壻  $\pm$ 外 潛説 矣。 謂 元愷等《募緣重修記 鏡 西 渡僧橋,當水陸 君 至 沚 濤 澤 舊記》 道年間。 其云 於吴 語 友君 也。 予,曾見宋 者 市 記 高 判 也。 久已 買 文 緣起得 府 與 得 之衝, 提 一前 湮 (碑, 訪 書 舉 紙, 没 俱 節 判 予 即即 名, 不甚 府 蓋 之 制 首 往 具載 倪 閣 咸 廿 此 來 云:

五〇六

其略云。 然郡橋梁既不詳,言金石者亦未之及,故識

繁,閒

有磨滅數十條,不能辨字。

雨窗

# 蘇州府儒學誌

誌頗 訪之,不可得矣。 憲治所也。 虞儔又刻于浙西憲司之明清堂。 三年,趙彦逾摹刻於建康之玉麟 歲貢官九江 癸酉,有祝允明跋。 吴寬、王鏊、沈杰、林庭榻諸序,刻成于正 載石刻。 蔡昂《蘇州府 府 明正 推官,書成時已踰七望八矣。 黄山谷《食時五觀 德中,此 儒 學誌》 昂字惟中,吴縣人,由 碑尚在 四 l卷,前· 堂。 一郡學。 蘇州即浙 帖》,慶元 有徐 次年, 源、 德

是

先

大父生平著述,久已風

行

海

内。

(書刻成于乙丑歲,未及十年,

而

刷

印日

十駕齊養新録卷二十終

年五月六日。

孫男師

康百拜謹

記。

之梓人,悉加

補葺,庶爲完善。

嘉慶十六

夏,並取舊本及《金石跋

尾》中漫

漶者,付

相成

也。

士。

是戠、

埴同物,

皆取黏義。

黏與合,義

# 十駕齋養新餘録卷上

嘉定錢大昕

有得」句協韻。撍、臧、宗、簪皆聲之轉。唯代以前無簪、笄字,當以「哉」爲正,與上「大臧、荀作宗、虞作哉。哉,叢合也。予謂三臧,間盍簪」,古文簪作貸。京作攢、馬作

《禹貢》:

「厥土赤埴

墳。」孔傳:

「土黏日

古文貸無義,當是轉

寫誤耳。

哉與埴

同。

《攷工記》:

「搏埴之工。」鄭亦訓

埴爲

黏

填。」鄭康成本作哉。

徐、鄭、王皆讀曰

熾

下兩徹,無異形亦無異讀也。
名,不嫌同文。如《孟子》「徹者,徹也」,上名,不嫌同文。如《孟子》「徹者,徹也」,上名,不嫌同文。如《孟子》「徹者,徹也」,此古本也。

簭

作

戠

# 武王克殷之年

法歲星 以 少 古法超辰之率定之。 在 未。 爲己卯。 似異而 武 孔 與 王 克 太歲 穎 實非 干支雖有 達《詩正義》 殷、《國語》以 恒 異 相應, 也。 後世不用超辰, 不  $\wedge$ 星在鶉火,則太歲 竹書》: 同,於積 謂是歲 爲歲在 辛未, 算元 鳴火。 周 武 無 則 此 多 斷 用 必

像

五〇七

説皆非是。 上溯武王克商之歲當在壬辰。《唐書·歷志》。三《史記集解》。唐一行以康王十一年歲在甲申,《史記集解》。唐一行以康王十一年歲在甲申,「武王定位元年歲在乙酉,六年庚寅崩。」見十二年辛卯伐紂,十七年陟。」皇甫謐云:十二年辛卯伐紂,十七年陟。」皇甫謐云:

敘而 《年表》始于共和,共和以前 術》,依魯歷及《世家》,推得周初以來紀年 蓋已難 孟堅所不論。 秋二百四十二年,春秋後又二百二十五年 而爲秦所滅: 次之。夏、殷以前經典 自武王克商至魯隱公之元四百年,春 攷。 班孟 後儒妄説,皆未可信。 凡八百六十七年。太史公 堅《漢書》 載 無 周諸王之歷 明文,子長、 劉 一
歌
《
三
統 年

## 蜀石經毛詩

《江有汜》三章,皆有「之子歸」句。蜀

此篇亦當依蜀本有「于」字。 于苗」、「之子于狩」、「之子于釣」皆四字句,「之子于歸」者不少矣。「之子于征」、「之子石經「歸」上並有「于」字。予攷三百篇中云

四字成句,亦視它本爲勝。「昔育恐育鞠蜀」,石經無下「育」字,以

# 左傳服杜之學

《申杜難服》以答靈恩,世並 義。每文句常申服 習《左傳》服解,不爲江東所行,乃 義》以明之。 《南史·儒林·崔 ●「自梁代諸儒相傳爲左氏學者,皆 時助 教虞僧 以 難杜,遂著《左 靈 誕 恩 傳》 又精 傳焉。』《王元規 杜學,因 改 靈 氏 説 恩先 作 條 杜

● 「元」、原誤作「文」、據《南史》改。

條。元規引證條析,無復疑滯。」以賈逵、服虔之義難駮杜預,凡一百八十

### 春秋十二公紀年

隱公元年,歲在豕韋,太歲當在甲寅。

今曰己未。

桓公元年,歲在元枵,太歲當在乙丑。

今日庚午。

莊公元年,歲在鶉火,太歲當在癸未。

今日戊子。

之,其末年太歲當 而《 正 莊公即 義》云「閔 位 在 公元年歲 卅二年,以 甲 寅,歲星應 在 常 大梁」 在 率 計

> 術》、率與本術不合、安能精思及此。 一定在超辰之限。太歲超乙巳入丙午、歲星 正在超辰之限。太歲超乙巳入丙午、歲星 正在超辰之限。太歲超乙巳入丙午、歲星 正在超辰之限。太歲超乙巳入丙午、歲星 正在超辰之限。太歲超乙巳入丙午、歲星 一起丙子之故全然未曉、轉信虞、恭諸人 一起丙子之故全然未曉、轉信虞、恭諸人 一起丙子之故全然未曉、轉信虞、恭諸人 一起丙子之故全然未曉、轉信虞、恭諸人 一起丙子之故全然未曉、轉信虞、恭諸人 一起天之故全然未曉、轉信虞、恭諸人 一起天之故全然未曉、轉信虞、恭諸人 一起天之故全然未曉、轉信虞、恭諸人 一起天之故全然未曉、轉信虞、恭諸人 一起天之故全然未曉、轉信虞、恭諸人 一起天之故全然未曉、轉信虞、恭諸人 一起天之故全然未曉、轉信虞、恭諸人

閔公元年,歲在大梁,太歲當在丙辰。

今日庚申。

僖公元年,歲在鶉首,太歲當在戊午。

今日壬戌。

今曰乙未。 文公元年,歲在降婁,太歲當在辛卯。

曰癸丑。

宣公元年,歲在壽星,太歲在己酉。

今

成公元年,歲在降婁,太歲在丁卯。今

五〇九

日 [辛未。

己  $\bar{\Xi}$ 襄公元年,歲在壽星,太歲在乙酉。 今

曰

昭公元年,歲在大梁,太歲當在丙辰。

今曰庚申。

固 得歲而吴伐之」之占。歲星超辰,在左氏 在鶉火,算至卅二年,正在星紀,故有「越 太歲超庚午入辛未。服子慎所謂「有事 歲,又值超辰之限,歲星超鶉首入鶉火, 于武宫之歲,龍度天門」是也。 有明文矣。 昭十五年,距莊廿三年,滿百四十四 自此年歲

定公元年,歲在玄枵,太歲當在己丑。

今日壬辰。

哀公元年,歲在大梁,太歲當在甲辰。

今日丁未。

春秋十二公,二百四十二年,太歲干

差三辰。 以前,相差四辰。如襄廿一年本乙巳,而 甲寅,而今人以 莊廿三年以前,相差 支,與今人所推不同,前後亦分三段。 爲壬戌是也。 今人以爲己酉是也。昭十五年以後,相 如哀十六年本己未,而今人以 為己 未是: 五辰。如隱元年本 也。 昭十五 自

年,固宜差二算矣。溯而上之,春秋二百四 故太初元年,太歲 差者,古術太歲與歲星皆百四十四年而 年之差。予謂吕不韋以秦相國紀秦年,所 秋》云:「維秦八年,歲在涒灘。」申。 世》,秦始皇八年,歲 丑,已差一算。秦始皇在太初 用即《秦歷》也。而以 一辰, 自周訖秦漢皆然。東漢始不用此法, 王伯厚曰: 在 嘗攷《通鑑》、《皇 丙 在壬戌。 今法上推,有兩 子,而 後 前 而《吕 人以 百三 十餘 爲丁 氏 極 辰之 有 超 春 經

同也。 超辰使然。 十二年閒,或差三算,或差四算五算。 己卯,則差八算矣。 而上之,至周武王伐紂本辛未,而 書》「涒灘」當爲「淹茂」,失之甚矣。 閻若璩不知 要于積年元無增減,似異而 古有 世愈遠則差愈多,皆 超 辰 法,遂 後 人 謂《 以 又 昌 實 爲 溯 由

#### 太歲超辰立 成

起 年「歲在大梁」,與卅二年「越得歲」二文,非 能不用服虔「龍度天門」之説者,以昭十三 太極上元。」則已昧其根本。 達《春秋正義》云:「《三統》以庚戌之歲 十八年,而周十二辰,是爲歲星歲數。 子,亦百四十四 星紀,百四十四年 《三統術》,太歲與歲星恒相應。 [年而 而超 超一辰。凡千七百二 一次; 唯歲星超 太歲 孔 辰 歲 起 不 爲 穎 丙 星

> 篇,俾言太歲者有所折 用超辰,便多齟 龉 耳。今以歲數分爲十二 衷焉

丙子篇第

滿百四十四歲爲一篇。

辛丑篇第二

此第百四十五年也。 太歲超庚子入辛丑,歲星超星

紀入玄枵

丙寅篇第三

此二百八十九年也。 太歲超乙丑入丙寅, 歲 星 超

枵人豕韋。

辛卯篇第四

章人降婁。魯公伯禽五年,人辛卯篇 此四百三十三年也。 太 歲 超庚 寅 人辛 卵 歲 星

超

丙辰篇第五

此五百七十七年也。

太歲超乙卯人丙辰,歲星超

婁人大梁。 魯微公廿六年, 人丙辰篇

辛巳篇第六

此七百二十一年也。 太歲超庚 辰 入辛巳,歲星 超大

五

梁人實沈。魯懿公元年,人辛巳篇。

#### 丙午篇第七

沈入鶉首。《春秋》莊公廿三年,人丙午篇。此八百六十五年也。太歲超乙巳人丙午,歲星超實

#### 辛未篇第八

人鶉火。魯昭公十五年,入辛未篇。 此一千零九年也。太歲超庚午入辛未,歲星超鶉首

#### 丙申篇第九

超鶉火入鶉尾。魯穆公廿七年,周安王十九年,人丙申超鶉火入鶉尾。魯穆公廿七年,周安王十九年,人丙申,歲星此一千一百五十三年也。太歲超乙未入丙申,歲星

#### 辛酉篇第十

超鶉尾人壽星。秦始皇八年,人辛酉篇。 此一千二百九十七年也。太歲超庚申人辛酉,歲星

### 丙戌篇第十一

此一千四百四十一年也。太歲超乙酉入丙戌,歲星

### 超壽星入大火。

辛亥篇第十二

此一千五百八十五年也。太歲超庚戌人辛亥,歲星

### 春秋正義宋槧本

超大火入析木。

書不知轉徙何氏矣。 書不知轉徙何氏矣。 書不知轉徙何氏矣。 書不知轉徙何氏矣。 是門朱文游家藏宋槧《春秋正義》三十 是門朱文游家藏宋槧《春秋正義》三十

#### 譙周注論語

「儺,卻之也,以葦矢射之。」注《續漢書》曾一引之。「鄉人儺」注:註《續漢書》曾一引之。「鄉人儺」注:

#### 孟 季子問公都子

非長而 孟 父之敬,以分不以年。 能答也。 鄉人之長所奪,是敬不敵長矣。 雖以「行吾敬」曉之,但以伯兄之親,而仍爲 季子再難,不能更執長字,方知孟子立言之 而 彼長而起,安得云在内? 此公都子所以 長實在外。 被長 季子習聞其説,故亦以義爲外。 告子「以義爲外」,病在「 而 亦有當敬之時,則義在敬不在長, 及孟子有敬叔父與敬弟之難。 我長之之説,不 即曰「斯須之敬」,而此敬終從 而弟則幼于我者,弟 攻自破矣。 以長 敬即在内 公都子 爲 厥後 義 叔 不

飲 iE 齒位之禮。 則誰先?」曰: 「先酌鄉 其時鄉 人、伯兄咸在賓位 人。」此鄉

> 當以齒序, 客,豈有先酌伯兄之理,何必計其長一歲否 而 弟 爲 所 行 酒 謂 ,則不論年紀長 鄉黨莫 如 监 也。 幼, 若 總 伯 當 兄 先 宴

#### 諸 經 音

邪?

侃、 《詩》音者九人,鄭元、徐邈、蔡氏、 音。爲《禮》音者,鄭元、王肅、李軌、劉昌宗、 范宣、徐爰、射慈以下音《禮記》。 徐邈、射慈、謝楨、孫毓、 軌、徐邈。 元、李軌、徐邈。 陸云: 王肅、江惇、干寶、李軌。 陸德明云: 爲《尚書》音者四人,孔 爲《易》音者三人,王肅、 漢人不作音,後人所託。 曹 耽 近有沈重,亦撰《詩 王 一曉。 尹 孔氏、 安國、 音(周 蔡謨、 爲 鄭 李

毓」下、《經典釋文》有「繆炳」二字。

十駕齋養新餘録卷上

近有 戴逵音。 軌、荀訥、徐邈。 王元規又撰《春秋音》。《公羊》音 陳施乾、 有李軌、江惇。 左氏》音,則服虔、高貴鄉公、嵇康、杜預、李 戚 衮作《周 謝嶠、顧野王並撰音。 《莊子》有李軌、徐邈音。 禮音》,沈 《論語》有徐邈音。 重撰《周禮》、《禮記 音》。 《爾雅》則 《老子》有  $\wedge$ 春 秋

### 大題在下

云 皆移大題於上,而古式遂亡,今讀者且不知 之下,所謂大題 訓傳第一》列于上,「《毛詩》」兩字列于此行 經皆大題在下。 書》、陳壽《三國志》亦然。」●予案: 植、鄭元注《禮記》,●並大題在下。 古書多大題在 「《毛詩》,故大題 在 如《詩經》卷首、《周 下也。 下。 在下。 宋、元以 陸氏《經典 案 馬 來 班 南 唐 融、盧 刻 固 釋 刻 • 文》 本 詁 石 漢

在下。淮南轉運司監雕本。何語矣。予曾見《史記》宋大字本,亦大題

# 昏當从唐本説文作昬

民聲」。今附于昏下,疑非許氏本文。 俱别,依許祭酒 省」,徐氏誤仞爲氐省。「氐,下」之訓,亦徐 日,民聲。唐本以 「民」,改爲氐也。 徐本从氐省。 戴侗《六書故》云: 氐者,下也。 一 《説文》: 又引 例,當重出昬,云「或作昬, 日民聲。」案: 「昏,日冥也。 然則《説文》元是昬字,从 避諱減一筆,故云「从民 唐本《説文》从民省。 鼂説之云: 从日,氐省。 **氏與民音義** 因 頃讀 唐 諱

- 「禮記」、《經典釋文》作「三禮」。
- ❷ 「志」下、《經典釋文》有「題」字。

協。 其 所 之類,不一而足。 緍、痻作瘠、硌作碈、暋作暋、愍作愍、蟁作蟁 民者、盡易爲氏。 民,婚亦从昬。 (非許) 从氐省者,淺人穿鑿傅會之説耳。 附 唐石經遇「民」字皆作「民」,而偏傍 益 元文信矣。 又不 敢 輒增昬字,仍 民者,冥也,與日冥之訓 則昏之爲避諱省筆無疑 如 案: 岷作岷、泯作泜、 漢 隸 附民聲于下。 字 原唇皆从 緡 作 从 相

恵

文, 已有此字,蓋 相似,俗生附會成之。 臣,其義淺鄙。 俱 有「思」字,云「古臣字」。 由 論 於 語》、《釋文》於《泰伯》、《先進》兩篇 不 精 出六朝人妄作。 小學故 當因艸書「臣」作五,與 也。 陸德明著書在隋季,  $\wedge$ 案 戰 陸 國 氏仞爲古 策》亦 一忠爲 一忠 有

漢古文,則惑矣。造。要是魏、晉以後增加之字,若仞作秦、予謂武后頒行十二字亦有所本,非盡出肊「埊」「思」字,姚宏校本以武后所造深疑之。

#### 古今音異

《春秋傳》「三周華不注」、《詩》「鄂不韡韡」, 言之。 代、秦、漢之音矣。黄公紹《韻會》又收於人 鄭箋亦用此義 宥韻矣。 以來,讀 蓋齊、梁以後之音,轉重脣爲輕 聲屋韻,讀不爲卜, 韻,入聲物韻,一讀 聲音與時 古讀富 富如傅,南北 古讀不如丕,轉音「跗萼」之「跗 「如備。 變易,未易更 也。 《廣 如浮, 與《 ^ 無 (廣韻) 《韻》兩 廣韻》 異音,不 讀 僕數 收 以 兩音復不同 如弗,已非三 層也。 富 于平聲、 · 復 知 人宥 其 尤

别。 今南 押 唐、宋人應試詩 人尤韻。 人 多讀 不 今人則押 如 鉢 與 賦,官韻有「不」字者, 弗 人物 亦 有 韻 重 脣 輕脣之

在 答」,與退、遂、醉、誶爲韻。 者。 嚴、 治、 人聲。《詩・小戎》以 納,内聲。 秋》「公即 秦、漢之音。 吴中方音讀蓋如 聲,古書多以 隊 凡之人聲。 狎、業、乏爲侵、覃、談、鹽、添、 答,對也。 韻, 論古音四聲者,以 ·胄」字 急 訥 與 位」,古文作 古書「出納」字或作内,内亦當从 在 亟 或 盍、蓋通 磕又人曷 通。 没韻,納 作 今以 《詩 介。 敢,聲相 ^ 易・ 古音求之,亦有未 韻。 用。 文。 籲, 軜 雨 在 緝、 與合、 無 井》九 《檀弓》以蓋 黠 立,古位字。 阚 近而譌,非三代、 位當从 蓋在泰部,从 合、 正》篇「譖 聲。 韻 邑 盍、 介, 韻。 立 爲 咸、 葉、 瘱, 盍 甲 得 汲 言 《春 甚 而 銜、 也 怗 與 皆 内 今 盍 則 協

部有殟、温、兀。

曷

部

有怛、妲、頞、閼、

食、 擷在屑 質部。 去聲。 部。 部。 至部。 字。 部,椰,又入質。 遽仞爲古音。 音,分入三部。 有「忝」字,然不以 「批」音寒。 井》渫、 紲皆在薛韻。 惻 點、 即,在職部。 而藥、鑠、 易傳》多以業與 劫、怯 屑 部。 福 室,在質、屑 劼、 息列 部 韻。 秸 邯,甘聲。 有菍字, 樂 反,徐食列反。 亦去 變即 侵 爍另爲 在 在 軏、黦、訐、钀皆 堲、蝍,又在質部。 部 点部。 覺 節,在屑部。 又从某之字或 聲。 擎字, 協韻、未可以 無 部,又在 部。 與 八德韻。 部。 忝,天聲。 入聲,針、砧、枯 涅 柴,世聲。 《禮》 摯、 結、拮、袺、 同 轢 古、 | | | | | | 音。 騭, 陟聲, 而 有 鐸 葱 柳、 歷、 在月部。 佶、 部, 隋、唐之 入 葉, 執聲 「邯鄲」之 渫, 三百 渫 櫛, 又 姞 襭 至,在 以 W 在 在 刺 在 皆 篇 或 制 反 效 晳 音 升

餮、飻、堅、絤、粞、咽。辪部有讞、钀、钀、轅、積、有牖、隘、堰。鎋部有咀、齾、纂、剿。屑部有預、簸。末部有鉢、鬢、斡、睕、眍、捾。黠部

**換、準、焆、涓、纂、閣、剿。** 

俗字。 咎爲韻,答與退韻,納、軜皆内聲。 與蟄韻。 在 乏爲凡之人聲。 泛,乏聲。 敜,念聲,與涅相近。 有平上去入四音。 音。葉、怙爲鹽、添之入聲。 介聲近,介在怪韻。 不相近。 無平聲。 愈諸字無人聲。 葉、巤、楫、楫當在緝韻。 涉亦 檢部。 緝非侵之人聲。 盍非談之人聲。 譫,章盍切,非古 咸與覃, 治與合, 皆 唯占在鹽部,而怗、帖皆占聲。 合非覃之人聲。《詩》以集與猶、 齊、梁人制此韻以當輕脣之一,未 業與嚴偏旁無相从者。 寁, 疌聲, 而 《詩》 洽、狎與咸、銜偏旁俱 以輯 貶亦乏聲,而即 一類 然鹽、兼、纖、 與 也。 在 罨、署皆 洽韻,緝 感部。 甲與 厭

必合于古音。

有入聲。 侯、幽。此外旦、泛、厭、奄、兼、占等字,偶皆、灰、咍、魚、虞、模、蕭、宵、爻、豪、麻、尤、皆、灰、咍、魚、虞、模、蕭、宵、爻、豪、麻、尤、皆、灰、咍、魚、聲,唯支、脂、之、微、齊、佳、

十駕齊養新餘録卷上終

五一七

# 十駕齋養新餘録卷中

嘉定錢大昕

名于卷中,而

猶

於列

傳之下,注爲《列女》、

高隱》等目。」范史本題《逸民》,此云《高隱》者,避唐

習》篇又云:

「蔚既移題目于傳首,●

列

姓

是則范氏《後

漢書》始有《目録》也。

於《因

#### 史漢目録

案孔目、藥艸經方,煩碎之至,孰過於此?」其子孫附出者,注于祖先之下,乃類俗之文全録姓名,歷短行於卷中,叢細字於標外,《史通‧題目》篇云:「蔚宗舉例,始

# 諸史目録皆後人增加

諱,非誤記也。

月、(陳書》三十六篇者始校定,可傳之學 年冬,稍稍始集,臣等以相校。至八年七 詔 陳等書缺,獨館閣所藏,恐不足以定著。 讐,使可鏤板行之天下。 所 藏,往往脱誤。 京師及州縣 曾子固《陳書目録序》云: 藏書之家,使悉上之。」至 嘉祐六年八 而臣等言: 月, 「其 有韶 書祕 願 校 府

「蔚」下,當脱「宗」字、《史通》卷五《因習》作「范曄」。

0

其書舊無 録》一篇。」予案: 其 疑 目 者亦不 列傳 敢損益,特各 名氏 子固 多闕 所謂「各 謬, 疏 因 疏 於篇 别 篇 爲《目 末 末。

者,今亦未見,蓋後來重刊失之矣。

### 太史公李延壽

得 也。 滅, 當 周、 初 暴并天下,雖自稱帝,非人心所歸 項羽本紀》則怪之。 不 不欲以秦承周,以漢承秦。 稱 秦主命者十有餘 又四五年。 漢之閒。後人於 秦、項 王。 紀其 太史公作十二《 興 此未達乎史公之旨者也。 雖非共主,而業爲天下主命,不 廢之迹。 沛公之爲漢王,亦項羽 劉知幾謂「羽僭盜,不 本紀》, 年。 秦始皇無異言, 秦之稱帝,與項之稱 秦既 以 特以六 滅,項 秦、項 向。 史公 秦 而 國 列 所 氏 既 以 於 立 主 于

> 之際。 陽《綱 也。 史公、李延壽之例,較之《綱目》,實勝 其義例正大,有太史公之風焉。後儒尊紫 江 則 堅漢臣,故有意抑項,然較之史公之直筆, 仍附之《六國表》。及陳涉起事,即稱秦、楚 繼以十二諸侯,繼以六國。始皇雖并天下, 也,於何見之? 霸王,均不得與五德之數。 南,而 相去遠矣。 班氏《漢書》始降陳勝、項籍爲傳。 目》,然於秦、隋猶以正統予之。 秦、楚皆周舊國,是秦未嘗有天 李延壽猶列之《北史》,不少分别, 隋亦以 於《表》見之。 不仁得天下,雖兼并 黜 秦所以 三代之後, 尊漢 下 孟

### 史記年表

年,歲在庚申,訖周敬王四十三年,凡三百《十二諸侯年表》,徐廣曰: 「共和元

《六國表》起周 凡二 年。 赧 六十五 王人秦,凡五百八十六年。 元王元年乙丑,至赧王五十九年乙巳, 百廿一年。依《史記· 年。 共 元王, 訖二世, 凡二百七十 和 在 春秋 前一 年表》,共 百 + 九 和 年。」 至

崩。 辛 親 卯, 政 五 周公攝政七年,始己卯,盡 周武王十三年辛未克殷, 歲星超娵訾人降婁。 年, 即伯禽之五年。 太 又七年 歲 Z 超 西。 庚寅入 成 戊 王 寅

### 漢書王子侯誤字

子。 仁煜 敬 0 書山 諸城與城陽 《漢表》作「原洛侯敢」。 史記 以《 於縣南鄉 太史公書》攷之, 王 子 國不遠,或 得 侯 古印一,文曰「石 年 表》 知爲 石 有「石洛 頃歲,諸 洛侯 城 封 陽 侯 即 洛 城 頃 在 王 侯 李 劉

# 蘇林音肸爲塈

其

(境邪?

^

漢書》「原」

」字必是轉寫之譌

肸飾。」蘇林曰:「肸音『塈涂』之『塈』。《漢書·禮樂志》:「鸞路龍鱗,図

罔不

### 漢人異讀

服虔曰: 「蔡音楚言蔡。」 《漢書•李廣利傳》: 「宛貴人昧蔡

# 續漢書百官志注譌字

+ 昭注《百官志》: 年, 予 初 丞相 讀 後 軍 漢 師 書 華 御史大夫郗慮免,不 歌爲 獻 帝 御 紀 史大夫。」 建 引劉 安二 得

志》。 免,不復補。」乃 三年,罷司空置御史大夫。 言之矣。頃讀《宋書·百官志》: 大夫,不當載於《 補。」證華歆爲 又知今本劉注「得」字當爲「復」之譌。 魏 知 獻 國御史大夫, 劉 帝 氏注本於《宋 紀》。 御史大夫郗 已於《攷異》詳 非漢之御 「獻帝 百官 慮 + 史

#### 三國志注

依今本增入,非裴氏元文。 「予有亂十人。」《魏略》載文帝詔云: 周有亂臣十人。」又《魏略》載文帝詔云: 『一國志注》引《劉廙别傳》云:「昔者非。《三國志注》引《劉廙别傳》云:「昔者非。《三國志注》引《劉廙别傳》云:「昔者

#### 史傳稱人字

傳》。 「隱者董仲道見。」而謂之仲道,亦稱字也。 鑒。」似即一人。但陔爲沛國竹邑人,傳稱 者,坦之字也。《隱逸·范喬傳》: 共詣超,日旰未得前,文度便欲去。」 「濟陰」,豈同時有兩公榮乎? 爲「同郡」,則公榮亦 劉公榮有知人之鑒。」公榮名昶,見《 **《晉書** 《武陔傳》: 郗 超傳》: 「同郡劉公榮有知 沛國人矣。 謝 安嘗 《王弥傳》: 而彼傳云 與王 「濟 文度 人之 E 文度 戎 陰

### 晉書地理志之誤

康,僑置徐、兖、青、豫諸州郡于揚州之域,晉自永嘉之亂,中原淪陷,元帝稱制建

事、徐 以 事 督 都 紀》一篇言之,初云: 縣 於宋 于南 月 如 有 世 僑 有 改授 即即 督揚、 辛 北 十六州諸軍事。」又云 揚、徐、兖、豫、青、冀、幽、并、 故 州 土 處 鎮 、受禪 者,聽 徐、 酉, 也。 斷之令。 中 僑 都督荆、 州 裕 州名亦從 軍 華 郡 諸 北 刺史。」義熙元年云: 徐、兖、豫、青、 滅 ^ 將 流 以 未 以 青、北 宋 舊 南 人。 軍,徐、青 後, 有 南 郡 書 燕, 然自 司、 加 而 爲 縣 . 而 初 收 兖之名。 梁、益、 改易。 武帝紀》: 號。」是郡縣去北 以 晉 無實土, 南」字者。 元 復 北 朝 二州 徐、兖、 帝至孝 爲名者 冀、幽、 無 推 試 寧、雍、涼七州, 此 高 丽 及 即《宋書 刺 「解 名 武 青故 祖爲使持 永 僑置之名, 悉除 桓 史。」 并 安 也。 江九州諸 青 使持節 百 温 帝 八州 初 州, 加南, 士, 有 當 又云: 義 不 元 餘 國 諸 武 於是 加 獨 寓 年 熙 都 節 年 并 軍 帝 始 猶 之 軍 郡 立 始

刺史。 州,而 四 之汝 北 年, 城、沛、 之前 刺 之高平、魯、泰山十郡,封 湘、南秦 去涼 晉 年,公表請「依界土 兖 年, 琅 史 州 州之名,紀文不具。 陵者,不 進宋公爵爲 邪 南 刺 如 州,又增 固 不加「南」字。 增都督南秦,凡二十二州」。 蘭陵、 固 史。 故。 北 州刺 七州 北 無 讓進 在 潁 東莞、 南 四 表 史。 川 下邳、 斷 也。 北 督北 一爵 年, 解 例。 之分也。 北 \_ 北 王,以徐 兖州」。 是年十月,「以徐州之彭 授揚 南頓 淮 徐、 於是始有 東 斷、唯徐、兖、青 元 至十二年,「 此 海、 陽、 北青、 熙元 蓋 + 徐、兖、青 州 公爲宋公」。 州之海陵、 于前十六 北 此 Ш 五 郡 刺 年 皆 譙、 陽、 年,「 北 北青 史, 益宋 Ė 在 廣陵, 兖、 北 徐、 月,「又申 加 南 煮 詔 州 梁, 國 此二十 交、 州之内 領 三州 矣。 僑 加 燕 兖 東安、 豫 + 兖 兖 立 未 之 州 州 居 九 滅 州

分?

出

郡

南

濮

南

清

矣,唐人修《晉書》,於《 則東晉之世, 中,所云彭城、沛、 郡多謬妄。 者皆僑置之郡,而 又置 新 進 南 亦 居京口。」 陽 河、 屬 而 川、滎陽十郡 以 東 蔡,兖 南 立 頓 成 徐 南 南 海、南 渡 臨 邱 州 下 太 穆以 兖二 僑 淮、淮 郡屬北 之海 邳、 平、 州 僑立州郡 不 如《 立之州, 琅 之 前 知 州。 南 南 徐州篇》云: 邪、 巓 陵、 陵、 北 郡 元 東 益宋國」。 徐 泰 不繫「南」字。 陵、 陳 名 南東平、 帝 穆 莞、 南彭城等郡,屬 東 地 州。 Ш 而 留 本 無「 下邳、 時 帝 海、 理 南平昌、 俱無「南」字。 無 安 時 南 司 明 志》述南 南」字,斷 北 濟 南字 有 州之 帝又立 南蘭陵等郡 移 譙、 高平、魯、 此二十郡 陽 「元帝 南、 南 南 即徐 陳 北 南 北 東 渡 南 濟 郡、 梁, 可 此 徐 海 魯 南 以 僑 州、 陰 沛 等 徐 然 泰 江 立 識 汝 豫 者。 曾無 東海 者歷 同。 郡。 北 永 據 詞 流

乘置

州

兖

州

Ш

州

之

前

命

分

武

允當。 傳中,除 刺盾,當不待鳴鼓之攻矣。 書》論之,紀傳之文,無有與 史,寄居 徐州 也。 宋 太守、南 歷 試檢 後改 一人悟其失者。 篇》之南 書 可數,曾有 ^ 唯云「又改 僑 廣 兖 • 爲南 南 立郡 州郡. 陵, 州 渡諸 琅 篇 濮 置 兖 或 邪 志 \* 陽 帝紀、除授徐、兖二州 州。 濮 稱 守相者多矣,亦曾有  $\overline{\mathbb{I}}$ 内 爲 諸 陽、 南徐、 甚矣,史學之不講 史者乎? 南 而 郡, 此 濟 兖州」 不 所舉濮陽諸 而 明 南兖者乎? 察其 陰、高平、 志相應者。 不 而千二百年 帝 繫 則 以 爲 即 以 誤 郗 宋 南, 與 泰 鑒 史 部《 也 刺 徐 是 爲 臣 諸 Ш 矛 臣 史 州 爲 即 等 刺 之 南

嘉大亂, 晉 民 宋書 成 相 帝 幽、冀、青、并、 率 咸 州郡志 過 和 淮 四 年 亦 南 有 司 徐州篇》云: 過 兖 空 江 州 郗 在 及 鑒 晉 徐 又 陵 州 徙 流 郡 之 淮 晉

之名 徐。」 州。 立 其 又 南 又 流 徐 近 猶 州 在 州 在 南 實 立 文 民 帝 爲 或 江 兖。 」此 治廣陵。 初 出 徐州 冀 南 多 也。 刺 此 安帝 北 南青州及并州,武帝 永 治 淮 非 條 南 初 者 州 于史臣追稱,欲示 青州」, 史者,據宋制 南 江 當 條 二年, 述晉僑立徐 渡,晉成 義熙七 者 北 並 南 時 後 後又以 于 云「晉成 立 安帝 省。」《 兖 本 江 似東晉時兖、青已有「南」字。 晉 僑 稱 州 加 北 年,始分淮 陵 帝 郡 徐 義 篇 幽、冀合徐,青、并合兖。 又 青 諸 帝立 立 而言, 州 縣 ^ 熙五年,平 州事 僑 州 冀 縣,其 南 以 日 立 州 篇》云: 南 永 兖 南 司 最 别 而 幽 篇》云: 牧之。 北 兖 初 州 徐 晉 徙 分 於淮 中 寄 州 元 爲北 過 時 明 而 廣 原 寄 治 年,省并 初 淮 江 固、北 青、 北 治京 亂 徐, 徐、 京 江 南 無 首 北 之兖、 口 并 淮 左 江 南 云 兖 北 但 及 П 左 僑 併 南 時 州 徐 南 四 日 留

皆

陽

帝

誤。 字 州, 當 \_\_ 治 見,「 時 要非《宋志》之失,唐人讀史不審耳 東 而 有 陽 北 此 南 城 青 稱 青」字 州 而 也。 首 僑 再 日 立 唐 見, 青 南 人修《晉史》,因此 州。」此二條「南冀」 青 皆史家變文 州 如 故 後 示 省 致 南

非

青

州

立。二非 不相 孝武孝建元年立。」 断 平、濟陰、北濟陰四郡。」此四 渡 州 畫 不 繫之徐 ,亦當在 涉也。 之 時,不在元帝時 言 江之後,徐州所 淮 晉志》之最謬者、《 半, 南、 何 元 時立,據「來配」之文, 帝 州 |淮南,不 不 北 淮陽則 也 矣。 過 爲 界, 淮 陽 然《宋 南 云 在 平 而 也。 則 得惟 則 淮 數 元 是宋之孝 志》 郡 云 北,而《宋 帝 徐 況宋武分兩 「安帝義熙 半, 耳, 渡 州 於 江 乃 篇》云: 即 北 亦當 一郡在《宋 流 之始, 僑置 武 有 濟 寓 志》 僑 在 中 與 陰 來 徐州, 淮 所 所 立 義 土 晉 굸 配 元元 志 陽 列 得 熙 貌

縣

徐

本

土

雖

屬 當 之制,誤仞 徐 兖州 知 州之境, 限 皆非 斷 淮 爲 則 徐 陽 皆 元 土 屬 帝 淮 也。 豫 所 北 也。 置 州 在徐言徐 乎 陽 豈 1 平 可 史家. 屬 執 司 可 矣 州 志 熙分配 地 濟 何 理, 暇 陰

#### 毛寶傳誤

軍。 毛寶 討郭默者陶 進 傳 南 中 郎 侃 庾 隨 非庾亮也 亮 西 討 鎮, 郭 默。 請 爲 默 輔 平。 或 將

#### 朱序傳誤

以 時 序爲 長 城 朱序 中 軍 錢 傳》 司 宏 馬、 聚 黨 吴興太守。 太 百餘 和 末, 藏 遷 序 兖 至都 原 州 鄉 刺 討 史。 Щ 擒

> 是歲, 之。 亦 年 守 年二月,非寧康 襄陽,在太元二 攷之,朱序 應,襄陽遂没,序陷 沔中諸軍 非 賊 即 糧 苻 月, 事訖還兖州。 在是歲。 盡 堅 事、南中郎 非 討平錢 行 遺 其 太 退。」「督護李伯護 也。 年三月, 苻丕 和 傳 將 也。 步射、錢宏等,在寧康二 所書皆誤。 于苻堅。」今以《孝武紀》 苻丕等率 將、梁 序在襄陽 寧 序自兖州 康 初, 州 刺 衆圍 陷 拜 逾 史, 使 年 襄 密 遷 ·而始 序, 持 陽,在三 鎮 梁 與 節、 襄 序 州 賊 陷, 鎮 相 固 監

#### 劉逵

左思《三都賦》,爲之注者劉逵、張載

- 「末」、《晉書》卷八十一《朱序傳》作「中」。
- ■「都」、《晉書》卷八十一《朱序傳》作「郡」。

也。 即 其人否?  $\wedge$ 趙王倫傳》 有 黄門 侍郎 劉 逵」, 未審

#### 孟 康

祖

孫父子族屬合爲一篇,蓋取法盛例

中興書》中之一篇也。

李延

之壽《南:

北

史》

以

太守、 此别一 監,封廣陵亭侯。」不聞其仕晉 魏散騎侍郎、恒農太守,領典農 古《敘例》云: 洗馬孟康、前 晉書 給事 孟 康, 中、散 王濬 非 温 孟 注《漢書》之孟 令李密等並表訟濬之屈。」 騎 傳》 康字公休,安平廣宗人。 常侍、中 「博士秦秀、太子 - 書令, 也。 康 校尉、 也。 後 勃 轉 顔 爲 海 師

#### 何 法 盛

本 紀日 何 典、表曰注、志 法 盛 中 興 書》,名目 日 記 列 傳日 與 諸 録 史 論 異 日

> 述。 並見劉 氏《史通》。

陳 郡謝録》、《濟陰卞録》,此類 李善注《文選》,引 何法 盛 琅 甚多,即《晉 邪 王録

《 斷 經。」是《鬼神録》亦法盛書之一篇也。 撰《晉史》,專訪州閭細事,委巷 録。』《氐羌録》當亦法盛書篇名。 編之,目爲《鬼神傳録》,其 限》篇: 史通· 書事》篇云: 「江左既承正朔、故氐、羌有 事非 三王 到 消言, 隱、 要,其言 何 聚 法 又 盛 不 而

知,儻湮没不行, ①良可惜也。」 氏《中興》,實居其最。 劉知幾云: 「東晉之史,作者多門,何 而爲晉學者,曾未之

没」、《史通》卷十七《諸晉史》作「滅」。

無遷、固,徒煩翰墨,不足觀采。」之譚,文詞鄙穢,體統煩雜,直愧南、董,才撰《齊書》,兼修隋典,好詭怪之説,尚委曲撰《齊書》,兼修隋典,好詭怪之説,尚委曲

畢彰。 稱。 者見嫫姆多嗤,而歸罪于明鏡也。」於《敘 語傷淺俗。 時事,抗詞正筆,務存直道,方言世語,由此 「王、宋著書,宋孝王撰《關東風俗傳》。 悠悠飾詞,皆不之取。」於《言語》篇云: 二史,其所取也,文皆詣實,理多可信,至于 》篇云,王邵《 於《載言》篇云:●「王邵撰《齊》、《隋》 王劭《齊》、《隋》二史,最爲 而今之學者,皆尤二子以言多滓穢 夫本質如此,而推過史臣,猶鑑 齊志》,「長于敘事」,短于口 劉知 敘元、高 幾所

隋五行志多讜言

人。

唯《齊志》正文之外,别有子注,

則知

幾譏其「鄙碎」。

見《補注》篇

之義。 郎虞世南曰: 夫高選,亦當爲天子矣。」又嘗從 朕承籍餘緒而 隋煬帝自負才學,謂侍臣曰: 樂,一日可以當千年,無爲 桀、紂,竟亦何異。 於帝曰:「自古帝王、盡爲灰土、堯、舜、 予最喜《五行志》,多得古人懲 如云齊武成帝時,左僕射和 有四海邪? 「我性不欲人諫。 陛下宜及少壯,恣意歡 自勤約 設令朕與七大 「天下 容 若位望通 也。」人言 謂 士 惡 開 當 勸 祕 言 書

- 「言」《史通》卷五作「文」。
- 「□」。商務本作「論」。

駕齋養新餘録卷中

地。 顯 罰,史家才識如 至於卑賤之士,雖少寬假,然卒不置之於 而 汝其知之一」此三事皆以爲 來諫 我,以 此,視《左氏内外傳》何多讓 求當世之名者,彌所不耐。 言不從之

#### 隋 經籍志遺漏

俗傳》。 晉灼《漢 書 集 解》十 四卷。 宋孝 王 關

東

風

#### 字三字石 經

部、《春秋》一部。 書》、《魯詩》、《 論 語》凡七部。  $\sim$ 經籍志》稱一字石經者、《周易》、《尚 儀禮 稱三字石經者、《尚書》二 其編次一字在三字之前 ×, « 春秋》、《 公羊傳》、

> $\equiv$ 書。 是一 其誤始于范蔚宗,而《隋志》因之。 稱 中郎所書,祗有隸體,魏刻乃有古文、篆、隸 經正字。」此「一字」當爲「三字」之誤。 云 漢刻 體。 魏正始中,又立一字石經,相 字爲 「後漢鐫刻七經,著于石 爲「一字」,取别于魏之「三字」耳。 漢刻本無「一字」之名,魏、晉而下, 漢 刻,三字 爲 魏 刻 碑,皆蔡邕 也。 承以 其 序 蓋蔡 爲 説 所 Ł

#### 謝 旲

 $\leq$ 元帝 中 氏因循, 官》篇云: 梁皇帝實録》五卷, 書 事。」在《雜史類》。 郎謝 隋 無所變革,若劉 . 吴 經 撰。」本一 籍 齊、梁二代又置 志 \* 梁中書郎謝吴撰 百 卷。 陟、謝昊、顧野王、 劉 梁 書四 知 在《正史類 幾 修史學士,陳 **受**史 十九 通 卷, 史 記 梁

史》,武 許善 尉鮑 昊」字形相涉,未知孰是。 行 心之類是 卿 帝 時 祕 沈 書監謝 約 也。」又《正史》篇云: 與 給 昊 事 相承撰録。」「吴」 中 周 興 嗣、 步兵 <校 與 梁

儒

學

謝宣城集》有與謝洗馬吳聯句。

#### 南 宋 事 略

略》, 然擬 其 月,予於小唐 雲没矣,索其 學》、《文藝》、《隱逸》三傳目 改 修《宋史》。 志不克,遂姑 篇 餘 作《南宋 姚 目 邵二 悉 依 家遺 廎 事 予謂 雲 録其目 王氏 故 略》, 晉 篋 藁,無 涵。 當 中 之例, 以 自 精 得 以 有 續 南 于 所 待後賢。 存者。 渡 請 Ŧ 録寄之。 寄目 史 始。 偁 予 學, ^ 酌 録葉, 癸亥 東 嘗 定 都 雲 有 閨 儒 恨 事 欣 志

> 儒 學二 吕祖謙

> > 真

德

秀

魏了翁

李方子

黄

顥

蔡

元定沈。

張

栻

黄

榦

李

燔

張

沿

陳

淳

范

沖

羅

從

彦

李

侗

朱

熹

楊

時

尹

焞

胡

安國

寧寅

朱

震

宏

喻 樗 洪興

邵伯

温

祖

陸

戴 溪

陳溥良

**詳季** 

宣

葉

適

林之奇

林光

朝

楊

劉 清之

廖德明

湯

漢

何

基

Ŧ

柏

葉味

道

王.

應

麟

黄

震

蔡幼學

楊

泰之

程

迥

楊

簡

袁

燮

甫

李舜臣

道 傳

心傳、

性傳。

萬 里 高 閌

**「九龄九淵。** 

 $\pi$ 九

١.
V
7
墊
1

汪 藻 陳與義 葉夢得 程

俱

義。《金史·百官志》:

「諸乣詳穩

一員,掌

、木典

解》:

「乣轄

**乣**,軍名,

轄者,管束之

軍、各部族乣軍、群牧二乣

軍。

又《

或

張 嵲

韓 駒 朱敦儒

克 陸 游

乣

骨典虬、失魯虬。

又有慈謨典乣、

胡都

守禦邊堡。」有咩虬、唐古虬、移刺虬、

陳 亮

范成大

鄭

樵

尤

袤

徐

俯

葛勝仲

熊

曾

幾

徐夢莘

劉克莊

張即之

乣、

霞馬

么。

《地理志》載詳穩

九處,日

[ 咩 乣、

木典乣、骨典

幼、唐古幼、邪刺幼、●移典幼、

隱

逸

劉

愚

哀 宗 紀

金史•哀宗紀》: 「正大四年二月,

乣

魏掞之

安世

通

劉勉之

胡

憲

郭

雍

徐庭筠

蘇雲卿

譙

定

王忠民

即「蘇」之譌。

唯《百官志》無失魯、

有移典耳。

同。

邪剌

即移

刺、蘇木典即

慈謨典。

「慈」恐

蘇木典乣、胡都乣、霞馬乣,與《百官志》略

蒲 阿 牙吾塔復平陽,執知府李七斤。」李七

0 「刺」下。《金史》卷二十四《地理志》有「都」字。

志》,有十二行乣軍、各宫分乣軍、遥

輦 乣 字書

無「乣」字,始見于《遼史・百

官

五三〇

斤即《元史・忠義傳》之李守忠也。

昌。 將兵自汝州入援」。 璠上言,鞏昌帥完顔 烈、恒山公武仙、鞏昌總帥完顏忽斜 奉命往召。 二月又書「鞏昌元帥完顏忽斜虎 天興元 鞏昌總帥 則七月入 不報」。 年七月,書「參知 援者 以下九字皆衍。 八月又書「前儀封 仲德沈毅有遠謀, 仲德即 祗完顔思烈、 忽斜 政 事 虎 至自 完 武 也 虎 仙 臣 **\$** 率 顔 金 魏 諸 + 請 思

#### 耿炳文

戦敗。 文衣 帝之明年,刑部尚書鄭賜、都御史陳 王 兵起,命炳 服 明 器 帝遺李景隆往代,炳文歸。 史・耿炳  $\blacksquare$ 有 文爲 龍 鳳 大 文傳》: 飾、玉 、將軍 一帶用 次真定, 建文元年,燕 紅 情 瑛 燕 與 燕 劾 妄 王 炳 稱 軍

> 洪武二 便借愚 《長興縣志》謂「洪 道。 記竹垞説,俟異日攷論之。 史,所關非 改 帥 此本諸《永樂實録》, 樂二年,以嫌 馬寒中帖》,其一云: 真定,陣亡」,不知 一年十月,籍 削, 師討燕,此大可疑事。 炳文懼,自殺。」《功臣表》亦云: 文獻 十七年。 一讀。 小 無徵,不可不 長 自 耳。」《三吾集》予訪之末得 記有爲 興 殺,除。」《 今正史、野録 何據。 武 侯耿炳文家,炳文自 末鎮守遼東,以 自必 耿炳文墓碑,乃卒 「《劉三吾集》,乞覓 - 爲辨 成 予嘗見朱竹垞《與 可信。 蓋《實録》爲 祖 明、恐 紀》: 俱載 丽 貽 建 兵 顧 殺。 誤 西 文 應 永 小永 援 祥 姑 楊 國

#### 江 西 人

明史·李孜省傳》云:「假扶鸞術

景等, 進。」《 優 并 禍 用 禍 故 所司 籍者勿選京職,著爲令。』且言: 部 敷、禮部郎 言 案 江 多 俗多玩法, 劣,何可 宋、吴澂仕元、宜榜其 連 尚 江 《邪?』 勘奏, 西人。」楊廷 玩 書李裕、 西 多被 焦芳傳 方,至 法, 赤心報國, 乃 芳即 概 如彭 中 物 裁 黄 禮部 朝 論 止。 議。 ℽ 華、尹 廷 景、 解 署 和 議論 額矣。 夫一省之人多矣, 侍郎 宜裁 其 南京兵 忽以 解 江 于是致 直、 尾 之 西 減 謝 爲 妄誕 日: 日 罪,俾它日 宋、元 萬安人蕭 徐瓊、 解 部侍 赤 仕副 夔,皆因 額 如 心 江 『以一盜故 郎尹 此 報 人 Ŧi. 李 都 物, 『王安 贵 國 十名,通 孜 西 L 毋得 明 御 省、黄 土俗, 直 之 不 賢 忽 亦 史 貽 欲 濫 以 愚 石 以 I 劉

#### 東林

古、 麗, 魁、 矣。 林 給 前 以 憲成 各收召朋徒,干 謂之東林 勢相倚, 官群擊李三才、王元 賓尹 名目, 事 給事 周 喬 案科 《明史 中劉 即 顧 永 應 宣城 于四 憲 大臣 甲、 春 傾 道 中 黨。 成 時 「輩,則 • 攻李三才者, 陷諸賢,距 王 建 俊,御史劉 劉 + 人,天埃 孫 多畏避之。」此段在三十九年京察以 紹 東林書 國縉、 年 而祭酒湯 預 丕揚傳》: 徽、 力排 卒。 時 朱一桂、 翰,連 政, 鄭 崑 東 院, 憲 至 國縉、 繼芳、 林,與 Ш 賓 成 御史徐 魏 謂之宣黨、 在 人 (尹、諭 及 「先是,南 之卒,已十 忠 萬 也。 姚宗文、 劉光 喬 賓 里 賢 歷三十二年。 應 兆 一、天 居 用 御 德 甲, 魁 復、 事, 顧 史 崑 顧 憲 徐 房 徐 黨 天埃 北 借 埈 餘 南 成 京 紹 兆 東

中 也。 史李徵儀、 桂 出 芳,而劉文炳、王紹徽、劉國縉等繼之。 給事中吳亮嗣 三才,則御史劉 遂去官,當在卅七八年閒。 外, 、李瑾,南京 王 在三才前,以《 辛亥京察,國縉挂 紹 而臺諫 徽、 劉 徐 與 廷元等繼之。 紹吉、周永春、姚宗文、 御 也。 東林遂成不 光復,而給 史張邦俊、 葉 攻王元翰者,御 向 察典,應甲亦以 高 傳》 事中劉文炳、 解之讐。 奉詔 王 四十二 證 萬 之, 祚,而 往 一年,再 勘 史鄭 可 者 朱 無 年  $\equiv$ 才 例 其 繼 攻 疑 則 御

四十年五月卒,年六十三。顧憲成以萬歷三十二年立東林書院。

#### 齊楚浙三黨

勤 方從哲 明 史 獨 . 夏 柄 國 嘉 遇 傳》: 碌 碌 充位,中 帝神宗 外 章 奏 久倦 悉

> 之名。 焕。 年, 哲門 李徵 牟志 事 浚。 旨。 留 僚 浙三黨鼎立、務搏擊清 東林排異己爲事。」《方從哲傳 言、●商周祚, 爲之主。 進 中 中。 吏部尚書趙焕 退惟 生, 儀、 夔、唐世 是時言路持權,齊、楚、浙三黨尤横,大 姚宗文、 楚則給事中官應震、吳亮 臺 齊則給事 諫 唯 董 勢尤 其黨給事中趙興 之 言路 其喜怒。 元 勢 張。」《鄭 御史駱駸曾、過庭 御史劉 儒、李嵩輩 濟、金汝諧、彭宗孟 積 攻, 中亓詩教、周永春, 重,有齊、楚、浙三 罷。 繼之故楚 廷元。 則 繼之 明年 流 其 與 邦、 人自去, 傳 相 二月,召繼之代 齊人亓詩教,從 而 産, 倡 張 嗣。 湯 訓 和 延 習楚人 賓 房壯 田 登 御 方 不 四 齊、楚、 務以 尹 浙 生 徐紹 + 待 畫 則 史 鼎 金 麗、 攻 給 韓 詔 陰 峙

●「言」、《明史》卷二百三十六《夏嘉遇傳》作「吉」。

損。」 至, 推 縉雲李鋕以刑部尚書署都察院,亦浙 以焕爲鄉人,老而易制,力引焕代繼之。 勢成,清流斥逐已盡。 僚 成 韓浚佐之。所去留悉出紹吉等意,繼之受 事,考功郎 論,且年八十餘,耄而憒,遂 四十六年,吏部尚書鄭繼之去國。 而已。 則 轂。 中以拾遺,善類 聽詩教指 四 十五年 中趙士諤、 時與 揮,不敢異同, (黨人異趣者, 貶斥殆盡, 大 大計 給事中徐紹吉、 京官,繼之與 爲空。」《趙 齊黨亓詩教勢尤張 聽黨人意指。 由是素望益 焕 時黨人 鋕 傳》 黨所 御 司 比 史 其

十駕齊養新餘録卷中終

# 十駕齋養新餘録卷下

嘉定錢大昕

此,其

度量殆不可及。

直

稱

陳

昂

名,

宜

觸

帝怒。

而文宗之言

如

陳

伯

玉。」《因

話

録》。

文宗御

名昂,

裴

於

御

前

### 王 大 度

帝

部章 字。 矣。 能因澳之言,自悟其錯,賢於梁武之護前 大須博覽,不然幾錯罪惲。」宣宗雖中主,乃 失邦之言,乃見歸美之義。]上曰: 澳奏云: 帝怒曰: 唐 宣 宗時, 裴惲 「太康失邦,乃以 「晉武平吴改號太康,雖 進 詩賀 聖政,有「太 比我 天子 康 多 有

裴舍人素數 不覺。 唐文宗對 上 道 顧 柳 陳 翰林諸學士 拾 日 遺 名。 「它字伯 柳 因 舍 論 玉 人 前代文章, 璟目之, 亦應 呼

#### 白樂天文集

年録文集三本,置其一於南禪院千佛堂。白樂天以寶歷元年到蘇州刺史任。晚

## 歐公誤用不識撐犂

之事。 不知 啟》: 秋》,云: 撐犂,天子也。  $\wedge$ 載 緗 「陸機閱史, 有 何 素雜記》: 胡 書。 子子 奴 讀《匈奴傳》, 王 執 囪 勉 燭, 尚靡識於撐犂。」 奴 夫云: 歐 號 顧 陽永叔《代王 撐 而 犂, 問 不 此 之。 猶 識 見《 撐 漢 人 犂 元 陸 奴 狀 稱天 晏 機 日 孤 元 淦 春 謝 事

五三五

五三六

也。 子也。」其事 然則「不識撐犂」者乃皇甫謐,非 亦著《藝文類聚》、《類要》 陸 .機 諸

# 東坡在元祐時已有詆誣之者

後來施行,蓋權輿於此。 之徒已摘取其 聖、元符,然元祐中,黄 《揮麈餘話》: 所 行 制詞 東坡先生雖竄斥於紹 慶基、趙君錫、 中 語, 以爲 詆 、賈易 誣。

#### 吕升 卿 通 判 海 州

東坡《外制》 有《吕升卿通判海州》詞

蓋 在元祐元年。

#### 曾文 肅帥 青社

揮麈後録》: 「曾文肅自高陽帥易青

### 社。」

章惇 事邵康節胡安國稱秦檜

比之荀。 胡安國初問 章惇嘗事邵康節。 故安國力稱檜賢。 人材於游酢,酢以秦檜爲言,且 見《宋史・邵 見《宋史・安國傳》。 伯 温傳》。

#### 程 伯 淳 語

伯淳 甫 秩。 日 能改齊漫 後差改節,吕對 「願 侍郎 ↓録》: 寧 可受人欺,不可使好 程伯淳有悔薦之意。 吕 正獻公嘗薦常夷

### 朱文公語

力爲漢、唐分疏,即更脱灑磊落。」 朱文公與陳同父書云:「欲賢者百尺

### 何道夫語

富,但願衣食麤足而可以及人。」必高,但願衣冠不絶而常爲士類; 家不必必惡,但願衣冠不絶而常爲士類; 家不必《梁谿漫録》: 何道夫畊。云:「官不

### 陸象山疑有子

陸象山云:「初讀《論語》,即疑有子

駕齋養新餘録卷下

### 吕東萊讀史多

卻不仔細,緣它先讀史多,所以看麤著眼。」 朱子《語録》云:「東萊聰明,看文理

#### 晏元獻夫人

亦 王氏舊物也。 滕子濟。俱爲執政。 清、朱聖予。大昕案: 勳臣超之女,樞密使德用之妹也。 藏滕氏。 富鄭公也。鄭公壻馮文簡。 盛事也。」 《揮麈録》: 朱之孫女適洪景嚴,近又登二府, 諸女相授、號『傳壻硯』。 「晏元獻夫人王氏,國 元獻有古硯一,奇甚, 朱諤字聖予。 文簡孫壻蔡彦 聖予女適 元獻壻, 初

五三七

#### 韓奉常妻

與孫俱被飾擢,壽踰八秩,婦人中罕有。 太夫人文氏,潞公之孫,魯簡肅之外曾孫, 己家婦,吕惠穆之外孫,魯簡肅之外曾孫, 是文靖之曾外孫。身見其子肖胄爲樞密、 是文靖之曾外孫。身見其子肖胄爲樞密、 與孫俱被飾擢,壽踰八秩,婦人中罕有。

#### 藏書之戹

江 或 者。」孫長 元 去,市人裂之以籍物。 朝之藏書者莫先焉三百年閒,再燬于火。 叔合江南吴、越之藏凡數萬卷,爲 魏 華父言: 孺 自唐僖宗時 藏書之盛 爲榜「書樓」二字, 其人于安陸 鮮 有 久 而 張氏 藏 弗戹 後

> 康、李 者, 初堂藏書目録序》: 埃。晁文元累世所藏,自 火厄,至政和甲午之灾尺素不存。《跋尤氏 文莊二家之書,不減 書名,未久而失之。宋宣獻兼有畢文簡、 傳之未 文正、廬 幾, Щ 尤氏書,實慶初亦厄于火。 篋 劉 壯 之富, 中祕,而 輿、南陽井 中原 僅 元 供 無 符 事 中 氏 炊。 、皆以 時 蕩 爲 E 有 楊 煙 文

#### 南監板經史

書以 會計 路 方多以書板送入。 諸梓,多自舊國子 補、然板 儒學史書梓數, 諸書 取 南雍志》云: 利,故旋 亡數,已逾二萬篇。 既叢 補 亂 旋亡。 學 正 洪武、永樂時,兩經欽 每爲刷 而來也明矣。 與今同。 金陵新 成化 印 志》所載 匠 時 初, 則 竊 巡視京 本 祭酒 去, 自 監 刻 後 集 所 E 侮 它 依 慶 藏 四

#### 南雍經史板

葉焉。 猷 議 錦 南京、 壁陞遷去任,祭酒林文俊、 其廣東布政司原刻《宋史》,差人 乃克進呈。 補 記》、前、後《漢書》殘缺 善本翻刻,以成全史。 送充修補之費。 遼》、《金》二史,亦行刊刻。 隨 以 衣 體 亦 校 祭酒 衞 裕,行文使逐一攷對修 即 河南 補。 閒住千户沈麟奏准校勘 宏治初,始作 脱 張 落,莫若重 道 《遼》、《金》二史原無 邦 御 奇、司業江 史上 ^ 文獻 海 庫 刊。 於是邦奇等奏稱《 董編, 樓貯之。 模糊, 通 致》 汝璧博學有文,才 司業張星繼之, 又 補, 補 乃 于吴 己 原 完者幾 以 而邦奇、 板者 以 板 取付該監 史書,禮部 嘉靖七年, 贓 備 脆 下 犯 傳布。 薄, 購 購 贖 汝 得 史 求 千 剜 金

廣都御史朱英刻于廣州。《宋史》四百九十一卷,成化中,巡撫兩

《孝經注疏》一 史耳。 者, 也。 殘闕。 送監,是南監《儀禮注 靖五年,巡撫 禮》、《禮 板壞失,止殘板五面。 在張邦奇之前,邦奇等所刊補者唯二十 春 穀 尚 獨 梁 秋 書 《志》又云:  $\sim$ 缺《 Œ 注 南 疏》十二卷、《 ^ 記》、 爾 義》三十六卷、《公羊 雍 疏》二十卷、《毛 儀 雅 志 禮 都 孟 注 **\*** 卷、《論 ×, 御史陳鳳 疏》 子注 以 ^ 新刻《儀  $\sim$ (儀禮 周 十三經注 + 楊 疏》雖刻于嘉靖初, 卷, 則 語注 易 疏 復 梧刻 》,南監 注 詩 注 禮 圖 一疏》十 疏 注 疏 注 見子 于 説 **\* 新** 疏》三十卷、 疏 一疏》十 疏》 山 補 初 + 類。 + 東,以 五卷,皆 刻 未 之。 一十卷、 卷。 = E 于 有 ^ 閩 周 板 嘉 板

五三九

祭酒余有丁、司業周子義所校也。十四年者,則有《史記》、《梁書》、《五代史》,《遼》、《金》二史五部。其後續刻於萬歷二嘉靖七年所刻唯《史記》、兩《漢書》、

### 翻刻古書易錯

爲非。」 《湧幢小品》。 「翻刻古書甚害事,刻《湧幢小品》。 「翻刻古書甚害事,刻

#### 群書治要

左氏傳》,七《禮記》,八《周禮》、《周書》、《國《周易》,二《尚書》,三《毛詩》,四至六《春秋題「祕書監鉅鹿男臣魏徵等奉敕撰」。一日本人刻《群書治要》五十卷,每卷首

語》,四十九《傅子》,五十《袁子正書》、《抱

《漢書》,二十一至二十四《後漢書》,二十五 《潛夫論》,四十五《崔寔正論》、《昌言》, 子》、《莊子》、《尉繚子》,三十八《孫卿子》, 子》、《申子》,三十七《孟子》、《慎子》、《尹文 子》、《曾子》,三十六《吴子》、《商君子》、《尸 子》、《鶡冠子》、《列子》、《墨子》,三十五《文 子》,三十三《晏子》、《司馬法》,三十四《老 氏家語》,十一至十二《史記》,十三至二十 序》,四十三《説苑》,四十四《桓子新 至二十八《三國志》,二十九至三十《晉書》, 語》、《韓詩外傳》,九《孝經》、《論語》,十《孔 政論》、《蔣子政要論》,四十八《體 十六《申鑒》、《中論》、《典論》,四十七《 四十一《淮南子》,四十二《鹽 三十九《吕氏春秋》,四十《韓子》、《賈子》, 三十一《六韜陰謀》、《鬻子》,三十二《管 鐵論》、《新 論》、《 劉 論 典 四

序。 朴子》。 何年也。 題 云天 前 有 明 尾 Ħ. 張 年乙巳春二月」,未 國 校、 督學 臣 細 井 知 德 當 民

#### 石刻詛楚文

中國

亞駝》文,在郡廨清風堂廊廡閒。 新定續志》云: 「嚴 州有石刻《 組楚

### 李伯時畫古器圖

史處。 也。 器 桷,今爲王順伯厚之所得。 乃歸秦伯陽熺。 爲一圖,極其精妙。 揮麈餘話》: 少董嘗從先人求識于後。 其 後 李伯時自畫其所蓄 流轉於其壻林子長 舊在 上蔡 真一時之奇物 畢 少董 少 董良 死, 古

#### 元 會 運 世

《皇極經世》中説,今不可 閉物到那裏,則不復有人物矣。」 運世,皆自十二而三十,自三十而十二。 十二萬九千六百年爲一元,歲月日時元會 人物也。 得是如此。 於丑,人生於寅,是 堯時會已在巳午之閒,今則及未至酉,上説 《朱子語類》: 有三元、十二會、三十運、十二世。 他説寅上生物,是到寅上 「問: 如何? 知。 天開於子, 日 他 只以 此是 一方有 數 邵 地闢 至 推 子

者,即歲月日辰而知之也。 釐絲豪之數,小而不可察, 書》云: 歲有十二月,一月有三十日,一 《道學名臣言行録》,蔡元定論《 元會運世之數,大而不可見, 一世有三十歲, 所可得而數 日有十二 經世

五四

得三 得 月之行,氣 九月弱,三百六十年當有十三萬一千四百九十日。 百絲,大昕案: 推 辰 伸,交關淺深之數,莫不由此。 地之自然,非假智營力索。 有十二萬九千六百豪,辰有十二萬九千六 萬九千六百分,月有十二萬九千六百釐,日 六百日,世有十二萬九千六百辰,歲有十二 會有十二萬九千六百月,運有十二萬九千 萬九千六百。 故 分釐絲豪之數。 而上之,得元會運世之數, 百六十, 日 與 辰 朔之盈 之數十二。 故元有十二萬九千六百歲, 以三百六十乘六十,爲十二 萬八百年當有十三萬三千五百七十 虚,五星之伏見,朓 三十與十二反覆 自歲 而天地之運 月日 推 而 辰之數 下之, 相 皆天 朒 屈

#### 避 諱 改 姓

姓名。 本姓殷,名崇義,初仕南 唐,詩人彦謙之孫,避石晉諱改陶 憲宗名淳,改淳于氏爲于氏。 賀 金履祥先世姓劉,避吴越諱爲金氏。 氏本姓慶,避漢安帝父名改賀氏。 唐,人宋 陶穀 避諱,改今 氏。 本姓 湯悦

唐

#### 姓 隨 音

謂 隨 耿爲簡,故隨音變。 音變,遂爲何氏。 韓 滅子孫分散,江 簡 雍 淮閒 本 音 姓耿,幽 낈 韓 爲 州 何,字 人語

### 京房吹律定姓

京房本姓李,吹律自定爲京氏。

#### 陸 羽 從僧姓

陸 羽無姓氏,初生棄隄上,僧姓陸者收

育之,因從僧姓

#### 司 馬 康

《東都事略》、《宋史》本傳俱不言温公無子。 之子康字公休爲後」,與《行狀》不同, 而邵伯温《聞見前録》稱「温公無子,以 人,童、唐皆蚤亡,康今爲祕書省校書郎。」 蘇子瞻爲《司馬温公行狀》云: 子三 是可 族人

#### 番 陽 洪 氏

大。 是生魏國忠宣公。 徙番陽,至給事中彦昇以 給事之弟彦先,右通直郎太師鄭國公, 洪氏五季時由歙徙饒之樂平,又七世 進 士起家 ,洪氏益

甚有政聲。 陰縣、桂陽軍簽判、通判郢州、差知武 文惠之仲子秘,字必之,以廕累官知山 改知南 劒州不赴, 自 請奉祠,以 岡 軍,

公之世遂 桓皆承務郎」, 也。 伯温 絶」。 又言「公休子植 則不獨一植 據《行狀》: 也。 蚤 「孫二人,植、 死, 無 後,温

疑

遺信州。 待制史。 公曾孫。 南渡 見《渭南集》。 伋字季思,官至吏部侍郎、 後 不爲立傳。 以 温 公無後,以其 伋子遵官通直郎 族 人仮 龍 爲 圖

發

閣

温

嘉 主管 皆將仕郎,芮。 朝散大夫、前知容州, 官奉直大夫,爵番陽縣男。 定 府; 武 夷 Щ 儋、蚤世。 沖 魏了翁爲墓志。 祐 觀, 里居。 孫四 偲,承議郎、權發遺 子三人: 年七十 藺、荀、 卒。 萬

#### 郭叔誼

#### 脩 容

容焉。」古人謂儀爲容, 脩容,猶言習儀《檀弓》:「曾子與子貢人於其廐而脩

書·大聚解》: 也。 容、婦功。 習,其義一也。 大略篇》: 玉聲,乃出。」《大戴禮》: □。● 古者女子將嫁,教 玉 ~藻》: 容者,儀也。 「君子聽律習容而 注以爲「 「立郷社以修容。」《荀子・ 將 適公所, 「火滅修容。」《周 以婦德、婦言、婦 更莊飾」,似未 既 服, 後士。」修 習 容 盡 與

#### 捉筆

隱《晉書》及《魏志•王脩傳》注。 王裒云:「吾不捉筆已四十年。」見王

● 「□」,商務本作「然」。

斫水幾時斷。」《東坡集》亦有「繫風捕影」章應物詩,「持索捕風幾時得,將刀

鷄

鴨諫議拒之。」

聞

·女直統兵有號龍虎大王者,或入犯,當以

書

舍人胡寅讀疏笑曰:

諫職乃及此乎!

誦

上德,以爲「齊宣王不忍一牛」之比。

中

晴,而併及雞鴨。

右諫議大夫趙霈奏疏稱

語。

花木瓜

周必大《游山録》: 汪彦章與王甫即黼

木瓜。及彦章罷符寶郎,甫正當國,以宣倅字。太學同舍。甫貌美中空,彦章戲之爲花

處之。宣州産花木瓜故也。

雞鴨諫議

《繫年要録》: 紹興五年,詔禁屠以禱

+

駕齋養新餘録卷下

章 硬 頸

郡圖經續記》。

章站

守蘇州,人目為「章硬頸」。

笑面夜叉

蔡卞,時人目爲「笑面夜叉」。 見《能改

齋漫録》。

五四五

見《吴

五四六

#### 金毛鼠

而中實貪猥也。亦見《能改齋漫録》。馮當世,人目爲「金毛鼠」,以其外文采

#### 滿朝歡

章鑑號「滿朝歡」。見《宋史》。

#### 仁孝

賽

劉整號「賽仁孝」。見《元史》。

甫脱藁,即爲阮中丞芸臺先生攜去,醵金傳寫刊行。《養新録》二十卷成書最後。先君子畢生著述,咸賴友朋門弟子

《養新 謹識 焉。 謀剞 條。 開 之士喜讀我先人書者,無或 清本,分爲三卷,以授梓人。俾四方 録》未刊,終爲全書缺事。 寧年譜》、《三史諸史拾遺》等遺藁,將代 典文字攷異》、《唐五代學士年表》、《王深 集告成。 今夏,偕妹倩瞿君鏡濤校修先君子詩文 雕。 不肖兄弟謹謹藏弆篋中,未忍輕啟。 嘉慶丙寅冬十月既望。 劂。 餘録》。 以後續 適嘉興李許齋太守書來,索《經 因啟舊笥檢尋,念及《養新 逮甲子冬捐 有 所 得, 别 爰取手藁 記一 館 有遺 男東塾 ,共得若干 編, 珠之憾 名曰 百拜 好 繕 録 餘

# 十駕齊養新餘録卷下終

